



2. 4. 67





HUGONIS
DONELLI
OPERA OMNIA.

HUGONIS
DONELLI

IURISCONSULTI

ET

ANTECESSORIS
OPERA OMNIA.

Tomus Nonus.

ET

COMMENTARIORUM

IN CODICEM

IUSTINIANI

Volumen Tertium.

Accedunt Castigationes Theologicae.



LUCÆ MDCCLXVI.

Typis JOANNIS RICCOMINI.
CENSORUM PERMISSU.



E L E N C H U S

LEGUM OMNIUM CODICIS IUSTINIANI

IN HOC VOLUMINE EXPLICATARUM

Secundum Librorum, & Titulorum seriem dispositus.

L. VI. Tit. 23. De testam. & quemad. testam. ord.

1.

L. 1. <i>Testes ferri.</i>	2.
2. <i>Publicati.</i>	11.
3. <i>Ex imperfecto.</i>	15.
4. <i>Si in nomine.</i>	17.
5. <i>Neque professio.</i>	19.
6. <i>Perdu.</i>	21.
7. <i>Ecce.</i>	ibid.
8. <i>Cuius maioris.</i>	25.
9. <i>Si non.</i>	ibid.
10. <i>Si testamentum.</i>	ibid.
11. <i>Non idcirco.</i>	27.
12. <i>Si unus.</i>	29.
13. <i>Testandi.</i>	33.
14. <i>Non codicillum.</i>	37.
15. <i>Quoniam.</i>	39.
16. <i>Non dubium.</i>	41.
17. <i>Testamentum.</i>	45.
18. <i>Testamentum.</i>	47.
19. <i>Omnium.</i>	49.
20. <i>Nolumus.</i>	55.
21. <i>Hoc consuetudine.</i>	57.
2. <i>Ex imperfecto.</i>	69.
Auth. <i>Quod hoc.</i>	73.
Auth. <i>Hoc inter.</i>	75.
3. <i>Per nuncupationem.</i>	77.
4. <i>Si quis autem.</i>	81.
Perf. ult. <i>Illud etiam.</i>	87.
22. <i>Distinctiones.</i>	ibid.
23. <i>Conjunctio.</i>	89.
24. <i>Ambiguitates.</i>	91.
25. <i>Præpositi.</i>	93.
26. <i>In testamentis.</i>	97.
27. <i>Sancimus.</i>	99.
28. <i>Cum antiquitas.</i>	101.
29. <i>Invenimus, cum Auth. seq.</i>	103.
Pen. <i>Nepham.</i>	107.
Ult. <i>Et ab.</i>	109.

Tit. 24. De hered. instit.

9. <i>Extraneum.</i>	ibid.
10. <i>Neque.</i>	139.
11. <i>Extraneum.</i>	141.
12. <i>Hereditas.</i>	ibid.
Pen. <i>Quoties.</i>	143.
Ult. <i>Cum in libris.</i>	149.

Tit. 25. De institut. & substitut.

L. 1. <i>Cum avum.</i>	157.
2. <i>Conditionum.</i>	165.
3. <i>Si mater.</i>	169.
4. <i>Si pater.</i>	173.
5. <i>Reprehendenda.</i>	181.
6. <i>Generaliter.</i>	183.
7. <i>Cum autem.</i>	185.
8. <i>Si quis.</i>	189.
Pen. <i>Si testum.</i>	193.
Ult. <i>Cum quidam.</i>	197.

Tit. 26. De impub. & aliis subst.

L. 1. <i>Cum heredes.</i>	211.
2. <i>Hereditatem.</i>	213.
3. <i>Heres.</i>	219.
4. <i>Quamvis.</i>	ibid.
5. <i>Post editam.</i>	221.
6. <i>Testamento.</i>	231.
7. <i>Si testamento.</i>	235.
8. <i>Precibus.</i>	247.
9. <i>Humanitatis.</i>	261.
Pen. <i>Cum quidam.</i>	271.
Ult. <i>Si quis.</i>	275.

Tit. 27. De necess. servis hered. institutis.

279.

Tit. 28. De liberis præteritis, vel exheredatis.

287.

L. 1. <i>Qui deportantur.</i>	115.
2. <i>Pater tuus.</i>	123.
3. <i>Cum proponas.</i>	125.
4. <i>Si compen(s)andi.</i>	131.
7. <i>Nec apud.</i>	133.
8. <i>Collegium.</i>	135.
Tom. IX.	

L. 1. <i>Cum post.</i>	291.
2. <i>Si avus.</i>	295.
3. <i>Si quis.</i>	297.
4. <i>Maximum.</i>	299.
Auth. <i>Non licet.</i>	303.
Auth. <i>Ex causa.</i>	ibid.

Tit. 29.

Tit. 29. De postum. hered. instit.			12. <i>Cum responsa.</i>	ibid.
vel exher.		311.	13. <i>Proprius.</i>	313.
L. 1. 2. & 3.		ibid.	14. <i>Mauventa.</i>	315.
Uti. <i>Quidam.</i>		319.	15. <i>Si uniuersa.</i>	ibid.
Tit. 30. De iure deliberandi.		331.	16. <i>Creditor.</i>	317.
L. 1. & 2.		339.	17. <i>Datum.</i>	319.
1. <i>Si fratris.</i>		343.	18. <i>Ex legato.</i>	ibid.
4. <i>Filius.</i>		345.	19. <i>Non tantum.</i>	321.
5. <i>Petit.</i>		349.	20. <i>Uxor.</i>	323.
6. <i>Si uia.</i>		353.	21. <i>In legato.</i>	327.
7. <i>Quoniam.</i>		355.	22. <i>In amulibus.</i>	ibid.
8. <i>Locus.</i>		357.	23. <i>Cum quaestis.</i>	329.
10. <i>Si se dunt.</i>		359.	24. <i>Si etiam.</i>	331.
11. <i>Reuolente.</i>		361.	25. <i>Cum quidam.</i>	337.
15. <i>Non est dubium.</i>		363.	26. <i>Si legatorius.</i>	341.
16. <i>Nec emere.</i>		365.	Uti. <i>Illud, quod.</i>	343.
17. <i>Cretionum.</i>		367.	Tit. 39. Si omnia sic causa testum.	347.
18. <i>Si infanti.</i>		371.	L. 1. <i>Si in fraudem.</i>	ibid.
19. <i>Cum in antiquioribus.</i>		377.	2. <i>Eum.</i>	ibid.
20. <i>Quidam elegio.</i>		381.	3. <i>Si Praenepina.</i>	ibid.
21. <i>Cum aliquis.</i>		389.	Tit. 40. De indicis ueritate.	357.
Uti. <i>Scimus.</i>		391.	L. 1. <i>Legatum.</i>	ibid.
Tit. 31. De repudianda vel abstinentia hereditate.		407.	2. <i>Ambiguitates.</i>	ibid.
L. 1. <i>Si paterna.</i>		ibid.	Aut. <i>Cui relictum.</i>	ibid.
2. <i>Si paterna.</i>		ibid.	3. <i>Legem Iuliam.</i>	359.
3. <i>Sunt heredes.</i>		ibid.	Tit. 41. De his, quae pœnae nom. &c.	365.
4. <i>Sunt maior.</i>		ibid.	L. 1. <i>Supervacuum.</i>	ibid.
5. <i>Pupillarum.</i>		409.	Tit. 42. De fideicommissis.	371.
6. <i>Si quis.</i>		ibid.	L. 1. <i>Si probaueris.</i>	377.
Tit. 32. Quomodo testam. aper.		413.	2. <i>Et.</i>	ibid.
L. 1. <i>Ut testamentum.</i>		ibid.	3. <i>Cum secundum.</i>	385.
2. <i>Testamentum.</i>		ibid.	4. <i>Voluntas.</i>	387.
3. <i>Eius quid.</i>		ibid.	5. <i>Si frater.</i>	389.
4. <i>Codicillis.</i>		415.	6. <i>Prædium.</i>	391.
Tit. 33. De edicto D. Hadriani tollendo.		435.	7. <i>Voluntatis.</i>	393.
L. 1. <i>Cum inter.</i>		ibid.	8. <i>Qui fideicommissum.</i>	395.
2. <i>Quauis.</i>		ibid.	9. <i>Ab eo.</i>	397.
3. <i>Ex parte.</i>		441.	10. <i>Verbum.</i>	401.
Tit. 36. De codicillis.		455.	11. <i>Quoties.</i>	ibid.
L. 1. <i>Rapto.</i>		457.	12. <i>Post mortem.</i>	405.
2. <i>Hereditatem.</i>		463.	13. <i>Quoties.</i>	409.
3. <i>Cum propositis.</i>		467.	14. <i>Eum, quum.</i>	411.
4. <i>Non idcirco.</i>		471.	15. <i>Quauis.</i>	415.
5. <i>Ne codicillos.</i>		ibid.	16. <i>Cum uirum.</i>	419.
6. <i>Sive.</i>		473.	17. <i>Si creditoris.</i>	421.
7. <i>Si idem.</i>		475.	18. <i>Cum iustitiam.</i>	425.
Uti. <i>Si quis agere.</i>		477.	19. <i>Clari.</i>	427.
8. <i>In omni uis.</i>		485.	20. <i>Etiam.</i>	431.
Tit. 37. De legatis.		489.	21. <i>Si in personam.</i>	435.
L. 1. <i>Quauis.</i>		495.	22. <i>Et in epistola.</i>	439.
2. <i>Quauis.</i>		499.	23. <i>Si ueritas.</i>	443.
3. <i>Qui post.</i>		501.	24. <i>Instrumenta.</i>	447.
10. <i>Cum alienam.</i>		503.	25. <i>Hereditatem.</i>	451.
11. <i>Filio.</i>		509.	26. <i>Ex repudiatione.</i>	455.
			27. <i>Fideicommissum.</i>	459.
			28. <i>Ex fideicommissum.</i>	463.
			29. <i>Ex testamento.</i>	467.
			30. <i>Cum iustitiam.</i>	471.
			31. <i>Quidam.</i>	475.
			Uti. <i>Quæstionem.</i>	479.
			Aut. <i>Ita amplius.</i>	483.

**Tit. 43. Communis de legatis
& fideicommissis.**

L. 1. <i>Cum hi.</i>	ibid.
2. <i>Omne verbum.</i>	679.
3. <i>Si dubus.</i>	681.
5. <i>Sed et si.</i>	685.
6. <i>Sed quia.</i>	687.
8. <i>Sin autem.</i>	689.
9. <i>ult. Emptor.</i>	691.
<i>Aut. Ret. que.</i>	ibid.

Tit. 48. Ad SC. Trebellian. 693.

L. 1. <i>Si ex.</i>	701.
2. <i>Ad tum.</i>	703.
3. <i>Si per.</i>	707.
4. <i>Non iustam.</i>	709.
5. <i>Et sine.</i>	713.
6. <i>In iustam.</i>	717.
7. <i>In iustam.</i>	721.
8. <i>Sin autem.</i>	723.
9. <i>ult.</i>	725.
<i>Aut. Nisi rogati.</i>	727.
<i>Aut. Contra.</i>	731.
<i>Pen. Sancimus.</i>	737.

L. VII. Tit. 47. De sententiis quæ pro eo &c.

809.

L. <i>Unic. Cum pro eo.</i>	ibid.
-----------------------------	-------

L. VIII. Tit. 1. De interdictis.

871.

L. 1. <i>Cum proponas.</i>	877.
2. <i>Præf.</i>	879.
3. <i>Incerti.</i>	883.
<i>Ult. Si quis.</i>	895.

Tit. 2. Quorum bonorum. 897.

L. 1. <i>Hereditatem.</i>	ibid.
2. <i>Si ex adlto.</i>	ibid.
3. <i>Constat.</i>	ibid.

Tit. 3. Quod legatorum. 907.

L. 1. <i>Heredi.</i>	ibid.
----------------------	-------

Tit. 4. Unde vi. 913.

L. 1. <i>Reffe.</i>	915.
2. <i>Vi pufes.</i>	919.
3. <i>Anticritatem.</i>	921.
4. <i>Si de poffeffione.</i>	923.
5. <i>Inuafor.</i>	927.
6. <i>Meminerint.</i>	931.
7. <i>Si quis in tantum.</i>	934.
8. <i>Momentaria.</i>	941.
9. <i>Si quando.</i>	947.
10. <i>Non abt re.</i>	951.
<i>Ult. Cum queribatur.</i>	951.

**Tit. 5. Si per vim, vel alio
modo, &c.**

L. 1. <i>Iudices.</i>	ibid.
<i>Ult. Nec imperiale.</i>	963.
<i>Tom. IX.</i>	

§. 1. <i>Cum autem.</i>	741.
<i>Ult. Quidam.</i>	745.

Tit. 49. Ad L. Falcid. 749.

L. 1. <i>Scire debes.</i>	751.
2. <i>Falcidia rationem.</i>	755.
3. <i>Etiamp.</i>	759.
4. <i>Et in legatis.</i>	761.
5. <i>Si mortis.</i>	ibid.
6. <i>In imponenda.</i>	763.
7. <i>In testamento.</i>	767.
<i>Aut. Sed cum.</i>	771.
<i>Aut. Similiter.</i>	775.
8. <i>Interim.</i>	777.
9. <i>Error.</i>	779.
10. <i>Quamquam.</i>	781.
11. <i>Si ut allegas.</i>	789.
12. <i>In donationibus.</i>	791.
13. <i>Si ea.</i>	793.
14. <i>Lites.</i>	795.
15. <i>Si pradiorum.</i>	797.
16. <i>Successores.</i>	799.
17. <i>A coheredibus.</i>	801.
<i>Pen. Si quis.</i>	803.
<i>Ult. Cum certum.</i>	807.

Tit. 6. Ut possidetis.

965.

L. <i>Unica.</i>	ibid.
------------------	-------

Tit. 7. De tabul. exhib. 987.

L. <i>Unica.</i>	ibid.
------------------	-------

Tit. 8. De liberis exhibend. 997.

L. 1. <i>Si.</i>	ibid.
2. <i>Adi.</i>	ibid.
3. <i>Si ad inflar.</i>	ibid.

**Tit. 9. De precario & Salviano
interd.** 1003.

L. 1. <i>Si re.</i>	ibid.
L. <i>Ult. Habitantis.</i>	1005.

**Tit. 14. De pignoribus & by-
potheca.** 1029.

L. 1. <i>Debitor.</i>	1031.
2. <i>Quamvis.</i>	ibid.
3. <i>Creditorum.</i>	1037.
4. <i>Cum re.</i>	1041.
5. <i>Præf.</i>	1045.
6. <i>In summa.</i>	1047.
7. <i>Ufucapio.</i>	1049.
8. <i>Quamvis.</i>	1051.
9. <i>Si dominum.</i>	1057.
10. <i>Debitorum.</i>	1059.
11. <i>Nominatari.</i>	1061.
12. <i>Si auct.</i>	1063.
13. <i>Cum</i>	

13. <i>Cum dominam.</i>	1043.
14. <i>Distrahit.</i>	1045.
<i>Auth. Hoc ita.</i>	ibid.
15. <i>Debitorum.</i>	ibid.
24. <i>Persecutione.</i>	1047.
<i>Auth. Hoc si debitor.</i>	1049.
16. <i>Est frater.</i>	ibid.
17. <i>Quamvis.</i>	1051.
18. <i>Pignoris.</i>	1053.
19. <i>Sicut.</i>	ibid.
20. <i>Creditor.</i>	1055.
21. <i>Res obligatas.</i>	1057.
22. <i>Secundas.</i>	1059.
23. <i>Minor.</i>	1061.
24. <i>Persecutione, & Auth. seq.</i>	ibid.
25. <i>Servus.</i>	1065.
<i>Pen. Si tibi.</i>	ibid.
<i>Ult. Super.</i>	1075.
<i>Auth. Quod obtinet.</i>	

Tit. 15. In quibus caus. pignus vel hypoth. tac. contrah. 1077.

Tit. 16. Si aliena res pign. data sit. ibid.

Tit. 17. Quæ res pignori obligari possit, &c. ibid.

L. 2. <i>Cum conflet.</i>	1077.
1. <i>Nomen.</i>	1079.
5. <i>Spem.</i>	1081.
6. <i>Qui filius.</i>	1083.
7. <i>Executores.</i>	1085.
8. <i>Pignoram.</i>	ibid.
<i>Auth. Agricultores.</i>	ibid.
<i>Ult. Si quis.</i>	1089.

Tit. 18. Qui potiores in pign. hab. 1093.

L. 1. <i>Qui pignus.</i>	ibid.
2. <i>Si decreto.</i>	1095.
3. <i>Cum republicam.</i>	1101.
4. <i>Si fundam.</i>	ibid.
5. <i>Prior quorum.</i>	1103.
6. <i>Si generaliter.</i>	ibid.
7. <i>Lucet.</i>	1105.
<i>Auth. Item possidet.</i>	1107.
8. <i>Diverfis.</i>	1109.
9. <i>Eas qui.</i>	ibid.
10. <i>Cum tibi.</i>	1111.
11. <i>Scripturas.</i>	ibid.
<i>Auth. Si quis vult.</i>	1115.
<i>Ult. Affidius.</i>	1117.
<i>Auth. Quo iure.</i>	1119.
<i>Auth. Si quid.</i>	ibid.

Tit. 19. De his, qui in prior. cred. loc. iur. 1127.

L. 1. <i>Non ammodo.</i>	ibid.
3. <i>Si potiores.</i>	ibid.
4. <i>Si prior.</i>	ibid.

Tit. 20. Si antiq. cred. pign. vend. 1129.

L. 1. <i>Si vendidisset.</i>	ibid.
2. <i>Obligata.</i>	ibid.
3. <i>Quo minus.</i>	ibid.

Tit. 21. Si commun. res pign. data sit. 1133.

L. 1. *Frater.* ibid.

Tit. 22. De prætor. pign. &c. ibid.

L. 1. <i>Si prætorium.</i>	ibid.
2. <i>Peters.</i>	1135.

Tit. 23. Si in caus. iud. pign. capt. sit. 1143.

L. 1. <i>Res.</i>	ibid.
2. <i>Cum.</i>	ibid.
3. <i>In Causa.</i>	ibid.

Tit. 24. Si pign. pignori dat. sit. 1147.

L. 1. <i>Etiā.</i>	ibid.
2. <i>Si creditor.</i>	ibid.

Tit. 25. De partu pign. & omni caus. 1149.

L. 1. <i>Partus.</i>	ibid.
2. <i>Cum pignoris.</i>	ibid.

Tit. 26. De remis. pignoris. 1151.

L. 1. <i>Si se.</i>	ibid.
2. <i>Si pretoribus.</i>	ibid.
5. <i>Debitum.</i>	ibid.
6. <i>Si in tempore.</i>	ibid.
7. <i>Creditricem.</i>	ibid.
8. <i>Si hypothecatas.</i>	1153.
<i>Ult. Solita.</i>	ibid.

Tit. 27. Etiam ob chirographar. &c. 1159.

L. <i>Unica.</i>	ibid.
------------------	-------

Tit. 28. De distractione pign. 1163.

L. 1. <i>Fundam.</i>	ibid.
2. <i>Creditor.</i>	ibid.
3. <i>Hypothecis.</i>	1165.
4. <i>Creditor.</i>	ibid.
5. <i>Si residuum.</i>	ibid.
6. <i>Quandiu.</i>	ibid.
7. <i>Si cessante.</i>	1167.
8. <i>Si priusquam.</i>	ibid.
9. <i>Quæ specialiter.</i>	ibid.
10. <i>Et qui sub imagine.</i>	1177.
11. <i>Mulier.</i>	1179.
12. <i>Si debitor.</i>	1181.
13. <i>Qui prædium.</i>	ibid.
14. <i>Si in hoc.</i>	1183.
15. <i>Obligatis.</i>	ibid.
16. <i>Unus ex multis.</i>	ibid.
17. <i>Rei creditor.</i>	1185.
18. <i>Qui a creditore.</i>	ibid.
19. <i>Si maritus.</i>	ibid.
<i>Ult. Secundum.</i>	1187.

Tit. 29. Debitor. vend. pign. impedire non posse. 1189.

Tit. 30. Si vendito pign. agatur. ibid.

L. 1. <i>Præses.</i>	ibid.
2. <i>Servus.</i>	ibid.

3. <i>Si uxor.</i>	1189.	14. <i>Mandati.</i>	1343.
4. <i>Cam.</i>	1191.	15. <i>Si indebitum.</i>	1344.
5. <i>Si creditor.</i>	ibid.	16. <i>Libertat.</i>	ibid.
		17. <i>Omissis.</i>	1347.
Tit. 31. De luitione pignoris.	1197.	18. <i>Si ut propem.</i>	ibid.
L. 1. <i>Si reddita.</i>	ibid.	19. <i>Si alitum.</i>	1349.
2. <i>Intelligere debes.</i>	1201.	20. <i>Sententia.</i>	ibid.
		21. <i>Sicut eligendi.</i>	ibid.
Tit. 32. Si unus ex pluribus herod.	1207.	22. <i>Si ultra.</i>	ibid.
L. 1. <i>Manifesti.</i>	ibid.	23. <i>Reos.</i>	1351.
2. <i>Actus.</i>	ibid.	24. <i>Fideiussores.</i>	1361.
		25. <i>Pignoris.</i>	ibid.
Tit. 33. Si pign. convent. &c.	1211.	26. <i>Sancimus.</i>	1363.
L. 1. <i>Si pecuniam.</i>	ibid.	<i>Pro Si fideiussores.</i>	1367.
2. <i>Si.</i>	ibid.	<i>Uti. Generaliter.</i>	1369.
Tit. 34. De iure domini impet.	1215.	Tit. 42. De novat. & deleg.	1377.
L. 1. <i>Dominii.</i>	ibid.	L. 1. <i>Delegatis.</i>	1381.
2. <i>Si creditor.</i>	ibid.	3. <i>Si delegatis.</i>	1383.
3. <i>Potestatem.</i>	ibid.		
Tit. 35. De pactis pignorum, &c.	1221.	Tit. 43. De solutionib. & libertat.	1389.
L. 1. <i>Qui possus.</i>	ibid.	L. 1. <i>In potestate.</i>	1393.
2. <i>Si fundi.</i>	1223.	2. <i>Libertati.</i>	1407.
Uti. <i>Quoniam.</i>	ibid.	3. <i>Si cum.</i>	1409.
		4. <i>Nibil.</i>	ibid.
Tit. 36. De exceptionibus, &c.	1227.	11. <i>Cum maritum.</i>	1411.
L. 1. <i>Debitoris.</i>	1237.	12. <i>Inuita.</i>	ibid.
2. <i>Pro portione.</i>	1239.	5. <i>Nulla.</i>	1415.
3. <i>Adversus.</i>	ibid.	6. <i>Si inter.</i>	1417.
4. <i>Cum nondum.</i>	1241.	7. <i>Finis.</i>	1419.
5. <i>List.</i>	ibid.	8. <i>Ufuras.</i>	ibid.
6. <i>Si pactum.</i>	1243.	9. <i>Obligations.</i>	1421.
7. <i>Si ex maiore.</i>	1245.	10. <i>Succesores.</i>	1431.
8. <i>Præscriptionem.</i>	ibid.	11. <i>Cum maritum.</i>	ibid.
9. <i>Siquidem.</i>	ibid.	12. <i>Inuita.</i>	ibid.
10. <i>Non exceptionibus.</i>	1247.	13. <i>Si obligatum.</i>	ibid.
11. <i>Defensiones.</i>	ibid.	14. <i>Pecunia.</i>	1433.
<i>Pen. & ult.</i>	ibid.	15. <i>Quod debitori.</i>	ibid.
		16. <i>Eum, a quo.</i>	1435.
		<i>Aut. Hoc mihi.</i>	ibid.
Tit. 38. De contrab. & commiss. stip.	ibid.	17. <i>Manifesti.</i>	1437.
		18. <i>Inquisitio.</i>	1441.
Tit. 39. De iuribus stipulat.	ibid.	19. <i>Si Attore.</i>	1443.
		20. <i>Si operari.</i>	ibid.
Tit. 40. De duobus reis stipul. &c.	1255.	21. <i>Interd.</i>	ibid.
		22. <i>Indultum.</i>	ibid.
Tit. 41. De fideiussores. & mand.	1307.	23. <i>Si litterarum.</i>	ibid.
		<i>Pen. & Uti.</i>	ibid.
L. 1. <i>Si Lyfias.</i>	1309.	Tit. 44. De acceptacionibus.	1445.
2. <i>Creditori.</i>	1313.	L. 1. <i>Iam tibi.</i>	ibid.
3. <i>Non reffe.</i>	1315.	2. <i>Et L. ult.</i>	1447.
<i>Aut. Præfente.</i>	1321.		
4. <i>Novatione.</i>	1323.	Tit. 45. De evictionibus.	ibid.
5. <i>Iure.</i>	ibid.	L. 1. <i>Emptor.</i>	1449.
6. <i>Si pater.</i>	ibid.	2. <i>Quoniam.</i>	1453.
7. <i>Si creditor.</i>	1325.	3. <i>Quæ rem.</i>	1457.
8. <i>Filiusfam.</i>	ibid.	4. <i>Si prædium.</i>	1459.
9. <i>Etiam.</i>	1327.	5. <i>Ex bis.</i>	1463.
10. <i>Fideiussores.</i>	1329.	6. <i>Non dubitatur.</i>	1465.
11. <i>Cum alter.</i>	1333.	7. <i>Auctore.</i>	1469.
12. <i>Blanditus.</i>	1339.	8. <i>Emptor.</i>	1471.
13. <i>Si Barfateram.</i>	ibid.	9. <i>Si controversia.</i>	1479.
		10. <i>Si finis.</i>	ibid.

11. <i>Exceptione.</i>	1481.
12. <i>Sive.</i>	1481.
13. <i>Si ob causam.</i>	ibid.
14. <i>Sive posside.</i>	1485.
15. <i>Si non iniuria.</i>	1487.
16. <i>Super.</i>	ibid.
17. <i>Si cum quaestio.</i>	1489.
18. <i>Si flatus.</i>	1491.
19. <i>Si obligata.</i>	1493.
20. <i>Si parentes.</i>	1495.
21. <i>Empti.</i>	1497.
22. <i>Cum tibi.</i>	1499.
23. <i>Cum successoribus.</i>	1501.
24. <i>Si post periculum.</i>	ibid.

25. <i>Si tibi.</i>	1505.
26. <i>Si quis tibi.</i>	1513.
27. <i>Si fundum.</i>	1515.
28. <i>Emptori.</i>	1517.
29. <i>Si permutatis.</i>	1519.
<i>Pen. Non ex eo.</i>	1521.
<i>Ubi.</i>	ibid.

Tit. 46. Cred. erit. pign. non deb. 1523.

L. 1. *Cum iure.* ibid.
2. *Si a creditrice.* ibid.

Tit. 56. L. Si unquam. Lib. 8 C. 1527.

HUGONIS DONELLI

IURISCONSULTI

COMMENTARIA

IN CODICEM

IUSTINIANI.

AD TITULUM XXIII. LIB. VI. COD. DE TESTAMENTIS,
ET QUEMADMODUM TESTAMENTA ORDINENTUR.

SUMMARIA.

1. *Testamenti etymologia vulgaris reprehenditur, & vera inquiritur.*
2. *Testamenti definitio: & definitionis uberior explicatio. per tot.*
3. *Codicilli & testamentum quid differant, & num. seqq.*
4. *Iustum quot modis dicatur quid.*
5. *Testamentum quando effectum suum nanciscatur.*
6. *Error quarundam interpretum in L. qui duos, D. de maum. testam.*
7. *Testamenti factio sit ne iuris gentium an civilis.*



Testamentum † Iustinianus ab eo describit, quia sit testatio mentis. *Inst. de testam. ord. in princ.* Recte Iustinianus. Constat enim testamentum dictum esse a testando. Revera

autem non potest esse testatio, nisi mentis. Reprehenditur tamen hæc etymologia a Valla *Lib. 6. Eleg. Cap. 31.* Quod in testamento nihil sit mentis, nisi productio vocabuli, nec magis compositione huius verbi insit mens, quam in illis similibus, in quibus est eadem analogia, *tegmentum, ornavementum, additamentum, &c.* in quibus omnibus mentem non inesse constat. Et recte reprehenderetur Iustinianus, si diceret testamentum verbum compositum esse ex testatione & mente. Itaque recte notatus est Servius Sulpitius ab Gellio, *l. lib. 6. Cap. 11.* qui ex his duobus verbis compositum esse dicebat. Nunc autem Iustinianus hoc non dicit, sed tantum dicit testamentum appellatum esse a testatione, addit *mentis*, non quod mens in verbo esset, seu in compositione

Tom. IX.

verbi, sed quod est in re, quoniam, ut iam dixi, si est testatio, non potest esse testatio, nisi mentis, ut mentem intelligi oporteret, etiam si non exprimeretur. Adiecit igitur, ut magis ostenderet, qualis esset hæc testatio.

Sed cum infinitæ testationes mentis sint, cur proprie ea testatio mentis, quæ est de eo, quod post mortem fieri volumus, dicitur testamentum? Resp. Hoc verbum testamenti, & supremæ voluntatis factum esse propter testationis excellentiam, quia & hæc testatio suprema esset, & multa præter cæteras testationes exigeret ad testandam supremam voluntatem. Sic & monumentum, cum a monendo dictum sit, proprie tamen usurpatur de sepulchris. *L. monumentum, D. de relig. & sumpt. funer.* Sed hæc etymologia ostendit, cur ita dictum sit testamentum, non autem quid sit. Multæ enim testationes esse possunt, quæ non sunt testamenta. Videndum est ergo aliunde, quid sit.

Definitio traditur in *L. 1. de testam. & qui test. fac. poss.* Est autem hæc: Testamentum † est nostræ voluntatis iusta sen-

A

teo-

tentia de eo, quod quis post mortem suam fieri velit. Dicitur sententia. Est autem sententia, quod quis re cognita & deliberata iudicio statuit, unde *sententia iudicium*. Hoc verum optime testamento tribuitur: nullum enim est testamentum sine iudicio. Unde supremæ voluntatis proprio nomine suprema iudicia appellantur. *L. 4. sup. tit. preced. L. vel negare. D. quemadmodum test. aper. L. 1. sup. de sacros. ecclies.* Ideo spectat, ut intelligamus nullum testamentum esse posse, quorum de re certum iudicium non est, §. *preterea, Inft. quib. mod. non est per. fac. test. L. qui testamento, D. h. s. de test. §. qui test. fac. possunt.*

Adiicitur voluntatis nostræ, otiose ut videatur, quia non sit sententia, nisi in qua voluntas sit, nec sit voluntas, nisi de eo, quod sentimus. Unde videntur sæpe hæc usurpari pro eodem in testamentis, iudicium, & voluntas suprema, *L. captatorias, D. de hered. instit. d. L. 1. sup. de sacrosanct. ecclies.* Sed hic nihil otiosum: Nam sententia duplex est, quædam solius iudicii nostri, quædam voluntatis nostræ. Iudicii nostri sententia est, cum dicimus, quid exillimemus fieri debere, nec longius progredimur, ut etiam iubeamus, aut fieri velimus. Hæc sententia testamentum non est, ut puta: Testator testamento ita scripsit: *Municipes velle faciet, si in eo loco edes publicas ædificaverit.* Hic nihil debetur municipibus ex eo testamento, quia sit hæc tantum sententia iudicii testatoris, non autem voluntatis testatoris.

Sententia voluntatis nostræ est, cum dicimus quid fieri velimus, ut *Lucius Titius heres esto: Stichus servus meus liber esto. Fundum Tusculanum Stichus do lego: Heres meus Titio 100. dato.* Hæc solæ sententiæ voluntatis nostræ testamenta sunt, non aliæ, in quibus testator iudicium suum tantum exponit, nihil autem fieri iubet, aut vult. Idque ita demonstratur. Nam testamentariæ voluntates solæ ratæ sunt, quæ lege confirmantur, *L. lege obvenire 130. de verb. signific.* Solum autem illæ confirmantur, quibus quis legasset suæ rei, *L. verbis legis, de verb. signific.* legasset, pro legaverit, antiquo verbo, idest, reliquerit legis modo, sive imperative, ut ostenderet se fieri velle, auctore Ulpiano in *frag. Inftit. tit. de legat. in prin.* Nullæ igitur voluntates testamentariæ aliæ confirmantur, quam quibus testator voluit. Hinc intelligimus testamentum duabus lis rebus constare debere, sententia nimirum, seu iudicio, & præterea voluntate.

Sed multis in rebus sententia voluntatis nostræ esse potest, in quibus non est testamentum, additur igitur *Iusta*, quod differentiæ causa additum est, ut separarentur codicilli a testamentis. Nam §. codicilli sunt voluntatis nostræ sententia, & de eo quidem, quod post mortem fieri volumus, attamen testamentum non sunt, *L. si idem codicilli, infr. de codicilli.* Quia igitur nota id intelligimus? Hac nota, quia iusta sententia non sunt, ut iustam nunc intelligimus: Testamentum autem est sententia voluntatis nostræ de eo, quod post mortem nostram fieri volumus, & hoc amplius iusta. At vero codicilli an non suo genere iusti sunt? nam non minus iure valent, quam testamentum, *titul. de codicilli. Inft. in princ. L. ult. in fin. infr. de codicilli.* Respondeo: Non ideo iusti sunt codicilli, ut iustam sententiam hic intelligere debemus.

Iustum §. dicitur maxime tribus modis. Primo, iustum est, quod ex lege est, ut iusta actio, quæ lege datur, *tit. de except. in princ. in Inftit.* Iusta hereditas, quæ defertur lege. *L. 3. §. 1. D. pro socio.* Secundo, iustum etiam est nitate in actionibus hominum, quod sit secundum leges, & præscriptum earum, ut iustæ nuptiæ, *Inftit. de nupt. in princ.* quo sensu dicta est iusta uxor, quæ ducta est solemniter & iusto ritu, iniusta, quæ eo modo ducta non est. *L. si uxor, D. ad L. Inft. de adult.* Tercio, dicitur etiam iustum, quod plenum est, & perfectum, ut iusta ætas, iusta magnitudo, *L. cum filiofamilias, §. ult. de legat. 3.* Significatio ex priore ducta per translationem: ea enim in suo genere perfecta sunt, quæ constant lis rebus omnibus, quas lex earum rerum desiderat.

Quid ex iis conveniat huic loco, videndum est. Nam in ambiguo sermone non omnia dicimus, quæ verbo significantur; *l. in ambiguo, D. de rebus dub.* sed id solum, quod volumus, & velle quisque scriptor intelligitur, id quod rei, & instituto convenit, idest, quod vitio caret, *L. in ambiguo, D. de legib.* Ergo hic iustam sententiam non intelligimus, quæ ex lege est, testamentum enim proficitur a testatore, non a lege. Non intelligimus etiam sententiam plenam: quia fieri potest, ut codicilli sint de rebus omnibus, de quibus testari volumus, quia nihil amplius velimus, quam quod iis cautum sit: fieri etiam potest, ut in codicillis caveamus de rebus nostris omnibus, puta heredem instituendo, & tamen non erit iusta sententia, nec valebit, quia est contra legem,

ges, quæ vetant codicillis heredem institui, §. *penult. Institut. de codicill.* Restat igitur, ut iustam interpretemur hic diel uitate eam, quæ est secundum præcepta, & præscriptum legum, quæ sunt de supremis voluntatibus.

Hæc præcepta inter cætera duo desiderantur in testamento, quibus maxime distinguitur a codicillis. I. Desiderantur solemnia iuris, siue quibus iniustum testamentum est. *L. 1. D. de iniust. rupt.* At codicilli nullam solemnitatem ordinationis desiderant, §. *ult. Instit. de codicill.* Prætere in his, quæ caventur testamento a testatore, primum exigitur, ut testator heredem instituat. Heredis institutio caput est & fundamentum, §. *ante heredis, Instit. de legat.* Ideo sine institutione heredis testamentum non valet. *L. ult. D. de iur. codic. L. 3. vers. Calpurnius, D. de iis, quæ in test. del. §. in primis, Instit. de fideicom. her.* At codicilli, ut iam dixi, non admittunt heredis institutionem. Hoc sensu non tantum distinguitur testamentum a codicillis, sed etiam id statuitur, quod maxime est proprium testamenti, scilicet heredis institutio. Quamobrem hæc definitio non adiectione cum Accursio, cum heredis institutione: nam qui iustum sententiam dixit, is heredis institutionem satis onouit dixit.

Sed adhuc manet prior obiectio, dixerit aliquis: *Nam & codicilli secundum praecepta legum sunt*, iam respondi non fieri, quod ex supra dictis apparet. At tulli sunt, qui a iure admittuntur, ut est in *pr. de codicill. in Infirmit.* Respondeo, aliud est iure codicillos admitti, aliud est iustos esse secundum praecepta iuris. Revera secundum ius non sunt, si quis ius civile spectat, quod est de supremis voluntatibus, sed nihilominus pro iustis habentur utilitatis causa, ut dicitur in *d. tir. de codicill.* Et ob hanc causam pro iustis admittuntur.

Secundum factis, ut efficiatur id, quod sit proprium testamenti. Nam iuxta sententiam voluntatis nostrae multis aliis rebus convenit, quam testamento, convenit donationibus inter vivos propter nuptias, & omnibus omnino contractibus, quod tamen omnia omnino non sunt testamenta, neque pars testamenti, *L. verba, contraxerunt, D. de verb. signifi.* Ob hanc causam additum est in definitione, quod sequitur, *de eo, quod post mortem suam fieri velit*, quibus verbis distinguuntur superiora a testamentis. Nam donationes sunt voluntatis nostrae sententia de eo, quod nobis viventibus fieri volumus. Similiter

& dationes causa mortis. Nam in hoc genere praefens praefenti dat. *L. inter, D. de donatio. caus. mort.* Eodem modo & contractus maxima ex parte. Sed hic occurrit, quia in verbis multi contractus etiam continuantur, qui tamen non sunt testamenti. Nam recte stipulator aliquid mihi dari post mortem meam; recte tu promittis dari post mortem tuam, utrobique enim stipulatio valet, & actio ab heredibus & contra heredes incipit, *§. post mortem, Inst. de inst. stip. l. n.* supr. *ut act. de hered. & contr. hered. incipit.* Et tamen in istis stipulationibus est voluntatis nostrae iusta sententia de eo, quod post mortem fieri volumus, quare videbitur haec definitio in hoc convenire.

Sed non ita est. Non enim dixit Modestinus: *testamentum esse inquam sententiam de eo, quod post mortem nostram fieri volumus*, sed *de eo, quod quis post mortem suam fieri velit*. Quis loquatur ut fit, quis nostrum, & solus fieri velit: quo verbo satis testamentum a superioribus stipulationibus separatur. Nam superiores stipulationes habent sententiam voluntatis nostræ, sed de eo, quod duo pleræque post mortem suam fieri volunt, quia nullus est contractus sine conventionione, L. 1. §. 1. D. de pacti. Conventio autem omnis est duorum pluriumve consensus. d. L. 1. At testamentum est voluntatis nostræ sententia de eo quod unus tantum nostrum post mortem suam fieri velit. Et ideo cum recte potuisset Modestinus dicere: *Sententia voluntatis nostræ de eo, quod post mortem nostram fieri volumus*, ut in eodem numero plurali perseveraret, magno ingenio a plurali ad singularem transit, ut id significaret, quod diximus. Atque utrumque recte sit salva proprietate sermonis. Nihil enim interest, utrum dicam, *de eo, quod singuli volumus*, an vero, *de eo, quod quisque nostrum velit*.

Ex his autem verbis postremis colligi-
mus, etiam si testamentum a vivente fit,
& ab initio recte ordinatur, non tamen
prius confirmari, quam testator mortuus
sit. Unde dicitur q^{uod} testamentum tempore
mortis testatoris effectum habere, *L. si
alienum, §. 1. D. de hered. inflit. §. in
extraneis, Instit. de hered. qual. §. diff.*
Ex quo illud Apostoli, cap. 9. ad Hebr.
*ut testamentum valeat, necesse est inter-
venire mortem testatoris.* his consequens,
quidquid testator dat legat testamento fno,
eo vivo deberi non posse. Ex ideo erant,
qui contra interpretantur *L. qui
duos, D. de manum. test.* Testator f^{id} duo-
bus

bus heredibus institutus iussit Stichum servum suum liberum esse post mortem anius certi ex heredibus. Is heres mortuus est vivo adhuc testatore, & ita conditio libertatis exstitit, illic ita scriptum est: *Sabinus ait, liberum futurum*. Hoc quidem sic accipiendum, liberum futurum statim, & vivo testatore, favore libertatis. Non recte: nam ut dixi, non est testamentum, nisi de eo, quod quis post mortem suam fieri velit, & quod dicitur simpliciter liberum futurum, sic accipiendum est, sub tempore, & cum conditio testamenti exstiterit. In omni autem testamento hæc tacita conditio inest, *si testator mortuus erit*.

7 Idem verbis consequens est, quæ a defuncto capitur hereditas, eam tunc capi, cum defunctus dominus esse desit. Unde quaesitum est, an si testamenti factio, seu relinquere aliquid licere post mortem nostram, sitne iurisdictionem, an iuris civilis? Neque inutiliter id quaeritur propter deportatos, quibus tribuuntur ea, quæ sunt iurisdictionem, non etiam ea, quæ sunt iuris civilis, *L. sunt quidam, D. de pen.* Et prima ratione occurrit, cur non videatur testamenti factio esse iuris gentium, sed tantum auctoritatem & confirmationem habere a iure civili. Primum, ut dixi, testator post mortem suam dominus esse desinit, non enim potest esse eius, qui omnino dominus non est. Porro secundum regulam iurisdictionem & naturæ, nemo plus iuris in alium transferre potest, quam ipse habet, *L. nemo plus, D. de reg. iur. l. traditio, D. de acquir. rer. dom.* Nec ad rem pertinet, quod testator moriens adhuc dominus est rerum suarum, nam confert alienationem in id tempus, cum mortuus erit. Nihil autem interest, utrum quid non faciat, idoneo tempore, an vero conferatur in tempus non idoneum, *L. 4. sup. de donat. ant. nupt.* Deinde hereditas mortuo testatore nondum adita nullius est in bonis, *L. 1. D. de rer. divis.* Secundum autem regulam iurisdictionem, quod antea nullius est, occupanti concedi debet, *L. 3. D. de acquir. rer. dom.* Hinc factum videri potest, ut testamentariæ hereditates confirmarentur lege, *d. L. lege obvenire, de verb. sign.*

Sed exempla omnium gentium & populorum, apud quos testamenta recepta sunt, a principio rationem naturalem habere probant. Et vero hæc certa est ratio naturæ, qua supremæ voluntates nitantur, quod nihil tam naturale sit, quam voluntatem domini rem suam transferentis

in alium ratam haberi. *§. per traditionem, Inst. de rer. divis.* Et si in cæteris voluntatibus inter vivos hoc recipitur, multo magis supremæ voluntati tribui debuit, postquam aliud velle non possumus, ut bene scriptum, in *L. 1. sup. de sacrosanct. eccles.* Ad hæc testator moriens adhuc dominus est. Recte igitur eo tempore habendi potestatem in alium transfert. Non obstat, quod dicitur: neminem plus iuris in alium transferre posse, &c. Non enim potest tradendo. At testator de suis rebus testamentum cavens eas non tradit heredi, sed relinquit: recte relinquit, qui eo tempore dominus fuit, nec hoc relictum confertur in tempus minus idoneum.

Quod autem dicitur, quod antea nullus est, occupanti concedi, de iis rebus dicitur, quæ plane nullius sunt, id est, quæ nec re ipsa sunt cuiusquam, nec destinatione alterius, quales sunt feræ bestiæ, volucres, pisces, & omnia, quæ cælo, terra, mari capiuntur, *L. 1. 2. & 3. de acqu. rer. dom.* In hoc autem numero non est hereditas. Hæc dicitur esse nullius in bonis, quia in præsentia re & commodo nullius adhuc in bonis est, sed destinatione est heredium. Destinata est enim aut heredibus scriptis a defuncto, qui delinendi ius habuit, aut hereditibus legitimis a lege, quæ non minus rerum nostrarum dominus est, ut declarant definitiones legis in *L. 2. D. de legib.* Et quod dicitur testamentariæ hereditates lege confirmari, porius argumentum debet esse, ius transferendæ hereditatis aliud iuris esse, quam civilis. Nam quæ nascuntur ex iure civili, dicuntur iure civili introduci, *L. ex hoc iure, D. de iust. & iur.* Quæ autem confirmantur, ea etiam necesse est prius fuisse. Sic etiam iuris gentium conventiones iurisdictionem obligationem pariter, *d. L. hoc iure.* & tamen nihilominus eadem ex iure civili confirmantur, unde etiam civiles & legitimæ dicuntur, *§. 1. Inst. de oblig. §. sed ista. Inst. de alt.* Quare potestas de rebus suis post mortem statuendi maxime iurisdictionem est, eoque ad deportatos etiam pertinet.

Plane in hac facultate testandi sunt quædam ex iure civili nata, ut sunt testes septem, subscriptiones testium & signa, sine quibus etiam placuit heredem institui non posse in testamento scripto. Quæ res facit, ut nec deportati heredem instituiere possint, ut nec testamentum facere possint. Sed si pater deportatus testamentum faciet inter liberos, aut si codicillis fidel-

cm-

commisum relinquit, utraque voluntas admittenda est, nam imperfectum testamentum admissum est inter liberos, *L. hac consultiss. §. ex imperfecto, infr. b. tit.* codicilli nullam ordinationis solemnitatem desiderant, *§. ult. Instit. de codicill.*

Hac definitione exposita, ut intelligatur, & quis sit usus eius definitionis, & quid deinde agatur hoc titulo toto, meminisse oportet eius, quod dictum initio tituli superioris. Id autem est: testamento ut hereditatem nobis acquiri, si prius testamento delata sit, ita deferri, si & te-

stamentum erit, & id iure valebit. An sit testamentum, ex definitione intelligi potest; huc superior definitio referri debet. An valeat, ex tribus rebus spectandum est, persona testantis, testandi modo, & iis, quæ testamento continentur. De personis superiori titulo dictum, sequens locus est huius tituli proprius, quomodo testamentaria ordinentur. De hoc modo testamentorum ordinandorum comprehensum est diligenter in *L. hac consultissima, infr. hoc tit.* ubi dicitur.

Ad L. Testes servi. 1.

Imp. Hadrianus A. Caenio Vero.

Testes servi, an liberi fuerint, non in hac causa tractari oportet: cum eo tempore, quo testamentum signabatur, omnium consensu liberorum loco habiti sint, nec quisquam eis usque adhuc status controversiam moverit. Sine die & consule.

S U M M A R I A.

1. Servus quando in testamento testis esse possit.
2. Cur, si servus pro libero habeatur,

non tamen sit, testis esse possit in testamento.

3. Quæ constituti hic iuris ratio.
4. Contrarius occurrat.

1. **S**ervus † testamento testis adhiberi non potest, *L. qui testamento. §. servus, D. b. t. §. testes, Instit. b. t.* Sed hoc ita, si constet servum fuisse tempore testamenti. Quod si tunc pro libero omnium consensu habitus est, constitutum est, cum tam recte adhiberi, quam si liber fuisset. *§. sed cum aliquis, in Instit. b. t.* Hinc est, quod hoc reſcripto dicitur, tu hac casu quaerendum non esse, utrum testes liberi sint, an servi. Senſus est in hac causa, id est, cum quaeritur in conditione testis, an recte adhibitus sit, nec ne, non est quaerendum, utrum liber sit, an servus, quoniam (sive liber sit, sive servus, adhiberi potest, si modo omnium consensu pro libero habeatur. Ex ideo hoc quaerendum est, an talis habeatur, nec ne?

2. Quæritum est, † quamobrem hoc ita sit constitutum de servo, cum aliorum consensus eum liberum non faciat. Primum, quia noluit liberum esse, qui errant. Error enim non habet consensum, *L. si per errorem, D. de iurisdic. L. 2. de iudic.* Deinde, quia etſi liberum esse vellet, tamen liberum facere non possunt,

quia domini non fuerunt. Vulgo redditur hæc ratio huius iuris, quia error communis ius faciat, sumpta ex *L. 3. D. de supell. leg.* sed nihil ad hunc locum pertinet. Nam nec error communis populi ius facit, cum universus populus vult, in quo errat. Et præterea etiamſi admonitus populus id vellet, & posset ius statuere, in quo errat, ut cum populus creat prætorem servum, quem liberum putabat, in exemplo, *L. Barbarius, D. de off. prætor.* Item cum populus habet in numero supelleſtilis vasa argentea & aurea, quod est exemplum *d. L. 3. de supell. leg.* Nihil horum est, cum servus testis adhibitus omnium aliorum testium consensu habetur liber: non enim habetur idem liber ab universo populo. Et præterea si hi, qui putant eum liberum, admoniti essent servum esse, non ideo propter testamentum alterius liberum eum esse vellet, nec si vellet, posset facere liberum. Non ergo cæterorum consensus hoc ius facit. Idque ex eo apparet, quod hoc ius introductum est Constitutionibus Imperatorum, ut constat ex *d. §. sed cum aliquis, Instit. b. t.* Sed

- 3 Sed quæ est huius † iuris constituti ratio? Est in promptu, ne videlicet iusta ignorantia testatori noceat, cui in aliis causis omnibus & subveniri solet, ac proinde multo magis subveniendum fuit in testamento. Huc pertinet *L. de etate, §. ex causa, D. de interrogat. L. 3. in pr. D. de Senatusconsult. Macedon. §. velle*.
- 4 *Institus. mandat.* Sed frustra dixerit † aliquis, servum testamento utiliter adhiberi: quoniam si de testamento ambigitur, hic servus pro testamento testimonium dicere non potest, si probetur nunc servum esse: servi enim in iudicio testimonii distinctionem non habent, *L. quoniam, sup. de testib.* Respondeo: Si de testimonio huius servi quaeritur, nihil prodest eum testimonio adhibitum fuisse: si quaeritur de testamento, utiliter est adhibitus, & nihilominus testamentum valet, si tempore testamenti pro libero omnium consensu sit habitus. Est ideo, si heredes legitimi oppugnant testamentum, in quo servus hic testis adhibitus fuit, dicant, nullum testamentum factum esse a defuncto, aut hunc

servum testem omnino adhibitum non fuisse, & id probandum sit testibus: sine dubio ad eam rem probandam non dicit testimonium hic servus, & perinde erit in hoc testimonio, quasi adhibitus non fuisset. Sed si iidem heredes legitimi fateantur hunc servum fuisse adhibitum, sed dicant eum non potuisse adhiberi, quia servus esset, hic testamentum citra controverfiam valebit. Non obstat, quod servus testimonium dicere non potest. Nam quæ extat quaestio, an testamentum hoc casu valeat, non deciditur servi aut cuiuscunque alterius testimonio; deciditur iure certo, quo constitutum est, nihil nocere, talem testem testamento adhiberi, atque de eo solo in hoc rescripto quaeritur. Tantum abest itaque, ut cum ita rescriptum interpretamur, divinemus, ut id dicamus, quod est solum huius rescripti proprium. Quærebatur enim, an testis, de quo agebatur, liber esset, an servus. Apparet ex eo, quod Adrianus respondit, id quaerendum non esse: non respondet, nisi de quo quaerebatur.

Ad L. Publicati semel. 2.

Imp. Alexander A. Expedito.

Publicati semel testamenti fides, quævis ipsa materia, in qua primum a testatore scriptum relinquitur fuit, casu qui probatur, intercidit, nihilominus valet. PP. Kalend. Ianuar. Fusco II. & Dextro Coss.

S U M M A R I A.

1. *Publicare testamentum idem est, quod insinuare.*
 2. *Insinuatio apud quem fiat.*
 3. *Idoneus insinuationis index quis.*
 4. *Publicationis testamenti forma.*
 5. *Acta quæ dicantur.*
 6. *Insinuare actis quid.*
 7. *Acta cur dicantur publica monumenta.*
 8. *Testamentum publicatum quod dicatur.*
 9. *Describi testamentum & in acta referri quid necesse sit.*
 10. *Testamentum publicatum an fidem faciat; & quibus conditionibus.*
 11. *Contrariis occurritur.*
- 1 **P**ublicare † testamentum, est insinuare actis. Nam publicare & insinuare pro eodem usurpat, *L. in hac, infr. de donat.* Et quod illic dicitur absolute insinuare, id dicitur insinuare actis *L. in donationib. eod. tit. de donat.* Id † autem fit apud idoneum magistratum, aut iudicem. Idoneus fuit † Romæ temporibus posterorum imperatorum magister census, apud quem res insinuantur. *L. testamenta. L. consulta, infr. h. tit. L. in*
- hac, & L. secundum, infr. de donatio.* Si nulli erunt certi magistratus huic muneris proposti in aliqua regione, sufficit quivis index etiam delegatus, ut significatur in *L. omnium, infr. h. tit.* & bene expressum est in *C. ult. extra de fid. instrum.*
- 4 **P**ublicatur † autem testamentum hac forma: Magistratus, cui testamentum publicandum oblatum est ab heredibus scriptis, quia testamentum legere debet, ante omnia

curando-

curandum est testamentum, ut aperiat, si ante clausum fuit. Aperietur autem ea forma, quæ præscribitur in *L. 4. D. quemadm. test. aper.* & *L. 2. infr. quemadm. test. aper.* Deinde apertum testamentum legetur publice, & privatim cognoscat ipse, an integrum sit, an nulla sui parte vitiatum, ut fideliter sic describatur *d. C. ult. extra, de fid. instrum.* Si integrum esse cognovit, iubebit describi per officium, seu officiales, seu actuarios suos. Quod cum factum erit, tum erit explicatum testamentum publicum, idest tale, quod sit actis insinuatum. Nam si acta per excellentiam nominis dicuntur scripturae, quæ apud iudicem publice actæ sunt, & dicitur res his actis insinuari, eum accipitur & comprehenditur res his scripturis, quæ acta appellantur, ut nihil aliud sit insinuare si actis, quam referre in acta, ut veteres locuti sunt.

Hæc si acta sunt publica monumenta, *L. in donationib. inf. de donat.* quo fit, ut quæ in acta hæc relata sunt, publica esse incipiant. Dicuntur autem publica duabus de causis. Primo, quia per magistratum confecta sunt. Deinde, quia fidem habent, auctoritatemque publicam, in eamque rem & publicæ asservantur, ut inde fidem rei gestæ petere liceat, cum libet & opus est.

Observandum est autem, cum publicatum est ita testamentum, ut supra diximus, incipiunt testamenti duæ tabulæ, seu duæ scripturæ esse. Una vetus, eius materię, in qua primum testamentum a testatore scriptum est. Altera nova, quæ eius testamenti exemplum continet, quam actis insinuatam, & publicatam diximus. Prior materia privata manet, & prius explicatum, & descriptum in actis est id, quod hoc loco appellatur si testamentum publicatum. Dicitur testamentum, quia continet sententiam voluntatis defuncti, quæ priori materia scripta est. Hæc autem sententia est testamentum defuncti, non autem materia, in qua sententia hæc scripta est. Quod ita esse ex hoc referipto liquido apparet. Nam aperte hic distinguuntur publicatum testamentum a materia, in qua testamentum prius scriptum fuit. Oportet igitur testamentum id publicatum diversum esse: non potest diversum esse, nisi sit a priore descriptum. Sed quid si necesse est ita testamentum describi, cum prius testamentum ad fidem sufficiat? Respondeo: Eo fit, quia plura exemplaria testamenti extare utile est; ut si unum pereat, liceat ex alio fidem sumere, quod superest, *L. ult. sup. h. t. L. unum. D. h. t.*

Hoc intellecto, de fide testamenti huius publicati questum est hoc loco. Primum, si an fidem faciat. Deinde, quantum faciat, & quando. Quod dubitatur, an fidem faciat, dubitatio ex eo est, quod constitutum est, eum ex alio instrumento authentico descriptum est exemplum, non ex exemplo agi debere, sed ex authentico. Et videtur fidem exemplo haberi non oportere. *L. 2. D. de fid. instrum. Auth. si quis in aliquo. sup. de edend.* Ea placuit hoc testamentum publicatum fidem facere, & recte. Nam quod supra diximus de exemplo, de exemplo privato dictum est. Alia causa est exempli publicati, ut h. tit. Nam instrumentum publicatum fidem publicam habet, *d. L. in donationibus.* Sed adicitur hoc rescripto, ita demum hoc exemplum, quanvis publicatum fidem facere, si prior materia testamenti quæ interdicat, intercederit casu, qui probeatur.

Ex quo hæc colligimus, etiam testamenti exemplum quanvis publicatum, ad fidem testamenti non sufficere, si adhuc extet prior materia testamenti, sed hanc quoque consulendam esse, iuxta *d. Auth. Si quis in aliquo.* Nam si non creditur exemplo publicato, ubi prior materia perit, nisi necessitas suadeat, multo minus ei crederetur, si materia prior adhuc existeret, quam liceat adhuc consulere. Deinde colligimus, si prior materia testamenti interdicat dolo heredum scriptorum, quia illam consulo ruperint, aut aliquid aliud in eo statuerint, illi testamenti publicati fidem nihil prodesse, quia rescriptum exigat, ut testamentum casu interdicat. Postremo ex iisdem verbis intelligimus, quanvis casu intercedat prior testamenti materia; tamen non esse satis, id dici ab heredibus scriptis, sed etiam id probari debere. Proinde eo non probato, exemplum publicatum illis non prodesse. Et recte ab illis exigitur hæc probatio: nam ipsi sunt, qui casum allegant, & debent allegare ex hoc rescripto. Regula autem iuris est, incumbere probationem ei, qui dicit, *L. 2. D. de probat.*

Sed his conditionibus si opponitur *d. L. 11 in hac, & d. L. in donat. inf. de donat.* Quibus in locis de donationibus insinuat, & de actis, & monumentis publicis dicitur, hæc habere inconcussam fidem, ita ut nec aliæ probationes, aut ulla adminicula desiderentur; secundum quod videtur, dici debuisse, exemplum testamenti publicatum, quod actis insinuatum est, omnimodo fidem facere debere, si prior materia testamenti extet, siue non, quia

quia actorum fides aliunde non dependeat. Resp. Quæ de fide actorum superioribus in locis dicta sunt, ea de authenticis, & principalibus scriptis dicta sunt, nempe de iis, in quæ primum referuntur donationes factæ; non eodem iure haberi exempla quantumvis publicata, in quam rem hic locus sollicit. Differentiæ ratio est, quia omnia exempla genere ipso suspecta sunt; quia facile est in describendo errare, unde hoc genus totum appellatur calumniosa scriptura in *d. L. 2. D. de fid. instrum.* Proinde non temere exem-

plo credendum est, privato quidem nunquam, publico autem ita demum, si quæ necessitas urgeat, quia fides sumi aliunde non potest, consulendum est enim necessitati, *arg. in L. 2. §. 2. D. si quis cautionib.* sed ita demum succurri debet, nisi si quis eam necessitatem sibi imposuerit. *L. si fideiussor, §. si necessaria. D. qui satisfacere cog. d. L. 2. §. pen. D. si quis eant.* Et hoc est quod hic exigitur, ut prior materia testamenti interciderit casu, non heredum factio.

Ad L. Ex imperfecto. 3.

Imp. Alexander A. Antigono.

Ex imperfecto testamento nec Imperatorem hereditatem vindicare posse, sæpe constitutum est. Licet enim lex imperii solemnibus iuris Imperatorem solverit: nihil tamen tam proprium imperii est, quam legibus vivere PP. XI. Kal. Ian. Lupo & Maximo Cass.

S U M M A R I A.

1. *Imperfectum & perfectum testamentum quando sit.*
2. *Imperfectum testamentum non valet, etiam si Princeps heres institutus sit.*

3. *Princeps, an quod imperfecto testamento ipsi relictum est, capere possit.*

P Erficitur † testamentum solemnibus iuris adhibitis, de quibus in *L. hac consuetissima inf.* & præterea herede instituto, item adiectis iis, quæ in ordinatione testamenti desiderantur. Si quid horum deest, imperfectum est testamentum. Si ad vim testamenti superiora omnia requiruntur, consequens est, imperfectum testamentum esse nullius momenti, quod scriptum est *§. pen. Instit. quib. mod. test.* Docemur hoc loco id adeo verum esse, ut quanvis imperfecto testamento Princeps heres † institutus sit, tamen nihilo magis testamentum valeat. Idem in *§. ult. Instit. quib. mod. test. infirm. & L. ex imperfecto, D. de legat. 1.* Et † cæteris quidem personis, quibus in eo testamento quid relictum est, testamentum non valere constat. Sed num Princeps ipse hereditatem, aut si quid aliud ei relictum est, ex testamento capere non poterit? Et iisdem locis cautum est, nec Principem ex eo testamento capere posse, ne contra leges faciat.

Sed pro Principe hoc dicitur: Principem solum esse legibus, quod lege Regia, quæ de imperio eius lata est, effectum est, de qua in *L. 1. D. de constit. pr. & §. sed & quod Principi, Instit. de iur. nat.* Respondent boni Principes, hoc ius sibi placere, ne quid ex imperfecto testamento capiant, non quod pro sua potestate capere non possint, si ea uti velint; sed quia soluti legibus, nihilominus legibus vivere volunt, & submittere legibus principatum *d. §. ult. Instit. quib. mod. test. infr. L. digna vox, supr. de legib.* Dixerit aliquis, quod de allentatoribus Principum nimis quam sæpe audiri solet, Principem facere infra dignitatem & magistratus imperium, si non faciat quas libet, cum hoc eius imperio tributum sit, ut sit solutus legibus cæterorum. Hic egregie responderunt boni Principes, quod in hoc rescripto legimus, tantum abesse, ut dum Principes se subiciunt legibus, aliquid imminuant de maiestate imperii & sui, ut nihil sit tam proprium imperii, quam legibus vivere. Et recte. Nam proprium

prium imperii, est Rempub. & imperium ornare moribus, bonorum morum pars magna est, obtemperare bonis legibus. Proprium imperii est eas res constituere maxime, quibus imperium consistit: stat autem omne imperium bonis legibus, hæc stabiliuntur a Principe, non verbis, & eius iussu, sed maxime exemplo; dum enim lis paret, probat eas iustas & veras esse, &

exemplo suo adfert subditis illa parendi non tam necessitatem, quam voluntatem. Amplius etiam dicitur, maius imperio esse legibus submittere principatum, *d. L. di-gna vox, supr. de legib.* recte hoc quoque. Nam imperii proprium est hoc quoque imperare aliis: qui autem legibus paret recte vivendo, is Imperat etiam sibi, quo Imperio nullum est maius.

Ad L. Si in nomine. 4.

Imp. Gordianus A. Ruffino.

Si in nomine, vel prænominē, seu cognominē [seu agnominē] testator erraverit, nec tamen, de quo senserit, incertum sit: error huiusmodi nihil officii veritati. PP. XII. Kal. Ianuar. Gordiano A. & Aviola Coss.

S U M M A R I U M.

1. *Error, seu omisso nominis, si aliter demonstrata sit persona legatarii*

& heredis, non nocet.

Sive testator heredem instituit, sive alicui quid legat, personam heredis, & legatarii demonstrare oportet. *L. quoties, §. si quis nomen, D. de hered. instit. L. Paulus, D. de reb. dub.* Et ad personas demonstrandas uominis, prænominis, agnomina, cognomina inventa sunt, sed tamen aliis rebus demonstrari possunt. Proinde si aliis demonstrantur, satis est, *d. L. quoties, §. si quis nomen, §. si quis in nomine, in fin. Institut. de legat.* Hinc ¶ sit, ut si persona sine nomine demonstrata sit, nominis ommissio nihil noceat. Quin & illud consequens est, ut si falsum nomen adiectum sit, errante testatore in nomine, nihilominus & institutio, & legatum

valeat, quia perinde hoc est, quasi nomen omnino non sit adiectum. Et hoc, dummodo certum sit, de quo testator senserit, & certum sit testatoris demonstratione. Nam ut cætera omittantur, saltem verbis testatoris personam demonstrare oportet aliquo siguo indubitabili, *d. §. si quis nomen.* Id ita fiet, si instituat hoc modo. *Cornelius sororis meæ filius heres esto.* Si soror unum tantum filium habeat, apparet, quem testator designarit, proinde heres erit, etiamsi nomen Sempronius, uon Cornelius fuerit. Idem dicendum, si testator tantum Corvellum dixerit, cum eum prius ita consuevisset appellare.

Ad L. Neque professio. §.

Impp. Valerian. & Gallien. AA. Lucullo.

Neque professio, neque adseveratio nuncupantium filios, qui non sunt, veritati præiudicat: & quæ ut filiis testamento relinquuntur, iuxta ea, quæ a Principibus statuta sunt, non deberi certi iuris est. Accep. VI. Non. Iul. Valer. & Gallien. AA. III. & II. Cass.

S U M M A R I A.

1. *Testatoris falsum dicentis affirmatio, aut negatio veritatem nihil mutat.*
2. *Idem in professione falsa.*

3. *Proferri liberos sibi natos quid.*
4. *Relictum tanquam filio, qui filius non est, an debeat.*

Quoniam de auctoritate supremæ voluntatis ita cautum est legibus, ut quod testator legaverit, seu statuerit de re sua, id tanquam ius ratum sit. *L. testandi. inf. h. t. L. verbis leg. D. de verb. sig. §. disponat, Novel. de nups.* Hinc commodè quaeritur in universum de vi & potestate sententiæ omnis testatoris, quod declarator exemplis in hoc scripto & seq. Est autem hæc summa: si quid testator statuit, ut fieret in futurum, si quid voluit, id ratum est. Id quod declaratur superioribus locis. At si quid de re tantum affirmavit, ut ostenderet sententiæ suam, non voluntatem, id pro non scripto est, iuxta definitionem testamenti supra dictam. Nam si verum est, quod testator dixit, valet quidem: sed quia ita est revera, & recte testator dixit, ut si filium suum dixerit *filium*, erit quidem filius, sed quia natura talis est, futuros talis, etiam testator nihil dixisset. Quod si testator falsum dixerit, eius affirmatio, aut negatio veritatem nihil mutat, neque ab eo, quod natura est, receditur.

Utriusque rei exempla habent hæc scripta duo. Affirmationis exemplum hic est: testator legavit *L. Titio* filio suo, non ideo erit filius, quia testator affirmavit, nisi revera sit filius. Sed an testator non potuit voluntate sua filium efficere? Respondeo, de eo primum nihil cavit; deinde etsi voluisset filium facere, non potuisset: ita necesse est inutilem esse affirmationem testatoris falsam. Nam filii, aut iustis nuptiis sunt natura, aut adoptione iure civili; nuda adseveratione nullo modo. *L. 1. D. de adoption. L. non exem-*

plis, & L. non nudis, supr. de probat. Negationis falsæ exemplum in scripto sequenti est: testator scripsit se vivum nihil donasse, placet, si quid vere donaverit, negationem testatoris veritati non nocere. Sed an eo dicto non videtur testator donationem revocasse? Quæstio super vacua est in donatione inter vivos, quia etiam testator hoc animo esset, ut vellet donationem revocare, non posset tamen semel perfectam, *L. cum ancillam, supra de condit. ob causam dat. & tot. tit. infr. de revoc. donat.*

In donatione autem causa mortis utilis est quæstio. Nam quod testator donavit vivus causa mortis, id quandoque ex sententiâ revocari potest. *Instit. in pr. de donat.* Solum hoc quaerendum erit, an voluerit revocare, & recte vulgo probatum est, superioribus verbis videri revocatam donationem, cuius sententiâ hoc argumentum est, quia hæc oratio testatoris, *profiteor me nulli quidquam donasse*, ambigua est: sic enim accipi potest, quasi factò nihil donaverit, aut quasi nihil donaverit effectu; quia donationem valere nolit: prius si accipimus, inutilis scriptura est, quia falsa est; posterius si accipimus, valet, quia testator facit revocando, ut donatio nulla sit. Proinde hoc posterius accipimus, ut scriptura videatur aliquid egisse iuxta *L. si quando, D. de leg. 1.*

Quod si de affirmatione testantis hic dicitur, idem dicitur de professione falsa, professio hic intelligitur professio parentum de origine, & ætate liberorum, quod genus professionis usitatum erat Romanis, ex constitutione M. Antonini, de qua

qua Iul. Capitol. in eius vita ita scribit: hunc primum liberales causas munivisse, ita ut inberet unumquemque civem apud praefectum aerarii liberos sibi natos profiteri, eundemque per provincias publicarum tabularum usum instituisse, apud quos de originibus idem fieret, quod Roma apud praefectos aerarii, ut si quando de statu quaestio esset, probationes inde cederentur, quis a quo editus esset. Proficere 3 ri ¶ liberos sibi natos, est nuntiare & testari liberos sibi natos, & nomen edere, ut profiteri merces apud publicanos, est edere speciem & numerum mercurii, pro quibus vectigal pendi debet. L. inter-dum, in pr. & §. quoties, D. de publi-can. Haec professio parentum de his, quos liberos suos dicebant, in re dubia fidem faciebat pro liberis, & contra liberos, sed veritati non prauiudicabat, si quis proba-

ret falsam probationem fuisse, quod hic dicitur, & L. etiam, & L. Imperatores, D. de probat.

Hinc adicitur, si ¶ quid relictum sit 4 ut filio, qui filius non sit, huic nec legatum, aut hereditatem relictam videri in L. quoties in pr. D. de her. instit. Recte dictum est, si quid relictum sit ut filio: intelligitur enim testator aliquid reliquisse ut filio, cum reliquit ei, non solum quem filium nominavit, sed etiam quem putabat filium esse, errore ductus, ut hanc causam habuerit legandi, quod filium putarit. Quod si testator non ignoravit eum, cui legabat, filium suum non esse, eum pro filio eum diligeret, filium nominarit, nihilominus legatum debebitur, ne nomen honoris, & amicitiae legatario noceat, quod potius prodesset ad legatum debuit, L. nemo, §. ult. D. de her. instit.

Ad L. Verba. 6.

Imp. Dioclet. & Maxim. AA. Terentia.

Verba testamenti, quibus mater vestra decedens nihil se cuiquam donasse significavit: si res se aliter habeat, fidem veri non perscringunt. PP. III. Non. Novemb. Diocletiano A. & Aristobolo Coss.

Exposui L. superiori.

Ad L. Errore. 7.

Imp. Dioclet. & Maxim. AA. Rufina.

Errore scribentis testamentum iuris solemnitas mutuari nequaquam potest, quando minus scriptum, plus nuncupatum videtur: & ideo recte testamento condito, quanquam desit, heres esto: consequens est, existens herede, legata seu fideicommissa iuxta voluntatem testatoris oportere dari. PP. XVII. Kal. Febr. ipsi AA. IV. & III. Coss.

S U M M A R I A.

1. Heres quibus verbis usitate instituitur.
2. Orationi testatoris si quid desit, an nihilominus institutio valeat, & quid heredis nuncupatio hic a scripto differat.

3. Quare imperfecta orationi in heredis institutionem scripta heres esto, adici debeat, & non quidvis aliud aequ.

Testamento heredem institui oportet, alioqui nullum testamentum, L. ult. D. de inr. codicil. L. 3. versic. Calpurn. Tom. IX.

nus, D. de his quae in test. del. Institutur autem heres ¶ his verbis usitate L. 1 Titius heres esto aut aliis eandem signi-
B 2 ficea-

ficationem habentibus, *L. quoniam, infra, b. t. L. 1. D. de her. institut.* Si quid huic orationi deest, an institutio ꝑ valeat, quaeritum est? Et si testator voluntatem suam nuncupet sine scripto, plenius verbis heredem nuncupare debet, ut intelligant testes quem heredem esse velit. *L. beredes palam, D. eod.* Quod si testamentum scribat, placet, etiam si quid superiori orationi desit, dummodo persona beredis nota sit, nihilominus institutionem valere, & ideo si testator dixit, *Lucius esto*, intelligitur *heres*, nec adiecerit *esto*, idem intelligimus, *L. 2. §. si ex fundo, D. de her. instit.* Longius itum est: nam si testator tantum scripserit, *Lucius*, nec adiecerit *heres esto*, tamen creditur testator hoc sensisse, & institutio valet, *d. L. 1. §. si ex fundo*, id quod hoc rescripto confirmatur.

Obiiciebatur huic sententiae, quod heredem institui oportet, id autem non fieri illa oratione, *Lucius heres esto*. Respondent veteres & in *d. L. 1. §. hic*, etiam videri hanc orationem nuncupationem esse, id est, linguam expressam, sed postea non plene scriptam esse, & ideo institutionem recipi, quasi minus scriptum sit, plus nuncupatum. Rursus obiicitur exemplum nuncupantis heredem, quem palam

& plene nuncupare oportet. Huic obiectioni tacite occurritur in hoc rescripto, cum dicitur, solemnitate iuris non debere mutari errore scribentis: hoc enim perinde est, quasi diceretur, testatorem etiam in testamento scripto videri plenius verbis heredem instituisse. Sed quod postea plene scriptum non reperitur, magis contingere errore scribentis, quam testatoris voluntate, siue alius scripserit testamentum, siue testator ipse, cum festinando non est mirum aliquid omitti potuisse.

Sed cum huic verbo *Lucius* alia ꝑ verba adici possint, ut perficiatur aequae oratio, cur potius haec verba intelligimus, *heres esto*, quam alia: possunt enim salva ratione sermonis recte intelligi *Lucius liber esto*, *Lucius fundum Corneli capto*. Respondeo: Haec ideo non accipimus, quia nihil horum convenit ad vim testamenti, sed sola heredis institutio. Deinde si aliud relictum intelligimus, semper incerta voluntas testatoris esset, quid relictum voluerit. Praeterea solemne est in testamentis heredem instituere his verbis, *Lucius heres esto*. Ob hanc causam id sumimus, quod testamento consuetudine loquendi scribendique convenit, argum. in *L. si servus plur. §. ult. D. de L. 1.*



Ad L. Casus maioris. 8. Et seq. L. 9.

Imp. Dioclet. & Maxim. AA. Marcellino.

Casus maioris ac novi contingentis ratione, adversus timorem contagionis, quæ testes deterret, licet aliquid de iure laxatum est: non tamen prorsus reliqua testamentorum solemnitas perempta est. Testes enim huiusmodi morbo oppressos eo tempore iungi atque sociari remissum est: non etiam conveniendi numeri eorum observatio sublata est. Dat. VI. Kal. Iul. ipsi IV. & III. AA. Coss.

Imp. Dioclet. & Maxim. AA. Patrocliz.

Si non speciali privilegio patriæ tuæ iuris observatio relaxata est, & testes non in conspectu testatoris testimoniorum officio functi sunt: nullo iure testamentum valet. PP. X. Kal. Iul. ipsi IV. & III. AA. Coss.

S U M M A R I A.

1. *De numero testium in testamento requisito.*

2. *Præsentia testium in testamento an remittatur interdum.*

AD testamentum septem testes adhiberi oportet, de quo dicitur in *L. hac consulti. inf.* Hic numerus nullo [†] testium casu, aut morbo remittitur, quia inventus est ad testamentum muniendum adversus falsitatem. *L. ult. vers. cum enim, infr. de fideicom.* His testibus præsentibus testator voluntatem suam testari debet, nec hæc quidem præsentia ullo casu remittitur, *L. seq.* hoc amplius, omnes

simul testes præsentem esse oportet. Hæc vero necessitas [†] remittitur hoc casu, si unus ex testibus cognita testatione testantis testamento subscripserit, & id obsignaverit, deinde oppresserit eum aliquis morbus, cuius contagionem reliqui testes metuant: nam hic concessum est, eum testem, qui in morbum incidit, submovere, ut reliquis solis præsentibus reliqua testatio peragatur, ut *hac in L. casus, in fin.*

Ad L. Si testamentum. 10.

Imp. Dioclet. & Maxim. AA. & CC. Menophelimo.

Si testamentum iure factum sit, & heres sit capax, auctoritate rescripti nostri rescindi non oportet. Dat. XV. Kalend. Aug. AA. Coss.

S U M M A R I U M.

1. *Testamentum iure perfectum rescindi*

non potest rescripto Principis.

TESTAMENTUM [†] iure perfectum rescripto Principis rescindi non oportet. Hoc non tantum dictum est rebus integris, sed etiam rescripto adversus testamentum impetrato: id est, rebus integris, si quis testamentum rescindi postulat, rescriptum

ei denegatur, quia id postulare contra ius non debuerit. *L. 5. de precib. Imper. off.* Sed etsi quis obrepsit Principi, & huiusmodi rescriptum impetravit, placet hoc rescriptum a iudicibus non admitti, *L. pen. eod. tit. supr. de precib. Imper. off.* *Ad L.*

Ad L. Non idcirco. 11.

Impp. Dioclet. & Maxim. AA. & CC. Zenoni.

Non idcirco minus iure factum testamentum suas obtinet vires, quod post mortem testatoris subtractum probatur. S. Dat. Prid. Idib. Novemb. AA. Coss.

S U M M A R I U M.

1. *Testamentum furto sublatum an fiat*

vitiosum & vires suas perdat.

RES furto † sublatae non ideo vitiosae sunt, aut naturam priorem mutant, cadunt quidem in vitium furti, idest, furtivae esse incipiunt, §. *furtivae, Instit. de usucap.* Sed nihilominus res ipsae integrae manent, uti prius fuerant, tantumque eo furtum pertinet, ut illae usucapi non possint, d. §. *furtivae*. Et si caeterae res furto vitiosae fierent, tamen non posset vitium testamentum, quod surreptum esset; nam materia, in qua testamentum scriptum est, quaeque surripitur, non est testamentum; sed sententia testatoris, quae in ea materia scripta est, haec testamentum est: haec autem non surripitur. Proinde non potest dici hanc esse dubitationis causam, quod testamentum furto factum sit vitiosum, ut queratur, an propter furtum tabularum testamentum infirmetur. Haec igitur potius dubitationis causa est, quid testamento surrepto videtur aliquid accidere contra voluntatem testatoris: is enim testamentum claudendo, & sibi asservando, vult id secretum esse, ut solet esse mens testatorum, *L. hac consultis. infr.* unde & secretum alienae voluntatis appellatur,

L. captatorias, D. de her. instit. Cum testamentum surripitur, evenit contra eius voluntatem, ut tunc fere retegatur, ut verisimile sit, testatorem eas tabulas ex illo valere nolle.

Rescriptum est, non ideo minus testamentum valere duobus de causis. Primum, quia testator mortuus non potuit testamentum revocare propter furtum quod secutum est: mortui enim nulla voluntas est, *L. 4. D. locat.* Deinde, etiam vivo ei surreptum esset, & ob eam causam testamentum surreptum valere noller; tamen nihil ageret ea sola voluntate, quoniam testamentum semel iure perfectum non rumpitur, nisi alio testamento potius iure facto. *L. 1. & 2. D. de iniust. rupt.* Qua ratione admonemur, quotiescunque quaeritur, an testamentum ab initio iure factum ob aliquem casum intervenientem infirmetur, unam ex iis causis adesse oportere ex quibus testamenta infirmantur, in quibus furtum testamenti non esse constet, de iis causis agitur *in tit. Instit. quib. mod. test. infr.* & comprehensae sunt in *d. L. 1. D. de iniust. rupt.*



Ad L.

Ad L. Si unus, 12.

Imp. Dioclet. & Maxim. AA. & CC. Matronæ.

Si unus de septem testibus defuerit, vel coram testatore omnes eodem loco testes suo vel alieno annulo non signaverint: iure deficit testamentum. De his autem quæ interleta, sive superscripta dicis, non ad iuris solemnitatem, sed ad fides pertinent questionem: ut appareat, utrum testatoris voluntate emendationem meruerint, vel ab altero inconsulte deleta sint, an ab aliquo falso hæc fuerint commissa. S. Dat. Prid. Non. Iul. Philippop. AA. Coss.

S U M M A R I A.

1. Sententia huius legis.
2. Uno teste in testamento deficiente, corrumpitur testamentum.
3. Testamentum an vitietur propter deleta in testamento.
4. Deletum a testatore consulto, sine exceptione non valet, siue legi possit, siue non; sed tamen interest an ante consummationem testamenti aut postea deletum sit.

5. Deletum a testatore inconsulto, si legi potest, valet, quodcumque deleverit: & quid si inconsulto deletum legi non possit.
6. Quid si ab alio aliquid deletum sit ut testamento.
7. Legis huius genuina & emendata lectio, dilucidiorque explicatio.

1 **S**ententia est non solum, si omnia solemnia defunct in testamento, testamentum non valere, sed etiam si quid ex his vel minimum desit, ut si unus testis, aut unius testis subscriptio, vel obsignatio, quæ referri debet, *L. si non speciale, & L. casus, supr. h. tit.* Inde questum est de iis, quæ in testamento deleta sunt, an propter hæc testamentum vitietur? Et placet nihilominus cætera testamenti valere: hæc ratione, quia quæ in testamento delentur, non pertinent ad iuris solemnitatem, id est, utrum nulla sit litura in testamento, an vero sit aliqua, non ex solemnibus testamenti, ut consequens sit, propter aliqua deleta, non idcirco cætera vitari, quasi aliquid ex solemnibus desit. Sed hæc pertinent ad facti questionem, id est, inducunt questionem, quid hic factum sit, & queritur, ut appareat, quis deleverit, & quomodo deleverit, & ut in rescriptum scriptum est, ut appareat, utrum consulto a testatore emendata sint, an vero ab illo inconsulto deleta, an vero etiam ab alio falso hæc commissa sint.

Ideo autem rescriptum ait, de eo querendum esse, quia quid ex iis fiat iure, multum interest. De iis autem hæc iuris summa est: Refert, utrum quid a testato-

re deletum sit, an ab alio. Si testator si 4 deleverit, siquidem consulto deletum, sine exceptione non valet, siue legi possit, siue non possit. *L. 1. in pr. D. de iis, quæ in test. del.* Solum hoc interest, utrum consulto deletum sit, ante testamenti consummationem, an post consummationem. Quod ante consummationem deletum, ipso iure non valet, quasi ab initio non scriptum, *d. L. 1. in ulto §. 1. in fin. & §. sed consulto.* Post consummationem autem consulto deletum ipso iure valet, sed petentes removenitur exceptione, *d. L. 1. §. sed consulto.* Differentiæ ratio est; quia quod ante consummationem scriptum, pro non scripto est, cum testamentum tunc non valuerit. Quod autem post consummationem scriptum habetur, aliquando valet, ut si adhuc manet, non videatur ipso iure infirmatum esse; sed quia deficit voluntas testatoris, locus erit exceptioni doli mali, si legatarii contra voluntatem legatum petant.

Quod si si testator inconsulto deleverit, 5 & legi potest, valet, quodcumque deleverit *L. 1. in pr. & d. §. sed consulto.* Si inconsulto deletum legi non potest, siquidem deletum est ante consummationem testamenti, non debetur. *d. L. 1. §. 1. vers. sed si legi.* Si post consummationem,

nem, omnimodo debetur, si aliter probari poterit, quod relictum est, *d. L. 1. §. sed consulto*. Differentiæ ratio est, quam supra atigit, quia quod ante consummationem legi non potest, pro non scripto est. *d. L. 1. de iis, quæ in test. del.* Quæ post consummationem delentur, ea aliquando utiliter scripta, ac proinde eas non mutabit, ubi non desinit voluntas testatoris. Hæc dicta sunt de iis, quæ delentur a testatore. Alia causa est eorum, quæ delentur ab alio. Nam sive consulto, sive inconsulto quid deletum sit ab alio, pro non deletum est, ne sit in potestate alterius mutare testatoris voluntatem, & nocere vel heredibus, vel legataris: hoc significatur in *d. L. 1. in pr.* iis verbis: *Id vero quod non iussu, &c.* Quod tamen hæcenus verum est, dum sciamus si quid deletum est ab alio, ut legi non possit, & deletum sit, ante consummationem testamenti, id non magis valere; quam si deletum sit a testatore, quod colligitur ex *d. L. 1. §. 1. vers. sed si legi*. Idque ob hanc causam, quam supra dixi; quia pro non scripto habetur, quod ante consummationem legi non potest. Locus ista autem hic valde corruptus est, & verba interpretatione indigent. Aiunt Imperatores: *De iis autem quæ interleta, vel conscripta sunt, &c.* Phrasis latinis usitata pro eo, quod est: *Quod ad ea attinet, quæ interleta sunt*. Legendum est autem non *superscripta*, sed *super scripta*, agitur enim de iis, quæ in testamento delentur, expunguntur, aut cancellantur. *Superscribere* autem non est delere, sed idem id scribere supra, ut his legi possit. At *Superscribere* est aliis superinductis literis priores obliterare, quo modo maxime literæ delentur. Aiunt Imperatores: *Sed ad fidei pertinet quæstio-*

nem &c. Nulla est in proposito fidei quæstio: nam in iis, quæ deleta sunt, quæstio est, a quo delata sint, & quomodo, id est, utrum a testatore, an ab alio, & utrum consulto, an inconsulto, ut postea sequitur. Hæc vero quæstio est de facto, non de fide & probatione facti.

Apparet igitur legendum esse; *Sed ad facti pertinet quæstionem*. Hic enim quæritur, quid factum sit, a quo, quomodo. Quod verbum prioribus convenientissime subiicitur: prius enim dixerant Imperatores, deleta non pertinere ad iuris solemnitatem. Iuris quæstioni optime opponitur facti quæstio, *L. mora, D. de usur.* Est autem hic sensus: *Ea, quæ deleta sunt, aut non deleta, non pertinent ad iuris solemnitatem, & ideo si quid deletum sit, ceteris partibus testamenti nihil nocet, sed inducunt facti quæstionem, ut quærat, & querendo appareat, a quo & quomodo deleta sint*, ut sequitur.

Aiunt Imperatores: *Emendationem meruerint, vel ab altero inconsulto deleta sint, &c.* perspicuum est, legendum esse, non *altero*, sed *ab illo*, intellige *testatorem*. Nam in persona testatoris delentis recte distinguitur, utrum ipse deleverit, emendandi causa, id est, consulto; an vero ab eo inconsulto factum sit. At in altero, quam in testatore, hæc distinctio locum non habet. Si enim consulto quid deletum sit ab altero, sive inconsulto, semper valet quod deletum est, si legi potest. Ex ideo est hic loci sensus: *Querendum esse, ut appareat, utrum quæ scripta sunt, consulto deleta sint voluntate testatoris, vel illo inconsulto deleta: An vero hæc eadem ab alio commissa sint falso, id est, vel consulto, vel inconsulto, utrumvis enim fecerit alius, si non iussu domini fecit, falso fecit*.

Ad L. Testandi, 13.

Imp. Dioclet. & Maxim. AA. & CC. Euryphidz.

Testandi causa de pecunia sua legibus certis facultas est permessa, non autem iurisdictionis mutare formam, vel iuri publico derogare cuiquam permittum est.

S U M M A R I A.

1. Testari an liceat cuique suo arbitratu, spreta forma testamentorum iure publico constituta.

Negatur, & rationibus fulcitur. ibid.

2. De iure publico & privato.

Quisitum est, an liceat unicuique suo arbitratu testari, contempta ea forma testamentorum ordinandorum, quæ iure publico constituta est, præferim si testator testatus sit, vellic suam voluntatem ita ratam esse, cuiusmodi voluntatis explicatio refertur in *L. pen. §. ult. D. de leg. 2.* Movet dubitationem, quod libere testandi facultas permessa est iure publico omnibus. Ex quidem his verbis, ut ratum sit, *uti quisque rei sua legasset, L. verb. legis de verb. sig. L. 1. sup. de sacrosanct. Eccles. §. disponat. Novel. de nups.* Hoc loco declaratur nulli ita licere testari, posita ea ratione, ex qua id facile colligitur. Est autem ratio hæc, & collectio, quia testandi facultas permessa quidem est iure publico & libera, sed, accitis legibus id est, certis conditionibus, & certa forma præscripta, quam servemus in testando: iuris autem formam mutare, vel iuri publico derogare, nulli permittum est. Ex quo id facile colligitur, de quo quæsitum erat, nempe in proposito, id est, in facultate testandi, non licere formam superscriptam mutare.

Ex quo apparet, hoc rescripto contineri argumentationem, cuius exprimitur propositio & assumptio. Conclusio prætermissa est, continens responsum ad quæstionem propositam, sed ideo omisa, quia ex his, quæ antecedunt, facile intelligitur. Argumentatio est huiusmodi: iurisdictionis mutare formam, & iuri publico derogare, nulli permittum est. Facultas autem testandi permisa est certis legibus, id est, certa forma, quam servare oportet, idque iure publico. Proinde eam formam mutare, atque eo modo iuri publico

Tem. IX.

co derogare non licet. Quid ergo si contra factum erit? Respondeo: poena hæc est iis omnibus, quæ contra legem sunt, constituta, ut quod factum est, pro infecto sit, *L. non dubium sup. de legib.*

Partes huius argumentationis expendendæ sunt; propositio est, non licere mutare iurisdictionis formam. iurisdictionis forma, est forma testandi iure constituta, forma id est, modus. Appellatur forma iurisdictionis; quia secundum formam iure constitutam, ius dici a magistratibus & iudicibus oportet: hi enim secundum leges & constitutiones iudicare debent. *Inst. de off. iud. in pr.* Itaque forma iuris, & forma iurisdictionis idem valent, non quod ius, & forma iurisdictionis eadem sint, sed quod forma primum constituitur iure; deinde constituta servatur in iure dicendo, ius formam hanc efficit constituendo hanc formam, hæc ita constituta efficit necessitatem iurisdictionis. Hanc formam mutare non licet, quia iuri publico derogaretur: iuri autem publico derogare non licet. ut sequitur: sententia est iuris certi, multis locis repetita. *L. quod bonis, D. ad L. Falcid. L. ita §. Iulianus, D. de administr. tut. L. ius publ. D. de pass.* Collecta sententia est ex eo, quod placet leges servandas esse, camque esse auctoritatem legum in rebus omnibus, *L. 3. L. leges sacratiss. sup. de legib.* Si leges servandæ sunt, contra leges fieri non oportet, repugnant enim *servare legem, & contra legem facere.*

Sed quid hic sit mentio publici, cum testandi facultas, de qua queritur, sit iuris privati. Nam ius privatum definitur, quod ad utilitatem singulorum pertinet, *L. 1. §. huius, D. de iustit. & iur. ius*

C

autem

autem testandi pertinet ad singulos testatores; est enim de pecunia cuiusque privata, ut hoc rescripto declaratur, & verbis legis duodecim tabul. in *L. verbis leg. de verb. signific.*

Respondeo: ius, quod ad utilitatem singulorum pertinet, recte idem ius dicitur & privatum & publicum diversis rationibus: Privatum dicitur, si res spectamus, de quibus constitutum est. Est enim de rebus privatis singulorum. Hoc sensu de testamentis ordinandis est ius privati. Sed idem ius dicitur publicum, cum personas spectamus, ad quas pertinet. Est enim ius commune omnium civium Romanorum; unde publicum dicitur, quia fit totius populi ius, sed non universi quidem, sed singulorum ex populo, ita ius publicum dicitur, ut sit ius commune. Hoc modo ius publicum passim a nostris usurpatur & bonis auctoribus, ut *L. 2. sup. ne uxor pro marito. L. 1. sub. ff. adversus fisco. L. amicissimas in fin. D. de excusat. ius. L. 1. vers. secundo cap. L. quod bonis, § 1. D. ad L. Falcid.* Quo sensu illud dictum est in Phormione,

An ne hoc quidem adipiscar ego quod ius publicum est?

ubi Demipho intelligebat ius de sua pecunia constitutum, sed ita constitutum; ut esset omnium civium commune. Hoc sensu dicimus iuri publico derogare non licere, quia nullus licet legibus derogare, sive ad statum Reipubl. pertineant, sive ad utilitatem singulorum, ut declaratur in *d. L. quod bonis, § 1. D. ad L. Falcid.*

Derogare iuri publico est contra ius publicum, sive legem facere: contra legem autem facere, est facere quod lex vetat, *L. 3. D. de legib. ut accidet in forma testamentis constituta.* Sic enim hæc præscribitur legibus, ut iubeatur adhiberi: qui adhiberi iubet, omitti vetat. Proinde omitendo contra legem facimus, & iuri derogamus. Hæc definitio diligenter observanda est, ut intelligamus, non omnia, quæ permittuntur legibus, in necessitate iuris posita esse. Est enim certi iuris regula, licere unicuique his, quæ pro se introducta sunt, renuntiare, *L. pen. sup. de pati. L. si iudex, D. de minor.* Cur ergo id fit in una specie potius, quam in cæteris? quia dum iis renuntiamus, iuri non derogamus: in iis enim deferendis lex nihil iubet. Quod ut intelligatur, sciendum est, quædam simpliciter permitti, & concedi legibus, ut sunt actiones, quæ

dantur legibus de rebus nostris privatis, ut sunt exceptiones, quæ dantur reo, ad defensionem; quædam fieri iubentur lege. Cum aliquid permittitur simpliciter, & conceditur, licet id non accipere, licet & recitare, quia qui concedit, accipere non iubet. Ex ideo cum iis renuntiamus, nihil fit contra legem; quia nihil fit secus, quam lex iubet. At ubi lex iubet, aut vetat, illic necessitas imponitur parendi, & si quid contra fit, tunc recte dicitur derogari legi. Assumptio hæc est: *Facultas testandi permittitur est certis legibus.* Sic hæc verba accipimus, ut intelligamus, *permittam esse certis conditionibus & iure publico.* Nihil fit contra significationem verborum, quinimo leges ubi id significat. Sententia quoque ipsa per se verissima est, facultatem testandi permittam esse variis legibus, ut *L. 12. tabul. d. L. verbis l. de verb. significat. & L. Falcid. r. & 2. cap. L. 1. D. ad L. Falcid. & Constitutione Iustiniani d. Novell. de nupt. §. dispuat.* Sed interpretatio huic loco non convenit, nam illa verba, quæ sunt extrema in rescripto, *iuris formam mutare non licere*, declarant in testandi facultate intellectam esse prius formam aliquam, de qua moranda agatur. & de qua mutata iuri publico derogetur. Proinde glossa optime hæc verba accipit sic, ut intelligatur facultas testandi permittam esse certis *Legibus*, idest, certis observationibus, vel melius, certis conditionibus, & certa forma præscripta. Nam *Lex* inter cætera conditionem significat: datum *ea lege*, idest, ea conditione: lex donationi adiecta est, idest, conditio donationi adiecta est, ut passim hæc significatio legibus occurrit, & declaratur in *L. ea lege, & L. dictam, & iuncta L. si repetendi, iuvr. de condit. ob causam dater.*

Et res ita habet. Certa forma testamenti ordinandi præstituta est iure publico, de qua in *L. hac consultis. infr. Instit. de testam. ordin. & tit. de exhered. liber.* Non obstant hæc leges, quas supra enumeravimus, quibus libera potestas testandi unicuique permittitur. Sic enim libera est: ut iamen in quibusdam rebus coangulata sit aliis legibus, ut nominatim dicitur in *d. L. verbis L. D. de verb. sig.* His positis efficitur sua sponte conclusio, idest, id quod responderi hoc rescripto dicimus, nempe formam præscriptam in testando mutari non licere, ut iuri publico derogetur.

Sed iamen huic parti quædam opponuntur. Nam testamentum est de re privata, & familiari; unicuique ideo licere pacifici

pacisci, & sua voluntate licere in eo deterioriorem suam conditionem facere: proinde & in testamentis ordinandis licere ei formam renuntiare, *L. iurigent. §. si paciscor, L. pactum, D. de pact. Resp.* Quod dicitur, licere de re privata pacisci & cavere, ut lubet, sic intelligendum est: si nihil obstat, quam res privata, de qua agitur. Cæterum si lex, aut boni mores vetent, pacisci non licet, quanvis res sit privata. Exemplum habemus in Senatusconsulto Velleiano, quo cautum est, ne mulieres pro aliis intercedant, *L. 1. D. ad Senatusconsult. Velleian.*

Deinde & hoc obstat, quod facultas testandi, & omnis forma testamenti ordinan-

di introducitur pro testatoribus ne videlicet aliquid falsi adversus eorum voluntatem admittatur *L. ult. infr. de fideicom.* Sic autem ius est, ut supra dixi: Licere unicuique iuri pro se introducto renuntiare. Respondeo: Verum est, hanc formam testatorum causa maxime introductam esse, sed non solum testatorum, verum utilitatis publicæ gratia, ut falsis occurratur, cuius rei indicium erit in omnibus rebus, quoties ita lex aliquid permittat, ut tamen in eo aliquid fieri aut omitti liceat. Quod enim lex iubet, auctoritati suæ reservat, eoque privati arbitrio non permittit,

Ad L. Non codicillum. 14.

Imp. Dioclet. & Maxim. AA. & CC. Achilleo.

Non codicillum, sed testamentum aviam vestram facere voluisse, institutio & exhereditatio facta probant evidenter. Subscr. Idib. Decemb. CC. Coss.

S U M M A R I U M.

1. Defunctum testamentum facere vo-

luisse, unde intelligamus.

QUI testamentum facere voluit, neque illud perfecit, intestatus decedit, & ita decedit, ut quæ scriptura tanquam testamentum non valet, codicillos non faciat, quanvis alioqui per se ut codicilli valuerint, nisi habeat a testatore, ut saltem valeret iure codicillorum. Hæc in *L. ult. §. illud, infr. de codicill. L. coheredi, §. cum filia illic alioquin, D. de pupill. & vulgar. substit.* Quo fit, ut nihil ex ea scriptura debeatur ex illis, quæ inde relicta sunt. *L. 1. D. de iur. codicill.*

Hinc ¶ quæstio huius loci: unde intelli-

gamus, defunctum testamentum facere voluisse? Et si quidem defunctus nominatim scripsit suum hoc testamentum esse, res expedita est: Sin de eo nihil dixit, res deciditur hic: videri eum testamentum facere voluisse, qui in ea scriptura heredem instituit, aut exheredavit, nempe coniectura voluntatis certa ducta ex eo, quod proprium est solius testamenti. Nam hereditas neque dari, neque adimi codicillis potest, eoque neque quisquam exheredari iis potest, *§. ult. Institut. de codicill.*



Ad L. Quoniam. 15.

Imp. Constantinus A. ad populum.

Quoniam indignum est, ob inanem observationem irritas fieri tabulas & iudicia mortuorum: placuit ademptis his, quorum imaginarius usus est, institutioni heredis verborum non esse necessariam observantiam, utrum imperativis & directis verbis fiat, aut inflexis. Nec enim interest si dicatur: Heredem facio, vel instituo, vel volo, vel mando, vel cupio, vel esto, vel erit. Sed quibuslibet confecta sententiis, vel in quolibet loquendi genere formata institutio valeat, si modo per eam liquebit voluntatis intentio. Nec necessaria sunt momenta verborum, quæ sorte seminecis & balbutiens lingua profudit. Et in postremis ergo iudiciis ordinandis amota erit solemnium verborum necessitas: ut qui facultates proprias cupiunt ordinare, in quacunque instrumenti materia conscribere, & quibuscunque verbis uti, liberam habeant facultatem. S. Dat. Kal. Febr. Serdica, Constantio A. II. & Constante A. CC. Coss.

S U M M A R I A.

1. Summa huius constitutionis.
2. Quacunque in materia scribitur, testamentum ratum est.
3. Solemnia verba institutionis heredis cur dicantur imperativa & directa, & quæ fini, & cur civilia.
4. Fideicommissi verba dicuntur precaria, & sunt obliqua.
5. Veteres cur putarint verba directa ex iure civili esse, cetera precaria non esse.
6. Legare quid.
7. Verbis non inherendum, sed menti & voluntati contrahentium.

¹ Summa constitutionis expressa est in extremis verbis. Est t̄ autem hæc: in qua materia testamentum scribatur, nihil refert, sed nec quibus verbis heres instituat, dummodo constet quem testator sibi heredem esse voluerit. Hæc ita constituta veteres initio tabulis scripserunt; unde et si res mutata sit postea; tamen vetus nomen tabularum mansit, quo etiam iuris auctores passim utuntur, dum tabulas testamenti nominant. Sed iam olim obtinuit inventis aliis materiis idoneis ad scribendum, ut t̄ quacunque materia scriberetur testamentum, ratum esset, L. 1. in pr. D. de bon. poss. Id ius hic confirmatur. Quod ad heredis institutionem attinet, ante hæc tempora t̄ solemnibus verbis heredem institui oportebat. Erant autem hæc, L. Titius heres esto, ut colligitur ex L. 1. D. de hered. instit. Et Ulpianus docet in tit. de hered. instit. in frag.

Hæc verba dicuntur hoc loco imperativa & directa. Cur imperativa, notum est. Dicuntur directa, quia iis verbis efficitur, ut hereditas perveniat directe, seu recta ad heredem institutum, ut intelligimus ex §. ult. Inst. de sing. reb. per fideicommiss. relist. Eadem dicta sunt civilia L. verbis legis, D. de vulg. subst. Ideo; quia sola hæc in hereditate danda iure civili agnoscebantur, quæ omnia dicta sunt, ut distinguerentur hæc verba a fideicommissariis, id est, iis, quibus vel hereditas, vel res aliqua singularis per fideicommissum relinquitur. Hæc non imperant, sed petunt & rogant, ut quis fideicommissum restituat, ut sunt verba fideicommissi, §. ult. Inst. de sin. reb. per fid. relist. Unde fideicommissi verba t̄ dicuntur precaria, qua ratione directa institutio opponitur precariæ in L. querebatur, versic. quinimo, D. de milit. test.

Hæc eadem non sunt directa, sed obliqua, & ut hic appellantur, inflexa, quia fidei-

fideicommissum non recta capitur a testatore, sed interposita persona eius, qui rogatur, ut fideicommissum restituat, ut de hereditate fideicommissaria declaratur in §. *in primis*, *Instit. de fideicom. her.* De singulis autem rebus declaratur in *tit. de singul. reb. per fideicom. reb.* Hæc vere inflexa & obliqua via est, per quam id quidem agitur, ut res ad fideicommissarium perveniat, sed non recta a testatore; verum adhibito eo, a quo res accipitur. Eadem verba non sunt civilia, sive iuris civilis, & ob hanc causam initio fideicommissa nullam vim habuerunt, etiam si postea translata sint in necessitatem, *tit. de fideicom. her. in pr.*

5 Cur igitur veteres putarent verba directæ, & imperativa ex iure civili esse,

cætera vero precaria non esse, sumptum est ex verbis legis 12. tabul. his: *ut quisque legasset suæ rei, &c. L. verbis legis, de verb. sign.* Legare auctore igitur 6 Ulpiano in *frag. de legatis* est relinquere legis modo, idest, imperative. Sed recte Imperatores posteriores iudicaverunt ineptum igitur esse verbis inhærere, cum sententia testatoris constat, & ideo fere in omnibus speciebus negotiorum solemnitatem verborum repudiaverunt, satis habentibus, si quibuscunque verbis constet, quid scriptor, quid testator, quid contrahentes scripserint, ut in heredis institutione hic constitutum est de legatis in *L. in legatis, infr. de legat.* De actionibus instituendis, & earum formulis in *L. 1. 2. sup. de formul. & imp. act. sublat.*

Ad L. Non dubium. 16.

Imp. Gratianus, Valent. & Theodos. AA. Eutropio.

Non dubium, nec incertum est, sicut Imperatoribus, ita qualibet dignitate, vel potestate decoratis viris, tam hereditatem, quam legatum, seu fideicommissum relinquere posse. §. 1. Illud etiam adiciendum est, qui ex testamento, vel ab intestato heres exstiterit: eî voluntas defuncti circa legata seu fideicommissa seu libertates legibus non sit subnixæ: tamen si sua sponte agnoverit, implendi eam necessitatem habeat. S. Dat. Kal. Iul. Thessalonica, Gratiano V. & Theodosio AA. Coss.

S U M M A R I A.

1. Princeps & magistratus an possit capere ex testamento alterius, & an etiam possit legare.
2. Princeps an sit civis Romanus.
3. Legata & fideicommissa inutiliter

relicta an & quando debeantur.

4. Heres si ex pluribus legatis quædam solverit, an etiam reliqua præstanda obligetur.

DUÆ sunt hic sententiæ. Prior est: Principi, & cuivis magistratui hereditatem & legatum testamento recte relinquit. Quæstio est, igitur quæ fuerit causa cur de hac re dubitaretur, cum omnibus liceat ex testamento capere, nisi nominatim prohibeantur: ineptum sit autem de Principe, aut magistratu dubitare, qui plus iuris habent, quam aut rusticus, aut mercator, qui possunt ex testamento capere: quod nusquam dubitatum legimus, & sine probabili dubitatione inepta & consultatio & responsio est, *L. Domitius, D. b. t.* Non est autem probabile, quod Accursius cæteris consentientibus

scribit, hanc dubitandi causam esse: quia non videatur esse sani hominis, relinquere ditioribus, & præsertim Principibus. Nam si in iis, quæ relinquuntur, habetur honores iis, quibus relinquitur: nihil magis convenit, quam relinquere Principi, idest, ei honorem habere, non ad eum augendum, qui nimio plus habet, sed ad submissi obsequii & benevolentis animi significationem.

Præterea scimus etiam constitutum esse de Principibus, licere iis nimirum testamentum facere, *L. cum heredes, in fin. sup. sit. prox.* cui in constitutione superior ratio dubitandi convenire non potest.

Illic

Illic enim non relinquitor Principi, sed Princeps dat, nempe dives pauperioribus. Mihi videtur dubitatio uita ex L. Falcidia, & similibus legibus. Nam 1. & 2. cap. eius Legis, caveretur de eis, qui legare testamento possunt, & quibus possint, iis verbis: *ut civis Romanus civi Romano legare possit*, quibus verbis ceteri excluduntur. Non videtur tamen Princeps esse in numero civium, quia cives subditi sunt: Princeps autem imperium habet in subditos & universum populum, L. 1. D. de const. princip. Quia ratione fit, ut non tantum dubitetur, an Princeps possit capere ex alterius testamento, sed etiam an possit legare testamento?

Huc dubitationi occurritur his constitutionibus, quibus caveretur, & Principem posse relinquere, & capere ex testamento. Et recte dubius de causis; quia & Princeps civis est, quia eorum omnium, qui sunt in orbe Romano, & aliquo imperio, unum est corpus, cuius membra sunt subditi, caput vero Princeps: neque eo minus caput ex corpore est, quia caput præest cæteris membris. Deinde, etsi Princeps civis non esset, tamen ex superioribus legibus admitti eum oporteret. Nam si ius legandi & capiendi ex alieno testamento datur inferioribus, multo magis ex sententia legis Principi, & magistratibus idem est trihuendum, quibus plus iuris trihuendum esse constat.

Posterior sententia est hæc: legata tamen & fideicommissa iuvuliter relicta, puta imperfecto testamento, aut imperfectis codicillis iure ipso non debentur, ut constat ex imperfecto testamento nihil deberi, ex L. 3. sup. §. pen. & ult. Inst. quib. mod. testam. inf. Placet tamen si heredes vel scripti, vel legatarii agnoverunt voluntatem defuncti, legata deberi, & ideo si ultro solvant, non repent. L. 2. inf. de fideicom. Si non solverint, nihilominus necesse præstare habebunt id, quod hic cautum est. Agnoscere voluntatem intelligitur heres, aut præstando legatum, aut promittendo. Præstando, si legatum menstruum est, aut annuum, & id tribus annis saltem præstitit. Nam ex eo tempore non tantum manere debent, quæ iam soluta sunt, sed etiam obligator heres ad futuri temporis præstationem, ut est constitutum in L. 1. inf. de fideicom. Promittendo obligator heres, si stipulanti legatario, aut fideicommissario promittat, se solviturum, L. si veritas, inf. de fideicom. L. ult. inf. ad L. Falcid. ubi constitutio scripta est de eo, qui cautio-

nem legatarius non debiti emisit, cautio stipulatio est, L. sancimus, inf. commun. de legat.

Hæc res dubitationem non habet: quia constat unumquemque ex stipulatione obligari, §. de constituta, Inst. de act. At si quid heres tantum pacto promissit præstiturum se sine stipulatione, ex d. L. si veritas, & d. L. ult. ad L. Falcid. colligitur heredem non obligari, quia illoc stipulationem exigunt, quod & verum est. Nam ex pacto actio non nascitur iure civili, L. iurissent. §. sed cum nulla, §. quinimo, D. de pact. L. legem sup. de pact. Plautus si heres aliquando pactus est se præstiturum, & iterum idem pacificatur, obligabitur. Nam iure prætorio obligatur quisque de constituta pecunia, si constituat se solviturum, quod prius debebatur, etiam natura; d. §. de constituta. Inst. de act. d. L. 1. §. pen. & ult. D. de constit. pecun. heres autem, qui iterum idem promissit pacto, constituere intelligitur, quod prius promiserat, & constituit, quod ex natura debebat. Nam priore pacto solum natura obligabitur, L. in his, §. Imper. D. de solut. arg. in L. 1. in pr. D. de pact. Quod si heres absentibus legatarius dixerit, se agnoscere voluntatem defuncti, ea res legatario non proderit: nam qui ex pacto non obligatur, multo minus sine pacto obligabitur. Superior agnitio autem & pollicitatio pactum esse non potest, cum pactum sit duorum pluriumve in idem consensus, L. 1. D. de pact. L. 3. D. de pollicitatio.

Quid si heres tamen ex pluribus legatis quendam solverit, an etiam ad reliqua præstanda obligatur? Negat Accursius recte ex ult. suar. ut uxor. pro marito. Nihil enim prohibet heredem in unum beneficium conferre, ut in cæteros nolit: liberum cuique autem esse debet, quomodo & erga quos libertatem exerceat, L. 1. & 2. D. de precar. Hoc tamen locum non habet ex constitutione Iustiniani in iis legatis, quæ relicta sunt supra dodrantem hereditatis, & minuuntur per legem Falcidiam. Placuit enim Iustiniano, si heres vel unum legatum integrum præstiterit, sibi necessitatem asserre, & cætera solide præstandi, Auth. sed cum testator, inf. ad L. Falcid. Sed hoc singulari iure constituitur, ut voluntas testatoris conservaretur in eo legato, quod alioquin iure valet, quod ad cætera legata iure iustitia transferri non debet.

Ad L. Testamentum. 17.

Inpp. Arcadius & Honor. AA. Aeternali proconsuli Afix.

Testamentum non ideo infirmari debet, quod diversis hoc deficiens nominibus appellavit, cum superflua non noceant. Namque necessaria pratermissa imminuunt contractus, & testatoris efficiunt voluntati, non abundans cautela. Datum XII. Kal. April. Arcadio II. & Honorio III. AA. Coss.

S U M M A R I A.

1. *Superflua & supervacua neque testamento, neque ulli negotio nocent.*
2. *Verba superflua quæ sunt.*
3. *Res iure inutiles quæ sunt, & an actum totum vitient.*

Testamento si quid deest, ex iis, quæ testamento desiderantur nullius momenti testamentum est, *L. si unus, sup.* quia testamentum imperfectum est, non est autem testamentum, quod non est perfectum; unde dicimus imperfectum quodque testamentum non valere. At si testamento rite perfecto aliquid adicitur, quod ad testamentum & voluntatem supremam defuncti nihil pertinet, etiam in verbis omne superfluum vitiosum sit; tamen in sententia nihil mutatur, & nihilominus testamentum valet. Re enim perfecta, quidquid adicitur, pro supervacuo est. Supervacua ¹ neque testamento, neque ullo negotio nocent; quia perinde sunt, ac si adiecta non essent, *L. quæ extrinsecus, de verb. oblig.* Unde dicitur; Non solent, quæ abundant, vitare scripturam, *L. non solent, de reg. iur.* Quod in specie testamenti hic confirmatur, in contractibus autem confirmatur in *d. L. qui extrinsecus.*

Observandum est autem, loqui nos de verbis superfluis & abundantibus, non autem de rebus inutilibus iure. Verba ² superflua sunt, quæ ad sententiam nihil pertinent, sive quæ de sententia priore nihil mutant, ut si testator initio testamenti

seribat, suum hoc testamentum esse quod sequitur, esse suum supremum elogium, esse suam supremam voluntatem, quod exemplum est, de quo in rescripto Imperatores consulti erant; eiusmodi verba, si quæ sunt, ea nunquam nocent lis, quæ vere & serio scripta sunt. At res ³ iure inutiles sunt, quæ adiectæ sententiam mutant; sed iure vitantur adijci, ut proinde adiectio inutilis sit. Hæc possunt esse huiusmodi, ut si adijciatur; non tantum ipsæ inutiliter adiciantur, sed reliquum etiam totum actum vitent, ut si conditio, aut dies adiciatur emancipationi, aut similibus actibus legitimis, *L. actus, de reg. iur.* Ut si in fideiussore constituendo promittantur decem, aut Stichus nomine eius debitoris, qui decem tantum debuit. Nam adiectio Stichus totam facit inutilem fideiussoriam obligationem, *L. Grace, §. quis Stichum, D. de fideiuss.* Sed hæc nihil adversantur huic loco. Nam ut dies & conditio & Stichus ad sententiam eorum, quæ geruntur, pertinet. Est enim longe alia causa & sententia eius, qui decem tantum debet, alia eius, qui decem, aut Stichum. Proinde non sunt hæc superflua ad sententiam, quare ad hunc locum non pertinent.

*Ad L. Testamenta. 18.**Imp. Arcadius & Honor. AA. Africano præfeto urbi.*

Testamenta omnia, ceteraque quæ apud officium censuale publicari solent, in eodem loco referuntur, nec usquam permittatur fieri ulla translatio. Mos namque retinendus est fidelissima vetustatis: quem si quis in hac urbe voluerit mutare, irritam mortuorum videri faciet voluntatem. Dat. XII. Kal. Octob. Constantinop. Cesario & Attico Coss.

S U M M A R I U M.

1. *Testamentum publicandum apud quem referari debeat.*

QUÆ utilitas esset testamentum publicari apud idoneos magistratus, intellectum est ex *L. 2. super.* Ob hanc causam ¶ si quis testamentum publicari velit, caveretur hoc loco, ut referetur, idest, aperiatur apud magistratum census, si modo publicetur in urbe Constantinopoli, neque publicatio alio, idest, ad alios magistratus transferatur. Hanc esse sententiam huius constitutionis liquet ex *L. hac consulsif. infr. b. t. ubi sta-*

tim in principio proponitur hæc sententia, & deinceps pluribus verbis confirmatur, & nominatim adicitur ex constitutione duorum Principum, quæ hic refertur. Itaque non est hæc constitutio de eo, ut testamenta publicata referantur apud magistratum census, sed ut publicanda referantur, quo etiam modo legendum est, ut & alii recte monuerunt, præsertim cum verbum, *referatur*, exisset in eadem constit. C. Theod.



Ad L. Omnium. 19.

Imp. Honorius & Theodosius AA. Ioanni PP.

Omnium testamentorum solemnitatem superare videtur, quod insertum mera fide precibus inter tot nobiles probatasque personas etiam conscientiam Principis tenet. Sicut ergo securus eris, qui actis cuiuscunque iudicis, aut municipis, aut aurbus privatorum; mentis suae postremum publicavi iudicium: ita nec de eius unquam successione tractabitur, qui nobis mediis, & toto iure (quod in nostris est scriniis constitutum) teste succedit. Nec sane illud heredis nocere permitimus, si rescripta nostra nihil de eadem voluntate responderint. Voluntas etenim hominum audire volumus, non iubere: ne post sententiam nostram inibitum videatur commutationis arbitrium: cum hoc ipsum, quod per supplicationem nostris auribus intimatur, ita demum firmum sit, si ultimum comprobetur, nec contra iudicium suum defunctus postea venisse detegatur. Ne quid sane praetermississe credamur: huiusmodi institutionis successibus designatis, omnia quae scriptis heredis competunt, iubemus eos habere, nec super bonorum possessionis petitione ullam controversiam nasci: cum pro herede agere cuncta sufficiat, & ius omne ipsa complere aditio videatur. Omnibus etenim praestandum esse censemus, ut libero arbitrio, cui testandi facultas suppetit, successorem suum oblati precibus possit declarare: & stabile sciat esse quod fecerit. Nec institutus heres pertimescat, cum oblatis preces secundum voluntatem defuncti idoneis testibus possit approbare, si ei alia nocere non possunt. Dat. XII. Kal. Mart. Ravennae, post consulatum Honorii, VIII. & Theodosii, V. AA.

S U M M A R I A.

1. *Due rationes recte ordinandi testamenti novae & singulares.*
2. *Preces hic quid.*
Testamentum precibus Principi insertum cur valeat, & unde habeat fidem & auctoritatem.
3. *Scriniis sua quid vocent Principes.*
4. *Proximi sacrorum scriniarum qui.*
5. *Scriniarum diversa species.*
6. *Principem omnia habere in scrinio publicis, error est interpretum quorundam puerilis.*
7. *Testamentum precibus insertum eandem habere vim, ac caetera privata, non maiorem, nec minorem.*
8. *Testamentum actis iudicis cuiusque insinuari potest, & quam fidem habeat ita ordinatum & n. 9.*
10. *Testamenti precibus inserti publicam esse fidem.*
11. *Contrariis occurratur.*
12. *Qui habeantur idonei testes in extremo rescripti.*

SI quis vitare velit eam diligentiam, quae in testamentis privatis desideratur ex iure communi in *L. hac consultis*, *infr.* duae tamen hic rationes recte ordinandi testamenti constituuntur novae, & singulares. Una est in precibus Imperatori offerendis: altera in testamento actis publicis cuiusvis iudicis insinuando. Prior hoc

Tom. IX.

continet, ut testator testamentum suum precibus inserat, quod sit mera fide, id est, certa & indubitata probatione; deinde eas preces offerat Principi: hac oblatione sola consequetur, ut testamentum ratum sit, & ita ratum, ut omnium testamentorum solemnitatem superet. Preces tamen sunt libelli supplices, qui offeruntur Principi de hoc testa-

D

testa-

testamento recipiendo, & cognoscendo. Unde quæ in principio dicuntur hic preces, postea appellatur supplicatio in *vers. voluntas etenim*, hic nûs verbi declarator *tit. de precib. Imper. offer. L. precib. supr. de impub. & al. infr.*

Auctoritas, & fides huic testamento conciliatur ex his rebus. Intelligendum est enim, preces Principi oblatas solere postea legi in consistorio Principis; deinde has referri in scriinia Principis, quibus ea acta continentur. Sic fit, ut hæ preces habeant testes, & conscium Principem, cuius testimonium omnium testimonis est maius. Deinde habet testes omnes nobiles, & probatas personas, quæ sunt in consistorio Principis, quod in *pr. hoc loco* declaratur. Postremo testificantur iis precibus scriinia istius Principis. Hoc colligitur ex verbis: *Non trallabitur de successione eius, qui nobis mediis, idest, intervenientibus, & toto iure, (quod in scriiniis nostris est constitutum) teste succedit.* Scriinia 1 sua Principes vocant, quæ in usu iuris dicuntur *scriinia Principis, & scriinia sacra*, quibus qui præfecti sunt, dicuntur proximi 2 sacrorum scriniorum, *tit. de prox. sac. serin. inf. lib. 11.*

3 Hæ scriinia 4 sunt arcæ, seu capsulæ, in quibus acta Principum reconduntur, sive ad administrationem Reipublicæ pertinerent, sive ad iurisdictionem: Ex quibus quædam dicebantur scriinia memoriæ, quædam epistolaram, quædam libellorum, idest, libellorum supplicum, quos hic preces dicimus, ut indicatur in *L. 5. § 6. inf. de prox. sacror. serin.* In iis continebatur totum ius Principis, quia epistolæ continebant constitutiones generales ad provincias. Libelli supplices habebant adiuncta rescripta, & responsa Principum de specie libello comprehensa, quæ omnia erant partes constitutionum, ut declarat Theophil. in *§. sed & quod Principi, Instit. de iur. nat. gent. & civ.*

Ex quo intelligitur, puerilem esse errorem eorum interpretum, qui ex iis verbis collegerunt tritum illud, non minus falsum, quam alienum ab hoc loco, Principem 6 1 habere omnia iura in scriinio pectoris, quasi scriinia hic significant recessus mentis Principis, aut quasi ius, quod isti esse volunt in pectore Principis testificetur aliquid, ac non testimonium omne sit in lingua, aut scripto Principis.

Hactenus Imperatores volunt eiusmodi testamentum precibus insertum iure optimo valere. Adiciunt, quatenus valent in *vers. nec sane, usque ad fin.* Est autem hæc summa; huius testamenti eandem vim

esse, quæ etiam cuiuslibet testamenti privati solemniter facti, sed eandem, non maiorem. Eandem 7 esse, iis rebus demonstratur. Primum, quemadmodum cætera testamenta privata non desiderant alienam auctoritatem, & approbationem, *L. illa institutio, D. de ber. instit.* Sic nec testamentum precibus insertum desiderat approbationem Principis, quanvis illi sit oblatum. Nam & sine ullo eius responso testamentum valebit, *vers. nec sane h. l.* Deinde, ut testamenta privata rite facta, iure civili valent confirmata *L. 12. tab. L. obvenire, de verb. sig.* Unde ex quovis testamento hereditas sola additione acquiri potest. Ita & ex testamento precibus inserto, heres sola additione hereditatis hereditatem acquirit, nec erit necessaria agnitio bonorum possessoris, *vers. ne quid sane, h. l.*

Rursus huius testamenti vim non minorem esse, quam cæterorum privatorum, declaratur in hac constitutione iis verbis. Primum, ut privata testamenta rite facta, ita valent, ut tamen testator mutare ea possit alio facto rite. *L. 1. § 2. D. de iust. rapt. §. 1. Instit. quib. mod. test. infrm.* Sic etiam testamentum precibus insertum licebit testatori quandocunque volet, mutare alio testamento item recte facto, nec obstant auctoritas Principis *d. vers. ne quid sane, h. l.* Deinde, ut cætera testamenta solemniter facta hactenus valent, si non cætera refragantur, puta si hoc accedit, ut testator testandi ius habuerit, ut non sint præteriti liberi, qui in potestate testatoris fuerunt. Sic & testamentum precibus insertum ita deferret hereditatem heredi testamenti scripto, si cætera quoque concurrant, sine quibus testamentum valere non potest; ex quibus si quid deerit, non magis testamentum valebit, quam cætera privata. Hoc additum est in extremo huius constitutionis, ex quo colligimus, si eiusmodi testamento precibus inserto postumus testatoris præteritus fuerit, deinde natus vivo testatore, eodem etiam vivo decesserit, ex hoc testamento hereditatem iure civili adire non posse, *L. postumus, D. de iust. rapt.* Sed nec posse ex hac constitutione propter extrema hæc verba: *Si heredi alia nocere non possunt.* Ex quo reliquum est, ut huic heredi solum relinquatur remedium bonorum possessionis ex iure prætorio, secundum tabulas testamenti *ex d. L. postumus.* Nec obstat pars constitutionis huius, ubi cavetur, non esse necesse heredi agnoscere bonorum possessionem, hoc enim postea extremis illis verbis

bis colligitur nisi heredi alia non noceant.

- 8 Altera ratio testamenti ordinandi rite f. hic constituitur, ut testamentum actis iudicis cuiusvis insinuetur, quod constituitur in principio legis, in iis verbis: *sic ut ergo securus erit*. Id autem ita transfigitur: qui testamentum hoc modo facere volet, addit quonvis iudicem sedentem ibi apud acta, nuncupabit voluntatem suam supremam, id est, dicet, quos sibi heredes velit esse, & quæ quibus legari velit, petetque, ut hæc voluntas in acta publica referatur, & ut hic loquimur, ut actis insinuetur. Acta hæc fidem publicam habent, non tantum privatam: supra in *L. testamenta, prox. tit.* cautum est, ut testamenta aperiantur apud magistratum census tantum in urbe Constantinopoli, quia de testamento iam factio illic agitur, quod postea heredes velint aperiri, & publicari apud iudices. Hic autem agitur de testamento faciendo ab initio, & ideo nihil contrarii constituitur, cum hic permittitur testamentum fieri, & publicari apud quemvis iudicem, ut recte Bartolus animadvertit. Est autem, ut ceperam dicere, huius f. testamenti actis insinuari fides publica, ut prolatis actis statim probetur testamentum, nullis aliis testibus adhibitis, qui necessarii non sunt, ubi publica monumenta sufficiunt, ut scribitur in *L. in donationibus, inf. de donat.* Quod si de actis cuiusvis iudicis recte dicitur, eoque & de testamento actis insinuat: multo magis f. probandum est, eius testamenti, quod insertum est precibus Principi oblatas fidem publicam & auctoritatem esse, sine ullis aliis testibus, tantummodo ut fides ex scriniis libellorum Principis petatur: nam acta Principis omnibus aliis potiora sunt actibus.
- 11 Sed videntur ob stare f. extrema huius *L.* verba, quibus ita scribitur: *nec insi-*

tutus heres pertimescat, cum oblatas preces secundum voluntatem defuncti idoneis testibus possit approbare. Ex iis verbis vulgo colligunt ad fidem huius testamenti confirmandam saltem heredem institutum probare debere preces esse oblatas Principi, idque probari posse saltem duobus testibus, quia numerus hic expressus non est, iuxta *L. ubi numerus test. D. de testib.* Sed hunc locum ita interpretari non licet. Est enim hæc probatio heredi omnino inutilis, si non progredimur longius: non enim sufficit aliquas preces esse oblatas Principi, nisi etiam dicatur testamentum illis precibus insertum esse, quo testamento hic heres institutus sit, qui se heredem dicit, ut cautum est in *pr. h. t.* At tale testamentum esse ali-quod, non probatur duobus testibus. Et sane periculose id constituitur: nam facile subornabuntur duo testes, qui dicant, se interfuisse, cum defunctus offerret preces Principi, & se legitime testamentum precibus comprehensum; deinde redditas esse preces defuncto, ut sic illi testes refutari non possint. Ergo idonei testes f. hic intelligendi sunt illi, qui commemorantur in *pr. h. t.* & in illis verbis, *qui nobis mediis*. Et præterea omnes consistoriales. Postremo ipsa scrinia Principis in quæ hæc preces libelli supplicis relatæ sint. Neque ideo necesse erit, cum de fide huius testamenti agitur, citari Principem, aut cæteros consistoriales; quia satis erit, recurrere ad scrinia libellorum Principis, in quibus reconditæ fuerint hæc preces testamentum defuncti continentes, quemadmodum fieret testamento cuiuslibet actis insinuato. Et hoc est; quod Imperatores dicunt, necesse non esse, ut heres his precibus institutus pertimescat, cum habeat probationem tam idoneorum testium, eamque tam facilem, atque expeditam.

Ad L. Nolumus, 20.

Impp. Honorii & Theodosii edictum ad populum urbis Constantinopolitanz & omnes provinciales.

Nolumus convelli deficientium scriptas iure ac solemniter voluntates, dum quoddam morientis supremum & non scriptum processisse confirmatur arbitrium, tanquam patrimonium suum ad nos deficiens maluerit pertinere. Omnibus enim privatis & militantibus interdiximus, ne huiusmodi perbibeant testimonia: & falsi criminis reos teneri precipimus, si cum scripte iure, ac solemniter deficientium extiterint voluntates non scriptum aliquid sub nostrorum nominum mentione falso adstruere moliantur. Nemo itaque relictus heres vel legibus ad successionem vocatus: nostrum vel potentium nomen horrescat: nemo ferre testimonia in hunc modum, vel suscipere in gestis huiusmodi voces audeat nostro vel etiam privatorum potentium nomine, Dat. VII. Id. Mart. Constantinop. Theodosio A. VII. & Palladio Coss.

S U M M A R I A.

1. *Principes testamento non scripto institui heredes non possunt, scripto possunt.*

Quod constitutum in *L. non dubium* sup. Principem heredem institui posse, & quovis homines potentes, non minus, quam privatum quemlibet; id temperatur hac constitutione singulari iure, ut Principes & potentes homines recte instituatur, si instituuntur testamento scripto. Si dicuntur autem instituti esse testamento non scripto, cavetur hac constitutione, ne id testamentum ullo modo admittatur, neve ulli testes pro eo testimonium dicant, poena falsi indicta, si qui testes testimonium dicant. Idque ita vult esse constitutio, ut eiusmodi testamentum neque noceat heredibus scriptis alio testamento, de quo cavetur in prin., neque noceat etiam heredibus legitimis, quod cavetur in *vers. extremo, b. L.* Hanc constitutionem Accursius & Bartolus ita acceperunt, si testamentum non scriptum non esset solemne; quod si solemne esset, absurdum putarunt dici, eo testamento Principem institui non posse, & contra *L. non dubium, sup.* Quæ sententia aliis omnibus displicuit, & merito: nam in hac constitutione nihil distinguitur, sed

simpliciter impræbatur testamentum non scriptum, in quo Princeps non scriptus sit. Proinde nec distingui oportet, *arg. L. item veniunt, l. item aiunt, vers. a quo D. de her. pet. l. de pretio, D. de publiciana.* Deinde illic caveretur hac constitutione de testamento non scripto, si intelligeremus non solemne, quia nec scriptum testamentum valet, si sit imperfectum, quanvis Princeps in eo scriptus sit. Recte igitur dicimus, constitutionem hanc repudiare omne non scriptum testamentum, in quo dicatur Princeps heres nuncupatus esse. Non obstat, quod scriptum est in *L. non dub. sup.* Nam hac lege excipitur testamentum non scriptum, in quo heres nuncupetur, & in toto in re generi derogatur per speciem, *L. in toto, de reg. iur.* Excipiendi canila & ratlo hac fuit, ut occurreretur præsentis periculo, quod imminet, si eiusmodi testamenta admitti ceperint; nam in gratiam Principis & potentium hominum facile reperientur, qui mentiantur se audivisse, cum defunctus diceret se velle Principem sibi heredem esse.

Ad L.

Imp. Theod. & Valent. AA. Florentino. PP.

Hac conſultiſſima lege ſancimus licere per ſcripturam conſcientibus teſtamentum, ſi nullum ſcire volunt ea, quæ in eo ſcripta ſunt, conſignatam, vel ligatam, vel tantum clauſam, involutamque proferre ſcripturam vel ipſius teſtatoris, vel cuiuſlibet alterius manu conſcriptam, eamque rogatis teſtibus ſeptem numero, civibus Romanis, puberibus, omnibus ſimul offerre ſignandam & ſubſcribendam: dum tamen teſtibus præſentibus teſtator ſuum eſſe teſtamentum dixerit, quod offertur, eique ipſe coram teſtibus ſua manu in reliqua parte teſtamenti ſubſcriperit: quo ſaſto, & teſtibus uno eodemque die ac tempore ſubſcribenſibus & conſignantiſibus teſtamentum valere: nec ideo infirmari, quod teſtes neſciant, quæ in eo ſcripta ſunt teſtamento. Quod ſi literas teſtator ignoret, vel ſubſcribere nequeat: octavo ſubſcriptore pro eo adhibito, eadem ſervari decernimus. In omnibus autem teſtamenti, quæ præſentibus vel abſentibus teſtibus dictantur, ſuperſuum eſt uno eodemque tempore exigere teſtorem & teſtes adhibere, & dictare ſuum arbitrium, & finire teſtamentum. Sed licet alio tempore dictatum ſcriptumve proferatur teſtamentum: ſufficiet uno tempore, eodemque die, nullo aſu [extraneo] interveniente, teſtes omnes, videlicet ſimul, nec diverſis temporibus ſubſcribere, ſignareque teſtamentum. Finem autem teſtamenti ſubſcriptiones & ſingula teſtium eſſe decernimus. Non ſubſcriptum autem a teſtibus ac non ſignatum teſtamentum pro inſecto haberi convenit.

S U M M A R I A.

1. Forma & ratio teſtamenti faciendi duplex.
2. Publicum teſtamentum quod, & quot modis fiat.
3. Privatum teſtamentum quod: eius rite faciendi forma duplex: aut enim ſit ſcripto, aut nuncupatione.
4. In teſtamento ſcripto quæ ſint obſervanda. Tres huiſmodi obſervationis partes ſumme & quæ.
5. Teſtes qui in teſtamento adhibentur ſunt rogandi: & quare.
6. Rogati qui intelligantur.
7. Numerus teſtium in teſtamento adhibendorum.
8. Teſtes quales adhiberi oportent, & qui prohibeantur, qui non.
9. Filiuſam. non eſt idem teſtis in teſtamento patris, niſi ſit emancipatus, aut teſtetur iam miles de caſtreſi peculio.
10. Heres non poteſt eſſe teſtis in teſtamento; legatarii, & quare.
11. Conditio teſtium hic requiſita quo tempore ſit ſpellanda.
12. Hac lex removet eos teſtes omnes qui aliis legibus excluduntur; & brevitatis eius commendatur.
13. In teſtatione & declaratione voluntatis teſtatoris quæ exigantur.
14. In ſubſcriptione & conſignatione teſtamenti quæ exigantur.
15. Solemnia teſtamenti an uno contextu ſint peragenda, & quando remittantur in contigione.
16. Aſus extraneus an & quando vitiet teſtamentum.
17. Solemnia teſtamenti quæ ſint, & quare ſic dicantur. Eadem interdum aſta aut relaxata.
18. Aſta ſolemnia in teſtamento Cæci.
19. Relaxata in tribus generibus teſtamentorum: ea quæ ſint.
20. Tribus illis accedere quartam teſtamenti genus, & quale ſit.

Præſcribitur hæc L. diligenter forma privati teſtamenti faciendi. Sed privati dixi. Cæterum & in univerſum ſi ra-

tionem teſtamenti rite faciendi tenere volumus, ea duplex eſt. Licet enim iure teſtamentum ita facere, ut aut publicum ſit, aut

1. aut privatum. Publicum dicimus, † cuius fides est publica sine ulla testibus, ut monimenta publica dicuntur, *L. in donationibus, inf. de donat.* Privatum, cuius fides posita est in privatis testibus. Publicum fit duobus modis, aut testamento precibus inserto, & precibus principi oblati: aut testamento actis cuiusvis iudicis insinuat: de quibus speciebus comprehensum est *L. omnium, sup. h. t.* ubi dictum.
3. Privatum † est testamentum, quod nihil istorum habet, sed fit testibus privatis adhibitis. Id genus testamenti eam observationem desiderat, quæ hac constitutione præscripta est.

Ea observatio duplex est, uti ratio declarandæ voluntatis supremæ duplex. Permissum est enim iure, voluntatem declarare aut scripto aliquo, aut per nuncupationem sine ulla scriptura *§. ult. Inst. de test. ord.* Aliud testamentum scriptum desiderat: aliud id, quod fit per nuncupationem, quæ genera ordine persequitur hæc constitutio. De scripto agitur in pr. De eo, quod fit per nuncupationem, agitur in *§. per nuncupationem*. His adiicitur hæc sententia, si quid eorum desit, quæ hac constitutione comprehensa sunt, imperfectum testamentum esse, cuius testamenti quæ sit vis declaratur in *§. ex imperfecto, & §. si quis autem*. Hæc summa est huius constitutionis.

4. Quæ † in testamento scripto observanda sint, ut facilius intelligatur, eius observationis partes notandæ sunt, & expendendæ. Sunt autem tres summæ partes huius observationis, & tres quasi quidam actus. Prima pars posita est in testibus necessariis adhibendis: altera in voluntate eorum his declaranda: tertia, in testium subscriptione & obligatione, quæ ita adhiberi oportet, ut & testatio testatoris, & subscriptio testium, & obligatio fieri debeat
5. uno contextu actionis. Prima † pars, ut dictum est, est in testibus necessariis adhibendis. In ea primum exigitur, ut rogentur testes, quos ad testamentum testes esse volumus, ut expressum est in hac constitutione in pr. Quod ideo hic cavetur, quia alioqui etiam non rogati testes recte fidem faciunt *L. ad fidem, D. de testib.*
6. Rogati † intelliguntur etiam, qui primo ad alium actum rogati, deinde cum in eodem loco manerent, admoniti sunt, se iterum ad testamentum adhiberi, *L. heredes, §. in test. D. qui test. fac. poss.*

Testes necessarios adhiberi oportet. Necessarii intelliguntur & numero & conditione. Numero septem esse debent, ut expressum est *hac constit. in pr. & §. sed*

cum paulatim Insist. eo. Qui † numerus ideo exigitur a veteribus, ut occurrere periculo falsi, quod præcipue immingere solet in testamentis alienis continendis, ut testis est Iustin. in *L. ult. §. cum eum, inf. de fideisom.* De conditione testium comprehensum est hac *L. iis verbis, ut cives Romanos puberes esse oportet*, ut si verba hæc sequimur, consequens sit eum, qui adhibuerit cives Romanos puberes, recte testari, quod secus esse constat ex *§. testes, Inst. eo. de test. ord.* Quare hic locus paulo pluribus iudicet, ut sciamus † quales testes adhiberi oporteat. De eo igitur sic statuendum est, omnes idoneos esse testes, qui esse non prohibentur: *L. 1. §. 1. D. de testib.*

Prohibentur alii natura, alii lege. Natura, qui etiamsi velint, tamen testimonium præbere non possunt. Huius generis sunt, qui aut non intelligunt, quod agitur, vel morbo animi, vel ætate impediri: quo in numero sunt fatuoli, mentecapti, prodigi, impubes, aut qui ea, quæ geruntur, sensu percipere non possunt, non videre, ut cæci, non audire, ut sardi: aut qui ea, quæ perceperunt, eloqui non possunt, ut mui, de quibus comprehensum est in *§. testes, Inst. eod.* Omnis est illie cæcus, sed hic satis excluditur, eo quod exigitur a testibus, ut subscribant, in qua subscriptione continetur, quis & cuius testamentum subscripserit, ut suo loco diceretur, quæ cæcus præstare non potest. De impubere & fatuoso est & in *L. qui testamento. in pr. & §. nec furiosus quidem, D. qui test. fac. poss.*

Eorum, qui prohibentur lege testes esse, quidam prohibentur in totum ipsa conditione personæ; quidam in quibusdam tantum testamentis, idque ob privatas causas in id testamentum incidentes. Removetur in totum, partim qui cives Romani non sunt, partim etiam qui sunt. Omnes, qui cives Romani non sunt, testes esse non possunt, neque in testamentis, neque in aliis rebus, quia iuris civilis communionem non habent. Eorum duo sunt genera, unum fervorum, alterum deportatorum. Servi cives Romani non sunt, quia omnes cives Romani liberi sunt, *§. ult. in fin. Inst. de libert.* Ob hanc causam servus removetur, ne fit in testamento testis. *d. §. testes, Inst. h. L. qui testamento, §. servus, D. h. t.* Quod tamen ita temperatum est constitutionibus, nisi servus eo tempore, quo testamentum fit, omnium consensu habeatur liber, *§. sed cum aliquis, Inst. h. t. & L. 1. sup. h. t.*

De

De deportatis nihil aperte cautum legimus, sed salis remouentur verbis huius constitutionis, cum iubentur testes esse cives Romani. Nam deportati ex numero civium Romanorum exterminantur deportatione, §. *cum autem, Instit. quib. mod. ius pat. pot. §. minor, Instit. de cap. demin. l. 2. D. de pen.*

Sed & inter cives Romanos quidam in totum prohibentur testes ad testamentum adhiberi. Eorum tres sunt ordines: primus ordo est foeminarum, molier ad testamentum adhiberi prohibetur, cæteris in rebus omnibus testis esse potest. *d. L. qui testam. §. mulier. D. b. i. d. §. testis, Instit. b. i.* Quod apparet proprio iure constitutum esse in testamentis, ad eam cautionem, quam adversus periculum falsi exigi supra dictum. Secundus ordo est eorum, qui iudicio publico damnati sunt, & testes iudicio esse prohibentur, *d. L. qui testa. §. cum, qui lege, D. b. i. tit. ubi in Pandectis Florentinis ita legitur: Eum, qui lege repetundarum damnatus est, ad testamentum adhiberi posse. Existimandum esse omnium consensu, Non.* Quia ratio illic subiecta non potest convenire, nisi orationi negativæ. Et præterea hunc adhiberi non posse, diserte scriptum est in *L. repetundarum, D. de testib.* Tertius ordo est eorum, qui iubentur lege esse intestabiles, de quibus cautum est in *Instit. d. §. testis, b. i. tit.* In hoc numero est is, qui ob crimen famosum damnatus est, *L. is, cui lege, §. ult. D. qui testam. fac. L. ob crimen, D. de testib.* In eodem numero refertur a Theophilo is, qui cum ad testamentum adhibitus esset testis, postea signa sua recognoscere noluit, *d. §. testis, Instit. b. i. tit.* sed hoc an ita sit, fides penes auctorem erit. Nam de eo in libris nostris nihil scriptum legimus.

Sunt etiam, ut dixi, qui conditione personæ aliqui idonei testes in quibusdam testamentis ob privatas causas remouentur. Privata hæc causæ dum sunt: primum potestas inter testatorem, & testem constituta; deinde etiam negotium testamenti, quod inter testatorem & testem geritur. Propter potestatem non est idoneus testis §. in testibus, *Instit. hic L. qui testamento, in pr. D. b. i.* Quod si filius sit emancipatus, placet hunc recte testem adhiberi, ut colligitur liquido ex *d. L. qui testamento, D. b. i. tit.* Non obstat, quod dicitur in *L. testibus, D. de testib.* Testem idoneum non esse filium patri, aut patrem filio: nam cum filius adhibetur

testis in testamento patris, revera non est testis patri, sed heredi & lis, qui ex testamento aliquid capiunt, ad quos commodum testamenti proprie pertinet. Sed nec e converso ob eam causam, si filius familias miles post missionem testamentum facit de peculio castrensi & quasi castrensi, ut facere potest intra annum, ei testamento pater adhiberi potest, *d. §. in testibus, Instit. b. i.*

Quod si ante missionem filius testatur, impone adhibitor testis pater, ob privilegium militum. Idque est, quod significatur in *d. L. qui testam. §. per contrarium, D. b. i.* Cur ergo prohibetur adhiberi ad hoc testamentum? Ratio hæc redditur ex *§. in testibus*, quia reprobatum est in hac re domesticum testimonium. Domesticum hic accipere non debemus domesticum testimonium, quia constat patrem filio domesticum non esse, de cuius testimonio illic agitur. Sed domesticum testimonium illic dicitur testimonium eorum, qui sunt ex eadem domo, id est, familia, quorum unus est in alterius potestate. Quod testimonium ideo prohibitum est, non quia habet aliquam suspensionem, aliqui etiam emancipati filii testimonium prohiberetur, sed quia pater & filius, qui in eius potestate est, eadem persona esse intelliguntur *L. ult. in fin. de impub. & aliis subsit.* Oportet autem alium esse testatorem, alium testem.

Negotium, quod inter testatorem, & testem geritur, non omne remouet testem a testimonio, sed negotium testamenti, quod inter eos geritur. Id autem geri intelligitur inter testatorem, & heredem, quia heres hereditatem accipit, & per hanc succedit in locum & ius omne defuncti. Non autem geritur inter testatorem, & legatarios, qui iuris successores non sunt. Ob hanc causam prohibetur heres §. testis esse, in testamento legatarii 10 non item, §. sed neque heres, & §. de legatariis *Instit. b. i.* Et quoniam prohibetur heres testis esse, ideo prohibentur omnes, qui sunt in eius potestate, *d. §. sed neque.* Quoniam qui in potestate alterius est, eadem persona esse existimatur, *d. L. ult. in fin. infr. de impub.*

Sed quomodo legatarii admittuntur ad testimonium in testamento, cum regula iuris sit, nullum idoneum testem esse in re sua *L. nullus, D. de testib.* Respond. Primum legatarii res non agitur principaliter in testamento, sed hereditatem, & si heres hereditatem non adierit, ex testamento nihil debebitur. *L. eam quam, infr. de fideicom.* Id autem spectare solemus,

mus, quod sit principaliter, non autem quod per consequentiam, *L. 1. D. de ant. tut.* Deinde cum septem testes adhibentur in testamento, facile numerus testium ab omni suspitione vindicatur testimonium legatarii, accedentibus praesertim relictis observationibus.

- ¹¹ Alique hæc ¶ condicio est testium, de qua hoc notandum est; cum de ea quaeretur, hanc spectandam esse, quo tempore sit testamentum. *L. ad testium, §. conditionem, D. qui test. fac. poss.* Proinde si quis eo tempore non est idoneus testis, nihil proderit testamento, si postea idoneus esse coeperit. Et contra, si eo tempore fuit idoneus, puta sanæ mentis, & liber, conditionem eius postea mutatam esse, testamento nihil nocet, *d. L. ad testium.*

Sed hoc loco existit dubitatio. Nam cum tam multi prohibentur testes esse, quemadmodum multos prohiberi diximus ex *S. testes, §. §§. seqq. in Inst. b. t.* necesse est videri eam omnem enumerationem contrariam esse huic legi, in qua iidem testes non remouentur. Nam ex hac lege satis est testamentum factum esse septem testibus adhibitis praesentibus, civibus Romanis, puberibus, quod negatur in *dd. §§. cum alii tam multi testes esse prohibeantur, qui verbis huius legis non remouentur.* Cum enim dicimus, aliquos testes prohiberi a testimonio, hoc dicimus, si adhibiti sint; testamentum non valere: dicendum est itaque, nisi iidem quoque testes removeantur hac lege, superiora

- ¹² huic legi esse contraria. Sed ¶ qui aliis locis testes remouentur nominatim, hi prohibentur hac lege tacite, & per interpretationem, quæ ex his non difficile colligitur. Nam hi, quos natura testes esse non posse dictum, satis remouentur iis verbis legis, quibus iubetur, ut testator testetur testibus septem praesentibus: nam nemo eorum, qui non percipiunt, quod geritur, satis recte praesens dici potest, *L. coram, §. L. apud, ult. D. de verb. sign.* Qui cives Romani non sunt, aperte excluduntur iis verbis, quibus exiguntur cives Romani. Iisdem verbis excluditur & mulier. Nam cives Romani appellantur hic masculino genere, idque, ut non contineantur feminae. Qui autem prohibentur aliis legibus testimonium dicere, si excluduntur verbo testium, quos hæc lex vult adhiberi. Ad extremum filius, qui in potestate est testatoris, itemque heres in testamento scriptus, satis excluduntur verbis huius legis, quibus lex iubet testatorem testari septem testibus

praesentibus. His enim verbis vult alium esse testatorem, alium testem. Proinde in numero testium vetat testatorem esse, quo constituto excluditur filiusfamilias testatoris. Nam hic personam testatoris habet, ut supradictum. Excluditur etiam heres, quia hic quodammodo testator est. Negotium enim testamenti non tantum ab testatore est, sed etiam ab herede tanquam altero testatore. Sic fit, ut nihil ex aliis locis contrarium sit in hac parte huic constitutioni, & simul apparet, hanc constitutionem dilucide, & breviter scriptam esse, quæ maxima legislatoris laus est.

Testibus necessariis adhibitis, secunda pars eorum, quæ observari debent in testamento faciendo, est in testatione, & declaratione voluntatis testatoris. In hac testatione ¶ non exigitur, ut testator coram testibus dicat, quæ fieri vult post mortem suam, puta ut heredem palam nominet, & ea, quæ praestari vult. Nihil horum testes scire necesse est, sed voluntate prius scripto comprehensa, satis est testatorem eam scripturam proferre etiam clausam, & involutam, ideoque ea testificabitur *b. L. in pr. §. vers. quo facto.* In hac scriptura, quoniam ab aliquo scriptam esse oportet, notandum est, nihil interesse, a quo scripta sit, utrum a testatore, vel ab alio quovis etiam servo, *b. L. in pr. §. L. servus, D. b. t.* Iustinianus nova postea constitutione exegerat, ut saltem nomen heredis scriberetur a testatore, aut ita nuncuparetur palam, ut scriberetur a testibus *L. iubemus, inf. b. t.* Sed postea & hoc Novella constitutione repudiavit, & ad us hoc antiquum rediit, *Auth. sed non observato, inf. b. t.* Ne hoc quidem interit, quando materia scripta sit a testatore, utrum insipientibus testibus, an multo ante tempore, puta 10. annis, cum non sit necesse testes scire, quæ in testamento contineantur *b. L. vers. in omnibus.*

Hanc scripturam tenens testator, aut alioqui demonstrans, dicat praesentibus testibus hoc suum testamentum esse, quod offertur, & simul huius causa ei testes subscribant, si noverint literas, si non noverint, adhibeatur octavus testis, qui subscribat, *b. L. in pr. primi respons. §. vers. quod si literas.* Subscriptio continebit, cuius sit testimonium, *arg. in L. pen. D. qui test. fac. poss.* Sed necessitatem huius subscriptionis remisit Iustinianus hac conditione, si testator manu totum testamentum scripserit, & subscripserit sua manu scriptam esse, *L. cum antiquitas, §. ult. inf.*

infr. h. t. Hoc ita gesto petet testator a testibus, ut ipsi testimonium præbere velint, idest, ut loquitur hæc constitutio, scripturam illis offeret signandam, & subscribendam, *h. t. in pr.*

Hoc loco monendi sumus, etsi exigatur, ut fiat hæc testatio testibus præsentibus; non tamen exigi a testibus, ut sermonem testatoris in eo intelligent, & latino homine testamentum faciente, si Græcus testis adhibitus sit, qui latine nesciat, nihilominus testatio peragetur, dummodo testis sensu percipiat, cui rei sit adhibitus, *L. qui testamento, §. ult. D. h. t.* Sed qui potest sensu percipere, quid agatur, qui sermonem testatoris non intelligit? Resp. facile percipiet hoc modo, si admonitus initio se adhiberi ad testamentum, postea videat testatorem tabulas tenentem, iis subscribentem, deinde offerentem septem personis præsentibus, easque subscribentes, & subsignantes, quæ omnia sunt propria testamenti. Sed huic occurritur *ex L. heredis, §. in testamentis. D. h. t.* ubi definitur ita rogatos videri testes ad testamentum, si certiores tur se ad testamentum adhibitos. Non possunt huius rei certiores fieri, nisi qui moniti intelligent, quid dicatur. Porro omnes testes in testamento rogare oportet. Respondeo: Non sunt hæc contraria. Fatendum est eos rogandos esse initio, & eo sermone, ut intelligent se ad testamentum adhiberi. Sed cum hoc factum erit, & testimonii præbendi causa convenerint, dicimus non esse necesse testationem testatoris ab illis intelligi, ex verbis scilicet testatoris, sed sufficere, si sensu percipiant, quid agatur, eo modo, quo dixi.

14. Restat tertia pars posita in testimonio testium. Ea hæc ¶ continet, ut testes oblatam scripturam a testatore uti rogati sunt, ita subscribant, & subsignent, *h. L. vers. quo facto, & vers. in omnib. circ. fin.* Subscriptio hoc continet, ut proprio chirographo, idest, propria scriptura annoret, quis huius testamentum obsignaverit, *L. pen. D. h. t.* Subsignare autem dehent annulo, qui habet characterem, & breviter annulo signatorio, placetque Romanis testes alia materia, alia re signare non potuisse, quanvis aliis rebus homines signare possint, & soleant, non minus commode hoc in *L. ad testium, §. pen. D. h. t. qui test. fac. poss.* Sed dummodo testamentum obsignetur, quid ad rem materia pertinet, qua testamentum signetur? Respondeo Nihil in hac re secuti sunt veteres, nisi quod Romani annulis ad signandum uti solebant, in eo morem usitatum

servari volunt, propterea, quod in rebus novis instituendis semper aliqua inest falsi suspicio, in usitatis nulla. Falsi autem suspensionem penitus a testamento abesse voluerunt.

Quo annulo signent testes testamentum, nihil refert, etiam alieno, atque adeo testatoris annulo signare possunt, *§. possunt, Instit. cod. L. ad testium, §. si ab aliquo D. h. t.* Neque in hac re metuendum est, ne quid falsi admittatur propter confusionem signorum, cum possit fieri, ut unus possit imprimere septem signa. Nam subscriptio singulorum testium adiecta, singulorum signa distinguit, & discernit. Ut enim, ut dictum, singuli subscribunt, cuius testamentum signarint, & singulorum subscriptio singulis signis subicitur, ut declaratur *d. L. pen. D. h. t.* hæc duo connectim exiguntur subscriptio & obsignatio testium, ut si unus subscriperit, perinde habeatur, quasi testis adhibitus non esset, idest, sit testamentum pro infecto, *h. L. vers. in omnibus, illic non subscriptum autem, L. ad testium, §. si quis ex testibus, D. h. t.*

Adeo autem signa testium ad vim testamenti sunt necessaria, ut quanvis hæc ab initio recte posita sint; si tamen postea turbata sint a testatore, testamentum pro infecto habeatur, quæ nec ab initio signatum. *L. ad testium, §. si signa, D. h. t.* Dicuntur autem signa tunc turbata, cum aut convelluntur, aut deletur character, aut denique aliquo modo efficiuntur, ut dignosci non possint. Utrum autem aliquid non sit, aut non appareat, nihil interest. Multo igitur magis & tunc rescindetur testamentum, cum testator resignaverit. Est enim resignare testamentum, signis amotis aperire, ut recognoscas, *L. si testamentum, D. h. t.* Placet tamen hoc casu, ut ibidem scriptum, eum testamentum semel resignatum iterum obsignatur ab iisdem testibus, sine ulla subscriptione testamentum valere.

At enim prius & subscriptionem & obsignationem requirebamus. Resp. Satis videntur subscribere testes, cum priores subscriptiones recognoscunt & probant, exemplo militis. Nam si testamentum ante militiam factum millea factus probet, tunc testamentum fecisse iure militari intelligitur, cum probatur, *L. Titius, in fin. D. de milit. testam.*

Sed in iis etiam hæc cautio est, ut & ¶ 15 contestatio testatoris, de qua in secunda parte comprehensum est, & hæc subscriptiones & obsignationes testium, de quibus modo dictum, hæc, inquam, omnia fiant

fiant simul eodemque tempore, ut est in verbi. *in omnibus, cir. fin.* Simul hæc peragenda sunt, idell, omnibus testibus præsentibus. His autem verbis hoc continetur, quod est in *L. qui testamento, §. ult. D. b. t.* Nempe omnes testes durare debere, donec suprema contestatio peragatur. Hic exceptum est, nisi casus aliquis, & contagio testem occuparit, propter quam fiat, ut cæteri testes eius contagione infici velint. Hoc casu coniunctio testium remissa est, ut licet is, qui in eum morbum incidit, subducatur, vel cæteri secedant; nihilominus tamen testamentum recte peragatur.

Et hæc est sententia *L. casus sup. b. t.* Quo loco notandum est, propter hunc casum contagionis solum remitti coniunctionem testium, ne sit necesse omnes simul eodem loco manere. Cætera autem solemnia non remittit, ut illic scriptum est. Unde intelligimus testem, qui ita in morbum incidit, non prius subduci posse, quam contestationem testatoris audiverit, & ea audita testamentum obsignarit, & subscripserit.

Præterea superiora peragi debent eodem tempore. Id autem est, quod dicitur in *L. beredes, §. ult. D. b. t.* Solemnia peragi debere uno contextu actus, seu actionis. Atque illic definitur, rem geri uno contextu, cum nullus extraneus actus intermiscetur, & adiicitur; extraneum cum videri, qui ad testamentum non pertinet, etiam si sit brevissimus. Ad testamentum pertinere actus extraneus intelligitur, qui ad declarandam, aut confirmandam voluntatem spectat, ut si memoriæ causæ quarantur a testatore codicilli, in quibus scriptum sit, de quo se admoneri velit; aut si desit atramentum, aut calami ad scribendum, vel signa, aut cera ad obsignandum, & hæc per aliquod intervallum requirantur, & parentur, qui eiusmodi actus est, is non extraneus intelligitur. Et quanvis brevis sit, placebat veteribus hunc interrumpere testamentum, quanvis quæ deerant, postea secuta essent adhibitis iisdem testibus subscribentibus, & obsignantibus.

16 Sed hoc posterius temperatum est in constitutione Iustinian in *L. antiquitas, infr. b. t.* qua cavet, ne extraneus actus noceret testamento, si duo concurrant. I. Si necessitas valetudinis, aut naturæ eum actum expellerit. II. Si sit is actus, quem constat naturæ brevem esse, veluti si ci-
bus necessarius, aut potio, & medicame-

tum præbeatur ægroto, aut si venter exoneretur, & quæ sunt similia. Quod si testator in morbum aliquem inciderit, qui actionem interrumperet, placuit testamentum pro infecto esse, etiam si testator una cum iisdem testibus ad reliqua testamenti peragenda redierit. Nec intererit, quantus morbus, longus, an brevis: nam etiam si brevis fuerit; tamen eum talem futurum natura non constabat. His ita peractis, finis est, & consummatio testamenti, ut h. *L. scriptum est, vers. in omnibus, illic, finem autem.*

Atque hæc omnis observatio est usitata & solennis, unde & quæ in hac observatione continentur, dicuntur usitato verbo Solemnia testamenti, quasi solita fieri, & observari iure communi & publico, *L. qui testamento, §. Servus, §. ult. D. b. t. L. i. D. de inoff. rupt.* Sed hæc necessitate exigente quibusdam in testamentis aucta sunt, in quibusdam relaxata. Aucta sunt hæc in testamento cæci, *L. hæc consultis, supr. præx. sit.* ubi exigitur præter scripturam testamenti, ut cæcus palam nuncupet voluntatem suam coram testibus: præter septem testes, exigitur octavius, qui distante cæco excipiat testamentum, & iis quidem ex testibus non quivis, sed tabellaris, si sit in iis locis eius copia.

19 Eadem relaxata sunt in tribus in generibus testamentorum. I. In testamento rusticorum; deinde in testamento parentum, quod fit inter liberos: tum in testamento posteriore, in quo quidem heredes, qui priori testamento scripti erant, & ab intestato succedere poterant, heredes instituti sunt. De testamento rusticorum constitutum est in *L. ult. infr. b. t.* Qua constitutione in summa remisit Iustinianus numerum testium rusticis, & subscriptiones; sed utrumque certa conditione. Numerum, ut quinque saltem testes adhibeantur, si plures in eo loco, in quo testamentum fit, facile reperiri non possint. Subscriptiones: si testes literarum periti, eo loco non reperiantur. Hoc accedere voluit, ut iis casibus duobus, rusticus palam enuntiaret voluntatem suam coram testibus. De testamento parentum inter liberos sequitur in *hoc L. in §. ex imperfecto*, ubi testamenti genus exponitur. De posteriore testamento comprehensum est in *d. L. §. si quis autem*. Quartum in genere adicere possumus, quo relinquitor aliquid ad pias causas, genus simile illi, quo pater testatur inter liberos. 20

Ad §. Ex imperfecto.

Ex imperfecto autem testamento voluntatem tenere defuncti, nisi inter solos liberos a parentibus utriusque sexus babeatur, non volumus. Si vero in huiusmodi voluntate liberis alia sit extranea mixta persona: certum est eam voluntatem defuncti, quantum ad illam duntaxat permixtam personam, pro nulla haberi, sed liberis accrescere.

S U M M A R I A.

1. Imperfectum testamentum nullius esse momenti: nisi quod parentes inter liberos fecerunt: & quomodo quibusque testibus parentis esse testamentum probetur.
2. Imperfectum testamentum duplex.
3. Testamentum imperfectum parentum an valere debeat inter liberos.
4. Et qui verbo parentum comprehenduntur.
5. Pater non potest testamento imperfecto liberis tutorem dare.
6. Item nulli prater liberos quidquam eo testamento relinquere.

Hic statuitur ea sententia, quæ supra multis modis confirmata est: imperfectum testamentum, idest, † cui aliquid ex solemnibus superioribus deest, nullius momenti esse. Huc pertinet *L. 3. & L. testandi, sup.* Excipitur hic testamentum imperfectum, quod parentes inter liberos fecerunt, id valere placet. Sed inter liberos dixi, in quo quærendum est, quæle testamentum hic valeat, quorum, inter quos, & quatenus valeat. Placet valere imperfectum testamentum. Id hoc loco imperfectum dici constat ex præcedentibus, in quo solemnia iuris defuerunt. Proinde siue subscriptiones, siue subsignationes desint testium, siue iustus numerus, siue hæc omnia simul, nihilominus tamen testamentum valere. Quod sic accipiendum est, dummodo prius constet testamentum parentis esse, quod ita constabit, si probetur legitimis probationibus, ut de militis testamento responsum est. *L. Lucius, D. de milit. test.* Idque ex regula iuris certi, qua efficitur unumquemque quod dicit, probare debere, actore autem non probante reum absolvi. *L. 2. D. de probat. L. qui accusare, sup. de eod.*

Legitimæ probationes in hac re sunt instrumenta, & testes. *L. in exercendis, sup. de fid. instrum.* Ergo sola scriptura parentis de divisione honorum inter liberos sufficit, si modo constet esse scriptum patris, & præterea voluisse patrem in ea voluntate deedere, de quibus si erit controversia, testibus rem probare oportet, qui idem faciant etiam sine ulla scriptura.

Tom. IX.

ra. Si quæritur, quot testibus ad eam rem sit opus, utemur in eo regula iuris, ubi numerus testium non adiecitur, duos sufficere, *L. ubi numerus, D. de testibus.* Inter hos etiam mulier recte admittitur. Nam quod dicitur mulierem ad testamentum adhiberi testem non posse, *L. qui testamento, §. mulier, D. b. t.* de iis testamentis dicitur, quæ ex solemnibus iuris peragenda sunt. Nam inter solemnia testamenti numerandum est, quod mulier a testamento removeretur, *§. testes autem, §. sed cum paulatim, Instit. b. t.* in testamento autem imperfecto, de quo hic, solemnia iuris non spectantur, & extra solemnia recte adhibetur testis mulier in negotiis omnibus. *d. L. qui testamento, §. qui mulier.*

Sed an omne imperfectum testamentum valebit ex hac constitutione? Nam imperfectum † duplex est, quoddam imperfectum est a solemnibus, in quo solemnia testamentorum defuerunt, de quo hic præcipue: quoddam imperfectum est a voluntate, cum testator voluntatem, quam instituerat testari, non perfecit, ut eum is volebat tres heredes instituere, quibusdam institutis obmuit, *L. si is, qui testamentum, D. b. t.* Hoc posterius genus constat itidem, ut prius iure communi non valere. *d. L. si is, qui testam. D. b. t.* Hoc † querimus, an si sit testamentum patris, valere debeat inter liberos? Nam hæc constitutio generale scriptum est de omni testamento imperfecto. Distinguemus: nam si heredes a testatore omisi

E 2

extra-

extranei fuerint, nihilominus testamentum valebit inter liberos institutos. Quoniam etsi extranei isti scripti essent, tamen pro non scriptis haberentur ex hoc §. Proinde non expectabimus, ut instituantur, non enim nocet factum non esse, quod si factum esset, nihili prodesset. *L. si quis ita scripserit, D. de hered. instit.* Quod si parens ex liberis, quos instituere volebat, quosdam omisit voce interclusa, testamentum re inter eos quidem, qui instituti sunt, valebit, sed non in solidum; idcirco quia parens noluit; non enim voluit institutos solos esse heredes; quod tamen futurum erit, si testamentum valere dixerimus.

Non adversatur hæc constitutio. Observandum est enim non dici imperfectum testamentum valere inter liberos, sed dici ex imperfecto testamento valere voluntatem. Quo verbo efficitur, si quid parens voluit, id servandum esse propter voluntatem. Sed quodcumque testamentum parentum imperfectum erit, id valebit cum ea exceptione, quæ traditur in *Auth. quod sine, infr.* Testamentum imperfectum valet, sed parentum dixi. Valet autem parentum omnium: proinde ꝑ non tantum patris, sed etiam matris, & omnium ascendentium, qui parentum verbo continentur. *L. 4. §. seq. D. de in ius voc. L. Iurisconsultus, §. parentes, D. de grad. aff.* Ergo & qui in potestate parentis non sunt liberis recte imperfecto testamento hic relinquuntur; nam constat matres liberos in potestate non habere, *§. femine, Instit. de adopt.* ergo & naturales, & vulgo quæritos mater recte instituit testamento imperfecto; nam & mulier parens est, & hi in numero liberorum. *d. L. 4. in fin.*

§. L. seq. de in ius voc. §. novissime, Instit. de senatusconsult. Orfit.

Hoc testamentum valet, sed inter liberos dixi: his verbis duo excluduntur. Primo tutores hoc testamento dati; iure publico patet recte testamento tutorem dat liberis, quos in potestate habet, *L. 1. D. de testam. tut. L. verbis legis, de verb. sig.* Sed ꝑ imperfecto testamento frustra ꝑ dederit, *L. qui a patre, D. de confr. tut. L. impudens, D. de administ. tut.* Hoc ius cum ante hanc constitutionem valuerat, non modo non mutatur hac constitutione, sed statuitur maxime. Nam hac constitutione non admittitur voluntas patris, nisi inter liberos. Tutoris autem datio non constituitur inter liberos solum, sed inter liberos, & tutorem. Excluduntur præterea hi, ꝑ quibus aliquid imperfecto testamento relictum est, quod hic expressum est. Nihil adversus hanc partem facit *L. peto, §. mater, D. de legat. 2.* nam illic mater quidem testamento liberos heredes instituit, extraneo fideicommissum relinquit, & fideicommissum valet; sed ideo, quia testamentum matris perfectum erat. Nec obstat, quod illic dicitur tutor inutiliter datus esse, qui eo testamento a matre datus esset; non enim ideo tutoris datio illic inutilis est, quia testamentum imperfectum esset matris; sed quia mater liberis, quos in potestate non habet, tutores testamento dare non potest. *L. 1. D. de confr. tut.* Sed tamen & hæc pars excipienda est cum exceptione, quæ traditur in *Auth. seq. quod sine.* Ad extremum imperfectum testamentum inter liberos eam habet vim, ut alio testamento infirmari non possit, nisi ea intervenerint, de quibus cavetur in *Auth. hoc inter infr.*

Ad Autb. Quod sine.

Quod sine subscriptione ita procedis, si parens literas edoctus, manu propria, non signis, sed literarum consequentia declares & tempus, & liberorum nomina; item & unciarum numerum, seu signa rerum specialium: in quo & aliis legari, & fideicommissi, & libertas relinqui potest.

S U M M A R I A.

1. Rerum nexus & continuatio.
2. In testamento imperfecto inter liberos scripto quatuor exigi hic a Iustitiano, & quæ.

3. Quatuor hæc minime desiderari in testamento nuncupato inter liberos.
4. Testamento parentis inter liberos imperfecto scripto an tutoris datio valeat, exemplo legatorum.

1. **U**T superioris constitutionis † de imperfecto testamento duæ sunt partes; ita totidem sunt in hac constitutione nova exceptiones, singulæ ad singulas partes superiores pertinentes. Priori parte hoc cavebatur, testamentum imperfectum sine exceptione valere inter liberos. Id Iustinianus ita temperat, nisi testator voluntatem scripto declararet. Nam in testamento scripto Iustinianus † hæc exigat quatuor, sine quibus testamentum non valebit. Primum vult exprimi tempus, quo testamentum scriptum est. Deinde vult exprimi uncias & res, quas velit inter liberos distribui. Terio hæc exprimat plenis literis, non vacuis. Postremo ipsum testatorem hæc omnia manu sua scribere vult, sed nullam conditionem adiicit, si parens velit testamentum scribere, sed generaliter eaver, ut hæc faciat. Eodemque modo constitutio concepra est in *Novell. de test. imperf.* §. 1. unde hoc fragmentum scriptum est.

Hinc merito dubitatum est, an ut constitutio generaliter scripta, ita generaliter accipi debeat: ut non alter ratum sit testamentum imperfectum inter liberos, quam si ea parens observavit, de quibus hic cautum est, sive testamentum scripto completi velit, sive nuncupare. Non temere est, quod quidam verba existimant ita generaliter in constitutione esse accipiendam, quandoquidem ita scripta est. Sed † probo sententiam communem eorum, qui putant constitutionem hanc Iustiniani solum accipiendam esse de his parentibus, qui scripto testari velint inter liberos, ut ab his videlicet in eo scripto hæc necessitas exigatur, de qua *h. l.* Quod facile colligitur ex præfatione, qua usus est Iustinian. in *d. Novell. de test. imperf.* Nam

illic diserte proficitur se in veteribus legibus, quæ sunt de imperfecto testamento parentis, qualis est *L. ult. sup. fam. ercis.* Quam præcipue notat, se, inquam, in illo reprehendere, quod scripturas qualvis admiserit, etiam in quibus voluntas testatoris manifesta non esset.

Eam igitur incertitudinem Iustinianus improbat, ac proinde ad eam incertitudinem solum suam constitutionem retulit. *arg. L. Titius, §. 1. D. de verb. oblig.* Proinde extra hanc incertitudinem valere vult Iustinianus, quicquid prioribus legibus constitutum est. Necessè est enim manere, quod mutatum non est. *L. præcipimus in fin. inf. de appell.* Solum autem in scriptura hæc incertitudo metuenda est, ubi res notis scribi possunt, verba truncata esse, res partim ab testatore scripta, partim ab alio. Ea autem incertitudo in testamento nuncupativo metui non potest, ubi nullæ sunt notæ, sed voluntatis lingua testatoris nuncupatur, non duo loquuntur, sed unus testator, non dimidiata verba sunt, sed plena voluntas pronuntiatur. Quare in ea voluntate nihil mutavit.

Altera parte superioris constitutionis cavetur, si quid relinquatur extraneis personis, id non deberi, sed liberia accrescere. Hoc quoque ita temperavit Iustinianus, nisi legata, aut fideicommissa, aut libertates relicta essent testamento ita scripto, ut supra comprehensum est. Hinc quaeri potest, an † testamento ita scripto etiam tutoris datio valeat exemplo legatorum? Quod existimari potest, nam ut legata relinqui possunt testamento, sic & tutor a patre dari. *L. verbis legis, de verb. sig.* Dicendum est hæc pariter recte relinqui imperfecto testamento, sed inter

inter se non recte comparari; quoniam in legatis beneficium confertur in legatarium; in tutelæ datione oneratur tutor, beneficium auxilio, & interpretatione iuvandum est, onus non item. *L. cum quidam, D. de lib. & postb.* Deinde omni-

bus legibus alterius conditionem meliorem facere possumus, deteriorem non possumus, *L. solvendo, D. de negot. gest.* Proinde quod hic de legatis cautum est, ad tutelæ dationem transferri non debet.

Ad Auth. Hoc inter.

Hoc inter liberos testamentum ita infirmatur, si parens septem testibus adhibitis declaret se nolle tale testamentum valere, & aliam disponat voluntatem vel in testamento perfecto, vel in non scripta perfecta voluntate.

S U M M A R I U M.

1. *Testamentum inter liberos quo pacto*

infirmetur & rumpatur.

1. **T**estamentum inter liberos factum & alio testamento ab eodem parente factio ita rumpitur, si duo concurrant, nempe si posterius perfectum erit, deinde testatus sit parens, se a priori testamento recedere velle; prius commune est cum omnibus testamentis postea factis, posterius est hic singulare: nam iure publico posteriore testamento recte factio

prius tollitur, etiam si de priore mutando nihil adiectum sit in posteriore. §. *alio enim, Instit. quib. mod. test. infr. l. 1. 2. D. instit. rupt.* Hæc de imperfecto testamento parentis inter liberos factio dicta sunt. Idem una, & eadem humanitatis regula admissum est, in iis quæ ad pias causas relicta sunt, de quo cautum est in *c. cum esset, & in c. relatum, de test.*



Ad §.

Ad §. Per nuncupationem.

Per nuncupationem quoque, hoc est sine scriptura, testamenta non alias valere sancimus, quam si septem testes (ut supra dictum est) simul uno eodemque tempore collecti, testatoris voluntatem, ut testamentum sine scriptura facientis, audierint.

S U M M A R I A.

1. Testamenti nuncupativi ordinandiforma.
2. Testamentum nuncupativum in quibus conveniat cum testamento scripto, & in quibus ab eo differat.
3. Nuncupatio quæ continere debeat.
4. Nuncupare quid.
5. Palam quid significet hic & alias.
6. Testes in testamento nuncupativo an sermonem testatoris necessario intelligere oporteat.
7. Testes quare in testamento nuncupativo adhibeantur.
8. Testamenti nuncupativi fides an corruat quibusdam testibus defunctis.
9. Nuncupatorium testamentum an conficere liceat, aut probare per Notarium, adhibitis duobus, aut tribus testibus.
10. Instrumenta Notariorum acta publica non sunt, & cur publica dicantur.
- Acta & instrumenta quid differant, ibid.
11. De fide testamenti a Notario confecti cuiusque regionis observanda consuetudo.

PER nuncupationem etiam sine scriptura testamentum recte fit, ut initio etiam proposuimus. Est autem hæc forma hæc in re constituta, ut testator septem testibus adhibitis, talibus, quales supra descripsimus, eorum iis voluntatem suam nuncupet palam, ut exaudiri possit, idque eodem tempore, & eodem contextu actionis, de quo hic comprehensum est, & §. ult. *Instit. eod.* In quo observandum est, quædam hic esse utrique generi testamentorum communia, quædam discrepare. Communia sunt, ut testetur eoram iis eodem tempore, eodemque contextu, ut *h. t.* Quid autem hæc valeant, supra satis exposuimus. Discrepat tamen nuncupativum testamentum a scripto duobus rebus, scriptura, & nuncupatione, Scriptura, quia nuncupativum testamentum scripturam non desiderat, ut iisdem locis supra dictum. Veluti si cæcus testamentum faciat, ut in *L. hac consulis. prox. tit.* Nuncupatione, quia cum testamentum scribitur, non necesse habet testator voluntatem suam proferre eoram testibus, ut supra cautum est in *pr. h. t. consil.* At cum sine scripto testamentum fit, testator id omne, quod fieri vult post mortem suam, eoram testibus nuncupare debet, *d. §. ult. Instit. h. t.*

Nuncupatio tamen hæc habere debet, ut testator, quod fieri vult, nuncupet palam, & ita, ut exaudiri queat a testibus, *L. heredes palam, D. qui test. fac. poss.* Nuncupare tamen est lingua pronuntiare, ut iudicat *L. si is, qui test. D. h. t.* ubi heredes nuncupare, & heredes pronuntiare, pro eodem usurpantur, declarat etiam lex 12. tabularum, quam refert Cicero lib. 3. *offic.* quæ iubebat a venditoribus ea præstari, quæ lingua essent nuncupata, id quod ædiles in edictum suum transferentes, postea ita expresserunt, ut iuberent præstari, quæ dicta, promissive essent, *L. 1. D. de adl. edict.* Palam tamen duo significat. Primo idem valet, quod publice, ut cum dicimus aliquem palam quæstum fecisse, aut facere, *L. palam, D. de ritu nupt.* ut cum dicimus aliquid palam proscribendum esse, in *L. sed si pupillas, §. proscribere, D. de institut.* Secundo valet etiam idem, quod aperte & clare, ut exaudiri possit ab iis, qui adsunt, significatione ex prioribus ducta, cum illa fiant maxime aperta, quæ fiunt publice, ex quo illa sunt in edicto ædilis venditores, quid vitii morbiue cuique sit palam, & recte pronuntiatio: palam, id est, clare, ut intelligantur, recte, id est, sine dolo malo.

Prior significatio huic loco non convenit, agitur enim de testamento, quod fit intra privatos parietes coram privatis testibus, quibus satis est testamentum publicum fieri, ut loquitur *L. omnium, sup. h. t.* bene igitur Ulp. in *d. L. beredes palam*, hic palam ait non significare in proprio. Restat igitur, ut hoc exigi intelligamus, ut testimonio voluntatem nuncupet clare & aperte. Exigitur ut id, quod nuncupat, exaudiatur a testibus, ut *b. t. & in d. L. beredes palam*. Quo verbo id exigi intelligitur, ut etiam testes sermonem testatoris intelligant. Frustra enim exauditio est, si auditum non intelligas. Et quidem non intelligitur fieri aliquibus presentibus, quod non sit iis intelligentibus, *L. coram, de verb. sign.* multo minus aliquibus presentibus, & audientibus fieri intelligitur, si illis intelligentibus non sit.

Postremo videndum est, quamobrem testimonio nuncupativo adhibeantur testes. Adhibentur, ut postea testimonium dicant, quid audiverint, quidve testator dixerit; hoc nisi prius intellexerint, de eo testificare non possunt. Cur ergo hic laboramus? Quia in *L. qui testium, §. ult. D. h. t.* est scriptum: in testibus non exigere nos intelligentiam sermonis testatoris, si aliter intelligant se ad testamentum esse adhibitos. Sed illud est de testibus, qui ad testamentum scriptum adhibentur. Longe alia causa est nuncupativi. Nam in scripto voluntas, vel natus defuncti non dependet ex testimonio testium, sed ex scriptura testamenti, qua continetur, & declaratur eius voluntas, solum exigitur, ut ea scriptura confirmetur, & voluntatis postea facit fidem. Confirmatur autem ob signatione & subscriptione testium, non autem sermonis peritia, cum non sit necesse testes ea scire, quae sint in testimonio scripta. At nuncupativum, quoniam scripturam non habet, necesse est probare testibus, qui dicant, quid testator se fieri velle dixerit.

Sed si fides testimonio nuncupativi posita est in testimonio testium, quid fiet, si quidam ex testibus postea decesserint, aut aliqui servi facti sint, aut etiam fures creperint, ut iam non possint testes

esse? Respond. Testamentum vim suam non habebit, non quia ius deficiat, sed quia deficiat probatio. Valuit enim & valet, sed non probatur, iuxta *L. duo sunt, D. de testam. tut.* Hinc apparet periculose nos hoc modo testari, ut solum coram testibus voluntatem nuncupemus, ut conserveatur memoria, & fides testamenti.

Inde quaesitum est, liceretne nuncupativum conficere, aut probare per Notarium, adhibitis duobus, aut tribus testibus? Resp. Si de iure quaeritur, non licet, & aperte repudiatur haec testandi forma in *L. omnium, sup. h. t.* ubi triplex tantum forma testandi recipitur, si testamentum inferum sit precibus principii oblatiis, aut actis iudicis infinuatum, aut publicatum coram septem testibus. Testamentum confectum per Notarium non est in hoc numero: nam neque hic iudex est, neque acta apud eum conficiuntur, multumque ad fidem istarum rerum inter est inter acta publica, & instrumenta Notariorum. Acta sunt publica monumenta, quae testes nullos desiderant, *L. in donationibus, infr. de donat.* Instrumenta Notariorum non sunt acta publica. Argumento est certissimo, quod haec non valent, nisi adhibitis aliis testibus. *Novell. de instrum. cautela, §. sed & si instrumenta.* Instrumenta Notariorum quidem dicuntur publica, & publice confici, sed hoc sensu, quia a persona, cuius munus est publicum, fiunt. Non autem ideo, quia fidem, & auctoritatem publicam habent, alioqui non desiderarent alios testes. *d. L. in donationibus.* Nihil ad confirmationem contrariae sententiae facit, *d. L. in donat. infr. de don. aut L. ult. sup. arbit. tut.* Nam in *L. in don.* agitur de actis publicis, in *L. ult.* agitur de inventario rerum pupillorum, quod & ipsum conficitur per magistratum. Iam dixi multum interesse inter instrumenta Notarii, & acta publica. Si consuetudine cuiusque loci aliud receptum est, hic habendum non est, quia consuetudo servanda est. *L. de quib. D. de legib.* Quid autem ubique observetur, unaquaque regio nos docebit.

Ad §. Si quis autem.

Si quis autem testamento iure perfecto, postea ad aliud venerit testamentum: non alias quod ante factum est, infirmari decernimus, quam si id, quod secundo facere testator instituit, iure fuerit consummatum. Nisi forte in priore testamento scriptis his, qui ab intestato ad testatoris hereditatem, vel successionem venire non poterant, in secunda voluntate testator eos scribere instituit, qui ab intestato ad eius hereditatem vocantur, eo enim casu licet imperfecta videatur scriptura posterior, infirmato priore testamento, secundam eius voluntatem non quasi testamentum, sed quasi voluntatem ultimam intestati valere sancimus: in qua voluntate quinque testium iuratorum depositiones sufficiunt: quo non facto valebit primum testamentum, licet in eo scripti videantur extranei.

S U M M A R I A.

1. *Perfecti testamenti vis qua sit.*
2. *Perfectum testamentum quando & quibus modis rescindatur.*
3. *Testamento alio facto cur non prius potius valeat, quam posterius: & si testator de priore mutando nihil dixit, cur non utrumque valeat.*
4. *Et quid si posteriori nominatim caverit, ut prius testamentum etiam valeret.*
5. *Imperfecto testamento posteriore prius iure factum non rumpi.*
6. *Excipitur unica species & que sit.*
7. *Testamentum prius, quod iure valuit, utrum posteriore testamento imperfecto rumpatur, & quomodo distinguendum.*
8. *Contraria diluuntur.*

EXpositis duobus generibus testamentorum, quæ iure communi recte perficiuntur, commodissime subiicitur hoc loco vis perfecti testamenti, & item imperfecti, cum de mutanda voluntate prioris testamenti agitur. Perfecti vis hæc est, ¹ ut revocari non possit, ne alio quidem testamento, nisi iure perfecto. Adicitur exceptio una, in qua etiam Imperfecto testamento prius, quamvis perfectum tollitur. Sed *nunc* dixi, ut videantur omnia imperfecta testamenta removeri: in quo etiam statuitur tacite vis huius imperfecti testamenti, quod huc pertinet, ut prius testamentum rescindatur. Sed hæc omnia multas cautiones habent, neque sunt perpetua. Proinde ut de hac mutatione tota liqueat, & hic locus simul plane intelligatur, de hac re sic habendum est.

² Testamentum [†] semel perfectum non ideo rescinditur, quia testator id se valere nolle dixerit: usque adeo, ut quanvis coeperit aliud testamentum facere, si tamen non perfecit, nihilominus priores tabulæ valent, ut & heredum institutiones ratiæ sint, & legata inde debeantur,

Tom. IX.

§. ex eo solo, Inslis. quib. mod. test. infirm. Huius iuris una exceptio est constituta in *L. sancimus, infr. b. s.* Nisi decennium totum post confectionem testamenti effluxerit, quod testamentum testator dixit, se valere nolle. Sane si testator non solum dixit se prius testamentum valere nolle, sed etiam adiecit elogium heredi, qui eo scriptus esset testamento, placuit eo probato hereditatem heredi auferri tanquam indigno, & sibi adjudicari, *L. hereditas, infr. de iis, quib. ut indign.*

Sed hoc argumentum est potius prius testamentum valere; non enim auferretur hereditas heredi scripto, nisi prius eo testamento heres scriptus esset. Non obstat huic sententiæ, quod dicitur, ambulatoriam esse voluntatem testatoris, usque ad extremum spiritum; *L. 4. D. de adim. leg.* ambulatoriam enim esse, & mutari posse non negamus, sed volumus id legitime fieri, non sit autem nuda voluntate, cum de testamento imperfecto hic agitur. Quod si ad voluntatem etiam factum eius aliquid contrarium accesserit, hic prius testamentum rescindi potest. Id autem contingit

F

tingit dupliciter, partim mutatis prioribus tabulis, quas rescindi volumus; partim iis integris manentibus. Mutatione tabularum testamenti, si testator consulto eas mutabit, testamentum rescinditur. Id autem accidit iis modis, si tabulae conscindantur, *L. pen. infr. b. t. L. qui ex liberis, § ultim. de bon. poss. secundum tab. L. 1. §. sed si consulto, in fin. D. de his, quæ in testam. del. L. ult. D. de lib. & postu.* Idem iuris est, si signa amoveantur, aut turbentur, *d. L. ultim. infr. L. ad testum, §. si signa. D. b. t. Idem est si tabulae deleantur, aut cancellentur. L. 1. §. si heres, D. si tab. testam. nul. exstab.* Hæc eo recepta sunt, quia testamentum essent materia, scriptura, & signis tellum, ut consequens sit iis remotis, quibus testamentum stabat, testamentum rescindi, nempe modis contrariis, iuxta regulam *L. nihil tam naturale, D. de reg. iur.* Integris tabulis nihilominus testamentum rumpitur, si aliud testamentum factum erit, & iure perfectum, ut *b. t. & §. 1. quibus modis test. infr. L. 1. & 2. D. de iniust. rupt.*

- 3 Sed cur alio testamento ꝑ facto, ex duobus non potius prius valet? Respondeo, semper ex duobus voluntatibus de eadem re concurrentibus novissima servatur, quia sola placuit; valeatque hæc regula & in testamentis, & in conventionibus, *L. 12. §. ult. D. de legat. 1. L. quod traditum, D. de cond. & demonst. L. pacta novissima, supr. de pact.* Sed si testator de priore testamento mutando nihil dixit, cur non utrumque valet: cum nec quidquam prohibet, quo minus ex ea voluntate utrumque possit valere? Respondeo primum hoc ipso, quod novum testamentum instituit, exilium a priore recedere; nam nisi id improbaret, in eo maneret. Deinde alio testamento facto declarat se to priore aliquid desiderare, enque perfectum non esse, nullum autem testamentum valet, quod ex voluntate testatoris non perficitur, *L. si is qui testam. D. eod.* Sed ꝑ quid si testator posteriori testamento nominatim caverit, ut prius testamentum etiam valeret? Respondeo: Hæc voluntas levisabitur, & prius testamentum valebit, non tanquam ex priore testamento, quod ruptum est, nam plus valere non potest; sed tanquam testamento posteriore scripta essent, quæ priore sunt comprehensa, *arg. L. æse toto, D. de hered. inst. Sed, ut dictum, & superioribus locis expressum est, placet ꝑ prius testamentum alio testamento rumpi, si posterius iure perfectum sit; perficitur iure id,*

ex quo heres existere potuit. *L. 1. D. iniust. rupt.* Id quam vim habeat, declaratur dilucide in *§. 1. Inst. quibus mod. test. infrm.* Ergo imperfecto testamento posteriore prius, quod iure factum sit, non rumpitur.

Huius iuris una ꝑ exceptio est hoc loco tradita. Est autem huiusmodi, si posteriore testamento li heredes instituti sunt, qui & sine testamento vocabantur ad legitimam hereditatem defuncti. De hæc exceptione prius videamus; deinde cognoscitur, an hæc sola sit exceptio in hac re. Ad primum, eum idem ius obtinuerit olim longe ante tempora huius constitutionis, ut constat ex *L. 2. de iniust. rupt.* hic statim occurrit, quid opus fuerit hac constitutione Imperatoris? Respondeo: Attendenti apparent duo hic nova constituta esse ab Imperatore, aut certe ita esse comprehensa, ut aliis locis deessent. Nam ut huiusmodi testamento imperfecto, in quo legitimi heredes instituti sunt, prius testamentum rumpatur, constituit hæc duo nominatim exigit: Primum, ut priore testamento rite facto alii heredes instituti sint, qui ab intestato succedere non poterant. Ex quo colligimus, si iidem heredes, & priore etiam testamento fuerint instituti, posteriore imperfecto prius non rescindi, sed prius integrum manere, quod utile est scire, non propter heredes, qui ex utroque testamento pariter vocantur, sed propter legata & fideicommissa, quæ etiam iure debentur, quæ alioqui non deberentur, si prius testamentum ruptum esset.

Alterum exigit constitutio, ut posterius testamentum saltem habeat *quinque testum in ea voluntate iuratorum depositiones*, in quibus verbis consequens seu effectus positus est, ut ex eo antecedens & causa intelligeretur. Eil enim hic sensus: in hac voluntate adhiberi debere quinque testes, a quibus deinde nascentur depositiones de ea voluntate, ut apud iudicem de testamento interrogati testimonium dicant, & dicant iurati. In quo hic nihil singulare constituitur, sed eo dicitur: quia nulli testes ad testimonium adiunguntur in iudicio, nisi iurati, *L. iuris iurandi, supr. de testib.* Vis autem huius imperfecti testamenti observanda est. Placeet enim sic valere, sed ut supremam & intellectui voluntatem. Quibus verba significatur hoc testamentum valere ad hoc, ut prius rescindatur, cæterum ipsum per se non valere. Ex quo intelligimus, si quid eo testamento sit relictum non deberi, *L. ex imperfecto, sup. b. t. §. ult. Inst. quib. mod. test. infrm.* Obiect-

Observandum est autem, hoc unum tantum genus testamenti imperfecti posterioris excipi, quoniam prius testamentum infirmetur. Quod cum sit, exillimari potest, unum hoc tantum genus excipiendum esse, aut si alia excipiuntur, non recte hic unum tantum excipitur. Respondeo, ut est propositio huius constitutionis: anum hoc genus tantum testamenti posterioris recte excipitur. Nam hic agitur de duobus testamentis, quorum prius iure communi perfectum sit, posterius ita imperfectum, ut iure communi non valeat. Hæc duo cum concurrunt, nunquam posteriori imperfecto testamento prius rumpitur, nisi uno hoc casu, cum posteriore testamento heredes legitimi scripti sunt. Et bene hic unus tantum casus hæc constitutione comprehensus est. Sed fieri potest, ut prius testamentum sit iure militari factum, non iure communi. De hoc testamento licet cavendum est: quocunque modo testator aliud testamentum facere postea coeperit, si non perfectit, prius rescinditur, etiam si posterius nullo modo valeat.

Exempli gratia, miles in militia iure militari testamentum fecit, is militia missus est. Prius testamentum, quod fecit etiam iure militari, valet intra annum tantum, *§. sed battens, Inst. de testam. milit.* Hoc dicimus: hunc militem intra eum annum quocunque modo aliud testamentum faciat, prius quod iure militari valebat, rescinditur esse, *L. eius, §. 1. D. de milit. testam.* Atqui prius testamentum non minus valebat, quam si iure communi factum esset, *L. r. D. de testam. milit.* Ut igitur id rescinditur alio testamento, quod non valet potius, quam si iure communi factum esset? Respondeo testamentum iure militari factum etsi valeat, tamen nihilominus imperfectum esse. Ideo enim iure singulari confirmari oportuit, quia imperfectum erat. Imperfectum facilius tollitur iuxta reg. iur. *Nihil tam naturale, &c. §. L. fere, D. de reg. iur.*

Sed hæc ad omnia testamenta priora, quæ imperfecta sunt, & nihilominus valent, non pertinent. Nam & testamentum parentis inter liberos factum imperfectum esse potest, neque id rescinditur testamento imperfecto, *Autb. hoc inter, supr.* Quod si prius testamentum iure communi perfectum erit, & posterius imperfectum iure valebit, non minus prius testamentum rumpetur per posterius, quam si posterius iure communi perfectum esset, ut puta si posterius iure militari factum erit, prius rescinditur. Neque di-

Tom. IX.

stinguemus, utrum prius iure militari factum esset, an iure communi; quia, ut dixi, posterius non minus valet, quam si iure communi factum esset, *L. 2. D. de inst. rump. dict. L. eius, qui in fin. D. de milit. testam.*

Ex his si quaeritur in universum, utrum prius testamentum, quod iure valet, posteriore testamento imperfecto rumpatur, distinguemus. Primum videbimus prius testamentum utrum iure militari factum sit, an iure communi. Si militari: quacunque voluntate contraria, quocunque testamento imperfecto, prius rescinditur, quia & prius imperfectum erat. Sin prius iure communi valebit: & hoc rumpetur posteriore imperfecto, si aliquo iure valet, etiam si militari; quo exemplo multo magis idem admitemus, si posterius factum sit inter liberos. Quod si & prius iure communi valebit, & posterius imperfectum ipsum per se non valebit, prius nunquam rescinditur, nisi hic heredes instituti erunt, de quibus hic constitutum est.

Nihil adversus hæc distinctionem, & sententiam totam faciunt § loci citati ab Accursio, tanquam in quibus dicatur, etiam aliis casibus posteriore imperfecto testamento prius rumpi. Leges hæc sunt, *L. cum quidam, D. de iur. quib. ut indign. L. pen. §. ult. D. de condit. inst. L. Clodius, de acquir. hered.* Nam in *L. cum quidam*, tantum abest, ut posterius testamentum imperfectum rumpat prius in specie illius loci, ut ne sic quidem rumpat, quanvis iure perfectum fuerit posterius. Quoniam priore testamento heredes incapaces instituti erant, a quibus hereditas tanquam indignis aufertur, quæ non auferretur, nisi prius heredes essent ex eo testamento, de qua specie commodius dicitur *infr. ad L. 1. de hered. inst. In L. penult. D. de cond. inst.* aperte dicitur, codicillis, seu imperfecto testamento, conditionem institutioni adici non posse, id est, institutionem priore testamento pure factam alio testamento mutari non posse, in quo idem heres instituitur sub conditione. In quo hoc statuitur, posteriore imperfecto prius non mutari, id quod nunc dicimus.

Uritur autem Modestinus in ea re hoc argumento: nam cum posteriore testamento testator adicit conditionem, vult id defectum conditionis hereditatem adimi heredi prius scripto. At, *codicillis hereditas neque dari, neque adimi potest*, inquit. Unde conclusio facile ipso tacente intelligitur. Ergo ea conditio posteriori testa-

testamento frustra adiicitur. Neque mutatur prius testamentum in *L. Clodius, D. de acquir. hered.* Prius testamentum rite factum posteriore testamento imperfecto non tollitur, id quod evidenter apparet ex eo, quod ibi quaeritur, an heres priore testamento institutus ideo non pos-

sit ex eo testamento heres esse, quia videatur ex eo testamento hereditatem repudiasse; si prius testamentum ruptum esset, hereditas ad scriptum non pertineret, sive repudiasset, sive adire vellet. Quare illis locis superior sententia confirmatur.

Ad vers. ult. Illud etiam.

Illud etiam huic legi prospeximus inferendum, ut etiam Graece omnibus liceat testari. Dat. Id. Sept. Theodosio XVII. & Festo Coss.

S U M M A R I A.

1. *Testari licet quacunque lingua, quibuscunque verbis: modo intelligatur voluntas testantis.*

2. *Notis scripta tabulae non valent.*

IN scriptura, aut pronuntiatione supremae voluntatis solum hoc spectatur, ut intelligatur, quod dixit, scriptivae testator, argum. *L. 2. D. de his, quae pro non script. habentur*. Proinde † quibus verbis testator utatur, aut qua lingua, dummodo eius voluntas intelligatur, nihil interest. De verbis cautum est in *L. 2. §. 1. sup. de lingua* hic cavetur. Notis † scri-

ptae tabulae non valent. *L. si cum patrono, §. ult. D. de bon. poss.* Quod superioribus non adversatur, quoniam notae non intelliguntur; non enim notae apud omnes idem valent, nullam denique significationem certam habent, natura sua, sed tantum valent, quantum scriptor illis tribuit, neque omnes iisdem notis eandem vim tribuunt.

Ad L. Distantibus. 22.

Imp. Zeno A. Sebastiano praefecto praetorio.

Distans testamentum, vel aliam quamlibet ultimam voluntatem, legatum vel fideicommissum, vel quodcunque aliud, quodlibet legitimo titulo testatorem posse relinquere, minime dubiandum est. Testibus etiam ad efficiendam voluntatem adhibitis pro suo libito quod voluerit testator relinquere non prohibetur. Datum Calend. Maii, Constantinopol. Basilio juniore, V. C. Coss.

S U M M A R I A.

1. *Distans testamentum recte ex eo testamento legatur.*

2. *Per distantes quid hic intelligatur,*

3. *Is distans, qui per alium distat.*

4. *Testibus ad testamentum adhibitis legari potest, & quare & n. 6.*

5. *Res propria qua dicatur.*

Distans † testamentum recte eo testamento legatum datur. Dubitatio ex eo nasci, quod scribenti testamentum inutiliter relinquitur. Si quid enim ei relinquitur, ipsum oportet sibi legatum adscribere, cum ipse totum testamentum

scribat. Nemo autem per leges sibi quid testamento adscribere potest; non absit enim ea res a suspitione falsi. *L. 2. infr. qui sibi adscrib. in testam.* Hinc non immerito dubitatum est, an non idem probandum sit in eo, qui testamentum distat?

89 Ad Tit. XXIII. Lib. VI. C. de Testamentis, &c. 90

Acti? Placuit non idem esse; quia non si aliquis dicat legatum aliquod, continuo ex ea dictatione id scribit, nisi volente testatore.

Sed quomodo dictanti legari potest, cum testator ipse sit, qui dicit testamentum? Respondeo: dicantes ꝑ hic intelligere debemus Notarios & quosvis formularios, idest, peritos formularum, quibus testamenta recte concipi solent, adhibitos a testatore ea gratia, ut testamentum recte dicent, approbante tamen & contentiente testatore. Neque eo minus testator dicere intelligitur. Is enim ꝑ dicitur, qui per alium dicitur, *L. 2. D. qua vi, aut clam, L. 3. §. gessisse, D. de administrat. tutor.*

Potest ꝑ & testibus ad testamentum adhibitis legari, ut lidem & esse possint testes, & legatarii in testamento, § *legatariorum, Instit. cod. L. qui testamento, in*

prin. D. hic. Diximus in *L. proxima* adversari *L. nullus, D. de testibus, L. omnes supr. de testib.* ubi traditur: *neminem idoneum testem esse in re propria,* quæ verba, dubium non est, ad legatarios pertinere. Nam rem ꝑ propriam dicimus, cuius commodum, vel incommodum ad eum suo nomine pertinet; *L. 1. §. in propria, D. quando appelland. sit.* constat autem siue testamentum valeat, siue non, eius rei commodum, aut incommodum ad legatarium pertinere. Commode dicimus ex hac regula ꝑ excipi legatarios, ut singuli pro testamento recte testimonium dicant, quanvis postea legatum percepturi. Idcirco, quia eorum testimonium satis vindicetur ab omni suspitione falsi, ab aliis sex testibus, qui in eo testamento præterea adhibentur præter solemnitates, quæ ad vitandam omnem falsi suspitionem adhibentur.

Ad L. Consulta. 23.

Imp. Iustinian. A. Archelao præfecto pratorio.

Consulta devalia, quibus considerare prosperum est, ne voluntates ultime deficientium in hac regia urbe confecta apud alium aperiri possint, quam apud. &c.

Explicatur hic pluribus, quod paucis comprehensum est in *L. testamenta, supr. ubi dictum.*



Ad L.

Ad L. Ambiguitates 24.

Imp. Iustinianus A. Menox. prefeto pratorio.

Ambiguitates, quæ vel imperitiis vel desidia testamenta conscribentium oriuntur, rescandæ esse censemus: & sive institutio heredum post legatorum donationes scripta sit, vel alia prætermissa sit observatio, non ex mente testatoris, sed vitio tabellionis, vel alterius, qui testamentum scribit: nulli licentiam concedimus per eam occasionem testatoris voluntatem subvertere, vel minuire. Dat. Kal. Ianuar. D. N. Iustiniano. A. PP. Il. Coff.

S U M M A R I A.

1. *Ambiguitates quæ vocet Iustinianus.*
2. *Vitium scripturæ testamento non nocet, dummodo sententia testatoris intelligatur.*
3. *Vitium testamentorum duplex.*
4. *Heredis institutio dicitur caput & fundamentum testamenti, & cur.*
5. *Ordo rerum in testamento scribendarum inuersus an vitiet testamentum.*
Substitutio pupillaris non ex eventu tantum successionis spectatur, sed ex præsentis forma, qua conscribitur a testatore, ibid.
6. *Omissio verborum necessariorum in testamento an voluntati testatoris noceat.*
7. *Observationes ad testamentum iure constitutum omitti non possunt, neque in totum, neque ex minima parte, quin testamentum pro imperfecto sit.*
8. *Omissio verborum aliquot consulto a testatore, non errore omissa, an vitiet testamentum.*
9. *Testator si consulto inuerterit ordinem institutionis & legatorum, an nihilominus scriptura valeat.*

HIC iubet Iustinianus tolli ambiguitates, quæ ex vitio scripturæ oriuntur. Ambiguitates ¶ vocat non incertitudines, quæ ex verbis ambiguis nascuntur, de quibus in constitutionibus non agit, sed more suo intelligit hoc verbo dubitationes veterum, sive alterius iuris, quæ ex scriptura nascuntur, ut intelligi potest ex *L. ambiguitatem. supr. de usufructu*. Et certe conversio ordinis scripturæ, de qua postea agit, nullam ambiguitatem habet: hanc tamen controversiam subicit illis ambiguitatibus, quas proposuerat. Summa autem sententiæ est: vitium ¶ scripturæ testamento non nocere, dummodo sententia testatoris intelligatur.

¶ Vitium ¶ duplex est; aut enim est in ordine scribendi eas res, quæ testamento relinquantur, aut in verborum ad sententiam necessariorum omissione. Ordo naturæ in iis, quæ testamento relinquantur, postulat, ut initium fiat ab heredis institutione. Nam ab ea legata, & cætera in testamento pendent, ac tunc ea nihil in testamento scriptura valet, *L. 1. in fin. D. de vulg.*

L. ult. D. de iur. codicill. Unde & heredis institutio ¶ dicitur caput & fundamentum testamenti, §. ante heredis, *la-* 4
stituit. de legat. Caput, quia regit cætera, quæ sunt in testamento; fundamentum, quia in hac tanquam in fundamento cætera consistunt.

Et hoc secuti veteres non putabant aliter testamentum scribi posse, quam si primo loco institueretur heres. Id Iustinianus ¶ mutat hac constitutione, quod pluribus verbis explicat in §. ante heredis. Et recte. Neque hic quidquam sit adversus id, quod de heredis institutione dictum. Quocumque enim loco testamenti scriptus erit heres, ordine intellectus primo loco institutus intelligitur. Dum autem intelligatur, quid sit in re, scripturam magnopere attendere non oportet, *L. quidam, D. de pecul. leg.* Una tamen in specie controversia scripturæ nocet, cum scilicet pater filio impuberi exheredato prius heredem instituit; deinde secundo loco instituit heredem sibi, & ita prius facit testamentum filio, deinde sibi, *L. 2. §. prius, D. de*

D. de vulg. Sed hoc in hac specie receptum est, quia substitutio pupillaris non ex evectu tantum successionis spectatur, sed ex præstante forma, qua conficitur a testatore. Hæc forma exigit, ut pater prius sibi testamentum faciat; quoniam substitutio pupillaris sequela est paterui testamenti, ut est in *d. §. prius*. At cum heres instituitur, & legata relinquuntur testamento, in iis spectamus tantum ordinem, qui futurus est mortuo testatore. Successionis ordo facit, ut prius heredem esse oporteat, quam quidquam ex eo testamento debeatur.

6 Omissio ꝑ quoque verborum necessariorum voluntati non nocet, veluti si testator pro iis piens, *Lucius Titius mihi heres esto*, scripserit truncatis verbis, *Lucius esto*, vel *Lucius heres*, vel simpliciter *Lucius*. Quod exemplum est *L. errore. sup.* ubi dictum. Hoc intelligit Iustinianus, cum vetat omnem observationem prætermissam voluntatem minuere, si ex vitio scribentis nascatur. Si simpliciter locutus esset de omni observatione prætermissa, esset sententia falsissima: nam ꝑ observationes ad testamentum iure constitutæ omitti non possunt, neque in to-

tum, neque ex minima parte, quin testamentum pro imperfecto sit, *L. si unus. L. testandi. L. hac consultissima. §. 1. in fin. & §. ex imperfecto suor*. Sed cum addidit, *Si ex vitio scribentis. &c.* voluit hac adiectione declarare, se intelligere omissionem, quæ sit in scriptura, idest, in verbis scripturæ.

Quid ꝑ si testator consulto, non errore verba omiserit? Respondeo: nunquam existimandus est aliter omisisse, quam errore. Propterea quod, si voluerit *L. Titium heredem esse*, necesse est intelligi hæc verba: *L. Titius heres esto*, idque ex testatoris voluntate. Proinde, si omissa sunt, non ex voluntate, sed aut errore, aut negligentia eius factum esse putandum est. Quid ꝑ si testator consulto convertit ordinem institutionis & legatorum, idne constare potest? Respondeo, non minus scriptura valebit, *d. §. ante heredis*, nec repugnat consiliorio, quoniam hæc adiectio, *non ex mente testatoris*, refertur ad observationem prætermissam, de qua prius erat sermo, non ad conversionem scripturæ, de qua prius dictum.

Ad *L. Præposteri. 25.*

Imp. Iustinianus A. Mennæ præfecto Prætorio.

Præposteri reprehensionem, quam Novella constitutio divi Leonis in dotibus instrumentis sustulisse noscitur, in aliis quoque omnibus tam contractibus, quam testamentis tollimus: ut tali exceptione cessante, & stipulatio, & alii contractus, & testatoris voluntas indubitate valeant: examinatione videlicet post conditionem vel diem competente. S. Datum VII. Id. Dec. Dn. Iustiniano A. PP. II. Coss.

S U M M A R I A.

1. *Stipulatio præpostere concepta repudiata a veteribus & qua sit talis.*
 2. *Admissa a Leone in causa dotis.*
 3. *Recepta a Iustiniano univærse in contractibus & testamentis.*
 4. *Contrarius occurritur.*
 5. *Quid in præpostera stipulatione repudianda secuti sunt veteres; quid contra in admittenda Leo & Iustinianus.*
- 1 **S**tipulationem præpostere conceptam ꝑ veteres in totum repudiabant. Est autem præpostere concepta, cum stipulamur aliquid sub conditione, aut in diem, & nihilominus stipulamur idem hodie nobis dari. Hoc modo: *Si navis venerit ex*

Asia, bodio 10. dare spondes &c. Stipulatio hæc in *§. item si quis. Inst. de iust. stip.* dicitur præpostera stipulatio; quia naturæ ordinem præcedit datio, sequitur eventus conditionis; cum secundum ordinem utaturæ necessario prius oport-

porteat consistere conditionem, deinde conditionem sequi, cum ante eventum conditionis nihil debeatur, *L. cedere diem, de verb. oblig. §. sub conditione, Inst. de verb. obl.*

Primus Leo Imperator hanc stipulationem admittit in dotibus, ut est in *d. §. item si quis*. Est autem ¶ in dote huiusmodi: *Si mihi nupseris, aut si Titia mihi nupserit, hodie 10. dotis nomine dare spondeo*. Iustinianus auctoritatem Leonis secutus ¶ in universonum admittit huiusmodi stipulationes, non tantum in dotibus, sed in aliis rebus omnibus. Eodemque exemplo admittit & legata eodem modo concepta, veluti: *Si navis ex Asia venerit, heres meus esset, ex die adita hereditatis ante duos menses annos, postquam adita hereditas est, nihilominus legatum valet*. Id effectum est hac constitutione Iustiniani, cuius summa refertur in *d. §. item si quis, Inst. de iust. stip.*

Sed videtur neque Leo, neque Iustinianus ¶ huiusmodi stipulationes, & legata admittere dehuisse, aut etiam potuisse, hoc argumento: impossibile nulla est obligatio, *L. impossibile, D. de reg. iur. L. si stipuler, de verb. sign.* Præpostera autem obligatio impossibilis est. Itemque & legatum præposterum. Nulla igitur huius stipulationis, aut legati obligatio esse potest, etiam per rerum naturam. Stipulationem hanc esse impossibilem, ita contabit. Nam cum aliquid promittitur sub conditione, ea est vis conditionis, ut eius eventus expectari debeat, ut nec quidquam ante peti possit, nec quidquam deinde, *d. L. cedere, de verb. sign.* Cum autem adicitur, ut hodie detur, id agitur, ut detur eo die, qui multo ante præterit, eo die per rerum naturam amplius dari non potest; quoniam præteritus revocari non potest; impossibilem eius diei præstatio, ac proinde nulla stipulatio.

Responden pro eo tempore, quod conditionis eventum antecessit, verum est, per rerum naturam impossibilem præstationem esse. Proinde, & pro eo tempore nullam obligationem esse verum est; sed postquam conditio existit, iam pecunia pro eo tempore præstari potest. Proinde pro eo tempore contraria causa valebit. Et in summa, quatenus præpostera præstatio est, relicta, quatenus recta est & secundum naturam, eatenus admittitur stipulatio. Sed hic occurritur: Nam pro eo quidem tempore, quod conditionis eventum sequitur, videtur stipulatio valere pos-

se: nihil enim in stipulatione valet, nisi quod stipulatione comprehendimus; denique nisi in id, quod consensus est, *L. 1. §. 1. quidquid, D. de verb. oblig.* At in hac stipulatione convenit tantum nominatim, ut hodie daretur, non convenit, ut daretur, postquam navis ex Asia venerit. Sed nec pro eo tempore recte valebit, ut sic recte dici possit, hanc stipulationem pro præcedenti tempore non valere, quia ius & natura refragatur. Rursus pro insequenti tempore non valet, quia deficit consensus, *arg. L. si convenerit, D. de iurisdic. L. multum, in fin. sup. si quis alteri, vel sibi.*

Respondeo: Verbis quidem non convenit in hac stipulatione, ut daretur, postquam conditio existit; sed vi verborum, & sententia contrahentium maxime convenit. Nam qui stipulatur hodie sibi dari, non stipulatur hodie tantum per exclusionem reliqui temporis, sed stipulatur hodie sibi dari & omnibus diebus insequentibus, & in infinitum, donec, quod debetur, solutum fuerit, alioqui obligatio semel contracta non esset perpetua, nunc autem est perpetua, *L. obligationum fere, verbi placet, D. de oblig. & act.* Secundum hoc recte dicitur pro eo tempore, quod eventum conditionis antecedit, nullam esse stipulationem, quia sit impossibile præstatio, ubi id tempus præterierit. At pro eo tempore, quod sequitur stipulationem, valere, quia exinde & res præstari possit, & ea sit sententia stipulationis, ut præstetur.

Veteres qui hanc ¶ stipulationem repudiabant in totum, verba secuti sunt. Leo & Iustinianus sententiam contrahentium. Ex qua sententia stipulatio nihil conditionem & diem recte valebit, & ideo observabimus solum admittam esse stipulationem, & legatum pro eo tempore, quod conditionem & diem sequitur, ut est hic in exemplo. Ex his apparet nihil huic constitutioni obitare, quod dicitur in glossa: Non licere quidquam præpostere facere, seu contra naturæ ordinem, aut ius constitutum. Quod & verissimum est, *L. ut debitum, sup. de hered. act. L. prolatam, inf. de sententiis, & interh. L. 1. inf. de execut. res ind.* Sed tantum abest, ut hic contra quidquam dicatur, ut maxime idipsum in hac specie confirmetur, postquam stipulatio præpostera quatenus est, non valet, quatenus recta est, & naturalis dicitur, eatenus valet.

Ad L.

Ad L. In testamentis. 16.

Imp. Iustinian. A. Mennæ præfeto prætorio.

In testamentis sine scriptis faciendis, omnem formalem observationem penitus amputamus: ut postquam septem testes convenerint, satis sit voluntatem testatoris, vel testatricis simul omnibus manifestari significantis, ad quos substantiam suam pervenire velis, vel quibus legata [dare] vel fideicommissa, vel libertates disponere: etiam si non ante huiusmodi dispositionem prædixeris testator, vel testatrix, illa formalia verba, ideo eisdem testes convenisse, quod sine scriptis suam voluntatem vel testamentum componere censuit. S. Dat. IV. Id. Decemb. Constantinop. DN. Iustiniano. A. PP. II. Coff.

S U M M A R I U M.

1. *Testibus rogatis, non necesse est adici a testatore, eos adhibitos ad testa-*

mentum scripto, aut sine scripto faciendum.

IN testamentis testes rogatos esse oportet, idest, admoneri se adhibitos esse ad testamentum. *L. heredes, §. in testam. D. b. r.* Hic constitutione declaratur cum id factum erit, non esse necesse adici a testatore eos adhibitos ad testamentum

scripto, aut sine scripto faciendum, & merito, quia ex eo, quod scriptura profertur a testatore, aut non profertur, facile quid hic geratur, a testibus intelligi potest.



Ad L. Sancimus. 17.

Imp. Iustinian. A. Iuliano præfecto prætorio.

Sancimus, si quis legitimo modo condidit testamentum, & post eius confectiorem decennium profuxerit: Siquidem nulla innovatio, vel contraria voluntas testatoris apparuerit, hoc esse firmum. Quod enim non mutatur, quare stare prohibetur? Quemadmodum enim qui testamentum fecit, & nihil voluit contrarium, intestatus efficitur? Sin autem in medio tempore contraria testatoris voluntas ostenditur: si quidem perfectissima est secundi testamenti confectio: ipso iure prius tollitur testamentum; sin autem testator tantummodo dixerit non voluisse prius stare testamentum, vel aliis verbis utendo contrariam aperuerit voluntatem, & hoc vel per testes idoneos non minus tribus, vel inter acta manifestaverit, & decennium fuerit emensum: tunc irritum est testamentum, tam ex contraria voluntate, quam ex cursu temporali. Aliiter etenim testamenta mortuorum per decennii transcursum evanescere nullo patimur modo: prioribus constitutionibus, que super huiusmodi testamentis evacuandis late fuerant, penitus antiquandis. Dat. XV. Kal. April. Constantinop. Lampadio & Oreste. VV. CC. Coss.

S U M M A R I U M.

1. *Decennium ad voluntatem testatoris accedens, qua dixit se nolle testa-*

mentum valere, a quo die numerandum sit.

TESTATOR, testamento facto, si dixerit, se id testamentum valere nolle, & ad eam voluntatem hoc acceperit, ut præterierit decennium vivo testatore, testamentum rescinditur: ceterum neque lapsus decennii sine contraria voluntate, neque contraria voluntas sine decennii lapsu, testamentum infirmat: hic questum est, ex quo tempore hoc decennium numerandum sit, an ex quo testamentum factum est, an ex quo contraria voluntas secuta est? Nam Iustinianus nihil de eo expressit in *vers. sin autem testator.*

Responden: Recte receptum est, vulgo hoc decennium sic accipi debere, si præterit post testamenti confectiorem, ut

conjectura voluntatis sumatur ex his, quæ in constitutione præcesserunt. Nam quoties aliquod verbum vel in lege, vel in testamento ambigue, vel obscure scriptum est, si de eo alia parte testamenti, aut lege apertum, ex eo quod aperte scriptum est, obscurum interpretamur, quasi scriptor de eodem senserit. *L. si servus plurium, §. ult. D. de legat. 1. L. heredes, §. 1. in fin. D. h. t. L. qui filius, in pr. de leg. 2.* In hac constitutione initio decennium nominatum est, quod elapsum sit post confectiorem testamenti. Hanc significationem decennii post Iustinianus non mutavit: proinde & hoc casu locum habebit decisio superior.

Ad L.

*Ad L. Cum antiquitas. 28.**Imp. Iustinianus A. Iuliano præfæcto prætorio.*

Cum antiquitas testamenta fieri voluerit nullo actu interveniente, & huiusmodi verborum compositio non rite interpretata, pene in perniciem & testamentum & testamentorum processerit: sancimus in tempore, quo testamentum conditur, vel codicillus nascitur, vel ultima quedam dispositio secundum pristinam observationem celebratur (nihil enim ex ea penitus immutandum esse censemus) ea quidem quæ minime necessaria sunt, nullo procedere modo, quippe causa subtilissima propoſita, ea quæ superflua sunt, minime debent intercedere. Si quid autem necessarium evenerit, & ipsum corpus laborantis respiciens contigerit, idest, vel victus necessarij, vel potionis oblatio, vel medicaminis datio, vel impositio, quibus relictis ipsa sanitas testatoris pericluetur, vel si quis necessarius nature usus ad depositionem superflui ponderis imminet vel testatori vel testibus: non esse ex hac causa testamentum subvertendum, licet morbus comitialis (quod & factum esse comperimus) uni ex testibus contigerit: sed eo quod urget & imminet, repleto, vel deposito, iterum solita per testamenti factionem adimpleri. Et si quidem a testatore aliquid fiat testibus paulisper separatis, cum coram his facere aliquid naturale testator erubescat: iterum introductis testibus, consequentia factionis testamenti procedere. Si tamen in quendam vel quosdam testium aliquid tale contingat: si quidem ex brevi temporis intervallo necessitas potest transire: iterum eorundem testium reversum expectari, & solemnia peragi sancimus. Sin autem longiore spacio reſectio fortuiti casus indigeat, & maxime si salus testatoris periclitantis imminet: tunc illo vel illis testibus circa quos aliquid tale eveniat separatis, alios surrogari, & ab eo vel ab eis tam testatorem quam alios testes sciscitari, si ea quæ eorum presentiam antecedunt, omnia coram his processissent. Et si hoc fuerit undique manifestum: iubemus tunc eos vel eum una cum aliis testibus, ea quæ oportet, facere, etsi in medio subscriptiones testium iam fuerant subsæcæ. Sic etenim & nature medemur, & mortuorum elogja in suo statu facimus permanere. Cum autem constitutione quæ in testamentis ordinandis processit, cavetur, quatenus septem testium presentia in testamentis requiratur, & subscriptio a testatore fiat, vel ab aliquo pro eo, & constitutio sic edixit, Octavo subscriptore adhibito: & quidam testamentum suum omne manu propria conscripſit, & post eius literas testes adhibiti suas subscriptiones supposuerunt, alique omnia solemniter in testamento peracta sunt, & testamentum ex hoc dubitabatur an irritum factum esset: eandem constitutionem corrigentes, sancimus, si quis sua manu totum testamentum vel codicillum conscripserit, & hoc specialiter in scriptura reposuerit, quod hæc sua manu confecit: sufficiat ei totius testamenti scriptura, & non alia subscriptio requiratur neque ab eo, neque pro eo ab alio: sed sequantur huiusmodi scripturam & literæ testium, & omnis quæ expectatur observatio: & sic testamentum validum, & codicillus, si quinque testium literæ testatoris scripturæ coadunentur, in sua firmitate remaneant, & nemo callidus machinator huiusmodi iniquitatis in posterum inveniat. D. VI. Kalend. April. Constantinop. Lampadio & Oreste. VV. Cass.

S U M M A R I U M.

1. *Brevis summa huius legis.*

HÆC constitutio, cum antiquitas, continet duas exceptiones eius iuris, quod de scripto testamento comprehensum est in *L. hac consultiſſima, supr.* Prior exceptio pertinet ad eam partem iuris, qua cavetur solemnia peragi debere uno contextu actionis, nullo alieno actu interveniente. Posterior exceptio, quæ est

in §. cum autem, refertur ad eam partem iuris, qua exigitur, ut testator subscribat testamento sua manu coram testibus, si imperitus est scribendi, octavum testem adhibeat, qui subscribat; excipitur, nisi testator testamentum sua manu scripserit, de quibus exceptionibus dictum est supra.

Ad L. Iubemus, 29. cum Auth. seq.

Imp. Iustinianus A. Ioanni præfæcto prætorio.

Iubemus omnino testatorem, si vires habeat ad scribendum nomen heredis, vel heredum in sua subscriptione, vel in quacunque parte testamenti ponere, ut sit manifestum secundum illius voluntatem, hereditatem esse transmissam, Sin autem forsitan ex morbi acerbitate, vel literarum imperitia hoc facere minime poterit; testibus testamenti presentibus, nomen vel nomina heredis vel heredum ab eo nuncupari, ut omnimodo sciant testes, qui sunt scripti heredes; & ita certo heredis nomine successio procedat. Si enim est talis testator, qui neque scribere, neque articulate loqui potest, mortuo similis est, & falsitas in elogiis committitur. Quam, ut exul fiat a republica nostra, maxime in testamentorum confectione, cupientes, hanc editalem legem in orbem terrarum ponimus. Quod si non fuerit observatum, & nomen heredis vel heredum non fuerit manu testatoris scriptum, vel voce coram testibus nuncupatum: hoc testamentum stare minime possumus, vel in totum, si tota heredum nomina fuerint prætermissa: vel in eius heredis institutionem, cuius nomen neque lingua neque manus testatoris significavit. Sed ne aliqua forsitan oblivio testium animis incumbat, pluribus interdum nominibus heredum expressis: ipsi testes in suis subscriptionibus, (cum testator hæc non scripserit, sed nuncupaverit) eorum nomina subscribere non differant ad æternam rei memoriam. Sin vero ipse testator in quacunque parte testamenti nomina heredum (sicut dictum est) scripserit: supervacuum est postea testes in sua subscriptione hæc exprimere: cum forsitan nec eos scire testator suos heredes voluerit, & semel caussa ex ipsius testatoris scriptura appareat. Oportet enim omnimodo vel ex literis testatoris, vel ex voce quidem testatoris, literis autem testium, qui ad elogium conficiendum fuerint convocati, nomina manifestari heredum. Quemadmodum enim in elogio quod sine scriptura conficitur, necesse est testatorem voce exprimere nomen vel nomina heredum: ita & in testamentis per scripturam conficiendis, cum is testator manu sua scribere heredes, vel voluerit, vel minime potuerit, voce tamen eius eos manifestari oportet. Quæ in posterum tantummodo observari censemus, ut quæ testamenta post hanc novellam nostri numinis legem conficiuntur, hæc cum tali observatione procedant. Quid enim antiquitas peccavit, quæ presentis legis infamia, pristinam secuta est observationem? Scripturis & tabellionibus, & his qui

qui conficienda testamenta procurant, quæ si aliter facere ausi fuerint, pœnam falsitatis non evitabunt, quasi doloſe in tam neceſſaria cauſſa verſati. Dat. Kal. Mart. Conſtantiноп. poſt Conſulat. Lampadii & Oreſtis. VV. CC.

Auth. ex Novell. 119. cap. 9.

Et non obſervato eo, ſubvenitur teſtamenti, ſive per ſe, ſive per alium quis inſcribat nomen heredis.

S U M M A R I U M.

1. *Legis huius cum L. hac conſultiſſima* *ma ſupra, antinomia & conciliatio.*

Hæc quoque conſtitutio exceptionem habet eius iuris, quo cautum in *L. hac conſultiſſima*, ſupra nihil referre, cuius manu teſtamentum ſcriptum ſit, teſtatorisne, an alterius. Hic Juſtinianns lubet nomina heredum, aut ſcribi a teſtatore, aut ab eo palam nuncupari. Sed & hoc ius mutatum eſt in *Auth. ſequ.* & reditum ad ius antiquum, ut dictum *ad L. hac conſultiſſima*. Sed in hac conſtitutione §. *quod ſi non fuerit*, animadverſionem deſiderat. Videtur enim hic locus antinomiam habere huiusmodi. Si teſtamentum ſcriptum ſit alterius manu, & in eo quinque heredes exempli cauſſa ſcripti, Juſtinianns vult nihilominus hos heredes ab ipſo teſtatore ſcribi, aut nuncupari. In hoc §. ſubiicit, ſi teſtator ex iis quinque heredibus tres ſolum ſcripſerit, reliquos duos omiſerit, aut ſi tres nuncuparit, reliquos duos non nuncuparit, eos qui nuncupati non ſunt, heredes non futuros, ſed eos ſolum, qui ſcripti, aut nuncupati ſunt. Interim vult eos, qui ſcripti, aut nuncupati ſunt, heredes eſſe.

Videri autem potuerunt ne hi quidem heredes eſſe potuiſſe, idque efficitur *L. ſi is, qui teſtamentum*, *D. cod.* ubi ſi teſtator ex dictis quinque teſtibus, quos conſtituerat heredes inſtituere, tres nuncupavit, deinde obmutuerit, placet teſtamentum nullus eſſe momenti, quaſi imperfectum, eoque nec eos heredes futuros, qui aperte nuncupati ſunt. Reſpond. in *L. ſi is, qui teſtamentum*. Teſtator voluit eos heredes inſtituere, quos non nuncupavit; ideo enim non nuncupavit, quia non potuit, puta voce morbo intercluſa, ut nominatim ſcribitur in extremo eius reſponſi. In hac autem conſtitutione agitur de eo teſtatore, qui eos heredes, quos non nuncupavit, noluit heredes inſtituere, idque eo colligitur, quod eos potuit heredes nuncupare, ſi velle; quoniam ſatis temporis habuit ad eos nuncupandos: non nuncupavit, cum poſſet, noluit igitur. Satis autem ei temporis fuiſſe ad eos nuncupandos, ex eo intelligimus; quia poſt teſtatoris nuncupationem ſubſcriptæ ſunt ſubſcriptiones, & obſignationes teſtium; proinde hæc ſpecies voluntatem diſtinguit teſtatoris.


Ad L.

Ad L. penult. Nostram.

Imp. Iustinianus A. Ioanni praefecto praetorio.

Nostram provisionem, maxime circa ultima elogia defunctorum, nunc etiam extendi properamus. Unde cum invenerimus quasdam controversias veteribus iuris interpretatoribus exortas propter testamentum quod legitimo modo conditum, septem quæ testium signa habens, postea fortuito casu, vel per ipsius testatoris operam lino toto, vel plurima eius parte incisa, in ambiguitatem incidit: solitum ei præbemus remedium, sancientes, si quidem testator linum vel signacula inciderint, vel abstulerit; utpote eius voluntate mutata, testamentum non valere: sin autem ex alia quacunque causa hoc contigerit; durante testamento scriptos heredes ad hereditatem vocari maxime cum nostra constitutio, quam pro tuitione testamentorum promulgavimus, testatorem disposuerit vel sua manu nomen heredis scribere, vel si imperitia literarum, vel adversa valetudine, seu alio modo hoc facere non possit: testes ipsos audito nomine heredis, sub præsentia ipsius testatoris nomen heredis suis subscriptionibus declarare. Dat. XV. Kal. Novemb. Constantinop. post consul. Lampadii & Orestis. VV. CC.

DE hac L. dictum est ad L. hac cons. ultissima, §. si quis autem, sup.



Ad L.

*Ad L. ult. Et ab..**Imp. Iustinian. A. Ioanni præfecto prætorio.*

Et ab antiquis legibus, & a diversis retro principibus semper rusticitati consultum est, & in multis legum subtilitatibus stricta observatio eis remissa: quod ex ipsis rerum invenimus documentis. Cum enim testamentorum ordinatio sub certa definitione legum instituta sit: homines rustici, & quibus non est literarum peritia, quomodo possunt tantam legum subtilitatem custodire in ultimis suis voluntatibus? Ideoque ad dei humanitatem respicientes, necessarium duximus per hanc legem eorum simplicitati subvenire. Sanctimus itaque in omnibus quidem civitatibus, & in castris orbis Romani, ubi & leges nostræ manifestæ sunt, & literarum viget scientia: omnia quæ in libris nostrorum Digestorum, seu institutionum, & imperialibus sanctionibus, nostrisque dispositionibus in condendis testamentis cauta sunt, observari, nullamque ex præsentī lege fieri innovationem. In illis vero locis, in quibus raro inveniuntur homines literati, per præsentem legem rusticis concedimus antiquam eorum consuetudinem legis vicem obtinere: ita tamen, ut ubi scientes literas inventi fuerint, septem testes (quos ad testimonium convocari necesse est) adhibeantur, & unusquisque pro sua persona subscribat. Ubi autem non inveniuntur literati: septem testes etiam sine scriptura testimonium adhibentes admitti. Sin autem in illo loco minime inventi fuerint septem testes: usque ad quinque modis omnibus testes adhiberi iubemus: minus autem, nullo modo concedimus. Si vero unus, aut duo vel plures fuerint literati: licet eis pro ignorantibus literas, præsentibus tamen subscriptionem suam interponere: sic tamen, ut ipsi testes cognoscant testatoris voluntatem: & maxime quem vel quos heredes sibi relinquere voluerint: & hoc post mortem testatoris iurati deponant. Quod igitur quisque rusticorum (sicut prædictum est) pro suis rebus disposuerit: hoc omnimodo, legum subtilitate remissa, firmiter validumque consistat. Dat. III. Non. Iul. Constantinop. DN. Iustiniano. A. IV. & Paulino. V. C. Coss.

S U M M A R I U M.

1. *De testamentis rusticorum.*

- IN † testamentis rusticorum remittitur constitutum, de quo dictum *ad L. hac* necessitas solemnium ad formam hic *consultis.* ante initium, §. *ex imperfecto.*

A D T I T U L U M XXIV.

COD. DE HEREDIBUS INSTITUENDIS, ET QUÆ
PERSONÆ HEREDES INSTITUI NON POSSINT.

S U M M A R I A.

1. Testamentum ut ab initio sit iustum, quibus in rebus positum sit.
2. Heredis institutio quam necessaria sit in testamento.
3. A parentibus liberos habentibus & testamentum consentientibus quæ exigantur, ut testamentum valeat.
4. Testamentum quibus modis infirmetur, rumpatur & irritum fiat.
5. Hereditas quomodo nobis ex testamento deferatur.
6. Heredis institutio quibus ex causis sit necessaria ad acquisitionem hereditatis.
7. Heres quando quis institutus esse intelligatur.
8. Instituire heredem quid.
9. Heres quibus verbis sit instituendus.
10. Summa rerum atque ordo.

Diximus initio *sic. qui testam. fac. poss.* *supr.* ita hereditatem deferri testamento, si etiam iustum sit. Ut autem *†* ab initio iustum sit, tribus in rebus positum esse: in persona testantis, ut sit, qui testamentum facere poterit: in solemnibus testamentorum: rum in iis, quæ testamento continentur. De personis dictum est *sic. qui test. fac. poss.* De solemnibus dictum est *sic. prox.* Restant ea, quæ continentur testamento, in quo genere sunt heredum institutiones, legata, fideicommissa, libertates, & tutorum dationes, *L. verbis legis, de verb. sig.* Sed ex his cætera testamento caveri possunt. Unum ad vim testamenti necesse est, ut testator sibi heredem instituat vel unum, vel plures, cætera sunt libera testatori.

- ² Sine heredis *†* autem institutione nihil in testamento valet. *L. 3. vers. Calpurnius, D. de iis, quæ in testam. del. L. 1. in fin. D. de vulgar. L. ult. de vulgar. L. ult. de iur. codicilli, §. inprimis, luss. de legat.* Cætera, ut dictum, libera. Et ideo qui neque legare vult quidquam, neque de cæteris rebus cavere, sed tantum heredem instituere, cum Ulpianus ait tribus verbis testamentum conficere posse, ut dicat; *Lucius heres esto, L. 1. §. qui neque, D. eod.* & hæc lex generalis omnibus testatoribus posita est.
- ³ Una est specialis *†* in parentibus, ut qui liberos habent non quovis alios instituant, ut testamentum valeat, sed ut instituant liberos suos omnes. Quod si eos indignos

successione sua putant, duo ab illis exiguntur ad vim testamenti. 1. Ut liberos nominatim iustis de causis exheredent, & quidem iustis causis exheredationi adscriptis, *sic. de exher. lib. 1. inter cætera, de liber. & possum. Authent. non licet, infr. de liber. præter.* Deinde hoc quoque exigitur, quod est omnium testamentorum commune, ut sibi alios heredes instituunt, cum dixerimus, sine heredis institutione testamentum non valere. Hæc cum observata erunt, & in persona testatoris, & in solemnibus, & in heredum institutionibus, & exheredationibus, quæ diximus, habebimus id testamentum, quod ab initio iustum est.

Sed ad vim testamenti non est satis ab initio iure factum esse testamentum, nisi etiam iustum perseveret. Multis autem modis accidit, ut quæ ab initio iure valuerunt, postea infirmenentur. Quare si tenere volumus, quodnam sit testamentum ex omni parte iustum, etiam hoc loco quæstio introducenda est, quibus modis testamentum infirmetur, ut iis modis notatis, statuamus id testamentum iustum esse, de quo quæritur, quod & recte factum est in Dig. illos enim titulos duos, *qui test. fac. poss. Item de lib. & possum.* consequitur tertius hanc postremam quæstionem continens de *in iusto, rupto, irritivo testamento.*

Est autem *†* hæc summa iuris de eo. ⁴ Testamenta ab initio rite facta postea aut rumpuntur, aut irrita sunt. Rumpuntur vel

vel agnatione sui heredis, aut quasi agnatione, vel alio testamento postea rite facto. Agnascitur testatori suus heres, cum post testamentum suum heres testatori nascitur, vel eo vivo, vel mortuo. De hac agnatione est in §. *postumi*, *Inst. de inst. & exher. liber. toto tit. infr. de postum.* *hered. inst.* Quali agnasci dicitur heres, cum vel testator adoptat sibi liberos, quos in potestate incipiat habere, de qua specie est in *§. postumorum, Inst. de exher. lib. & L. postumorum, D. de inst.* *&c. rups.* Posteriore testamento quomodo rumpatur prius, dictum ad *L. hac consultiissima, §. si quis autem, supr. prox. titul.*

Irritum fit testamentum duobus modis. I. Testatore capite minuto, idest, vel libertate amissa, vel civitate, vel tunc eum arrogatione, aut adoptione in aliam familiam transiit, §. *alio, Inst. quib. mod. test. infrum.* Sed hoc ita, si testator capite minutus eodem statu decesserit. Nam si ad priusmodum statum redierit, recenti eius voluntate testamentum convalescet, ut secundum id detur bonorum possessio. §. *non tantum, Inst. quib. mod. test. infrum.* II. Fit irritum testamentum non adita hereditate ex eo: nam hereditate non adita res eo redit, quasi ab initio testator heredem non haberet. Est autem heredis institutio fundamentum testamenti. Hoc modo irritum fieri testamentum traditur in *L. i. D. de inst. rups. &c.*

Distinguitur tamen alibi irritum testamentum ab eo testamento, ex quo hereditas adita non est, nempe *sub tit. de her. quæ ab intestat. in pr.* Sed hoc docendi causa fit, ut res plures nominibus suis distinctæ magis intelligantur. Cæterum revera irritum id testamentum est, quod exiit non habet, indicatur hoc in *d. §. alio, Inst. quib. mod. test.* Liecet etiam modos infirmandi testamenti ita dividere fortasse commodius, certe plenius, ut statuas testamentum infirmari partim volente testatore, partim invito. Voluntate sola nunquam testamentum infirmatur, sed cum ad voluntatem accesserit aliquid, nimirum, ut aut mutetur tabulæ testamenti, aut tabulis integris manentibus aliud testamentum fiat, de quibus generibus dictum ad *L. hac consultiissima, supr. t. prox. §. si quis autem.*
Tom. IX.

Invito, tribus modis: agnatione heredis sui, seu quasi, capitis diminutione testatoris, & hereditate ex eo testamento non adita, de quibus ante dictum. Cum testamento ab initio rite facto nihil istorum postea incidit, quibus testamentum infirmatur, iam certo saluere poterimus, id testamentum, de quo agitur iustum esse, de quo hoc usque quælivimus.

Hoc constituto longius progrediendum in quæstione † acquirendæ hereditatis. Nam ut nobis hereditas acquiratur ex testamento, hoc non est satis, iustum esse testamentum, ex quo iudicemus hereditatem, sed oportet etiam ex testamento eo nobis hereditatem deferri. Sic autem nobis deferatur, si eo testamento heredes instituti simus. Ex † quo apparet heredis institutionem, seu omnem de heredibus instituendis quæstionem duabus de causis necessariam esse ad acquisitionem hereditatis. Primo propter testamentum, ut valeat; nam supra dictum sine heredis institutione testamentum non valere, propter quam causam, etsi sola esset, aptissime hic titulus subicitur superioribus, ut in eo constitutur vis testamenti. Sed & necessaria est hæc quæstio propter nos, qui hereditatem ex testamento vindicare volumus, posteaquam nihil ad rem pertinet testamentum iustum esse, nisi & eo heredes instituti simus. Hinc introducitur quæstio de heredibus instituendis.

Ut ergo hoc modo nobis deferatur hereditas, duabus rebus continetur, si heredes instituti sumus, & ita, ut consulari iure institutio. Nihil enim interest, utrum aliquid non fiat, an non recte fiat, *L. quanties, d. D. qui jatisdar. cog.* Institutos aliquis intelligitur † heres, cum testator id fecit, quod verbum significat, & id quoque voluit. Instituire † autem heredem est statuere, & designare sibi successorem, idest, scriptio & verbis declarare, quem tibi mortuo successorem esse velis in omne ius tuum; nam hereditas hanc successionem universi iuris significat; *L. nihil aliud, de verb. sig. L. hereditas, de reg. iur.* proinde heres intelligitur universi iuris successor, §. *legatarii, de test. ordin. L. quadam, §. i. D. de edendo.*

Quibus autem † verbis id testator declararet, nihil refert. *L. quoniam, supr. tit. prox.* Solemnia verba antiquitus hæc erant: *Lucius Titius heres esto, L. i. §. neque, D. de hered. instit.* Sive autem scribatur heres, sive nuncupetur sine scripto institutum intelligimus. *d. L. i. §. neque, D. de hered. instit.* Non est tamen satis hoc verbis exprimi, nisi etiam

H

con-

concurrat voluntas testatoris, quod interdum non fit, & ob hanc causam nulla est institutio. Exempla sunt in L. 3. 4. & L. etiam, inf. h. t. Sic constituit heredis
 10 † institutio, si & is instituitur heres, qui institui potest, & rite intelligitur, ut vis institutionis consistat in his tribus: in persona heredis, conditione, & in instituendi modo. Hinc duæ quæstiones vim institu-

tionis explicantes. I. Qui heredes institui possint, vel non, de qua est hoc titulo præcipue, ut inscriptio declarat. II. Quomodo heredes institui possint, ad quam proximi duo referuntur. Qui heredes institui possint, ostenditur in L. 1. h. t. pertinet huc L. collegium, L. extraneum, infr.

Ad L. Qui deportantur. 1.

Imp. Titius Ælius Anton. A. Anthestiano,

Qui deportantur, si heredes scribantur, tanquam peregrini, capere non possunt, sed hereditas in ea causa est, in qua esset, si scripti non fuissent. Sine die & consule.

S U M M A R I A.

1. Summa huius legis.
2. Peregrini heredes institui non possunt.
3. Peregrini in usu iuris qui dicantur, & quid peregrinitas.
4. Soli cives Romani heredes institui possunt: quia cum iis solis testamenti factio est.
5. Cives Romani qui sunt, & qui non.
6. Servus an heres institui possit.
7. Hostis noster inutiliter heres instituitur: similiter & is, qui ad eum defecit.
8. Hostes & hostium numero qui sunt.
9. Servi pæne olim qui & an heredes institui potuerint.
10. Deportati qui sunt, & qui eorum nu-

mero habeantur, & an heredes institui possint.

11. Relegati qui.
12. Heretici qui sunt, qui eorum numero habeantur, & quod heredes institui nequeant.
13. Deportatis hereditas institutis, cum ex hereditate nihil capiant, ad quem ea hereditas pertineat, ad fiscum ne, an ad heredes legitimos redeat.
14. Omnes, qui sunt cives Romani, heredes institui possunt.
15. Qui ex Civibus Romanis a quovis institui non possint.
16. Qui nec solidum capere valeant.
17. Quis item sint qui instituuntur inutiliter.

1 **T**Ria † hic statuuntur. I. Peregrinos heredes institui non posse: cum enim dicitur, deportatos non posse institui tanquam peregrinos, id est, ut qui peregrini sint, prius præsupponitur, peregrinos institui non posse, alioqui male colligeretur de deportatis. II. Statuitur, deportatos peregrinos esse, & ob hanc causam institui non posse. III. Continet effectum utriusque definitionis superioris, nempe ut sive deportati, sive qui alii peregrini heredes instituuntur, hereditatem capere non possint, sed pro non scriptis habeantur. Quæ tria sigillatim excutienda sunt.

2 Dicimus † peregrinos heredes institui
 3 non posse. Peregrini in usu iuris † dicuntur, qui cives Romani non sunt, & pere-

grinitas status eorum, qui cives Romani non sunt. L. 6. §. solemus, D. h. t. i. sed si hoc. §. sed si per panam, D. de ius voc. Unde intelligimus superioribus verbis hoc statui, eos, qui cives Romani non sunt, heredes institui non posse. De quo iure, ut facilius & plenius possit statui, ad intelligentiam aliorum etiam locorum, ad eandem quæstionem pertinentium, sic habendum est, eos solos heredes institui posse, cum quibus testamenti factio est, L. si aliorum, §. 1. L. non minus, D. h. t. Cum solis autem civibus Romanis testamenti factio est, soli igitur † cives
 4 Romani heredes institui, & ex nostro testamento capere possunt. Cum solis civibus Romanis testamenti factionem esse intelli-

telligimus ex primo & secundo capite legis Falcidiae, quæ exstat in *L. 1. D. ad L. Falcid.* Quibus cautum est, solis Romanis civibus testamento legari posse. Intelligimus autem ex *S. legari, Instit. de legat.* solis his relictis posse, cum quibus testamenti factio est. Ex quo efficitur, cum solis civibus Romanis testamenti factionem esse.

5. Quærendum est igitur, qui sint *†* cives Romani, & qui non sint, ut utraque definitio intelligatur. Dictum superiori titulo, cives Romanos esse, qui liberi sunt & in orbe Romano: nulli cives Romani, nisi liberi, *S. ult. in fin. Instit. de libertat.* Nec satis est liberis esse, nisi sint in orbe Romano, *L. in orbe Ro. D. de stat. hom.* Quod si ita est, duo sunt genera eorum, qui cives Romani non sunt, servi, & qui non sunt in orbe Romano: proinde totidem genera eorum, qui ex civium Romanorum testamento capere non possunt, ut nec heredes institui. Quod
6. *†* ad servos attinet, videri potest in his, quod sit falsa definitio. Constat enim etiam servos a nobis institui posse, & nostros & aliorum civium, & item eos, qui ab hostibus capti sunt. *L. non minus. L. illa, seq. S. ult. D. eod.* Sed nihil sit adversus definitionem supra positam: nunquam enim servus heres institui potest, nisi cum eo horum persona civis Romanus institui intelligitur: cum servum nostrum heredem instituere non possimus, nisi cum libertate, & ideo non oīsi tunc, cum liber erit, & civis Romanus factus est, *ist. eod. in pr.*

Alienum servum etiam sine libertate recte instituimus, *S. alienus, Instit. eod.* sed hoc ideo, quia sub persona servi dominus servi, idemque civis Romanus institui intelligitur: quoniam hereditas illi acquiritur, & ex eius tantum persona cum servo testamenti factio est, ut diserte scribitur in *d. L. non minus, D. h. r.* Qui autem ex civibus nostris ab hostibus capti sunt, ideo recte instituuntur, quia si redierunt, postliminii ius habent, quo efficitur, ut perinde habeantur, quasi nunquam capti essent, & proinde quasi cives Romani mansissent, *d. L. illa. S. ult. D. eod. S. si ab hostib. Instit. quib. mod. ius.* Quod si in persona servi neque ius postliminii est, neque alius domini civis intelligitur, omnino servus heres institui non potest. Et breviter, servus ut servus institui non potest. Exemplo sunt servi pœnæ, aut qui in metallum damnati sunt: his institutis, placet nullam esse institutionem, quia nullos domini habent, ex

Tom. IX.

quorum persona confusæ institutio, *L. 3. D. de his, quæ pro non scriptis habentur.*

In orbe Romano sunt duo genera hominum. Primum hi, qui Imperio Romano subiecti non sunt, in quo genere sunt hostes. Ideo *†* citra controversiam hostes inutiliter instituuntur. Unde qui ab hostibus nostris capti sunt, si a nobis institui ibi decedant, nulla institutio est, quia hostibus hereditas acquiri non potuit, ut intelligitur ex *d. L. illa, D. eod.* Hostes qui sint, *†* definitur in *L. hostes, de verb. sig. S. L. hostes, D. de captivis.* Hostium numero sunt, qui ad hostes defecerunt; item qui cum arma ferrent adversus patriam, tanquam hostes a senatu iudicati sunt. Horum utrique civitatem amittunt, ac proinde omnia, quæ sunt civium Romanorum, quæ ratione etiam capite minui dicuntur, *L. amissione, S. 1. de cap. dimitt.* Alterum genus eorum, qui Imperio Romano subiecti sunt, nec sunt in numero hostium, sed ex numero civium Romanorum exempti sunt damnatione. Horum tria sunt genera, servi pœnæ, deportati, heretici, hi de quibus constitutionibus Imperatorum cautum est.

Servi *†* pœnæ erant olim, qui damnabantur in metallum, aut ad bestias, ut iis sociiicerentur, aut ad ferrum, hoc est, ad gladium, ut cum alio decertarent gladio spectaculi publicæ præbendi causa, quæ olim spectacula Romæ erant. *L. eius, S. ult. D. de testam. S. qui test. fac. poss. S. pœna servus. Instit. quibus modis ius patr. potest. solv.* Hi cives Romani esse definebant, quoniam non tantum civitatem amittebant, sed etiam libertatem: efficiebantur enim servi pœnæ, *S. maxima, Instit. de cap. dimitt.* Ob hanc causam institui heredes non poterant, nec quidquam ex testamento civium Romanorum capere poterant, *L. sunt quidam, D. de penis, L. 3. de iis, quæ pro non script. habentur.* Hodie constitutione Iustiniani nemo damnatione fit servus, *S. quod autem prius, S. sequent. Novell. de nupt.* Sed nihilominus libertate iis relicta, alterum ex iure antiquo manet, ut ii civitatem amittant; quæ una de causis ex testamento civium Romanorum capere non possunt, ex definitione propnita.

Deportati sunt, *†* quos præses pronuntiavit in insulam deportandos, si modo & Princeps sententiam prædis confirmavit, & assignavit insulam, *L. 6. S. eius qui, D. de iniust. rupt. L. 1. de deportator, D. de legat. 3.* Non omnes, qui iuben-

H 2

iubentur excedere ex finibus alicuius regni, aut regionis, deportatorum numero sunt. Nam & relegati in insulam eiciebantur finibus; qui tamen & civitatem & libertatem retinebant, §. *cum autem, versic. relegati*. Instit. *quibus modis ius patriæ potest solvatur*. Igitur deportatos a relegatis distinguebant verba sententiæ præfatis, ut deportati intelligerentur, in quibus eiciendis præses *deportandi* verbo usus esset; relegati, in quibus *relegandi*: deportati deportatione civitatem amittunt, eoque modo caput eximitur ex civitate, cuius & persona eximitur ex civitate. d. §. *cum autem, Instit. quibus modis patriæ potestas solvatur*, L. 2. *D. de public. indic.* L. 2. §. 1. *D. de penis*. Ob hanc causam deportati heredes institui non possunt, ut hic cautum est. Sic enim intelligimus, eos ad definitionem superiorem peregrinorum pertinere.

- 11 Hodie moribus nostris, & fere omnium Christianorum, cum nullæ insulæ sint, in quas damnati deportari soleant, intelligere debemus omnes, qui iubentur exulare, id est, quibus interdicitur finibus alicuius regni, vel regionis, solum in numero relegatorum esse, non deportatorum, & iura civitatis prioris, & libertatem retinere, ut & testamenta facere possint de iis, quæ habent, & ex testamento civium eorum veterum quidvis capere, nisi nominatim sententia præfatis ius civitatis illis ademptum sit, & sententia comprobata sit a Principe, arg. L. 1. §. *deportatos*, *D. de legat.* 3. d. L. 3. §. *ut qui D. de iniussu rupt.*

- 12 Hæreticos ¶ etiam intelligimus eximil ex numero civium Romanorum, ex eo, quod constitutiones iubent nihil ex legibus eis commune esse cum cæteris. L. *Manicheos, sup. de hereticis*. Nam cives iuris civilis communionem habent. Hæreticos dictimus eos, de quibus nominatim comprehensum est, L. *Manicheos*, & L. *Ariani, sup. de hereticis*. Hæc de causa vetantur etiam ex testamento alieno quidquam capere iisdem constitutionibus. Hæreticorum numero defecerunt Apostatæ, qui a fide Catholica defecerunt ad hostes fidei, de quibus cautum est, L. 1. §. L. 3. *sup. de Apostatis*. Hæc de primo capite peregrinorum dicta sunt. Secundum caput pertinebat ad deportatos, & de iis satis dictum supra.

Tertium caput diligenter expendendum est. Cum ergo hic dicitur, peregrinos & nominatim deportatos heredes institutos capere nihil posse, sed pro oon scriptis haberi, id hanc significationem habet: iis

heredibus ¶ institutis cum hereditatem non capiant, hereditatem ad heredes legitimos redire, aut si qui alii heredes instituti sunt, his portionem incapacium heredum accrescere, breviter autem hereditatem ad fiscum non pertinere; quia id iuris est quasi si heredes instituti non essent. Quam sententiam, quia nonnulli loci dubiam faciunt, conducit nos in ea sententia confirmare; probatur autem iis argumentis tribus. Primum, si deportati ulla modo instituti essent, nec alii heredes scripti hereditas redire ad heredes legitimos, nec prius pertineret ad fiscum, quam consisteret bona esse vacantia, id est, defunctum nullum habere heredem, L. 1. in pr. & §. *qui semel*, §. *de success. edict.* Ergo etsi deportati instituti fuerint, nihilominus hereditas in eadem causa erit, ex hoc loco, quia perinde habetur, quasi scripti non essent.

Deinde, deportatis heredibus institutis non potest hereditas ad fiscum pertinere, si hereditas auferatur heredibus scriptis tanquam indignis, ut sic illis ablatam fisco vindicet, L. *cum quidam*, §. *tot. sit. D. de iis que ut indigni*. Non potest autem hereditas deportatis auferri, nisi prius eam coeperunt, quod & verbum satis probat, & declaratur ex L. *ex facto*, §. *ult. D. de vulgar.* Deportati autem instituti capere non possunt, ut hic expressum est, proinde nec eis hereditas auferri potest, ideoque nec ablata vindicatur fisco. Postremo hæc sententia certis locis, & diversis statuitur, ea quæ pro non scriptis habentur, ad fiscum non pertinere, L. 3. *D. de iis, que ut indigni*. L. *un. §. 1. infr. de codicill.* Hic autem diserte scriptum est, deportatos heredes institutos pro non scriptis esse. Ex quo efficitur, eam hereditatem non pertinere ad fiscum.

Sed dubitationem adferunt hi duo loci. Primum L. *cum quidam, D. de his, que ut indigni auf.* Nam illic ita scriptum est: *cum quidam, scripisset heredes, quos instituere non poterat, tanquam indignis hereditatem auferri pridem placuit*. Respondet: diligenter hæc verba expendenda sunt; *heredes, quos testator instituere non poterat*. Quibus verbis significatur hi heredes, qui aliqui sua conditione institui possunt, sed non possunt institui a testatore propter delictum aliquod, quod cum sit, si illos nihilominus instituuntur, valebit quidem institutio, sed hereditas tanquam indignis heredibus auferetur, & vindicatur fisco. Huiusmodi est heres mulier, quam testator prius adulterio cognoverat, si illa

stituat heres, & c. converso si illa instituat heredem eum, a quo cognita erat, *L. Claudius, & L. mulierum, D. eod. de iis quæ ut indig.* Nos hoc loco de iis heredibus agimus, qui in totum heredes institui non possunt, quos cum dicamus pro non scriptis esse, consequens est, si instituantur, institutionem de priorē iure hereditatis nihil mutare.

Alter locus est *L. si deportati, D. de leg. 3.* ubi scriptum est, si deportati servo fideicommissum relictum sit, id ad fideum pertinere. Si quis dicat aliud esse, si quid relinquatur deportati servo, aliud si ipsi deportato, de quo hic agitur, in promptu responsum est: nam quorum servis relinqui potest, iis etiam relinqui ipsis potest, non est enim testamenti factio cum servis, nisi ex persona dominorum, cum quibus etiam testamenti factio est, *L. non minus, D. eod.* Quare si concedimus deportati servo fideicommissum recte relinqui, ut relictum ad fideum pertineat, necessario concedendum est, etiam deportato recte relinqui, ut relictum ad fideum eodem modo pertineat. Quid & verum est, sed non adversator huic loco: distat enim multum, utrum deportato fideicommissum relinquatur, an heres instituat deportatus. Fideicommissum deportato relinqui potest, heres institui non potest. Differentiæ ratio sumitur ex ea definitione deportati honorum, quæ traditur in *L. sunt quidam, D. de penis.* Illic scriptum est, deportatos, & omnes tales, non habere ea, quæ sunt iuris civilis, sed habere, quæ sunt iuris gentium. Secundum hanc sententiam deportati heredes institui non possunt, quia non est institutio, nisi testamento, nec testamentum, nisi ordinatum ex iuris civilis sollemnibus, *S. sed cum paulatim, Inst. de testam. ordin.* Huius iuris communionem non habent deportati, utpote qui cives Romani non sunt, ut dictum. Contraria de causa fideicommissum deportatis recte relinquiuntur; quia fideicommissum naturaliter ex sola voluntate testatoris valet, *L. pen. D. de leg. 1. L. cum proponebatur, D. de leg. 2.* Nec inflexum iuris considerantur in fideicommissum, quod declaratur hoc argumento; nam codicillis recte relinquitur; codicilli autem sollemnia iuris non desiderant, *S. ult. Inst. de codicill.*

Sed huic rationi & distinctioni adversantur verba *L. deportati, D. de leg. 3.* Nam si verum est, quod dicimus fideicommissum recte relinqui, quia deportatus possit habere ea, quæ sunt iuris gentium; consequens erit fideicommissum per-

tinere ad deportatum, non ad fideum. Nunc autem in *L. scriptum* est, fideicommissum ad fideum pertinere. Respondeo; fideicommissum deportato acquiri, verum est, iuxta *L. sunt quidam*; nec eo minus verum est, idem ad fideum pertinere; pertinet enim ad fideum, sed suo tempore: quod, quid sit, intelligimus ex *L. 2. inst. de bon. proscript.* ubi significatur, deportatum ea, quæ post deportationem acquiri, sibi habere, sed ea, quæ prius habuit, etiam fisco publicari, ut sic effectu omnia deportati bona publicentur, & ea, quæ ante deportationem habuit, & ea, quæ postea; sed alia prius, alia posterius.

Cum autem hic dicimus, peregrinos, ¹⁴ & qui cives Romani non sunt, heredes institui non posse, quia non sit cum iis testamenti factio, ex eo per contrarium admonemur, cum civibus Romanis testamenti factionem esse, eosque ex testamento civium Romanorum capere posse, quod & verum esse declaratur cap. 1. & 2. legis Falcid. *L. 1. ad L. Falcid.* Id adeo verum est, ut quanvis sint aliqui cives Romani, qui testamenti factionem non habeant, nihilominus sit cum illis testamenti factio, ut alterius testamento heredes institui & capere possint, ut mutus surdus, prodigus, impubes, turpis, *L. filiusfam. D. de testam. & qui test. fac. poss.* Sed tamen hoc non est perpetuum. Etiam si enim omnes cives Romani conditione sua heredes institui possint; tamen quidam sunt, qui non possunt a quovis institui, neque quovis modo: quidam sunt, qui solidum capere non possunt: quidam, qui in totum possunt institui, sed non ita, quin iis institutis hereditas auferatur ut indigna, & fisco vindicetur. Quidam ¹⁵ sunt, ut dixi, qui a quovis institui non possunt. In hoc genere sunt hi, qui nati sunt ex incestu editi; nam hi a quibuscumque extraneis heredes institui possunt: a civibus Romanis, a parentibus non possunt, neque quidquam ex testamento eorum capere, *S. ult. Novell. quib. mod. nat. eff.* Sunt etiam, qui institui possunt, sed non eodem modo, quo sunt institui. In hoc numero est Imperator & Princeps, quem consilii simpliciter heredem institui posse, *L. non dubium, sup. t. prox.* Sed placuit eum non posse institui litiis cauda, *S. ult. Inst. quib. mod. test. infirm.* Ratio redditur in *L. pen. D. h. t.* Quidam etiam ¹⁶ capere solidum non possunt. Huius generis multos olim fuisse constat, & huius iuris varias causas, de quo iure exstat in fragmentis Ulpia-

ni de solid. incapac. Sed totum illud ius excoletum, manit tantum pars in filiis naturalibus, de quibus cautum eadem *Noverk. Inst. quib. mod. nat. eff. in §. discretis*, ad hanc summam, ut si testator legitimos liberos habeat, filii eius naturales ex una tantum unela ab eo institui possint; si non habet liberos legitimos, sed parentes, tunc filii naturales ex bese, idest, octo uncis, heredes institui possunt, reliquis uncis destinatis parentibus pro legitima ratione. Quod si testator neque liberos legitimos, neque parentes habeat, placet filios naturales solidum capere posse ex testamento patris.

17 Sunt etiam, ut dixi, qui a quovis recte instituantur, sed inutiliter, quia si scus hereditatem vindicet. Id accidit, cum aliquis mulierem adulterio cognovit; nam si ipse eam mulierem postea heredem instituat, siue ab ea ipse instituat, con-

sistit quidem institutio, ut hereditas non veniat ad legitimos defuncti, sed ea institutio ut indigno aufertur, *L. Claudius, & L. mulierem, D. de sis, que ut inag. aufer.* Quemadmodum autem cives Romani heredes institui possunt, sic possunt eorum servi ex persona eorum, *d. L. non minus, D. d. 1.* Sed & huc non est perpetuum: nam primum servus adulterio cum domina maculatus, non potest institui ab ea, quæ eius criminis pñtolata est, prapterea quod vetatur ab ea manumitti. Non potest autem proprii servi institutio procedere sine libertate, *§. est autem. Inst. de hered. instit.* Praperea lege *Ælia Sentia* cautum est, nec eos, qui solvendo non sunt, servos suos testamento posse manumittere prapter unam, quem heredem instituere possunt, ita ut ei liber fiat, & heres solus ac necessarius, ut est in *Instit. quib. ex causis manum. non licet*.

Ad L. Pater tuus, 2.

Imp. Antoninus A. Cælitio.

Pater tuus si ex residua parte heres institutus est, quam aliter heres scriptus capere non poterat, isque ad nullam partem hereditatis per conditionem suam admitti potuit: ex asse heres exhiit. Nam residui commemoratio etiam totum admittit, PP. XV, Kalend. Iulii. Romæ, Duobus & Apris. Coss.

S U M M A R I A.

1. *Species h. Legis.*

2. *Secundum ex residuo quod Primus capere non valeat, institutum totum accipere, ubi Primus nihil capere possit.*

3. *Residuum quid significet ex verbi significatione, & quid ex mente testatoris & n. 4.*

1 **T**estator primus & secundum heredes instituit, iis verbis: *primus ex ea parte, quam per leges capere potest, heres esto. Ex residua secundus heres esto.* Mortuo testatore compertum est, primum nihil capere posse. Quæsitum est, utrum secundus admittatur, & ex qua parte, praperea quod institutus non ex toto, sed ex residua, deinde quod nihil videtur residuum? Rescriptum est, si eum ex asse heredem futurum, etiam si verbo sit institutus ex parte. Nec obitare significationem residui, quod verbum videri potest esse partis nomen, quia residui commemoratio totum continet. Sed huic senten-

tiaæ duo obstant, primum significatio verbi. Nam si residuum significat partem sine dubio, non totum. Residuum enim dicitur, cum duæ sunt partes, aut plures alius cuius totius, & quibusdam prius remota rellat aliquid, quod nondum attractum est, id enim, quod rellat, solum dicitur residuum. Respondeo: ita est, residuum partem significat verbi significatione. In specie autem si proposita ex voluntate testatoris, significat totum, etque significatio ex præcedentibus liquido intelligitur. Cum enim testator dixerit: *Ex residua parte secundus heres esto*, subaudiendum est ex residua parte, quam non poterat capere.

Ita

Ita sententia testatoris secundus institutus est ex eo, quod primus capere non poterat. Primus autem capere nihil potuit: proinde voluntate testatoris ex eo toto, quod primus capere non poterat, secundus heres institutus est. Itaque hæc verba: *Residui commemoratio totum continet*, &c. sic accipienda sunt: In hac specie totum continet, ubi voluntas testatoris manifesta est. Rursus eadem significatio verbi alio modo efferrī potest. Secundum non modo non admitti ex asse, sed ne in partem quidem. Nam in proposito nihil est residuum. Quoties autem aliquis heres instituitur ex residua parte, si nulla pars residua est, omnino non est heres, *L. item quod Sabini. §. sed si ex asse. D. h. s.* Ex quo efficitur in proposito, secundum nulla etiam parte heredem fore. Nihil autem hic residuum esse apparet ex eo quod nulla pars ante detracta est, quam primus possit capere. Ubi autem prius nihil detrahitur, aut ponitur, nihil dici potest residuum

esse, id enim residuum est, quod restat. Respondeo. Revera hic nihil residuum est, quod primus capere non possit, cum nihil sit, quod capere non potuerit. Sed cogitatione testatoris hic duas habet partes, quo primus unam capiat, alteram non capiat. Testator ad hanc cogitationem orationem suam accommodat, secundum quam appellat residuum id totum, quod primus heres capere non poterat, & ex eo toto secundum substituit. Cum de voluntate testatoris constat, subtilitatem verborum spectare non debemus, *L. ex falso 2. §. rerum, D. h. s.* Huc pertinet. *L. non aliter, de L. 3.* Huic autem questioni huius loci, locus esse potest, si proponas patrem naturalem instituisse filium suum ex ea parte, quam capere poterat, deinde mortuo patre compertum sit, hunc filium uatum esse ex incestu colitu: sic enim fit, ut in totum capere nihil possit ex testamento patris naturalis secundum ea, quæ dixi *supr. ad L. 1.*

Ad L. Cum proponas. 3.

Imp. Alexand. A. Vitali militi.

Cum proponas Alexandrum equidem testamento primo loco Iulianum ut libertum suum heredem instituisse, eique substituisse his verbis: Quod si ex aliqua causa primus heres hereditatem meam adire noluerit, vel non potuerit: tunc in locum eius secundum heredem substituo Vitalem: Post mortem autem testatoris Iulianum servum communem fuisse defuncti militis & Zoili fratris eius apparueris, an tu ex substitutione admittaris, voluntatis est questio. Nam si credens cum proprium & suum libertum heredem instituit, nec per eum ad alium quencumque hereditatem pertinere voluit: existis conditio substitutionis: tibi que hereditas delata est. Quod si verba substitutionis subscripta ad ius retulis, ut si nec per semetipsum alium fecisses heredem (ponit enim quavis iubente domino, nolle adire) ita demum substitutus vocaretur: si tamen paruerit domino, & adieris: substitutioni locus non est. PP. VI. Kalend. Maii, Maximo II. & Æliano Coss.

S U M M A R I A.

1. *Herede servo instituto, cui nisi heres erit, substitutus sit alius, an illo iussu domini adente hereditatem substitutus excludatur; & quando in partem cum domino servi admittatur substitutus & nam. 2.*
3. *Et in quam partem admittatur.*
4. *Proponitur & illustratur species L. si paterfamilias 40. D. de hered. instituen.*
5. *Eiusdem L. si paterfamilias, genuina & emendata lectio contra Cuiacium.*

1. **C**um testator servum heredem instituit, & nisi heres esset, ei aliquem substituit, servo iussu domini hereditatem

adente, questum est, an substitutus excludatur, quasi deficiente substitutionis conditione. Controversia hinc nascitur: quia

quia alio videntur trahere verba substitutionis, alii sententia testatoris. Nam verbi significatione servus hereditatem adeundo non fit heres, quoniam dominum hereditatem acquirir, ut nec videatur hereditas apud eum momento substituisse, *L. placet, D. de acquir. her.* Rursus voluntas testatoris est, servo herede instituto, ut is sibi hereditatem acquirere possit, vel domino, alioqui frustra institueretur heres. In hac controversia ex sententia & errore testatoris, itemque ex eius obscura & incerta voluntate, varie constitutum est a veteribus, ut declaratur §. ult. *Instit. de vulg.* *L. si paterfam. L. seq. D. b. t. & b. L. 3.* qui omnes loci ad eandem questionem pertinent, nec unus sine alio recte intelligi potest.

Est autem de hac re hæc iuris veterum distinctio. Refert, utrum testator, qui servum heredem instituit, eum sciat servum esse, an vero liberum putat, & ita ei alium substituit. Si scit servum esse, servo hereditatem adeunte substitutus excluditur, quia testator voluit servum, quem instituat, hereditatem domino acquirere aut sub conditione acquirere sibi. Nam aliter hic servus heres fieri non poterit. Id autem intelligitur testator voluisse, quod iure fieri potuit, ut declaratur in *d. §. ult. in fin. Instit. de vulg.* Quod si testator servum, quem instituebat, liberum putavit, nec quidquam amplius significavit de sua voluntate, quatenus vellet eum servum heredem esse; placuit, quanvis is servus iussu domini hereditatem adierit, tamen in hereditatem substitutum admitti, non quidem in totum, sed admitti in parte una cum domino servi instituti, ut sic ambo in parte hereditatis admittantur, §. ult. in *pr. L. & hoc, D. hic.*

Hoc a veteribus prima ratione absurdum constitutum videtur. Nam cum hic servus hereditatem adierit, ut & superioris casu; cur uno & ibidem & hic substitutus excluditur? Hæc Iulianus expedit in *L. si paterfam. D. b. t.* & tandem verbis in *d. §. ult. Instit. de vulg.* explicatur. Est autem hæc ratio, quia & secundum verba substitutionis & secundum voluntatem testatoris servus, quanvis hereditate adita, heres non est, & proinde existit conditio substitutionis, eoque & substituto locus factus est. Quod ad proprietatem verborum attinet, iam dictum, servum hereditatem adeundo, proprie heredem non esse, sed dominum, cui hereditas acquiritur, *d. L. placet, de acquir. hered.* Quod attinet ad voluntatem testa-

toris, perspicuum est, cum testator eum instituerit, quem liberum putabat, testatorem hoc animo esse, ut ipse sibi hereditatem adquirat, vel ut ex libero servus factus eam acquirat alii; quoniam id futurum erat, si servus heres institutoris liber fuisset, qualem testator esse putavit. Et ideo etiam subicit: *Quod si heres non erit, Titius heres esto.* In verbis, *heres non erit*, cogitatione sua hæc dixisse intelligitur: *Si neque ipse sibi hereditatem adquisierit, neque mutata conditione alium heredem fecerit.* At in proposito nihil eorum factum est, cum servus hereditatem adiret iussu domini, primum quia sibi non adquisivit hereditatem, cum servus esset; deinde quia mutata conditione non adquisivit alii, cum neque mutaverit ipse conditionem, & etsi mutasset, hereditatem adquisivisset sibi & non alii. Ex quo intelligimus secundum conditionem substitutionis cum heredem factum non esse, & ita existente conditione substitutionis, substituto locum esse.

Sed ex hac re incidimus in maiorem difficultatem. Nam si conditio substitutionis existit, substitutus admitti debet in totum, non in partem, servus & domino eius exclusis. Respondeo: Hæc recte diceretur, si constaret plane, quid in hac conditione substitutionis testator sensisset; nunc autem quid senserit, incertum est, & nihilominus pro domino servi instituti faciunt & verba institutionis, & voluntas testatoris. Nam servus heres institutus postquam iussu domini adiit hereditatem, non est, quidem heres iure, at est heres voluntate testatoris, neque id sine manifesto effectu. Nam si servus interim liber fiat, sibi hereditatem soli acquirat: si servus maneat, tamen hereditatem non adhibet, nisi velit, eoque nec domino acquirat, nisi velit, ut dicitur in *d. L. 3. in fin.* Neque engitatio, seu error testatoris refragatur: nam si testator voluit eum servum, quem liberum putabat, mutata postea conditione novum dominum heredem facere, consentaneum est, ut si servus adhuc servus sit, voluerit testator, ut præsentem dominum faceret heredem, cum novum dominum testator nosse non posset, præsentem autem antehac nosse potuerit.

In hac ergo incertitudine voluntatis testatoris visum est & neque substitutum excludendum in totum, neque rursus in totum admittendum, sed mediam sententiam sequendam esse, ut ambo ad hereditatem admittantur pro parte, ut alias mediam sententiam veteribus sequi placet
in

in ambiguis rebus, in quibus rationes contrariæ rem in contrarias sententias distrahant. Exempla sunt in *L. antiqui, circa fin. D. si pars hered. pet. §. cum ex alie. na, Inst. de rer. divis. §. ult. Inst. quib. ex caus. man. non licet*. Sed videri potuit in hac incertitudine voluntatis testatoris neuter esse heres, neque institutus, neque substitutus, ut fit, cum ex duobus Titius, Titius tutor datus est, & non intelligitur de utro testator dixerit: placet enim neutrum tutorem fore, *L. duo sunt, D. de test. tut.* Respond. Dissimilia hæc sunt: nam cum testator Titium tutorem dat, unum tutorem dat non duos, & fieri potest, ut si unum tutorem dedimus ex duobus, eum eligamus de quo testator non sensit, & ob id neuter erit, ne contra eius voluntatem faciamus. At in proposito testator aperte duos heredes instituit, servum, quem primo loco instituit, & substitutum, quem secundo loco: proinde utrumque excludi, est contra voluntatem testatoris.

Restat ergo, ut cum de parte ignoremus, utrumque in partem admittamus. ³ Quæsitum est, in §. quam partem? Resp. Cum voluntas testatoris & pro domino instituti, & pro substituto pariter faciat, consequens est, ut in pari causa, parem quoque portionem esse utriusque partis oporteat. Admittitur ergo ex æqualibus portionibus. Id intelligitur ex *d. L. & hoc, D. hoc tit.* ubi simpliciter dicitur, in hac specie hereditatem dividi inter dominum servi, & substitutum. Qui hereditatem dividit, neque partes adicit, æquas partes dicere intelligitur ex *d. §. ult. Inst. de vulg.* ubi simpliciter scriptum est in hac specie, Mœvium substitutum in partem admitti. Qui partem dominat, neque adicit, quotam intelligat, dimidiam intelligere dicitur, *L. nomen, §. partitionis, D. de verb. sig.*

⁴ Sed huic partitioni adversatur *L. si paterfam. in fin. D. b. t.* ubi ita scriptum est, in hoc casu duos semiles fieri, ex quibus unus dividatur inter dominum servi & substitutum. Resp. Hoc in *d. L. si paterfam.* scriptum esse t in dissimili specie. Nam cum dicimus, hereditatem ex æquis partibus dividi inter dominum servi & substitutum, id tum dicimus, cum unus est institutus servus, & unus, qui servo sit substitutus, Imperator autem in *d. L. si paterfam.* ait de ea specie, cum duo sunt heredes instituti, primo loco Titius, quem paterfamilias ingenuum putabat, qui tamen servus erat, & Sempronius, qui vere erat liber, ex quibus Sempronius co-

heres substitutus est Titio, si ille heres non esset. In hoc casu recte dicitur primum duos semiles fieri. Sic enim fieri necesse est ex institutione, cum duo sunt heredes instituti sine partibus, unde æquales partes factæ intelliguntur, *L. 9. §. heredes D. b. t.* Hæ partes duæ sunt semiles duo, ex quibus unum accipit Sempronius ex institutione, de altero semile ambigitur propter Sempronium substitutum in eum semilem. Et Iulianus ait, hunc semilem dividi oportere inter dominum servi, & Sempronium substitutum: merito, quia in hoc tantum semilem fuerat substitutus. Quemadmodum igitur cum ex tota hereditate servus heres institutus est, substitutus una cum domino instituti ad divisionem totius hereditatis vocatur; ita necesse est, cum servus ex semile tantum institutus est, eum solum semilem inter dominum servi & substitutum dividi.

Sed sententiæ huic refragantur verba legis. Nam in principio *d. L. si paterfam.* tantum proponitur servus heres institutus, deinde Sempronius ei substitutus. Resp. Alciatus *lib. 2. disput. cap. 2.* testatur in huius loci interpretatione, se legisse in veteri Codice hæc verba in *pr. d. L. si paterfam. Et Sempronium coheredem ei substitueris*. Sempronium coheredem qui dicit, satis significat eum prius heredem institutum fuisse, & Titio servo coheredem datum. Sed si Alciatus ita legat, si non: non dubium est, quia ita legi oporteat, cui lectioni mire respondent illa verba responsi: igitur in hoc casu. Quibus verbis significatur: Iulianum non potare Idem iuris esse in omnibus casibus, in quibus testator servum quasi liberum putat institui; sed in hoc casu, ut intelligamus, in eo proprium aliquid propositum esse, diversum a cæteris, nempe hoc modo, quod duo coheredes instituti sunt.

Ut autem intelligamus, solum Titium institutum esse, ut vulgo veteres interpretes putant, & nihilominus banc fieri divisionem, ut unus tantum semis dividatur inter illos, nulla ratio patitur. Primo repugnant superioribus locis, de quibus dictum §. ult. *Inst. de vulg. & L. & hoc D. b. t.* Deinde nihil adiectum de altero semile, de quo tamen præcipue dici oportebat ad divisionem hereditatis. Præterea utri ex his, de quibus quæritur, hunc semilem attribuemus, absurdissime faciemus. Cum enim ad eos eadem quasi voluntas defuncti pariter pertineat, dispariter hereditatem partiemur.

5 Sunt, ꝑ qui in *d. l. si paterfam.* ita legendum puenit: igitur in hoc casu femiles nient, ita ut as dividatur ex æquis portionibus, & quæ sequuntur. Qui, cum refelluntur auctoritate publicæ & receptæ scripturæ, annt, Iulianum ita scripsisse; Tribonianum imperitum iuris pro *as* reposuisse alter *femis*, quasi esset as alter, & lirera *S*, *femis* valeret. Sed hæc temeritas mutandæ receptæ lectionis valde vitanda est, atque etiam explodenda, ubi mutatio nullo teste, nullo auctore probatur. Quamquam in proposito hæc mutatio evidentissime refellitur. Nam quod dicunt; Tribonianum non intellexisse verbum *As* in responso Iuliani, convincuntur ex *l. seq. & hoc*. Nam is Tribonianus collegit legem *Et hoc*, quemadmodum

collegit legem *Si paterfam.* Et in *l. & hoc*, nominationem posuit hereditatem inter dominum servi & substitutum dividendam, hereditatem & assem, ut non sit dubium, quin idem facturus fuisset in Iuliani responso, si Iulianus scripsisset, *assem*, non aliterum *femissem*. Deinde dum verba responsi Iuliani emendare volunt, apertissime eius orationem depravant. Nam quod dixit duos *femis* fieri, in hoc casu tantum addere debuit, inter dominum servi & substitutum, non autem adicere illa verba, ita ut as dividatur ex æquis partibus; nam duos *femis* fieri inter aliquos, & hereditatem dividi inter aliquos ex æquo, sunt orationes quidem plane pugnantes.

Ad L. Si compensandi. 6.

Imp. Philipp. A. & Philippus C. Antonio.

Si compensandi debiti gratia uxor maritum fecit heredem: desiderio tuo præter portionem hereditatis debitum quoque restitui posulantis, non tantum iuris severitas, verum etiam defunctæ voluntas refragatur. PP. XII. Kal. Martii. Præsentē & Albino Coss.

S U M M A R I A.

1. *Casus legis proponitur.*
2. *Maritus ab uxore testamento heres cum alio institutus hac lege, ut*

debitum sibi ab uxore cum hereditate penset, an dimidiam debiti partem ab coherede petere possit.

1 **U**XOR ꝑ marito debuit 100. Ea testamento instituit duos heredes ex æquis partibus; Sempronium & maritum suum; sed maritum hac lege, ut debitum cum hereditate pensaret. Si de debito non petendo nihil cavisset uxor, ins ita futurum erat, ut maritus pro dimidia parte heres exsistens, dimidiam partem debiti amitteret, obligatione pro ea parte coarsa; reliqua autem pars salva maneret, quam proinde posset maritus petere a coherede, *L. ut debitum, l. si adulta, sup. de heredit. act. l. Licet, infr. ad leg. Fale* Secundum ꝑ hoc ius maritus in proposito instituit petere 50. aureos a coherede Sempronio, id est, dimidiam partem debiti. Quæritur, an possit? Rescriptum eil non posset, quia voluntas testatoris impediatur. Idem caveri posse a testatore cautum est in *l. si uxor, infr. de bonis auth. ind. possid.* Et merito, quia hæc scriptura pro liberatione coheredi legata accipienda est, huic autem libera-

tionem legari posse, & quod idem est, heredem creditorem damari posse, ne a debitore petat, inter omnes convenit, *L. 2. l. non solum autem. §. 1. D. de liber. leg.*

Adicitur hoc rescripto & hæc ratio, quod legis severitas id exigat, quod referri debet ad *L. Papiam*, qua cautum erat, ne coniuges inter se ex testamento capere possint amplius, quam decimam, præterquam certis casibus de quibus in fragment. *Ulpiani sub tit. Decimis, & l. seq. & t. de solidi capacitate*. Sed & hæc lex postea sublata est, & iustum, ut coniuges non minus invicem capere possint ex suis testamentis, quam quivis alii cives Romani, *L. ult. inf. de inf. pan. calibus*. Post quam constitutionem, rescriptum hoc sola voluntate testatoris defenditur, nisi sententiam legis interpretari velimus ius, quo obligatio tollitur per confusionem, quod tamen minus proprie dici potest. Nam confusio aequitatem habet, non severitatem. *Ad L.*

Ad L. Nec apud. 17.

Imp. Dioclet. & Maxim. AA. Zenoni.

Nec apud peregrinos fratrem sibi quisquam per adoptionem facere poterat. Cum igitur, quod patrem tuum voluisse facere dicis, irritum sit: portionem hereditatis, quam is, adversus quem supplicas, velut adoptatus frater heres institutus tenet; restitui tibi præses provincie cura habebit. PP. III. Non. Decemb. Dioclesiano II. & Aristobulo Coss.

SUMMARIA.

1. *Adoptatus ab aliquo in fratrem, & postea ab eodem adoptionem valere rato, tanquam frater heres cum filio institutus, pro herede non est habendus.*
2. *Nemo alium sibi in fratrem adoptare potest.*
3. *Adoptio quid.*
4. *Obiectio refellitur.*

Quidam apud peregrinos vel hostes, vel eos, qui cives Romani non erant, sibi aliquem adoptaverat in fratrem, & dum putat adoptionem valere, hunc semper pro fratre habuit. Idem postea testamento heredem instituit filium suum, & una eum filio hunc, quem pro fratre habuit, & instituit tanquam fratrem, nimirum sub appellatione fratris. Cum fieret ei \dagger controversia, quasi heres non esset, de eo ita hoc constitutum est, tum defuncti fratrem eum non fuisse, proinde tanquam fratrem institutum heredem non futurum, quæ sententia convenit cum *L. 4. sup. & L. neque, supra, prox. tit.* Adicitur eam portionem filio defuncti addici debere, quod sit iure accrescendi; *L. qui ex duob. §. ult. D. de acquir. hered.*

Adicitur præterea ratio, cur hic non fuerit frater, quia nemo \dagger alium sibi adoptare potest in fratrem, idque nec apud peregrinos. Quod dicitur neminem in fratrem adoptari posse, sumitur ex definitione & natura adoptionis. Nam adoptio \dagger est modus civilis, quo nobis quodammodo generamus liberos, *L. 1. D. de adopt.* Non gignimus autem nobis fratrem, sed liberos. Sed \dagger obitare videtur, quod defunctus fratrem illum sibi adoptasset, non apud cives Romanos, sed apud peregrinos, apud quos facile obtinebat, ut adoptione frater fieri posset. Respondent Imperatores, nihil profuturum defuncto, aut adoptato: quoniam ubicunque frater adoptatus sit, semper ius civile Romanorum eam adoptionem repudiat: nunc autem hereditas, de qua hic, percipitur secundum ius civile Roman. & non secundum ius peregrinorum.

Ad L. Collegium. 3.

Imp. Dioclet. & Maxim. AA. Hadriano.

Collegium, si nullo speciali privilegio subnixum sit, hereditatem capere non posse, dubium non est. PP. X. Kal. Iun. ipfis IV. & III. AA. Coss.

S U M M A R I A.

1. Collegia an hereditatem capere possint? distinguendo affirmatur.
2. Collegia illicita collegia non sunt.
3. Collegia licita quæ.

1. **V**erus dubitatio fuit, an capita † certa civium Rom. institui possint, ut collegia; & dici obtinuit, non posse, ut dicemus ad L. hereditatis, *infr.* tandem receptum est, & hæc institui posse omnia, ut civitatem L. hereditatis, *infr.* L. si quis heres, §. vitii, de legat. 1. ut collegia, de quibus hic dicitur & merito, nam si cives Romani singuli recte instituuntur, nihil causæ est, cur non corpora certa civium Romanorum recte instituuntur, cum sub illis capitibus intelli-

gantur instituti cives Romani. Sed cum de collegiis dicimus, hæc ex testamento capere posse, licita collegia intelligimus, ut hic declaratur. Nam illicita non † sunt collegia, ut generaliter pro non factis dicimus esse, quod contra legem sit. L. non dubium, *supr.* de legib. Licita collegia † sunt non ea, quæ cives sibi privatim sua voluntate constituunt, sed quæ permixta vel constituuntur, vel confirmantur, L. 1. D. quod cuiuscunque universi. nomine, quod & hic significatur.

Ad L. Extraneum. 9.

Imp. Dioclet. & Maxim. AA. & CC. Iuliz.

Extraneum etiam, cum quis moreretur, heredem scribi sibi placuit. PP. XVI. Kalend. Novemb. Sirmii AA. Coss.

S U M M A R I A.

1. Duplex huius loci lectio, & utraque probata.
2. Hac institutio, Titius heres esto, cum Sempronius morietur, valet.
3. Valet & hæc institutio, Titius cum morietur, heres esto.
4. Adiectio hæc in persona heredis instituti, cum morietur, supervacua & pro non adiecta est.
5. Inter institutiones hæc, Cum heres morietur, & Cum alius morietur, quid intersit.

1. **H**ic † locus legitur dupliciter, vel ut extraneus institui possit, cum quis alius moritur; vel ut extraneus institui possit, cum ipse moritur. Quo posteriori modo Accursium legisse, ex glossa eius apparet. Utraque lectio probata est, & sententiam veram & certi iuris continet. Habet tamen utraque institutio nonnihil

dubitationis, quæ removenda est. Dicimus hanc † institutionem valere, Titius heres esto cum Sempronius morietur. Hoc amplius dicimus ita valere, ut Titius heres institutus non ante hereditatem possit adire, quam Sempronius mortuus fuerit: quoniam institutus sit sub conditione, quam conditionem expectare oportet, idque

idque de ea ipsa specie conditionis diserte scriptum est in *L. heres meus, §. ult. D. de condit. & demonstrat.*

Sed opponitur *L. hereditas, D. eod.* ubi scribitur, hereditatem ex die dari non posse. Quidam respondent, non posse quidem ex die dari, ut dies expectetur, sed diem reiiciendam esse, ut in ea *L. hereditas*, scriptum est, ideoque in proposita institutione idem faciendum esse, sed male; non enim intellexerunt his verbis, *Cum Titius morietur*, contineri diem incertum, ac proinde conditionem; omni dies incertus conditionem facit, *L. dies, de condit. & demonstrat.* Denique inter omnes veteres constitit, nihil interesse, utrum dicam, *cum Sempronius morietur, an si morietur*; cum venerit, an vero si venerit, *L. si Titio, D. quand. dies L. ced. L. quodcumque §. non solum, de verb. oblig.* Unde & hanc conditionem expectandam esse scribitur in *dist. L. heres meus*. Non obstat, quod dicitur conditionem quæ certo exitura est, non facere conditionem, *L. si pupillus, §. qui sub condit. D. de novat.* Hoc enim vere dicitur in stipulationibus; quoniam conditionis eventus etiam ad heredes stipulatoris deferretur, *§. ea conditione, Inst. de verb. oblig.* At in heredis institutione, nisi vivo herede exsistit conditio, frustra eo mortuo exsistat, quoniam mortuus amplius hereditatem adire non potest; hereditas autem non adita ad heredes non transferretur *L. an. §. in novissimo, infr. de caduc. toll.*

3 Sed † nec minus valet illa institutio, *Titius, cum morietur, heres esto*. Quidam tamen hanc institutionem inutilem putant; quia heres institutus hereditatem adire non potest, cum moritur. Hi decepti sunt ideo, quia putaverunt heredem institutum non posse hereditatem adire, nisi cum moritur, & in summa, diem mortis esse expectandum, quod non ita est.

4 Nam † hæc adiectio in persona heredis instituti, cum morietur, supervacua est, quod sic liquido potest intelligi. Cum hæc scriptura, *cum heres morietur*, conditionem habet & diem, cum morietur, *L. si Titio, D. quando dies L. ced.* quod attinet ad conditionem, hæc præ non adle-

sta est. Denique non est hæc institutio conditionalis: nam quoties conditionemcernimus vivo herede, aut legatario non exsisturam, qualis hæc est, toties pro conditione non habetur, *L. heres neque, in princ. D. de cond. & dem.* Superest dies; At hic etiam frustra institutioni adicitur, & hæc adiectio periode habet, quasi pura esset institutio, *d. L. hereditas, D. h. t.* Quibus efficitur, cum heres ita institutus est, *cum ipse morietur*, institutionem pro pura haberi, & ob id valere, quia quodcumque velit heres, possit adire hereditatem, cuius institutio differtur conditione, neque ius perditur mora. Referunt huc idem exempla de relicta libertate & relicto usufructu. Nam si Stichus iustus sit testamenti liber esse, cum moreretur, placet inutiliter relinqui libertatem, *L. libertas, D. de manum. test.* non alia ratione, quam quod hic dies mortis Stichii expectandus est secundum adiectionem testatoris, quo die expectato nulla libertas esse potest, cum moriatur. Similiter si Titio usufructus relictus sit, placet inutiliter relinqui; quia dies mortis eius expectandus sit, quo expectato, nullus usufructus est, utpote, qui incipiat eo tempore, quo a persona recedit, *L. Titio, D. de usufr.*

Sed male hæc comparantur cum heredis institutione. Ideo enim in legati diem mortui legatarii expectamus, cum in eius mortem legatum datum est; quia libertas & quidvis aliud ex die & sub conditione relinqui potest, *L. t. D. de cond. & demonstrat.* Heres autem contra ex die heres institui non potest, *d. L. hereditas, D. h. t. & §. heres. Inst. h. t.* Summa † hæc est: Heres quavis recte instituitur, & cum morietur ipse, & cum alius morietur; tamen inter utrumque hoc interest, quod cum heres institutus est, cum ipse morietur, pura institutio est, & volens hereditatem recte adibit, ob eam causam, quam supra dixi. Cum autem institutus est, cum aliter morietur, conditionalis institutio est, quoniam non est certum illum aliter moriturum vivo instituto. Proinde expectanda conditio est, & si ea pendente heres institutus decesserit, nihil ad heredes suos transmittit.

Ad L. Neque 10.

Imp. Dioclet. & Maxim. AA. & CC. Afclepiadz.

Neque per se heredes institutos, quibus hoc concessum non est, nunc per servos proprios hereditatem posse querere, iuris distat ratio S. XVI. Kal. Sept. Sirmii, Cas. Cass.

S U M M A R I A.

1. Qui per se hereditatem acquirere non potest, nec per servum suum potest.

2. Qui ipsi heredes institui non possunt, eorum nec servi institui possunt & posterius hoc quomodo temperatur.

QUI per se hereditatem acquirere non potest, nec per servum suum potest. Deportati, exempli gratia, institui non possunt; nec instituti, capere hereditatem, *L. 1. sup. h. t.* Si eorum servi instituti sunt, nihil magis per servos capient, ut hic est constitutum, & recte. Plus est enim acquirere per alios, quam per semetipsum; & cum alicui non conceditur quod minus est, per seipsum, scilicet, acquirere, non debet concedi quod maius est, acquirere, scilicet, per alios. Hinc regula nata: Quod quis per se non possit, per alium non posse *e. quod alicui, extr. de reg. iur.* Huic loco opponitur *L. cum autem, §. ult. D. de edict. edict.* Deportatus nam servum ex donationis aut emptionis causa acquisivisset, eum vendidit, & pretium consecutus est, quod & rite facere potuit, cum & donatio & emptio sit de iure gentium, *L. iurisgens. D. de pass.* Hic servus venditus cum apud emptorem esset, heres institutus est, & iussa emptoris eiusdemque novi domini hereditatem adiit, quæ & emptori quæsitæ est, *§. item nobis, Instit. per quas person.* Putea cum servum morbosum, aut vitiosum esse appareat, Ideirco emptor eum ex edicto ædilitio redhiberi vult venditori, ut in integrum restitatur emptio, quod ex d. lege licet, ubi scriptum est: Emptorem non alia conditione eum servum redhibere posse deportato, quam si una cum servo hereditatem per servum quæritam restituit, tamen si deportatus ex sua persona capere non potuerit. Ex quo responso colligi videtur, eum deportatum, quem constat ex testamento alieno hereditatem alienam capere; tamen in proposito, aut per servum suum,

aut emptorem capere: utrum autem dicamus, ad iuris rationem nihil refert.

Sed dicendum est, nihil tale ex eo loco colligi, & in summa nihil hic queri deportato, quod per se querere non potuerit. Nam ipse hereditatem per servum non capit ex testamento: hæc enim prius emptori quæsitæ est. Rursus hereditatem non acquirit per emptorem: hæc enim semel emptori quæsitæ, desinit esse hereditas, & crepit proprium esse emptoris. Non prohibetur deportatus ab emptore requirere res eius privatas: hic autem eo modo acquiritur, cum acquiritur ex causa redhibitionis. Nam redhibitio est ex natura & iure actionis, ex emptio, *L. ex empto, §. 3. de act. empt.* Plus dicimus hoc loco: qui ipsi heredes institui non possunt, eorum nec servi institui possunt, *d. non minus, D. eod.* Quod tamen sic interpretandum est: quod, si deportati servi heredes instituti, frustra instituti, ut deportatis acquirant; si servi postea manumissi, sint ad hereditatem admittendi, *L. si servus eius de acquir. hered.*

Non obstat, quod in heredibus instituendis spectatur tempus; quo instituitur, ut sit cum eis testamenti factio, *L. si alienum, §. 1. D. eod. §. in extraneis, Instit. de hered. qual. & differ.* Hoc enim ita est, nisi is, qui capere non potest instituiatur in id tempus, cum capere possit, *L. in tempus, D. eod.* de eo autem tempore mens testatoris intelligitur, cum servus heredem instituit: hic enim intelligitur instituire, ut vel domino suo acquirat, vel si alienatus erit novo domino, vel manumissus, sibi acquiri possit, *Instit. de hered. instit. & §. alienus, L. si paternam, D. eod.*

Ad L.

Ad L. Extraneum. 11.

Imp. Theod. & Valent. AA. Hierio PP.

Extraneum, etiam penitus ignotum, heredem quis instituire potest. Dat. XI. Kal. Mart. Constantinop. Felice & Tauro Coss.

S U M M A R I A.

1. *Extraneus ignotus an heres institui possit.*
2. *Quod dicitur, Iudicium testatoris in*

testamento certum esse debere, quo modo intelligatur.

1. **D**Ubitatum est, † an quis extraneum sibi ignotum possit instituire, propterea quod constitit inter omnes auctores iuris, iudicium testatoris in testamento certum esse oportere, & eum, qui certam legem testamento dicere non possit, testamentum facere non posse, *L. qui in testamento, D. de testam. & qui testam. arg. in L. illa D. hoc tit.* Non videtur autem testatoris iudicium certum esse posse de homine, quem penitus non novit. Sed nihilominus placuit etiam maxime ignotum institui posse, ut *hic & in §. ult. Inst. eod.* Nec ad † rem pertinet, quod iudicium testatoris debet esse certum. Hoc enim iudicium requiritur in rebus eius & in persona eius, ut sciat se testamentum facere posse, & sciat se iure posse & habere, unde testetur, ut declaratur exemplo *d. L. qui in testam.* Certum quoque
2. *Inst. eod.* Nec ad † rem pertinet, quod iudicium testatoris debet esse certum. Hoc enim iudicium requiritur in rebus eius & in persona eius, ut sciat se testamentum facere posse, & sciat se iure posse & habere, unde testetur, ut declaratur exemplo *d. L. qui in testam.* Certum quoque

iudicium esse debet testatoris in eo, ut sciat nomen eius, quem instituerit, ne erret in persona. Cætera, quia ad voluntatem supremam testatoris nihil pertinent, quales sunt mores heredis instituti, conditio & familia eius, testatorem ignorare concessum est. Denique dum persona heredis instituti constet ex ea demonstratione, quæ certa sit, ad institutionem heredis satis est, *d. L. quoties, §. heres, D. eod.* Nihil huc pertinet, quod dicitur in *L. 1. peregrinos institui non posse.* Alius enim est extraneus ignotus, alius peregrinus ille, qui nulla nos necessitudine attingit, hic etiam maxime ignotus institui potest, dum civis Romanus sit, ille civis Romanus non est; unde non potest institui etiam si nobis notissimus sit, ut dictum *ad L. 1.*

Ad L. Hereditatis. 12.

Imp. Leo A. Erythrio PP.

Hereditatis, vel legati, seu fideicommissi, aut donationis titulis domus, aut annonæ civiles, aut quælibet ædificia vel, mancipia, ad ius inclusæ urbibus, vel alterius cuiuslibet civitatis pervenire possunt. D. V. Kal. Mart. Martino & Zenone Coss.

S U M M A R I A.

1. *Civitates & municipia olim heredes institui non poterant, nec iisdem legari.*

2. *Ratio huius constitutionis.*
3. *Contrarium hic constituitur.*

1. **C**onstat † olim existimatum esse, civitates & municipia non posse heredes institui, perinde ut neque iis legari. Id scriptum *in fragm. Ulpian. tit. qui fac.*

ber. poss. Sed huius lris certum est argumentum in *L. omnibus, D. ad Trebell.* ubi scriptum est, Senatusconsulto effectum esse, ut municipibus fideicommissa hereditas

ditas potuit restitui. Ex quo intelligimus, ante id Senatusconsultum nullam fuisse necessitatem restituendi, quia videlicet municipium capere non posset. Ratio \dagger hæc videtur, quia incertis personis tum non poterat legari, §. *incertis*, *Instit. de legat.* quo ex genere putabantur esse civitates & municipia, quia civitates nihil sunt, sed ex civibus lingulis æstimantur, cives autem incerti. Eodem accedebat, quod non videbatur, singulos cives adire posse, ut cernerent hereditatem.

³ Sed tandem \dagger obtinuit, civitates & municipia institui posse, & quidvis ex alieno testamento capere, quod & ante hanc

constitutionem inductum videri potest, ut colligitur ex L. 6. §. *si fisco*, *D. ad Trebell.* Utcunque est, id dilerte hac constitutione eaverit: nec movebimur, quod incerta persona ex testamento heres institui, & capere non possit: nam singula capita civitatis certa sunt: ipsa autem civitas instituitur, non singuli cives. Et si quis putaret singulos cives institui; tamen non minus hi certi sunt; unde cum civitates nominantur, nominatur aliquid, quod certo loco notetur, id ut & locus ipse, certum est, *L. palam, de legat. 1. L. ait, D. de re ind.* Adde quæ dixi ad *L. collegium*.

Ad L. penult. Quoties,

Imp. Iustinianus A. Mennæ præfecto prætorio.

Quoties certi quidem ex certa re scripti sunt heredes, vel certis rebus pro sua institutione contenti esse iussi sunt, quos legatariorum loco haberi certum est: alii vero ex certa parte, vel sine parte, qui pro veterum legum tenore ad certam unciarum institutionem referuntur; eos tantummodo omnibus hereditariis actionibus uti vel conveniri decernimus, qui ex certa parte, vel sine parte scripti fuerint, nec aliquam diminutionem earundem actionum occasione heredum ex certa re scriptorum fieri. Dat. VIII. Id. April. Constantinop. Decio V. Coff.

S U M M A R I A.

1. *Ex re certa heres quis institui non potest.*
2. *Si quis ita sit institutus, an institutio valeat.*
3. *Quoties aliquid sit partim legitime, partim non, id quod licite sit, valet, nec per partem inutilem vitiat.*
4. *Quoties fieri aliquid volumus, etiam ea velle intelligimus, quæ necessario antecedunt, & sine quibus ad id, quod volumus perveniri non potest.*
5. *Duobus heredibus ex rebus certis institutis quid iuris sit.*
6. *Uno ex re certa, alio, vel aliis non ex re certa institutis, quid iuris sit.*
7. *Ex re certa institutus, utrum legatarius, an heredis locum habere dicatur, quid intersit.*
8. *Heres ex re certa institutus, reliquis heredibus vel hereditatem non ademptis, vel deficientibus, quid consequatur, & num. 9.*

¹ Quæritur, an quis institui possit ex re certa, veluti ex fundo Tusculano? Hæc certum \dagger est non posse, ut quidem efficiatur heres ex ea re certa. Nam heres est iuris universi successor, non unius rei, *L. 9. §. heredes, D. h. t. §. legatariis, Inst. de testam. ordin. L. hereditas, D. de reg. iur. L. nihil aliud. de verb. sign.*

² Unde \dagger rursus quaeritur est, an si quis ita sit institutus heres, institutio valeat? Et

placuit valere, ut vel institutus legatum solum haberet, vel ut in totum heres esset: ut constat ex hoc loco, & *L. 1. §. si ex fundo, L. si alterius, cum L. seq. D. eod.* Sed qui ita institutus est ex re certa, placet aliis cum heredem esse in totum, aliis legatarii locum habere. Pro herede habetur, si solus ex ea re certa institutus est, *d. L. 1. §. si ex fundo.* Sed hic primum repugnat ratio iuris: nam dici-

dicatur neminem ex re certa heredem esse posse. Respondeo: cum dicimus, institutum hoc casu heredem etiam in universum heredem fieri; non eum dicimus talem quasi ex fundo solum sit heres; sed ita, ut quasi sine mentione fundi simpliciter institutus esset, ut ibidem scriptum est.

Sed rursum hic repugnat scriptura testamenti. Nam testator institutum non simpliciter heredem voluit, sed ex re certa. Respondeo: is, qui heres institutus est, esset, si posset, ex re certa: nunc quia non potest, Idcirco quod non legitime adiicitur, pro non adiecto habetur, ut sic institutus fiat heres, detracta mentione fundi, idque congruit cum ea definitione: Quoties \dagger aliquid fit, sed partim legitime, partim non, id quod licite fit, non est inutile, neque vitari per alteram partem inutilem placuit, *L. 1. §. anteq. D. de verb. oblig.* Quod contingit in hac institutione: nam testator vult primum Sempronium sibi esse heredem, hoc utiliter facit, & ideo heres erit: vult præterea heredem esse ex certa parte, hoc vero inutiliter adiicitur, proinde pro non adiecto habetur. Quia ratione receptum est, etsi quis heres institutus sit ex die, is institutus intelligatur detracta mentione diei, *L. hereditas, D. eod.*

Sed rursum eadem utilitas testatoris restringi videtur, quo minus is, qui institutus, sit in totum heres. Nam cum testator eum instituit ex re certa, amplius eum habere nihil voluit, ac proinde ex voluntate testatoris heres non erit. Respondeo: imo hoc ipso, quod testator voluerit heredem institutum rem certam habere, etiam illum heredem esse voluit, quia eam rem ex testamento habere non potest, nisi adeatur hereditas ex testamento, *L. nunquam, infr. de fideicom.* Non poterit ex eo hereditas adiri, nisi is, qui institutus est, sit heres. Proinde testator eum quoque heredem esse voluit. Quoties \dagger enim fieri aliquid volumus, etiam ea velle intelligimus, quæ necessario antecedunt, sine quibus ad id, quod volumus, perveniri non potest, *L. illud, in fin. de acquir. her. l. 1. §. 1. D. si usufr. pet. l. 2. D. de cond. insti.*

Idem iuris \dagger est, si duo sint heredes ex rebus certis instituti. Nam & hic, cum non possint eas res consequi ex voluntate testatoris, nisi & ipsi heredes sint; fit, ut ex eadem voluntate heredes sint: & quoniam non possunt heredes esse, nisi detracta singularum rerum mentione; fit, ut non pro modo rerum legatarum sint heredes, sed ex æquis partibus, *L. si alte-*

rius, & L. seq. D. eod. Solum res, ex quibus instituti sunt, percipiunt prælegati iure in divisione hereditatis, de quo multis verbis disserunt in *L. ex falso proponatur, D. eod.* Quod si \dagger unus institutus sit ex re certa, alius autem, aut alii instituti non ex re certa, hic locum habet hæc constitutio, qua cavetur, eum, qui ex re certa institutus est, legatarii loco, non heredis, esse: eum autem, eoque, qui non ex re certa instituti sunt, solos heredes esse, solos exercere actiones hereditarias, solos a creditoribus hereditariis conveniri, & solos in summa hereditatis oneribus teneri. Differentiam facit sola voluntas testatoris: nam quoties testator instituit aliquem ex re certa, toties vult eum rem solum habere, si habere eam potest sine hereditate. Quod si eam habere non potest, nisi sit heres prius, vult quoque heredem prius esse. At prioribus duobus casibus, quos commemoravimus, institutus ex re certa, eam rem habere non potest, nisi prius sit heres, ut eius additione testamentum confirmetur, & proinde servetur voluntas testatoris, quo fit, ut etiam sit heres. In hoc autem possumus, de quo agitur hac constitutione, evenit, ut heres ex re certa institutus eam rem solum habere possit, etiamsi non sit heres, quia alii sunt heredes instituti, non ex re certa, qui veri heredes existere possunt, & quorum additione testamentum confirmetur, ut sit ex eo testamentum res certa, quæ huic ex re certa instituto præstari possit. Ergo ut dicimus, hic, qui exemplo propolito ex re certa institutus est, legatarii tantum loco habetur.

Quid \dagger interit, utrum legatarii locum eum habere dicamus, non heredis: hoc interit; quia legatarius nihil consequi potest præter rem legatam, heres autem in universum ius defuncti succedit, *L. heres in omne de acquir. her.* Præterea legatarius sine onere legatum habet, id est, non tenetur creditoribus hereditariis, soli heredes rei alienæ obnoxii sunt, *L. ult. supr. de her. act. l. si hereditatem, D. mandat.* Cæteri autem heredes instituti soli heredes sunt, & in solidum tenentur, siue instituti sint sine parte, siue ex certis tantum ratisque, ut hic adiicitur. Sine parte hoc modo: *Primus ex fundo Tusculano heres esto, Secundus & tertius heredes sunt.* Dicimus hoc casu secundum & tertium solos obligari iure alieno, quod dubitationem non habet, quia heredes sine partibus instituti, in totum instituti intelliguntur, *L. quoties, §. §. heredes, D. h. t.*

Ex certis unclis institutio fit hoc modo; *Primus ex fundo Tusculano heres esto; Secundus & Tertius ex quatuor uncis heredes sunt.* Dicimus hic Secundum & Tertium in solidum heredes esse, & teneri creditoribus hereditariis. Hoc vero videbatur absurdum, institui videlicet istos in duodecim uncis, in quas dividitur hereditas, cum verbis testatoris solum instituti sunt ex 4 uncis. Huius ergo dubitationis removendæ causa in hac adiciatur constitutio, reliquos heredes, quanvis ex certis unclis instituti sint, nihilominus tamen heredes in solidum futuros, & onera hereditaria admissuros. Non obstat, quod sunt tantum ex 4 uncis instituti; nam quoties testator certas tantum uncias nominat, in his totam hereditatem ponere intelligitur, *L. interdum, §. 1. cod. §. hereditas, Instit. eod.*

Sed hæc omnia ita se habent, si in hac specie hi, qui sine re certa instituti sunt, aut omnes, aut quidam ex iis hereditatem adierunt, ut sic testamenta confirmetur, & legatum præstari possit ei, quem legatarius esse volumus. Sed quid si nemo ex heredibus institutis hereditatem adeat? Prima ratione videri potest ei, qui ex re certa institutus est, nihil deberi; non eam rem certam, quia ea legata est; quo nomine dicitur legatarius is, qui institutus est: hereditate autem ex testamento non adita, nullum legatum deberi potest. *d. L. eam quam, infr. de fideicom.* Rursum nec deficientium heredum portiones huic ex parte instituta possunt accrescere: quoniam ipse non est heres, sed legatarius: portiones autem deficientes solum ei accrescunt, qui & ipse sit heres, & prius portionem hereditatis adierit, *L. qui ex plurib. §. ult. D. de acquir. her. L. 1.*

§. ult. & L. l. seqq. de bon. poss. L. si ex pluribus, de suis & legit. hered.

Sed dicemus, si eum, qui ex parte institutus est, aliis heredibus institutis deficientibus solum heredem esse, quasi institutus esset, detracta rei certæ mentione. Nam hoc ius futurum erat, si solus heres institutus esset ex re certa, *L. 1. §. si ex fundo, de her. instit.* In specie autem proposita, cum hi, qui instituti heredes erant sine re certa, hereditatem non adeunt, solus reperitur institutus esse is, qui ex certa re institutus est. Proinde eodem modo solus heres erit, non quasi iure accrescendi aliorum portiones obtinuerit, sed quasi ab initio solus heres institutus esset, ut dictum. Non obstat, quod in hac constitutione dicatur legatarii loco esse, qui in specie proposita ex re certa institutus est. Hoc enim totum sic accipiendum est, si alii non ex re certa instituti heredes sint, quod sit illia hereditatem adeptibus. Idque satis ostenditur ex eo, quod iubentur actionibus hereditariis uti, & teneri. Idem declaratur verbo legatarii: nam is, qui ex re certa institutus est, non potest esse legatarius, nisi legatum consequatur: non potest autem consequi, si ex testamento alii hereditatem non adierint.

Huic distinctioni, quæ hic tradita est, male vulgo putant adversari *Auth. novissima sup. de inoff. testam.* in quo agitur de filio, qui trientem habere debet, vel institutionis, vel quovis titulo, ex quo intelligimus, eam legem ad speciem huius constitutionis nihil pertinere omnino. Nam hic aut filius instituitur non ex re certa, aut illic res certa relinquitur, sed non instituitur heres: nobis autem hic sermo est de eo, qui coniunctim instituitur heres, & vitiose instituitur; nempe ex re certa.



Ad L. ult. Cum in.

Imp. Iustinianus A. Ioanni praefecto praetorio.

Cum in libris Ulpiani, quos ad Masurium Sabinum scripsit, talis species relata sit, hanc apertius expedire nobis visum est. Quidam testamentum faciens ita instituit: Sempronius Plotii heres esto. Veteres quidem existimabant, errorem nominis esse, & sic institutionem valere, quasi testator Plotius nominaretur, & Sempronium sibi scripsisset heredem. Sed huiusmodi sententiam crassiores esse existimamus. Neque enim sic homo supinus, imo magis stultus invenitur, ut suum nomen ignoret. Sed siquidem ipse testator Plotio cuidam heres existit: manifestum est sibi Sempronium heredem instituisse, ut per mediam ipsius testatoris personam Plotii heres efficiatur. Et hoc argumentatur ex antiqua regula, quae voluit heredem heredis testatoris esse heredem. Sin autem nihil tale factum est, supervacuum & inane huiusmodi institutionem esse: nisi prius herede Plotio sibi instituto, sic adiecerit, Sempronius Plotii heres esto. Tunc etenim existimandum est eum dixisse, si non Plotius heres sibi fuerit, tunc Sempronium in totum partemve Plotii ex substitutione vocari: ita ut ex consequentia verborum Plotius quidem instituitus, Sempronius autem substitutus inveniat. Sin autem neque ipse testator Plotio heres existit, neque Plotium heredem antea scripsit, & sic Sempronium Plotio heredem esse voluit: nullius esse momenti talem institutionem, cum non est verisimile in suum nomen quemquam errasse. Dat. III. Kalend. Auguß. post consulatum Lampadii & Orestis VV. CC.

S U M M A R I A.

1. *Institutio hæc, Sempronius Plotii heres esto, quo accipienda modo, & an valeat, vel minüs.*
2. *Iustiniani super controversia huius institutionis decisio, & nu. 4.*
3. *Heres heredis, heres quoque est testatoris.*
5. *Ius certum circa interpretationem voluntatis testatoris observandum.*
6. *Error nominis in institutione non nocet.*

TESTATOR † ita heredem instituit: Sempronius Plotii heres esto, siquidem testator Plotius vocetur, expedita interpretatio est huius institutionis. Sic enim est accipienda, quasi testator instituerit sibi, ut de se sub tertia persona sit locutus. Sin testator Plotius non vocetur, questum est, an valeat institutio? Non valere statim dixeris, quia testator sibi heredem non instituit: instituit Plotio, sed non potuit, quia certa est voluntas testatoris, si quis legaverit rei suæ, non alienæ; *L. verbis L. de verb. sig. L. testandi, supr. prox. tit.* Rursum institutionem valere dixeris, ut valeat detracta Plotii mentione, quemadmodum fieri dicimus in his speciebus institutionum, de quibus ad *L. pen.*

Tom. IX.

sup. dictum est, l. 1. §. h ex fundo, D. h tit. Quod postlerius veteres quidam fecuti sunt, quasi non videretur testator factis nominis sui meminisse. Iustinianus † hanc controversiam decidens ita constituit: Institutionem hanc duobus casibus recipi posse: unus est, si testator alicui nomine Plotio heres prius exstiterit. Sic enim accipietur institutio, quasi testator iusserit Sempronium sibi heredem esse, ac per se Plotio. Quæ interpretatio ita recte defenditur: cum enim testator iubet Sempronium heredem esse Plotio, intelligitur velle ea omnia, sine quibus Plotio heres esse non potest, *arg. in L. illud, de acq. hered. L. 2. D. de iurisdic.* Non potest autem Sempronius Plotio heres

K 2

res

res esse, nisi prius testatori heres extiterit, cui si extiterit heres, idem quoque Plotii heres erit. Proinde ex voluntate testatoris Sempronius testatori heres erit, ac per Sempronium heres erit Plotio. Idque ꝑ consensum est regulæ iuris: Herodem heredis heredem quoque esse testatoris, quæ regula hic refertur, etque sententia iuris certi, ex L. 3. de pet. her. L. interdum. de appell. L. sciendum est heredem. de verb. sig. Secundum quam regulam dicemus, lo propòsito Sempronium, cum heres factus erit defuncti, de cuius testamento nunc agitur, heredem quoque futurum testatoris Plotii, cui defunctus hic heres extiterat, & merito; nam in proprio defuncti reperitur, omnes hereditates eorum, quibus prius heres factus erat. Altero ꝑ casu defenditur hæc institutio, si testator aliquem Plotium sibi heredem instituit, deinde ita scripsit: *Sempronius Plotii heres esto*. Hic enim hic accipitur hæc institutio, ut Sempronius testatori sit heres, si Plotius heres institutus, heres non erit. Sed videtur hæc interpretatio verbis institutionis plane repugnare, ac propterea admitti non debere. Nam verba institutionis exigunt, ut Sempronius fiat heres Plotio; secundum sententiam autem Iustiniani sit heres testatori, non Plotio. Nam ex substitutione vulgari, qualem hic interpretatur Iustinianus, testatori succeditur, non heredi instituto, ut Inst. de pupill. substit. diserte dicitur in prin. Respond. Fatendum est, Sempronium in proposito secundum verba institutionis, admitti non posse ad hereditatem testatoris, sed secundum sententiam testatoris admittitur, & institutio valet. Nam his verbis, *Sempronius Plotii heres esto*; intelligitur testator prius Plotium heredem instituisse, deinde Sempronium ei substituisse, in pupillarem casum, si Plotius heres erit, si Plotius heres erit; & intra aliquot annos postea decesserit. Quod ita interpretamur; quia qui in hunc casum primo heredi substi-

tuitur, sit heredi instituto heres, non testatori, dist. loco instit. de pupill. substit. in prin. Est autem ꝑ ius certum circa interpretationem voluntatis testatoris: quoties testator primo instituto aliquem substituit in secundum casum, si primus heres erit, videri etiam eundem substituisse in primum casum vulgarem, si primus heres non erit, L. tam hoc iure. D. de vulg. substit. Ex hac vulgari substitutione tacita hæc institutio defenditur.

Quid si testator neque extiterit heres alicui Plotio, neque Plotium aliquem heredem instituerit, placet institutionem inutilem esse. Hic occurritur. At error ꝑ nominis non nocet: quid igitur prohibet, quo minus hic errante testatore intelligatur semper heres institutus esse? De nomine est L. 3. §. 1. D. de legat. 1. Resp. Non dicimus institutionem ideo hic non valere, quasi testator in nomine proprio erraverit, & hic error noceat: tantum enim abest, ut hæc reiciatur institutio propter errorem nominis, ut nominatim Iustinianus dicat, non ideo improbari, quia testator in nomine erravit. Non vero verisimile esse quenquam in nomine suo errare. Sed hæc ratio est, quam initio ostendit, quia potuerit testator sibi heredem instituire, sed noluit.

At quomodo, cum quis ex re certa instituitur, institutio valet rei certæ detracta mentione? Item cum quis institutus est ex die, institutio recipitur, detractio eo die? L. hereditas, D. eod. Respondet: quia in superioribus causis testator voluerit eum, quem instituit, aliquo modo heredem esse, ut aliquo modo capere non possit etiam heres, nisi inutilibus detractis. Ea igitur secundum voluntatem testatoris detrahuntur, ut sit heres, quem instituerit. In proposito autem apparet testatorem non instituisse Sempronium sibi, sed Plotio, non detrahetur igitur, quod testator adiectum voluit, ne fiat illi heres is, quem sibi heredem esse noluit.

A D T I T U L U M XXV.

COD. DE INSTITUTIONIBUS, ET SUBSTITUTIONIBUS,
ET RESTITUTIONIBUS SUB CONDITIOE FACTIS.

S U M M A R I A.

1. Continuatio huius tituli cum superiore.
2. De institutione, quæ fit sub conditione, tria queruntur.
3. I. An omnes sub quavis conditione institui possint.
4. Condicio, quæ aperte verbis in alienam transfertur voluntatem, inutilis reddit institutionem; secus, si tacite id fiat.

5. Institutio captatoria institutionem vitiat & tollit.
6. II. An conditio sit expectanda: & quare conditio, non dies, institutioni utiliter adiciatur & n. 7.
8. Impossibilis conditio in testamento pro non adiecta habetur.
9. III. An si conditio expectanda est, ita expectanda sit, ut nisi impleatur, nulla sit institutio, nullum legatum.

1 DICTUM est † proximo titulo ut institutio valeat, duabus in rebus positum esse, in persona heredis, ut sit, qui institui possit, & in instituendi modo, ut rite facta sit institutio. De persona heredis illie dictum est. Instituendi modus hic enarratur. De eo autem in summa hoc est satis. Heredem pure institui posse extra controversiam: ex die, aut ad diem non posse: sub conditione autem itidem posse, §. heres, *Instit. de hered. instit.*

2 L. hereditas, D. h. t. Hinc † de institutione, quæ fit sub conditione, tria queruntur. I. An omnis sub quavis conditione institui possit? II. Si quis sub conditione recte instituitur, ut institutio valeat, an omnis conditio, id est, eius eventio, sit expectanda? III. Si expectanda est, an conditione non impleta inutilis sit institutio? Quod queritur, † an omnes sub quavis conditione institui possint, de eo sic habendum est: regulariter posse; sed hic & quasdam personas excepi, & in omnium heredum persona, quasdam conditiones. In personis excipiuntur filii, qui sunt in potestate testatoris, quos placuit non posse heredes institui, nisi sub ea conditione, quæ sit in eorum potestate, L. 4. h. t. ubi dicitur. In omnium autem persona heredum excipiuntur duæ conditiones, quibus adiectis inutilis est institutio, I. Illa conditio, † quæ aperte verbis in alienam voluntatem transferitur, ut puta, hæc inutilis est institutio, *Titius heres esto, si Mercurius voluerit*, ubi vo-

luntas Mercurii aperte exprimitur. Diversum est, si conditio conferatur in voluntatem Mercurii, sed tacite, upote hæc institutio valet, *Titius heres esto, si Mercurius Capitulum ascenderit*, tametsi sit in potestate Mercurii Capitolium ascendere, aut non. Hæc in L. illa, D. de her. instit. L. si quis Sempr. cod. L. nunquam, D. de cond. & dem. ad quam distinctionem pertinet regula iuris, eius est hic sensus: si quid lex adici vetat, id ita nocet, si expressum sit: quod si expressum non sit, non nocet, etiam si intelligatur. Huius generis est hæc voluntas extranei, quam lex in conditione institutionis huius adici vetat. Alterum † genus est conditionis, quæ captatoria est, & captatoria facit scriptura, veluti *Titius heres esto, si me heredem instituerit*. Huius generis institutiones, & legata nullius sunt momenti, L. captatorias, sup. de testam. milit. ubi de hoc genere dicitur.

Si iuste & recte Institutio sub conditione facta est, sequens est questio, † an 6 conditio sit expectanda? Et hic hoc convenit inter institutionem, quæ fit ex die, & eam, quæ fit sub conditione, quod utraque pariter valeat, ut heres admittatur. Hæc differentia est, quod diei adiectio inutilis est, d. L. hereditas, D. de hered. instit. Conditione autem adiecta & institutio utiliter fit, & conditio utiliter adicitur: id est, quod querimus, conditio est expectanda, L. an. §. si autem, infr.

7 *infr. de ead. toll.* Differentiæ ratio ꝑ natura est ex regula iuris, qua efficitur: neminem in pſanis pro parte teſtatum, & pro parte inteſtatum decedere poſſe, *L. ius noſtrum, de reg. iur.* Adverſus hanc regulam peccatur, ſi dies utiliter adiciatur, & ob hanc cauſam pro uou adiecta habetur. Non item peccatur, ſi conditio admitteatur: nam cum teſtator heredem inſtituerit poſt duos annos, quam moriatur ante eos duos annos heredem eſſe non vult, ac proinde inteſtatus pro eo tempore decedit; ſic fit, ut velit interim hereditatem ad legitimos heredes pertinere: argumento eſt, quod ita reſtranſigaretur, ſi heres ex die a milite inſtitutus eſſet, *L. miles ita, de milit. teſtament.* Hoc autem, ut dixi, regula iuris non paritur in paganico teſtamento, ut teſtator pro parte temporis teſtatus, & pro reliqua inteſtatus decedat, ubi teſtator heredem inſtituerit ſub conditione, quemadmodum conditione deficiente, non vult inſtitutum in totum heredem eſſe; Sic conditione contra exiſtente, vult in totum eſſe heredem, non tantum pro eo tempore, quod ſequitur eventum conditionis, ſed etiam pro tempore antecedente, ut appareat conditionem uou tempori adiei, id eſt, adiei eo, ut in-

telligatur, au teſtator voluerit inſtitutum heredem eſſe, non autem ex quo tempore voluerit. Ita ruruſ fit, ut ex eoditione, aut in totum teſtatus decedat, aut in totum inteſtatus, ſive conditione defecerit, ſive exſtiterit.

Sed hæc de conditionibus poſſibilitibus dicta ſunt. Impoſſibilis ꝑ conditio in teſtamento pro non adiecta habetur, *L. 3. D. de cond. & demonſtr. L. 1. de cond. inſt. §. impoſſibilis, Inſtit. de her. Inſtit. aliter atque in contraſtibus, §. ſi impoſſibilis, de inutil. ſtip. L. non ſolum, de verb. oblig.* Proinde impoſſibili conditione inſtitutioni adiecta, is qui inſtitutus eſt, erit heres omni modo, ſi velit, ut is, qui pure inſtitutus erit. Impoſſibiles conditiones quædam ſunt natura, quædam iure: natura, veluti, ſi digito cælum attingerit. Poſtrema quæſtione, ꝑ ſi eoditio expectanda eſt, an ita expectanda eſt, ut niſi impleta ſit, nulla ſit inſtitutio, nullum legatum, cui conditio erat adiecta? Reſponſio conſequens eſt ſuperioribus: poſtquam conditio utiliter adicitur, niſi ea impleta ſit, nullam inſtitutionem eſſe, nihil denique deberi, *L. cedere, de verb. ſig.* quod tamen non eſt perpetuum; nam interdum quæ revera uou eſt impleta conditio, pro impleta habetur, de quo eſt in *L. 1. b. r.*



Ad L. Cum avum. 1.

Impp. Severus & Antoninus AA. Alexandro.

Cum avum maternum ea conditione filiam tuam heredem instituisse proponas, si Anthylli filio nupsisses: non prius eam heredem existere, quam conditioni parueris, aut Anthylli filio recusasse, matrimonium impeditum fuerit, manifestum est, PP. Kalend. Octob. Anulino & Frontone Coss.

S U M M A R I A.

1. Conditionum distinctio, in questione, an conditio pro impleta habeatur, advertenda.
2. Casualis conditio quocunque modo defecerit, institutio nulla est, legatum nullum.
3. In conditione potestativa, si per eum, in cuius persona implenda est, fiat, quo minus implatur, pro impleta habetur.
4. Item si conditio hoc casu non impleatur, eum per rerum naturam impleri non possit, conditio deficit & nulla est institutio, nullum legatum.
5. Is, cuius interest conditionem impleri, quis intelligatur.
6. De eo, in cuius persona conditio est implenda, casu mortuo, auctorum iuris dubitatio, & triplex præsertim varietas advertenda est, & num. 7. 8. & 9.
10. Prædictorum consiliatio.
11. In conditionibus, quæ in alterius persona impleri debent, si queratur an illo mortuo pro impleta habeatur conditio: quæ hic habenda distinctio: contraria distinctio: utrique parti refutantur per tot.
12. Condicio possibilis non impleta sine exceptione defecisse intelligitur.
13. Condicio impossibilis pro impleta habetur.

¹ CUM queritur, † an conditio pro impleta habeatur, videndum est, cuiusmodi sit: nam quædam conditiones conferuntur in eventum, quædam in potestatem heredis, aut legatarii. Priores dicuntur a Iuliano casuales, posteriores potestativæ, L. un. §. si autem, infr. de cad. tolli. Casualis † conditio, quocunque modo defecerit, institutio nulla est, legatum nullum. Non enim hic spectamus, quid voluerit hic, qui instituitur, cum voluntate testatoris non sit conditio in voluntatem eius, aut potestatem collata, sed in calum, ex quo testator legatum, seu institutionem valere voluit. Quod si conditio in potestatem heredis collata sit, ita ut impleri debeat in persona alterius, in hoc genere hæc distinctio est. Nam ³ si † per eum, in cuius persona conditio implenda est, fiat, quomodo implatur conditio, pro impleta habetur. Hoc autem ⁴ casu si conditio ea non implatur, cum per rerum naturam impleri non possit: placet conditionem deficere, & nullam esse institutionem, nullum legatum,

quantumvis per heredem, aut legatarium non steterit, quo minus conditio impleretur. Utriusque partis distinctiones suppleditur L. 1. Cuius distinctionis pars prior expressa est in L. §. vers. sed si D. quando dicit L. ced. & statuitur diserte in exemplo b. L. si Scia Titio nuperit.

Eadem regula est expressa a Veteribus his verbis: quoties per eum, cuius interest conditionem impleri, stat, quominus impleatur, toties pro impleta habetur. Item L. in iure civili, D. de reg. iur. Is, cuius † interest conditionem impleri, § intelligitur, in cuius persona conditio implenda est; utpote ad quem ex ea re aliquid perventurum est: ut in hac conditione; si heres Stichum manumiserit; Stichus est is, in cuius persona conditio implenda est, & ita cuius interest impleri; nam ex eo consequitur libertatem. Ita in hac conditione; si Titio decem dederit; Titius est is, in cuius persona conditio implenda est, & cuius interest conditionem impleri, ut decem consequatur. Talis est Titius in hac conditione, si Scia

Ti-

Titio nupserit : & nam Titius impleta conditione, accipiet uxorem. Ergo eius interest. Quæ conditio eleganter negative expressa est, & recte iis verbis: quoties per eum cuius interest conditionem non impleri, stat, quo minus impleatur, toties pro impleta habetur, *L. in iure civili, de cond. & demonstr.* Is, cuius interest conditionem non impleri, est is, qui conditione impleta debitorus est, utpote heres, *L. Julius, §. ult. de cond. & demonstr.* Veluti si quid legatum sit Titio, si heredi 10. daret, hoc vere dixeris interesse heredis conditionem impleri, ut decem accipiat, & rursum interesse non impleri, ne impleta conditione legatum debeat. Generaliter autem si stet per heredem, seu per eum, qui impleta conditione debitorus est, quo minus conditio impleatur, toties pro impleta habetur, *d. L. 5. verbi. sed si ea. D. quando dies leg. d. L. Iulius, de condit. & demonstr.* Hæc pars nullam dubitationem habet.

Alter pars distinctionis supra scriptæ de eo, in cuius persona conditio implenda est, casu mortuo, magnas dubitationes habet. Varia enim & in speciem pugnantia tradita sunt de hoc genere a veteribus. In eo tamen autem varietatem triplicem animadvertere possumus. Nam tamen cum is, in cuius persona conditio implenda est, mortuus est, priusquam recusaret admittere conditionem; quædam sunt definitiones, in quibus respondetur defecisse citra distinctionem. Qualis est hæc conditio; *si Scia Titio nupserit*; ubi Titio mortuo priusquam matrimonium recusaret, placet Sciam conditione desertam videri, si Titius decesserit vivo testatore, si vero mortuo. Quæ sententia non obscure colligitur ex hoc responsio, vel diserte expressa est in *L. legatum, D. de cond. instis. L. 3. de cond. & demonstr.* Quædam tamen sunt definitiones, in quibus contra conditio pro impleta habetur, qualis est hæc conditio; *si alimenta libertis legata sunt, si cum matre, aut liberis testatoris morarentur*; nam quo minus cum matre, aut liberis morati sunt, placet alimenta nihilominus deberi, si per libertos non steterit, quo minus morarentur, *L. 1. infr. de legat. L. annua, de an. leg. L. Cato, §. 1. de alim. & cib. leg.* Est tertium tamen genus conditionum, in quo ipso veteres videntur contraria scripsisse. Talis est hæc conditio, *si heres Stichum manumiserit*. Nam mortuo Sticho, quibædam in locis scriptum est conditionem pro impleta haberi, ut in *L. que sub cond. §. quoties, de cond. instis. & L. tur-*

pia, §. 1. de leg. 1. Aliis in locis contra scriptum est, conditionem defecisse videri, si vero mortuo testatore Stichus decesserit, si vero vivo, *L. inde Neratius, §. idem Iulianus, D. ad L. Aquil.* Quæ ut dixi, contraria videri possunt. Nec enim audiendi sunt interpretes, qui ista genera conantur distinguere. Aiunt hanc conditionem, *si heres Stichum manumiserit*, esse in potestate solius heredis. Iam autem conditionem, *si Scia Titio nupserit*, esse in potestate partim Sciam, partim Titii. Nam utroque mortuo, perspicuum est neutrum fuisse in potestate heredis, utpote quem casus mortis pariter impeditur. Deinde, quemadmodum in potestate est Titii matrimonium, ita in potestate est Titii efficere, ne manumittat, vel fugiendo, vel sibi manus inferendo. Idem quoque in manu Dei positum est, si illi mortem attulerit. Neque enim illud verum est, quod dicunt in hac conditione, *si liberti cum matre morabuntur*, mortua matre, conditionem pro impleta esse favore alimentorum. Nam in *L. illis, de cond. & demonstr.* dicitur, hanc conditionem superiore casu non pro impleta esse sed defecisse.

Hæc tamen ut conciliari possint, statuedum est ita. Primum animadvertendum est in hac conditione, *si liberti cum matre non morabuntur*, proprium quoddam esse diversum a cæteris huius generis conditionibus, ut scilicet mortuus matre & generaliter conditione quoquo modo impedita, conditionem pro impleta videri, dummodo non stet per libertos, quo minus morentur. Id autem intelligitur ex fine huius conditionis. Nam cum testator libertos morari iussit cum matre, voluit, ut non modo obsequium præstent matri & iis, cum quibus morari debent, id notatur in *d. L. illis, D. de cond. & demonstr.* Porro quod hic exigitur obsequium a libertis, non est positum in facto morandi, sed in præpensione voluntatis. Is enim obsequio satisfacere intelligitur, qui paratus est obsequi, modo liceat, quemadmodum hi servi dicuntur servisse, qui cupientes servire non potuerunt, quia aegroti erant, *L. 4. §. Sticus, de stat. liber.* Cæteræ omnes tamen conditiones, in alterius persona impleri debent, sunt dissimiles. In his autem cum queritur, an mortuo eo, in cuius persona conditio implenda erat, conditio pro impleta habeatur? distinguendum est. Interest enim, utrum mortuus sit tunc, cum conditio potuit impleri, an vero tunc, cum non potuit. Nam priore tamen casu conditio sine ex-

ceptione

ceptione defecisse intelligitur, quia fuit possibilis, conditio autem implenda est, si potest *L. que sub cond. §. quoties, in fin. de cond. inst.* idest, si potest impleri iure, & natura. Unde intelligimus, si tum non est implenda, defecisse videri.

- 13 Posteriori autem casu conditio pro impleta habetur, quoniam quæ conditio impleri non potest, est impossibilis. Impossibiles autem conditiones non nocent, non tam quod habeantur pro impletis, quæ impleri non potuerunt, quam quod habeantur pro non adimplendis, *L. 3. de cond. & demonst.* Ex hac distinctione natum est, quod distinguuntur conditiones a veteribus, si *Seia Titio nupserit* &c., si *heres Stichum manumiserit*. Scire enim oportet, hanc conditionem, si *Seia Titio nupserit*, quodcumque impleri possit, non solum mortuo testatore, sed etiam testatore adhuc vivo, *L. hæc conditio 10. L. cond. 9. de cond. & dem.* Contra autem hæc conditio, si *heres Stichum manumiserit*, mortuo testatore impleri potest, vivo non potest, *L. 2. de cond. & dem.* Ob hanc causam placuit in hac conditione, si *Seia Titio nupserit*, Titio quodcumque mortuo conditionem defecisse, & Seiam heredem Titii non futuram, scilicet, quia quodcumque Titius decedit, tunc decedere intelligitur, cum Seia illi nubendo conditionem implere potest. At in hac conditione, si *Seia Stichum manumiserit*, res aliter se habet; nam si Stichus decedit, adhuc vivo testatore, placet Seiam heredem conditione defectam non esse, sed conditionem pro impleta videri.

Hæc est species *L. que sub cond. §. quoties, de cond. inst.* ubi proponitur Stichus mortuus, sed nominatim adicitur vivo testatore. Igitur hoc casu conditio defecisse non videtur, quia tunc conditio fuit impossibilis heredi, sub hac conditione introitus; non enim potuit eam iure implere. At si idem Stichus moriatur mortuo testatore, conditionem placet defecisse videri, & eum, qui sub conditione institutus est, heredem non futurum. Hæc enim species est *L. inde, §. idem Iulianus, D. ad L. Aquil.* Sed utraque species huius distinctionis suas obiectiones habet. Nam primo quod dicitur, si Stichus vivo testatore decesserit, conditionem pro impleta haberi, id negari videtur in *d. L. inde Nerat. §. idem Iul. ad L. Aquil.* Non enim tantum illic dicitur, si Stichus occisus sit mortuo testatore, defecisse conditionem, sed etiam adicitur: si vivo testatore occisus sit, assimilationem heredis

cessare. Quibus verbis significatur, etiam hoc casu amissam esse hereditatem domini, qui conditione defectus sit; sed tantum hoc casu hereditatem non esse amittendam in actione *L. Aquilia de servo occiso*. Hoc loco adducti Interpretes generaliter statuerunt, quocumque tempore occisus sit Stichus, conditionem superiorem defecisse videri: diversum esse, si Stichus non sit occisus, sed naturaliter mortuus sit, quo rursus casu statuant, semper conditionem haberi pro impleta, quocumque tempore mortuus sit, & ita interpretantur *d. L. que sub cond. §. quoties, de cond. inst.* Et nos hanc distinctionem sequeremur libenter, ut non improbabilem plane, nisi & verba Ulpiani & vera ratio huic definitioni refragaretur. Nam Ulpianus in *d. L. que sub cond. §. quoties, de Stichus mortuo nihil distinguit*, quando mortuus sit; tam enim moritur, qui occiditur, quam qui naturaliter moritur. Deinde vera ratio facit, ut in quibus causis eadem ratio est, in his idem ius statui debeat, *L. illud, D. ad L. Aquil.* Nihil autem interit ad casum naturæ, an Stichus naturaliter moriatur, an occidatur ab alio; tam enim casu moritur, qui moritur natura, quam qui ab alio occiditur. Ac proinde in utraque morte ad conditionem vel implendam, vel deficiendam nihil interit. Nam quod illi hanc rationem differentie reddere conantur, plane ridiculum est. Voluit, cum Stichus ab alio occisus est, ideo conditionem defecisse, quia dominus sub ea conditione institutus hereditatem persequi possit ab eo, qui occidit. Quod præposterè & absurde dicitur. Non enim ideo conditio deficit, quia dominus hereditatem amissam persequi potest; sed ideo persequi potest, quia prius conditio defecit. Oportet igitur prius demonstrari conditionem defecisse, deinde tractari de hereditate persequenda. Illi autem contra naturam faciunt priorem persequutionem domini, quam defectum conditionis.

Deinde si hanc rationem sequimur, conditio hæc, si *heres Stichum manumiserit*, pro impleta habebitur, si vivo testatore occisus sit. Nam hoc casu dominus hereditatem ab extraneo consequi non potest, ut dicitur nominatim in *d. L. inde Nerat. §. idem Iul.* Et tamen illic sequitur, conditionem videri defecisse hoc casu. Teneamus igitur: Ubi vivo testatore Stichus decedit siue naturaliter, siue occisus sit, conditionem non videri defecisse ob eam rationem, quam supra dixi; quia tum conditio sit impossibilis probatur, in *d. L.*

L

que

quæ sub cond. §. quoties, de cond. & demonst. Ad obiectionem autem *L. inde Neratius, §. idem sul.* sic respondemus: Illic non dici, si Stichus vivo testatore occisus sit, conditionem defecisse, ut in prioris casu; sed dici hoc casu hereditatis eliminationem cessare, & etiam si conditio defecerit; quod ideo dicitur ab Ulpiano, quia etiam si vivo testatore Stichus occidatur; interdum tamen potest defecere conditio, ut puta si testator fecerit potestatem Titii manumittendi, etiam se vivo. Item ita instituendo; *Titius mihi heres esto, si Stichum manumiserit, vel me vivo, vel me mortuo.* Cæterum si testator simpliciter ita scripserit, *Si Stichum manumiserit*, constanter tenendum est, eam conditionem vivo testatore impleri non posse, d. *L. 2. D. de cond. & dem.* Quod si impleri non potest, ne defecere quidem potest, quæ est impossibilis.

Rursum quod dicitur, si Stichus mortuo testatore decesserit, conditionem defecisse, siue naturaliter mortuus sit, siue occisus sit ab alio. Hæc quoque pars incurrit in alios locos specie contrarios, in quibus generaliter tradi videtur, mortuo Stichus superiorem conditionem haberi pro impleta, quoadcunque mortuus sit, hac ratione, quia per heredem, aut legatarium non stat, quo minus Stichus manumittatur, qui mortuus est. Hoc scribi videtur primo in *d. L. quæ sub cond. §. quoties.* Nam in extremo illa verba sunt: *Nam mortuo Stichus nemo diceret heredem submovendum:* implenda est enim conditio, si potest. Respondet: hæc verba postrema ad priora referenda sunt: nam Ulpianus eo loci persequitur usum eundemque sermonem. Initio autem proposuerat de Stichus, qui mortuus est vivo testatore, quæ igitur sequuntur, cum eadem adiectione intelligenda sunt, ut sit sensus: nam mortuo Stichus, vivo adhuc testatore, ut proposuimus, nemo dicit heredem submovendum; implenda est enim conditio, si potest natura im-

pleri, quod non fit, ubi Stichus vivo testatore moritur.

Rursum hic obstat *L. turpia, §. 1. D. de leg. 1.* ubi ita scriptum est generaliter: *sed etsi mors Stichi impediens manumissionem, cum legatum esset, si legatarius Stichum manumississet, legatum debebat; quia per legatarium non stat, quo minus conditio impleatur.* Responsio est in his verbis, si mors Stichi impediens manumissionem: & illa verba intelligenda sunt vivo testatore; nam prius scriptum erat: si Sciz legatum relictum esset sub conditione, si Titii arbitratu nupisset, & Titius vivo testatore mortuus esset, legatum debetur. Continenet subiicitur, *sed etsi mors Stichi impediens manumissionem;* ex quo apparet hæc verba ad priora referri, ut sic idem casus intelligatur, ut prius.

Postremo obstat *L. si fundum per fid. §. 1. de legat. 1.* ubi proponitur fundum legatum esse Titio, & Titius rogatus Stichum servum alienum manumittere: videtur Stichus mortuo Titium legatum consecutorum, ubi non dubium est, quin intelligi debeat, Titium consecuturum esse legatum, etiam si Stichus mortuo testatore decesserit. Sed nihil adversatur, ut & vulgo bene acceperunt: nos enim agimus de eo, qui heres institutus est, aut eni legatum sit sub conditione, si Stichum manumiserit, in *d. L. si fundum per fid. §. 1.* Apparet ex his, quæ diximus, legatum relictum fuisse pure, sed legatarium rogatum esse, ut Stichum manumitteret. Certi iuris est legatum pure relictum statim deberi, nec adimmi legatario, nisi aliqua culpa sit legatarii, propter quam adimatur; quæ culpa nulla est in eo, qui manumittere servum alienum & mortuum non potuit. Conditionis diversa est causa; nam hæc adiecta, nisi ea prius existerit, nihil debetur, *L. legata sub conditione, D. de condit. & demonst. L. cedere, de verb. sign.*

Ad L. Conditioni. 2.

Imp. Antoninus A. Cassiz.

Conditioni, sub qua testamento matris tuæ heres institutus es, si non parvisi, locum habes substitutio. Nec enim videri potest sub specie turpium nuptiarum viduitatem tibi indixisse, cum te filio sororis suæ, consobрино tuo, probabili consilio matrimonio iungere voluerit. Nec extraordinario auxilio indiges: cum ex his precibus, quas libello complexa es, declaretur, non per eum fuisse, quo minus suprema voluntati matris tuæ testatrix satisficeret. PP. VIII. Id. Mart. Romæ. Antonino A. IIII. & Balbino Coss.

S U M M A R I A.

1. Filia sub conditione, si consobрино nuberet, instituta, an si conditioni non paruerit, nihilominus tanquam relicta conditione, hereditatem habere possit? & per tot.
2. Condicio non reicitur, nisi aut contra bonos mores, aut contra leges sit.
3. Filia, que conditioni non paruit, non debet in integrum restitui, ut hereditatem consequatur, si adhuc potest conditioni parere.
4. Quid si non amplius conditioni parere valeat, etiamsi velit cum antea recusarit?

1. Si filia † instituta est sub conditione, si consobрино nuberet; quod si non nuberet, Titius substitutus sit, filia conditioni parere non vult, & nihilominus tanquam relicta conditione vult hereditatem habere: an possit, quaeritur? Respondeo: nisi conditioni paruerit, eam non futuram heredem, & recte.

2. Nam non † reicitur conditio, nisi aut contra bonos mores, aut leges sit. Contra bonos mores, ut si viduitatem inungat, L. cum ita legatur, de cond. & demonstr. Contra leges, ut si matrimonium inter consobrinos consilire non possit, quorum neutrum in proposito accidit: nam conditio invitat ad matrimonium. Huius generis conditiones omnes receptæ sunt, si modo honeste nubere liceat ei, in cuius persona conditio implenda est, L. Titius 100. §. 3. de condit. & demonstr. Sed & iure matrimonium inter consobrinos recte contrahitur, ut hic scriptum est, & in §. duorum, Instit. de nupt. L. in copulandis, C. de nupt. Cum igitur nihil obstat conditioni, res pertinet ad regulam iuris communis. Nisi conditio prius exstiterit, Institutioni locum non futurum. Proinde in proposito substitutioni locus erit.

Hoc metuens filia, cum iam recusasset consobрино suo nubere amplius, quasi
Tom. IX.

tum, † an possit in integrum restitui, ut hereditatem consequatur. Filiam finge fuisse minorem 25. annis, cui etiam restitutio tribui solet ad hoc, ut repudiatam, vel semel omniam hereditatem iurum adire sibi liceat, tituli. si ut omis. hereditas. sup. Respondet Antoninus, eam auxilio extraordinario non indigere, cum per eam factum sit, quominus matrimonium consequeretur, non solum per consobrinum: ubi auxilium extraordinarium vocat restitutionem in integrum, ut in L. 1. in pr. de min. Hæc sententia certa est, si adhuc filia conditioni parere possit: potest autem parere, quandiu vivit, & consobrinus aliam uxorem non habet. Nam extraneus & maxime filius, vel filia heredes instituti ea conditione parere possunt, cum per naturam licet, aut per ius, L. 4. sup. de hered. instit. L. ult. de cond. inst.

Quod si consobrinus aliam uxorem duxerit, definit conditio impleri posse. Nam ei nubere non potest, qui aliam habet uxorem, §. affinitatis, Instit. de nupt. Hic igitur dicimus quandiu consobrinus aliam uxorem non habet, tamdiu filia minor ad consequendam hereditatem restitutione in integrum non indiget; nam si vult consobрино nubere, consequitur hereditatem iure communi, dum scilicet conditioni pareat. Porro qui iure communis munus est, is

L. 2

extra-

ad conciliandum Sticho dominum, vel propter meritum, vel propter fidem in pretio accepto quæsum.

Quod de emancipationis casu diximus, idem de quovis alio casu liberationis a patria potestate intelligendum est. Ut puta: Mater instituit liberos, cum pater morietur, cuius in potestate erant. Conditio implebitur etiam vivo patre, si liberl emancipati erunt; aut deportatus pater, *L. mulier, ad Treb. L. si ita esset. D. quando dies leg. ced.* Unde generaliter definendum est, cum testatrix † in unum casum liberationis a potestate liberos heredes instituit, etiam in omnes alios casus, quibus liberi sui iuris efficiuntur, instituisse videri.

Huic parti adversari videtur *L. commodissime, de liber. & post.* ubi si quis postulum instituat in unum casum natiuitatis, in alterum præteritisse videtur, etiam si casu expresso id egerit, ut qui nasceretur, heres esset. Et proinde uterque casus eos effectus habebit. Ut puta, instituit testator eum, qui se vivo potes nascetur, si is, qui in utero est, nascetur eo mortuo; institutus non videtur, idemque placet e converso. Resp. Dissimilitudo rerum observanda est: alia causa est earum rerum, quæ ex auctoritate legis pendunt, alia earum, quæ ex voluntate testatoris. Nam in his, † quæ pendunt ex auctoritate legis, huius ipsius legis voluntatem spectabimus, ut si sit, quod lex iubet, ratum id sit; si non sit, pro infecto habeatur, quia legi paritum non fuit, etiam si testator hoc animo fuerit, ut idem factum veller. Huius generis est institutio post mortem, non enim testator postumos pro arbitrio instituit, sed lex iubet institui, *S. postumi, Instit. de exher. liber. L. postumus, de inoff. rupt.* Et iubet institui in omne tempus. Proinde si is institutus non est, quia nascetur vivo patre, pro instituto non erit, etiam si testator de eo senserit; quia non fecit, quod lex iubeat, & res in voluntate testatoris posita non est, sed in legis auctoritate.

Ar in his, † quæ ex voluntate testatoris pendunt, huius solius voluntatem sequi dicemus; idque fit non modo non refragante lege, sed etiam lege voluntatem testatori confirmante, uti quisque legasset, &c. *L. verb. legis, de verb. sign.* Huius generis conditiones in testamento sunt, quas adici institutioni, aut legato neque leges iubent, neque vetant. Proinde conditione in unum casum adiecta, si testator de aliis paribus sensit, hanc sententiam sequemur. Hic etiam occurrit vobis: nam in his, quæ pendunt ex auctoritate privatorum, cum quis sibi in unum casum eavit, in alterum non cavisse videtur, etiam si eundem effectum habeat, ut probatur exemplo *L. si cum darem, sol. matr.* ubi si extraneus in dote pro muliere danda paciscatur, aut stipuletur in unum casum vel divortii, vel mortis alterius ex coniugibus dotem sibi reddi, placet eum actionem non habere in eum casum, qui omisus est, etiam si constet iure civili pariter matrimonium solvi divortio & morte.

Respondeo: in his, quæ ex unius voluntate pendunt, ut sunt res testamenti, quæ pendunt ex unius testatoris voluntate, cuius solius voluntatem spectamus, ut sic uno casu expresso, cæteri quoque contineri intelligantur, de quibus senserit. Ar stipulatio & pactio ex consensu duorum constat, stipulantis & promittentis; idcirco utriusque consensum & placitum spectare oportet, & uno dissentiente nihil agitur. *L. inter stipulantem, S. 1. de verb. obl.* Hinc fit, ut cum stipulator sibi in unum casum cavit, in alterum actionem non habeat; quia etiam si ipse sensit de alio; tamen promissor non consensit de eo, cuius hic animus est, ut quam minimum debeat, certe ut nihil debeat, nisi quod verbis comprehensum est, usque adeo, ut orationem ambiguum adversus stipulantem semper interpretemur, nisi quid actum sit constet, *L. stipulatio ista, S. in stipulatione, L. quicquid, de verb. oblig. L. semper, de reg. iur.*

Ad L. Si pater. 4.

Imp. Alexander. A. Emiliano,

Si pater filium, quem in potestate habebat, sub conditione, que in ipsius potestate non erat, heredem scripsit, nec in defectum eius exheredavit: iure testatus non videtur. Cum autem trans mare & longe te agentem sub hac conditione heredem scriptum esse dicas, si in patriam que in provincia Mauritanie erat, regressus fuisses, nec exheredatum te alleges, si in eum locum non redisses: manifestum est multis casibus non voluntariis, sed fortuitis evenire potuisse, ut eam implere non posses: & ideo adire hereditatem non prohiberis, PP, VI. Kalend. Apr. Iuliano II. & Crispino Coss.

S U M M A R I A,

1. *Filius, qui est in potestate, an sub conditione institui possit? Distinguen-
do respondetur sub num. 2.
& 3.*
4. *Filius, qui in potestate est, sub ea conditione instituitur, qua in potestate eius non est, pater intestatus decedit.*
5. *Quaestio, an ab hac lege sit discessum constitutionibus Iustiniani, lato discutitur & negativa defenditur.*
6. *Conditionum, qua in potestate filii non sunt, tria genera.*
7. *Filius sub impossibili conditione instituitur, & institutio & testamentum nullius est momenti.*
8. *Filius sub conditione possibili, qua tota in casum conferuntur, institutio, inutilis est institutio.*
9. *Conditio collata in potestatem filii, non videtur omni ex parte in eius esse potestate, nisi statim possit incipere eam implere, quando velit.*
10. *Conditio in potestate filii posita qua fit.*
11. *Quod dicitur, filium non posse institui sub ea conditione, qua in eius potestate non est, an sit perpetuum.*
12. *Nepotes & ceteri liberi an sub conditione institui possunt.*

Filius, qui in patris potestate est, iubeatur heres institui aut nominatim exheredari, idque in omne tempus. Quod si neque institutus, neque exheredatus est, etiam id dici possit factum esse in aliquam partem, placet testamentum nullum esse, *inf. de exher. lib. Inst.* Hinc quaesitum est: an filius qui in potestate est, possit institui sub conditione: nam fieri potest, ut conditio deficiat, hac deficiente filius reperitur non institutus esse, sed nec exheredatus est: nam de eo loquimur, qui non omnino sit exheredatus. Proinde in id tempus, eundemque casum praeiteritus videtur. De hac re placuit haec distinctio veteribus, ut inter sit, quamnam sit conditio, sub qua est institutus. Sub ea qui conditione, qua in eius potestate est recte instituitur, ut sive pareat conditio-
ui, sit heres ex testamento; sive non pareat, omnino non sit heres, neque ex te-

stamento, neque ab intestato *L. 4. L. iam dubitatur, D. de her. instit.*

Sed hoc ius emendatum videtur constitutione Iustiniani, cui placuit intra legitimam filio herede instituto reitici de institutione omnem conditionem, quae ius filii imminuat, quaeque hereditatem, aut onus inducat, *L. quoniam in prioribus, sup. de inoffic. testam.* Quae conditio nova constitutione Iustiniani postea confirmatur quae una est ex 50. de conditionibus, *L. scimus, §. cum autem, sup. de inoff. test.* Et hoc, ut dixi usque ad legitimam. Quod si ultra legitimam filius institutus erit sub ea conditione, quae in eius potestate est, nihil mutat Iustiniani constitutio. Proinde exigemus a filio ut conditioni pareat. Sub ea vero qui conditione, quae in eius potestate non est, filius institui non potest, ob causam, quam initio reddidimus: quod deficere conditio potest,

potest, ita ut nihil imputetur filio, cui impleta non sit. Hac deficiente reperitur esse prateritas; quo fit, ut eo tanquam praterito res pertineat ad definitionem initio positam. Et ideo cum dicimus filium sub eiusmodi conditione institui non posse, hoc dicimus: si erit institutus, non inutilem esse conditionem, ut hac reiecta institutio valeat, sed inutilem esse institutionem, & tanquam eo praterito testamentum non valere, id quod cavetur hic. Idem significatur in *L. ult. de cond. inst.*

4 Ergo si filio, qui in potestate est, sub ea conditione instituto, quæ in eius potestate non est, institutus pater decedit. Est enim institutus non tantum, qui testamentum non facit, sed etiam qui iure non facit. Proinde filius heres erit patri, ut in hoc rescripto dicitur in fine, sed non ex testamento, ut quidam putaverunt, quoniam testamentum nullum est; sed ab intestato, quoniam, ut dixi, intestatus pater decedit. Hic opponitur *L. 2. §. si sub cond. D. de poss. secund. tab.* Nam si filius sit sub quavis conditione institutus illic scriptum est, eum statim petere posse bonorum possessionem secundum tabulas, eamque possessionem necessariam esse emancipato. Respon. Recte sentiunt hi, qui eum locum, etiamsi indefinite scriptum, accipiunt de filio emancipato, in cuius personam cadit, ut possit institui sub quavis conditione; ad filium-familias non pertinet: nam qui sub conditione inutiliter instituuntur, ut est filius, qui in potestate est, & si bonorum possessionem secundum tab. petere non possunt, ut diserte traditum est in *L. si deum, de bon. poss. secund. tab.* non tamen efficietur testamentum iure civili valere. Nam Prætor dat bonorum possessionem secundum tabulas, si septem testium signis signatæ sint, & sit aliquis testamento institutus, etiam si mero iure testamentum non valeat, *§. non tantum, Inst. quib. mod. test. infirmantur.* Itaque hætenus sententia prior manet de filio-familias instituto sub ea conditione, quæ in eius potestate est.

5 Quæritur est si an ab hac lege discendum sit constitutionibus Iustiniani? Bartolus quem alii certatim sequuntur postea, putavit ei iuri derogari, *L. quemadmodum in priorib. supr. de inoff. test.* ubi diserte Iustinianus usque ad legitimam filii removet conditionem institutioni filii adscriptam, neque distinguit de filio, aut conditione, ut videtur. Sed verba constitutionis aperte refragantur, ex quibus apparebit eos omnes, qui in hac sententia

sunt, valde esse hallucinatos. Nam primum constitutio nominatim loquitur de his filiis, qui ex iure veteri querelam inofficiosi movere poterunt. Hæc verba aperte non pertinent ad filium, qui est in potestate, quidem institutus est sub ea conditione, quæ in eius potestate non est; nam hic iure civili ab intestato heres suæ patri, ac proinde querelam movere non potuit. Nam quoties quis alio iure ad hereditatem pervenire potest, locus non est querelæ inofficiosi testamenti, *§. tam autem, Inst. de inoff. testam.*

Deinde in ea constitutione Iustinianus relicit non omnes conditiones, sed eas, quibus minuuntur filii iura. Item eas, quibus dilatio aut onus inducitur. In hoc numero non est conditio, quæ in potestate filii non est, si sub ea conditione a patre sit institutus. Hæc enim non imminuit filii ius: quia perinde est, quasi scripta non esset; & quia filius pro parte hereditaria, quam alioqui habere potuisset ex testamento, totam hereditatem obtinet ab intestato; nec tamen inducit etiam dilationem ac onus, postquam hac contempta statim adierit. Proinde dubitari non potest, quin ea constitutione nihil in iure veteri superiore innovetur, cum filio-familias institutus est a patre sub ea conditione, quæ in eius non est potestate. Sed moventur Bartolus & alii *L. scimus, §. cum autem, supr. eod. de inoff. test.* ubi proponitur extraneus aliquis heres institutus, & rogatus, cum morietur, restituere hereditatem filio testatoris. Hic hereditatem reliquit filio sub conditione: nihil enim interest utrum dicat testator, cum morietur heres, an si morietur, *L. si Titio, D. quando dies leg. ced. L. centesimis, §. pen. de verb. obs.* Eandem etiam conditionem manifestum est non esse in potestate filii & tamen Iustinianus eo loco interpretatur legem suam priorem, quomodo in prioribus constitutionibus, ut ea conditio non exspectetur usque ad legitimam filii, sed statim legitima portio repræsentetur. In reliqua autem parte hereditatis exspectetur mors heredis. Existimavit igitur Bartolus quod illic dicitur de fideicommissaria hereditate restituenda, id etiam probandum esse in institutione, in quo ab illo vehementer erratum est. Nam nullus sub ea conditione, quæ in eius potestate non est, institui nequit: quia lex vetat isti infirmi, vetat enim prateriri & ideo si sit institutus, institutio non valebit: quia contra legem facta est. At fideicommissaria filii relinqui potest quovis modo, idest, & pure & sub con-

conditio qualibet: quia lex non inbet fideicommissum relinqui filio, sed hoc relinquit in potestate testatoris; & ideo quocunque modo testator fideicommissum reliquerit, iure valebit, quia nihil hic contra legem fit, sive hoc modo, sive illo relinquitur. Male igitur quod de fideicommissum illic dicitur, transferitur ad institutionem. Hoc amplius, ut intelligamus eam legem nullo modo ob stare, nec ad hanc quaestionem pertinere, diligenter animadvertendum est, illic aut agi de filio emancipato, aut de filiofamil. exheredato; nam proponitur solus extraneus esse institutus, quod ex eo intelligitur, quia rogatur non partem hereditatis, sed totam hereditatem restituere, quod fieri non potuit, nisi esset ex aile institutus. Necessesse est igitur, si testamentum valere volumus in quo filius institutus non est, aut eum emancipatum esse, aut filiofamil. exheredatum; nam emancipatos non est necesse heredes instituire, aut exheredare, §. *emancipatos, Inst. de exher. liber.* Filiofamil. recte exheredantur. Quod si neque exheredantur, neque instituntur, testamentum nullum est, ac proinde nihil illic valet fideicommissum, *tit. Inst. de exher. lib. in pr. L. eam quam, infr. de fideicom.* Hoc si ita est, nihil constituto ad hanc quaestionem pertinet; nam non agimus de filiis emancipatis; non agimus etiam de filiofamil. qui sunt exheredati, sed qui sub conditione instituti sunt, quæ in eorum potestate non est. Quare manebit rata sententia hæc, etiam post constitutiones illas Iustiniani: si filiofamil. institutus sit sub conditione, quæ non est in potestate eius, nullum esse testamentum; proinde filium ab intestato patri statim heredem futurum.

- Videndum nunc est, quæ sit conditio in potestate filii, quæ non sit. Et eorum
 6 † conditionum quæ in filii potestate non sunt, sub quibus instituto filio testamentum nullum est, tria sunt genera. Aut enim conditio est impossibilis, aut possibilis, sed in eventum tota collata, aut ita collata in futurum & potestatem filii, ut tamen non possit statim incipere eam implere, aut non possit eam implere sine longinquo itinere, aut summo periculo.
 7 Filio † sub impossibili conditione instituto, singulari ius est, quod non reiciatur conditio, ut sic instituto propterea valeat, sed & instituto & testamentum nullius momenti est, sive conditio impossibilis sit natura, sive iure. Veluti, *filius meus beres esto, si calum digito attigerit, vel si ex hoc loco cras Lugdunum pervenerit.* Tom. IX.

rit, si ab uxore diverterit, aut si liberos non aluerit. Hic opponitur regula iuris, quæ efficitur in testamentis impossibiles conditiones vel institutioni vel legatis adscriptas, pro non adiectis haberi, & nihilominus legatum valere; *L. 3. de cond. & dem. §. impossib. Inst. de ber. inst. L. 1. L. conditiones, de cond. inst.* Intelligendum est: hoc dictum esse de cæterorum omnium institutionibus & legatis, in institutionibus filiofamil. locum non habere, differentiæ rationem esse hanc: quia in cæteris liberum est his aliquid relinquere, vel non; liberum etiam conditionem impossibilem adicere, ac proinde ea adiecta nihil nocere, quia in ea adicienda nihil fit contra legem. At filiorum præterito non est libera; sed videtur pater instituire, nisi velit exheredare. Proinde vetatur instituire sub conditione, quæ in filii potestate non sit; ideoque quancunque conditionem adiecerit, eiusmodi institutio non valebit, quia contra legem facta est; & generaliter constitutum est de his, quæ contra leges sunt, ea pro infectis haberi *L. non dubiam, C. de legib.*

Sub secundo † genere conditionis, quæ tota in casum confertur; nulla dubitatio est, quin instituto filiofamil. inutilis sit institutio, ac propterea testamentum: Veluti; *Filius beres esto, si navis ex Asia venerit.* Nam semper censuit hanc conditionem relictæ ex testamento. Sed etiam si † conditio collata erit in potestatem filii; tamen non videbitur omni ex parte in eius potestate esse, nisi statim possit incipere eam implere, quando velit; & ideo si sit is institutus sub conditione, *si in Alexandriam venerit*, nullum erit testamentum, si hyems ei obstat, quominus possit navigare, tamen si præterita hyeme, pervenire in Alexandriam possit, *L. 4. §. patto, D. de ber. inst.* Idem dicendum est, si statim possit incipere conditionem implere, sed res longum iter desideret, & impleri non possit sine periculo. Veluti, si sit institutus filius sub hac conditione, *si in patriam Mauritaniam rediret*, cum longe abesset, quod est exemplum *b. L. 4. vel, si Titio 10. dederit*, cum Titius peregra profectus esset, quod est exemplum in *L. 4. §. patto, de ber. inst.* Ex his intelligi potest, † conditionem in potestate filii eam esse, quam filius non aliquo tempore implere potest, sed quam statim incipere implere potest, nulla causa impediende, quo minus possit, & quam eandem sine molestia longinqui itineris & sine metu periculi

culi implere potest, L. 4. §. *puto*, de *hered. inst.*

- 11 Quod dicitur † filium non posse institui sub ea conditione, quæ in eius potestate non est, non est perpetuum, sed hæc exceptionem habet, nisi sub contrariâ conditione, seu in defectum conditionis sit exheredatus, ut hoc rescripto cautum est, & L. *iam dubitarij*, de *hered. inst.* Quod ideo recipitur, quia cessat hic periculum præteritionis, propter quod superior institutio rejiciebatur; ut puta si filius institutus est, si navis ex *Asia venerit*, quod si navis non venerit, exheres esse iussus est. In hac specie si conditio exiit, institutus est, si deficit, exheredatus est, & ita neutro tempore præteritus est; quia utroque aut institutus, aut exheredatus est. Non obstat, quod dicitur, filium pure exheredatum esse, L. 3. §. *pure*, de *lib. & postum.* Hoc enim semper cum hac exceptione accipiendum est, alii sub contraria conditione sit institutus, ut hoc loco & similibus cavetur. Non obstat etiam; quod dicitur, filios certo iudicio ab herede removeri debere, L. *sed sub cond. D. de bon. poss. contr. tabul.* Nihil enim vetat, quo minus pater iustas causas exheredationis habeat, propter quas certo iudicio exheredet filium; & tamen placeat patri filium sub conditione exheredare; in qua conditione etiam certum patris iudicium intelligitur, cum filium heredem sub contraria conditione instituit; tunc enim filium ab hereditate non removel.

- Expendenda autem sunt verba definitionis hoc loco positæ, quam supra exposuimus. Verba enim concepta sunt de filio, qui est in potestate patris. Utrumque recte, & consulto. De filio definitio 123 concepta est; quia alia † causa est nepotum, & deinceps cæterorum liberorum; de iis scriptum est in L. 6. §. 1. *D. de hered. inst.* hos institui posse sub quavis conditione, aliter atque filii, qui sunt in potestate. Et animadvertendum diligenter, illic agi de nepotibus, qui sunt in potestate avi, sic enim verba sunt: *Nepotes autem & deinceps cæteri, qui instituti non rumpunt testamentum.* Quæ verba notant eos nepotes, qui ita demum non rumpunt, si sint instituti, id est, qui institui debeant, aut exheredari; alias rumpunt. Hi autem soli id faciunt, qui in potestate sunt avi, & qui filiis sublati in parentum suorum locum successerunt quasi

agnascendo, ut res explicatur in §. *postumorum*, *Inst. de exhered. lib.* §. L. 6. §. *fin autem*, de *inst. rupt.* Tamen aheli autem, ut repugnent illa verba, quæ sequuntur in d. L. 6. §. 1. de *hered. inst.* *licet redigantur nepotes ad filii conditionem*, ut maxime hæc ipsa verba superiorem sententiam confirmant. Nam sic nepotes rediguntur ad filifamilias conditionem, ut sicut filius, ita & ipsi institui, aut exheredari debeant.

Quid sibi igitur vult, quod Ulpianus ait, *licet nepotes redigantur ad filii conditionem*, si nepotes aliter institui possunt, quam filii? Respondeo: ex verbis præcedentibus apparet, Ulpianum hoc sentire, licet cæteris in rebus, quam in conditione, redigantur nepotes ad filii conditionem; id, ut dixi, ex præcedentibus liquet, quia prius Ulpianus conditionem excepit. Sed hic rursum occurritur: nam si nepotes sub conditione instituantur, deficiente conditione instituti non sunt. Nos autem illis non institutis, aut non exheredatis, dicimus æque nullius esse testamentum momentum, ac si filius esset præteritus, d. *tit. de exher. lib. Inst.* Respondeo, & hoc veritimum est, si certum esse cœperit conditionem, sub qua nepotes instituti sunt, defecisse; sed priusquam defecerit, expectandum est, utrum existat, an deficiat conditio. Nam fieri potest, ut existat, qua existente nepotes recte institui reperiuntur. Et in hac re consistit discrimen inter nepotes & filium, qui sunt in potestate, quavis omnes sub eadem conditione casuali instituti sint. Nam in nepotibus expectamus eventum rei, in filiis non spectamus eventum, sed quod evenire potest. Potest autem accidere natura, ut conditio casualis deficiat: ob hæc causam ex eo, quod evenire potest, placet filium in omnem eventum institutum non videri, ac proinde præteritum. Sed cur non idem dicimus in nepotibus? Respond. quia plus in hac re tributum est filiis, quam nepotibus, ut olim ius fuisse certum est ex d. *tit. de exher. lib. in princ.* in illis verbis: *sed non ita.* Quod ius in conditione mutatum non est. Præterea definitio huius loci concepta est de filio, qui est in potestate. Recte hoc quoque quia emancipatos iure civili heredes institue-re, aut exheredare necesse est, §. *emancipatos*, *Inst. de exher. lib.*

Ad L. Reprehendenda. 5.

Impp. Valerian. & Gallien. Maximo.

Reprehendenda tu magis es, quam mater tua. Illa enim si heredem se sibi esse velles: id quod est inutile, matrimonium te dirimere cum viro non iuberet. Tu porro voluntatem eius divortio comprobasti. Oportuerat autem, etsi conditio huiusmodi admitteretur, præferre lucro concordiam maritalem: enimvero cum boni mores hæc observari velent: sine ullo damno coniunctionem retinere potuisti. Redi igitur ad maritum, sciens hereditatem matris, etiam si redieris, retenturam: quippe quam retineres, licet prorsus ab eo non recessisses. P. P. XII. Kal. Decemb. Valeriano IV. & Gallieno III. AA. Coff.

S U M M A R I A.

- | | |
|--|---|
| <p>1. <i>Conditiones turpes, & quæ contra bonos mores, item contra leges sunt, in testamento adiectæ, pro non scriptis habentur, & cur.</i></p> <p>2. <i>Exemplo hoc declaratur, & simul le-</i></p> | <p><i>gis sensus, & multiplex ratio illustratur.</i></p> <p>3. <i>Verba hæc, non iuberet, quomodo intelligenda.</i></p> <p>4. <i>Lectionis emendatio.</i></p> |
|--|---|

1. **C**onditiones † turpes, & quæ contra bonos mores sunt, item contra leges, si in testamento adiciantur institutioni, aut legato, pro non scriptis habentur, *L. conditiones 3. D. de cond. inst.* Hoc ideo, quia sunt impossibiles; quæ enim factæ iadunt pietatem, æstimationem, verecundiam nostram, ea nec facere nos posse credendum est: ratio & sententia Papiniani est in *L. si filius, D. de cond. inst.* Huius † generis conditio est, *si uxor a marito diverterit*. Nam si secundum naturam est matrimonium, sen viri & mulieris coniunctio individuum vitæ consuetudinem retinens: §. *nuptiæ, Inst. de pat. pot.* est contra ius naturæ, ac proinde contra bonos mores a marito sine causa divertere, eaque lex naturæ valuit inter Nationes semper. In populo autem Dei scimus hoc Dei præceptum esse, ne id fiat. Proinde si mulier a matre sub hac conditione instituta erit, nihilominus filia heres futura est, sive omnino non diverterit a marito, sive aliquando diverterit, & deinde ad maritum redierit, ut hic cautum est.

Quid si diverterendo conditioni parnerit? Resp. Erit etiam hoc casu heres, sed ita, ut sic magis reprehendenda sit, quam si conditioni non parauisset. Itaque cum filia in specie, divortio facto, consuleret

Tom. IX.

Imperatoris an rediens ad maritum posset obtinere hereditatem, increpatur ab Imperatoribus quod conditioni parauisset. Illa excusabat, quod diceret matrem fuisse in culpa, quæ talem conditionem induxisset, ex qua omne responsum huius rescripti sumptum est. Mater reprehendenda est, quod non debuit te sub conditione turpi & incivili instituere, sed tamen, tu magis es reprehendenda. Quid, quod mater verbis tantum iussit, tu tuo facto comprobasti; divertisti enim a marito, in quo duplex tuum peccatum est: nam etiam si conditio superior admitteretur iure, id est, etiam si heres matri esse non potuisses, nisi conditioni parauisses; tamen oportebat re lucro præferre concordiam maritalem, id est, hereditatem repudiare potius, quam hanc turpitudinem in te admittere, ut a marito diverteret. Sed crevit in eo peccatum, quod nulla necessitas fuit parendi conditioni. Nam hac conditio est contra bonos mores, quæ neglecta, etiam hereditatem potuisses obtinere. Redi igitur, inquirunt, ad maritum, sciens fore, ut nihilominus hereditatem matris obtineas.

In hoc rescripto verba, quæ sunt in principio, animadvertenda sunt. Ajunt Imperatores: si mater te heredem sibi esse vellet, non te a marito divertere iuberet.

ret. Queritur, quomodo id dicant Imperatores, cum appareat contra, matrem voluisse filiam sibi heredem esse, & præterea iussisse, ut a marito diverteret. Respondeo, hæc verba, † *Non iubeas*, potentiali modo dicta sunt, pro non debere iubere, sive non debuisset, ut sit sensus: si mater te sibi heredem esse vellet, ut voluit, non debebat iubere, ut a marito diverteret; non enim debuit tibi hanc turpitudinem iniungere, & rationem red-

dant Imperatores; quia hoc *inutile* est; sic † enim vulgaris est lectio & in omnibus libris recepta. Sed sententia loci necessario flagitat, ut legamus *incivile*, hac ratione; quia non est peccatum a matre, ideo quia iussit, quod est iure impossibile, id est, quod turpe est & contra bonos mores, ut incivile usurpatur plerumque apud iuris auctores, *L. si modicus, D. de extraordin. cognit. l. ubi, §. pen. & ult. D. quod met. caus.*

Ad L. Generaliter. 6.

Imp. Iustinianus A. ad Senatum.

Generaliter sancimus, si quis ita verba sua composuerit, ut edicat: si filius, vel filia intestatus, vel intestata, vel sine liberis, aut sine testamento, vel sine nuptiis decesserit: & ipse vel ipsa liberos sustulerit, sive nuptias contraxerit, sive testamentum fecerit, firmiter res possideri, & non esse locum substitutioni eorum, vel restitutioni. Si enim nihil ex his fuerit subsequutum: tunc valere conditionem, & res secundum verba testamenti restitui, ut incertus successionis morientis exitus videatur certo substitutionis vel restitutionis fine concludi. Cui enim ferendus est intellectus, si forsitan testamentum quidem non fecerit, posteritatem autem habuerit: propter huiusmodi verborum angustias liberos eius omni pene fructu paterno defraudari? Viam itaque impiam obstruentes, ut ne quis alius debeat, huiusmodi facimus sanctionem: & hanc legem in perpetuum valituram inducimus, tam patribus quam liberis gratiam: quo exemplo etiam aliis personis, licet extraneis sint, de quibus huiusmodi aliquid scriptum fuerit, medemur.

S U M M A R I A.

1. *Conditionibus pluribus institutioni, aut legato adiectis, an omnes impleri oporteat.*

2. *Species huius legis, & Iustiniani in ea constitutio.*

3. *Ratio huius constitutionis.*

4. *Duo huius loci consellaria.*

Conditionem possibilem implendam esse diximus initio huius tit. & confirmatur in *L. 1. §. 2. sup.* Ex hoc expeditum est, si una conditio institutioni, aut legato adiecta est. Quid † si plures sint adscriptæ, an omnes impleri oportet? De eo hæc est distinctio, si conjunctive adscriptæ sint, omnes existere oportet, si distinctivæ, sufficit unam aliquam existisse, *L. §. de cond. instit. L. penult. de ber. instit. L. si ita 129. de verb. obl.* Hoc ius in pluribus conditionibus conjunctim adscriptis perpetuum est: in pluribus autem conditionibus distinctivæ adscriptis, non item, *L. nam hic interdum,*

D. de ber. instit. In quo genere est exceptio huius loci, ubi institutus sub conditione, si sine liberis decesserit, & præterea alios conditiones fideicommissio adiecit. Nam etiam si adiecerit has omnes conditiones distinctim, Iustinianus constituit non esse locum institutioni, nisi omnes conditiones existiterint.

Ex Iustinianus † hanc speciem proponit: 2. *Filius meus heres esto; Si intestatus decesserit, cum decesserit sine liberis, vel sine nuptiis, hereditatem restitui L. Titie.* Secundum verba locus esse debebat fideicommissio, etiam si solum filius intestatus decessisset, quanvis suscepisset liberos,

aut

aut nuptias contraxisset: itemque de quavis alia conditione, quam ex infra scriptis existeret, dicendum etiam erat. Nunc autem Iustinianus constituit, non aliter fideicommissum deberi, quam si coniunctum hæc omnia concurrant, ut filius & sine testamento, & sine nuptiis, & sine liberis decedat: ita ut si eorum aliquid ex his desit, non sit locus fideicommissi restitutioni, & hæc est summa constitutionis Iustiniani.

De hac parte autem Iustinianus hanc habuit rationem: quod etiamsi ceteræ omnes conditiones adscriptæ existerent; tamen pater semper voluit, hanc conditionem coniungi, si sine liberis decesserit. Nam si filius liberos suscepit, voluntas patris est, ut hereditas potius ad eius liberos pertineat, de quo dicitur in §. seq. Quod si testator in hac conditione, si filius sine liberis decesserit, voluit peti-

tendum, aut pro coniunctione eam accipi, non potest exilimari aliter eam particulam accepisse in aliis conditionibus.

Ex quo colligimus duo, si testator filium rogaverit post mortem suam, hereditatem restituere pluribus conditionibus disiunctim adscriptis, inter quas non esset illa conditio, si sine liberis decessisset, semper secundum regulam iuris omnes iuris conditiones pro disiunctis accipiendas esse, ut quæcunque ex his existerit, sit locus restitutioni. Alterum colligimus, si testator extraneum instituerit heredem, & rogavit eum hereditatem alii restituere, sub iisdem conditionibus, si heres intestatus decesserit, vel sine liberis, aut nuptiis decesserit: has quoque conditiones pro distinctis habendas esse, quia cessat coniectura voluntatis in extraneo, propter quam coniunctio conditionum admittitur.

Ad §. ult.

Cum autem invenimus excelsi ingenii Papinianum in huiusmodi casu, in quo pater filius suis substituit, nulla liberarum ex his procreandorum adiectione habita, optimo intellectu disposuisse, evanescere substitutionem, si is, qui substitutione pregravatus est, pater efficiatur, & liberos susceperit, intelligentem non esse verisimile patrem, si de nepotibus cogitaverit, talem fecisse substitutionem; humanitatem intuitu hoc & latius & pinguius interpretandum esse credidimus, [ut] & si quis naturales filios habeat, & partem eis reliquerit vel dederit usque ad modum quem nos statuimus, & substitutioni eos subiungaverit, nulla liberorum eorum mentione facta: & hic intelligi evanescere substitutionem, liberis eam excludentibus, & intellectu optimo his qui ad substitutionem vocantur, obistente, & non concedente ad eos eam partem, venire, sed ad filios, vel filias, nepotes vel neptes, pronepotes vel proneptes morientis transmittente, & non aliter substitutione locum accipiente, nisi ipsi liberi sine iusta sobole decesserint: ut quod inter iustos liberos sancitum est, hoc & in naturales filios extendatur. Quæ omnia & in legatis & fideicommissis specialibus locum habere sancimus. Dat. XI. Kal. August. Constantinop. Lampadio & Oreste. VV. CC. Coss.

S U M M A R I A.

1. Pater filio heredi instituto substituens, aut simpliciter iubens hereditatem post mortem restituere, semper intelligitur id sub hac secisse conditione: Si filius sine li-

beris decesserit, ac proinde liberis susceptis, nec substitutioni, nec restitutioni locus est.

2. Duplex Iustiniani constitutio circa hanc materiam.

1. Cum pater filio heredi instituto substituit aliquem, si heres filius non erit, aut filium iubet hereditatem post

mortem restituere, etsi verbis nullam conditionem adiecit, tamen intelligitur hæc conditio, si filius sine liberis decesserit. Pro-

Proinde liberis ab eo susceptis nunquam restitutioni, neque substitutioni locus erit. Hoc verum est responsum Papiniani quod exstat in *L. cum avus, de cond. & dem.* Confirmatur a Iustiniano in *L. cum acutissimi, inf. de fideicom.*

Hoc idem † responsum confirmans Iustinianus hoc loco duo circa id constituit: primo id produci ad filium naturalem. Constat filium naturalem a patre institui heredem posse ex his partibus, de quibus cautum est in *L. humanitatis, & Auth. licet, seq. supr. de nat. lib.* Hoc modo institutus filius naturalis si rogetur hereditatem simpliciter restituere; tamen liberis susceptis non erit fideicommissio locus, non magis, quam si filius legitimus fuisset, qui rogatus est.

Alterum Iustinianus constituit hic, liberis a filio susceptis excludi substitutionem, aut fideicommissarium, si liberi legitimi sint, idest, iustis nuptiis procreati, quibus verbis filii naturales excluduntur. Cui parti significatio verborum repugnare videtur; nam & multi loci sunt, quibus declaratur nominatim in hac conditione, si heres, aut legatarius sine liberis decesserit, omnes, liberorum appellatione contineri; proinde etiam naturalibus susceptis, deficere fideicommissum, *L. Lucius, §. tamen, L. cum pater, §. volo, de leg. 2. L. heredis, §. ult. ad Treb.*

Dicendum est aliam esse interpretationem huius conditionis, si heres sine liberis decesserit, cum conditio a testatore adiecta est; aliam, in specie proposita. Nam cum agitur de conditione a testatore adscripta, & quaeritur, quid in ea senserit

testator, sequimur verbi significationem, nisi manifestum sit testatorem aliud sensisse, *L. non aliter, in princ. de L. 3.* Liberos autem appellatione significantur non tantum legitimi, sed etiam naturales, *d. L. pen. de L. 2.* Proinde & naturales quoque ex voluntate testatoris hic intelligimus, ut consequens sit his susceptis fideicommissum defecisse: & hoc ita, nisi ex dignitate & consuetudine testatoris appareat testatorem averfarum esse omnes inhonestas consuetudines, & eos solos pro liberis habuisse, qui iusti essent, quo referri oportet sententiam Ulpiani in *L. ex pacto, §. si quis rogatus, D. ad Treb.*

At in specie proposita, cum filius simpliciter rogatus est restituere hereditatem; ubi hæc conditio, si sine liberis decesserit, intelligitur ex mente legis & eorum, qui hanc conditionem intelligi voluerunt, non possumus intelligere filios naturales: quia in his ratio intelligendæ eius conditionis deficit. Nam cur hæc conditio intelligatur, hæc ratio fuit; quia non est verisimile testatorem voluisse alienas successiones propriis antepone, quæ ratio expresse est in *d. L. cum acutissimi, inf. de fideicom.*

Hæc autem ratio ad legitimos tantum filios pertinet, ad naturales non pertinet, quia soli legitimi filii perveniunt ad successionem patris & avi, naturales nullo modo perveniunt ab intestato, *d. Auth. licet, sup. de nat. lib.* Dantur quidem naturalibus liberis duæ unciæ patre intestato mortuo, sed non velut heredibus, verum ut inde alantur, ut ibidem scriptum est.



*Ad L. Si quis heredem 7.**Imp. Iustinianus A. Ioanni præfecto prætorio.*

Si quis heredem scripserit sub tali conditione, si ille consul factus fuerit, vel prætor: vel ita; filiam suam instituerit heredem, si nupta fuerit: vivo autem testatore vel ille consul processerit, vel prætor fuerit factus, vel filia eius nupta fuerit, vel adhuc vivo testatore consulatum quidem, vel præturam ille deposuerit, filia autem eius a marito diverterit: omni veterum dubitatione explosa, sancimus, quandocunque impleta fuerit conditio, sive vivo eo, sive mortis tempore, sive post mortem, conditionem videri esse completam. Quod & in legatis & fideicommissis & libertatibus obtinendum esse censuimus: ne dum nimia utimur circa huiusmodi sensus subtilitate, iudicia testamentorum defraudentur. Dat. IX. Kal. August. Constantinop. post Consulatum Lampadii & Orestis VV, CC.

S U M M A R I A.

1. *Conditiones in eventum collatæ, quandocunque extiterint, pro impletis habentur.*
2. *In conditionibus in potestatem heredis collatis, quid advertendum.*
3. *Conditiones potestativæ, quæ promissæ, seu quovis tempore impleri possunt, non nisi post mortem testatoris recte impleri possunt.*
4. *Conditio, quæ quovis tempore natura impleri non potest, eiusmodi est, ut recte & vivo testatore impleatur.*
5. *Ratio cur conditionum genera hic distinguantur.*
6. *Particula distinctiva, vel, in hac constitutione pro conjunctiva accipienda est.*

HOC loco attingitur, quod dictum ad L. 2. *sup.* Exi in exemplis conditionum, quæ hic proponuntur, dicatur, eas & vivo testatore impleri posse & mortuo; non tamen sic accipiendum est, quasi ad omnes conditiones pertineat; nam quædam non nisi post mortem testatoris impleri possunt, L. 2. *de cond. & demonstr.* Ut igitur de re liquet, quando conditiones impleri possint, videndum est, utrum conditio in eventum collata sit, an in potestatem heredis, vel legatarii. Quæ tamen in eventum collatæ sunt, quandocunque extiterint, pro impletis habentur, ut nihil interit testatorem vivum, an mortuum esse, L. 2. *in pr. de cond. & demonstr.* quod confirmatur & hac constitutione.

Non exigimus in his, ut sciat heres eas conditiones certe esse adscriptas, aut ut velit eas impleri esse; quoniam nihil in his in voluntatem heredis collatum, sed totum pendet ex eventu, proinde & solum eventum hic spectare debemus. Quod

ita sit, veluti si 10. *dederit, vel si in Capitolium ascenderit, si Scia Titio nupserit*: refert utrum conditio per rerum naturam promissæ, id est, indifferenter quovis tempore impleri possit, an vero non. Quovis tempore promissæ impleri possunt naturaliter hæc, si 10. *dederit, si Capitolium ascenderit*. Nam qui vivo testatore dedit & ascendit, idem si vivit & valet, potest dare & ascendere mortuo testatore.

Huius tamen generis conditiones placet non nisi post mortem testatoris impleri posse, & ideo non videri implevisse eum, qui vivo testatore dedit, aut ascendit, L. 2. *infr. de cond. & demonstr. L. si iam facta 11. §. ult. D. de cond. & demonstr.* Quod præter significationem verborum receptum est a veteribus, ex sententia testatoris, idque colligitur hac ratione. Nam cum testator contulit conditionem in potestatem heredis, simul contulit in eius voluntatem, ut vellet conditioni parere. Non obtemperat autem conditioni, qui

qui casu & fato facit, quod erat in conditione; sed is solum, qui iudicio facit, & eo animo, ut conditioni pareat, *dist. L. 2.* Non potest autem iudicio obtemperare conditioni, nisi qui scit conditionem esse testamento insertam, & insertam certo & utiliter. In intum enim, quæ animi destinatione agenda sunt, non nisi vera & certa scientia perfici possunt, *L. in totum, de reg. iur.* Et hæcenus progreditur ratio *d. L. 2. in fin. de cond. & demonstr.* Adiciendum autem est non intelligi hereditatem, sive conditionem certo insertam vivo adhuc testatore, quantumvis interfuerit, cum testator nuncuparet testamentum, aut cum testamentum scriptum, curaret recitandum; nam testator voluntatem mutare potest, ut ambulatoria est suprema voluntas, usque ad ultimum vitæ spiritum, *L. 4. de adm. leg.* Quo fit, ut tunc solum intelligatur testamentum esse, & in testamento aliquid certo scriptum, cum testator decessit. Ex quibus efficitur, quod est propositum, conditiones propositas, in quibus implendis destinationem exigimus, non nisi post mortem testatoris impleri posse. Quod si conditionis quovis tempore natura impleri non potest, eiusmodi est, ut recte & testatore vivo impleatur, qualis est hæc conditio: *Titia si Sempronio nupserit*, hæc quovis nubar vivo testatore; tamen conditio pro impleta habetur, *L. hæc conditio. 10. L. 21. §. ult. L. conditionum, 91. de cond. & dem.* Id quod hæc constitutione item confirmatur.

5 Sed cum hæc conditio conferatur in potestatem Seia, non minus, quam illa, *si 10. dederit*, cur hæc genera distinguimus? Respondeo; quia si conditio commode quovis tempore impleri potest secundum naturam, hæc voluntas est testa-

toris, ut impleat post mortem tantum eius: quia hæc voluntas eius esse intelligitur, ut heres ei conditioni omnino obtemperet, quod fieri non potest, nisi post mortem testatoris, ut dictum. At cum conditio non potest semper impleri, sed ut plurimum semel tantum: hic rursus animus testatoris esse intelligitur, ut impleatur conditio, cum potest, quoniam vult eam impleri; non potest autem impleri, nisi per opportunitatem & occasionem naturæ. Talis est conditio hæc, *si Seia nupserit*. Nam si expectamus mortem testatoris, ut nubar Seia, fieri potest, ut non nubar, vel quia Sempronius decedat, vel quia interim ducat aliam.

Atque hæc eadem in veteri iure fuerant; unde queri potest, quid opus fuerit hac constitutione? Animadvertendum est non tantum hanc constitutionem pertinere ad confirmationem superioris iuris, sed præcipue ad hæc particula adiciatur tunc veteri, nempe in his conditionibus, quæ vivo testatore impleri possunt, probandum esse ita eas conditiones tunc impletas vere pro impletis haberi, ut nihil referat, utrum implectum non perseveret. Proinde ex his conditionibus, *si Titius consul factus fuerit: si factus fuerit prætor: si Titio Seia nupserit*: intelliguntur existisse conditiones, cum ille consul factus fuerit, aut prætor vivo testatore, aut Seia vivo testatore nupserit, & adhuc testatore vivo, vel ille consulatus, aut prætoratus deposuerit, aut hæc impleta esse desierit. Ex ideo in istis illis verbis, quæ leguntur in hac constitutione: *vel adhuc vivo testatore*, distinctiva particula, *vel*, pro coniunctiva accipienda est, ut alias sæpe in usu iuris, *L. sæpe, D. de verb. sign.*



Ad L. penult. Si testamentum.

Imp. Iustinianus. A. Ioanni prefecto pratorio.

Si testamentum ita scriptum inveniat: ille heres esto secundum conditiones infra scriptas: siquidem nihil est adiectum, neque aliqua conditio in testamento posita est, supervacuum esse conditionum pollicitationum sancimus, & testamentum puram habere institutionem. Et argumento utimur, quod Papinianus respondit: vicos Reipublice relictos, qui proprios fines habebant, non ideo ex fideicommissis minus deberi, quod testator fines eorum & certaminis formam, quod celebrari singulis annis voluit, alia scriptura se declaraturum promisit, ac postea morte præventus non fecit. Sin autem conditiones quasdam in quavis parte testamenti posuit: tunc videri ab initio conditionalem esse institutionem, & sic omnia compleri, tanquam si testator ipsas institutiones iisdem conditionibus copulasset, quæ infra conscriptæ sunt. Datum VII. Kalend. Augusti. Constantinop. post consulatum Lampadii & Orestis VV. CC.

S U M M A R I A.

1. *Institutio hæc, Titius heres esto secundum conditiones infra scriptas, conditionibus nullis adscriptis, valet & pura est: conditione po-*

stea adiecta, conditionalis habetur, & num. 3.

2. *Obiectiones, quæ contra adferri poterant, refelluntur.*

¹ **H**ÆC Institutio, † *Titius heres esto, secundum conditiones infra scriptas*, etiam nullis conditionibus adscriptis valet, & qui institutus est heres, erit quasi pure institutus. In † hanc tamen sententiam hæc dicuntur. Primum non valet institutio, eoque nec testamentum, ubi institutio imperfecta est, idest, ubi institutioni testator aliquid adicere voluit, nec adiecit, *L. si is, qui testam. D. qui testam. fac. poss.* In institutione autem hic proposita, testator conditionem adicere voluit, nec adiecit, proinde imperfecta institutio, eoque testamentum. Resp. falsum est testatorem in hæc institutione voluisse conditionem adicere; imo quia non adiecit, ideo certe colligitur, eum adicere noluisse. Noluit igitur. Cur ergo conditionem facit mentionem in institutione? Respondeo; quia constituerat deliberare, an postea conditionem adiceret, nec ne; cum non adiecerit, apparet propositum prius omisisse.

Deinde obicitur, *L. quoties, §. tantundem, D. de hered. Instit.* ubi ita scribitur, si testator conditionem adicere destinans, non adiecerit, heredem pro non

Tom. IX.

instituto haberi, quæ sententia Marcelli est, *quam nominatim pollice probat Ulpianus. Respond. Nihil est verius hac sententia; si modo testator conditionem adicere destinavit, ut illie scriptum est, sed prius constare oportet, illum hoc voluisse, ut diserte scribitur in *d. L. si is, qui test. D. qui testam. fac. poss.* Nos autem hic dicimus ex his verbis: *secundum conditiones infra scriptas*, non colligi testatorem omnimodo conditionem adicere, quam non adiecit, voluisse. Postremo dici potest institutionem propositam ideo nullius esse momenti; quia sit sub conditione, quæ conditio defecerit. Nam hæc verba, *secundum conditiones infra scriptas*, hoc significant, secundum conditiones, quas infra scribam. Hæc autem oratio, *quas infra scribam*, conditionem habet, *L. 6. de leg. 1.* Respondeo: non ideo recte colligitur hanc institutionem conditionalem esse. Nam hæc conditio, *si conditiones infra scribam*, non adicitur institutioni, sed conditioni adicitur. Hoc dicere intelligit testator: *Titius heres mihi esto, sub conditione, sed hac lege, si conditionem infra scribam*, unde

N

colligi-

colligitur si conditionem infra non scribam, heres esto sine conditione. Nam quoties aliquid fieri iubetur sub conditione, sub contraria conditione non iuberi intelligitur, *L. quib. diebus, §. quidam Titio, de condit. & demonstr.* Quæ ratio evidenter sufficiebat, ut probaretur nullis conditionibus infra adscriptis institutionem propositam puram esse, non conditionalem.

Maluit tamen Tribonianus ad hanc institutionem confirmandam uti responso & argumento Papiniani, quod subiicit, quod totidem verbis exiit in *L. cum pater, §. ult. de L. 2. cum testator vicos legavit, & adiecit, se fines vicorum postea monstraturum*. Nam etiam his finibus non demonstratis, placet vicos deberi. Sed verendum est, ne non hæc institutio posita cum legato illo recte comparetur. Nam hæc oratio, *quos fines postea demonstrabo*, nullam habet conditionem, sed tantum demonstrationem. Hæc autem verba *Secundum conditiones infra scriptas*, conditionem quam dixi, continent. Itaque tutius erit hanc institutionem superiori ratione defendere.

3 Ut autem in hac institutione, si conditio nulla infra scripta est, valet institutio, & pura est: Ita quacunque parte testamenti postea conditio adscripta est, institutio habetur conditionalis non secus, quam si in ipsa institutione conditio expressa & adiecta esset. Ut puta testator in principio testamenti sic scribit: *Titius mihi heres esto secundum conditiones infra scriptas*; Deinde in extremo dixit: *Conditionem, de qua initio dixi, hanc*

esse volo, si navis ex Asia, &c. Deimus institutionem Titii perinde accipiendam, quasi testator initio dixisset ita coniunctim: *Titius heres esto, si navis ex Asia venerit*. Ad quod constituendum vitum est opus fuisse hac constitutione; quia dici potest: institutionem hoc modo scriptam puram esse, non conditionalem, ut dixi. Nam in principio institutio conditionem non habuit, in extremo conditio adiecta est, sed nulla institutio: quo fit, ut neutra parte videatur conditionalis esse institutio.

Sed hæc recte dicuntur, cum institutio & conditio separantur, cum autem coniunguntur, necesse est institutionem conditionalem videri. Constituit autem Iustinianus hæc coniungi oportere, quasi eodem loco scripta essent, quod non constituit ea ratione, quæ redditur ab Accursio, quia quæ in continenti sunt, ea inesse intelliguntur. Nam si testator ita scripserit: *Titius heres esto secundum conditiones, quas codicillis adscribam*: Deinde initio post tempore conditionem adscribar, videbitur a principio fuisse conditionalis institutio testamento adscripta, *L. affe de her. inst.* Sed hæc ratio est, quod in qua parte aliquid demonstratur ex eo, quod postea eventurum est, quandocunque evenierit, iam in principio expressum fuisse, in ea parte videri. Puta testator in testamento scripsit: *Is mihi heres esto, quem codicillis scribam*: His verbis statim Titius heres institutus & demonstratus intelligitur, quandocunque etiam in codicillis postea scribar. *d. L. affe, de hered. inst.*



Ad L. ult.

Imp. Iustinian. A. Ioanni PP.

Cum quidam pregnantem habens coniugem, scripsit heredem ipsam quidem suam uxorem ex parte, ventrem vero ex alia parte, & adiecit: si non postumus natus fuerit, alium sibi heredem esse: postumus autem natus impubes decessit: dubitabatur, quid iuris sit, tam Ulpiano, quam Papiniano viris disertissimis voluntatis esse questionem scribenibus, cum opinabatur Papinianus eundem testatorem voluisse postumo nato, & impubere defuncto matrem magis ad eius venire successionem quam substitutum; si enim suae substantiae partem uxori dereliquit; multo magis & lucuosam hereditatem ad matrem venire curavit. Nos itaque in hac specie Papiniani dubitationem rescantes, substitutionem quidem in huiusmodi casu, ubi postumus natus adhuc impubes viva matre decesserit, respondendam esse censuimus. Tunc autem tantummodo substitutionem admittimus, cum postumus minime editus fuerit, vel post eius partum mater prior decesserit. Dat. III. Kalend. August. Constantinop. post Consulatum Lampadii & Orestis VV. CC.

S U M M A R I A.

1. Quoties pater filio impuberi in alterum casum substituit, simul in utrumque substituisse videtur.

2. Species huius legis plenius declaratur, & quid iuris in ea sit, deciditur.

Cum pater filio impuberi substituit Titium in hunc casum, *Si filius postumus natus non erit*, id est, si filius heres non erit, quavis filius nascatur & heres exstillet patri: si deinde intra pubertatem decedat, pure & vulgariter institutus nihilominus admittetur ex constitutione D. Marcelli, qua efficitur, quoties pater filio impuberi in alterum casum substituit, simul in utrumque casum substituisse videtur, siue filius heres fuerit, siue non, & intra pubertatem decesserit, *L. iam hoc iure 4. de vulg. & pupil.* de qua constitutione dicitur suo loco tit. sequenti. Hinc dubitatio orta veteribus in 7 specie proposita: testator, qui uxorem pregnantem habebat, uxorem heredem instituit ex parte, ventrem, id est, qui in utero est, filium, instituit in reliqua parte. Huic filio Titium in hunc casum substituit, id est, in hac conditione, *Si postumus natus non esset*, id est, heres omnino non esset; nam non potest heres esse, qui omnino non est in rerum natura. Deinde postumus natus est, & iure ipso patri heres exstilit, ac deinde intra pubertatem decessit. De eius hereditate quaeritur inter matrem & substitutum, substituto ex substitutione hereditatem tibi vendicante: matre autem tibi vendicante legitimam filii ex Senatusconsulto Trebelliano.

Tom. IX.

Questio in eo est, utrum substitutus in hunc casum substitutus sit, si impubes heres erit, & intra pubertatis tempus decesserit. Nam si est substitutus; iure admittetur: quoniam pater filio in hunc casum potest substituere; si mater excluderetur: nam quamdiu ex testamento hereditas adiri potest, tamdiu ab intestato legitimis non defertur, *L. quamdiu, de acquir. hered.* Rursum si Titius in hunc casum alterum substitutus non est, impubes decessit intestatus. Intestatorum liberorum hereditas ad matrem pertinet, ubi neque est pater, neque descendens, *Iustis. de Senatusconsulto Orphis.* Hic si superiorem regulam constitutionis sequimur, Titius in unum casum substitutus, etiam in utrumque casum substitutus intelligitur, eoque admittetur exclusa matre.

Sed hac sententia non placuit: visum est Papiniano & Ulpiano, matrem potius in proposito admitti debere, si modo heres esset instituta cum filio: sed hac dubitante dicebant, Iustinianos hac duo efficit: Primum, eorum dubitationem subtulit, & sententiam certam effecit. Alterum, admisit matrem excludere substitutum adversus tacitam pupillarem, siue heres instituta esset, siue non. Ut vero obitet constitutio superior, & quamobrem placuerit hunc casum excipi, dicitur suo loco ad *l. precib. in seq. tit.* N 2 AD TITU-

A D T I T U L U M XXVI.

C O D. D E I M P U B E R U M,

E T A L I I S S U B S T I T U T I O N I B U S.

S U M M A R I A.

1. Ratio ordinis & tractandi modus.
2. Substituere quid proprie significet, & quomodo hoc loco accipiatum. num. 3.
4. Fideicommissarius heres proprie substitutus non est & num. 29.
5. Substitutio secundi heredis institutio dicitur.
6. Instituti & substituti qui dicantur, & quomodo in usu iuris distinguantur.
7. Vocabulum, Institutionis, & generale & speciale est.
8. Gradus vocabulum quid iuris auctoribus significet, & quomodo hic usurpetur & num. 10.
9. Primus & secundus locus heredum quomodo accipiat, & quis sic primus, quis secundus heres. & n. 11.
11. Heres primus quot modis dicatur desicere.
13. Substitutionum genera quot. & n. 30.
14. Conditiones substitutionum in usu iuris casus appellantur, & cur: & hinc quidam in primum casum, quidam in secundum dicuntur substituti. & num. 15. 16. 17.
18. Casus in substitutionibus duo tantum sunt.
19. Quis dicatur primus, quis secundus casus.
20. An ut natura, sic etiam iure in utrumque casum substituere liceat, ut valeat substitutio. & num. 22.
21. Vulgaris substitutio unde dicatur.
23. Substitutio impuberum, vel pupillaris unde dicta, & quae in eadem requirantur?
24. Substitutio pupillaris quomodo a vulgari differat.
25. Tertium substitutionis genus, quae vulgo exemplaris, a Duareno quasi pupillaris, & hic substitutio mente capti vocatur.
26. In pluribus personis heredem in secundum casum substituere, iure directo non licet.
27. Directe substitui quis dicatur.
28. Oblique substituere quid sit.
31. Directa substitutio quae, & quomplex.
33. Vulgaris substitutio quae.
32. Non vulgaris quae, & quomplex.
34. Fideicommissoria substitutio quibus permixta sit.
35. Cetera substitutionum genera ab interpretibus addita, ut sunt substitutio compendiosa & breviloqua, improbantur.

UT licet heredes instituere testamento; ita his & substituere, non tantum secundo gradu, sed tertio, quarto, quinto, & in infinitum, *L. 36. potest. de vulg. & pupil. subst. tit. de vulg. Instituit. in pr. L. verbis legis 120. de verb. sig.* Ex quo postquam institutiones heredum, recte agitur de substitutionibus heredum, in quo explicandum prius de verbo dicemus, deinde de iure, quod sic constituitur.

Substituere per Latinis est in locum aliarum rerum deficientium, vel inutitum, alius submittere & subrogare, ut cum dicimus fructuarium in locum demortuorum capitum alia substituere debere, & ita

gregem supplere, *L. veter 68. in fin. & L. seq. de usufruct.* Valet haec ipsa significatio, cum heredes substitui posse dicimus. Est enim per substituere in locum primi deficientis vel heredis, vel exhereditati alium heredem instituere. Recte instituitur: nam & substitutio institutio est heredis, ut ubicunque heres non instituitur, ibi intelligendum sit, nec substitutionem esse. Quam ob per causam fideicommissarius heres proprie non est substitutus: nam proprie non est heres is, cui restituitur ex fideicommissio hereditas, & restituta, *Inst. de fid. her.* Hinc substitutio per dicitur a iuris auctoribus secundi heredis institutio, *L. ex falso, 43. §. Lucius,*

Lucius, de vulg. & pupill. Et cum quis heres institutus esset sub conditione, si testatorem instituisse, placuit videri heredem conditioni parvum, si testatorem in quovis gradu instituisse, id est, etiam si substituisse vel secundo, vel tertio gradu. Et tamen in usu iuris distinguuntur instituti a substitutis, non ut genus a specie, sed ut species contrarie.

Nam instituti dicuntur, qui instituti sunt primo gradu: substituti autem secundo gradu instituti sunt, *L. 1. de vulg. & pupill.* Et passim hic usus loquendi occurrat in argumento heredum institutorum & substitutorum. Sed hæc contraria non sunt. Nam t institutio dicitur & generaliter & specialiter. Generaliter instituire, est heredem scribere, aut nuncupare, quocunque gradu id facias, id est, etiam si substituas quarto, vel quinto loco. Ut enim in subscriptione inest simplex verbum *scripsit*; sic in substitutione inest semper institutio. Sed cum hæc coniunguntur, instituti & substituti, tunc institutos proprie intelligimus eos, qui primo gradu instituti sunt. Sic usus est adoptionis in *L. 1. & 2. D. de adopt.* sic cognationis, sic agnationis in *L. non facile, §. cognationis. L. Iureconsult. §. 1. de grad. & affin.* sic actionis in *L. pecunie, 17. §. actionis, D. de verb. signific.*

Sed substituere est alium heredem instituire, sic non omnis institutio substitutio est, sed tunc demum, cum quis instituitur in locum alterius deficientis, qui vel sit a testatore prius institutus, vel exheredatus. Quod de exheredato dixi, ideo dixi, quod pater filio impuberi, quem in potestate habet, substituere potest heredem, non tantum instituto, sed etiam exheredato, de quo postea. Id autem an ita sit, quoniam aperte certis locis expressum non est, danda est opera, ut ex iis, quæ a veteribus hæc de re scripta sunt, confirmetur. Exstat autem in *d. L. 1. de vulg.* hæc definitio institutorum & substitutorum, ut instituti sint primo gradu, substituti autem, qui secundo, vel tertio, vel deinceps instituti sunt. Gradum tamen vocant iuris auctores locum, quo heres institutus est, ut eo loco succedat. Is primo gradu institutus est, qui primo loco: is secundo gradu, qui institutus est secundo loco, & sic deinceps, ut hoc verbum explicat Ulpianus *L. 2. §. deferatur, D. de bon. poss. secundum tab.*

Sed primum tamen & secundum locum heredem accipere debemus non ex ordine

scriptoræ, sed ex ordine successionis, ut intelligatur esse institutus secundo loco is, non qui secundo loco scriptus est, sed qui ita institutus est nominatim ut secundo loco succedat post heredem primo scriptum. Nam fieri potest, ut quicumque secundo loco scribatur, qui tamen institutus erit, ut in hoc exemplo: *primus ex semisse heres esto, secundus ex quadrante heres esto, tertius ex quadrante heres esto.*

Hic secundus & tertius quavis ordine scripturæ secundo & tertio loco scripti sunt; tamen pariter cum primo heredes instituti intelliguntur, *L. si quis heredes. 14. cum L. seq. de hered. instit.* scilicet quia non sunt ita instituti, ut succedant post primum, sed simplices instituti. E converso potest quis primo loco scriptus esse heres; qui tamen substitutus erit, non institutus, ut in hoc exemplo: *Titius heres esto, si secundus heres non erit.* Hic secundus quavis postea scriptus tamen institutus est: Titius quavis scriptus primo loco, tamen est substitutus *L. si quis ita, 28. de her. instit.* nempe ob id, quia Titius nominatim ita institutus est, ut heres esset post secundum.

Ad id tamen significandum apposuissimè iuris auctores ut sunt verbo *gradus*, ut dicerent institutum esse, qui primo gradu institutus esset; substitutum, qui esset institutus secundo gradu. Ut autem in gradibus primus quique gradus nobis occurrat, nec ad secundum pervenit, nisi post primum, nec ad tertium nisi post primum & secundum, sic institutus & substitutus. Hic est ordo progressionis, ut primo deferatur hereditas institutis; deinde iis deficientibus deferatur substituto, nec unquam locus sit substituto, nisi instituto excluso, *L. quamdiu institutus, 69. de acquir. her.* Ex hoc ordine successionis institutorum & substitutorum heredum hæc appellationes veteribus natæ sunt. Nam t heres institutus dicitur primus heres; substitutus autem dicitur secundus heres, ut intelligatur is, qui ita institutus est, ut secundo loco succedat.

Occurrunt hæc voces in *L. precibus, infra. b. t. L. si postumus, vers. nam & cum, D. de liber. & post.* hæcque primi & secundi heredis nomen usurpatur a Ciccone, cum alibi, tam præcipue in Topiciis. Inde substitutio dicta secundi heredis institutio, ut supra dixi, *L. ex falso, §. Lucius, D. de vulg.* Pro iis Caius in *fragmentis Institutionum* Lib. 2. de substit. substitutionem vocat secundi heredis appellationem. Quæ si recte dicta sunt a veteribus, non erravit Accursius in *princip. titul.*

titul. de vulg. cum substitutionem dixit secundam institutionem. Nam secundi heredis institutio & secunda institutio coniugata sunt. Substitutus autem est secundus heres, proinde huius heredis institutio est secunda institutio: neque eo moveri debemus, quod dicitur, heredem substitui posse non tantum secundo loco, sed etiam tertio, quarto, quinto & in infinitum, *L. 1. § L. potest; de vulg.* Nam qui quinto loco substituitur est, si conferatur cum primo, ex ordine scripturæ recte dicitur quinto loco institutus, non autem secundo: sed si conferatur cum proximo herede, idest, quarto, vel alio, cui deferatur hereditas, cæteris heredibus prioribus deficientibus, non potest dici, nisi secundo loco institutus, & secundus heres; quia prior heres, cui soli deferatur hereditas, incipit solus esse heres institutus, utpote cæteris omnibus exclusis. Quam rationem secuti veteres, non aliter substitutum omnes appellaverunt, quam secundum heredem.

Hic autem intelligitur heres institui, ita ut secundo loco succedat post primum, cum nominatim instituitur in primi deficientis locum, idest, cum instituitur sub conditione, si primus defecerit, si primus remotus erit. Proinde, ut propositum est, vere definimus initio substitui heredem, esse in primi heredis deficientis locum, alium heredem, ut heredem institueret. Deficit tamen autem primus heres dupliciter, vel quod heres non existit, vel quod heres sit, sed postea moriatur, atque ita heres natura esse definit. Unde intelligimus, tamen substitutionem totidem esse genera, ut vel substituitur quis sub conditione, si primus heres institutus heres non erit: vel ut substituitur sub altera sequenti conditione, si primus heres institutus heres erit, & deinde defecerit. Quæ conditiones notantur & comprehenduntur in substitutione impuberum, *L. 1. de vulg. & pupil. substit. in pr.*

Hæc duæ tamen conditiones substitutionum in usu iuris appellantur casus, in quos quis heres substituitur. Ut si qui substituitur, si primus heres non erit, dicatur in primum casum tamen substituitur, ut sit sensus in primum casum substitutionum, idest, in primam conditionem; sub qua heredes substituantur. Is autem, qui tamen substituitur sub hac conditione, si primus heres erit, & postea defecerit, dicatur substitui in alterum casum, in quem heredes substitui solent. Sic vocantur passim hæc conditiones præcipue in *L. precibus infra b. t. § in L. 4. D. de vulg. & pu-*

pill. Et tamen recte hæc conditiones vocantur casus; nam conditio nihil aliud est, nisi eventus & casus in quem aliquid differtur, ut definitur in *§. sub conditione in Instit. de verb. oblig.* Sum tamen hi casus in substitutionibus tantum duo, ut consequens sit substitutionum non plura esse genera summa,

Id docet primum natura: nam si substituiere est surrogare in locum deficientis heredis; consequens est, non plures esse posse conditiones substitutionis, quam superscriptas duas; quoniam non deficit heres institutus, nisi vel quia heres non est, vel quia cum heres esse coeperit, postea definit. Id etiam manifesti loci iuris confirmant. Nam in *L. precibus* nominantur tantum substitutionis duo casus, primus & secundus. Sed ex de iure id declarat in *d. L. 4. de vulg.* ubi casus substitutionum nominantur unus & alter, quod verbum posterius non usurpatur, nisi de duobus. Quemadmodum autem de numero horum casuum hoc tenendum est, duos tantum esse: sic & tamen illud observandum de ordine horum casuum: in usu iuris priorem illum; Si primus heres non erit; dici primum casum substitutionum; illum autem alterum; Si primus heres erit, & postea defecerit, dici secundum casum, sive sequentem. *d. L. precibus, infr. L. Lucius, de vulg.* idque duabus de causis. Vel quia ille casus: Si primus heres non erit, primo receptus est iure, alter autem longe post excepti recipi, non iure scripto, sed moribus, *L. 2. de vulg.*

Vel quod est verius; quia cum hi duo casus coniunguntur in substitutione impuberum, idest, cum quis substituitur impuberi; si impubes non erit, sive heres erit, & intra pubertatem defecerit: ordo id exigit, ut prius queratur, an sit heres, nec ne; quoniam si heres non erit, incipit queritur, an postea definit. Quod si heres erit, tunc querendum est, an postea decedat, atque ita heres esse definit. Ex quibus, ut dixi, apparet, & quid sit substituiere heredes, & quibus conditionibus substituantur; & ex iisdem conditionibus quæ sunt genera substitutionum natura. Hæc de nomine substitutionis dicta sunt, deque re huic verbo subiecta. Nunc de iure substitutionis videndum est.

Est autem tamen de iure substitutionum hæc questio: an quemadmodum natura licet substituiere in utrumque superiorem casum ita etiam liceat iure, ut substitutio valeat? Et placuit non licere, de quo ita ius est. In priorem casum, si primus heres non erit, licet prioribus institutis; alios, quos velint, quos

velint, & quot velint, heredes instituire, *L. postest. D. de vulg. & pupill. Instit. de vulg. in pr.* Hic casus a iuris auctoribus vulgaris dicitur, & qui substituitur in hunc casum, dicitur substitui vulgari nomine, *L. 4. §. 1. D. de vulg.* Unde † & substitutio ipsa vulgaris dicitur, *§. fin autem, Instit. de pupill. & tor. tit. in D.* Appellatio hinc nata, noo quod vulgaris substitutio sit directa, ut quidam hoc loco imperitissime scripserunt; nam & pupillaris directa est, *L. post aditam, infr. b. §.* ubi dicitur, quæ tamen nihil minus est, quam vulgaris; sed nata est ex eo, quod substitutio in hunc casum, *Si primus heres non erit*, omnibus iure permittitur, ut sit ius omniū vulgari, quomodo vulgares actiones, & vulgaria actionum nomina dicuntur usitata, *L. 1. §. 2. de præscript. verbis.* Quo nomine ita appellatur hoc genus substitutionis, ut distingatur a pupillari & similibus, quæ sunt in secundum, quæ non omnibus permittæ sunt, sed paucis & certis personis, ut postea patebit. Ergo † in secundum casum; *Si primus heres erit, & postea decesserit*; iure civili, idest, leg. 12. tabularum, nulli licet heredem substituire, ac ne patri quidem, ut filio impuberi aliam heredem substituat in secundum casum, *Si impubes heres erit, & intra pubertatem decesserit.* Quod ex eo intelligimus, quod hoc genus substitutionis postea introductum est moribus. *L. 2. D. de vulg. & pupill. Inst. in pr. b. §.*

Hoc ius sumptum est ex *L. 12. tabularum*, quæ ita facit potestatem heredis instituendi & substituendi si quis instituat suis bonis, non alienis, his verbis: *uti quisque rei sua legasset, &c. L. verbis Leg. de verb. sig. L. testandi, sup. de testam.* Hinc sic recte collectum est a veteribus: licet heredem substituere suis bonis, alienis non licet. At cum quis substituit a testatore in hunc casum: *Si primus heres institutus non erit*, substitutus instituitur in bonis testatoris, cum autem substituitur in hunc casum, *Si heres institutus heres exstiterit, ac postea decesserit*, substituitur in bonis heredis, non testatoris, *tit. de pupill. in pr. vers. quo casu.* Proinde in priorem casum substituere licet, in alterum sequentem iure non licet. Sed hoc ius postea in quibusdam personis remissum est.

Ac primum moribus populi Romani obtinuit, idest, usu & consuetudine, ut parentes filiis suis impuberibus, quos in potestate habent, substituere heredem possint, in hunc casum: *si impubes heres*

erit, & intra pubertatem decesserit, d. L. 2. in pr. D. de vulg. & Instit. b. §. in princ. Hæc † substitutio ex re dicta est ²³ substitutio impuberis, quia est impuberum propria, ut quibus satis posset parere in secundum hunc casum substituere, *§. fin autem, in fin. Instit. de pupill. substit. L. sed si plures, §. ad substit. D. de vulg.* Unde inscriptio huius tituli, *de impuberum & aliis substitutionibus*, ut sic de pupillari substitutione & aliis generibus substitutionum admoneremur. Hæc eadem magis proprio vocabulo appellatur substitutio pupillariorum, *d. L. 2. & L. seq. de vulg. & pupill.* Ita dicta, quia pupillus est is impubes, qui sui iuris esse cecepit, vel morte patris, vel emancipatione, *L. pupillus, de verbor. sign.* In hoc autem solum tempus confertur substitutio pupillaris, cum impubes sui iuris erit post mortem patris. Substituitur enim in hunc casum: *si heres erit.* Non potest heres patri esse, nisi defuncto: ac proinde nisi tuoc, cum sui iuris erit factus, morte patris.

Observandum est † autem, cum in hac ²⁴ substitutione tria hæc exiguntur: ut sit parens, qui substituit; ut sit impubes is, cui substituitur; & præterea, ut sit in potestate patris, satis confirmari his, quæ supra diximus, hanc substitutionem non esse vulgarem, utpote quæ extraneo ovis permittatur, & quæ parenti ne quidem permittatur, ut substituat liberis emancipatis, aut substituat post pubertatem. Quæ omnia contra cum permittantur in substitutione, quæ fit in priorem casum non existentium heredum; apparet merito vulgarem substitutionem eam dici, quæ ita in vulgus & in omnes passim recepta sit. Hæc substitutio pupillaris, de qua dicimus, primo sola recepta est; unde non plura genera substitutionum apud veteres fuerunt cognita, quam hæc duo, vulgaris & pupillaris substitutio. Unde titulus de vulgari & pupillari, & duo illi separati in *Instit.* unus de vulgari, alter de pupillari substitutione, confirmantur in fragmentis Cail lib. 2. *Instit. §. de substit.*

Postea † autem constitutione receptum ²⁵ est, ut liceret parenti, etiam post pubertatem, in secundum superiorem casum heredem substituire filio furioso, seu mentecapto, si in ea alienatione mentis decessisset, de quo exstat Iustiniani constitutio in *L. humanitatis infr.* Cuius summa exponitur in *§. qua ratione, Instit. de pup. substit.* Hanc vulgo exemplarem vocant, quia in *d. §. qua ratione.* Iustinianus scribit, hanc se introduxisse ad exemplum pupillaris substitutionis. Sed

Sed hoc verbum nobis repudiandum est. Primo, quia est contra consuetudinem iuris auctorum, ac non tantum barbarum: deinde, qualecunque hoc verbum sit, etiam si Latinus esset, tamen est ad id, de quo, queritur, explicandum inutile. Cum enim exemplarem substitutionem dico, dubium relinquo, & cui substitutio fiat, & a quo, & in quem casum, ut nihil bicplus explicem, quam si uihil dixerem. Verba autem rebus consequentia esse oportet, ut bene monet Iustinianus in §. *test. & aliud, Instit. de donat.* Duarenus quasi pupillarem vocat lib. 2. *disp. cap. 2.* Sed ne hoc quidem satis rem explicat. Commode igitur substitutionem, quæ fit impuberi, cuius propria est, appellamus substitutionem impuberis. Sic eam, quæ fit mentecapto & furioso, dicimus eadem ratione substitutionem mentecapiti, vel furiosi, idque ad rem, quam volumus, intelligendam accommodatissimum.

- 16 In pluribus personis † substituere heredem in secundum casum nulli licet, si de iure directo, & communi queritur, de quo nunc agitur, cum tractatur de heredum Institutionibus & substitutionibus. Dixi *in re directo*; quia oblique & per fideicommissum etiam in hunc secundum casum, quibuslibet heredibus a nobis institutis, licet alios substituere. Directe dicitur † heres substitui, cum testator substituit his verbis, ut aliis idem significantibus: *Si primus heres non erit, secundus heres esto.* Quibus verbis heredem substitutum heredem esse interest, ita ut hereditatem a testatore recta capiat, §. *in primis. Instit. de fid. her.* Oblique † autem idem facit testator, cum heredem a se institutum rogat, ut hereditatem secundo restituat, vel vivus, vel post mortem suam. Hoc genus fideicommissariæ restitutionis iure communi receptum est, de quo in *Instit. de fideicom. her. & ad Senatusconsult. Treb. D. & C.* Hæc restitutio, ut apparet, fit in secundum casum: iubetur enim heres restituere, non nisi prius eam habuerit; unde etiam invitus eam adire cogitur, §. *sed quia heredem. Instit. de fid. her.* Is autem, † cui restituitur hereditas, proprie non est substitutus, quia non est heres lege civili, §. *restituata. Instit. de fid. her.* Et ideo cum proprie Institutionem & substitutionem heredum nominamus, inter substitutiones non numeratur fideicommissaria substitutio. Unde factum est, ut in hoc argumento institutionum, & substitutionum non agatur de Senatusconsulto Trebelliano; sed omnibus partibus exponantur ea, quæ pertinent ad directas he-

redum Institutiones & legata testamento relicta.

Sed etsi is, cui restituitur hereditas ex fideicommissaria hereditate, non est heres; tamen heredis loco habetur ex Senatusconsulto Trebelliano, quia effectus actiones hereditariæ omnes et dantur, & aduersus eum transeunt, non secus, quam si vere heres esset testatori, §. *sed quia heres. Instit. de fideicom. hered. L. 1. in pr. ad Senatusc. Trebell.* Hæc ratio fit, ut non male is, cui restituitur ita hereditas, dicatur substitutus heres, & id fideicommissum testatoris recte dicatur substitutio, quomodo Papinianus vocat in *L. 41. coheredi, §. cum filia, de vulg. & pupil. his verbis: Nec aliud seruandum est, cum substitutionis conditio pupillarem ætatem verbis precariis egreditur.* Verba precaria cum nominat, declarat se intelligere hereditatem fideicommissariam; quam tamen substitutionem vocat.

Dixi non licere in hunc casum secundum alios substituere, quam superscriptis personis iure directo & communi; quia aliud militibus licet ex privilegio militum, *L. precib. infr. h. t.* Nunc autem de iure communi institutorum & substituendorum heredum agimus. Ex his nullo negotio intelligi potest, quæ genera sint receptorum iure substitutionum, de quo tam multæ sunt interpretum disensiones. Igitur substitutionem † si proprie intelligimus institutionem secundæ heredis, qui vere heres sit, solæ substitutiones sunt, quæ sunt directæ, quæ in significatione de substitutionibus agitur *b. L. & tit. de vulg. & pupil. in D. item in Instit.* Si autem substitutionem dicamus generaliter, ut contineatur ea non tantum substitutio veri heredis, sed etiam eius, qui heredis loco habetur, substitutionum duo sunt genera summa; aut enim directæ est, aut obliqua, quæ eadem est, quæ fideicommissaria.

Directa nominatur in *L. post aditam, infr. hoc t.* Fideicommissaria eodem verbo satis significatur, nominatur autem a Papiniano scriptus, ut in *L. 41. coher. §. cum filia, de vulg. L. heredes masc. §. 1. & §. ult. D. ad Treb.* Directa † substitutio est, cum quis ita substituit heredem, ut iubeat heredem esse, vel ita ut velit eum recta hereditatem ex testamento suo capere, non ab alio herede prius instituto. Fideicommissaria quæ sit, supra diximus. Directa substitutio duplex est, vulgaris, & non vulgaris. Vulgaris † est, quæ quis substituit in priorem casum; *Si*

pri-

33 *primus heres institutus, heres non erit.* Dicta, quod vulgo permitta sit, eoque in usu etiam vulgari. Non vulgaris igitur est, qua persona substituitur in sequentem casum; Si *primus heres erit, ac postea decesserit*; in quem casum quia non omnibus conceditur alios heredes substituere, ideo non vulgaris dicta est. Ut sunt hæ personæ, quibus in hunc casum substitui potest, ita huius substitutionis genera distinguuntur. Quia igitur solis parentibus concessum est in hunc casum substituere duobus generibus liberorum, nempe impuberibus & mentecapitis, hinc totidem species huius substitutionis, live superioris casus existerunt.

Sunt igitur duæ substitutiones huius generis. Una impuberis, quæ & pupillaris dicitur: altera furiosi, live mentecapiti. De vulgari dicitur in *L. post aditam, inf. b. t.* De pupillari in *L. si testamento, eod.* De furioso, in *L. humanitatis, eod.* Et hæc genera sunt solum cognita iure communi. In militibus licet in eundem secundum casum quibuslibet heredibus institutis alios substituere, *L. precib. infr. b. t.* Sed hoc ex privilegio militum, de quo nunc non agimus. Fideicommissaria igitur substitutio omnibus testatoribus & quibuslibet heredibus institutis, iure communi permitta est: ut scilicet qui heres institutus est, rogetur hereditatem alii restituere, vel vivus, vel post mortem suam, prout testatori visum erit, ut supra dixi. Cum neque in plures casus substituere liceat, quam in superiores, quos initio posuimus, & in sequentem secundum casum non admittatur substitutio in pluribus personis, quam quas supra comprehendimus, & ea forma, de qua supra: convincitur non plura genera esse substitutionum, quam supra posuimus, quæ quidem agnoscantur iure.

35 Imperite autem igitur fecerunt Interpretes, quod alia quædam addiderunt, ex quibus potuit intelligi, quid hic quæreretur, ab illis percepim non fuisse, multo minus, quid ius constitueret. Faciunt illi quandam substitutionem, quam vocant compendiosam, ex *L. precibus, infr. hoc tit.* cum scilicet miles filio impuberi heredi instituto alium substituit, in hunc casum; Si *filius intra vigesimum annum decesserit*; comprehendens compendio orationis duo tempora, pupillaris ætatis, & ætatis puberis. Sed hæc non sunt ulla nova genera substitutionis: nam si filius impubes decedit, non continentur hac substiti-

tutione aliæ, quam illæ, de quibus diximus, vulgaris & pupillaris, post pubertatem autem continetur substitutio nova in secundum casum, etiam si filius heres existeret. Sed hoc ex privilegio militum est, non ex iure communi, in quo merum novum substitutionis genus non efficitur. Forma conceptionis, qua usus est miles, & qua paucis verbis hæc genera substitutionum complectitur, diversa est a formulis singularum substitutionum, sed hæc diversitas in verbis & non in rebus est: nam species substitutionis semper eadem sunt.

Faciunt præterea & illi quandam substitutionem, quam appellant breviloquam, quam possumus reciprocam appellare, cum videlicet testator vel pluribus filiis impuberibus institutis, brevi sermone eos invicem substituit. Hoc, inquam, genus substitutionis diversum a cæteris faciat; quia in *L. 4. §. 1. de vulg. & pupill.* Modestinus hoc genus substitutionis tertium posuit, in quo ab illis etiam in iure manifestum valde erratur. Nam in ea ipsa constitutione, quam citant, nominatim dicitur, in huiusmodi substitutione reciproca nihil amplius contineri, quam substitutionem in utrumque casum, id est, in vulgarem & pupillarem; ut sit sensus, his verbis contineri non novas species substitutionis, sed illas duas priores, de quibus Modestinus dixerat, interdum unam dumtaxat, interdum duas. Fecellit eos, quod Modestinus appellat hanc substitutionem tertium genus, dum non intelligunt: tertium genus illud dici, non ex re & specie substitutionis, sed ex conceptione & formula substitutionis. Nam vulgaris substitutio sic exprimitur: *Filius meus impubes heres esto, si heres non erit, secundus filius heres esto.* Pupillaris autem sic exprimitur: *Si filius meus primus impubes heres erit, & intra pubertatem decesserit, secundus heres esto.* Ab his differens conceptio & formula substitutionis hæc est, cum utroque filio herede instituto, testator ita breviter dicit: *Etque invicem substituo.* Sed conceptio ita hæri debet, ut tamen substituendi verbo periode suæ, quæ testator expressisset utrumque casum substitutionis vulgaris & pupillaris. Non sunt igitur, ut dixi, genera plura substitutionis cognita, quam quæ supra posuimus, quæ dum nobis occurrant, nos admonebunt non in alios casus, non aliis personis heredem substitui posse, quam his, de quibus initio dixi.

Ad L. Cum heredes. 1.

Imp. M. Aelius Antoninus A. Secundo.

Cum heredes ex disparibus partibus instituti, & invicem substituti sunt, nec in substitutione facta est ullarum partium mentio; verum est, non alias partes testatorem substitutioni tacite inservisse, quam quæ manifeste in institutione expressa sunt. Datum Claro II. & Severo Coss.

S U M M A R I A.

1. *Plures heredes instituti nullis partibus adscriptis, ex æquis partibus instituti intelliguntur quod item in substitutis locum habet.*
2. *Instituti ex partibus inæqualibus & postea substituti nulla partium mentione facta, in eas partes, quæ in institutione expressæ sunt, instituti intelliguntur, & num. seq.*

¹ **C**um plures heredes † instituuntur nullis partibus adscriptis, intelliguntur ea æquis partibus instituti esse. *L. 9. §. 3. de hered. inst. §. si plures, Inst. eod.* Consentaneum videri poterit, ut si plures heredes in locum deficientis prioris substituti sint sine partibus, videantur similiter æqualiter esse substituti, quod & verum est, si hi substituti sint, qui prius instituti non fuerunt: nam substitutio nihil aliud est, nisi institutio secundorum heredum. Sed si iidem prius instituti sint, qui & postea invicem sunt substituti; hoc ius placuit, ut si instituti † sint ex inæqualibus partibus, deinde substituti nulla mentione partium facta, tunc quæ partes in institutione expressæ sunt, eadem & in substitutione repetitæ intelligantur, quod hic constitutum est, §. 1. *Inst. de vulg. L. si in testamento. de vulg.* Exemplum constitutionis in *L. si plures. D. eod.* exstat.

Coniectura voluntatis ducta est ex iis, quæ præcesserunt in institutione, ex quibus etiam amor testatoris in heredes colligitur: nam quibus maiorem honorem habuit in institutione, eos etiam magis dilexit, ut apparet; quos autem plures fecit in institutione, verisimile est eisdem

plus dilexisse in substitutione, neque subito amorem istum mutasse. Sed hoc ius tunc † locum habet, eum duo concurrunt in substitutione, videlicet, cum & heredes sub nominibus appellativis substituti sunt, ut sit his verbis; *Esque heredes invicem substitui;* & præterea eos, qui substituantur, non oneravit testator, ut quid præstarent ei heredi, qui deficit, aut hereditibus ejus. Quod si testator inter heredes ex inæqualibus partibus institutos uni alterum substituat, vel substituat omnes invicem, sed nominibus singulorum propriis appellatis, placuit videri ex æquis partibus substitutos, *L. nunquam, D. ad Trebell.* Hoc nominum propriorum appellatio efficit, ut personæ exæquantur; quomodo in his in capita res divisa, *arg. L. si heredes. 124. de legat. 1.* Sed etiam si testator sub nominibus appellativis heredum eos substituerit, cæterum iussit singulis tantundem dare, quantum cui substituti sunt: placuit hoc quoque casu ex onere substitutis adscripto etiam quantitatem eiusmodi confici debere, ut qui in onere pares sunt, in eodemodo hereditatis pereipiendi pares fiant, *L. quoties ad Trebell.*

Ad L.

Ad L. Hereditatem quidem. 2.

Imp. Severus & Anton. AA. Frontinæ.

Hereditatem quidem defuncti intestati filii delatam tibi dubitari non oportet. Substitutio enim testamento patris facta ad pubertatis tempora porrigi non potest: quia ipso & aliis non eiusdem conditionis heredibus institutis, & invicem substitutis, propter eorum personam, quibus in unum casum duntaxat substitui potest, etiam in filio idem debere servari, & ratio suadet, & drusus Marcus pater constituit. PP. VI. Kal. Aug. Chilone & Libone Coss.

S U M M A R I A.

1. Substitutus impuberi a patre verbis in casum alterum, scilicet, vulgarem; & in pupillarem quoque coniectura voluntatis substitutus intelligitur, & vicissim & n. 2.
3. Error illorum notatur qui in ex-

- presso pupillari casum negant contineri vulgarem.
4. Contraria diluuntur.
5. Exceptio superioris definitionis qua sit & qualis in utroque substitutionis casu.
6. Lectio huius legis emendata.

Pendet hic locus, quemadmodum & L. 4. *infr. h. t.* ex eo iure, quod refertur in L. 4. D. *eod.* de quo hic dicendum est, non tantum, ut exceptio horum locorum intelligatur, quæ alioqui intelligi non potest; sed etiam, quia his exceptionibus lus superiorum in contrariis causis evidenter confirmetur. lus autem referitur ad hanc quæstionem, ut quæatur, quæ sit vis & effectus vulgaris & pupillaris substitutionis? Prius quærendum est, an quis sit testamento in vulgarem casum substitutus, aut in pupillarem, de quo frustra quæretur, si utraque substitutio existimaretur tantum verbis testatoris; nunc autem placeat eas etiam sine verbis intelligi ex sententia testatoris: de quo ita est § constitutum, ut cum pater filio impuberi substituit in alterum casum verbis expressum; & in alterum non expressum substitutus intelligatur, L. iam hoc iure, de vulg. Idque ita est, si pater substituerit tantum in vulgarem casum, si in pupillarem tantum. Itaque sententia hæc prior debet esse rata de vulgari substitutione, si pater filio impuberi substituerit in hunc casum, *si filius impubes heres non erit*, vi ipsa etiam in hunc casum substituisse, *si heres erit, & intra pubertatem decesserit*.

Sententia in specie confirmatur in L. 3. §. ult. *verf. sed et si ita scripserit, D. de Tom. IX.*

vulg. Item L. ult. *infr. de Insti.* & substit. ubi postumo substitutus quis est in hunc casum, *Si postumus natus non esset*, id est, si heres non esset; & tamen placet, si postumus natus erit, & heres fiet, sed intra pubertatem decesserit, substitutum admitti, si vivo impubere adhuc mater decessit. Altera sententia de pupillis est hæc: si pater filio impuberi substituerit in hunc casum, *Si filius heres erit, & intra pubertatem decesserit*, qui casus secundus dicitur & pupillaris, etiam in vulgarem casum substituisse intelligitur, si impubes heres non erit: ut sic in utrumque eventum substitutus admittatur ex substitutione. Hæc sententia discrete expressa est in d. L. 4. §. 1. in illis verbis: *Cum autem impubes.*

Hinc ergo fit, ut quæramus, quomodo admittatur ea substitutio, quæ verbis expressa non est? Respondet, § ex voluntatis coniectura admitti sine verbis. Nam eum voluntas testatoris intelligitur, hæc, etiam si verbis expressa non sit, servanda est. Totia enim testatoris voluntas fieri debet, L. ex patto; §. verum de hered. L. 12. *in fin. de L. 1.* Voluntas autem hæc testatoris facile inde colligi. ur, si filio impuberi substituat in vulgarem casum, *Si filius heres non erit*. Nam ex hæc substitutione pater vult substitutum sibi heredem esse, *sic. de pupill. subst. Insti.*

O 2

Hoc

Hoc casu consentaneum est, cum testatorem, qui voluit substitutum sibi heredem esse tum, cum filius heres non esset; etiam voluisse eundem heredem esse sibi, cum filius heres exstisset, & intra pubertatem decessisset. Id autem tunc contingit, cum pater eundem substituit filio impuberi in hunc casum, *Si filius heres erit, & intra pubertatem decesserit*. Nam ex hoc casu, si substitutus admittitur ad successionem impuberis una opera, & sit heres impuberi primo & principaliter, deinde vulgariter & pupillariter, *vers. hoc casu*, & sic etiam patri testanti, ut discrete scriptum est in *L. 1. in fin. D. de vulg.* Idque ex regula iuris; heres heredis impuberis, heres quoque est testatoris, cui impubes heres exstistit, *L. ult. inf. de her. inst. L. 7. si quis filiusfam. §. ult. de de acquir. her.*

Hæc coniectura voluntatis confirmatur etiam hac ratione; quia verisimile est, testatorem voluisse etiam in secundum casum consulere filio impuberi, ut ei heredem daret; & consentaneum est quem pater heredem sibi esse voluit, eundem non indignum iudicasse, quem heredem innovaberis faceret. Quæ coniectura si admittitur in vulgari substitutione expressa, multo magis in pupillari substitutione expressa admittenda est, ut propter eam etiam vulgaris intelligatur. Nam ex pupillari substitutione, ut dixi, substitutus sit heres & impuberi & patri. Si pater voluit ex ea substitutione substitutum, utrique heredem esse, multo magis voluit heredem sibi soli esse, quod evenit in hunc casum, *Si impubes heres non erit*, qui est casus vulgaris substitutionis. Quo tamen magis reprehendendi videntur quidam, qui in re aperta hanc movent, & cum admiserunt vulgari substitutione expressa contineri etiam pupillarem; negant tamen idem ius esse vice versa, ut pupillari expressa contineatur vulgaris, quod contra omnino dici oportebat, ut ratio evidens ostendit, præsertim cum in *prin. d. L. 4. §. 1. vers. cum autem*, tam aperte refellantur.

Huic constitutioni tamen quidam obstant, quæ diseutienda sunt. Ac primum dici potest, nihil in testamento valere, quod scriptum non sit, ac proinde frustra intelligi substitutionem, quæ non sit expressa, *L. quæritur, §. de her. inst.* Respondeo: Non est necesse, quidvis nominatim in testamento scribi, ut ex testamento valeat; satis est, si aut scribatur aliud, ex quo id, quod volumus confici potest, *L. heredes, §. 1. in fin. qui test. fac. post. L. si servus plurimus, §. ult. de leg. 1.* Secundo

loco dici potest, si testator in unum casum substituit, ideo in alterum casum substitutionem factam accipi non debere, quod non solum scriptum desit, sed etiam voluntas testatoris. Iam cui quid sub conditione datur, sub contraria conditione vel adimi, vel non dari intelligitur, *L. aliquando, L. quibus diebus, §. 3. de cond. & demans.* Proinde qui substitutus est sub conditione, *si filius heres non erit*, dicendum est potius eum sub contraria conditione substitutum non esse, *si filius heres erit, & impubes decesserit*. Respondeo: Hæc in se dubia verè, dicuntur, sed ubi intelligimus, testatorem etiam sub contraria conditione, idem sensisse, voluntas eius servanda est. Id autem contingit, cum testator in unum casum filio impuberi heredem substituit, sic enim substituit, ut velit eum sibi heredem esse. Vult autem heredem sibi esse non tantum, si filius heres non erit; sed etiam multo magis, si filius heres erit, ut sic pater & simul sibi heredem faciat & propiciat etiam filio.

Postremo si testator de casu non expresso sensit, si ve non sensit; tamen obstant hi loci, in quibus declaratur, cum testator sibi in unum casum cavit, alterum casum omnium videri, *L. 10. commodissime, de liber. & post.* ubi si testator instituerit heredem eum, qui fe mortuus nascetur; traditur, si quis eo vivo nascetur, eum institutum non videri, tamen causæ dici nihil possit, cur testator filium utroque tempore sibi patum non pariter velit heredem esse. In eandem sententiam scriptum est in *L. 12. si cum dote, in prin. solut. matrim.* si quis in dote danda stipulatus sit sibi dotem reddi matrimonio morte soluto, eum actionem non habiturum, si matrimonium solum sit divorio. Respondeo: multum interest, utrum id, de quo sensit testator, pendeat ex eius voluntate, an vero possum sit in iuris voluntate, ut scribat, aut exprimat testamento. Si res in eius voluntate posita est, sufficit testatorem de ea sensitse, si modo ex alio scripto id colligatur, cuius generis est substitutio, quæ sit impuberi. Pater enim impuberi substituere potest, si vult, si non vult non habet necesse.

At cum exigatur a testatore, ut quid scribat, aut caveat testamento, id vix scripserit, non valebit, quantumvis de eo senserit, quoniam legi non satisfacit. Quidquid autem contra legem sit, pro infecto est, *L. non dubium, sup. de legis. cuiusmodi est institutio liberorum postumorum*. Non enim liberum est patri liberos institui.

instituire, si instituire laboreretur, aut exheredare, *L. inter, de lib. & post. sic. Inst. de exhered. lib. in pr.* cui consequens est, ut qui postumus in unum tempus institutus nominatim non est, is pro instituto haberi non debeat, quod ad id tempus attinet. Exemplum *L. si cum dotem*, huc non pertinet. Nam stipulatio & pactio est quidem posita in voluntate contrahentium, non in illa iuris necessitate, *L. sicut, infr. de oblig. & act.* sed pendet ex duorum consensu, non autem solius stipulatoris, seu creditoris. Proinde non est mirum, si is, qui in unum casum sibi, aut nominatim in alterum casum stipulatus est, actionem non habeat, quia est ipse de altero fortasse idem sensit, non tamen idem sensit promissor & debitor, cuius hæc mens est, ne plus debeat, quam aperte casum est; voluntas testatoris ex uno testamento pendet.

Hæc constitutio superior hanc exceptionem habet, nisi voluntas refragetur, *L. 4. in fin. D. h. t.* Nam cum superior constitutio sumpta sit ex coniectura voluntatis, ea adversus voluntatem testatoris ferri non debet. Interdum autem aperte voluntas refragatur; quo minus, qui in unum casum substitutus est, in alterum casum intelligatur substitutus. Id contingit, cum testator in singulos casus separatim singulos dat substitutos, hoc modo: *Si filius heres non erit, primus heres esto; Si heres erit, & impubes decesserit, secundus heres esto, L. cum ex filio, §. 1. D. eod.* Ubi autem nihil a testatore aperte in utramque partem expressum est, perpetua est hæc sententia: quoties pater filio impuberi substituit in secundum casum, idest, *Si filius heres erit, & impubes decesserit*, toties etiam in vulgarem casum heredem substitutum videri. At non idem perpetuum est, ut cum quis in vulgarem casum substitutus est, etiam intelligatur substitutus in secundum casum; *Si filius impubes decesserit, cum heres existisset*. Refragatur enim interdum voluntas, quæ colligitur nonnunquam ex verbis testatoris, interdum ex persona heredum legitimorum impuberis. Intelligitur contraria voluntas ex verbis testatoris, quoties testator, cum persona impuberis alios vel puberes, vel extraneos coniungit, & iis communiter substituit, una oratione & conditione; *Si hi heredes non erunt*. Exemplum est *L. 15. infr. b. t.* Est autem huiusmodi: *Filius meus Firmianus, & uxor mea heredes sunt, si filius & uxor mea heredes mihi non erunt, Firmianus in tutum mihi heres esto*. Pla-

cet hoc casu, si filius heres existit patri, Firmianum ex substitutione pupillari heredem non futurum, quantumvis filius impubes decesserit. Hæc ratio redditur; quia conditio communiter relata est ad filium & uxorem, ut proinde in utriusque persona idem exprimere debeat. At in persona uxoris exprimere non potest secundum casum; quia extraneæ persone in secundum casum substituere non possumus, proinde nec in persona filii hic casus intelligitur, sed is solum, in quem utrique personæ testator substituere potuit, idest, vulgaris. Idem probandum est, si testator cum impubere alios heredes coniunxit, & communi verbo seu communi oratione eos invicem substituit, quæ species est huius *L. 2. Ut puta testator ita scripsit: Filius meus impubes ex semisse mihi heres esto, primus, secundus, tertius, &c. ex altero semisse heredes sunt, quos omnes invicem substituo*.

Placet, si filius impubes patri heres non erit, reliquos coheredes ex substitutione heredes futuros tanquam substitutos in vulgarem casum, quemadmodum & pupillus iis coheredibus in secundum casum substitutos est. Ceterum si filius heres existit patri; deinde impubes decesserit, substitutionem nullam esse, ex qua coheredes in hunc casum admittantur, in quam sententiam est *L. in testamentis, sup. de testam. milit. L. 4. §. 1. D. eod. de vulg.* Ratio, hic addita est; videlicet, continuatum hoc esse, quod propter coheredum personam, quibus in unum casum tantum substitui potuit, nempe in vulgarem; quasi incongruum sit, sibi heredes invicem substitui alios, scilicet, in quorum persona duplex substitutio locum habet, idest, duæ substitutiones, vulgarem & pupillaris alios autem in quorum persona locum habet sola vulgaris, ut scriptum est in *d. L. 4. §. 1. D. h. t.* Sed cur hoc ita videtur absurdum, eum verbum, *substitutus*, utramque speciem substitutionis admittat? Ratio rationis reddi hæc videtur in *d. L. 4. §. 1. Quod bi, verbo, communi substituti sunt: Esque invicem substituti*. Hic enim verbum commune significat, non quod commune est utrique substitutioni; vulgari & pupillari; alioqui hæc ratione efficeretur potius utramque substitutionem hoc casu contineri; sed dicitur commune, quod communiter ad omnes heredes institutos & pariter reserret, idque semel & sæpius. Quod argumentum est, testatorem semel hoc verbo prolato rem unam in omnium heredum persona significasse, non plura. Et

Est autem in verbis huius legis secundæ & lectio & rationes observandæ. Species hæc fuit, quam supra dixi; sed hoc acceperat, quod filius heres existerat patri, ac deinde pubes factus decesserat. Eius mortui hereditatem sibi vindicabant coheredes ex substitutione superscripta. Mater impuberis dicebat, & contendeat filium intestatum decessisse, eoque hereditatem filii ad se pertinere ex Senatusconsulto Tertulliano institut. de Senatusconsulto Tertull. Consultus a matre Alexander respondit, dubitari non de re in proposito, quia nulla sit substitutio, atque ita hereditas intestati filii ad matrem pertineat, idque duobus rationibus, quæ subiciuntur. Prior est, quod substitutio testamento patris facta ad tempora pubertatis porrigi non potest, idest, post 14. annum fieri non potest, *L. 7. verbis. l. 15. centurio, D. de vulg.* Hic autem proponitur filius pubes decessisse. Altera ratio est, quia etiam si filius impubes decessisset; ta-

men cum filio & aliis heredibus diversa conditione substitutus, hi omnes invicem substituuntur. Verbo *substitutionis* non intelligitur, nisi substitutio vulgaris, ob eam causam, quam supra dixi.

Ex quo intelligimus, lectionem huius loci mendosam esse, & pro quia, legendum, quia, hoc modo: *Substitutio enim testamento patris facta ad tempora pubertatis porrigi non potest; quia & ipsi & aliis, & quæ sequuntur.* Nam non ideo substitutio ad pubertatem porrigi non potest, quia heredes invicem substituti sunt; ideo vero non potest, quod in secundum casum tantum moribus recepta est substitutio pupillaris, singulari ratione, quæ in puberibus locum non habet. Ex persona autem heredum legitimorum intelligitur testator vulgari casu expresso, non substituisse in secundum casum, quoties mater impuberis est superstes, de qua exceptione dicitur ad *L. precibus, infr.*

Ad L. Heres instituta. 3.

Imp. Alexander A. Achillæ.

Heres instituta matris testamento, si successionem ex testamento omisisti, & ab intestato bonorum possessionis ius habere voluisti: substituto locum quin feceris, in dubium non venit. Proinde si substitutus hereditatem amplexus est, actionibus, quæ tibi adversus matrem competeant, ipsum convenire, non successionem ab intestato vindicare potes. PP. XI. Kalend. Septembr. Maximo II. & Æliano Coss.

Vide ad L. post aditam.

Ad L. Quamvis placueris. 4.

Imp. Alexander A. Firmiano.

Quamvis placueris substitutionem impuberi, qui in potestate testatoris fuerit, a parente factam ita, Si heres non erit, porrigi ad eum casum, quo posteaquam heres exstiterit, impubes decessit, si modo non contrariam defuncti voluntatem exstiterit probetur: cum tamen proponas ita substitutionem factam esse, Si mihi Firmianus Filius & Ælia uxor mea (quod abominor) heredes non erunt, in locum eorum Publius Firmianus heres esto: manifestum est, in eum casum factam institutionem, quo utrique heredium substitui potuit. PP. II. Kalend. Jul. Fusco II. & Dextro Coss.

Dixi ad L. 2. supr.

Ad L.

Ad L. Post aditam 5.

Imp. Dioclet. & Max. AA. Hadrianæ.

Post aditam hereditatem directæ substitutiones non impuberibus filiis factæ expirare solent. PP. X. Kal. Iun. ipsi IV. & III. Coss.

S U M M A R I A.

1. *Legis huius summa*
2. *Substitutiones non impuberibus filiis factæ quæ sint.*
3. *Vulgares substitutiones post aditam hereditatem expirant, & an etiam ante.*
4. *An idem verum sit in hereditate adita a servo herede instituto, qui in suum domini adit hereditatem.*
5. *Quid iuris in filiofamilias olim, & hodie.*
6. *Substitutio quo pacto finiatur: & an perpetuum sit, ut una cum conditione substitutionis evanescat.*
7. *Quid si heres institutus hereditatem adierit, aut suus heres existerit patri, ac deinde hereditas ei a fisco auferatur tanquam indignus.*
8. *Institutus quamdiu admitti potest, tamdiu substituto locus non sit.*
9. *Hereditas quibus modis amittatur.*
10. *Quid in servo herede instituto, cui substitutus datus sit.*
11. *Quid in filiosam. herede instituto, cui substitutus datus sit.*
12. *Filiusfam. utrum repudiante patre admittatur, an verò locus fiat substituto ex voluntate patris.*
13. *Voluntas testatoris si est manifesta, servanda est.*
14. *Heres institutus si repudiat hereditatem ex testamento, sufficit, ut sit substituto locus.*
15. *Ex testamento quamdiu heres aliquis esse potest, tamdiu hereditas legitimis non defertur.*
16. *Heres an aliquis possit esse desuare iure, & quos modis contingat.*
17. *Institutus aliquis, qui ius adendum ad heredes transmittit, excludit substitutum, non ex iure dumtaxat, sed & ex certa testatoris indicio.*
18. *Ex substitutione vulgari ad cuius hereditatem quis admittatur.*

Sententia ¶ est; post aditam ab herede instituto hereditatem vulgaris substitutio expirat, atque hoc modo substitutus excluditur. Ait reſcriptum, *directæ substitutiones*. Directæ, additum est propter substitutiones fideicommissarias, quæ adita ab herede instituto hereditate non modo non expirant, sed maxime confirmantur. Nam institutus heres rogatus hereditatem alteri restituere, non potest restituere, nisi prius hereditatem habeat, quam restituit; neque habere potest, nisi hereditatem adeundo: usque adeo, ut si volens adire nolit, cogi possit ex Senatusconsulto, *L. nam quod, D. ad Treb. §. sed quia, Inst. de fid. her.* Directæ institutiones & fideicommissariæ quæ sint, initio huius tituli dictum. Notandum est autem, ex his verbis confirmari, restitutionem fideicommissariam etiam substitutionem dici. Nam illud *directæ*, differentię causa aditum est, ut intelligamus

quasdam esse substitutiones non directas, alioquin sufficiebat ita dicere, *Substitutiones non impuberibus filiis factæ evanescent.*

Ait: *Non impuberibus filiis factæ*, id est, non pupillares: quoniam pupillaris substitutio itidem, ut fideicommissaria, tunc solum locum habet, cum pupillus heres matris existit. Hæc enim conceptio est huius substitutionis: *Si filius impubes heres erit & intra pubertatem decesserit, Tit. Inst. de pupill. substit.*

Non ¶ impuberibus filiis factas sic accipere debemus, quæ non sunt factæ impuberibus ut impuberibus: oam & filio impuberi pater in vulgarem casum substituere potest, quæ substitutio non minus evanescit impubere filio herede existente. Sed eiusmodi substitutio vulgaris fit impuberi non ut impuberi, sed ut cuiusvis extraneo; illa solum fit impuberibus ut impuberibus, quæ fit in secundum;

si im-

si impubes heres erit, & intra pubertatem decesserit; hæc demum non exstat impubere herede existente. Hic rursum notandum est. Substitutionem pupillarem, sive impuberibus factam, directam dici, aliqui stulte ex numero directarum exciperetur, & directam esse, plus quam manifestum est ex non dubiis locis, ut *L. 2. centurio. L. verbis de vulg. & pup. substit.*

Hoc loco nonnulla desiderari videntur.

In summa autem tota hac descriptione nihil aliud exprimitur, nisi ³† vulgares substitutiones post aditam hereditatem expirare. Nam quo tempore hoc rescriptum relatum est, duo tantum genera fuerunt substitutionum directarum, ut initio *b. tit. dictum, vulgaris, & pupillaris*. Nam furiosi substitutio nondum recepta erat; proinde qui ex directis substitutionibus pupillarem excipit, is vulgarem solum relinquere intelligitur, de qua dicat. *At post aditam hereditatem* hoc sic accipiendum est: non prius & ante aditam a substitutio herede, quo tempore maxime confirmatur substitutio; sed post aditam ab instituto herede hereditatem, quod ius ex conditione & forma substitutionis facile intelligitur. Nam vulgaris substitutionis conditio hæc est: *Si primus heres institutus, heres non erit*; hac conditione deficiente, necesse est expirare substitutionem: quod conditione deficiente nihil debetur, neque ex institutionibus, neque ex legato, neque ex contractibus, *L. cadere diem de verb. sig.* At heres institutus sit heres hereditatem adeundo, §. ult. *Instit. de hered. qual.* Ita hoc modo deficit conditio substitutionis, qua deficiente, nulla substitutio. Hac ratione intellecta dicemus vulgarem substitutionem expirare, non tantum adita hereditate ab herede instituto, sed generaliter quocunque modo heres institutus heres existit, puta si erit iuris heres, & ipso iure existerit heres patri. Ex ideo si pater filium impubrem heredem instituerit, eique substituerit Titium; *Si filius heres non esset*; mortuo patre filius impubes heres existeret patri ipso iure, id est, sine ulla additione, §. *fini, Instit. de hered. qual. ab L. in suis, D. de suis & legitim. L. quidam, de verb. obl.* Et simul dicemus statim evanescere substitutionem pupillarem. Ac proinde, quanvis impubes filius postea decedat intra pubertatem; tamen substituto ex substitutione vulgari locum non futurum. Sed quia pupillus heres existerit, atque

ita defecerit conditio substitutionis, poterit quidem substitutus admitti ex tacita pupillari, *L. iam hoc iure, D. cod. Secundum ea, quæ dixi ad L. 2. sup.* Cæterum ex vulgari substitutione non admittetur.

Dicit quis; quid refert, ex quo casu, aut qua substitutione admittatur substitutus, dummodo admittatur? Respondetur: multum interest. Nam in vulgari expressa non semper pupillaris intelligitur, ut declaratur exemplis, *L. 4. & L. 2. hic.* Id autem cum sit, in totum substitutus excludetur: non enim admittitur ex substitutione pupillari, quod nulla est, neque ex vulgari, quæ evanuit conditione substitutionis deficiente. Neque vero probandum videtur, quod Bartolus scribit *ad L. 1. D. cod. differens de substitutione vulgari*, nempe cum pater filio, quem in potestate habet, substituit in vulgarem casum, *Si heres non erit*, filium ex hac conditione necessitate ultimam heredem fieri. Nam hæc verba: *Si filius meus heres non erit*, non significant, si heres esse nolit; quoniam fieri potest, ut vult esse heres, & tamen non possit; ut puta, si patre vivo moriatur: aut si postulum institutus non nascatur, idque etiam probatur verbis *L. Iulianus, D. de acquir. her.* ubi proponitur pater impuberi filio, quem in potestate habebat, substituisse heredem; & tamen dicitur pupillus in ea specie se abstinuisse, quod verbum cadit tantum in eos, qui heredes sui existerent, *L. nunquam, de acquir. her.*

At rescriptum generaliter, *post aditam hereditatem*, quo loco quæsumus est, an idem accipiendum sit etiam † de hereditate adita a servo herede instituto, qui iussu domini adierit hereditatem. Hæc inquam, queritur, an si huic servo substitutus aliquis sit heres, hereditate ab eo adita iussu domini substitutio evanescat? Dubitatio nascitur ex contrariis in speciem locis. Nam verum est, ab hoc servo hereditatem aditam esse, ac proinde secundum verba huius rescripti evanuit substitutio. Rursum servus ita hereditatem adeunte, non exstimator defecisse conditio substitutionis, sed potius existisse. Ac proinde locus esse debuit substituto. Nam conditio hæc erat; *Si servus heres non esset*, servus autem in proposito heres non fit, sed dominus, cui statim hereditas acquiritur per servum, *L. places, de acq. her. §. item nobis, Instit. per quas pers.* Ergo placuit etiam hoc casu substitutionem expirare; unde definitio veterum in substitutione vulgari, his verbis, *Si pri-*

mus heres non erit, hoc significat, si hereditatem alii non adquisierit, aut mutata conditione sibi; vel contra, si sibi hereditatem non adquisierit, vel mutata conditione, alii, *L. si poterit. D. de her. inst. §. ult. Inst. de vulg.* Sed placet huic in persona servi ita accipiendum esse: si testator non ignorabat eum, quem instituebat, servum esse. Quod si ignoravit, placuit hoc casu hereditatem dividi inter dominum servi instituti, & substitutum servo, propter incertitudinem voluntatis testatoris, qui locus a nobis tractatus est *ad L. cum proponas. sup. de her. inst.*

5 Hoc idem omni \dagger in filiofamilias servabatur, si is heres institutus esset ab extraneo, eique substitutus datus, ac deinde filius iussu patris hereditatem adiisset: nam & hic itidem, ut servus, hereditatem statim acquirere patri, *§. 1. Inst. per quas pers. d. L. placet. de acq. her.* Hodie & constituto hæc in filiofamilias sublata est; quoniam filiusfamilias heres institutus consensu patris adiens hereditatem, non minus acquirit sibi hereditatem, quod ad proprietatem attinet, quam quisvis paterfamilias *L. ult. §. r. L. infr. de bon. qua lib.* Proinde in huius persona dubitandum non est, quin hereditate ab eo adita non minus evanescat substitutio vulgaris, quam si substitutus cuivis alteri substitutus esset, & hereditas ab intestato adita esset.

6 Ait rescriptum: *Exspirare solent*, quibus verbis hic exprimitur vulgaris \dagger substitutionis, adita hereditate, finis, utpote conditione substitutionis evanescente, ita ut substitutus excludatur substitutione. Quod tamen non est perpetuum. Nam si institutus, hereditate adita, defectu ætatis, quia minor est relictus in integrum, ut ubi hereditatem repudiare liceat; retro versus substituto locus erit, *L. 7. ait prator, §. 7. sed quod Pap. de minor.* Neque refragantur huius rescripti verba, quod enim dicitur, *substitutionem exspirare post aditam hereditatem* hanc sententiam habet: quandiu adita erit hereditas, seu quandiu pro adita habebitur. Incipit autem pro non adita haberi, cum minor restituitur. Idem dicendum est, si filius suus heres se abstineat hereditate patris. Idem enim consequitur abstinentia, quod cæteri minores relictus in integrum, nempe ut heredes non sint, *L. nunquam, de acq. her.*

7 Hic quæsitum est, \dagger an idem probandum sit, si heres institutus hereditatem adierit, aut suus heres existerit heres patri, ac deinde hereditas a fisco ei auferatur

Tom. IX.

tur tanquam indigno, puta quod non vindicaverit mortem testatoris occisi. Et placet hic non idem probandum esse, sed statim excludi admisso fisco, *L. si sequens, de Senatusconsulto Syllan.* Ex merito. Nam is, cui auferitur hereditas tanquam indigno, etiam hereditate ablata nihilominus heres est. Idem enim ei auferitur, quia prius heres exstiterat, & qui semel heres exstitit, propterea heres esse non desinit, *L. 43. ex facto, §. ult. D. de vulg. L. 7. §. 2. in fin. de minor.* Ut substitutus in vulgarem casum, *Si primus heres non erit*; excluditur conditione substitutionis, *Si primus heres exstiterit*; sic admittitur ex substitutione. *Si primus heres non erit*, ut puta conditione substitutionis existente. Sed hæc conditio sic accipienda est, non si primo quoque tempore heres non erit, sed si certum erit, cum heredem esse non posse. Nam quandiu \dagger institutus admitti potest, tamdiu substituto locus non fit, *L. quandiu, D. de acq. her.* Amittitur autem \dagger hereditas, & certum est, aliquem heredem amplius fieri non posse duobus modis, vel quod noluit esse heres, vel quod iure non potest, *L. cum proponas. sup. de her. inst.* Non vult esse heres extraneus qui repudiat; suus, qui hereditate se abstineat; atque utroque modis amittit altero ex his hereditatem, *L. 2. & L. 4. infr. de repud. hered.* Ac proinde substituto locus fit, *d. L. cum proponas, sup. de hered. inst.*

Hic quæsitum est, \dagger an idem probandum sit in servo herede instituto, cui substitutus datus sit, si forte servus iussu domini hereditatem non adierit? Movet dubitationem; quod videtur satis esse, si dominus heres esse velit, cum ipso servo hereditatem adeunte heres fiat, non autem servus, ut *supr. dictum.* Et placuit hoc quoque casu substituto locum fieri, quod verum servo repudiante, quod facere potest etiam invito domino; neque enim heres exstitit quod noluit, neque dominum heredem fecit, quod non potuit hereditatem alii acquirere, quam ipse non habuit, & nunquam acquisivit, quod comprehensum est *d. L. cum proponas, sup. de hered. inst.* Hinc \dagger oritur quæstio de filiofamilias herede instituto, cui substitutus datus sit, utrum idem dicendum sit, si ipse quanvis iubente patre hereditatem repudiaverit? Movet quæstionem *L. ult. §. 1. infr. de bon. qua lib.* ubi Iustinianus constituit, filiofamilias herede instituto ab extraneo, si is hereditatem repudiet, patrem hereditatem adire posse, non aliter,

P

aliter,

aliter, quam si ipse heres esset institutus.

- 12 Queritur igitur, § utrum filiusfamilias repudiante patre admittatur ex hac constitutione, an vero locus fiat substituto ex voluntate testatoris? Quod verum sit, filiusfamilias repudiante, heredem factum non esse, atque ita exstitisse conditionem substitutionis, quod mihi verius videtur.

- Non debemus moveri Iustiniani constitutione: hæc enim in voluntate obscura testatoris locum habet, idest, tunc, cum filiusfamilias nullus substitutus datus est. Nam ei substituto dato, manifestum est testatorem velle substituto locum esse, cum filius heres non exstiterit. Est autem certum, cum § voluntas testatoris manifesta est, hanc servandam esse, idque ut fiat, publice expedire, *L. 1. sup. de sacr. Ecclesiis, L. vel negare, D. quemad. test. aper. L. verbis leg. de verb. sign. § disponat, Novell. de nupt.* Nihil ad rem pertinet, quod Iustinianus indistincte locutus est: nam hæc sententia tenenda est; quoniam testator aperte in aliquem casum providit, heredem nimirum in eum casum instituendo, toties cessare contrariam provisionem legis, *L. cum ex filio, § filio, L. ex facto, de vulg.* Multo minus movere nos oportet argumentum Bartoli, quo ille utitur ad *L. 1. D. eod.* cum ait: ideo in proposito patrem admitti, quod his verbis, *Si institutus heres non erit*, significetur etiam is, qui alium heredem fecerit. Hoc enim verum est. Sed in proposito filiusfamilias repudiando hereditatem, patrem heredem facere non potest, etiam si concederemus, patrem hereditatem adire posse. Multum autem interest, utrum dicatur, filiusfamilias occasionem dedisse acquirendæ hereditati, an vero causam acquirendi præstitisse. Is, qui rem amittit, facit, ut alius eam rem possit recipere, sed ei tradere dici non potest, quia prius non habuerit, non magis, quam heredes instituti repudiando dici possunt proximos cognatos facere heredes ab intestato. Item non magis, quam is, qui rem pro derelicto habet, dici potest eum dominum rei fecisse, qui postea rem occupavit. Postremo non magis, quam Livius Salinator dici potest tradidisse Tarentum Q. Fab. Max. quod Salinator Tarentum amiserat, quod postea Fabius recepit, de quo apud Ciceron. in *Caton. Maior.*

Quod si ita est in filiofamilias repudiante, recte generaliter definimus: quoties heres institutus, cui substitutus datus erat, repudiavit hereditatem, toties substituto

locum esse, siue sit sui iuris heres, qui institutus est, siue alieno iuri subiectus, & siue servus erit, siue filiusfam.

Hoc loco notandum est, sufficere § heredem institutum repudiare hereditatem ex testamento, ut sit substituto locus. Itaque si is heres institutus sit, qui etiam testatori ab intestato succedere poterat, si ei substitutus datus sit in hunc casum. *Si heres non esset, & repudiaverit hereditatem ex testamento eo animo, ut ab intestato hereditatem possideret; nihilominus in totum excludetur, & substituto locus erit, ut cautum est in L. 3. sup. Obstat L. nec is 17. §. 1. de acq. her.* ubi dicitur, si is institutus sit heres, qui ab intestato heres esse poterat, eum hereditatem repudiando ex testamento, non ideo tamen legitimam hereditatem amittere. Sed hoc ex *d. L. 3. sup.* sic accipiendum est, si is solus sit institutus; aliter, si ei substitutus datus sit. Sed rursus refragari videntur verba conditionis, *Si institutus heres non erit.* Nam hæc verba generalia sunt, & hoc continent, *Si heres non erit*, quovis modo, vel ex testamento vel ab intestato. Nam totidem modis heredes esse alicui possumus. Verbo autem generali omnes species contineri intelligendum est, *L. si servitus, de serv. urb. præd. Respond.* Secundum verba hoc recte dicitur, id enim verba significant, sed refragatur voluntas testatoris, cuius coniectura ex prioribus verbis ducitur iuxta regulam traditam in *L. si servus plurium, §. ult. de L. 1.* Nam cum testator heredem instituit his verbis; *Lucius Titius mihi heres esto*; manifeste hoc dicere intelligitur, *heres esto ex hoc meo testamento*, non autem ab intestato; alioqui testator secum pugnaret, qui testatus decedere voluit, non intestatus. Cum ergo eadem verba repetit, & ita scribit; *Si is mihi heres non erit*; plane eadem significatione repetere intelligitur & hoc dicere, *Si heres non erit*, ut supra voluit, idest, ex testamento, secundum quam sententiam repudiata ex testamento hereditate substituto locus sit. Et hæc coniectura voluntatis adiuvatur regula iuris, qua ethicetur, quamdiu § ex testamento heres aliquis esse potest, tamdiu hereditatem legitimis non deferri, *L. in plurium, 70. de acq. hered.*

Hæc de repudiacione & voluntate heredis in hereditate admittenda; sed aliquis § etiam heres esse posse definit iure, 16 quod contingit & herede vivo & mortuo. Vivo contingit, cum heres institutus est sub conditione, & conditio deficit; quo casu

casu certum est & iure & voluntate testatoris locum fieri substituto, *L. 2. sup. de Inst. & substit.* Mortuo herede hoc idem certum esse incipere, cum mortuus est non adita hereditate. Nam neque heres effectus est, cum hereditatem non adierit, neque mortuus adire potest, ut heres fiat. Sed nec in persona heredum suorum heres efficere potest, prohibente regula iuris, quæ efficit hereditatem non aditam, ad heredem non transmitti, *L. un. §. in novissimo. infr. de cad. toll.* exceptis quibusdam personis & causis, in quibus etiam hereditas non adita transmittitur. Personarum huiusmodi sunt duo genera. Primum est liberorum, qui a parentibus instituti etiam ignorantes, hereditatem ad suos heredes transmittunt. *L. un. de iis, qui ant. ap. tab. infr. Aliter* est omnium heredum, etiam extraneorum, qui intra annum a morte testatoris decedunt, dum de hereditate deliberant, *L. cum in antiquiorib. infr. de iur. deliber.* Causæ, in quibus idem accidit, sunt hæ, quales describuntur in *L. 84. de acq. hered.* de quibus alio loco dicetur commodius.

17 Hæ personæ & causæ quæstionem hic introduxerunt, si forte is ꝑ sit institutus, qui decedens hereditatem transmittat ad suos heredes ex superscriptis locis, & is substitutum habeat, utrum eo mortuo non adita hereditate, hereditas pertineat ad eius heredes secundum ius scriptum, an vero ex iudicio testatoris substituto locus fiat? Movet dubitationem, quod hic, qui ita decessit, omnino heres non est, neque esse potest, si persona eius tantum spectetur, secundum ea, quæ modo dixi, atque ita conditio substitutionis extitit, ut proinde substitutioni locus fiat. Sed verius est, quæ & sententia vulgo recepta est, iis casibus hereditatem secundum ius commune ad heredes transmitti excluso substituto, idque efficitur non tantum iure, sed certo iudicio testatoris; quia conditio substitutionis hoc casu defecerit. Nam his verbis: *Si substitutus heres non erit*; iure putatur heres ad excludendum substitutum, si vel ipse heres erit, vel alium heredem fecerit, *L. 40. D. de her. Inst.* Qui autem ius adeundi, quod habet, transmittit ad heredes suos legitimos, is legitimis in eo heredes facere intelligitur. Nam is hereditatem intelligitur transmississe, qui transmittit ius adeundæ hereditatis: nam ex hoc iure hereditatis acquisitio nascitur. Præterea secundum verba conditio substitutionis deficit, cum heredes heredis instituti iure

Tom. IX.

hereditario heredes extiterunt: iis enim heredibus factis etiam is, qui decessit, in persona eorum quodammodo heres factus intelligitur; quoniam eadem persona esse intelligitur heredis & defuncti.

Secundo iudicium defuncti in hanc sententiam concurret: nam cum aliquem heredem instituit, qui aperte hoc animo est, ut quamdiu velit hereditatem habere, aut a se non repudiet, tamdiu eam habeat, & sibi & suis heredibus. Hæc autem voluntas est in herede instituto, per quem non fiat, quo minus hereditatem adeat, nisi aut ignorantia, aut turis aliqua necessitate impediatur, ut initio diximus. Quemadmodum quod dicitur *post aditam hereditatem substitutiones vulgares expirare*, sic accipiendum est, quamdiu hereditas pro adita erit: diversum est, si heres, qui hereditatem adit, aliquo beneficio consecutus sit, ut hereditatem repudiaret, vel sese abstinere. Sic e contrarium in hac posteriore parte ita statuendum est: quod dicitur substituto locum fieri, si institutus hereditatem repudiaret, aut aliter hereditatem amiserit, tamdiu verum esse, quamdiu iure aliquo postea consecutus non sit, ut hereditatem adiret, quam repudiavit; aut se abstinent, deinde restituitur, ut sibi adire liceret: substitutus excludetur, cui prius repudiatione locus esse cœperat, *L. 7. de minorib.* Idem dicendum, si heres institutus, aut substitutus datus erit, rogatus vero idem hereditatem restituere Titio. Nam si primo non adeun'te, vel se absinente, hereditas deferretur substituto, si postea cogente fideicommissario ille hereditatem adierit, ut cogi potest, *L. 4. ad Trebell.* ius commutatur; & deficiente substitutionis conditione admittitur fideicommissarius excluso substituto, de qua specie differte scriptum est in *L. non iussam, infr. ad Trebell. & L. 63. falsa. §. Iulianus, D. eod.*

Ex his intelligimus, ex substitutione vulgari quis & quando ad hereditatem admittatur, & quando non admittatur. Quæritur, ad ꝑ cuius hereditatem admittatur? 18 Et certum est ex hac substitutione succedi defuncto, *Inst. de pupill. in pr. vers. quo casu.* Idque ex eo perspicuum est, quod omnis heres institutus primo loco instituitur testatori heres, porro substitutus in prioris heredis locum substituitur. Huc accedit, quod necesse est, substitutum ex hac substitutione aut hereditatem heredis prioris obtinere, aut testatoris; hereditatem heredis obtinere non potest, cum is heres heredem defuncti non ha-

P 2

beat,

beat, urpote repudiatioe, aut lege exclusus. Restat igitur, ut hereditatem testatoris habeat, tanquam testatoris hereditatem, non heredis: nam in bona, quæ

olim heredis instituti fuerant, nemo heredes instituitur, neque potest, prohibente lege duodecim tabularum, *L. verbis legis, de verb. sig.*

Ad L. Testamento. 6.

Imp. Dioclet. & Maxim. AA. & CC. Quintiano.

Testamento iure facto, multis institutis heredibus, & invicem substitutis: aduentibus suam portionem etiam invitis, coheredum repudiantium accrescit portio. Sine die & consule.

S U M M A R I A.

1. Portiones deficientium cur non acquirantur legitimis heredibus, sed coheredibus.
2. Heredes, qui suas portiones agnoverunt, cur non possint eas repudiare, ut sic in totum ex hereditate

nihil habeant, sed solida hereditas referatur ad heredes legitimos ab intestato.

3. Quid inris in substitutis coheredibus, an & iis inuis deficientium portiones accrescant.

CUM ex pluribus heredibus institutis, aut etiam legitimis, quidam portiones suas agnoverunt, quidam defecerunt, vel quod amiserint hereditatem, vel quod morte, aut conditione impediti sint, quo minus heredes fierent, deficientium portiones reliquis coheredibus, qui suam portionem agnoverunt, acquiruntur, non tantum volentibus, sed etiam invitis, ut hic & : qui ex duobus, § ult. de acq. her. 1. si ex pluribus de suis & legitimis L. unica, §. his ita, infr. de cad. toll. L. 3. §. ult. & segg. de bon. poss. L. 1. supr. quando non petent. part. Sed cur deficientium portiones non ꝑ acquiruntur legitimis heredibus, tanquam testamento haerentis destituto? Resp. Quia hoc modo eveniret, ut testator in iis heredibus qui portiones suas agnoverunt, testatus decederet, in deficientibus autem portionibus intestatus, quod ius non patitur, L. ius nostrum, de reg. iur. Unde placuit, neminem eiusdem hereditatis partem habere posse, & partem repudiare: sed aut totam habere debebit, aut nihil L. 1. 3. de acq. her. Sed secundum hoc, cur non licet ꝑ iis heredibus, qui suas portiones agnoverunt, eas suas repudiare, ut sic in totum ex hereditate nihil habeant, sed solida hereditas referatur ad heredes legitimos ab intestato? Resp. Ideo fit, quia qui suas portiones acquisiverunt, eas postea repudiare non possunt: quo-

niam non possunt efficere, ut qui existerent semel heredes, iidem heredes esse definiant, § extraneis, Instit. de hered. qual. & differ. L. 4. infr. de repud. her. L. ait prætor, §. sed quod Papin. de minorib. Hoc tamen sic accipiendum est, si coheredes deficientes extranei fuerint: nam necessario herede, puta filio defuncti, qui in potestate morientis fuit, si postea abstineat: eius portio deficientis non continuo accrescit coheredibus reliquis, quanvis portiones suas iam ante adierint; sed fit, ut si suas partes repudiare velint, liceat & deficientem necessariis heredis portionem repudiare, L. cum heredem, de acq. hered. Hoc ideo, quia iam ante portio deficientis quaesita erat necessario heredi, utpote qui patri heres existisset ipso iure, §. sui, Instit. de hered. qual. & differ. §. sui Instit. de hered. que ab intestato. Sic fit, ut cum postea se abstineat, magis eius portio referri intelligatur coheredibus, quam bona testatoris. Non est autem æquum, coheredem cogi invitum alia bona admittere, quam testatoris; tamen ne hoc casu testator pro parte testatus decedat, & pro parte intestatus, hæc necessitas imponitur coheredibus, ut si deficientem portionem admittere nolint, etiam suam cedere debeant, ut sic in totum defunctus fiat intestatus.

Hoc

3 Hoc iure † constituto quæsitum est, an idem admittere debeamus, si coheredes, qui portiones suas agnoverunt, nominatim substituti sint a testatore coheredibus deficientibus, sive quod sibi soli substituti sint, sive quod omnes heredes sint invicem substituti, de quo præcipue hic. Et placuit eodem modo deficientium portiones substitutis coheredibus etiam invitis acrescere, idem traditur in *L. 25. si quis heres institutus, de acq. her.* Movet dubitationem, quod eadem conditio debere esse videtur substitutionis, quæ est institutionis, quia substitutio institutio est, *L. ex falso, §. Lucius, de vulgar. & pupillar.* Cui autem ex testamento deferatur hereditas, huic potestas est vel adnuntiandi, vel repudiandi, *§. ult. Inst. de hered. qualis. & differ.* Unde colligitur, idem quoque ius esse ex substitutione debere. Deinde si substitutis coheredibus etiam portiones deficientes, quanvis invitis, ac-

creseant, substitutio nullum effectum habebit: nam & sine substitutione idem iuris futurum erat. Porro sic verba testatoris recipienda sunt, ut aliquid egisse intelligantur, *L. si quando de leg. 1.* Sed nihilominus etiam hoc ius in substitutis coheredibus recte placuit, & vero necesse fuit admitti; quia alioqui hic eadem incommoda metnemus, quæ prius. Evenit enim, ut testator pro parte testatus decedat, pro parte intestatus: item ut coheredes, qui portiones agnoverunt, partem eiusdem hereditatis haberent, partim repudiarent. Nihil ad rem pertinet, quod isto modo substitutio testatoris nullum effectum habeat. Hoc enim non est absurdum, quoties contra leges aliquid cavetur a testatore: quinimo ita ius est, ut privati testatoris evocatione legibus derogari non possit, *L. quod bonis, §. 1. D. ad leg. Falc.*



Ad L. Si testamento. 7.

Impp. Dioclet. & Max. AA. & CC. Feliciano.

Si testamento [iure] factio intra pupillarem etatem & in sua potestate constituta filia, si intra pubertatem decesserit, directis verbis pater substituit: heredem te factum ex testamento post eventum conditionis, intestati successionem exclusisse constat. S. Kal. Ianuar. Sirmii, AA. Coss.

S U M M A R I A.

1. Substitutio pupillaris quæ sit.
2. Quibus rebus fiat, ut valeat ad finem usque.
3. Puberibus liberis cur non liceat pupillariter substituere, cum & illi liberi sint.
4. Parens cur non possit impuberi emancipato substituere.
5. Substitutio pupillaris ut fiat, quo tempore impubes in potestate parentis esse debeat.
6. Particula quoque aliud tempus, quam mortis, includit.
7. Error quorundam interpretum notatur.
8. In omni institutione duo tempora sunt spectanda, ut iis valeat testamentum.
9. Impubes, cui pater substituit pupillariter, cur talis esse debeat, ut morte patris sui iuris fieri possit.
10. Parens si pupillariter substituat, & pupillarem etatem excedat, an

substitutio post pupillarem etatem valeat.

11. Liberorum nomine an in pupillari substitutione famina quoque contineantur. An item postumi. An item nepotes, & abnepotes. An etiam instituti & exheredati.
12. Substitutio pupillaris ut valeat, tria in testamento paterno requiruntur.
13. I. Ut pater sibi testamentum faciat.
14. Substitutio pupillaris utrum converso ordine scriptura valeat.
15. II. Ut prius heredem sibi scribat, deinde substituat filio.
16. III. Ut testamentum patris valeat.
17. Substitutio pupillaris quibus casibus valeat, etiam rescisso patris testamento.
18. Substitutio cur ita dicatur.
19. Substitutus quis dicatur.
20. Substitutionis variae appellationes synonymicae.

HOC rescripto valde commode comprehensa sunt breviter ea, quæ in substitutione pupillari cognoscenda sunt, sed obscurius, quia brevius: ideo ut plane intelligatur, paulo explicatius tradenda sunt. Quæ hic cognoscenda sunt, tria sunt numero. I. Quid sit substitutio hæc. II. Quibus rebus fiat, ut valeat. III. Cum valebit, quis, sit eius effectus. Substitutio igitur pupillaris, ut initio huius tituli dictum, ea est, qua pater filio impuberi instituit heredem in hunc casum, Si impubes heres eris, & intra pubertatem decesserit, aut impuberi instituto ita substituit, si impubes decesserit, ut declaratur Iust. de pupil. in princ. & §. non solum.

In qua substitutione, quia heres instituitur pupillo, non patri, ideo substitutio

dicitur *testamentum pupillare*, de quo paulo post plura. Ut igitur valeat substitutio pupillaris, possumus est in quibusdam observationibus, quarum alie spectantur in ipsa substitutione, alie spectantur intrinsecus, nempe in testamento patris, in substitutione ipsa. Ius hoc solum concedit, ut parentes hoc modo substituant, seu testamentum faciant, primo liberis, secundo impuberibus, tertio quos in potestate habent, quarto qui quidem morte patris sui iuris sunt: tum substituant cum hac conditione, Si intra pubertatem decesserint, quæ summa colligitur ex L. 1. in princ. D. de i. & idem hoc rescripto comprehensum est. Exigitur, ut substituant parentes liberi impuberibus. Sunt autem impuberes masculi usque ad annum decimum quartum; feminae, usque ad duodecim-

decimum, intra quod tempus potestas huius substitutionis consistit, §. *pen. Instit. de pupill.* Igitur puberibus liberis hoc modo heredem substituiere non licet.

3 Sed ¶ cur non licet, cum & hi liberi sint? Quia si sunt sui iuris, ipsi sibi testamentum facere possunt, quæ libertas homini sanæ mentis adimi non debet, *L. 43. ex facto, D. eod.* Si sunt filiofamilias, & si bona castrensis & quasi habeant, etiam de iis ipsi sibi testamentum facere possunt, quæ libertas itidem illis relinquenda est. Si hæc bona non habeant, ne in iis quidem heredem habere possunt, non ex testamento, quia de iis testari non possunt, *L. penult. & ult. qui testam. facere possunt. Instit. quibus non est permittum testam. fac.* non ab intestato, quia peculium filiofamilias lutesiati, etiam militis, occupat pater iure peculii, non ut hereditatem, *L. pater. D. de castrens. pecul.* Non sunt in eadem causa impuberes, quibus pater hoc modo substituit: nam ii, quia morte patris, sui iuris futuri sunt, ideo bona habere possunt, proinde etiam heredem. Sed quoniam propter ætatem ipsi sibi testamentum facere non possunt, §. *prætera, Instit. quibus non est permittum.* Ideo æquum visum est, ut parentes eis facerent, *Instit. de pupill. in fin.* Ideo enim æquum, quia utile est pupillis heredem habere non eum, quem fors dederit, qui potest esse idoneus, sed quem dederit iudicium & electio patris, qui de hac re propter affectionem suam erga filium recte existimabit.

Exigitur præterea, ut impuberes, quibus pater hoc modo substituit, sint in patris potestate, ut patet ex hoc rescripto, & *d. L. 2. in pr.* Ex quo colligitur, neque matrem filio impuberi, neque patrem filio emancipato impuberi hoc modo testamentum facere posse, §. *ult. Instit. de pupill.* Sed ¶ cur non potest impuberi emancipato parens substituiere, cum & hic non magis, quam is, qui in potestate est, testamentum sibi facere possit, & videatur, in quibus eadem ratio sit, idem ius statui debuisse? Respondeo; Quia nulli debet licere, ne parenti quidem, alienis bonis heredem instituere, nisi in quæ bona ius habet, vetante lege duodecim tabularum & naturæ æquitate.

At pater in filii emancipati bona iuris nihil habet, in filiofamilias autem bona ius habet, propter potestatem patriam, quæ olim tribuebat parenti etiam ius vitæ & necis. *L. ult. inf. de patr. potest.* Qui autem de vita statuere poterat, multo

magis poterat de bonis. Unde & illud receptum fuit, ut quavis filiofamilias vivo etiam pater existimeretur dominus esse bonorum; tamen liceat parenti cum exheredare, idest, bonis iis suis excludere, quod argumentum etiam est Pauli in *L. in suis, in fin. D. de lib. & post.*

Notandum est autem ¶ hoc loco duobus temporibus impuberem in potestate parentis esse debere, ut substitutio pupillaris valeat, nimirum & eo tempore, quo pater ei substituit, & eo tempore, quo pater moritur, quod utrumque tempus notandum est, *L. 41. coheredi, §. cum filio, D. eod.* his verbis: *Cum filio, aut nepoti pater substituit, nisi mortis quoque tempore sit in potestate patris, substitutio sit irrita.* Hæc autem ¶ particula, *quoque*, aliud tempus, quam mortis includit, hoc aliud tempus intelligere non possumus, quam id, quo pater substituit. Nam ex eo maxime tempore spectatur institutio, ut consistat, deinde & tempus mortis, ut exitum habeat, media tempora non nocent, *L. si alienum, §. 1. de hered. instit. §. in extraneis, de her. qual. & differ.*

Ideo diligentius ¶ notandum est, quod inolevit error vulgaris interpretum, admissionem mortis patris tempore debere impuberem esse in potestate patris; non autem quo tempore sit substitutio, dummodo postea veniat in potestate patris substituentis, idque propter verba *L. 2. in prin. vers. sed extraneum.* Qui error valde notandus est. Refellitur autem sententia non tantum *dicit. L. cum heredi, §. cum filius*, sed manifestis verbis huius *L. si testamento, l. 2. D. de pupill. in pr.* Nam in hac lege dicitur, patrem ita recte filium substituiere in secundum casum, non si filia constitueretur postea in potestate patris, sed si iam antea constituta erit in potestate patris. *Ecce in tot. tit. de pupill.* dicitur, permitti parentibus testamentum facere liberis impuberibus, non quos in potestate habebunt, sed quos habeant, & in *d. L. 2.* permitti parentibus facere testamentum liberis impuberibus, non si liberi erunt postea in potestate, sed si sint in potestate, quæ omnia ad præsens tempus substitutionem referunt, non ad futurum. Huc accedit, quod antea dixi, in omni ¶ institutione duo tempora spectanda esse ut iis valeat testamentum; tempus, quo testamentum fit, & tempus, quo testator moritur, *L. si alienum, §. d. §. in extraneis.*

Non recte in contrarium moventur verba *d. L. 2. vers. sed si extraneum, D. eod.*

cod. Sic enim verba sunt: *sed si extraneum quis impuberem heredem instituerit, potest substituere, si modo eum adoptarit, vel arrogaverit filio precedente.* Hæc verba, *potest ei substituere si*, acceperunt, ei nempe extraneo, non relicto. Nam adiciere debuerunt conditionem, quæ sequitur, ut possit testator ei substituere pupillariter, si modo eum prius adoptaverit, vel arrogaverit. Et quanvis Ulpianus non adiecit, prius vel postea; tamen cum alterutrum verbum supplendum sit, oportet ex iure sumere, utrum intelligamus. Ius autem præcepit, ut cum oratio ambigua sit, eam sententiam accipiamus, quæ vitio caret. Hæc autem vitio caret, si intelligimus testatorem ei impuberi extraneo substituere posse, qui ante extraneus fuit, sed quem antequam substitueret, arrogavit, aut subiecit potestati suæ.

- 9 Exigitur præterea, ut impubes, † cui pater pupillariter substituit, morte parentis sui iuris fieri possit, ut colligitur ex *L. 2. in prin. D. cod.* Quod exigitur propter duas causas; primo propter eos, qui vivo patre sui iuris fiunt, quo casu dixi substitutionem fieri irritam, ex *L. coheredi, §. cum filia, D. cod.* Deinde & maxime propter eos nepotes impuberes, quibus avus pupillariter substituit, qui iidem mansuri sunt in potestate patris mortuo avo, *tit. quib. mod. in prin. Inst.* Iis avus frustra pupillariter substituit, *d. L. 2. in prin.* Et ea ratio est, quam supra diximus, quia cum sint in potestate patris hi impuberes mortuo avo, ut bona, sic heredem habere non possunt; frustra autem iis testamentum fit, quibus heres esse non potest, cum sine heredis institutione nullum sit testamentum, *L. 1. in prin. D. cod.* Exigitur ad extremum, ut parens, qui pupillariter impuberibus liberis substituit, substituat hac conditione, si intra pubertatem decesserint, ut *hic §. tir. de pupill. in prin.* Quid ergo † si pater hanc aetatem exceßerit? Resp. Placet substitutionem quidem valere intra pubertatem, sed si filius hanc aetatem exceßerit, substitutionem finiri, *L. verbis legis, in prin. L. verbis 7. in prin. de pup.* Quod ita intelligendum est, si pater filio directis verbis substituat post pupillarem aetatem, ut in hac lege expressum est. Diversum est, si post eam aetatem roget filium, ut hereditatem suam alii restituat; quod omnibus etiam extraneis testatoribus facere concessum est, *§. ult. Inst. de pupill.*

Notandum † est autem, quemadmodum † liberi sunt impuberes, quibus parens substituit, ita nihil amplius exigi, quam ut liberi sint. Quod dictum est sine distinctione sexus, ut intelligeremus, ut pater substituere potest masculis, sic posse & feminis impuberibus, *§. pen. Inst. de pup.* unde & hoc rescripto proponitur pater substituisse filiae impuberi. Item sine distinctione natiuitatis, ut intelligeremus substituere licere, non tantum iam natis, sed etiam postumis, *d. L. 2. in prin.* Item sine distinctione gradus, ut sciremus licere substituere non tantum filiis, sed etiam nepotibus, & liberis inferioribus in infinitum, qui mortuo testatore mansuri non erant in alterius potestate, *L. 2. in prin.*

Postremo & liberis dictum est, neque distinguitur, sintne instituti, an exheredati, ut hoc quoque intelligeremus, non tantum parentem liberis institutus testamentum facere posse, sed etiam exheredatis, *L. 1. §. 1. D. cod.* Nec obstat, quod in exheredato filio, cui pater testamentum facit, aperte de alienis bonis statuit, nullo autem modo de suis, *L. 11. L. verbis legis, de verb. sign.* Nam hoc singulari iure receptum est moribus in persona patris, & cur receptum sit, supra diximus. Nec illud obstat, quod dicitur, cui testamento nihil relictum est, ab eo nec legatum nec fideicommissum relinquere posse, *L. 6. D. de legat. 3. leg. ab eo, infra, de fideicommiss.* Nam hoc ad legata & fideicommissa pertinet, non ad institutionem heredis quem interim substituere pater filio potest, nempe impuberi, & intra pubertatem, si eum parens in potestate habet. Neque hæc inter se contraria sunt. Nam cum aliquid ab aliquo relinquitur, is oneratur legari, & fideicommissi præstatione, item ei detrahitur aliquid de bonis, quorum neutrum in pupillari substitutione. Nam in hac pater heredem filio impuberi dando, hunc non onerat, sed honorat, ei non detrahit, sed adiecit heredem non sine impuberis utilitate, cuius interit idoneum heredem habere, ut supra dictum. Unde qui oppugnat substitutionem pupillarem, is dicitur oppugnare utilitatem pupilli, in *L. Iulianus, de acquir. hered.*

Atque hæc in substitutione ipsa pupilli spectantur, ut valeat. Extrinsecus autem ad vim huius substitutionis etiam quædam in testamento patris exigimus, quæ ex hoc principio ducuntur, quod substitutio pupillaris, & quod idem est, testamentum pupillare, pars est & sequela paterni, *§. liberis, Inst. de pupill. L. qui plures liber.*

ber. §. ult. in fin. D. cod. Cui sententiæ consequens est, nisi sit paternum testamentum, quod speciale est, non posse iocum esse accessioni, idest testamento pupillari.

- 12 Propterea ꝑ ut substitutio pupillaris valeat, hæc tria de testamento paterno exigimus. I. Ut parens, qui filio impuberi testamentum facit, ipse sibi testamentum faciat. Secundo, ut prius heredem sibi scribat, deinde substituat filio. Tertio, ut idem testamentum valeat, idest, exitum habeat.

- 13 Primum ꝑ exigitur, ut pater sibi testamentum faciat, L. 2. §. quisquis, D. cod. Ac proinde hoc exigitur, ut pater sibi heredem instituat, sive instituat ipsum filium impuberem, sive alium quemvis extraneum; quoniam fine heredis institutione testamentum non valet, L. 1. in fin. D. cod. Atqui cum hoc exigimus, simul hoc requiri intelligimus, ut testamentum iure factum sit, puta ne liberi præteriti sint; nam iniustum testamentum nullius momenti est, idest, ne testamentum quidem est. L. 1. de inoff. test. Hoc est, quod in hac lege scribitur in pr. si testamento iure facto pater substituit, non est satis patrem sibi testamentum facere. Hoc amplius exigitur, ut prius sibi heredem scribat; deinde substituat filio, & non convertat ordinem scripturæ. Hoc ita diserte & multis verbis scribit Ulpianus in d. L. 2. §. prius. Et ut intelligere liceat hanc sententiam ei probari, eam & ratione & auctoritatibus pluribus, scilicet Iuliani & Imperatorum confirmat.

- 14 Sed ꝑ difficultatem facit hoc loco, quod in cod. §. vers. sed si quis, banc sententiam videtur mutare; scribit enim substitui filio impuberi recte hoc modo, Si filius meus impubes intra pubertatem decesserit, Titius heres esto, deinde, Sempronius filius meus heres esto, ubi Titius substituitur primo loco scribitur, Sempronius filius instituitur secundo, quod Ulpianus ait in substitutione recte fit, & addit, ut videtur, sententiam superiori contrariam, ut non ordo scripturæ, sed ordo successionis spectetur. Sed principium cum sine ita conciliandum est: observandum est in extremis verbis, quæ supra regulimus, Ulpianum exemplum proponere de impubere filio instituto, cui pater substituit, sed de instituto tantum, non de exheredato. Ex quo intelligere debemus illum, hunc casum a priori sententia generali excipere, ut sit totius eius §. prius, hæc distinctio: cum pater prius substituit filio, deinde sibi heredem scribit: & queritur, utrum ꝑ converso ordine scripturæ substitutio pupillaris valeat, necne: inter-

est, utrum pariter substituat filio impuberi exheredato an instituto: ut si substituit exheredato, substitutio nullius momenti sit; si autem substituit instituto, valeat, idque optima ratione, quia cum pater filio impuberi prius substituit, deinde eundem filium instituit, secundum manifestam verborum sententiam ita heredem filium instituit, ut velit eum primo loco succedere, substitutum autem impuberi datum, velit secundo loco & postea, ut merito hic ordinem successionis, & sententiam testatoris, non verba scripturæ spectare debeamus. Nam cum pater hic substituit filio impuberi, substituit nominatum sub conditione, si filius intra pubertatem decesserit. Cum autem eundem instituit paulo post, instituit simpliciter & pure, ac proinde filio mortuo statim illum heredem esse, & iure ipso statim heres erit, quia est suus heres: sic fit ut secundum necessitatem naturæ & iuris non possit fieri, quin sit prius heres, quam moriatur, eoque non sit prius heres, quam substitutus ex substitutione vocetur, quod contra fit in impubere exheredato. Proponere enim hoc modo testatore scriptissimè: Filius meus impubes exheres esto, si intra pubertatem decesserit, Titius heres esto, Sempronius heres esto.

Hic prius exheredato impuberi substitutus datus est Titius, deinde Sempronius testatoris heres ex testamento. Sed Titius impuberi heres ex substitutione non erit, quamvis intra pubertatem decesserit, quia substitutio non valet, & ideo non valet; quia vere dicitur in hoc exemplo & secundum verba, & secundum sententiam, patrem prius substituisse filio; deinde sibi heredem scripisse, quoniam substitutio est sub conditione, si filius impubes decesserit, & institutio heredis item sub conditione tacita; Si Sempronius heres institutus hereditatem adierit; quia nisi adeat, heres non fit: at per rerum naturam non potest adiri, quamdiu impubes filius vivit, ut tunc adeat, eum impubes erit mortuus: quo fit, ut in hac specie, sive scripturæ ordo spectetur, sive ordo successionis, videatur pater prius substituisse filio, posteriori sibi heredem instituisse. Hæc est autem conversio scripturæ, quæ improbat in principio eius §.

Ne hæc quidem satis sunt in testamento patris, tertium ꝑ etiam hoc exigitur, ut 16 testamentum patris iure factum & scriptum, rite etiam valeat, id est exitum habeat L. 2. §. quisquis, D. cod. §. liberis, Instit. de pupill. Hæc rei hæc sunt consequentia. Primo, ut ne rumpatur te-

stamentum patris, itaque rupto testamento, testamentum pupillare evanescit, *dist. l. 2. §. quisquis*. Item & illud consequens, si testamentum, querela inofficiosi perlati, rescissum sit, simul & tabulas pupillares evanescere. *L. Papin. 8. §. sed nec impub. §. ult. de inoff. testam.* Consequens & illud, hereditatem ex testamento patris adiri oportere, hae non adita evanescere substitutionem pupillarem, quanvis testamentum patris ita iure factum sit, ut ex testamento eo adiri possit hereditas, *d. l. 2. §. quisquis, L. sed si plures, §. si ex ass. D. cod. de vulg. & pupill.* Hoc ideo consequens, quia non adita ex testamento patris hereditate testamentum eius sit irritum, *L. 1. D. de iniust. rupt.*

Sed hoc quod de adeunda patris hereditate dicitur, in extraneis heredibus locum habet, qui non aliter fiunt heredes, quam si hereditatem adierint. Ceterum ad heredes suos testamento patris institutos non pertinet. Itaque si proponas patrem filium impuberem, quem in potestate habet, heredem instituisse, eique substituisse si impubes decessisset, si mortuo patre pupillus per tutores abstineat hereditate patris, deinde impubes decedat, nihilominus substitutus ex substitutione admittetur; quia substitutio valuerit, *L. filius qui se. L. Iulianus, seq. de acquir. hered.* Nec ad rem pertinet, quod filius impubes hereditatem patris non adierit; nam sine additione ipso iure existit patri heres. *L. in suis, de suis & leg. hered.* Quod autem exigitur in extraneo, ut hereditas ab eo adita sit, ideo exigitur ut heres existat. Proinde si quis heres erit eiusmodi, qui sine additione heres iure non extiterit, idem probandum est, nempe confirmatum esse patris testamentum, ut sic confirmetur quoque tabulae pupillares. Et ideo vere dictum est a Bartolo in *d. l. filius, qui se*, existentia sui heredis confirmari tabulas pupillares.

Interdum tamen, etsi hereditas ex testamento patris adita non sit, aut rescissum etiam sit patris testamentum, nihilominus ¹⁷ substitutio pupillaris valet. Ac primum quibus casibus sit potestas heredi, repudiata hereditate, iterum eam adire, si adierit, confirmantur tabulae pupillares. Id autem contingit duobus modis. I. Si heres minor 25. annis hereditatem repudiaverit; nam huic potestas est impetrata restitutione in integrum rursus hereditatem adeundi: quod si fecerit, ut ei dantur utiles actiones ex edicto praetoris, ita confirmantur tabulae pupillares, & pupillo

quanquam decedente, decernuntur etiam utiles actiones eius substituto, *L. 2. §. interdum, D. cod.* Secundo modo idem accidit, si heres testamento patris rogatus sit hereditatem alteri restituere, nam quanvis initio hereditatem repudiaverit, tamen cogi potest a fideicommissario, ut hereditatem adeat, & restituat, *L. 4. ad Treb.*

Quod si evenerit, ut adeat, eadem opera confirmantur tabulae pupillares, ut ex iis quandoque substitutus admittatur *L. nam quod, §. 1. ad Trebell.* Idem probandum est, si substitutus pupillo heres rogatus sit hereditatem restituere alteri. Nam hoc casu quanvis heres institutus testamento patris hereditatem patris repudiaverit: & quanvis filius impubes eo testamento fuerit exheredatus: tamen postulante fideicommissario, cogi potest substitutus impuberis hereditatem adire eique substitutione pupillari.

Quod si quis dicat substitutionem pupillarem valere non posse; quia testamentum patris non valeat, ex quo hereditas adita non est, huic non incommode ita occurritur. Nam ut substitutus impuberis ex substitutione adire possit, fideicommissario postulante, cogetur heres patris hereditatem eius adire, ut sic confirmetur paternum testamentum prius, deinde eo confirmato tabulae pupillares confirmantur, quae species est *d. l. 2. §. interdum, in prin. de vulg.* Praeterea etsi ex testamento patris non adeatur omnino hereditas, tamen quibus casibus ex eiusmodi testamento legata iure praetorio conservantur, iisdem casibus etiam ex testamento valent tabulae pupillares. Id rursus accidit duobus casibus: unus est, si legitimus defuncti heres sit testamento institutus; deinde mortuo testatore omnia causa testamenti ab intestato possideat hereditatem: placet hoc casu confirmari tabulas pupillares *d. l. 2. §. quisquis, in prin. D. cod.* Hoc ideo, quia etiam repudiata ex testamento hereditate, testamentum iure civili non valet; tamen ex edicto praetoris, si quis omnia causa, &c. perinde id habetur, quasi ex testamento esset adita hereditas; quoniam sic ex testamento & legata & cetera relicta praestantur, ac si ex eo adita hereditas esset, *L. 1. D. si quis om. caus. test.* At si legata a praetore conservantur, multo magis substitutio pupillaris propter utilitatem pupillorum.

Aliero modo hoc idem fit, cum testamentum patris rescissum est, bonorum possessione contra tab. petita; nam & hoc casu etiam non valeat testamentum, non eo minus

minus tamen substitutio pupillaris valet, *L. ex duob. §. ult. L. seg. D. eod.* Hoc ideo, quia singulari quodam iure prætor rescisso per bonorum possessionem contra tabulas testamentum, nihilominus legata servantur quibusdam personis, nempe parentibus & liberis, *L. t. de leg. præst.* Si legata: multo magis servat hereditatem liberis puberibus ex substitutione pupillari.

Hæc summa est earum observationum, quas in substitutione pupillari tenere oportet, ut valeat substitutio. Ex his autem varia nomina substitutionis nata sunt, quæ ideo nobis sunt observanda, ut cum occurrant, statim ex iis res, quæ demonstrantur, intelligantur, & simul explicetur eorum verborum appellatio. Primum igitur dicitur substitutio, *tit. de pup. in pr. & §. non solum*, quoniam in hac substitutione instituitur heres secundo loco & gradu.

18 Prius enim pater sibi heredem facere debet, deinde filio, & ita debet, ut prius heredem oporteat existere patri, quam substitutio pupillaris valeat. Is autem substituitur, qui secundo loco institutus est heres, ita ut non nisi secundo loco succedat, ut initio dixi *b. s. L. 1.* Et notandum est substitutum impuberis, seu hanc substitutionem non dici substitutionem habita ratione impuberis; nam substitutus impuberis est impuberi prius heres, & solus, non secundus. Sed nec ita dicitur, habita ratione patris substituentis. Nam substitutus impuberi non est omnino patri heres, nedum primo, aut secundo, sed est solus impuberis heres. Verum ita substitutio, & substitutus hic dicitur, ex comparatione heredis paterni; nam prius heredem a patre institui oportet, ut dixi; deinde secundo loco filio impuberi, & non convertere ordinem scripturæ, quod ab Ulpiano significatur in *L. 2. in fin. D. eod.* Dicitur substitutio pupillaris, *§. igitur, Instit. de pup. L. in pupillari. L. ex duob. §. ult. de vulg. & pup.* quia est non possit substitui pupillo, nisi tunc, cum est in potestate patris; tamen substitutionis eventus confertur in id tempus, cum impubes morte patris, sui iuris erit factus, quo tempore dicitur pupillus, *L. pupillus, de verb. sig.* Eadem substituitur testamentum pupillare, *tit. Instit. de pup. in pr.* Eodem sensu dicuntur tabulæ pupillares: hoc ideo, quia ex hac substitutione heres instituitur impuberi, non patri, *§. 1. vers. quo casu Instit. de pup.* Id autem cuiusque dicitur testamentum, in quo heres cuique instituitur; quoniam ex heredum institutione testamentum pendet, *L. 1. §. qui*

neque, de her. Instit. §. cum heredem, Instit. de leg. Idem testamentum ex ordine institutionis dicitur secundæ tabulæ, ut eadem sint tabulæ pupillares, & secundæ tabulæ, d. §. interdu, in pr. d. L. qui plures, §. ult. D. b. s. Ex quo intelligimus in institutione pupillari, substitutione facta in testamento patris, duo testamenta esse, unum patris, ex quo heres ei instituitur; alterum filii, ex quo instituitur pupillo heres ex substitutione pupillari. *L. patris & filii, D. b. s. §. igitur, Instit. de pupil.* Et tamen quia tabulæ pupillares, seu substitutio pupillaris per se non valet, sed pars & sequela est paterni testamenti, *§. sibi ipsi, Instit. de pupil.* rursum hac ratione fit, ut substitutione pupillari facta, nihilominus unum dicatur testamentum esse patris, cuius pars sit & accessio, substitutio pupillaris: ideoque dicitur hoc sensu unum esse testamentum duorum casuum, idest, hereditatem, *d. §. igitur.* Ex hac ratione, cum pater substituit filio impuberi in secundum casum, dicitur patris esse testamentum duplex, & in quibus testamentis eadem sunt, ea dicuntur duplicia testamenta in usu iuris *L. in duplicib. D. ad L. Falcid.* Hæc substitutio autem hic in testamento patris, non minus ex sententia intelligitur, quam ex verbis, de quo ad *L. 2. sup.* ubi constabat pupillæ substitutionem testamenti patris ordinatam esse, & ita ordinatam secundum ea, quæ dixi. Reitat, ut de effectu eius quærat, idest, substitutus pupillo heres quando, & cui, seu ad cuius hereditatem ex ea substitutione admittatur, id quod paucis verbis notatum est in extremo hac lege. Ergo ex ea substitutione admittitur substitutus post eventum conditionis, ut sunt verba rescripti, idest, si pupillus intra pubertatem decesserit. Nam hæc huius substitutionis conditio est. Admittetur autem ita, ut excludat intestati successionem, ut sunt verba rescripti, quibus verbis significatur, quod aliis locis explicatus traditum est, substitutum impuberis, succedere pupillo, & in omnia bona eius, ac proinde in hereditatem patris, si prius impubes patri heres exstitit, *d. tit. pupil. vers. quo casu, L. sed si plures, §. substitutos, L. patrefamilias, de vulg. & pupil.* Hoc idem verbis huius rescripti significari dicimus; qui si tota hereditas impuberis non pertineret ad substitutionem impuberis, ex testamento seu substitutione pupillari, impubes succederet. At perinde casu alio proximo ex intestato ei succederet. Nunc autem secundum verba testamenti hæc intestati

successio ex substitutione a substituto excluditur. Ex quo colligitur illum in to-

tum succedere in substitutione, exclusis legitimis pupilli heredibus.

Ad L. Precibus. 8.

Impp. Dioclet. & Maxim. AA. & CC. Patronz.

Precibus tuis manifestius exprimere debueras, maritus quondam tuus miles defunctus, quem testamento facto heredem communem filium vestrum instituisse proponis, & secundum heredem scripsisse, utrumne in primum casum, an [in secundum] filio suo, quem habuit in potestate mortis tempore, si intra decimum quartum sue etatis annum aut postea decesserit, substitueris. Nam non est incerti iuris, quod si quidem in patris militis positus potestate, primo tantum casu habuit substitutum, & patri heres existit: eo defuncto ad te omnimodo eius pertineat successio. Si vero substitutio in secundum casum, vel expressa, vel compendiosa, non usque ad certam etatem facta reperiatur: siquidem intra pubertatem decesserit, eos habeat heredes, quos pater ei constituit, & adierint hereditatem. Si vero post pubertatem: tunc eius se successionem obtinente, veluti ex causa fideicommissi bona, quæ, cum moreretur, patris eius fuerint, a te peti possunt. S. V. Id. April. AA. Coss.

S U M M A R I A.

1. Species facti, questio, & responsi summa.
2. Primus & secundus casus in substitutione, quis.
3. In proposito cur nulla substitutio matri obset, quominus intestati filii hereditatem obtineant.
4. Vulgari substitutione expressa contineri pupillarem, nisi voluntas testatoris refragetur.
5. Vulgari substitutione a pagano facta non admitti pupillarem tacitam adversus matrem, sed hanc filio impubere herede mortuo admitti ad hereditatem intestati excluso substituto: si modo mater una cum filio instituta sit: alioqui in pagano patre contra.
- L. ult. C. de inst. & subst. explicatur. ibidem.
6. Vulgari substitutione expressa nec tunc contineri pupillarem tacitam adversus matrem, cum substitutio a patre milite facta est, & cur diversum in patre pagano.
7. Compendiosam substitutionem utrumque casum continere etiam adversus matrem impuberis, quisquique

pater substituerit, sive miles, sive paganus.

Compendiosa substitutio quæ; ibid.

8. Militem enim heredi a se instituto etiam post pubertatem in secundum casum directo velle substitueri, ut bona militis sola ad substitutum pertineant: heredes propria bona ad eius heredes sive testamentarios, sive legitimos redeant.
9. Ex substitutione militis in secundum casum post pubertatem, aut extraneo heredi facta non solum pertinere ad substitutum bona propria militis; sed & fructus eorum honorum inventos in hereditate, cum heres, cui substituitur, moritur: & qui fructus his verbis intelligantur.
- L. Centurio D. de vulg. explicatur: ibidem, & nu. 8.
10. Ex substitutione militis in secundum casum post pubertatem facta filio pertinere ad substitutum bona militis iure directo, non fideicommissi, quavis mater sit superstes.

11. *Hæc verba, velut ex causa fidei-
commissi, addita, ut significetur
restitutionem hereditatis ex sub-
stitutione militari in secundum
casum facta, similem esse resti-*

*tationi hereditatis fideicommissi-
sarie: & cur, ac qua in re sit
similis.*

12. *Obtineri filii hereditas a matre quo
sensu hic dicatur.*

1 **M**iles pater † filium impuberem, quem in potestate habebat, heredem instituit, eique substitutionem dedit; filius mortuo patri exstitit heres: deinde decessit viva matre: hæc filii hereditatem ut intestato mortui occupat, eamque pro sua obtinet ex senatusconsulto Tertulliano: substitutus contra hereditatem filii ex substitutione sibi vindicat: quaritur, ad utrum hereditas pertineat? De hac re consulti mater Imperatores, & in facti narratione rem nude ita exposuit, ut *supra dixi*, nempe substitutum filio datum, neque expressit in quem casum, utrum in primum, an in secundum. Respondent Imperatores, ut mater certum & absolutum responsum acciperet, debuisset eam manifestius exprimere, in quem casum substitutus datus sit; quia multum referat ad id, de quo queritur, in utrum casum substitutus quis sit. Proinde cum id mater non expretisset, respondent non absolute, sed sub distinctione, in qua versatur hoc scriptum. Est autem hæc distinctio. Interit, utrum miles filio impuberi, quem in potestate habebat, & habuit tempore mortis, substituerit in primum tantum casum, an vero in secundum.

2 Primum † casum vocant usitato iuris auctoribus loquendi more vulgarem, huiusmodi, *si filius heres non erit*: secundum non vulgarem, qui priorem sequitur, *sive heres erit filius, & postea decesserit*; *L. 4. D. de vulg. & pup. subst.* de quo alias.

3 Si † in primum tantum casum substitutus datus sit, & filius heres exstiterit, aliunt Imperatores non esse incerti iuris hereditatem filii hoc casu ad matrem omnimodo pertinere, non autem ad substitutum. Id autem sic colligitur. Nam si nullus est filio substitutus datus, & is testamentum non fecit, intestatus decedit. Intestati autem filii, qui nec patrem habuit, nec filios, hereditas certo iure ad matrem pertinet ex senatusconsulto Tertulliano. *Inss. de sen. Tertull.* Iam vero hic substitutio nulla fuit, ubi proponitur substitutus in primum tantum casum datus esse, & filius exstiterit heres. Nam si qua hic substitutio est, necesse est aut vulgarem esse, si filius heres non erit, aut non vulgarem,

si heres erit, & postea decesserit. Hic vulgaris non est, quippe quæ filio herede existente expiraverit, quod & ipsum certi iuris est. *L. post aditam, sup. hoc sit.* Non est non vulgaris substitutio; quoniam cum proponatur in primum tantum casum substitutus datus, hæc particula, *tantum*, satis significat secundum casum a testatore comprehensum non fuisse. Ita fit, quod dixi, ut intestatus filius decesserit, eoque & ad matrem pertineat intestati hereditas.

Et † hæc recte dicerentur, ac citra controversiam si vulgari substitutione expressa, ut hic factum proponimus, non contineretur pupillaris. Nunc autem certi iuris est, eam contineri, *L. 4. D. de vulg. & pup. subst.* Secundum quam sententiam dici debuit nilo impubere mortuo, quavis prius patri heres exstiterit, eius hereditatem ad substitutum pertinere ex substitutione pupillari; consequens esse hereditatem nullo modo pertinere ad matrem, quoniam substitutio pupillaris est testamentum impuberis: quamvis autem potest ex testamento impuberis adiri hereditas, tamen ab intestato non defertur neque matri neque cæteris heredibus legitimis; *L. quando potest, D. de acq. her.* Sed quod dicitur vulgari substitutione expressa contineri tacite pupillarem, non est perpetuum. Id hæcenus verum est, nisi voluntas testatoris refragetur, quod in specie proposita factum esse intelligendum est. Queritur igitur in proposito, quare substitutus in vulgarem casum datus a patre, qui filium in potestate habuit, non videatur etiam in secundum casum datus, ut sic admittatur in utrumque exclusa matre ab intestato, & cur non videatur pater de secundo casu cogitasse. Et vulgo obtingit hæc sententia, ideo in proposito id fieri, quia filius decesserit viva matre: matri non nocere substitutionem pupillarem tacitam; quasi coniectura sit testatorem voluisse, si filius heres exstiterit, deinde intra pubertytem decederet, lucuosam hereditatem filii ad matrem pertinere potius, quam ad substitutos, de quibus in secundum casum nihil aperte.

Sed vereor, † ne hæc sententia defendi non possit. Nam si ob hanc causam propter matrem excluditur substitutus in secundum

secundum casum in substitutione vulgari a milite facta; etiam in pagano testatore idem probandum erit, qui filio impuberi substitutum dederit in vulgarem tantum casum: quia hic eadem mater est, quæ de hereditate filii litigat, idem humanitatis sensus in pagano patre, ut proinde in eadem ratione idem ius statui debeat. *L. illud, D. ad L. Aguil.* Et hoc etiam vulgo admittunt. Sed refellitur hæc sententia non obscure *L. ult. supr. prox. tit. de institut. & substit.* Nam illic proponitur testator, qui miles non est, uxorem prægnantem heredem instituisse; & una cum uxore ventrem, idest, pupillum, qui in ventre est, pupillo substituisse hoc modo, *Si filius natus non esset*, idest, si heres non extitisset, ac propterea substituisse ei in vulgarem tantum casum: deinde proponitur postumus natus esse, & heres extitisse patri, ac deinde impubes decessisse. Quæritur est de eius hereditate, utrum ex substitutione pupillari tacita pertinere debeat ad substitutum, an vero ad matrem reiecta pupillari substitutione? Et illic refertur sententia Papiniani & Ulpiani, probantium quidem matrem ad successionem intestati filii admitti excluso substituto, ut sic vulgari substitutione, quæ expressa erat, non intelligatur contineri pupillaris adversus matrem. Sed hæc sententia a Papiniano & Ulpiano defenditur hac solum ratione: quia mater, itidem ut filius, instituta erat a testatore; proinde si instituta non erit, non admittetur, sed substitutus. Vis huius argumenti indicatur in *L. 1. §. huius rei, D. de off. eius, cui mand. est iurisd.* Defenditur præterea eadem sententia ab illis auctoribus hac ratione, quod si testator voluit hereditatem suam, quæ uxori non deberetur, ad uxorem pertinere; multo magis voluit ad eam pertinere hereditatem filii impuberis, utpote quæ naturaliter matri deberetur. Hæc ratio cessat in ea matre, quæ a testatore instituta non est. Quare in ea hoc quoque ius cessabit. *L. quod dictum, D. de pact. L. in omnibus causis id observatur, D. de reg. iur.* Nec obstat Iustiniani constitutio, qua prior sententia remota omni dubitatione confirmatur. Confirmatur enim nominatim a Iustiniano in hac specie, & in hoc casu. Nam bis hæc verba repetit ea constitutio, proinde in aliis casibus ius vetus manere oportet. *L. præcipimus, in fin. infr. de appell.* Apparet autem ex superiore dubitatione Papiniani & Ulpiani, in ea matre, quæ instituta non esset, dubium non fuisse, quin filio impuberi heres non esset

ab intestato, si pater impuberi substitutum dedisset, quanvis in primum tantum casum. Neque adversatur hic locus, ubi simpliciter dicitur hereditatem impuberis ad matrem pertinere. Nam adicitur, in hoc casu id non esse incerti iuris. Ex quibus verbis liquet Imperatores non loqui de pagano testatore, qui filio impuberi in primum casum substitutum dederit non instituta matre, aut etiam instituta. Nam utrum hoc casu admitteretur mater, impubere mortuo res dubii iuris fuit, non certi. Ad eiusdem rei confirmationem adducere oportet *L. quanvis, supr. b. tit.* ubi uxore testatoris, & filio impubere hereditas instituta, pater ambobus substituit hoc modo: *si uxor & filius heredes non erant*; & responderetur quidem, si filius impubes heres exsistat, deinde iura pubertatem decedat, substitutum ex substitutione pupillari non admitti, sed matrem ab intestato. Verum ratio observanda est, quomobrem id placeat. Non enim dicitur iude mater admitti, quia substituto in primum tantum casum dato, mater excludat tacitam pupillarem: sed quia testator his verbis, *si heredes non erant*, substituendo, intelligitur tantum sensibile de eo casu, qui in utriusque persona locum habere potuit: potuit autem solus casus vulgaris in utriusque persona intelligi. Quo non obscure significatur, si uni tantum filio impuberi pater substituit in primum tantum casum, cum in eius persona locum habere potuerit etiam secundus casus, matri locum non futurum, sed substituto, quantumvis mater una cum filio instituta fuerit. Neque hæc sententia iniqua est. Nam cum pater filio impuberi substituit aliquem in primum casum, vult substitutum sibi heredem esse. Qui autem semel eum sibi heredem esse vult, is vult eum etiam perpetuo sibi esse heredem, sive filius heres non sit; sive sit heres. Quapropter etiam filio herede existente, & intra pubertatem mortuo, substitutus testatori heres erit ex eius voluntate. Et quoniam non potest testatori heres esse, nisi etiam sit heres pupillo, quia tantæ hereditates esse ceperunt patris, & impuberis, *L. sed si plures §. filio, D. de vulg. & pup. substit.* ideo substitutus etiam ad hereditatem impuberis vocari intelligitur, ubi alia voluntas manifestior non refragatur.

Sed obicitur † hic locus, in quo contra placet matrem admitti. Et observandum est locum scriptum esse de testatore milite. Sic enim diserte verba sunt: *quod si filius in patris militis positus potest esse*: ex quibus intelligimus aliud iuris esse

In milite, aliud in pagano. Merito: est enim in utroque alia atque alia coniectura voluntatis. Nam in milite hoc probatur, ut tantum fuisse & voluisse intelligatur, quantum dixerit, non amplius; scilicet, ut quemadmodum servatur per omnia id, quod voluit; ita etiam præter voluntatem non servetur, quod non aperte voluit. *arg. in leg. Divus, & L. Lucius, D. de test. mil.* Idque recte placuit, cum propter imperitiam militum, de qua scriptum est in *L. 3. sup. de test. mil.* tum propter occupationes expeditionum, in quibus iure militari testantur. §. 1. *Instit. de test. milit.*

Imperitia facti, ut de iure non intelligatur cogitasse miles, si non exoresserit, *L. ult. in princ. infr. de iure delib.* Occupatio autem militiæ, & expeditionis omnino aliam cogitationem admittit, ut non temere putandus sit cogitasse, quod nominatim non dixerit. Quod cum ita sit, si miles filio impuberi substituit in hunc casum, si heres non esset, non videbitur substituisse in hunc casum, si heres erit, & deinde decesserit. Ex quo efficitur, si heres existat, certi iuris esse expirasse substitutionem, ac proinde matri locum futurum, non substituto. Cui consequens est, si impubes hoc casu heres existat, & intra pubertatem decedat, etiam alium quemlibet legitimum heredem impuberis heredem futurum ab intestato, excluso substituto. Alia coniectura est voluntatis in iis testatoribus, qui milites non sunt. Nam si lus non ignorant, secundum regulas usus iuris testari intelliguntur: si imperiti sunt; tamen de hoc ipso iure videntur sentisse, quia se iure communi testari intelligunt: ut velint etiam ea omnia admittere, quæ sunt ex iuris communis sententia, nisi aperte eorum voluntas refragetur. Ex his colligimus, quoties testator in unum casum, puta vulgatem, substituit aliquem filio impuberi, simul etiam in secundum casum substituisse videri: nisi conditio heredis legitimi, qui ad hereditatem impuberis vocatur, aliam admittat coniecturam; id autem contingere, quoties filius impubes decessit viva matre: si modo & ea testamentum instituta sit ab eodem testatore una cum filio impubere ex *L. ult. sup. prox. tit.* aut ea non instituta proponatur substitutio facta esse a testatore milite.

7 Atque hæc † ita sunt, si pater miles filio impuberi substituit in primum tantum casum: diversum est, si substituto a patre etiam in secundum casum vel expressa, vel compendiosa facta fuerit. Sic enim

verba sunt huius *L. in vers. sed si.* In secundum casum fit hoc modo: *si filius meus heres erit, & deinde decesserit, Titius heres esto.* Expressa est hoc modo: *si intra pubertatem, aut postea decesserit, quæ formula initio huius scripti expressa est.* Dicitur autem hoc casu expressa, quia tempus utrumque verbis specialiter exprimitur, & quod pubertatem præcedit, & quod sequitur. Compendiosa seu compendio fieri dicitur hoc modo: *quandocunque filius meus decesserit*, vel *si decesserit*, vel *cum decesserit*, quia hoc compendio sermonis utrumque tempus superius comprehenditur, non exprimitur: ut alibi appellatione hominis dicuntur compendio sermonis omnes homines contineri, *L. Mevius, §. duorum, D. de leg. 3.* Ergo si substitutio in hunc casum facta sit, *quandocunque filius heres factus decesserit*, nunquam hereditas filii tota ad matrem pertinebit, sed aut tota ad substitutum, aut saltem pro parte. Utrum autem tota, an pro parte pertineat, ex hac distinctione statuendum est. Aut enim filius decessit intra pubertatem, aut post pubertatem. Si iura pubertatem, eos heredes habebit, quos pater ei substituit, si & hereditatem adierint, ut sunt verba scripti. Ex quibus intelligimus, hoc casu totam hereditatem filii impuberis ad substitutum pertinere. Itaque in hac hereditate, & bona patris ad substitutum pertinebunt, & item bona propter filii impuberis, nondumque illa obvenierint. Nam cum is patri heres exstiterit, iusta hereditas ceperit esse patris & filii. *L. sed si plures, §. filio, D. de vulg. & pupill. subst.* Hoc autem fieret iure communi, etsi paganus testator filio impuberi substituisset aliquem in secundum casum. *Instit. de pup. subst. vers. quo casu, & d. L. sed si plures, §. ad substitutos, de vulg. & pup. subst.* Bene igitur Papinianus in *l. centurio, D. eod.* dixit, hoc casu substitutos iure communi etiam propria bona filii impuberis capturos. Si bona impuberis ex substitutione ad substitutum hoc casu pertinent, sequitur nihil ex his ad matrem redire. Nam, ut superius dixi, hæc substitutio testamentum est pupilli, quod pater ei fecit. *L. 2. D. de vulg. & pup. subst.* Quamdiu autem potest ex testamento impuberis adiri hereditas, tamdiu ad intestato non descendet neque matri neque aliis legitimis heredibus, *L. quamdiu potest, D. de acq. hered.*

Si vero † filius decessit post pubertatem, scripti verba ita sunt: *matre eius* (filii)

(filii) hereditatem obtinente, bona quæ patris, cum moreretur, fuerint, veluti ex causa fideicommissi a matre peti posse. Quæ verba quia obfusiora sunt, & magnas difficultates pepererunt interpretibus, nobis excutienda sunt. Et in his duo expendenda potissimum: quæ hoc casu bona ad substitutum pertinent: tum quo iure. Igitur cum filius, cui in secundum casum substitutus datus est a patre milite, post pubertatem deeedit, non omnia eius bona ad substitutum pertinent, sed bona duntaxat patris, idest, quæ fuerunt patris, cum is moreretur. Idem in *L. centurio, in fin. D. de vulg. subst.* Hic occurrit ex iure communi. Nam verbis civilibus, idest, directis, post decimum quartum annum frustra substitutio fit; & si facta erit, tamen pubertate finitur. *L. verbis civilibus, & L. in pupillis, D. de vulg. subst.* Sed hoc in paganis ius est, in militis substitutione, de qua hic agitur, locum non habet. Potest miles ex privilegio militum heredibus a se institutis etiam in hunc casum, cum heredes existerint, substituere, non tantum liberis, sed etiam extraneis, nec tantum impuberibus, sed etiam puberibus. *L. milites, supr. de test. mil. L. miles ita heredem D. eod.* Pertinent igitur bona patris militis ad substitutum non iure communi, sed ex privilegio militum, ut dicitur in *d. L. centurio*. Quid? bona propria filii ad quem pertinebunt? nempe ad heredes legitimos: & ideo in specie, quæ nunc proponitur, ad matrem, quæ temporibus huius scripti inter legitimos heredes primum locum tenuit ex senatusconsulto: sed cur ex eodem privilegio militis hæc bona non pertinent ad substitutum, cum miles substituerit heredem filio, non sibi? Quia suis bonis miles quavis substitutionem facere potest, alienis non potest, ne ius alienum imminuat. *d. L. milites, supr. & L. cum filiusfam. D. de test. mil.* Futurum est autem, ut minuat ius alienum filii, si heredem ei dando auferat ei libertatem testamenti faciendi. *L. ex facto, 1. resp. D. de vulg. subst.*

- 9 Adiicitur ꝑ in scripto, ad substitutum bona patris pertinere, quæ patris, cum moreretur, fuerunt. Imo etiam ea, dicit aliquis quæ eius non fuerunt, cum moreretur. Nam hæc bona ad substitutum pertinent cum fructibus inventis in hereditate patris, ut scriptum est in *d. L. centurio, infr.* Quibus verbis intelligere debemus fructus inventos in hereditate patris, & inventos, quo tempore filius moritur. Neque enim de fructibus inventis

in hereditate patris, quo tempore pater moritur, sentire potest Papinianus, qui prius dixerat bona patris pertinere ad substitutum. Bonorum appellatione etiam fructus tempore mortis patris inventi satis continentur, sive pendentes sint, sive iam ante a patre percepti. Nam pendentes pars sunt fundi. *L. fructus pendentes, D. de rei vind. Percepti autem sunt eius, qui fundi dominus fuit. L. quiescit, §. 1. D. de usur.* Quapropter cum Papinianus a bonis, de quibus locutus erat, separet & distinguat fructus in his inventos, perspicuum est cum intelligere fructus in illis bonis inventos, quo tempore filius moritur. Et verum est, hos fructus etiam ad substitutum filii pertinere: dummodo fructus in hereditate patris eo tempore inventos, intelligamus eos dici, qui in hereditate eo tempore pendet, non autem qui ante a filio percepti sunt. Ut corpora, quæ patris fuerunt, hereditaria sunt, ita & fructus eorum corporum pendentes. Proinde ut hereditas patris ad substitutum pertinet, sic & fructus eius hereditatis pendentes. Qui autem fructus vivo filio percepti sunt, hi non pertinebunt ad substitutos, duobus de causis. Primum; quia amplius non reperiuntur in hereditate patris, utpote a ea separati. Deinde; quia percepti a filio, qui dominus erat bonorum paternorum, ei quoque eadem opera acquisiti sunt, ut sint pars hereditatis eius, non paternæ. *d. L. qui scit, §. 1. D. de usur.* Non obstat hæc lex, quæ de bonis tantum loquitur, quæ patris fuerunt, cum moreretur. Loquitur enim solum de corporibus, non de fructuum præstatione. Corpora ipsa hereditaria si spectamus, ea solum ad substitutum pertinent, quæ fuerunt patris, quoniam tempore is moritur.

Videamus, ꝑ quo iure hæc bona ad substitutum pertineant. Ait enim scriptum, *veluti ex causa fideicommissi peti posse.* Quæ verba errori communi animum præbuerunt: fecerunt enim, ut existimarent vulgo interpretes bona hæc in substitutione proposita ad substitutos pertinere non iure directo, sed iure fideicommissi. Et cum illis obicitur privilegium militis, quo privilegio miles etiam heredibus a se institutis, & existentibus substituere alium potest: respondent hic substitutionem directo factam redigi ad causam fideicommissi propter matrem filii intermediam. Quæ sententia explodenda est: adversatur enim cum manifestæ rationi, tum manifestis locis iuris, & maxime etiam huic loco. Ius certum est, militem heredibus a se

a se

a se instituit alium heredem substituere directo posse in secundum casum. *d. L. miles, & L. miles ita heredem, D. de test. milit.* Porro in specie hic proposita, ut narratur factum in principio rescripti, miles filio suo secundum heredem scripserat, id est, directo substituerat heredem, bis verbis, *si filius meus decesserit intra pubertatem, aut postea, Titius heres esto.* Ut igitur miles substituit directo, ita & directo substitutio valebit. Declaratur vero id evidentissime in *d. L. centurio, D. de vulg. subst.* ubi scribitur in eadem hypothese bona patris ad substitutum pertinere ex privilegio militum. Si ex privilegio, certe non fideicommissi iure. Nam ubi fideicommissum relicum est, fideicommissum iure communi valet etiam post pubertatem, non autem ex privilegio. *§. ult. Inst. de sing. reb. per fideicom. relict.* *§. ult. Inst. de pup. subst.*

Et ridiculum est, quod vulgo dicitur, propter matrem filii superstitem directam substitutionem a milite factam obliquari. Hoc enim perspicue dicitur adversus notum privilegium militare. Sed & hinc magis falsum esse intelligemus. Nam si substitutio, & institutio directa militis valet iure directo etiam adversus filios militis, ut valet: *L. sicut, & L. seq. si pr. de test. milit.* multo magis valet adversus uxorem militis, ad quam nullo iure hereditas militis pertinet. Hæc eadem sententia aperte verbis huius rescripti confirmatur. Nam hæc verba, *velut ex causa fideicommissi*, verba sunt similitudinis. Nul- lum autem simile est idem. Quare si bona patris in proposito petantur, velut ex fideicommissi causa, non dubium argumen- tum id est, hic fideicommissum non esse; atque dicendum fuit bona hæc peti ex causa fideicommissi, non velut ex causa fideicommissi. Quod si hic fideicommissum non est, necesse est directam substitutionem relinqui, quæ hic statuatur, nihil est enim medium *d. §. ult. Inst. de sing. reb. per fideicom. rel.* Ex hinc est, quod Imperatores dicunt, hæc bona a matre peti posse. Petendi verbo proprie actio in rem significatur; *L. actio in personam, D. de obl. & act. L. pecunia. §. actio- nis. D. de verb. sign.* si actio in rem substituto datur ad hæc bona patris petenda, indicio est etiam nondum restitutus illis bonis substitutum eorum dominum esse; quoniam in rem actio nisi domino non competit. *L. in rem, D. de rei vind.* Non potuit autem substitutus recta a testatore dominus fieri, nisi voluntate in eum collata directo. *§. ult. Inst. de sing. reb. per fideicom. relict.* Tom. IX.

Quid est ergo † quod dicunt Imperatores, *bona hæc peti posse velut ex causa fideicommissi*? Additum hoc est conveni- tissime, ut intelligeremus, non omnia bona filii pertinere ad matrem, sed ea tantum, quæ propria essent filii: bona autem pa- tris sola in restitutionem venire. Quippe idem fieret, si pater miles filium heredem institueret, & eum rogasset hereditatem suam restituere Lucio Titio post mortem suam. Ex hoc, inquam, fideicommissio bona tantum patris restituenda essent: propriæ autem facultates filii fideicommissio non continerentur, ut est in *L. coheredi, §. cum filie, D. de vulg. & pup. subst.* Sed & illud huic restitutioni cum restitutione fideicommissi convenit, quod si fideicom- missum relicum esset a filio testamento patris militis, omnia bona patris restitui deberent ex fideicommissio non imminuta ex Lege Falcidia, seu senatusconsulto Trebelliano, quia in testamento militis cessat Lex Falcidia; *L. in testam. supr. de test. mil.* Sic & hoc loco ex substitutione direc- ta militis, quæ post pubertatem facta est, omnia bona patris ad substitutum per- tinent. Ex quo apparet, non alium sen- sum esse horum verborum, *velut ex causa fideicommissi*, quam hunc: nimirum in pro- posito bona patris a matre peti posse, & restitui debere similiter, uti peti possent, & restituerentur, si pater filium heredem instituto eum rogasset, cum moreretur, he- reditatem suam restituere Lucio Titio: id est, in summa, restitutionem hanc similem esse restitutioni fideicommissi. Unum dis- simile est in fructibus. Nam ex substitu- tione directa militis, de qua nunc agitur, ut bona ipsa patris ad substitutum per- tinent; ita & fructus inventi in hereditate patris, quo tempore filius moritur. In res- titutione autem fideicommissi fructus non veniunt, nisi ex quo tempore mora facta est. *L. in fideicommissaria, D. ad Trebell.* Sed id non adversatur huic loco. Nam, ut dixi, loquuntur Imperatores de restitutione bonorum, non etiam de res- titutione fructuum. Verum est autem in restitutione bonorum privatorum, id est, corporum ipsorum, omnia esse directæ substitutioni, quæ post pubertatem facta est, similia cum fideicommissio. Nihil igitur hæc verba, *velut ex causa fideicom- missi*, obstant, quominus in proposito in- telligamus bona patris ad substitutum per- tinere iure directo, non fideicommissi, ex privilegio militum.

Magis † obstat videri possunt illa ver- ba, *et eius hereditatem obtinente*, qui- bus significatur matrem obtinere heredi- tatem

tatem filii. Obtinere autem est iure obtinere: & hereditas filii non tantum propria bona filii continet, sed etiam hereditatem patris; quæ postquam filius heres existit, coepit esse in patrimonio filii, coepitque ex utraque una hereditas fieri. *d. L. sed si plures, §. filio, D. de vulg. & pup. subst.* Ex concedendum est hoc ita esse, si in his verbis *obtinendi* verbo intelligeremus iure hereditatem obtineri a matre, & præterea hereditatis verbo totam hereditatem filii acciperemus. Sed neutrum necesse est sic accipi, cum possit alius esse sensus idoneus. Ex vero potest hic esse sensus horum verborum duplex, & is quidem ad verba, & questionem propositam quam accommodatissimus. Unus, ut sic interpretemur, *Te eius*, idest eius solius filii hereditatem propriam obtinente, sitque hæc sententia: hereditas propria filii ad te pertinet in proposito, o mater; reliqua autem bona, quæ fuerunt patris, a te peti possunt, ut sic nihil amplius ad te pertineat, quam propria bona filii tui, ut appellantur hæc bona in *d. L. centurio, de vulg. & pup. subst.* Quæ sententia ut verbis convenit; ita per se verissima est, ac proinde ac-

cienda, quia vitio caret, *L. in ambigua, D. de legib.* Esse etiam potest horum verborum alter hic sensus, non minus vitio carens, quam prior, ut intelligamus hic conditionem esse, *si hereditatem filii obtines, o mater*. Est enim hic ablativus absolutus, *te obtinente*. Dici autem vulgo solet, & verum est ablativos absolutos resolvī in conditionem, ut, *restituas hereditatem fundo retento*, vel *pecunia accepta*, idest, cum fundum retinueris, vel pecuniam acceperis: seu si retinueris, si acceperis, *L. a testatore, D. de cond. & demonstr.* Quo modo interpretantibus erit hæc sententia, *si hereditatem totam filii, o mater, obtines*, idest, tenes, possides; *bona patris, quæ in ea hereditate sunt, a te peti possunt*. Recte vero, & necessario ad hanc petitionem dandam superior conditio adiecta est. Nam ut quis vel res singulas, vel hereditatem possit viudicare, non est satis eum, qui vindicat dominum esse vel rerum singularum, vel hereditatis, sed opus est, ut is, a quo hereditatem petit, possideat pro herede, vel pro possessore, *L. regulariter, & seq. D. de her. pet.*



Ad L. Humanitatis, 9.

Imp. Iustinian. A. Mennæ PP.

Humanitatis intuitu parentibus indulgemus, ut si filium nepotem, vel pronepotem cuiuscunque sexus habeant, nec alia proles descendendum eis sit, iste tamen filius, vel filia, nepos, vel nepis, pronepos, vel proneptis, mente captus vel mente capta perpetuo sit: vel si duo vel plures isti fuerint, nullus vero eorum sapiat: liceat iisdem parentibus legitima portione, ei vel eis relicta, quos voluerint bis substituere: ut occasione huiusmodi substitutionis ad exemplum pupillaris querela nulla contra testamentum eorum oriatur: ita tamen ut si postea resipuerit, vel resipuerint: talis substitutio cesset. Vel si filia aut alii descendentes ex huiusmodi mente capta persona sapientes sint: non liceat parenti, qui, vel quæ testatur, alios quam ex eo descendentes unum vel certos, vel omnes substituere. Sin vero etiam liberi testatori vel testatrici sint sapientes; ex his vero personis quæ mente capte sunt, nullus descendat ad fratres eorum unum, vel certos, vel omnes eandem fieri substitutionem oportet. Dat. III. Id. Decemb. Constantinop. D. N. Iustiniano A. PP. II. Conf.

S U M M A R I A.

1. Summa huius constitutionis, verumque partitio.
2. Parentes, quibus modis, quavæ ratione liberis mente captis substituantur.
3. An omnes parentes illo modo substituere possint. An & mater & avus. Et quid si plures sint parentes liberorum mente captorum, quorum ex iis testamentum valeat.
4. Beneficium huius legis an ad furiosos quoque pertineat.
5. An quoque ad prodigos, furiosos & muros.
6. Liberi mente capti, quibus pater in secundum casum substituit, ut valeat substitutio, oportet, ut mortuo testatore non sint in potestate alterius parentis cuiuscunque.
7. Mente captis liberis quibus conditionibus substituere liceat.
8. Mente capti si ex minori parte, quam legitima instituti sint, an nihilominus substitutio valeat.
9. Mente capti si resipiscant post substitutionem, deinde recidivi fiant, atque decedant, utrum substitutio evanescat, maneatve.
10. Substitutio mente captorum quid distet a substitutione pupillari, & n. 3. & 7.
11. Item cur tam multum distet a pupillari.
12. Qui huius substitutionis effectus.

Summa ¶ constitutionis hæc est: permittitur hac lege parentibus liberis suis mente captis, quanvis puberibus, hereditibus prius non minus, quam ex portione legitima institutis, substituere in secundum casum; si heredes erant, & in eadem valetudine decesserint. Et substituere his quemlibet, præterquam si liberi mente capti filios habeant, aut fratres ex eodem parente testatore natos. Nam si filios habent, hi substituendi sunt: si non.

Tom. IX.

substituendi sunt fratres; dum tamen intelligamus sufficere unum aliquem ex his substituere, neque necesse esse substituere omnes. Et hoc permittum ad exemplum pupillaris substitutionis, eadem ratione. In his multa queruntur ad explicationem constitutionis, quæ ut recte & ordine explicari possint, partes huius iuris nobis distincte excutiendæ sunt. Sunt autem hæc, de quibus queritur. I. Quod genus substitutionis hic permittatur parentibus; &

R 2

qua

quis ratione. II. Qui possint hoc modo substituere. III. Quibus possint. IV. Qua lege & quibus conditionibus. V. Quos possint substituere. VI. Huius substitutionis recte constituta quis sit effectus.

- ² Primo loco genus substitutionis observandum est. Permittitur ꝑ parentibus liberis mente capitis substituere, non in hunc casum, si heredes non erunt, quod supervacuum fuerit; cum hoc modo quis substituere possit quibuscumque heredibus a se institutis; sed in hunc casum, si liberi heredes erunt, & postea antequam respuerint, sive mentis compotes facti sint, decesserint, quod contra rationem iuris constitutum est, ut initio huius tit. dictum. Recte autem id permixtum est hac constitutione, quod prius non licebat, nam hæc substituendi facultas prius impetrari solebat a principe, *L. ex falso, D. de vulg.* Introducing autem huius constitutionis æquitas hæc fuit, quod liberi mente capiti etiam si ætate puberes sint, tamen non magis testamentum facere possunt, quam impuberes, proinde æquum hic quoque fuit, ut parentis ipsis facerent, *§ qua ratione, Inst. de pupill. subst.* Et hæc ratione dicitur hæc substitutio introducta esse ad exemplum pupillaris substitutionis; nam alioqui in multis, vel in singulis fere partibus distat hoc genus substitutionis a pupillari.

- ³ Videndum est, ꝑ qui possint hoc modo substituere liberis. Et generaliter hoc permixtum est parentibus omnibus sine distinctione sexus, aut gradus. Nam & matri eadem substitutio permittitur, & avo, & aliis parentibus in infinitum, de quibus expressum est in *pr. const.* De sexu constat ex *vers. pen. & ult.* ubi nominatim, qui vel quæ testator, & testatrix dicitur, qui hoc modo substituetit. Unde & intelligimus parentes hoc modo substituere posse liberis, etiam si liberis in potestate non habeant, nam fecimus constat liberos in potestate non habere, *§ femina, Inst. de adopt.* In quo primum discrimen observandum est inter hanc substitutionem, & pupillarem. Nam parentes liberis substituere possunt in secundum casum, sed iis deum, quos in potestate habent, *L. 2. de vulg.* Quod si plures sint parentes liberorum mente captorum, an omnes possint hoc modo substituere mente capto? nam constitutio parentibus in universum permittitur. Resp. Non posse, quoniam hæc substitutio est testamentum filii mente capiti, ut appellatur in hac constitutione, quia si licet omnibus parentibus hoc modo substituere liberis, liberi

decederent, pluribus testamentis relictis, quod ius civile in paganis non patitur, *L. querebatur, D. de test. mil.*

Quid ergo, si nihilominus plures parentes eiusdem filii mente capiti hoc modo substituerent, puta pater, mater, avus, avia? Resp. Tunc dicendum, plus uno testamento ex his valere non posse. Cuius ergo testamentum valebit? Resp. Si is substituit, qui mente captum in potestate habet, huius substitutio valebit, quoniam in eadem personam & naturalia & civilia iura concurrant: sin omnes parentes iure potestatis pares sint, admittetur solius patris substitutio, si is substituerit; secundo loco matris, deinde cæterorum parentum, ut quisque gradu propior erit, argum. in *L. 2. vers. querebatur, D. de senatus. cons. Treb.* & *L. ult. in pr. sup. de cur. fur.* Quid si mater, quæ sola substituerit filio mente capto, iterum nupserit, & induxerit vitricum filio mente capto? Resp. verba constitutionis etiam hanc substitutionem admittunt. Et hæc mater parens est. Sed probo iuxta communem explanationem, huius matris substitutionem recipi non debere, quoniam cui non permittitur bonorum administratio filii, dum filius vivit, huic permittenda non est morte filii. Huc pertinet *L. 9. tutorer, § pen. sup. de adminis. tut. L. 1. sup. ubi pupill. educ.*

Tertium caput est, quibus parentes substituere possint? Et placet liberis puberibus, mente capitis. Mente capiti qui sint, notum est. Sed quoniam constitutio de mente capiti solum loquitur, & multi sunt puberes liberi, qui quoniam mente capiti non sunt, tamen sibi testamentum facere non possunt: Ideo de iis fit quæritum est, an ad eos quoque porrigi possit beneficium huius legis, utpote in quibus eadem ratio sit: & certi iuris sit, in quibus causis eadem ratio est, idem ius admittendum esse, *L. illud, ad L. Aquil.* Ac ꝑ primo quæritum est, quid si liberi sint furiosi? nam furiosi distinguuntur a mente capitis in *L. furiosi, sup. de nupt.* Resp. iis multo magis substitui posse ex hac constitutione, verbis substitutionem admitteribus, non solum sententia. Nam furiosi sunt mente capiti: distant quidem mente capiti a furiosis, sed ut distat genus a specie. Nam mente capiti genus est, furiosi species: nam non omnes mente capiti furiosi sunt, sed omnes furiosi sunt mente capiti: nam in his est abalienatio mentis communis omnium mente capacium, sed ad hanc amplius accedit furor: ita plus est furiosum esse, quam mente capium.

Unde

Unde factum est, ut quod olim de furiosis constitutum erat, dubitaretur, an pertineret ad omnes mente captos, quod dubitatio est d. l. si furiosi, *supr. de nupt.*

Quid si liberi erunt prodigi, † quibus bonis interdictum sit, nam & illi testamentum facere non possunt, §. item prodigus, *Inst. quib. non est permissum*, & tamen non videntur esse menti capti? Resp. Et in his hanc substitutionem admittendam esse, quoniam & hi in bonorum administratione furiosorum loco habentur, *L. his qui, §. ult. D. de tut. & curat. dat.* ut si substitutio admittitur in furiosis, ex verbis huius legis admittenda sit etiam in prodigo. Quid si liberi erunt furdi & muti, cum & ipsi testamentum facere non possint, *L. discretis, supr. qui testam. fac. possunt*. Ex vulgo admittendum est, parentem hoc modo substituere posse etiam, quo hic constitutum est; quia & in his eadem ratio sit, quae in superioribus. Non recte, nam hi sunt sana mente, constitutio autem de mente captis loquitur. Nihil ad rem pertinet, quod & hi testamentum facere non possunt: nam animadvertendum erat, quod hic permittitur in filiis mente captis, singulare ius esse, contra rationem iuris communis introductum. Certe autem iuris est, quod contra rationem iuris constitutum est, non esse producendum ad consequentias, id est, non esse transferendum ad casus, quantumvis similes, *L. quod contra, de reg. iur. l. quod contra, & l. l. segg. D. de legib.*

6 Non est † satis liberos, quibus pater substituit in secundum casum, esse mente captos; sed oportet etiam esse huiusmodi, ut mortuo testatore non sint in potestate alterius parentis cuiusquam. Finge hac ratione: mente captus patrem & matrem habet, etque in potestate patris; sola mater eo filio herede instituto, ei substituit, si heres erit, & in eadem validus decesserit: dicemus substitutionem non valere. Idemque dicendum est, si avus filium heredem, & ex eo nepotem habeat mente captum, utrumque in potestate, & nepoti substituit in supra scriptum casum, nam mortuo avo nepos recidit in potestate patris, *in pr. tit. Inst. quib. mod. iur. Sc. quomobrem substitutionem evanescente dicimus*. Nihil quidem de hac re comprehensum est hac constitutione, sed ex verbis, & sententia facis colligitur. Nam constitutio permittit parentibus liberis mente captis testamentum facere, & substituere heredem: non permittitur hoc, nisi in iis liberis, qui de-

cedentes heredem habere possunt, quoniam habent bona, filii autem similem heredem habere non possunt, ut dixi ad *L. si testamento, supr. b. t.* Proinde hac parte idem probandum est in hac questione, quod in pupillari, quo genere substitutionis dixi, non posse parentem substituere liberis impuberibus qui mortuo parente mansuri sunt in potestate patris, *L. 2. in pr. de vulg.*

Quantum caput est, † quibus conditionibus hic constituere mente captis liceat? Et licet omnino tribus. Prima conditio est, si liberi non minore ex parte quam legitima instituti sint. Verba enim constitutionis hac sunt, *legitima eis portio relicta*, quae valent, si legitima eis portio relicta sit, in hanc enim conditionem ablativus absolutus resolvitur, *L. a testatore, de cond. & dem.* Quo exigit primum constitutio, ut liberi instituti sint: in quo rursum aliud discrimen notandum est inter hanc substitutionem, & substitutionem impuberum: nam parens impuberibus liberis substituere potest etiam exhereditatis, *L. 3. §. 2. D. b. t.* Cur feceris in mente captis constitutum sit, infra d. cetur. Exigitur amplius, ut liberi instituti sint non minori ex parte, quam legitima. Ea fuit olim quarta eius portionis, quam quis habiturus esset ab intestato, *L. Papinian. §. quoniam, D. de inoff. testam.* Nunc triens, aut semis, pro numero liberorum, *Novell. de triente & semisse*.

Quid autem † si mente capti minori § ex parte instituti sint, quam legitima? Respond. Consequens est substitutionem non valere, cum enim lex aliquid fieri iubet, id interdicti vetat, proinde si contra factum erit, non valet, quod actum est, tanquam contra legem factum, *L. non dubium, supr. de legib.* Nec alia ratione placuit praeteritis liberis, qui in potestate parentis sunt, testamentum nullius esse momenti. Cum enim lex liberos institui, aut exheredari iubet, simul praeteriri vetat: unde consequens est, contra legem eos praeteriri, eoque testamentum factum non valere. Non obstat, quod cum filius minori ex parte, quam legitima institutus est, placet institutionem valere, ut filius ad supplementum legitimae agat, *L. animodo, supr. de inoff. testam.* Nam hic de institutione filii non agitur, sed de substitutione, quod in filio. Institutio ex minori parte facta valet; quia hanc tueretur *L. animodo*. Substitutio huic institutioni subiecta non valet, quia haec iudicatur lege. Nihil etiam ad rem pertinet, quod filius ex d. *L. animodo* quartam supplere potest,

potest, aut trientem: nam ex hac constitutione non est satis, si liberi mente capiti legitimam portionem quovis modo habeant; sed exigitur, ut eis credita sit, id est, ut habeant eam, non iure, sed iudicio testatoris.

Secunda conditio, seu cautio exigit, ut liberis mente capitis subilitatur, sub conditione, si in eadem valetudine decesserint. Nam si resipuerint, constitutione expreßum est, substitutionem cessare. Quid ergo si mente capiti, quibus substitutio facta erat, resipuerint, deinde in eandem alienationem mentis inciderint, atque ita decesserint: utrum evanui substitutio, an vere manere intelligitur? Secundum verba constitutionis prima fronte dici potest substitutionem evanuisse, quia verum est semel mente captos resipuisse. Et quanvis postea in eandem mentis alienationem incidant, tamen dici potest, non ideo magis substitutionem confirmari, quia semel evanuerit, & quod semel evanuit, tractu temporis non convalescit, arg. §. 1. *Instit. de inutil. stip. l. inter. §. factum D. de verb. obl.* Sed melius est substitutionem hoc casu valere. Quemadmodum enim in substitutione pupillari oportet impuberem duobus temporibus esse in potestate patris, & quo tempore ei sit substitutio, & quo tempore is moritur: media autem tempora non nocent, *L. coheredi, §. cum filio D. de vulg. l. si alienum, de hered. instit.* Sic in hac substitutione mente capitorum probandum est sufficere, si duobus temporibus mente sint capiti, & quo tempore sit eis substitutio, & quo decedunt. Cæterum media tempora ne noceant. Non obstant verba constitutionis, quibus dicitur *constitutionem cessare, si liberi resipuerint*; non quod cessare significet, & tempus & ius suspendi, nam cessare dicitur quod ipso iure, & omnino locum non habet, ut cum dicitur in testamento militis cessare Falcidiam; *L. in testamento, sup. de sup. de testam. milit.* sed quia hæc verba, si resipuerint, sic interpretanda sunt, si omnino resipuerint, ut sic in eandem alienationem mentis postea non recidant, nam qui recidunt, plane resipuisse dici non possunt.

Si tamen filius mente capius per id tempus, quo sanæ mentis fuit, testamentum fecerit: substitutio evanescit, quanvis postea in eundem morbum inciderit. Nam testamentum, quod prius fecit, nihilominus valet. Is autem plus uno relicto testamento, decedere non potest, *L. queratur, D. de test. milit.* & si queritur utrum potius valere debeat; certi iu-

ris est, eius potius testamentum valere debere, ne heredi sanæ mentis auferatur testamenti factio, *L. ex facto, D. de vulg.*

Tertio cautio, seu conditio exigit, ut pater prius tibi testamentum faciat, id est, tibi prius heredem instituat testamentum, & ita instituat, ut testamentum valeat, & ex eo hereditas adeatur. Id quidem non exprimitur hac constitutione, sed verbis significatur; nam constitutio permittit parentibus, substituere liberis. Non est substitutio, nisi sibi prius parens heredem instituat. Hinc intelligimus ipsum tibi prius heredem instituisse debere, *L. 2. in fin. de vulg.* Et quoniam exigitur, ut heredem tibi testamentum instituat, simul exigimus, ut testamentum valeat, & exitum habeat, nam pro non facto est, quod iure non valet. Denique institutus decedere dicitur, qui ita fecit testamentum, ut idem non valeret. *Instit. de her. que ab intest. in pr.* Proinde quæ de testamento patris dicta sunt, institutionem impuberis nimirum in eo præcedere & valere oportere, *L. si testamentum, sup. h. t.* huc omnia recte transferuntur.

Supra constitutum est, quod possint parentes liberis mente capitis substitui, item constitutione expreßum est licere quoslibet substituere. In initio excipitur, nisi mente capiti filios habeant, aut fratres ex eodem testatore parente natos; nam si liberos habent, si iuberunt institui, fratres item, vel unus, vel certi, vel omnes. Ex quibus verbis perpicuum est, si mente capio plures filii sint, non tamen necesse habere patrem omnes liberos eius mente capiti substituere, sed sufficit instituere vel unum ex illis. Sed hic occurrit ex iure communis: nam hæc substitutio est testamentum mente capiti patris, iam si liberi eius sint præteriti, testamentum nullius est momenti, *sic: de exher. lib. Instit. l. inter de lib. & post.* Hæc obiectio movit Accursium & plerique alios, ut hoc loco interpretarentur, non omnes liberos mente capiti necesse esse substituere, si modo hi ex iusta causa exheredentur.

Sed hæc sententia manifestis verbis huius constitutionis refellitur, nec tantum verbis, sed manifesta etiam sententia. Nem primo fit potestas unum tantum instituendi, vel certos. Quo significatur, esse in potestate testatoris non omnes instituere, nec exigimus, ut qui non instituantur, exheredentur: nam exigere, ut exheredentur, nihil aliud est, quam exigere, ut instituantur. Ideo enim exigimus, ut exheredentur liberi, quia volu-

mus

mus eos institui, nisi exheredentur, *d. tit. de exhered. liber.* Propterea in hac constitutione verbis expressum est, ita licere parentibus substituere liberis mente capitis, ut adversus eorum testamentum querela inofficiosi testamenti non competat. Quæ verba ad alios referri non possunt, quam ad eos, quibus alioqui adversus testamentum sui hominis competeret inofficiosi testamenti querela: hæc tamen competit liberis merito exheredatis, & inde intelligi oportet etiam liberis mente capitis, vel præteritis, vel immerito exheredatis in substitutione mente capiti facta, nihilominus substitutionem manere, nec rescindi eam querela inofficiosi testamenti.

Additur & hoc veritimum argumentum. Nam si dicimus licere aliquos liberos mente capiti non substituere, si modo iusta ex causa exheredentur: licebit etiam dicere licere nullum instituere. Intelligimus enim hanc conditionem, si modo omnes exheredentur, quod est adversus manifestam sententiam huius loci. Veritimum igitur est, verba constitutionis remedium esse, ut quanvis mente capto patri plures sint filii, tamen possit pater mente capiti unum tantum ex eis liberis substituere, ut nihilominus substitutio valeat, quanvis sine causa cæteris præteritis. Non obstat, quod liberis testamento patris præteritis testamentum nullius momenti est; nam hæc substitutio, quæ fit mente capto, est testamentum eius, qui substituit, nam is testamentum mente capto facere intelligitur, non mente capto sibi. Hæc Papiniani ratio est ad defendendum testamentum impuberis adversus querelam, quæ aut matri, aut fratri impuberis manere potest, in *L. Papin. §. sed nec impub. D. de inoffic. testam.* Nec dubium, quin hæc rationem senserit Iustinianus, cum dixerit adversus testamentum huiusmodi mente capiti, querelam non dari, ad exemplum pupillaris substitutionis.

10 Et hoc rursum notandum est, † distare hac parte hæc a substitutione pupil-

lari: nam in substitutione pupillari, potest pater filiis impuberibus, quos in potestate habet, & suos heredes, & extraneos substituere, prout velir, *L. sed si plures, §. quos, L. vel singulis, de vulg. substit.* Non male igitur hoc loco queritur, cum hæc substitutio mente capitorum introducta sit ad exemplum substitutionis pupillaris, cur † placeat tam multis in rebus, etiam extra personas esse dissimiles? Resp. Cum hæc substitutio contra rationem iuris communis introducat; consultum fuit, quam minimum in ea a iure communi recedere, etiam aliud constitueretur in substitutione pupillari. Quod si in hac constitutione amplius in aliqua parte constituitur, non alia huius rei ratio est querenda, quam quod hæc constitutio est beneficium principis. Licet autem unicuique modum beneficio suo statuere, quem voluerit.

Substitutione mente capitis rite facta secundum formam supra scriptam, restat postremum, ut de † effectu videamus. Is est in eo, ut intelligatur, quatenus substitutio valeat, & ad quæ bona filii mente capiti substitutos admittatur. Prius expressum est in hac substitutione, cum dicitur, ita valere hanc substitutionem, ut ad exemplum pupillaris substitutionis, inofficiosi testamenti querela adversus eam non competat. Posterius ex eo intelligitur, quod hæc substitutio testamentum filii nominatur; sic testamentum filii est, si substitutus ei succedat, sive eius bonis; nam ut diximus ad *L. si testamento, sup.* id demum cuiusque testamentum est, in quo heres ei instituitur. Quod si ex hac substitutione succeditur filio mente capto, apparet substitutum non capere tantum bona patris, aut eius parentis, qui substitutionem fecit, sed filii quoque, undecunque a patre quæsitæ, idque ad exemplum pupillaris substitutionis, de qua ad *d. L. si testamento*, dixi.

Ad L. penultim.

Imp. Iustinian. A. Iohanni praefecto praetorio.

Cum quidam duobus impuberibus filiis suis heredibus institutis adiecit, si uterque impubes decesserit, illum sibi heredem esse: dubitabatur apud antiquos legum auctores, utrumne tunc voluerit substitutum admitti, cum uterque filius eius in prima etate decesserit: an alterutro decedente, ilico substitutum in eius partem succedere. Et placuit Sabino, substitutionem tunc locum habere, cum uterque decesserit, cogitasse enim patrem primo filio decedente fratrem suum in eius portionem succedere. Nos eiusdem Sabini verior sententiam existimantes non aliter substitutionem admittendam esse censuimus, nisi uterque eorum in prima etate decesserit. Datum VI. Kal. Augusti. Constantinop. post Consulatum Lampadii & Orestis IV. CC.

S U M M A R I A.

1. *Substitutus hoc modo, si uterque institutorum decesserit intra pubertatem, Titius heres esto: si unus*

tantum decessit, substitutio non admittitur in partem.

2. *Contraria remouetur & per tot.*

Testator ꝑ duobus filiis heredibus impuberibus institutis, ita his substituit, *si uterque eorum decesserit intra pubertatem, Titius heres esto.* Unus decessit. Queritur, an substitutus in eius partem ex substitutione admittatur? Iustinianus Sabini sententiam secutus constituit in hac specie non prius substituto locum esse, quam uterque impuberum decesserit, quod & ipsum scriptum est in *L. qui duos, D. h. t.* Id non tantum ratio personarum, sed etiam verba substitutionis exigunt, nam cum hic una substitutio sit facta, sub conditionibus duabus, sed coniunctim adscriptis: omnes impleri oportere, ut substitutioni locus sit, §. *pen. Inst. de hered. instit. L. si heredi, de condit. & substit.* Dubitatio nata videri potest ex eo, quod scriptum est in *L. falsa, D. de cond. & demonst.* ubi traditur pluralem orationem resolvi in plures singulariter, ut cum testator dicit: *Stichum & Pamphilum de lego, si mei erant, cum moriar, tantum valeat, ac si testator ita dixisset separatim, Stichum de lego, si meus erit, cum moriar, & item Pamphilum, si meus erit, cum moriar.*

Huic sententiae conveniens esse videri potest, ut hanc substitutionem, *si uterque intra pubertatem decesserit*, sic accipiamus, quasi dictam esset: *Si impubes*

decesserit, Titius heres esto, rursum, *si alter posterior item impubes decesserit, idem Titius heres esto.* Sed hoc tantum abest, ut colligatur ex superiori dicto, ut potius contrarium ex eo efficiatur. Nam cum testator ita dixit semel, *Titius heres esto*, haec singularis, non pluralis oratio est. Proinde una substitutio, non plures. At cum dixit, *Si uterque impuberum decesserit*; fatemur hanc orationem, quae collectiva est, pluralem orationem habere, quasi dictum esset, *Si ambo impuberum decesserit*, & hanc orationem resolvi in has duas, *si prior impubes decesserit, & si posterior item impubes decesserit.* Sed utraque oratio nihil, nisi duas conditiones efficit diversas, easque coniunctim adscripsit, ut efficiatur una substitutio sub duabus conditionibus coniunctim adscriptis. Quod si verum est, constituitur magis sententia huius loci, & ratio ea, quam reddidimus.

Obiiciuntur huic ꝑ sententiae tres potissimum loci, *L. pen. D. de inoff. rupt.* ubi duobus heredibus institutis substituti dati proponuntur, & uno herede deficiente, respondetur substitutum in partem eius admitti. Sed locus ad rem nihil facit, nam proponuntur pluribus heredibus institutis substituti dati, unde intelligimus, singulis heredibus singulos substitutos da-

tos,

tos, non sub hac conditione, *si omnes heredes decesserint*, sed, *si singuli*. Obiicitur etiam *L. Lucius, §. Cajo ad Trebellian.* ubi duo heredes instituti Seius & Titia, ita rogati sunt restituere hereditatem, *Rogo vos Sei & Titia, post obitum vestrum hereditatem restituatis primo & secundo*. Hæc verba, *post obitum vestrum*, hoc expriment, *cum obieritis*. Hæc autem oratio conditionem habet, *si obieritis ambo, L. si Titio. D. quando dies Leg. ced.* Ex tamen responderetur, ut fideicommissum debeatur primo & secundo, non esse expectandum, dum Seius & Titia ambo decesserint, sed uno demortuo, fideicommissi eius partem deberi. Hic locus nihil obstat. Hic enim sunt duo fideicommissa separatis conditionibus relicta: cum enim testator ita scribit: *Sei & Titia restituatis*: perinde est, quasi sigillatim dixisset: *Sei restituas post obitum tuum, & tu item Titia post obitum tuum*, itaut sunt plura fideicommissa, ita plures conditiones distinctæ. Hic autem agimus cum una substitutio est, in qua substitutus vocatus est, si uterque heredum decessisset, idest, sub duabus conditionibus coniunctim adscriptis.

Maxime adversari videtur *L. heredes mei, §. cum ita, ad Trebellian.* ubi duo filii heredes instituti sunt a patre, & fideicommissum ab illis relictum nepti, semel & una oratione, sub conditione, *si atque filiorum sine liberis decesseris*:

unus decessit relicto filio, alter decessit sine liberis. Secundum verba & ita secundum sententiam huius legis dici debuit, nepti nihil deberi, quia uterque filiorum non decesserit sine liberis, quod conditio fideicommissi, & substitutionis exigebat. Nihilominus illic responderetur: nepem in partem novissimi filii sine liberis decedentis admitti. Sed ne hic quidem locus obstat. Nam Papinianus ibidem testatur, secundum verba conditionis, nepem admitti non debuisse, neque in totum, neque in partem, in quo aperte sententiam huius rescripti confirmat: sed putat neptem in partem admitti propter voluntatem testatoris, quem verisimile sit in specie superiori voluisse ut neptis, vel utroque vel altero filio sine liberis mortuo admitteretur saltem in partem, & hanc voluntatem intelligi hic argumentis duobus. I. Quia duæ illis factæ sunt substitutiones: una qua frater superstes fratri substituitur, si prior frater sine liberis decederet. Altera substitutio, qua substituitur neptis, si uterque filiorum sine liberis decesserit. Prior substitutio defecit, quoniam frater priori loco decessit relicto liberis, ex quo consequitur, posteriori constitutioni ex substitutione avi locum esse debere. Deinde, si uterque fratrum sine liberis decessisset novissime, hereditatem totam haberet neptis. Consentaneum igitur est, si novissime filius decesserit sine liberis, nepem saltem eius habere debere.



Ad. L. ultim.

Imp. Iustinianus A. Joanni præfetto prætorio.

Si quis duobus heredibus institutis filio suo impuberi eos una cum alio tercio substitueret, & verba testamenti ita composuerit: quisquis mihi heres erit, & Titius filio meo heres esto: secundum quod apud Ulpianum invenimus. Mortuo impubere filio querebatur, quomodo ad substitutionem vocentur tres substituti: utrumne duo priores, qui & patri heredes fuerant scripti in dimidiam vocentur, tertius in reliquam dimidiam: an tres substituti, unusquisque ex triente, ad substitutionem vocentur? Alia applicata dubitatione, si quis heredem ita scripserit, Titius una cum filiis suis, & Sempronius heredes mihi sunt, & in præsentem enim specie querebatur secundum Ulpianum, voluntas testantis utrumne Titium una cum filiis suis in dimidiam vocet, & Sempronium in aliam dimidiam, an omnes in virilem portionem. Nobis autem in prima quidem specie videtur tres substitutos, unumquemque in trientem vocari: in secunda autem specie, cum & natura pater & filius eadem esse persona pene intelligantur, dimidiam quidem partem Titio cum filiis suis, alteram autem partem Sempronio assignari. Dat. VI. Kal. August. Constantinop. post Consulatum Lampadii & Orestis VV. CC.

S U M M A R I U M.

1. *Pluribus heredibus institutis, aut substitutis sive coniunctim, sive*

disiunctim, quæ partes inter eos faciende sint.

QUOTIES plures heredes instituti, aut substituti sunt, & quidam instituti coniunctim, alii disiunctim, & quæritur de partibus hereditatis, † quæ inter eos faciendæ sint: ita veteres defini-verunt, coniunctos unius personæ partem tantum ferre, idest, non plus accepturos, quam si una persona esset instituta, ut puta testator ita scripsit: & primus & secundus heredes sunt, Sempronius heres esto. Hic tantum duo semisses fient, ex quibus semper hic unum solidum em-piet, alterum primus & secundus: ut sic ambo non plus capiant, quam si unus es-set institutus, quod sunt coniunctim scri-pti. Regula hæc in legatis traditur in *L. plane, in pr. de leg. 1.* Valet non minus in institutionibus heredum: exempla sunt in *L. Attius L. interdum, in pr. §. ult. de hered. instit.*

Ut autem plures heredes coniunguntur particula, & aut similibus conjunctionibus, ut in exemplo subiecto: ita coniun-

guntur nomine appellativo & colectivo, vel plurali plures eiusdem generis homi-nes sub se continente: utpote testator plu-res heredes scripsit, & duos deinde ita substituit filio suo impuberi: *heredes a me scripti & Sempronius filio heredes sunt.* Hic eadem partes fient, quæ supra, nempe semisses, ex quibus unum ferent he-redes testatoris, alterum integrum Sem-pronius, *dict. L. interdum, in pr. de her. instit.* Hoc ideo, quia heredum no-men collectivum, & idem coniunctivum est, quo scilicet plures colligantur in unum corpus, & una ratione, idem con-firmatur in *L. si quis in pr. de usufr. accresc.* Hinc nata est dubitatio huius con-unctionis, an idem dicendum sit, si tes-tator filio impuberi ita substituerit here-dem: *quisquis mihi heres erit, & Sem-pronius filio meo heredes sunt.* Non enim videtur referre, utrum testator dix-erit, *omnes heredes mei*, an vero, *quis-quis mihi heres erit.* Ex Iulianianis con-

illi-

stituit non idem esse, sed si duo heredes testatoris fuerint, & his adiectus Sempronius: pro número personarum, & capitum hereditatem impuberis dirigi. Itaque non duos semilles fieri, sed tres trientes, ex quibus singuli heredes unum ferant.

Recte Iustinianus. Ratio enim disjuncti non est obscura, nam hæc oratio, *heredes mei*, collectiva est, & proinde coniunctiva: verbum autem *quisquis*, distributivum est, ac proinde disiunctivum. Cum enim testator dicit: *quisquis mihi heres erit*: perinde est, quali ita dixisset: *sive hic mihi heres erit, sive ille, sive omnes, quos scripsi heredes, & Sempronius, heredes sunt*, quam orationem totam esse disiunctivam apparet. Ex eo questum est de hac forma, si testator impuberi filio ita substituit, *Titius & Sempronius cum heredibus meis filio meo impuberi heredes sunt*, an hic Sempronius, & heredes sint coniuncti in unum corpus, ac proinde unius personæ vice fungi debeant; ut sic hereditas dividatur in duos semilles, ex quibus unum capiat Titius, alterum Sempronius cum heredibus testatoris? Et placuit in hac oratione heredes non magis coniungi cum Sempronio, ac cum Titio, sed perinde habendum, quasi testator ita dixisset: *Titius & Sempronius*

& heredes mei filii heredes sunt. Proinde hereditatem filii in tres trientes dividendam esse, ex quibus primum habeat Titius, alterum Sempronius, tertium heredes scripti. Quod diserte scriptum est in d. l. si quis avo, in fin. de usufr. accresc.

Huc altera dubitatio huius constitutionis, an idem probandum in hac substitutione: *Filius cum filiis suis, ac Sempronius heredes sunt*? Et Iustinianus constituit hic duas tantum esse partes faciendas, ex quibus una pars ad filium, cum filiis eius, altera solida ad Sempronium referatur. Hic obicitur d. l. si quis avo de usufr. accresc. Respondeo: dissimiles esse species eorum locorum. Nam hic filius nominatus est cum filiis suis, hic filii in unam orationem, & unum corpus coniunctim intelliguntur, non propter conditionem orationis, sed propter conditionem personarum. Nam filii cum patre coniuncti sunt, filii autem & patris una & eadem persona intelligitur, quæ ratio redditur in hac constitutione, qua satis admonemur, non idem etiam dicendum fuisse, si alii extranei cum Titio coniuncti essent: veluti si ita dictum esset, *Sempronius & Titius cum heredibus meis heredes sunt*.



A D T I T U L U M XXVII.

C O D. D E N E C E S S A R I I S S E R V I S
H E R E D I B U S I N S T I T U E N D I S.

S U M M A R I A.

1. *Servus proprius institui potest testamento a domino non aliter, quam cum libertate.*
2. *Domina adulterii cum servo commissi rea, eum heredem facere non potest.*
3. *Debitor, qui solvendo non est, heredem testamento servum instituire non potest.*
4. *Servus an sine libertate heres institui possit.*
5. *Liberti appellatio supponit manifestationem precedentem.*
6. *Libertus quis sit.*
7. *Dominus si aliquid legaverit servo proprio, an legatum inutile sit, an vero valeat.*
8. *Quæ sint ex libertate tacite data ex Iulianum constit. consellarii.*
9. *Duo concurrere oportere ut servus sit heres necessarius, & quæ sint.*
10. *Servum fieri necessarium heredem quid sit, & quam vim habeat.*

ETiam servus proprius testamento domini heres institui potest, ut dictum ad tit. de hered. inst. tit. Instit. de hered. inst. Sed is non aliter, quam cum libertate, ut idem prius liber sit, deinde heres, quoniam non est testamenti factio, nisi cum civibus Romanis, L. 1. ad L. Fulcid. Huius rei argumentum est, quod si servus a domino prius institutus sit, & libertas ei data sit sub conditione: institutio heredis differtur in id tempus, quo libertas data est, L. 3. §. 1. de her. inst. Quod confirmatur in L. ult. hic. Quia ante eventum conditionis liber esse non potest, nec potest esse heres domino, nisi prius liber sit, idest, civis Romanus. Atque hinc etiam consequens erat, ut deficiente conditione libertatis, servus neque liber fieret, neque esset heres. Sed Iulianus hanc distinctionem adhibuit in d. L. ult. infr. ut siquidem servus liber esse iussus erit, sub ea conditione, quæ in potestate eius esset, neque ei parulisset, non sit liber, eoque nec heres. Si libertas data sit, sub conditione, aut casu alio, nihilominus deficiente conditione servus liber fiat, & heres, etiamsi hereditas solvendo non sit. Interim hoc manet, non prius servum heredem futurum, quam si liber erit, eadem de causa, quos quis testamento non potest manumittere, eosdem nec heredes testamento potest instituire.

Hinc tria genera dominorum, qui servum proprium heredem instituire non

possunt. Domina adulterii † eum servo commissi rea, cum servum heredem facere non potest, quia & liberum facere prohibetur, §. est autem casus, Inst. de hered. inst. Debitor, † qui solvendo non est, heredem testamento servum instituire non potest, quia nec potest manumittere in fraudem creditorum, velante L. Ælia Sentia, nisi unum instituat, qui ei heres sit solus & necessarius, tit. Instit. quibus ex casu man. in pr. tit. de hered. inst. in pr. Quod etiam confirmatur in L. 12, qui infr. h. v. Et hic tantum additur exceptio, nisi is, qui solus heres instituitur, sit aliis creditoribus pignori obligatus, d. L. 12, qui solvendo. Et hoc tertium genus est eorum, qui servum manumittere non possunt, si qui servum pignori obligarunt, neque debitor, neque pignus alienando, neque manumittendo, neque legando, neque quovis alio facto deteriorem conditionem creditoris sui facere potest, L. debitor. de pignor. Sed hoc ita, si modo servus obligatus sit specialiter: nam bonis generaliter tantum obligatis, licet domino etiam servum manumittere, ac proinde instituire, ut liber & heres fiat, L. ab eod. inf. de serv. pig. ant. munumif. L. est differentia, D. quib. in causis pig. tacite contrab. Atque hæc omnia efficiuntur ex eo, quod nemo dominus servum proprium instituire potest, nisi cum libertate, & post constitutiones Iulianianæ postremas.

Quid

4 Quid sibi vult † Igitur, quod Iulianus in d. tit. de hered. inst. in pr. ait; Ex sua constitutione servum heredem institui posse etiam sine libertate? vimirum hoc sentit, posse institui sine libertate nominatim adscripta. Hoc enim est, quod constituit præter ius, quod ius prius obtinebat: nam ita prius iuris erat, ut servus proprius institui non posset, nisi aperte ei etiam testamento libertas data esset, & hoc secundum plerumque sententias, ut ibidem dicitur: ex quo nata est dubitatio & responsum *L. cum servi, infr. b. s.* Testator servus suos ita heredes instituerat: *Sticibus & Pamphilus liberti mei heredes sunt*, neque adiecit, *& liberi sunt*. Quæritur est, an institutio valeat? Resp. summo iure non valere, sed benigna interpretatione eam scripturam sic accipiendam, quasi testator heredes & liberos esse iussit, sed hac ratione, quia instituit sub appellatione libertorum. Nam

5 liberti † appellatio supponit manumissionem præcedentem. Est enim liberus is, † qui ex iusta servitute manumissus est. *tit. Inst. de libert.* Ex quo satis intelligitur, si sub hac appellatione heredes instituti non essent, heredes etiam futuros non fuisse, utpote inutili institutione constituta, cui libertas verbis adscripta non esset. Sed Iulianus constituit, ut etsi servi sine libertate instituti sint, id est, libertate nominatim non adscripta, tamen libertas tacite data intelligatur, ut instituti simul liberi fiant, & heredes, quemadmodum veteribus placuit, ut si servus proprius tutor datus esset, libertate non adscripta, nihilominus & liber & tutor esset. Hoc Iulianus in *L. quidam in pr. & §. 1.* quia prius non obtinebat, merito scripsit, *§. idemque iuris, Inst. quib. ex causis manumitt.* sc. hoc constituisse nova ratione. Recte nova, quæ prius non obtinebat: & tamen non minus vero idem scribit *sub tit. de hered. inst.* sc. hoc non induxisse, ut novam sententiam, & nullis iuris auctoribus ante probatam. Nova igitur constitutio est, si ius spectes, non nova sententia, si eo spectemus, quibus antea placuit.

Hoc autem iure posito consequens est, quod scribitur in eadem *L. quidam, §. sed cum vet. infr.* ut si testator servum testamento suo heredem instituerit, libertate non adscripta, deinde codicillis ei libertatem dederit, nihilominus is testamentum, & liber sit, & heres. Ante constitutionem Iulianianam institutionem non valere, quia codicillis hereditas dari non potest, *§. codicillis, Inst. eod.* eoque nec liber-

tas, ex qua hereditas consequitur: sed hoc post constitutionem Iulianianam non metuimus. Etsi enim etiam nunc frustra hereditas & libertas, per quam hereditas sequitur, codicillis detur, tamen codicillis libertatem datam in specie proposita nihil nocere. Nam etsi omnino libertas servo data non esset, nihilominus institutio valet ex superiori constitutione, tanquam libertate tacite data. Multo igitur magis valebit libertate codicillis data, etsi inutiliter data sit.

Per occasionem huius constitutionis quæsitum est, an si † dominus aliquid legaverit servo proprio, legatum inutile sit, 7 quasi libertate non data, an vero legatum valeat, quasi per legatum libertas tacite data sit, ut in institutione servi supra fieri dictum? De hoc Iulianus cavit, ne idem ius existeret in legato, quod in institutione, ut si servo legatum datum sit non adscripta libertate, non ideo servus liber fiat, & tamen legatum ita valeat, ut præstetur servo hereditatis ratione, hoc in d. *L. quidam, §. sed cum vet. vers. illo etiam obs.* Sed cur non idem constituitur in legato, quod servo relictum est, quod constituitur in servi institutione, cum non magis iure civili servo heredi legatum dari possit, quam servus heres institui? Differentiæ ratio est, quia qui heredem instituit, sua causa instituit, proinde qui heredem esse vult, ea etiam velle intelligitur, sine quibus heres esse non potest. At qui legat servum, servi causa legat, & ideo non continuo velle intelligitur, ut liber fiat, quoniam potest testamentum non valere, ut nihil interfit testatoris. Huc accedit, quod servus heres esse non potest, nisi sit liber: at ex constitutione Iulianianæ etiam servo legatum præstari debet, quanvis liber non fiat. Proinde etiam post hanc constitutionem manebit id, quod dicitur in *L. si servi, infr. b. s.* ut si servo proprio aliquid legatum sit, libertate ei nominatim non adscripta, non eo magis fiat liber, quanvis legatum ei datum sit sub appellatione liberti, de quo dictum ad *L. ex his verbis, supr. de test. milit.*

Ex eadem constitutione † de libertate 8 tacita data sunt & alia consequentia, de quibus cavet Iulianus eadem *L. quidam.* In quibus est illud, ut si idem servus heres institutus sit a domino libertate non adscripta, & idem legatus eodem testamento, is nihilominus liber sit & heres, & quoniam non simul potest esse liber & legatus, sit etiam ut inutile sit legatum, hoc in *pr. & §. 1.* Non obstat, quod dicitur

elur in testamentis novissimam scripturam valere, *L. 12 §. ult. de Legat. 1.* hoc enim in libertate locum non habet. Nam si alicui libertas data sit, & idem sit legatus, ea scriptura valet, quæ tribuit libertatem, nisi manifeste appareat aliud sensisse testatorem, & hoc favore libertatis, *L. si pecul. præleg. §. ult. de milit. testam.* Eodem pertinet *L. quod dicitur, cum segg. D. de condit. & demonstr.* Si autem Iustinianus voluit servum a domino institutum simul libertatem accepisse videri, proinde libertas legato prævaleat, unde eveniet, ut legato inutili instituto, servus & liber fiat & heres domino suo.

Ex eadem ratione consequens est, ut si idem servus pure legatus, sit & institutus heres sub conditione, legatum statim non sit inutile, sed expectari debeat eventus conditionis, sub qua servus heres institutus est. Id constituit Iustinianus in eadem *L. quidam §. ult.* in hoc exemplo: Dominus servum legavit Titio, eundem servum secundis tabulis substituit filio suo impuberi heredem, si filius intra pubertatem decesserit. Veteres in hac specie ita statuebant, primum hunc servum liberum non esse, quia non esset heres institutus adscripta libertate. Hinc consequens erat, ut legatum servi valeat. Quod ad substitutionem attingat, quidam putabant omnino hic non valere, quod substitutus est servus proprius testatoris, sine libertate. Alii putabant valere, quod cum servus legatus esset, videretur substitutus esse servus alienus. Ex quo consequens erat, ut legatarius, idemque dominus huius servi legati efficeretur heres ex persona, posteaquam iussu legatarii hereditatem adisset. Iustinianus omnia contra, utpote superiori suæ constitutioni consequentia. Nam primum ex constitutione servus heres institutus liber erit: hoc ipso, quod substitutus est libertate servo data, consequens est, ut legatum servi sit inutile, si modo conditio libertatis existerit. Erat autem hæc conditio substitutionis & libertatis, si filius intra pubertatem decessisset. Proinde placet, expectari debere eventum huius conditionis, ut siquidem filius impubes decedat, servus liber fiat & impuberi heres, legatario autem nihil debeatur. Si autem filius intra pubertatem non decessisset, tunc utiliter legatus servus intelligatur, ut qui neque liber factus sit, neque heres ex domini testamento.

Servus ita institutus a domino, ut dixi, ut sit liber & ita domino sit heres, ut

sit idem necessarius, non voluntarius, id est, ita ut fiat heres, siue velit, siue nolit, *§. 1. iussit. de hered. qual. & differ.* Sed duo concurrere oportet, primo, ut sit a domino institutus, deinde, ut ex domini testamento utrumque consequatur & hereditatem & libertatem, *§. servus autem, iussit. de her. iussit.* Primo a domino institutus esse oportet: hinc quæstio eiusmodi in *L. 3. h. t.* Tutor pupilli sui ancillam contubernio sibi iunxit, & moriturus eam liberam esse iussit testamento, & quidem instituit. Quæstio est, an sit tutori heres necessaria, & libera? Movet dubitationem, quod tutor pro domino habetur, *L. tutor, qui tutelam, de administ. tut.* Respondetur, ancillam non magis eo liberam futuram. Quod ad institutionem attinet, ipsa adire hereditatem potest, sed iussu pupilli sui domini, qui cum extraneus sit, voluntarius erit heres, non necessarius. Non obstat, quod tutor dicitur loco domini esse. Hoc enim sic temperatur, dummodo tutelam administret, non si pupillum spoliaret, & privet suis bonis, ut sit cum servus impuberis manumittere vult, *L. qui fundum, §. si tutor, D. pro empt.*

Etiā alterum illud exigitur, ut servus, quem necessarium heredem esse volumus, non tantum consequatur hereditatem testamento domini, sed etiam libertatem. Quare si libertatem aliunde consequitur, si arbitrio suo heres, *d. §. servus autem, iussit. de hered. iussit.* Hinc rursum nata dubitatio *L. cum quidam, h. t.* in specie huiusmodi: dominus servum suum testamento suo liberum esse iussit, & in secundis tabulis eundem servum filio suo impuberi substituit. Mortuo domino heredes testamento instituti heredes extiterunt, & eodem tempore servus liber factus est. Moritur deinde filius impubes, cui hic servus substitutus erat. Servus libertate quali ex alio testamento accepta, quam ex testamento pupillari, non vult hereditatem adire. Quæritur, an fiat heres impuberi necessarius, nec ne? Movet dubitationem, quod ex eodem gradu, id est, eodem testamento pupillari servus non consequitur libertatem & hereditatem. Iustinianus constituit, nihilominus servum impuberi necessarium heredem futurum, & recte, & secundum regulam superscriptam traditam in *d. §. servum.* Nam testamentum patris & filii unum testamentum est patris, *L. patris & filii, de vulg. & pupill.* Quod si verum est, consequens est hunc servum tamen ex primo gradu libertatem consequatur, ex secundo autem

tem hereditatem, nihilominus vere dici utrumque accipere ex eodem testamento domini.

10 Quod dicitur, servum † necessarium heredem domino fieri, hanc vim habet, ut servus heres factus obligetur creditoribus hereditariis in solidum, sive sit hereditas solvendo, sive non sit, ut proinde si vendantur bona, dicantur bona servi venditari, non domini defuncti, *L. morte, de acquir. hered. §. ult. Instit. de her. qual.* Et ad hoc onus defugiendum nihil servo prodest, si minor erit annis. Nam adversus hanc necessitatem nulla est restitutio in integrum; *L. necessariis, in fin. de acquir. hered. & merito.* Quia restitutio lapsis datur, & aliquid gerentibus; non labitur autem, vel decipitur is, qui iure communis utitur, id est, utitur necessitate iuris communis *L. ult. supr. de in integr. rest. min.* Et hoc sine exceptione verum

est, quatenus pariuntur facultates patroni defuncti. Quod si servus post mortem patroni aliquid adquisierit, placet id non attingi, si modo separationem honorum servus impetravit, quam impetrare potest, *d. §. ult. Instit. de her. qual. & diff. L. 1. §. ult. de separ. bon.* Verum hæc separatio sub conditione conceditur, si servus eam tunc petat, cum bona patroni nondum attigit, nam si se iis immisceat, fera petitio est, *d. L. 1. §. ult.* Sed hoc ita, nisi sit minor, qui hereditatem patroni attigit. Nam hic in integrum restitui potest, ut est in *L. ait prator, §. non solum, de minor.* Quod sic accipiendum est, ut restitui possit, non ut non sit heres, quod nullo modo ei conceditur, *d. L. necessariis, in fin. de acquir. her.* sed ut possit impetrare separationem, quam rebus integris poterat, cum nondum facto suo hereditati se obligasset.



A D T I T U L U M XXVIII.

COD. DE LIBERIS PRÆTERITIS VEL EXHEREDATIS.

S U M M A R I A.

1. *Tituli summa.*
2. *Liberi omnes aut heredes instituendi, aut exheredandi.*
3. *Particula Omnes quid in se contineat hic.*
4. *Liberi si non exheredantur, saltem ex aliqua parte instituendi sunt.*
5. *Liberi exheredandi sunt nominatim, & pure, & simpliciter.*
6. *Di iis Nominatim quid significet,*

7. *Filius simpliciter exheredatus utrum videatur ab omnibus gradibus exheredatus, an ab uno tantum, & si ab uno, a quo exheredatus intelligatur; quo in loco de hac re disputetur.*
8. *In causis exheredationis que requiruntur.*
9. *Præteriti testamento qui dicantur.*

IN his, quæ testamento caventur, quæ desiderantur ad vim testamenti; non tantum hoc est, ut quis heres instituat testamento, sed præcipuum ius est in liberis exheredandis, vel instituendis, *L. inter, de lib. & post.* de quo agitur hoc tit. cuius est hæc *§* summa: liberos omnes, quos quidem nemo gradu præcedit, aut heredes instituendos, aut exheredandos esse, neque institutos, neque exheredatos testamento, præteritos videri. Præteritionis hanc esse poenam constitutam, ut testamentum factum a patre vel inutile sit, vel postulantibus iis, qui præteriti sunt, rescindatur. Hinc inscriptio *de liberis præteritis*, quia hic traditur, quæ ut poena præteritionis: non dicitur de liberis institutis & exheredatis, sed utrumque eandem significationem habet. Nam qui dicit, præteritionis poenam constitutam esse, hoc dicere intelligitur, liberos ad hanc poenam evitandam instituendos, aut exheredandos esse. Adicitur *de liberis exheredatis*: quoniam præcipue hic traditur, quando liberi sint exheredandi, & quibus de causis. De institutis nihil adicitur, quia quomodo instituendi sint liberi, dictum est in *L. 4. sup. de inst. & subst.* Hæc pluribus explicanda sunt, ut questio, & partes huius tituli intelligantur.

2. Primum igitur de liberis ita statuendum est. Liberi *§* omnes, qui modo pari conditione sunt, aut heredes instituendi, aut exheredandi sunt, *§. sed hoc idem, Inst. de exher. lib. L. maximum, inf. & Auth. non licet, inf. b. t.* Dixi omnes *§* quia placet hoc ius ad omnes liberos pertinere. Primo sine exceptione sexus, ut non

minus filiae instituendæ sint, aut exheredandæ, quam filii. Item sine exceptione gradus, ut non minus instituendi, aut exheredandi sint nepotes, & deinceps reliqui liberi in infinitum, quam filii, *L. maximum, infr. b. t.* Postremo etiam sine exceptione potestatis: nam qui liberi in potestate sunt, instituendi sunt, aut exheredandi iure communi, *tot. tit. Inst. de exhered. lib. in princ.* Emancipati vero prætorio *§. emancipator Inst. cod.* Reliqui, qui nonquam in potestate parentis fuerunt, ut sunt filii matris, aut aviarum, item nepotes avo materno, hi institui, aut exheredari debent eo iure, quo constitutum est de querela inofficiosi testamenti, *§. ult. Instit. cod.* Solum hoc exigitur, ut liberi sint primi gradus. Nam filio vivo non est, ut nepotes instituatur, aut exheredentur, de quo io *L. 2. infra.*

Non solum autem liberi institui, aut exheredari debent, sed certo modo, & certis legibus institui, aut exheredari iubentur; nam aut pure instituuntur, & tunc plana res est; aut sub conditione, & potest institutio sub conditione fieri, quæ sit in eorum potestate; sub alia conditione non potest, nisi sub contraria exheredentur, de quo in *L. 4. sup. de inst. & subst.* ubi dictum. His autem rebus observatis, nihil refert, quæ ex parte liberi heredes sint institui. Qui ex una uocula hereditatis heres est institutus, recte institutus est, ut testamentum valeat. Debet quidem filius legitimam partem habere; olim quartam, nunc trientem, ac semilem pro numero liberorum, *L. Papinianus §. quoniam, de inoffic. testament. Novell. de trient. & semis. §. 1.* Sed qui

qui ex aliqua parte institutus est, hanc portionem legitimam supplebit ex his, quæ ei testamento relicta erunt: si nihil relictum erit amplius, aut relictum ad legitimam portionem non sufficiat: constitutum est a Iulianiano, ut institutione firma manente, agat filius ad supplementum reliquæ legitimæ, *L. omnimodo, inf. de inoffic. testam.*

- 4 Interim hoc ¶ exigitur, ut liberi instituantur saltem aliqua ex parte, nisi exheredentur, quod diserite cautum est *Novell. 12. ut cum de appellat. §. aliud quoque capit.* Non obstat *Novella de triente & semisse, §. 1.* ubi dicitur, ad trientem suppleri omnia relicta, siue sint relicta iure institutionis, siue iure fideicommissi, legati, aut donationis causis. Nam iis verbis non cavetur de iis, quæ desiderantur ad vim institutionis, sed de iis, quæ in legitima portione imputantur. Fatemur omnia relicta imputari, sed dummodo supponatur prius testamentum valere. Cognoscimus autem ex alia eiusdem Iulianiani constitutione, non valere testamentum, nisi aliqua ex parte liberi instituti sint. Sunt igitur instituendi etiam, quavis priori illa *Novella de triente*, nominatim scriptum esset, licere parenti totam legitimam partem implere filio legatis, & fideicommissis: tamen cum *Novella, ut cum de app. cognosc.* posterior sit, priori derogat. Per posteriorem intelligimus, si quis liberos instituere non vult, potestas est exheredandi, quod quibus verbis recte fiat, dicitur *L. 3. infr.*

Sunt autem exheredandi certa ratione & modo, partim in forma exheredandi, partim in exheredationis causis. In forma exheredationis hæc observanda sunt.

- 5 Debent ¶ liberi exheredari nominatim, quod ias porrectum est constitutione Iulianiani & ad filios, & ad nepotes, *L. maximam, b. tit.* Nominatim ¶ non significat, nomine filii appellato, sed filio aliquo signo, aut aliqua demonstratione ita designato, ut intelligatur, de quo testator sentiat, quod declarat in *L. 1. 2. & 3. in princ. D. h. s. & in §. nominatim, Inst. de exhered. lib.* Debent præterea exheredari pure, non sub conditione, quoniam certo iudicio exheredandi sunt, *L. 3. §. pure, D. eod.* Et hoc ideo, quia si sub conditione exheredati sint, contra-

ria conditione instituntur, *d. L. 4. sup. de inst. & subst.* Debent exheredari simpliciter hoc modo: *Filius meus exheres esto*, aut si quid adicitur, debent exheredari ex hereditate, non autem ex re certa, utpote hæc exheredatio inutilis est: *Titius meus ex rebus Italicis exheres esto. L. cum quidam, D. eod.*

Obstat huic sententiæ, quod receptum est filios ex re certa, puta ex fundo recte institui: quod, ut institutio valeat, perinde accipitur, quasi institutus esset, detracta fundi mentione, *L. r. §. si ex fundo, de hered. instit.* Respondeo: sciendum in *d. L. cum quidam*, hanc institutionem recipi, non summo iure, sed quia benigne interpretamur institutionem, quasi fundi mentio non esset adiecta. Hæc benignitas, & hereditatis interpretatio non est admittenda in exheredatione: est enim exheredatio res odiosa, quæ interpretatione adiuvanda non est.

Postremo debent liberi ab omnibus heredibus, & ab omni gradu heredum exheredari, idest, tam ab institutis, quam a substitutis, si forte testator plures gradus heredum in testamento fecerit: si ab uno tantum ex heredibus institutis filius exheredatus sit, inutiliter exheredatur, *L. 3. §. filius, D. eod.* Si ab uno aliquo gradu exheredatur, is gradus valet solus, is non valet, a quo est præteritus *L. 14. §. possumus, §. quod enim vulgo, D. eod.* Hinc quaeritur, ¶ cum filius simpliciter exheredatus est, utrum videatur ab omnibus gradibus exheredatus, an ab uno tantum, & si ab uno, a quo intelligatur exheredatus? Quaestio est *L. 1. infr. b. t.* ubi explicabitur.

In causis exheredationis ¶ hoc ius est, 8 ut non nisi meritis de causis liberi exheredentur, quæ causæ, quot, & quales sint, & quid in iis observandum videatur, quod dicitur *Auth. non licet, infr. b. tit.* Si autem omnino instituti liberi non sunt, aut non exheredati, aut sunt quidem vel instituti, vel exheredati, sed non ut oportet, hi sunt, ¶ quos præteritos testamento dicimus, *§. eadem, Inst. de hered. qua ab intestato.* Præteritioni poena constituta est, sed varia, prout sunt liberi, de quo dicitur partim in *Auth. ex causa*, partim in *Auth. non licet infr. b. tit.*

Ad L. Cum post omnes. 1.

Imp. Antoninus A. Faviano.

Cum post omnes heredum gradus exheredatio scribitur, si adiciat testator ab omnibus se gradibus exheredare: non dubitatur iuri satisfactum esse. Et ideo etiam si id non adiciatur, appareat tamen eum id eo consilio scripsisse, ut ab omnibus exheredaret: recte factum testamentum videtur. Proinde cum paterfamilias filiis institutis & invicem substitutis, filium exheredaverit, intelligendus est exheredationem ab utroque gradu fecisse. Nam cum eisdem heredibus instituti sunt: nulla ratio reddi potest, quare videatur in posteriore tantum casu exheredare voluisse. PP. VI. Kal. Iul. Chisone & Libone Coss.

S U M M A R I A .

1. *Filius exheredatus a patre vel ab omnibus heredum gradibus, vel ab uno tantum gradu aut herede intelligitur exheredatus, a quibus vel a quo expresse testator exheredatum voluit, & quid si eum simpliciter exheredavit.*
2. *Filius quando dicatur exheredari inter medias heredum institutiones.*
3. *Filius post omnes gradus exheredatus, quid iuris sit.*
4. *Filius inter duos gradus exheredatus, ab utroque gradu intelligitur exheredatus.*
5. *Filius exheredatus inter medias heredum institutiones, a toto gradu exheredatus videtur.*

A Quo gradu filius prateritus est, is gradus non valet. Regula est iuris, tradita in *L. si postum. §. quod vulgo, D. cod.* Hinc questio, cum filius exheredatus est a patre, utrum ab omnibus heredum gradibus institutorum & substitutorum intelligatur esse exheredatus, an ab uno tantum? Hæc questio dicitur partim hoc loco, partim *L. 3. filius, usque ad fin. D. cod.* Ex quibus coniunctis locis hæc sententia est efficitur de ea questione. Si testator expressit, a quibus gradibus, quibusve heredibus veller filium exheredatum esse, voluntas servanda est. Itaque si nominatim filium exheredavit ab omnibus gradibus, is ab omnibus exheredatus est, ut hic respondetur in *pr.* Qua ratione si dixit se ab uno gradu exheredare, ab eo solo gradu filius exheredatus est. Similiter & si dixit, se ab uno herede exheredare, ab eo solo exheredatus filius intelligitur, quo casu exheredatio plane nullus est momenti, *d. L. 3. §. filius*. Quod si testator simpliciter filium exheredavit, hic sequimur quod verisimile est sensisse testatorem. Quod autem hic senserit, de eo varie statuitur pro loco,

quon exheredatio est scripta. Est autem varietas hæc scripturæ in eo. Nam aut filius exheredatur ante heredis institutionem, aut post omnes gradus, aut inter duos gradus, aut in uno gradu inter medias heredum institutiones.

Quid sit ante heredis institutionem, quid sit post omnes gradus, quid sit inter duos gradus, notum est. Inter et medias autem heredum institutiones dicitur filius exheredari, cum pluribus heredibus institutis, inter eorum institutionem exheredatio filii interieitur hoc modo: *Primus & secundus heredes sunt. Filius meus exheres esto, tertius & quartus heredes sunt*. Igitur si filius ante heredis institutionem exheredatur, ab omnibus gradibus exheredatus intelligitur, *d. L. 3. §. ante hered.* Quia hoc consilio exheredatio in capite testamenti posita est, ut ad totum testamentum pertineret, posita est enim fundandi testamenti causa. Si et post omnes gradus filius exheredatus sit, casus est huius rescripti, de quo ita respondetur: filium hoc casu ab omnibus gradibus, id est, tam a substitutis, quam institutis exheredatum videri, si eisdem institui sint, qui

qui & substituti, quod contingit, cum testator quos heredes prius instituerat, eodem potius invicem substituit. Et merito hoc casu exheredatio ad utrumque gradum pertinet. Nam constat eam pertinere etiam ad proximum gradum substitutorum. Non potest autem a substitutis filius exheredari in hac specie, quin ab institutis exheredetur, qui iidem erant instituti, qui & substituti sunt.

Ex hac conditione liquet, non idem probandum esse, si alii substituti sint, quam prius instituti erant: proinde filium extremo loco exheredatum, solum a substitutis exheredatum videri, non item ab institutis, argumento certissimo ducto per contrarium, *arg. L. 1. D. de offic. eius, cui mand. est sur.* Idque etiam intelligitur ex ratione, quam tradidimus supra, quæ in institutis, & invicem substitutis locum solum habet, cessat autem in substitutis, qui non sunt instituti. Proinde etiam huic iuri locum non esse dicemus, *arg. L. quod dictum de pass.* Si igitur inter duos gradus filius exheredatus est, ab utroque gradu exheredatus intelligitur, *d. L. 3. §. ante heredis*, idque omnino consequens est superioribus. Nam secundum ea, quæ dixi, exheredatio subiecta ad proximum præcedentem gradum, præposita ad omnes sequentes pertinet. Idem placuit, si testator ita exheredavit filium inter duos gradus, ut gradus misceret, seu ut gradibus misceret exheredationem, quod ita fit, cum duobus heredibus institutis, & in unius locum substitutione facta,

filium exheredat, deinde in alterius heredis locum alium substituit, hoc modo: *Primus & secundus heredes sunt, si primus heres non erit, tertius heres esto, filius exheres esto, si secundus heres non erit, quartus heres esto*, hoc in *d. L. 3. §. in eo.*

Quod si testator filium exheredavit inter medias heredum institutiones, placet filium a toto gradu exheredatum videri, idest, ab omnibus heredibus institutis, tam qui scripti sunt ante exheredationem, quam qui postea, *d. L. 3. §. filius*. Idque etiam plane his consequens, quæ dixi de exheredatione inter duos gradus interiecta, ut scilicet exheredatio tam ad præcedentem, quam ad sequentem gradum pertineat. Quod de pluribus gradibus dicitur, id nunc dicimus in pluribus personis. Verba autem Ulpiani in hac re expendenda sunt. Non dicit hoc casu filium exheredatum ab omni gradu, ut intelligeremus non esse exheredatum a substitutis, sed ab institutis tantum, in quorum institutione inclusa est exheredatio. Sed dixit a toto gradu, ut intelligeremus, non a proximis tantum heredibus institutis exheredatum esse, sed ab omnibus etiam remotis, qui eo gradu instituti sunt. Optima ratione, quia non potest exheredatio casu hoc valere, nisi intelligatur ab omnibus heredibus institutis facta esse. Nam si fingamus, ab uno aliquo herede filium esse præteritum, totus is gradus non valet, *d. L. 3. §. filius*.



Ad L. Si avus. 2.

Imp. Alexander A. Heraclidæ.

Si avus tuus, qui patrem tuum & novercam æquis portionibus heredes instituit, cum te quoque haberet in potestate, testamento nominatim non exheredavit: mortuo patre tuo vivo avo, sine impedimento legis Velleiæ succedendo in patris tui locum, rupisti avi testamentum, & ad te hereditas eius tota pertulit. PP. VI. Id. Apr. Fusco. II. & Dextro CC.

S U M M A R I A.

1. *Si quis filium habet, & ex eo nepotem, aut generaliter liberos plurimum & diversorum graduum, non omnes instituit, aut exheredare tenentur, an sufficiat, si enim, qui*

primo gradu est, instituit, aut exheredet.

2. *Verba huius legis, sine impedimento legis Velleiæ rupisti testamentum, examinantur.*

1. **S**I quis † filium habet, & ex filio nepotem, utrumque in potestate; & generaliter si quis liberos diversorum graduum habet, idque plurimum: non necesse habet omnes heredes instituere, aut exheredare; satis est filium, & eum, qui primo est gradu, heredem instituere, aut nominatim exheredare. Nepos præteritus non inhæret testamentum, quamdiu filius, qui præcedit, vivat, & ideo a principio statim testamentum valet, §. *postumorum*, *Inst. de exher. lib.* Et si filius moriente avo vivet, nunquam postea nepos, quantvis præteritus scriptis obstat heredibus, si filius exstiterit avo heres institutus, ut ex hoc rescripto colligitur, si non exstiterit heres, utpote a patre exheredatus, *L. si quis postumus, §. si filium, D. cod. L. 6. de iniust. rupto*. Idque adeo verum est, ut quantvis filius exheredatus decesserit delibantibus heredibus de adeunda hereditate, atque ita desierit filius obstat nepoti; tamen non eo magis nepos obstat heredibus, ut declaratur superscriptis locis duobus.

Optima ratione, quia spectamus tempus mortis testatoris, ut testamentum exitum habeat, quo tempore non fuit necesse nepotem heredem instituere, aut exheredare, cum cum filius præcederet, *L. si alienum, §. 1. de hered. inst. §. in extraneis, Inst. de hered. qual. & differ.* Sed propter periculum rumpendi recte facit avus, si filio instituit, aut exheredato, nepotem quoque instituit, aut ex-

heredabit. Nam fieri potest, ut filius vivo avo moriatur: quod si contingat, lege Velleiæ constitutum est, ut nepos in sui heredis deficientis locum suus heres succedat, & simul ut tanquam agnatione heredis rumpat testamentum, nisi sit institutus, aut exheredatus, quod in proposita specie huius loci accidit, §. *postumorum*, *Inst. de exhered. liber. L. postumorum, de iniust. rupt.* Sed notandum est, quod in hac † lege subicitur: *nepotem (præteritus videlicet) rumpere testamentum sine impedimento legis Velleiæ*. Non potest dici rumpi testamentum sine impedimento legis Velleiæ, nisi lex Velleiæ aut impediat, aut rumpat, aut impedire videatur. Atqui tantum abest, ut videatur impedire, ut eadem ipsa lege dicatur rumpi testamentum, si nepos, qui suus heres factus est, vivo avo non sit institutus, aut exheredatus, *d. §. postumorum*. Et intelligendum est, utrumque recte dici, legem Velleiam velle, ut hic nepos præteritus rumpat testamentum, & rursum videri legem impedire, ne rumpat. Nam ut colligere licet ex *L. Galus, §. ille casus, vers. denique, D. cod.* posteriore parte legis Velleiæ cautum erat, ut si liberi, qui gradu præcedunt, sui heredes esse desierint vivo avo, tunc nepos in suorum heredum deficientium locum suus heres succedat. Adiecit lex in eadem parte, *ne ob eam successionem comminatum sit testamentum*, & hoc est, quod ait Sævola in *d. §. legem Velleiam*

in

in hac posteriori parte vetare testamentum rumpi, propter successionem superiorum. Itaque hæc lex videtur impedire, ne nepotes rumpant testamentum. Sed eadem parte legis Velleiæ hæc conditio adicitur: *Si modo nepos institutus, aut exheredatus erit*. Unde intelligitur, si in-

stitutus, aut exheredatus non erit, tunc sine impedimento huius partis nepotem rupturum testamentum avi, sive testamentum hereditatem accipiendo, sive impediendo, quod lex impedire videatur, ne rumpatur testamentum, re autem vera non impediabat.

Ad L. Si quis. 3.

Imp. Iustinianus A. Ioanni PP.

Si quis filium proprium ita exheredaverit: Ille filius meus alienus meæ substantiæ fiat: talis filius ex huiusmodi verborum conceptione non præstitus, sed exheredatus intelligitur. Cum enim manifestissimus est sensus testatoris: verborum interpretatio nusquam tantum valeat, ut melior sensu existat. Dat. X. Kalend. Mart. Constantin. post consulatum Lampadii & Orestis VV. CC.

S U M M A R I A.

1. *Formula institutionis & exheredationis veteribus usitata.*

2. *An mutata formula exheredationis valeat exheredatio.*

Quemadmodum † Institutionis formula vetus hæc erat, *Titius heres esto*, Titul. de vulg. Institut. b. 1. sic exheredationis formula hæc erat, *Filius exheres esto*; §. nominativum, & §. seg. Institut. de exheredat. liberor. L. 3. §. in eo, D. de liber. & postum. Formulam institutionis si quis aliis verbis conciperet, dummodo idem sensus esset: recipiebatur institutio olim, citra controversiam, ut si testator ita dixisset: *Titius hereditatis meæ dominus esto*, L. h. s. verbis, in pr. de hered. institut. Sed † non idem placebat de formula exheredationis, veluti si quis ita filium exheredasset: *Filius meus ab hereditate meâ alienus fiat*, quæ conceptio hoc loco proponitur. Verisimile est dubitasse veteres, an exheredatio hæc valeret? Neque ad rem pertinere exemplum institutionis. Quoniam, ut est in L. cum quidam, de lib. & post. institutiones, ut beneficia, benigne accipiuntur, exheredationes, ut odiosæ, non sunt adiuvandæ Interpretatione.

Hanc dubitationem sustulit Iustinianus hoc loco, & constituit, quibuscunque verbis filius removeatur ab hereditate patris scriptura testamenti, satisfactum esse iuri. Et generaliter definit, ubi sententia testatoris manifestæ est, nunquam Interpretationem verborum, idest, orationem, quæ aliis verbis formulam usitam interpreta-

tur, nunquam, inquam, hanc orationem tantum valere posse, ut potior sit sententia testatoris, ubi verborum interpretatio significat verborum sensum, ut interpretatur Accursius. Alioqui hic esset sensus: nunquam sensum verborum tantum posse, ut sit potior sensu; quod est ridiculum & absurdum.

Hoc loco non male opponitur L. si alii, D. de usufr. leg. ubi si testator legaverit fundum Tullianum uni, & usufructum eius alii; placet utrumque in usufructum concurrere, quia fundi appellatione & usufructus & proprietates continentur, secundum vim & significationem verbi. Idque ita esse placet, quanvis errore testator aliud existimaverit, ut sic pluris scriptura valeat, quam id, quod sensu testator. Bene respondetur vulgo, L. si alii, loqui de eo testatore, qui errat quidem, sed non constet, an velit ita esse, ut existimat. Hæc inquam recte. Nam si testator declarasset, se fundum legando, non amplius legare velle, quam fundi proprietatem, nemo dubitaret, quin eius voluntas servanda esset. Nemo dicere intelligitur, quod non sentit, etiamsi verbo exprimat, L. 3. de reb. dub. Huc pertinet generale illud, voluntatem in testamentis domari, nec præter voluntatem quidquam ratum esse, L. 12. de leg. 1. L. ex patto, §. rerum, de hered. institut.

Ad L.

Ad L. Maximum vitium. 4.

Imp. Iustinian. A. Ioanni PP.

Maximum vitium antiquæ subtilitatis præsentis lege corrigimus, quæ putavit alia esse iura observanda in successione parentum, si ex testamento veniant, in masculis, & alia in foeminis, cum ab intestato simile [ius] utrique sexui servaverint. Et aliis verbis exheredari filium debere sanxerunt, aliis filiam: & inter nepotes exheredandos alia iura civilia, alia prætoria introduxerunt, & si præteritus fuerat filius vel ipso iure testamentum evertibat, vel contra tabulas bonorum possessionem in totum accipiebat. Filia autem præterita ius accrescendi ex iure vetere accipiebat, ut eodem momento & testamentum patris quodammodo ex parte iure accrescenti everteret, & ipsa quasi scripta legatis supponeretur: ex prætore autem habebat contra tabulas bonorum possessionem in totum. Constitutio autem magni Antonini eam tantum coarctabat, in quantum ius accrescendi competebat. Qui enim tales differentias inducunt, quasi naturæ accusatores existunt, cur non totos masculos generavit, ut unde generentur, non fiant? Nam hoc corrigentes, maiorum nostrorum sequimur vestigia, qui eandem observationem colere manifestissime visi sunt. Scimus etenim antea simili modo & filium & filiam, & alios omnes inter ceteros exheredatos scribere esse concessum. [Tum etiam] centumviri aliam differentiam introduxerunt: & ex hac iniquitate vitium emerfit, quale ex libris Ulpiani quos ad edictum prætoris fecit, inventum a Tribuniano viro gloriosissimo nostro quæstore ceterisque viris sacundissimis compositoribus iuris enucleati, ad nostras aures relatum est. Nam cum ultimum adiutorium de inofficiosi querela positum esset, & nemo ex alio ortus præsidio ad hanc decurrere posset: inventa fuerat filia præterita minus habens, quam filia exheredata. Cum enim per contra tabulas bonorum possessionem, vel ius accrescendi semissem substantiæ filia præterita accipiebat, & omnibus legata præstare compellebatur, scilicet usque ad doctantem suæ portionis: remanebat ei fescuncia tantummodo in sua successione. Quod si fuisset exheredata: quarta pars omnimodo totius substantiæ ei relinqui debebat, & quam iniuria dignam pater existimabat, amplius habebat ea quam taciturnitate in institutione præteritis, etsi secundum nostræ constitutionis definitionem, quam de supplemento quadrantis disposuimus, repletio fuerat introducta: simili modo exheredata in quartam partem repletio accedebat, & ita vitium permansit, ut nec ex nostra constitutione emendationem aliquam sentiret. Sancimus itaque quemadmodum in successione parentum quæ ab intestato deferuntur, æqua lance & mares & foemine vocantur: ita & in scriptura testamentorum eas honorari, & similibus verbis exheredationes nominatim procedere, & contra tabulas bonorum possessionem talem habere, qualem filius vel suus vel emancipatus haberet: ut & ipsa si fuerit præterita, ad instar filii emancipati vel sui, vel testamentum ipso iure evertat, vel per contra tabulas bonorum possessionem stare hoc non patiat. Et hec non solum in filiabus obtinere, sed etiam in nepotibus & neptibus, & deinceps observari censemus, si tamen ex masculis progeniti sunt. Sed quia & aliud vitium fuerat sub obtentu differentie introductum, & alia in-

ra exheredationis in postumis, alia in iam natis observabantur: cum necesse fuerat postumam inter ceteros exheredatam etiam legato honorari, filiam autem iam progenitam etiam sine datione legati: & hoc brevissimo incremento verborum ad plenissimam definitionem deduximus, sancientes eadem iura obtinere & in postumis exheredandis, sive masculini, sive feminini sexus sint, quæ in filiis & filiabus iam statuimus: ut etiam ipsi vel ipsa nominatim exheredentur, idest postumi vel postumæ facta mentione. Dat. Kal. Sept. Constantinop. post consulatum Lampadii & Orestis VV. CC.

S U M M A R I A.

1. Differentia filiorum & filiarum, nepotum & filiarum, item postumorum & iam natorum, in materia institutionis & exheredationis olim quæ

fuerit, & quomodo a Justiniano sublata & n. 2.

3. Effectus liberorum ad infirmenda testamenta quis & quomodo accipiendus.

CUM ¶ de liberis instituendis, aut exheredandis agitur, alia erat conditio filiarum, quam filiorum; nepotis, quam filii; postumi, quam iam nati. Nam filias non erat necesse instituere, aut exheredare, ut filios. Illis præteritis valebat testamentum, sed accrescebat heredibus scriptis, fratribus quidem pro rata portione, extraneis autem scriptis heredibus pro semisse, quem semissem illis auferebant, Theophilus § 1. *Instit. de exhered. liber.* Quod si filiarum exheredabantur, non erat necesse exheredari nominatim, ut filios, sed poterant inter ceteros exheredari, ut puta, *primus & secundus heredes mihi sunt, ceteri exheredes sunt*. Hoc verbo *ceterorum* intelligebantur contineri filiarum, si quas haberet testator, §. 1. *Instit. de exher. lib.* Eadem nepotum erat conditio, quæ filiarum, si modo nepotes vivi essent, & nemo eos gradu præcederet, ut est in *cod. §. 1. de exhered. liber.* Postumorum hæc erat conditio, ut sive masculi essent, sive femininæ, pariter institui, aut exheredari deberent. Sed hoc intererat in exheredatione, quod masculi nominatim exheredandi erant, femininæ licebat exheredare inter ceteros, dummodo eis aliquid relinqueretur testamento, ne præteriti viderentur per oblivionem, §. *postumi, Instit. de exher. liber.*

¶ Justinianus ¶ hic constitutione superiore differentia sublata, exæquavit feminas ma-

sculis, nepotes filii, postumos iam natis. Ex constituit, ut pariter omnes institui debeant aut exheredari, & si exheredentur, ut exheredentur nominatim omnes: si aliter factum sit, cavet, ut omnes liberi eundem effectum habeant ad testamenta parentum infirmenda, quem habent filii, tam sui, quam emancipati. Differentiæ, quas dixi, exponuntur in *tit. de exhered. liber. §. 1. & seqq.* Summa autem huius constitutionis comprehensa est in §. *sed hæc quidem instit. cod. tit.* Notandum est, quod Justinianus dicit de eo effectui, quem vult liberis habere ad infirmenda testamentum. Is ¶ autem erat, ut si filii præteriti in potestate essent, testamentum iam a principio nullius esset momenti; si liberi essent emancipati, ut testamentum iure valeret, sed rescinderetur bonorum possessione contra tabulas petita, §. *emancipatos Instit. de exhered. liber.* Justinianus intelligit, præteritis filiabus, præteritis item nepotibus idem iuris futurum, ut si in potestate fuerint filia, vel nepotes, testamentum nullius sit momenti. Sin autem emancipati erunt, habeant bonorum possessionem contra tabulas. Quod de liberis vivis accipiendum est: nam postumis præteritis, non infirmatur testamentum, nisi iis natis. Quod & in feminis & nepotibus postumis eodem modo observandum est.

Authent. *Non licet.*

Non licet parenti aliquem ex liberis exheredare, vel praterire, nisi is probetur ingratius, & ingratitudinis causas nominatim inferat testamento. Causse vero ingratitudinis nova constitutione expressa sunt quatuordecim.

Authent. *Ex causa.*

Ex causa exheredationis, vel prateritionis irritum est testamentum, quantum ad institutiones, cetera namque firma permanent.

S U M M A R I A.

1. *Sententia harum authenticarum tribus capitibus comprehensa, & quibus.*
 2. *Liberos omnes instituendos, aut exheredandos sine discrimine sexus, potestatis, etatis. His prateritis non esse impune.*
 3. *Liberos non solum rite, idest, nominatim, pure, & ab omni gradu exheredandos: sed hoc amplius ex constitutione Novella, ex iusta causa ea constitutione comprehensa, & ea adscripta testamento, & ab herede probata.*
 4. *Prateritionis liberorum poenam quadruplicem esse iure vetere pro qualitate & differentia liberorum constitutam; & qua sit.*
 5. *Prateritionis poenam & nunc eandem esse, neque in eo ius vetus constitutione Novella emendari: & quanti referat id nosse.*
 6. *Exheredatis rite liberis solam fuisse olim propositam querelam inofficiosi testamenti: & nunc quoque esse post Novellam Iustiniani, quanvis nulla causa exheredationis adscripta sit testamento, aut non iusta.*
 7. *Recte hic dictum, non solum ex causa exheredationis, sed etiam prateritionis rescissa institutione cetera testamenti firma manere.*
 8. *Hac constitutione sublata esse omnia iura vetera, quibus placebat institutione heredis sublata, nihil ex testamento deberi.*
 9. *Prateritis liberis, quos testator se habere ignoravit, unum argumentum esse, quo disputari possit, una cum institutione heredis cetera testamenti everti: sed verius esse etiam hoc casu institutione rescissa cetera eo testamento relicta valere.*
 10. *Herede ex re certa instituto, si prateriti sint liberi, aut immerito exheredati; sic rescindi institutionem, ut res certa heredi relicta ei debeat ex hac constitutione.*
 11. *Ex causa prateritionis, vel exheredationis legata ab herede instituta hodie valere: at non item, si qua relicta sunt a filio praterito, vel exheredato.*
 12. *Ex causa prateritionis, vel exheredationis quanvis rescindatur institutio, tamen legata, quae hodie praestantur, ex testamento peti, & valere.*
- H**is † fragmentis duobus tria constituuntur. Primum, liberos omnes heredes esse instituendos, aut exheredandos. Alterum si exheredentur, certis cautionibus exheredari debere, quae hic comprehensae sunt. Tertium, liberis prateritis, aut non ita exheredatis, uti supra comprehensum est, quae sit prateritionis, aut exheredationis poena. Duo priora com-

prehensa sunt in *auth. non licet*. Tertium in *auth. ex causa*. Principio † lex ait, non licere parentibus liberos praterire. Constituit tam sententiam, quam alibi explicatius positam legimus, liberos omnes instituendos esse, aut exheredandos: alioqui fore, ut testamentum non valeat. *L. antepennult. D. cod. tit. Inst. de exher. lib. in prin* Nam praterire est, neque here-

heredes instituere, neque exheredare, etiam si quid maxime liberis testamento legatur. *§. eadem, Instit. de hered. quæ ab intestat. defer.* Ex quo intelligitur, quantumvis aliquid legetur liberis, tamen si instituti, aut exheredati non sunt, poenam præteritionis fore eam, quæ hic constituta est, ut apertius intelligitur ex Novell. ut cum de appellat. cognosc. *§. aliud quoque capitulum, unde authent. non licet,* sumpta est. De omnibus liberis lex scripta est, siue sint in potestate, siue non sint, siue primi gradus, siue sequentium in infinitum, siue masculi, siue feminae, ut plenius comprehensum est in *d. §. aliud quoque capitulum.* Quo magis confirmatur *L. maximum, sup. hoc tit.*

3 Alterum ¶ caput pertinet ad exheredationem liberorum, docerque, quid hic servari oporteat. Diximus alibi, & ita habet, in exheredatione, ut valeat, duo spectari. Primum, ut quis rite exheredetur, deinde, ut iustus de causis Rite, idest, ut nominatim, ut pure, ut ah omnibus gradibus, & tota hereditate exheredetur, de quibus alias, nihil enim nunc illa ad hunc locum. Ut autem iustus de causis liberis exheredetur, etiam ius antiquum est, neque aliter ah hereditate eos summovere licuit, *L. ult. D. de bon. dam.* Nihil hic mutat Novella constitutio, unde sunt hæc fragmenta. Sed plus de his Iustinianus exegit, quam iure vetete cavebatur: in quo ius ah alio constitutum est novum. Quæ amplius exigit, tria sunt. Tot enim erant, de quibus olim non erat necesse testatorem esse sollicitum, ut exheredatio consisteret. Primum non erat necesse filium exheredare ex aliqua causa, quæ nominatim legibus comprehensa esset, sed causæ exheredationis erant in arbitrio & æstimatione iudicum, nec ullo certo iure continebantur. Unde illa veritas iudiciorum de rescindendis testamentis, quam ostendit Valerius Maximus, *lib. 7. c. 8. de testamentis rescissis.* Præterea si qua esset iusta causa exheredandi, satis erat hanc allegari potest ab herede scripto: non erat necesse adscribi nominatim a testatore: Unde querela de inofficioso testamento, idest, de eo quod filius nulla de causa merito esset exheredatus, non autem, quod exheredatus esset causa non adscripta. Postremo causa exheredationis adscripta a parente, non erat necesse heredi hanc probare, sed iniungebatur liberis necessitas, ut se purgarent, & docerent se semper in officio, & obsequio parenti debito mansisse, *L. liberi, sup. de inoff. test.* De his, inquam, tribus ius novum.

Tom. IX.

vum constituitur superiore lege. Primum non posse liberis exheredari, nisi iustus de causis, & his, quæ nominatim ea lege comprehensæ sunt a Iustiniano. Hæc autem sunt quatuordecim, numero & ordine expostæ in *d. §. 1. aliud quoque capitulum, & seq.* Exigit amplius lex ibidem, ut causa iusta nominatim adscribat testamento, ut intelligamus, quantumvis iusta causa exheredationis fuerit, & paratus sit heres hanc probare, tamen hæc non nocere, ubi testamento prætermissa est. Tertio loco exigit Iustinianus, ut causæ quæcunque adscripta erit, probetur ab herede, non probata nihil noceat liberis, quantumvis de innocentia sua nihil docere velint. Duo hæc posteriora in *ead. Nov. §. siue igitur.*

Hoc iure de causis constituto, si adversus ea factum erit, sequitur præteritionis & exheredationis poena: de qua & ipsa aliquid novi iuris hic constitutum est, estque id tertium caput ex his, quæ his fragmentis contineri proposuimus. Est autem hæc poena, ut si liberi præteriti sint, aut non exheredati secundum formam præscriptam, testamentum sit irritum, quod ad institutiones attinet: cætera firma permancant, sic verba sunt *authent. ex causa,* quæ deinceps expendemus. Apparet autem in his de iure constituto duas esse questiones. Unam, quomodo testamentum hic irritum interpretetur. Alteram, quatenus. Et cum queritur, quomodo testamentum irritum sit, siue non valeat, hoc queritur, utrum ex causa præteritionis, vel exheredationis, ubi forma præscripta servata non est, testamentum a principio nullum sit, an vero valeat, sed potest rescindatur, vel honorum possessione contra tabulas petita, vel querela inofficiosi testamenti perita. Hoc queritur maxime propter liberos, qui non sunt in potestate testatoris, & id ius, quod ante hanc constitutionem Iustiniani de his personis in hoc genere obtinuit. Queritur enim, an id ius maneat etiam post hanc constitutionem, an vero hac constitutione emendetur, ut in his quoque liberis ex superscriptis causis testamentum nullum sit. Ex quoniam ius vetus mavere putamus, de eo prius dicemus, ac primum, quod ius fuerit vetus liberis præteritis ad testamentum infirmandum: deinde, quod liberis exheredatis.

Liberis ¶ præteritis, præteritionis poena quadruplex iure constituta est pro qualitate & differentia liberorum. Si filii & reliqui liberi iam nati, quos nemo gradu antecedit, qui iidem in potestate testatoris

V

ris fuerunt, neque iussuri sint, neque exheredati, idest, ut nunc loquimur, sint præteriti, ipso iure testamentum nullius momenti est. *L. inter cetera, D. de liber. & postum.* Si postumi præteriti sint, qui si nascerentur vivo patre, sui heredes essent futuri, idest, qui in potestate parentis essent, & primum locum inter liberos tenerent, hi, inquam, si præteriti sint, iure civili testamentum a principio valet, sed si postea nascantur, testamentum agnatione ipso iure rumpitur, & paternitas fit intestatus. *L. 1. infr. tit. proxim. §. postumi, Instit. cod.* Eadem causa est nepotum præteritorum, qui postumorum loco habentur. *§. postumorum, Instit. cod.* In his præteritis omnium interpretum consensu nihil mutat hæc constitutio, quin potius hoc ius aperte confirmat, cum lex ait, *non licere liberos præterire.* Hoc enim consequens est, his præteritis contra legem fieri, ac proinde testamentum pro infecto esse, *L. non dubium, sup. de legib.* nisi quid lege excepteretur postea, quo declararetur nominatim placere, ut testamentum valeret ab initio, sed postea petentibus liberis rescinderetur, quod in his generibus liberorum factum non est: unde multo magis in iure vetere manere oportet. *L. præcipimus, in fin. C. de appellat.* Quod si liberi emancipati præteriti sint a patre, iure civili vetere testamentum valet; sed datur præteritis bonorum possessio contra tabulas, qua petita testamentum ita rescinditur, ac si a principio nullius momenti fuisset, quod ad institutiones heredum attinet. *L. non putavit, §. ult. D. de bon. poss. con. tab. §. emancipatos, Instit. cod.* Quod si præteriti sint ii liberi, qui neque sunt in potestate parentis, neque esse poterant, eoque nunquam fuerunt in eius potestate, ut sunt filii matri, nepotes avie, vel avo materno, testamentum & iure civili vetere, & iure prætorio valet, sed datur præteritis querela inofficiosi testamenti, *§. ult. Instit. cod.* In qua si filius obtinet, non minus & hic ipso iure testamentum rescinditur, *L. Papinianus §. ult. D. de inoff. test.*

5 Quæritur ergo, † an in his duobus & postremis generibus liberorum ius superius emendetur hac constitutione, ut scilicet non expectetur, dum emancipatis, vel cæteris liberis præteritis postulantibus testamentum rescindatur, sed statim a principio testamentum nullum sit? De quo non tam magnæ sunt dissensiones, quam magni errores, & non ferendi. Neque

hæc questio de nihilo est, utrum potius istius oporteat. Est enim rescissio testamenti sui per querelam, aut petita bonorum possessio contra tabulas, testamentum æque non valet, ac si ab initio nullum fuisset: tamen hoc ita est, si actum fuerit querela inofficiosi, aut si petita sit bonorum possessio contra tabulas. Multis autem modis accidere potest, ne agatur de inofficioso testamento, vel quia filius repudiet querelam, vel quia intra quinquennium huic actioni præstitutum non egerit, vel quia prius, quam ageret, decesserit. *L. qui repudiantis L. Papinianus, §. ult. & L. si autem, sequen. L. quemadmodum, D. de inoffic. testam.* Idemque de bonorum possessione dicendum est: quam repudiare potest filius, & quæ non competit, nisi intra annum, *L. 1. §. quib. §. largius. D. de suc. ed. intra quem fieri potest, ut eam non petierit: fieri etiam potest, ut priusquam peteret, decesserit: quibus omnibus modis accidit, ut testamentum sit a principio valuit, sic tunc in totum confirmetur: unde & admittuntur scripti heredes exclusi legitimis: quæ contra evenire necesse est, si dixerimus testamentum ex causa præteritionis nullum esse. Nam testamento nullo constituto paternitas dedit intestatus, eoque hereditas ad legitimis heredes pertinet, exclusi reliquis heredibus. *L. filio præterito, D. de inoff. sup. L. 1. sup. tit. prox.* Cum igitur tanti referat, utrum dicamus semper diu & multum quæsitum est, utrum videretur constitui hac lege iustitiam. Et invaluit sententia vetus interpretum hanc constitutionem pessime intelligentium, ex causa præteritionis nullum esse testamentum, etiam si liberi emancipati præteriti sint, atque adeo si liberi præteriti sint, qui nunquam sui heredes esse poterant, idest, qui nunquam fuerunt in potestate morientis. Qua sententia delectat bonorum possessio contra tabulas, & quæ inde sequuntur. Deletur *§. emancipatos, Instit. cod.* item maxima ex parte *Titul. de inoffic. testam.* cum in Pandectis, tum in Codice, & in Institutionibus. Item in *L. maximum vitium*, hic, ubi superiores rationes infirmandi testamenti leguntur. Statuunt autem hanc sententiam ex his verbis, quæ sunt in *authent. non licet*, & in *Novell.* unde hoc fragmentum sumitur, in *§. aliud quoque capitulum*, cum dicitur, *parentibus non licere liberos præterire.* Sic enim colligit; igitur lex vocat præterire. Ergo & si testamentum fiat his præteritis, apparet fieri contra legem, Quod*

tabulas, aut querela inofficiosi testamenti, constitutioni Iulianianae satisfactum est. Præterea ex eadem ratione apparet Iulianianum in hac constitutione, dum lubet præteritionem non nocere, voluisse consulere liberis. Ex quo intelligitur noluisse eum consulere extraneis heredibus, eoque noluisse introducere ullam infirmationem testamenti, per quam extraneis heredibus consuleretur, non autem liberis. Collectio est Ulpiani in L. 3. §. *sed utrum*, D. de min. Prætor, inquit, hoc edicto succurrere voluit minoribus: non est igitur ei propositum consulere maioribus.

At si dicimus præteritis liberis omnibus testamentum ipso iure nullum esse, non liberis tantum consuleretur, sed etiam extraneis legitimis heredibus defuncti. Quid enim, si filius repudiet hereditatem? quid, si vivo patre decedat? quid, si decedat prius, quam hereditatem adeat? dicemus nihilominus patrem intestatum decessisse, eoque hereditatem pertinere ad cognatos eius. Contra vero si liberis præteritis damus bonorum possessionem contra tabulas, aut querelam inofficiosi testamenti, filiis consuleretur, & solis liberis, quia his bonorum possessionem non petentibus, aut de inofficioso non querentibus, ratum est testamentum, & scripti heredes admittuntur, exclusi extraneis legitimis heredibus. Hanc igitur viam posteriore voluit Iulianianus, priorem repudiavit aperte, nisi quatenus iure civili vetere testamentum nullum esset. Ratio, qua interpretis in contrariam sententiam ducti sunt, move-re nos non debet. Constitutio in §. *aliud quoque capitulum*, cavet, non licere parentibus liberos præterire: ex quo colligere eos dixi, si liberi præterantur, testamentum contra legem factum videri, ac proinde infectum esse, d. L. non dubium, *supr. de legib.* Hoc recte colligitur & statuitur, quoties lex simpliciter aliquid vetat fieri, nec ullam poenam nominatim adici: hanc enim poenam intelligimus, ut quod factum est, infectum sit. At cum lex aliquid fieri vetat, & si id factum sit, nominatim poenam constituit, ut quod factum est, valeat aliquo modo, sed postea rescindatur, adversus legis sententiam manifestam facere non debemus, sed ea erit poena, quam lex voluit. Proinde quod factum est, valet, ut lex vult: sed ita rescindatur, ut lex nominatim iubet. Id autem accidit in hac constitutione. Nam Iulianianus primo cavet non licere parentibus liberos præterire, sed hic non subsistit, verum postea, si hoc factum non sit, poenam constituit in §. *sive igitur*,

& nominatim hanc constituit, non ut præteritio aut exhereditatio testamentum nullum reddat, sed ut non noceat liberis: item ut valeat testamentum, sed postea rescindatur, ubique enim *rescindendi* verbo utitur, & præterea manifestam eius sententia est, nolle cum testamentum ipso iure esse nullum. Proinde adversus verba & manifestam eius sententiam hanc poenam constituit præteritionis, ut testamentum nullum sit, nec possumus, nec debemus.

Hæc de poena præteritionis dicta sunt cum ex iure vetere, tum ex hac constitutione nova. Quod si ad exheredationem attinet, iure vetere una cum omnibus liberis exhereditatis poena constituta est, ut queri possint de inofficioso testamento: dummodo sint rite exhereditati, id est, nominatim, pure, & ex tota hereditate: neque interit, utrum filii exhereditari in potestate parentis fuerint, an vero non fuerint. Generale ius est, exheredatos liberos neque iure civili, neque prætorio turbare testamenta parentum, unamque his superesse querelam inofficiosi testamenti, L. non putavit, D. de bon. poss. *cont. rab.* Idque ita erat, sive causæ ingratitudinis adscriptæ essent, siue non essent: item siue constaret liberos ingratos fuisse, siue constaret, ne ingratos quidem esse potuisse, ideo etiam infante & postumo exhereditato testamentum valebat: quanvis daretur exhereditato querela inofficiosi testamenti. §. *tam autem*, *Inst. de inoff. test.* Quod etiam Iulianianus confirmat in L. si quis suo, §. ult. *supr. de inoff. test.* Queritur, an hic quidquam immutavit Iulianianus constitutio? Et vulgo quoque hæc sententia recepta est, si aut exheredationis nulla iusta causa sit, ut in infante, aut iusta causa sit, sed non adscripta, testamentum ipso iure nullum esse, quicumque liberi exhereditati sint. Cæterum iusta causa exheredationis constituta, & ea adscripta, valere testamentum, sed dari querelam exhereditato, in qua vincet, si heres eam causam non probaverit. Nos vero hanc sententiam itidem ut superiorem constitutioni Iulianianæ plane adversari contendimus, & ita statuis, dummodo liberi, quicunque erunt, rite sint exhereditati secundum formam iuris veteris, quanvis nulla causa sit exheredationis, aut non sit adscripta: tamen ins antiquum manere, & solum querelam dari exhereditato, etiam infanti, iisdem argumentis, quibus supra usi sumus. Primum, quia constitutio vult testamentum rescindi. Deinde, quia vult ita exhereditari secundum formam illi præ-

scri-

scriptam, ut si ea observata non sit, ea exhereditatio non inutilis sit, sed non noceat: item ut non noceat solis liberis, non autem, ut per hoc hereditas perveniat ad alios extraneos: quod futurum est, si dixerimus testamentum nullius momenti esse, non autem rescindi. Opponitur huius sententia *L. non putavis, §. non quavis, D. de bon. poss. cons. tab.* ubi scriptum est, exheredationem non rite factam exheredationem non videri. Ex hac sententia sic vulgo argumentantur. Præteritis liberis qui sunt in potestate, testamentum nullius momenti est, ut supra confirmavimus. Præteriti autem intelliguntur, qui rite exhereditati non sunt, *d. §. non quavis*. Quare liberis ita exhereditatis testamentum nullius est momenti. Hæc concedimus, sed nihil adversus id, de quo queritur. Prius eum efficiendum fuit: liberos videri non rite exhereditatos, qui exhereditati sunt non iusta de causa, aut causa non adscripta: quod negamus, & recte. Nam dum nominatim, & pure, & a tota hereditate exhereditati sint, rite exhereditati sunt ex iure vetere. Sunt etiam rite ex constitutione Iustiniani, quam tractamus, quoniam Iustinianus non iubet liberos exhereditari iustis de causis, & eas adscribi, ut testamentum a principio constet, sed ut, si contra factum sit, exhereditatio non noceat, *d. §. siue igitur. Nov. ut cum de appell. cog.* Vult igitur testamentum consistere, sed exhereditatis id non nocere.

Ac de priore capite dictum est, quomodo ex causa præteritionis, aut exheredationis testamentum irritum sit ex constitutione Iustiniani. Alterum queritur, ex his causis quatenus testamentum irritum fiat? Et res ita definita est in *auth. ex causa*, ut ex causa præteritionis, aut exheredationis testamentum irritum sit, quod ad institutiones heredom attinet: cætera autem in testamento relicta & constituta valent. In quo posteriore ius singulare notandum est. Nam iure communi, eum testamentum rescisum est, nihil in eo testamentum scriptum valet, *L. cum mater, D. de inoffic. testam.* de quo mox plura. Quam ob causam multa circa hoc caput quaerita sunt, eam de causis, propter quas testamentum infirmatur, tum de his, quæ testamento relicta sunt, quæ constitutio iubet valere.

7 Ac si primum quod iubet valere cætera ex causa exheredationis, id pro certo & perpetuo iure habendum est. Expressum est enim in *Nov.* unde hæc *auth.* sumitur in *d. §. siue igitur*, his verbis,

quod si hæc observata non sint, sancimus exhereditatis liberis nullum præiudicium fieri, quod ad heredem institutiones attinet, certe omnia alia testamento constituta suam vim obtinere, quasi non rescisso testamento. Quæsitum est, an idem probandum sit ex causa præteritionis, & an recte hoc verbum adiectum sit ab eo; qui concessit hoc fragmentum, cuius initium est: *Ex causa præteritionis?* Mos vet dubitationem, quod Iustinianus in *d. §. siue igitur*, unde est hoc fragmentum; de exhereditatis tantum liberis loquitur; nihil nominatim adiecit de præteritis. Semper autem hæc regula interpretationis intelligenda est, quod specialiter legibus posterioribus expressum non est, id veterum constitutionum regulis reliqui oportere, *L. præcipimus, inf. de appell.* Quæ sententia apud plerisque obtinuit. Sed bene hic dictum est, cætera in testamento valere non tantum ex causa exheredationis; sed etiam ex causa præteritionis, idque recte sumptum ex constitutione Iustiniani: Nam primum in *d. §. siue igitur*, loquitur quidem initio de exhereditatis liberis Iustinianus; sed sequitur postea: quod si in aliquibus talibus testamentis legata, aut fideicommissa relicta sunt, hæc tuam vim tenebunt. His verbis, *si quæ sint talia testamenta*, aperte non intelligit ea, in quibus liberi tantum exhereditati sunt. Nam hæc dici debuerunt eadem testamenta, ubi filii vel aperte, vel tacite remouentur a bonis paternis, aperte exheredatione, tacite præteritione. Deinde in *cod. §. Iustinianus* iubet testamentum irritum esse, si priora, de quibus locutus erat, observata non fuerint. Proposuerat autem initio non tantum de exhereditatis liberis, sed etiam de præteritis in *§. aliud quoque capitulum*. Proinde hæc verba, *si hæc observata non sint*, ad utrumque caput referenda sunt. Id evidenter apparet ex ratione subiecta in *d. §. siue igitur*. At enim Iustinianus ideo se iubere, ut testamentum irritum sit, ne filii falsis accusationibus lædantur, aut aliquam circumscriptionem in parentum testamentis patiantur. Accusatio falsa est in exheredatione, circumscriptio est in præteritione, utramque igitur causam Iustinianus intelligit, ut quavis *exheredationum* verbo usus sit, tamen intelligi debeat, verbo generali eum omnes liberos ab hereditate remotos comprehensisse. Præterea hoc constitutum esse debet, etiam si Iustinianus tantum iuberet legata ex testamento valere, ubi liberi immerito exhereditati sunt, tamen vel hoc ipsum certum argumen-
tum

tum esse, legata æque valere debere liberis tantum præteritis. Nam ubi minor est iniuria testatoris, æquum est illius voluntati plus tribui, quam ubi maior est eius iniuria. Maior autem ea est, cum aperte falsis accusationibus liberos exheredat, quam ubi silentio præterit, ubi eos verbis non lædit.

Quare si ex causa exheredationis hoc tribuitur patri, ut legata ab eo relicta valeant, multo magis hoc eitribuendum, ut valeant liberis tantum ab eo præteritis. Sed omnem dubitationem sustulit *S. hæc autem, in ead. Nov. in fin.* ubi Iustinianus constitutionis summam complectens ita concludit, solum sibi propositum esse a parentibus & liberis præteritionis, & exheredationis iniuriam arcere. Item, ex his constare, ad utriusque partis utilitatem, & cautionem præsentem legem fuisse latam. Quæ apparet referri non tantum ad testamenta liberorum, de quibus proxime locutus erat, sed etiam ad testamenta parentum, de quibus egerat prius. Hoc idem & cordatioribus interpretibus placet.

8 Sed si five ex causa exheredationis tantum placet cætera testamenti valere, five etiam ex causa præteritionis, opponuntur huic sententiæ innumeri loci, in quibus traditur, testamentum nullo constituto, aut rescisso, nihil in eo testamento relictum valere. Verum hanc dubitationem sustulit Iustiniani constitutio non tantum in *d. S. si autem hæc omnia*, ubi discrete cavet, si in legatis & cæteris relictis, quæ iubet valere, aliud cautum sit veteribus legibus, nolle se eas leges valere. Et ideo sciamus hos locos omnes, & sententias veteris iuris ad normam huius constitutionis emendari, hoc modo, filio, qui in potestate est, præterito, placebat neque legata, neque libertates deheri, *L. filio præterito, D. de inius. rupt.* hodie & legata & cætera debebuntur. Item postumo præterito placebat eius agnatione rumpi testamentum ita, ut patrifamilias intestatus decederet, nec quidquam ex eo testamento deheretur, *L. 1. inf. tit. proxim.* hodie legata & cætera præstabuntur. Item filio emancipato præterito, honorum possessione contra tabulas petita ita rescindebatur testamentum, ut ius rediret itidem ad causam intestati, *L. non putavit, §. ult. D. de honor. poss. contra tabul.* nisi quod legata præstabantur ex eo testamento certis personis, puta liberis & parentibus, *L. 1. D. de leg. præst.* hodie præstabantur omnibus, & omnia.

Item rescisso ex causa querelæ inofficiosi testamenti, placebat neque legata, neque libertates præstari, *L. Papinianus, §. ult. L. cum mater, D. de inoffic. testam.* hodie etiam ex hac causa legata valebunt, & cætera relicta ex eo testamento. Postremo ita est ius verum, ut ex quo testamento hereditas adita non est, ex eo nihil omnino debeatur. *L. si nemo 1. D. de test. tut. l. si nemo, D. de regul. iur.* Hodie hoc ita est, si ex aliis causis accidat, ne debeatur hereditas a scriptis heredibus: cæterum ex causa præteritionis vel exheredationis si adita non erit, ius novum hic est, ut cætera in eo testamento valeant præter institutionem.

Et si circa causam institutionis minime dubitatur legata tunc valere, cum testator scivit se liberos habere, & consulto eos præterit: tunc enim apparet testatorem voluisse legata præstari omnia. Quæsitum est, an idem probandum sit, si testator ideo liberos præterit, quia se habere ignorabat? Finge patrem talio rumore perlato de filii morte exitimasse illum esse mortuum, & ob id alios instituisse heredes testamento, & eo testamento quædam legata reliquisse. Constat ex voluntate testatoris, heredes scriptos non futuros heredes, sed filium. De legatis quaeritur, an etiam hæc debeantur ex hac constitutione, an vero non debeantur, quia tunc relicta sint, cum pater se filium habere non putaret? Bartolus non inepis rationibus motus contendit, hoc casu nec institutionem, nec legata valere. Movetur voluntate testatoris, quia non est verisimile, si pater putasset se filium habere, alios heredes esse instituturum fuisse, aut legatis oneraturum filium. Uritur autem ad eam rem tribus argumentis. Primum ductum est a militis præteritione. Nam si miles præteritis liberis omnibus heredes instituat, testamentum non valet: sed ita, nisi liberos se habere ignoraverit. Hoc enim casu præterito militis non nocet liberis, *L. siat, & L. si cum seg. sup. de test. milit.* proinde & in pagano idem dicendum est. Nam & in pagano testamentis legata contra voluntatem testatoris deberi non possunt, cum in testamentis totum voluntas testatoris faciat. *L. quoties, in pr. L. ex falso, §. rerum, D. de her. inst. L. 12. in fin. D. de legat. 1.* Alterum argumentum est, quod non sit verisimile quenquam suis successoribus alienos præferre velle, quæ & coniectura voluntatis pro certa confirmatur *L. cum avus, D. de cond. & demonstr. L. cum acutissimi, infr. de fideicom.*

com. Tertium argumentum ex *L. si unquam, infra, de revoc. donat.* ubi placet, quæ quis donavit vivos, cum liberos non haberet, liberis postea susceptis revocari, & redire in dominium donatoris. Si hoc placet in donationibus puris & inter vivos factis, multo magis in legatis testamento relictis recipiendum est: quoniam donationes maiorem vim obtinent, quam legata. Donationes statim perficiuntur, nec revocantur postea ex poenitentia, §. *si, Inst. de don. legata* perpetuo revocari possunt quamvis testator vivat. *L. 4. D. de alim. leg.* Et posset hæc sententia recipi, nisi diserte contra scriptum esset duobus in locis, in *L. ult. D. de her. inst.* & præcipue in *L. cum mater, D. de inoff. test.* quo in loco posteriore proponitur mater falso rumore perlato quasi filium suum in prælio amisisset, dum putat se liberos non habere, instituisse extraneos heredes, & quædam legata, item libertates testamentum reliquisse. Tamen in hac specie illic scribitur, Divum Hadrianum decrevisse hereditatem matris ad filium pertinere, ita ut legata & libertates præstarentur. Nec mutatur hæc sententia postremis verbis eius loci, sed magis confirmatur. Verba hæc sunt: *Hic illud adnotatum est, quod de libertatibus & legatis adducitur: nam cum inofficium testamentum arguatur, nihil ex eo testamento valet.* Adnotare, non est reprehendere & corrigere, sed notare tanquam rem notatu dignam, & singularis iuris: & ratio singularis iuris subicitur, quia iure communi in omnibus testamentis, quæ rescinduntur, hoc servatur, ut rescisso testamento nihil inde debeat: quod cum contra hic decretum sit, merito decretum hoc adnotatum esse dicitur.

His autem verbis, *hic adnotatum est*, non corrigi præcedentia, ex eo plus quam evidenter liquet, quod adnotatio hæc est iuris interpretum, sententia autem, quæ præcedit, est sententia Imperatoris. Incipit est putare iuris interpretem, qui potestatem iuris condendi non habuit, mutasse, aut emendasse constitutionem Imperatoris, quæ ius publicum facit. Huc accedit, quod illa sententia sine ulla correctione confirmatur in *d. l. ult. D. de her. inst.* Et frustra tentat Bartolus hæc responsa eludere. Nam aut institutio scripti heredis in hac specie ideo non valet, quia filius præteritus est; aut quia mater voluit hoc casu filium removere, & alios heredes, qui scripti sunt instituire. Si volumus institutionem non valere ex causa præteritionis, legata debebuntur ex hac

constitutione. Si volumus institutionem non valere, quia scripti heredes deficiunt voluntate testatoris, etiam hoc casu legata debebuntur ex supra scriptis legibus, & præsertim ex *L. ult. D. de her. inst.* ubi hoc significatur non obscure, ideo hereditatem ad filium pertinere, quia non videatur testator voluisse non instituire eum, quem se habere ignorabat. Non constat exemplum militis. Nam cum miles præterit filium, quem ignorat se habere, in institutione heredis admittitur hæc distinctio, utrum sciat se habere filium, an ignoret, ut si ignoret, institutio non valeat. Non eadem distinctio adhibenda est in legatis. Nam si miles ignorans se filium habere, alios heredes instituit, & quædam ab his legavit nihilominus legata debebuntur. Hic enim placuit ea deberi ex testamento pagani, idque ex eius voluntate. *d. L. cum mater, & d. L. ult. D. de her. inst.*

Multo ergo magis in eadem causa debebuntur ex testamento militis, ut voluntas militis conservetur. Non obstat quod dicitur, neminem propriis successionebus alienos præponere velle: nam & nos in hac specie idem admittimus. Cum enim testator præterit filium, quem ignorat se habere, & alios heredes instituit, ex superiori ratione dicimus successionem ad filium pertinere, non ad heredes scriptos. Sed quod de successione dicitur, ad legatum transferendum non est. Nihil enim prohibet testatorem filium suum heredem esse velle, & nihilominus ab eo quædam relinquere. Certe quotidie id usu venire videmus ut parentes liberis institutis, nihilominus quædam testamento legent, quæ ratione solum nititur, quod responsum est in *dist. L. cum mater, D. de inoffic. testam. & in dist. L. ult.* Non obstat *L. si unquam, infra, de revoc. donat.* Nam illic revocantur donationes liberis postea susceptis: sed ex donationes, quæ a patrono in liberos collatæ sunt, cæterorum donationes non revocantur, tamen vulgo contra receptum sit: de quo scriptissimus postea ad eam legem. Tum autem, ut concedamus eam legem in omnium donationibus locum habere: tamen non recte transfertur ad legata. Nam in una re donationes inter vivos maiorem vim habent, quam legata: nempe in eo, quod revocari non possunt vivente donatore, legata possunt. Sed in eo plus est firmitatis in legatis, quod cum revocata non sunt a testatore, præcipue placet ea conservanda esse, quia testator aliud amplius non potest, *L. 1. sup. de sacros. eccles.* Unde dictum

etiam publice expedire testamentum voluntates exitum habere. *L. vel negare, D. quemad. test. aper.* Siet igitur iam hæc sententia, non solum ex causa exheredationis, sed etiam præteritionis verissimum & perpetuum esse, quod in hac *authent. ex causa.* dicitur, ex his causis ita institutionem non valere, ut cætera firma permanent: neque interesse, quare testator præterierit liberos, utrum quia sciebat se habere, & volebat præterire, an vero quia se habere ignorabat.

Deinceps quæ infirmet, aut confirmet hæc constitutio, consideremus. Aut institutionem ex superscriptis causis non valere.

- 70 Hic ¶ quæsitum est de eo, qui institutus est ex fundo, aut alia re certa. In eo institutionem non valere constat. Sed an saltem ei fundus, aut alia res certa debeatur tanquam legatum? Dici potest ei nihil deberi ex verbis huius constitutionis. Nam cum quis instituitur ex fundo heres, iuberetur detrahi fundi mentio: quæ detracta fundus legatus dici non potest, *L. 1. §. si ex fundo, D. de her. inst.* Rursum ex hac constitutione institutio non valet. Sed si legatum valere potest ex testamento, placet illum tanquam legatarium eam rem certam, ex qua institutus est, iure legati habiturum. *L. quoties, sup. de her. inst.* Porro in hac specie legatum rei certæ ex testamento deberi potest ex hac constitutione. Quare & hic fundum, aut aliam rem certam, quæ appellata sit, deberi dicemus. Aut constitutio cætera firma permanere. *Cæterorum* verbo quæ intelligantur, expressum est in *d. Nov. ut cum de appell. cog. §. si igitur, & §. si autem*, ubi nominatim hæc commemorantur, legata, fideicommissa, libertates, tutelæ dationes: adde his substitutionem pupillarem: quam placet valere, quoticumque ex testamento patris legata relicta præstantur, *L. 2. §. 1. D. de*

vulg. subst. Sed quod ¶ dicitur de legatis, hæc ex superscriptis causis deberi, non de omnibus legatis accipiendum est, sed de iis tantum, quæ ab institutis relicta sunt. Si quid autem pater a præterito filio relinquit, neque iure vetere valuit legatum, *L. 1. D. de legat. 2.* neque ex hac lege confirmatur, quia in *d. §. si igitur*, discrete scribitur *ex causa præteritionis, vel exheredationis legata suam vim obtinere, tanquam si testamentum relictum non esset.* Ex quibus verbis intelligimus, ea sola legata hic confirmari, quæ valerent, si heredes instituti hereditatem adiissent.

Sed ¶ unde, & quo iure legata petentur? utrum ex testamento, an ab intestato? non videntur ex testamento peti posse: quia id nullum est sine heredis institutione, *L. 1. D. de vulg. & pup. subst. §. ante heredis, Instit. de legat.* Nulla autem institutio est, quæ est irrita. Rursum ab intestato non magis videntur posse peti, quia testamento relicta sunt, non ab intestato: nisi quis dicat peti posse conditione ex lege. Sed verum est, ea ex testamento peti posse, & valere. Id enim discrete expressum est in *d. Nov. ut cum de appell. cog. §. si igitur*. Hic opponitur regula iuris, quæ vetat in paganis testamentum pro parte valere, & pro parte non valere, seu quæ vetat aliquem pro parte testatum, pro parte intestatum decedere. *L. ius nostrum, D. de reg. iur.* Sed hanc obiectionem hic metuere non debemus. Nam Iustiniano ita placuit, ut ex causa exheredationis vel præteritionis pro parte, idest, pro institutione, testamentum non valeat, pro his autem, quæ eo testamento relicta sunt, valeat, *d. §. si igitur*. Huc accidit, quod in *ead. Nov. §. si autem*, nominatim caver, si quid sit huius parti in veteribus legibus contrarium, nolle se id valere.

A D T I T U L U M XXIX.

COD. DE POSTUMIS HEREDIBUS INSTITUENDIS,
VEL EXHEREDANDIS, VEL PRÆTERITIS.

Ad L. 1. 2. & 3.

Imp. Anton. A. Brutatio,

Si post testamentum factum, quo postumorum suorum nullam mentionem testator fecit, filium filiamve suscepit, intestato vita finitus est: cum agnatione postumi vel postumæ, cuius non meminit, testamentum ruptum sit. Ex rupto autem testamento nihil deberi, neque peti posse explorati iuris est. Dat. & PP. IV. Kal. Iul. Antonino A. IV. & Balbino Coss.

Impp. Dioclet. & Maximian. AA. & CC. Soterico.

Uxoris abortu testamentum mariti non solvi: postumo vero præterito, quamvis natus ilico decesserit, non restitui ruptum, iuris evidentissimi est. S. XII. Kal. Mart. Sirmii. Cesarib. Coss.

Imp. Iustinianus A. Ioanni præfecto prætorio,

Quod certatum est apud veteres, nos decidimus. Cum igitur is, qui in ventre portabatur, præteritus fuerat, qui si ad lucem fuisset redactus, suus heres patri existeret, si non alius eum antecederet, & nascendo ruptum testamentum faceret: si postumus in hunc quidem orbem devolutus est, voce autem non emissa ab hac luce subtractus est, dubitabatur, si is postumus ruptum facere testamentum posset: [&] veterum animi turbati sunt, quid de paterno elogio statuendum sit. Cumque Sabiniani existimabant, si virius natus esset, & si vocem non emisit, rumpi testamentum: apparetque, quod & si mutus fuerat, hoc ipsum faciebat: eorum etiam nos laudamus sententiam: & sancimus si virius perfecte natus est: licet illico postquam in terram cecidit, vel in manibus obstetricis decessit: nihilominus testamentum rumpi: hoc tantummodo requirendo, si virius ad orbem totus processit, ad nullum declinans monstrum vel prodigium. Dat. XV. Kal. Decembr. Constantinop. Lampadio & Oreste. VV. CC. Coss.

S U M M A R I A.

- | | |
|---|---|
| 1. Summa huius tituli. | 4. Suus heres quis. |
| 2. Postumus quis, & quando præteritus intelligatur, & num. 3. | 5. Postumus præteritus rumpit testamentum, & quomodo. |
| Tom. IX. | X 6. Nasci |

6. *Nasci quomodo intelligatur.*
 7. *Si Postumus natus illico decesserit, an nihilominus irritum sit testamentum, an vero raptum resistatur.*
 8. *Quid iuris sit, si postumus natus non solum statim decesserit, sed etiam decesserit, priusquam vocem ederet.*
 9. *Quod iuris est de filio superfluo prae-*

terito, idem in postumo prae-terito servandum est.

10. *Iniustum testamentum quot dicatur modis.*
 11. *Postumus natus magis infirmat testamentum, quam filius superfluo prae-teritus, §. num. 12.*
 13. *An, si postumus mortuo testatore nascatur, & deinde illico decedat, testamentum resistatur.*

1. Summa † tituli hæc est: postumus præ-teritus, qui natus suus heres futurus esset, si nascitur, rumpit testamentum, eo-que modo fit, ut testamentum non valeat, videlicet, si a principio natus esset præteritus, *L. si postumus a princ. D. de lib. & post. l. 3. de iniust. rapt. §. postumi, Instit. de exher. lib.* Singula huius definitionis explicanda. Postumus † intelligitur non tantum is, qui post mortem patris nascitur, qui proprie postumus dicitur, sed etiam qui nascitur vivo patre post testamentum factum: nam & hic præteritus rumpit testamentum lege Velleia *L. 3. in pr. de iniust. rapt. Præteritus † autem postumus, qui neque institutus est, neque exheredatus, §. eadem, Instit. de ber. qua ab intest. Hoc eo perinet, ut si neque institutus sit postumus, neque exheredatus, quonvis ei aliquid legatum sit testamento: tamen natus rumpit testamentum, §. postumi, Instit. de exher. lib.* Si exheredatur, sive sit masculus, sive femina, hodie nominatim exheredandus est, alioqui intelligitur præteritus, *L. maximum, supr. t. proe. §. sed hoc quidem, Instit. de exher. liber.* secundum quam sententiam accipi oportet, quod in *L. 1. b. t.* dicitur de postumo, cuius pater nullam mentionem habuit.

Exigimus, ut sit is postumus, qui natus inter suos heredes futurus esset. Suus † heres est, qui ex liberis est, & in potestate morientis, & inter liberos primum gradum tenet, §. sui, Instit. de hered. qual. & differ. Exigimus igitur in postumo, ut natus sit ex numero liberorum. Hoc eo spectat, ut si mulier aliquid ediderit, sed non postumum, verum portentosum, id non rumpat testamentum, ut est in *L. pen. in fin. b. t.* scilicet quia non sunt liberi, idest, filii, qui contra formam humani generis nascuntur, *L. non sunt liberi, D. de stat. bom.* Exigimus etiam ex hac definitione, ut postumus si nascatur, sit in potestate patris, *L. quod dicitur, D. de liber. & postum.* Nam emancipatos, & ex emancipatis conceptos

postumos iure civili impune præterire licet: tantum præteritis datur bonorum possessio contra tabulas §. emancipatos, Instit. de exher. lib. qua non petita ita decedant postumi nati, non obstant scriptis hereditibus. Hoc ius etiam post constitutionem Novellam Iustiniani mansisse & manere supra docuimus ad *Auth. non licet, cum seq.* Ex eadem definitione exigimus, ut postumus, qui nascatur, primum gradum inter liberos teneat. Nam si testator habeat filium, & ex eo nepotem, nihil necesse est nepotem instituere, aut exheredare, *L. si quis postumos, D. de lib. & postum.*

Postumus † præteritus rumpit testamentum. Sed hac conditione, si nascatur, *d. §. postumi*, ex quo colligitur, quando pendet, an nascatur, testamentum valere. Item si postumus non nascatur, sive quod mulier ventre vacuo fuit, quæ prægnans putabatur, sive quod abortivum fecerit, nihil esse impedimento, quo minus heredes scripti adeant *L. 2. b. t. & d. §. postumi.* Nasci autem † intelligitur, ubi animal natum est non tantum, ubi secundum consuetudinem naturæ partus editus sit, sed etiam cum ex vivo ventre extraxus est, *L. quod dicitur, de lib. & postum.* Natus rumpit testamentum, idest efficit, ut non magis valeat testamentum, quam si ab initio natus esset præteritus. Hic quaesitum est. Quid si postumus † natus illico decesserit, an nihilominus irritum erit testamentum, an etiam ruptum resistatur? Et placet rumpi testamentum, nec restitui ruptum. Rumpitur testamentum, quia vere filius natus est, lex autem solam agnationem postumi exigit, ut testamentum rumpatur. Quod non restituitur testamentum, eo fit, quia quod coepit non valere, tractu temporis non potest confirmari, sive ab initio non constiterit, sive postea ruptum dissolutum sit *L. quod initio, de reg. iur. L. si res, §. aream, de sol. L. inter, §. sacram, de verb. oblig.*

Quid † si postumus natus non solum † statim decesserit, sed etiam decesserit, prius-

priusquam vocem ederet? Iustinianus constituit hic idem esse, *L. pen. b. t. secutus Sabinorum sententiam*: optima ratione, quod non eo minus partus vitalis est, etiam si vocem non edat. Argumento est, quod nemo negat partum editum esse, si mutus editus sit, quem tamen constat vocem emitte non posse. His de causis sit illud, quod supra dixi, ut postumo nato ita rumpatur testamentum, ac si natus ab initio ellet præteritus. Nam & in filio præterito hoc idem accidit, ut statim testamentum nullius sit momenti. Et quavis vivo patre mortuus sit, non eo magis tamen convalescit testamentum, *L. si filius, de lib. & postum.*

Sed huic sententiæ opponitur *L. postumus, de iniust. rupt.* ubi superioribus casibus datur scripto heredi bonorum possessio secundum tabulas. Et ita quod testamentum iure civili ruptum esse dicimus, nec ullo modo restitui, iure prætorio confirmatur. Parum autem interest, utrum scripti heredes iure civili admittantur, an prætorio, dummodo admittantur. Et ut hic locus explicetur: quod si de filio superstate præterito iuris est, idem in postumo præterito servandum est. *L. 3. §. 1. de iniust. rupt.* De filio autem præterito, qui item vivo testatore decessit, scriptum est in *d. L. postumus* vers. *idem*, & dari hoc casu bonorum possessionem scripto heredi, sed hac conditione, si bonorum possessio detur ei, qui ab intestato quoque succedere potuit. Id significat Ulpianus cum ait: *Idem & circa iniustum testamentum dicendum est*; nam prius de postumo dixerat, si is præteritus nascatur vivo testatore, & eodem vivo decedat, posse scriptum heredem bonorum possessionem secundum tabulas petere. Subiicit, idem esse, si filius superstes præteritus vivo testatore decedat: *Idem*, nempe ut tamen si substat iuris testamentum nullius momenti sit, tamen ex æquo & bono heredi dari bonorum possessionem secundum tabulas. Id *iniusti* verbo eo loco significat. Nam iniustum testamentum si duobus modis dicitur: Primo id, in quo solemnia iuris deficiunt, *L. 1. de iniust. rupt.* Altero id, in quo filius præteritus est, hic appellatur uominatim in *L. 3. §. ex his apparet, de iniust. rupt.*

Prior significatio legi *Postumus*, non convenit, nam secundum testamenti tabulas, quod solemniter factum non est, prætor non dat bonorum possessionem, §. *non tamen, iust. quib. modis testam. infirm.* Restat igitur altera significatio, quam illic sequamur. Sed cum tibi dicitur filio

Tit. IX.

præterito, si is vivo testatore decessat, dari bonorum possessionem secundum tabulas, adicitur nominatim hæc conditio, si modo ei data sit, qui ab intestato quoque hereditatem auferre potuit. Ex quo intelligimus, si scripti heredes extranei fuerunt, & alii heredes legitimii, præteritione filii ita nullum esse testamentum, quod ad institutionem atinet, ut neque iure civili valeat, neque iure prætorio: secundum quod non datur bonorum possessio scriptis heredibus extraneis adversus legitimis heredes. Similiter & si filius præteritus, mortuo patri superstes, abtineat se hereditate patris: placet scriptis heredibus bonorum possessionem dari, sed hæc lege, si & ipsi legitimii heredes futuri erant. Id significatur in *L. filio præterito D. de iniust. rupt.* ubi filio uno præterito cæteri eius fratres heredes instituti erant: placet, si præteritus non avocet hereditatem, fratribus voluntatem ex æquo & bono tuendam esse. Quod sic intelligi debet: tuendam esse, non iure civili, quo iure testamentum nullius momenti sit; sed iure prætorio, data bonorum possessione secundum tabulas fratribus scriptis heredibus, iuxta *d. L. postumus, cod.*

Sed non adicitur in lege, fratribus bonorum possessionem dari, si ab intestato quoque possint succedere, videlicet quia non fuit necesse hoc adicere, satis enim constat, hos patri intestato legitimis heredes esse. Quod de filio præterito deinde mortuo, aut abstinente se dixi, idem de postumo præterito intelligendum est, ut si is vivo patre natus decedat, iure civili non restituitur omnimodo testamentum; sed tamen scriptis heredibus datur bonorum possessio secundum tabulas; verum hac eadem conditione, qua supra, si datur iis heredibus, qui ab intestato quoque poterant succedere. Opponitur huic sententiæ initium *d. L. postumus*, ubi hoc casu dicitur scripto heredi bonorum possessio dari sine ulla conditione. Respondet: conditio, quæ in ea lege adiecta est, *in vers. idem circa*, non solum ad proxime præcedentia referenda est, sed etiam ad superiora omnia, ut sit sensus: in supra scriptis omnibus casibus bonorum possessio secundum tabulas datur scripto heredi, sed in omnibus hac conditione, Si modo bonorum possessio detur ei, qui ab intestato quoque rem auferre poterat. Id ita interpretandum, his argumentis evidenter demonstratur. Nam quod in filio iuris est, idem in postumo servatur, nec ratio diversitatis reddi potest ut est in *L.*

X 2

3. §. 1.

3. §. 1. in fin. de inuist. rupt. L. si postumus a primo, de lib. & postu. Deinde ¶ quia postumus natus magis infirmat testamentum, quam filius superstes præteritus, ut declaratur in L. 5. cir. fin. D. de inuist. rupt. Proinde si filio præterito deinde mortuo, non datur scriptis heredibus possessio bonorum secundum tabulas, nisi legitimi quoque heredes essent; multo minus postumo præterito, si vivo testatore natus decedat, dabitur scriptis heredibus bonorum possessio, nisi & lidem legitimi heredes futuri erunt. Tertia ratio, cum iure civili testamentum non valet, idque sit iusta de causa, veluti ex causa præteritionis, etiam prætor debet iuri civili in eo obsequi, nec dare bonorum possessionem secundum tabulas, L. scito, D. de testib. Adde hanc rationem, quod non potest hoc casu bonorum possessio dari extraneis heredibus, sine manifesta iniuria legitimorum heredum: nam ubi postumus præteritus natus est, & iure civili rumpitur testamentum, statim vocantur legitimi heredes, qui ab intestato succedunt. Hoc ius illis a prætore adimi non debet; L. 2. de his, qui sunt sui, vel L. ult. de post.

Non audiendi sunt, qui vulgo hanc rationem diverſitatis reddunt inter filium præteritum & postumum præteritum, quod dicunt, postumo præterito saltem ab initio constituisse testamentum, facilius vero restitui, quæ aliquando valuerunt. Nam hoc posterius falsum est. Quemadmodum vero quæ ab initio non valent, tractu temporis non confirmantur: sic quæ semel rescissa sunt, ex eventu non restituantur L. inter, §. facta, D. de ver. obl. L. si res §. area, D. de solut. Idque in postumo verissimum est, qui natus ¶ magis infirmat testamentum, quam filius superstes præteritus, ut dictum dist. L. 5. de inuist. rupt. Quorum hæc? Nempe ut intelligatur, cum in L. 2. & 3. b. t. dicitur, si postumus præteritus vivo patre natus, eodem vivo decedat, rumpi testamentum, nec restitui: hoc verissime dici & esse perpetuum, scilicet ut non resti-

tatur hoc casu testamentum, neque iure civili, neque prætorio iure. De iure prætorio intelligi potest ex his, quæ supra dixi: nam hoc casu extraneis heredibus, qui ab intestato succedere non possunt, non datur bonorum possessio secundum tabulas, ut supra effectum est. His autem heredibus, qui & legitimi futuri essent, datur quidem bonorum possessio secundum tabulas, d. L. postumus, de inuist. rupt. sed hæc possessio est inutilis scriptis; nam sine hac hereditatem quoque ab intestato obtinerent.

Cur igitur in hac possessione bonorum danda dubitabant veteres? Propter legatarios & fideicommissarios: nam testamentum confirmato, legata & fideicommissa debentur ex testamento, & hoc est, quod dicitur in d. L. postumus. Idcircoque legatarii & fideicommissarii legata & fideicommissa habebunt securi. Sed hodie hæc bonorum possessio, ut scriptis heredibus qui ab intestato succedere possunt, inutilis est; sic etiam inutilis est legatariis. Nam ex Auth. ex causa supr. prox. tit. Etiam si ex causa præteritionis succedatur ab intestato, nihilominus legata & fideicommissa debentur. Atque hæc dicta sunt de postumo præterito, qui natus vivo testatore decessit. Quod ¶ si mortuo 13 nascatur, & deinde illico decedat, supervacuum est querere, an restituatur testamentum: nam hoc casu postumus natus statim sibi locum facit, ut est in L. 5. de inuist. rupt. Qui cum sit suus heres, statim heres existit patri ipso iure, & moriens hereditatem sibi iure quæsitam transmittit ad quosvis heredes legitimos L. 3. prox. t. Hæc si dicuntur in postumo, qui natus statim decessit, sine dubio in eo, quæ natus vivit, ita rumpetur testamentum, ut non sit locus scriptis heredibus. Placebat olim etiam ex eo testamento nihil deberi, L. 1. b. t. Sed hoc ius hodie in institutione locum habet: hæc vero infirmatur ut olim; cætera autem in eo testamento constituta firma manent, ex Auth. ex causa, supra tit. prox. Ex his satis exposita est L. 1. 2. 3. b. t.

Ad L. ult.

Imp. Iustinianus A. Ioanni præf. præ.

Quidam cum testamentum faciebat, his verbis usus est: Si filius vel filia intra decem mensium spatium post mortem meam editi fuerint, heredes sunt. Vel ita dixit, filius, vel filia, [qui] intra decem menses proximos mortis meæ nascentur, heredes sunt. Iurgium antiquis interpretatoribus legum exortum est, an videantur non contineri testamento & hoc ruptum facere. Nobis itaque eorum sententiam decidentibus, cum frequentissimas leges postumus testatorum voluntates adiuvantes: ex neutra huiusmodi verborum compositione ruptum fieri testamentum videtur: sed sive vivo testatore, sive post mortem eius intra decem menses a morte testatoris numerandos filius vel filia fuerint progeniti: maneat testatoris voluntas immutata, ne poenam patiatur præteritionis, qui suos [filios] non præterit. Dat. XII. Kalend. Decembr. Constantinop. Lampadio & Oreste VV. CC. Coss.

SUMMARI A.

1. Postumus quomodo recte instituitur.
2. Si testator in institutione alterum tantum nascendi tempus expresserit: is, qui altera tempore natus erit, præteritus videtur.
3. In hac institutione, si quis mihi post mortem meam intra 10. menses nascetur, heres esto, quid iuris sit?
4. Item quid in hac, si quis me mortuo nascetur, heres esto.

1. POSTquam ꝑ postumus heres institutus est a patre non exheredatus, quæsitum est, quando commode instituatur, de quo scripsum est in *L. commodissime de liber. & postum.* ad hanc sententiam: postumum recte institui hoc modo: quisquis mihi postea natus erit, heres esto: aut si testator adicere velit tempus nascendi, ita commode instituatur, sive quis vivo, sive mortuo me nascetur heres esto, utroque scilicet tempore nominatim expressio. Quod ꝑ si alterum tantum tempus testator expresserit: placet eum, qui altero tempore natus erit, præteritum videri, & ideo esse eam hanc poenam præteritionis, de qua supra dixi. Ut puta testator ita scripserit: Si quis mihi post mortem meam nascetur, heres esto, aliquis vivo testatore natus est, habetur pro præterito, quia non est natus, ut testator scripsit.

Iustinianus hic hanc sententiam ex parte 3. emendavit. Constituit enim, ꝑ ut si testator ita scripserit: Si quis mihi post mortem meam intra 10. menses nascetur, he-

res esto. Constituit, inquam, in hac constitutione iustinianus, postumum natum recte institutum videri, non tantum si mortuo testatore natus erit intra 10. menses morti proximos, sed etiam si vivo testatore natus erit. Si quis obiciet huic loco *L. commodissime*: recte respondemus, hanc esse unam ex 50. decisionibus iustiniani, qua veteri iuri derogavit, ut iustinianus initio declaravit. Sed monendi sumus, hic emendari ius vetus in hac specie, ubi testator instituit eum, qui se mortuo nascetur his verbis adiectis, *intra decem menses*. Quid ergo si testator simpliciter dixerit, *si quis me mortuo nascetur, heres esto*, an hoc quoque casu emendatur *L. commodissime*? Quidam ita putant, quod probandum non est duabus de causis. I. Quia quidquid lege corrigente specialiter expressum non est, id veteris iuris regulis relinquendum est, *L. precipimus in fin. infr. de appellat. li.* Quia inter has species & formas multum interest, ut proinde quæ ratione certa distinguuntur, etiam iure distingui debeant.

Diver-

-SIT GA

4 Diversitas † hæc est non obscura. Nam cum testator dicit, *si quis me mortuo nascetur*, apparet hæc verba, *me mortuo*, non posse esse addita, nisi ad distinguendum, & excludendum eum, qui vivo testatore nascetur. Proinde vivo testatore natus & verbis & sententia verborum excluditur. Contra vero ubi testator ita dicit: *Si quis me mortuo intra decem menses nascetur*: addita hæc verba, *intra decem menses*, non ad distinguendum & excludendum, qui nascetur vivo testato-

re, sed ad excludendum, qui nascetur mortuo quidem testatore, sed non intra decem menses. Voluit enim solum excludi eum, qui post mortem eius nascetur, ultra decem menses; quoniam hunc pro legitimo filio habere noluerit. Quare cum hunc solum excludi voluerit per hæc verba, *intra decem menses*: ex eo intelligitur, cæteros omnes, qui quodocunque nascuntur, se velle heredes esse, ac proinde constitutione hac Iustiniani hæc voluntas confirmatur.



A D T I T U L U M XXX.

COD. DE IURE DELIBERANDI, ET DE ADEUNDA,
VEL ACQUIRENDA HEREDITATE.

S U M M A R I A.

1. *Summa titulorum precedentium, & ratio ac series sequentium breviter ostenditur.*
2. *Hereditas quod modis acquiratur.*
3. *Hereditas distinctio.*
4. *Necessarius heres quis, & cur ita dicatur.*
5. *Sui & necessarii heredes qui, & cur ita appellantur.*
6. *Voluntarii heredes qui.*
7. *Voluntariis heredibus quomodo acquiratur hereditas, & num. 9.*
8. *Hereditas quomodo acquiratur iis, qui sunt in aliena potestate.*
10. *Adita & qualitas hereditatis effectus.*
11. *Remedium duplex ad incommoda, ex hereditate adita emergentia, evitanda.*

UT series † & ratio sequentium titulorum facilius intelligatur; paucis colligenda est summa eorum, quæ antecesserunt. Agitur hic de rebus per universitatem acquirendis, quod fit inter cætera, cum alicuius nobis hereditas quaerita est. Acquiritur hereditas, cum delata est, iustus & constitutus ad eam rem modis, sed prius delatam esse oportet. Desertur autem testamento, vel ab intestato patrefamitas mortuo. Vocantur aliqui lege ad hereditatem. Ex testamento ita desertur, si & testamentum sit, & sit iustum, & eo testamento heredes instituti simus. An fuerit testamentum, testamenti definitio declarabit. Iustum testamentum efficitur aliter in milite, aliter in pagano. In milite iustum testamentum est, quandocunque miles fieri aliquid post mortem suam voluerit. In pagano ut testamentum iustum sit, tribus in rebus positum est, in persona testantis, in solemnibus testamentorum, & his, quæ testamento caventur. In persona testantis est, ut sit is, qui ius testandi habeat; nam non omnibus testamentum facere permittitur. Huc pertinet *titulus, qui testam. fac. possunt*, *supr. de solemnibus testamentorum*, quæ & quælibet sunt, explicatur *sub tit. de testamentis*.

In his, quæ testamento caventur, primum caput est, ut aliquis heres instituitur, ac sine heredis institutione nihil in testamento scriptum valet. Institutus heres intelligitur, non tantum qui scripto iustus esse heres, aut verbis nuncupatus; sed is, qui præterea recte institutus,

quod sit, si & sit cum eo testamenti factio, ut heres institui possit, & instituitur eo modo, quo oportet. Hinc tituli consequentes, *de heredibus instituendis, & de institutionibus & substitutionibus*, quorum in priore ius explicatur de persona heredum, in posteriore de instituendi modo. Et quoniam ad questionem de heredibus recte instituendis pertinet, intelligi, an plures heredes instituere liceat, & quo ordine, si quando id factum sit: de hac quoque re ius subiecit, ad hanc summam, licere non tantum plures heredes instituere, sed etiam plures heredum gradus facere, ut alii instituti, alii substituti sint, ubi & de iure & effectu substitutionum dictum est. Id agitur *io titulo, de impuber. & aliis substitutis*.

Alium caput ad vim testamenti pertinet in his, quæ caventur testamento, ut si testator liberos habet, hos heredes instituat, aut exherede nominatim, sive huiusmodi nati sint, sive post nati sunt. Hinc *Tituli de liber. instit. vel exher. & de postum. her. instit.* Cum hæc ita transacta sunt, intelligemus, quando deferatur testamento hereditas. Sic enim incipiet deinceps deferri, si testator mortuus sit, & heres pure institutus, aut sub conditione, quæ iam exierit. Hoc modo delata acquiratur, cognoscendum sit; id ergo optimo ordine agitur *hoc tit. & seqq. per contrarium*.

Acquiritur † hereditas dupliciter, prout 2 est conditio & qualitas heredum, non tantum ex testamento, sed etiam ab intestato.

to. Ob hanc ¶ causam hæc distiunctio heredum traditur. Quidam sunt necessarii heredes, quidam voluntarii, idest, quidam, quibus hereditas iure acquiritur etiam nolentibus; quidam quibus non nisi volentibus. Necessariorum duo genera sunt, quidam, qui necessarii tantum dicuntur; quidam sui & necessarii, ut est in *pr. tit. de hered. qual.* Necessarius ¶ heres est servus a domino heredes institutus cum libertate, ita ut ex testamento hereditatem simul & libertatem capiat. Necessarius id eo dicitur, quia heres est domini, sive velit, sive nolit, ita ut nec edicto prætoris fiat ei potestas abstinendi, de quo genere dictum *supr. de neces. serv. her. & in d. §. 1. inst. de her. qual. & diff. fer.* Sui & necessarii ¶ sunt liberi, qui cum primo gradu essent, in potestate mortis fuerunt, ut ostenditur in *§. sui d. tit.* Necessarii dicuntur; quia iidem ut servi a domino instituti sunt heredes, seu nolint, seu velint: proinde inviti: quod si invitati, multo magis sui iuris ignorantes, ut sunt furiosi & infantes, *§. sui inst. de her. que ab intestat.* Quam ob causam etiam decedentes prius, quam de iure suo cognoscerent, aut quicquam statuerent, transmitti hereditatem ad quosvis heredes, *L. 3. infr. hoc tit.* Sed iniuriosum videri potest liberis oneribus hereditatis invitati implicari, præsertim cum extranei heredes non cogantur hereditatem adire, *L. nec temere. inf. hoc tit.* Pugnare etiam videtur cum regula, quæ dicitur, iuvio beneficium non dari, *L. invitato, de regul. iur.* Hæc solvuntur hac adiectione, qua dicuntur *sui.* Scire enim debemus suos heredes dictos esse, quod sint sui totii heredes, sive sibi ipsis heredes, quod ex ea re fit; quia sui heredes etiam vivo patre domini existimantur bonorum paternorum, *L. in suis, de lib. & postum.*

Hoc declaratur nomine patrisfamilias & filisam. quibus distinguuntur personæ patris & filii, sed in verbo *familias* coniunguntur, ut intelligatur familiam utrique esse communem familiam, idest bona, quod est argumentum Pauli eo loci. Nec huic sententiæ ob stare ait Paulus, quod licet parentibus suos filios exheredare, idest, removere a bonis suis; nam non eo minus domini erant liberi eorum bonorum. Non igitur exheredare potest pater liberos, quia bona ad eos non pertinuerint; sed quia hoc ius patri pro potestate sua tributum sit, ut etiam bona, quæ liberorum sunt, possit adimere. Argumentum est, quod & pater potuit occidere,

quod primum est argumentum superioris sententiæ. Nam nihil tam omniū nominum proprium esse solet, quam vita a Deo tributa, quam tamen pater iure potestatis potuit adimere, neque quisquam ex eo colligit, vitam non esse liberorum propriam: ite nec ex eo, quod pater potest adimere bona liberis, colligere possumus bona non esse liberorum etiam vivo patre. Sunt ergo bona liberorum propria, etiam vivo patre, ut supra diximus. Hinc efficitur, ut mortuo patre liberi, qui sunt sui heredes, fiant quidem heredes patri, sed fiant etiam heredes sibi ipsis, ut qui in priore statu etiam bonorum domini fuerint.

Quorum hoc ad necessitatem hereditatis acquirendæ? Respondeo: id vero ad hanc rem optime pertinet; nam bona oblata nemo cogitur acquirere, incommoda oblata nemo cogitur suscipere, ut efficitur & regula iuris, de qua dixi, & exemplo extrauorum heredem. At bonis quantis iam ante, etiam invitati & ignorantes retinemus incommoda suscepta; multo magis, ubi non consentiunt hi, quibus obligati eramus: sic fit, ut verbo, *necessariorum*, intelligamus suos heredes & iure fieri, & invitos: ex verbo autem, *suorum*, intelligamus rationem hic contineri, cur fiant invitati, quod alioqui iniustum & iniuriosum videri poterat. Sed acerbum est non tribuere liberis in potestate paterna, quod tribuitur extraeosis: etsi eum fictione iuris domini habiti sine vivo patre; revera tamen domini non fuerunt; sed nec cum creditoribus paternis quicquam contraxerunt. Idcirco prætores hanc acerbationem iuris civilis mitigarunt, & fecerunt potestatem liberis abstinendi se hereditate paterna, de quo *titul. seq.* sed hac lege, si se non immiscuerint hereditati paternæ, de quo in *L. si se bonis, infr. h. t.*

Voluntarii ¶ heredes sunt cæteri omnes, 6 qui non sunt in numero necessariorum heredum. Atque hi omnes uno verbo extranei dicuntur, idest, qui nec in potestate morientis fuerunt, aut si fuerunt, non reuenerunt primum locum inter liberos, *§. cæteri, inst. de her. qual. & diff.* His non acquiritur hereditas invitati, sed tantum volentibus, *L. nec emere, infr. hoc tit.* Unde voluntarii heredes a iuris auctoribus sunt appellati. Hinc fit, ut liceat his hereditatem repudiare, de qua repudiatione agitur *tit. seq.* Fit etiam, ut priusquam voluerint heredes esse, heredes non fiant, etiam si maxime his delata sit hereditas. Proinde si interim decedat, heredita-

7 ditatem delatam non transmittunt ad heredes, *L. 3. in fin. infr. hoc t.* Sed ¶ cum his sola voluntate acquiratur hereditas, an amplius quid desideratur ad acquirendum; Et placet extraneis heredibus sola destinatione animi hereditatem acquiri, *L. si avia, infr. hoc tit.* Nec interest, quomodo is animus declaretur, verbis, an re aliqua & facto; Verbis, adeundo; re & facto, gerendo se pro herede. Heres dicitur omnis, qui ad hereditatem vocatur, vel ex testamento, vel ab intestato.

At heres adeundo fit, aut pro herede se gerendo, *§. ult. Instit. de hered. qual. & diff.* Additionis verbum occurrit in *L. nec emere, hoc tit.* & amplius de eo dicitur in *L. cretionum scrupulosam, seg. infr.* Pro herede se gerere quid sit, dicitur ad *L. 1. §. 2.* Sed hoc modo acquiritur hereditas his heredibus, qui sunt 8 sui iuris. His autem, qui sunt ¶ in aliena potestate, ita destinatione animi volentibus hereditas acquiritur, si præcesserit eorum iustus, in quorum sunt potestate, *L. si quis mihi, §. iustum, de acquir. hered. de quo in L. si iustofamil. infr. h. t.* Interim in omnibus heredibus ad acquirendam hereditatem destinationem animi esse oportet; ex quo intelligitur, eos, qui iudicio præditi non sunt, & quorum animi destinatio nulla potest esse, hos per se acquirere hereditatem non posse. Hinc quæsitum de pupillo, cui delata est hereditas, de quo in *L. potuit, infr.* Hinc de infante, de quo in *L. si infanti, h. t.*

9 Sed ¶ hoc modo acquiritur hereditas extraneis heredibus; verum non statim, sed his tribus conditionibus. Prima est, de qua iam initio diximus, omnium heredum, tam necessariorum, quam extraneorum communis, si his delata sit hereditas, *L. si quis extraneus, §. 1. de acquir. hered. L. si curatoris, infr. hic.* Quod quando contingat, supra expositum est. Altera conditio est, si sciat heres extraneus sibi esse delatam, id est, ut aliis verbis expressum est, *Instit. de hered. qual. & diff. §. ult.* si heres sciat defunctum testatum, aut intestatum decessisse, sequi ei heredem esse, id est, aut se testamento institutum, aut sine testamento proximum se cognatum esse, qui lege, aut edicto prætoris vocetur ad successionem. Et hoc proprium est solum extraneorum heredum. In suis heredibus & necessariis scientia sui iuris non requiritur, utpote qui ignorantes, & inviti sunt heredes, *L. cum quidam, §. servum, de*

acq. hered. In extraneis heredibus contraria de causa requiritur, ut de iure suo certi sint; his enim destinatione animi acquiritur, ut dixi, hereditas. Placet autem quæ destinatione animi geruntur, non nisi vera & certa scientia peragi posse. *L. in totum, de reg. iur.* Tertia conditio est in heredum persona, si quo tempore hereditatem adierunt, aut pro herede se gerunt, sit cum illis testamento factio, *§. in extraneis, Instit. eodem.* Quod non item in suis & necessariis exigitur, quia annu & idem tempus est, cum heredes existunt, & tempus, quo testator moritur, nam statim eo mortuo heredes fiunt, etiam ignorantes.

Aditæ ¶ & quæsitæ hereditatis hic est 10 effectus, ut heres, siue suus, siue extraneus sit, in omne ius defuncti succedat, suscipiatque eius rei commodum & incommodum, *L. 1. 2. 3. in princ. de bon. posses.* Commodum in eo, quod succedunt in dominium rerum omnium hereditariorum, itemque in actiones, quæ defuncto competierant, *L. heres in omne, de acquir. hered.* Incommodum in eo, quod creditoribus hereditariis heres incipit obligari, non secus, quam defunctus, idque siue hereditas solvendo sit, siue non sit, *L. ult. infra, de hered. actionibus, L. morte, de acquir. hered.* Hoc periculo proposito admonemur, ut delata hereditate rebus adhuc integris caveamus hoc incommodum. Ad ¶ id evitandum 11 duo sunt remedia, unum in deliberando, alterum in inventario rerum hereditariorum faciendo. Deliberatio hoc præstat, ut cognoscamus de facultatibus hereditatis: quibus cognitis si putemus expedire, hereditatem adibimus, sin minus, repudiamus. Quod si etiam deliberatio hoc non præstitit, ut omne æs alienum cognosceremus, ut sæpe multa latent: adversus omne periculum ratio inventa est & constituta a Iustiniano, ut heres inventarium faciat rerum hereditariorum, secundum formam ab ipso præscriptam; tum sine periculo adeat, de quo in *L. ult. infr. h. tituli.*

Ex his intelligitur, quæ sit ratio huius inscriptionis: *de iure deliberandi, & de adeunda, vel acquirenda hereditate.* De iure deliberandi, quoniam deliberatio ante aditam hereditatem necessaria est: *de adeunda hereditate,* quia adeundo extraneis acquiritur: *acquirenda,* quia non sola additione acquiritur, sed etiam ipso iure, nempe necessariis heredibus.

Ad L. 1. § 2.

Imp. Antoninus A. Titiz.

Si a patre emancipata, eo defuncto bonorum possessionem non agnovisti: frustra vereris, ne hereditati paterna sis obligata, quod servum eius nullo iure manumissisti, res quoque & mancipia quaedam propter funeris impensas distraxisti; PP. Calp. Iulii. Messala & Sabino Coss.

Imp. Alexand. A. Florentino militi.

Cum debitum paternum te exsolvisse alleges: pro portione hereditaria agnovisse te hereditatem defuncti non ambigitur. PP. Vl. Id. Feb. Maxim. Il. & Eliano Coss.

S U M M A R I A.

1. *Trium recentur facta, quibus heres pro herede se gerere intelligitur.*
2. *Conciliatio legum 1. 2. & 12. cum*

§. ult. Insit. de hered. qualitat. & differ. & nom. 4.

3. *Quis pro herede se gerendo heres fiat.*

DUPLICATIONE horum locorum hinc nascitur: ius certum est, eum, qui ad hereditatem vocatur, vel ex testamento, vel ab intestato, heredem fieri, se pro herede gerendo, §. ult. Insit. de hered. qualitat. & differ. In his autem & duobus re-
scriptis ita facta proponuntur, quibus heres pro herede se gerere intelligitur, ut qui ex facie, suo nomine utiliter facere non possit citra ius & nomen hereditatis, id est, nisi sit iure & nomine heres, L. pro herede in pr. de acq. her. Huius generis facta hæc sunt, de quibus hic agitur: servum hereditarium manumittere, distrahere res hereditarias, exsolvere æs alienum hereditarium. Nam manumittere servum nemo potest, nisi dominus, qui prius servum in manu & potestate habuit, cum manumissio sit missio e manu & potestate, Insit. de libert. in pr. Non potest autem servi hereditarii quisquam dominus esse, nisi sit heres defuncti, si modo ei in servus legatus non sit.

Similiter nec quisquam res hereditarias distrahendo in alium transferre potest, nisi qui eorum sit dominus. Non enim plus iuris in alium transferre potest, quam ipse habuit, L. armo, de reg. iur. L. traditio, de acquir. rer. dom. nec dominus rerum hereditarium esse potest, nisi qui heres est defuncti, si ei res legata pon-

ant. Idem dicendum est de eo, qui exsolvit æs alienum: nam suo nomine exsolvere nemo potest, nisi debitor, nec potest ex persona defuncti quisquam debitor fieri, nisi eius heres. Proinde qui hæc omnia facit, recte dicitur se pro herede gerere. Potest quidem heres æs alienum solvere non suo nomine, sed defuncti, vel hereditatis nomine. Quod si apparet eum hoc animo fecisse, pro herede se non gerit, sed in re dubia qui exsolvit, magis suo nomine solvere videtur, quam alieno, L. merito, D. pro soc. Ob hanc causam de eo, qui servum hereditarium manumisit, diserte responsum est, eum qui id fecit, obligari oneribus hereditariis, quasi pro herede se gessisset, L. Iulianus, §. pen. de acq. her. Idem traditur de eo, qui res alienas distraxit, nihil testatus de sua voluntate, cur scilicet eas res distraheret d. L. pro herede, cir. pr. Et is, qui æs alienum hereditarium persolvit, dicitur hoc facto iudicium defuncti agnovisse, L. parentibus de inoff. testam.

Hæc cum ita sunt, consequens esse videbatur, ut in L. 1. b. r. responderetur filiam emancipatam, quæ patre defuncto, horum quid fecit, heredem fieri & obligari hereditariis oneribus, quia revera pro herede se gesserit. Nunc autem contra respon-

respondetur in *L. 1. b. t. Augetur difficultas ex L. 2.* quia ex eiusmodi factis respondetur, heredem videri agnoscere hereditatem & pro herede se gerere. Quamvis ² igitur, quam recte hæc tam varie dicantur, & quomodo cum superiore definitione conveniant eius, qui pro herede se gerat. Et recte sane omnia dicuntur, & nihil adversantur superiori definitioni, aut his locis, in quibus dicitur, his factis unumquemque heredem pro herede se gerere videri. Animadvertendum est ³ enim, non dicere nos omnem, qui pro herede se gerit, heredem fieri, & hereditatem acquirere, sed eum solum, cui delata est hereditas, & ut est in *d. s. ult. Inst. de hered. qual. & differ.* cum tantum, qui extraneus heres vocatur ad hereditatem vel ex testamento, vel ab intestato. Proinde pro herede se gerendo is solum heres fit, & obligatur hereditariis oneribus, qui vocatur ad successionem iure civili, non etiam qui vocatur ad successionem iure prætorio tantum. Nam prætor heredem non facit, sed tantum dat bonorum possessionem, *s. quos autem, Inst. de bon. poss.* His autem, quibus bonorum possessio tantum datur, non acquiritur hereditas, cum pro herede gesserint, quia bonorum possessio tantum datur his, qui eam a magistratu petunt, ut olim erat necesse petere, aut apud magistratum agnoscere, quod ex constitutionibus nobis nunc facere satis est, *L. ult. infr. qui admitt. ad bon. possess.* Hoc cognitio intelligi debet, emancipatam, de qua agitur in *L. 1.* non fuisse patri heredem, seu eam, quæ vocaretur iure civili ad hereditatem patris, sed eam, cui tantum daretur bonorum possessio in hereditate patris. Unde intelligimus hoc quoque, non fuisse eam institutam testamento patris, nam ex testamento deferretur hereditas, *L. 1. 2. b. t. L. lege obvenire, de verb. sign.* sed aut testamento patris fuisse præteritam, quo casu ei tantum datur iure prætorio bonorum possessio contra tabulas, *s. emancipatos, Inst. de exher. liber.* aut eius patrem intestatum dececessisse, quo casu emancipata iure civili non succedit, sed datur ei bonorum possessio unde liberi, *s. emancipati, Inst. de her. quæ ab intest.*

Sed unde colligimus talem filiam hic proponi, cum nihil exprimitur de eo? Respondetur: intelligitur ex duabus partibus rescripti: 1. Quod proponitur filiam vocari ad successionem ut emancipatam. Si instituta esset, non vocaretur ad hereditatem patris, ut emancipata, sed ut qui-

Tom. IX.

vis extranei instituti heredes: sed filia emancipata vocatur, cum datur præteritam bonorum possessio contra tabulas, aut ab intestato datur ei bonorum possessio, unde liberi. Colligitur præterea ex illis verbis, quod dicitur manumissile servum nullo iure, diltraxisse res hereditarias nullo iure, priusquam bonorum possessionem agnovisset. Nam si ad hereditatem vocaretur iure civili, hæc omnia suo iure posset facere, cum vellet, sine ulla bonorum petitione, quia hereditas sola animi destinatione acquiritur, ut dictum, *L. si avia, b. t.* Non obstant ergo isti loci, in quibus traditur, eum, qui servum hereditarium manumisit, aut res hereditarias diltraxit, pro herede gerere videri, *d. L. pro herede, L. Iulianus, s. pen. de acq. her.* Nam & hic fatemur filiam emancipatam, quæ item fecit, pro herede se gerere voluisse, sed negamus ideo heredem fieri, quia non erat vocata, sed tantum admitta ad bonorum possessionem iure prætorio. Hæc autem nullo extrajudiciali facto acquiritur, sed agnitione apud magistratum testata, *d. L. ult. qui admitti ad bon. poss.*

Quod si filia in proposito a patre heres instituta esset, quæ iure civili ei hereditas deferretur, dicemus eam iis factis pro herede gerere, & oneribus hereditatis implicari. Idem hodie dicemus, si ab intestato patri succedat. Nam ex *Novell. de hered. ab intest.* *s. 1.* omnes liberi vocantur ad successionem patris, servato ordine gradus, sed sublata differentia patris potestatis & emancipationis. Solum hinc rescripto locus erit hodie, cum filia emancipata testamento patris præterita erit; quemadmodum hoc casu testamentum iure civili valere dixi, tantumque emancipatæ relinqui bonorum possessionem contra tabulas, *Auth. non licet, & seq. de lib. præter.* Cur ⁴ igitur in *L. 1. b. t.* dicitur simpliciter eum, qui æs alienum exsolvit, idest, qui aliquo facto pro herede se gessit, statim videri hereditatem agnovisse? Respondetur, quia de eo agitur, qui iure civili sit heres, seu qui iure vocatur ad hereditatem. Id quidem non exprimitur aperte, sed non obscure intelligitur ex eo, quod dicitur, ex solutione æris alieni agnovisse hereditariam portionem. Nam hoc verbo, *hereditariam portionem*, supponitur, eam portionem, de qua quæritur, fuisse hereditariam. idest, ad hunc iure hereditario pertinuisse: sed solum quærebatur, an heres videretur hanc portionem agnovisse, dum æs alienum exsolvit. Ex his apparet infirmari, quod dixi de ratione acquisiti-

Y 2

he-

hereditatis in extraneis successoribus; ut scilicet tunc illis acquiratur, animi destinatione, cum iis defertur iure civili he-

reditas; diversum esse, cum iis defertor iure pratorio bonorum possessio.

Ad L. Si fratris. 3.

Imp. Gordianus A. Florentino militi.

Si fratris tui filius mortis tempore in patris sui fuit potestate: sive ex asse heres institutus est, etiam clausis tabulis heres potuit existere: sive ex parte, nihilominus statim suus ei heres existit: nec ea propter, quod intra paucos dies mortis patris sui concessit in satum, tu ad eisdem fratris tui potes accedere successionem. Quod si cum iuris sui esset, ante aditam hereditatem decessit, tuque fratri tuo legitimus heres exististi: sive intra tempora edicto praefinita, bonorum possessionem agnovisti: quae hereditariarum facultatum sunt, vel quae ab alio iniuria detinentur, praesidis diligentia tibi restituantur, PP. XV, Kal. Sept. Gordian. A. II. & Pompeiano. Coss.

S U M M A R I A.

1. Pater relicto filio herede, relicto item fratre, decessit: filius ante aditam hereditatem moritur, instituitur extraneis, quaritur, utrum successio ad extraneos, an vero ad patrum perveniat?

2. Hereditas non adita ad heredes eius, cui delata erat non transmittitur.

Pater decessit relicto filio vel herede instituto, vel legitimo herede relicto, decessit idem & relicto fratre suo, eodemque filii patruo. Filiius defuncto patre priusquam adiret hereditatem, aut bona hereditaria patris attingeret, statim decessit institutus forte extraneis heredibus. Huc successionem defuncti fratris vindicat frater eius superstes, de quo dixi, aut vindicat res hereditarias singulas. Contra heredes defuncti filii eam successionem ad se pertinere contendunt. Quaestio est, ut ad utros pertineat successio defuncti patris? Quaestio in eo, utrum patris hereditas filio adhuc viventi quaesita esset? Nam si quaesita sit, transmittitur ad heredes suos; sin minus, datur locus fratri defuncti legitimo heredi. Horum utrumque efficitur ex defuncti hereditate: nam hereditas huius filii de quo queritur, est successio in universum ius, quod is filius moriens habuit, non in ius alienum, *L. hereditas, de reg. iur. L. nihil aliud, de verb. sign.* Inde mox controversia fratri defuncti patris, consulit Imperatorem, quid iuris.

Rescriptum est accomodatum ad eam dubitationem, de qua dixi, hac distin-

ctione: referre, utrum filius, de quo quaeritur, fuerit in potestate morientis patris, an vero fuerit emancipatus, vel alio modo sui iuris factus vivo adhuc patre. Si in potestate patris, statim heres existit, idest, ipso iure sine alia additione, aut immixtione, §. *sui, Instit. de hered. quae ab intestat. L. in suis & legitim.* & clausis etiam tabulis testamenti. Quod hic adiectum est, propter ius vetus, quo cautum erat, hereditatem non posse adiri ante apertas tabulas testamenti, *L. unica, §. in novissimo, infr. de cad. toll.* Sed hoc ius locum habebat in extraneis heredibus, quibus non potuit acquiri hereditas, nisi certis de iure suo. Non videbantur enim iuris sui certi esse posse, priusquam tabulae aperirentur, ex quibus de iure suo cognoscerent. At in suis heredibus, quemadmodum destinatio animi, & certitudo iuris sui non desideratur, semper placet hoc ius ad suos heredes non pertinere. Et hoc est, quod dicitur, aperturam testamenti ius sui heredis non mutare, idest, non impedire eos, quo minus iure heredes existant, sive apertae sint tabulae, sive non, *L. 2. §. aperta, de hered. Instit.*

Scilicet

Scriptum quidem est, *L. 5. §. ult. de iur. & facti ignor.* qui ex alie heres est, posse petere bonorum possessionem, etiam ante apertas tabulas. Sed aliud iuris est in hereditate adenda. Hec non poterat adiri olim, nisi apertis tabulis. Sed hoc ius hodie sublatum est, & effectum, ut non tantum sui heredes clausis tabulis heredes existant, sed etiam ut clausis tabulis adiri possit hereditas ab extraneis heredibus, *d. §. in novissimo, inf. de cad. toll.*

Hereditate hoc modo iure filio quaesita, consequens est, quod hic dicitur, fratrem superflitem ad fratris successionem accedere non posse. Nam si filius is, qui heres patri existit, alios heredes instituit, quam hunc fratrem, patrum suum, ad institutos pertinet & filii & fratris hereditas. Si filius intestatus decessit, pertinebit quidem hereditas, & successio ad hunc fratrem, ut legitimum heredem eius; sed non pertinebit ut successio fratris, sed ut successio filii, cui iam ante erat quassita. Quod si filius hic sui iuris fuerit vi-

vo patre, & non adita hereditate decesserit, non quaesivit hereditatem, ut Iulio dixi. Proinde manlit semper hereditas: ex quo consequens est, eam pertinere ad omnes heredes patris defuncti legitimos: inter quos eum sit defuncti frater, consequens est, hereditatem ad eum pertinere, si adierit hereditatem, aut quovis alio modo agnoverit. Quod si defuncti fratris hereditas ad eum pertinet, etiam in rerum singularium dominium succedit, sine alia rerum singularium apprehensione, *L. cum heredes, de acquir. hered.* Quod rursum, si ita est, efficitur, quod extremo hoc loco dicitur, hunc fratrem defuncti fratris res hereditarias singulas iure vindicare posse, seu in rem actione petere & consequi, ut a quovis possessore sibi restituantur. Nam in rem actio competit ei, qui iure gentium, aut civili acquisivit dominium, *L. in rem, de rei vindic.* Obiter tamen hic illa sententia notanda est, hereditatem non aditam, ad heredes eius, cui delata erat, non transmitti, de quo plura ad *L. quasiam inf.*

Ad L. Filiosfam. 4.

Imp. Decius A. Athenaidi.

Filiosfamilias delata hereditate, si pater pro herede voluntate filii gessit, solemnitate iuris satisfactum videri, saepe rescriptum est, PP. X. Kalend. Mart. Decimo A. & Grato Cass.

S U M M A R I A.

1. Hereditas servo, aut filiosfamilias delata domino, vel patri non acquiritur, nisi volentibus & adire iacentibus.
2. Hereditas filio delata, an patri, si consentiente filio pro herede se gerat, acquiratur, & num. 4.
3. Pro herede se gerere quis dicatur?
5. Post constitutionem Iustiniani, an ad hereditatem filio acquirendam, & patris iussus & filii consensus sit necessarius.

PER servum & filiosfamilias qui in potestate nostra sunt, ceterae res acquiruntur etiam nobis invitis. Hereditas tamen illis delata non acquiritur, nisi volentibus nobis, atque adeo iacentibus, ut hereditatem adeant, *L. acquiritur, L. etiam invitis, de acquir. rerum domin.* Quod hac ratione constituitur, quia ceterae res singulae acquiruntur sine onere & incommodo nostro, hereditas autem aeri alieno nos obligat, *L. pure, de acquir. ad. hered. L. si hereditas D. man-*

dat. L. ult. supr. de hered. actio. Ratione civili & naturali permittum est unicuique alterius conditionem meliorem facere invitae & ignorantis, deteriore autem facere non licet, *L. salvando, de acquir. gest.* Ob hanc causam ius ita constitutum est, ut si servo hereditas delata sit, siue filiosfamilias, iussus patris & domini praecedere debeat, sequi addito filiosfamilias, aut servi, *L. si quis mihi bona, §. iussu, de acquir. hered.*

Hinc

Hinc † quæsitum est, an hereditas filiofamilias delata acquiratur patri, si consentiente filio se pro herede gerat? Duhitationis causa manifesta est ex eo, quod supra dixi. Nam hic non mandat pater, ut filius hereditatem adeat, sed filius mandat patri, aut consentit, ut pro herede se gerat. Præterea filius hereditatem non adit, sed pater solus pro herede se gerit. Itaque utrumque contra supra scriptam sententiam fieri videtur, ideoque nec videtur hereditas patri hoc modo acquiri posse. Hic rescriptum est, nihilominus hoc modo recte acquiri; quia solemnitati iuris satisfactum sit. Hoc vero dicitur: satisfactum enim est in hac specie solemnitati iuris, si non secundum verba, at secundum sententiam superioris iuris, si non recta, at certe per consequentiam. Nam primo pater pro herede gerendo declarat se velle hereditatem filii acquirere; ac nihil aliud egisset, si mandasset filio, ut ipse adiret. Nihil aliud enim hoc mandatum significaret, quam patrem velle sibi hereditatem acquiri, ut sic intelligitur hereditatem sibi non acquiri invito, iuxta *L. qui in aliena, de acq. her.*

Sed hæc in proposita specie voluntas patris de acquirenda hereditate præcedit, quandiu exigimus, ut iussus præcedat. Prius est enim, ut pater velit, hereditatem acquiri, quam ut acquirenti filio consentiat. Ergo hic omnino mandato & iussu patris præcedente confirmatur sententia. Quod ad additionem filii attinet, hoc pro certo haberi debet, hereditatem filio delatam sine additione filii acquiri non posse; nam nec delata servo acquireretur, nisi servo adente, *L. 3. sup. de inst. & subst.* Et merito; quia soli filiofamilias hereditas defertur iudicio testatoris, aut legis, *L. qui liberis, §. ult. de vulg. & pup.* Sed intelligendum est, cum in proposito filius consentit, ut pater pro herede se gerat, hoc ipso, quod consentit, hereditatem adire videri. Nam hereditas patri acquiri non potest, nisi filio prius adente, ut dictum. Proinde filius permittendo id, quod est consequens, intelligitur simul velle id, quod est antecedens, nempe hereditatem adiri, argum. in *L. illud, de acquirend. hered.* Quinimo filius permittendo patri pro herede se gerere, hoc ipso intelligitur & ipse se pro herede gerere. Nam † pro herede gerit, qui id facit, quod nisi heres facere non potest. At permittere patri, ut fiat heres, nemo potest, nisi filius, qui ipse heres est; quoniam nemo plus iuris in alium transferre potest, quam ipse habet, *L. nemo plus, de reg.*

jur. Proinde filius hoc permittendo etiam pro herede se gerere intelligitur. Recte igitur dictum est in hoc rescripto: cum pater voluntate filii pro herede se gerit, solemnitati iuris satisfactum esse, idest, perinde habendum esse, quasi iubente patre filius hereditatem adisset, aut pro herede se gessisset.

Interim hoc rescripto & definitione ea, quam supra posui, constituitur hoc; Ubi † filiofamilias hereditas delata est, hanc patri non acquiri, nisi aut filius mandato patris, aut pater voluntate filii hereditatem acquirat, & ita utriusque voluntatem in hac acquisitione concurrere debere. Videri potest huic sententiæ adversari *L. qui in aliena, §. 1. de acquirend. hered.* ubi scriptum est: Filiofamilias delata hereditate, si pater diu possederit hereditatem, videri ipsum & hereditatem admittit. Item *L. si filiusfam. supra, de pet. her.* ubi eonverso modo dicitur, si filiofamilias delatam sibi hereditatem per longum tempus possederit, videri commodum hereditatis patri quæsitum. Sed hi loci non obstant; quoniam in his non agitur de acquirenda hereditate filiofamilias delata, sed de probatione acquisitionis. Si de acquisitione quaeritur, utriusque voluntas est necessaria & filii & patris, ut hic declaratur, neque refragatur id superioribus locis. Sive enim pater possideat hereditatem, exigimus, ut filio consentiente id fiat: sive filius ipse possideat, exigimus, ut fiat voluntate patris: alioqui hereditas invito non acquiritur. Sed si quaeratur, an pater filio, aut filius patri consentit? Illis locis ostenditur, id non solum testibus probari posse, sed etiam longa hereditatis possessione.

Quæritur, † an hodie post constitutionem Iulianam, iussus patris & consensus necessarius sit ad hereditatem acquirendam, quæ filiofamilias delata sit? Nam constituit Iulianus omnium adventitiorum proprietatem filiofamilias acquiri, & inter cætera etiam delatæ hereditatis proprietatem, *L. cum oportet, L. ult. iust. de bon. qua lib. §. 1. Inst. per quas pers. fow.* Et puto hodie utriusque consensum non esse necessarium; si filius adire hereditatem voluerit, licebit ei hoc facere etiam ignorante patre; nam potest adire etiam patre invito, *L. ult. inf. de bon. qua lib.* multo igitur magis ignorante patre, *L. qui potest, de reg. iur.* Quod si filius hereditatem adire velit, sit potestas patri hereditatis adeundæ, idque sine voluntate filii qui iam repudiavit, *d. L. ult.* Quod si filius hereditatem patri acquirere velit, hic

hic quidem voluntas patris necessaria erit, ne invitus pater obligetur hereditati. Sed non est necesse etiam hoc casu utriusque consensum intervenire. Nam repudiante etiam filio patri volenti hereditas acquireretur, ut dixi. Neque tamen sublatum est ius, quod hic traditur, & in d. l. si quis mihi bonae. §. iussum. D. de acq. her. Nam si filiofamilias hereditas delata est contemplatione patris, hæc videtur a

patre potius profecta, & patri acquireretur per filium. arg. in l. sed si plures, §. in arrogato, de vulg. l. profectitia, de iur. dos. Porro etiam collationibus Iustiniani bona profectitia ad patrem redeunt, eique acquiruntur pleno iure, d. §. 1. Iussit. per quas pers. nob. Proinde & in hoc quoque genere hereditatis necessarius erit consensus & iussus patris ad acquirendam hereditatem.

Ad L. Potius. 5.

Imp. Valerianus & Gallienus. AA. Paulo,

Potius pupillus pro herede, tutore auctore, gerendo consequi successionem, sed ipsius actus & voluntas suis necessaria. Nam si quid nesciente eo tutor egit, illi hereditatem non potius acquirere. PP. XVI. Cal. Iul. ipsi IV. & III. AA. Coss.

S U M M A R I A.

1. Pupillus an acquirere possit.
2. An omnis pupillus possit acquirere.
3. Pupillus quando acquirere possit.
4. Pro herede se gerere, item hereditatem adire, quid sit.
5. Pupillus an solus, an vero non nisi alterius, & cuius auctoritate acquirere possit, & cum. 6.

7. Actus & voluntas pupilli ad hereditatem sibi per tutorem acquirendam necessariam requiritur.
8. Causa, propter quas tutor pupillo invito acquirere nequeat.
9. Tutor pupillo invito possessionem bonorum acquirere non potest, & cur.

Pupillo, idest, Impuberi, qui non sit sui iuris, L. pupillus, de verb. significat. delata est hereditas, sive quod heres institutus sit, sive quod tanquam proximus agnatus defuncti vocetur ad successionem. Circa hereditatem hæc acquirendam duæ sunt summæ questiones. Una, an ipse pupillus hereditatem possit acquirere suo facto? Altera, an possit tutor ei acquirere eius nomine adeundo? In priore capitæ hæc quaeritur. Primo, an possit pupillus acquirere. Secundo, an omnis pupillus, etiam infans. Tertio, quando. Quarto, an solus, an vero non nisi alterius auctoritate. Quinto, cuius auctoritate. Primum, ¶ an simpliciter pupillus hereditatem acquirere possit, ideo quaeritur, quia hereditas destinatione animi acquiritur, L. si avia seq. Nulla autem animi destinatio esse videtur in ea ætate. Et placuit pupillum delatam sibi hereditatem posse acquirere sibi, ut hic, & L. pupillus, de hered. acquirend. Sed favorabiliter, ut dicitur in d. l. pupillus, idest, non summo iure, sed benignitatis causa pro fa-

vore pupilli, ut hereditas acquiratur. Nam revera non est in his destinatio animi certa. Neque tamen, cum dicimus eum posse hereditatem acquirere, sit contra præcepta iuris, quæ desiderant destinationem animi: quia quod iudicio pupilli deest, suppletur auctoritate tutoris, ut est in l. quamvis, §. ult. de acq. hered.

Sed an ¶ omnis pupillus hereditatem possit acquirere? Quod propter infantem quaeritur, cuiusmodi ætas pupillorum nullum intellectum habet, nec multum a furioso differre putatur, §. pupilli, Iussit. de inutil. stip. Et placet etiam infantem posse acquirere se pro herede gerendo, ut est diserte scriptum in l. servo, §. si pupillo, D. ad Trebellian. Unde & tunc exceptio iuris, recte hoc loco definitum est de omni pupillo.

Sed obstat d. l. pupillus, de acq. her. ubi excipitur pupillus, qui facti non potest, cum dicitur, pupillum, qui facti potest, hereditatem posse acquirere. Obstat etiam conditio ætatis, cum in infante nullus sit intellectus. Respondet: Observandum

dum est in *d. L. pupillus*, generaliter designari, pupillum hereditatem acquirere posse; quo declaratur, posse eum acquirere quovis modo, & adeundo, & pro herede se gerendo. Cum ita desinitur, recte excipitur infans; quia infans non potest quovis modo hereditatem acquirere. In hac autem lege non dicitur simpliciter pupillum successione consequi posse, sed prius herede se gerendo, quorum utrumque recte dicitur, & inde est sequens quaestio.

- 3 Quando igitur pupillus, vel infans, vel maior infante hereditatem possit acquirere? Et respondetur, quod maior infante hereditatem acquirere possit adeundo, multo magis pro herede se gerendo, *L. si infanti. §. ult. h. t.* Infans autem pro herede gerendo acquirere potest, ut hic generaliter definitum est, adeundo acquirere non potest, ut declaratur in *d. L. servo, §. si pupillo, ad Trebell.*
- 4 Differentiae ratio est: quia se pro herede gerere, est tanquam dominum res tractare hereditarias, vel ad heredem pertinentes: hoc etiam potest facere heres infans, cum ei tanquam domino res in manus traduntur. Adire vero, est, verbis declarare voluntatem de agnoscenda hereditate, ut suo dicitur loco. Hoc vero infans praestare non potest, quia loqui non potest. Sed si an solus pupillus hoc modo, scilicet, pro herede se gerendo hereditatem acquirat, vetus fuit quaestio: propterea, quod cum de acquirendo agitur, non est pupilli necessaria tutoris auctoritas, *Instit. de auctor. tut.* Hic autem de acquirenda hereditate agitur, sed non solum de ea acquirenda agitur, verum etiam de pupillo obligando, quia hereditas nos aeri alieno obligat, *L. more, de acquirend. hered.* Et ideo iam olim receptum est, nec hereditatem acquiri, nec bonorum possessionem, nec fideicommissum hereditatis pupillo restitui posse, sine tutoris auctoritate, *§. neque, Instit. de auctor. tut.* Et hoc ita intelligendum est, nisi sit infans, *L. si infanti*, ut dicitur infra.

- 5 Desiderantur igitur hic nominatim auctoritas tutoris; quia curatoris auctoritas est ad acquirendam hereditatem inutilis pupillo, etiam si fingamus eum tunc datum esse pupillo tutorem habenti, ut in aliquibus causis receptum est, *L. cum in una, §. ult. de appellatione.* Idque commune est, quia curator rebus datur, non personae. Tutor autem personae, non rebus, *§. 2. Instit. de curator.* In hereditate autem acquirenda nova persona magis suscipitur, quam novum dominium:

& per consequentiam dominium rerum suscipitur: nam heres in personam & locum defuncti succedit, *L. quaedam, §. 1. de edendo.* Unde dicitur heredis personam eandem esse cum defuncti. *Novell. de iureiurand. a mor. praest. in medio.* Sciendum tamen est, si pupillo tutor non sit, posse pupillum adire magistratum, cuius decreto si hereditatem agnoscat pupillus, solemnitatibus iuris satisfactum est, & hereditas pupillo acquireretur, *L. si infanti, §. ult. infr. L. bonorum, supr. qui admitt. ad bonor. poss.* Haec de hereditate pupilli per ipsum acquirenda.

Hic dixerit aliquis, cur laboremus, an hoc, an illo modo, an huius, an illius auctoritate hereditas acquiratur: cum sit compendiarie via ad acquirendum, si tutor, qui iudicio valet, potest eius nomine adire hereditatem, etque acquirere? Et ne frustra in superiori definitione laboraverimus, subicitur hic, quod ad posteriorem quaestionem pertinet. Nempe igitur ipsius pupilli actum & voluntatem ad acquirendam hereditatem necessariam esse. Tutorem autem ipso ignorante ei acquirere hereditatem non posse. Quod ait rescriptum: actum & voluntatem pupilli in acquirenda hereditate esse necessariam, videtur adversari. *§. ult. Instit. de hered. qual. & differ. & L. si avia, seq.* ubi traditur, hereditatem sola animi destinatione, & sola voluntate acquiri.

Respondeo: haec non sunt contraria. Nam hereditas non acquiritur, nisi aut pro herede gerendo, aut adeundo, id est, verbis voluntatem suam testando de acquirenda hereditate, ut explicatur in *d. §. ult. Instit. de hered. qual. & differ.* Proinde si pupillus se pro herede gerit, hic manifeste utrumque requiritur, & actus gestionis, & voluntas, quatenus voluntatis pro suo capto capax est. Sed etsi pupillus hereditatem adit, hic quoque utrumque requiritur & actus & voluntas. Voluntas, ut velit hereditatem agnoscere; deinde actus, ut hanc voluntatem testetur, ut est in dicto *§. ult. Instit. de hered. qual. & differ.* Et quod dicitur sola animi destinatione hereditatem acquiri, id intelligendum est, ita sola destinatione, quae tamen testata est, *d. §. ult.*

Quod igitur additur: tutorem pupillo hereditatem acquirere non posse, duobus de causis recte constituitur. Primo, quia nemo hereditatem acquirere potest, nisi cui delata sit, *dist. L. si qui extraneus, §. 1. de acquir. hered.* Desertur autem hereditas pupillo, non tutori; deinde hereditas obligat nos aeri alieno, ut supra dictum.

Etom. Tutor autem invitum pupillum hereditari obligare non potest, non magis, quam filius patrem, aut servus dominum, *9 dicta L. qui in aliena*. Quod ¶ de hereditate dicimus, idem etiam de bonorum possessione dicendum videtur, tutorem invito pupillo bonorum possessionem acquirere non posse, ob eam, quam dixi, causam. Non obstat *L. tutor, & L. si pupillo, de bonor. poss.* *L. bonorum, sup. qui ad bonorum poss.* *adm.* ubi constanter traditur, tutorem pupillo bonorum possessionem petere posse. Aliud enim est

bonorum possessionem petere pupillo, aliud possessionem ipsi acquirere. Prius recte fit, sed non acquiritur pupillo, nisi aut iam ante consenserit, aut petitionem postea ratam habuerit, argumentum in *L. 3. §. acquirere, de bonor. poss.* Hac tamen temperata est in *L. si infanti, infra*, in infante, de quo constituitur, ut tutor eius nomine hereditatem adire possit. Secundum quam exceptionem & *L. potuit*, interpretanda est, iuxta regulam iuris, in toto iure generi per speciem derogatur, *L. in toto, de regul. iur.*

Ad L. Si avia. 6.

Imp. Dioclet. & Maxim. AA. Philippz.

Si avia tua patrem tuum ex duabus uncis scripsit heredem, ex sola animi destinatione pater tuus heres fieri poterat. Igitur, si testamento suo easdem uncias ad te pertinere decrevit: apud rectorem provincie duarum unciarum ius persequi poteris, PP. XVI, Calend. Augusti. Sirmii ipis. IV: & III. A. Cass.

S U M M A R I A

1. *Hereditatem aperte non agnoscens, si vel in testamento, vel alibi dixerit, se velle, ut hereditas ad heredes suos perveniat, hoc ipso*

heres fit, & hereditatem transmittit.

2. *Hereditas unde adita intelligatur.*

1. **Q**UI ¶ hereditatem sibi delatam aperte verbis non agnovit, ut diceret se velle heredem esse, neque quidquam hereditarium in ea hereditate attigit, si moriens in testamento, aut alibi dixerit, se velle, ut ea hereditas ad heredes suos vel intiratos, vel legitimos perveniat, hoc ipso heres fit, & hereditatem transmittit ad heredes. An quod hic de hereditate avie agitur, quæ ex constitutione Theodosii filio delata transmittitur ad nepotes etiam non adita? *L. un. inf. de his, qui ante aper. tabul. hered. transm.* Minime: nam nondum edita illa Theodosii fuit constitutio. Itaque non potuit hic dici hereditatem transmitti ad nepotem, nisi quia

telligimus, cum non acquiratur hereditas, nisi aliquo modo heres testatus sit voluntatem suam de hereditate acquirenda, *§. ult. Inst. de her. qual. & diff.*

Respondeo, qui dixit se velle, ut hereditas sibi delata ad suos heredes perveniat, satis declaravit, se velle eam hereditatem matris ad se pertinere, ideoque se heredem esse: nam nisi quæsitæ esset ei hereditas non perveniret ad eius heredes, ut tempore huius rescripti ius fuit: qui voluit aliquid id etiam voluisse intelligitur, quod necessario antecedit, *L. illud, de acquir. hered.* Proinde qui se velle dixit hanc hereditatem pervenire ad extraneos, eam ad eos transmittit.

Ad L. Quoniam 7.

Imp. Dioclet. & Maximian. AA. & CC. Eufobino.

Quoniam sororem tuam prius defunctam esse proponis, quam agnosceres, an a fratre tibi aliquid hereditatis fuisset relictum: manifestum, atque evidens est, antequam pro herede gereres, vel bonorum possessionem admitteres, defuncti, successionem eam non potuisse ad heredes suos transmittere. PP. Kal. Maii, Thiralli AA. Coss.

S U M M A R I A.

1. Hereditatem, quam quis sibi delatam ignorat, adeundo, vel pro herede gerendo acquirere nemo potest.
2. Hereditas non adita, quanvis sine vitio heredis adita non sit, ad heredes non transmittitur.
3. An ius adeundi ad heredes transmittatur.
4. Hereditas non adita certis in casibus ad heredes transmitti potest.
5. Causa, cur hereditas non adita transmitti possit, duplex assignatur.

HIC statuuntur duæ sententiæ, quas initio huius tituli attingi. Prior est: neminem posse adeundo, aut pro herede gerendo hereditatem acquirere, quanvis sibi delatam, si ignoret eam hereditatem sibi delatam esse, quæ sententia expressa est in §. ult. Inst. de hered. qual.

Altera sententia est, hereditatem non aditam, quanvis sine vitio heredis adita non sit, ad heredes eius non transmitti; regula iuris antiqui, quæ refertur & confirmatur L. unica, §. in novissimo, infr. de cad. tollend. Sed an si heres ius adeundi saltem, quod habuit, ad heredes suos transmittit? Et regulæ sententia hæc fuit: neque hereditatem, neque ius hereditatis adeundæ transmitti. Quod optima ratione constitutum est. Nam heres heredis qui hereditatem non adiit, aut voluit eam hereditatem adire ut hereditatem sui antecessoris, & id facere non potuit, quoniam illi quæstio non fuit: aut voluit adire ut hereditatem eius cuius iussu & a quo delata erat suo antecessori; & hoc multo minus facere potuit, quia illius non est heres. Cum igitur nullo iure possit hanc hereditatem acquirere, bene statuitur hanc hereditatem ad eos non transmitti.

Hoc tamen si ius non est perpetuum, sed quibusdam in casibus hereditas non adita ad heredes transmittitur; quod statuitur partim ex persona, partim ex causa. Ex personis tunc, cum agitur de hereditate parentum in liberos transmittenda, de qua est constitutio Theodosii L. unic. inf. de his, qui ante aper. tab. cuius mentio est in d. §. in novissimo, de cad. toll.

Causa, si cur placeat hereditatem non aditam transmitti, est duplex. Prima, si heres, cui ius deliberandi tribuitur constitutione, intra tempus ad deliberandum præstitutum decesserit, L. cum in antiquioribus, infr. hic, cuius item mentio est in d. §. in novissimo.

Altera causa est, si is, qui legitimus heres esse poterat defuncto, institutus sit ab eo, testamento suo, in quo is, qui in utero erat, præteritus sit. Nam si hic, dum pendet an postumus nascatur, nec ne, decesserit, non adita hereditate: placet eius heredes petere posse bonorum possessionem ex æquo & bono, L. illud, §. ult. L. sequen. de bonor. poss. contra tabul. L. ventre, de acquirend. hered. Has quoque exceptiones attingimus supra ad L. emancipata, supr. qui ad bon. poss. admitt. poss.

Ad L.

Ad L. Lices. 8.

Impp. Dioclet. & Maxim. AA. & CC. Claudio.

Licet incontinenti sui heredes se paternis non immiscuerint bonis: tamen ignorantes delatam sibi esse hereditatem, longi temporis prescriptione, quo minus hanc recte vindicent, excludi non possunt S. XVII. Calend. Ianuar. Sirmii. AA. Coss.

S U M M A R I A.

1. An vindicanti hereditatem obstat longi temporis prescriptio.

2. Quid si possessor triginta annis possederit hereditatem?

Filius, qui in potestate patris morientis fuit, patri defuncto extitit ipso iure suus heres, etiam si ignoret patrem defunctum esse, *L. 3. supr. hic* Heres factus hereditatem sui iuris recte vindicat a quibusvis possessoribus, qui hereditatem pro herede, ut possessores possident, *L. regulariter, D. de hered. petis. L. hereditas, supr. d. titul. de pet. hered.* Quæritur ꝑ est, an vindicanti obstat longi temporis prescriptio, si is, a quo hereditas vindicatur, bona fide eam hereditatem longo tempore possederit, idest, 30. annos inter præsentis, 20. inter absentes, *L. ultim. infr. de long. temp. prescript. L. ult. de usucap. transfor. infra.* Movent quæstionem constitutiones, quibus efficitur, his, qui rem aliquam bona fide & iusto titulo initio possident, competere prescriptionem longi temporis, *L. 2. & tot. tit. infr. de prescr. long. temp.* Ex placet hereditatem vindicanti non obstare longi temporis prescriptionem, quinque heres sit, qui hereditatem vindicabit, ut hic traditur, & *L. hereditatis, supr. de pet. hered. leg. distina, infr. de prescript. long. tempor. L. hereditatem, infr. in quibus causis long. temp. prescript. cess.*

Non obstat, quod longi temporis prescriptio bonæ fidei possessori datur. Non

enim solum hac conditione datur, si quis bona fide possederit, sed hoc amplius, si iusto titulo, *d. L. 2. & L. penult. L. nullo, de rei vindicat.* Is autem, a quo hereditas petitur, nullo iure possidet: quæ ratio significatur in dicta *L. distina, infr. de long. tempor. prescript.* & dicta *L. hereditatem, infr. in quibus causis cess. long. temp. prescript.* Idque intelligitur ex definitione possessionis. Nam petitio hereditatis competit adversus eum, qui pro herede, prove possessore possidet, *d. L. regulariter, de hered. pet.* Is autem possidere dicitur pro herede, qui putat se heredem esse, & non est. Pro possessore autem possidet prædo, idest, is, qui non putat etiam se heredem esse, *L. pro herede, in prin. & §. ult. cum L. seq. de pet. hered.* Neuter igitur istorum titulo possidet, cum neuter sit heres, nec illi prodest, si putet se heredem esse: non enim ideo heres est, quia se esse putat. Denique error tituli usucapionem non adfert, *L. Celsus, de usucap.* Quid si ꝑ possessor hereditatis 30. annis possederit hereditatem? Respondeo; Nocebit vindicanti heredi triginta annorum prescriptio, siue sit filius defuncti, siue extraneus, *L. sicut, infr. de prescript. 30. vel 40. annorum.*

Ad L. Si te bonis. 10.

Impp. Diocletian. & Maximin. AA. & CC. Sabinx.

Si te bonis paternis maior quinque & viginti annis immiscuisti: neque inopia patris te excusat, neque vis fratris portionem tuam vel testamentum eripientis arcere de exactione creditorum, qui iure civili pro hereditaria portione te conveniunt, potest. S. XVI. Kal. Ian. Sirmii, Cæsaribus Coss.

S U M M A R I A.

1. In suis hereditibus idem valet immixtio, quod in extraneis aditio aut pro herede gestio; obiter utrumque quid sit.
2. Heres bonis paternis sese immiscens, si hereditas eius solvendo non sue-

rit, utrum creditoribus ita teneatur, ut de suo solvere cogatur.

3. Quid si frater, vel alius portionem eius hereditariam occupaverit, ut iis satisfacere non possit.

QUOD in extraneis et hereditatis aditio, aut pro herede gestio, id valet in suis hereditibus immixtio. Heres extraneus hereditatem adendo, aut pro herede gerendo fit heres, ita ut iure civili postea repudiare non possit *L. infr. prox. tit.* Eodem modo & sua heres, cum se bonis paternis immiscuit, ita efficitur iure civili suus heres, ut nec iure prætorio habeat abstinendi facultatem *L. necessarius de acq. her.* In suis hereditibus immiscere se bonis idipsum est, quod in extraneis pro herede gerere, idem, ita se immiscet filius bonis paternis, cum aliquid gerit tanquam heres patris, *L. cum bonis, de acq. her.* Sed extraneus diciatur adire & pro herede, idem, tanquam heres gerere; quia venit ad bona nondum quærita, sed oblata tantum, idque facit, non quia iam sit heres, sed quasi heres. Suus autem priusquam sese immisceat patri heres est, & dominus rerum hereditarum; ideo si eas res attingit, dicitur se suis bonis immiscere.

Et hæc de maiore 25. annis herede dicta sunt, ut initio huius rescipit dictum est; quia minor siue hereditatem adierit, cum esset extraneus, siue suus se immiscuerit, ita fit iure communi heres, ut

tamen possit impetrare in integrum restitutionem, ut sibi repudare, aut sese abstinere liceat bonis, *tit. si ut minor se abstineat hered. sup.* Heres ita et factus, ut supra dictum est, statim obligatur creditoribus hereditariis, de quo effectum hic agitur, quæriturque primum, quid si hereditas eius non fuerit solvendo?

Respondetur, eum nihilominus obligari hereditariis creditoribus, pro qua parte heres est, ut si non solvendo sit hereditas, de suo dependere cogatur, *l. more, de acq. hered.* Rursum et quid si huius hereditas frater, vel alius portionem eius hereditariam ei occupavit, ut non habeat, unde satisfacere possit creditoribus? Respondetur, hoc ei nihil prodesse adversus creditores, optima ratione: nam quod portio eius hereditaria occupatur ab aliis, casus fortuitus est. Porro neque incendium, neque quisvis alius casus fortuitus, ære alieno eximit creditorem, *L. incendium, sup. si cert. pet.* Præterea hæc ipsa occupatio iniuria est, quæ fit heredi: iniuriam sibi factam heres ad aliorum iniuriam proferre non debet: seu iniuria una facta, non debet nocere aliis, *L. si per imprudenciam, in princ. de evict.*

Ad L.

Ad L. Reniente. 11.

Imp. Dioclet. & Maxim. AA. & CC. Philumenz.

Reniente te pater tuus, in cuius fuisse potestate, neque spem delatae tibi legitime quaerenda successionis absumere, neque hereditarios manumittendo servos, his praestare libertatem potuit. S. VI. Id. Feb. Sirmii, CC. Coss.

S U M M A R I U M.

1. *Delata filiofamilias hereditate pater non potest invito filio repudiare*

hereditatem, vel eam acquirere, vel res hereditarias alienare.

Hereditate filiofamilias delata, quanvis hereditas adita acquiratur patri in totum, aut saltem acquiratur eius fructus; tamen soli filio hereditas desertur, ita ut nisi filio adeunte acquiri non possit; quia si recusabit hereditatem, cogi non potest. Hoc ius in servo herede instituto locum habet, multo magis in filiofamilias, L. 3. *sup. de instit. & substit.* Huc facit L. *quis liberis, §. ult. de vulg. L. si postumus, de lib. & postu.* Ex hoc iure hæc sunt consequentia, quæ hoc rescripto traduntur: scilicet, delata † filiofamilias hereditate, patrem non posse invito filio repudiare hereditatem, vel eam acquirere, vel res hereditarias alienare, & in summa ius filii invito imponere factio suo non potest: non potest pater eam hereditatem repudiare sine filio, quia nec eo invito acquirere potest, L. *is qui heres, §. ult.*

L. is potest de acquir. hered. Non potest pater eam hereditatem acquirere invito filio, quia solus acquirere potest, cui delata est, L. *si quis extraneus, §. 1. de acquir. hered.* Filio autem delata est hereditas, non patri. Quod si pater invito filio acquirere non potest, palam est, eum servos hereditarios manumittere non posse, res hereditarias vendere, aut de cæteris rebus statuere; hæc enim solus dominus facere potest, iuxta regulam iuris: *Nemo plus, &c. de reg. iur.* Iam autem effectum est primum dominum non esse. Hinc intelligi potest licere filio hereditate sibi delata procrastinare aditionem, & in id tempus reliccere, dum sui iuris efficiatur, ut sui iuris factus hereditatem adeundo sibi acquirat in totum, & quod ad proprietatem, & quod ad utrumfructum attinet, L. *non est dubium, inf. h. tit.*



Ad L. Non est dubium. 15.

Imp. Constant. A. ad Leontium Comitem Orientis.

*Non est dubium, si priusquam filius iussu patris adierit hereditatem, propriae potestatis effectus sit, arbitrio suo eundem hanc sibi potuisse quere-
re. Dat. XVII. Kal. April. Limenio & Catulino Coss.*

S U M M A R I A.

1. *Filiusfam. sui iuris factus aa. suo arbitrio hereditatem a patre sibi delatam adire possit, & si potest, ntrum sibi, an patri acquirat.*
2. *Quae dubitandi ratio.*

3. *Quare patri acquiratur, quod stipulatus est filiusfam. sub conditione, quandocumque ea existerit; non autem hereditas filiosfam. delata, & eidem iam emancipato quaesita.*

Filiusfamilias delata hereditate, si priusquam adiret, sui iuris factus sit, puta a patre emancipatus: quaeritur, si postea hereditatem adire velli, utrum suo arbitrio possit, & si potest, utrum ei, an patri acquiratur eatenus, quatenus acquisitum esset, si dum erat in potestate, eam adisset? Et responderetur, eum non solum arbitrari suo adire posse, sed etiam si adiret, sibi hereditatem acquirere in solidum, nihil patri. Movebat in contrariam sententiam exemplum stipulationis & contractuum. Nam si filiusfamilias stipulatus sit sub conditione, si navis ex Asia venerit, quanvis emancipato eo conditio postea exsistat; tamen nihilominus obligationem & actionem acquiri patri, non filio, ut spectetur id tempus, quod ante fuit, non id, quo conditio exsistit. At hereditas cum detertur filiosfamilias, omnino sub conditione acquiritur, si eam adeat; proinde si pendente conditione hac, sui iuris fiat, & postea hereditatem adeat, eodem exemplo videtur dici debuisse hereditatem patri acquiri, non filio, ut spectetur id tempus, quo conditio exsistit. De conditionali stipulatione dictum est in *L. si filiusfamilias, de verb. obligat.*

Respondet: exemplum non movere non debet. Nam inter omnes iuris auctores constat, differre in hac re stipulationes a testamentis, seu differre, utrum filiusfamilias stipuletur aliquid, & hoc sub conditione: an vero filiosfamilias deferatur aliquid testamento. Sub conditione stipulatio fit, ut omnimodo acquiratur patri, quandocumque conditio existerit. Quod autem testamento relatum est sub conditione, id non aliter acquiratur patri, quam si filio manente in potestate, conditio existerit, *L. quae legata, de regal. iuris.*

L. si uxorem, infra, de condition. insert. Idque significatur in dicta *L. si filiusfamilias, de verb. obligat.* Differrentia ratio multum quaesita est, in quo aliis aliud videtur. Haec ratio, quam dicam, certa est. Unumquodque per filium patri acquiri potest duabus de causis; vel quia filiosfamilias iam questum in; vel quia in eo acquirendo filiusfamilias aliquid fecerit. Nam quod filiosfamilias fecit, dixit, quod ad acquirendum pertinet, id fecisse & dixisse pater videtur voce filii, *S. si vero, §. post mortem, Instit. de inutil. stipul. L. quodcuque, de verb. obligat.*

Ex hac ratione fit, ut stipulatio conditionalis a filiosfamilias interposita, statim acquiratur patri; quia etiam pendente conditione nulla obligatio esse potest, quae acquiratur vel patri, vel filio; tamen filius stipulatus est, ut proinde habendum sit, quasi pater stipulatus esset. Quod si pater stipulatus esset, nemo negaret, quandocumque conditione existeret, obligationem acquiri patri. At io legatis & hereditatibus, quae sub conditione deferuntur, vel expressa, vel tacita, nulla ex his causis intercedit pendente conditione, propter quam causam hereditas, aut legatum patri acquiri possit. Nam pendente conditione legati, aut hereditatis nulla res est, quae acquiratur, etiam filio, nedum patri, arg. *L. cedere, de verb. signif.* Sed nec in legato, aut hereditate voluntas filiosfamilias intervenit, qua legatum, aut hereditas deferatur. Haec enim deferuntur sola voluntate testatoris sine facto heredis, aut legataril. Manifesta igitur ratio est, cur neque legatum conditionale, neque hereditas patri acquiratur, si filio emancipato legati conditio exsistat.

Ad L.

Ad L. Nec emere. 16.

Imp. Arcadius & Honorius AA. Annodio.

Nec emere, nec donatum adsequi, nec damnosam quisquam hereditatem adire compellitur, Datum VI. Kal. Ian. Olybrio & Probino Coss.

S U M M A R I A.

1. Nemo rebus adhuc integris emere, aut vendere aut hereditatem adire cogitur.
2. Secus si res amplius integra non fuerint.

3. Contraria dilanantur.
4. Quare hereditatem invitus quispiam adire non compellitur.

Nemo ꝑ emere compellitur, aut vendere, *L. invitum, supr. de contrahend. empt.* quia emptio contractus est, & is, qui solo consensu perficitur, *L. 1. §. ult. de contrahend. empt.* Et quanvis solo consensu non perficeretur, tamen consensu vacare non posset, si eiler contractus. Nullus est contractus sine conventionione & consensu, *d. L. 1. §. 1. de pact.* Non consentit autem, qui cogitur; nihil enim tam contrarium est voluntari, quam vis, *L. nihil consensui D. de reg. iur. L. 1. D. quod metus causa.* Sed hoc ita est, ꝑ si ab initio de re emenda agatur rebus adhuc integris. Nam si quis partem communis fundi emerit, & iudicio communi dividundo altera pars adiudicata sit emptori, hæc quoque pars venditori invito accedit, *L. Iulianus, §. idem Celsus, de act. empt.* Quod item fit, quia qui semel partem emit voluntate sua, ea voluisse intelligitur, quæ necessario accederent. Idemque in hereditate acquirenda receptum est. Nam ab initio nemo cogitur subire hereditatem; si tamen hereditatis partem adierit quis, deinceps reliquorum coheredum portiones deficientes invitus accipiet, *L. quidam, infr. hic.* Nemo donatum accipere cogitur, *L. invito, D. de reg. iur. L. hoc iure, §. non potest, D. de donation. L. invitum, §. ult. de regul. iuris.* Idque eadem ratione, qua nemo emere cogitur: quia nemo rem accipit, nisi volens, nec transferitur dominium, nisi cum ex utraque parte tradentis & accipientis concurret affectus, *L. in omnibus, D. de obligat. & action.*

Non adversatur huius ꝑ sententiæ, quod dicitur per servum etiam invito domino acquiri, *L. servus vetante, D. de verb. obligat. L. etiam invitum, D. de acquir. rer. dom.* Item quod dicitur; unumquemque pro debitore solvendo ignorantem & invitum debitorem liberare, *Instit. quib. mod. oblig. toll. in pr. L. solvendo, D. de neg. gest. L. solutionem, D. de solut.* Nam nec donatum servo invito acquiri posset invito; sed a servo qualiterum acquireretur invito domino. Verum in persona domini non est donatum aut etiam simpliciter datum. Non enim ut datum domini uis acquirat, sed ut rem, quæ servo data est, tanquam fructum servi percipit per consequentiam rei suæ, quemadmodum & fructus ex sua re perciperet & perceptos acquireret, *L. qui scit, §. 1. de usur.* Sed & illud, quod quis nomine debitoris solvit, creditori unquam invito acquiratur. Nam creditor unquam accipit, nisi volet, cum autem accipit, debitor invitum liberatur; non quia illi quicquam datur invito, sed quia invito obligatio admittitur, quod per rerum naturam facere licet. Eadem ratione ꝑ nec hereditatem invitus quispiam compellitur adire: acquiratur enim hereditas extraneis heredibus volentibus, *§. ult. Instit. de her. qual. & differ.* Acquiratur quidem hereditas necessariis heredibus etiam invitum, ut servis & filiis, qui in potestate morientis fuerant, sed in his aditio est supervacua, *d. L. in suis, D. de suis & legitimis.*

Ad L.

Ad L. Cretionum. 17.

Impp. Arcad. & Honor. & Theodof. AAA. Anthemio, *præf. præf.*

Cretionum scrupulosam solemnitatem hac lege penitus amputari decernimus. Dat. V. Kal. April. Constantinop. Honorio VII. & Theod. AA. Coss.

S U M M A R I A,

1. *Hereditas heredibus extraneis quos acquiratur modis? & nu. 7.*
2. *Pro herede se gerere quid.*
3. *Adire hereditatem quid.*
4. *Adire hereditatem, & pro herede gerere, quid differant.*
5. *Adire hereditatem nude dictum.*
6. *Aditio olim solemnium verborum formula ferebat, & quæ illa.*
7. *Agnoscere hereditatem quid.*

ET adeundi verbum, quod supra usurpatum est, & *cretionis*, quod hic commemoratur, nos admonet, ut quæramus, non solum quid his verbis significetur, sed etiam quibus modis acquiratur hereditas extraneis heredibus, quem locum initio huius tituli obiter attingimus. Ex acquiritur \dagger extraneis hereditas sola animi destinatione, *L. si avia, sup.* sed hic animus declaratur aut adeundo, aut pro herede gerendo. Unde totidem modis hereditas acquiritur dicitur extraneis heredibus; tot enim ponuntur in his locis, *L. cum in antiquioribus, inf. L. & si quis, §. si quis, D. de religiof. L. quamdiu, institutus, D. de acquir. her.* Quæ genera ita distincta sunt, ut neque qui adit, pro herede se gerere, neque qui pro herede gerit, secundum significationem verbi adire intelligatur; unde dubitatio in *L. si quis mihi bona, §. sed quid si, D. de acquir. her.* Pro herede \dagger gerere, est facere aliquid, quod non possis facere uniliter, nisi sis heres, ut *ad L. 1. & 2. dictum* Sic dictum, quasi pro domino gerere, *§. ult. Inst. de hered. qual.* \dagger *& differ.* Adire \dagger autem hereditatem est aperte & recta profiteri, se velle heredem esse: quod fit verbis, ut est in *d. §. ult.* vel nutu, cum quis interrogatur, an velit heres esse, & annuit, *L. servo, §. si pupillo ad Trebell.* vel scripto, dum se velle heredem esse scribit, arg. in *L. 1. de acquir. her.* Ex \dagger quibus definitionibus intelligitur, adire esse nudæ voluntatis; pro herede gerere esse facti & administrationis. Item adire, habere apertam professionem voluntatis de hereditate acquirenda: pro herede autem gerere nullam vo-

luntatis professionem habere, sed factum ipsum, ex quo deinde ratiocinando animus agnoscendæ hereditatis colligitur.

Adire \dagger hereditatem ita dictum est, quasi dicas ire ad hereditatem, ut eam habes. Unde pro verbo *adeundi* veteres hac usi sunt formula, ut dicerent: cum heredem, qui vellet heres esse, accedere ad hereditatem, seu successionem, *L. 3. sup. b. tit. L. ult. de acq. her.* Aditio \dagger olim fieri solebat solemnibus verbis, ut discimus ex fragmentis Ulpiani *tit. de hered. inst. i.* Solemnis autem formula hæc erat: *Cum me Lucius heredem instituerit, eius hereditatem adeo, cernoque.* Ex quo verbo postremo genus aditionis *cretio* appellatum est. Tunc autem necesse erat verbis his solemnibus hereditatem cernere, cum testator heredem instituerat cum *cretione*, ut testis est ibidem Ulpianus, idem, cum ita eum heredem instituerat, ut simul iuheret cum cernere hereditatem suam intra certos dies, quos illi præstarebat, ut vellet eos dies utiles esse, quibus sciret heres, postetque cernere: interdum ita, ut vellet esse continuos. Hoc posterius dicebatur *cretio* continuus, quod exigeret dies continuos.

Prius cum faciebat, dicebatur *cretio* vulgaris, quod vulgo testatores in *cretione* iniungenda, dies utiles exigerent, quibus heres sciret, postetque hereditatem cernere, ad quod alludit Antonius *Lib. 2. de orator.* cum ita loquitur: *Et dicam, quod scio poteroque, ut est in cretionibus.* Sic enim legendum esse, post edita illa fragmenta Ulpiani intelligimus, ut prius perperam & nullo sensu lectum sit, ut est in *conditionibus*. Hac constitutione *cretionum*

nun solemnitas sublata est, postquam constitutione effectum est, ut ad acquirendam hereditatem nihil interesset, utrum quis pro herede gereret, an adiret, & in ad eundo utrum solemnibus verbis uteretur, an non? Ex hoc est, quod in §. ult. *Iust. de her. qual. dicitur* Quibuscumque verbis declaraverit quis voluntatem suam de acquirenda hereditate, hereditatem acquiri. Neque eo minus tamen etiam nunc recte dicitur adiri & cerni hereditas: utrumque enim per translationem dicitur, & alterum sine altero in acquirenda hereditate esse non potest. Nemo enim adit hereditatem, idest, accedit ad hereditatem, ut acquirat, nisi ceruat animo, tanquam suam, nec cernit quisquam, nisi qui prius ad eam accesserit, idest, uno verbo, qui eam adierit.

Manent igitur duæ illæ species distinctione, acquirendæ hereditatis, quas supra posuimus, aditio & pro herede gestio, neque plures species leguntur, ut apparet ex iis locis, quos de his duabus speciebus supra retulimus. Neque adeo plures esse possunt, si hereditas sola animi destinatione acquiritur, ut acquiritur. Sunt tamen qui hac divisione uti sunt, ut dicerent hereditatem acquiri, additione, pro herede gestione, cretione, immixtione, agnitione, quæ divisio ex ignorantia verborum, & manifesta imperitia iuris nata est. Nam primum certi iuris est, immixtione hereditatem acquiri non posse, nisi suis heredibus, in quibus solia locum habet immixtio, ut dictum ad *L. si te sup.* Nam sui sunt heredes, sive se immiscuerint, sive non, ut dictum supra ad *L. 3.* Cum ipso iure illis hereditas quæsitæ sit statim ab initio: eam nullo suo facto potest amplius quærere possunt, §. *sic itaque, Iust. de action. Iure quidem prætorio iis, qui se immiscuerint, denegatur abstinenti facultas, L. necessariis de acq. her.* Sed non item immixtione acquiritur iure prætorio. Acquiritur ipso iure tam ex legibus, quam ex edicto prætoris, sed æquitate retinetur iure prætorio post immixtionem; quoniam si se immiscuerint, postea abstinerere non possunt. Cretione au-

tem acquirebatur olim hereditas, sed cretio nihil aliud erat, nisi aditio sollemnis, ut restantur verba cretionum; *Eius hereditatem adeo, cernone.* Quæ verba coniunguntur, non quia diversæ hic res sunt adire & cernere, sed ut magis animus adeuntis intelligeretur.

Agnitionem autem distinguere ab additione, & novam speciem acquirendæ hereditatis facere, summæ est imperitiæ. Nam *agnoscere hereditatem* nihil aliud est, quam testari se heredem esse velle, *L. si avia, sup.* Hoc autem nihil aliud est, quam hereditatem adire. Quod si propter verbum *agnoscendi* nova species acquirendæ hereditatis statueretur, debuit etiam dici hereditatem acquiri admissione, amplexatione, susceptione. Nam & heredes cum adeunt hereditatem, dicuntur hereditatem admittere, *L. 6. §. 1. de acquir. her. L. quidam, infr. b. s.* Dicuntur etiam amplecti hereditatem, *L. quæsitum, D. de acquir. hered. L. si liberti sup. de bonis liber.* Dicuntur etiam suscipere hereditatem, *L. cum bonis, D. de acquir. her. §. ult. Iust. de hered. qual. & diff.* Sed hæc omnia plura verba sunt, sed unam eandemque rem significantia, nempe additionem, & testationem voluntatis de acquirenda hereditate. Nam hæc tria, *agnoscere, amplecti, admittere hereditatem*, dicta sunt per translationem, ducta ab iis, qui aliquos tanquam amicos suos agnoscunt, pro suis amplectuntur, & salutari ad se admittunt & suscipiunt, ut probent se illos vere pro suis agnoscere, quod in hereditate acquirenda facit is, qui vult heres esse. Eadem translatio est in verbo *adeundi*, quod in prioribus verbis hereditas sic accipitur, quasi esset res mobilis, quæ ad nos veniat. In *adeundi* autem verbo sic de hereditate agitur, quasi res sit immobilis, ad quam accedamus, & ad quam introrramur. Qua ratione heres cum adit hereditatem, non tantum dicitur hereditatem admittere, sed etiam dicitur eodem sensu admitti ad hereditatem, *L. si servus, D. de acquir. her. sup. qui admitti ad bon. poss. possunt.*

Ad L. Si infanti. 18.

Impp. Theodos. & Valentin. AA. ad Senatum,

Si infanti, idest, minori septem annis, in potestate patris vel avi vel proavi constituto vel constituta, hereditas sit derelicta, vel ab intestato delata a matre, vel linea, ex qua mater descendit, vel alius quibuscunque personis: licebit parentibus eius, sub quorum potestate est, adire eius nomine hereditatem, vel bonorum possessionem petere. ¶ 1. Sed si hoc parens neglexerit, & in memorata etate infans decesserit: tunc parentem quidem superstitem omnia ex quacunque successione ad eundem infantem devoluta, iure patrio quasi iam infanti quaesita capere. ¶ 2. Parente vero non subsistente, siquidem post eius obitum tutor infanti sit, vel datus fuerit: posse eum etiam adhuc infante pupillo constituto eius nomine adire hereditatem, sive vivo parente, sive post mortem eius ad eum devolutam: vel bonorum possessionem petere, & eo modo eidem infanti hereditatem querere. Sin vero vel non sit tutor, vel cum sit, ea facere neglexerit: tunc eodem infante in ea etate defuncto, omnes hereditates ad eum devolutas, & non agnitas, ita intelligi, quasi ab initio non essent ad eum delatae: & eo modo ad illas personas perveniant quae vocabantur, si minime hereditas infanti fuisset delata. Ea vero quae de infante in potestate parentum constituto statuimus, locum habebunt & si quacunque causa sui iuris idem infans inveniat. Si autem septem annos aetatis pupillorum excesserit & priore parente mortuo, in pupillari etate sati munus impleverit: ea obtinere praecipimus, quae veteribus continentur legibus: nulla dubietate relicta, quin pupillus post impletos septem annos suae aetatis ipse adire hereditatem, vel bonorum possessionem petere, consentiente parente, si sub eius potestate sit: vel cum tutoris auctoritate, si sui iuris sit, possit: vel si non habeat tutorem, adire praetorem, & eius decreto hoc ius consequi. Dat. VI. Id. Novemb. Ravennae, Theodosio XII. & Valentiniano II. AA. Coss.

S U M M A R I A.

1. *Hereditatem infanti, qui parentem masculum habet, delatam solus pater infantis nomine adire, eique acquirere potest.*
2. *Pater hereditatem infanti delatam adire negligens, eam, mortuo infante, iure patrio capere potest, & hic iure patrio capere quid sit.*
3. *An haec lex sit Novella constitutione de hered. ab intell. venientib. abrogata.*
4. *Hereditas infanti delata, si defun-*

cto parente in tutoris sit potestate, quomodo acquiratur & ad quos transmittatur? & n. 5.

6. *Hereditas, tutore non adente, ad quem post mortem infantis transmittatur.*
7. *Hereditas patris filiosfamilias infanti queritur etiam non adita, eaque transmittitur ad heredes.*
8. *Hereditas pupilli, qui maior est infante, quomodo & acquiratur & transmittatur.*

HAc lege ius constituitur inprimis animadversione dignum de hereditate, quae pupillo delata sit, tum acquirenda,

tum non quaesita transmittenda. Sic quoque aliud ius constituit in infante, aliud in eo, qui sit maior infante. In lu-

fante utraque in parte, idest, tum in acquirenda, tum in transmittenda hereditate lex ius constituit singulare & novum, a quo posterioribus constitutionibus recessum non est. In eo autem, qui maior est, ius antiquum obtinet. Rursum in infante distinguitur is infans, qui patrem, aut alium parentem masculinum habet, ab infante, qui parente mortuo est in potestate tutorum. De eo, qui patrem habet, ius est constitutum *in priu. §. vers. 2.* Ac primum de hereditatis infanti acquirendæ ratione, ad hanc sententiam.

Quæcumque igitur hereditas delata erit infanti, qui parentem habet masculinum, hanc pater solus infantis nomine adire potest, eique acquirere. In quo si regulas iuris sequemur, multa sunt, quæ huic sententiæ adversantur; sed, ut dixi, ius singulare est constitutum & novum, ideo quæ contra dicuntur, nihil negotii est diluere.

1. Opponitur *L. potuit, supr. h. 1.* ubi cavetur hereditate pupillo delata ipsius actum & voluntatem esse necessariam ioh hereditate accipiendâ. Respondetur: hac lege infantem excipi, in quo propter utilitatem infantis ab eo iure consulto discessum sit, & merito. Nam infans neque hereditatem adire potest, ut illi dominus, neque pro herede nullo modo gerere, si vere iudicare volumus. Nam pro herede gerere facti est, sed & nihilominus animi est, nec quisquam gerit, nisi qui primo agnoscat hereditatem, *L. pro herede, L. gerit, D. de acquir. her.* Proinde priusquam hereditas infanti amittatur, recte constitutum est, ut ei acquireretur a patre, quanvis ipso ignorante, nec consentiente, qui alioqui nullum intellectum habet, *§. pupillus, Inst. de inut. stip.*

Pugnat etiam hoc ius cum regula iuris de acquirenda hereditate. Nam quibus ex causis repudiari hereditas non potest, istidem nec acquiri potest, *l. si quis extraneus, §. 1. de acquir. her.* Pater autem sine consensu infantis repudiare hereditatem non potest, *l. 12, qui heres, §. ult. de acquir. her.* Proinde nec secundum hanc regulam acquirere potest ignorante infante. Sed hic ius singulare est pro utilitate infantis constitutum, ut ei acquiratur hereditas. Postremum est commune ius, quo constitutum est, ne cui hereditas ignoranti acquiratur & iovitus obligetur aeri alieno, *L. 6. in pr. de acquir. her.* quo placet pupillum, ne auctore quidem patre, obligari posse, *L. ult. §. pupillus de verb. oblig.* Sed & hic, ut dixi, ius singulare est, ubi non de obligando tantum infante agitur, sed de hereditate ei

acquirenda; neque iniquum est, infantem ignorantem, per consequentiam obligari. Nam si maiora sunt commoda hereditatis, quam incommoda, nullum damnum est infanti hereditatem acquisivisse. Quod si maiora erunt incommoda, quæ præter spem emerferunt, ut sit, ne hoc quidem ei damnosum est; quia licet ei, cum adoleverit, aut sui iuris factus fuerit, impetrare ioh integram restitutionem, *L. ult. §. ubi autem, inf. de bon. quæ liberis.*

Ut autem singulare ius est in ratione hereditatis infanti acquirendæ, cum patrem habet, ita & singulare ius est in hereditate transmittenda. Nam hic in *vers. 2.* ita constituitur: Si igitur pater hereditatem infanti delatam adire neglexerit, patrem eam hereditatem mortuo infante iure patrio capere posse, quasi infanti fuisset quesita. In quo primum singulare ius est, quod constituitur de hereditate transmittenda, quæ adita non fuerit, neque ab infante, neque a patre. Est enim contra regulam iuris; quia hereditas non adita non transmittitur, *L. un. §. in novissimo, inf. de caduc. tollen.* Et ideo hic casus notandus est, & adiiciendus his, in quibus regulam iuris locum non habere dixi ad *L. 1. sup.* Deinde & illud singulare, quod placet, hanc hereditatem non transmitti ad heredes quovis infantis, sed ad parentem masculinum duntaxat. At enim constitutio, iure patrio: deinde in *§. fin. vero, eadem lege*, constituitur ita, si infans, qui non habet parentem, decedat hereditate non adita, ut hereditas non transmittatur ad eius heredes, sed redeat ad eos, ad quos pertineret, si infanti non esset delata.

Hic quæsitum est, quo iure pater eam hereditatem capiat & an capiat iure peculii: nam quotiescunque filiusfamilias intestatus decedit, ut hic infans qui fuit in potestate decessit, toties pater bonus filii occupat tanquam sua, peculii iure, etiam si essent bona castrensia, aut quasi: multo magis si erunt adventitia? *L. 2. de pecul. cast.* Hoc autem ideo quæritur; quia si pater hanc hereditatem peculii iure occupat, eam capit ipso iure siue ulia additione, suo iure, eoque et si ea adita non erit, nihilominus eam transmittit ad quoscunque heredes. Et dicendum est, eam hereditatem patrem peculii ratione & iure occupare non posse. Prius est enim, ut ea hereditas fuerit in peculio infantis, ut tanquam peculium infantis occupari possit. Nunc autem in peculio infantis esse non potuit, cum illi non fuerit quesita. Præterea hanc hereditatem peculii iure non

capere patrem, argumentum certissimum est, quod placet in hac ipsa constitutione eam hereditatem etiam ad parentem pertinere, si infans sui iuris fuerit, non in potestate patris, *vers. ea vero*. Infantis vero & eius filii, qui in potestate patris non est, nullum peculium est, *L. ult. quando act. de pecul. L. ult. cir. fin. sup. de inoffic. test.*

Sed an pater hanc hereditatem capit tanquam heres? Respondeo: nec id quidem, alioqui si tanquam heres caperet, etiam ea hereditas ad reliquos Infantis heredes pertineret, ubi pater non esset, quod secus est, *S. fin. vero, infr.* Quo iure igitur capiet? Id exprellum est in constitutione. Capit iure patrio, id est, ut heres quidem, sed non solum ut heres, verum etiam ut pater, ac nisi pater esset, non caperet, in quo singulare ius perspicitur patrii causa maxime constitutum.

- 5 Hoc loco quaesitum est, an recessum sit ab hoc iure ex *Novell. constit. Iustin. de hered. ab intest. venientibus. S. 1.* Cuius summa comprehensa est in *Auth. defuncto, inf. ad Tertull.* Nam illic constitutum, si quis intestatus decesserit sine liberis, relicto patre & matre & fratribus, hereditatem inter ipsos ex æquo dividi, non solum ad patrem pertinere. Num ergo idem dicemus in hac hereditate infanti delata, quæ non adita ad patrem lubetur pertinere? Respondeo, speciem huius legis ad constitutionem Iustiniani non pertinere nullo modo, & ideo manere huius legis constitutionem. Nam Iustiniani constitutio loquitur de hereditate defuncti, quam vult inter superscriptas personas ita dividi, ut diximus. Nunc autem ea hereditas, de qua ibi agitur, Infantis non fuit. Non obstant verba huius constitutionis, cum dicitur, patrem eam hereditatem capere, quasi quaesita esset quaesita. Hæc enim verba sunt similitudinis, quæ non significant vere quaesitam esse, sed cum de transmittenda agitur, perinde habendam esse, quasi quaesita esset, ut acquirator patri, sic in *L. precibus, de impub. in fin.* dicitur hereditas restitui, verum ex causa fideicommissi; ubi tamen nullum fideicommissum est.

Hæc de infante, qui parentem habuit.

- 4 Quod si parente defuncto infans sit in potestate tutoris: hic singulare ius est in ratione acquirendæ hereditatis: in transmittenda autem hereditate ius antiquum est. Nam in *S. parente*, ita statuitur, etiam tutorem infantis nomine hereditatem adire posse, eique querere, quod hic singulare est, constitutum contra *L. potuit*,

sup. & contra eas rationes, quas illic reddidimus. Sed hoc, ut dixi, infantis causa est constitutum, cum per ipsum hereditas quaeri non posset, ut qui nullum intellectum habeat.

Et notandum tutore ita adveniente, sic 5 acquiri infanti hereditatem, ut eo mortuo transmittatur ea hereditas ad quovis eius heredes; tum enim solum non transmittitur, cum hereditas a tutore adita non est, ut est in *S. fin. vero*, ubi colligitur differentia notanda inter infantem & furiosum. Nam si furiosus hereditas delata sit, placet quidem hereditatem ei vivo tribui, ut administraretur per legitimum curatorem, tanquam furioso quaesita. Cæterum si furiosus in eodem morbo decedat, non pertinet ad furiosam hereditas, sed ad eos, ad quos pertineret, si furiosus non esset delata, *L. ult. S. pen. sup. de curat. furiosi*. Differentiæ ratio est in auctoritate tutorum & curatorum. Tutor hereditatem accipere & acquirere potest infanti; quia infans quodammodo loco est. Tutor enim personæ datur: curator non personæ, sed rebus, *L. in copulandis, sup. de nupt.* Et ideo dicitur curatoris auctoritas inutilis esse pupillo ad acquirendam hereditatem, *L. cum in una S. ult. de appell.*

Quod si tutor hereditatem non adie- 6 rit, infans postea decedens hereditatem non transmittit ad heredes suos, sed redibit hereditas ad eos, ad quos pertineret, si infanti delata non esset, ut est in *d. S. fin. vero*. Quod ita intelligendum est, nisi fuerit hereditas patris, cuius 7 in potestate fuerit infans. Nam hæc infanti quaeritur ipso iure, ut de suis heredibus dixi ad *L. 3. sup. S. sui, Iustin. de hered. quæ ab intestato*. Quaesita infanti, non potest, quin ad eius heredes pertineat; de quo quia quidam dubitant propter verba huius loci, non abs re erit, hanc sententiam paucis confirmare. Statuitur autem certa auctoritate & manifesta ratione. Expressa est hæc sententia in *L. 3. sup.* sed apertissime in *L. apud hostes, de suis & legitimis heredibus. L. qui duos, S. cum bello, de rebus dubiis*. Ratio autem certa hæc est: hereditas defuncti ad eius heredes legitimos citra contraversionem pertinet. At hereditas patris infanti delata est, si infans suos heredes exstitit. Probatur ex definitione hereditatis: nam hereditas cuiusque est successio in universum ius, quod si moriens habuit. At infans, qui suos heredes exstitit, hereditatem patris habuit, utpote inter ipso sibi quaesitam. Ergo hæc ad quovis legitimos eius

eius heredes pertinebit. Non debemus moveri in contrarium verbo huius §. *in vero*, eo quod constituto loquitur de qualibet hereditate infanti delata. Nam temperamentum adicitur, ex quo intelligimus, de hereditate extraneo infanti delata agi. Agitur enim de hereditate, quæ a tutore adeunda sit, §. *precedenti*, deinde de hereditate devoluta, item de hereditate non adita. Hæc etiam verba suis heredibus non conveniunt, sed extraneis. Nam in suis heredibus aditio nulla est, *L. in suis, D. de suis & legit.* Præterea hereditas patris ad liberos suos heredes, non tam devoluta dicitur, quam dominium continuari, ita ut videatur nulla successio fuisse, *L. in suis, D. de lib. & postum.*

Hactenus de hereditate infanti delata. Quid si pupillus maior erit infante? De eo constituitur in §. *ult. hic*, & constituitur ita, ut ius antiquum servetur, tum in ratione acquirendæ hereditatis tum in hereditate non adita transmittenda. Est autem hæc summa: huiusmodi pupillum sine facto & voluntate sua hereditatem quærere non posse, iuxta *L. potuit sup.* Sed ei auctoritate opus esse ad hereditatem acquirendam. Adhibebitur autem patris auctoritas, si est in eius potestate, *L. more, §. ult. de acquir. hered.* Si pupillus sui iuris est, adhibebitur auctoritas tutoris, aut nullo tutore constituto adhibebitur decretum iudicis. Hereditate enim ita non adita, placet secundum regulam iuris, ut adnam non transmitti.

Ad L. Cum in antiquioribus. 19.

Imp. Iustinian. A. Demostheni. præfeto prætorio.

Cum in antiquioribus legibus, & præcipue in questionibus Iulii Pauli invenimus, filiosfamilias paternam hereditatem deliberantes posse & in suam posteritatem hanc transmittere: & aliis etiam quibusdam adiectis, quæ in huiusmodi personis præcipue sunt: eam deliberationem & in omnes successores, sive cognatos, sive extraneos, duximus esse protelandam. Ideoque sancimus, si quis vel ex testamento, vel ab intestato vocatus, deliberationem meruerit: vel si hoc quidem non fecerit, non tamen successionem renunciaverit, ut ex hac causa deliberare videatur: sed nec aliquid gesserit, quod aditionem, vel pro herede gestionem inducat: prædictum arbitrium in successionem suam transmittat: ita tamen, ut unius anni spacio eadem transmissio fuerit conclusa. Et si quidem is qui sciens hereditatem vel ab intestato, vel ex testamento sibi esse delatam, deliberatione minime petita, intra annale tempus decesserit: hoc ius ad suam successionem intra annale tempus extendat. Si enim ipse, postquam testamentum fuerit insinuatum, vel ab intestato, vel ex testamento, vel aliter ei cognitum sit heredem eum vocatum fuisse, annali tempore translapso nihil fecerit, ex quo vel adeundam vel renunciandam hereditatem manifestaverit: is cum successionem suam ab huiusmodi beneficio excludatur. Sin autem instanti annali tempore decesserit: reliquum tempus pro adennda hereditate suis successoribus sine aliqua dubitatione habendum servabitur. Recitata septimo in novo consistorio palatii Iustiniani. D. III. Kal. Novemb. Decio. V. C. Cosi.

S U M M A R I A.

1. Summa huius legis.
2. Heres an post annum, quo hereditatem

sibi delatam cognovit, hereditatem adire possit.

1. Summa † hæc est: heres hereditatem sibi delatam & non aditam, nec ta-

men repudiatam, decedens, & una ius adeundi transmittit ad quosvis heredes, dum-

dummodo sciens hereditatem sibi delatam decedat, & decedat intra annum, ex quo sibi delatam cognorat: sic vero transmittit, ut quod ex eo anno reliquum est, tantum relinquat heredibus suis ad deliberandum, non amplius. Tribuitur hoc ius in hereditate delata. Nam non delata hereditate, heres neque hereditatem habet, neque ius eius acquirendæ. Qui nihil habet, nihil potest heredi suo tradere iuxta regulam iuris *L. nemo plus, Sc. D. de reg. iur.* Tribuitur præterea in hereditate non adita, non quod hereditas non adita multo magis transmittatur; sed ut intelligamus, hic beneficium constitui a Iustiniano, contra regulam iuris, qua efficitur, hereditatem non aditam non transmitti, *L. un. §. in novissimo, infr. de caduc. toll.* Tribuitur præterea in hereditate non repudiata: nam hereditas repudiando in totum amittitur, ut nec ipse heres, qui repudiavit, si viveret, possit eam adire, *L. 4. infr. tit. prox. L. is, qui heres, de acquir. her.*

Hoc ius tribuitur duobus conditionibus. Una, si heres, cui delata est hereditas, cognovit aliquo modo sibi delatam esse; proinde qui ignoravit delatam, nihil transmittit. In quo retinetur ius antiquum etiam in hac parte, quod traditur in *L. quoniam, sup. cod.* Et ratio est, quia est constitutio de iure deliberandi transmittendo. Non potest autem dici deliberare

heres, si ignoret esse, de quo deliberet. Altera conditio est, si decedat intra annum, ex quo sibi delatam hereditatem cognovit, quæ pars nullam aliam rationem habet, quam voluntatem legislatoris, cui visum est beneficium hoc solum intra hoc tempus concludere. Quid si annus is excesserit, † & heres adhuc vivat, quæsitum est, an possit postea hereditatem adire, propter verba huius constitutionis, cum scribit ita Iustinianus: *quod si is annus præterierit, heres cum sua successione ab huiusmodi beneficio excludatur.* Sed in promptu responsio est, iis verbis non excludi ius adeundi, sed ius transmittendi arbitrii, seu transmittendæ deliberationis. Nam de hoc iure transmissio- nis prius constitutum erat. Ius adeundi tributum lege heredibus perpetuum est, nisi a magistratu impetratum est ut tempus præstitueret ad deliberandum, ut ad *L. si curatoris, supr.* At ius transmittendæ deliberationis annui temporis lapsu excludetur & ideo verborum Iustiniani hic sensus est: si heres post annum, quo sibi delatam hereditatem cognovit, decedat, neque ipse ius deliberationis ad suos transmittit heredes: neque heredes eius, si intra alterum annum, ex quo eam hereditatem olim fuisse delatam cognoverint, decedant, ius hoc transmittent, optima ratione; quia non acceperunt.



Ad L. Quidam elogio. 20.

Imp. Iustinian. A. Ioanni P. P.

Quidam elogio condito heredem scripsit in certis uncias, & post certa verba testamenti eundem in alias uncias, vel tantas, vel quantascunque, & tertio vel in aliam partem hereditatis, vel in quendam unciarum modum: ille autem unam institutionem, vel duas admittens, unam, vel duas, vel quantascunque respuendas esse censuit: querebatur apud veteres, si hoc ei facere permittatur. Similique modo dubitabatur, si impuberem quis filium suum ex parte heredem instituit, & quendam extraneum in aliam partem quem pupillariter substituit: & postquam testator decessit, pupillus quidem patri eius heres exstitit, extraneus autem hereditatem adiit: & postea adhuc in prima aetate pupillus constitutus ab hac luce subtrahitur est, & pupillaris substitutio locum sibi vindicavit. Cumque substitutus eandem partem admittere noluit, quaesitum est, si potest iam heres ex principali testamento factus pupillarem substitutionem repudiare? Utinamque igitur dubitationem simul decidendam esse censuimus. Placuit etenim nobis siue in institutione, siue in pupillari substitutione, ut vel omnia admittantur, vel omnia repudientur, & necessitas imponatur heredi particulari facto vel aliam aut alias partes hereditatis admittere, vel etiam substitutionem pupillarem. Dat. prid. Kal. Maii, Constantinop. post consulatum Lampadii & Orestis. VV. CC.

S U M M A R I A.

1. Si quis delata hereditate dicat, se velle partem adire & partem repudiare, nihil agit.
2. Si quis hereditatis partem simpliciter adierit, reliquas partes quandoque sibi delatas invitus admittere cogitur, & n. 3. 4. & seqq.
7. Heres pupillo exheredato substitutus, an post aditam paternam hereditatem repudiare pupilli hereditatem possit.
8. Substitutus filio heredi ex parte instituto, si impubes hereditate pa-

tris sese abstinuerit, an partem eam admittere cogatur.

9. Si coheres impuberi datus, eique substitutus mortuo pupillo velit hereditatem pupillarem amplecti, & paternam omittere, an ei id permittatur?
10. Qui partem aliquam hereditatis simpliciter repudiat, is ceteras quoque quavis delatas habere nequit.
11. Omittere partem hereditatis & omittere additionem partis, quid differant.

Diximus initio, & significatur in *L. si avia, supr.* & *L. nec emere*, liberum esse exvaneis heredibus, delatam hereditatem aut agnoscere, aut repudiare; quoniam volentes, non invitum sunt heredes. Hoc loco admonemur recte hoc dici, si de tota hereditate agnoscenda, aut repudianda agitur; non idem ius esse de singulis partibus. Hic enim regula iuris veteris traditur, neminem eiusdem hereditatis sibi delatæ, seu eius, quam acqui-

rere potest, partem agnoscere posse, partem repudiare. Eadem ratio exstat in *L. 2. de hered. acq. L. n. §. his ita, infr. de cad. toll.* Ex hac ratione, veluti ex fonte, tria consequuntur, quæ totidem regulis iuris veteris comprehensæ sunt, ex quibus una hoc loco explicatur.

I Illud efficitur, si quis *†* delata hereditate dicat, se velle partem adire, & partem repudiare, nihil agere eum, *L. 1. de acquir. her.* Quia qui ita adit & ita repudiat

pudiat, contra ius adit & repudiat, ut pro infecto sit, quod ita agitur, *L. non dubium, sup. de legib. II.* Ex eadem ratione efficitur, si quis hereditatis partem simpliciter adierit, reliquas partes eius hereditatis quandoque sibi delatas, iavitus admittere cogitur; quod ita efficitur. Nam heres, qui ex aliqua parte heredes exiliit, aditam portionem repudiare non potest, *L. 4. infr. proxim. tit.* Quod si eam retinere cogitur, hic locus sit regulæ, quam supra posuimus, eum, qui unam partem habet, reliquas habere debere. Idque ita est, quocunque modo reliquæ partes deferantur ei, qui aliquam partem agnoverit, idest, siue deferantur ei iure accrescendi, seu ex institutione, siue ex substitutione tum vulgari, tum pupillari: iure accrescendi reliquæ partes deferantur, hoc modo: cum is, qui portionem aliquam admisit, institutus est cum aliis coheredibus, & hi portiones suas repudiaverint, aut non adita hereditate decesserint. Nam horum portiones iure accrescendi deferuntur ei, qui portionem suam admisit, ne idem defunctus pro parte testatus; &c. *L. ius nostrum, de regul. iuris.*

9 Sed an si volenti deferatur, an etiam invito? Et placet invito. Hinc regula alia de iure accrescendi: qui ex aliqua parte heres defuncto exiliit, eum deficientium partes etiam invitum accipere, siue sint plures coheredes ex testamento, siue ab intestato, *L. qui ex duob. §. ult. de acq. her. L. si ex pluribus, de suis & legitim. L. nu. §. his ita, inf. de cad. toll. de quo dictum ad L. nu. sup. quando non partes.* Dixi & ad *L. testamento sup. de imp.* Idem iuris est, si portiones reliquæ deferantur ex institutione ei, qui aliquam partem admisit, quod tunc contingit, cum quis solus heres institutus est ex pluribus partibus disunctim, ut puta; *Titius ex semisse heres esto: idem Titius ex triente, idem heres esto ex duabus uncis.* Hic dicimus, si Titius hereditatem adierit ex duabus uncis, statim in totum heredem futurum, quæ species est huius legis in 4 prioc. Idque si adeo verum est, ut quavis quis heres institutus sit ex una parte puta, ex altera sub conditione, *si navis ex Asia venerit, & adierit hereditatem ex puta institutione, statim in totum sit heres, etiam pro reliqua parte, non expectato eventu conditionis; quia etiam deficiente conditione nihilominus heres est, L. cum heres, §. ult. L. qui ex duobus, de acq. her.*

Idem si ius est, & si reliquæ portiones deferantur ex substitutione: veluti duo sunt heredes instituti, Primus & Secundus; Primus Secundo heredi substituitur. Primus portionem suam adit, Secundus repudiavit, Secundi portio deferatur Primo ex substitutione vulgari. An volenti, an vero invito? dicimus invito accrescere, *L. testamento, sup. de impub. ubi dictum.* Idem probandum est, & si ei heredi, qui partem hereditatis admisit, reliquæ partes eiusdem hereditatis deferantur ex substitutione pupillari, quæ species est altera hoc rescripto decisa. Est autem hæc species facti. Testator filium impuberem, quem habet in potestate, heredem instituit ex parte, & Titium extraneum ex altera parte, & huic filio substituit pupillariter, idest, sub hac conditione, *si intra pubertatem filius decessit mortuo testatore.* Impubes heres exiliit patri ipso iure ut suus: extraneus coheres portionem suam adit; deinde filius impubes moritur, cum impuberis hereditas deferretur coheredi substituto, sed videretur ei damnoza, noluit eam admittere, & contendeat, se non cogi eam habere; quoniam hæc alia esset hereditas, quam patris. Placuit eum, qui paternæ hereditatis partem haberet, etiam impuberis hereditatem admittere cogendum, quod quibosdam ex veteribus primum visum est, ut Neratio, cuius hæc de re sententia exiit in *L. qui patri, de acq. her.*

Sed cum sententia habet dubitationem, placuit Iustiniano eam hoc rescripto confirmare. Hæc igitur sententia hanc habet rationem; quia in hereditate impuberis est portio hereditatis paternæ, cuius qui partem habet, consequens est, ut reliquam eius hereditatis partem sibi ex substitutione pupillari delatam agnoscere cogatur, secundum regulam, quam initio posuimus, quæ efficitur non licere ei eiusdem hereditatis partem habere & partem repudiare. Quod si coheres, idemque pupillo substitutus cogitur admittere eam partem paternæ hereditatis, ex qua pupillus heres exiliit, & illud consequitur, ut totam hereditatem impuberis admittere cogatur; quoniam una hereditas impuberis fuit, conlatus & rebus a patre acceptis, & rebus, quæ aliunde obtigerant. Potro eandem hereditatem delatam separare non licet, *L. sed si plures, §. 1. de vulgar. & pupillar.* Et hæc ratio est, quam obscurioribus verbis intelligit Neratius in *d. L. qui patri, de acq. her.* Nam inquit: Pater pupillum impuberem invitum obligat hereditati suæ. Facit enim eum

eum necessarium heredem, quod si paternam hereditatem necessario habet pupillus, reliqua eius hereditas coniungitur paternæ: coniunctam substitutus totam habere debet, quia partem hereditatis paternæ accipere cogitur.

Sed hæc sententia videtur recipi non posse. Nam non potest coheres impuberis, qui partem hereditatis paternæ adiit, cogi, admittere hereditatem impuberis, nisi in hereditate impuberis sit portio hereditatis paternæ. Nam quibus hereditatibus diversis delatis, nemo prohibetur unam adire & alteram repudiare, sed tantum prohibetur eiusdem hereditatis partem adire & partem repudiare, *L. 2. de acq. her. L. un. §. his ita inf. de cad. toll.* At duæ sunt hereditates in specie proposita, quæ coheredi substituto deferuntur. Una patris, ex qua heres exstitit: altera impuberis, quæ defertur ex substitutione, quæ altera hereditas esse dicitur in §. *igitur*, *Inst. de pupill. subst.* Proinde hereditatem repudiare non prohibetur, licet paternam agnoveris. Respondeo: Hæc hereditas, quæ ex substitutione pupillari defertur, est hereditas: sic tamen, ut in ea pars reperiatur hereditatis paternæ, quam ideo necessario accrescere dicimus, & una cum ea reliquas partes hereditatis pupillaris.

Sed rursus hic occurrit. Nam postquam pupillus patri heres exstitit, desinit esse patris hereditas, & incipit esse patrimonium impuberis, & hereditas, unde dicitur substitutio pupillaris fieri in bonis impuberis, non testatoris, *L. sed si plures, §. ad substitutos, D. de vulgar.* Et ideo eadem, quæ supra, manet obiectio? Respondeo: ut portio paternæ, ex qua impubes heres exstitit, sit impuberis, hoc fieri, quando impuberis est. Cæterum ubi impubes moritur, retro recte intelligitur hereditas patris fuisse. Unde dicitur in substitutione pupillari, patrem substituere bonis suis, quateus de bonis eius ad pupillum pervenit, *L. in ratione. 1. §. quod vulgo, & §. seq. ubi dicitur, a patre impuberi substitutum pupillariter, parinde habendum, quasi in bonis patris institutum sub conditione, si filius impubes decesserit, L. in ratione 2. ad L. Falcid.* Rursum alia ratione non videtur coheres idemque substitutus pupillo agnita parte hereditatis paternæ, cogendus esse admittere pupillarem hereditatem. Nam ei, qui ex aliqua parte heres exstitit, ita demum invito accrescunt reliquæ portiones eiusdem hereditatis, si defecerint cæteri heredes, *L. qui ex duob. §. ult. de acquir. her.*

Tom. IX.

At in proposita specie impubes mortuo patre patri heres exstitit. Idque ita fingamus. Proinde portio illi quæ sita ad heredes eius legitimos pertinebit, non autem coheredibus accrescet, aut non invito accrescet. Respondeo: in pupillari substitutione, cum filius moritur impubes, dicitur deficere; deficit vero natura, cum mortuus hereditatem habere nequeat. In substitutione quidem vulgari heres, cui quis substitutus est, non dicitur deficere, cum hereditatem adierit, sed hoc fit propter voluntatem testatoris, qui ex hac substitutione non vult hereditatem ad substitutum pertinere, nisi hac conditione, *si substitutus heres non erit*. Non autem eo minus heres secundum naturam deficere dicitur, cum moritur. At in substitutione pupillari substitutus ex iudicio testatoris vocatur, live impubes heres non erit, live heres erit, & impubes decesserit.

Oppugnatur præterea hæc sententia hoc dilemmate. Aut enim portio hereditatis paternæ, ex qua pupillus heres exstitit, iuncta est reliquæ impuberis hereditati, aut iuncta non est. Si iuncta est, non est amplius hereditas patris, atque ita iuncta, coheredi accrescere non potest. Si iuncta non est, ipsa quidem accrescet coheredi, sed non accrescet reliquæ hereditati impuberis; quia iuncta hereditas non est, sed sunt duæ hereditates. Respondeo: Dici potest portionem hereditatis paternæ, ex qua impubes heres exstitit, & impuberis esse, & patris, diversis rationibus. Impuberis ita, quia ei quæ sita est: patris ideo, quia permittitur patri de ea statuere, ut de suis bonis, ut dictum supra, *arg. in L. Papin. §. sed nec impuberis, de inoffic. testam.* Hoc est, quod responderi potest; tamen apparet rem scrupulo non caruisse. Quamobrem Iulianus recte fecit, quod hac constitutione eam sententiam confirmavit, tametsi eadem in *d. L. qui patri, de acquir. hered.* exstat. Quod ideo monemus, ne illic videatur Iulianus unam ex suis decisionibus in hac specie posuisse; cum tamen hic videatur, nihil novi iuris constituisse.

Observandum est autem, in hac specie dici eum heredem, qui paternam hereditatem adiit, cogi admittere pupillarem, si idem pupillo substitutus sit, sed dici hac conditione, *si pupillus quoque patri heres exstitit*, ut sic intelligatur eiusdem hereditatis paternæ pars esse. Quid igitur, si heres, qui hereditatem paternam adiit, pupillo exheredato sit substitutus? Respondeo: palam est, duas hic esse hereditates separatas. Una patris, altera im-

Bb

pube-

puberis. Proinde qui unam admittit, alteram repudiare non prohibetur, *d. l. 2. de acquir. hered. §. d. l. un. §. his itaque inf. de cad. toll.* Quid si \dagger substitutus sit filio heredi ex parte instituto, sed impubes se abstinerit hereditate patris? Respondeo: Pars hereditatis paternæ, a qua sese abstinuit, invito substituto accrescet, cum sit pars eiusdem hereditatis paternæ, sed reliqua hereditas impuberis non accedet, neque acquireretur invito, quia separatae sunt hereditates patris & impuberis, propter impuberis abstentionem.

9 Quid \dagger e converso dicemus, si coheres impuberi datus, eidemque substitutus mortuo pupillo velit hereditatem pupillarem amplecti, & paternam omittere, an ei permittitur? Resp. Hic eadem distinctio & responsio adhibenda est, quæ supra, si pupillus patri heres exstitit, nec se abstinuit, substitutus hereditates separare non potest, *L. sed si plures, §. filio, de vulg.* Idemque efficitur ex hac constitutione in exte.no. Quod si heres substitutus erit filio exheredato, non prohibetur pupilli hereditatem amplecti, omiſſa patris hereditate, dummodo ex testamento patris quis heres extiterit, ut tabulæ pupilli confirmetur. Hæc species est *L. quæſitum, de acquir. hered.* Quod si heres a patre substitutus sit filio impuberi item heredi instituto, & si impubes abstinerit hereditate: placet omnino hoc casu substitutum pupillarem hereditatem adire posse, repudiata patris successione, *L. filius qui se L. Iulianus, de acquir. her.* Neque hoc casu exigimus, ut aliquis heres ex testamento patris hereditatem adest, quo tabulæ pupillares confirmetur. Satis enim confirmatur testamentum patris hoc ipſo, quod suos heredes pupillus patri exstitit. Hæc omnia efficiuntur ex eo, quod secundum colligi dixi ex illa regula: neminem eiusdem hereditatis partem habere posse, & partem omittere.

III. Ex eadem regula efficietur, quod pertinet ad eum heredem, qui partem hereditatis repudiat. Quemadmodum igitur, qui partem hereditatis simpliciter adit, una additione cæteras delatas admit-

tere cogitur. Ita \dagger contra, qui partem aliquam hereditatis simpliciter repudiat, is cæteras quoque quævis delatas, habere nequit. Hæc sententia vulgo non recipitur, propter errorem, qui nascitur ex *L. si tu ex parte, §. ult. de acquir. her.* Sed ea sententia nihil verius. Primum hoc diserte positum est in *L. sed si plures, §. filio in fin. D. de vulg.* Præterea certissima ratione hæc sententia nititur: ut eum qui partem hereditatis adit, eam partem amittere non potest, ex quo consequitur, ut reliqua necessario postea accedat: sic certi iuris est, eum, qui partem hereditatis repudiavit, amplius eam partem habere non posse, *L. 4. inf. prox. sit.* Ex quo consequens est, ut una cæteræ quoque partes amittantur; alioquin eveniet, ut heres eas habere possit, & non possit habere eam, quam iam repudiavit, quod est contra regulam superiorem, qua sit, neminem eiusdem hereditatis partem habere posse, partem non habere.

Movetur in contrarium vulgo ex *d. l. si tu ex parte, §. ult. de acquir. her.* ubi dicitur, si quis ex parte heres institutus sit, & ex parte coheredi suo substitutus, delude ex substitutione ea defertur, esse in potestate heredis omittere additionem ex institutione, & postea ex substitutione adire, & e converso. Sed multum \dagger interest inter omittere partem hereditatis, & omittere additionem partis. Is omittit partem hereditatis, seu hereditatem, qui repudiat. Hoc qui facit, reliquas partes habere non potest neque ex substitutione, neque ex institutione, *d. l. sed si plures, §. filio, de vulg.* Omittere autem additionem hereditatis, seu partis, est specialiter non adire, etiamsi non repudiet. Estque hic illius loci sensus: cum eidem heredi pars hereditatis defertur ex institutione, pars ex substitutione, unius partis additione totam hereditatem acquiri. Nec refert, utrum partem habeat ex institutione, altera parte non adita ex substitutione, an vero ex substitutione partem habeat, omiſſa additione ex institutione.

Ad L. Cum aliquis. 21.

Imp. Iustinian. A. Ioanni PP.

Cum aliquis scripsit heredem eum, qui de sua conditione ei, qui dominum eius vindicabat, in iudicio adversabatur: is autem qui dominum se esse dicebat, adire eum hereditatem imperabat, ut acquisitio hereditatis per eum celebraretur, indignatus est quasi domino ei parere: dubitatio veteribus exorta est, si qua poena imponatur huiusmodi insolentia. Veteres in multis trabuntur sententias: sed nos eorum discordiam sic esse decidendam censuimus, ut distinctio subtilis causae ei imponatur: ut siquidem ita scripta est institutio, illum servum illius heredem instituo: quia apertissimum est intuitu domini institutionem esse conscriptam, necesse sit omnimodo per competentem iudicem eum compelli adire quidem hereditatem, & eam acquirere: nulli autem ex post facto subitici gravamini, si liber pronuncietur: sed omne sive lucrum sive damnum ad eum redundare, qui in servitum eum traherat, & denegari ei & adversus eum omnes hereditarias actiones, nullo ei ex hoc praedicio generando. Si autem quasi liber institutus est, nulla domini vel servi mentione in institutione habita: tunc nullo compelli modo eum adire hereditatem, nec denegari ei liberale iudicium: sed & hereditatem per suum ius decurrere, & liberale iudicium suam expectare sententiam, sive agente eo, sive pulsato: ut siquidem servus pronuncietur, tunc domino suo hereditatem aquirat: sin autem liber, eam adipiscatur, si adire maluerit. Dat. II. Kal. Maii, Constantinop. post consulatum Lampadii & Grestii VV. CC.

S U M M A R I U M.

1. *De statu suo litigans servus, heres institutus ab extraneo, quando*

hereditatem adire cogendus sit quando non?

IS, qui ex possessione † hereditatis se liberum esse contendens de statu suo iudicio litigat, si institutus ab extraneo heres iubeatur ab eo, uti se dominum dicit, hereditatem adire. Sic constituitur, interdum adire eum cogendum, interdum vero non cogendum. Si institutus est cum hoc elogio & demonstratione illa. *Illius servus mihi heres esto*, placet cogendum esse adire, tanquam institutum contemplatione possessoris, qui pro domino habeatur. Sin simpliciter institutus sit, placet non esse cogendum, sed expectandum eventum iudicii liberalis. Quo casu autem dicitur cogendus esse hic, qui de statu suo litigat, adicitur eum cogendum esse per iudicem. Merito; quia ordinata liberali causa, servus pro libero habetur, *L. ordinata, de liber. causa*. Et consequens fit, eum qui non putatur habere dominum, a iudice cogi posse. Cogendi autem ratio est in minis & verberibus, quae in servum hominem cadunt. Itaque cogetur a iudice,

Tom. IX.

his rebus adhibitis, quibus a domino cogere, si dominum haberet.

Sed videtur hic servus cogi non posse ullo casu hereditatem adire. Id enim in *L. 3. in fin.* scriptum est, *sup. de hered. instit.* idque scriptum est de eo, quem constat servum esse, diciturque eum posse non adire, (apparet ex glois, difficultatem esse summam) Respondetur: necessitas est duplex: una absoluta & praecisa. Altera, quae dicitur a Cicerone necessitas cum adiuncto, necessitas consequentia. Absolutae & praecise servus heres institutus cogi non potest; licet enim ei conterritio omnibus minis & verberibus obstinate hereditatem non adire: at cogi potest ea necessitate, quam consequentia dicimus. Adhiberi enim possunt minae & verbera, quae in se ille noluerit suscipere. Hoc autem posito consequitur necessitas adeundi. Nam nisi adest ille, suscipere cogitur, quae dixi. De priore genere loquitur *L. 3. sup. de hered. instit.* De posteriore autem hoc loco.

Bb 2

Ad L.

Ad L. ult. incip. Scimus.

Imp. Iustinian. A. ad Senatum.

Scimus iam duas esse promulgatas a nostra clementia constitutiones: unam quidem de his, qui deliberandum pro hereditate sibi delata existimaverint: aliam autem de improvisis debitis, & incerto exitu per diversas species eis imposito. Sed & veterem constitutionem non ignoramus, quam divus Gordianus ad Platonem scripsit, de militibus, qui per ignorantiam hereditatem adierunt: quatenus pro his tantummodo rebus conveniantur, quas in hereditate defuncti invenerint: ipsorum autem bona a creditoribus hereditariis non inquietentur. Cuius sensus ad unam prefatarum constitutionum a nobis redactus est. Arma etenim magis quam iura scire milites sacratissimus legislator existimavit. Ex omnibus itaque istis unam legem colligere, nobis apparuit esse humanum: & non solum milites adjuvare huiusmodi beneficio, sed etiam ad omnes hoc extendere: non tantum si improvisum emerisset debitum, sed etiam si onerosam quis inveniat esse quam adit hereditatem, ita enim nec satis necessarium deliberationis erit auxilium, nisi hominibus formidolosis, qui & ea timent quae nulla digna sunt suspitione. Cum igitur hereditas ad quendam sive ex testamento sive ab intestato sit delata, sive ex asse, sive ex parte: si quidem recta via adire malueris hereditatem, & spe certissima hoc feceris, vel sese immiscueris, ut non postea eam repudies: nullo indiget inventario, cum omnibus creditoribus suppositus sis, utpote hereditate ei ex sua voluntate infixa. Similique modo si non titubante animo respuendam vel abstinendam esse credideris hereditatem, & apertissime intra trium mensium spacium ex quo ei cognitum fueris scriptum se esse vel vocatum heredem, ei renuncies: nullo nec inventario faciendo, nec alio circuitu expectando, sis alienus ab huiusmodi hereditate, sive onerosa sive lucrosa sit. Sin autem dubius es utrumne admittenda sit necne defuncti hereditas: non putes sibi esse necessariam deliberationem, sed adeat hereditatem, vel sese immisceat: omni tamen modo inventarium ab ipso conficiatur, ut intra triginta dies post apertas tabulas, vel postquam nota fuerit ei apertura tabularum, vel delatam sibi ab intestato hereditatem cognoveris, numerandos, exordium capiat inventarium super his rebus quas defunctus mortis tempore habebat, & hoc inventarium intra alios sexaginta dies modis omnibus impleatur sub praesentia tabulariorum caterorumque qui ad huiusmodi confectionem tamen necessarii sunt. Subscriptionem tamen supponere heredem necesse est, significantem & quantitatem rerum, & quod nulla malignitate circa eas ab eo facta vel faciendi, res apud eum remaneant: vel si ignarus sit literarum, vel scribere praepediatur, speciali tabulario ad hoc solum adhibendo, ut pro eo literas supponat, venerabili signo antea manu heredis praeposito: testibus videlicet adsumendis qui heredem cognoscant, & iubente eo tabularium pro se subscribere, interfuerint. Sin autem a locis in quibus res hereditaria, vel maxima pars eorum posita est, heredes abesse consigeris: tunc eis unius anni spacium a morte testatoris numerandum damus ad huiusmodi inventarii consummationem: sufficit enim praefatum tempus, etsi longissimi spacii distans, tamen placuit dare eis facultatem.

cultatam inventarii conscribendi vel per se, vel per instructos procuratores in loca ubi res posita sunt mutandos.

Et si præstatam observationem inventarii faciendi solidaverint: hereditatem sine periculo habeant, & legis Falcidie adversus legatarios utantur beneficio: ut in tantum hereditarius creditoribus teneantur, in quantum res substantia ad eos devoluta valeant: & eis satisfaciant qui primi veniant creditores: & si nihil reliquum est, posteriores venientes repellantur: & nihil ex sua substantia penitus heredes amittant: ne dum lucrum facere sperant, in damnum incidant. Sed & si legatarii interea venerint: eis satisfaciant ex hereditate defuncti, vel ex ipsis rebus, vel ex earum forsitan venditione. Sin vero creditores qui post emensum patrimonium necdum completi sunt, superveniant: neque ipsum heredem inquietare concedantur, neque eos qui ab eo comparaverint res quarum precia in legata vel fideicommissa vel alios creditores processerunt. Licentia creditoribus non deneganda adversus legatarios venire, vel hypothecis, vel indebiti conditione uti, & hæc que acceperint recuperare: cum satis absurdum sit creditoribus quidem ius suum persequentibus legitimum auxilium denegari, legatariis vero qui pro lucro certant, suas partes leges accommodare. Sin vero heredes res hereditarias creditoribus hereditariis pro debito dederint in solutum, vel per dationem pecuniarum satis eis fecerint: liceat aliis creditoribus qui ex anterioribus veniunt hypothecis, adversus eos venire, & a posterioribus creditoribus secundum leges eas abstrahere vel per hypothecariam actionem, vel per conditionem ex lege, nisi voluerint debitum eis offerre. Contra ipsum tamen heredem (secundum quod sæpius dictum est) qui quantitatem rerum hereditariam expendit, nulla actio extendatur. Sed nec adversus emptores rerum hereditiarum, quas ipse heres pro solvendis debitis vel legatis vendidit, venire alii concedatur: cum satis anterioribus creditoribus a nobis provisum est vel ad posteriores creditores, vel ad legatarios pervenientibus, & suum ius persequentibus.

In computatione autem patrimonii damus ei [licentiam] excipere & retinere quidquid in funus expendit, vel in testamenti insinuationem, vel in inventarii conscriptionem, vel in alias necessarias causas hereditatis approbaverit sese persolvisse. Si vero & ipse aliquas contra defunctum habebat actiones: non hæc confundantur, sed similem cum aliis creditoribus per omnia habeat fortunam: temporum tamen prærogativa inter creditores servanda.

Licentia danda creditoribus, seu legatariis vel fideicommissariis, si maiorem putaverint esse substantiam a defuncto derelictam, quam heres in inventario scripsit, quibus voluerint legitimis modis quod superfluum est approbare, vel per tormenta forsitan servorum hereditariarum secundum anteriorem nostram legem que de questione servorum loquitur, vel per sacramentum illius, si alie probationes defecerint: ut undique veritate exquisita, neque lucrum neque damnum aliquod heres ex huiusmodi sentiat hereditate: illo videlicet observando, ut si ex hereditate aliquid heredes surripuerint, vel celaverint, vel amovendum curaverint: postquam fuerint convicti, in duplum hoc restituere, vel hereditatis quantitati computare compellantur.

Daneq; tamen inventarium conscribitur: vel si res præstæ sunt: intra tres menses: vel si absuerint, intra annale spacium secundum anteriorem distin-

tionem, nulla erit licentia neque creditoribus neque legatariis vel fideicommissariis eos vel inquietare, vel ad iudicium vocare, vel res hereditarias quasi ex hypothecarum auctoritate vindicare: sed sit hoc spacium ipso iure pro deliberatione heredibus concessum: nullo scilicet ex hoc intervallo creditoribus hereditariis circa temporalem praescriptionem praevinculo generando.

Sin vero postquam adierint, vel sese immiscuerint, praesentes vel absentes inventarium facere disulerint, & datum iam a nobis tempus ad inventarii confectionem effluerit: tunc ex eo ipso quod inventarium secundum formam praesentis constitutionis non fecerint, & heredes esse omnimodo intelligantur, & debitis hereditariis in solidum teneantur: nec legis nostrae beneficio perfruantur, quam contemnendam esse censuerunt.

Et haec quidem de his sancimus, qui deliberationem nullam petendam esse curaverint: quam putamus quidem penitus post hanc legem esse supervacuam, & debere ei derogari. Cum enim liceat eis & adire hereditatem: & sine damno ab ea discedere ex praesentis legis auctoritate: quis locus deliberationi relinquatur? Sed quia quidam vel vana formidine, vel callida machinatione, pro deliberando nobis supplicandum necessarium esse existimant, quatenus eis liceat annale tempus tergiversari, & hereditatem inspicere, & alias contra eam machinationes excogitare, & eandem deliberationem flebilibus adfectionibus repetita prece saepius accipere: ne quis nos putaverit antiquitatis penitus esse contemptores, indulgemus quidem eis petere deliberationem vel a nobis vel a nostris iudicibus: non tamen amplius ab imperiali quidem culmine uno anno, a nostris vero iudicibus novem mensibus: ut neque ex imperiali largitate aliud tempus eis indulgeatur: sed & si fuerit datum, pro nibilo habeatur. Semel enim, & non saepius eam peti concedimus.

Sin autem hoc aliquis fecerit, & inventarium conscripserit, (necesse est enim omnimodo deliberantem inventarium cum omni subtilitate facere) non liceat ei post tempus praestitutum, si non recusaverit hereditatem, sed adire maluerit, nostrae legis uti beneficio: sed in solidum secundum antiqua iura omnibus creditoribus teneatur. Cum enim gemini tramites inventi sint, unus quidem ex antexioribus, qui deliberationem dedit: alter autem rudis & novus a nostro numine repertus, per quem adeuntes sine damno conservantur: electionem ei damus, vel nostram constitutionem eligere, & beneficium eius sentire: vel si eam aspernandam existimaverit, & ad deliberationis auxilium convolaverit, eius effectum habere: & si non intra datum tempus recusaverit hereditatem, omnibus in solidum debitis hereditariis teneatur: & non secundum modum patrimonii, sed etiam si exiguus sit census hereditatis, tamen quasi heredem eum in totum obligari: & sibi imputet, qui pro novo beneficio vetus elegerit gravamen, & ideo ad ipsam deliberationis dationem, & divinum rescriptum super hac promulgatum, hoc adici volumus, ut sciant omnes, quod omnimodo post petitam deliberationem si adierint, vel pro herede gesserint, vel non recusaverint hereditatem, omnibus in solidum hereditariis oneribus teneantur. Si quis autem temerario proposito deliberationem quidem petierit, inventarium autem minime conscripserit, & vel adierit hereditatem, vel minime eam repudiaverit: non solum creditoribus in solidum teneatur, sed etiam legis Falcidiae beneficio minime utatur. Quod si post deliberationem

recuſaverit, inventario minime conſcripto: tunc res hereditarias creditoribus, vel his qui ad hereditatem vocantur, legibus reddere compellitur: quantitate earum ſacramento res accipientium manifeſtanda, cum taxaſione tamen a iudice ſtatuenta.

Notiſſimum autem eſt hac conſtitutione, quæ omnes caſus continet, noſtris conſtitutionibus iam pro eiſdem capitulis promulgatis eſſe derogatum, quarum altera etiam Gordiana conſtitutionis ſenſus continebatur. Cum enim ampliore tractatu habito, melior exitum inventus ſit, & tribus conſtitutionibus in unum congregatis, unus appareat & in milites & in alios omnes iuris probabilis articulus: ea propter ex antiquioribus inqueſtari noſtro ſubiectos imperio non patimur: ſcilicet ut milites eſſi propter ſimplicitatem præſentis legis ſubtilitatem non obſervaverim, in tantum tamen teneantur, quantum in hereditate invenierint. Quam patres conſcripti in huiusmodi caſibus in poſterum obtinere ſancimus. Dat. V. Kal. Decemb. Conſtantinop. poſt conſulatum Lampadii & Oreſtis. VV. CC.

S U M M A R I A.

- | | |
|--|--|
| 1. Conſtitutionis huius duo capita. | rias hereditatis cauſa ſallæ reſtinere. |
| 2. Ius inventarii conſciendi duas partes continet. | 13. Impenſæ neceſſariæ hic quæ ſunt. |
| 3. Inventarium quid ſit. | 14. Creditores quæ actione conſiſtant adverſus legatarios, cum quibus nihil contraxerunt. |
| 4. Unde diſtinctum inventarium. | 15. Tempus deliberandi de adeunda hereditate quorſum peti attineat. |
| 5. Ritus in inventario conſciendo requiſitus. | 16. Incommoda inventarii. |
| 6. Intra quantum tempus inventarium conſci debeat. | 17. Tempus deliberandi de adeunda hereditate a quo impetretur. |
| 7. Quæ circa hoc tempus heredi ſint obſervanda. | 18. Tempus id quantum ſit. |
| 8. Inventarium quæ præter descriptionem rerum continere debeat. | 19. Tempus deliberandi non impune peti. |
| 9. Inventarii rite conſecti effectus. | 20. Heredi an liceat ſtatim adire, aut repudiare hereditatem, ſpreſtis his duobus beneficiis inventarii conſciendi & deliberationis. |
| 10. Commoda hereditaria quæ ſunt. | |
| 11. Incommoda hereditaria tria. | |
| 12. Heres poteſt omnes impenſas neceſſarias hereditatis cauſa ſallæ reſtinere. | |

Inſtitutio huius tituli dixi, hereditatem obligare nos æri alieno. Adverſus hoc incommodum remedium quaeritur. Id autem remedium unum veteribus ante tempora Juſtiniani poſitum fuit in deliberando. Nam ſi quis res hereditarias diligenter agnoviſſet, poterat ſtatuerè, utrum hereditas ſolvendo eſſet, vel non: ut ſi putaret heres expedire, eam adiret, ſi minus, ut damnosam repudiaret. Sed experientia docuit, hanc etiam viam eſſe periculofam. Nam diu deliberabis, & mature tamen poteſt emergere æs alienum, quod prius latebat. Fieri enim poteſt, ut quæ res putabantur hereditariæ, non ſint. Ob hanc cauſam viſum eſt Juſtiniano, hic remedium inducere, quo adhibito ſecurè heres hereditatem adire, ſine ulla deliberatione, poteſt. Id autem eſt, ſi inventa-

rium conſciat ſecundum formam præſcriptam, quod tamen remedium hic ita introduxit, ut nihilominus ius deliberandi reliqueret integrum heredibus; verum hæc conditione, ut ſi deliberationem petierit heres, non impune id faciat, quæ huius conſtitutionis eſt ſententia. Itaque eius conſtitutionis tria duo ſunt capita ſumma. I. De inventario faciundo. II. De deliberando. De priore agitur in §. ſu autem. Ex hoc quidem utique ad finem legis.

Iuris tria de inventario hæc ſumma eſt: a ſi quis heres delata hereditate ex præſcripto huius legis inventarium confeceſcit rite, is ſtatim ab initio ſecurè hereditatem adit, & ſine periculo. Hoc ius duas partes continet: una eſt de ritu, qui hic ſit obſervandus; altera, quid ſit effectus inven-

3 ventarii recte confecti. Inventarium ꝑ autem est descriptio rerum hereditariarum literis consignata, quod & Repertorium vocatur, *L. tutor, qui repertorium, de administr. tutor.* Inde ꝑ dictum, quod sit scriptura eiusmodi, ubi res quævis inveniri & reperiri possint. In ꝑ ritu a Iuliano præscripto hæc observanda sunt: intra quod tempus hoc confici debeat, per quos, quibus personis, & quid continere debeat; qui ritus comprehensus est in *§. sin autem dubius.* Tempus ꝑ huic rei prælitutum aliis sunt sex menses, aliis annos. His quidem, qui degunt in his locis, in quibus hereditas, aut maior pars hereditatis sita est, sex menses; his autem, qui absunt, annos. Sed sex menses computandi ex eo solum tempore, ex quo quis delatam sibi hereditatem cognovit; annus apiem ex die mortis testatoris: hæc indicantur in *§. sin autem dubius, in prim.* & vers. *sin autem a locis,* item in *§. de 7 nec.* Circa ꝑ autem hoc tempus legitimum monendi sumus, ita hoc tempus prælitui, ut si intra hoc tempus heres inventarium non perficit, teneatur omnibus hereditariis creditoribus: *§. sin vero,* priusquam autem hoc tempus præterit, totum id spatium liberum esse heredi, quanvis adierit hereditatem sub beneficio inventarii, ut vulgo loquimur, idest, adierit testator se velle inventarium conficere, & beneficio huius legis uti.

Sic autem liberum illi hoc spatium esse dicimus, ut inquietari non possit, nec a legatariis, nec a creditoribus hereditariis, *§. donec.* Hoc tamen adiecto, ut si creditores interim præscriptiones temporis metuant, illis præscriptio non cedat, quoniam agere non possunt: luxta id, quod vulgo traditur, ei, qui agere non potest, non currit præscriptio, *L. 1. §. 1. infr. de annali except.* per quos, idest tabellarios conficiantur. Quod ex iis verbis Iuliani intelligitur, cum iohet inventarium confici sub præsentia tabulariorum, *d. §. sin autem dubius.* His autem verbis intelligitur non solum debere præsentem esse tabularium, sed ita præsentem esse, ut per eos conficiatur. Nam alias *infra* supervacua requireretur subscriptio heredis: deinde non adhibentur tabularii, ut testamentum faciant, alioquin quivis populares sufficerent; sed adhibentur, ut pro officio publico tabulas faciant: & notandum, tabularios exigui, non tabellarios: ut sciamus, si tabellarii adhibentur, plures adhibendos. Cum enim non subscribitur, duo sufficiunt, *L. ubi de testam.* Personæ etiam aliæ præsentem sint. Adicitur

enim *d. §. sin autem dubius,* sub persona ceterorum, qui ad eam confessionem sunt necessarii. Quibus verbis veniuntile est intellexisse Iulianum vel alias personas, quæ publico munere fungerentur, præter tabularios, vel alios testes, si forte unus tantum tabularius esset adhibitus. Hodie autem ex constitutione. N. r. Cap. 2. intelligimus adhiberi debere ad hanc confessionem, præter tabularios, etiam legatarios, fideicommissarios, quibus iidem aliquid testamento relictum est, & si absunt, debere ad minimum adhiberi tres idoneos testes.

Continere ꝑ autem inventarium debet 8 præter descriptionem rerum, quæ a tabulario facta est, etiam subscriptionem heredis, qua profiteatur heres, se agnoscere quantitatem rerum ibi descriptarum, apud se res eas esse, præterea nihil se adhuc in illis dolo fecisse; neque porro facturum. Quod si heres literas non noverit, aut scribere non poterit; cavetur, ut eius loca alius tabularius adhibeatur, qui eius nomine idem subscribat, adhibitis idoneis testibus, qui & heredem noverint, & interfuerint, cum mandaret tabulario subscriptionem. Hæc in *d. §. sin autem dubius.* Inventario hoc modo rite confecto effectus hic ꝑ est, ut heres secure & sine periculo hereditatem adeat. Illa enim duo 9 consinet, ut quæcunque commoda sunt hereditaria, ea heres habeat: quæcunque autem sunt onera & incommoda, ea non noceant heredi. Commoda ꝑ hereditaria 10 duo hæc sunt: primum, ut heres succedat in ius & dominium omnium rerum hereditariarum, *L. heres in omne, de acquir. heredit.* *L. cum heredes, de acquir. possess.* Hoc ius cum omnibus cæteris hereditibus tribuatur, etiam qui non fecerint inventarium, dubium non est, quin ad eum, qui inventarium fecit, pertineat. Deinde hoc lege Falcidia tribuitur hereditibus, ut si supra dodrantem hereditatis legata relicta sunt, possit heres de singulis legatis quartam retinere, *L. 1. ad l. Falcid.* Ex hoc beneficio utitur heres, qui inventarium conficit, *Instit. b. ꝑ.*

Incommoda ꝑ autem hereditaria hæc 11 tria sunt. I. Quod hereditate adita obligatur heres ari alieno, *L. more, de acquir. heredit.* II. Quod si heres hereditate adita, quid impendit, quanvis necessario in res hereditarias, aut propter commodum hereditatis, nullam eo nomine actionem habeat. Non enim potest sibi obligare hereditatem, cum eam iam haberet, & secum negotium ipse haberet, non cum hereditate. Non potent etiam obligare defunctum,

functum, quoniam cum illo nihil contraxit. III. Quod si heres aliquas actiones habuit adversus defunctum, hæc adita hereditate, confusione amittuntur. *L. si actionem, sup. de pact. L. si Stichum, §. a Titio, de fideiussor.* Hæc incommoda ex hac constitutione non metuit heres, qui rite fecit inventarium. Primo enim non tenetur legatariis, aut creditoribus hereditariis ultra vires hereditatis, *§. etsi præfatam.* Et hoc nullam dubitationem habet, si constet de viribus hereditatis.

Quod si de his controversiis inter heredem & creditores & legatarios erit, qui plus in hereditate fuisse dicat, quam in inventario descriptum sit, placet in hac controversia iure dubio stare inventario, sic tamen, ut postulantiibus creditoribus & legatariis heres iurare debeat, nihil se amplius scire, quam illic continetur. Quod si creditores, vel legatarii docere parati sunt, plus esse in hereditate, audiendi sunt, & si probaverint, aliquid amplius esse, vel etiam heredem id amovisse, vel subtraxisse: vult Iustinianus non tantum id habendum in hereditate, quod revera est hereditarium, verum etiam heredem in duplum, idest, in alterum præstandum, damnum esse, ut vel præstet, vel in hereditatem computet. Hæc summa est *§. licentie.*

12. Quod ad impensas † ab herede factas per causam hereditatis attinet, placet cum omnes necessarias eius generis impensas retinere posse, *§. in computatione,* ubi notandum est, inter necessarias impensas numerari impensas factas in funus, item in insinuationem testamenti, de quo sub titulo, *Quemadmodum testamenta aperiantur, infr. & †* in confectiorem inventarii factas, tametsi hæc videri possint utiles esse minus, quam necessitate ulla factæ, cum heres non cogatur inventarium facere: illæ citra controversiam necessariae sunt, cum fumenta & pecora pavit, familiam hereditariam aluit, item cum res hereditarias fulcit & restaurat, item cum ea, quæ servari non possunt, distraxit, & in ea distractione aliquid impendere coactus est. Tertium incommodum confusiois removeret iidem hereditate, *d. §. in computatione,* ut scilicet heres, qui aliquam actionem adversus defunctum habuit, quanvis adierit hereditatem; tamen debitum possit retinere, non minus, quam ceteri creditores extranei, cum quibus eodem iure utetur, de quo mox dicemus.

Solem hoc onus iniungitur heredi, qui inventarium rite facit, ut teneatur legatariis & creditoribus, quatenus facultates

Tom. IX.

patrimonii ferant, in quo hoc tamen ei commodum præstatur, ut quibuscunque primo loco solverit petentibus hoc, nihil ei noceat: & ideo si primo legatarii veniant, iis recte solvet legatum, quibus solvis, si nihil superest creditoribus hereditariis, nihilominus securus est heres. Item si inter creditores hereditarios hi primo loco veniant, qui iure temporis posteriores sunt: nihilominus his recte solvet heres, nec tenetur antiquioribus creditoribus, si prioribus dimissis nihil superest in hereditate. Sed hæc non nocent creditoribus, quæ summa est *§. etsi præfatam.* Nam si res agatur inter legatarios & creditores, & hereditas omnibus solvendo non sit: semper præferuntur creditores legatariis, qualescunque creditores sint, sive sint hypothecarii, sive chirographarii, idest, hi, qui nullas hypothecas habentes constitutas chirographo nituntur, ut crediti cautione. Idque æquissimum est; semper enim magis favendum est repetitioni, quam adventitio lucro, *L. non debes, de reg. iur.* Constat autem creditores certare de repetitione & damno vitando, legatarios autem de lucro agere. Sed ita creditores præferuntur legatariis, ut si legatarii prius legata consecuti sint, & exhausta sit hereditas, creditores regressum habeant non adversus heredem, qui legata solvit, & eo facto liberatus est; non etiam adversus emptores hereditariorum rerum, quas vendidit heres, & quarum pretium vertit in præstationem legatorum, aut in dimittendis aliis creditoribus: sed adversus ipsos legatarios, qui priore loco legata immerito sunt consecuti, cum creditores illis oporteret præferri.

Quaritur, † qua actione creditores constistant adversus legatarios, eum quibus nihil contraxerunt? Et datur duplex actio hoc loco adversus legatarios, aut hypothecaria, aut condictio ex lege. Hypothecaria tunc locum habet, cum res hereditariae aliquæ prælitæ sunt legatariis, quibus erant legata, & si creditores agunt, quibus res hereditariae obligatae erant pignori. Condictio autem ex lege tunc locum habet, cum creditores non persequuntur hypothecas, sed tanquam debitum a legatariis petunt. Hanc actionem hic introduci oportuit; quia revera legatarii cum creditoribus nihil gesserunt negotii, cum legatum acceperunt, & ideo conditioni ex lege locus est, ex definitione, quæ traditur in *L. unica, de condition. ex leg.* Similiter si ex creditoribus hi occupant debitum, qui hypothecas posteriores tempore habent, aut qui nullas habent, ab iis debi-

Cc

debi-

debitum advocant hi creditores, qui hypothecas habent, & eas antiquiores. Ex quo colligimus, si hi creditores, quibus adhuc solutum non est, nullas hypothecas habeant, non habere regressum adversus eos creditores, qui suum iam consecuti sunt, quantumvis hi, qui nunc agunt, sint privilegiarii, idest, hi, quibus debetur ex ea causa, quæ inter creditores prærogativam habet, ubi bona a creditoribus possideri iusta sunt. Hæc, inquam, summa est totius, §. *et si præfatam*. Quod si heredi debeatur aliquid a defuncto, heres in eadem causa erit cum reliquis creditoribus, ut dicitur in d. §. *et si præf.* Sensus est: Potest heres debitum suum retinere, sed si qui creditores hypothecas tempore priores habebant, hi heredi præferuntur. Hæc dispositio huc redit, ut intelligamus ita heredem teneri legatariis & creditoribus hereditariis, intra modum facultatum hereditarium, ut tamen etiam in hac parte eius solutio, qualis erit, non noceat. In quibus omnibus spectantur commoda inventarii recte confecti. Et hæc tenens de priore cap. huius legis.

Alterum caput est de deliberando, de quo agitur in §. *& hæc quidem, usque ad fin.* in quo hæc summa constituitur. Tamen si superiori beneficio inventarii constitui, non est necessaria deliberatio heredibus ad adeundam hereditatem; tamen liberum illis relinqui etiam ius deliberandi impetrare: & adicitur, a quibus impetretur, quod tempus præstituitur ad deliberandum. Postremo non impune deliberationem peti, contempto superiori beneficio: & adicitur, quæ in eo incommoda sint.

15 Peti igitur deliberandi tempus potest, sed quorum peti attinet, aut potius quis post superius beneficium tam stultus erit, ut rem non necessariam cum incommodo postulet? Respondeo: Inventarii confectio etiam sua incommoda habet, quæ plerique fugientes malunt ius deliberandi impetrare.

16 Inventarii igitur incommoda sunt. I. Quod non sine magnis sumptibus fit inventarium, in magnis præferim hereditatibus, non enim sine sumptu aluntur tabularii, personæ publicæ & testes, qui adhibentur, nec statim res hereditariæ discutiuntur, ut discussæ & cognitæ rectius inventario describantur. Et tamen in damnosa hereditate heres hos sumptus ante omnia deducit, §. *in computatione*, tamen si hereditas solvendo est, certum est hereditatem his sumptibus valde minui. Alterum incommodum, cur plerique inventarium

fugiant, est, quod deteguntur facultates patrimonii, quas latere plerique volunt, vel propter inopiam latentem, vel invidiam, quæ sequitur locupletes heredes. Ob hanc causam etiam nunc non est inutile ius deliberandi, ad adeundam hereditatem impetrare.

Hoc igitur impetratur a iudicibus, ant Principi, §. *et si præfatam*. Sed quid necesse postulare hoc ius a magistratu, cum heres apud se posset deliberare de hereditate? Nihil necesse est, si heres non urgeatur a creditoribus hereditariis; sed illis suum persequentibus, alterum cogitur facere heres, aut his solvere, ut bonorum hereditarium dispositionem pati, nisi magistratus auctoritas interveniat. Ob hanc causam ius deliberandi a magistratu petitur, ut intra hoc tempus non inquietetur a creditoribus heres, de quo dixi ad L. *si curatoris sup.*

Tempus igitur ad deliberandum præstitutum 18 summum est, ut a iudicibus non amplius dentur, quam novem menses: a Principe annus duntaxat, ea lege, ut si amplius datum sit etiam a Principe, quasi non datum sit, neque verum tempus ad deliberandum liceat petere, eod. §. *& hæc quidem*.

Sed videntur adversari huic constitutioni quidam loci, L. 2. *de iure deliberandi*, ubi centum dies præstituiuntur cum minimum, deinde L. 1. *eodem*, dicitur, totum hoc tempus esse in arbitrio magistratus, ut pro rei qualitate id tempus statuat. Sed inter hæc optime convenit. Sunt enim inter hæc tempora quod ad minimum, quod ad summum, quædam interiecta tempora. Si minimum tempus queritur, quod dandum est, non minus, quam centum dies dari oportet: si summum tempus queritur, non licet excedere novem menses iudicibus, Principis rescripto frustra exceditur annus. Sed non ideo magistratus non potest aut amplius dare, quam centum dies, aut minus præstituiere, quam novem menses, sed id tempus statuet, quod satis sit ad deliberandum pro conditione hereditatis & distantia locorum: atque ita moderatum tempus statuet, ut est in d. L. *si curatoris, sup.*

Sed non impune igitur petitur tempus ad 19 deliberandum. Nam quædam incommoda denuntiantur his, qui contempto beneficio Iustiniani deliberandi ius petierint, & constituuntur hæc incommoda. I. Adveniti. II. Non adveniti. III. Repudianti. Et, qui intra tempus ad deliberandum constitutum hereditatem adit, duo hæc incommoda denuntiantur. I. Quod omnibus cre-

ditoribus hereditariis in solidum obligetur, etiam si inventarium rerum hereditariarum fecerit: deinde hoc incommodum, quod iubetur etiam post deliberationem impetratam inventarium facere; & nisi fecerit, hæc poena est, quod non solum tenetur creditoribus in solidum, sed legatariis, quia legis Falcidiae beneficio carebit. Et autem, qui intra tempus constitutum adierit, tria hæc incommoda denuntiantur. Primo, quod etiam si aperte non adierit, nihilominus perinde habetur, quasi adisset, eodemque modo obligatur creditoribus hereditariis in solidum, & non uteretur beneficio L. Falcidiae, si inventarium non fecit. Et autem, qui intra tempus constitutum aperte repudiavit, hoc iniungitur incommodum, ut nihilominus inven-

tarium faciat, priusquam repudiet. Quod si non fecerit, hæc poena statuitur, ut res omnes hereditarias restituat creditoribus, aut his, qui ad hereditatem vocantur, quantitate rerum iureiurando eorum, quibus restituuntur, æstimanda: quæ summa est, §. *si autem, pen.*

Quæritur, si quis sine oculo ex his beneficiis uti velit, sed statim aut adire hereditatem, aut repudiare, an non heredi liceat? Et scriptum est in §. *si. legis huius*, utrumque unicuique heredi licere, ut si adierit, statim subeat omnia onera hereditaria una cum commodis hereditariis: si repudiarit, nullo modo teneatur creditoribus, aut ullis oeribus hereditariis.



A D T I T U L U M XXXI.

COD. DE REPUDIANDA, VEL ABSTINENDA HEREDITATE.

*Ad L. Si paterna. 1.**Imp. Antonin. A. Mutatio.*

Si paterna hereditate te abstinuisse confiteris & non ut heredem in domo, sed ut inquilinum, vel custodem, vel ex alia iusta ratione habitasse liquido fuerit probatum; ex persona patris conveniri te procurator meus prohibebit, PP. Id. Iul. Messala & Sabino Coss.

*Ad L. Si paterna. 2.**Idem A. Severo.*

Si paterna hereditate abstinuisti: non ideo quod a creditoribus fundos comparasti (si modo id bona fide fecisti) a posterioribus, quod sub eisdem obligationibus pecuniam patri crediderunt, iure conveniris, S. PP. V. Kal. Iulii, Lato II. & Cereale Coss.

*Ad L. Suus. 3.**Impp. Diocletianus & Maximian. AA. & CC. Theodotiano.*

Suus heres exceptione pacti, qui testamentum iniustum adseverans, postea nihil se de paterna successione petiturum non ex causa donationis, sed transigendi animo in iure professus est: cum respuerque quesitam nequiret hereditatem, & transactio nullo dato vel retento seu promisso minime procedat, submoveri non potest, Sine die, Cels. Coss.

*Ad L. Sicut maior. 4.**Idem AA. & CC. Modestino militi.*

Sicut maior vigintiquinque annis antequam adeat, delatam repudians successionem, post querere non potest: ita quesitam renunciando nihil agit, sed ius quod habuit, retinet; nec quod confessor in iure pro iudicatis haberi placuit, ad vocem repudiantis hereditatem, sed ad certam quantitatem deberi consentientem pertinet. S. V. Kal. Ianuar. Sirmii. AA. Coss.

Ad L.

Ad L. Pupillorum. 5.

Idem AA. & CC. Claudianæ.

Pupillorum repudiatio delatæ hereditatis sine tutore auctore facta, nihil eis nocet. S. II. Ianuar., Sirmii. AA. Coss.

Ad L. Si quis. 6.

Imp. Iustinianus A. Ioanni pref. præ.

Si quis suus recusaverit paternam hereditatem, deinde maluerit eam adire: cum fuerat indistincte ei remissum, donec res paternæ in eodem statu permanent, hoc facere, & post multum temporis licebat ei ad eandem hereditatem redire: hoc corrigentes, sancimus si quidem res iam vendite sunt: ut nullus aditus ei ad hereditatem reservetur, quod & antiquitas observabat. Sin autem res alienatæ non sunt: si quidem maior annis constitutus est, & tempora restitutionis nulla ei supersunt: intra trium annorum spacium tantummodo huiusmodi ei detur licentia. Sin autem vel minor est, vel in utili tempore constitutus: tunc post impletum quadriennium (quod spacium pro utili anno qui restitutionibus dabatur, præstitutum est) aliud triennium ei indulgeri, intra quod potest rebus in suo statu manentibus adire hereditatem, & suam abdicationem revocare. Quo tempore transacto, nullus aditus penitus ad paternam hereditatem ei reservetur: nisi forte adhuc eo in minore ætate constituto res vendite sint. Tunc etenim per in integrum restitutionem non denegatur ei adire hereditatem, & res recuperare, & creditoribus paternis satisfacere. Das. XV. Kalen. Novemb. Constantinop. post consulatum Lampadis & Orestis. VV. CC. anno secundo.

S U M M A R I A.

1. Repudiare hereditatem quid & eius Synonyma. ibid.
2. Hereditas quomodo & falso repudiatur.
3. Eius est nolle, qui & velle potest. Nemo quisvis hereditatem repudiare potest.
4. Ut quis hereditatem acquirere possit, qua requiratur.
5. Hereditas nisi delata nec adiri, nec repudiari potest.
6. Delata hereditatis definitio.
7. Hereditatem ut quis possit consequi, quibus rebus efficiatur.
8. Viventis nulla est hereditas: itaque ea nec adiri, nec repudiari potest.
9. Hereditas quot modis deferatur.
10. Testamento quomodo deferatur: quomodo item ab intestato, & n. 11.
11. Hereditas delata nisi absente acquiri & repudiari non potest. Ratio ibid.
12. Hereditatem adire non potest, nisi, qui vult adire, possit obligare eam, qui acquirit. Idem in repudianda hereditate.
13. Pupillus & filiusfamilias cur. hereditatem adire non possunt.
14. Repudiationis hereditatis effectus.
15. Abstinere hereditate quid.
16. Heres suus quando abstinere se intelligatur.
17. Ad imbecillam abstinenda hereditatis facultatem an prætor adven-
dus sit.
18. Ab-

19. Ab-

19. *Abstinenti facultas puberibus & impuberibus dissimili conditione data est. Rationes monstrantur ibid.*

EXceptis servis necessariis heredibus, nemo omnium heredum invitus hereditatem habere cogitur, sed a se remouent aliter extranei, aliter sui. Extranei repudiando: sui abstinendo. Hinc Tit. *de repud. & abstia. hered.* Ut & de omit-tenda iam in suis, quam extraneis, quæ altera pars est Tit. *D. de acquir. hered.* De repudianda agitur in L. 4. & segg. De abstinenda reliquis legibus 1. 2. 3. & ult. De his igitur ordine dicemus.

Extranei heredes ut hereditatem adire, ita repudiare possunt. Repudiare est ꝑ nolle hereditatem ad se pertinere, L. *filium, de acquir. her.* Ubi omittit hereditatem, & nolle ad se pertinere hereditatem, pro eodem usurpantur. Hoc idem iuris auctores dicunt reculare. L. *reculare, de acquir. her.* Item omittit d. L. *filium, eod.* Item prætermittit, L. *qui patri, eod.* Ut hereditas animi destinatione acquiritur, sic contra destinatione repudiatur, §. *ult. Instit. de her. qual. & differ.* Ad hanc destinationem animi non est necesse, verbis id testari, sed re & facto hereditas recte reculatur, & quouis indicio voluntatis, d. L. *reculare, eod.* Quomodo repudiatur verbis, notum.

Re autem & facto ꝑ repudiari hereditas intelligitur, quoties heres aliquid facit, quod utiliter facere non potest, nisi vellet prius repudiatam hereditatem. Huius generis exempla sunt duo: Primum si is, qui legitimus heres esse poterat, sit idem a testatore institutus heres, & cum putet se non institutum, hereditatem ab intestato repudiavit. Nam hic etsi prius aperte non repudiaverit testamentariam; tamen facto suo repudiasse intelligitur, hoc ipso quod repudiavit legitimam; quoniam nisi omitta, aut repudiata hereditate testamentaria, non potest legitimam repudiare, L. *nec is §. ult. L. illud, de acquir. her.* Secundum exemplum est, si proponas filium esse exheredatum, aut præteritum immerito, ita ut competat ei querela inofficiosi testamenti, & is ab hede scripto vel hereditatem emat, vel con-ducatur res hereditarias, vel quod debet, defuncto soluat, L. *si ponas, §. 1. de inoffic. testam.* Nam qui hæc fecit, hede- dem scriptum pro isto herede agno-uit, idest, pro vero domino, quod facere non potest, nisi ipse querelam repu-

20. *Immiscere se bonis quando suus heres dicatur.*

21. *Abstentionis hereditatis effectus.*

22. *Abstentionis potestas quando finitur.*

diaverit. Quia uni duo in solidum heredes esse non possunt.

Videndum est, quis hereditatem repudiare possit, & quando, tum quis sit repudiationis effectus: qui duo loci attinguntur in L. 4. & seg. Non statim quisvis heres hereditatem repudiare potest: Ut possit repudiari hereditas, videndum est, anne is, qui repudiatur, possit acquirere, si velit. In quo hæc regula traditur: *Eius ꝑ est nolle, qui ꝑ velle potest, L. eius, de reg. iur.* Eius est velle hereditatem, qui & adire potest; proinde eius etiam est nolle adire, qui adire potest. Hinc regula ad hanc speciem translata, & ita definitur is, qui potest repudiare, quod sit, qui etiam acquirere potest, L. *is, potest, L. 4. de acquir. her.* Quare qui quando hereditatem acquirere potest, vult: Idem eadem opera & eam quando repudiare possit, nolet; proinde utrumque iisdem præceptis continetur. Ut quis ꝑ hereditatem adire & acquirere possit, tria summe necessaria desiderantur. I. Ut ei delata sit hereditas. II. Ut sibi sciat delatam. III. Ut sit in ea causa, ut obligare possit eum, cui hereditatem acquireret, siue alii acquirat.

Ante omnia delatam esse oportet hereditatem. Nemo ꝑ enim hereditatem adire potest, cui delata non est, proinde nemo repudiabit, cui non sit delata, L. *si quis extraneus, §. 1. L. is qui potest, de acquir. hered.* Delata ꝑ hereditas definitur, quam quis consequi possit adeundo, L. *delata, de verb. sig.* Ut ꝑ possit quis hereditatem consequi, tribus rebus efficitur: primo si testator mortuus est, de cuius hereditate agitur; deinde si hereditas delata sit iis modis, quibus oportet: postremo si hereditas heredi nondum quaesita sit. Primo mortuum oportet esse eum, de cuius hereditate agitur, quia ꝑ viventis nulla hereditas est, L. 1. *de hered. vel act. vend.* Non potest autem delata dici hereditas, ubi nulla est, hinc illa tradita sunt; neminem pro herede posse gerere vivò eo, de cuius hereditate agitur, L. *nemo, de acquir. hered.* Hinc consequens de repudiatione, neminem item viventis repudiare posse hereditatem, L. *qui superstis, eod.* Utrumque, ut dixi, ex eo, quod viventis hereditas non deferretur. Non potest autem acquiri, aut repudiari, quæ nondum est delata. Mortuo eo, de cuius bonis

- bonis agitur, videndum est, an hereditas delata sit iis modis, quibus iure deferri potest & solet. Desertur tamen duobus modis, ex testamento & ab intestato.
- 10 §. ult. *Inst. per quas pers.* Testamento tamen deferitur, non si testamentum totum valet, sed etiam si concurrat voluntas testatoris, quod ita fit, si heres pure sit institutus, aut institutus sub conditione, quæ iam existerit. Pendente autem conditione hereditas non desertur. Profunde placuit pendente conditione hereditatem neminem adire posse, eoque nec repudiare, *L. is qui heres, in prin. D. b. t.* Hac de causa placuit, quamdiu institutus admitti potest, tamdiu substitutum neque adire, neque repudiare posse, *L. quamdiu, cod. in plurium, D. cod.* Quia substitutus omnis substituitur sub conditione, si institutus desceat. Ab intestato tamen deferitur hereditas, cum nullum testamentum est, aut siquidem est, non valet. Hinc rursus illa regula: Quamdiu ex testamento adiri hereditas potest, tamdiu ab intestato nec adiri, nec repudiari posse, *L. quamdiu, cod.* Et si forte plures erunt heredum legitimi gradus, nunquam posteriores adeundo, aut repudiando quicquam egerint, priusquam priores exclusi sint, quamvis posterioribus h. L. deferatur hereditas, *d. L. in plurium, D. cod.* Nihil prodest aliquando iis modis delatam fuisse hereditatem, si ea hereditas iam quaesita sit heredi: quantia repudiari non potest, quoniam nec amplius acquiritur: nam quod nostrum est, amplius nostrum fieri nequit, §. sic itaque, *Inst. de pñ.* Quæritur autem hereditas extraneis heredibus, si delatam adierint. Hinc est, quod dicitur in *L. 4.* neminem, qui semel adierit hereditatem, aditam repudiare posse, quia nec acquirere amplius potest. Is autem repudiare potest, qui & acquirere: nec potest acquirere ideo, quia non est delata. Tunc enim intelligitur etiam delata hereditas, cum quis eam consequi potest: non autem consequi potest, ut dixi, eam, quam iam acquisierit. Suis autem heredibus acquiritur statim hereditas ipso iure. Hinc rursus illud efficitur: Neminem suum heredem hereditatem adire posse, eoque nec repudiare potest, *L. is, qui putat, D. b. t.*
- 11 Hoc primum tamen genus est, quod ad acquirendam vel repudiandam hereditatem necessarium esse dicimus. Alterum illud est, ut qui hereditatem adire volet, sciat sibi delatam esse hereditatem §. ult. *Inst. de hered. qual. & differ.* Cuius rei hanc rationem reddidimus initio superioris tituli,

quod hereditas animi destinatione aditur, aut acquiritur. Nihil autem animi destinatione geri, nisi & scientia certa potest, *L. in totum, de reg. iur.* Proinde in repudiatione idem ius servabimus. Hinc regula de hac specie: In repudianda hereditate, vel legato, certus esse debet de iure suo is, cui hereditas, aut legatum deferitur, *L. in repudianda, D. b. t. de acq. vel omitt. her.* Quod rursus eadem ratione efficitur, quia superius. Nam & contraria animi destinatione repudiari, exemplo erunt hæ species, in quibus dixi hereditatem non deferri. Ut ergo si vivens hereditas non deferatur: ita si quis dubitet, an testator vivat, necne, hereditatem eius nec adire, nec repudiare potest, quantumvis revera decesserit is, de cuius bonis agitur, *L. is qui, D. cod.* Similiter ut hereditas ex testamento, quod non valet, adiri non potest, aut repudiari: itemque ut pendente conditione nec adiri, nec repudiari potest: ita si testamentum valeat, & quis de viribus testamenti dubitet: item si conditio existerit, aut etiam si nulla conditio adiecta sit: si tamen de eo dubitet heres, hereditatem frustra adibit, frustra repudiabit, *L. heres institutus, L. seq. D. cod.* Similiter si quis sit extraneus heres, cui vere sit delata hereditas, & nondum quaesita: si tamen se necessarium heredem putat, neque hereditatem adire, neque repudiare potest, ut si sit emancipatus, qui aliquo errore vel facti, vel foris non putet se emancipatum, aut qui putat se iure emancipatum, *L. is qui putat, & L. seq. cod.*

Tertium tamen genus necessarium esse dicimus ad acquirendam hereditatem, ut is, qui hereditatem adire vult, possit obligare eum, cui acquirit. Hoc qui non potest, hereditatem adire non potest: quoniam hereditas obligat nos æri alieno, *L. more, D. cod.* Si acquirere non potest, nec repudiare potest. In hac autem causa sunt duo genera personarum: Pupillus, cui delata est hereditas, & filiusfamilias. Pupillus sine auctoritate tutoris, obligari non potest, & ob hanc causam nec delatam sibi hereditatem adire, §. neque iussit, *de auctor. tutor.* Hinc fit, ut nec repudiare possit sine tutorum auctoritate, *L. pupill. b. t.* Filiusfamilias non potest, nisi consentiente & iubente patre acquirere hereditatem, ne iuvitum patrem hereditate obliget, *L. 6. in prin. D. b. t.* Ideo nec repudiare potest sine consensu patris, *L. is qui, §. ult. D. b. t.*

Sed in hoc genere notandum est, quod dissimile est a primo. Nam: n. eo ita exist-

gimus, ut hereditas delata sit, ut heres habeat facultatem hereditatis adeundæ, aut repudiandæ: ut velimus etiam heredem hoc certo scire. In hoc postremo generaliter accipitur: satis est enim, si quis heres sui iuris & pubes sit, ut hereditatem adire possit, & repudiare, non est necesse, ut sciat hanc suam conditionem.

Itaque qui de ea conditione dubitat, nihilominus recte adit & repudiat, *L. sed etsi eod.* Similiter & pubes, si hereditatem adeat, quamvis se pupillum falso existimat, tamen is error non nocebit, *L. qui se pupill. D. h. t.* Differentiæ ratio est, quia tamen si quis filiusfamilias esset, aut impubes, nihilominus ei æque hereditas delata esset. Cum dicimus hereditatem acquiri aut repudiari non posse, antequam heredi delata sit, & antequam delatam sciat, & antequam obligare possit eum, qui acquirit, hoc dicimus, etiamsi non adita, aut repudiata sit; tamen non prohiberi heredem postea delata hereditate, eam repudiare, quam prius ignoret, & adire eam, quam prius repudiat. Qui superstitis voluntatem agnovit, non prohibetur eo mortuo repudiare, quia aditio præmatura nihil egit: & contra si superstitis quis hereditatem repudiavit, non prohibetur eo mortuo adire hereditatem, aut pro herede gerere, quia repudiatio præcedens nihil egit, *L. qui superstitis, D. eod.*

- 15 Repudiationis † effectus est aditioni contrarius. Unusquisque hereditatem ad eundo sic acquirit, ut quæsitam postea repudiare non possit, duabus de causis. I. Quia iam delata esse desit, postquam quæsitæ est. II. Quia heres hereditate adita obligari cepit creditoribus hereditariis. Nemo autem se facto suo liberat a creditoribus, nisi aut solvendo, aut satisfaciendo. Solutione eius, quod debetur, tollitur obligatio. Satisfactio autem pro solutione est, nec aliis modis facto debitoris obligatio tollitur, *L. si rem, §. omnis, D. de pignoratit. actian. L. si servum, §. nunc videamus, D. de verb. obligation.* Contra repudiando unusquisque hereditatem amittit, *L. is, qui heres, D. eod.* Quod eam vim habet, ut quævis postea velit adire repudiatum, non possit; quoniam post eius delationem desit esse delata. Nemo autem non delatum acquirit, quorum utrumque traditur in *L. 4.* Sed posterius accipiendum est de his, qui repudiata hereditatem nolentes, adire constituunt, quod nullis licet. Cæterum interdum ii, qui repudiavit, cogun-

tur adire, quod receptum est in his hereditibus institutis, qui iussi sunt hereditatem restituere. Nam quamvis semel repudiaverunt; tamen Senatusconsulto coguntur adire postulantem fideicommissario, *L. nam quod, §. 1. ad Treb.* Horum utrumque ita est, si is, qui adit hereditatem, aut repudiavit, sit maior viginthique annis, ut adicitur in *d. L. 4. b. t.* Nam si minor hereditatem adit, aut repudiavit, beneficio ætatis restitui in integrum potest, ut sibi repudiare liceat, quam adivit, & adire, si repudiavit, *L. ait prator, §. non solum, & §. restitutus, D. de min. Tit. si minor. her. se abst. supr. & Tit. si ut omis. hered. sequ.*

Sui quoque heredes hereditatem a se remove possunt, itidem ut extranei, sed hoc consequuntur non repudiando, sed abstinendo hereditate. Fit enim eis abstinendi potestas, edicto prætoris, *L. necessariis, eod.* Non possum repudiare, quia repudiamus oblata nondum quæsitæ, *L. 1. §. decreta, de success. edict.* Suus autem iam statim heres exstitit, ex quo hereditas deferri cæpit, sed potest se bonis abstinere. Nam abstinemus rebus præsentibus & nostris. Hic videndum est, quid sit † abstinere, quando sui se abstinuant, quibus detur abstinendi facultas, & abstinio quid efficiat. Abstinere proprie est non attingere res hereditarias. Sed intelligendum, abstinentionem, de qua loquimur, non esse huius facti solius, si quis non attingat, & ideo si quis suus heres est, priusquam attingeret res hereditarias, quam decerneret, si nihil aliud de voluntate sua testatus est, nihilominus hereditatem ad suos heredes transmittet, *L. 3. sup. prax. tit.* Quia non attingendo non dicitur se ideo abstinuisse, sed abstinere animi est, non solius facti. Itaque breviter suus heres se abstinere dicitur hereditate, cum testatur se nolle hereditatem retinere: nam hoc verbum describitur in *L. servum quis, §. prator, D. eod.*

Abstinere † se intelligitur suus heres, cum hoc de voluntate sua est testatus, non tantum si in iudicio & iure id faciat, sed etiam si extra iudicium quovis loco. Dubitari vero potuit, an tunc cum edicto prætoris abstinendi facultas concederetur, necesse sit in eo prætorem adire, qui hanc daret facultatem, ut hoc modo recte abstinere hereditate. Et placuit in eo necesse non esse adire magistratum, *L. ei qui, 12. D. eod.* Omnibus suis heredibus abstinendi facultas datur, non tantum impuberibus, sed puberibus etiam, dissimili tamen conditione. Nam impuberibus † 19 sine

sine conditione data est, siue se immiscuerint bonis, siue non, *L. impuberibus, L. necessariis, in princ. eod.* Puberibus autem duabus his conditionibus, si se non immiscuerint, & si per eos factum non sit, quod quid de hereditate amoveretur.

Unde intelligimus, ex puberibus duo genera esse eorum, quibus abstinenti facultas non est. Primum est eorum, qui se bonis immiscuerunt, *d. L. necessariis, 10 eod.* Immiscere se bonis dicitur suos heredes, cum bona hereditaria tractat ut heredes, & ut breviter dicam, qui remoto potestatis vineulo pro herede se gerit, *L. cum bonis, D. h. t.* Idem, qui id facit in hereditate patris, quod filius emancipatus faciendo diceretur pro herede gerere. De eo dixi ad *L. si is, qui bonis*. Quid sit pro herede gerere dixi ad *L. 2. eod. tit. sup.* Hæc igitur qui fecit in hereditate patris, hereditatem potest non potest rescire, quoniam nec hereditatem repudiare potest extraneus, qui adeundo eam quasiuisset vel pro herede gerendo.

Hinc quæstio *L. 3. huius tit.* pubes patri suus heres exstiterat, & se immiscuerat bonis, cum esset præteritus testamento patris, & iniunctum testamentum patris diceret: deinde controversia orta inter eum & scriptum heredem, transiit eum herede, & cavit se nihil amplius de hereditate ea petiturum: deinde cepit petere. Duo videbantur ei obstat. I. Quod videretur superiori conventionem se abstulisse hereditate, eamque respuisse, ac proinde repudiasset. II. Obstat & transactio. Rescriptum esse, conventionem ei nihil obstat, quominus sit heres, quia hereditatem quæstam sic accepit, se immiscendo. Deinde, non obstat transactio in specie proposita, quia facta esset transactio, nullo retento, nullo dato, nullo promisso, cuius generis transactiones non valent. Interim hæc sententia confirmatur, & in suis heredibus hoc ius valet, ut si se immiscendo quæsierunt hereditatem, postea contraria voluntate eam rescire non possint.

Alterum genus eorum est, qui non solum quid amoverunt ex hereditate, sed etiam qui dederunt operam, ut amoveretur, *L. si servum, eod.* ubi hic locus usque ad finem legis dilucide explicatur.

11 Abstentionis effectus hic est, ut quamdiu suus heres in eadem abstentione manet, ea omnia consequatur, quæ tribuntur extraneis heredibus, eum repudiaverunt *L. pro herede, §. Papin. in fin. D. h. t.* Unde suus heres abstentione dno consequitur. I. Ut non teneatur credito-

Tom. IX.

ribus hereditariis, non magis, quam extraneus, qui repudiavit *d. L. necessariis, eod. II.* Si quas actiones adversus patrem amisit, dum patri heres exstiterit, illi restituantur integræ actiones, postquam abstinuit hereditate, *d. L. cum demum, §. ult. D. eod.* Sed quemadmodum abstinenti non nocet aliquando heredem exstitisse, sic ei hereditas non prodest. Itaque hereditatem non habet, & si interim decessat, hereditatem ad suos heredes non transmittit, *L. filius, qui se, L. Iulianus, seq. D. h. t.*

Sed hi effectus sunt in persona sui heredis, quamdiu in eadem abstentione perseverat. Cæterum extra personam impuberis, & aliis in rebus diligenter tenendum est, suum heredem, postquam se abstinuit, nihilominus iure civili heredem manere, qui semel exstiterit: quoniam, ut supra dixi, semel teneri coepit creditoribus hereditariis, ab his nullo suo facto liberari potest. Et hæc definitio est iuris certi, eum, qui semel exstiterit heres, nunquam heredem esse postea desinere, *L. ait prætor, §. sed Papinianus, D. de minor. L. ei, qui solvendo, 88. de hered. instit.* Neque vero sine effectu hoc statuitur, ut quis paret rem hanc esse positam in subtilitate iuris civilis, eum lure prætorio is, qui se abstinuit, pro herede non habeatur. Huius iuris effectus tres sunt. Primus in confirmatione testamenti, ut si ad res aliquas confirmandas, quæ testamento erant datæ, opus sit herede, ibi ad earum rerum confirmationem satis sit suum heredem exstitisse, quanvis se postea abstineat, quia & post abstentionem heres manet: nupta libertates testamenti datæ non debentur, ubi nemo heres exstiterit, *L. 9. D. de testament. tut.* Et hæc valebunt, si semel heres aliquis suus exstiterit, quanvis postea se abstineat, *L. sciendum, D. de man. test. L. cum quasi, §. sed & si quis, vixit sed & si suus, D. de fid. lib. Idem* et in secundis tabulis contingit. Secundæ tabulæ, seu pupillares, id est, substitutio pupillaris non valet, ubi ex testamento patris nemo heres exstiterit, *L. 1. §. 1. de vulg. dicimus*, ut secundæ tabulæ valeant, satis esse, si quis suus heres patri exstiterit, quanvis se postea abstineat, *L. Iulianus, L. filius, qui se D. de acquir. her.*

Secundus effectus est in rerum hereditariarum administratione, quas suus heres ante abstentionem administravit. Nam quæcumque heres suus gessit in rebus hereditariis, omnia rata sunt & manent, quanvis postea se abstinerit, dummodo bona

D d

side,

fide, *L. quoties, de acquir. hered.* Utpote, debitores hereditarij solvebant has res, quæ servando servari non possunt; heres easdem res distraxit, & pretium consecutus est; dicimus, quavis postea se ablineat, tamen & debitores recte liberatos esse: & emptores de rebus emptis inquietari non posse, quavis pupillus omnia, quæ consecutus erat, amiserit, *d. L. quoties*. Bona autem fide in his rebus versatus intelligitur, cum eatenus liberavit debitores, quatenus ab his accepit, & cum res quæ conservari non poterant, vendidit, & tanti vendidit, quanti valebant. Non bona fide autem res gesta est, si debitores ultro, antequam solverunt, liberaverit vel paciscendo, vel acceptum his ferendo, aut si res multo minoris vendidit.

Tertius effectus est, & is præcipue animadvertendus, qui cernitur in hereditatis acquisitione, longe dissimilis repudiationi. Nam cum quis voluntarius heres hereditatem repudiat, repudiatione hereditatem amittit *L. si is, D. de acq. hered.* idest, ut explicatur in *L. 4. h. f.* Ita desinet heres esse, ut si velit hereditatem postea adire, non possit. Abintentionis longe dissimilis effectus. Nam suus heres abintentione tandiu heres esse desit iure prætorio, quamdiu in eadem voluntate manet; cæterum ex pœnitentia si volet esse heres, fiet. Quinimo si immiscuerit se bonis paternis post abintentionem; nisi probet se alio animo fecisse, quam ut heres esset, obligatur invitus creditoribus hereditariis ut suis, *L. si quis sunt, D. de iur. deliber.* Quæ sententia in *L. ult. infr.* confirmatur, sed id colligitur præcipue ex *L. 1. & 2.* Nam in *L. 1.* dicitur, si suus heres, postquam se abstinuit, habitet in domo hereditaria; non posse eum a creditoribus conveniri, si habitaverit non ut heres, sed ut inquilinus & custos. Unde contraria conditione recte & manifeste colligitur, si heres inhabitet: teneri eum creditoribus hereditariis, ac proinde esse heredem, quia aliter creditoribus teneri non possit. In *L. 2.* dicitur item, si suus heres, postquam se abstinuit, comparaverit res bona fide hereditarias a creditoribus, non teneri eum creditoribus posterioribus. Unde rursum intelligitur teneri eum sub contraria conditione, si mala fide comparaverit. Hinc questio in his duobus legibus, utrum his factis, quæ hic proponuntur, dicendus sit suus heres se immiscuisse, an non? de quo paulo post in extremo dicetur.

Sed & hæc potestas post abintentionem iterum hereditatem acquirendi intra cer-

tas metas conclusa est, *L. ult. infr. h. f.* Ad hanc sententiam finitur hæc potestas duobus modis. Primo, si res hereditariæ, seu bona omnia hereditaria distracta sint, quod ius etiam olim obtinebat, *d. L. si quis sunt, de iur. deliber. L. quod si minor, §. Scævola, D. de minor.* Confirmatur in *prin. L. ult.* Ex adeo olim hereditariis rebus distractis non poterat suus heres post abintentionem redire ad eandem hereditatem, ut nec in integrum restitutio ea causâ illi concederetur, vel adversus substitutum, qui vendidisset bona, vel adversus legitimam heredem, qui post abintentionem hereditatem adisset, ut traditur in dicta *L. quod si minor*. Iustinianus autem in hac parte restitutionem dedit minoribus in hac *L. ult. circa fin.* Unde intelligimus hac Iustiniani lege derogatum esse dictæ *L. quod si minor, §. Scævola*. Nam constitutio Iustiniani est una de 50. decisionibus eius.

Præterea finitur superior potestas tempore, quavis rebus adhuc integris in hereditate manentibus, nempe finitur post triennium, quod cedit varie. Nam his, qui infra vigesimum nonum annum se abstinuere, hoc triennium cedit tantum ex fine vigesimi noni anni. His autem, qui post hanc ætatem se abstinuere, cedit statim post triennium, ex quo se abstinuere. Ex hac parte questum est, quando videatur heres, qui se abstinuit immiscuisse, & ex quibus factis videatur abstinere, quæ sunt quæstiones *L. 1. & 2. hic*.

Ex his autem rescriptis hæc summa colligitur: videri suum heredem se immiscuisse bonis paternis, quoties aliquid de bonis paternis tractaverit, vel inhabitando aedes, vel res hereditarias possidendo, tenendove, nisi eluceat alio se animo tractasse, & alio iure quam hereditatis.

Exempla sunt hæc: si inhabitaverit in domo hereditaria, videtur se immiscuisse, nisi ut inquilinus, aut custos id fecit, quod exemplum *L. 1.* Quod si de eo ambigatur, an inhabitaverit ut inquilinus, aut custos; uter probare debet, adversarialne eum habitasse ut heredem, an vero hic, qui inhabitaverit, se non pro herede, sed ut inquilinum habitasse? Et ex rescripto perspicuum est, suum heredem ad sui defensionem dicere debere, se inhabitasse ut inquilinum, aut custodem; ex quo intelligitur id probare debere eum, quia est regula iuris: eum probare, qui dicit, non qui negat, *L. 2. de probat.* Itaque & in re dubia ut heres inhabitasse intelligitur.

Sed cur potius ut heres existimatur id fecisse, quam ut inquilinus, cum pronio-

res debeamus esse ad liberandum, quam ad obligandum? *L. Arrianus, D. de obligat. & action.* Respondeo; quia quotiescunque quis re aliqua suo iure uti potest, & in eadem re furtum facere, aut prædari, benignius & propius creditur eum suo iure fecisse potius, quam aut furtum commisisse, aut prælatum esse, *L. merito autem D. pro socio.* Similiter si filius suus heres res hereditarias teneat & possideat; videbitur, ut heres fecisse, nisi doceatur eum alio iure fecisse, quam hereditario. Id autem probatur, si res emit a creditoribus hereditariis, quod est exemplum *L. 2.* Nam qui emit, non hereditario iure, sed emptoris possidet, idest, si filius suus heres bona fide res comparavit. Unde intelligimus, si comparaverit mala fide, pro eo haberi, atque si se immiscuisset, *L. si is qui, D. de acq. hered.* Probatur autem fraus & mala fides alias recte & aperte, ut cum probatur de consilio fraudandi inter creditores & filium inito. Probatur item ex coniecturis, sunt autem hæc; si filius per suppositam personam emptoris emerit, & si apposuerit aliquem, qui emeret a creditoribus & ipse deinde ab eo emptore possidere reperitur, quæ coniectura est in *d. L. si is qui bonis, de*

acq. hered. Potest hæc quoque coniectura fraudis esse, si creditores non iusto pretio res vendiderint. Item, si prius vendiderint, quam bona possidere cepissent.

Adiicitur in eadem *L. 2.* cum filius bona fide comparavit a creditoribus res hereditarias, non posse eum conveniri a posterioribus creditoribus, quibus eadem res pignori erant obligatæ, & recte; quia filius a prioribus emendo in eorum locum succedit, ita ut ultro actiones habeat ad persequendum pigraus adversus posteriores creditores. Multo igitur magis adversus eos possidens retentionem habebit, *L. 1. infra, si antiq. creditor.* Quod si autem filius mala fide ab his emerit: primum heres erit, ut dixi; deinde recta a posterioribus creditoribus convenietur, duabus de causis. 1. Quia non emit, cum emit, si res illius sunt hereditario iure; rei autem nostræ non consistit emptio, quæ pars confirmatur in *L. debitor, de pign. action.* Deinde, quia in prioris creditoris locum succedere non potest, cui a defuncto deberi nihil potest. Non potest autem heredi quicquam deberi ex causa hereditaria, quoniam etiam ei deberetur, prius tamen additione hereditatis obligatio tolleretur, *L. creditori, L. debitori, supr. de pass.*



A D T I T U L U M XXXII.

QUEMADMODUM TESTAMENTA. APERIANTUR, INSPICIANTUR, ET DESCRIBANTUR.

Ad L. Ut testamentum. 1.

Imp. Alexander A. Proculæ.

*Ut testamentum quod dicis factum, proferatur, & publice recitetur, com-
pensens iudex iubebis, PP. II. Kalend. April. Maximo. II. & Æliano Coss.*

Ad L. Testamenti. 2.

Impp. Valerian. & Gallien. Alexandro.

*Testamenti tabulas ad hoc tibi a patre datas, ut in patriam perferan-
tur, affirmans: potes illuc perferre, ut secundum leges moresque locorum in-
finuentur: ita scilicet, ut testibus non presentibus, adire prius vel pro tri-
bunali vel per libellum rectorem provincie procures; ac permittente eo, ho-
nestos viros adesse facias, quibus presentibus aperiuntur, & ab his rursum
obsignentur. PP. XII. Kal. Ianuarii, Maximo. II. & Glabrione Coss.*

Ad L. Eius quod, 3.

Impp. Diocletianus & Maximian, AA. & CC. Aristoteli.

*Eius quod ad causam novissimi patris vestri iudicii pertinet, de ca-
lumnia tibi iuranti, præter partem quam aperiri defunctus vetuit, vel ad
ignominiam alicuius pertinere dicitur, inspiciendi ac describendi, præter diem
& consulem, rector provincie facultatem fieri iubebit, Dat. VI. Kalend.
Maii. CC. Coss.*

Ad L.

Ad L. Codicillos. 4.

Impp. Gratian. Valentinian. & Theod. AAA. ad Hesperium. PP.

Codicillos, seu scripturam quolibet tenore formatam, ea oportebit observatione in publicum proferri, qua testamenta panduntur. Dat. III. Kalend. Augst. Mediolani, Ansonio & Olybrio Coss.

S U M M A R I A.

1. Interest heredis ad adeundam hereditatem tabulas apertas esse, ut de iure suo possit ex illis tabulis cognoscere.
2. Deinde interest heredis tabulae testamenti non quovis modo aperiri & inspicere, sed aperiri per magistratum.
3. Competens magistratus quis sit.
4. Per libellum quando adiri dicatur magistratus.
5. In aperiendis tabulis qui servetur ordo.
6. Reipublica interest suprema iudicia hominum exitum habere.
7. Tabulae testamenti quibus modis aperiri debeant.
8. Testamentum insinuari & publicari debet.
9. Insinuare testamentum est actus insinuare.
10. Referre in acta quid sit.
11. In re dubia a verborum significatione recedi non debet.
12. Improbum est, felicitum esse de hereditate viventis.

Interest heredis ad adeundam hereditatem aperiri tabulas testamenti, & eorum omnium interest, quibus quid eo testamento est relictum: ut si forte quid sub conditione relictum sit, conditioni pareant: si conditio iam existerit, sciant relictum ad se pertinere. Interest amplius istorum omnium, non tantum aperiri testamentum, sed certo modo aperiri per magistratum, ut fides earum tabularum confirmetur. Interest praeterea ad publicam & perpetuam fidem non tantum eas tabulas per magistratum aperiri & approbari, sed etiam insinuari. De his igitur tribus agitur hoc titulo, & D. eod. Quam pertineant ad hereditatem adeundam partim, partim ad eam ex testamento retinendam, recte & ordine hæc tractatio superioris adiicitur.

- I Principio ¶ interest heredis ad adeundam hereditatem tabulas apertas esse, ut de iure suo possit ex illis tabulis cognoscere, quod priusquam cognovit, hereditatem adire non potest, nec repudiare, §. ult. Inst. de hered. qual. l. in repudianda, de acquir. hered. Nam quod dicitur in l. unica, §. in novissimo, infr. de cad. toll. posse hodie heredem & apertis tabulis & clavis, hereditatem adire, de herede accipiendum est, qui alio mo-

do sciat se heredem esse, quam apertis tabulis, cuiusmodi est is, qui interfuit, cum testator testamentum fecit, & palam suum testamentum recitandum curavit. Quod si heres non potuit cognoscere aliunde, an heres scriptus esset, nec ne, opus est, ut ex tabulis testamenti id cognoscat, nec prius hereditatem poterit adire, quod significatur in l. ult. §. 2. supr. de iur. delib. Ad hanc autem rem nihil interest, quando tabulae testamenti aperiantur, neque quæ tabulae testamenti. Si tabulae testamenti sua natura sunt patefactæ, ut sæpe testatores eas non claudunt: sufficere eas tabulas per se aperire & inspicere, ut heres de iure suo certius esse possit; neque necesse erit magistratum adire, quo iubente tabulae aperiantur & inspiciantur, l. si in duobus, §. 1. D. eod. Si testator duobus exemplaribus testamentum fecit, eadem solemnitate in utroque adhibita, & alterum exemplum apertum est: sufficit ad adeundam hereditatem, neque necesse est alterum exemplar aperiri & cognosci: etiam si enim duo sint exemplaria, unum tamen est testamentum, d. l. si in duobus.

Quod si testator unum testamentum fecerit, deinde ex eo exemplum descripserit sine solemnibus, tabulae testamenti noudum

non dum aperta intelliguntur. Aperio autem exemplo nihil est actum, neque ea res ad cognitionem iuris suo heredi proderit, *L. ult. D. rod.* quia ita ius est, ut exempla fidem non faciant, *L. 2. de fide instrumen. autb. si qui in aliq. supr. de edendo.*

- 2 Interest † amplius heredis, tabulas testamenti non quovis modo aperiri & inspicere, sed aperiri per magistratum, ita ut fides earum tabularum confirmetur, si quando opus erit adversus legitimas heredes testamentum contraversionem facientes. Idemque fieri & legatariorum interest, & omnium, quibus quid eo testamento relictum. Ob hanc causam in hac parte editi praescribitur certus modus, quo tabulae testamenti aperiantur. In eo magistratus & iudex adestus est, quo iubente tabulae testamenti aperiantur. Iubetur autem adiri competens iudex, ut est in *L. 1. b. t.* Competens † est magistratus, qui iurisdictioni praestit, puta olim Romae praetor, in provinciis praeses, *L. ab initio, eo. L. 2. in fin. b. t.* In eo autem non necesse est adire magistratum sedentem pro tribunali, sed etiam adiri per libellum potest, ut est in *d. L. 1. in fin.* Sensus est, posse eum adiri de plano. Per libellum autem † dicitur adiri magistratus, quoniam libello supplicii ab eo postulari, quod eius auctoritate transigi debet, sine causae cognitione, *L. nec quicquam, §. 1. de officio praef. cons.* Talis est hac postulatio de aperiendis tabulis testamenti.

- 5 In his autem † aperiendis hic servatur ordo & ratio earum confirmandarum. Magistratus iubet per apparitores suos cogi adesse testes, eosdemque signatores testamenti, ut praesentes sigilla sua recognoscant, vel sua esse negent, *L. cum ab initio, §. L. seg. D. rod.* Sed quare iubet hoc fieri? Ut recognitiis sigillis, declararet magistratus, recognita esse sigilla a testibus, eoque testamentum esse legitimum, id quod postulatum est, & idem esse solenne.

Quod si testes & signatores negabunt, sua signa esse, incipiunt suspicari esse tabulae, si vel unus id fecit, *L. 1. in fin. rod.* Notandum est autem hic duas ad res cogi testes & signatores. Primo, ut iussi convenienter apud praetorem, id est, iussi agnoscant sigilla sua, vel esse negent, *diff. L. cum ab initio.* Convenire & adesse iubentur, sed hi, qui praesentes sunt in his locis, ubi aperitur testamentum; si signatores absunt, mittitur ad eos domum, non evocantur, ut domi signa recognoscant, *L. sed si quis, D. rod.* Coguntur

autem omnes, si praesentes, si absentes, ad quos domum mittitur, iussi signa sua cognoscere, aut repudiare. Ubi quaeritur, quare necesse sit, ad eam rem cogi signatres, ubi forte controversia non sit de testamento, & nulla necessitas litis praesentis cogat testimonia ferre? Adversus hanc rationem ratio reddi in *L. vel negare, D. rod.* quia reipublicae † interest suprema hominum iudicia exitum habere. Quid si iussi signatres adesse, aut cognoscere signa sua, non pareant? Respondeo: iam dixi a praetore eos cogendos; cogendi ratio est, ut iis multam dicat, quam ab iis exigat, nisi pareant. Est enim unum ex remediis praetoris, seu magistratus ad cogendos inobedientes cives.

His rebus † peractis praetor iubeat testamentum aperiri & recitari. Sed ne quid falsi postea admittatur, aut ne quid suspectum sit, aperietur testibus praesentibus, idque sit tribus modis. Primo, testibus iisdemque signatoribus testamento praesentibus, si omnes adint: deinde his non praesentibus, si maior pars adit, *L. si maior. D. eodem.* Postremo, si testes, idemque signatores non adint, & necessitas aliqua urgeat, ut testamentum aperiat & cognoscatur: currit magistratus id aperiri intervenientibus aliis honestis personis, quibus praesentibus aperitur & recitatur testamentum, & ab iisdem postea testamentum descriptum obsignari, *L. sed si quis, in fin. D. rod. L. 2. b. t.* Sed in omnibus his hoc cavetur, ut si testamentum apertum erit, priusquam alii ex signatoribus praesentes recognoverint sigilla sua, ad eos postea mittatur, ut sigilla sua recognoscant. Hac ideo desiderantur, ut intelligamus, si testes mortui sint, qui sigilla sua non recognoscant; si praesentes negent sigilla sua esse; si his agnoscantibus testamentum, non sit apertum iubente magistratu: testamentum non facere fidem, vel negante uno teste signum suum etiam tabulae suspectae sunt. *L. 1. in fin. supr.* His demortuis & non agnoscantibus sigilla sua, ut significatur in *L. vel negare, D. rod.* supremum iudicium defuncti exitum non habebit. Proinde recte initio diximus hoc modo, atque ordine testamentum aperiri interesse & heredis & omnium, quibus quid relictum est, ut testamenta in posterum fidem faciant. Cum autem res isto ordine transacta erit, nihil so postulerum deest ad fidem tabularum testamenti, ut probetur a testatore scriptum id factum esse.

Sed tabulæ testamenti interdicere possunt, vel casu amitti, vel incendio, vel alio casu, vel ita subtrahi, ut non exsint. Proinde, ad certam & firmam fidem testamenti, interest id tertium fieri, de quo
8 † initio proposuimus, nempe testamentum insinuari & publicari: de qua specie agitur in *L. 1. § 2. b. t.* ut verba publicandi & insinuandi testamenti declarant.
9 Insinuare † testamentum, est insinuare actis, hæc enim duo pro eodem accipiuntur, *L. in hac, L. in donationibus infr. de donationib.* Id autem tum fit, cum testamentum ita apertum est, ut supra dixi. Magistratus iubet apud acta testamentum publice legi & recitari: deinde a scriba pro officio suo lubet testamentum describi & in acta iudicialia publica descriptum referri, seu mandari actis publicis. Referre † in acta est, quod recentiores Imperatores dicunt insinuare actus, quasi dicat elicere, ut res in actis accipiat, & illis commenderetur.

Hoc cum ita factum est, exemplum testamenti, quod in acta publica relatum est, deinceps sine ullis rebus publicam fidem facere potest, *L. in donationibus, D. de donat.* Sed hac lege, si priores tabulæ testamenti casu non intercederint, ut traditur in *L. 2. de testam.* ubi plura dixi, & præterea ostendimus, apud quos iudices testamenta nostra insinuantur, de quo *L. testamenti § L. consulta, supr. de testam.* item ex *dist. L. in hac, D. de donat.* Ex quibus locis intelligitur, quis sit ille competens iudex, qui commemoratur in *Lege 1. b. t.* per quam publice testamentum recitari debet, & publicari. Ex fide autem publica, quam exempla in acta relata nanciscuntur, factum est, ut quod instrumentum insinuat actis, idem dicatur publicari.

Hæc omnia facile transiguntur, cum testamentum est penes eum, qui aut cognoscere vult, aut eo modo aperiri & publicari, ut dixi. Nam si testamentum sua sponte patefactum est, potest apud se inspicere; si est clausum, potest ad magistratum referre & petere, ut solemniter aperiat. Sed quid si testamentum sit penes alium, qui non patiat, ut testamentum, vel ab herede, vel legatario, vel aliis desiderantibus inspicere & proferri? In hac re altera parte edicti prætoris prospicitur desiderantibus, ut id consequi liceat. Est autem in hac parte hæc sententia edicti: Pollicetur prætor omnibus desiderantibus tabulas testamenti inspicere & describere, ad quos ea res pertinere dicetur, iurantibus non calumniæ causa se id petere,

potestatem se facturum inspiciendi describendique, quodcumque ad causam testamenti pertinebit, præter pauca quædam, quæ eo edicto, vel sententia edicti excepta sunt; idque se constituturum adversus eum, qui tabulas testamenti apud se esse non negabit: & si is potestatem facere nolit; adiicit prætor se compensaturum.

In hoc edicto, seu in hoc iure hæc capita spectanda sunt. I. Quibus personis id concedat prætor, & qua conditione. II. Quid concedat, adversus quos, quibus in rebus III. Quando concedat & effectum det, quod concedit. Principio prætor pollicetur hoc beneficium omnibus sine exceptione desiderantibus tabulas testamenti inspicere, seu describere, *L. 1. D. eod.* Ergo omnibus, siue eorum interest, siue non, & hoc ita est, si tamen hi, qui desiderant, dicant sua interesse, vel quia illis aliquid relictum sit, vel quia implicitam cum aliquo controversiam habeant, de qua iudicari non possit, nisi cognitis testamenti verbis, ut colligitur ex ratione *d. L. 1. § 2. in prin.* Sed intelligendum est, cum quis dicat eam rem ad se pertinere; non tamen id debere probare, neque summam: sed tantum ut desideranti imponatur prius, ut iuret non calumniæ causa id se petere, id est, sua interesse ita, ut dicit; quæ pars indicatur in *L. 3. in pr. b. t.* Ex qua conditione satis confirmatur id, quod in edicti sententia continetur, non concedi hoc beneficium, nisi his, ad quos ea res pertinere docetur, cum id confirmare debeant iurando ita esse.

Pollicetur autem prætor se desiderantibus potestatem facturum inspiciendi & describendi, *d. L. 1. D. eod. § L. 3. b. t.* Cuius autem rei inspectionem & descriptionem concedit prætor? Eius quicquid ad causam testamenti pertinebit, ut intelligitur ex *d. L. 2. §. 1. D. eod.* & id eo *L. 3.* iisdem verbis utitur, ut intelligamus eam descriptionem esse ex edicto. His verbis continentur 1. tabulæ testamenti. Sed an cuiusvis testamenti? Quid enim si testamentum vel imperfectum, vel iniustum sit, & denique si non valeat. Mover questionem, quod edictum testamenti verbo utitur. Non est autem proprie testamentum id, quod non valet. Porro † in re dubia a significatione verborum recedi non oportet, *L. 1. §. in re de exercit. aff. L. non aliter, de L. 1.* Ex placuit edictum ad cuiusvis testamenti tabulas pertinere, siue iustum sit, siue non iustum, siue perfectum, siue imperfectum, *d. L. 2. §. 1.* Id quod dictum est ex sententia edicti. Nam propositum est prætor

tori in hac concessione inspiciendi describendique testamenti, ut cognosci possit, quid testamentum scriptum sit, & qualis sit scriptura. Hoc enim non minus de iniuncto & imperfecto testamento cognosci potest & debet, quam de iusto & perfecto. Cognita autem sententia scriptoris recedimus a significatione verborum propria & sententiam scrutamur, *d. L. non aliter, de L. r.* Sic tamen, quodvis testamentum continetur verbis editi, ut intelligatur testamentum mortui, non viventis. De viventis testamentum ulhil pollicetur prator; & ideo si dicitur adhuc vivere testatorem, cognoscet prator an ita sit, necne; & si liquebit eum vivere, nihil de testamento statuet, *L. 2. §. si dubitet, D. b. t.* Et merito: nam si improbum est, sollicitum esse de hereditate viventis. *L. 3. §. interdum, de vulg.*

Idem verbis præter testamentum continentur codicilli ad testamentum pertinentes, idem, tabulæ secundæ, seu pupillares, seu substitutio pupillaris. Nam & hæc pars est paterni testamenti, ideoque, ut & hæc inspiciantur, describanturque, unusquisque desiderare potest ex hoc edito, *L. pen. D. eod.* Sunt tamen hic quedam res, quæ excipiuntur. I. Excipit prætor diem & consulem testamento adscriptum. Utrumque & describi & inspicere etiam prohibet, ne quid falsi fiat, *L. 3. §. diem, D. eod. L. 3. b. t.* Consulem dicit, quia erat in more Romanorum, annos notare consulibus; nam singulis annis novi creabantur consules. Itaque hodie intelligimus his verbis excipi diem & annum, qui testamento sit adscriptus. His enim temporibus cognitis facile aliud testamentum fieri potest, quasi eodem die & tempore scriptum, ut idem cum vero testamento esse dicatur. Excipit præterea ius eam partem testamenti, quam testator noluit aperiri, *d. L. 1. b. t. & recte*; nam quæcumque hic cauta sunt, eo computata sunt, ut, supremæ voluntates exitum habeant, *L. vel negare, D. b. t.* Proinde & in hac parte maxime voluntas testatoris est servanda, ne quid adversus voluntatem eius aperiatur, retineatur, cognoscatur. Intelligitur autem testator id negare, non tantum aperte, sed etiam in tabulis pupillaribus, cum eas separatim scribit & claudit. Itaque ob hanc causam clausæ tabulæ pupillares unæ aperiuntur a magistratu, nisi causa cognita, *L. pupillares, eod.* Causa autem interdum exigit, ut etiam hæc aperiatur, ut si mulier ventris nomine (ni substitutio facta est) in possessionem missa sit. Ideo

enim tum necesse est aperire tabulas pupillares, ut sciatur quis, quomodo curator detur bonis, *L. si mulier, D. eod.*

Tertio loco ius excipit eas partes testamenti, quæ ad ignominiam alicuius scriptæ intelliguntur, *d. L. 3. b. t.* Exempli gratia, si testator ita heredem instituit, *ille, qui nuper in hac urbe suisibus casus est, heres esto.* Hanc partem non permittit prætor aperiri & cognoscit prætor repugnantem ei, qui tabulas testamenti penes se habet: nam hæc pars ad ignominiam heredis est scripta. Et merito non permittit prætor hanc partem aperiri, quia desiderantis nihil interest. Quisquis vero ita scribitur, eius institutio nullius est momenti, idemque est, si quid sub eiusmodi signo aliove relinquatur, *L. quoties, §. si quis nomen, de hered. instit.* Iustio autem dixi, non fieri potestatem describendi testamenti, nisi his, qui sua interesse dicant. Au autem pars aliqua, ad cuius ignominiam scripta sit, ipse prætor cognoscet, & si ea lecta,prehenderit talem esse: non permittit inspicere, multoque minus describi. Hanc petitionem inspiciendi & describendi testamenti, non pollicetur prætor fe facturum adversus omnem possessorem testamenti, sed adversus eum tantum, qui tabulas testamenti apud se esse non negavit; *L. 2. §. ult. D. b. t.* Quid ergo si quis dicatur tabulas testamenti apud se habere, & eo negante se habere, actor dicat se esse paratum id probare, an non poterit consequi, ut sibi tabulas inspicere describere liceat? Immo poterit, sed id consequitur non hoc edito, sed ordinaria via, nempe actione in factum de tabulis exhibendis, ut adiiciat in *diff. L. 3. in fin. D. eod.* Multum autem interest, utra via quis experiatur hoc edito, an vero interdictione de tabulis exhibendis. Nam in interdictione de tabulis exhibendis, si quis neget tabulas testamenti apud se esse, iudicium instituitur, in quo de ea re cognoscitur. Si iudicio probatum erit, tabulas apud eum esse, cum quo agitur: iubebitur arbitrio iudicis exhibere eas, ac describendi & inspiciendi potestatem facere. Quod si reus arbitrio iudicis non paruerit, sequitur condemnatio, quanti ea res erit, idem, quanti actoris intererit tabulas exhiberi. Hic ordo est arbitrii & condemnationis in omnibus actionibus in rem & ad exhibendum. Regula iuris generalis est *L. qui restituere, de rei vind. L. 3. §. 2. de tabul. exhiben.* Quod si controversia erit, quanti interit actoris, non exiguntur ab eo probationes sed & iureiurando eius

acti-

estimabitur, ut sit in huiusmodi actionibus, quæ sunt in rem & ad exhibendum *L. in actionibus, de in lit. iur. L. qui restituere, de rei vindicat.*

At ex hoc edicto cum aliquis non negavit tabulas testamenti apud se esse, si neget se exhibiturum: actio adversus eum non datur, sed officio magistratus compellitur exhibere tanquam iudicatus. Nam confessio in iure pro iudicato habetur, *L. unsc. infra, de confess.* Hæc est illa compulsio, de qua in *dist. L. penult. D. hic.* Compellit autem magistratus remediis suis, idest, aut vi & manu, dum per apparitores auferet testamenti tabulas, si exitabant, ut fieri solet in his iudiciis, in quibus magistratus decretum suum exsequitur, argum. *dist. L. qui restituere, & L. 3. ne quis eum, qui in poss. miss. aut multam dicit recusanti possessori, & pig-nora capiet, ut his distractis multa exigatur.* Et hæc remedia sunt prætorum, ut dictum *L. 1. §. ex hoc, de vent. in-spic.*

Hæc omnia, quæ supra dixi de sper-iendis & recitandis tabulis, aguntur in

his locis, ubi testamenta scripta sunt, nisi testator testamentum iusserit alio transferre, veluti si exiturus Roma, testamento facto iubeat testamentum in patriam suam perferri. Nam ex voluntate testatoris recte in patriam perferetur, nec alibi cogetur quis aperire, inspiciendi potestatem facere; quo pertinet *lex 2.* ubi adicitur testamentum in his locis, in quæ testamen-tum testator perferri voluit, aperiri secun-dum consuetudines moreve locorum, quod de eo dictum est, ne quis putet apud magistratum census tantum aperiri posse ex præscripto *L. testamenta, L. consu-sulta de testament. supr.* sed ut sciamus, apud quosvis iudices eorum locorum tes-tamentum recte aperiri iuxta formam *L. in his, supra de testament.* Hæc de tes-tamenti aperiendis dicta sunt, sed quæ nihilominus etiam ad codicillos aperiendos pertinent, ut si clausi sint codicilli, & de his aperiendis agatur initio, ut si-dem faciant, aperiantur secundum ordi-nem supra expositum, de quo cavetur in *L. ult. h. t.*



A D T I T U L U M XXXIII.
 COD. DE EDICTO DIVI HADRIANI TOLLENDO,
 ET QUEMADMODUM SCRIPTUS HERES
 IN POSSESSIONEM MITTATUR.

Ad L. Cum inter. 1.

Impp. Severus & Antoninus AA. Lucillo.

Cum inter institutum & substitutum controversia moveatur; eum qui primo loco institutus est, induci in possessionem oportet. PP. XII. Kal. Decemb. Dextro & Prisco Coss.

Ad L. Quamvis. 2.

Imp. Alexander A. Eutacto.

Quamvis quis se filium defuncti præteritum esse alleget, aut falsum vel inofficiosum testamentum, seu alio vitio subiectum, vel servus defunctus esse dicatur: tamen scriptus heres in possessionem mitti solet. PP. VI. Kal. Novemb. Maximo II. & Eliano Coss.

S U M M A R I A.

- | | |
|---|---|
| <p>1. <i>Petitio hereditatis, interdictum quorundam bonorum & missio in possessionem an adversus omnes competant.</i></p> <p>2. <i>Summa huius constitutionis & quibus hoc remedium comparatum sit.</i></p> <p>3. <i>Institutus heres quis dicatur.</i></p> <p>4. <i>An omnis scriptus heres in possessionem mittatur ex hac lege.</i></p> <p>5. <i>Substituti si cum institutis eodem testamento se mitti possint in possessionem, an impetrare possint.</i></p> | <p>6. <i>Fideicommissarius an huius constitutionis beneficio uti possit.</i></p> <p>7. <i>Scripti heredes, ut in possessionem mittantur, nullum in testamento vitium, & solemnibus iuris munitum esse oportet.</i></p> <p>8. <i>Solemnia testamenti quæ sint.</i></p> <p>9. <i>Deposito testium quid.</i></p> <p>10. <i>An ob omne vitium testamentum inutile fiat.</i></p> |
|---|---|

Hereditate adita, de quo hucusque actum est, consequens est, ut ius heredem in rebus hereditariis teneatur. Est autem heres, posteaquam heres factus est, statim sine aliqua apprehensione dominus fiat omnium rerum hereditariarum, *L. cum hereditas, de acq. poss.* tamen nihil prodest dominum esse, nisi heres rebus hereditariis utatur, fruatur, quod facere non potest, nisi eas teneat, possi-

deat. Consequens est igitur, ut & hæc possessio ei iure tribuatur. Ad hanc consequendam sunt hæc viæ tres iure constitutæ adversus eos, qui hereditarias res tenent, petitio hereditatis, interdictum quorum bonorum & missio in possessionem ex constit. de qua agitur hoc tit.

Petitio ¶ hereditatis maxime & pleno iure hanc possessionem consequitur, sed non adversus omnes competit, & longa
 via

via est. Interdictum quoniam bonorum indicium brevius est, quoniam est possessio, sed & hoc non competit adversus omnes rerum hereditarium possessorum, neque omnibus hereditibus, & est etiam paulo longius, ut extremo loco dicetur in titulum remedium comparatione. Brevis & expedita ratio est possessionis nascendae constituta in hac missione in possessionem, de qua his constitutionibus agitur, sed ea est tantum constituta scriptis hereditibus. Summa huius iuris comprehensa est constit. Iustin. *L. ult. b. s. ad cuius interpretationem reliquæ duæ leges referri debent.*

2. Summa igitur iuris est hæc: scriptus heres si apud competentem iudicem proferat testamentum, in quo scriptus est, quod careat omni vitio, quod sub sensum cadat; mittitur in possessionem rerum hereditarium, omnia omni questione, an testamentum verum sit, an falsum, iure valeat, an non valeat; idque adversus omnes rerum hereditarium possessorum, qui quovis titulo quavis singulari dicant se eas res possidere, præterquam si adversus eum agatur, qui itidem ad defensionem eiusdem iuris simili testamento, nec vitioso utatur, inter quos si incidit controversia, res cognoscitur, & is vincet in possessione, qui potius iure nihil videbitur: etque hoc ius hic constitutum omnibus hereditibus, intra quodcumque tempus desiderant, se in possessionem mitti, nisi præscriptione temporis submoveantur; qua submoverentur si hereditatem peterent.

Ut liquet de hoc iure, partes eius nobis considerandæ sunt. Continetur autem hoc ius his locis; Quis ex dicta parte iuris mittatur in possessionem rerum hereditarium, & qua conditione, in qualium rerum possessionem mittatur, adversus quos mittatur, per quem iudicem, intra quod tempus, & missionis huius quis sit effectus. I. Hoc remedium comparatum est tantum scriptis hereditibus testamenti causa, ut magis beneficium testamenti videatur tributum. In *L. 3.* Iustinianus loquitur de instituto herede, sive sit ex æsse heres institutus, sive ex parte. Institutus igitur autem dicitur heres, non tantum, qui scribitur testamento, sed etiam, qui sine scriptura nuncupatur, *L. 1. §. s. de hered. instit.* Unde quis existimet, hoc beneficium propositum esse non tantum scriptis hereditibus, sed etiam nuncupatis; sed verba quæ sequuntur in *L. 3.* restringunt id, quod prius generalius scriptum erat. Nam dicitur mitti in possessionem heres institutus hac conditione subjecta; si te-

stamentum scriptum proferat, quæ conditio non potest, nisi ad scriptos heredes pertinere. Itaque sententia hæc rata erit, non esse propositum beneficium huius legis, nisi scripto heredi. Hinc verio huius legis de scripto herede tantum concepta est. Hinc illa verba *L. 1. heres scriptus in possessionem mitti solet.* Ex quo intelligitur legitimos heredes eodem modo non in possessionem rerum hereditarium mitti. Merito, quia nullam eiusmodi probationem proferre possit in præsentia, qualem scriptus heres: probare quidem potest testatorem institutum decessisse, & se cognatum esse proximum defuncti, & testibus & instrumentis, sed earum rerum fides sub sensum non cadit, & statim non potest expediri. At testamentum, quod sine ullo vitio proferatur, sub sensum cadit, & statim ostendit se, quale sit.

Idem dicemus de nuncupatis hereditibus, qui se mitti postulant in possessionem rerum hereditarium, hos nimirum ex hac parte iuris mittendos non esse; quoniam nullam talem probationem statim proferre possint, qualem hic exigimus. Non deest tamen his omnibus hereditibus aliud remedium, quo possessionem nascantur, interdictum quorum bonorum; sed ita hoc interdum utatur, si bonorum possessionem apud magistratum agnoverint. Sed an omnis scriptus igitur heres in possessionem 4 mittitur ex parte hac? Verba legis generalia sunt, & ad omnem scriptum heredem pertinentia. Hinc dubitatio *L. 1. supr. b. t.* Si forte eodem testamento 5 quidam sint instituti heredes, quidam substituti, & substituti possunt, se mitti in possessionem cum instituto, an impetrare debeant? Verba facere videntur, quod debeant. Rescriptum est in *d. L. 1.* Solos institutos in possessionem mitti debere, idque efficitur & verbis & sententia. Nam substitutus est quidem institutus & heres *L. mulier, §. ult. de condit. instit.* Sed substitutus instituitur sub conditione, si heres institutus heres non erit, *L. 1. de vulg.* Instituto hereditatem adeunte conditio substitutionis deficit. Proinde eo res deducitur, ut substitutus non substitutus videatur.

Idem de substituto dicemus, et si is se mitti postulet in possessionem bonorum adversus quosvis alios rerum hereditarium possessorum. Nam et si nondum certum est institutum hereditatem adire; tamen quando hereditas ab eo adiri potest, tandiu substitutum non deferatur, *L. quamdiu, de acquir. hered.* Revera si non est heres, cui hereditas non deferatur.

E c 2

Quid

Tom. IX.

- 6 Quid si fideicommissarius beneficio huius constitutionis uti velit? Finge testamentum aliquem institutum heredem, rogatum esse ut Lucio Titio restituit hereditatem, hereditatem heredem adiisse, & restituisse fideicommissario Titio: quod sit, si vel aliquam rem hereditariam ei restituerit eo modo, ut tota hereditas restituta haberetur, *L. restituta, D. ad Trebell.* Quæritur, an de cæteris rebus hereditariis, quæ illi restituta non sunt, agere possit ex hac parte iuris, & desiderare, ut mittatur in rerum earum hereditarium possessionem? Movet quæstionem quod, fideicommissarius heres est. Dicendum est, & ad fideicommissarium hoc beneficium pertinere; nam heredis loco habetur, restituta hereditate, cum in eum transeunt omnes actiões hereditum & adversus eum, *L. 1. D. ad Trebell. §. sed quia, Inst. de fideicom.* her.

- 7 Hæc missio proposita est si scriptis heredibus, hac conditione, si testamentum proferatur, quod in scriptura nullum vitium omnino ostendat, & quod solemnibus iuris omnino munitum, sit, ut est in *pr. L. 3. vers. sancimus*. In scriptura exigitur, ut nihil sit cancellatum, id est, nihil deletum in scriptis, inductis lituris. Item ut nihil sit absolutum, id est, veritate ita deletum, ut legi non possit. Item nulla formæ suæ parte vitiatum. Formam intelligimus id, sine quo testamentum iure civili non consistit: est enim forma, quæ facit, ut res sit, *L. si is, qui, 400. §. ult. D. ad L. Falc.* Hæc autem res in scriptura testamenti sunt dies & annus, ut more usuque Romanorum dies & consules, & quæ reliqua desiderantur in testamentis. Item, heredum institutiones, §. *ante heredis, Inst. de legat.* Ex quibus intelligimus, si aut totum testamentum absolutum non sit, deletumve, aut non sit vitiatum in his, quæ formam & substantiam scripturæ ac testamenti continent; tamen aliud quid deletum sit in aliis partibus; tamen id scripto heredi non nocere, quoniam minus in possessionem rerum hereditarium mittatur.

Et hoc ita est, si nihil adijceretur amplius in constitutione Iustiniani. Sed adijcitur id, quod omnem dubitationem eximit, cum in scriptura desideratur, ut testamentum prima facie sine ullo vitio appareat. Quibus verbis aperte removetur heres a possessione, si vel minimum vitium in scriptura testamenti appareat. Quid ergo? dicemus testamentum non valere, aut fidem non facere, si quid in eo deletum sit? Valet nihilominus testamentum, sive

quid consulto deletum sit, sive non deletum sit consulto, ut constat ex *L. 1. de his quæ in test. delent. L. si neque, sup. de testam.* sed hoc tunc locum habet, cum adversus testamentum nihil obijciatur. Quod si quid obijciatur, id testamentum heredi non proderit ad impetrandam missionem in possessionem, priusquam de vitio aliquo testamenti cogitum sit, quasi exeperit esse suspectum ob id, quod in scriptura aliquid deletum, aut corruptum est. Cæterum cum adversus testamentum nihil aliud obijciatur, probandum est propter ea, quæ delentur, aut inducuntur in partibus testamenti, quæ ad substantiam testamenti non pertinent, non eo minus scripturam fidem facere, quod confirmatur in *cap. ex literis, de fid. instrum.* Hæc de scriptura testamenti.

In solemnibus præterea exigitur, ut solis solemnibus testamentum manum sit, quod significatur illis verbis *L. 3. & depositionibus testium legitimo modo vallatum sit*, Solemnia igitur testamenti constant his rebus, iusto numero testium, & eorumdem subscriptione & obsignatione. §. *sed computat, Inst. de testam. ord. L. hac consultissima, sup. de testam.* Numerus testium hic expressus est. Depositionem autem testium, quæ hic appellatur a Iustiniano, recte intelligemus subscriptionem & signationem testium, quæ a testibus in testamento deponuntur, id est, in testamentum conferuntur. Deposito igitur testium ex usu recentiorum Imperatorum dicuntur testificationes, seu ea, quæ testes testimonio dicunt, in *exercendis, sup. de fid. instrum. L. si quis testibus*. Sed difficile est, ut eam significationem hoc loco admittamus. Nam in testamentis faciendis non munitur testamentum testimonio testium, sed testium præsentia audientium testamentum testatoris, & deinde subscriptione & obsignatione, *d. L. hac consultissima, sup. de testam.* Deinde si viginti annis, aut amplius post conditum testamentum, illud ab herede scripto proferatur: difficile est, ut eo tempore omnes testes vivant, qui agnoscerent suas subscriptiones & sua sigilla. Proinde, quod loco conveniat, melius est, si depositionem testium hic interpretemur testificationes testium, quæ vocati sunt, ut agnoscerent sigilla sua, non erraverit: Nam etiam id in *L. 3. infr. prætermittitur*; tamen intelligendum est ex his, quæ superiori titulo posuimus, testamen-

mentum, ut fidem faciat, non recte aperiri, nisi præsentibus testibus & signatoribus, sigilla sua agnoscantibus. Neque eo minus desideramus solemnibus testium, ut scriptus heres secundum testamenti scripturam mittatur in possessionem. Nam solemnium exactio satis continetur illis verbis *L. 3. cum desideratur*, ut testamentum quilla formæ sue parte sit vitiatum. Nam solemnia testamenti ad formam & substantiam testamenti referenda sunt.

10 Ex his, ¶ quæ de vitiis testamenti hic caventur, apparet, testamentum inutile fieri non ob vitium quodvis, sed tantum ob vitium, quod ex inspectione testamenti seipsum ostendat, quod vulgo dicunt vitium *visibile*: Ex quo satis colligitur, si quod vitium obiciatur adversus testamentum, quod ex inspectione testamenti, non appareat, qualecunque id sit, heredi non obilare, quo minus heres mittatur in possessionem rerum hereditiarum, si modo proferat testamentum tale, quale supra exigimus. Hæc pars est satis colligatur ex dicta *L. 3. infr. b. t.* tamen aperte confirmatur in *L. 2. b. t.* Ideoque ad hanc partem æ *L.* referenda est. Vitium, quod sub sensum non cadit, in testamentis duplex est, aut enim testamentum falsum est, aut iure non valet: idque præter omissionem solemnium testamenti contingit, aut ex persona testantis, aut ex omissione eorum, quæ in testimonio iure caveri oportuit. Ex persona, si is iustamentum fecerit, qui ius testandi non habet, veluti si servus fuerit, si filiusfamilias, si prodigus, si furiosus, *Tit. inst. quibus non est perm. facere testament.* Ex omissione eorum quæ in potestate sunt, præteritio, *L. inter, D. de liber. & postum.* eorundemque exhereditatio contra officium parentis facta, & uno verbo exhereditatio inofficiosa, *Authent. non licet, & Authen. ex causa, supr. de liber. præter.* Hinc dicimus, si heres scriptus potest se mitti in possessionem rerum hereditiarum adversus filium defuncti, mittendum esse nihilominus in possessionem prolati integro testamento, quamvis filius aliquid eorum, quæ supra dixi, adversus testamentum dicat, puta falsum esse, se præteritum esse testamentum inofficiosum, testatorem servum fuisse, aut in aliqua conditione existitisse, propter quam testamentum facere non potuerit.

Atqui hæc certissima vitia sunt testamenti, non minus, quam omisio solemnium, aut cancellatio, aut aliquis partis testamenti obliteratio: cur igitur hæc eadem vitia heredem non submovent? Quoniam ex inspectione testamenti non

apparent: neque ideo si iuluria filio, aut alii possessori. Nam is si est vere heres, testamento irritato constituto, hereditatem petere potest ab herede scripto, & statim vincet, si quid eorum, quæ supra obiciebantur, probaverit: sed hæc non nisi directo iudicio, in quo plena sit cognitio, sequuntur, *L. 3. §. ibidem, D. ad exhib.* Quod tamen in *d. L. b. t.* dicitur de lapsiscriptis vitiis, quæ ex inspectione testamenti statim non apparent, duas exceptiones habet. Prima est, quam omnes interpretes dicto loco vulgo recte agnoscunt, si is, qui hæc vitia obicit adversus testamentum, se paratum esse dicat eodem die vitium probare, idest, statim & sine dilatione. Nam hæc exceptio ab omnibus reis admittitur, etiam in causis maxime summaris & momentariis, *L. 3. in pr. D. ut in posses. bonor.* Huiusmodi probatio temper adferri potest, si possessor dicat testatorem fuisse prodigum, & ad manum habeat acta magistratus, quibus ipsi bonis interdictum est.

Altera exceptio est in eo, quod dicitur de filio, qui se testamentum præteritum esse dicit. Quod enim cavetur in *d. L. 2.* nihilominus heredem scriptum adversus filium, qui se præteritum dicit, mitti in possessionem, sic interpretandum est: si heres scriptus neget adversarium esse filium defuncti. Nam hæc questio, an sit filius, alioquin indagatum desiderat, de qua ex inspectione testamenti constare nihil potest. Sed si heres scriptus fatebitur eum filium esse, puto heredem non esse admitendum, idque duabus, de causis. 1. Quia herede hoc consentiente præteritio filii incipit esse vitium, quod ex inspectione testamenti statim apparet: nam lecto testamento statim apparere potest, filium neque heredem institutum esse, neque exhereditatum: is autem præteritus intelligitur, qui neque institutus, neque exhereditatus est, *Inst. de her. inst.* Proinde testamentum pertinere incipit ad constitutionem Iulianianam, ut dicatur testamentum non apparere prima facie sine ullo vitio. Idem dicendum est, si is, quem constat esse filium defuncti, dicat, testamentum esse inofficiosum, quoniam immerito sit exhereditatus: nam constare potest ex verbis testamenti statim, num sit exhereditatus causa non adscripta, & si adscripta est, num sit una ex quatuordecim, quæ commemorantur in *Auth. ex causa, supr. de liber. præter.* Quod si causa exheredationis adscripta erit, & erit causa legitima, hic locum habebit, quod dicitur in *L. 2. b. t.* non nocere herede

heredi scripto, quominus mittatur in possessionem quamvis filius dicat testamentum esse inofficiosum. Altera ratio est, cur, ubi constat eum, qui se filium dicit, eundemque esse prateritum, aut non iuste exheredatum, non debeat scriptus heres adversus eum mitti in possessionem rerum; quoniam hoc modo heres dolo facit, petens eam possessionem, quam itatim & certo restitutus est. Ac proinde exceptio doli mali merito a filio submoveri potest, *L. dolo, D. de doli mali except.* Nec ad rem pertinet, quod hoc iudicium possessorium est & summarium, in quo

hec exceptio obiciatur scripto heredi: nam generaliter teneandum est, etiam in iudiciis maxime summariis & preparatoriis exceptiones omnes estimari, & removere agentem, si ita evidentes sunt, ut aperte agentem removeant, *d. L. 3. §. ibidem, D. ad exhib.* Talis est autem hæc, cum dicitur, quod scriptus heres, qui fatetur filium esse prateritum, aut immerito exheredatum, petat se mitti in possessionem adversus eum, quem constat iure certo testamento irrito constituto heredem esse, *Auth. ex causa, supr. de lib. præter.*

Ad L. Edicto. 3.

Imp. Iustinianus A. Iuliano præfeto prætorio.

Edicto dñi Hadriani, quod sub occasione vicefime partis hereditatis introductum est, cum multis ambagibus, & difficultatibus, & indiscretis narrationibus penitus quiescente, quia & vicefima hereditatis ex nostra recessit republica: antiquatis nihilominus & aliis omnibus, quæ circa replecionem vel interpretationem eiusdem edicti promulgata sunt: sancimas, ut si quis ex asse vel ex parte institutus, competenti iudici testamentum ostenderit non cancellatum, neque abolutum, neque ex quacunque sue formæ parte vitiatum, sed quod in prima figura sue omni vituperatione appareat, & depositionibus testium legitimi numeri vallatum sit: mittatur quidem in possessionem earum rerum quæ testatoris mortis tempore fuerunt, non autem legitimo modo ab alio detinentur, & eam testificatione publicarum personarum accipiat. Si autem aliquis contradictor extiterit: tunc in iudicio competenti, causæ in possessionem missionis, & subsecutæ contradictionis veniantur: & ei possessio acquiratur, qui potiora ex legitimis modis iura ostenderit: sive qui missus est, sive qui antea detinens contradicendum putavit, nullis angustiis temporum huiusmodi missione coartanda: sed sive tardius, sive præmature aliquis missus est: legis tantummodo arbitrium requiratur & causa, unde vel missio vel contradictio exoritur. Sive enim post annale tempus, sive post maioris ævi curricula aliquis fuerit missus, si tamen ex legitime formato testamento missio procedat, nullum ei temporis obstaculum obiciatur: nisi tantum temporis effluxerit, quod possit vel possessori plenissime securitatem super dominio prestare, vel ipsi qui missus est, omnem intencionem excludere. Si enim vel ex una parte, vel ex utroque latere temporis prolixitas occurrerit manifestissimum est non solum missionem, sed etiam ipsam principalem causam esse sopitam. *Dat. XII. Kal. April. Constantinop. post Consulatus. Lampadii & Orestis. VV. CC.*

S U M M A R I A.

1. Ob vitium testamenti, quod ex inspectione eius apparet, heres a possessione submoveretur.
2. In quarum rerum possessionem mittatur heres ex hac parte iuris.
3. Quid iuris, si res, de quibus agitur, sint vere hereditariae, sed possessor tales esse neget.
4. An in possessionem omnium rerum hereditariarum mittatur heres non

tan-

tantum si sunt res soli, seu immobiles, sed etiam si sunt mobiles.

5. *Adversus quos missio in possessionem constituta sit.*
6. *Pro herede quis possidere dicatur.*
7. *Pro possessore quis.*
8. *Adversus quos heres in rerum possessionem non mittatur.*
9. *Quoties ex duobus aliquid deferatur nisi vel lege, vel testamento, neque intelligitur utri deferatur, neuter admittitur.*
10. *Intra quod tempus heres desiderare*

possit se mitti in possessionem rerum.

11. *Per quem iudicem, seu a quo heres consequi possit missionem in possessionem.*
12. *Heres quomodo mittendus sit in possessionem.*
13. *Missionis in possessionem rerum effectus.*
14. *Petitio hereditatis & missio in possessionem quid differant.*
15. *Missionis remedium quid differat ab interdito quorum bonorum.*

1 SUMMA hæc est: ob 7 vltium testamenti, quod ex inspectione testamenti statim apparet, heredem a possessione submoveri; quod non apparet, non submoveri, nisi adversarius offerat præsentem probationem. Secundo loco videndum est, in quarum rerum 2 possessionem mittatur heres ex hæc parte iuris. Ex expressum est in *dist. L. 3. b. t.* mitti eum in possessionem earum rerum, quæ testatoris tempore mortis fuerunt, quibus verbis duo exigantur. Primum, ut res testatoris fuerint. His verbis intelligimus non tantum eas, quæ in dominio testatoris fuerint, sed etiam, quæ in possessione eius fuerint, sive in bonis eius fuerint, sive periculum earum ad eum pertinuerit: utputa, mittetur heres etiam in possessionem vctigalium prædiorum, ædium, quæ testatoris fuerant: item, in possessionem rerum ab eo bona fide possessarum, item rerum illi pignori obligatarum, & eo nomine possessarum, quoniam hæc omnes sunt in bonis, *L. bonorum, de verb. significat.* Hoc amplius, etiam res testatori commodatæ, aut apud eum depositæ fuerunt, consequetur heres hæc parte, ut mittatur in earum possessionem: nam & hæc ad periculum testatoris pertinnerunt.

Hæc ex eo dicimus: primo, quod omnes hæc res ad ius & possessionem defuncti pertinerunt. Est autem æquius eas res ad heredem defuncti pertinere, quam ad alios detentores, qui nihil iuris habeant. Deinde, quia constât superscriptæ omnes venire in possessionem hereditatis, idest, hereditatem parenti hæc res omnes restitui debere, *L. & non tantum D. de petit. hered.*

Porro facilius ex hac parte iuris consequi debet heres rerum hereditariarum possessionem, quam petitione hereditatis, quoniam hæc pars iuris habet beneficium momentaneum, nempe possessionem & detentionem nudam, quæ possessio in iudi-

cio directo non præiudicat. Postremo etiam præfate retineremus verba Iustiniani, ut heres mitti deberet in possessionem rerum, quæ plane testatoris fuerunt; tamen hoc consequeretur heres, si solum doceret eas res a testatore possessas fuisse. Nam adversarius, qui diceret eum dominum fuisse, id probare deberet & maneret in suo loco possessor, *L. 2. supr. de probat.*

Alterum exigitur, ut res fuerint testatoris tempore mortis eius. Quid ergo si mortuo testatore iacente adhuc hereditate res aliquæ quæsitæ sint, puta per servos hereditarios; item, alluvione aliquid accreverit fundo hereditario; aut usufructus earum, qui alienus erat, finitus est, & ita cum proprietate coniunctus; item, si fructus rerum hereditariarum ab aliquo percipere & collecti sunt: namque hæc omnia acquiruntur hereditati, suntque hereditaria *L. hereditas in multis, de acquir. rer. domin.*

Responsio etiam hæc superioribus verbis continetur, mitteturque heres ex hac parte in earum rerum possessionem: hoc ipso videntur hæc res defuncti, quod sunt hereditatis adhuc iacentis. Nam hereditas non adita defuncti personam sustinet, *L. hereditas, de acquir. rerum domin.* Ita in summa efficitur heredem ex hac parte mitti in possessionem rerum hereditariarum, seu defuncti vere fuerint, cum viveret, seu postea hereditariæ esse cœperint. Quod si res neque defuncti fuerint, neque hereditati sint postea quæsitæ, non mittetur heres in earum rerum possessionem: & merito, quia nihil ad heredem pertinere potest, nisi quod sit hereditatis: nihil autem hereditatis est, nisi quod defunctus habuit, & est definitio hereditatis *L. hereditas, de reg. iur. L. nihil aliud, de verb. significat.* non habuit autem defunctus, nisi tunc habuit, cum defunctus est, idque apertius exprimitur in definitione bonorum possessionis, *L. 3. §. bono.*

§. *bonorum igitur, de bonorum possess.*
 5 Quid si res, de quarum possessione agitur, sint vere hereditariae, sed possessor hereditarias esse neget, & de eo sit controversia? Respon. Heres debet probare esse hereditarias, quoniam non ex hac parte aliter ad rerum possessionem admittitur, quam si res defuncti fuerint. Proinde ad fundam petitionem hereditatis, necesse habet intendere res hereditarias esse, quae a Lucio Titio possidentur, in quarum possessionem ob id se mitti postulat. Id cum intendat, probare debet, secundum regulam iuris, & eo non probante reus absolvendus est, *L. 3. D. de probat. L. qui accusare, supr. de eden.*

4 Sed an si in possessionem omnium rerum hereditariarum mittitur heres, non tantum, si sunt res soli, seu immobiles, sed etiam si sint mobiles. Movet dubitationem, quod proprie dicuntur illi mitti in possessionem, qui ire lubentur in possessionem; imus autem in res immobiles quemadmodum & de his solis deicimur, res autem mobiles manu capimus. Sed usus iuris hic est, ut in verbis legis qui mittitur in possessionem, intelligatur mitti in possessionem rerum omnium, etiam incorporalium, ut declaratur *L. 5. §. qui in posses. & §. sequen. D. ut in posses. legat. vel fideicom. serv. causa esse liceat.*

5 Tertius locus est, si adversus quos sit haec missio in possessionem constituta; & constituta est haec missio adversus possessores rerum, ut significatur illis verbis *L. 3. non autem legitimo modo ab alio detinentur.* Quod si has res nemo possident, an etiam ex hac parte postulari debet a competente indice missio in possessionem? Et quod vulgo exillimant peti posse & debere, hoc est ineptissimum. Nam non ob aliam causam iudex adeundus est, cuius auctoritate possessionem rei occupamus; quam ne vim faciamus, & vi facta possessionem rei amittamus, *L. exstat, D. quod metus causa, L. si quis in tantam. inf. unde vi.* At heres, qui res hereditarias a nullo possessas auctoritate sua occupat, iure occupat & nulli vim facit, nec ad superiores constitutiones pertinet, quae vim facienti constituunt poenam. Proinde in his rebus non est necesse adire magistratum; sed recte res a nullo possessas, ut suas & hereditarias occupabit sine ulla iudice. Quinimo huius rei causa adire iudicem & impetrare ab eo potestatem earum possidendarum, inutile est & ridiculum; quia haec res heredi non magis profunt, quam si a iudice impetrasset. Quisquis vero posses-

sor earum rerum, aut qui se dominum dicet, eas res repetet ab eo herede qui eas occupavit, non obheret repetenti ulla exceptio rei iudicatae. Primo, quia res ante non est iudicata, cum nulla fuerit condemnatio, aut absolutio, *L. 2. de re iudic.* Secundo, quia non est iudicata adversus eum, qui nunc agit. Ei autem, adversus quem res iudicata non est, res iudicata non nocet, *L. sepe, de re iudic.* Possideri igitur res hereditarias oportet, ut adversus possessorem petat heres se mitti in possessionem earum rerum, si petitione & missione aliquid agere volumus.

Mittitur autem heres adversus omnes possessores rerum, quae defuncti fuerint tempore mortis eius, aut postea hereditariae esse coeperint, quocunque tandem titulo eas res possideant. Id colligimus ex illis verbis dictae *L. 3. Non autem legitimo modo ab aliis detinentur &c.* Nam in illis verbis & praecedentibus, illas res, quae fuerunt testatoris tempore mortis, opponit his rebus, quae ab alio detinentur legitimo modo, nempe per adverbativam, *autem*: ex quo colligitur eas res, quae testatoris fuerunt tempore mortis, non legitimo modo detineri, a quocunque tandem detineantur; si modo conset defuncti fuisse, & post mortem eius detineri coepisse, idque non immerito constituitur. Nam qui res, quae defuncti fuerunt tempore mortis eius, postea detinere cepit, necesse est, aut eas res pro herede possideat, aut pro possessore, aut singulari aliquo titulo, veluti pro emptore, pro donato, pro legato. Pro herede titulus non est iustus: nam is si pro herede dicitur possidere, qui non est heres, sed se putat heredem, aut se dicit esse, *L. pro herede, D. de petition. hered.* Et titulum non esse, diserte scriptum est in *L. divina, inf. de praes. longi temporis.* Pro possessore multo minus titulus est. Nam si pro possessore possidet praedo, id est, qui nullam aliam causam suae possessionis reddat, quam quod possidet, *d. L. pro herede, §. ult. & §. seq. de petit. hered.*

Singulares autem tituli, pro emptore, pro donato, &c. etsi sint iusti; tamen si post mortem defuncti nati sunt, incipiunt fieri iniusti. Nam is, qui rem se emisse dicit, pro se rem occupavit sine emptione, & mentitur. Quod si vero ab alio emit; tamen auctor eius eam sine ullo titulo occupavit, quoniam hereditariam & defuncti rem fuisse posuimus, quam nemo sua auctoritate possidere potest, nisi pro herede, aut possessore, qui non sunt iusti tituli, ut dixi. Haec autem vitia etiam suc-

successori in hac possessionis missione uocentur.

Solum igitur relinquitur possessori ad defensionem, ut dicat, se eas res, quas possidet, etiam vivo testatore possedisse & habuisse, neque esse hereditarias; quod cum fit, iam diximus, heredis esse probare eas hereditarias esse: quod non difficile probabit, siue doceat, eas fuisse in possessione defuncti, cum moreretur, seu doceat, eas a defuncto aliquando possedisse. Nam possessione præcedente probata, ex eo existimatur in futurum quoque defunctus possedisse, nisi adversarius probet, eum transiisse in aliam possessionem, *L. si emancipati, supr. de probat.* Id autem si adversarius probare paratus sit, quod dicat, se possessionem translatam esse ex iusta causa, audiendus est, & heredem submovebit ex iisdem verbis *d. L. 3.* Quia scilicet tunc legitimo modo detinet.

Ex possessoribus tamen, qui res, quas defuncti fuerunt, detinent, duo genera hic excipiuntur, adversus quos heres non mittitur in possessionem rerum. Primum genus est eorum, qui post mortem defuncti rem ita possidere cœperunt, ut etiam possessione temporis præscriptionem sibi acquirerent, de quibus dicitur in *vers. penult. & ult. dist. L. 3.* & nos paulo post diceimus plura suo ordine. Secundum genus est eorum possessorum, qui itidem pro se proferunt testamentum non vitiatum, quo & ipsi scripti sint heredes. De hoc genere contradictorum agitur in dicta *L. 3. in §. sui autem.* Loquitur quidem constitutio generaliter de contradictore, nec exprimit, quem contradictorem intelligi potest, sed id ex sequentibus verbis intelligi potest, cum dicit: *Inter heredem & hunc contradictorem, de quo loquitur, cum acquirere possessionem, qui potiora iura & legitimos modos ostendat.* Legitimi modi acquirendæ, vel retinendæ possessionis in hac parte, de qua nunc agitur, sunt testamentum proferre, & proferre nulla sui parte vitiatum. Deinde hæc verba pertinent ad duos, qui eadem iura ostendunt, in quibus tamen aliud sit alio potius. Quisquis contradictor ostendat aliud testamentum integrum, quo sit scriptus heres; adversarius qui desiderat se mitti in bonorum possessionem, prolato alio testamento eiusdem generis, non mittetur in possessionem.

Quid ergo an in totum submovebitur? Minime, sed addit Iustinianus in dicta *L. 3. §. Sin autem controversia inter istos orta, examinari debere causas in pos-*

Tom. IX.

sionem missionis & contradictionis. Causa, cur quis in possessionem mitti debeat, ex hac parte est ea, quam iam diximus, si proferat testamentum & proferat non vitiatum. Eademque causa contradictionis est, ut quis possessionem rerum hereditarum retineat. His causis cognitis, idest, cognitis testamentis istis, quæ ab utraque parte proferuntur, is possessionem acquirat, qui potiora iura ostendat, ut sunt verba constitutionis. Sed quæro, cum ab utraque parte proferatur testamentum, nulla sui parte vitiatum, quomodo dici possit, unum esse altero potius?

Respond. Id ita continget, si ea, quæ in uno scripta sunt, magis convenient personis, locis, temporibus, & testes integrioribus & honestiores habent. Exempli causa in uno testamento heres scriptus est, sed ignotus, aut extraneus scriptus est; aut ea manu, quæ non satis agnoscitur, scriptum est testamentum; eo tempore, quo vehementer testator laborare dicebatur, adhibiti sunt testes, sed ignoti, aut non sunt exploratæ fidei. In altero autem heres institutus proponitur amicus, vel cognatus defuncti; testes, qui subscripserunt, noti, & integræ fidei. Hoc posterius testamentum vincet, argum. *L. ob carmen. §. ult. D. de testib.*

Quid si in utroque testamento omnia paria convenient? Respondeo: Neuter mittitur in possessionem, idque certissima ratione defenditur. Aut enim necesse est, utrumque mitti, aut alterum duntaxat, aut neutrum. Uterque mitti nequit, natura possessionis repugnante, quoniam duo in solidum possidere non possunt, *L. 3. §. ex contrario, de acquir. posses.* Unum tantum in possessionem mitti non decet; quoniam is non plus iuris habere proponitur, quam alter.

Restat igitur, ut neuter admitti debeat; & est generaliter probandum, quoties ¶ 9, ex duobus aliquid defertur uoi vel lege, vel testamento, oque intelligitur utri defertur, neuter admittitur. Ut pura, Titius testamentum tutor datus est, duo sunt Titii, neque intelligitur de utro senserit testator, placet neutrum tutorem fore, *L. 2. D. de testam. tut.* Item, Titio quid legatum est, duo sunt Titii, neque intelligitur, de quo senserit testator. Item legavit testator ei, qui prior montem ascenderit duo pariter ascenderunt, neutri debetur legatum, *L. si fuerit, de reb. dubiis.*

Quarto ¶ loco videndum est, intra quod 10 tempus desiderare possit heres se mitti in possessionem ex hac parte iuris. Iustina-

ff

us

nus cavit in dicta L. 3. *fin. autem*, perpetuo id desiderari posse, non autem intra annum duntaxat. lo qua parte editum Divi Adriani, quod de hac parte erat constitutum, antiquavit Iulianus.

Verisimile est enim eo edicto cautum fuisse, ne post annum admitteretur heres scriptus ad possessionem rerum hereditariarum, nisi vicepsim partem hereditatis fisco solvisset. Iulianus & post annum hanc missionem desiderari posse constituit, & voluit ius vetus de vicepsima hereditatis sublatum, etiam in hac parte manere, unde inscriptio Tituli *de edicto Divi Adriani tollendo*, & quæ sequuntur. Id colligi potest ex initio dictæ L. 3. *hic*, colligitur ex eo, quod Iulianus annale tempus in *versis penult.* commemorat. Sed quando hoc editum fuerit, ad rem nihil pertinet; satis est intelligi, quid de hoc tempore constituit Iulianus. Sed hic est ea exceptio constituta, ut heres desiderare possit perpetuo, se mitti in possessionem bonorum adversus possessores; nisi tamen tempus præterierit, quo aut possessori res usucapita sit, aut sine dominio possit præscriptione temporis actorem submovere. Ergo si possessor post mortem defuncti cepit rem hereditariam possidere ex iusta causa & bona fide, rem mobilem usucepit tricenno, immobilem decem annis inter præsentem, viginti annis inter absentes, L. *unica, in fin. infra, de usucap. transform. L. ult. infra, de præscript. longi temporis*. Hoc tempus si præterit, & ita possessor tutus est, non mittetur heres in possessionem rerum ita usucaptarum. Quo caso dicitur ab utraque parte longiquitas temporis occurrere heredi, d. L. 3. *in fin.* occurrere, idest, submovere heredem. Nam a parte possessoris actor submovetur propter diligentem possessionem possessoris, cui lex favet, cum vult dominio rerum in incerto non esse, L. 1. *de usucap.* A parte item actoris hac usucapio cum submovebit, propter actoris negligentiam, qui rem negligendo videtur alienare voluisse, L. *alienationis, de verb. signific.*

Sine usucapione autem rei præscriptio temporis intentionem heredis submovet, si possessor qualis qualis rem de qua agitur, triginta annis possederit, L. *sicut, infr. de præscript. 30. vel 40. an.* Quo casu in d. L. 3. *in fin.* dicitur longiquitas temporis occurrere heredi ab una parte, nempe a parte ipsius heredis, propter eius negligentiam tam diuturnam, non etiam a parte possessoris, qui hanc præscriptionem habet, etiam si fuerit malæ

fidei possessor. Ideo autem submoveitur heres a possessione, quia etiam his modis causa principalis sopitur, ut est in fine L. 3. ubi principalis causa intelligitur petitio heredis, in qua de iure hereditatis quaeritur. Hæc submoveitur usucapitis rebus hereditariis; quoniam petitio hereditatis non competit adversus eos, qui iusto titulo singulari possident, L. *hereditatis, in fin. supr. de petition. hereditatis*. & præterea rebus non utocaplis submovebitur præscriptione triginta vel quadraginta annorum, ut diximus.

Quinto loco videndum est, per quem iudicem, seu a quo heres consequi debent missionem in possessionem. Et constitutio Iulianus in d. L. 3. *vers. sancimus*, exigit iudicem competentem. Competens iudex in hac causa est, qui & pro potestate sua potest in possessionem mittere, & cuius territorio subiectæ sunt res, de quarum possessione agitur. Solus potest in possessionem mittere, qui non iurisdictionem tantum, sed imperium habet sine iurisdictione; hæc enim res dicitur esse magis imperii, quam iurisdictionis, L. *inbere, de iurisdic.* In hac autem causa est magistratus populi Romani, seu magistratus a principe constitutus, non autem municipalis, idest, magistratus a civitate constitutus. Proinde magistratus municipalis frustra aditur huius missionis impetrandæ causæ, L. *ea, quæ ad municipal.* Non est satis magistratum posse pro iurisdictione sua in possessionem mittere, sed oportet etiam res, de quarum possessione agitur, esse in eius territorio; quoniam ibi quisque mittendus in possessionem, ubi res sunt sitæ, & causæ missionis ibidem transigendæ, L. 1. *supr. ubi de hered. agatur, L. cum unus, §. is qui, D. de reb. auctor. iud. poss.*

Sexto loco docet constitutio, per quemodo heres mittendus sit in possessionem, & ait, id fieri sub testificatione publicarum personarum, d. L. 3. *vers. sancimus, in fin.* His verbis intelligitur, heredem iustum a iudice ire in possessionem, non occupaturum sua auctoritate possessionem vi deiectionis possessoribus, sed induci in possessionem per apparitores magistratus, aut eas personas, quæ sunt in officio magistratus, per quas magistratus suum exequitur decretum, ut sunt iudices, qui dicuntur commissarii, ut sunt scribæ, grapharii, quorum opera utitur interduo magistratus; nam per illos magistratus sententiam exequitur, L. *si pign. de evict.*

Sequitur effectus huius missionis. Est autem hic. Consequitur ex hac parte heres

res possessionem rerum hereditariarum. Diligenter hic videndum est, quid verbo hoc, *hereditarium*, contineatur. Et animadvertendum est, quod non continetur id solum, quod continetur, cum ex aliis partibus iuris quis in possessionem rerum mittitur, ut cum mittitur legatarius in possessionem legatorum hereditarium servandorum causa; cum mittitur creditor in possessionem honorum debitoris, rei servandae causa; & cum missio fit ex similibus causis, de quo comprehensum est *L. quib. ex causis in possess. autur*. Nam in his omnibus nihil amplius consequitur is, qui mittitur in possessionem, quam custodiam & observationem rerum, veteri domino nihilominus in possessione manente, *L. cum legatorum D. quibus ex causis. L. is qui, D. ut in possess. legat.*

At ex hac parte iuris consequitur heres plenam detentionem rerum, eo, qui prius possidebat, possessione cedente: ut solus detineat, qui in possessionem missus est, id quod liquet ex dicta *L. 3. §. si autem*, ubi ex duobus litigatoribus, qui de possessione contendunt ex hac parte iuris, dicitur in totum posse acquiri, nimirum ei, qui postiora iura ostendit. Interim nihil amplius consequitur heres, quam possessionem rerum; non igitur dominium consequitur. Proinde veteri possessori nihil hic praerudicatur, quominus si se heredem esse patet, hereditatem vindicet ab herede scripto, qui in possessionem missus est: aut si se putet dominum rerum, vindicet res singulas: ut fieret, si heredes restituta essent ex interdicto quorum bonorum: ex quo itidem, ut ex hac parte, nihil consequitur heres, nisi possessionem rerum, id probatur in *L. ult. infra, quorum bonor.*

Quid fuit hoc remedio opus? Respond. nihil opus esset, si nullas utilitates haberet, praeter eas, quae superioribus actionibus confluentur, sed suas proprias & singulares commoditates habet, quibus bene & utiliter a superioribus distinguitur, & propter quas tutius & commodius est ad hoc remedium confugere. Differt tamen a petitione hereditatis, quia & probatione facilius, & petitione plenius est. Faciliorem & expeditiorem probationem habet, quia in petitione hereditatis non sufficit heredi testamentum non vitiatum proferre, ut res ei eo iudicio restituatur; sed si quid contra testamentum dicitur, exceptiones sunt admittendae, & de his plene cognoscendum.

Veluti si possessor dicat, se esse filium praeteritum, aut exheredatum contra offi-

Tom. IX.

cium pictatis, de hoc cognoscendum erit, nec prius vindicet heres, quam prouentiatum fuerit, testamentum non esse inofficiosum, *L. Papinian. §. si filius, D. de inoffic. test.* Et generaliter tenendum est in omnibus directis iudiciis, id est, in iis, in quibus de proprietate & pleno iure actoris agitur, iudices oportere rem plena inquisitione cognoscere, sic deinde causa cognita statuere, *L. iudices, sup. de indic.* At in hac missione in possessionem, quae petitur ex hac parte iuris, sufficit testamentum non vitiatum proferre. Neque ideo fit iniuria possessori, quia nihil ei auferitur, nisi possessio momentanea, quam in causa pari aequius est apud eum esse, qui ex testamento mittitur.

Est & remedium huius partis plenus. Nam petitio hereditatis non competit, nisi adversus hos, qui pro herede, aut pro possessore possident, non datur adversus eos, qui pro emprore, aut ex alia iusta causa singulari possident, *L. hereditatis, supra, de petit. heredit.* At hoc remedium dixi competere adversus omnes possessores earum rerum, quae probantur testatoris fuisse, cum is moritur, nisi tamen tantum temporis intercesserit, ut possessori praescriptio acquireretur.

Differt etiam t hoc interdictum ab interdico quorum bonorum: quia plenus est. Nam inter scriptos heredes competit adversus plures & pluribus competit: interdico quorum bonorum non datur omnibus heredibus, seu scriptis, seu legitimis; sed his tantum, quibus ex edicto praetoris bonorum possessio data est, id est, qui apud magistratum bonorum possessionem agnovērunt, *L. 1. D. quorum bonor.* Usque adeo, ut iis, qui bonorum possessionem non agnovērunt, ne utile quidem interdico quorum bonorum competat, ut alias dictum ad *L. infra quorum bonor.* et si verba eius legis vulgo refragari exillimentur. At remedium ex hac parte iuris omnibus scriptis heredibus datur, seu possessionem apud magistratum petierint, seu non petierint, dummodo testamentum non vitiatum iudici ostendatur. Praeterea interdico quorum bonorum similiter, ut petitio hereditatis datur adversus eos tantum qui pro herede, aut possessore possident, *d. L. 1. quorum bonor.* Iam autem dixi hoc remedium constitutum esse adversus omnes rerum hereditarium possessores.

Consulto praeterea titulos duos, scilicet 34. & 35. Prior enim solum lectione diligenti indiget: alter circa aliquas difficultates versatur, quae quia vix raro accidunt, minus sunt difficiles.

F f 2

AD TITU.

AD TITULUM XXXVI.

COD. DE CODICILLIS.

SUMMARIA.

1. *Codicilli quid & unde dicantur & quomodo a testamentis differant, & num. 2.*

3. *Codicillorum vis qua.*

4. *Codicilli ut valeant, ex tribus rebus pendet.*

1. **C**odicilli sunt scriptura, non in hoc instituta, ut testamentum esset, voluntatem minus solemnem continens de eo, quod quis post mortem suam fieri voluit. Scripturam esse constat; non enim aliter, quam scribi codicillos, declaratur in *pr. L. 1. de codicill.* Declaratur etiam significatione verbi latins nota. Nam ut codex non est, nisi scriptus; sic oec codicilli, nisi scripti sunt, seu breves scripturae. Est enim verbum a superiore per diminutionem derivatum, non quod nemo possit voluntatem suam testari sine scripto, imo potest, ut dicitur ad *L. ult. §. infr.* sed ea testatio codicilli non sunt. Scripturam esse volumus de eo, quod quis post mortem suam fieri velit, id quod etiam constat ex *dist. L. 1. de codicill. in princ.* Ex hactenus convenit inter testamentum & codicillos. Sed hoc est proprium est codicillorum, quod continent voluntatem minus solemnem, & ut dicitur in dicta *L. 1. de codicill. in fin.* nullam solemnitatem iuris desiderant, quod quomodo interpretandum sit, suo loco dicemus ad *L. ult. §. ult. h. s.* At testamentum est voluntatis nostrae iusta sententia, *L. 1. D. qui testam. fac. poss.* iusta, idest, legitima, & secundum regulas iuris de testamentis & supremis voluntatibus constitutas. Ea autem res duabus rebus continetur: solemnibus, quae extrinsecus adhibentur, & heredis institutione. Solemnia sunt in testibus, in numero testium, in eorum signis & subscriptionibus, *§. sed cum postulat, Inst. de testam. ordin.* Heredis institutio sita testamentum facit, ut sit caput & fideicommissi & testamenti, *ante heredes, Inst. de legat. L. 1. de*

vulg. L. ult. D. de iur. dot. In quibus haec duo interveniunt, ea testatori sunt testamenta, si quid horum deest, non erit testamentum, sed erunt eodicilli. Sed hoc ita, nisi scriptura instituta sit in hoc, ut testamentum fieret. Nam si quis voluerit testamentum facere, etiam facere opinatus sit, & fecerit codicillos: nec ut testamentum valebit; nec faciet ea scriptura codicillum, quanvis iure codicilli valere possent, si testator voluisset & nominatim hoc expressisset, ut diceret, se velle eam scripturam pro eodicillo valere, *L. 1. D. cod. tit. L. coheredi, §. cum filia, vers. sed ita, D. de vulg.* Ex hoc est, quod in definitione adiecinus, scripturam, non ad hoc institutam, ut esset testamentum.

Codicillorum est vis hoc est: quicquid codicillis relinquatur, id iure debetur, praeterquam si hereditas verbis directis relicta sit, *L. 2. in fin. §. codicillis, Inst. cod.* Sed hoc ita, dummodo codicilli iure valeant. Id est autem pendet ex tribus rebus, ex conditione personae testantis, ex observationibus quibusdam, quae adhiberi debent, ex testamento, ad quod codicilli pertinent. Ex conditione personae, quia non omnes codicillos facere possunt, non magis, quam testamentum, ut furiosus, *L. 4. h. s.* Ex observationibus, quia etiam codicilli sollemnia testamenti non desiderant; tamen desiderant nonnullas observationes, de quibus *L. ult. §. ult. infra.* Ex testamento, ad quod codicilli pertinent; quia enim codicilli pertinent ad testamentum, ideo ius & conditionem testamenti sequuntur, eoque iustificato & codicilli evanescent, de quo in *L. 1. h. s.*

Ad L. Rupto, 1.

Imp. Alexander A. Mocimo & aliis.

Rupto quidem testamento postumi agnitione, codicillos quoque ad testamentum pertinentes non valere, in dubium non venit. Sed cum post raptum testamentum patrem pupillorum vestrorum literas emisisset proponatis, quibus præcedens iudicium confirmavit: prætor nihil contra ius fecit, si novissimam eius voluntatem secutus, relictum testamento reipublicæ fideicommissum, ut ex codicillis relictum, præstandum esse pronuntiavit: PP, III. Kalend. Iul. Maximo III. & Paterno Coss.

S U M M A R I A.

1. Species & questio huius legis explicatur.

2. Codicilli ad testamentum pertinentes testamenti conditionem sequuntur: ad id non pertinentes, per se ipsos censentur, nec ex testamenti viribus pendunt, & nu. 5. & 8.

3. Qui codicilli ad testamentum pertinent.

Codicilli post testamentum facti, quando aperte non confirmati testamento, nihilominus valent, & ad

testamentum pertinent: quod limitatur, ibidem.

4. Ad testamentum pertinere, quid sit.

6. Testamentum iure ruptum codicillis postea factis & recenti testatoris voluntate confirmari nequit.

7. An quod codicillis relictum non est, ex codicillis deberi possit. Item, an quod codicillis nominatim scriptum non est, codicillis relictum dicatur.

9. Codicilli iam facti an agnatione postumi rumpantur.

TESTATOR ꝑ testamentum iure fecit, sed testamento facto; ei filius natus est, quem neque instituerat, neque exheredaverat, idest, uno verbo, quem præterierat testamento; agnitione huius postumi testamentum ruptum fuisse constat, L. 1. & 3. D. de iniuste, rupt. Deinde literas emisit, idest, codicillos, quibus suum iudicium confirmavit, idest, declaravit se rata velle esse omnia, quæ in priori testamento scripta erant, & ita decessit. Postumus ab heredibus legitimis fideicommissum petit: hi erant pupilli, iidemque filii defuncti, qui in potestate tutorum erant. Tutores negant fideicommissum deberi argumento hoc: quod si debeatur, non possit deberi, nisi aut ex testamento, aut ex codicillis postea factis. Non potest deberi ex testamento, quia id ruptum est, neque sola voluntate convalescere potuit: non potest deberi ex codicillis, quia ius est, rupto testamento, simul codicillos non valere. Re apud prætorem agitata, prætor pronuntiavit, fideicommissum deberi. A qua sententia appellatum est ad præfectum prætorio, aut principem. In hac ap-

pellatione consultitur Imperator, num fideicommissum debeatur, & num recte prætor pronuntiavit? Et afferuntur hæ rationes, quas diximus, cur non videatur deberi. Respondet Imperator: recte pronuntiavisse prætorem deberi fideicommissum. Ad ea autem, quæ contra dicebantur, ita Imperator occurrit: fatetur fideicommissum in proposito ex testamento rupto deberi non posse, quia nuda voluntate non potuerit testamentum confirmari, sed deberi ex codicillis: non obitare, quod dicitur, testamento rupto codicillos etiam rumpi, a cuius obiectionis solutione statim oritur. Nam rupto testamento, rumpuntur quidem codicilli, sed codicilli ad testamentum pertinentes. In proposito autem, quia codicilli rupto ante testamento facti sunt, non pertinent ad testamentum ruptum. Proinde ex his, iure constituitur fideicommissum recte deberi.

Hic multa noranda & expendenda sunt. I. Notandum est de iure codicillorum, codicillos ꝑ ad testamentum pertinentes conditionem testamenti sequi, non pertinentes æquæ ad testamentum per se ipsos con-

consilire, neque ex viribus testamenti pendere. Videodum est, qui codicilli ad testamentum pertinent, qui non, & quid sit hoc, pertinere ad testamentum. Ita definiendum est: quosque testamentum iure factum habet, si per id tempus, quo testamentum constituit, codicillos habeat, quocumque tempore codicilli facti sint, ad testamentum pertinent, *L. ab intestato, circa fin. D. cod. ut puta codicilli, quos fecit primo, deinde testamentum iure fecit, ad testamentum pertinent, idque sequuntur, etsi testamento nominatim confirmati non sint, L. 3. § ult. D. cod.* Papinianus adiciebat hanc conditionem, si modo aliquo indicio voluntatis eos testator confirmasset, *L. ante D. cod.* Sed Divi Severus & Antoninus codicillos valere voluerunt, etiamsi nihil aperte de his confirmandis testator ostendisset, dummodo contraria nulla voluntas testatoris ostenderetur, quæ sententia §. 1. *Inst. cod. probata* est: post quam sententiam receptam ita responsum Papiniani in *d. L. ante, &c.* interpretabimur, ut videatur testator codicillos confirmasse novo testamento facto, hoc ipso, quod non aperte repudiavit.

E converso si testator primo testamentum fecit, deinde codicillos, & hi quocumque codicilli, quanvis aperte non confirmati testamento, nihilominus valent, & ad testamentum pertinent, *d. L. ab intestato, D. cod.* Sed hoc posterius ita accipiendum est, dummodo codicilli posterius facti, tunc facti sint, cum testamentum adhuc iure consistat. Quod si tunc facti sint, cum iam testamentum ruptum, aut irritum factum esset, codicilli ad testamentum non pertinebunt, eoque nec conditionem testamenti sequuntur, quæ sententia hoc declarat rescripto. Et merito hi codicilli ad testamentum prius ruptum non pertinent: quoniam ut dicuntur codicilli ad testamentum pertinere, prius est, ut sit aliquod testamentum, ad quod pertineant, idque natura ipsa efficit. Nullum est autem testamentum, quod ante ruptum fuit: intestatus enim definitur is, non tantum qui omnino testamentum non fecit, sed etiam, cuius testamentum, quod prius fecerat, iure rescissum est, *Inst. de hered. que ab intest.* Pertinere igitur ad testamentum est partem testamenti esse, *L. quidam, vers. nimirum, D. cod.* Unde codicilli dicuntur pars esse testamenti, *L. pen. D. quemadmodum testam. aper.*

Quod igitur dicuntur codicilli pars testamenti esse, hanc vim habet, ut intelligatur codicilli ad testamentum pertinentes

legem & conditionem testamenti sequi, ut si testamentum valet, codicilli valeant, si testamentum non valet, nec codicilli valeant, *d. L. ab intestato, d. L. quidam, vers. nimirum, L. 3. § ult. D. cod.* Ex quo per contrarium intelligimus, si qui sunt codicilli ad testamentum non pertinentes, quales sunt hi, qui testamento iam ante rupto scripti sunt, hos per se valere, nec conditionem testamenti sequi, quod exemplo huius loci evidenter confirmatur.

II. Notandum igitur est testamentum iure ruptum codicillis postea factis, & recenti voluntate defuncti non confirmari, quantumvis iusserit rata esse, quæ eo testamento scripta erant. Id aperte colligitur ex hoc rescripto: hic enim dicitur, testamentum ita confirmato, ut supra dictum est, fideicommissum quidem deberi, sed non ex testamento. Et merito dicitur testamentum non confirmari codicillis, aut alia voluntate. Nam testamentum agnatione positum ruptum efficitur iure, seu iure rumpi debet, pactis & voluntatibus privatorum lori publico derogari non potest, *L. quod bonis, ad L. Falcid.* Proinde non potest quod ius ruptum esse iubet, privata voluntate fieri, ut valeat. Non obstat *L. qui ex liberis, §. ult. de bon. pos. sec. tab.* ubi dicitur: si priori testamento facto posterius ruptum sit, illud convalescere, si testator posteriores tabulas ruperit, ut priores valerent. Item dicitur, testamentum capitis diminutione testatoris irritum factum, recenti voluntate testatoris confirmari, si sui iuris factus testamentum valere voluerit. Hæc, ut dixi non obstant. Dicta sunt enim de eo testamento non solum quod testator valere voluit, sed etiam a quo impedimentum remotum erat, quod prius testamento obstabat. In hac autem lege agitur de testamento rupto agnatione postumi, qui adhuc vivebat. Proinde hoc vitio testamenti msnente luri publico privata defuncti voluntate derogari non potest. Et merito hic respondetur, fideicommissum ex testamento hoc non deberi. Non obstant verba rescripti huius, cum dicitur, testator, literis supremam voluntatem confirmasse. Hæc enim verba ad factum testatoris, non ad ius referenda sunt: testator supremam voluntatem suam codicillis confirmavit, id est, verbis, quia id ratum esse iussit; sed iure non confirmavit, quia non potuit. Hic autem de facto quærebatur, quod præciserat, secundum quod imperator respondet.

7 III. Notandum est, quod relictum testamento, ex testamento non valet, id ex codicillis peti posse, quasi relictum codicillis. Et quomodo, quæret aliquis, ex codicillis deberi potest, quod codicillis relictum non fuit? Quomodo autem dici potest codicillis relictum, quod in codicillis nominatim scriptum non est? Respond. Nihil codicillis deberi potest, quod codicillis relictum non est: sed intelligi potest id codicillis relinqui, non tantum, quod codicillis speciatim & nominatim relinquitur, sed quod verbis generalibus, eam speciem, de qua agitur, continentibus relinquitur, quod in ea specie accidit. Nam cum testator voluit in testamento ea valere, quæ scripta erant, voluit etiam ea præstari. Verbo testamenti omnia continentur, quæ sunt in testamento, perinde quasi specialiter expressa essent. Et generaliter definimus nihil interesse, utrum quid testamento, aut codicillis aperte exprimitur, ut videatur ibi relictum; an vero relinquitur per relectionem ad eum locum, ubi id continetur. Exempla sunt in *L. asse toto, de hered. Instit. & in L. Institutio, de cond. Instit.*

Hæc quæstio hodie non est necessaria; quia ex constitutione Iustiniani, ex causa præteritionis, institutiones quidem irritæ sunt, sed cætera testamento relicta debentur, & quidem ex testamento rupto, *Ausubent. ex causa sup. de liber. præterit.* Quod si id sit testamento nullis codicillis confirmato; multo magis idem admittemus, si recenti iudicio testamentum ruptum confirmavit. Sed non ideo hoc rescriptum inutile est; quoniam potest prius testamentum rumpi ex alia causa, quam præteritionis. Denique hoc rescriptum locum habebit in hac specie: Testator testamentum fecit, quo aliquid Reipub. deinde aliud testamentum fecit, quo nihil Reipub. relictum est: constat posteriori

testamento prius ruptum esse. Deinde & post secundum testamentum filius testatori natus est, qui secundo testamento præteritus erat; ita & secundum testamentum agnatione postumi ruptum est. Ad extremum testator codicillos fecit, quibus prius testamentum confirmavit. Si quæraur, utrum fideicommissum Reipub. debeatur, quod priori testamento relictum erat? Necessario ad hoc rescriptum confugiendum est, ut dicamus, fideicommissum ut codicillis relictum, & codicillis iure constitutibus, ex codicillis deberi. Nam ex testamento quanvis confirmato deberi non potest ex constitutione Iustiniani, quia id testamentum ruptum non est ex causa præteritionis; non ideo, quia confirmatum sit recenti voluntate defuncti; quia defunctus posteriores tabulas non incidit, ut priores valereat, quo casu priores confirmare posset, *L. qui ex liberis, §. ult. de bon. poss. secund. tab.* Ita solus locus relinquitur codicillis, de quibus quæretur, an valeant? Respondebimus ex hoc rescripto & hoc amplius fideicommissum ut illis relictum deberi. Interim si sua manet, quod dictum, pertinens ad vim codicillorum; nempe si idem testamentum habeat iure factum, & præterea codicillos, ius codicillorum ex testamento pendere, & rupto testamento rumpi codicillos. At si quis aut nullum testamentum habeat, aut habeat non iure perfectum, codicillos postea factos per seipso constitere, neque ideo rumpi, quia testamentum prius ruptum fuerit agnatione. Sed hoc dictum, cum filius agnatus est defuncto ante codicillos factos. Quid si si codicillis factis filius agnatus sit defuncto, an hoc casu agnatione postumi codicilli rumpentur? Et placet ne hoc quidem modo codicillos rumpi, quauvis certum sit rumpi testamentum agnatione postumi, de quo dicitur oportunius ad *L. 3. infra.*

Ad L. Hereditatem. 2.

Impp. Philippus A. & Philippus C. Afclepiodotæ.

Hereditatem quidem neque dari, neque adimi codicillis posse, manifestum est. Verbis tamen precariis per huiusmodi etiam novissimi iudicii ordinationem iura non faciunt irritas voluntates. Unde inefficaciter se codicillis rogatam esse, ut quibusdam rebus contenta portionem quam testamento fueras consecuta, alius restitueres, falso tibi persuasum est. PP. Idibus Octobr. Peregrino & Emiliano Coss.

S U M M A R I A.

1. *Hereditas codicillis neque dari, neque adimi potest, §. num. 2.*
3. *Codicillis conditio heredi instituto adici nequit.*
4. *Conditio institutioni adiecta codicillis detrahi non potest.*
5. *Regula hereditatem codicillis dari non posse, quatenus valeat.*
6. *Hereditas quando directis, quando precariis verbis dari intelligitur.*
7. *Fideicommissum aut recte codicillis ab intestato relinqui possit, ita ut ab herede legitimo praestetur.*
8. *Si hereditas directo codicillis relicta sit, an sit plane inutilis institutio.*

Testator mulierem quandam testamentum ex parte heredem instituit; & codicillis postea factis, mulierem rogavit, ut quibusdam rebus contenta, portionem hereditatis restitueret Titio. Titius petit ab ea fideicommissum: mulier negat deberi quod inutiliter codicillis relicto: & uritur hac ratione, quia hereditas codicillis dari non possit, quæ regula est iuris. Ea consulti Imperatorem. Respondet, ordiens a dissolutione dubitationis: hereditas, ait, neque dari codicillis, neque adimi potest, sed ita, si directo hereditas detur. Cæterum per codicillum fideicommissum relinqui potest. Id cum in proposito factum sit: respondet errare mulierem, quæ putabat, fideicommissum non deberi. Ius autem hac de re constitutum expendendum est.

Ergo regula iuris est, hereditatem ꝑ codicillis neque dari, neque adimi posse, ut *§. h. i. in §. codicillis, Inst. b. i.* Observandum est autem, regulam natam esse a veteribus Iureconsultis, ut significat Papinianus in *L. quod per manus, D. cod.* Unde merito dubitatum est, quam recte fuerit ab illis constituta. Nam prima facie videri potest iori de codicillis constituto adversari. Ut enim intelligimus ex *princ. de codicillis, Inst. codicillorum* ius simpliciter admissum est, ut valerent, neque distinguitur, quid codicillis relin-

quatur. Cur igitur Interpretes iuris hereditatem exceperunt? Et ut intelligeretur id recte factum esse, sedulo ratio reddita est, cur hereditas codicillis dari non possit, de qua ratione commodius dicitur in *L. si idem, infra*. Ut autem placuit hereditatem codicillis dari non posse; ita consequens fuit, placere ꝑ hereditatem codicillis adimi non posse; quia qui quibus institutis, aut substitutis hereditatem adimit, is hereditatem vel sequentibus, vel institutis, vel legitimis dare intelligitur, quod prius prohibebatur. Est & hæc ratio, cur hereditas codicillis adimi non possit; quia eius est nolle, qui potest & velle, *L. eius, de reg. iur.* Cui regulæ conveniens est, ut qui non potest nolle in codicillis hereditatem dare, non possit etiam velle in iis dare. Eadem regula admixta consequens fuit, ut placeret codicillis ꝑ conditionem heredi instituto adici non posse, quod fieri non posse traditur in *d. §. codicillis, Inst. cod. L. divi. D. cod.* Ideo autem hoc consequens, quia qui conditionem institutioni adiecit, is in defectum conditionis hereditatem adimere intelligitur.

Exempli gratia: testator testamento heredem instituit Titium pure: deinde codicillis ita cavuit: *volo Titium ita mihi heredem esse, si navis ex Asia, &c.* Dicimus conditionem inutiliter adiectam, & quam-

& quanvis navis ex Asia non venerit, nihilominus Titium heredem futurum; quia qui instituit heredem Titium, si navis ex Asia, &c. intelligitur ei adimere hereditatem, si navis ex Asia non venerit. Porro codicillis hereditas adimi non potest. Hæc ratio reddita est in hæc specie, *L. pen. §. ult. D. de cond. Inst.* Qua ratione autem conditio institutioni in codicillis adici non potest; eadem ratione probandum est, nec si conditionem institutioni detrahi posse codicillis. Nam etsi de hac parte nihil nominatim scriptum; tamen qui institutioni conditionem detrahit, is in defectu conditionis hereditatem dat, quod multo minus codicillis facere permittitur est. Ut puta testator testamentum Titium heredem instituit, si navis ex Asia venerit; deinde codicillis eum purè heredem esse iussit. Dicimus, si navis ex Asia non venerit, eum heredem non futurum; quia sub conditione sit institutus: nec ad rem pertinere, quod conditio codicillis detracta est; quoniam hereditas codicillis dari non potest. Sed quod si dicitur hereditatem codicillis dari non posse, ita temperandum est, si directis verbis hereditas datur. Cæterum verbis precariis, seu per fideicommissum, utiliter hereditas codicillis relinquatur, quod constituitur hoc scripto, *U. in §. codicillis, Inst. eod.* Directis verbis si hereditas dari intelligitur, cum ita datur ut hereditas capiat, recte ex testamento defuncti, seu a defuncto, non autem interveniente persona heredis. Quod contra fit, ubi precariis verbis relinquatur hereditas, tum enim rogatur heres vel testamentarius, vel legimus, ut hereditatem restituat ei, cui defunctus restitutam vult, ut sic hereditas ab herede recte capiat, non a defuncto, cuius generis relictum dicitur fideicommissum, quia committitur fidei heredis, ut restituat. Dicitur relinqui verbis precariis, quia testator precatur & rogat heredem, ut restituat. Hæc indicantur in *§. pen. & ult. Inst. de sing. reb. per fideicom. relictis*. Et constat fideicommissum recte relinqui codicillis ab herede, quem testator testamento scripsit. Quam species fuit huius scripti. Dubitatum si etiam est, an relinqui possit fideicommissum ab intestato, ut sic fideicommissum præstaretur ab herede legitimo. Dubitatio nata est ex regula iuris, ex qua efficitur: qui nihil datum est a defuncto, ab eo nihil relinqui posse, *L. ab eo, inf. de fideicom. L. 6. in pr. de legat. 3.* Secundum quam regulam recte admittitur fideicommissum relinqui ab herede scripto,

Tom. IX.

utpote cui restator prius hereditatem dederit. Sed eadem regula effici videtur, ne possit fideicommissum relinqui codicillis ab intestato, quoniam hoc præstari non potest, nisi ab herede legitimo. Iis autem testator non dat hereditatem, sed lex: ut dicitur, hereditatem intestati lege obvenire, quia lege sola obvenit, *L. lege obvenire, de verb. sign.* Unde & heredes ab intestato succedentes dicuntur legitimi heredes. Et adversus hanc dubitationem munimur alia regula, qua traditur, fideicommissum codicillis etiam ab intestato recte relinqui, *§. 1. Inst. eod.* & quodcumque ab intestato relictum erit, id præstabitur ab omnibus legitimis heredibus, etsi post codicillos nati sint, *L. 3. L. ab intestato, D. eod.* Neque id adversatur superiori regulæ, sed magis ea regula confirmatur. Nam & heredibus legitimis intelligitur testator hereditatem dare hoc ipso, quod hereditatem ad eos pervenire patitur, cum esset in eis potestate hereditatem his adimere alios heredes instituendo. Ratio reddita est in *L. 1. §. sciendum, de legat. 3.* Quid si autem si hereditas directis verbis codicillis relictæ sit? Puta, aliquis codicillo heres institutus est, aut substitutus, an plane inutilis erit institutio & substitutio? Placet inutilem esse institutionem & substitutionem; sed tamen hereditatem ex fideicommissum peti posse, *L. 2. §. ult. D. eod.* Et quid inreret, dicat aliquis, utrum quis dicat directe relictum non valere, aut valere, si iure fideicommissi valet? Respond. Differentia exposita est in dicta *L. 2. in fin.* Nam directa hereditas si relinquatur, & relictum valet, tota hereditas capitur ab herede: ubi autem relinquatur per fideicommissum, non capitur tota hereditas a fideicommissario, sed detrahatur prius quarta ex lege Falcidia, seu Senatusconsulto Trebelliano. Etque hæc species *L. Scævola, D. ad Trebell.* Quod tamen sic accipiendum est, si testator codicillis, quibus hereditas directæ data est, voluit nominatim pro codicillis valere. Cæterum si testamentum facere instituit, & se facere opinatus est, fideicommissum non debetur, quocumque modo hereditas data sit, sive directæ, sive per fideicommissum; quia neque ea scriptura, in qua hereditas data est, ut testamentum valet, quia iure perfectæ non est; neque ut codicillis, quia testator codicillis facere noluit, *L. illud. §. 1. D. eod. L. coheredi, §. cum filia, vers. qua ita de vulg. & pupill.*

Quod si hereditas directis verbis utiliter codicillis data, tamen iure fideicom-

G g

missi

missi defenditur, multo magis iusto testamento directis verbis inutiliter data, eodem iure defendetur. Nam si conferantur inter se scripturae, testamentum multo plenior est & solemnior scriptura, quam codicilli. Si conferatur inter se voluntas defuncti in eadem scriptura, eadem est voluntas defuncti volentis aliquid fieri post mortem suam, quamquam in testamentis haec voluntas est plenior. Proinde si quis substituerit filio heredem post quatuordecim annos, & si substitutio tanquam sub-

stituto valere non potest, *L. verbis, L. in pupillari, de vulg.* tamen recte eximitur vulgo heredem defuncti fideicommissio teneri substitutio, uti teneretur, si codicillis substitutio facta esset, ut est in *L. Scaevola, ad Trebell.* Non enim substitutio codicillis facta iure fideicommissi defenditur, quia codicillis facta; sed quia codicilli valuerunt. Ergo multo magis idem in testamento dicendum est, si testator voluit.

Ad L. Cum proponatis. 3.

Impp. Dioclet. & Maximian. AA. Hyacintho & aliis,

Cum proponatis pupillorum vestrorum matrem diversis temporibus ac diversis voluntatibus duos codicillos ordinasse: in dubium non venit id, quod prioris codicillo inscripserat, per eum in quem postea secreta voluntatis suae contulerat, si a prioris tenore discrepat, & contrariam voluntatem continet, revocatum esse. PP. VI. Idib. Septemb. ipsi IV. & III. AA. Coss.

S U M M A R I A.

1. *Codicillis pluribus factis diversam voluntatem continentibus uter valeat?*
2. *Codicilli, an iis modis, quibus testamenta, rumpantur.*
3. *Cur ut testamentum prius rumpitur posteriori, non item eodem modo rumpantur codicilli.*
4. *Codicillus cur non rumpatur agnatione postumi.*

Si quis plures † codicillos fecit, contrariam voluntatem continentes, non potest plus una scriptura valere. Sed utri codicilli valent? Hic scriptum est, per posteriores prioribus derogatum esse; quo significatur solum posteriores valere, idque respondetur ex regula iuris cerri, in legatis & fideicommissis novissimam voluntatem spectari, *L. 12. §. ult. de legat. 1. L. quod traditum, de cond. & demonst.* Quid si diversi tantum erunt, non contrarii? Colligitur ex hoc loco omnes valere, quod etiam verum est. Idque est, quod aliis locis traditur, posse unumquemque plures codicillos facere utiliter, ut omnes consistent, *§. ult. Inst. cod. L. divi, §. codicilli, D. cod.* In quo singulare ius notandum est & proprium codicillorum. Nam in testamentis hoc ius est, ut si quis prius testamento facto, deinde aliud testamentum faciat, posteriori testamento prius rumpatur, *§. 1. Inst. quib. mod. test. infr.* Sed hic consistendum non est, sed gene-

raliter ita definiendum, codicillos iure consistentes nunquam rumpi ullo modo ex iis, quibus testamenta rumpuntur, sed sola aperta contraria voluntate, aut consequenti, hoc modo: si codicillus ad testamentum pertineat, & testamentum rumpit sit.

Testamentum † rumpitur duobus modis, posteriori testamento rite facto, & agnatione postumi sui heredis, qui testamento praeeritus erat, *sit. Inst. quib. mod. test. infr.* Codicilli priores aliis codicillis postea factis non rumpuntur, omnes pariter valent, ut dictum. Sed et si codicillis factis suis heres agnascatur defuncto, cum nullam eius heredis mentionem fecerit in codicillis: codicilli non ideo evanescunt, sed relictum debetur ab omnibus heredibus legitimis, etiam ab ipso filio, qui postea natus est, si heres patri exstiterat, *L. 3. ab intestato, D. cod.*

Hoc tamen ita, nisi testator codicillis specialiter unum aliquem ex heredibus rogave-

gaverit, ut aliquid præstaret, quo casu is solus heres tenebitur fideicommissio, & tenebitur tantum pro parte, si id, quod relictum est, recipiat: si autem non recipiat, nullo modo tenebitur, *hoc in L. pen. D. eod.* Solum, ut dixi, contraria voluntate testatoris codicilli tolluntur; quemadmodum & testatoris voluntate consiliebant, ut hic cavetur. Et hoc principaliter; nam per consequentiam hoc evenit in codicillis, ut si codicilli ad testamentum pertinent, postea rupto testamento, etiam codicilli, qui pars erant testamenti, rumpantur, de quo dictum est ad L. 1. *supr.*

3 Sed cur ¶ quemadmodum posteriore testamento prius rumpitur; ita posterioribus codicillis non rumpuntur priores? Movet quæstionem, quod par ratio in utroque videtur esse. Ut enim duorum testamentorum par vis est; sic duorum codicillorum vis eadem, in quibus autem eadem ratio est, in his idem ius statui debet, *L. illud, D. ad L. Aquil.* Proinde si posteriore testamento rumpitur prius, quod eandem vim habet; par est, & posterioribus codicillis priores rumpi, qui eandem vim habent. Respondeo: Si propter testamentum posterius rumpetur prius, esset eadem ratio in scriptura testamenti posterioris, & scriptura posteriorum codicillorum. Nunc autem posteriori testamento non rumpitur prius propter posterius testamentum, seu propter scripturam posterioris testamenti; sed quia posteriori testamento declaratur prius testamentum esse imperfectum; sic autem ius est, ut si quid testamento desit ad heredum institutionem, de quibus testator cogitavit, testamentum sit imperfectum, & hoc ipso inutile, *L. si is qui testam. qui testam. fac. pos.*

Hæc ratio cessat in codicillis; nam posterioribus quidem codicillis declaratur aliquid desisse prioribus ad voluntatem defuncti, sed non ideo priores codicilli in-

firmantur. Nam codicilli natura sua sunt voluntas imperfecta; imo nunquam plenam voluntatem continent. Non est enim plena voluntas, nisi quis consilieverit sibi heredem, id est, universi iuris sui successorem. At codicilli id fieri non possunt, *L. 1. sup.* Proinde non ideo priores codicilli inhiuantur, etsi sint imperfecti.

4 Rursum quæro, cur ¶ testamentum iure factum & solemniter, agnatione postumi rumpitur: codicillus autem eadem agnatione non rumpitur? Cum plus sit rumpere testamentum, utpote scripturam iustam & solemnem, quam rumpere codicillos, scripturam non plenam, & regula iuris facit, ut non debeat, ei, cui quod plus est licet, quod minus est non licere, *L. non debet, de reg. iur.* Quare cui licet rumpere testamentum, licet etiam codicillos rumpere multo magis. Respondeo: Ex hic diversa ratio est: testamenti & codicillorum. Differentia autem hæc est: Agnatione postumi præteriti rumpitur testamentum, non propter agnationem solam, sed quia herede alio instituto in testamento hereditas postumo aufertur. Huic autem hereditas auferri non potest, nisi exheredatione iuste facta; quoniam heres est vivo patre filius *L. in suis, D. de lib. & postum.*

At codicillis, qui agnationem postumi antecedunt, non aufertur hereditas postumo postea nato, sed magis ei confirmatur. Nam quæ relinquuntur codicillis, ea relinquuntur a legitimis heredibus; proinde testator simul vult legitimis suis hæredes sibi heredes permansere. Quare cum codicillis hereditas non aufertur, cessat ratio, propter quam præteritione rumpi debeant. Hoc amplius cum testamento præteritur postumus, qui postea nascitur, culpa testatoris est, qui potuit eum instituere. In codicillis si filius heres non instituitur, nulla culpa patris est; quia codicillis hereditas dari non potest, ut quasi hereditas confirmetur.

Ad L. Non idcirco, 4.

Imp. Dioclet. & Maxim. AA. & CC. Stratonico.

Non idcirco minus, quod intestato te absente codicillos mater tua fecit: hi, quibus precariis verbis adscripta sunt, relicta capimus. Sine die & consule.

S U M M A R I U M.

1. *Voluntas sola testatoris testamentum facit.*

Si quod quisque legavit de re, ita ius est, ut cautum est lege duodecim tabul. *L. verbis, D. de verb. sign.* consequens est, ut quicquid erit testamento, aut codicillis, aut omni scriptura de suprema voluntate cautum, id totum pendeat ex defuncti voluntate, non alterius cuiusquam sine heredis, sive legatarii. Unde dictum est, voluntatem † testatoris solam testa-

mentum facere, *L. ex facto. §. rer. D. de her. instit. L. 12. in fin. de L. 1.* Sic fit, ut quicquid relinquitur, id ab invito relinqui possit, si modo is sit, cui testamento dederimus aliquid, *L. sciendum, de legat. 3.* Si invito eo legatum & fideicommissum recte relinquitur, multo magis relinquitur eo ignorante, quod hic cavetur.

Ad L. Ne codicillos, 5.

Imp. Dioclet. & Maxim. AA. & CC. Flavii.

Ne codicillos quidem furem posse facere, certissimi iuris est. Si igitur scriptura velut codicillorum patris tui sui prolata, ut aliquid ex hoc peti possit: adseverationi tuae, mentis eum competentem fuisse negantis, fidem adesse probari convenit. Datum VI. Kalend. Decembr. Divelli CC. Coss.

S U M M A R I A.

1. *Furius an possit codicillos facere & qui non.*
2. *In dubio utrum defunctus fuerit sana*

mentis, ut ne, cui incumbat onus probandi, petatur ex codicillis, an heredi.

Quod placet furiosum † codicillos facere non posse, mirum non est; nam furiosus nihil natura agere potest, in quo animi iudicio sit opus, *L. 2. §. pen. D. de b. r.* Sed hic consistendum non est, cum quaeritur, qui codicillos facere non possint; verum generaliter definitur, neminem codicillos facere posse, qui testamentum facere non potest, *L. divi, §. pen. L. consuecuntur, §. 1. D. eod.* Si quis igitur civis Romanus non sit, puta sit peregrinus, deportatus; sive quis iu-

dicio praeditus non est, ut furiosus, prodigus, mente capius, pupillus: sive quis fari & scribere non possit, ut mutus & surdus; sive quis in bonis iure nihil habet, ut filiusfamilias & servus; sive quis iustus est esse instabilis, ut qui ob crimen famosum damnatus est, is codicillos facere non potest, quia nec potest testamentum facere; de quibus generibus dictum est suo loco, scilicet titulo, *qui testam. fac. poss.* Huc pertinet Titulus *Institutionum, quib. non est permisso fac. testam.* Hic

Hic notandum est, si qui aliquid petit ex codicillis, cui obicitur, defunctum furiosum fuisse, si contendat fuisse defunctum sanæ mentis, tum id probare non debere, sed heredem, qui sanæ mentis fuisse negat. Hoc prima ratione videtur repugnare regulis iuris de probationibus quarum prima est: ei qui dicit, incumbere probationem, non ei, qui negat, *L. 2. de probat.* Altera certior, semper actorem in eo, quod intendit, probare debere, non reum, qui negat, *L. verius, D. de probat. L. actor, supra, de probation.* Atqui in specie proposita qui ex eo petit, actor est, heres unde petit, reus est. Sed nihil hic dicitur superioribus regulis contrarium. Volumus enim etiam actorem probare debere defunctum fuisse compo-

tem mentis, sed satis probat talem fuisse, hoc ipso, quod probat, aliquando eum fuisse mentis compotem; probat autem id natura ipsa, nam tunc saltem, cum natus est, non fuit furiosus, non insanus. Ex qua necessitate consequentia sequitur semper illum talem fuisse deinceps, nisi abalienata mente esse coepit, aut coeperit furere. Hoc autem actor nunquam dicit; quia contra se diceret. Id igitur reus si dicit, probare debet iam secundum superiores regulas; primo, quia dicit; deinde, quia in eo exceptione utitur: semper reus in exceptione actor est, quia in exceptione dicit & affirmat, quod necesse sit ad defensionem suam, *L. in exceptionibus, de probat.* Huc recto refertur *L. siue possidetis, supr. de probat.*

Ad L. Sive, 6.

Impp. Dioclet. & Maximian. AA. & CC. Demosteni.

Sive initio, quæ fuerat codicillis relicta, generatim, sive novissime relicta servari mandaverit: confirmatione munitus, nullam instam gerere sollicitudinem potes. Dat. III. Idus Decemb. Nicomedia CC. Coss.

S U M M A R I U M.

1. Codicilli quomodo testamento confirmantur in præteritum & in futurum.

Quod codicillis testamento confirmatis relictum est, excepta hereditate, citra controversiam debetur. Confirmantur autem si testamento codicilli, aut in futurum, aut in præteritum. In futurum, cum quis testamento prius facto, mandat ea servari, quæ postea codicillis relicta sunt. In præteritum, cum prius facto codicillo, postea testamentum facit, quo indicat ea, quæ novissime reliquit, idest, novissime scripta, sive postrema codicillorum verba servari, quæ verba sunt huius legis; congruit *L. confirmantur, in pr. D. de t.* Quid si testamento codicilli nominatim confirmati non sint? Placeat ni-

hilominus valere, tanquam ad testamentum pertinentes, sive prius facti sint, sive posterius, *L. 3. §. ult. L. ab intestato, D. cod.* Quid igitur hic opus fuit adducere de codicillis testamento confirmatis? Resp. Apparet de codicillis testamento confirmatis responsum esse hoc rescripto, quia de illis consulabatur. Respondens autem per amplificationem ad hanc sententiam; codicilli etiam nominatim in testamento non confirmati per se valent. Proinde si testamentum confirmati sint; sine causa dubitabis, an illi valeant, & an illis relictum debeatur.

Ad L. penult. 7.

Imp. Constantinus A. ad Maximum, PP.

Si idem codicillis, quod testamenta possent: cur diverso bis instrumentis vocabulum mandaretur, quæ vis ac potestas una sociasset? Igitur specialiter codicillis instituendi ac substituendi potestas iuris auctoritate data non est. Dat. III. lun. Pacatiano & Hilariano Coss.

S U M M A R I U M.

1. *Hereditatem codicillis dari non pos-*

se. Ratio ibid.

1. **D**ixi ad *L. 2. sup.* hereditatem ꝑ codicillis dari non posse, idest, codicillis heredem neque institui, neque substitui posse, ut hic apertius declaratur *in fin.* Quæsitum est, cur id veteres prudentes exceperint, cum ab inventoribus codicillorum codices admissi sint indistincte & sine ulla exceptione? Huius rei duas rationes redditæ legimus, quatum una est hic, altera est in *L. quod per manus, D. eod.* Prior hæc est; quia si codicillis licet heredem institueret, codicilli erunt testamentum, sive idem erant codicilli & testamentum, idem utriusque scriptoræ ius: nam heredis institutio non tantum est caput & fundamentum testamenti; ut est in *§. ante heredis, de legat.* sed & totum testamentum continet, atque constituit, *L. 1. §. qui neque, de hered. Inst.* At semper obtinuit, codicillos non esse testamentum, & constat ita codicillos esse inventos, ut tamen diversi essent a testamento. Id probatur in hoc loco. Probatur autem ex eo, quod diversa nomina utrique rei & scriptoræ sunt imposita. Ne quis hoc argumentum repudiet, optimum est in his scriptoribus, qui prudenter & considerate loqui volunt, ut res quaslibet

apte expriment. Nam ut est bene scriptum in *§. est & alius, vers. sed pleniss. Inst. de donat.* nomina rebus imposita debent esse rebus convenientia: id quod observatur, cum ab omnibus sanis scriptoribus, tum præcipue ab auctoribus & constitutoribus iuris. Quibus positis: consequens est, si codicillos volumus esse aliud, quam testamentum, in codicillis hereditatem dari non posse.

Alter ratio est itidem ab absurdo. Nam cum quis testamentum fecit, & præterea codicillos, convenit inter omnes, codicillos testamento confirmari. Quinimo prima origo codicillorum confirmatorum nata est ex his codicillis, qui testamento confirmati proponebantur, ut refertur in *Inst. in pr. eod. tit.* Quod si dixerimus codicillis heredem institui posse, eveniet contrario modo, non ut codicilli confirmentur testamento, sed ut testamentum confirmetur codicillis, quod est absurdum. Nam semper tenendum est, heredis institutionem confirmare testamentum; quia, testamentum ex ea vires capiat. Hæc sententia est Papin. in *d. L. quod per manus, D. eod.*

Ad L.

Ad L. ult. Si quis agere,

Imp. Theodosius A. Asclepiodoto PP,

Si quis agere ex testamento quolibet modo, sive scripto, sive sine scriptura confecto, de hereditate voluerit: ad fideicommissi persecutionem adspirare cupiens, minime permittatur. Tantum enim abest ut aditum cuiquam pro suo migrandi desiderio concedamus: ut etiam illud sanciamus, si testator faciens testamentum, in eodem pro codicillis etiam id valere complexus sit: qui hereditatem petiit, ab ipsis intentionis exordius, utrum velit, eligendi habeat potestatem, sciens se unius electione alterius sibi aditum praeluisse: ita ut sive bonorum possessionem secundum tabulas, sive secundum nuncupationem, ceterasque similes postulaverit, aut certe mitti se in possessionem ex more petierit: statim inter ipsa huius iuris auspicia propositum suae intentionis explanet. Illud quoque pari ratione servandum est, ut testator qui decrevit facere testamentum, si id adimplere nequiverit, intestato videatur esse defunctus, nec transducere liceat ad fideicommissi interpretationem, velut ex codicillis ultimam voluntatem: nisi id ille complexus sit, ut vim etiam codicillorum scriptura debeat obtinere: illo electionis videlicet iure perdurante, ut qui ex testamento agere voluerit, ad fideicommissum migrare non possit. Si quis vero ex parentibus utriusque sexus, ac liberis usque ad quartum gradum agnationis vinculis alligatus, vel cognitionis nexu constrictus usque ad tertium, scriptus heres fuerit, vel nuncupatus, in eo videlicet testamento, quod testator vicem quoque codicillorum voluit obtinere: licet ei, si de hereditate ex testamento secundum mortui voluntatem agens fuerit superatus, vel certe ipse sponte voluerit, ad fideicommissi subsidium convolare. Non enim par eademque ratio videtur, amittere debita, & lucra non capere. In omni autem ultima voluntate, excepto testamento, quinque testes vel rogati, vel qui fortuito venerint, in uno eodemque tempore debent adhiberi: sive in scriptis sive sine scriptis voluntas conficiatur: testibus videlicet, quando in scriptis voluntas componitur subnotationem suam accommodantibus, Dat. XV. Kalen. Mart. Constantinop. Victore V. C. Coss.

S U M M A R I A.

1. Scriptura quando pro testamento valeat, & quando pro codicillis.
2. Heres scriptus quando ex scriptura hereditatem consequi possit.
3. Heres ex scriptura institutus an hereditatem ex ea petere possit san-

quam ex codicillis. Et quid in fideicommissis.

4. Persecutionis fideicommissi omisso adversus quem constituitur, & ob quod factum heredis.

Agitur hic de ea scriptura, quam defunctus pro testamento instituit, in qua scripsit heredem L. Titium, sed ea scriptura, quae proponatur non valuisse tanquam testamentum; eiusmodi tamen, quam si defunctus valere vellet pro codicillis, eatenus valere possit. Instituisse ali-

quem eam scripturam, de qua quaeritur, ut testamentum fieret, aut ex verbis defuncti intelligitur, aut si verba nulla sunt, quibus id probetur, satis id arguitur ex eo, quod in ea scriptura heredem scripsit, L. illud, §. 1. D. cod.

Hac

- ¹ Hæc ¶ scriptura pro testamento non valet, si quid ex solemnibus testamenti desit, puta si desit vel unus testis, aut non omnes sint idonei testes, si desit alicuius subscriptio, aut obsequatio, *L. si unus, sup. de testam.* Eadem scriptura pro codicillis valere potest, si proponas in ea testes adhibitos fuisse, iuxta ea, quæ scripta sunt in *b. L. in fin.* De hac scriptura ita ius est: Convenit inter omnes, heredem scriptum ex ea scriptura hereditatem petere non posse: non enim potest tanquam ex testamento; quoniam fingimus scripturam pro testamento non valere: non potest petere tanquam ex codicillis, etiam si quis concellerit, eam scripturam pro codicillis valere posse; quoniam certum est codicillis hereditatem dari non posse, *L. pen. & L. 2. sup.* Sed quævis ¶ heres scriptus hereditatem ex ea scriptura consequi non possit, ut quasi hereditas confirmetur, tamen ex fideicommissio hereditas peti potest, si quis eam scripturam pro codicillis haberi concesserit.

- ³ Hinc quaeritur, an ¶ heres eiusmodi scriptura institutus hereditatem ex ea scriptura possit petere, tanquam ex codicillis. Eadem quaestio est, si quis nuncupato testamento institutus sit heres, & testamentum perfectum non sit, an nihilominus pro codicillis valere potuerit, si testator vellet. In qua specie etiam idem ius constituitur *b. L.* quod constituitur de superiori, videlicet ut quod de una specie dixi, id intelligendum sit & de altera. Sic ergo de priori quaestione constituitur hoc loco: quoties ea scriptura, quæ pro testamento parabat, iure non perficitur, ita ut pro testamento non valeat, institutus ea scriptura heres nunquam ex ea hereditatem petere, aut consequi ut hereditatem possit. Sed si scriptura pro codicillis valere potuit, si testator vellet, heres institutus fideicommissum potest petere a legitimis heredibus, ut *est in d. L. 2. §. ult. D. eod.* Sed ita si duo concurrant, nimirum, si testator nominatim caverit, se velle, ut ea scriptura quovis iure valeret, vel quod idem est, ut ea scriptura etiam pro codicillis valeret; & præterea si scriptus heres prius ex ea scriptura tanquam ex testamento hereditatem non petierit.

Cæterum duobus etiam temporibus fideicommissi persequutionem ex ea scriptura heres non habebit. Nam alias ab initio fideicommissi persequutionem non habet; alias etiam si habuit, tamen postea facto suo amittit. Fideicommissi persequutionem ex ea scriptura ab initio non habet,

nisi testator expresserit, ut ea scriptura etiam pro codicillis valeret. Nam si expresserit, pro codicillis valet; & tanquam ex codicillis iure factum fideicommissum peti potest. Quod si testator hoc non expresserit, scriptura quæ pro testamento non valet, nec fideicommissum petet. Hæc sententia vetus est, multis locis in *D. expressa, L. 1. D. eod. L. 3. coher. §. cum filie*, vers. *cum ita, de vulg. & nominatim in L. ex ea scriptura, qui test. fac. poss.* Eadem sententia confirmatur in hac *L. vers. illud*, sed ita, ut in hac parte nihil novi iuris constituitur, sed tantum confirmetur. Quod si heres ab initio hoc modo persequutionem fideicommissi habuit, placebat olim eundem etiam petitionem retinere, quanvis hereditatem ex ea scriptura tanquam ex testamento petisset. At hic novum ius constituitur hac lege: placet enim eum, qui ex ea scriptura tanquam ex testamento hereditatem petiit, si simul fideicommissum petere velit, postea ex codicillis non admitti fideicommissi persequutionem quod initio habuit. *L. constituitur usque ad vers. illud.*

Hoc ne quis ita interpretetur, quasi heres, qui hereditatem petiit, non possit ex codicillis fideicommissum petere, si testator nihil nominatim, se velle ut scriptura pro codicillis valeret, adiecit; Theodosius se hoc ius etiam tunc constituere ait, eum testator nominatim complexus est, ut scriptura pro codicillis valeret: ut intelligamus hoc casu nihil prodesse heredi ad fideicommissi persequutionem voluntatem expressam defuncti, non quod voluntas defuncti servanda non sit, quæ præter cæteras omnes servanda est; sed quia heres huic voluntati renuntiare videtur, dum prius hereditatem tanquam ex testamento petiit. Hæc sententia est *vers. in iis verbis tantum enim abest.* Quid si heres initio dum hereditatem petiit, utramque persequutionem proponat, & dicat, se velle hereditatem petere ex testamento, si tanquam testamentum valeat, sin minus, velle se tanquam ex codicillis fideicommissum consequi? Theodosius adiecit, etiam in hac protestatione heredem non esse audiendum, sed deferri ei potestatem eligendi utrum petat, & hoc initio petitionis explanare debere, ita ut intelligatur una via electa, alteram repudiare. Hæc sententia est illorum verborum, *ita ut sive honorum possessionem, & quæ sequuntur.*

Sed hic diligenter videndum est, adversus ¶ quem constituitur hæc amissio persequutionis fideicommissi, & ob quod factum

Atque heredis; nam verba constitutivis in hac parte rem non satis explicant. Loquitur Theodosius initio de eo, qui velut ex testamento de hereditate agere voluit. Quid ergo, an hoc ipso, quod heres ea scriptura institutus voluit & constituit apud se de hereditate agere, tanquam ex testamento, an, inquam, ob id amittere fideicommissi persecutionem, tanquam ex codicillis: Respondeo. Hoc non sic accipiendum est, sed verba sic interpretanda sunt; si quis agere voluerit, & revera egerit, ac petierit hereditatem velut ex testamento, ut voluerit cum effectu, sive voluerit & voluntate facto declaraverit. Id declaratur verbis seqq. *confir.* liquidum; quæ postea diriguntur ad eum tantum, qui hereditatem petit, seu de ea agit. Huc referenda sunt illa verba: *Qui hereditatem petit in ipsi intentionis sue exordis.* Item illa verba, quæ sunt in *vers.* Si quis vero: *licet ei, qui ex voluntate defuncti agens superatus fuerit,* item illa verba: *Cum Theodosius vetat heredem, postquam agere voluit: tanquam ex testamento migrare ad fideicommissi persecutionem.* Quibus verbis nititur statum in *pr.* & in *vers. illud, in fin.* Non migrat autem petitione hereditatis ad persecutionem fideicommissi, nisi is, qui prius petitionem hereditatis instituit, ut sic dicatur ab una petitione ad alteram transire. Ex quibus omnibus locis iam intelligimus, non aliter heredem in specie proposita, neque ob aliud factum fideicommissi persecutionem amittere, quam si hereditatem tanquam ex testamento petierit. Et ideo quanvis prius hereditatem tanquam ex testamento adierit, quanvis etiam bonorum possessionem petierit secundum eas tabulas, atque adeo quanvis petierit, se mitti in bonorum possessionem, si nondum iudicio directo hereditatem petit, seu quod idem est, nisi petitione hereditatis egerit, tanquam ex eo testamento heres: nulla agnitione sua præcedente persecutionem fideicommissi amittit quod minus cognito errore suo & iure scripturæ recte ex ea scriptura tanquam ex codicillis agat & fideicommissum petat.

Non obstant illa verba: *Ita ut siue bonorum posses.* & *quæ seq.* Nam in his verbis Theodosius non constituit ut heres qui bonorum possessionem petit, aut qui se petit in bonorum possessionem mitti, declararet, utrum velit, se admitti tanquam ex testamento, an tanquam ex codicillis; alioqui ita dicendum fuisset, si quis bonorum possessionem postulet, non autem postularaverit. Item, si quis se mitti in bo-

Tom. IX.

notum possessionem petat, non autem petierit. Sed hoc constituit, ut heres explaret & declararet propositum intentionis suæ, idell, utrum velit tanquam hereditatem petere, an tanquam fideicommissum, inter exordia huius iuris, nempe huius petitionis hereditatis, de qua institutus est sermo. Nam petitio & omnis actio ius est persequendi, *tit. de act. in pr.* Et hoc declarat heres & declarare potest, quanvis ante vel hereditatem adierit, vel bonorum possessionem petierit, vel petierit se mitti in possessionem, ita ut hæc omnia præcedentia non obstant heredi postea petenti hereditatem, quo minus declarare possit, ultra persecutione uii velit. Iterum hæc sententia manebit, cum heredem, qui ex proposita scriptura hereditatem petit tanquam ex testamento, hac sola petitione fideicommissi persecutionem amittere, quam instituit postea velit ex eadem scriptura codicillorum.

Hoc loco excipiuntur in hac eadem lege parentes defuncti, usque ad quartum gradum, & cognati defuncti usque ad tertium gradum, qui etsi in supra dicta scriptura heredes instituti sunt, & hereditatem ex ea tanquam ex iusto testamento petierint: possunt nihilominus postea migrare ad petitionem fideicommissi ex eadem scriptura, si pro codicillis valere potuit, & testator, ut valeretur, exprefsit. Et hoc in §. *si quis vero.* Sed videtur hæc constitutio non tantum esse contra manifestam regulam iuris, sed etiam pugnare adversus manifestam æquitatem. Nam primo constat, si quis rem aliquam petierit, non prohiberi alio iudicio aliam rem petere, etiamsi priore iudicio victus sit, adversus eisdem personas *L. cum quaritur, L. cum de eo, L. an eadem, D. de except. rei iudic.* Et certe iniquissimum esset, quod in una re factum esset, in altera nocere, *L. si unus, §. passa, vers. ante omnia, de post.* At in specie proposita duæ res videntur esse, de quibus diversis iudiciis agitur; hereditas, quæ prius petita est, & fideicommissum, quod nunc, tanquam ex codicillis petitur: ut proinde non videatur, quod de hereditate prius actum, in fideicommissi persecutione nocere debere.

Præterea etiamsi eadem res ab ipso petatur; tamen & illud certi iuris est, eum, qui rem ex aliqua causa petit, quanvis eo iudicio victus sit, eandem rem ex alia causa petere. *L. an eadem, §. actiones, de except. rei iud.* At rursum in hac specie duæ causæ sunt, ex quibus hereditas petitur. Nam prius petitur tanquam

H h

cx

ex testamento; deinde, tanquam ex codicillorum & fideicommissi iure. Nec obstat, quod hæ causæ contrariæ sunt, scilicet dicere eandem scripturam testamentum esse, & esse codicillos. Nam etiam illud certo admittitur, eum, qui ex aliqua causa egerit de aliqua re, non prohiberi de eadem re agere ex alia causa, quantumvis priori contraria & repugnante: ut puta petiit quis hereditatem tanquam heres ex testamento, & victus est, quoniam pronuntiatum est testamentum non iustum esse; non prohibetur tamen idem eandem hereditatem petere ab ipso possessore, ex causa intestati, *L. in plurium, L. illud, de acquirend. hereditat.* Item, debitor creditori suo legavit decem, quæ ei mutuo dedit: in hac specie si pecunia ex mutuo debetur, nullum fideicommissum est, & vice versa si fideicommissum est, non est mutuum; quoniam quod vere debetur, inutiliter legatur creditori. *§. ex contrario, Institut. de legat.* Ita fit, ut si creditor dicat, sibi eam pecuniam ex mutuo deberi, & ex ea causa petat, simul vi ipsa dicat, sibi fideicommissum non deberi: & tamen placet, si in hac specie, creditor decem ex causa mutui petierit, & pronuntiatum sit non deberi, quod possit idem eandem pecuniam petere ex causa fideicommissi, quanvis videatur prius de fideicommissio negasse, *L. Aurelius, §. ult. de liber. legat.* Ergo in specie proposita consequens esse videtur, ut qui hereditatem petiit tanquam ex testamento, si pronuntiatum sit, testamentum imperfectum esse, non prohibeatur hereditatem petere tanquam fideicommissi iure: æquissima, ut videtur ratione, quoniam cum prius pronuntiatum esset, scripturam non esse testamentum, simul etiam effectum est, scripturam esse codicillos; quia alterutrum sit necesse est.

Respondeo: nihil verius est & nihil æquius, quam horum utrumque. Eum, qui rem aliquam petiit, & victus est, non prohiberi aliam rem petere. Deinde, eum etiam, qui rem aliquam ex aliqua causa petiit, & victus est, non prohiberi eandem rem ex alia causa petere, quanvis contraria, quoniam priore causa remota posterior constituitur, ut fit in rebus contrariis. Sed adversus has regulas iuris & æquitatis nihil peccatur hac constitutione. Nam quod ad rem petitam attinet, una res petitur, non due. Petitur enim utrobique & ex testamento & codicillis hereditas, & una eademque hereditas defuncti. Nec ad rem pertinet, quod priore iudicio dicitur peti hereditas, posteriori

dicitur peti fideicommissum. Nam his verbis nihil aliud significatur, quam priore iudicio peti hereditatem directo iure, tanquam hereditatem; posteriore autem eandem hereditatem peti iure fideicommissi, & peti non tanquam recta a testatore, sed tanquam ab heredibus restituendam. Interim una eademque utrobique est hereditas defuncti. Quod attinet ad causas agendi, etiam hic una causa est, ex qua hereditas & fideicommissum petitur. Quod vero prius petitur hereditas tanquam ex testamento, deinde petitur fideicommissum tanquam ex codicillis, non sunt hiæ duæ causæ petendi, testamentum & codicilli; sed una est utrobique scriptura, sive una testatio defuncti, quæ modo ab herede dicitur testamentum, modo codicilli. Hoc qui dicit de una scriptura, is quod de altera affirmare, de altera negare videtur, atque eo modo seipsum excludere; quoniam natura non potest eadem scripturam, & codicillos esse & testamentum, *L. pen. sup. h. t.*

Sed ex hac re incidit rursus constitutio in difficultatem. Nam si is, qui scripturam testamentum esse dicit, intelligitur negare, eam scripturam esse codicillum, cur hac constitutione admittuntur parentes & cognati ad fideicommissi persecutionem, si prius hereditatem tanquam ex testamento petierint, cum in quibus causis eadem ratio est, in iis idem loci statui debeat, *L. illud, D. ad L. Agnil.*

Respondeo. Ratio differentia proposita est in *§. si quis vero*. Ex qua colligitur hæc responsio ad obiectionem. Extranei heredes cum ex eadem scriptura petunt fideicommissum tanquam ex codicillis, non petunt nisi iure huius scripturæ, a quo iure prius sua confessione & intentione exclusi sint. Ad parentes & cognati cum ex eadem scriptura tanquam ex codicillis fideicommissum petunt, it ex alia causa petere videntur, quam ex scriptura; quoniam petunt, hereditatem tanquam ab intestato etiam sine codicillis debitam. Supra autem dictum, non prohiberi quenquam ex duabus causis eandem rem petere. Non enim iniquum in hac constitutione, quod extraneus ab initio institutus petitionem cogitur eligere, utrum tanquam hereditatem petat ex testamento, an tanquam fideicommissum ex codicillis. Toties enim plures actiones ab eodem actore adversus eum admittuntur, sub distinctione, quoties facto rei accidit, ut lucertus sit actor, qua actione experiri debeat, & tunc certum est illi unam aliquam competere. Exemplum est in *L. i.*

§. quia

§. quia autem, quor. legat. At in proposito incertitudo actionis ex facto & culpa heredis nascitur. Est enim in eius potestate dispicere testamenti tabulas, & videre, num testamentum perfectum sit, nec ne?

Quid ergo si testamentum proferatur, quod prima facie sine ullo vitio appareat, & in hoc errore heres hereditatem petierit, tanquam ex iusto testamento; deinde in iudicio emerferit aliquod vitium latens, ut quia probatum sit testes non esse eius conditionis, cuius esse debeant, quæ tamen conditio ignorabatur ab herede; an hoc casu dicemus prohiberi heredem errore cognito ad fideicommissi persecutionem transire, tanquam ex codicillis. Respondet: Puto hoc casu huic constitutioni locum non esse, & admittendum esse heredem ad fideicommissi persecutionem, quoniam iustus error facti excusatione dignus est; cum fallat factum etiam prudentissimos, L. 2. de iuris & facti ignor. Deinde, quia quæ postea emergunt novo auxilio indigent. Et probatur hinc sententia aperte in L. de eate, §. ex causa, de interrog. in iud. fac.

Non obstat, quod in hac constitutione generaliter & indistincte sine exceptione prohibetur heres petita hereditate migrare ad fideicommissi persecutionem. Nam sequentia verba ostendunt, de quo herede Imperator sentiat: datur enim sequentibus verbis heredi potestas eligendi, utrum velit. Et præterea dicitur heredem unius iuris electione alterum repudiasse videri. Hæc tantum cadunt in eum heredem, qui scire potuit, scripturam non valere tanquam testamentum. Nam si omnia concurrebant, ut exstimatorer testamentum iustum esse, non potuit heres eligere scripturam pro codicillis, ubi potestas eligendi codicillis ei non deferretur. Sed nec potest dici testamentum repudiari ius codicillorum, ubi ius codicillorum sibi competere ignoravit. Quorum utrumque probatur in L. mater, verfic. ceterum, de inoffic. testam. Unde relinquatur, constitutionem hanc tantum ad istos heredes pertinere, qui potuerunt de scriptura cognoscere, qualis esset, perfecta, an imperfecta, ut in heredibus culpa hic puniatur, non iustus error.

Ad §. ultimum.

In omni autem ultima voluntate, excepto testamento, quinque testes vel rogati, vel qui fortuito venerint, in uno eodemque tenore debent adhiberi: sive in scriptis, sive sine scriptis voluntas consiciatur, testibus videlicet, quando in scriptis voluntas componitur, subnotationem suam accommodantibus, Dat. XV. Cal. Mart. Constantinop. Victor, V. C. Coss.

S U M M A R I A.

1. An extra testamentum plures sint species supremæ voluntatis: & earum nomen quod.
2. Codicillis nominatus testamento confirmatus, an in iis ea, quæ hic præ-

ciuntur, observanda sint: & quid si confirmatus non sit. ibid.

3. Codicillis quæ sint cum testamento communia: & in quibus a testamento discrepent.

Sententia est non obscura, etiam extra testamentum omnem supremam voluntatem valere, dummodo adhibitis iis observationibus, quæ hic præscribuntur. At constitutio omnem voluntatem, quibus verbis significatur extra testamentum plures esse species supremæ voluntatis. Queritur ergo, quæ sint? Id declaratur in hoc loco, cum dicitur, voluntatem valere supremam, sive scriptis, sive sine scriptis consiciatur. Unde rursus intelligitur non tantum in testamento nuncu-

Tom. IX.

pato valere, §. ult. Instit. de test. ordin. L. hac consultissima, §. per nuncupat. sup. de test. Sed etiam extra testamentum, quicquid defunctus de sua voluntate testatus sit, etiam sine scripto, sed id ratum esse iis observatis, quæ hic traduntur. Quomodo igitur supremam voluntatem, quæ sine scripto consicitur, extra testamentum, & quo nomine appellabimus? Initio huius tituli dictum, proprie codicillos dici non posse; sed tamen obtinuit usu posteriorum Imperatorum, ut & hæc voluntas codicillus

H h 2

cillus

cillus diceretur, *L. ult. sup. de bon. lib. L. generali, sup. de sacros. eccl.*

Constitut Theodosius eiusmodi omnem scripturam valere, sed hac condicione, si ea observata sint, quæ hic præscribuntur. Quid si codicilli sine nominatim testamentum confirmati, an in his quoque quæ hic præcipiuntur, adhiberi oportebit? Minime, quoniam quæ his codicillis relinquuntur, non tam codicillis relinqui intelliguntur, quam testamentum, *L. affectores, de heredib. inst. L. institutio, de condit. inst.* Non obstat, quod hic in ultima voluntate exiguntur quinque testes, & quæ sequuntur. Nam additur, *in omni voluntate, excepto testamento.* tam autem dictum, codicillis testamento confirmatis relicta, videri relicta testamento, non codicillis. Et ideo ad horum reliquorum vim solemnitas testamenti sufficit, etiam secundum hanc constitutionem.

Quid si testamento nominatim codicilli confirmati non sint, & tamen defunctus una cum codicillis testamentum fecerit, vel ante, vel post codicillos, an in his idem dicendum? Movet dubitationem, quod huiusmodi omnes codicilli, etiam si testamento confirmati non sint, tamen dicuntur ad testamentum pertinere, & testamenti ius sequi, *L. 3. §. ult. L. ab intestato, de iure codicil.* Respondeo: In his non idem turis esse, quod in codicillis nominatim testamento confirmatis, sed ita hos valere, si ea observata sint, de quibus hic. Movet me *L. heredes, §. 1. D. qui testam. facer. poss.* ubi traditur: *Si testamento facto testator aliquid mutaverit aut adicere vellet, omnia ex integro esse facienda.*

Unde intelligimus, quæcunque postea codicillis fient, etiam si dixerimus, illis codicillis mutari testamentum, aut testamentum addici; tamen omnia ex integro facienda, ut ex testamento valeant. Superest igitur, ut si valere volumus tanquam ex codicillis, ea observari debeant, quæ hic præscribuntur. Non obstat, quod dicitur, hos codicillos ad testamentum pertinere: nam ut ad testamentum pertineant, prius codicillos esse oportet. Non erunt autem codicilli, nisi iure facti & ex præscriptione humana constitutionis.

In his, quæ hic observari iubentur, notandum est, quatuor esse, quæ sunt communia testamentis & codicillis, tria esse, in quibus codicilli a testamentis discrepant, cum de solemnibus adhibendis agitur. I. Igitur hic exiguntur testes, ut in testamento. II. loco desideratur, ut testes adhibeantur ad codicillos, quo verbo significatur non esse idoneos testes in codicillis, nisi qui admoniti prius fuerint, se ad codicillos adhiberi, *L. heredes, §. in testamentis, D. qui testam. facer. poss.* Unde intelligimus etiam, hic quoque testes rogatos adhiberi debere, ut declaratur in *d. §. in testamentis.* Non obstat, quod hic dicitur, testes recte adhiberi, five rogari sint, five fortuito advenerint: nam non est necesse testes rogare, ut veniant, etiam qui fortuito intervenerunt, rogari possunt: sed interim cum interfuerint, moneri debent se adhiberi ad codicillos, quod nihil aliud est, quam eos rogare, ut testimonium præbeant. Hoc igitur & cum testamentis commune est. III. desideratur, ut coram iis negotium conficiatur, uno eodemque tempore, id est, uno contextu actionis. Hoc quoque cum testamentis est commune, *L. hac consultissima, sup. de testam. L. heredes, §. ult. D. qui testam. facere, poss.* Postremo in codicillis scriptis iubentur adhiberi testium subnotationes. Subnotare est subscribere, *L. pen. D. qui test. fac. poss.* Et hoc quoque cum testamentis est commune.

Sed tria discrepant: numerus testium, & conditio, & signa. In testamentis numerus testium est septem, *sed cum paulatim, Inst. de testam. ordin. d. L. hac consultissima.* Conditio testium in codicillis hæc est, ut quicunque non prohibentur in aliis causis dicere testimonium hi non prohibeantur codicillis testes esse, sed non e converso: nam prohibetur mulier in testamento esse testis, in codicillis non prohibetur: proinde recte testis adhibebitur ex *d. reg. L. 1. de test.* Sed & hoc ipsum nominatim expressum est de muliere, *L. qui testam. §. mulier, D. qui testam. facer. poss.* Postremo signa testium desiderantur in testamentis: at in codicillis non desiderantur.

A D T I T U L U M XXXVII.

C O D. D E L E G A T I S.

S U M M A R I A.

1. *Legare unde dictum, & legare quid.*
2. *Legandi appollatio & generalis & specialis est.*
3. *Legare in genere quid sit.*
4. *Legare in specie quid.*
5. *Legatum est donatio testamento relicta.*
6. *Donare est aliquid in aliquem conferre gratis.*
7. *Legatum quid differat a contractibus, donationibus non gratuitis, hereditate, fideicommissis, libertate, tutela, relictis testamento, donationibus, &c.*
8. *Legatum an possit codicillis, ut testamento, relinqui.*
9. *Legati diverse definitiones, & eorum examen & enodatio, § n. 10.*

Non solum hereditas, seu universitas & successio nobis acquiri potest testamento & codicillis, sed etiam acquiri possunt res singulae, quae testamento, aut codicillis legantur, aut fideicommittuntur; unde ea dicuntur legata, aut fideicommissa, de quibus deinceps agitur, ut sciamus, quid sint, & quid in ipsis relinquere cuique defuncto liceat, & quatenus valeant, seu quem effectum habeant. Ac prius de Legatis. Legare *† auctore Varro. Libr. 4. de legib.* dictum est a legendo, seu a delectu, ut sit cum delectu amandare a nobis, quod apud alios vice nostra fungatur, idque, ut usus loquendi docet, & idem Varro testis est *Lib. 5.* refertur & ad personas & ad res. Nam & personae dicuntur legari & res legari. Cum ad personas refertur, legare est dimittere a nobis pro imperio aliquem, qui apud alios vice nostra utatur; unde Legati dicti sunt. Cum ad res refertur, legare est aliquid testamento relinquere, quae significatio non multum a priore distat, certe ambae eadem ratione coniunguntur. Nam quicquid testator constituit de re sua, id subdito testatore eiusmodi est, ut defuncti vicem obtineat apud eum, apud quem constituitur.

2. Legandi † appellatio & generalis & specialis est. Generaliter *† legare* est aliquid testamento de re sua constituere & relinquere, quomodo accepta est *L. 12. tabul.* in illis verbis, *ut quisque legasset*, id est, uti de re sua constituerit pro imperio & iussu. Unde verbis illis legis, quatuor haec confirmari intellectum est: heredum institutiones, legatorum & libertatum do-

nationes, item tutorum constitutiones, ut est in *L. verbis legis, de verb. sig.*

Generalis autem hae significatione verbi intellecta est ex adiuncto, nempe ex verbo *uti*, quod significat quodcumque seu prout, ut sit sensus: *uti quisque legaverit*, id est, quodcumque erit, aut quodcumque decreverit de re sua, ita ius esto. Specialiter *† legare* est aliquid testamento donare, quae significatio semper Legati verbum usurpatur, nisi ex adiuncto intelligatur sententia scribentis, quasi de omni alia re, de qua constituitur testator, loquatur & sentiat is, qui scribit. Haec de verbo.

Res definitur multis locis. Definitio haec traditur in *L. legatum, 36. de legat. 2.* Legatum *† est* donatio, testamento relicta. Est autem *† donare* aliquid in aliquem conferre gratis. Id ergo legatum est, uti nunc de legato loquimur. Hoc verbo *† separantur* a legato contractus: sunt enim contractus conventiones, non donationes. Huc pertinet *L. verba, contraxerunt, de verb. sig.* Distinguantur item donationes omnes non gratuae. Praeterea eodem verbo separantur omnia a legato, quae testamento relinquuntur ordinaturae, ut hereditas, fideicommissum, libertas, tutorum datio. Nam haec omnia testamento relinquuntur, & in his datur aliquid, sed non sunt donationes. Hereditas non est donatio: nam saepe in hereditate nihil est praeter res alienum; & tamen non eo minus hereditas est, *L. hereditas, de heredit. pet. L. hereditas, de verb. sign.* Et quavis hereditate edita heres nanciscatur dominium rerum omnium. here-

hereditariam, *L. cum hereditas, de acquir. poss.* Tamen hoc fit per consequentiam successionis; nam principalis successio acquiritur heredi, successionem sequuntur comoda & incommoda, *L. 1. §. 2. & 3. de bon. poss.*

Eadem nota distinguuntur & fideicommissa a legatis, non tantum verbis; nam in fideicommissis testator nihil donat, ut initium fuit fideicommissorum. Est enim fideicommissum, cum quis si ei heredis, aut alterius committit, ut aliquid det, præstet Lucio Titio. Quod cum fit, neque testator ipse quicquam conferri, neque eum, quem rogat, obstringit, ut det, ut olim ius erat de fideicommissis: poterat enim is, qui rogatus erat dare, si vellet; si nollet, nulla erat necessitas præstandi, uti declaratur *Iustit. de fideicom. hered.*

Libertas quoque hac nota distinguitur a legatis. Nam vera libertas nulla res est, ut dici possit eam dari. Certe non est res, quæ æstimationem recipiat, *L. libertas, de reg. iur.* Præterea in donatione nihil invito acquiritur: ut unusquisque servorum invitum libertatem accipit, *L. ult. §. si vero quidam, infr. de test. manumiss.* Tutorum dationem non esse certum est; proinde hoc verbo intelligimus legata non esse.

A. Iliciter, *testamento relicta*. Hæc verba addiuntur duarum rerum significantium causa. Primo, ut intelligatur, ¶ ut olim ius fuit, legatum, nisi testamentum, relinqui non posse, non vero posse codicillis, §. *præterea, Iustit. de fideicommiss. heredis*. Quod tamen ius hodie sublatum est, de quo dicitur postea in comparatione legatorum & fideicommissorum sub Titulo, *de fideicom.* Deinde, ut intelligatur ita legatum donationem esse; ut tamen is, qui donat, non velit donatum, nisi post mortem suam fieri velit, *L. 1. qui test. facer. poss.* Hac nota discernitur legatum a cæteris donationibus non testamentariis, quales sunt donationes inter vivos & causa mortis. Nam in his omnibus præfens præfenti iam nunc donat. De donationibus inter-vivos nulla dubitatio est, *L. 1. de donation.* Sed & idem ius est in donationibus causa mortis, ut expressum est in *L. inter, de donation. causa mortis*. Idque satis demonstratur eo, quod dicuntur donationes causa mortis ex poenitentia revocari & condici: quæ donata sunt, non condicuntur, nisi iam ante tradita, *L. 1. L. senatus, §. donat. de mortis causa donation.* In legato nihil tale est, nihil defun-

ctus præfens præfenti legatario dat, sed post mortem dari vult.

Hæc definitio recta est, ¶ est non ad-
datur *ab herede præstanda*, ut sit in *§. legatum, Iustit. de legat.* non quod legatum non sit donatio ab herede præstanda, ut mox dicitur, sed quia in definitione solum explicatur quid sit legatum. Quomodo autem fiat, ut iure valeat, ad definitionem non pertinet necessario, sed in præceptis iuris, de relinquendo, posita traditur.

Alia definitio exstat in dicto *§. legatum, Iustit. de legat.* aliis verbis concepta, sed idem experimentibus: *legatum*, inquit Iustinianus, *est donatio quædam a defuncto relicta, ab herede præstanda*. His verbis, *relicta a defuncto*, declaratur illud, quod supra dixi, legatum ita donationem esse; ut tamen defunctus nolit quicquam donatum, nisi post mortem suam. Id *defuncti* verbum significat, id significat etiam verbum *relinquendi*, quod solum ad ea pertinet, quæ post mortem nostram relinquimus, *L. 1. §. ult. de tabul. exhib.* Non dicit, *testamento relicta*; quoniam, ut dixi, satis est definire, quid sit legatum, etiam si non adiciatur, ubi legatum relinqui possit. Adiciatur, *ab herede præstanda*. Quæ verba quidam scititia putant, & non satis legato convenire, argumento prioris definitionis mori, in qua hæc verba prætermissa sunt: sed non recte iudicant, qui hæc verba repudianda existimant. Nam si repudiantur ut falsa, pessime repudiantur. Ut enim legatum olim non potuit relinqui, nisi testamento; ita non potuit relinqui, nisi ab herede: a legatario legari non potuit, *Iustit. de sing. reb. per fideicom. relicta*.

Ut igitur in priori definitione recte additur *testamento*; quia non potuit legatum relinqui, nisi testamento; ita in postertore additur, *ab herede præstanda*, quoniam non potuit legatum relinqui, nisi ab herede; & quoniam etiam simpliciter legatum relictum, ab herede præstandum fuit, ut perveniret ad legatarium. Nam certum iuris est, legatarios non posse legata sua auctoritate occupare, sed voluntate heredis debere præstari. Quod si sua auctoritate occupaverint, constitutum est heredi interdictum, de legatis ita occupatis revocandis, *L. 1. quod legat.* ut nihil sit verius, quam legatum ita relinqui debuisse, ut præstaretur ab herede, & relictum debere præstari ab herede.

Quod ¶ superiora verba repudiantur
tanquam supervacaneæ, necesse est, ut eadem ratione reticiamus definitionem Floren-
ren-

rentini in *L. legatum. L. 16. de leg. 1.* Cuius definitio idem plane expressit, quod Iustiniani continetur. Definitio hæc est: *legatum est delibatio hereditatis, qua testator ex eo, quod universum heredis foret, alicui quid collatum velit.* Significat donationem esse legatum, cum ait, *esse id, quod testator collatum velit.* Significat a defuncto relictum esse, cum ait, *esse delibationem hereditatis, idell, id, quod delibatur, & deceditur ab hereditate.* Nam hereditas viventis non est, sed defuncti, *L. 1. de heredis. vel act. L. hereditas, de reg. iur. L. nihil aliud est, D. de verb. signific.* Significat ab herede esse præstandum, cum ait, *esse delibationem hereditatis ex eo, quod universum foret.* Non deceditur quicquam ab eo, quod universum heredis foret, nisi quod ab herede deceditur, & præstatur. Ergo quod relinquitur a legatario, vel fideicommissario, id non deceditur ab eo, quod heredis foret, sed ab eo, quod foret legatarii, aut fideicommissarii.

Non obstat, quod defunctus adhuc vivens legatum testamento relictum præstare potest, *L. Lucius, de legat. 1.* Nam in definitione Iustiniani non dicitur, legatum esse donationem, quæ præstabitur ab herede, sed esse donationem ita relictam, ut præstanda sit; quia ab initio hoc animo relictum sit, ut ab herede præstetur; quod multis tamen modis contingere potest, ut ne præstetur, vel quia testator legatum adimat, vel quia res legata perierit, vel quia decesserit legatarius vivo te-

statore, vel quia conditio defecerit, sub qua legatum erat: neque eo minus verum est, legatum ab initio fuisse & continuisse. Nam in initio legati animum spectamus relinquentis, non eventum legati. Non obstat etiam, quod legata testamento relicta statim fiant legatarii sine opera & traditione heredis, postquam testator mortuus est, *L. a Titio, D. de furt.* Nam etsi revera dominium ad legatarium transeat; nihilominus tamen res ab herede legatario præstanda est, alioqui revocabitur legatum interdicto, quod honorum ut supra dictum. Nihil igitur verius, quam legatum esse donationem a defuncto relictam, ab herede præstandam.

Sed cum definitio capere potuerit his verbis, an non hæc verba supervacaneæ addita videri possunt? Respon. Si necessitatem spectamus, non fuit necesse addere ad definitionem; nam & sine his intelligitur, quid sit legatum, etiamsi non intelligatur, ubi aut a quo præstandum sit. Sed si spectemus commoditatem explicationis, commode hæc verba adiecta sunt, ut intelligeremus non posse relinqui legatum, nisi ab herede, ut olim ius fuit. Et præterea ut intelligeremus, in qua parte discernereptur legata a fideicommissis. Nam fideicommissa ab herede relinqui potuerunt, sed non fuit necesse; nam & possunt relinqui a legatario & fideicommissario. Quid legatum differat a fideicommissio, infra dicitur, ubi de natura fideicommissorum tractabitur.



Ad L. Quavis. 1.

Imp. Antoninus Pius A. Libertis Sextiliæ.

Quavis verbis his, quoad cum Claudio Iusto morari effectis, alimenta vobis & vestiarum legatum sit: tamen hanc fuisse defuncti cogitationem interpretor, ut & post mortem Iusti Claudii eadem vobis præstari volueris. Sine die & consule.

S U M M A R I A.

1. Species huius legis prima.
2. Condicio quibus casibus pro impleta habeatur.
3. Mortuo Iusto, cum quo legatarii morari debebant ex conditione, existeret ne conditio, aut an pro impleta habenda sit.
4. Stichus liber esse iussus sub conditione, si heredi anno uno servierit, an si agrotus servire nequiverit, nihilominus liber futurus sit.
5. Servire qui intelligantur.

A Limenta † libertis relicta sunt hac conditione, si cum Iusto Claudio morari essent, non dubitatur, quin alimenta libertis præstanda sint, sive morati sint cum Iusto, sive per Iustum steterit, quo minus morarentur. Nam priore casu conditio impleta est: posteriore non est impleta, sed periode habetur, quasi impleta esset: quoniam per eum stetit, quo minus impleteretur, in cuius persona impleta fuit. Sed mortuo Iusto quaeritur, an eadem alimenta libertis præstanda sint? Non abs re quaeritur: nam secundum verba & regulam iuris, de conditionibus, quæ pro impletis habeantur, alimenta non debentur. Observandum est enim alimenta esse relicta sub conditione, & eam conditionem in proposito non videri existuisse: non enim potuerunt liberti morari cum Iusto, ubi Iustus mortuus esset. Itaque hoc relinqui videtur, ut conditio non impleta tamen pro impleta habeatur, quod regula iuris non ferunt. Nam † conditio pro impleta habeatur duobus tantum casibus. I. Si stet per eum, cuius interest conditionem non impleri, idest, per heredem, aut eum, qui legatum præstaturus est, *L. iure, de reg. iur.* Alter casus est, si per eum stet, in cuius persona conditio impleri debuit, ut si legatum relictum sit Titio, si decem Sempromio daret, si Sempromius arrogaret, & Titius interpellatus recusavit accipere, aut se adrogandum dare, legatum debetur, quasi impleta conditione. *L. 3. L. si quis testamento, de cond. Instit. d. L. 5. quando dies leg. ced.*

At si per eum, in cuius persona conditio implenda est, non fiat, quo minus conditio impleatur, conditio deficit, nec legatum debetur: veluti si is, in cuius persona conditio implenda fuit, ut in proposito Iustus, decesserit. Exempli causa. Legata sunt Titiae decem, si Sempromio nupserit, aut instituta est heres eadem conditione: Sempromio mortuo, Titia conditione defuncta est, nec quicquam ei debetur, *L. cum ita datur, 94. de cond. & dem. L. legatum, de cond. inser. L. 1. sup. de Instit. & substit.* & tamen in specie proposita, ubi alimenta legata sunt cum Iusto Claudio, filio, matre testatoris & similibus, placet quanvis mortuo Claudio, item filio & matre, nihilominus alimenta deberi: quanvis verum sit, legatarios cum mortuo morari non posse, ut sic videantur deberi legata, quanvis deficiente conditione, *L. annua, de annuis legac. L. illis, de cond. & demonstr.*

Vulgo existimant id fieri in hac specie singulari favore legatiorum & alimentorum. Non recte: nam siue alimenta, siue quid aliud relinquatur sub conditione, spectari non debet quid relinquatur, aut cui, sed an conditio existierit. Quod enim sub conditione relinquatur, non debetur, nisi aut conditio existierit, aut habeatur pro impleta: ita in proposito hoc solum quaerendum est, an † mortuo Iusto, cum quo legatarii morari debebant ex conditione, existierit, nec ne conditio, aut an pro impleta habenda sit? Et frustra esse

Etum

atum est pro impleta haberi non debere. Dicendum est eum in omnibus his conditionibus, quæ ex facto legatarii & alterius communiter pendent, mortuo eo, in cuius persona impleri debuit conditio, si per eum non steterit, quo minus impleretur, eanditionem defecisse, nec legatum sub ea conditione relictum, debere, *d. L. 1. sup. de Inst. & subst. L. legatum, infr. de cond. inst. L. in testamento 3. de cond. & demonstr.* Nec refert, utrum res aliæ legatæ sint, an alimenta, *L. Scio, D. de an. leg.* Sed propriam & singularem rationem esse huius conditionis, si legatarii morati sint cum filio, matre, Iusto Claudio: ut mortuis iis, cum quibus legatarii morari debent, conditio existat, dummodo per legatarios non steterit, quo minus eum vivis morarentur.

Ratio sequitur in *d. L. illis, de cond. & demonstr.* quippe in hoc genere conditionum testator secundum verba exigit a legatariis, ut morentur cum iis, aut illis; re autem vera & secundum sententiam exigit tantum a legatariis obsequium commemorandi. Vult enim eos commemorari eum Iusto Claudio & similibus, ut illi obsequium & observantiam eo facto exhibeant. Obsequium autem non est in facto commemorandi, sed in propeitione voluntatis, idest, obsequium ex hac conditione præstitit, qui cupiens morari aliquo casu impeditur, quo minus moretur: quod rursum innuit Paulus in ratione data in *d. L. illis*. Qua ratione efficit mortuo Iusto, aut iis, cum quibus liberi morari debuerunt, eanditionem non videri defecisse. Id evidentiùs significat explicatio *L. 4. §. Stichus si heres, de statu liber.* ubi Stichus iuberetur esse liber, si heredi anno uno servierit; & placet, quanvis ægrotus per totum annum servire non potuerit, nihilominus liberum futurum hac conditione nominatim adiecta, quia servitium hic existitur in servo.

minus liberum futurum hac conditione nominatim adiecta, quia servitium hic existitur in servo.

Servire autem etiam illi nobis intelliguntur, qui cupientes servire, per valetudinem impediuntur. Quo significatur servitium & obsequium omne esse in eo, ut cupiant servire & obsequi, etiam si casu impediuntur. Quod & iuris est in silentis legatis sub hac conditione, si liberti cum Iusto Claudio, &c. morati sint. Sed idem iuris esse placuit, non aliter, si ita relictum, quoad liberti cum Iusto Claudio morati sint. Quod hic rescriptum est, & refertur planius rescriptum in *L. Cato, §. de aliment. & cib. leg.*

Potuit tamen hoc in hac specie posteriore secus videri, quali hoc verbo, quoad, tempus præstitutum sit, ad quod usque deberentur alimenta, ut consequens sit; post id tempus non deberi. Sed non est ita: nam his verbis, quoad liberti morati sint, significatur tempus, non quoadusque morentur, sed per quod morentur. Perinde est enim, quasi dictum esset, libertis alimenta volo præstari, quamdiu, seu per omne id tempus, cum morati fuerint cum Iusto Claudio, &c. Nihil interit inter has conceptiones, cum morati fuerint, & si morati fuerint. Priori conceptione exprimitur tempus, sed per tempus incertum significatur conditio. Non enim erit tempus, cum liberti morentur, nisi si morentur. Posteriori conceptione exprimitur conditio, sed per conditionem exprimitur tempus; non enim existet, ut liberti morentur, nisi per aliquod tempus, quo morabuntur. Traditur hoc in *L. si Titia, D. quando dies leg. ced. L. quodcumque, §. pen. de verbor. oblig.* Ex hoc est, quod dicitur, diem incertum in testamentis conditionem facere. *L. dias, D. de condit. & demonstr.*

Ad L. *Quamvis*. 2.

Impp. Severus & Anton. AA. Sabiniano,

Quamvis heres institutus hereditatem vendiderit, tamen legata & fideicommissa ab eo peti possunt: & quod eo nomine datum fuerit, venditor ab emptore, vel fideiussoribus eius petere poterit. PP. X. Kal. Sept. Laterano & Rufino Coss.

S U M M A R I U M.

1. *Heres an vendita hereditate nibilominus legatariis teneatur.*

QUamconque legata testamento, aut codicillis relinquuntur, etiamsi non relinquuntur nominatim ab herede vel scripto, vel legitimo, dummodo non relinquuntur nominatim a legatario, aut fideicommissario, omnia ad onus hereditatis pertinent, & ab eo præstanda sunt, quod declaratur hic, cum dicitur, legatum esse ab herede præstandum, §. *legatum, Inst. cod.* Item esse delibationem hereditatis ex eo, quod universum heredis foret, *L. legatum, de legat. 1.* Hanc obligationem suscipit in se heres, cum hereditatem adit. Nam hoc factio intelligitur primo suscipere personam defuncti; deinde se obstringere in hoc, ut pareat voluntati defuncti; unde hereditatem ad eundem dicitur contrahere cum legatariis & creditoribus hereditariis, §. *quoque, Inst. de obl. que ex quasi contract. L. 3. in fin. quibus ex causis in possess. eat.* Hac obligatione suscepta non potest heres ullo suo facto se ea obligatione eximere,

L. si servum, §. nunc videamus, de verb. obl. Quippe deteriore conditionem alterius facere non potest, repugnante regula iuris & natura, *L. solvendo, de negot. gestis.* Quod si ita est, consequens est, quod hic dicitur, heredem, quamvis hereditatem vendiderit, nihilominus adhuc legatariis teneri; neque enim potuit se sua venditione ea obligatione, qua tenebatur, liberare. Sane omne lucrum & damnum hereditatis ad emptorem respicere debet, ut est in *L. 2. §. sicuti, de hered. vel act. vend.* Sed hoc ita est, ut debeat ad eum respicere secundum conventionem: hætenus tamen, dum conventio aliis non noceat. Ergo si heres vendidit hereditatem, & convenitur a legatariis, iis reddere cogitur & legata iis præstare; sed iis præstatis regressum habet ex vendito adversus emptorem hereditatis, ut hic dicitur, & plenius explicatur in *L. 2. sup. de hered. vel action. vend.*



Ad L. Qui post. 3.

Imp. Severus & Antoninus AA. Victorino.

Qui post testamentum factum prædia, quæ legavit & pignori, vel hypothecæ dedit, mutasse voluntatem circa legatariorum personam non videtur. Et ideo etiam si in personam actio electa est: recte placuit ab herede prædia liberari. PP. VI. Kalend. Maii, Gentiano & Passio Coss.

S U M M A R I A.

1. Legatum relictum an a testatore revocari possit.
2. Legatum quomodo revocetur, an ut verbis, ita etiam factis & re ipsa, quomodo.
3. Res legata pignori data an nihilominus adhuc debeatur.
4. Heres, si fiat ei controversia hereditatis, an legatum solvere cogatur.

Legatum ¶ quavis ab initio recte relictum nihilominus a testatore revocari potest, ut revocatum non magis debeat, quam si omnino relictum non esset. Ambulatoria est enim voluntas testatoris usque ad ultimum vitæ spiritum, L. 4. D. de adim. legat. Nec tantum testamentis, aut codicillis rite confectis revocari legatum potest, sed etiam nuda voluntate, usque adeo; ut si capitales inimicitiae inter testatorem & legatarium, hoc ipso legatum non debeat, ut tacita voluntate revocatum, L. 3. §. ultim. de adim. legat.

2. Revocatur ¶ antem legatum non tantum verbis, & aperta voluntate, sed etiam rebus ipsi & factis. Verbis, ut si testator nominatim adimat legatum, aut in alium transferat: nam alii dando eandem rem, priori eam adimere intelligitur, Insist. de adim. leg. Re & factis, intelligitur iis modis, si rem legatum substitulerit, veluti si ædes a se legatas deiecerit, L. si legatum, §. ultim. de legat. 1. Deinde si rem legatam transulerit in aliam speciem, quæ ad priorem materiam reverti non possit, veluti, si legavit lanam certam, & ex ea postea vestem fecerit, L. lana, de legat. 3. Postremo, si rem legatam testamento alienaverit, L. si ex toto, 8. in princ. de legat. 1. In qua specie tamen addicitur hæc conditio, si modo testator adimendi animo alienet, quæ conditio est in §. si rem, Insist. de legat. Hic autem animus declaratur hac distinctione, quæ ob id aliis locis exprimitur, Nam si testator rem a-

lienavit sine necessitate rei familiaris, hoc ipso existimatur revocasse legatum, quasi adimere voluerit; & ideo, quia rem legatam postea alii donaverit, fecit, ut legatum amplius non debeat, L. rem legatam, D. de adim. legat.

Quod si propter necessitatem rei familiaris alienaverit, non creditur adimere voluisse, nisi aperte probetur, dicta L. rem legatam, L. fideicommissa, 11. §. si rem, de legat. 3. Hinc consequens est, quod hic traditur, si testator ¶ rem a se 3 legatam postea pignori, vel hypothecæ dederit, nihilominus adhuc legatum deberi, quod idem traditur in d. §. si rem, Insist. de legat. Ratio ex superioribus distinctionibus: nam quisquis rem familiarem pignori obligat, vel ideo facit, ut pecuniam a creditore accipiat, qua indiget, vel ut cum prius pecuniam deberet, satisfaciat creditori suo, pignus dando, ne rerum suarum distractionem pateretur.

Desunt hic in Autographo Donelli tres pagina integræ.

Legatum ab herede deberi diximus ad L. 2. supr. Ita id debetur, ut præstari debeat, quavis heres controversiam heredis metuat. Sed etsi ¶ controversiam heredis iudicio patiat, nihilominus legata præstare debet, ut hic rescriptum est. Veluti, cum exisset aliquis, qui testamentum accusaret tanquam falsum, quæ species est hoc loco proposita. Sane hoc casu cum iudicio agitur adversus heredem, & sit ei hereditatis controversia, non aliter

cogitur solvere legata legataris, quam si caveant se legata restitutos, si hereditas heredi evincatur; quod hic quoque adiectum est. Idque fieri aiunt Imperatores secundum iurisdictionis formam, id est, secundum quod in similibus controversis ius dici solet, ubi vel hereditas, vel legatum petitur ab eo herede, cui alio iudicio sit controversia hereditatis, *L. penult. D. de petit. hered. L. is a quo, D. de rei vindic.* Sed non exigitur hæc cautio a legatariis aliter, quam si fiat controversia hereditatis heredi.

Non obstat, quod interdum legatarii caveant heredi, se legata restitutos, quando nulla fiat controversia heredi de hereditate: quod fir, cum periculum est, ne sit locus Legi Falcidiae, & legatarii plus capiant, quam per legem Falcidiam licet, *L. 1. si cui plus, quam per legem Falcid.* Nam hæc cautio in hoc casu solum recepta est. Idque est, quod Imperatores significant in extremis verbis huius rescripti.

Ad L. Cum alienam. 10.

Imp. Alexander A. Ingenux.

Cum alienam rem quis reliquerit, siquidem sciens: tam ex legato, quam ex fideicommissio ab eo, qui legatum, seu fideicommissum meruit, peti potest. Quod si suam esse putavit: non aliter valet relictum, nisi proximæ personæ, vel uxori, vel alii tali personæ datum sit, cui legatum esset, & si scisses rem alienam esse. PP. V. Kal. Feb. Albino & Maximo Cofis.

S U M M A R I A.

1. *Res aliena an legari possit.*
2. *Res aliena legata an semper debeatur, siue testator alienam esse*

sciverit, siue non: & si debeatur, quid petendum sit ex hac causa, num. 3.

DE re aliena legata tria quærentur: An res aliena legari possit, an legata debeatur, & si debeatur, quid petendum sit ex hac causa. De primo ius certum est. Non tamen solum rem propriam testatoris, sed etiam alienam legari posse, *S. non solum, Instit. de legat.* Non obstat, quod *L. 12. tabul. fecit tantum mentionem & potestatem legandi de suo, L. verbis legis, D. de verb. sign. L. testandi, sup. de testam.* Nam & qui legat rem alienam, de suo legare intelligitur. Onerat enim heredem, ut rem redimat, & redemptam prælet; sic enim fit, ut eam rem possit præstare. Ideo placet, re aliena legata, heredem hanc redimere, & ita præstare debere, *d. S. non solum.*

Quid si dominus eam rem nolit vendere heredi? Hæc prima fronte videbitur liberari heres; nam eam rem debet, quæ est in eius potestate, neque esse potest invito domino: impossibile autem nulla est obligatio, *L. impossibile, de reg. iur.* Rursus non debet æstimationem, quia res, non æstimatio legata est. Sed placuit

hoc casu, ubi dominus heredi rem non vendit, aut plus iusto vendit, heredem æstimationem asserere debere, *L. non dubium, S. ult. L. qui quatuor, S. ult. D. de legat. 3.* Unde sumptum est, quod dicitur de eadem re in *d. S. non solum.* Non obstat, quod æstimatio legata non est; nam res legata est, quam idcirco heres præstare debet: si non præstat, nihil relinquitur, nisi ut pro re prælet æstimationem, ut accidit, quotiescunque rem debitam debitor non præstat, *L. in re furtiva, de condit. furti, in pr. S. 1.* Si quis dicat rem ipsam non deberi, quoniam impossibile nulla obligatio.

Respondemus, non esse impossibile rei alienæ præstationem; quoniam etiam si dominus voluntate sua non vendat; natura tamen res vendi potest, vel ab eodem domino mutata voluntate, vel ab alio, ad quem ea res pervenit. Non est impossibile impedimentum, nisi quod natura impossibile est, & solum id impedimentum obstat obligationi, quod est naturale, *L. continuus, S. illud, de verb. oblig.* Quod

Quod secundum est, de eo ita constitutum hoc scripto. Non semper rem alienam legatam debetur, sed in eo haec distinctione esse; interesse, utrum quis rem alienam legans sciverit rem alienam esse, an vero suam esse putaverit. Si scivit rem alienam, debetur ita, ut supra dixi. Quod si res tota aliena legata debetur; multo magis si in ea re legata pars solum erit aliena, ea pars debetur, si testator alienam scrivit. Obstat *L. 5. §. ult. de legat. 1.* ubi si testator fundum communem legavit, id est, ex parte suum, & ex parte alienum, placet solum ex hoc legato partem deberi, quæ fuit testatoris; partem alienam non deberi, quanvis testator alienam esse non ignoraverit. Respond. Ex verbis eius loci apparet, id ideo responderi, quia testator fundum legando nominatim adiecit, *meum*, ut dicebat, *fundum Tusculanum meum do, lego*. Ex hac adiectione manifestum est, testatorem nihil amplius voluisse legare, quam id, quod suum erat. Idem responsum esse volumus ad *d. L. si domus, §. ult. de leg. 1.* ubi fundus erat proprietate municipum, iure autem erat vestigialis fundus testatoris; id quid sit, cognoscitur ex *L. 1. §. 2. si ager. vestig.* Testator enim fundum legavit, & adiecit, *fundum illum meum vestigalem do, lego*. Quia adiecit *vestigalem*, placet nihil amplius deberi in eo fundo, quam lus vestigialis fundi: proprietatem autem de municipibus redimi non debere, ut ea præstetur legatario; quia scitice hoc verbo, *vestigalis fundus*, declaravit testator, se nolle fundum legare, nisi quatenus esset vestigialis. Cæterum ubi simpliciter testator rem alienam legavit, quam sciat alienam esse, hæc legatario debetur ex hoc loco, non solum, si tota res aliena erit, sed multo magis, si aliena erit tantum pro parte. Quod si testator putavit rem suam esse, quam pro sua possidebat bona fide, hæc non debetur, & si forte præstita, evicta erit a legatario, legatarius de evictione agere non poterit, quia nec a principio res debebatur, ut hic scriptum est, & in *d. §. non solum*. Sed cur hoc loco res aliena legata non debetur, cum testator eam legare potuerit, & verbis legaverit? Respondet: Ideo non debetur, quia testator legare noluit. Ad supremam enim voluntatem non sufficit scriptum, nisi etiam accedat voluntas testatoris, *L. quoties, §. de hered. Inst.* Sed vnde colligimus testatorem noluisse? Quod scriptum est in *d. §. non solum*, vers. *quod diximus*, ideo rem non deberi, quia fortasse, si te-

stator scivisset esse alienam, non legasset: hæc ratio non est satis sufficiens, sed indiget alia ratione: dici enim potest statim: fortasse, etiam si scivisset testator esse alienam, legasset; nam etiam hoc contingere potest, & in obscura voluntate testatoris procliviores esse debemus pro legato, & plenius voluntatem interpretari, *L. in testamentis, de reg. iur.* Dicendum est igitur ideo testatorem videri legatum non fuisse, si scivisset, quia erravit in dominio rei legatæ: non contentium autem qui errant, *L. si per errorem, D. de iurisd. L. 2. in pr. de iudic.*

Huc parti opponitur *L. si domus, §. de evict. de legat. 1.* ubi his verbis definitum est: quoties res legata sine iudicio præstita, evicta est, heres eam perere potest ex testamento. Dicitur, *quoties*, ex quo colligi videtur id dicendum esse, five testator sciverit rem alienam esse, five ignoraverit, ac deinde quia aliena erat, evicta est. Respond. id ex eo colligi nec debet, nec potest. Nam non quaritur eo loco an res legata evicta præstanda sit, sed si res legata evicta præstanda est; quando præstanda sit, & quando heres ob evictionem teneatur? Et respondetur, si heres ob evictionem rei legatæ teneatur, non alias teneatur, quam si eam rem præstiterit, sine iudicio, id est, extra iudicium, sententia iudicis non coactus. Quod si ea res iudicio petita sit, & heres sententia damnatus eam rem præstiterit: non tenebitur ob evictionem, si forte res postea legatario evicta sit: nisi heres caverit, se evictionem præstaturum: & ob hanc causam inquit Africanus eo loco: cautio evictionis hoc casu necessaria est legatario. Hinc apparet hoc omne dici sub conditione, si res legata in ea causa fuerit, ut ea evicta heres teneatur: quod interdum contingit, puta si servus exempli gratia generatim legatus sit, non nominatim, *L. heres servum, D. de evict. L. si a substituto §. ult. de leg. 1.* Idem iuris est, si res aliena certa legata sit, quam testator sciverit alienam, heres autem, ut eam præstaret, redemit a possessore non domino, deinde a vero domino evicta est.

Rata igitur erit hæc sententia, cum quis legat rem alienam, quam suam putat, regulariter eam non deberi, quia deficit voluntas. Sed hoc sic accipiendum est: nisi verisimile sit, testatorem rem legatum fuisse, etiam si alienam esse non ignorasset: quæ coniectura voluntatis in quibusdam causis admitta est, alias ex re, quæ legatur, alias ex persona eius, cuius res est, alias ex persona legatarii. Ex re, quæ legata est, cum libertas relinquatur

ser-

servo alieno, quem testator suum putat. Nam si testator iubeat heredem hunc servum manumittere, tamen si videatur ignorans reliquit libertatem alienam, id est, potestatem manumittendi, quæ aliena est; nihilominus placet heredem debere servum redimere, & ita manumittere, idque favore liberatis, *l. Paulus respond. D. de fideic. libers.* Ex persona eius, cuius res est, cum res heredis legata est. Quamvis enim testator eam rem suam esse putaverit, nihilominus ab eo legata debetur, coniectura voluntatis ex persona ducta; quia heres eam rem præstare potest facile, quamvis non redimatur, *L. unum, §. si rem, de leg. 2.* Ex persona legatarum, cum aut persona iuncta est sanguine, aut matrimonio, ut uxor; aut amicitia; aut cum alicui aliquid legatur propter merita, ut præceptori, procuratori, vel institutori. Quod tamen dicitur, legatum deberi, ubi res aliena proximæ personæ legata est, quam testator suam putavit, tunc locum non habet, cum res legata est alicui personæ, quæ eodem modo coniuncta sit defuncto. Exempli gratia: pater filiis suis heredibus institutis, uni prædia quandam prælegavit, quæ sua esse exclaimavit; deinde evincuntur. Secundum exceptionem supra scriptam, & quæ hoc loco traditur, dici debuit, filium petere posse hæc prædia a fratribus coheredibus, pro portionibus eorum hereditariis; quia etsi pater putaverit sua esse, quæ erant aliena, tamen proximæ personæ legata sunt, & secundum eam exceptionem debentur, non secus, quam si pater scivisset rem esse alienam. Et tamen placuit in hac specie filio evictis prædiis actionem non esse, *L. cum pater, §. evictis, de legat. 2.* Ratio responsi hæc est: qui si hæc prædia peti possunt, necesse est ea peti a fra-

tribus coheredibus, quæ sunt personæ defuncto eodem modo coniunctæ, ut is filius, cui prædia legata sunt: si testator filio legatario consultum voluit fratribus quoque consultum voluit, ut liberarentur: ubi par omnium causa est, procliviores debemus esse ad liberandum, *L. Arrianus, de obl. & act. l. favorabiliores, de reg. iur.* Et ideo dicemus idem, si filio herede instituto testator prædium alienum, quod suum putabat, legaverit alicui cognato suo, vel intimo amico, nempe prædio evicto legatum non deberi; quia ut coniuncta persona est, cui legatur, & coniuncta est, a qua legatur. In pari autem causa potior debet esse causa debitoris, *L. si servum, §. sequitur, de oblig. & act.*

Quod ad petitionem ¶ atinet rei alienæ legatæ, declaratur hoc rescripto: quoties res aliena legata debetur, hanc ex testamento peti posse. Idem declaratur in *L. si domus, §. de evictione, de legat. 2.* Et merito hæc res petitur, quamvis non sit in potestate heredis; hæc enim sola debetur, non eius rei æstimatio: res enim, oon æstimatio legata est. Actio autem est ius persequendi iudicio, quod nobis debetur, *§. 1. Inst. de act. l. nihil aliud, de obl. & act.* Itaque receptum est, quod vulgo placet in hac specie petitionem ita concipi debere, ut legatarius rem petat sibi dari, aut rei æstimationem. Non eoim potest peti, quod sibi non debetur: non debetur æstimatio, quæ legata oon est. Nec ad rem pertinet, quod heres æstimationem præstare potest & debet, si rem non redimat: oam æstimationem præstat officio iudicis, non ut debitum, nempe æstimationem pro re debita, ut expressum est in *L. qui quatuor, 30. §. ult. de legat. 3.*



Ad L. Filia, 11.

Imp. Alexander A. Albiniano.

Filia legatorum non habet actionem, si ea, quæ ei in testamento reliquit vivus pater, postea in dotem dederit. PP, V. Non. Mart. Pompeiano & Peligno Coss.

S U M M A R I U M.

1. *Legatum an extinguatur, si ea, quæ in testamento pater vivus reli-*

quit, postea filia in dotem dederit.

SI testator rem a se legatam vivus legatario dederit, legatum extinguitur, veluti solutione, sive speciem ipsam præstiterit quam legavit, sive dederit tantundem, cum pecuniâ legasset; aut dederit huius rei pretium. Hæc sententia & ad extraneos pertinet, quibus quid legatum est, de quibus in *L. Lucius, D. de legat. 1.* Sed etiam † ad filiam, cui dos legata est, ut hic rescriptum est, tametsi & persona filiæ & legatum dotis singu-

larem favorem mereri videbantur. Ratio est; quia solutione eius, quod debetur, tollitur omnis obligatio, *Inst. quib. mod. toll. obli.* In hac autem specie etsi vera solutio non sit; quoniam non est solutio, nisi rei debitæ, non debetur legatum, nisi mortuo testatore: tamen destinatione animi testatoris res ab eo legata, itidem ab eo quodam modo debetur, quia vult eam præstare: & cum eam præstat, eo facit, ut ea velut obligatione liberetur.

Ad L. Cum responso, 12.

Imp. Gordianus A. Mutiano.

Cum responso viri prudentissimi Papiniani, quod precibus insertum est, præceptionis legatum, & amissa parte hereditatis vindicari posse declaretur. Intellexis desiderio tuo, iuxta iuris formam esse consultum. Verba vero responsi hæc sunt: filia mater prædium ita legavit: Præcipito, sumito extra partem hereditatis. Cum hereditati matris filia renuntiasset: nihilominus eam recte legatum vindicare visum est, PP, Constitutio V, Idus Iul. Sabino II, & Venuſta Coss.

S U M M A R I A.

1. *Quobus heredibus institutis, si uni aliquid ex his prælegatur, tota res prælegata ad legatarium pertinet, sive hereditatem adierit, sive omiserit.*

2. *Heres, qui voluit adire, cur non videatur impugnare indicium defuncti.*

3. *Heredi hereditatem emittenti an legatum debeatur.*

QUOTIES duobus heredibus institutis, uni † ex his aliquid prælegatur, placet totam rem prælegatam ad lega-

tarium pertinere, non tantum si hereditatem adierit, de quo nulla dubitatio est, sed etiam si hereditatem omiserit: quiquis

quis is erit heres, sive extraneus, sive filius, ut hic exutum est, *L. qui filius* 17. §. ult. *L. filio*, 87. & *segg. de legat.* 1. Sed huic heredi hereditatem omittenti quidam obstant. Ac primum videtur a toto legato removeri debere, quia iudicium defuncti impugnavit: qui iudicium defuncti impugnari, id est, qui contra facit, quam testator iussit, is legatum testamento relictum amittit, *L. post legatum*, in *pr.* & §. *omittere*, *D. de his, quibus ut indign.* Heres autem iustus heres esse, iudicium defuncti impugnari, eum hereditatem omittit; quia facit contra quam testator iussit. Proinde etiam legato sibi relicto carebit. Hanc obiectionem sensit Papinianus & diluit in *d. L. filio*, 87. *de legat.* 1. Diluit autem hoc modo; quia non videtur impugnare iudicium defuncti, qui iustis rationibus voluit hereditariis oneribus implicari.

2. Sed amplius ¶ quaro, cur qui hoc voluit, non videatur impugnare iudicium defuncti, cum sive iustis rationibus, sive nulla ratione hereditatem omittat, semper faciat contra, quam facere iustus est. Respondeo, non video heredem hereditatem omittentem facere contra iudicium defuncti, si idcirco omittat, ne implicetur oneribus hereditariis, id quod Papin. sensit. Non obstat, quod is iustus est heres esse. Nam iustus est pro commodo suo, si ei expediret, dummodo defuncto alius heres existisset, proinde nihil adversus hoc iudicium facit, qui non putat sibi expedire adire hereditatem. Ita prior obiectio remota, qua effici videbatur heredem in proposito omittentem hereditatem etiam relictum sibi legatum amittere. Sed superest altera. Nam si a toto legato non removeretur, ut saltem videtur removeri a parte, quæ ab ipso relicta erat. Nam legatum testamento simpliciter relictum deberetur ab omnibus heredibus proportionibus hereditariis. Proinde cum in specie proposita proponatur duo heredes instituti, & uni prædium esset prælegatum: intelligitur hoc prædium partim a coherede relictum esse, partim ab eo ipso herede, cui prædium relictum est; ergo partem prædii a coherede recte capiet is, qui hereditatem omittit. Sed alteram partem, quæ ab ipso relicta erat, non videtur posse ex parte: nam aut ei debebitur

ea pars iure hereditario, aut debebitur iure legati. Iure hereditario ei deberi non potest, quia non est heres: omittit enim hereditatem: Rursus iure legati non videtur ei deberi posse, prohibente regula iuris, quæ efficitur, heredi a seipso legari non posse, *L. legatum*, 216. §. 1. *de legat.* 1. Respondeo: In proposito non videtur pars heredi omittenti hereditatem, legari ut heredi, quoniam heres non est; multoque minus legari ei a seipso, cum non sit heres, nec quisquam obligetur legatis, nisi heres.

Hic occurrit. Nam etsi nunc heres non sit, eum hereditatem omittit; tamen ab initio, eum ei legatum est, heres scriptus erat, & ei ut heredi prædium legatum est; proinde ab initio non constitit ex parte eius legatum; quare etiam postea heres non existit; tamen legatum pro ea parte non convalescit, ex regula iuris, quod ab initio non valet, tractu temporis nequit convalescere, *L. 1. D. de regul. Caton. L. quod ab initio, de reg. iur.* Respondeo, verum est, partem huius prædii legatum esse ab herede, & legatum ut heredi, sed sub conditione, si heres existeret; quod si heres non esset, legatum est ei prædium ut *L. Titio*, & ideo ut *L. Titio*, debebitur, quantum non heredi. Non obstat regula Caton. quoniam hæc regula ad legata & institutiones conditionales non pertinet, ut dicitur in *L. sequens*. Sed quod dicimus, heredi hereditatem omittenti ¶ legatum eo testamento relictum nihilominus deberi, sic accipiendum est: nisi hæc conditio legatum sit, *si heres esset*, aut nisi appareat ex testamento, testatorem voluisse, eum ita legatum consequi, si heres esset, *L. sed non alias*, 88. *de legat.* 1. Exemplum est in *L. ult. §. ult. de del. mal. except.*

Obiter insignis locus notandus est, quo demonstratur iam olim etiam ante tempora Gordiani, hanc auctoritatem tributam esse responsis eorum, qui in numero Iureconsultorum publicæ haberentur, ut pro iure certo obtulerent. Id declaratur hoc rescripto, quo Gordianus responsum Papiniani sequitur pro iure explorato, idque facere dicit secusmodum iurisdictionis formam. Id pertinet ad interpretationem §. *responsa*, *Inst. de iur. nat. gent. & civil.* vide *C. Th. lib. 1. tit. 4. L. 1.*

Ad L. Proprias. 13.

Imp. Dioclet. & Maximian. AA. Severz.

Proprias tuas res legari, vel fideicommissi tibi non potuisse certum est, PP. XV. Kalend. Maii. Maximo II. & Aquilino Coss.

S U M M A R I A.

1. *An res propria legatarii eidem legari possit.*
2. *Res propria quæ.*
3. *Res, quæ initio legatarii erat, si postea abalienata sit, an debeatur.*

Res legatarii ꝑ propria inutiliter ei relinquitur; quoniam amplius res eius fieri non potest; quo fit, ut legatum legatario sit inutile & proinde nullum, §. *sed si rem legatarii, Inst. eod.* Rem propriam ꝑ sic accipere debemus, quæ omni ex parte propria est legatarii. Quod si in ea re, cuius proprietas est legatarii, testator aliquid ius habeat, velut ius vestigalis prædii, velut superficiem in solo legatarii, aut usumfructum in re legatarii: banc rem utiliter legabit testator; quoniam hæcenus legatum utile est, ut ei præstetur, quod fuit alienum. Exempla sunt in *L. si domus: §. ult. L. si tibi, §. ult. de legat. 1. L. 3. §. ult. de legat. 3.* Et hoc ius de re propria legatarii certum est, si legata rei proprietas adhuc erit legatarii. At ꝑ qui si res, quæ initio legatarii erat, postea abalienata sit, an non debebitur? Videtur deberi impedimento sublato, quod prius legato obstabat. Respondeo: Hic distinguitur: Distingitio exstat in *L. cetera, de legat. 1.* Nam si pure res legatarii ei legata est, nunquam debebitur, ciamsi postea eius esse desierit, quavis vivo adhuc testatore.

Efficitur id regula Catoniana, quæ ita se habet: Quod, si testator statim decesserit, non valet, id quodcumque decesserit, non valebit, *L. 1. de reg. Cat.* quæ regula aliis verbis expressa est, cum ita definiatur: Quod ab initio non valet, tractu temporis convalescere non potest, *L.*

quod ab initio, de reg. iur. Posuimus autem rem propriam legatarii ab initio inutiliter ei legari, si testator statim decesseret. Proinde quavis mutata sit postea rei conditio, quodcumque testator decesserit, legatum non valebit. Quod si res legatarii legata ei sit sub conditione, & existente conditione res eius esse desierit: legatum valebit, *d. L. cetera, §. 1.* Ratio differentie hæc est; quoniam, ut alla regula comprehensum est a veteribus, regula Catoniana ad legata conditionalia & conditionales institutiones non pertinet, *L. pen. de reg. Caton.* Exemplum de legatis exstat in *d. L. cetera, §. 1.* Cur autem ad conditionalia non pertinet hæc regula, exponitur in *L. 1. de reg. Caton.* Cuius hæc sententia & ratio est, quod regula Catoniana recepta est de eo, quod non valet ab initio; at legatum conditionale, in quo res legatarii ei relinquitur, non tam ab initio non valet, seu vitiosum est, quam nullum est; quoniam quod sub conditione datur, pendente conditione non datur, *L. cetera, de verb. sig.* Quod si re aliena sub quavis conditione legata domino, legatum debeatur, si existente conditione res legatarii esse destinata; multo magis debebitur, si res ei sua legata sit nominatim sub hac conditione, si vivus eam alienasset, quod est exemplum dictæ *L. 1. in fin. de reg. Caton.*

Ad L. Monumenta. 14.

Idem AA. Tatiano.

Monumenta quidem legari non posse manifestum est: ius autem mortuum inferendi legare nemo prohibetur. PP. II. Kalend. Septemb. Maximo II. & Aquilino Coss.

S U M M A R I A.

1. Monumenta quæ hic dicantur.
2. Monumenta cur non possint legari.

3. Ius mortuum inferendi in sepulcrum potest legari. Quid bodis apud Christianos.

RES, quæ in heredum commercijs, seu bonis non sunt, non possunt legari: contra res privatz omnes legari possunt tam propriæ, quam alienæ, *L. cum servus, §. ult. de legat. 1.* Ad hanc definitionem referri debet species huius rescripti. Monumenta legari non possunt, ubi monumenta ¶ specialiter dicuntur, non monumenta quævis, sed monumenta, in quæ mortuus illatus est, id est, uno verbo sepulcra, ut in *L. si sepulcrum, sup. de relig.* Hæc ideo ¶ legari non possunt, quia sunt religiosa, §. *religiosum, Inst. de ver. div.* Res autem factæ religiosæ existimantur esse divini iuris, ac proinde

nullius in bonis, *L. 1. de rerum divis.* At contra ius ¶ mortuum inferendi in sepulcrum legari potest; quoniam hoc ius privatum est, unde & de eo privatz actiones competunt, *L. 1. & tot. tit. de mort. infer.* Hoc autem dictum est ex more Romanorum, apud quos sepulcra erant privata, & iure Romanorum unusquisque locum religiosum facit mortuum inferendo in suum locum, *d. §. religiosum.* Apud Christianos sepulcra non sunt, nisi in cœmeterijs, quæ sunt publica. Proinde & ius mortui inferendi in cœmeterium, publicum est; quapropter nihil horum hodie legari potest.

Ad L. Si universe. 15.

Idem AA. Terentio & aliis.

Si universe facultates, quas pater vester reliquit, debito fiscali, aut privato absumantur, nihil ex his, quæ testamento eius adscripta sunt, valere posse. Quod si deducto debito in relictis bonis superfluum est; libertates impediri iuris ratio non permittit. Quinetiam legata, nec non fideicommissa salva lege Falcidia præstanda sunt. PP. III. Kalend. Octob. ipsis IV. & III. AA. Coss.

S U M M A R I A.

1. Heres quibus modis creditoribus hereditariis, & quibus legatariis ad legata præstanda obligetur.

2. Heres cur aliter legatariis, aliter creditoribus obligetur.

HERES obligatur ¶ creditoribus hereditariis, *L. ult. sup. de hered. act.* Idem obligatur & legatariis ad legata præ-

standa, de quo *L. 2. sup.* Sed obligatur ex iis causis longe dissimiliter. Nam creditoribus hereditatis tenetur in solidum, etiam si

etiam si hereditas solvendo non sit, *L. more, de acquir. hered.* nisi inventarium fecerit secundum formam a Iuliano constitutam; quo casu tenetur in solidum, quateus facultates ferunt, *L. ult. §. etsi præfatam, & §. si vero postquam, sup. de iur. delib.* At sic non tenetur heres legatariis, ut hic: nam ultra vires patrimonii non debentur legata, ut *b. t. in priv.* & in *L. 1. §. si is, qui D. ad Trebell.* Et bona, seu proprium cuiusque intelligitur deducto ære alieno, *L. subsignatio, §. bona, de verb. sign.* Proinde com de legatis præstandis agitur, ante omnia deducendum est, quod creditoribus debetur: quo deducto si nihil superest, nihil legato, aut fideicommissio debetur, ut idem apertius positum in *priv. b. t.* Id autem efficitur lege 22. tabularum, qua sit potestas cuicque legandi, sed de re & bonis suis, *L. verbis legis, D. de verb. signifi. L. testandi, sup. de testament.* Non legatur autem de bonis suis, qui supra vires suorum bonorum legat, ac proinde inutiliter legat.

Quod si deducto ære alieno aliquid superest; tamen ex lege Falcidia non licet

legare ultra dodrantem patrimonii, quod patrimonium lex vult æstimari, non tantum deducto ære alieno, sed etiam deductis pretiis servorum testamento manumissorum, *§. ult. Inst. ad legem Falcid. leg. 1. D. ad leg. Falcid.* Proinde si deducto ære alieno aliquid in bonis superest, videndum est, an aliqui servi sint testamento manumissi, hi ante omnia libertatem salvam consequuntur. Et rursum eorum pretia de eo, quod supererat, deducuntur. his omnibus deductis, si quid adhuc superest, de eo legata præstahuntur, ad hunc modum: ut tres partes deotur legatariis, quarta apud heredem maneat. Hoc enim lex Falcidia exigit, & hoc modo fiet, ut legata præstentur salva lege Falcidia, ut hic in extremo scriptum est. Sed cur ¶ heres aliter obligatur creditoribus, aliter legatariis? Quia creditoribus solidum debetur ex LL. Heres autem in ius omne defuncti succedit: at legata relicta non statim ipso iure valeat, sed in modum lege constitutum. Hic modus lege Falcidia constitutus est.

Ad L. Creditor. 16.

Idem AA. & CC. Syllæ

Creditor si a debitore suo rem, quam pignoris nomine susceperat, legatam, sibi contendit, etiam debito ab heredibus eius oblato, quo minus restituat, defendi potest. S. XVIII. Kalend. Febr. Sirmii CC. Coss.

S U M M A R I A.

1. *Pignus creditori legatum ab eo repeti non potest, atque ita ipse pignoratitia actione liberatur, quantum heredes defuncti pecuniam debitam ei offerant.*
2. *An e converso debitor, siue heres eius actione in personam, qua creditor tenebatur, liberetur, num. 2.*

Creditor, qui a debitore pignus accipit, eodem tempore & actionem adversus debitorem habet, & ipse debitori actione tenetur. Actionem habet adversus eum de pecunia credita. Debitori tenetur actione pignoratitia de pignore restituendo, cum pecunia ei a debitore soluta erit, aut eo nomine ei satisfactum, *§. ult. Inst. quibus mod. re contrab. oblig. L. si rem, §. omnis, D. de pignorat. act.* Si debitor hoc pignus leget creditori suo, duo quaerita sunt de iis actionibus, quas
Tom. IX.

supra dixi. Ac primo quaeritur, an heredes defuncti debitoris, qui & ipsi in actione pignoratitia succedunt, possint oblata pecunia creditori, rem illi pignori obligatam repetere, quemadmodum ab initio defunctus potuisset? De hac questione hic rescriptum est: pignus ¶ creditori legatum ab eo repeti non posse, quantumvis heredes defuncti pecuniam debitam ei offerant. Hic opponitur ius publicum de pignoratitia actione, de quo supra dictum. Verum Imperatores significant, postquam
K k 2 pignus

pignus creditori legatum est, eadem opera & dominium rei legatæ in eum translatum esse, & pignoratitia actione de pignore esse liberatum.

Sed quomodo dici potest esse liberatus pignoratitia actione, cum testator de ea liberatione nihil caverit? Respondeo, hæc liberatio necessaria consequentia efficitur: nam regula iuris est. Pignus rei nostræ non consistere, idest, rem nostram nobis pignori esse non posse, *L. neque pignus, de reg. iur.* Huc regulæ consequens est, si creditor rei pignori datæ dominus esse cœperit, continuo pignus extingui, ac proinde cum pignoratitia actione de pignore liberari. Incipit autem esse dominus, cum pignus ei legatum est; nam rei legatæ dominium in legatarium transit, etiam ipso iure, *L. legatum, de legat. 2. L. a Titio, de furs.*

Secundo loco quaesitum est, an quemadmodum ex hoc legato creditor liberator actione pignoratitia, qua prius tenebatur; an item e converso † liberetur debitor heresve eius actione in personam, quæ creditori tenebatur, ut deinceps ambo invicem liberi discedant, & creditor & debitor? Et placuit solum creditorem pignoratitia actione liberari. D-betur autem ei non minus pecunia de re, quam ante, *L. creditorem, de legat. 2.* Differentiæ ratio est in promptu; quia legatum pignoris non potest consistere, cum statim pignus perimatur. At nihil prohibet, quo minus in eiusdem creditoris persona concurrat, ut & dominus sit pignoris, & ei pecunia a veteri debitore debeatur, quoniam pecunia sine pignore deberi potest.

Ad L. Datum. 17.

Idem AA. & CC. Eutychemio.

Datum legatum adimi tam pure, quam sub conditione, non liberis tantum, sed etiam ingenuis placuit. Dat. III. Non. Martii CC. Coss.

Potestas adimendi legati hic constituitur, de qua parte dictum est *ad L. 3. supra.* Utrum autem ademptum lega-

tum non debeatur ipso iure, an vero per exceptionem, recte in glossa exponitur.

Ad L. Ex legato. 18.

Idem AA. & CC. Iustino.

Ex legato nominis, actionibus ab his, qui successerunt, non mandatis, directas quidem actiones legatarius habere non potest; utilis autem suo nomine experietur, Dat. VI. Idus Decemb. CC. Coss.

S U M M A R I A.

1. *Nomen dicitur id, quod est in actione, seu id, quodcumque debetur quavis actione.*
2. *Ex legato nominis 100. aureorum quid consequatur legatarius, &*

an possit res a L. Titio petere conditione incerti, ut potuisset defunctus.

3. *Mandare actionem quid.*
4. *Procurator quis.*

Testator 100. aureos mutuo dederat L. Titio, qui proinde ei debetur, & peti possunt certi conditione in eam sem constituta, *Inst. quib. mod. re con-*

trabatur obli. in pr. Hoc nomen testamento legavit. Nomen † dicitur id, quod est in actione, seu id, quodcumque debetur, quavis actione, *L. qui chirographum,*

phum, in fin. de legat. 3. Itaque ex hoc legato solum actiones defuncti legatæ intelliguntur, *L. si sic legatum, §. fin. de legat. 1.* Quæritur est, ¶ ex hoc legato quid consequatur legatarius, & an possit 200 aureos a L. Titio petere conditione certi, itidem ut potuisset defunctus? Respondeo: legatarium directas actiones habere non potuisse, nisi ei mandatæ sint ab heredibus: cæterum utiles cum habere suo nomine, quanvis nullis datis actionibus.

Directa actio cum utili opponitur, dicitur actio, quæ ex verbis legis competit, non tamen ex sententia. Utilis, quæ deficientibus verbis legis, datur ex sententia legis, propter utilitatem, *§. ult. Inst. de leg. Aquil.* ubi exemplis accommodatis hoc ius explicatur. Directa sic dicta, quia verba legis de ea actione diriguntur ad eum, cui hæc actio competit, & in quem competit. Utilis autem dicitur vel ideo, quia etiam sine verbis, tamen utilis est ad acquirendum, ut quibusdam placeat vel quod verius est, quia cessantibus verbis legis tamen constituitur propter utilitatem & æquitatem eandem, quod significatur in *L. quia actiones, D. de præfer. verb.* ubi dicitur actionem in factum suppleri a prætor ex lege Aquilia, idque ideo, quod utilitas legis id exigit. Ab utilitate utilem dici constat, & quæ illi dicuntur in factum, hæc ipsæ sunt, quæ dicuntur utiles, *diff. §. ult. Inst. ad leg. Aquil.* ut intelligitur ex *L. boves, D. ad leg. Aquil.* ubi in exemplo eius loci actio in factum datur, quæ in eodem exemplo dicitur utilis in *d. §. ult.*

In contractibus, seu testamentis exemplum propositum est: actio ex verbis iuris, idest directa competit ei qui contraxit adversus eum, cum quon contractum est, idest adversus eum, qui ex contractu obligatus est, *§. 1. Inst. de obl. iuncto §. sed ipse, cod. tit. L. actionum, de obl. D. ad leg. Aquil.* ubi in exemplo eius loci actio in factum datur, quæ in eodem exemplo dicitur utilis in *d. §. ult.*

In contractibus, seu testamentis exemplum propositum est: actio ex verbis iuris, idest directa competit ei qui contraxit adversus eum, cum quon contractum est, idest adversus eum, qui ex contractu obligatus est, *§. 1. Inst. de obl. iuncto §. sed ipse, cod. tit. L. actionum, de obl. D. ad leg. Aquil.* ubi in exemplo eius loci actio in factum datur, quæ in eodem exemplo dicitur utilis in *d. §. ult.*

In contractibus, seu testamentis exemplum propositum est: actio ex verbis iuris, idest directa competit ei qui contraxit adversus eum, cum quon contractum est, idest adversus eum, qui ex contractu obligatus est, *§. 1. Inst. de obl. iuncto §. sed ipse, cod. tit. L. actionum, de obl. D. ad leg. Aquil.* ubi in exemplo eius loci actio in factum datur, quæ in eodem exemplo dicitur utilis in *d. §. ult.*

etiam actionem habere non possit suo nomine: semper enim verum est, legatarium creditorem non esse; sed tamen, ut hic dicitur, si ei mandatæ sint, eas habere potest, nempe nomine heredium, non suo, & ex persona heredium, non sua; quod intelligemus, si sciverimus, quid sit mandare actiones.

Mandare actionem, ¶ eodem modo dicitur, quo mandare administrationem alicuius negotii. Ut igitur mandare administrationem, est negotium alicui perendum nostro nomine mandare, sic mandare actionem, est actionem nobis competentem, idest directam committere alicui exercendam in iudicio nostro nomine. Et quod apertius dictum est a veteribus aliis verbis, mandare actionem alicui, est eum procuratorem in rem suam facere ad petendum, quod nobis debetur, ex persona nostra & nostro nomine, quod intelligitur ex *L. ex nominis, supr. de hered. vel act. vend.* ubi dicitur emptor actionis habere utilem actionem, etiam si procurator factus non sit in rem suam: quibus verbis exprimitur hæc sententia, etiam si ei mandatæ non sint actiones: quibus verbis utitur *L. emptor, cod. tit.* Is cui mandantur directæ actiones, dicitur procurator duabus de causis. Primo, quoniam mandato creditorum actionem exercet. Est ¶ autem procurator is, qui mandato domini negotia administrat, *L. 1. de procur.* Deinde, quod exercet actionem nomine mandantis. Unde procurator in rem suam numeratur inter eos, qui actionem sibi alieno nomine dari possunt, *L. servus, §. ult. de procurat.* Sed idem dicitur procurator in rem suam quia hæc actiones ei mandantur, ut exerceantur ad utilitatem & commodum eius, ut & commodum & incommodum iudicii ad eum pertineat, *L. qui stipendia, supr. de proc.* Unde subtilitate iuris procurator est effectus & re ipsa dominus actionis, eventu scilicet inspecto. Quam ob causam is, cui mandatæ sunt actiones, sive qui in rem suam procurator factus est, præferatur domino, idest, vero creditori in ea lite, nec ab eo mandatum revocari potest, ut a cæteris procuratoribus, *L. procuratore in rem suam dato, D. de procurat.* Hæc de directis actionibus.

Quod ad actiones utiles, attinet, expressum est hoc rescripto etiam, nulla modo mandatæ actionibus directis, tamen legatarium habere actionem adversus debitorem testatoris, non minus, quam si ipse pecuniam credidisset, sed habere non ex verbis legis, verum ex mente & sen-

tentia legis propter utilitatem & aequitatem rei. *Aequitas* hæc est; quia si alias res corporales testator legasset, statim dominium in legatarium transiret, *L. legatum, de legat. 2.* Par igitur & æquum est, idem de actionibus legatarii statui. Etsi enim natura actio nihil est: non enim est res corporalis, quæ subsistat; tamen iuris intellectu res est, & subsistit, numeraturque in bonis. Et generaliter iure communi receptum est, quotiescunque verus creditor voluit actionem suam in aliquem transferre, interpolata ea causa, ex qua cæteræ res corporales transferri & acquiri solent, toties in eum, cui creditor actionem translatam voluit, actionem utilem transire, sine alia cessione, & sine alio mandato, quam is suo nomine exerceat, veluti si creditor actionem suam vendat, si dedit creditori in solutum, si dedit in dotem, si donet, si leget. Exempla exstant multis in locis. *L. emptor, & L. ex nominis. supr. de hered. vel actio. vend. L. ult. supr. quando fiscus, vel privat. supr. L. 2. supr. de oblig. & act. L. 1. infra de donat. & hac L. ex legato.*

Hinc oritur dubitatio, si ei cui nomen, seu actio legata est, competat actio utilis suo nomine, etiam non mandatis directis actionibus, quid opus est querere de actionibus directis, & expectare, donec

illæ mandentur ab heredibus, cum traditum sit in *L. alio, antepen. D. de neg. gest. directam & utilem actionem esse eisdem potestatis, & eundem effectum habere?* Respondeo: Utilis actio eundem effectum habet, si actio sola spectatur: si spectetur sola persona agentis, inter directam & utilem multum interest. Is, cui actio legata, aut vendita est, directam actionem sibi mandatam exercere potest, sed non exercet, nisi ex persona mandantis, *L. ex nominis, supr. de hered. vel act. vend. L. ult. supr. quando fiscus, vel privat.* At utilem actionem exercet tantum suo nomine, non alieno; hinc fit, ut qui directam actionem exercet, quoniam exercet ex persona creditorum, simul etiam creditorum iure in ea actione utatur, *L. emptor, de hered. vel act. vend.* Qui autem exercet utiles actiones, quoniam suo nomine agit, etiam suo iure uti tantum debet, vel potius iure communi actionis, nec ullo proprio privilegio creditoris utitur. In qua differentia magnum commodum versatur directarum actionum, si quis proponat creditorem esse privilegiatum, & actionem datam privilegiariam, puta, actionem tutelæ mandatam esse ab eo, qui olim pupillus fuit, adversus tutores suos.

Ad L. Non tantum. 19.

Idem AA. Eutyichiano.

Non tantum duorum mensum, sed & minoris temporis maritus uxoris testamento scriptus succedit: nec legata, vel fideicommissa, seu donationes temporis huius angustia capi prohibet. Datum V. Idus Decemb. Nicomedæ. CC. Coss.

S U M M A R I A.

1. *Donationes inter vivos in maritum collatae, morte uxoris confirmantur.*

2. *Uxor an marito legare possit.*

UXOR marito inter vivos donare non potest: testamento donare, & eum heredem instituire potest: & generaliter quidvis donare potest post mortem suam, adeo ut donationes inter vivos, in maritum collatae moriente uxore confirmantur, si revocatae non sint, *L. cum hic flatus, de don. inter vir. & ux.* Uxor ma-

rito legare potest, & ita legatum constitit, quanvis matrimonium cum marito vel una die steterit, ut hic scriptum est: & merito: nam etiam ignoto & extraneo cuius reliqui potest, *S. ult. Infl. de hered. infl.* multo magis noto & coniuncto, ut maritus est: quanvis hæc coniunctio non fuerat duratura.

Ad L.

Ad L. Uxor. 20.

Imp. Constantinus, Constantius & Constans, AAA. ad populum.

Uxor patris tui, si testata decesserit, res tuas, tantum usumfructum earum habens, legare non potuit. Dat. VIII. Cal. Jan. CC. Coss.

S U M M A R I A.

1. *An qua usumfructum habet rerum, eas legare possit Titio.*

Et an legatum rei aliena valeat.

EA ↑ quæ in quibusdam rebus usumfructum tantum habebat, eas res legavit Titio. Hic scriptum est, eam eas res legare non potuisse, quod manifeste falsum esse videtur. Nam certi iuris est: unumquemque non tantum res proprias legare posse, aut res heredis, sed etiam alienas, *L. cum servus*, alias, *apud Iulianum §. ult. de legat. 1. L. cum alienam, infr. eod.* Ad solutionem huius obiectionis nihil pertinet, quod vulgo respondetur: Cum scilicet testatrix legavit eas res, in quibus tantum usumfructum habebat, non videri proprias legasse, sed tantum usumfructum; quia voluerit legare id solum, quod habebat. Primo, quia si quis rem alienam legavit, tota res debetur, etiam si testator in ea re aliquid sui habeat, nisi testator adiecerit meum: ut videlicet diceret; fundum meum Tusculanum do, lego. Nam hac adiectione declarat, se nihil legare velle, quam quod suum est, *L. 5. §. ult. de legat. 1.* Deinde etiam si res aliena legata non intelligatur testator amplius legare, quam id, quod suum est; non tamen ideo efficitur eum legare non potuisse id, quod alienum est, potius enim, si voluisset, & id aperte declarasset. Nunc autem in hoc rescripto dicitur testatricem non potuisse res alienas legare. Propositio concepta est de eo, quod testator potest,

Interpretes respondent de voluntate testatoris, idest, de carbonaria interrogati, ad calcaria respondent.

Vera solutio hæc est: Recte dicitur testatricem in proposito potuisse res alienas legare & eandem non potuisse legare, diversa significatione. Potest res alienas legare, ut legatum consistat. Id significatur, cum dicimus rem alienam legari posse, *§. non solum, Inst. eod.* At testatrix res alienas non potest legare, ut eas pro suo iure in legatarium transferat; nam legare donare est: ea proprie dicimus donare, quæ in alios transferimus, *L. 1. de donat.* Et hæc quoque legati vis est, ut dominium rei legatæ transferatur in legatarium, *L. legatum, de legat. 2.* Hoc sensu non potuit testatrix in specie proposita res alienas legare, ut earum dominium transferret. Dubitationis causa hæc fuit, quod testatrix in his rebus usumfructum habebat, unde videri poterat de iis rebus potuisse statuere pro suo iure. Respondent Imperatores, si legatarius id putet, cum errare; & addunt rationem: quia testatrix solum usumfructum habuerit in iis rebus: qua ratione explicata, certum est res illas non fuisse testatricis; nam usumfructus est ius utendi fruendi rebus, sed alterius.

Ad L.

Ad L. In legatis. 21.

Impp. Constantinus, Constantius & Constans. AAA. ad populum.

In legatis, vel fideicommissis necessaria non sit verborum observantia: ita ut nihil prorsus intersit, quis talem voluntatem verborum casus exceperit, aut quis loquendi usus effuderit, Datum Calend. Februar. Constantio II, & Constante Coss.

S U M M A R I A.

1. Quatuor genera legatorum olim quæ.

2. Eorum effectus diversi.

1. Scriptum est in §. 1. *Inst. eod.* olim quatuor genera legatorum fuisse, per vindicationem, per sinecudi modum, per præceptionem, per denuntiationem: & singulis generibus propria verba attributa fuisse, quibus singula exprimerentur. Horum quatuor generum diversos fuisse effectus, cum de actionibus quæreretur. Huiusmodi autem solemnitate verborum, postea constitutionibus Imperatorum sublata esse. Accurcius illic scribit, hanc constitutionem non exilare. Errat, constitutio significatur huius legis: Est enim constitutio trium Imperatorum; una, si omnes Impe-

ratores coniungas; sin autem singulos Imperatores species, totidem sunt singulorum constitutiones. Diserte autem hic tollitur observantia verborum solemnium in legatis. Usitate hæc observantia nihil aliud est, nisi solemnitas verborum; hanc Iustinianus dicit sublata esse a prioribus principibus. Manebat etiam adhuc differentia singulorum generum; hæc deinde a Iustiniano sublata est; unde bene Iustinianus hanc emendationem sibi tribuit, ne forte quis hunc locum refragari existimet. Hoc in *L. 1. infr. commun. de legat. §. nostra, 2. Inst. eod.*

Ad L. In annalibus. 22.

Imp. Iustinian. A. Mennæ præfeto Prætorio.

In annalibus legatis, vel fideicommissis, quæ testator non solum certæ personæ, sed & eius heredibus præstari voluit, eorum exactionem omnibus heredibus, & eorum heredum heredibus servari pro voluntate testatoris præcipimus. Dat. III. Id. Decemb. Constantinop. Dn. Iustin. A. PP. II. Coss.

S U M M A R I A.

1. Si testator decem annua legens Titio, nihil exprimat de heredibus Titii, legatum est personale, & morte legatarii finitur.

2. Testatore decem annua legante Titio, & heredibus, utrum mortuo Titie legatum ad primum heredem eius tantum, an vere ad omnes heredes,

& heredum heredes pertineat, usque in infinitum.

3. Significatio heredis omnes heredes in infinitum continet.

4. Usufructu Titio legato, heredique eius, usufructus ad heredem fructuarii transit; ad heredem tamen primum solum; mortuo illo finitur.

5. An idem sit in legatis annuis.

1. Cum quatuordecim annua Titio legat, si de heredibus Titii nihil exprimit, placet legatum esse personale, & morte legatarii finiri, similiter & usufructum, *L. 4. D. de annuis legat.* Ubi

& ratio huius iuris addita est. Idem in *L. si Stichum 16. §. 1. de verb. obl.*

Quod si testator quatuordecim annua legat Titio, & heredibus eius, quæritur est, utrum mortuo Titio legatum ad primum here-

heredem eius tantum pertineat, aut vero ad omnes heredes & heredum heredes, usque in infinitum? Controversia nascitur ex contrariis legibus. Nam significatio ³ heredis omnes heredes in infinitum continet, & ita receptum est, *L. heredis appellat. de verb. sign.* Rursum ⁴ cum usufructus Titio legatus est, heredique eius, Iustinianus constituit usufructum quidem ad heredem fructuarii transire, sed solum ad heredem primum: mortuo autem herede primo finiri, *L. antiquitas, sup. de usufructu.* Par ⁵ est esse videbatur, ut idem probaremus in legatis annuis; nam & hæc, ut usufructus, personalia, & morte legatarii exstinguuntur. Iustinianus in hac dubitatione hic constituit, cum decem annua legata sunt Titio, heredique eius legatum esse perpetuum, & ad omnes heredum heredes suc-

cessionem pertinere. Recte Iustinianus, admirum ex verbi significatione, a qua recedendum non est, nisi cum apparet aliud sensisse testatorem, *L. non aliter, de legat. 3.* Cur ergo aliud constituit idem Iustinianus in usufructu, qui legatus est Titio, heredique eius? Ratio hæc est; quia in usufructu apparet non sensisse testatorem, ut usufructus ad omnes heredes & heredum successores in infinitum pertineret, quoniam cum usufructum legavit, apparet eum noluisse legare proprietatem. At si usufructus ad omnes heredes in infinitum pertineret, non esset usufructus, sed proprietas; quoniam proprietas nulla esset, ut quæ proprietario esset inutilis. Hoc sensu Iustinianus in dicta *L. antiquitas*, dixit, se constituisse in usufructu, ne proprietas inutilis esset semper abscedente usufructu.

Ad L. Cum questio. 23.

Idem A. Iuliano præfeto prætorio.

Cum questio talis de significatione verborum animos veterum movit, si quis cuidam agrum Cornelianum puta, vel alium quempiam in solidum legaverit, deinde alii partem eius dimidiam, quantam portionem primus, quantam secundus legatarius consequitur: simili dubitatione & in hereditate & in fideicommissis habita: cumque computationes multe introducebantur, & multis ratiocinationibus dignæ: nos huiusmodi computationes quasi superfluas & contrarias voluntati testatoris, omnes esse sapiendas censuimus. Cum enim manifestum est, eum, qui ab initio duodecim uncias rei cuidam reliquit, alii autem postea sex, recessisse quidem a priore voluntate, voluisse autem minus eam sex uncias, cum alii eas obtulit: & præsens casus exitum aperitissimum inveniet. Si quis itaque vel agrum, vel hereditatem reliquerit, primo quidem in totum, secundo autem in partem dimidiam: utrumque in sex uncias esse, vel dominum rei legatæ, vel heredem. Et si tota re primo relicta, tertiam partem secundo reliquerit: secundum prædictum modum octo quidem uncias, vel agri, vel hereditatis apud primum remanere, tertiam autem partem, vel quatuor uncias ad secundum migrare. Et sic in omnibus statuendum est, idest, in hereditatibus, vel legatis, vel fideicommissis. Vestigia enim voluntatis testatoris non aliter, nisi per huiusmodi viam æstimanda sunt.

SUMMARIA.

1. Testatore legante alicui totum, & eiusdem rei partem dimidiam alii, quantum in hoc legato ad utrumque legatarium pertineat, & quo-

modo res legata inter primum & secundum dividi debeat.

2. Tertia divisioni idest Iustinianæ contraria diluuntur, & per tot.

1. Cum testator [†] legat alicui totum, & eiusdem rei partem dimidiam alii, Tom. IX.

hoc modo: secundum Tusculanum Primo do, lego, eiusdem Tusculani partem dimidiam

L1

midiam Secundo de, lego. Quæsitum est, quantum in hoc legato ad utrumque legatarium pertineret, & quomodo res legata inter Primum & Secundum dividi deberet. Iustinianus initio constitutionis ostendit varias divisiones hic a veteribus excogitatas esse. Possunt autem in hac specie tres divisiones fingi, quarum unaquæque sua ratione defenditur; unde ambigendi causa, quæ constitutioni Iustiniani materiam præbuit, Primo dici potest fundum, de quo quæritur, in tres partes dividendum esse, ex quibus duas accipere debeat Primus, unam Secundus. Optima ratio; quia cum totum Primo legatum est, deinde totius dimidium Secundo: apparet duplo plus Primo legatum esse, quam Secundo. Igitur in divisione eadem proportio servanda est, ut Primo duplo plus tribuatur, quam Secundo ex voluntate testatoris, & ita ex prima divisione Primus octo uncias habebit, Secundus quatuor, idest, Primus duplo plus, quam Secundus. Pro hac divisione facit *L. interdum, §. 1. vers. sed si excefferit, D. de hered. Instit.*

Secunda divisio admitti debere videtur, ut fundus legatus dividatur in duos semissemes, ex quibus unus integer sine controversia ad Primum pertinebit; nam cui totus fundus legatus est, ei multo magis dimidium integrum legatum est. Alter semis dividitur inter Primum & Secundum. Hæc divisio differt a priore, quia ex priore divisione Primus accipit tantum octo uncias ex duodecim, Secundus quatuor. Ex secunda autem divisione, quam diximus, Primus accipit novem uncias ex duodecim, nempe semissemem, & præterea tres uncias, partem semissemis reliqui: Secundus autem accipit tantum quartam partem totius, idest, tres tantum uncias. Defenditur autem hæc divisio hac ratione; quia dimidia pars fundi, quæ Secundo legata est, eadem etiam legata est Primo; cum eum Primo legatur totus fundus, simul legantur ei duæ dimidiæ fundi, ex quibus totus fundus constat. Proinde in hac dimidiâ ambo concurrent, ut sit, cum eadem res duobus legata est, *§. si eadem, Inst. de legat.*

Secd iis divisionibus duobus repudiatis, Iustinianus hic constituit tertiam: ut fundus inter primum & secundum legatarios dividatur ex æquis partibus & Primus unam dimidiâ accipiat, Secundus alteram dimidiâ. Quæ sententia non tantum prima ratione nova videtur, † sed etiam absurda. Nam aperte absurdum est, ut Secundus, cui dimidium tantum legatum

est, tantundem accipiat quantum Primus, cui duplo plus legatum est.

Respondeo: Eiler omnino hoc absurdum, si totus fundus Primo legatus esset, ut ab initio legatus videtur, sed cum testator legavit postea Secundo eius fundi partem dimidiâ, hæc ipsam dimidiâ intelligitur ademisse Primo; ac proinde nec ei legasse. Adempta Primo dimidiâ, sola altera dimidiâ relinquitur, quæ ei tribuatur. Unde intelligitur nihil amplius utrique legatum, quam dimidiâ. Primum omnibus interpretibus occurrit hic locus, qui ex diametro pugnare videatur *d. L. interdum, §. 1. vers. sed si excefferit, de heredibus Instit.* ubi testator unum heredem instituit ex asse, idest, ex tota hereditate; deinde alterum instituit ex sex uncias, idest, ex dimidiâ parte assis, & sic primo totam hereditatem dedit, secundum partem dimidiâ: placet non idcirco videri sex uncias ademptas priori heredi, ut sic prior heres habeat tantum sex uncias, & posterior sex. Sed placet priorem heredem integrum assem habiturum, posteriorem sex tantum uncias: ut dividatur hereditas in tres partes, ex quibus prior heres beffem accipiat, idest, duas partes, nempe duodecim, posterior accipiat trientem, idest, tertiam partem, nempe sex ex octodecim uncias.

Hic vulgo interpretes multa divinando rem involvant potius, quam expediunt, neque animadvertunt manifestam esse universæ loci decisionem in specie, quæ utrobique proponitur. Longe aliud est uni dare totum, & alteri eius rei prius datæ partem dimidiâ, ut sit in specie huius constitutionis: aliud Primo dare totum assem; deinde Secundo sex uncias, seu partem dimidiâ assis, non addito, sex uncias eiusdem assis. Quod dimidiâ dat Secundo, & nominatum additæ dimidiâ eius rei, quæ prius legata est, aperte priori legatario dimidiâ partem detrahit, ac proinde in priore legato dimidium eiusdem debetur. At is, qui secundo dat sex uncias simpliciter, seu dimidiâ assis simpliciter, non intelligitur dare sex uncias eiusdem assis; assis quidem, sed oovi assis, non prioris: propterea, quod testator potest hereditatis suæ tot uncias facere, quot velit, idque est, quod dixerit Ulpianus in *d. L. interdum, §. 1.*

Secundum quam sententiam dicendum est, ubi testator heredem primum instituit ex asse, id est, duodecim uncias; secundum autem heredem ex sex uncias instituit: hereditas intelligatur divisa in octodecim uncias, quæ ip tres partes divi-

den-

dentur, e quibus duas accipiet primus, secundus tertiam, pro ea portione, ex qua prius tollitur erant: aut si res revocabatur ad unum adtem, idest, ad duodecim uncias: ea ita dividitur ut primus habeat beilem, idest, octo uncias, secundus trientem, idest, quatuor uncias, ut loquitur ibi Ulpianus, idest, ut primus duplo plus accipiat, quam secundus, nam in octo uncis tollitur est, ut hic in quatuor.

Et hic quidem locus solus occurrit interpretationibus huic constitutioni contrarius, sed sunt adhuc alie obiectiones multo graviores, quae nobis diluendae sunt. Ac primum adversus rationem huius constitutionis & sententiam totam vehementer pugnat ea ratio, qua supra proxima secunda divisione nū sumus. Est autem ratio huiusmodi: Quoties duobus eadem res legata est, tellator posteriori rem legando, non intelligitur eam priori adimere, sed ita legat, ut ambo legatarii in eandem rem concurrant, *S. si eadem, Institut. de legat.* At in specie proposita, dimidia, quae Secundo legata est, prius legata fuit Primo; nam cum Primo totum legatum sit, non est dubium, quin ei singulae dimidia totius legatae sint. Proinde haec dimidia, quae secundo legata est, non intelligitur priori adempta, sed ambo Primus & Secundus in hanc dimidiam concurrerent, ut Primus dimidiam integram suo iure habeat, & alterius dimidia secundo legatae partem una cum Secundo accipiat, atque ita novem uncias habeat ex duodecim uncis, Secundus tres duotaxat.

Respondeo, quod dicitur, cum eadem res duobus legata est, posteriore legato non adimi legatum priori, sed ambos legatarios in rem legatam concurrere, sic accipiendum est: cum duobus res solida legata est, ut duobus idem fundus Tusculanus, ut exempla probant in *d. §. si eadem*, & declaratur, in dicta *L. si pluribus, de legat. 1.* Diversum est, cum una res primo tota legata est, alteri eiusdem rei pars dimidia. Nam pars dimidia priori detracta intelligitur, ut declaratur hac constitutione, ut dici possit hanc constitutionem esse prioris illius iuris interpretationem. Sed huic solutioni occurrit hac ratio: Quae de re tota dicuntur, eadem & de parte intelligenda sunt, *L. quae de tota, de rei vindic.* At cum Primo tota res legata est, deinde eadem tota legata est Secundo, non intelligitur posteriore legato res tota detracta esse primo. Ergo & cum Secundo dimidia pars

legata est, non intelligitur haec dimidia priori adempta, ut eadem sit ratio partis, quae totius.

Respondeo; Quod dicitur de parte, idem & de toto dici, sic accipiendum est, si in parte eadem sit ratio, quae in toto, ut accidit in vindicatione partis, de qua agitur in dicta *L. quae de tota, de rei vindic.* Sed in proposito non eadem est ratio totius, si Secundo totum legatum sit; & dimidii, si Secundo pars dimidia tantum legata sit. Nam cum tellator legat eandem rem totam Secundo, tantum adest, ut hoc legato intelligatur voluisse totam adimere priori, ut potius singulis totam legando intelligatur eos in eadem re coniungere voluisse, quali coniunctum & uno verbo singulis legata. At cum Secundo legat partem dimidiam eiusdem rei, apparet eum voluisse partes separare, ut dimidia apud Secundum esset, altera dimidia apud primum. Sic enim fit, ut in his partibus legatarios disiungat, non vero coniungat.

Sed & adversus solutionem superiorem & totam sententiam huius constitutionis opponitur *L. §. alia, D. de usufr. legat.* ubi ubi totus fundus legatus est, & alteri eiusdem fundi dimidia; & tamen placet ambos legatarios in hanc dimidiam concurrere. Species ita proponitur: tellator Primo fundum Cornelianum legavit; deinde Secundo eiusdem fundi Cornelianum usufructum. Observandum est in hac specie videri Primo totum legatum esse, deinde Secundo eiusdem totius partem. Nam cum Primo legatur fundus Cornelianus, intelligitur ei & legari proprietatem fundi, & usufructus, ita ut nisi utrumque detur separatim, fundus ex testamento peti possit, *L. Mevius, §. penult. D. de legat. 2.* Cum autem usufructus legatur Secundo, non intelligitur solum legari usufructus, qui Primo legatus erat, sed etiam ei intelligitur pars fundi legata, qui usufructus rei vicem obtinet, *L. qui usufructum, D. de verb. oblig. diff. L. Mevius, §. penult. D. de usufruct. leg.* Usufructum secundo legatum non adimi priori, sed utrumque & Primum & Secundum in hanc fundi partem concurrere.

Respondeo: species haec si recte expenditur, ad speciem huius constitutionis nihil pertinet. Nam revera usufructus fundi pars non est, & ideo dicitur emolumentum pars esse, non fundi, *d. L. Mevius, §. ult.* Ob eandem causam si qui stipulatur usufructum, dicitur ei similis esse, qui partem stipulatur, in dicta *L. §.*

ususfruct. de verb. signific. Nam certe simile non est idem, idque per se patet. Nam fundus est res corporalis, ususfructus res incorporalis. Nemo autem dixerit rem incorporalem rei corporalis esse partem. Porro qui partem dimidiam non legavit secundo, non potest dici eam partem priori ademisse, quam non legavit. Huc accedit, quod ita demum ex constitutione Iustiniani pars dimidia secundo legata intelligitur priori adempta, si testator nominatim verbo, *partis eiusdem rei*, usus sit id legando: quod testator non facit, qui fundum prius legat, deinde ususfructum. Quod constitutum est non tan-

tum propter auctoritatem constituentis, sed etiam propter manifestam rationem & æquitatem sententiæ Iustinianæ in hac lege, qua posita ita statuimus: quoties duobus eadem res solida legata est, potius singuli in eandem rem concurrunt ex æquis virilibus portionibus, §. *si eadem, Inst. eod.* Idem ex hac constitutione probandum est, si duobus ita res legata sit, ut uni legaretur solida, alteri eius rei pars sola dimidia. Neque hoc absurdum: quoniam pars dimidia secundo legata, priori detracta intelligitur: ex quo evenit, ut dimidia solum priori relinquatur; unde & æquas partes utriusque in divisione fieri oportet.

Ad §. ultim.

Sed & aliam disceptationem iuris antiqui non absimilem constitutam decidere nobis humanum esse apparuit. Agitabatur enim si quis agrum Cornelianum, vel forte alium, vel quandam rem cuidam legaverit, & postea iterum, vel sæpius ei eandem rem per legatum, vel fideicommissum dederit, post talia autem verba testamenti Sempronio eundem agrum, vel aliam rem legaverit, ut sæpius quidem fuisset Titii mentio, semel autem Sempronii; quid statendum est? Et quid iuris sit, si coniunctim, aut separatim eis relinquatur, sive in legato hoc consistat, sive in hereditate? Huiusmodi igitur decedentes antiquam controversiam, sancimus, cuicumque sis hereditas, vel ager in memoratis casibus, sive coniunctim, sive soli, sive sæpius eadem relictus: æqua lance & hereditatem & agrum, & aliam quamcunque rem dividi, & ad dimidiam partem unumquemque vocari: nisi specialiter exprefferit, & dixerit testator, tantas quidem partes velle unum, tantas autem alterum habere. In omnibus etenim testatoris voluntatem, quæ legitima est, dominari censemus: Datum XV. Kalend. Decemb. Lampadio & Oreste VV. Cass.

S U M M A R I A.

1. Testatore legante eandem rem uni, quanvis leget sæpius, tamen ei semel tantum debetur.
2. Verba stipulationis sic accipiuntur,

ut semper aliquid egisse intelligantur.

3. Quicquid verba significans, id pro stipulatione accipi debet.

CUM testator ꝑ eandem rem uni legat, quanvis leget sæpius, tamen semel ei tantum debetur, *L. plane ubi, §. 1. de legat. 1.* Ex merito; quoniam una res legata est, non plures, quanvis eadem sæpius legata sit. Una autem amplius, quam semel præstari non potest. Itaque ingeminatio legati in eadem persona legatarii facta legato nihil adiicit. Hinc consequens est,

quod hic a Iustiniano constituitur: quoties eadem res duobus est solida legata, quanvis uni sæpius legata sit; tamen non aliter inter legatarios res dividitur ex æquis portionibus, quam si singulis semel tantum legata esset, quia quod sæpius uni legatum est, ad legatum nihil adiicit: hoc enim iuris est, si uni soli legata esset.

Sed

Sed non caret res dubitatione, quam ob causam Iulianiani constitutione opus fuit. Nam aliud receptum est in stipulatione servi communis, *L. 4. de stipulat. servorum*. Stichus duos dominos habens Titium & Mævium, hoc modo fundum stipulatus est: *Fundum Tusculanum Dominiis meis, & Titio dare spondes?* Vel hoc modo, *Titio & Mævio, & Titio dare spondes?* Propter ingeminationem Titii placuit in hac specie duplicem divisionem fieri, primum dividendum esse fundum in duos semisses, ex quibus unus semis integer pertineat ad Titium, alter semis rursus dividi debeat in duos quadrantem, ita ut Titius unum quadrantem idest, tres uncias habeat, Mævius alterum quadrantem, idest, reliquas tres uncias; ut in summa Titius dodrantem habeat, idest, novem uncias, Mævius quadrantem, idest, solum tres uncias.

Sed aliud servatur in contractibus, aliud in legatis & testamentis; quoniam aliud contrahentium, aliud testatoris voluntas exigit. In stipulationibus, quoniam qui

stipulatur hoc animo est, ut sibi caveat & acquirat aliquid, placet ꝑ verba stipulationis sic accipi, ut semper aliquid egisse intelligantur, *L. quicquid, L. quoties in stipulat. de verb. oblig.* Et ꝑ quicquid verba significarunt, placet id pro stipulatione accipi debere, quia non frustra sibi caverit, *L. quicquid, in fin. prin. verfi. de verb. oblig.* Proinde, quod servus bis Titio domino stipulatus est, sic accipi debet ingeminatione, ut non frustra Titio bis stipulatus sit. Id autem ita fiet, si verbis ei stipulatus est, ut bis in eius utilitatem fundus dividatur. Alia mens est testatoris, cum fundum duobus legat, quanvis bis uni leget. Non enim intelligitur propter ingeminationem legati, plus uni tribuere voluisse, propter alterum collegatarium, quem pariter dilexit. Id ex eo apparet, quod ei pariter fundum solidum legavit. In testamentis autem non quid scriptum sit, spectatur: sed quid testator voluerit: quia totum in his voluntas facit, *L. ex facto, §. rerum, D. de hered. inst. L. 12. in fin. de legat. 1.*

Ad L. Cum quidam. 24.

Idem A. Iohanni praefecto pratorio.

Cum quidam suum filiumfamilias impuberem exheredatum fecit, aliis heredibus scriptis, eidem autem pupillo alium substitutum reliquit, maximam scilicet ostendens ad filium suum affectionem, cui nihil quidem emolumentum reliquit, sed post exheredationis iniuriam, etiam substitutionem ei addidit, & a substituto legatum reliquit: querebatur, si huiusmodi legatum, vel fideicommissum posset valere. Sed & si legatum eidem exheredato filio pater reliquerit, & substituerit ei exheredato facti aliquem extraneum: iterum certabatur, si saltem per eundem modum fideicommissum posset relinquere. Cum igitur antiquitas quidem hoc diverse tractare maluerit, nobis autem huiusmodi iurgia supervacua esse videantur: sancimus, nullo legato, nullo fideicommissum huiusmodi substitutum, qui exheredato pupillo datus est, praegravari: nec si ipsam rem, quam pupillo legavit, a substituto eius vel legare, vel fideicommittere voluit. Datum II. Kal. Maii, Constantinop. post consulatum Lampadii & Orestis VV. CC.

S U M M A R I A.

1. Sententia huius legis.
2. An ab exheredato substituto lega-

ri, aut fideicommitteri possit, & num. 3.

1. Sententia est, ꝑ ab imberbis exheredari substituto legatum, aut fideicommissum iunctiter relinquatur, quanvis

pater filium exheredat leget, & id ipsum corpus leget a substituto. Haec summa tres sententias continet, quarum unaquaeque suam

suam dubitationem habet. Prima illa est:

1. Ab \dagger exheredati substituto legari, aut fideicommissi non posse. Regula verus est, non hoc tantum loco constituta, *L. antepenult. de legat. 1.* Hæc ut intelligatur, sciendum est, patrem filio impuberi, quem in potestate habet, heredem substituiere posse in hunc casum, si impubes intra pubertatem decesserit; neque id tantum filio impubere herede instituto, sed exheredato, ut dicat hoc modo: Filius meus impubes exheres esto, si intra pubertatem decesserit, Lucius Titius ei heres esto, *L. 1. §. 1. de vulg. substit. in pr. §. non solum.* Hinc quæsum est, \dagger cum exheredato impuberi pater heredem substituit, an ab hoc substituto legatum, aut fideicommissum relinquere possit?

Controversia nascitur ex alia regula iuris, qua efficitur, quibuscunque aliquid datur testamento, ab his fideicommissum relinqui posse, *L. 1. §. sciendum, de legat. 3.* Secundum quam regulam videbatur dici debere, etiam a substituto exheredati relinqui posse; quia pater, qui relinquit, prius ei hereditatem filii impuberis dedit: sed placuit, quod supra scripta regula comprehensum est, ab hoc substituto relinqui non posse. Idque hac ratione, quia pater a filio ipso exheredato legare, aut fideicommittere non potuit. Nam cui testamento nihil dedimus, ab eo nihil relinqui potest, *L. ab eo, infr. de fideicommiss. L. 6. §. ult. de legat. 3.* Porro qui non habuit ius legandi ab eo exheredato, is plus iuris in personam heredis eius transferre non debet. Ratio est Iuliani in *L. qui fundum, §. qui filios, in fin. ad L. Falcid.* Ratio sumpta est ex regula iuris nota, quod qui in ius & locum alterius succedit, eodem iure uti debeat, *L. qui in ius, D. de reg. iur.* Non obstat, quod dicitur, quod huius testamento aliquid datum est, ab his fideicommissum relinqui posse. Hoc enim sic intelligendum est, si is testator aliquid de suo dederit, ut intelligitur ex *L. qua ratione, §. quod nullo, cir. fin. D. ad L. Falcid.* Sed & illud recte dici potest, cum pater filio impuberi exheredato heredem substituit, non videri patrem quicquam dare substituto, neque de suo, neque de alieno. Nam magis videtur impubes ipse dare, facto tamen & auctoritate patris: nam substitutio pupillaris est impuberis testamentum, tametsi pater hoc ei testamentum fecit, ut dicitur in dicta *L. Papiusianus, §. sed nec impuber. D. eod.*

Quid si in superiori hypothesi retenta, pater filio impuberi exheredato fundum

legarit, & tantundem leget ab exheredato substituto, videbatur hoc saltem casu a substituto legari, aut fideicommissi posse: commutata videlicet in contrarium ratione, propter quam dicebamus a substituto exheredati legari non posse. Hæc enim est ratio: quia ab exheredato ipso legari non poterat; at ratio cessat, cum exheredato quid legatum est. Nam hoc casu ab exheredato tantum relinqui potest, *L. coherede, §. 1. in fin. D. de vulg. Unde efficit quis non immerito dixerit, ut etiam ab eius herede relinqui possit; quoniam cessante ratione iuris, etiam ius incum non habet, *L. quod dictum, de pass.* Ad huius sententiæ confirmationem facit regula iuris, qua diserte id expresse est in *L. 5. §. ult. de legat. 3.* his verbis: *Cum ab herede, aut legatario relinqui potest, etiam ab heredis & legatarii herede fideicommissum relictum valere, benignum est.* Sed tamen etiam hoc casu placuit ab exheredati substituto legatum, aut fideicommissum relinqui non posse, non tantum hac lege, sed etiam iure veteri. Exstat enim hæc sententia in *d. L. qui fundum, §. qui filio verbi. ne cui contrarium, ad L. Falcid.**

Non obstat, quod exheredato, cui legatum datum est, fideicommissum relinqui potest. Non enim si ab herede relinqui non potest, quod ab exheredato non potuit: idcirco recte colligitur, contra si quid exheredato legari potest, recte etiam legari posse ab eius herede substituto. Nam quod ab exheredato cui legatur, fideicommissum relinqui potest, id beneficium personale est, nec personam exheredati egreditur: quoniam non est eadem ratio in herede filii, quæ in filio ipso. A filio exheredato, cui pater legatum dedit, fideicommissum relinqui potest; quia pater ei tantundem dedit, aut amplius. Hæc ratio locum non habet in substituto filii; quia pater huic substituto nihil de suo dare intelligitur. Nec nos moverit, quod dicitur a legatarii heredibus fideicommissum relinqui posse, aut relictum valere; sed valere *benignum est.*

Ex his verbis intelligimus, hanc regulam locum habere solum in aliis legatariis, non autem in legatario filio exheredato, hac ratione; quia quod benigne in aliis recipitur, id in exheredato recipiendum non est propter odium exheredationis paternæ. Exheredationis enim ut res odiosæ benignitate interpretationis adiuvandæ non sunt, *L. cum quidam, in fin. de lib. & postum.*

Sed

Sed cum hæc sententia fuerit etiam veteris iuris, quid opus erat Iustiniani constitutione ad eam confirmandam? Respondeo: Quia teriam dubitationem Iustinianus dirimit. Quærebatur enim amplius, si pater non potest aliud tantundem relinquere a substituto exheredati, an sal-

tem non possit idem illud corpus relinquere, quod prius exheredato legarat? Et Iustinianus adiecit, ac hoc quidem patri concedendum esse, in odium exheredationis, ut ipse in principio huius constitutionis significat.

Ad L. penult.

Idem A. Ioanni præfecto prætorio.

Si legatarius, [vel fideicommissarius] celaverit testamentum, & postea hoc in lucem emergerit, an posses legatum sibi relictum is, qui celaverit, ex eo testamento vindicare dubitatur. Quod omnimodo inhibendum esse censuimus, ut non accipiat fructum sue calliditatis, qui voluit heredem hereditate sua defraudare: sed huiusmodi legatum illi quidem auferatur, maneat autem, quasi pro non scripto apud heredem, ut qui alii nocendum esse existimavit, ipse suam sentiat iacturam: quemadmodum si legatarius, cui propter tutelam gerendam aliquid relictum sit, non subierit tutelam: ei quidem legatum auferatur, pupillo autem assignatur, cui ille utilis esse noluit. Dat. Kal. Nov. Constantinop. post consulat. Lampadii & Orestis V. CC.

S U M M A R I U M.

1. Legati actionem amittit is, qui tu-

tor datæ tutelam non subiit.

SENTENTIAM huius legis complexi sumus ad L. 5. *supr.* Norandum est, quod hic dicitur, eum ꝑ legatæ actionem amittere, qui tutor datus tutelam non subiit. Hoc enim generalius dictum est: sed ita accipi debet, si is qui tutor datus erat, cum posset, tutelam suscipere noluit, non etiam, si non potuit. *L. post legatum, §. amittere, D. de his, que ut indig. aufer. L. qui tutelam, D. de testam. tut.* Quod si quis ideo tutelam non subiit, quia non potuit, nihilominus ei legatum salvum est. Is non potuit tutelam subire, qui tutor iure dari non potuit, ut miles. Et ad hanc causam supra constitutum est, *L. ab administratione, supr. b. f. si mi-*

les tutor datus, tutor non fiat, nihilominus eum legatum consequi. Is etiam tutor esse non potest, qui cum ex inquisitione magistratus dari deberet, & paratus esset tutelam suscipere, a prætore non est admittus, ut non satis idoneus. Et ob hanc causam placuit eum, qui ita admittus non est, nihilominus legatum consequi. *L. cum filius, §. non tunc D. de legat. 2.* Hæ superioris regulæ exceptiones non sunt, sed confirmationes potius. Confirmant enim eum solum, qui tutor datus tutelam non subiit, legatum amittere, quia noluit tutor esse, de quo solæ regulæ concepta est.

Ad L.

Ad L. ult.

Idem Augustus Ioanni prefeſto prætorio.

Illud, quod de legatis, vel fideicommiſſis temporalibus, utpote irritis, a legum conditoribus deſinitum eſt, emendare proſpeximus, ſancientes etiam talem legatorum, vel fideicommiſſorum ſpeciem valere & firmitatem habere. Cum enim iam conſtitutum ſis fieri poſſe temporales donationes & contraſtus: conſequens eſt etiam legata vel fideicommiſſa, quæ ad tempus relicta ſunt, ad eandem ſimilitudinem confirmari: poſt completum videlicet tempus ad heredem iſdem legatis, vel fideicommiſſis remeantibus, neceſſitatem habente legatario, vel fideicommiſſario cautionem in perſonam heredis exponere, ut ei poſt tranſactum tempus res non culpa eius deterior facta reſtituatur. Dat. XV. Kal. Nov. Conſtantiноп. poſt conſulatum Lampadii & Orefis VV. CC.

S U M M A R I A.

1. *Legata temporalia, quanvis ad tempus data, nihilominus ſunt perpetua.*

2. *Legatum temporale utrum finiatur tempore præſtituto, prætorio ipſo iure, an per exceptionem.*

CUM decem annua Titio legata ſunt, uſque ad decem annos; aut cum fundus Titio legatus eſt uſque ad decem annos, & ſi qua ſunt legata Titio ad tempus uſque certum relicta, quæ in hac ꝑ lege temporalia vocantur, de ſiſ ita ins olim fuit, ut quanvis ad tempus data ſint, nihilominus eſſent perpetua, quia tempore ſiniri non poſſunt, ſecundum regulam iuris *L. nemo, D. de legat. 1.* Regulæ iuris id exigunt, ut obligatio ſemet coæpta non finiatur, niſi & iure conſtitutis modis, *ſiſ. Inſtit. quibus modis toll. oblig.* Inter hos autem modos non eſt ſolum factum, aut ſola voluntas teſtatoris. Hæc ratio ſignificatur in *L. obligationum ſere, in princip. verſic. placet, D. de oblig. & act.* Iuſtinianus hac lege hoc ius mutavit, & ejuſmodi legata omnia confirmavit, ut valeret non minus, quam cætera.

Hic quæſtum eſt, utrum ꝑ ex hac conſtitutione legatum temporale finiatur tempore præſtituto prætorio, ipſo iure, an per exceptionem? Movet quæſtionem, quia etiam olim huiuſmodi legata finiabantur ope exceptionis. Nam ſi legatarius legatum poſt decem annos annuum peteret, ab herede quidem iure peteret, ſed exceptione doli mali ſubmovebatur, quia petebat contra conventionem. Idque ex-

preſſum eſt in diſta *L. obligationum ſere, verſ. placet.* Hinc quærimus an idem etiam nunc poſt hanc conſtitutionem probandum ſit? Quod vulgo probatur.

Sed perſpicuum eſt, Iuſtinianum hæc legata omnia conſtituere temporalia, ita tempore conſtituto ſinito ipſo iure ſiniri. Id autem planum ſit ex eo, quod dicit, ſe in eo vetus ius emendare. Nihil emendaret in iure veteri, ſi legatum tempore, iure non finiretur, ſed tantum per exceptionem; nam & olim idem ius fuit. Deinde ita ſcribit, ſe conſtituere, ut legata temporalia, quæ prius irrita erant, non valeant: prius erant irrita iure ſummo tantum, non iure prætorio. Hoc igitur conſtituit etiam ipſo iure non valere nunc ea legata. Quod autem dicitur legata temporalia olim non valuiſſe, ſic accipiendum eſt: ut non valuerint, quatenus temporalia erant: nam quatenus legata erant, debebantur & erant perpetua, ſed quatenus iis tempus adiciebatur, ad quod uſque legata valerent, hæctenus adiectio non valebat.

Iuſtinianus addit, ſe hoc conſtituere, quia & idem ante in donationibus receptum erat, & idem in contraſtibus: quod de donationibus tantum quibuſdam, & quibuſdam contraſtibus accipiendum eſt, alioqui ſententia falſa. Nam cum alicui dono

dono fundum ea lege, ut id faciat, aut non faciat: causa non secuta non revocatur dominium ipso iure, sed tantum conditio ob causam *L. 4. & L. 5. supra, de condit. ob caus.* Sed solum ipso iure finitur dominium rei donatæ in specie, cum donator dedit alicui, ut ab eo aleretur, & causa secuta non est; *L. 1. infra, de donat. quæ sub. mod.* Idem in contractibus dicendum est: nam si tibi vendiderim fundum, & tradiderim, ut tuus sit, donec illud non faceres, causa non secuta; nihilominus fundus tuus manet, nec alia mihi actio tecum est, quam actio in personam ex venditione, ut mihi rem reddas. Solum dominium translatum ipso iure finitur, cum res vendita est & tradita lege commissoria, idest, ea lege, ut si intra centum tempus pretium solutum non esset, fundus inemptus esset, *tit. de lege commissoria*. Has igitur species io hac lege accipere debemus.

De his itaque causis hæc constitutio accipiendi est, quorum argumento Iusti-

nianus dicit, se idem constituere in legatis omnibus temporalibus, ut post tempus constitutum, & decem annua definant ipso iure deberi, & fundus legatus definat ipso iure legatarii esse. Quamobrem causam adiecit Iustinianus, non aliter huiusmodi legata præstanda esse legatario, ubi aliquid illi daretur, quod postea restituendum esset, quam si caveret heredi, se id legatum post tempus constitutum restitutum saluum & integrum, quod sine culpa sua fieri posset, cuiusmodi cautio recepta est in re fructuaria, quæ fructuario fruenda datur, *L. 1. D. usufr. quemadmodum caveas*.

Auctor Lectori.

Quoniam titulus sequens tantum de verborum significatione, non de iure est, omnia rescripta eius talia sunt, ut legenti facilia sint, itaque pergitur ad seq. tit.



A D T I T U L U M XXXIX.

COD. SI OMISSA SIT CAUSSA TESTAMENTI.

Ad L. si in fraudem. 1.

Impp. Severus & Antoninus AA. Ianuariæ.

Si in fraudem legatorum transmissam hereditatem ad substitutum probatura es: utilis actio adversus eum cum quo fraudis consilium participatum est, tibi competat. Plane si pecunia accepta omnis aditionem: legata & fideicommissa præstare cogitur. Accep. Kal. Octob. Fusco & Dextro Coss.

Ad L. Eum. 2.

Impp. Philippus A. & Philippus C. Victoriz.

Eum qui cum testamento posset obtinere hereditatem, ab intestato ius successionis voluit amplecti: libertatibus eodem testamento datis obesse non posse, iam pridem placuit. Quod si cum iam neque adiri ex testamento hereditas, neque bonorum possessio peti possit, iudicium defuncti non usurpabatur, sed ad irritum iuris ratione revocatum est: petitiō relictorum nullo iure procedit. Si vero iure facto testamento, cessante herede scripto, aliter ab intestato aditis hereditatem: neque libertates neque legata ex testamento posse præstari, manifestum est. PP. Kal. Ian. Philippo A. & Titiano Coss.

Ad L. Si Proculiana. 3.

Impp. Diocletian. & Maximian. AA. & CC. Apro & Pix.

Si Proculiana patri vestro, cuius estis heredes, testamento quid reliquit, & scripti iure secundum eius iudicium, vel omissa causa testamenti successerunt ab intestato: aditus competent iudex, quatenus legis Falcidie modus patitur, vobis relicta restituere iubebit. Dat. XV. Kal. Ian. Sirmii. AA. Coss.

S U M M A R I A.

1. *Actio legatorum, seu fideicommissorum nova in quem datur.*
2. *Omittere hereditatem quis dicatur, quis item causam testamenti.*

3. *Actio legatorum, seu fideicommissorum quibus, quarum rerum gratia, & quatenus datur.*

Heredem legatis teneri certum est, si hereditatem ex testamento adierit, de quo dictum ad L. 2. *sup. de legat.* Placuit Imperatoribus etiam eum, qui ex

testamento hereditatem omisisset, legatis obligari, si ab intestato possideret hereditatem, L. *ult. hic.* Quam ob causam merito hic titulus superiori *de legatis substituta-*

iungitur, ut intelligeretur, quæ in totum obligatio effet heredis in præstatione legatorum. De hac parte fuit editum prætoris ad hanc sententiam: *Si quis omiffa cauffa testamenti, ab intestato hereditatem, partemve eius possidebit, aut dolo malo fecerit quæ minus possideret, quo legatarii, caterique quibus ex indicio defuncti aliquid deberi potuit, si non ab intestato possideretur hereditas, careant eis, quæ sibi relicta sunt: in eum perinde, quasi ex testamento adisset, cognita caussa, actionem dabo.* Hæc propemodum verba editi sunt, arguunt ea fragmenta, quæ iuris auctores veteres interpretantur, *sub eodem sit. D.*

Sed singulæ partes facile notabuntur in explicatione editi, & totius huius tituli, quam tubicio. Constat enim hoc edito actio legatorum, seu fideicommissorum nova, & quæ iure civili est incognita. Videndum est, in quem detur, quibus detur, quæ sit actio, & quatenus detur.

¹ Hæc ¶ actio in eum datur, in quo quatuor concurrunt. I. Eum esse oportet, qui omisit causam testamenti, *L. 1. in pr. D. b. s. unde titulus, Si quis omiffa caussa, &c.* Omittere ¶ hereditatem maxime is dicitur, qui cum posset ex testamento hereditatem obtinere, vel per se, quia institutus erat; vel per alium, quia institutus erat eius servus, aut filius, quem in potestate habebat: noluit hereditatem ex testamento habere, quod contingit in extraneis heredibus repudiando; in suis se abstinendo hereditate, aut iubendo, ut is, per quem acquirere potuimus, repudiet, *L. 1. in pr. ver. § nihil refert. L. 1. § prætermittere. D. eo.* Hic volumus non aliter videri omitti hereditatem, quam si quia ideo non adeat, quia noluit, cum posset. Ex quo intelligitur, si quis heres testamento institutus ideo hereditatem non adiit, quia testamentum iure non valuit, non tenet legatariis, quanvis ab intestato defuncti possideret hereditatem, quod scriptum est in *L. 2. b. s. scilicet* quia qui iure non potuit esse heres, non potest dici ex superiore definitione omisisse hereditatem. Editum autem ad eos solos pertinet, qui omiserunt causam testamenti. Præterea omittere causam testamenti etiam dicitur, qui testamento præteritus bonorum possessionem contra tabulas adversus testamentum patris petere potuit. Et ideo placet, si is omiffa bonorum possessione contra tabulas ab intestato petat bonorum possessionem, unde liberi, eum in solidum legata præstare debere, quæ certis tantum personis deberet, si petisset bonorum possessionem contra tabulas, *L. quia, 6. §. pen. L. si filius. D. cod.*

nom possessionem contra tabulas, *L. quia, 6. §. pen. L. si filius. D. cod.*

Sed quomodo dici potest testamenti causam omittere, qui ex testamento nihil habuit, quantumvis non petat bonorum possessionem contra tabulas. Item quæro, etiam si bonorum possessionem contra tabulas peteret, quomodo dici possit causam testamenti sequi, qui testamento præteritus est? Resp. Hæc ideo responsum est, quia exilimatum est, non solum bonorum possessionem secundum tabulas esse ex testamento, sed etiam bonorum possessionem contra tabulas, quia neutri locus esset, nisi testamento rite factio. Sunt autem, qui bonorum possessionem petere possunt, non tantum heres testamento institutus, aut filius testamento præteritus, qui omittere potest causam testamenti, & ab intestato possidere hereditatem; sed etiam legatarius, cui testamento aliquid relictum est, quod facit tunc, cum dolo malo facit, ut heres scriptus omittat hereditatem, & sic non ex causa testamenti legatum obtineat ab herede. Itaque placet hoc casu, si is legatarius rogatus sit testamento legatum id restituere, fideicommissi nomine obligari, tanquam qui omiffa caussa testamenti possideat hereditatem, vel rem hereditariam, *L. 4. §. quamquam, D. cod.*

Ex hac parte intelligimus, si quis non sit testamento institutus heres, & ab intestato possideat hereditatem, eum legatariis non teneri ex hoc edito, quoniam non omisit causam testamenti, qui ex testamenti caussa nihil habuit. Sed hoc est, nisi is, qui ita possidet hereditatem ab intestato, participato cum heredibus scriptis fraudis consilio hereditatem possideat. Nam hunc placuit utili actione teneri, *L. 1. §. ult. D. cod.* Et ideo si heres scriptus pecuniam accepit, ut omitteret hereditatem, vel gratis omiserit hereditatem, hoc consilio, ut hereditas ad substitutum, aut legitimum heredem perveniret; hoc casu utili actione a legatariis & fideicommissariis conveniri potest. Utili, idest, non ex verbis editi, quoniam heres possidet hereditatem, sed non omiffa caussa testamenti; verum ex sententia prætoris, seu editi, quia perinde est, quasi omiserit causam testamenti, qui huius omissionis fructum percipit. De herede scriptum est *L. 2. 3. 4. D. b. s. De substituto est. L. 1. b. s.*

Non sufficit omisisse causam testamenti, nisi quis possideat hereditatem, vel partem eius, aut dolo malo fecerit, quo minus possideret. Horum igitur alterutrum concurrere oportet. De eo, qui possidet

est in *L. 1. statim in pr.* Nihil autem refert, utrum quis possideat hereditatem, an partem, an vero etiam hereditatis rem hereditariam minimam, *L. est, cum 3. seg. D. b. t.* In eadem causa eum possessore est is, qui dolo malo fecit, quominus possideret, de quo in *L. 1. sane interveniente, §. seg. D. b. t.* idque ex regula iuris perpetui constituitur; secundum quam par causa est eius, qui possidet, & eius, qui dolo delitit possidere, secundum quam eandem regulam semper qui dolo delitit possidere, pro possessore habetur, *L. qui doli, de reg. iur.* Duo dolo facere intelliguntur, quo minus hereditatem ab intestato possideant. Primo & quidem proprie hi, qui ab intestato possidere exceperant; deinde ad aliam hereditatem, quam possidebant, transulerunt volentes scientes, cum ab his hereditas non evinceretur, *L. 1. §. sane interveniente, vers. dolo, D. b. t.* Deinde hi, qui ab initio malitiose fecerunt, ne hereditatem possiderent, quo ea vel ad substitutum, vel ad heredem legitimum perveniret, *L. 1. §. pen. D. b. t.* Ex ideo siue heres scriptus pecunia accepta omisit hereditatem, siue nulla pecunia accepta, sed tantum gratia substituti aut legitimi heredis idem fecit: utroque casu actione tenebatur, non utili, sed directa, quoniam dolo fecit, quo minus possideret. De eo qui pecunia accepta omisit hereditatem est, in *L. 2. D. eod.* De eo, qui omisit gratia, tantum est in *L. 4. D. eod.* Sed ita, ut ex ea lege non satis aperte colligatur, utrum hoc casu heres omittens hereditatem conveniri debeat; sed satis intelligitur ex eo, quod dolo possidere delitit, & hic generaliter dicitur ex edicto teneri, *d. L. 1. §. pen.* Secundum hæc evenit, ut cum heres institutus dolo malo hereditatem omittit, quo ea perveniat ad substitutum, aut heredem legitimum, hoc casu incipere duos teneri ex hoc edicto legatariis; heredem scriptum directa actione, quia omissa causa testamenti perinde habetur quasi possideret, cum dolo delitit possidere; & præterea substitutum & heredem legitimum utili actione, ut in superiori parte dicimus, & *L. 1. b. t. comprehensum est.*

Ubi tamen monendi sumus, hoc casu prius conveniendum esse & executiundum possitorem; deinde si ab hoc omnia obtineri non possunt, tum secundo loco perveniendum esse ad cum, qui dolo malo omisit hereditatem. Quæ cautio diligenter notanda est ex *L. 2. D. eod.*

Ex hac parte primum colligimus, si quis omisit causam testamenti, neque hereditatem possidet, aut dolo malo possidere delitit, hunc legatariis nullo modo teneri, quantumvis alii possideant hereditatem ab intestato. Liberum est enim cuius hereditatem non adire & implicari hereditariis oneribus, *L. si quis, D. eod.* Alterum ex eadem colligimus parte, si heres institutus omitta causam testamenti non possideat hereditatem, neque dolo fecerit, quo ad aliam perveniret, alius vero ab intestato possideat, evenire id quod scribitur *L. 2. in fin. b. t.* nempe legatis nullo modo præstari debere: non enim tenetur heres institutus, qui omisit quidem causam testamenti, sed non possidet hereditatem: non etiam is, qui possidet hereditatem; quia neque causam testamenti prius omisit, cum institutus non esset, neque fraudis consilium participare potuit cum eo, qui dolo nihil fecit.

Ne hoc quidem latius est, omitta causa testamenti possidere hereditatem, partemve eius; sed & tertium concurrere oportet, ut quis possideat hereditatem, partemve eius ab intestato, ut omnia hic rescripta declarant, & est in *L. 1. in pr. D. eod.* Ab intestato possidere hereditatem intelligitur qui possidet tamquam heres: nam iure intestati non nisi heres possidet. Siue igitur quis iure legitime heres erit, ut olim agnatus siue quis bonorum possessionem petierit, ut cognatus siue etiam quis hereditatem nullo iure possideat ab intestato; possideat tamen tamquam heres, quod se heredem contentat, aut heredem esse velit, is est, qui hac edicti parte tenetur, *L. 1. §. non querimus, D. eod.* Quod si quis omitta causam testamenti possidet rem aliquam hereditariam, sed titulo singulari, velut pro dote, pro emptione, pro donatione; item quia legatorum servandorum causa, aut rei servandæ causa in possessionem rerum missus est, is non tenetur hoc edicto; quia non possidet intestati titulo, sed alio iure, *L. ult. L. 1. §. non querimus, D. eod.*

Hic excipitur institutus, qui participato fraudis consilio cum heredem instituto hereditatem possidet; nam hunc diximus utili actione teneri, *L. 2. 3. D. b. t.* Et tamen hic ab intestato non possidet hereditatem, verum ex testamento, nempe ex substitutione. Sed habita ratione institutionis, perinde habetur, quasi ab intestato succederet & obtineret hereditatem; videtur enim magis succedere in locum instituti. Excipiendus præterea est legatarius, de quo supra ex *L. 4. §. pen. D. eod.*

D. eod. Nam hic tametsi omiffa cauffa testamenti obtineat legatarum; tamen non obtinet tanquam heres, sed titulo privato. Ex hac distinctione nata est inscriptio tituli in *D. Si quis omiffa cauffa testamenti ab intestato, vel alio iure possideat hereditatem*. Qui ab intestato possidet, tenetur, qui alio iure, non tenetur.

Ad hæc omnia & quartum exigitur, ut quis ex hoc edicto legatariis teneatur. Id autem est, ut qui omiffa cauffa testamenti ab intestato hereditatem possidet, id fecerit in fraudem legatariorum, & caretorum, quibus quid testamentum datum est, quo careret his, quæ sibi relicta sunt, quæ pars indicatur in *L. 1. in pr.* sed apertius in *S. sane interveniente, vers. dolo, D. eod.* Ex quo intellectum est, non teneri hoc edicto eum heredem scriptum, qui sine fraude hereditatem omisit, & ab intestato possidet, ut sibi consulere, cuiusmodi est patronus, si sit a liberis inhiurus ex legitima portione, sed ea portio legatis sit exhausta, *L. quia autem, S. si patronus, L. excusatus, D. eod.* Simile exemplum est in filio instituto, quem pater nimium oneravit, to *L. questum, D. de acq. her.* Hæc cum in aliquem concurrenti, tum is erit, lo quem actio ex hoc edicto competat.

Caterum ꝑ quibus datur, quarum rerum gratia, quæ actio, & quatenus datur, continetur in his verbis edicti: *Perinde ac si ex testamento hereditatem adisset*. Quæ verba in edicto expressa fuisse constat, ex *L. si duo, S. L. si dolo, D. eod.* Ex his primum intelligitur hanc actionem permitti legatariis, & his, quibus testamento quid datum est. Nam iis teneretur heres, si ex testamento hereditatem adisset. Ex iisdem verbis intelligimus, non tantum legata ex edicto peti posse, sed etiam salvas esse libertates testamentum relictas tam directas, quam fideicommissarias. *L. antepen. S. r. L. pen. L. de libertatibus, D. eod.* Quod & expressum est in *L. 2. in pr. b. r.* Ex iisdem verbis intelligimus, quatenus legatorum, sive fideicommissorum nomine actio datur in eum, qui omiffa cauffa testamenti ab intestato convenitur. Nec minus ex illis verbis intelligitur, quæ sit actio, & qualis tum in legatariis, tum in heredibus. Seu intelligitur, quatenus datur actio in eum, qui omiffa cauffa testamenti ab intestato hereditatem possidet. Intelligimus autem ita dari, ut quemadmodum tenetur possessor legatarum; ita etiam eadem commoda consequatur, quæ habiturus esset, si ex testamento hereditatem adisset.

Ea autem commoda tria sunt. Primum, quod ei, qui omiffa cauffa testamenti ab intestato possidet hereditatem, commodum legis Falcidiae concedatur, ut quemadmodum legata ex hoc edicto præstari, sic ex hac parte edicti ea præstet, retenta quarta ex lege Falcidia, *L. si duo, S. ult. L. cui, D. eod. L. ult. b. r.* Id autem ex eo efficitur, quia si heres ex testamento hereditatem adisset, beneficio legis Falcidiae citra controversiam uteretur. Nam ea lex ad heredes scriptos pertinet. Secundum commodum est, quod si duo omiffa cauffa testamenti ab intestato possidebunt hereditatem, singuli in solidum tenentur legatariis, sed pro ea tantum parte, quam possident, *L. si duo, L. si dolo, D. eod.* Nam & idem efficeretur, si duo testamento hereditatem adissent: tenentur enim heredes oneribus hereditariis pro portione tantum hereditaria, *L. 2. infr. de her. actio.* Tertium commodum est in libertatibus fideicommissariis, & si is, qui omiffa cauffa testamenti ab intestato possidet hereditatem, servis hereditatem præstiterit ex cauffa fideicommissi, hos tibi libertos habeat, *L. penult. D. eod.* Nam & idem iuris foret, si ex testamento hereditatem adita manumississet, *S. ult. Inst. reb. per fideicom. relist. sing.*

Sed datur hæc omnis actio non simpliciter, verum cauffa cognita, ut est in *L. quia autem, S. non simpliciter, D. eod.* Quibus verbis significatur, præterea ita actionem dare adversus eum, qui omiffa cauffa testamenti hereditatem ab intestato possidet, nisi aliqua æquitas suadeat, ne datur, & an sit aliqua æquitas præterea cogniturum & æstimaturum. His autem verbis contineri intelligimus, neque hanc actionem dari semper in eum, qui omiffa cauffa testamenti ab intestato hereditatem possidet, neque dari semper omnibus legatariis.

Ex his, qui omiffa cauffa testamenti ab intestato possident, non tenentur ex hoc edicto ii, qui facultatem omnimodæ ex testamento nominatim a testatore acceperunt; quoniam prætori in hoc edicto solum propositum fuit, ut voluntas testatoris servaretur, *L. quia autem, S. plane, L. 5. S. non simpliciter, D. eod.* Item qui cum hereditatem ab intestato accepissent possidere, ab his postea hereditas evicta est sine ulla adversarii collusione, *d. S. non simpliciter.*

Ex legatariis autem excipiuntur ii, qui & ipsi omiffa cauffa testamenti ab intestato possident hereditatem, ut puta heredes soli-

instituti sunt Titius & Mævius. Mævio centum legata sunt, ambo omiſſa hereditate ex teſtamento, ab inteſtato poſſident hereditatem. In hac ſpecie actio non erit Mævio adverſus coheredem, denique centum legata non debebuntur, *L. quidam, D. eodem*. Idem eſt ſi legata ſunt data ſubſtitutis ab inſtitutis, iidemque omiſſa

cauſſa teſtamenti ab inteſtato poſſideant hereditatem. Nam hic placet ſubſtituto legata ſibi reſiſſa ab inſtituto non deberi, *L. ſi non ſolus, §. 1. D. cod.* Huius ſententiæ æquitas maniſeſta eſt: nam indignus eſt auxilio edicti, qui ipſe adverſus edictum committit, *L. auxilium, in ſn. D. de minorib.*



A D T I T U L U M XL.

COD. DE INDICTA VIDUITATE, ET LEGE IULIA
MISCELLA TOLLENDÆ.*Ad L. Legatum. 1.**Imp. Gordianus A. Bono.*

Legatum alii sub conditione sic relictum, si uxor nuptiis se post mortem mariti non collocaverit, contractis nuptiis conditione deficit: ideoque peti nequaquam potest. PP. XIV. Kalend. August. Gordiano. A. II. & Pompeiano Coss.

*Ad L. Ambiguitates. 2.**Imp. Iustinianus A. Ioanni. P. P.*

Ambiguitates legis Iulie Miscellæ generali lege tollentes, nullum concedimus fieri iuramentum secundum prædictam legem, sed penitus ea una cum Mutiana cautione super hac causâ quiescente, licere mulieribus etiam maritorum suorum interminatione spreta, quæ viduitatem eis indicit, & non dato sacramento, procreandæ sobolis gratia tantum ad secundas migrare nuptias, poena huiusmodi cessante sive habeat liberos, sive non: & ea percipere, quæ maritus dereliquit. Quorum omnium manifestissimum est, dominium minime eas liberis existentibus habere, usufructu tantummodo apud eas remanente, & ad liberos prioris tori proprietate eorum deferenda, secundum ea quæ de secundis nuptiis, & lucris quæ ex his mulieribus obveniunt, statuta sunt: ne ex necessitate legis & sacramento colorato periurium committatur. Cum enim mulieres ad hoc natura progenuerit, ut parius ederent, & maxima eis cupiditas in hoc constituta sit: quare scientes prudentesque periurium committi patimur? Tale igitur iuramentum conquiescat, & lex Iulia Miscellæ cedat cum Mutiana cautione super hoc introducta, a nostra republica separata. Augeri etenim magis nostram rempublicam, & multis hominibus legitime progenitis frequentari, quam impiis periuriis affici volumus: cum satis esse inhumanum videatur, per leges quæ periuria puniunt, viam periuriis aperiri. Dat. X. Kal. Mart. Constantinop. post consulatum Lampadii & Orestis. VV. CC.

Authent. Cui relictum.

Cui relictum quid fuerit a coniuge, vel a qualibet persona ne secundas ineat nuptias: intra annum quidem non petat, nisi spes nuptiarum deficiat: post annum vero capiat, præstita cautione rei cum fructibus restituenda, si contra fecerit. Pro re immobili iuratoria cautio fiat cum hypothecis: pro mobili (si persona sit idonea) eadem sit cautio: aliqui & fideiussor exigitur, si præstari potest. Contractis nuptiis res data vindicari potest: quod sic admittitur, ac si ei relictum vel ordinatum non esset.

Ad L.

Ad L. Legem Iuliam 3.

Idem A. Ioanni praefecto praetorio.

Legem Iuliam Miscellam quemadmodum in foeminis sustulimus, ita & in masculis esse sublatam, pertinere quidem ad sensum nostrae legis, quam super hoc promulgavimus, non est incertum, ne tamen quaedam ambiguitas simplices animos moveat, etiam expressim sancimus legem Iuliam Miscellam, & senatusconsultum quod circa eam factum est, necnon Mucianam cautionem, quae super talibus nuptiis introducta est, non solum in foeminis, sed etiam in masculis cessare. Sed quia apud Ulpianum in libris Sabinianis invenimus quaedam verba, quae effugiunt legis Miscellae observationem: ne quis & ea sublata esse putaverit, sancimus, cum huiusmodi verbis mulieribus aliquid relinquatur, si vidua erit, vel quotiens vidua erit, vel cum vidua erit: vel e contrario maribus, si auferint uxores: vel quando ad coelibatum pervenerint: non vetari ea vindicare, vel legitimo modo sumere, quae eis derelicta sunt. Neque enim ut permaneant vel foeminae in viduitate, vel masculi in coelibatu, videtur esse relictum: ut locum ante nostram legem habeat lex Iulia Miscella, quae iam perempta est: sed cum primum hoc evenierit, ilico competat talibus personis eius quod relictum est persecutio: quia sub conditione relictum esse videtur, sive semel, sive in annos singulos haec liberalitas fuerit conscripta quasi pro solatio suae tristitiae. Dat. Kalend. Novemb. Constantinop. post consulatum Lampadii & Orestis. VV. CC.

S U M M A R I A.

1. Non omnes conditiones pro scriptis habentur.
2. De legato inditae viduitatis.

3. Cautio Mutiana.
4. Condicio viduitatis an pro scripta habeatur.

Legatum sub conditione recte relinquatur, ut non aliter debeat, quam si conditio exstiterit, L. 1. de cond. & demonstr. Quaedam tamen conditiones excipiuntur, quae adiectae legato pro non scriptis habentur, nimirum impossibiles conditiones, L. obinuit, de cond. & demon. In his, quae sunt contra leges, numeratur haec conditio, quae viduitatem alicui iniungit, cum ita alicui legatur, mulieri, si non nupseris: viro, si uxorem non duxeris. Et ideo legatum sub hac conditione relictum, & nubenti mulieri & viro uxorem ducenti nihilominus debetur, quasi conditione non adscripta. Idque lege Iulia Papia de maritandis virginibus effectum est, ut liquet ex L. cum ita legatum, & L. hoc modo seg. & eorum legum inscriptionibus, L. cum sale, S. si arbitrata, de condit. & demonst.

Hac conditione tamen iniungitur viduitas proprie, cum hac conditio refertur in personam ipsius legatarii, hoc modo: Titia, si non nupseris, vel, Titio si uxorem non duxerit, heres meus centum dato. Nam legatarius spe legati movebitur, ne vel nubat, vel uxorem ducat. Itaque contriit hoc legatum spreto conditione deberi, dicta L. cum ita L. & L. sequen.

Idem dicendum est, si conditio viduitatis collata sit in personam alterius, sed eius, qui sit in potestate legatarii, hoc modo: Titio patri heres meus consummato, si filia, quam is in potestate habet, non nupseris. Nam hoc casu ut pater legatum conlequatur, facile perficiet, ne filia nubat.

Idem iuris est, si conditio conferatur in personam alterius, sed ad quem legatum postea perventurum est, hoc modo: Filio

Filius illi filiusfamilias heres meus dato, si pater eius non duxerit uxorem; hic propter spem legati iniungitur viduitas patri, qui ut legatum per filium consequatur, uxorem non ducet, quo filius prius ad legatum perveniat. Ideo placet in duabus his speciebus posterioribus, conditionem viduitatis pro non scripta esse, & legatum statim capi posse, *L. heres meus, §. ult. D. de condit. & demonstr.* Quoties autem conditio confertur in personam alterius, quam legatarii, & is, in quem confertur, plane extraneus est, placet legatum conditionale esse, veluti: *Titio heres meus dato, si Sempronia non nupserit*, placet in hac specie, & Sempronia nubente nihil deberi, & non nubente nihil deberi, priusquam constitit illam amplius nubere non posse, puta quia mortua sit, quod in *L. 1. h. t.* scriptum est, hac ratione, quia huiusmodi conditione in personam alterius extranei collata, nulla viduitas iniungitur, propter spem & commodum legati. Nam & Sempronia nihil unquam ex legato consequitur, utpote, cui legatum non est, & ob hanc causam non potest dici propter commodum legati inductam viduitatem.

Hoc ius ex lege Papia ad omnes eiusmodi conditiones pertinet, siue quibus prohiberentur primæ nuptiæ, siue secundæ, & ideo si maritus uxori suæ testimonio aliquid galasset, si ea ad secundas nuptias non transiret, nihilominus ex lege Iulia uxor postea nubens legatum consequeretur: quoniam conditio viduitatem iniungeret; at eius generis conditiones omnes ex eo genere improbantur, *d. L. cum ita legatum, de cond. & demonstr. L. maritus, & Titio, D. eod.*

Sed in hac parte secundarum nuptiarum postea nonnihil ius variavit L. Iulie Miscellæ, qua quid caveretur, exposuit Iustinian. in *Novell. de nup. §. quæ vero*. Erat autem legis hæc sententia: *Si maritus sub conditione superiori aliquid uxori legaverit, uxorem nihilominus intra annum, quo diceret se velle nubere, & legatum peteret, legatum esse consequitur, etiam sprete conditione & interdictione maritis; si modo prius uxor intraverit, se ad secundas nuptias transire liberorum procreandorum causa. Quod si post annum legatum peteret, uxorem nubentem nihil consequi; si nondum nupisset, ita legatum consequi, si interponeret Mutianam cautionem, id est, si caveret heredi, se, si nupisset, postea legatum cum fructibus esse restitutum.*

Hæc enim ¶ cautio est Mutiana, quæ ab

Tam. IX.,

omnibus legatariis exigitur, quæ exigitur sub conditione, si ipse aliquid fecisset, *L. Mutian, D. de cond. & demonstr.* Hanc legem postea fullulit Iustinianus *L. 2. h. tit.* Quæ lege veterem legem Iuliam Papiam in totum revocavit. Constituit enim, ut conditio viduitatis, & quæ prohiberet secundas nuptias, pro non scripta haberetur, non minus, quam si prohiberet tantum primas: quæ lege effectum est, ut uxor, cui ita legatum est, ut diximus, legatum capere possit, etiam si nubat, nec iuret, quo animo nubat. Proinde ab ea uxore non exigi cautionem ullam Mutianam de legato restituendo, si postea nupscit. Et quod Iustinianus constituerat in legato uxori relicto, si uxor ad secundas vota non transiret, idem postea alia constitutione constituit in legato, quod uxor marito dedisset, sub conditione hac, si maritus iterum uxorem non duceret, quæ est *L. ult. h. t.*

Sed idem Iustinianus in *Novell. de nup. §. quæ vero*, non modo revocavit L. Iuliam Miscellam, sed etiam in eo loco, quod prius constituerat circa eius legis emendationem, mutavit & constituit, ut conditione adscripta, quæ viduitatem a secundis nuptiis iniungeret, legatum, uti cætera legata valeret; nec reiici conditionem, non solum si maritus leget uxori, si uxor ad secundas nuptias non transierit, aut contra uxor marito leget sub hac conditione, si maritus uxorem non duxerit; sed etiam si quis extraneus sub ea conditione, quæ secundas nuptias prohibeat, leget vel mulieri, vel viro. Et ideo si mulier iterum nubat, aut vir iterum uxorem ducat: placet legatum non deberi, cuius conditio defecerit. Quod si neque mulier nupserit, neque vir iterum uxorem duxerit; placet petentibus legatum permitrendum esse; sed interposita prius cautione Mutiana, qua caveant legatarii, se legatum restitutos, si ad secundas nuptias transierint; volupque Iustinianus ad cautionem etiam adici iusiurandum, aut hypothecam, aut fideiussorem pro ea distinctione, quam ex verbis constitutionis licet cognoscere.


Huius constitutionis fragmentum & sententia relata est in *Antib. cui relictum. h. tit.* qua derogatur & *L. ambiguitates, §. L. ult. hic*. Quapropter post hanc constitutionem Iustiniani nova hæc distinctio inducitur circa hanc conditionem, si vir non uxorem duxerit, si mulier non nupserit, ut multum interfit, utrum hæc conditio conferatur in personam eius, qui nunquam in matrimonio fuerit, ut sic con-

N a

ditio-

ditione prohibeantur primæ nuptiæ; an vero conditio conferatur in personam eius, quæ aut est, aut fuit in matrimonio, ut sic conditio secundæ prohibeantur nuptiæ. Posteriore casu conditio recte adicitur, nec differt a cæteris conditionibus, quæ in non faciendo consistunt, *ex Novell. Justinian.* Priori autem casu ius antiquum manet, de quo initio hic dictum. Illa pars *L. ult. b. tit.* diligenter notanda est, qua docetur multum interesse inter has conditiones, *si vi-*

dua eris, vel cum eris, vel quando eris, & lege Titia, si non nupseris. Nam priore conditione non iniungitur perpetua viduitas secundis, aut tertius nuptiis, sed sufficit mulierem tunc esse viduam, cum dies legati cedit. Verum est enim, si vidua est, existisse conditionem. Hac autem conditione: *si non nupseris*, non exigitur solus, ut non nupserit tunc, cum legatum petit, sed ne omnino nubat, quo fit, ut illa postea nubendo legatum revocetur, si prius acceperit.



A D T I T U L U M XLI.

COD. DE HIS, QUÆ POENÆ NOMINE

IN TESTAMENTO, VEL CODICILLIS SCRIBUNTUR,

VEL RELINQUUNTUR.

*Ad L. Supervacuum. 1.**Imp. Iustinianus A. Mennæ præfeco pratorio.*

Supervacuum observationem veterum legum, per quam testatorum voluntates ad effectum duci impediebantur, amputamus, præcipientes nullum valere, dicendo poenæ nomine quedam esse relicta vel adempta in supremis testantium voluntatibus, eas infirmare: sed licere testanti pro implenda sua voluntate vel pecunias dari præcipere, vel aliam pecuniariam poenam inferre quibus voluerit, tam in adimendis hereditatibus vel legatis vel fideicommissis vel libertatibus, quam in præcipiendo ad alias personas eas transferri ab eo cui relicta ab initio sunt, vel aliquid aliis ab eo dari, si minus dispositionibus suis heres vel legatarius vel libertate donatus paruerit. Quod si aliquid facere vel legibus interdictum, vel alias probrosum, vel etiam impossibile iussus aliquis eorum fuerit: tunc sine ullo damno, etiam neglecto testatoris præcepto, servabitur. Dat. Kal. Ian. Constantinop. D. N. Iustiniano. A. PP. II. Cos.

S U M M A R I A.

- | | |
|--|---|
| 1. <i>Legatum poenæ an & quatenus valeat.</i> | 4. <i>Legata turpia nullius sunt momenti.</i> |
| 2. <i>Poenæ nomine quando aliquid relinqui intelligatur.</i> | 5. <i>Poenæ subiecta præcepto impossibili cur non valeat.</i> |
| 3. <i>Quicquid fit invitandi delicti causa, turpe est.</i> | 6. <i>Conditio impossibilis legato adiecta pro non scripta habetur.</i> |

Inter cætera legata, quæ vel propter conditionem rei legatæ, vel propter personas, quæ legant, aut quibus aut a quibus legatur, vel propter observationem in legando, vel propter finem legati non valent, unum genus fuit, eum scilicet poenæ nomine aliquid relinquitur, de quo genere hic. Quod poenæ causa legatur † & vel adimitur, vel transfertur, olim quidem ante hanc constitutionem in totum nullius momenti erat. Ex hac constitutione hæcenus non valet, si testator iussit aliquid impossibile, vel legibus interdictum, vel turpe, & nisi fieret, poenam adiecit, dum vel aliquid legat ab eo, qui non fecit, vel quod ei legarat, adimit,

Tom. IX.

aut in alium transfert. Res explicatur pluribus in §. ult. *Iuss. de legat.* Poenæ † 2 nomine relinqui aliquid intelligitur, cum testator heredem, legatariumve aliquid facere iubet, vel non facere, & poenam adiecit, si adversus voluntatem suam fecerit, & hanc poenam legat alii. Exempli causa: *Heredes meus Sticbum servum meum exportato, si non exportarit, Titio centum dato.* Idem; *heredes fundum illum ne alienato, si alienarit, Titio decem dato.* Poenæ causa adimi intelligitur in iisdem exemplis, si dicit testator; *Titio servo fundum Tusculanum do, lego: Titius servum Sticbum exportato, si non: ei quod dedi, non do; vel quod ei dedi, Sempronio*

N n 2

nio

nio de lego, ubi priore casu legatum adi-
mitur, posteriores transferuntur, utrumque
pœnæ causa. Congruit Iustinianus in *d. §. ult.* cum ait, pœnæ causa relinquitur,
cum *relinquitur coercendi heredis, vel*
legatarii causa, quo magis aliquid faci-
at, vel non De hoc genere, igitur hoc
ius fuit, ut quavis testator possibile ali-
quid iussisset, nec turpe, nec illicitum;
tamen quicquid pœnæ causa legasset, aut
ademitset, aut transiussisset, ob id, quod
heres vel legatarius præcepto testatoris
non parvisset, placebat nihilo magis le-
gatum, aut ad ademptionem, aut ad trans-
lationem valere. Rationes non ineptas red-
dit Theophilus in *d. §. ult.*

Iustinianus in hac specie contrarium hac
leg. statuit, & rationem habet; quia non
minus in hac parte voluntas testatoris ser-
vanda fuit, quam in cæteris, ubi voluntas
moribus simul & legibus auctoræ non adver-
satur. Congruit hoc cum lege veteri: *uti*
quisque legasset. L. verbis legis, de verb.
signific. Itaque hoc ius in hac parte du-
bitationem habere non debet: sed illud in
hac ipsa parte dubitationem habet, quod
Iustinianus ait; Antea prioribus legibus
pœnæ causa legatum in totum non va-
luisse: quod & ante scriptum in *d. §. ult.*
Instit. de legat. Hoc refelli videtur par-
tim exemplis, præsertim duobus; partim
certis locis in contrariam partem scrip-
tis. Nam primum inter veteres interpre-
tes constitit hoc legatum valere: *Heredes*
meus filia penum dato, si penum non de-
derit, Titio 10. dato. L. 1. de pen. leg.
L. 1. §. cum ita, D. ad leg. Falc. L.
cum sine, L. si penum, D. quando dies
legat. ced.

Et tamen ex definitione superiori vi-
denur hic 10. relicta esse pœnæ causa.
Adiicitur eorum coercendi heredis causa,
si penum non dederit. De hac quoque
specie veteres non dubitarunt, quia multa
utiliter iniungerentur: *Heredes meus mo-*
numentum arbitrato L. Titii adificato,
vel ad illam formam adificato, si non a-
dificaverit, Sempronio 100. dato, L. multa
6. in pr. L. in testamento, D. de
condit. & demonstr. Hanc multam adici
faveatur, dicta *L. multa, de cond. & dem.*
Postremo in *L. 1. D. h. t. de his, que*
pauca nomine relinq. definitio eadem tra-
ditur, quæ in hac constitutione Iustiniani,
nempe, in *pauca relicta nullius esse*
momenti, si illicite, aut probe datum
sit. Qua conditione declaratur, si quid
illicite, aut probe non sit iustum, et-
iam tunc valuisse, cum eius legis auctor
id scribebat,

Ad huius rei explicationem diligenter
cavebimus, ne idem respondeamus, quod
Barolus & alii interpretes, qui argunt
ab initio pœnæ causa legatum non valuisse,
ut hic scriptum est: sed temporibus
Iureconsultorum ante constitutionem hanc
Iustiniani ius secundum invaluisse, quod
placet eiusmodi legatum valere. Refragatur
huic constitutioni manifeste: nam se-
cundum superiorem sententiam nihil emen-
daret Iustinianus in veteri iure, quod con-
traria se facere initio profiteatur, & apertius
in *d. §. ult. Instit. de legat.* Nec vero est,
quod dubitemus, ante tempora Iustiniani
pœnæ causa legatum non valuisse. Primo
id generaliter scriptum est in *d. §. ult.*
Instit. de legat. Convenit item inter eru-
ditos eas institutiones magna ex parte sum-
ptas esse ex Institutionibus Cui. Item
confirmatur fragmentis Ulpiani *tit. de legat.*
Sed præcipue id demonstratur in *L.*
si ita legatum 12. de condition. & demonst.
ubi in specie, quæ illic proponitur, res-
pondetur, legatum valere, & additur hæc
ratio, quia in legato causa addita est,
non pœnæ. Hac ratione declaratur, si le-
gatum pœnæ causa datum esset, futurum
fuisse, ut legatum non valeret. Non ad-
versantur huic sententiæ ea exempla, quæ
revelimus. Quod ut intelligatur, sciendum,
cum dictus pœnæ causa legari, intelli-
gimus de eo quod coercendi heredis causa
legatur. Quod probatur ex edicto de
deposito. In eo proponitur actio inter cæ-
tera de iis, quæ tumultus, sive incendii
causa deposita sunt.

Hæc verba Ulpianus sic interpretatur,
eum saltem videri incendii vel tumultus
causa deposuisse, qui nullam aliam causam
deponendi habuit, quam imminens
ex his causis periculum, *L. 1. in pr. &*
§. cum tamen, de pos. Hinc consequens
est, non videri legatum esse pœnæ nomi-
næ, siquidem testator iussit aut legatarii
causa, aut sua ipsius causa. At legatarii
causa totum hoc legatum comparatum est,
Heredes meus uxori penum dato, si non de-
derit, 100. dato. Hoc autem compara-
tum est testatoris causa, *Heredes meus mi-*
hi monumentum adificato, si non adifi-
cet, 100. dato. Quare secundum superio-
rem definitionem in utraque hac specie
non proprie pœnæ causa legatum videri
debet, ut non sit mirum, si veteribus in
utraque specie multa recepta fuerint.

Quod attinet ad *L. 1. de his, que*
pauca nomin. non dubium est, quin locus
interpellatus fuerit a Triboniano. Nam
verba, quæ sunt in hac constitutione, eo
translata sunt; & præterea non satis apte
dici-

dicitur, cum quid *probrose*, aut *illicite* iuberetur, & nisi fiat, adiicitur pœna. Non proprie dicitur, inquam, pœnam adijci *probrose*, aut *illicite*. Sed ut locum tanquam ab Africano scriptum accipiamus, tamen non probat cætera legata pœnæ nomine relicta olim non valuisse, fatemur enim, quod *illicite* pœnæ nomine relictum est, non valuisse, ut illic scribitur: sed non ideo recte colligitur, valuisse cætera, quæ eodem modo relicta sunt. Argumento est, quod etiam omnibus temporibus & nunc impossibilis præcepti pœna adiecta non valet: quam tamen nemo dixerit, illicite, aut probrose adijci. Verum est igitur, quod Iustinianus *hæc in l. proficitur*, in totum pœnæ causa legatum datum olim non valuisse, id ius se hic primum emendasse, ut huius generis legata iidem valerent ut cætera.

Excepit Iustinianus, ea legata pœnæ nomine relicta tunc, cum prius testator iussisset aliquid vel impossibile, vel legibus interdictum vel probrosum, Impossibilis præcepti exemplum hoc est, *heres meus Sticium (qui mortuus erat) intra triduum, quam moriar, in iudicio sisto, si non siteris, Titio 100. dato*. Homo mortuus sili non potest, igitur hoc inutiliter præcipitur, quia impossibilibus pœna subiecta non debetur. Hoc idem fieret in stipulatione, si quis stipulatus esset hominem mortuum sili, & nisi sisteretur, adiecisset pœnam. *l. si homo, de verb. oblig.* Præcepti legibus interdicti exemplum est: *heres meus sororem suam uxorem ducito, si non duxerit, 100. dato*. Probrosi & turpis præcepti hoc: *heres meus patrem suum domo eiicito, si non eieceris, Titio 100. dato*. In his impune heres & sororem suam non ducet, & patrem domi retinebit. Cur autem illicito, vel turpi præcepto pœna subiecta non debeat, ratio in promptu est: quoniam ut præceptum, sic & pœna illicita est & turpis, quoniam adicitur invitandi & promovendi delicti causa, quo magis heres velit ea peccare, quæ testator iussit. Quicquid tamen invitandi delicti causa, turpe est *l. 5. de dor.* Omnia tamen legata turpia nulli sunt momenti, *l. turpia, de legat. 1.* Similiter, ut omnes turpes stipulationes, *l. generaliter, cum l. segg. de verb. oblig.*

5 Sed tunc quid impossibili præcepto pœna subiecta non valeat, quaeritur, ut in exemplo proposito, *si heres hominem mortuum non siteris, 100. dato*? Dubitationis causa est, quia hoc legatum neque impossibile, neque turpe est, ut superiora,

nam 100, natura dari possunt, & si dantur, nullam ea res turpitudinem continet, neque futuram, neque præteritam, quia heres ad delinquendum non invitatur. Quod si ita est, idem videtur de eadem specie legati statum debuisse, quod de cæteris omnibus legatis puris. Dicendum est ideo, præcepto impossibili pœnam subiectam non deberi, quia & ipsa pœna est impossibilis. Possunt quidem 100, natura præstari, sed non possunt præstari ut, pœna, ex definitione pœnæ.

Nam pœna est culpa & delicti coercitio, ut ubi delictum non est, ibi nec pœna esse possit, *l. aliud est, fraus, de verb. sig.* Porro, nullum delictum est in eo, nulla culpa, qui non fecit, quod per se ipsum naturam fieri non poterat. Proinde nec ibi pœna esse potest huius facti coercendi causa. Et hæc vera ratio est, cur pœna impossibili stipulationi subiecta non magis valeat, quam impossibili præcepto, dicta *l. si homo, de verb. oblig.* Sed hinc parti opponitur, *l. impossibilis, & l. in sila seq. de verb. oblig.* ubi placet, hanc stipulationem valere, & præsentem esse, *si in celum non ascenderit, 100. debebis*. Et merito hæc stipulatio recepta est, quia nullam conditionem impossibilem habet, & si quam conditionem habet, ea etiam statim exstilit. Certum est enim, promissorem ascendisse in celum, neque quandiu in hoc corpore vivit, ascensurum: illi autem stipulationi hæc stipulatio similis est, *si hominem mortuum non siteris, 100. debebis*. Quod si hæc stipulationes valent, multo magis propter voluntatem supremam defuncti valebit hoc legatum, *si hominem mortuum non siteris heres, 100. dato*. Respondeo: ideo hæc stipulatio valet, *si in celum non ascenderit*, aut *si hominem mortuum non siteris, 100. dabis*. Quia stipulatio incipit a conditione. Hæc autem conditio non est conditio, aut si est, nihil impossibile continet. Proinde idem in legato dicemus, legatum huiusmodi valere, *heres meus si in celum non ascenderit, vel si hominem mortuum non siteris, 100. dato*, ubi scilicet legatum incipit a conditione.

Sed longe diversum est, ubi stipulatio superioris pœnæ incipit a stipulatione præcedente rem impossibilem continente, hoc modo, *hominem mortuum siteris, si non siteris, 100. dabis*. Nam hoc casu neque prior stipulatio valet, quia est impossibilis, neque sequens stipulatio pœnæ, quia & ipsa pœna impossibilis est. Etique ea species dictæ *l. si homo, de verb. sig. qua*

qua ratione & legatum poenae eiusmodi hac constitutione improbat. Differentiae ratio non est obscura: quia cum a principio stipulatur 100. si in caelum non ascenderis, non potest dici haec stipulatio ullam poenam continere, ubi prius iussus non es, aut non promissisti in caelum ascendere. Est enim poena, cum adiiicitur aliquid coercendi promissoris causa, si id non fecerit, quod prius iussus erat: at ubi prius iussus est, & nisi fecerit quod iussus est, adiiicitur, ut praestet aliquid: tunc demum, quod adiiicitur, poenam esse dixeris. Ceterum ubi iussus nullus testatoris praecesserit, ut id, quod in conditione erat, fieret, non dubitamus, quin legatum valeat. Iussus impossibilem praecedere debere, ut poena subiecta non valeat, evidenter probatur verbis huius constitutionis, illic, *si minus disp. & praetera in vers. extremo.*

Accursius eidem parti opponit §. *impossibilis, Instit. de hered. institut. l. obtinuit, de cond. & demonstr.* ubi traditur, conditionem §. impossibilem legato adiectam pro non scripta haberi, & nihilominus legatum valere, in quo expli-

cando valde sudat, quo nihil est ineptius. Haec enim conditio, *si heres in caelum non ascenderit, vel si heres hominem mortuum non siteris*, non modo possibilis est, sed etiam necessaria natura. Non enim tantum fieri potest, ut quis in caelum non ascendat, sed & necesse est ita evenire, quandiu hic versamur in hoc corpore. Non est ergo mirum, si hic conditio, ut non impossibilis, retinetur. Cur autem tentata legatum vitiet, diximus.

Idem opponit *L. 12. si mihi & tibi, §. 1. de legat. 1.* ubi si quid testator impossibile iubeat, impossibili detracto, nihilominus legatum valere in hoc exemplo; Testator moriens testamento Romae factio iussit heredem suum biduo, postquam moreretur, servos dare, quos Gadibus habebat, placet servos deberi, etiam si intra eas angustias praestare id non possit. Respondet: idem & in hoc legato fit, de quo hic agimus: nam cum testator iubet impossibile quid fieri, pro non scripto est. Quod ad poenam huic praepcepto subiectam attinet, non aliam ob causam eam improbari dicimus, quam quod & ipsa est impossibilis, ut docuimus.



A D T I T U L U M X L I I.

C O D. D E F I D E I C O M M I S S I S.

S U M M A R I A.

1. *Fideicommissi definitio.*
2. *Fideicommissum unde dictum.*
3. *Fideicommittere quid.*
4. *Fideicommissum quid differat a legato.*

5. *Prætor fideicommissarius Roma quis.*
6. *Quæ & quibus modis olim differabant legata a fideicommissis.*

Fideicommissum ¶ est id, de quo post mortem nostram præstando quis rogatus est. Intelligitur definitio hæc *ex pr. tit. de fideic. ver. Instis.* Fideicommissum ¶ dictum, quoniam committebatur fidel vel heredis, vel legatarii, ut præstaret. Rogando id sit, quod indicant verba fideicommissi, quæ referuntur in §. ult. *Inst. de sing. reb. Ec. L. 2. infr. com. de leg.* Unde precariis verbis aliquid relinquere, est fideicommittere seu ¶ relinquere per fideicommissum, & fideicommissaria voluntas dicta est precaria voluntas, *L. roheredi, §. cum filia, circa mod. de vulg. L. 2. inf. com. de legat. L. cum propenebatur, de legat.*

Differt ¶ fideicommissum a legato, verbis, differere olim & iure. Differt verbis, quoniam legatum legis modo relinquitur, ut est in *fragmentis Ulpiani, tit. de legat.* Legis modo relinqui dicitur, quia vel testator ipse dat, & se dare dicit, vel iubet heredem dare, vel iubet legatarium capere, & sibi habere, ut declarant species legatorum relatæ in §. 1. *Instis. de legat.* Hæc autem tria sunt propria legis, tubere, vetare, permittere, *L. legis virtus, de legib.* Fideicommissum autem precariis verbis relinquitur, &, ut loquitur Ulpianus in *fragm. tit. de fideicom.* relinquitur precativo modo. Hinc iuris differentiæ a principio nata est: nam legatum valuit, quoniam lex s. tabularum iubebat ratas esse supremas voluntates testantium de legatis conceptas, his verbis, *ut quisque legasset, &c. L. verbis legis, de verb. sig.* Fideicommissum autem a principio nullam necessitatem iuris habuit, sed ut secundum verba committebatur fidel heredis, ita ex fide sola heredum pendebat, ut declaratur *Instis. de fideicom. ver. in pr.* Sed tandem & fideicommissa obtinere cœperunt,

ut *ibidem* scriptum est: id tamen ita factum est, ut de his esset persecutio solum extraordinaria, *L. pecunia verbum, §. alienis, de verb. sig.* Extraordinaria hæc persecutio dicta est, quia comparata est præter morem & ordinem in cæteris actionibus usitatum. Nam in cæteris actionibus exercendis ita mos erat iurisdictionis, seu pratorum in iudicando, ut prætores, etiam poterant ipsi cognoscere & iudicare, tamen cognoscere non solerent, sed iudicium & iudices darent litigantibus: qui iudices ex formula prætoris de re cognoscere & iudicare. Indicant edicta prætorum, quibus prætores pollicentur, se actiones daturus. Probat ea sententia, quæ est in *L. 3. de iurisdic.* cum iudici dandi licentia dicitur esse *iurisdiclio*, cuius hic est sensus, *iudicem dare licere, esse partem iurisdictionis, ut is, qui iurisdictione præditus est, pro iurisdictione sua possit iudicem dare.* Atque hic ordo in iudiciis exercendis & iuridicundo usitatus erat.

Quod si prætor cognoscere cogebatur, hæc cognitio, quia erat prætor ordinem usitatum, ex re ipsa dicta est extraordinaria cognitio. Maius generis fuit cognitio de fideicommissis: nam prætor ipse de fideicommissis cognoscebat, non iudicem dabat. Eius rei causa proprius ¶ prætor Romæ creatus est, qui fideicommissarius dicebatur *L. 2. §. capta, de orig. iur.* Hoc est, quod legimus in *fragmentis Ulpiani tit. de fideic.* fideicommissum non potest per formulam, id est, actiones vulgares & usitatas, sed huius cognitionem esse Romæ quidem consulum & prætoris, qui fideicommissarius dicitur: in provinciis autem præsidum provinciarum. Interim hac persecutione constituta effectum est, ut vim fideicommissa haberent non minus, quam legata. Ex quo effectus illa

illa nata sunt, ut fideicommissa dicerentur esse vice legatorum, seu nomine legati contineri, *L. fideicommissa, de legat. 3.* Hinc & illa formula, qua utitur Scævola: *legaverat aliquid per fideicommissum, L. uxorem §. legaverat, de legat. 3.* Quod ita dictum esse apparct, quasi legare idem sit generaliter, quod relinquere, cuius relictii sunt duæ species: una, cum per legatum relinquitur: altera cum per fideicommissum.

Ex res ita habebat, fidelcommissa effectui pro legatis erant; sed nihilominus etiam hac persecutione conficta differentiarum manserunt inter legata & fideicommissa apud veteres. Differabant autem 1. legata a fideicommissis, & in actionibus, & in viribus utriusque relictii. In actionibus plus tributum erat legatis, quam fideicommissis. Nam legata olim variis actionibus consequi licebat, *L. cum filius, §. variis, de legat. 2.* nempe actione in personam ex testamento, & actione in rem, ubi res testatoris fuisset, & actione hypothecaria, ubi legatarius missus esset in possessionem bonorum legatorum servandorum causa, de quibus dicitur ad *L. 1. infra, commun. de legat.* Fidelcommissa autem, quia præstabantur tantum de manu heredis seu legatarii, unde relinquebantur, *§. pen. Instit. de singul. reb. per fideicommiss. relict.* ideo intelligimus recta dominium in fideicommissarium non transiisse, sed peti debuisse ab herede, ut transiret. Proinde unam tantum actionem in personam fuisse, non etiam in rem.

In viribus autem utriusque relictii differentia hæc erat, quod fideicommissa, quia non nascebantur ex utilitate & subtilitate legis, ideo plerumque & benignius accipiebantur, quam legata, *§. sed non usque, Instit. de legat.* Ex hoc fonte quinque differentiarum natæ erant. I. Quod legatum testamento solum relinquì poterat, non etiam codicillis, nisi codicilli ad testamentum pertinereut: fideicommissum relinqui poterat & testamentis & codicillis, *§. præterea, Instit. de fideicommiss. heredit.* II. Differentia ex hoc nata est, quoniam ut legata constituta sunt lege 12. tabularum, ita convenire putabatur, ut legatis eiusdem iuris solemnitas servaretur; solemnitas autem fuit in testamentis, non in codicillis. Fidelcommissa cum ex iure uon essent, subtilitas iuris civilis in his negligebatur. III. Differentia est, quod legata a solo herede relinqui poterant, non etiam a legatario: fideicommissum autem & ab herede relinqui potuit, & a lega-

tario, nec non fideicommissario, *Instit. in pr. de sing. reb. per. §c.* Differentia hæc ex verbis legis 12. tabularum nata est, quæ potestatem facit legandi de suo: is autem legare videtur de suo, qui ab herede legat, quia heres intelligitur eadem persona cum defuncto, *Novell. de inr. a mor. præstit. in med.* Quod autem a legatariis relinquitur, id de alieno relinqui certum est. Sed hæc ratio contempta est in fideicommissis, quia etiam si fideicommissum de alieno reliquatur, tamen æquum est, quateus quisque a nobis accepit, eatenus eum nobis obligari.

III. Differentia erat, quod post mortem heredis legari non poterat, fideicommissum relinqui poterat, *§. post mortem, Instit. de legat.* Differentia hæc nata est ex regula iuris civilis, qua effectuebatur, actiones ab heredibus & contra heredes incipere non posse, *tit. ut actiones ab heredib. sup.* Hæc regula, ut iuris veteris erat, ita in legatis ex iure nascentibus servabatur, non ita in fideicommissis. IV. Differentia erat, quod legari non poterat ante heredis institutionem, quasi quæ esset caput & fundamentum testamenti, *§. ante heredis, Instit. de legat.* Ad fideicommissum poterat, ut ex eodem *§.* colligitur, quia de legato tantum illic nominatim scriptum est, sed expresse scriptum est in *fragmentis Ulpiani, tit. de fideicommiss.* V. Ex polydora differentia erat in lingua, ut auctor est Ulpianus *eqd. tit.* Nam legata tantum Latine relinqui poterant; fideicommissa & Latius & Græca lingua. Iulianus has omnes differentias, edita constitutione, sustulit, non tantum in actionibus, sed etiam in viribus legati & fideicommissi, *L. 2. infra, commun. de legat.* Ea constitutione, quod legatorum proprium erat, fideicommissis tribuit; & quod fideicommissorum erat, transiit ad legata. Legatorum proprium erat tribuere plures actiones: Iulianus effecit, ut totidem actionibus fideicommissum peti posset, de quo plenius *titul. infra, communia de legat.* Proprium fideicommissorum erat, ut multis modis fideicommissa valerent, quibus non valerent legata: Iulianus constituit, ut quibus modis fideicommissum utiliter relinquitur, iisdem modis legatum datum valeat. Ita effectum est, ut legari possit in codicillis & a legatario, & post mortem heredis, & ante heredis institutionem, & quacunque lingua, quoniam & his modis fideicommissum datum valet.

Post quam constitutionem in summa fere defuimus, legata esse per omnia

exaequata fideicommissis, & fideicommissa legatis, idque ex eo pater, quod totidem verbis legimus *L. 1. de legat. 1.* cuius hæc inscriptio est; *Ulpian. &c.* Unde valde laboratum est omnibus temporibus, quomodo ille locus conciliaretur eum innumeris locis Pandectarum, in quibus utriusque generis differentiam manifeste apparet, & præcipue quomodo conciliaretur cum Iustiniani constitutione, *d. L. 1. inf. cum de legat.* in qua ille proficitur, differentias legatorum & fideicommissorum, non solum fuisse temporibus Ulpiani, sed etiam ad sua tempora manifeste, utpote qui eas hæc constitutione sustulit; quæ omnia falsa sunt, si verum est, Ulpiani temporibus per omnia exaequata fuisse legata fideicommissis. Sed ne laboremus, meminisse oportet eius quod Iustinianus scribit *L. 2. §. tantum, supr. de vet. iur. enucleando*, se potestatem fecisse Pandectarum compositoribus emendandi & mutandi, si quid supervacaneum, vel alienum a suo tempore, vel minus idoneum in veterum scriptis invenissent, & mutata atque emendata etiam sub inscriptionibus veterum iuris auctorum in Pand. redigendi fe-

cisse potestatem. Ex quo genere esse dubitare non debemus *d. L. 1. de legat. 1.*

Nam eum Ulpianus, ut verisimile est, ex usu & iure suorum temporum scripserit, legata maxima ex parte exaequata esse fideicommissis, Tribonianus, ea potestate a Iustiniano sibi facta, pro illis verbis, *maxima ex parte*, vel similibus, reposuit, *per omnia*, ut in eo serviret constitutioni iam editæ, vel quæ mox promulganda esset. Monendi tamen sumus, hæcenus differentias Iustinianum sustulisse inter legata & fideicommissa, quatenus ad voluntatem testatoris conservandam natura id fieri potuit: sed ubi id non potest fieri, intelligendum est, etiam veterem differentiam manifeste, quod accidit in libertatibus. Nam si servo libertas directe data sit, deinde ab eo cui per fideicommissum iam relicta erat: ut prior fiat liberus testatoris; posterior heredis, *§. ult. Instit. de sing. reb. per fid. per rerum naturam fieri nequit*, ut idem sit liberus heredis & testatoris. Quapropter & veterem differentiam manere in his libertatibus necesse est.

Ad L. Si probaveris. 1.

Imp. Antoninus A.

Si probaveris Demetrium petiisse de matre heredeque sua, ut tibi alimenta mensura & vestiarius annuum præstaret, eamque secutam voluntatem filii sui per multum temporis, idest, non minus in tali causa triennio, ea præstitisse: ut in futurum quoque ea præstentur, & si qua in præteritum præstita non sunt, ut exsolvantur, impetrabis. PP. XVII. Kal. Sept. Duobus & Aspris Coss.

Ad L. Esfi. 2.

Idem A. Eupatrio.

Esfi inutiliter fideicommissum relictum sis: tamen si heredes comperta voluntate defuncti prædia ex causa fideicommissi avo tuo præstiterunt: frustra ab heredibus eius de ea re questio tibi movetur, cum non ex ea sola scriptura, sed ex conscientia relictæ fideicommissi defuncti voluntati satisfactum esse videatur. PP. VI. Kal. Aug. Læto II. & Cereale Coss.

S U M M A R I A.

1. Fideicommissum an ex imperfecto testamento & inutilis codicillis relinqui possit utiliter.
2. Sententia huius & seq. legis.

3. Prima huius legis sententia.
4. Altera huius legis sententia.
5. Tertia huius legis sententia.

Conjungenda est cum hac lege *L. 2.* Utraque enim ad eandem definitionem. *Tom. IX.*

nem inris pertinet. Ius ita est: Fideicommissum ¶ ita, ut legatum non relinqui, *1*
O o *nili*

nisi iusto testamento, aut iustis codicillis. Ex imperfecto autem testamento & iniustis codicillis fideicommissum inutiliter relinquitur, ac proinde inutiliter relictum non debetur, *L. 3. in epistola. inf. end.* Interdum tamen, quod ita inutiliter relictum est, voluntate heredis confirmatur, ut non minus valeat, quam si utiliter esset relictum, id contingit, cum heres, a quo fideicommissum relictum est, sciens a se relictum, sponte sua agnoscat voluntatem & iudicium defuncti: quæ si sententia est harum legum. Qui voluntatem defuncti agnoscat in fideicommissum, quavis inutiliter relictum, fideicommissum confirmat, ut si præstiterit, repetere non possit, *L. 2. b. s.* si vero nondum quicquam præstiterit, nihilominus ad præstandum obligetur, quæ sententia expressa est in *L. non dubium, in fin. sup. de testam.* Eadem sententia est *L. 1. b. s.*

Voluntatem defuncti intelligitur agnoscere heres, aut aperte, cum se eam agnoscere proficitur, & legatum præstare velit: in quo an sola voluntas sufficiat, an vero cautio, seu stipulatio necessaria sit, oportunum dicitur ad *L. si veritas, infr. b. s.* At agnoscat legatum re ipsa præstando, & quidem in eo, quod præstat heres sua sponte, ita voluntatem agnoscat, ut quod præstitit, repetere non possit, *L. 2. hoc tit.*

Sed an in futurum quoque obligetur, ut fideicommissum præstet, ex eadem causa quaeritur: quæ modo locum habent in fideicommissis annuis, cum decem annua puta relictæ sunt Titulo, vel alimentorum, vel alterius rei causæ. Et placet eum, qui ex causa huius fideicommissi aliquandiu fideicommissum præstitit, se actu non tantum, ut non iure possit repetere, quæ solvit: sed etiam in futurum obligare, ut fideicommissum deinceps præstet, non secus, quam si utiliter esset relictum: si modo præstiterit fideicommissum non minus, quam triennio. Quæ sententia est *L. 1. hic.* Quæ, ut recte explicetur, animadvertendum est, hoc scriptum exprimi sententias tres, quæ separatim sunt discutendæ.

Prima si sententia est, fideicommissum inutiliter relictum, puta, vel imperfecto testamento, vel imperfectis codicillis, si heres sponte sapius id præstiterit ex indicio defuncti, non ideo in posterum obligatur, ut præstet, si nolit: nisi fideicommissum diu antea præstiterit, id est, in hoc casu non minus triennio. Hic oppositur *L. non dubium, sup. de testam.* ubi simpliciter definitur heredem, qui iudi-

cium defuncti agnovit, hoc ipso, quod agnovit, in posterum fideicommissum obligari non tantum, si fideicommissum aliquoties præstiterit, sed si non præstiterit. Multo ergo magis si aliquoties præstiterit, ut *b. s. in L. 1.* Nam heres fideicommissum aliquoties præstiterat, & addicitur id eum fecisse secutum voluntatem defuncti. Resp. Quia fideicommissum aliquandiu præstiterit, non agnoscat voluntatem defuncti in futurum: nihil enim vetat, ut heres velit, præstare id, quod præstat per id tempus, quo præstat; nolit autem id amplius in posterum præstare, aut certe nolit in posterum obligari.

Hoc loco opponitur *L. 2. seg.* ubi una præstatione fideicommissi dicitur heres agnoscere defuncti voluntatem. Respondeo: agnoscat in his, quæ præstat, in his autem, quæ non præstiterit, non aliter agnoscere intelligitur, quam si triennio fideicommissum præstiterit: ideo lex prima est de fideicommissum præstato, secunda de fideicommissum præstando. Quæ ratione responsum est argumento Accursii ex enumeratione partium sumptæ, quod est glossæ. Ille ita argumentatur, hoc scriptum non posse consistere. Nam si utiliter fideicommissum relictum fuerit, statim debetur, si quid præstiterit, si non. Si inutiliter relictum est, & heres ignorans inutiliter relictum præstat, dum in facto errat, non obligatur fideicommissario, quavis per decennium præstiterit, quia errantis nulla voluntas, *L. cum testamento, sup. de iur. & fact. ignor.* Hoc amplius etiam quod præstiterit, potest repetere ut indebitum per errorem facti solum, *L. err. inf. ad L. Falcid.* Quod si heres sciens inutiliter relictum sponte solvit, secutus defuncti voluntatem, hoc ipso, quod agnoscat voluntatem, si leicommisum confirmat, ut probatur *L. 2. b. s.* Respondeo: Priora duo certissima sunt, tertium distinctione est explicandum. Nam cum heres sciens fideicommissum annuum esse inutiliter relictum, solvit, agnoscat voluntatem in eo, quod solvit, & ideo non repetit, *d. L. 2. b. s.* In his autem pensionibus, quas nondum solvit, non continuo agnoscat voluntatem defuncti, sed ita si per triennium fideicommissum annuum præstiterit.

Altera sententia si hic statuitur, si fideicommissum annuum, quavis inutiliter relictum, heres secutus voluntatem defuncti, triennio præstiterit, non solum quæ solvit, non repetit; sed & ut quæ nondum præstiterit, in posterum præstet, obligatur. Cur potius hoc casu, quam iunc, cum per triennium non præstiterit? Quia ubi

ubi per triennium præstitit, constantia & perseverantia præstationis declaravit, animum heredis fuisse velle sequi voluntatem defuncti, & in posterum præstare fideicommissum, *L. quod calore, de reg. iur.* Constantia igitur præstationis declarat agnitionem voluntatis defuncti.

Huic sententiæ opponitur *L. si certis de pact. & L. creditor, sup. de usur.* Quibus in locis hæc sententia exprimitur: *Si quis pensionem annuam, aut usuras annuas, vel mensuarias pactus, pacto inutiliter promiserit, quanvis pacti fidem secutus, pluribus annis eam pensionem, aut eas usuras præstiterit; tamen non eo magis obligari in posterum, ut præstet, si nolit. Et in summa multorum annorum præstationem in re aliqua indebita non inducere rei prius indebitæ obligationem.* Respondeo: Nihil verius dicitur in universum, quam præstationem multorum annorum non inducere obligationem rei prius indebitæ, quoniam certis & constitutis modis obligationes nascuntur & finiuntur, *L. obligat. fere, vers. placet, D. de oblig. & actionib.* Inter hos non numeratur præstatio alicuius rei, quanvis sæpius repetita. Proinde ex ea obligatio non nascetur, idque verissimum est, non tantum inter vivos in his rebus, quæ inutili pacto debentur, sed & fideicommissis, neque tamen hi loci inter se pugnant.

Qui fir igitur, ut qui ex inutili pacto sæpius eandem pensionem promissam præstitit, in posterum non obligetur invitus, fideicommissio autem inutiliter relicto obligetur, si per triennium totum præstiterit? Respondeo: Differentiæ ratio est, quia cum ex pacto inutili sæpe aliquid præstatur, non nascitur nova aliqua actio, ex qua præstatio inducatur. Nam effectum est, solam præstationem non esse in hoc numero earum causarum. Præter autem eam præstationem nihil inducitur, nisi agnitione prioris pacti, quod promissor se agnoscere ostendit hoc ipso, quod ex pacto solvit. Sed hæc agnitione pacti non magis est causa iusta inducendæ obligationis, quam præstatio, atque adeo ipsum pactum, si promissor iterum pacto eodem constituerit id, quod sola natura debetur, *L. si debitor, D. de pecunia constituta.* Nunc autem qui hodie aliquid præstat, non ideo id in futurum promittere intelligitur: ita præter præstationem nulla hic nova causa est, ex qua promissor in posterum obligetur. Proinde in totum nulla, quia nec præstatio ipsa causam inducendæ obligationis continet, ut supra dixi. At in fideicommissio inutiliter relicto, cum

Tom. IX.

heres id sponte triennio præstitit, in futurum obligatur, non quia id præstitit, sed quia præstando voluntatem defuncti agnovit. Hæc autem agnitione satis est ad eum obligandum ex manifesta ratione acquiritis. Nam heres prius a defuncto accepit & lucrum & honorem. Æquum est igitur, ut quatenus accepit, eatenus voluntati defuncti obligetur, maxime si sponte est eam voluntatem secutus. Non obstat huic parti *L. quod bonis, vers. non idcirco, D. ad L. Falcid.* ubi testator legarat fideicommissum annuum; sed quia supra dodrantem legarat, totum fideicommissum non debebatur. Poterat enim heres ex Lege Falcidia retinere quartam; verumtamen voluntatem defuncti securus primo & secundo anno solidum legatum præstiterat: Illic responderetur, non ideo in futurum obligari, ut solidum præstet. Id ipsum hoc loco confirmatur, non enim dicimus, heredem primo & secundo anno fideicommissum præstantem in futurum obligari, sed ita demum, si non minus, quam triennio præstiterit.

Sed videri potest etiam in hac sententia falsum esse, quod dicitur, fideicommissum deberi, si solum triennio præstitum sit. Videntur enim exigi non minus, quam decem anni, ut quis ob præstationem plurimum annorum in futurum obligetur, ex *L. cum de in rem verso, D. de usur.* ubi filiusfamilias pecuniam mutuam acceperat sub certis usuris. Si ea pecunia in rem patris versa sit: constat patrem de in rem verso obligari, etiam si filius nihil in peculio habeat, *L. 1. de in rem verso.* Cum de hoc non constaret, pater eius pecuniæ usuras per decem annos creditori filii solvit. Mortuo patre conveniuntur heredes a creditore filii tanquam de pecunia in rem patris versa: negat heres patris, pecuniam in rem eius versam. Creditores quia agunt & dicunt esse versam, id probare debent *L. 2. de probat.* Dicant creditores id satis probari ex eo, quod pater tamdiu eius pecuniæ usuras solverit. Rescriptum est, heredes patris de in rem verso teneri, quasi pecunia in rem patris versa esset, idque probari ex eo, quod tamdiu pater usuras præstiterat. Verissimile est enim, eum præstiturum non fuisse, nisi foret ipsam debuisse. Interim ut conveniri pater possit de in rem verso, aut patris heredes, exigitur ut usuræ sint præstite, non per triennium, sed non minus, quam per 10. annos.

Respondeo: Non constabat in hac lege, pecuniam in rem patris versam non esse,

O o 2

esse,

esse, & ideo non constabat a patre non deberi: quod si constitisset, & id faterentur creditores, nunquam prælatio diuturna usurarum patrem, aut eius heredes obligasset, non magis, quam obligat debitores, in *L. si certis, sup. de pact. § L. creditor, sup. de usur.* ubi creditor, qui pecuniam annuam petebat, fateretur initio fuisse indebitam, sed contendeat deberi coepisse ab eo, quod tamdiu solvisset; & ideo illic negatur, cum qui præstitit, propter prælationem obligari. At in *L. cum de in rem versa*, creditores dicebant pecuniam in rem patris versam, & ita a patre debitam, & de eo erat controverfia.

Dicitur autem probari, verum esse in rem patris ideo, quia pater eius pecuniæ usuras diu præstitisset: ex quo intelligimus, nunquam prælationem diuturnam inducere obligationem rei, quam constat indebitam fuisse: si de eo dubitatur, an debita fuerit, tunc prælationem plurius annorum continere pecuniæ debitæ probationem. Id ad speciem hanc pertinet, ubi constabat fideicommissum inutiliter relictum, & non quærebatur huius rei probatio; sed quærebatur, an propter prælationem plurius annorum in futurum heres obligaretur ad hoc præstandum? Ad hoc dicimus sufficere triennii prælationem. Cæterum si quæreretur, an hoc fideicommissum esset a defuncto relictum, & id præstitisset heres per aliquot annos: deinde negaret a se nullum fideicommissum relictum esse: diceremus ad hoc probandum non sufficere, quod per triennium præstitisset ex fideicommissi causa, sed exigendam diuturnam prælationem, idest, 10. annorum, argumento *L. cum de in rem versa de usur.*

5 Tertia sententia huius legis pertinet ad petitionem fideicommissi & earum rerum, quæ in posterum peti possunt. Sic autem rescriptio expressum est: *Postquam heres fideicommissum inutiliter relictum triennio sponte præstiterit, fideicommissarium impetraturum, ut non tantum præterita annua, vel mensura exsolvantur, sed ut in futurum ea quoque præstentur.* Exempli causa: heres hoc fideicommissum triennio præstitit, deinde duobus annis cessavit nihil petente fideicommissario; post eos duos annos agit & fideicommissum petit. Itaque non tantum pensiones duorum præteritorum annorum consequetur, quæ adhuc solutæ non sunt, sed etiam consequetur, ut in futurum quo-

que sequentium annorum pensiones præstentur. Huic parti opponitur *L. non quemadmodum, D. de iudiciis*, ubi regula iuris certissimi traditur, iudicium non posse esse in pendenti, idest, de his rebus, quæ nondum debentur, & postea futuræ sunt. Ex quo efficitur, in fideicommissis anno de pensionibus annuis sequentium annorum agi non posse, quia hæc nondum debebantur. Omnes interpretes fatentur, locum esse contrarium, sed speciale in huius esse legis specie, ubi de pensione agitur, quæ iam debebatur, & propter præteritas agitur de futuris: atqui id fieri dicunt favore alimentorum.

Sed hæc sententia dici non potest, utrum magis falsa sit, an inepta. Nam cum annuum aliquid legatur, aut fideicommittitur, in hoc legato plura sunt legata: primi anni purum legatum, sequentium annorum conditionale. Inest enim hæc conditio, si legatarius, aut fideicommissarius initio cuiusque anni vivat, *L. 4. de annuis legat. L. nec semel, quand. dies L. eod.* Proinde ubi nondum sequentes anni venerunt, eorum annorum pensiones non debentur, & ut in dicta *L. nec semel*, eorum legatorum dies non cessit: quod si non cessit, eorum annorum legata peti non possunt, *L. eedere diem, de verb. figu.* Secundum quam sententiam vere dicitur ex *L. non quemadmodum*, de sequentium annorum pensionibus iudicium esse non posse. Ineptum est autem, quod putant id esse huic legi contrarium, ubi nullo modo id in hæc lege agitur. Cum enim dicitur, fideicommissarium impetraturum, ut in futurum quoque legata præstentur, sic accipiendum est: ut impetret suo tempore, non præmaturo, idest, ut impetret, cum sequentium pensionum dies cesserit. Ex merito: quia agnitio legati, quo heres legatum præstando voluntatem defuncti agnovit, non mutavit qualitatem fideicommissi: sed tantum fideicommissarium confirmavit, ut post triennii prælationem non minus obligetur heres, quam si fideicommissum utiliter esset relictum. At si inutiliter esset relictum, non posset peti sequentium annorum pensiones, priusquam dies venisset, dicta *L. nec semel, quand. dies legat. eod.* Ergo nec rum peti poterunt, ubi heres fideicommissum tantum agnovit. Absurdum enim est plus tribui inutili fideicommissio, quam utili, plus tribui voluntati heredis, quam utili voluntati defuncti.

Ad L.

Ad L. Cum secundum. 3.

Idem A. Rufino.

Cum secundum voluntatem defunctæ Chrysidem puellulam ab heredibus manumissam, eamque priusquam ei restitueretur hereditas, intestato vita suam proponas: ad manumissores eius successio pertinet. Qui si adierint eius hereditatem: confusis actionibus, fideicommissio sunt liberati. PP. Idib. Decemb. Lato II. & Cereale Coff.

S U M M A R I U M.

1. Summa huius rescripti.

T Estatrix † duos heredes instituit, eosque rogavit, ut Chrysidem ancillam, quæ forte heredum erat, manumitterent, manumissæ hereditatem restituerent. Testatrice mortua, puellam heredes manumiserunt, sed moram in fideicommissio fecerunt. Itaque priusquam ei restitueretur hereditas, puella decessit intestata, quia testamentum facere non potuit, & sine liberis, quia puella erat: ita factum est, ut ei heredes sint ex lege duodecim tabularum iidem illi heredes, a quibus manumissa erat, ut defunctæ patronæ, §. *sed nostra*, verfic. *in autem, Inst. de successio. liber.* Cum heredes superscripti non tantum ex fideicommissis obligentur Chrysidem, sed etiam id restituere debeant Chrysidis heredibus: ipsi autem Chrysidis heredes sunt: quaesitum est de fideicommissi obligatione, & an adhuc ea obligatione teneantur? Rescriptum est, eos confusis actionibus liberatos esse fideicommissio.

Hoc videtur factum esse: nam quoties debitor succedit creditori, ut hic debitor Chrysidis ex causa fideicommissi successerunt creditrici suæ, non confunditur obligatio, nisi pro ea parte, ex qua defuncto heredes successerunt, *L. penult. sup. de hered. act. L. si uxor. inf. de hoc. auctorit. indic.* Proinde in proposito cum duo heredes ex æquis partibus Chrysidem successerint: non confunditur actio fideicommissaria in singulis heredibus, nisi pro dimidia parte, & ita singuli portionis suæ dimidium debent, nisi aliquo casu pro ea dimidia portione fideicommissi liberentur. Cæterum alterum dimidium suæ portionis debent coheredi: hoc enim illi restituere debent: neque eatenus fideicommissio liberatur. Neque hoc dicimus sine manifesta utilitate, quæ in hac

specie subiecta apparebit. Finge duos heredes esse institutos, Primum & Secundum, Primum ex octo uncis, Secundum ex quatuor: eosdem existisse Chrysidem heredes ex æquis partibus, nempe ex fideicommissis. Fideicommissi divisione ita res transigitur: Primus ex octo uncis, quas est iussus restituere heredibus Chrysidis retinebit quatuor, tanquam heres pro dimidia parte, alteras quatuor restituet secundo: Secundus ex his quatuor, quas est iussus restituere, retinebit duas ut heres ex parte dimidia, reliquas duas restituet Primo: & ita fiet, ut Primus, qui institutus erat ex octo uncis, nihil habeat ex divisione fideicommissi, nisi sex uncias: Secundus autem habeat tantundem, qui institutus tantum erat ex quatuor. Huic rescripto hodie etiam locus erit, si heredes rogati erunt restituere hereditatem libero homini, puta cognato, ac deinde cognatus ante restitutionem fideicommissi decesserit, cui postea iidem heredes successerunt ab intestato. Nam hoc casu succedunt heredes ab intestato ex æquis partibus.

Quod si fingamus in specie proposita hic Primum & Secundum heredes institutos successisse Chrysidem ex inæqualibus partibus: divisio fideicommissi inter eos ita fiet, ut si Primus successisset pro dodrante, Secundus pro quadrante, Primus ex tribus partibus, in quas eius portio dividitur, duas retinere debeat, & unam restituere, Secundus ex tribus partibus, in quas eius portio dividitur, duas retinere debeat, unam restituere. Sic autem eveniet in specie proposita, ut Primus & Secundus pro his partibus succedant Chrysidem libertæ suæ, si fingas Chrysidem fuisse ancillam testatoris, & Primum institutum fuisse ex dodrante, Secundum ex quadrante.

drante. Nam ex portionibus hereditariis intelliguntur manumissæ Chrysidī succedere, ut Primus sit patronus pro dodrante. Secundus pro quadrante, pro quo iu-

re patronatus constituto consequens est, ut ab intestato Chrysidī succedat pro iidem partibus, pro qua sententia facit §. *illud, Instit. de sociis.* (*)

(*) Si quid iudico, interdictis omnino aliquid ex huius §. 2. *Commentariis*: nam cum Auctor dubitandi rationem proponat, eamque confirmet; nullibi apparet nodi dissolutionem.

quod profecto non est interpretis; nec utique Donello convenit, ut quæ legi, seu receptio contraria videntur proponat, & minime diluat.

Ad L. Voluntas. 4.

Imp. Alexander A. Victorino.

Voluntas patris prohibentis liberos fundos extra familiam vendere, vel pignori dare, fratrem sorori donare prohibuisse non videtur. PP. V. Kalend. Iul. Maximo II. & Eliano Coss.

S U M M A R I A.

1. Testatore simpliciter vetante, ne heres fundum alienet, præceptum nullius est momenti, & heres impune fundum alienat.
2. Prohibitus fundum vendere extra

familiam, an videatur fecisse contra voluntatem defuncti, si sorori eum donarit?

3. Quid si alii donarit? quid si extraneis?

1. CUM testator ꝑ vetat, ne heres fundum alienet, si simpliciter vetet, præceptum nullius momenti est, tanquam nudum itaque impune heres fundum alienabit, *L. filiusfam. §. divi, de legat. 1.* Tum præcipitur hoc utiliter, vel cum testator vetat alienari, ut in familia maneat, aut vetat alienare extra familiam, & ob hoc hic proponitur testator prohibuisse fundum vendi extra familiam. Hoc adiecto, quæ sit alienationis poena, si forte heres contra voluntatem defuncti fecerit, dicetur in *L. quoties*. Hinc quaesitum est, an ꝑ qui prohibitus est fundum vendere extra familiam, videatur fecisse contra voluntatem defuncti, si sorori fundum donavit? Scriptum est hic non fecisse.

3. Quid si ꝑ alii heres donavit, quam sorori? Respond. Etiam alii donare potuit, quam sorori, si modo ei donavit, qui sit ex familia. Nam solum extra familiam prohibitus fuit alienare. Familiae verbo in hoc genere legati quid contineatur, canonicum est *L. ult. de verb. signif.*

4. Quid ergo si heres extra familiam vendere prohibitus ꝑ donet extraneo? Mover dubitationem, quod vendere tantum prohibitus est: aliud autem est donare,

aliud vendere, ut proinde non videatur prohibitus donare. Respondeo: Ex hoc loco satis colligitur, si alii, quam sorori, aut ei, qui sit æque in familia, ut soror, donarit, contra præceptum testatoris videri factum, alioqui frustra hic de sorore esset comprehensum, quod verum est. Nam qui prohibet quod minus est, multo magis id, quod maius est, prohibere intelligitur. Tolerabilius autem est vendere extra familiam, quam donare, quia qui vendit, habet pretium, quod saltem in familia maneat; qui autem donat, & pretium & rem amittit, quia gratis donat. Proinde qui vendere prohibitus est extra familiam, ex sententia testatoris multo magis donare prohibitus intelligitur. Sed & voluntas huius testatoris manifesta est. Idcirco enim fundum vendi vetat extra familiam, ut fundus maneret in familia. At multo minus manet in familia donatus, quam venditus, ob eam causam, quam supra dixi, quia fundo donato, ne pretium quidem retinetur in familia. In summa qui vendere extra familiam prohibitus est, ex sententia testatoris quovis modo alienare prohibitus est extra familiam.

Ad L.

Ad L. Si frater. §.

Idem A. Reginæ.

Si frater tuus postquam patri heres exiit, pubes iam factus sine liberis decessit: ex pupillari substitutione tibi hereditas eius delata non est. Sed si verbis fideicommissi aliqua parte testamenti confirmata est: fideicommissum ab heredibus petere non prohiberis. PP. XV, Kal. Febr. Iuliano II. & Grispino Coss.

SUMMARIUM.

1. *Primo & secundo heredibus institutis, defuncto secundo an eius he-*

reditas ad primum pertineat ex substitutione.

Pater duobus filiis, Primo & Secundo, heredibus institutis Secundo Primum substituit, quandocunque moreretur. Secundus pubes factus sine liberis decessit. Queritur, an & eius hereditas ad Primum pertineat ex substitutione? Respondeo: Distingendum est: nam si Primus Secundo substitutus est directe, hereditas ex substitutione Primo non defertur, ac nec potest. Exempli causa, pater ita substituit, *si heres erit, & quandocunque decesserit, frater eius Primus heres esto.* Ex hac constitutione non potest Secundi hereditas Primo deferri. Non deferretur eodem ex substitutione pupillari, quia Secundus proponitur decessisse pubes. Substitutio autem pupillaris pubertate evanesceat. *L. in pupillari, D. de vulg.* Non defertur ex substitutione, que post annum 14. facta sit, quoniam post eam vitam substitutio directa frustrata sit, *L. verbis, L. in pupil. de vulg.* Proinde recte responderetur, in totum ex substitutione directa hereditatem Secundi Primo deberi non posse. Quod tamen sic est interpretandum, ut non possit deferri tanquam ex substitutione. Cæterum ex causa fideicommissi ad eum pertinebit, tanquam tacito fideicommissum in hac substitutione comprehensio, argum. *L. 2. §. 2. D. de*

iur. codicil. de quo dixi ad L. supr. de codicil.

Quod si pater verbis precariis, seu fideicommissariis petat a Secundo, ut post mortem suam restituat portionem suam fratri suo, hoc casu substitutio fideicommissaria valebit, §. ult. *Inst. de pupil. L. cohered. §. cum filia, de vulg.* Cuius substitutionis effectus hic est, qui declaratur in hoc rescripto, ut hereditas Secundi iure pertineat ad omnes alios heredes eius legitimos; sed ita, ut hi ex fideicommissum obligentur Primo, ut hereditatem restituant, quod facient deducta quarta ex Senatusconsulto, §. *sed quia heredes, Inst. de fideicom. heredit.* Veruntamen ita fideicommissum debetur Primo, si Secundus pubes factus sine liberis decesserit: non si decesserit susceptis liberis & extantibus: nam hi succedunt excluso substituto, ex *L. cum acutissimi, infr. hoc tit.* Et hæc causa est, cur in principio huius rescripti proponatur frater Secundus decessisse pubes & sine liberis. Nam alioqui quod ad directam substitutionem attinet, nihil refert, utrum Secundus frater sine liberis decesserit, an susceptis liberis, ad hoc, ut Primus frater eius ex substitutione pupillari non admittatur.

Ad L.

Ad L. Pradia. 6.

Idem A. Nilio.

Pradia obligata per legatum, vel fideicommissum relicta, heres luere debet: maxime cum testator conditionem eorum non ignoravit, aut, si scisset, legaturus tibi aliud, quod non minus esset, fuisset. Si vero a creditore distracta sunt: pretium heres exsolvere cogitur, nisi contraria defuncti voluntas ab herede ostendatur. PP, XVI, Kalend. Mart. Iuliano II. & Crispino Coss.

S U M M A R I A.

1. Luere pignus quid.
2. Res aliena legata, si testator scivit pignori obligatam, ab herede luenda est: & quando quibusque casibus.

ibid. & num. 3.

CUM testator legat rem, quæ pignori obligata est, non talis est præstanda, qualis est, sed interdum heredes pignus luere debent. Est tamen luere, pretium creditoribus exsolvere, & liberare nexu pignoris, *tit. de iust. pig. inf.* Quod ita dictum est, quasi dicat pignori eluere & delere, ut amplius ea obligatio, & tanquam macula in re non maneat. In hac re autem est eadem distinctio, quæ servatur, cum tamen res penitus aliena est legata: Si testator scivit pignori obligatam, ab herede luenda est secus si ignoravit, *Iust. de legat. §. sed etsi rem L. si res obligata, D. de legat. 1.* Sed ita demum cum testator ignoravit rem pignori obligatam, res fideicommissario luenda est, nisi alteruter ex his duobus casibus contingerit. Unus est expressus hoc rescripto, si testator rem hanc aut tantundem acque legaturus fuisset, si rem pignori obligatam esse scivisset. Quando autem existimetur testator id sciturus fuisse, dictum ad *L. cum alienam, supr. de legat.* Alter casus est adiectus in *d. L. si, si res oblig. de legat. 1.* Est autem hic, ut fideicommissarius rem pignori obligatam luere non debeant, si aliquid superfuturum est exsoluto ære alieno, verbi gratia: fundus aliquis ducentorum legatus, aut fideicommissus est. Is fundus pignori obligatus erat creditori, cui trecenta debebam. Decimus legatarius seu fideicommissarius, usque ad 200. debere luere fundum, sed centum reliqua non præstabit; verum heres, ut ita pignori liberato fideicommissarius fundum consequatur; & ita, ubi ali-

quid superfuturum est, quod debeat creditori, cum exsolutum erit æs alienum tantum, quantum fundus valebat, pro superflua quantitate fideicommissarius non luere, quia ultra quam fundus valet, fideicommissarius præstare nihil cogitur, *L. ci-vitatibus §. ult. de legat. 1.* Cæterum ad eam quantitatem, qua fundus æstimatur, præstare debet, *L. Titius, de legat. 2.* Ex his intelligi potest, cur hic scriptum sit, heredem luere debere pignus maxime in his casibus, qui hic expressi sunt. Hoc verbo maxime significatur, heredem & in aliis casibus luere debere. Id verum esse, ex his casibus, quos complexi sumus, intelligitur. Quibus tamen casibus luendi pignoris onus ad heredem pertineat, id ut faciat, heres consequetur legatarius actione in personam ex testamento, non etiam actione in rem, ut dictum *L. 3. sup. de legat.* Sed & illud intelligendum est, tunc solum heredem posse pignus luere, id est, pecunia soluta pignus recipere, cum pignus nondum a creditore legitime est distractum. Nam ubi distractum est, amplius possessio a possessore revocari non potest, ut dominio pignoris in eum iure translato, *L. ult. infr. si vend. pig. L. non est novum, D. de acquir. rerum dom.* Proinde hoc casu nil superest, nisi quod dicitur in extremo huius rescripti, ut heres rem a creditore distractam aut redimat a creditore; aut si non redimat, æstimationem exsolvat, ut sit in rebus alienis legatis, *§. non solum, Iustus, de legat.*

Ad L.

Ad L. Voluntatis. 7.

Idem A. Septimo.

Voluntatis defuncti questio in estimatione iudicis est. PP. XV. Kal. Mars. Fusco II. & Dextro Coss.

S U M M A R I A.

1. *Voluntatis questionem quando sit locus & seqq.*
2. *Ubi nihil scriptum, aut nuncupatum*

est, nihil debetur, etiamsi de praelando testator senserit.
 3. *De voluntatis questione ex iuris ratione responderi nequit.*

Voluntatis ¶ quando est questio, quaeritur, quid testator voluerit, senserit, huic questionem non est locus, ubi testamentum, aut codicillis nihil scriptum a testatore, aut nuncupatum est. Nam ¶ ubi nihil scriptum, aut nuncupatum est, nihil debetur, etiamsi de praelando testator senserit, ut proinde sit supervacua hoc casu voluntatis questio, *L. quoties, 9. de heredib. instis.* Sed tunc ei locus est, cum testator aliquid scripsit, aut dixit, sed verba obscura sunt, aut ambigua, aut ea, quibus aliquid desit, ut proinde ex his quaeratur, quid senserit testator: veluti si Mævio 100. nummos legaverit, & quaeratur, de quibus nummis senserit. Huiusmodi voluntatis questio est in cognitione & estimatione iudicis, ut hic traditur, idest, questio iudici cognoscenda & iudicanda committitur, non autem Principi, aut prudenti alicui. Cuius sententiae hæc est ratio, quia voluntatis questio diiudicatur ex circumstantiis, quæ sunt in facto positæ. Nam ut maneamus in exemplo nummorum legatorum, cum 100. nummi Titio legati sunt, & quaeritur, quos nummos testator intellexerit: præcipitur id æstimandum esse ex consuetudine loquendi testatoris, aut ex more regionis, ubi res geritur, aut ex his, quæ in testamento antecedunt, vel sequuntur, *L. si servus plurimum, §. ult. de legat. 1. l. nummis, de legat. 3.*

Hæc omnia, quomodo loqui sit solitus testator, quid frequentetur in ea regione, quid in testamento ante, vel post scriptum sit, hæc itaque, omnia facti sunt,

quæ nulla definitione iuris, aut prudentia Iuriconsulti explicari possunt, sed cognoscuntur probationibus testium & instrumentorum. Causa autem omnis facti est in cognitione & estimatione iudicis, idest, iudici examinanda & iudicanda committitur, ut in *L. mora, D. de usur.* scriptum est, ubi initio dicitur, an mora facta sit, iudicem examinare debere. Et ratio hic subiicitur, quia hæc sit questio facti; & addicitur; ideo nulla definitione iuris, nulla prudentia Iuriconsulti, vel Principis auctoritate decidi posse. Idem de definitione facti significatur a Scævola, *L. si ita quis, §. Scia, in fin. de verb. obligat.* ubi ita scriptum est: *Respondet agi posse, si debitor non multo post obtulisset, & nihil alteris interesset, quod omne ad iudicis cognitionem remittendum est.* Recte, quoniam an debitor obtulerit pecuniam, & an intersit actoris, nec ne, in facto, non in iure consistit, *L. quatenus, de reg. iur.*

Hoc est igitur, quod Imperator scripsit hoc loco, cum consuleretur de voluntatis testatoris ¶ questione; rescriptis se de ea questione consulti non debuisse, quia non possit de eo ex ratione iuris respondere. Rem enim facti etile: facti autem cognitionem iudicis esse, non Iuriconsulti, aut principis. Idque est, quod dicitur in *L. cum, qui temere, §. ult. de iudic.* Iudicibus de iure contententibus, præstes proviciarium respondere solere, de facto autem contententibus respondere non debere, quia res ex cognitione & religione iudicis pendeat.

Ad L. *Qui fideicommissariam*. 8.

Idem Masculo,

Qui fideicommissariam libertatem meruit, legata, seu fideicommissa a defuncto sibi data suo iure persequitur. PP. XV. Kal. lun. Fisco II. & Dextro Coff.

S U M M A R I U M.

1. *Fideicommissum, aut legatum, an relinqui possit ei servo, qui eodem testamento manumissus est per*

fideicommissum, seu quem heres est rogatus manumittere.

Regula iuris est, heredi a seipso legari, aut fideicommissum non posse, *L. legatum, §. 1. de legat. 1.* Item hæc regula nota est, servo proprio aut servo heredis sine libertate legari non posse, *L. plane ubi, §. si coniunctim, L. si minor, de legat. 1.* Nempe quia hoc modo heredi a seipso relinqueretur. Nam ab ipso legatum præstandum esse certum est, sed & ei legatum per servum acquiri constat. Quod si libertate servo data, servo aliquid relinquitur, siquidem ei pure libertas data est, & libertas & legatum valet, quia hoc modo non servo legatur, sed libero, *L. quasi, §. 1. de legat. 1.* Sed si libertas ei datur sub conditione, quæ existere non potest, nisi per aditam hereditatem, frustra ei legatum, aut fideicommissum relinquitur, dicta *L. quasi*. Et ratio est ex eadem regula superiori, quia cum hic legatum servo datum primum sit, eius legati dies statim cedit a morte testatoris, *L. unica, §. in novissimo inf. de cad. toll.* At libertas sub conditione data non existit, nisi adita hereditate: ita fit, ut adita hereditate, reperiat aliquod tempus intermedium, quo tempore hic servus sit heredis servus: ut sic verum sit, servo heredis legatum datum esse, atque ita heredi a seipso legatum esse.

- x Hinc quæritur est, si an fideicommissum, aut legatum relinqui possit ei servo, qui eodem testamento manumissus est per fideicommissum, seu quem heres est ro-

gatus manumittere? Dubitationis causa hæc est, quia qui per fideicommissum manumittitur, videtur sub conditione manumitti, quæ non existit, nisi post aditam hereditatem, nam manumittitur, si heres eum manumittat. Libertatem enim ab herede accipit, *§. ult. Instit. de sing. reb. per fideicommiss.* Porro heres non potest manumittere, nisi adita hereditate, si servum testatoris fuisse proponas. Sed placuit ab eo, qui fideicommissam hereditatem pure accepisset, utiliter legari & utiliter fideicommissum, ut manumisso legati & fideicommissi conditio comperat, ut hic traditur & pluribus in *L. si quis servo, de legat. 1.* Non obstat, quod dicitur, in fideicommissaria libertate conditionem inesse. Nam conditio iuris est, quæ sua sponte incit, non a testamento. Adicitur: Conditiones huiusmodi non reddunt supremam voluntatem conditionalem, *L. conditiones extrinsecus, de cond. & demonstr.* Ideo tamen non competit iure libertas, nisi ei, qui manumissus est ab herede; tamen fideicommissi dies statim cedit, non minus, quam legati servo relictæ. Ita simpliciter verum est, eo tempore legatum & fideicommissum relinqui manumisso, non servo, etiam si heres manumittat statim, tamen pro manumisso servus habendus est, in quo manumittendo heres moram fecit. Hæc est sententia *L. si quis servo, de legat. 1.*

Ad L.

Ad L. Ab eo. 9.

Imp. Gordianus A. Paulinz.

Ab eo, qui neque legatum, neque fideicommissum, neque hereditatem, vel mortis causa donationem accepit, nihil per fideicommissum, relinqui potest. PP. XVII. Kal. Octobr. Pio & Pontiano Coss.

S U M M A R I A.

1. *Dua huius legis sententia.*
2. *A quibus fideicommissum, aut legatum relinqui possit, a quibus non.*
3. *Definitio huius rescripti multis modis falsa videri potest; & quare non sit.*

DUæ sententiæ hic statuuntur verbis contrariæ de his, a quibus fideicommissum, aut legatum relinqui possit, aut non. Sunt tamen hæc: cui testator nihil in morte dedit, ab eo nihil relinqueri potest, cui autem dedit, ab omni eo utiliter relinquit. Prior expressa est L. 1. §. ult. de legat. 3. Posterior hoc ex loco intelligitur. Sed datum hic plenius accipiendum est, non tantum, quod testamento pleno & aperto in aliquem contulit, sed & quod morte defuncti ad eum pervenit, dum ei a defuncto non admittitur, & ideo plenior definitio huius rei est concipienda, ut concepta est L. 1. §. sciendum, de legat. 3. Ab omnibus tamen fideicommissum relinqui potest, ad quos morte defuncti aliquid pervenit, dum vel ei datur, vel quod a defuncto accipi poterat, non admittitur. Ergo sunt duo genera eorum, a quibus fideicommissum relinqui poterat. Primum eorum, quibus ita defunctus quid dedit, ut ad eos morte defuncti, seu suprema voluntate defuncti perveniret. In hoc numero sunt heredes a defuncto instituti, vel substituti, legatarii, fideicommissarii, debitor defuncti, a quo defunctus fideicommissum reliquit. Item hi, qui legatorum vicem obtinent.

Ab heredibus institutis, aut substitutis legari posse certum est, ut quibus a testatore datur hereditas. At a legatario & fideicommissario fideicommissum quoque relinqui posse constat, *Instit. de sing. reb. per fideicom. in pr.* Idque ob eandem causam, quia his legatum, aut fideicommissum datur & a debitore defuncti fideicommissum relinqui potest, quatenus debet, L. si pecunia, de legat. 1. quoniam cum defunctus a debitore fideicommissum

relinquit, prius et liberationem legare intelligitur, dicta L. si pecunia. Legatorum loco sunt hi, quibus mortis causa donavit defunctus, his enim in donatione causa mortis, vivus viventi donat, L. inter, D. de donat. caus. mort. Sed tamen ita donat, ut donatio non nisi morte confirmetur, non magis, quam legatum, quia tamdiu donator donationem revocare potest, L. non videtur. L. donatus, §. donatio, D. de mortis causa donatio. Inde dictum donationes mortis causa legatis comparari, L. illud, D. de mort. caus. donatio. Ob hanc causam etiam ab eo, cui mortis causa donatum est, fideicommissum relinqui potest, ut a legatariis, L. cum pater, §. 1. de legat. 2. In eodem numero sunt donationes luter virum & uxorem: nam hæc non revocatæ morte donantis confirmantur, ut donationes mortis causa, L. cum hic status, D. de donat. inter vir. & uxor. L. ult. infr. eodem tit. Ob id etiam placuit, nnum ex coniugibus, qui alteri coniugi donavit, fideicommissum, ab eo cui donavit, relinqueri posse, L. in donationibus, inf. ad legem Falcid. dicta L. cum hic status, §. 1. in fin. D. de donat. inter vir. & uxor.

Alterum genus eorum, a quibus fideicommissum relinqui potest ex superiori definitione, est eorum, quibus testator revera nihil dedit iudicio suo, sed solum videtur dedisse, quia non admittit, quod poterat adimere. In hoc numero sunt heredes legitimi defuncti: heredes legitimi impuberis, qui est in defuncti potestate. Item hi, qui mortis causa capiunt ex testamento defuncti. Postremo hi, ad quos legata, aut hereditatis alii datæ emolu-

mentum pertinet. Primo, ab omnibus, ad quos defuncti hereditas aut honorum possessio perventura est, fideicommissum relinqui potest, *L. 3. §. sciendum, D. de legat. 3. L. si fraudum, §. ult. de legat. 1.* Et tamen defunctus hereditatem hic non dat, nam hereditas a lege datur, unde & legitima hereditas appellatur, *L. lege obvenire, D. de verb. significat.* Sed testator his hereditatem adimere potuit, alios heredes instituendo. Proinde, si alios non instituit, hoc ipso videtur legitimis hereditatem hereditatem dedisse, quia non ademit, dicta *L. 3. §. sciendum, de legat. 3.* Eadem ratione pater impuberis, quem in potestate habet, fideicommissum relinquere potest ab heredibus legitimis impuberis, quia fuit in potestate patris alios heredes filio substituendo, legitimis eius heredibus hereditatem adimere, *L. si fraudum per fideicom. §. ult. de legat. 1.* Ab his etiam, qui mortis causa capiunt ex testamento, fideicommissum relinqui potest. Verbi gratia: Stichus liber esse iussus est, si 10. Titio daret. Hæc 10. a Titio fideicommissum possunt, *L. quidam, de legat. 1.* Et tamen hæc 10. non dantur Titio a defuncto, quoniam hæc 10. Titius ex testamento petere non potest, *L. si quis sub conditio, D. si quis manumiss. caus. testam.* Sed tamen mortis defuncti causa capiuntur; ideo defunctus videtur quodammodo ea dedisse, quia conditionem detrahendo, aut manumissionem revocando potuit perficere, ne illa 10. ad Titium pervenirent, unde dicuntur mortis defuncti causa capi, quia capiuntur per accensionem mortis eius, *L. mortis causa capimus, D. de mortis causa donatis.*

Hi, ad quos hereditatis, aut legati alius relictus emolumentum pertinet, sunt legatarii, dominus, aut pater, aut heres. Nam cum servo legatum est, per servum domino acquiritur: cum legatum filiofamilias, per filium patri acquiritur, *§. 1. & 2. Instit. per quas personas, L. placet, D. de acquirend. hered.* Sed & quod legatario quasiatum est, id eo mortuo ad heredem eius pertinet. Proinde si quid servo legatum sit, aut filiofamilias, placuit a domino & patre fideicommissum relinqui posse, *L. cum filiofamilias 11. de legat. 1.* Placuit item ab herede heredis, aut legatarii non minus fideicommissum relinqui posse, *L. 5. §. ult. de legat. 3.* Atqui testator iudicio suo neque domino, neque patri, neque heredi legatarii quicquam debet, *L. qui liberis, §. ult. de vulg.* Argumentatio est verissima, quia si filius, aut servus vivo testatore dece-

dat, patri, aut domino nihil debetur. Si legatarius decedat vivo testatore, legatum ad heredes legatarii non pertinet, sed ideo defunctus servo, aut filiofamilias legando videtur dedisse patri, aut domino, hoc ipso, quod legatum servo, vel filiofamilias vivus non ademit: eademque heredis & legatarii ratio est.

His cognitibus, multis modis definitio huius relictæ falsæ esse videtur. Nam I. falsum esse dixeris in debitore defuncti, a quo defunctus fideicommissum relinquit, cum ei prius nihil aperte dederit. Sed supra responsum est. Nam hoc ipso, quod fideicommissum relictum, dicitur, prius liberatio ei relinqui intelligitur. II. Videri potest esse falsa in donationibus inter virum & uxorem. Nam hæc hac definitione comprehensæ non sunt, & tamen qui donavit uxori, ab uxore fideicommissum relinquere potest. Sed & de hoc supra responsum est. Nam huiusmodi donationes species quædam sunt donationis causa mortis. III. Falsa esse videtur in heredibus legitimis, a quibus fideicommissum relinqui potest, & tamen defunctus his hereditatem non dat, sed lex. Respondeo: & lex & defunctus. Lex recta, vel proprie: defunctus hoc ipso, quia non ademit his hereditatem, quam adimere potuit. Sed præcipue & certe videtur falsa esse in his, qui causa mortis capiunt, cuiusmodi sunt hi, quibus implendæ conditionis causa aliquid datum est, vel ab herede, vel legatario, vel manumisso. Nam ab his fideicommissum relinqui posse constat, & tamen neque hereditatem, neque legatum, neque fideicommissum, neque mortis causa donationem a defuncto accipiunt, ut expressum est in *L. mortis causa capimus, D. de mortis caus. donat.*

Dicendum est, eum, qui mortis causa quid accepit, proprie nihil eorum, quæ superscripta sunt, accepisse, secundum quam proprietatem verbi scriptum est in dicta *L. mortis caus. sap.* Abusue autem & improprie, quod per mortui defuncti occasionem capitur, dici potest a defuncto capi, quasi defunctus videatur dedisse, quod non ademit, cum posset adimere. Postremo videri poterit etiam falsa definitio in patre, domino, & herede legatarii, arripe quibus nihil omnino defunctus dedit, neque vivus, neque moriens. Sed dicendum est defunctum nihil his dedisse recta, sed revera dedisse per interpositam legatarii personam, quia per legatarium legatum ad ipsos pervenit, argum. *L. 1. in fin. & L. 2. de her. petis.*

Ad L.

Ad L. Verbum, Volo, 10.

Idem A. Firmo,

Verbum, Volo, licet desit; tamen quia additum perfectum sensum facit, pro adiecto habendum est. III. Idus Decemb. Gordiano A. & Aviola, Coss.

S U M M A R I A.

1. *Voluntas sine scripto, & scriptum sine voluntate, nihil proficit ad hereditatem, legatum aut fideicommissum relinquenda.*
2. *Testator an plena & perfecta oratione scribere, vel nuncupare debeat.*

Nihil ad rem pertinet defunctum aliquid alicui dare voluisse, ut legatum, aut fideicommissum debeat, nisi hanc etiam voluntatem testamento, vel codicillis scripserit, aut nuncuparit, ut neque voluntas sine scripto, neque scriptum sine voluntate quidquam proficiat ad hereditatem, legatum, aut fideicommissum relinquenda, *L. quoties, de hered. inst.* Quod tamen desideratur, ut testator voluntatem suam scribat, vel nuncupet verbis, non sic accipiendum est, ut debeat scribere † vel nuncupare plena & perfecta oratione, sed si quid scripserit aut dictaverit, ex quo intelligi possit, quid voluerit, voluntas eius servabitur,

quasi minus scriptum fuerit, plus nuncupatum, ut ibidem, in *d. L. quoties*, adicitur. Id quale sit, explicatur in *d. L. quoties, & L. t. §. si ex fundo, de hered. inst.* idem in fideicommissio, quale sit, hic traditur. Secundum hanc sententiam huiusmodi fideicommissum valet, *Titio fundum Tusculanum dari*, etiamsi non adiecit defunctus, *volo*, ut plena oratio fideicommissi efficeretur, tamen valebit. Idem dicendum est, etsi testator tantum ita dixerit: *Titio fundum Tusculanum, &c.* quia satis intelliguntur hæc verba ex præcedentibus, *do, lego, vel dari volo, &c.* Ad hanc sententiam pertinet *L. si unus, sup. de testam.* ubi dictum.

Ad L. Quoties ab, 11.

Idem A. Papyriano.

Quoties ab omnibus, qui alienatione facta ad fideicommissi petitionem aspirare possunt, venditio celebratur, aut quibusdam vendentibus alii consenserint: contractus auctoritas convelli nequaquam potest. PP. II. Kalend. Ianuar. Gordiano A. II. & Pompeiano Coss.

S U M M A R I A.

1. *Prohibitio alienationis fundi, vel hereditatis, vel legati quando valeat.*
 2. *Alienationis pena.*
 3. *Alienatio & venditio rerum distrabi prohibitarum, quando & quibus casibus rata sit, nec revocari possit, & num. 4.*
- † **P**rohibitio † alienationis fundi, vel hereditatis, vel legati tunc valet, cum testator nominatim vetuit alienari certarum personarum causa, quibus consultum voluit, *L. filiusfam. §. divi, de legat. 1.* Id sit, cum veniat alienari, & adiecit, ut fuq.

fundus ad certas personas perveniat: veluti, cum fundum vetat alienari, ut in familia maneat. idem fit, cum testator quibusdam personis permittit vendere, & extra has personas alienari vetat: veluti eum fundum libertis legat & vetat extra familiam libertorum alienari, aut cum tribus legat, Primo, Secundo, & Tertio, & vetat ne quis partem suam vendat, nisi eollegatariis. Exempla sunt in *L. unum. §. sed et si* vers. *quod si alia. L. cum pater, §. libertis, de legat. 2.* Alienatione ita prohibita, rem contra præceptum testatoris alienare non licet. Alienationis præpna hæc est, ut revocetur alienatio ab his, quorum causa alienatio prohibita est. Perinde est enim, quasi testator his personis fideicommissum dedisset, si res vendita alienari alienata esset, secus quam testator prohibuisset. Proinde re alienata hæ omnes personæ ad fideicommissi persecutionem vocantur. Et si sint plures gradus earum personarum, hi vocati intelligantur, qui sunt primi gradus, *d. L. unum de leg. 2.*

Sed cum hæc persecutio & revocatio rei alienatæ constituta sit eorum tantum gratia, quibus testator consultum voluit: eventit interdum, ut quanvis res alienari prohibita alienetur, tamen venditio & alienatio rata sit, nec possit revocari, quod hoc rescripto declaratur. Id autem contingit duobus casibus hic comprehensis. Unus est, si omnes, qui facta alienatione vocabantur ad persecutionem fideicommissi, rem vendiderunt: utpote prohibitus est heres fundum alienare extra familiam, & alienavit: omnibus, qui sunt ex familia, fideicommissi persecutio competit. Dicimus, si hi omnes fundum vendiderint, venditionem revocari non posse. Cuius sententiæ ratio hæc est: quoniam si quis ex his venditoribus potest rem venditam revocare fideicommissi iure, necesse est, ut aut partem a se venditam, aut partem cæterorum revocare non possit, quia vendidit, & si alius eam partem evi-

cisset, is, qui vendidit, de eviotione teneretur. *L. ex empto, de action. empt.* Ergo si ipse eam partem vindicet, ut evincat: multo magis exceptione removebitur, *L. vindicantem, de eviotion.* Nam si emptori re evicta ultro actio datur adversus venditorem: multo magis venditor rem evincente, dabitur emptori adversus eviotionem exceptio. Cui enim damus actionem, ei multo magis exceptionem quis competere dixerit, *L. in ius, §. 1. de regul. iuris.* Partem cæterorum, quibus fideicommissi persecutio competeat, revocare non posse, tamen partem cæterorum non vendidit. Nam in hoc genere fideicommissi hi solum ad fideicommissi persecutionem invitantur, qui iudicio defuncti paruerunt, id est, qui & ipsi partem suam non alienarunt. Indignus est enim iudicio defuncti, qui contra iudicium defuncti facit, dicta *L. cum pater, §. libertis, de legat. 2.*

Alter casus est, si hi, qui ad fideicommissi persecutionem invitabantur, non vendiderunt quidem, sed venditori consenserunt: ut si heres prohibitus sit fundum alienare extra familiam, & ipse vendat familiam tota consentiente: aut si tribus legatus sit fundus, & singuli prohibiti vendere, nisi collegatariis: unus autem suam partem vendat cæteris consentientibus: qui consenserunt fideicommissi persecutionem non habent, aut certe exceptione pacti ab emptore repelluntur.

Exceptio est sumpta ex edicto prætoris de pactis, quo prætor pollicetur se pacta servaturum. Unde sumptæ sunt hæ regulæ: Lieere unicuique suo iuri renuntiare. Item, licere unicuique futuri iuris persecutionem & præsentis deteriorem pacto constituituræ, *L. pactum, D. de pact. L. penult. supr. de pactis.* Item illud: Remittentibus actiones suas non dari regressum, *L. queritur, §. si venditor, D. de edict. edict.* Hæc enim sunt consequentia edicto, servari pacta.

Ad L. Post mortem. 12.

Impp. Philippus A. & Philippus C. Rufino.

Post mortem suam rogatam restituere hereditatem, defuncti iudicio, & antequam facti munus impleat, posse satisfacere, idest, restituere hereditatem quarta parte vel retenta, vel omitta, si voluerit, explorati iuris est. PP. Id. Oñob. Peregrino & Æmiliano Coss.

S U M M A R I A.

1. *Mulier heres instituta, & post mortem suam hereditatem restituere Titio rogata, si viva, detracta quarta ex senatusconsulto, quaeritur, an possit? non quaeritur de voluntate Titii, nam constat volenti restitui posse, sed quaeritur, an possit restitui iavito, quasi id sit ex voluntate & iudicio defuncti. Quid dubitationem faciat, mox dicemus. Hic respondetur, etiam ante mortem mulierem fideicommissum restituere posse ex senatusconsulto, & quidem ita, ut iudicio defuncti satisfaciatur. Huic sententiae videtur refragari certa ratio iuris civilis nominatim, & praeterea L. sed & si alio, 9. §. ult. L. sed etiam ante seq. ad Treb. Quae ratio adversetur huic sententiae, ut intelligatur, sciendum est, hoc fideicommissum, post mortem suam restituas, esse conditionale. Nam si haec verba, post mortem suam, valent, postquam mortua fueris.*
2. *Verba, post mortem tuam, quid significent.*
3. *Natura non est solutio, nisi eius, quod debetur.*
4. *Restitutio fideicommissi ante mortem heredis in quibus causis alius noceat.*

Heres mulier instituta est, rogataque est restituere hereditatem post mortem suam Titio. Viva mulier si fideicommissum restituere vult, detracta quarta ex senatusconsulto, quaeritur, an possit? non quaeritur de voluntate Titii, nam constat volenti restitui posse, sed quaeritur, an possit restitui iavito, quasi id sit ex voluntate & iudicio defuncti. Quid dubitationem faciat, mox dicemus. Hic respondetur, etiam ante mortem mulierem fideicommissum restituere posse ex senatusconsulto, & quidem ita, ut iudicio defuncti satisfaciatur. Huic sententiae videtur refragari certa ratio iuris civilis nominatim, & praeterea L. sed & si alio, 9. §. ult. L. sed etiam ante seq. ad Treb. Quae ratio adversetur huic sententiae, ut intelligatur, sciendum est, hoc fideicommissum, post mortem suam restituas, esse conditionale. Nam si haec verba, post mortem suam, valent, postquam mortua fueris. Haec adiectio habet diem incertum. Dies incertus in testamentis conditionem facit. Itaque perinde hoc fideicommissum accipitur, quasi ita dictum esset: *Restituas, si mortua fueris*, nempe per heredes tuos, L. dies, de condit. & demonstr. Ideo diserte scriptum est in L. 4. quando dies leg. ced. hoc genus fideicommissi esse conditionale; & si Titius fideicommissarius vivente herede decedat, neque fideicommissario, neque eius heredibus quicquam deberi. Hoc posito consequens est, hoc fideicommissum ante mortem heredis restitui non posse hac ratione: Quod non

debetur, solvi non potest, quia si natura non est solutio, nisi eius, quod debetur, tit. Institus. quib. mod. toll. obl. in pr. Quod autem sub conditione debetur, id pendente conditione non debetur L. cedere diem, de verb. sig. Ergo pendente conditione solvi non potest, iam vero hoc fideicommissum, post mortem suam restituis, habet conditionem, si morieris. Ergo ante mortem restitui & solvi non potest, L. sed etiam, 9. L. seq. ad Trebell. Diserte scribitur, fideicommissum conditionale pendente conditione restitui non posse, & si forte volente fideicommissario restitutum sit, actiones in fideicommissarium non transire, quia non sit restitutum, ut testator voluit. Respondeo primo ad rationem, quam initio posuimus: fateamur quod sub conditione debetur, quemadmodum pendente conditione non debetur, ita nec pendente conditione solvi posse. Idque non tantum in certis obligationibus admittimus ex superiore ratione, sed in fideicommissis, ex dicta L. 9. §. ult. D. ad Trebell. Sed hoc dicimus: Fideicommissum hoc post mortem heredis restituas, hactenus esse conditionale, quatenus heres vivus fideicommissum non restituit: quod si volens restituere, non est fideicommissum conditionale ex voluntate & iudicio defuncti, qui voluit licere heredi etiam ante mortem suam restituere. Id probatur liquido ex verbis huius scripti, ubi dicitur, heres ante mortem fideicommissum restituens, satisfacere iudicio defuncti, idest, voluntati,

tati, ergo testator volebat fideicommissum id etiam ante mortem reitui posse. Idem probatur apertius ex *L. patrem, D. que in fraudem credit*. Ubi in hac ipsa specie respondetur, heredem, qui ante mortem suam fideicommissum restituit, plenam fidem & debitam pietatem restitutionis sequi. Ergo fides heredis erat, ut si vellet, ante mortem restitueret; ergo ante mortem si restituit, pie facit, satisfaciens voluntati defuncti. Sic fit, ut dum heres ultro fideicommissum hoc restituere vult, intelligatur fideicommissum ex voluntate defuncti purum esse, non conditionale. Idque ex genere conditionis facile intelligitur. Nam cum testator voluit heredem non restituere, nisi post mortem suam, apparet conditionem adiecit heredis causa, ut vivus hereditate frueretur: sed hac conditione, ut non invitus vellet: nam invito beneficium non datur, *L. invito, de reg. iur.* Proinde, si voluit hereditatis commodum frui, testator hoc animo est, ut vellet illi licere restituere hereditatem fideicommissario, cui post consultum vollet.

Ex his responsum ad *L. 9. §. ult. & L. seq. D. ad Trebellian.* Fatemur enim, ut supra dictum, fideicommissum sub conditione relicto, pendente conditione restitui non posse. Sed iam dixi, fideicommissum, de quo agitur, non esse conditionale, ubi heres ante mortem vult restituere fideicommissum. Hinc consequens est fideicommissum ante mortem heredis restitutum, omnia locum habere, quæ haberent, si post mortem restitutum esset ex Senatusconsulto. Primum cum ante mortem heres restituerit fideicommissum, quantum detrahere poterit, si volet: quod hic scriptum est, & tamen non potest, nisi ex Senatusconsulto detrahi, *§. sed quia hered. Institut. de fideicommiss. hered.* Eadem ratione & restituta hereditate transibunt actiones in fideicommissarium, propterea quod restituitur hereditas, ut testator voluit, quod quoviscunque sit, transiunt actiones, ex *d. L. sed etsi 9. ad Trebell.* Restitui autem fideicommissum ex voluntate testatoris, etiam ante mortem supra ostendimus. Et probat hoc rescriptum, & *d. L. patrem, D. que in fraudem credit*. Quod tamen dicitur in hac specie, fideicommissum ante mortem heredis restitui, sic accipiendum est: nisi restitutio noceat aut fideicommissario, aut aliis, quibus testator eodem fideicommissio consuevit voluit.

Fideicommissario nocet restitutio, si is ante mortem heredis sit in parvis portione. Nam si tunc fideicommissum restituitur, non filio acquiritur restitutum, sed patri per filium. Proinde placet hoc casu expectandam esse mortem heredis, quia fieri possit, ut interim filius sui iuris efficiatur, atque legatum sibi acquirat, non patri. Aut certe esse expectandum, donec filius liberetur patris potestate ante mortem heredis, *L. filiusfam. §. divi. 1. D. de legat. 1.* Restitutio fideicommissi ¶ ante mortem heredis, nocet aliis in his causis tribus, si heres rogatus sit fundum restituere pluribus, puta Primo, Secundo & Tertio, & vivus partem restituit Primo, deinde Primus vivo herede decedat. Nam hoc modo futurum est, ut restitutio huius partis noceat eius collegariis, quia si fideicommissum restitueretur post mortem heredis, totus fundus pertineret ad duos reliquos collegarios, & pars deficientis illis accresceret. Proinde placet hoc casu idem iuris statuendum esse, nec liberari heredes heredis, nisi solidum fundum reliquis duobus collegariis superstitibus restituant. Nocet præterea restitutio aliis in hac specie; cum heres rogatus est post mortem suam restituere fideicommissum ei ex filiis, cui vollet, & vivus unum ex filiis eligat, cui restituit. Nocet hæc restitutio aliis, quia si mors heredis expectaretur, aut illud tempus, cum heres moreretur, fortasse vel heres, vel heredes eius alium ex filiis eligerent. Proinde recte quoque hoc casu placuit electionem ante mortem non extingui, *L. cum pater, §. hereditatem & a filio, D. de legat. 2.* Postremo restitutio aperte nocet aliis in hac specie, cum heres rogatus est, fideicommissum post mortem suam restituere Primo, & si Primus vivo herede decederet, rogatus est restituere idem Sempronio. Hic, inquam, aperte nocet restitutio Sempronio, si heres restituat fideicommissum ante mortem Primo, & Primus vivo decedat herede. Nam ex conditione substitutionis fideicommissum ad Sempronium pertineret deinde post mortem heredis. Quapropter recte hic quoque est responsum, si heres restituat fideicommissum Primo ante mortem, & Primus decedat vivo herede, heredem fideicommissum non liberari, *L. uxorem, §. Sempronius, de legat. 3.*

Ad L. Quoties. 13.

Idem A. & C. Sempronio.

Quoties principali loco heres institutus testatoris succedit: legata, seu fideicommissa a substituto data postea iure non possunt. PP. VIII. Kalend. Martii Prasente & Albino Coss.

S U M M A R I A.

1. Legata a substituto relicta an debeantur.

2. Institutus, qui hereditatem defuncti totam obtinet, an legata ex iudicio defuncti præstare debeat.

TESTATOR Primum heredem instituit, & ab eo ita legavit, *Peto a te Primo, ut fundum Tusculanum Titio restituas*. Primo Secundum substituit, hoc modo: *Si Primus heres non eris, Secundus esto*, & a Secundo ita legavit: *Rogo te Secunde, ut 100. Sempronio des*. Primus heres exsistit, quo factum est, ut excluderetur Secundus, itemque substitutus, *L. post aditam, supra, de impuber. & aliis substitutis*. Quæsitum est, § an legata a substituto relicta debeantur? Hic scriptum est non deberi, & constat non deberi a substituto, quem hereditate exclusum esse dicimus. Nam cui testamento nihil datum est, ab eo nihil relinqui posse constat, *L. ab eo, supr. h. v.*

2. Sed quæritur, § an Institutus, qui hereditatem totam obtinet, hæc legata ex iudicio defuncti debeat præstare? Movet

dubitationem ius constitutum de substituto. Nam quoties condito testamento quidam sunt instituti, quidam substituti, placet deficientibus Institutis legata ab his relicta, a substituto præstanda esse, *L. licet, de legat. 1.* Idem e converso dici debuisset videtur, ut legata a substituto relicta etiam ab instituto præstanda sint. Adversus quam dubitationem hoc rescripto cavetur in totum, legata a substituto relicta non deberi, ut intelligamus neque a substituto deberi, qui nihil accepit, neque ab instituto, a quo relicta non sunt. Differentie ratio est, quia substitutus substituitur in locum primi heredis: quo fit, ut non solum in ias, seu commoda, sed etiam in incommoda succedat. Institutus autem non substituitur in alterius locum, ut proinde ex persona alterius nihil præstare debeat.

Ad l. Eam, quam. 14.

Impp. Valerianus & Gallienus AA. Falconi.

Eam, quam frater tuus instituerat, sive quaesita, sive non quaesita hereditate decesserit: cum tamen simpliciter, antequam duodecimum aetatis annum implevisset, verbis precariis testamento facto nonnullos ei volueris substitutos: nihil prohibet fideicommissum petere, vel ab ipsis heredibus, vel ab his, qui bona intestati tenent. Tunc enim locum habet, quod regulariter traditur, ea, quae in testamento relinquuntur, si ex testamento non adeatur hereditas, non valere: cum verbis relicta directis adiri potuit hereditas, non cum illa ipsa data est, ut esset ab intestato successoribus postulanda. Quod rescriptissimus sequentes adseverationem tuam, quasi scripta heres non fueris iure adoptata. Alioquin si in familia relicta heres facta decesserit: & consequenter ipsius heredes petitione fideicommissi respondere coguntur. PP. XIV. Kal. Decemb. Valeriano III. & Gallieno II. Cofi.

SUMMARIA.

1. *Falsi species ex verbis rescripti singillatim demonstrata.*
2. *Dubitandi in proposito causa, & ex his quaestio.*
3. *Hereditate simpliciter iussa restitui quibusdam, omnes heredes rogatos videri de ea restituenda: scriptos si hereditatem adierint, & his non aduentibus, heredes legitimos. §. num. 3.*
4. *Generalem & indefinitam orationem de restituenda hereditate id efficere, & quo exemplo.*
5. *Directam substitutionem non adita hereditate evanescere, fideicommissariam manere, si testator hoc animo sit, ut hereditas sua restituatur a quibuscumque heredibus: differentia ratio exposita.*
6. *A legitimis heredibus quicquid praestari iubet testamento, falsi declaratur se velle, ut ea scriptura in eum casum habeatur pro codicillis.*
7. *Adoptata puella si a patre instituta esset, futurum fuisse, ut viva e-*

minimode patri demortuo heres existeret: quo casu fideicommissum deberi, & eo obligari heredes puellae, quam recte hic dicatur.

8. *Summa rescripti.*
9. *Regula iuris, ea, quae testamento relinquuntur, si ex eo non adeatur hereditas, non valere, quam rationem habeat.*
10. *Hactenus iure communi verum esse, nisi testator vellet scripturam testamenti pro codicillis valere, aut quod idem est, vellet id, quod testamento relinquatur, etiam ab heredibus legitimis praestari.*
11. *Hinc exceptiones variae ex eodem fonte nata iure communi, & quae sint.*
12. *Eiusdem regulae & iuris singulari quasdam exceptiones esse, tam quae in hoc numero habenda sint, aut non sint.*
13. *Lesio vulgaris vitiosa, Eam quam, & non aliter recte legi posse, quam, Ea, quam,*

1. **T**estator puellam † adoptaverat, sed non iure, ut postea compertum est: sic enim Falco consulor asseverabat, ut indicat extremum rescripti. Finge testatorem abientem arrogante, vel testatorem gessisse tutelam puellae: quibus casibus arrogatio non valet. *L. neque ei, L. ut-*

que absens, & L. seq. D. de adopt. Is testator, sive quod puellam haberet pro iusta filia, sive quod putaret filiam non esse, eam heredem testamento instituit, non ut filiam, id est, non ita, ut filiam nominaret; sed solum illam heredem instituit suo nomine, ut patet ex his verbis, quae
sunt

sunt in principio: *Ea, quam frater tuus heredem instituerat*. Quod dicimus, ut sciamus eam puellam potuisse hereditatem adire, si vellet: quæ atque non potuisset, si ut filia fuisset instituta. *L. 5. sup. de testam. L. nec apud, sup. de hered. inst.* Hoc amplius testator voluit eodem testamento ei puellæ quoddam esse substitutos, puta Primum & Secundum. Ei, subintellige, mortuæ, quod intelligitur ex his verbis rescripti, *peti fideicommissum potest vel ab eius puella heredibus*. Non sunt heredes, nisi demortui. Item dicitur in extremo, *si heres factus decesserit*. Sed testator voluit ei substitutos quoddam verbis precariis, ut adiciatur in rescripto, id est, verbis fideicommissi; ea verba quæ sint, traditur in *§. ult. Inst. de sing. reb. per fideicom. relicta*. Itaque hic sensus est: testator voluit quibusdam hereditatem suam relictui. Adiciatur in rescripto, testatorem voluisse quoddam esse puellæ substitutos, antequam duodecimum annum implevisset. Nam diximus hos esse substitutos non viventi, sed mortuæ. Adiciatur amplius, esse substitutos simpliciter. Quod habet hanc sententiam, testatorem ita voluisse hereditatem relictui, si puella intra duodecimum annum decessisset, ut cum id dixisset, nihil amplius adiceret, sed solum diceret se velle hereditatem illis & illis relictui. Ita in summa institutio & fideicommissum testamento relictum sunt eiusmodi: *Sempronia puella mihi heres esto: si Sempronia intra duodecimum ætatis annum decesserit, volo hereditatem meam relictui Primo & Secundo*: ut intelligamus hic non fuisse substitutionem directam, sed fideicommissum, quod testator voluerit relinquere non ab hoc, vel illo herede, sed simpliciter relictui, quisquis heres eam hereditatem obtineret. Dicitur autem hoc fideicommissum substitutio, & fideicommissarii dicuntur hic substitui, quia etiam fideicommissum substitutionis nomine continetur, diciturque ñsitate substitutio fideicommissaria. *L. coheredi, §. cum filia, D. de vulg. subst.* Mortuo testatore, post etiam puella intra duodecimum annum decessit non adita hereditate, unde quæstio maxime huius loci, ut declarant ea verba rescripti: *Nam quod traditur*. Hinc enim evenit, ut cum puella non esset sua heres defuncti, utpote non legitime adoptata, & extranea hereditatem non adierit: evenit, inquam, ut non quæsit hereditate decesserit: & simul ut testator decesserit intestatus, utpote, testamento eius, nemine herede existente, irritum factum, ut est definitio intestati in *Inst.*

Tom. IX.

de hered. quæ ab intest. def. in pr. L. 1. in fi. D. de iniusl. rupt. Intestati hereditas post filios & parentes ad proximos agnatos & cognatos pertinet. *Inst. de success. cognat.* In quo numero est defuncti testatoris frater Falco, qui eo nomine etiam fratris intestati hereditatem adivit, & intestati iure eam hic obtinet. Fideicommissarii Primus & Secundus petunt ab eo, ut sibi restituat hereditatem ex causa fideicommissi superioris, cuius conditio existerit.

Falco ꝑ negat fideicommissum se debere, & ita se tuetur. Facitur fideicommissum peti potuisse, si puella hereditate quæsit decessisset, sive quod existeret ipso iure heres, sive quod extranea hereditatem adivisset. Nam hoc modo confirmatum esset testamentum, & per testamentum ea omnia, quæ testamento cauta essent: sic deinde puella hereditatem quæsitam transmitteret ad heredes suos. *L. 1. sup. de iur. deliber.* a quibus fideicommissum recte peti potuit, quia videtur puella rogata esse, aut heredes eius. Nunc autem puella decessit non quæsit hereditate. Non enim existerit ipso iure heres, quoniam non fuit filia defuncti, multoque minus in defuncti potestate, utpote quæ non fuerit iure adoptata, ut intelligitur ex definitione suorum in *§. 1. Instit. de hered. quæ ab intest.* & *§. fin. eodem titul.* Sed nec extranea hereditatem adivit, de quo contabatur. Hoc concessum, defendit se fideicommissum non teneri duabus rationibus. Una est, quod etsi fideicommissum valeret, tamen relictum non est a legitimis heredibus: cui consequens est fideicommissum tantum deberi vel a puella, vel a puellæ heredibus. Ipse autem puellæ heres non est, sed defuncti fratris, qui intestatus decessit. Altera, quod etsi fideicommissum hoc nominatim relictum esset ab heredibus legitimis, tamen frustra relictum esset, quia non esset adita ex testamento hereditas. Efficiturque id regula iuris, qua traditur, ea, quæ in testamento relicta sunt, non valere, si ex eo adeatur hereditas. Quæ regula hanc rationem habet, quod non potest ex testamento quidquam valere, nisi aut tanquam ex testamento, aut tanquam ex codicillis. Sunt enim hæc tantum duæ species supremarum voluntatum. *L. si idem. L. ult. §. ult. sup. de cod. Testamentum irritum factum, ut testamentum valere non potest; nec potest valere ut codicilli, cum testator nominatim non cavet, ut tanquam codicilli valeret, L. coherede, §. cum filia, D. de vulg. subst. L. 1. D. de iur. codicill.* Quæ-

Q 92

fitio

fio, an fideicommissum debeat, & an a Falcone legitimo herede fratris peti possit?

- 3 Respondent \dagger Imperatores, fideicommissum deberi, sive ea puella, quam testator instituit, decesserit quæsitæ hereditate, sive hereditate non quæsitæ: atque ita fideicommissum peti posse, vel ab eius puellæ heredibus, vel ab iis, qui intestati hereditatem possident, qualis est Falco consilior: non tamen ut ab his, vel illis peti possit eodem tempore, sed diversis, prout puella quæsitæ hereditate decesserit, aut non quæsitæ hereditate. Peti ab eius heredibus poterit, si ipsa heres exstitit: sic enim hereditatem quæsitam transmittit ad heredes suos, quam deinde illi possunt restituere. Peti autem potest ab heredibus legitimis defuncti, cum puella non quæsitæ hereditate decesserit: sic enim fit testator intestatus, ut proinde eius hereditas ad legitimos eius heredes pertineat. Neque vero tenetur restitutione fideicommissi, seu hereditatis, nisi heredes, qui hereditatem possident. Ut autem ab his aut illis petiitio futura est, illud manet, fideicommissum in proposito peti posse ab heredibus legitimis, si puella non quæsitæ hereditate decessit.

Ad primam defensionem Falconis respondetur in illis verbis *cum tamen simpliciter*.

- 4 Est enim \dagger hic sensus: non obstat, quod fideicommissum relictum non est ab heredibus legitimis. Sane enim expressim ab his relictum non est: sed generaliter satis relictum intelligitur. Nam testator simpliciter voluit, hereditatem suam restitui Primo & Secundo: simpliciter, id est generaliter & indefinite, sine expressione personæ, a qua hereditatem restitui vellet. Generali oratione omnes heredes continentur, ad quos ea hereditas pervenire poterit, argumento *L. si servitus, D. de serv. urb. præd.* Proinde continentur heredes tam puellæ, quam heredes legitimi defuncti. Idque simpliciter respondetur in hac specie, ut veteres responderunt in edicto: *Quod metus causa*, Edictum ita scriptum est, *Quod metus causa gestum erit, ratum non habeo. L. 1. D. quod metus causa*. Non dixit prætor, *quod gestum est ab hoc, vel illo*: non dixit, *ratum non habeo adversus eum, qui vim fecit*, sed simpliciter & generaliter, *ratum non habeo*. Inde veteres edictum sic acceperunt, quasi polliceretur prætor, se ratum non habiturum adversus omnes, qui commodum ex vi sensissent, quia edictum non esset in personam sed genera-

liter conceptum, & in rem, *L. metum autem, §. ult. D. quod metus causa*. Sic in proposito, quia testator voluit simpliciter hereditatem suam restitui, nec adiecit ab hoc, aut illo, intelligere debemus voluisse eam hereditatem suam restitui ab omnibus heredibus, ad quos ea hereditas pervenisset.

Secundam rationem & defensionem Falconis remouent Imperatores in illis verbis: *Tunc enim locum habet*. Est enim hæc sententia: Quod diximus, etiam hoc fideicommissum peti posse ab heredibus, qui intestati bona possident, non est eo metuendum, quod dicitur de viribus fideicommissi. Nam etiam tunc, cum puella non quæsitæ hereditate decessit, fideicommissum valet, quia testator ab intestato restitui voluit.

Non \dagger obstat quod regulariter traditur, ⁵ ea, quæ lo testamento relinquuntur, si ex eo non adeatur hereditas, non valere. Nam id tunc locum habet, cum hereditas verbis directis relicta potuit adiri, supple *ex substitutione*: de quo genere hic agit, id est, tunc locum habet, cum substitutio fuit directa, hoc modo: *si puella intra duodecimum annum decesserit, primus & secundus heredes sunt*. Idque hæc rationem habet, quod testator ex hac substitutione vult hereditatem suam capi ex testamento, quoniam institutio omnis nisi ex testamento, non valet. Quod secus est si ex testamento non vult hereditatem ab intestato capi. Pugnans enim ex testamento, & ab intestato, & si cui causæ locus est, alteri locus esse non potest. *L. quamdiu potest, L. illud, D. de acquirend. hered. L. ius nostrum, D. de regul. iur.* Diversum est, cum hereditas ex substitutione fideicommissaria ita data est, ut esset ab intestato a successoribus postulanda, aiunt Imperatores: id est, cum ita data est, ut præstari deberet ex voluntate defuncti etiam ab heredibus ab intestato succedentibus: quod hic factum est, ut supra demonstravimus. Et habet hæc sententia hanc rationem: quod cum testator voluit hereditatem deberi etiam ab intestato, hoc ipso probavit se velle tunc eam præstari, cum testamentum non valeret. Nam si valeret, utique ab intestato hereditas non deferretur. *L. illud, D. de acquirend. heredit.*

Sed hæret \dagger adhuc hic scrupulus, quem ⁶ Imperatores attingere non videntur, quod fideicommissum hoc non potest deberi ab intestato, nisi ex codicillis. Suet enim tantum hæc dux species supremarum voluntatum, ut supra dixi. Iam vero non potest

test tanquam ex codicillis deberi, ubi testator non expressit, ut tanquam codicilli valerent, dicta *L. coheredi, §. cum filia, D. de vulg. subst.* Verum satis hoc significasse intelligitur testator, cum voluit hereditatem etiam ab intestato restitui; non enim potest restitui ab intestato, nisi ex codicillis. Profunde hoc prius voluisse intelligitur, ut ea scriptura testamenti pro codicillis valeret. Nam quanties aliquid volumus, ea etiam omnia velle intelligimus, sine quibus ad illud prius perveniri non potest, *L. 2. D. de iurisd. d. L. illud, D. de acq. hered.*

Sequitur in rescripto, *Quod rescriptum.* Hæc verba subiecta sunt vitandæ reprehensionis causa, quæ ex proximo responso oriri poterat. Est enim hic sensus: Quod proxime diximus, in eum casum, quo puella hereditate non quaesita decessit, ne videatur, inapte dictum in puella, ut nunc proponitur, adoptata; quasi potius videretur dici debuisse, decessisse eam quaesita hereditate, quia si fuit iure adoptata, & manit in potestate defuncti, etiam defuncto existerit sua heres, neque in eo defunderet additionem. *§. sui, Inst. de her. quæ ab intestat. defer. L. in suis, D. de suis & leg. her.* Hoc enim rescriptum, inquit, sequentes asseverationem tuam, qui proposuisti puellam non fuisse iure adoptatam. Quod si verum est, & non adita hereditate puella decessit, consequens est, eam non quaesita hereditate decessisse. Ad hanc consultationem tuam, rescriptum nostrum accommodavimus. Cæterum si puella fuit iure adoptata, & in familia defuncti relicta est, hæc defuncto patri adoptivo heres existit, ac propterea quaesita hereditate decessit: quo casu multo magis valebit fideicommissum, sed quod ab heredibus puellæ peti debeat, non a te, qui eius puellæ heres non es.

7 Quod si dicant Imperatores, puellam hanc heredem factam decessisse, it in familia relicta fuit, sic iure plenius colligitur, quod paulo ante obiter attingi. Si puella iure adoptata est a defuncto, fuit olim in defuncti potestate. Ut enim natura iusti liberi sunt adopti, sic iure civili adoptione: & utroque modo liberi substituantur patris potestati. *L. 1. D. de adoption. Inst. eod. in pr.* utque adoptivi dicuntur esse in patris adoptivi potestate sic dicuntur esse in patris familia, eodem sensu. Nam familia significat omnes personas quæ sunt in alicuius potestate, *L. pronuntiatio, §. 1. D. de verb. sign.* unde dicuntur arrogati transire in ius &

familiam patris arrogatoris. *L. penult. §. ult. D. de bon. poss. sec. tab.* Si puella semel potestati patris per adoptionem subiecta, in potestate & familia retenta est, apparet eam in potestate morientis patris fuisse. Retinetur autem in familia si aperte non emancipatur a patre vivo, & in civitate manente. *§. præterea, Inst. quibus modis ius patriæ potestatis solv.* Qui liberi sunt in potestate morientis patris, hi sui patri sui heredes, siue sint naturales, siue adoptivi. *§. 1. Inst. de her. quæ ab intest.* Porro ius certum est, suos heredes statim heredes defuncto patri existere etiam invito, multo magis ignorantes, unde non solum impuberes, sed etiam furiosi statim sui heredes existunt. *§. sui, Inst. de her. quæ ab intest.* Recte igitur dicunt Imperatores, puellam hoc casu heredem factam decessisse, quæ ipso iure & statim heres facta est. Quod secundo loco significant, puella ita herede facta fideicommissum deberi, manifestam rationem habet. Nam cum suos heredes existit, testamentum confirmatur, utpote quod heredem habere coepit. *L. cum quæ, §. sed est quis, D. de fidei. lib.* Confirmato testamento nihil dubii est, quin omnia valeant, quæ testamento relicta sunt. Quod dicunt tertio loco, hoc casu fideicommissum respondere debere heredes puellæ, id est fideicommissum obligari; non Falconem consultorem, hoc quoque certa ratione iuris defenditur. Non enim possunt teneri ad hereditatem restituendam, nisi qui iure hereditatem obtinent. Cum autem puella semel heres existit, hereditatemque quaesitam ad heredes suos transmittit. *L. 3. supr. de iur. delib.* Quapropter non alii heredes obligari possunt, ut eam hereditatem restituant, quam heredes puellæ, ad quos hæc hereditas rediit.

Hic si cognitis statuatur iam rescripti summa, duabus his sententiis, velut capitibus comprehensa. Una est, cum testator post mortem heredis instituit vult hereditatem suam quibusdam restitui, & ita vult, ut simpliciter dicat se velle eam restitui, id est generaliter & indefinitè, non expressa persona heredum, a quibus fideicommissum restitui vellet: his verbis videri eum compendio sermonis rogasse omnes heredes, ad quos ea hereditas perventura est, etiam si sint heredes legitimi. Altera est, quous testator fideicommissum præstari voluit, etiam ab intestato ab heredibus legitimis, toties etiam non adita ex testamento hereditate fideicommissum deberi, neque huc pertinere regulam iuris, qua traditur, ea, quæ testamento re-

lin.

linquuntur, si ex eo non adeatur hereditas non valere. Quorum ratio est exposita.

Sed quoniam prius extra speciem huius loci statuitur superior regula, cuius velut quædam exceptio est, quod hic traditur, locus flagitat, ut in eam ipsam regulam hic inquiramus, videamusque, num extra hunc locum sit perpetua: si non est, quas habeat exceptiones, & quam eum definitione generali iuris contentientes. Idque eo vilum est faciendum diligentius, quod si vera sunt ea, quæ excipiuntur ab Accursio, & si recte ad hanc regulam accommodantur, innumeris in causis hæc regula falsa est. Quod longe aliter se habet, quin ex illis exceptionibus quædam falsæ sunt; bona pars non modo a regula non recedit, sed etiam eam maxime confirmat. Sed & in illis, quæ veræ sunt, tradeudis explicandisque, ne iuris ratio secum pugnare videatur, dexteritas quædam est adhibenda, quæ bonis illis veteribus iniuria temporum sæpe defuit, hic maxime. Quare quæ ad rem pertinent, hic præcipue videndum puto.

9 Principio ¶ regula hanc rationem habet quam dixi. Si quid testamento relictum valet, necesse est aut testamento valere, aut eodicillis. Non enim pluribus modis supremæ voluntatis valent. *L. ult. §. ult. C. de cod.* Hereditas non adita, atque hoc modo testamento irritato facta, ea, quæ testamento relictæ sunt, eærum est ex testamento, quod nullum esse cœpit, deberi non potest. Atqui non possunt deberi ex eodicillis, quia testator testamentum facere voluit, non eodicillis. *L. 1. D. de iur. codicill. L. ex ea scriptura, in princ. D. qui testament. facere poss.*

10 Hoc ¶ tamen posterius ita, nisi testator eam scripturam, quam pro testamento instituerebat, voluerit etiam pro eodicillis valere, idque testamento declaraverit. Tum enim commutata ratione superiore, sit iure communi, ut quæ ea scriptura relictæ sunt, valeant tanquam ex eodicillis, voluntate testatoris id postulante, quæ iam proprie non exceptio est regulæ, sed interpretatio. Exceptio est, si ad verba feræ: interpretatio, si ad sententiam: quoniam sententia regulæ ad hunc casum non pertinet. Traditur autem hæc sententia multis locis. *L. ult. §. 1. supr. de cod. dicta L. ex ea scriptura, §. 1. D. qui test. fac. poss. L. coheredi, §. cum filia, D. de vulg. subst.* Ergo idem iuris est, ubi testator voluit id quod testamento relinquebatur, etiam ab intestato ab here-

ditibus legitimis præstari, quoniam hoc idem valere, atque si de eodicillis expressisset. Neque enim relicta deberi possunt ab intestato, nisi testamento irritato constituto, & id tanquam ex eodicillis: expressa est rursum hæc sententia in *L. ex testamento, infr. hoc tit.* significatur in *d. L. ex scriptura, in fin. item & in d. L. ea quam.*

Solum ¶ hic videndum est, quando testator id, quod testamento reliquit, velit etiam ab intestato præstari. Nam quibus rebus id constabit, in his omnibus dicimus id, quod relictum est, etiam non adita hereditate deberi, nempe ab intestato ex voluntate testatoris. Hæc autem voluntas testatoris intelligitur ex eo, si testator voluerit post mortem heredis iustitui hereditatem restitui quibusdam, idque simpliciter dixerit se velle, nulla expressa persona heredum, a quibus restitui vellet. Nam his verbis indefinitis & generalibus intelligitur comprehendisse de omnibus hereditatibus, ad quos eius hereditas pervenisset: hæc est propria species huius hereditatis: idem de voluntate testatoris colligitur, cum testator testamento obviæ rogavit heredem suum, & per Deum, ut aliquid Titio præstaret: obviæ voluntatis preces, inquit Papinianus, ad omnem successionis speciem porrectæ videntur. Ideo ex voluntate testatoris heres præstabit, non tantum si hereditatem adierit ex testamento, sed etiam si testamentum imperfectum sit, & adierit ab intestato. *L. cum pater, §. cum filius, D. de leg. 2.* Eadem voluntas testatoris collecta est ex persona eius, cui testamento quid præstari voluit, si hæc duo concurrant, nempe si testator eam personam dilexerit unice, & in legando, eam dilectionem verbis significaverit. Quod placuit in persona eius testatoris, qui testamento alumnæ suæ libertatem dedit, & præterea quædam præstari voluit: in qua specie scriptum est in *L. in testamento, D. de fid. liber.* non solum alumnæ libertatem constitutam esse, sed etiam ea, quæ testamento relictæ sunt, præstanda esse, reddita hac ratione, quia filius pater debuerit patris voluntatem sequi in ea, quam pater unice dilexit, & alumnæ nominavit. Probat argumentum *L. Antoninus, in fi. D. de fidei. liber.* ubi si testator paganus iusserit servum suum testamento liberum esse, & ei voluerit aliquid amplius præstari: placet hereditate ex testamento non adita, solum libertatem favore libertatis ei servari, fideicommissum autem ex testamento irritum non deberi. Cur hæc tam varie? quia testator neque huic

hunc servum dilexit, neque si dilexisset, de hac causa dilectionis quidquam significavit verbis: ut tunc fecit, cum aliquod puella legavit, & addidit, *alumna mee*. In quibus omnibus causis apparet, non novas exceptiones regulæ nasci, sed declarari tantum, quando testator videatur voluisse a se relicta etiam ab intestato præstari. Itaque summa huc redit: iure communi hereditate ex testamento non adita, nihil in eo testamento scriptum valere, nisi testator, ut valeret, voluerit: quod duobus casibus velle intelligitur; uno, si nominatim voluit scripturam testamenti quovis iure valere; altero, si voluit, quod testamento relictum erat, etiam ab intestato præstari: quamquam uterque casus idem efficit. Nam qui vult scripturam etiam iure codicillorum valere, vult eam valere ab intestato, quia sublata causa testamenti sola causa intestati relinquitur: & vice versa, qui vult relictum ab intestato præstari, hoc ipso vult præstari ex codicillis, quia ex suprema voluntate nihil possit deberi, nisi aut testamento, aut codicillis, ut ante dixi.

15. Et hæc iure communi ita sunt: cæterum singulari quodam & proprio iure receptum est, quibusdam in causis, ut hereditate non adita nihilominus valeant, quæ testamento relicta sunt, etiam præter voluntatem testatoris, qui non voluit aliud facere, quam testamentum. In quibus vere dixerimus consistere superioris regulæ exceptiones. Primum id receptum est in eo herede, qui testamento scriptus ab intestato possidet hereditatem: si modo in fraudem omnia causa testamenti possideat: quod edicto prætoris effectum est adversus caliditatem heredium: *L. 1. D. si quis om. caus. test.* Deinde generaliter constitutionibus Iustiniani receptum, idest, quoribus certis ex causis rescinditur institutio, ut ea rescissa, hereditas ad alios, quam heredes scriptos pertineat. Rescinditur institutio constitutionibus Iustiniani, præteritis, aut immerito exheredatis liberis, vel parentibus. Rescissa institutione ex causa præteritionis, vel exheredationis, nihilominus cætera testamento relicta firma manent. *auth. ex causa sup. de lib. præ. vel exh.* Hæc exceptio continet speciem *L. cum mater, D. de inoff. test.* & *L. ult. D. de her. inst.* ubi mater filiam præterit aliis heredibus institutis, sed ideo, quia falso rumore allato audierat filiam decessisse. Placuit Principibus illius temporis, filiam heredem esse ex tacita voluntate testatricis: sed nihilominus legata debituram hac ratione, quod

si mater scivisset filiam vivere, eam instituit. Iustinianus autem multo plus complexus est constitutione sua. Voluit enim institutione ex causa præteritionis, vel exheredationis rescissa omnino legata deberi, etiam si parens consulto filiam præterierit, aut exheredaverit. Proinde hac constitutione multo magis superior species continetur: ut valde ineptum sit propter eam speciem novam exceptionem fingere. Eadem constitutione continentur legata, quæ petita bonorum possessione contra tabulas ex edicto, præstanda sunt certis personis, nempe parentibus & liberis, de quibus in *L. 1. D. de leg. præst.* Ea enim constitutione efficitur, ut petita bonorum possessione contra tabulas ex causa præteritionis, legata præstentur omnibus, non tantum parentibus & liberis, sed etiam maxime extraneis. Quare ne in his quidem legatis, quæ ex edicto præstanda sunt parentibus & liberis, novam exceptionem introducere oportuit. Rescinditur præterea institutio, si liberi, vel cognati capivi testatorem non redemerint, aut redimendum curaverint, ita ut ex hac causa exheredari possint. Hoc amplius etiam sint heredes instituti, placet eos, qui in superscripta causa sint, ad hereditatem non admitti: ut necesse sit hereditatem ab his adiri non posse. Et tamen hoc placuit cum hac exceptione, ut legata eo testamento relicta præstentur, *auth. si capivi, sup. de Episc. & cleric.* Rescinditur etiam institutio alia constitutione Iustiniani ex hac causa, si liberi parentem furiosum neglexerint, aut contra. Itaque quavis ante furorem filius institutus esset a patre: tamen ob hanc causam heres non erit patri. Sed ita, ut placeat nihilominus cætera firma manere. *auth. liberi furiosi, sup. de episc. aud.* quæ tria ad unam illam exceptionem generalem pertinent, quam secundo loco posui, & iure singulari constituta esse apparet. Postremo, singulari iure receptum est in libertate, quæ testamento perfecto relicta est, ut hæc debeatur, quavis ex testamento adita non sit hereditas, *L. Antoninus, in fin. D. de fideicom. liber.* Quo exemplo recte defendetur etiam, hereditate ex testamento non adita deberi ea, quæ ad pias causas relicta sunt, puta in pauperes, aut in institutionem inventuris. Pietatis enim causa non minus favorabilis est, quam libertatis. Ad superiorem regulam non pertinent eæ causæ, ex quibus hereditas heredi tanquam indigno auferri, & fisco vindicatur. Nam in his causis omnibus heres, quavis indignus, nihil.

nihilominus heres est, & hereditatem recte adit ex testamento, licet ei tanquam indigno postea auferatur hereditas. *L. ex facto, §. ult. D. de vulg. subst.* Et quavis heres scriptus non adierit, tamen fiscus in eius locum succedit, & tanquam si heres institutus esset, sic hereditatem potest adire, ut iure privati heredis in eo utatur. *L. fiscus, D. de iur. fise.* Ita etiam secundum superscriptam regulam, cum hereditas ab indigno fisco vindicata est, nihilominus legata debebuntur a fisco, quia hereditas adia est. *L. 3. §. cum ex causa, D. de iur. fise.* Quocirca male ex superiore regula excipitur species. *L. 3. D. de his, que test. del.* ubi si testator nomen heredis induxerit consulto: placet sic insinuationes in eo herede non valere, ut nihilominus legata debeantur. Etenim in hac specie hereditas heredi, cuius nomen inductum est, tanquam indigno auferitur, & vindicatur fisco, nempe quia ex testamento prius adita est. *L. cum quidam, D. de his, que ut indig. ans.* Nihil rectius excipitur species, *L. 1. §. sed si legatum, D. si quis aliquem test. prohib.* ubi placet, si quis prohibuerit aliquem libere testari, & heres sit institutus, & ab eo relicta legata, hereditatem ei tanquam indigno auferri, & nihilominus legata præstari debere. Eadem ratio est. *L. cum fisco, D. de sen. Syllan.* ubi ideo heredi hereditas tanquam indigno auferatur, & adiicitur fisco, quia non est ultus mortem eius, cui successit. Regula superior concepta est de eo testamento, ex quo non est adita hereditas. In superscriptis autem causis hereditas aditur, vel ab herede scripto, vel a fisco: ut appareat, quod diximus, has causas ad regulam non pertinere. Neque vero nisi ineptissime a regula excipi potest, quod regula non continetur: ut ridiculus sit omnino, si quis dicat, se legare libros suos omnes, exceptis lapidibus, qui sunt in coenaculo.

- 13 Expendenda ¶ est lectio, quæ est in principio rescripti. Vulgaris lectio est, *Eam, quam.* Alii legunt, *Ea, quam.* Prior lectio defendi nullo modo potest,

neque recto ordine sermonis, neque figurato. Nam si recto sermone, ita legimus; *Nihil prohibet eam fideicommissum petere, quam frater tuus instituerat heredem;* sententia aperte falsa est. Non enim ea puella fideicommissum peti, cui fideicommissum relictum non est, sed fideicommissarii ab ea petunt. Quod si legimus; *Nihil prohibet fideicommissum peti eam, pro ab ea, quam frater tuus heredem instituit;* hic quoque sententia manifeste falsa est, & aliena. Nam proponitur in rescripto puella iam decessisse, a puella autem mortuus fideicommissum peti non potest; etiam si proponeremus eam adhuc viventem rogatam restituere hereditatem fideicommissarii. Deinde repugnat contextus & structura orationis, quo minus ita interpretemur. Sequitur enim continenter, nihil prohibet fideicommissum peti vel a puella hereditibus. Dicendum igitur prius fuisset, *nihil prohibet fideicommissum peti vel ab ea puella, vel ab eius hereditibus,* ut sic oratio cohereret casibus. Sunt, qui lectionem defendant figura orationis Græcæ, ut sit, *eam, quam, pro, quam eam,* ut in illo loco Virgilii:

Urbe, quam statuo, vestra est.

quod defenditur conversis verbis, ut sit, *quam urbem statuo, vestra est.* Sed in verbis huius rescripti nihil est simile. Recte enim & naturaliter dicimus, *quam urbem,* ubi adiectivum & substantivum naturaliter coniunguntur. At *quam eam,* nullo sensu; nulla ratione sermonis recte dicere possumus, ubi utrumque est adiectivum. Restat igitur, ut legamus, *ea, quam frater tuus.* Et hæc structura orationis siue ea, *quam frater tuus instituit, quaesita, siue non quaesita hereditate decessit, nihil prohibet fideicommissum petere substitutor vel ab eius puella hereditibus, vel ab iis, qui bona intestati tenent, dum testator voluit ei quoddam substitutor, idque verbis precariis, & simpliciter.*

Ad L.

Ad L. Quavis. 15.

Idem A. Philocrati.¹

Quavis simpliciter se ac fratrem tuum aliquis insinuerit heredes, eiusque hereditatis commodum pater ex tua fratrisque persona pro portionibus vestris potestatis ratione quaesierit: tamen quia inferioribus verbis testamenti vos sui iuris facere testator curavit, intelligi potest restituendae hereditatis commodo fideicommissio patrem obstrictum esse. PP. VI. Idus Octob. Romae Maximo II. & Glabrione Coss.

S U M M A R I A.

1. Species huius legis, & quid in ea iuris. & num. 2.
3. Quicquid in testamento lege pactiove cavetur, vel adicitur, id sem-

- per ita accipiendum est, ne supervacuo, aut inutiliter cautum sit.
4. Pater rogatus emancipare liberos, an cogi possit, ut emancipet.

Testator ꝑ duos filios Titii in patria potestate constitutos, heredes instituit, & rogavit Titium patrem, ut filios emanciparet: de hereditate autem a Titio filiis restituenda nihil adiecit, & ita filios hos instituit simpliciter, ut in principio huius rescripti dicitur, idest, tantum instituit; non autem hoc amplius eos substituit patri per fideicommissum. Mortuo testatore filii iussu patris Titii hereditatem adierunt; ita hereditas iure patri quaesita est, olim quidem in totum, *L. placet, de acquirend. hered.* nunc autem ex constitutione Iustiniani quoad usufructum, dixi §. 1. *Instit. per quas personas L. cum oportet, infr. de bon. qua lib.* Proinde pater voluntatem testatoris secutus, ultro liberos emancipavit. Emancipati petunt a patre, ut sibi hereditatem restituat. Obstant liberis duo. Primo, quod hereditas est patris, nempe iure potestatis per filios illi quaesita. Deinde, quia pater non est illis obligatus, nam non est rogatus quicquam a testatore liberis restituere.

Consulti ꝑ Imperatores respondent, patrem filiis fideicommissio obstrictum esse commodum restituendae hereditatis: commodum, idest, ad commodum hereditatis, more Latino idest, in hoc, ut restituantur hereditas patri quaesita. Non obstat, quod hereditas patris est vel in solidum, vel quoad usufructum: non enim liberi petunt eam tanquam suam, sed iure fideicommissi: fideicommissio autem relicta est liberis. Non obstat, quod liberi sint sum-

pliciter instituti, ut in principio dicitur, idest, ita instituti, ut nullum fideicommissum, nulla substitutio fideicommissaria adiecta sit. Nam et si verbis aperte de fideicommissio eorum & comprehensum non sit; tamen facis comprehensum intelligitur hoc ipso, quod testator curavit liberos emancipari, idest, petiit a patre, ut emanciparentur.

Sed unde ex his verbis colligitur fideicommissum, cum nihil commune habeat emancipatio cum restitutione hereditatis; nihil enim prohibet, quo minus liberi sint emancipati, & tamen hereditatem non habeant? Sed responsio sumitur ex regula, quae generaliter est tenenda: Quicquid ꝑ in testamento lege pactiove cavetur, vel adicitur, id semper ita esse accipiendum ne supervacuo & inutiliter sit cautum, argumento *L. si quando, de legatis 1. L. 1. ad Municipal. L. item, §. ult. de servit. rustic. prad. L. 3. in fin. de pact. & similib. latis.* At in specie proposita inutile est liberis caveri a testatore, ut emancipentur a Titio patre, nisi in hoc emancipentur, ut sui iuris facti hereditatem tibi habere possint, ita ut non aequirant patri. Nam sine hae interdum eis emancipatio nocet. Proinde hanc institutionem sic accipiemus, quasi testator voluerit, filios emancipari, & emancipatos sibi obtinere hereditatem: quod quoniam facere non possunt, nisi illis a patre hereditas restituantur, ideo necesse est patrem fideicommissio oneratum fuisse. Valde congruit in

hanc sententiam *L. item, D. de servit. rust. pred.* Constat autem etiam a patre, cui per filium est quaesita hereditas, legatum & fideicommissum relinqui posse, ut dictum ad *L. ab eo supr.*

Sed hæc ita sunt, si pater ultro liberos emancipaverit, ut proposuimus: quod si non emancipet, frustra liberi adversus eum agent de eo, quod patri semper acquireretur, *L. lis nulla, de iudic.* Ideo †
 4 quæritur, an pater cogi possit emancipare, de quo dissentanea scripta videntur. Nam in *L. filiusfamilias, §. ut quis, D. de legat. 1.* nominatim est scriptum, patrem rogatum emancipare filios, non cogi, ut emancipet, quia potestas patria inestimabilis res est. Contra in *L. si cui legatum, D. de cond. & demonstr. in pr. & extrem. legis,* scriptum est patrem liberos emancipare debere; idque in specie hac constitutum esse. Sic hi loci conciliandi sunt: Pater, qui ex testamento aliquid consequitur, & rogatur filios emancipare iure fideicommissi, non tenetur, ut filios emancipet, id quod scribitur in dicta *L. si cui legatum, in princ.* In hanc sententiam scriptus est *§. ut quis d. L. filiusfamil. de legat. 1.* Illic autem quæritur, an quod testator cavet in causis illis propositis, tanquam fideicommissum peti possit: sed quod a patre tanquam fideicommissum recte peti

non potest, id obliqua via ab eo peti potest & obtineri.

Obtinebitur autem his rationibus: Nam si patri quid legatum, aut fideicommissum est, non cogetur heres præstare fideicommissum, priusquam pater filios emancipavit, quasi relictum sit sub conditione, si filios emancipaverit. Sed etsi heres ultro fideicommissum præstitit, poterit a patre repetere, nisi ille filios emancipet tanquam relictum sub modo, ut emanciparet liberos: quo modo non secuto, id, quod datum est, repetitur. Hæc Ulpianus significat in dicta *L. si cui legatum, vers. arbitror autem.* Sed & liberi ipsi cum patre agere possunt, ut emancipentur, sed hac lege, si præter emancipationem pater rogatus sit, ut filiis quid restitueret. Nam propter hoc fideicommissum filiis relictum, quod utiliter relictum est, sit per consequens, ut petere possint, ut emancipentur; quoniam sine emancipatione inutilis esset restitutio. Hæc autem erit condemnatio adversus patrem, ut nisi emancipet liberos, & emancipatis restituat hereditatem, sciat se in posterum eius fideicommissi usuras & fructus restitutum: ex qua sententia consequentur liberi, ut quandocunque mortuo patre integrum fideicommissum consequantur. Id autem declaratur in dicta *L. si cui legatum, in fin.*



Ad L. Cum virum. 16.

Carus, Carinus & Numeria. AAA. Isidoræ.

Cum virum prudentissimum Papinianum respondisse non ignoremus, etiam legata huiusmodi fideicommissis contineri, idest, ubi heres rogatus fuerit, quidquid ex hereditate ad eum pervenerit, post mortem restituere: animadvertimus etiam præceptionis compendium testatoris verbis comprehensum esse. Sane quoniam in fideicommissis voluntas magis, quam verba plerumque inveniunda est: si quas pro rei veritate præterea probationes habes ad commendandam banc patris voluntatem, quam fuisse adseveras, apud præsidem provincie experiri non vetaris. PP. Pridie Idus Novembr. Caro & Carino. AA. Coss.

S U M M A R I A.

1. *Heres, cui prælegatum aliquid fuerat, rogatus a testatore restituere quidquid ex hereditate ad ipsum pervenerit, queritur, an hereditate*

verbo etiam prælegatum continetur, & quatenus, num. 3. §. 4.

2. *Item, an eodem verbo donationes mortis causa facta veniant:*

Cum duo sunt heredes instituti, & unus ex heredibus aliquid prælegatum est, idest, non infusus est ex ea hereditate aliquid præcipere: si is rogetur a testatore, ut restituat alteri, quicquid ex hereditate ad ipsum pervenerit, constat his verbis contineri portionem hereditariam eius heredis, qui rogatus est restituere. Quæsitum est, si an hisdem verbis etiam prælegata, ei relicta continentur, ut omnia restituere debeat iste heres? Finge hoc modo: Primus & Secundus heredes instituti sunt ex æquis partibus. Fundus Tusculanus, qui testatoris erat, Primo legatus est: deinde is Primus rogatus est, post mortem suam restituere Secundo coheredi suo, quicquid ad ipsum ex hereditate pervenisset. Mortuo Primo, Secundus fideicommissum petit ab heredibus Primi: hi restituere portionem hereditatis, quæ in hereditario ad Primum pervenit, sed retinere volunt fundum Tusculanum illi prælegatum, quod non continetur verbis fideicommissi. Movet dubitationem, quia verbo *hereditatis* videntur ea tantum contineri, quæ ad Primum iure hereditario pervenerunt. Hic autem fundus ad eum pervenit in re legati. Placuit Papiniano, superioribus verbis etiam prælegata contineri, cuius sententiam hoc rescripto confirmant Imperatores, & secundum illam ius dici volunt, tanquam ea sententia pro

Tom. IX.

in re certo obtineretur, ut etiam factum legimus in *L. cum responso, supr. de legat.* Id autem recte statuitur: est enim ex significatione verborum, a qua non est recedendum, nisi manifestum sit aliud testatorem sensisse, *L. non aliter, de legat.* 3. Nam fundus prælegatus est etiam ex hereditate defuncti morientis. Nihil ad rem pertinet, quod iure hereditario non capitur: nam non sunt relicta ea quæ iure hereditario capiuntur, sed quæ ex hereditate pervenerunt. Pervenit autem quicquid ex hereditate, quod est in hereditate, quocunque tandem titulo capiatur. Quæ ratione recte placuit superioribus verbis donationes causa mortis non contineri, veluti si proponas testatorem, dum viveret, quædam mortis causa donasse: dicemus, si rogatus sit a testatore restituere post mortem suam, quod ad eum ex hereditate perveniret, non contineri fideicommissis ea, quæ mortis causa illi donata erant, *L. sequens, de legat.* 2. Nempe ex eadem significatione verborum: Nam id ex hereditate est, quod est ex bonis, quæ quis mortuos habuit, ut est definitio hereditatis in *L. nihil aliud, de verb. significat.* *L. hereditas, de reg. iur.* Quod autem mortis causa donatum est, proprie non est in bonis morientis. Nam iam testator vivus viventi, præsens præsentis donaverat, *L. inter, de mort. caus. don.* Et

R r 2

hoc

hoc est, quod dicitur in *d. l. sequens*, ideo superioribus verbis donatione mortis causa non comprehendit; quia non pertineant ad causam bonorum, seu hereditatem morientis. Non obstat, quod dicitur, donationes causa mortis per omnia legatis comparari, & quod in legatis iuris est, idem iuris esse in donationibus causa mortis, *L. illud, D. de mort. caus. don.* Nam haec tenet id verum est, nisi testator aliud senserit. Aliud autem sensisse eum apparet, cum usus est his verbis: *Rogo te, ut restituas, quicquid ex hereditate ad te pervenerit*: nam, ut dixi, quod ante mortis causa donatum est, non est ex hereditate, voluit igitur testator his verbis id contineri, quod ante donatum est. Quod tamen dicitur hic his verbis *quicquid ex hereditate ad te pervenerit*, contineri etiam praelegata, adducitur in extremo rescripti, ita accipiendum esse, nisi & hic testator aliud senserit. Proinde si heredes Primi, qui rogatus est, parati sunt dicere, testatorem noluisse restitui praelegata, audiendi sunt. Sed tamen hoc testatorem sensisse probare debent. Finge testatorem, vel codicillis, vel epitola, vel apud alios testes voluntatem suam declarasse.

Sed obstant huic sententiae verborum Imperatorum verba fideicommissi, quia superioribus verbis praelegata manifeste continentur. Respondetur, Imperatorum verbis quidem praelegata contineri, sed in fideicommissio magis voluntatem quam verba servanda esse. Optime: nam in testamentis totum voluntas testatoris facit, ut est in *L. ex facto, §. rerum, D. de hered. inst.* idque si in aliis partibus testamenti valet, praecipue observatur in fideicommissio. *L. pen. de legat. 1. L. cum proponebatur, de legat. 2.* Idque ius perpetuum est, ubi constat voluntatem a verbis discrepare: sumptum est ex lege 12. tabularum, uti quisque legasset. *L. verbis legis, de verb. sig.* Id si ita est, ut in hac sententia exprimenda voluntas magis, quam verba servanda sunt: cur addiderunt Imperatores, *plerumque*. Respondetur: Recte id additum esse, quia interdum aequae verba, ut voluntas, servanda sunt, quod tum contingit, cum verba congruant cum voluntate. At ubi discrepant, quod plerumque accidit, semper servabimus definitionem huius rescripti.

Haec tenet sententia huius rescripti: cui tamen in eo, quod de praelegatis dicitur,

haec contineri superiori fideicommissio, contrarium videri potest, quod scribitur in *L. in fideicommissaria, §. ult. ad Treb.* ubi unus ex heredibus, cui quaedam praelegata erant, rogatus est restituere portionem hereditatis suae, & placet id, quod legati iure a coherede accipitur, in fideicommissi restitutionem non venire. Propter tamen eum locum monendi sumus, cum unus ex heredibus cui aliquid praelegatum est, rogatur restituere portionem suam, quam accepit, multum refert, quibus testator verbis in eo sit usus. Est enim in eo fere haec varietas; interdum restituere iubetur heres quicquid ad eum pervenit ex hereditate, interdum portionem suam, alias hereditatis portionem. His verbis; *quod ad te pervenit ex hereditate*, aperte continetur omnia quae sunt ex hereditate, quae ad heredem pervenerunt; proinde & res ei praelegatae; nam & haec ex hereditate sunt. Eadem significatio est, & ius verborum, cum testator ita scribit: *portionem tuam restituas*, nam portio intelligitur non tantum hereditatis: sed etiam rerum legatarum, *L. 3. §. quidam, D. ad Treb.* Longe alia significatio est horum verborum *restituas portionem hereditatis*. Nam portio hereditatis non habetur ab herede, nisi hereditario iure: legata iure hereditario non capiuntur. Ita manifestum est verbis huius fideicommissi, legata & fideicommissa ei praelegata non contineri in restitutione, *L. 6 Titius, D. de legat. 3.*

Hinc si in specie proposita hic fundus Primo heredi praelegatus sit, & in ius sit post mortem suam restituere portionem hereditatis: placet eius heredes retinere posse partem fundi, quam a coherede Primus accepit iure legati, alteram autem partem fundi venire in restitutionem reliquae hereditatis, quoniam haec pars capta est a Primo non iure legati, sed iure proprio hereditatis, hoc in *d. l. in fideicom. §. ult. ad Treb.* Interdum tamen in hoc genere fideicommissi, placet eam quidem partem praelegati fundi venire in restitutionem, quae pars iure hereditario capitur, ut in specie *L. Titta, ad L. Falcid.* Quod tunc contingit, cum heres Primo rogatur restituere portionem hereditatis, deinde fundus ei praelegatur. Nam hoc casu visum est testatorem fundum postea praelegatum ex restitutione fideicommissi eximisse.

Ad L. Si creditoris, 17.

Imp. Dioclet. & Maxim. AA. Fortunato,

Si creditoris voluntas iure subnixā liberari te debito volentis doceri possit: etiam antequam solemniter tibi liberatio a successore praestetur, exceptionem tibi ex voluntate defuncti descendentem competere, manifestum est. PP. XII. Kal. Maii, Maximo II. & Aquilino Coss.

S U M M A R I A.

1. *Res incorporales recte legantur.*
2. *Liberatione legata, quis sit huius legati effectus.*

3. *Debitor quam habeat exceptionem adversus heredem liberare nolum.*

Res etiam incorporales recte legari constat, §. *tam autem, de legat.* Hic placuit, si testator, idemque creditor debitori suo liberationem leget, seu quod idem est, damnet heredem, ut liberet debitorem, utile legatum esse placuit, tanquam te incorporali legata, nempe liberatione, §. *si quis debitori, Instit. de legat.* Liberatione legata, de effectu legati quaeritur est, de quo hic comprehensum. Hoc et effectu duo continentur, I. ut heres liberet debitorem eo modo, quo iure liberari potest sine solutione. Id autem fit per acceptilationem, §. *item per acceptilationem, Instit. quib. mod. toll. obligat.* Id autem ut praestet heres, consequitur debitor actione in personam ex testamento. II. Sed et si heres debitorem non liberavit, tamen hoc legato continetur, ne heres a debitore petat, in eamque rem est debitori adversus heredem petentem exceptio. Sed sententia est comprehensa in d. §. *si quis debitori, & plenius exposita L. non solum nostr. D. de liber. leg.*

De priori effectu non dubitatur, nam aperte verbis legati continetur; de posteriore dubitatur, nam secundum verba nihil amplius continetur legato, quam ut heres debitorem liberet ipso iure: secundum quod efficitur, ut priusquam liberatio sit secuta, nihil contineatur legato, ac proinde debitor ut ante, obligatus maneat. Respondeo; ex sententia verborum intelligitur posterior hic effectus. Nam si debitorem ipso iure liberari voluit, etiam debitum ab eo peti nolit. Haec exceptio est secundum voluntatem defuncti. Sed et quae haec exceptio est, nam ex voluntate, seu remissione creditoris solum legimus ex-

ceptionem dari pacti conventi, *sub tit. de except. Instit.* Voluntas autem suprema non est pactum conventum, *L. hac verba, D. de verb. sig.* Respondeo: exceptio haec est exceptio voluntatis supremae, & ad reliquas exceptiones in *Instit.* comprehensas adiungi debet. Nam ex pacto convento creditoris debitum remittentis nascitur debiti exceptio, quae dicitur pacti conventi. Idque ob id, quia praeter pacta conventa tuetur, *L. inrisigentium, §. sed cum nullis, §. ait praetor, D. de pact. L. 5. sup. de pact.* Ita verum est, ex voluntate testatoris remittentis debitum nasci debitori exceptionem, quia lex 12. tabularum itidem supremam voluntatem tuetur, *L. verbis leg. D. de verb. sig.* Ut igitur prior dicitur pacti conventi, quia ex pacto est: sic posterior recte dicitur supremae voluntatis exceptio, quia ex hac voluntate nascitur.

Sed cur ante liberationem praestitam ab herede non liberatur debitor etiam ipso iure remissione testatoris, cum lex duodecim tabularum supremas voluntates omnino tales esse iubeat d. *L. verbis legis.* Respondeo, quia contra ius est id fieri: sic enim ius comparatum est, ut quibus modis quaeque obligatio contracta est, eisdem modis dissolvatur in contrarium actis. *L. nihil tam naturale, L. seq. D. de reg. iur.* Porro debitor testatori obligatus est, aut consensu, aut stipulatione, aut re, aut maleficio, non autem suprema voluntate; proinde contrariis modis liberetur necesse est, siquidem iure liberatum volumus.

Sed adversus hanc subtilitatem iuris, placuit debitorem defendi exceptione opposita vel pacti vel supremae voluntatis, vel generali doli mali. Sed cum secundum

dum regulam iuris nihil interfit, utrum quis ipso iure non debeat, an per exceptionem liberetur, *L. nihil interest, de reg. iur.* cur hic & similibus locis, dubitatur, utrum debitor liberetur ipso iure,

an per exceptionem. Respondeo quia ad vim & effectum liberationis debitoris attinet; inter ista duo nihil interest, sed aliis in rebus differentia est, de quibus dictum ad *d. L. 5. sup. de pact.*

Ad L. Cum necessitatem. 18.

Idem AA. Apolausto.

Cum necessitatem reddenda rationis defunctus remittendam tibi esse petierit: manifesti iuris est, voluntatem defuncti immutatam esse debere, PP. Idib. Mart. ipsis IV. & III. AA. Coss.

S U M M A R I A.

1. Tutor, curator, negotiorum alienorum gestor, finita administratione, rationes administrationis reddere coguntur.
2. Remissa necessitate rationum reddenda,

rationes reddere non debent. Limitatur num. 3.

4. Remittens in futurum administratori necessitatem reddenda rationis, si etiam de dolo remittendo sentiat, nihil agit.

1. **T**utor, † curator, negotiorum alienorum gestor, finita administratione rationes administrationis reddere debent: in quo, eo nomine tenentur, si quid non, ut oportet, gesserint, aut aliquid ex his negotiis retinuerint. In omnibus ut praesent & dolum suum & culpam, *L. 1. in pr. de tut. & rat. distrab. L. 2. de neg. gest.* Uti ceteri creditores debitoribus suis debitum remittere possunt ex quavis alia causa, de qua proximo rescripto est dictum; sic possunt testatores necessitatem remittere rationum reddendarum his, qui negotia administraverunt: quo † facto hi, quibus necessitas haec est remissa immutata defuncti voluntate, rationes reddere non coguntur. In eamque rem eis constituta administratoribus adversus eos, qui rationes exigunt, exceptio, de qua superiori rescripto dictum est. Haec sententia non tantum pertinet ad praeteritam administrationem, sed etiam ad futuram: ubi is, cuius tutela gesta erat, testamento facto vultu a tutoribus rationem tutelae praeteritae exigi: remissio citra controversiam valet, quatenus tutor culpa quid peccavit. *L. Aurelio, §.*

ult. de liber. leg. Idem est dicendum, & si pater testamento filiis tutorem dedit, & iussit ~~remittere~~ esse, *L. 5. §. quidam de adm. tut.* Quod posterius exemplum ad futuram tutelam refertur.

Sed † mnuendi sumus in omni hac remissione rationum reddendarum, semper dolum administratoris exceptum videri, ut comprehensum est duobus locis proxime iam citatis, & certe si de praeterita administratione agitur, & testator remittit generaliter necessitatem reddendi rationem, de dolo tutoris sensisse non videtur, arg. *L. tres fratres, D. de pact. L. qui cum tutoribus, §. 1. 2. D. de transact.* Qui † autem in futurum administratori remittit necessitatem reddendae rationis, etiam si de dolo remittendo sentiat; tamen remissio nihil agit: quoniam eiusmodi remissio est turpis, quae iuvat tutorem ad delinquendum. *L. iurisdictionum, §. pactorum, D. de pact. Praeteritus tamen dolum nominatim remitti potest, ut pactio, sic testamento. d. L. iurisdictionum. §. si pacifcor, D. de pact. L. 4. in fin. sup. de transact.*

Ad L.

Ad L. Clari 19.

Idem AA. Ampliato.

Clari & aperti iuris est, in fideicommissis posteriores voluntates esse firmiores. PP. Id. Septembr. ipfis AA. IIII. & III. Coss.

S U M M A R I A.

1. *Regula*, Novissimam scripturam valere, & in fideicommissis, & in legatis, & in omnibus relictis testamento locum habet, exceptis libertatibus: & tur, num. 2.
2. *Limitatio huius regulae*, & ratio limitationis.
3. *In libertatibus si diverse sint scripturae*, servatur ea, quae libertati commodior est.

¹ NON † in fideicommissis tantum, de quibus hic, sed in legatis & omnibus relictis testamento, exceptis libertatibus, hæc regula servatur, novissimam scripturam valere. Imo utraque, dixerit aliquis, & prior & novissima. Nam si testator in prima parte testamenti Titio quid legavit; in postremo eidem, vel alicui aliud quid legavit: constat hic testamento valere legata, idque lege 12. tabularum efficitur, uti quisque legasset. *L. verbis legis, D. de verb. sig.* Respondeo hoc ita esse, ubi res diversæ legatæ sunt, & diversæ sunt voluntates, non contrariæ. Regula autem superior in contrariis scripturis locum habet, sed ideo id expressum non est superiori regula, quia satis ex aliis verbis intelligitur. Regula enim per comparationem concepta est, quæ comparatio solum pertinet ad res contrarias, quarum plus una valere non potest. Et ideo per comparationem quaeritur utra potius, vel quæ potissimum ex pluribus valeat? Et respondetur novissimam valere. Sed cur non æque prior scriptura valeat, nam novissima scriptura non alia ratione servatur, quam quod testator voluit fieri, quod illi scriptum est, propter supra scriptam legem 12. tabularum. Ergo hæc ipsa ratione priorem scripturam valere dixeris, quia in hac quoque scriptura voluit quid fieri testator. Respondeo, ideo † novissima scriptura potius valet, quia hæc sola voluntas est testatoris. Prior autem scriptura voluntatem testatoris non continet. Nam testator priori contrarium scribendo a priori voluntate recessisse intelligitur, veluti si ita scripserit: *Titio fundum Tusculanum do, lego*, deinde posteriori:

quod Titio dedi, non do, lego. Hic apparet posteriori scriptura a priori voluntate recessum esse. Idemque conversa scriptura dicendum est. Sed † regula in dubia voluntate testatoris locum habet. Cæterum si testator aperte scripserit, quid de prima, aut novissima scriptura fieri vellet, id sequemur, propter voluntatem, quam solum lex tuetur. Ex ideo si testator in priore voluntate dixerit, se nolle valere, quod postea scribat, prior voluntas valebit, non posterior. Veluti si ita scripserit, *quod Titio infra legavero, neque do, neque lego*, deinde, *Titio fundum Tusculanum do, lego*. Dicimus legatum non valere sed priorem scripturam servari lege 12. tabularum, *L. si ita 24. de legat. 1.* Hoc ideo, quia testator expressit, quid de prima & novissima scriptura sentiret, & primam solum valere voluit. Et ob hæc causam etiam dicimus, quanvis testator priore scriptura derogavit posteriori, tamen ex voluntate eius posteriorem scripturam valere; si videlicet posteriori scriptura declaraverit, se prioris penituisse: Veluti si ita scripserit, *quod Titio infra do, lego, id dari ei nolo*, deinde, *Titio fundum Tusculanum do, lego, repudiata priori mea voluntate, qua dixi me illi dari nolle*. *L. si quis, in pr. 22. de legat. 2.* Quod rursus apparet responderi, propter manifestam voluntatem testatoris. In † libertatibus obtinuit, ut si de libertate sint contrariæ scripturæ, ea servetur, quæ libertati commodior est, seu prima, seu media, seu novissima si, *L. quod traditum, & L. seq. de cond. & demonstr.* Favor libertatis in causa est, quia aliud hic placuit, quam in cæteris scripturis testamenti. Ad L.

Ad L. Etiam. 20.

Idem AA. Iuliano.

Etiam a pupillorum tutoribus, velut ab ipsis relicta fideicommissa debentur. PP. III. Non. Decemb. ipsis IV. & III. AA. Cass.

S U M M A R I A.

1. *Quicquid a tutoribus pupillorum legatur, aut fideicommittitur, ab*

ipsis pupillis legatum, aut fideicommissum videtur, & cur.

2. *Tria huius regulae consequentia.*

Regula \dagger iuris est, cum pupilli testamento heredes instituti sunt, & tutores pupillis dati, si quid a tutoribus legatur aut fideicommittitur: ab ipsis pupillis legatum & fideicommissum videri. Regula hic est tradita, item in *L. 5. sup. de reb. cred. L. peto, §. mater, D. de legat. 2.* Regula hanc rationem habet, quia tutores pupillorum personam sustinent, unde pro pupillis esse dicuntur, domini autem sunt pupilli *L. tutorem qui tutelam, D. de administr. tut.* Ex \dagger hac regula tria sunt consequentia, in quibus cernitur vis & usus huius regulæ. I. est, quanvis tutoribus testamento nihil sit relictum, tamen legata, aut fideicommissa ab his deberi, quod sine superiori regula non fieret. Nam cui testamento nihil datum est, ab eo nihil reliqui potest, ut alia regula iuris efficitur, *L. Labeo, sup.*

Sed regula superior facit, ut hanc objectionem metuere non debeamus. Nam a tutoribus relicta, videntur a pupillis esse relicta. Hi autem heredes sunt instituti, ut proinde ab his quoque legata, & fideicommissa potuerint relinqui. II. Consequens est, legata a tutoribus relicta, uti valent, sic deberi, non a tutoribus, sed a pupillis, a quibus ea relicta videri dicimus. Id exprellum est hic. III. consequens est, si a tutoribus, quibus nihil datum est, testamento aliquid relictum sit pupillis, fideicommissum non valere, *d. L. peto, §. mater. in fin. de legat. 2.* Idque hac ratione, quia quod a tutoribus relictum est, a pupillis ipsis relictum videtur. Hi autem sunt heredes, porro heredi a seipso relinqui non potest, *L. legatum, §. 1. de legat. 1.*



Ad L.

Ad L. Si in personam 21.

Idem AA. & CC. Tiberio.

Si in personam patris tui, cui te successisse proponis, fideicommissi dies niliter cessit: licet tempore, quo fuerat datum, necdum te natum fuisse probetur: uxorem patris tui, quem contendis rogatum fuisse patri tuo, si sine liberis decesserit, ab avo tuo relicta restituere: si ei successerit, de fideicommissio convenire debes. Nam si patris etiam hereditas tibi quaesita est: non de fideicommissio querendum, sed hereditas ab ea vindicanda est. Dat. VI. Id. Feb. AA. Coss.

S U M M A R I A.

1. *Species huius legis.*
2. *Quorum legatorum, vel fideicommissorum dies cessit, vivo fideicommissario, ea legata fideicommissarius ad quoscunque suos heredes transmittit.*
3. *Relictum, quod his relinquitur, qui in rerum natura non sunt, non valet.*
4. *Fideicommissi conditionalis dies quando cedat, eius idemque persecutio ad quos transmittatur, & quando extinguatur.*

Pater ꝑ duos filios suos Primum & Secundum heredes instituit. A primo petit, ut si sine liberis decederet, portionem hereditatis restitueret fratri suo supersititi: Primus decessit sine liberis, uxore sua herede instituta; ita fideicommissi superioris exstitit conditio, ac proinde fideicommissi dies cessit. Nam legati & fideicommissi conditionalis dies cedit mortuo testatore, cum conditio exstitit. *L. un. §. fin. autem, infr. de cad. toll. §. quando dies L. ced.* Secundus frater priusquam fideicommissum peteret, decessit relicto filio, eodemque nepote avi testatoris. Cum uxor patris eius, nempe Primi, hereditatem mariti sui possideret: nepos hic fideicommissum ab ea petit. Hic ꝑ sciendum est ita ius esse, ut quando legatorum, vel fideicommissorum dies cessit, vivo fideicommissario, ea legata fideicommissarius transmittat ad quoscunque suos heredes, dicta *L. §. D. quando dies leg.* Omnium autem legatorum, quæ pure, aut in diem sunt relicta, dies statim cedit mortuo testatore; conditionalium autem legatorum dies cedit, postquam exstitit conditio, dicta *L. §.* Secundum hæc constat, huic nepoti fideicommissum eius patri relictum deberi, si patri heres exstitit, ut hic contigit. Proinde si uxor patris, a quo patruo fideicommissum relictum erat, heres marito suo exstitit: con-

Tom. IX.

stat etiam fideicommissum ab ea peti posse. Hoc iure fretus nepos fideicommissum ab ea petit.

Sed obicitur nepoti, quod non fuerit natus tunc, cum avus fideicommissum relinquebat, & ideo mulier contendebat non deberi ei fideicommissum. Hæc obiectio habet aliquem colorem probabilitatis. Nam certum ꝑ ius est, quod his relinquitur, qui in rerum natura non sunt, relictum non valere *L. un. §. in primo, infr. de cad. toll.* Respondetur hoc referipto, quavis nepos tempore testamenti avi natus non sit; tamen eum fideicommissum patri eius relictum, cuius fideicommissi dies patre vivo cesserit, recte petere. Obiectio ad rem nihil pertinet: nam fideicommissum huic nepoti relictum non fuit, sed patri eius, qui tum vixit, eum relinquebatur fideicommissum. Sed ita nepos fideicommissum ab uxore patris petere potest, si illa marito heres exstitit. Quod si illa repudiant hereditatem, hereditas ad nepotem pertinet iure agnationis; de fideicommissio adversus eam agi non potest, sed hereditas ab ea est vindicanda, si possidet, ut in extremo hic.

Sed cur hoc casu de fideicommissio agi non potest? Respondeo, non quod fideicommissum patri relictum non transferatur ad heredes eius quovis, sed quia nepote patruo succedente, fideicommissi obli-

S 3

gatio

gatio exstinguitur. Nam parvus debitor erat huius fideicommissi; nepos creditor is, cui debebatur fideicommissum ex persona patris. Quoties debitor creditori succedit, confusione exstinguitur obligatio *L. debitori, sup. de pact.* Ita solum hoc relinquitur nepoti, ut si uxor defuncti patris eius hereditatem mariti possidet, solum possit hereditatem ab ea vindicare, quod facere secundum regulas iuris potest: nam petitio hereditatis datur heredibus adversus eos, qui hereditatem pro herede, prove possessore possident, *L. regulariter, de pes. her.* In summa quod ad

fideicommissum pertinet. Rescriptum huc redit: Fideicommissi si conditionalis, siue sit singulare, siue universale fideicommissum, diem cedere, cum conditio extiterit, & testator mortuus est. Si hic dies cessit vivo fideicommissario, fideicommissi persecutionem ad omnes eius heredes transmitti, quanvis eo tempore nati non fuerint, quo fideicommissum est relictum. Hanc persecutionem extingui, si is, cui fideicommissum debebatur, successerit ei, qui debebat: quæ supra satis confirmata sunt certis locis.

Ad L. Et in Epistola. 22.

Idem AA. & CC. Plautiano.

Et in epistola, vel libello, vel sine scriptura, immo etiam nudo fideicommissum relinqui posse adhibitis testibus nulla dubitatio est. Dat. Id. April. Bizantii AA. Coss.

S U M M A R I A.

1. Fideicommissum etiam extra testamentum quavis scriptura, siue epistola, siue libello, recte relinquitur.
2. Epistola quid hic dicatur.
3. Libellus quomodo hic accipitur.

4. Fideicommissum etiam sine scriptura quovis modo recte relinquitur.
5. Voluntas fideicommittentis quomodo nutu significetur.
6. Heredes codicillis neque scribi, neque nuncupari, neque nutu institui possunt.

1. Fideicommissum si etiam extra testamentum quavis scriptura recte relinquitur, siue sit epistola, siue libellus, ut hic.
2. Epistola si hic dicitur scriptura supremam voluntatem testatoris continens, cuius verba diriguntur ad eum, cui fideicommissum datur: quibus testator in morem epistolæ significat fideicommissario absentem, quid illi datum voluerit, hoc modo, *Sempronius scito te mihi charum esse, propter merita tua, me tibi fundum Tusculanum dedisse, ut scires me ingratum non fuisse; cuiusmodi exemplum legitur in L. miles, de legat. 2.* Libellus si dicitur quævis scriptura nudam defuncti voluntatem continens, ut sit libellus idem, quod codicilli, quod intelligi potest ex *L. 4. sup. de his, quib. ut indig.* ubi pro his verbis, *epistola, vel libello*, scriptum est, *epistola, vel codicillis*. Et certe nos omnes scimus librorum & codicum, idem valere Latinis: ut consequens sit, idem valere codicillos & libellum, diminutive. Sed si & sine scri-

ptura fideicommissum quovis modo recte relinquitur. Sic autem aliquid sine scriptura significari potest, vel ut exprimitur lingua vel ut nutu significetur. Placet autem fideicommissum non tantum lingua, sed etiam nutu relinqui posse. *L. nutu, de legat. 3.*

Sed si quomodo nutu voluntas fideicommissi significari potest, ubi defunctus nihil dicit? Respondeo, id fit hoc modo, cum alio loquente & interrogante, an testator velit *L. Titio centum aureos dari*, vel testator nudo declarat se velle. Nurus autem ad præcedentia verba interrogationis relatus certum fideicommissum, & certam voluntatem efficit. *L. servo, si pupillus, ad Trebellian.* Hæc olim in legatis utiliter observabantur, unde hic de fideicommissis est concepta definitio: sed sublata differentia legatorum & fideicommissorum, idem ius & in legatis esse intelligemus, de quo initio hic dictum est. In heredum institutionibus contra observatur. Heredes si 6
codi-

codicillis neque scribi, neque nuncupari possunt. §. *penult. Infit. de codicill.* Ubi autem testamento nuncupativo heredes instituntur, non possunt institui nudo, sed palam exprimi oportet a testatore: nam ita ius est, ut heredes aut scribantur, aut nuncupentur. *L. 1. §. 1. de hered. infit.* Scribuntur iusto testamento. Nuncupare autem heredes est, palam nuncupare, ita ut omnes vocem nuncupantis testatoris

exaudiant, *L. palam, D. qui test. fac. poss.* Ita hac definitione nudo eius in heredibus instituendis excluditur. Quod tamen hic dicitur, superioribus modis omnibus fideicommissum relinqui posse: cum hac exceptione semper est intelligendum, dummodo testes & idonei & quantum factis, intervenerint, ut hic sequitur. De quo apertius est cautum in *L. unica, §. ult. infr. de cad. toll.*

Ad L. Si veritas, 13.

Idem AA. & CC. Stratonico.

Si veritas vel solemnitas iuris deest, nec amplexus parentis voluntatem relicta dedisti, vel transactionis causa stipulantibus promissisti, negotiumque integrum est: ad solutionem urgere non potes. Datum V. Kalen. Februar. AA. Coss.

S U M M A R I A.

1. *Veritas & solemnitas testamento quando deesse dicatur.*
2. *Ex falso aut imperfecto testamento nihil debetur. Limitatur ibid.*
3. *Heres voluntatem testatoris quomodo agnoscere intelligatur.*

4. *Heres an solo pacto, quo se fideicommissum praestiturum pollicetur, fideicommissum agnoscere & pacto obligari videatur.*

Veritas ꝛ testamento deest, cum scriptura aliqua dicitur esse testamentum Lucii Titii defuncti, & hoc falsum est. Solemnitas testamento deest, cum aliquid ex his deest observationibus, quæ in testamentis faciendis desiderantur, quod testamentum uno verbo dicitur imperfectum. *L. hac consultissima in pr. §. ex imperfecto, supr. de testam.* Ex ꝛ falso testamento nihil deberi potest, quoniam ne testamentum quidem est; sed nec heredes defuncti *L. Titii* ea, quæ in testamento scripta sunt, agnoscentibus obligatur, ut ea præstet, quoniam ut quis voluntatem defuncti dicatur agnoscere, prius est, ut sit voluntas defuncti. Iam autem dictum falsum testamentum esse: ex imperfecto autem testamento nihil deberi potest *L. 3. d. L. hac consult. d. §.* Sed hoc ita est, nisi heres voluntatem defuncti ea scriptura testatam agnoverit, agnoscendo obligatur, ut præstet in posterum, quod ea voluntate continetur, *L. non dubium, in fin. supr. de testam.* de quo dictum *ad L. 1. 2. supr.* Agnoscere ꝛ autem voluntatem intelligitur heres ultro si
Tom. IX.

dem præstando, *L. 2. supr.* Agnoscere in futurum intelligitur, ut obligetur in legatis annuis, si legatum præstet, non minus quadriennio *L. 1. supr.* In cæteris & generaliter in omnibus voluntatem agnoscere intelligitur, promittendo se præstaturum, quod reliquit testator, ut hic scriptum est.

Sed adiciatur hoc loco de promissione, qua quis stipulanti fideiussori promittit. Unde oportune quæritur, ꝛ an solo pacto quod heres pollicetur se fideicommissum præstaturum, videatur fideicommissum agnoscere, & pacto obligetur? Movet dubitationem contrarii loci. Nam hoc rescriptum videtur stipulationem exigere. *Lex ult. infr. ad L. Falc.* exigit cautionem, cautionis verbo significatur stipulatio. *L. sancimus, supr. de verb. sig.* Item ex pacto nudo non nascitur actio, *L. inrisgensium, §. sed cum nulla, de pact.* Rursum in *d. L. non dubium, supr. de testam.* simpliciter scriptum est, si heres legatum, aut fideicommissum agnoverit, necessitatem habere id in posterum præstandi intelligitur agnoscere voluntatem defuncti, quif-

quisquis testator legatario, se secundum eam voluntatem legatum, aut fideicommissum præstare velle. Deinde in *d. l. 1. sup.* placet, si quis fideicommissum annum triennio præstiterit, eum obligari fideicommissum præstare velle. non alia ratione, quam quod heres sæpius id præstando, facto declaravit, se id fideicommissum præstare velle. Si tacita agnitio legati, quæ ex facto colligitur, sine ulla stipulatione heredem in futurum obligavit; multo magis expressa eius agnitio sine ulla stipulatione eum obligavit.

Ad hoc rescriptum hoc modo respondendi potest, quod stipulatio hic exigitur, ut fideicommissum in posterum debeatur, ideo fieri, quia heres agnovit iudicium defuncti transactionis causa. Aliud probandum est in eo, qui ideo agnovit, quia sciebat non deberi, sed nihilominus soli voluntati defuncti satisfacere cupiebat. Ad *L. quonque ult. infr. ad L. Falcid.* dici potest, cautionem heredis exigi, sed cautionem illic significare ehirographum heredis, ut sæpe cautionis verbo significatur *L. emptor, §. ult. sup. de pact.* Sed tutius est dici id, quod & scripsimus ad *d. l. non dubium, sup.* heredem promittendo se præstaturum legatum, aut fideicommissum quod inutili testamento relictum erat, ita demum obligari in posterum, si stipulanti promittit, non autem

pacto nudo. Primo propter verba huius rescripti, ubi stipulatio exigitur, & nominatum in eo, qui amplectitur voluntatem defuncti. Sed multo magis propter verba *L. ult. ad L. Falcid.* Huius legis Iustinianus auctor est, ac proinde verba eius, ex illius sententia sunt accipienda. Ipsum autem cautionis verbum se usurpat, ut velit stipulationem significare, *L. sancimus, sup. de verb. sig.* Accedit ius certum, quo cautum est, ex pacto nudo actionem non nasci. Movere nos non debet exemplum *L. 1. sup. b. 1.* Est enim eum heres fideicommissum triennio præstat annuum, quod non debebatur, videtur tacito pacto testari se velle in posterum id præstare; tamen non semel id facit, sed sæpius, ut quodam modo quoties id facit, tot sint pacta, quibus de voluntate sua pollicetur. Fatemur, ubi idem debitor pluribus factis idem pollicetur, etsi priori non obligetur iure civili, tamen posteriori obligari, nempe de constituta pecunia de qua obligatur, quisquis constituit se soluturum, quod prius debebat, *§. constituta, Inst. de act.* Qui autem constituit, quod prius pactus erat, is debitum constituere intelligitur: pacto enim promissum, natura debetur, *l. 7. §. 1. de solut.* Natura autem debitum sufficit, ut constitui possit. *L. 1. §. debitum, de constit. pec.*

Ad L. Instrumenta prædiorum. 24.

Idem AA. CC. Menstrato.

Instrumenta prædiorum per fideicommissum relictorum, quæ ad probationem originis eorum pertinent, heredes præstare necesse non habent, cautionem tamen præstare debent, quod si opus fuerit, legatario, seu fideicommissario, ipsa si habeant, proferant. Dat. Kalen. Decemb. Sirmii. AA. Coss.

S U M M A R I A.

1. *Pædiis legatis, seu fideicommissis, utrum instrumenta, acquisitionem eorum continentia, præstari debeant? Objectiones diluuntur, & pro negativa respondetur.*

2. *Proferendi verbo quid hic significetur.*

3. *Heredem ad cautionem de instrumentis legatario exhibendis teneri, unde colligatur.*

PRædiis legatis, seu fideicommissis, quæritur est, utrum instrumenta acquisitionem prædiorum continentia fideicommissario præstari debeant. Quæstio in eo est, an ea instrumenta sint legata nam si legata non sunt, non debentur. Hic re-

scriptum est, ea instrumenta ab herede præstari necesse non esse. Hic multa occurrunt, quæ contrariam sententiam suadeant, quæ ordine diluemus. I. *Ædibus legatis continent omnia debent, quæ sunt tanquam pars ædium, seu quod propter*
a les

ædes habetur, *L. Iulian. §. ult. de aed. empt.* Hæc autem instrumenta propter ædes, & propter alia prædia habentur, proinde etiam legata intelliguntur, & tanquam legata præstari debent. Respondeo, negandum est eiusmodi instrumenta propter ædes, aut prædia haberi: argumento est, quod sine his prædia recte habentur, & recte coluntur. Sed habentur hæc instrumenta propter possessores, ut qui emant, & ea prædia ex ea causa possident, tucantur possessionem his instrumentis. Propter personas igitur hæc instrumenta fiunt, ut illis caveatur, non propter prædia.

Sed & alia ratione efficitur, hæc instrumenta fideicommissario præstari debere. Nam quoties quid ab alio petitur, quod petenti prodest, ei autem, a quo petitur, præstari nihil nocet, toties æquum est, id impetrari ab eo, unde petitur *L. 2. quamquam, D. de ag. plu. arc.* Et merito id placuit, quoniam malitiis hominum non est indulgendum, ut recte scriptum est in *L. in fundo, de rei vind.* At hæc instrumenta fideicommissario præstari valde ei prodest ad iuendum dominium eorum prædiorum. Nam si defunctus eorum prædiorum dominus non fuit, non erit etiam fideicommissarius dominus, quia traditio defuncti nihil iuris amplius transferre potuit, quam fuit apud defunctum, *L. traditio, de acq. rer. dom.* An autem defunctus dominus fuerit, hæc instrumenta probabunt, ex quibus intelligitur etiam fideicommissarium dominum factum esse. Ut autem hæc instrumenta præstentur ab herede, quid ei nocet: cum ipse amplius ea prædia non possideat, & multo minus sit eorum dominus. Unde efficitur, hæc sola ratione heredem hæc instrumenta præstare fideicommissario debere.

Respondeo, ut cætera concedamus; tamen falsum est heredi nihil nocere hæc instrumenta restitui: imo ob id maxime heres hæc instrumenta retinere potest, quoniam maxime eius interest, ne ab illo recedant. Nam ut Bartolus recte scripsit ex sententia veterum, qui illum antecesserunt, aut prædia generaliter fideicommissa sunt, aut hæc, aut illa certa specialiter. Si generaliter legata sunt, quæcunque prædia heres postea præstabit, pro evictis teneat, *L. si a substituto, in fin. de legat. x.* proinde hoc casu interest eius, instrumenta emptionum & acquisitionum apud se habere, ut possit rem tueri, ne evincatur. Quod si certa prædia a testatore relicta erunt & deinde tanquam aliena evincantur, non teneat quidem heres præstare evicta, si testator scivit, prædia aliena

esse. Sed si de eo quaeratur, an defunctus putaverit, sua esse, nec ne, ipse se tuebatur instrumentis illis; quoniam ex iis apparebit, testatorem existimasse prædia ad se pertinere ex *L. cum alienam, sup. de legat.*

Postremo huic parti ohlat *L. si cum datam, inf. de liberali causa*, ubi si quis servum manumiserit, & manumissionis instrumenta conscripserit: placet non tantum patronum non posse revocare libertatem, sed etiam manumissionis instrumentum servo præstare debere. Respondeo: longe hæc in dissimili causa versantur. Nam servo manumissionis instrumentum præstandum est, quia instrumentum est servi, non patroni. Id enim instrumentum cuiusque est, cuius causa factum est. *L. pen. in pr. de acq. rer. dom.* Constat autem manumissionis instrumentum fieri servi manumissi causa. At instrumentum, quod continet emptionem, seu acquisitionem defuncti, non aliud est, quam defuncti: non igitur est fideicommissarii. Proinde recte respondetur hic, prædiis legatis, aut fideicommissis, instrumenta eorum prædiorum acquisitionem continentia fideicommissario præstari non debere. His de causis, quia non sunt legata; & heredis interest apud eum haberi, & quoniam non sunt fideicommissarii, sed heredis. Et ob has etiam recte placuit prædiis venditiis non teneri venditorem, ut instrumenta eorum prædiorum acquisitionem continentia tradat emptori, sed tantum, ut ea emptori exhibeat, *L. Titius heres, L. si creditor, D. de aed. empt.*

Sed quanvis hæc instrumenta heres fideicommissario præstare necesse non habeat; tamen hic placet heredem fideicommissario cavere debere, se illa prolaturum fideicommissario, cum opus erit, si & ea adhuc apud se habeat. Cavere, idest, stipulanti fideicommissario promittere, & ita se illi obligare. *L. sancimus, sup. de verb. sig.* Proferendi tamen verbo non hic significatur tantum exhibitio instrumentorum, ut scilicet heres tantum instrumentorum cognoscendorum & describendorum potestatem faciat; sed hoc continetur, ut heres ipsa instrumenta authentice proferat, ubi opus erit; nam hac productione tantum opus est fideicommissario, ut probeat his instrumentis hæc prædia fuisse defuncti, ac proinde a defuncto recte in fideicommissarium translati. Hoc autem non probatur, nisi authenticis; nam exempla fidei non faciunt, *L. 2. de fid. instrum.*

Sed tamen ut intelligimus heredem ad hanc cautionem teneri, cum heres nihil præstare debeat, nisi legatum, aut fideicom-

com-

commisum sit: hic autem de hac cautio-
ne nihil a testatore expressum est? Res-
pondeo: hanc cautionem præstari debere,
ex sententia defuncti colligitur. Sententia
hæc & voluntas intelligitur ex eo, quod
recte generaliter constituitur, quoties con-
ceditur aliquid, ea omnia concessa vide-
ri, sine quibus id, quod concessum est,
explicari & obtineri non potest. *L. 2. de
iurisdic. L. 1. §. 1. si usufruct. pet.* At
cum testator legat prædia, intelligitur præ-

diorum dominium legare, usque adeo: ut
si qua pars dominio destit, adhuc integrum
prædium peti possit. *L. Mevius, §. pen.
de leg. 2.* Porro dominium obtineri non
potest a fideicommissario, si de prædiis
fiat controversia, nisi probetur instrumen-
tis. Instrumentis id probari non potest,
nisi instrumentis prolatis: proinde hæc
quoque sententia est testatoris, ut prædiis
legatis hæc instrumenta proferantur fidei-
commissario.

Ad L. Heredum. 25.

Idem AA. & CC. Iulianæ.

*Heredum etiam res proprias per fideicommissum relinqui posse non am-
bigitur, Dat. 11. Kal. Mart. CC. Coss.*

S U M M A R I U M.

1. *Res alienæ, item res heredis recte per fideicommissum relinquuntur.*

SI res penitus alienæ legari possunt:
multo magis potest legari res here-
dis, de quo legato dixi ad *L. cum alie-
nam, sup. de legat.* Sed hoc plus est in
re heredis, quia res heredis legata omni-

no debetur, siue testator seiverit heredis
esse, siue putaverit esse suam, *L. unum,
§. si rem, de legat. 2.* Cæteræ res alienæ
legatæ ita debentur, si testator alienas esse
non ignoravit. *d. L. cum alienam.*

Ad L. Ex repudiatione. 26.

Idem AA. & CC. Fortunato.

*Ex repudiatione fideicommissi, doli mali exceptio, iusta causa interce-
dente, tunc opponitur, quando ipse, cui fideicommissum relatum est, repu-
diatione usus fuerit. Unde cum hoc non te, sed patrem fecisse adfueres,
qui tibi nocere non potuit: nihil tibi obesse potest. Dat. 11. Id. April. Sir-
mii, CC. Coss.*

S U M M A R I A.

1. *Filiusfam. an fideicommissum recte possit repudiare.*
2. *Fideicommissum repudiatum an postea petere possit.*
3. *Patre fideicommissum repudiante, ea repudiatio filio non nocet.*
4. *Doli mali exceptio an fideicommissa-*

rio repudiante recte opponatur.

5. *Repudiatione legatum, seu rei legatæ dominium amittitur.*
6. *Actio in rem, & actio in per-
sonam ex causa legati descenden-
tis differentia, & ratio diversita-
tis. num. 7.*

Fideicommissum datum est filiofamil. id
filius repudiavit. Quæsitum est, an
recte repudiaverit, & an sit amissum?

Placet recte repudiatum, idque efficitur
ex regula iuris, quæ dicitur eum posse re-
pudiare, qui & acquirere potest, *L. is
potest,*

potest, de acqu. her. L. eius est, de reg. iur. Filius autem familias & legatum & fideicommissum sibi relictum non tantum ignorante patre acquirere potest, sed etiam invito, quia acquisitio legati patri nihil nocet. *L. acquiritur, L. etiam invito, de acq. rer. dom.* Quare etiam invito patre filius recte fideicommissum repudiabit.

1. Quid si repudiatum postea petat, puta sui iuris factus? Hic rescriptum est, ex repudiatione doli mali exceptionem ei opponi, iusta causa interveniente. Quae verba posteriora non continent conditionem per rationem; non enim doli exceptio opponitur repudiantibus sub conditione, si iusta causa repudiationis intervenierit. Nam quaecunque de causa fideicommissum repudiatum sit, hoc ipso, quod repudiatum est, amittitur. *L. is qui heres, de acqu. her.* Sed exceptio opponitur repudianti, utpote iusta causa interveniente, cur opponatur: cum scilicet is repudiatione usus sit, cui fideicommissum relictum erat, ut sequitur in rescripto.

3. Unde subiicitur per contrarium, si pater fideicommissum repudiaverit, repudiationem filio non nocere, nempe contraria de causa, quia hic iusta causa non intervenit, cur hoc casu opponatur filio agenti doli mali exceptio. Idque ex eadem regula superiori efficitur; quia is solus repudiare potest, qui & acquirere: pater autem fideicommissum filio relictum invito filio acquirere non potest, sed solus filius usque adeo, ut filius nulla vi cogi possit ad acquiendum, & eo repudiante nihil patri acquiratur. Nam id & in servo berede instituto placuit *L. 3. sup. de her. inst.* Proinde nec pater repudiare potest. Huc pertinet *L. is qui heres, §. ult. de acqu. her.* Caetera hic expedita sunt.

4. Illud si non expeditum est, quod dicitur, fideicommissario repudianti, si postea fideicommissum petat, opponi doli mali exceptionem. Non videtur defendi posse, in hac specie locum esse exceptioni vel doli, vel ulli alii. Nam exceptio nunquam competit reo, nisi agenti iure civili competat actio iure constituta, ut probatur in singulis, *infra tit. de except.* Unde dicitur exceptio actionis exclusio, *L. 2. de except.* ut consequens sit, nulla actione posita, nullam actionis exclusionem, ac proinde nullam exceptionem esse posse. At in proposito ubi fideicommissum repudiavit, statim actionem ipso iure amittit, *L. servum filii, §. 1. L. si tibi heres, §. cum servus, de legat. 1. L. nam si-*

cus, ad L. Aquil. ubi expressum est. Proinde dici potuit filium, qui repudiavit, amplius petere fideicommissum non posse: illi autem agenti opponi exceptionem, dici non potest, cum ille actionem iure nullam habeat, quae exceptione excludatur.

Dicendum est, quod de repudiatione supra dixi, & quos locos in eam rem citavimus, omnia scripta esse de dominio vel legatæ, item de actione in rem, quæ legatario ex dominio nascitur. Sic ius est; Repudiatione fideicommissum legatum, seu rei legatæ dominium ipso iure amittit. *L. servum filii, §. 1. L. si tibi heres, §. cum servus, de legat. 1.* Ut dominium amittitur, ita consequens est in rem actionem non competere ipso iure repudianti, idque est, quod dicitur in dicta *L. nam si, ad L. Aquil.* Consequens esse dicimus; quia aperte in rem actio iure civili non competit, nisi domino. *L. in rem, de rei vindic.* At in hac lege de fideicommissario agitur, idque ex iure veteri, quo iure ex fideicommissio non transibat dominium rei fideicommissæ recte in fideicommissarium, ut sicut in rebus legatis. *L. a Titio, D. de fur.* Sed fideicommissum obtineri debebat ab herede, vel eo, a quo relictum erat. *Inst. b. s.* Nuda actio in personam tantum competebat fideicommissario, ad restitutionem fideicommissi quæ extraordinaria persecutio dicebatur. *L. pecunie, §. actionis, D. de verb. sig.* Differt fideicommissaria actio in personam a dominio rei legatæ & actione in rem. Ex causa legati neque dominium, neque actio in rem acquiritur legatario, aut fideicommissario, nisi sub conditione, si non repudiaverit, & ideo eo repudiante, superiora perinde habentur, quasi ei nunquam quæsita essent. At in personam actio & legatario & fideicommissario statim queritur ipso iure, sine ulla conditione; ut ex hoc loco facile intelligitur. Quæsitæ semel actio repudiatione fideicommissi amitti non potest iure civili. Nam si actio in personam non amittitur pacto, idest, debitoris & creditoris consensu; multo minus nuda voluntate solius creditoris amittitur. *§. præterea, Inst. de exc.* Sed quavis repudiatione non amittitur iure actio; tamen quia iniquum est heredem hoc casu repudianti teneri, placet exceptionem doli mali illi obstaré, si contra repudiationem suam fideicommissum petat, ut hic dicitur.

Sed cur si aliud statimur in dominio 7 & in actionibus in rem ex causa legati descendentibus; aliud in actione in personam

sonam ex eadem causa descendente? Respondeo, differentiae ratio est, quia si dominium statim acquireretur legatariis, & immutabiliter, id nulla repudiatione amitti potest, neque iure, neque per exceptionem. Non potest ipso iure; quia ut dominium & corpore & animo acquiritur non sola voluntate, sic sola voluntate amitti non potest. *L. si quis, §. differentia, D. de acquir. possess.* Ut autem post repudiationem nihilominus maneret dominium rei penes fideicommissarium; ita si fideicommissarius rem fideicommissam peteret, exceptione doli mali, aut alia quavis removeri non posset ab herede. Nam omnis exceptio iure eorum aestimanda est, qui ea utuntur, *L. penult. in fine, de bon. possess. secund. tabul.* At in proposito ex repudiatione fideicommissi nullum ius acquirit he-

res in dominio rei legatæ, si posuerimus, fideicommissarium repudiantem nihilominus dominum manere. Proinde quavis exceptio ab illo allata illi proficere non potest. Ob hanc causam cautum est, ut ne ante dominium certo acquireret, quam constitisset illum repudiasset, ut sic repudiatione vere dominum amitteret. At hoc incommodum non metuitur in actione in personam, si illa statim fideicommissario, aut legatario acquiratur; quanvis enim semel quaesita repudiatione non amittitur ipso iure; tamen excluditur per exceptionem, quæ acquiritur hereditate heredi, utpote ei, qui dedit fideicommissum. Nihil autem interest effectui, utrum quis actionem non habeat, an per exceptionem actio infirmetur. *L. nihil interest, de reg. iur.*

Ad L. Fideicommissum. 27.

Idem AA. & CC. Olympiadi,

Fideicommissum eius, qui reliquerat, poenitentia probata successores nunquam prestare compelluntur. Datum V. Kalen. Octob. Viminacii. CC. Coss.

S U M M A R I A.

1. *Fideicommissum poenitentia relinquentis probata, neque ab heredibus,*

neque ab ullis aliis debetur. §. n. 3.

2. *Poenitentia hæc quomodo probetur.*

ID recte relictum debetur, nisi eum, qui relinquit, poeniteat relictum. Nam revocari fideicommissum & legatum semper potest ex poenitentia, *L. datum, sup. de legatis*. Poenitentia ¶ eius probata, fideicommissum neque ab heredibus, neque ab aliis ullis, a quibus relictum, debetur, ut *hic*. Poenitentia ¶ probatur & ex verbis defuncti, & ex re ipsa. Ex verbis, si aperte ademit: ex re, si inimicitiae capitales inter defunctum & legatarium incidant, aut incidat aliqua indignitas fi-

deicommissarii adversus defunctum, unde intelligi possit, nolle defunctum in tam indignum quicquam conferre, *L. 3. §. ult. L. sequent. de adimend. leg.* Sic ¶ ex poenitentia legatum revocatum non debetur, ut alias non debeatur ipso iure, alias heres tutus sit exceptione. Ipso iure non debetur, si legitima voluntate ademptum est, puta testamento, aut codicillis: alias exceptione tantum doli mali: quæ heredi competit, *d. L. 3. §. ult. de adimend. leg.*

Ad L.

Ad L. Ex Fideicommissis. 28.

Idem AA. & CC. Tiberio.

Ex fideicommissis sub conditione sine libertate servis propriis inutiliter dato libertas peti non potest. Dat. XV. Kal. Novembr. Trans mare CC. Cof.

De hac lege dixi ad *L. servus. 4. supr. de legat.*

Ad L. Ex Testamento. 29.

Idem AA. & CC. Achilco.

Ex testamento, quod iure non valet, nec fideicommissum quidem, si non ab intestato quoque succedentes rogati probentur, peti potest. Dat. VIII. Kal. Dec. CC. Cof.

Definitio est generalis, cuius exemplum expositum est in *L. eam quam, sup. hic.*

Ad L. Cum acutissimi. 30.

Imp. Iustinianus A. Demostheni Praefecto praetorio.

Cum acutissimi ingenii vir, & merito ante alios excellens Papinianus in suis statuerit responsis, si quis filium suum heredem instituit, & restitutionis post mortem oneri subegit, non aliter hoc videre disposuisse, nisi cum filius eius sine sobole vitam suam reliquerit: nos huius sensum merito mirati, plenissimum ei donamus eventum, ut si quis haec disposuerit, non tantum filium heredem instituens, sed etiam filiam: vel ab initio nepotem vel neptem pronepotem vel proneptem vel aliam deinceps posteritatem, & eam restitutionis post obitum gravamini subiugaverit: non aliter hoc sensisse videatur, nisi ii qui restitutione onerati sunt, sine filiis vel filiabus, nepotibus vel neptibus; pronepotibus vel proneptibus fuerint defuncti, ne videatur testator alienas successiones propriis antepone. Recitata septimo in novo consistorio Palatii Iustiniani. Dat. III. Kal. Novemb. Decio V. C. Cof.

S U M M A R I A.

1. *Heres rogatus portionem hereditatis post mortem restituere fratri, vel patruo, si susceptis liberis de-*
2. *dat, an fideicommissum debeatur. Tria in responso Papiniani notanda.*

SI parens † filium, vel nepotem heredem institutum rogat, ut restituat portionem hereditatis, cum morietur, vel post mortem suam, fratri, vel patruo

Tom. IX.

suo. Hic mortuo eo, qui rogatus est, secundum verba, fideicommissum debetur, si filius is, aut nepos decesserit sine liberis, si liberis susceptis. Nam mortuo eo

T t

con-

conditio fideicommissi existit; conditione impleta fideicommissum debetur, etiam si liberos suscepit; quoniam fideicommissum non fuit relictum sed hac conditione, si sine liberis decesseret. Et hæc ita sunt, si verba sequimur: sed in hac specie Papinianus olim respondit: si filius, aut nepos liberis susceptis decesserit, fideicommissarium coniectura voluntatis defecisse videri; quanquam fideicommissio inest hac conditio ex voluntate defuncti, si nepos decesserit, idque sine liberis. Exstitit eius responsum in *L. cum avus, de condit. & demonst.* Cuius voluntatis coniecturam & rationem explicat Iustinianus in *b. L. cum sit in fin.* non esse verisimile quenquam alienas successiones propriis antepondere. Hoc responsum, cum esset plenum æquitatis & certam rationem haberet, Iustinianus duabus constitutionibus confirmavit, & ita explicavit, ut ad alios multos usus produceret. Constitutiones eius sunt hæc *l. cum acutissimi, & l. generaliter, §. ult. sup. de inst. & substit.*

2. In § responso Papiniani tria notanda sunt. 1. de persona rogati, 2. de liberis ab eo susceptis, 3. de fideicommissis. Hæc

capita Iustinianus ita tractavit: Papinianus de nepotibus loquitur in *d. L. cum avus*. Iustinianus produxit hoc responsum ad proneporem & omnem alium posterum. Hic Papinianus de nepote loquitur in sexu masculino: Iustinianus in hoc rescripto producit ad filias nepes, pronepes & alias in infinitum. Papinianus de nepote loquitur, legitimoque filio patris: Iustinianus in *d. L. generaliter, §. ult.* produxit ad liberos institutos, etiam si naturales tantum sint. In liberis susceptis Papinianus de liberis generaliter & indistincte loquitur: Iustinianus hoc revocavit ad liberos tantum legitime susceptos, & cavet, ut si filius rogatus post mortem suam hereditatem restituere, decessat liberis non ex iusto matrimonio susceptis, fideicommissum æque debeat, ac si sine liberis decessisset. Hoc in *d. L. generaliter, cir. fin.* significatur quoque illis verbis, *sine iusta prole*, ut ibi locum exposuimus. Postremo Papinianus de fideicommissio hereditatis loquitur: Iustinianus hoc produxit etiam ad fideicommissa singula & legata, *d. L. generaliter, in fin.*

Ad L. penult.

Idem A. Ioanni Præfecto prætorio.

Quidam filium suum a sacris paternis remisit, & postea testamento condito eum præteritis, nullo ei penitus relicto, aliis heredibus derelictis. Ipsum autem, quem neque heredem, neque exheredatum fecit, fideicommissum prægravavit: querebatur, si utile esset huiusmodi fideicommissum. Tota igitur antiqua dubietate super hoc explosa, nobis in hoc casu placuit, ut emancipatus (utpote iniuria a patre adfectus) non compellatur fideicommissum a sua persona relictum præstare. Quod etiam in aliis personis, quas exheredari necesse est, locum habere censuimus. Dat. prid. Kal. Mart. Constantin. post consulatum Lampadii & Orestis. VV. CC.

S U M M A R I U M.

1. *Fideicommissum a vi filio emancipa-*

to & postea exheredato relinqui possit.

AB exheredati substituto legari nihil potest, multo minus ab exheredato, *L. cum quidam, sup. de legat.* ubi hic locus apertius constitutus est a Iustiniano. Quæsitum est, si pater filium emancipaverit, an possit eo exheredato nihilominus ab eo fideicommissum relinquere? De hac specie dubitatum fuit, propterea quod

pater emancipatione libertatem in filium contulerit: hæc res inæstimabilis est. Regula autem iuris facit, ut cui aliquid dedimus, etiam ab eo relinquere possimus. *L. ab eo, sup. b. 1.* Iustinianus eam dubitationem omnem removens hic constituit, ab exheredato filio, quanvis antea emancipato, relinqui nihil posse. Non obstat,

stai, quod dicitur ab eo cui dedimus, etiam relinqui posse. Hoc enim ita dictum est, si modo ei aliquid dederimus, quod ad eum pervenit morte nostra, *L. 1. §. sciendum, de legat. 3.* Libertas autem, quæ emancipatione confertur, confertur inter vivos, nec suprema voluntate revo-

cari potest; unde intelligitur eam libertatem morte nostra ad alium non pervenire. Hoc amplius, libertas hæc, quæ ex emancipatione ea nascitur, nullam æstimationem habet, ut sciri possit, quid pro ea relinqui possit. *L. si filiusfam. de legat. 1.*

Ad. L. ult.

Idem A. Ioanni Præfeto prætorio.

Questionem ex facto emergentem rescantes & voluntati mortuorum propiciantes sancimus, si sine scriptura & præsentia testium fideicommissio derelicto fideicommissarius elegerit heredis iuramentum, vel forsitan legatarii, vel fideicommissarii, quotiens ab eo relictum est fideicommissum, sive universitatis, sive speciale: necesse habere heredem, vel legatarium, seu fideicommissarium, prius iureiurando de calumnia præstito, vel sacramentum subire, & omni inquietudine sese relaxare: vel si recusandum existimaverit sacramentum, aut certam partem, vel quantitatem manifestare fideicommissario derelictam noluerit, si forsitan maiorem fideicommissarius expetat: omnimodo exactioni fideicommissi subiacere, & eum ad satisfactionem compelli: cum ipse sibi iudex, & testis invenitur, cuius religio & fides a fideicommissario electa est, nullis testibus, nullisque alijs adventitiis probationibus requisitis. Sed sive quinque sint testes, sive minores, vel nemo: causam per illius sacramentum vel dandum vel recusandum suam habere tam firmitatem, quam exactionem, sive pater sit qui fideicommissum dedit, sive extraneus: ut æquitas ratio communiter in omnes procedat. Cum enim res per testium solemnitatem ostenditur: tunc & numerus testium, & nimia subtilitas requirenda est.

Lex etenim, ne quid falsitatis incurrat per duos forte testes compositum testamentum, maiorem numerum testium exposulat: ut per ampliores homines perfectissima veritas reveletur.

Cum autem is qui aliquid ex voluntate defuncti lucratur, (& maxime ipse heres cui summa auctoritas totius causæ commissa est,) dicere compellitur veritatem per sacramenti religionem: qualis locus testibus relinquatur, vel quemadmodum ad extraneam fidem decurratur, propria & indubitata fide relicta? cum & in leges respeximus quæ iussis dispositionibus testatorum omnimodo heredes obedire compellunt: & sic strictius causam exigunt, ut etiam amittere lucrum hereditatis sanciant eos qui testatoribus suis minime paruerint,

S U M M A R I A.

1. *Fideicommissum non solemniter relictum an ab herede præstandum sit.*
2. *Heres ubi a se relictum, iurare*

recusans, fideicommissum solvere cogitur: & cur?

3. *Ratio huius constitutionis.*

SIC aliquot locis constitutum est: ex imperfecto testamento, item ex imperfectis codicillis, & generaliter ex omni
Tom. IX.

suprema voluntate, nisi quinque cum minimis testes adhibiti sint, deberi nihil, & nihil peti posse. *L. si veritas, sup. b.*
Tit. 2. tit.

tit. *L. ult. § ult. supr. de codicill.* Iustinianus illud ex his responsis excepit, de quo hic cautum est. Est autem constitutionis hæc sententia. Si t defunctus sine scriptura cum herede præsentem egerit, eiusque fideicommissario, ut aliquid ei præstaret, quavis nulli omnino adhibiti sint testes; tamen placet fideicommissum ab herede præstandum duobus casibus: Uno, qui solis verbis huius constitutionis expressus est, si videlicet heres neget, quicquam a se relictum esse, & actus ad iussurandum a fideicommissario, iurare nolit. Alter casus ex superiori colligitur; si videlicet heres ultro confiteatur fideicommissum a se relictum esse, sed dicat, se non teneri, quia solemniter relictum non sit. Hic casus ex priori colligitur, intellecta ratione huius constitutionis.

2. Cur enim t heres iurare recusans, fideicommissum solvere cogitur? Non alia ratio est, quam quod recusat iussurandi tacitam confessionem habet; ideo enim non vult iurare; quia peierare non vult, sic a se relictum esse, *L. manifeste, de iureiur.* Si recte colligitur: propter quod unumquodque tale est, illud magis tale esse existimandum est: quod probatur vulgo ex *anth. multo, sup. de episc. & clericis.* Proinde si recusat iussurandi heredem obligat propter confessionem, quæ in hac recusatone tacite intelligitur; multo magis aperta eius confessio eum obligabit. Itaque quod scriptum est in *§. ult. in fin. Inst. de fideic. her.* heredem in hac specie consentientem obligari, si confiteatur, postquam negaverit, non sic accipiendum est, quod confitens de fideicommissio, non alia conditione obligetur, quam si prius negaverit: sed simpliciter, quisquis confitebitur, obligabitur. Intelligendum est enim, quod hic constitutum est, fideicommissum non esse constitutum pœnæ causa, ut coerceretur initiatio heredis, sed voluntatis testatoris tantum servandæ causa, ut diserte scriptum est in hac constitutione in extremis verbis.

Prior casus ex iis duobus, cum aliquid iniquum & novum habere videretur; ideo Iustinianus hanc constitutionem adversus objectionem tacitam munivit, & præterea addidit rationem, cur hoc ius constituerit. Primo diceret aliquis non recte exigi fideicommissum ab herede sine probatione, ubi heres ogeret se scire quicquam relictum esse. Respondeo Iustinianus in hac re iniquum non esse, ubi heres iurando sibi delato, in sua causa constituitur testis & iudex, ut sit in eius potesta-

te non teneri, iurando se nescire quicquam relictum esse. Præterea obiceret etiam aliquis, videri hoc ius novum & contra omnes regulas iuris, secundum quas sollemnis numerus exigitur, & in testamentis, & in codicillis, atque adeo in omni voluntate, ut initio hic diximus. Respondet Iustinianus, requiri hunc numerum sollemnem & iustum, cum res per testes probanda est. Ideo enim hic numerus exigitur, ne quid falsitatis admittatur, quod facile factu fuit, nisi hic numerus adhiberetur. Sed in hac specie nihil falsitatis metui potest, etiam si nulli adhibiti sint testes, quia testimonium ab ipso herede, eodemque debitori exigitur: qui si iuraverit fideicommissum a se relictum non esse, liberatus discit. Sin autem confiteatur, aut iurare nolit, ea recusatio confessionem tacitam habet. Hæc confessio omni suspitione falsitatis caret, cum ipse de se confiteatur.

Ad extremum autem, ut dixi, rationem t reddit, qua motus ius superioris constituitur. Ait igitur, se motum primo legibus veteribus, quæ iubent, ratas esse supremas voluntates. Intelligit autem Legem 12. tabularum, de qua *L. verbis legis, de verb. sig. item L. 1. supr. de SS. eccles. & similes.* Deinde motus est idem & iis legibus, quæ exigunt ita ne impleatur voluntas suprema, ut velint etiam eum, qui hereditatis lucrum accepit, admittere, nisi testatoribus suis præuerit. Quas leges hic intelligat, quantum est. Intelligere dicimus eas leges, quibus legatum admittitur tutori, qui se a tutela excusavit, *L. post legatum, §. amittere, D. de his, quæ ut indig. L. qui tutelam, sup. de test. tutel.* Nec obstat, quod Iustiniani constitutio de lucro hereditatis amittendo loquitur: his enim verbis non hereditas accipienda est, sed legatum, aut fideicommissum. Nam legatum omne, aut fideicommissum est lucrum delibatum ex hereditate, ut declarat definitione legati, *L. legatum, de legat. 1.* Huic constitutioni opponitur. *L. si veritas, sup.* ubi scriptum est, ex imperfecta scriptura nihil deberi, nisi quis ultro agnoverit voluntatem defuncti. Respondeo, & hoc verissimum est, neque contrarium huic constitutioni. Proinde etiam post hanc constitutionem, id ius manere intelligitur. Quoties testator scriptura aliquid reliquit, si legem scripturam servari voluit: proinde si si legem scripturam non constituit ex iusto numero testium, ius antiquum valebit. Iustiniani hæc constitutio loquitur de eo, quod sine scriptura relictum est, ubi scilicet testator

stator contempta omni alia probatione, vel scripturæ, vel testium, rem fidei solius heredis commisit, ut in principio hic expressum est.

Rursum opponitur *L. ult. §. ult. sup. de codicill.* ubi cautum est, nisi quinque testibus adhibitis, nihil ex ulla suprema voluntate deberi. Respondeo, & hæc constitutio hodie manebit, si defunctus absente herede aliquid reliquerit. Nam in

absentia hæc constitutio locum non habet, quoniam heres, qui ignoravit, quid testator dixerit, facile & liquido iurabit, se nescire, quid ille dixerit, quo iuramento præstito liberatur hac constitutione. Solum ergo relinquitur locus huic constitutioni, cum defunctus sine alia scriptura, & aliis probationibus, rem, quam prællari voluit, fidei heredis præsentis commisit.

Ad Auth. Hoc amplius.

Hoc amplius qui defuncti iudicium lege non representatum monitus a iudice intra annum non implet, excluditur eo, quod præter debitum naturale perceperit ex eodem iudicio: hoc autem cum onere suo, danda super hoc cautione, desertur primo substitutis, mox ordine servato coheredibus adeuntibus, vel generali fideicommissario, vel legatario soli, vel ex pluribus in parte potiori, vel speciali fideicommissario, vel legatario maioris emolumentis, vel omnibus, vel volentibus, vel libertate in testamento donatis, prout quisque eorum prior nominatus est: exheredatis ne hic quidem respectis: postremo desertur extraneo, vel fisco.

S U M M A R I A.

1. *Occasio huius fragmenti subiiciendi unde nata*
2. *Verba huius constitutionis explicatur.*

1. **O**ccasio † huius fragmenti subiiciendi nata est ex postremis verbis superioris legis, quibus Iustinianus scripserat, adeo supremam voluntatem ex legibus servandam esse, ut placeat eos amittere lucrum hereditatis, qui testatoribus suis non paruerint: ubi lucrum hereditatis dixi accipiendum, legatum, aut fideicommissum alicui relictum, in hoc, ut aliquid ex iussu testatoris faceret. Adicitur igitur apte hæc Authentica, to qua superior sententia amplificatur, ut *hoc amplius*, quam scilicet in legatis & fideicommissis relictis, etiam hereditas in tantum amittatur ab eo herede, qui non præstet id, quod testator fieri iusserit. Id autem accidit ex constitutione Iustiniani, *Novell. 1. §. si quis autem non implens* in hac specie: Si heres aliquid facere, aut præstare iussus, & idem a iudice *admonitus* intra annum voluntati defuncti parere neglexerit. Si † erit *admonitus*, ait constitutio: quibus verbis plures admonitiones non exiguntur. Proinde una admonitio iudicis sufficiet; quo-

niam singulari numero hæc oratio contenta est, *arg. in L. ubi, de testam.* Ait constitutio, *intra annum.* Quæstio, unde annus numerandus sit. Apparet numerandum esse ex admonitione iudicis. Ait constitutio, *si præstare neglexerit*: quibus verbis significatur is, qui alioqui de fideicommissis confitens, tamen negligentia fideicommissum non solvit. Quod si heres fideicommissum negabit, & de eo usque ad sententiam litigaverit, eritque fideicommissum ad pias causas relictum, dupli poena adversus heredem constituta est, *§. ex maleficiis, vers. item mixta, Inst. de off. §. ult. Inst. de obligat. quæ ex quasi contractu, &c.* Ait constitutio, *Si fideicommissum representatum non solvatur.* His verbis significatur fideicommissum, quod lex representare iubet, id est, quod iure valet. Poena aptem heredi iniuncta quæ sit, expressum est sequentibus verbis Authentice. Sed multo explicatius dicitur in ipsa constitutione Novella.

A D T I T U L U M XLIII.

COD. COMMUNIA DE LEGATIS ET FIDEICOMMISSIS.

Cum intellectum erit, an legatum & fideicommissum relictum valeat, de quo superioribus titulis de legatis & fideicommissis tractatum est: superest, ut legatum & fideicommissum præstetur: ut

præstetur, restat, ut videatur, quæ sit eius obtinendi ratio: ea ratio posita est in actionibus, de quibus maxime hoc titulo agitur, præcipue autem *Lege 1.*

Ad L. Cum hi. 1.

Cum hi, qui legatis vel fideicommissis honorati sunt, personalem actionem plerumque habere noscantur: quis vel vindicationis, vel finendi modo, aliorumque generum legatorum subtilitatem prono animo admittat, quam posterius optimis rationibus usa nec facile suscepit, nec inextricabiles circuitus laudavis? quis in rem missionis scrupulosus utatur ambagibus? Rectius igitur esse censemus, in rem quidem missionem penitus abolere: Omnibus vero tam legatariis, quam fideicommissariis unam naturam imponere: & non solum personalem actionem præstare, sed & in rem: quatenus eis liceat easdem res sive per quodcumque genus legati, sive per fideicommissum fuerint derelictæ, vindicare in rem actione instituenda: & insuper utilem Servianam, idest, hypothecariam super his, quæ fuerint derelictæ, in res mortui præstare. Cum enim iam hoc iure nostro increbuit, licere testatori hypothecam rerum suarum in testamento quibus voluerit dare, & iterum novellæ constitutiones in multis casibus & tacitas hypothecas introduxerunt: non ab re est etiam, nos in præsentis casu hypothecariam donare actionem, quæ etiam nullo verbo præcedente possit ab ipsa lege induci. Si enim testator ideo legata, vel fideicommissa reliquit, ut omnimodo persone ab eo honorata ea percipiant: apparet ex eius voluntate etiam præfatas actiones contra res testatoris esse instituendas, ut omnibus modis voluntati eius satisfiat: & præcipue cum talia sint legata, vel fideicommissa, quæ piis actibus sunt deputata. Et hæc disposuimus non tantum si ab herede fuerit legatum derelictum, vel fideicommissum: sed etsi a legatario, vel fideicommissario, vel alia persona, quam gravare fideicommissum possumus, fideicommissum cuidam relinquatur. Cum enim non aliter valeat, nisi aliquid lucris adferat ei, a quo derelictum est: nihil est grave, etiam adversus eum, non tantum personalem, sed etiam in rem & hypothecariam extendere actionem in rebus, quas a testatore consecutus est. In omnibus autem huiusmodi casibus in tantum & hypothecariam unumquemque conveniri volumus, in quantum personalis actio adversus eum competit: & hypothecam esse non ipsius heredis, vel alterius persone quæ gravata est fideicommissum rerum, sed tantummodo earum quæ a testatore ad eum pervenerint. Data decimo quinto Kal. Oct. Chalcedone, Decio viro clarissimo consule,

S U M M A R I A,

1. Legis huius tria constituta.
2. Legatorum omnium an eadem vis & natura.

3. Fideicommissorum eadem vis & natura est.

Lex

Lex hæc loquitur de fideicommissis particularibus.

4. *Lex hæc quid differat a sequenti.*
5. *Actiones legatorum & fideicommissorum tres, personalis, in rem, & hypothecaria.*
6. *Genera harum actionum quæ.*
7. *Actio legati & fideicommissi in personam quomodo adversus heredem detur.*
8. *Actio legati & fideicommissi in personam quibus competat, & adversus quos.*
9. *An etiam competat de legato & fideicommissis.*

10. *Actio legati & fideicommissi in rem cui, & de quibus rebus competat, & adversus quem.*
11. *Actio Serviana, seu hypothecaria quæ sit.*
12. *Actio Serviana de quibus rebus, & adversus quem competat.*
13. *Actiones legatorum & fideicommissorum competunt etiam adversus legatarios & fideicommissarios, a quibus quid alteri relictum est.*
14. *Fideicommissum relictum legatario an valeat, si legatario nihil lucri atcedat,*

TRia † hic constituuntur, ut breviter comprehensum est in *vers. rellius*, *infr.* scilicet omnium † legatorum eandem vim & naturam esse, quod constitutum est a Iustiniano, propter veterum legatorum differentiam, quorum genera erant quatuor, & singulorum vis & natura distincta, ut indicatur §. *de legat.* quod plenius expositum est a Theophilo *ibidem*, & apud Ulpianum *de legat.* Sed hic occurrit & negatur omnium legatorum eandem vim esse, exemplo eius, quod ad pias causas est relictum; nam huius legati est hæc natura, ut si heres inficietur & perseveret in ea inficiatione usque ad sententiam, dupli condemnatur, quod non ita servatur in cæteris legatis. §. *ex maleficiis.* *vers. item in ista.* *Iust. de action.* §. *ult. Inst. de oblig. quæ ex quasi contrah.* Resp. non id, quod Accursius & cæteri hoc loco, nempe genera legatorum esse exæquata, non autem singulas species generum; aio enim & singulas species esse exæquatas, hoc amplius singula individua legata. Neque tamen superius exemplum adversatur. Quod enim dicitur, omnia legata esse exæquata, hanc significationem habet, ut sint exæquata, quantenus legata sunt, non autem amplius. Exempli gratia. Nemo dubitat aliud legatum esse, cum homo legatur, & aliud cum legatur pecunia; item aliud legatum esse centum aureorum, aliud 10. Sed hæc ideo contingunt, non quia legata sunt, sed quia sunt res diversæ: cæterum quantenus legata sunt, eandem vim omnino obtinent. Idem accidit in legato ad pias causas; nam quantenus in eo legatum est, non differt a cæteris legatis. Quod autem heres inficians mulctatur dupli, non propter legatum, sed propter rem, seu personam cui legatur, contingit, cui hoc favoris gratia tributum est.

Secundum † hic statuitur, fideicommissa quoque esse exæquata legatis, & omnium eandem esse naturam, de quo initio tituli de fideicommissis dictum. Tantum hic notandum est, quod illic omnisus, sententiam hanc & constitutionem de exæquatione fideicommissi & legati, accipendam esse de fideicommissis singularibus seu particularibus, quemadmodum & legata intelliguntur legata singularium rerum, non universi iuris. Nam quod ad universa iura attinet, puta cum heres est rogatus hereditatem restituere: hic ius antiquum manet, quo iure ex hereditate haud quicquam restituitur in fideicommissarium, antequam hereditas sit illi restituta, *L. facta in pr. D. ad Treb.* Cum in legatis contra ita ius sit, ut rei legatæ dominium recta transferatur, & transeat ab herede in legatarium, quanvis re illi non tradita, dummodo legatum non repudiavit, *L. servum filii. §. 1. L. si tiki, §. cum servus, de leg. 1. L. Legatum, de leg. 2.*

Sed † cum eadem sententia repeatur in *L. 2. seq.* quid hæc lex differat a sequenti? Resp. plurimum etiam in hac parte. Nam de exæquatione legatorum & fideicommissorum hic ohiter dicitur, & velut per consequentiam earum actionum, de quibus hic præcipue agitur. Si autem in *L. 2.* hæc sententia ex professo; ita in *L. 3.* Hic dicitur eandem esse naturam fideicommissi & legati. In *L. 2.* hoc amplius dicitur, quomodo & quando, & quibus in rebus eandem sit. Præterea in hac *L.* dicitur, eandem naturam esse in rebus omnibus, idque declarat. Tertium caput & proprium huius loci est de actionibus legatorum & fideicommissorum nomine constitutis. Has † actiones tres esse placet, personales, in rem, & hypothecariam. In his actionibus constitutendis primum illud occurrit, quod dubitatur, quod Iustinianus ait, se hoc primum constitue-

stitueret, ut hæc sint actiones, cum constet etiam iure veteri plures actiones de legatis competisse, *L. cum filius, §. variis, de legat. 2.* Respondendo: iure veteri quoque fuerunt plures actiones, sed de legatis: nam de fideicommissis una fuit persecutio in personam extraordinaria, *L. pecunie, §. actionis, de verb. signif.* Hoc primo Iustinianus hac constitutione immutavit, qui voluit, quæ actiones competebant de legatis, easdem quoque de fideicommissis competere. Præterea & de legatis duæ tantum fuerunt actiones, actio in personam & actio in rem. Hypothecariam autem eo nomine non fuisse, ex eo intelligitur, quod edicto prætoris cavebatur, ut de legatis caveretur legatariis & fideicommissariis stipulatione: quod nisi caveretur, tum demum consequeretur legatariis & fideicommissariis, ut mitteretur in honorum possessionem, & eadem promissione pignus prætorium nancisceretur, non ante, toto Tit. ut legat. & fideicommissor. nomine caveat, & Tit. seq. ut in poss. legat. & c. *L. non est mirum, de pign. actio.* Iustinianus primus statim ab initio legatariis & fideicommissariis hypothecam dedit: quod quoniam novum constituebat, idcirco conatus est hic eius constitutionis rationem reddere in §. 1. & seq.

- 6 Genera 7 harum actionum consideramus: quod ideo faciendum est, ne ex hac constitutione in errorem incidamus. Nam constitutio est ita scripta, quasi videatur de iisdem rebus adversus easdem personas tres actiones hæc constituisse quod non est ita. Idque solum intelligitur cognita singularum actionum natura, quæ ob id nobis singillatim est cognoscenda.
- 7 1. Legati 7 & fideicommissi actionem in personam competere constat, non tantum hac lege, sed iam olim. Sed cum nulla sit actio in personam, nisi ex obligatione, nec ulla obligatio, nisi aut ex contractu aut maleficio, quasi contractu, aut quasi maleficio. §. 1. *Institution. de action.* Unde potest hic actio esse adversus heredem, a quo quid relictum est, cum is neque contraxerit cum legatariis, aut fideicommissariis, neque quicquam adversus eos deliquerit, vel quasi? Respondeo, veteribus etiam actionem esse in personam ex quasi contractu: quasi heres contraxerit cum legatariis & fideicommissariis. §. *heres autem, Instit. de oblig. que ex quasi contractu.* Sed unde hic quasi contractus intellectus est? Id explicatur *L. 3. §. ult. & L. seq. quib. ex caus. in poss. datur.* hoc modo ut heres adeundo, vel

pro herede se gerendo, videatur hoc ipso suscipere necessitatem & solvendi legata & solvendi creditoribus legatariis, ut quoniam a defuncto hereditatem accipit, eodem facto declaret se velle eius voluntati parere. Hinc illius obligatio: ex hac obligatione actio in personam eius.

Hinc 7 intelligimus, quibus de rebus 8 actio hæc in personam competat, & adversus quos. Omnes res, non tantum, quæ defuncti fuerunt, sed etiam alienæ legatæ aut fideicommissæ peti possunt ab herede, ut vel eas redimat, vel earum restitutionem præstet, §. *non solum de legat.* Proinde hæc actio de omnibus rebus obligatis competit. Sed & si quid heres facere iussus sit: peti ab eo potest, ut faciat, proinde & in factis hæc actio locum habet. Cum autem omnis actio in personam sit adversus eum qui obligatus est, *L. actionum, de obl. & act. d. §. 1. Inst. de act.* Solus autem heres, & is a quo fideicommissum est relictum, obligatur ex quasi contractu: consequens est igitur actionem hanc in personam 7 de legato & fideicommissis non competere, nisi adversus heredem ipsum, qui fideicommissum obligatus est; aut eo mortuo adversus heredem eius, quia actio in personam etiam adversus heredes competit, §. 1. *Inst. de perpe. & temp. act.* Hæc actio veteribus dicta est actio ex testamento, ut ex his locis patet, *L. plane, 34. §. quod si rem emisit, L. nam quocunque in pr. & §. 7. L. etiam, de solu.* Quid ergo si fideicommissum sit codicillis relictum? Resp. Etiam de hoc fideicommissum actio olim in personam competeat, sed hæc dicebatur extraordinaria persecutio fideicommissi. Solum ex testamento actio de legatis competeat, ut quæ solum testamento reliqui possent; nam codicillis non competeat §. *præterea, Inst. de fid. her.* Hodie post constitutionem hanc Iustiniani, & post *L. seq.* cum omnium fideicommissorum & legatorum eadem natura sit: dicimus, si quid legatum, aut fideicommissum sit codicillis; actionem in personam competere, non ex testamento; quia codicilli testamentum non sunt, *L. si idem, sup. de codicill.* sed ex suprema voluntate. Idque hæc constitutione eam actionem inducente.

Secunda 7 actio est legatorum & fideicommissorum nomine prodita, actio in rem. Ex quo primum intelligimus, quicquid legatum, aut fideicommissum est aliquid, eius rei dominium recta transire in legatarium & fideicommissarium, si modo rem non repudiaverit; Idque ius erat olim

in legatis, ut paulo ante dixi ex suis locis. Nunc idem hic in fideicommissis intelligimus constitutum. Intelligitur autem hoc ipso, ut actio in rem & de fideicommissio constitatur. Nam actio in rem iure civili nulli competit, quam domitio, *L. in rem, de rei vind.*

Hinc consequens est, actionem in rem legatorum aut fideicommissorum uonine, non de iisdem rebus competere, de quibus in personam actio; quoniam uon omnes res legatæ, aut fideicommissæ sunt in ea causa, ut efficiantur legatarii, aut fideicommissarii. Primo igitur, si quid fieri testator iussit, hic locum habere non potest in rem actio, cum factum non sit res, quæ domino subiciatur cuiusquam. Et ideo liberatione legata, idest tunc, cum iustus esse heres debitorem liberare, non potest huius liberationis consequendæ causa actio institui, quam in personam ex testamento, ut & olim fiebat. *L. 3. §. nunc de effect. legati, L. 4. de lib. lega.* Sed etsi res, quæ subsistat, legata erit; tamen de aliena re legata actio in rem competere non potest. Idemque dicendum, si pecunia, aut res aliqua sit generaliter legata; nam hæc res ideo non sunt legatarii, quia non prius fuerunt testatoris. Nemo autem pius iuris in alium transferre potest, quam ipse habet. *L. nemo plus, de reg. iur.* Ut autem in rem actio competat legatario, prius est, ut legatarius sit eius rei dominus, ut supra dictum. Solum ergo in rem actio competere potest de rebus, quæ fuerunt testatoris, quorum ipse dominium transferre potuit. Idque adeo verum est, ut quavis res heredis propria sit legata; tamen nihilomagi transferatur eius rei dominium in legatarium, eoque nec in rem actio. Unde placet heredem, priusquam rem suam legatam prælitterit, posse suo iure eam alienare, & quouis modo de ea statuere, *L. si inquilinus, §. 1. de legat. 1.* Nec ad rem pertinet, quod ille locus de iure veteri scriptus est: nam etiam nunc idem ius manere oportet, si rei quæ heredis erat, dominium non transferretur in legatarium. Nunc autem nou potest transferri invito herede; quoniam, ut dixi, semper verum est, testatorem eius rei non fuisse dominum, neminem autem plus iuris in alium potuisse transferre, quam ipse habuit.

Sed obstant verba huius constitutionis, *d. vers. restitui.* Quibus diserte scribitur, actionem in rem de iisdem rebus competere, de quibus & actio in personam. Respondeo; Hoc interpretes sic recte ac-

Tom. IX.

ceperunt; ut in rem actio de iisdem rebus competat, si modo rerum natura patiat, vel ut competat de iisdem rebus, ubi per actionis naturam id fieri potest. Natura autem actionis in rem exigit, ut is, qui in rem agit, seu vindicat, eius rei dominus sit, quam vindicat. In superiores autem res quas dixi, non cadit, ut iis legatis dominiu a testatore in legatarium transferatur. Quod si res testatoris legata erit, hic demum concurrent de ea re actio in personam & actio in rem; sic tamen, non ut legatarius utraque actione possit experiri, sed possit alterutra, quam elegerit, ut est in *d. L. cum filius variis, de legat. 2. L. huiusmodi. §. ult. de legat. 1.*

Sed hoc loco opponitur regula iuris, qua efficitur, neminem rem suam condicere posse, seu neminem posse de re sua agere actione in personam, ut intendat eam rem sibi dari oportere. *§. sic itaque, Inst. de actionib. L. ult. D. de usufr.* Id si verum est, consequens esse videtur, legatarium, qui rei legatæ factus est dominus, & ob id in rem actionem habet, non posse de ea re habere actionem in personam, etiam si hanc solam eligat. Resp. Nihil aduersatur superior regula. Nemo enim condicere potest rem suam, si condicit ut suam; vel nemo de re sua agere potest actione in personam, si, ut dixi, intendat eam rem sibi dari oportere: sed rem suam quilibet condicere potest, dummodo condicat nou ut suam, sed tanquam sibi debitam; & de ea quivis agere potest actione in personam, dummodo ne petat, ut sibi res detur, quod fieri nequit, nam iam est illius facta, sed petit eam rem sibi dari, vel restitui, seu quod idem est, eius rei possessionem tradi. Nam hæc omnia de re nostra licere, traditur exemplis: unusquisque enim potest rem suam stipulari sibi restitui, & erit ei ex stipulatu actio, ut restituiatur. *L. nemo rem suam, de verb. obligat.* Item constat, posse unumquemque rem suam commodare, & apud alium deponere, ita ut sit illi commodati & depositi actio ad rem suam repetendam: quæ omnes actiones sunt actiones in personam, & de re nostra competant: sed ideo de re nostra competunt, quia his actionibus agimus de re nostra, non ut nostra; sed ut nobis debita ex stipulatu, commodato, vel deposito; nec petimus ut ea nobis detur, sed restituiatur. Nihil autem prohibet, quo minus res nostra sit; & tamen possessio sit apud alium.

V v

Hoc

Hoc idem in re legata fieri intelligitur, si res testamento legata fuerit: hæc efficitur legatarii, ex quo legatario actio statim in rem nascitur: sed nihilominus idem legatarius de ea re actione in personam experiri potest, si modo intendat eam rem sibi restitui debere. Nam si petit, ut sibi detur, seipsum oppugnat; sic enim fateatur rem sibi legatam non esse: nam si ei legata esset, eius etiam facta esset; & si facta esset eius, incepte intenderet eius res in se dominium transferri debere. Atqui de iisdem rebus legatis actio in rem non competit adversus easdem personas. Idque natura actionis efficit; nam actio in personam datur adversus eum, qui nobis est obligatus; actio in rem adversus eum, qui rem nostram possidet, aut dolo malo defuit possidere. *L. actionum, de oblig. & act. l. qui petitior, in princ. de rei vindic.* Proinde actio in personam de legato, aut fideicommissio datur solum adversus heredem, a quo legatum est, quoniam solus est obligatus: adversus ceteros, quavis rei legatæ possessores, non datur. Actio in rem contra adversus heredem non datur, si non possideat rem legatam, neque dolo possidere defuit. Et rursus quicumque aliquam rem meam possidebunt, aut cum possiderent, dolo defuerunt possidere, tenebuntur legatario & fideicommissario.

- ¶ Tertia ¶ actio legatarii, seu fideicommissarii, hic prodita est actio, quæ Serviana, seu hypothecaria dicitur, *d. vers. Relictus*. Hæc actio est, quæ creditori competit de rebus illi pro debito pignori hypothecæve obligatis, est, inquam, hæc in rem actio. *§. item Serviana, Inst. de act. l. pignus, inf. de pig.* Hæc rursus non competit de iisdem rebus, de quibus superiores, neque adversus easdem personas, adversus quas 12 actio in personam. De ¶ quibus rebus competit, hac constitutione expressum est. Competit autem de rebus testatoris solum his, quas heres consecutus est, sive quæ ad heredem pervenerunt. Exstant hæc verba in *§. sed hæc*. Et rursus in *§. ult. infr.* Ex his apparet hypothecariam actionem legatorum, seu fideicommissorum nomine non competere de rebus alienis. Et recte: nam non potest res obligari, nisi quæ in bonis debitoris fuit, *L. cum res, inf. si aliena res pig. dat.* Sed nec competit de rebus heredis: nam hæc res neque sunt, neque fuerunt antea unquam testatoris. Hæc autem constitutio solum testatoris res obligat. Sane si post sex menses petatur ab herede, ut satis det fideicommissi nomine, neque satisfat: constitutum est, ut si

deicommissarius, si possidet, mittatur in bonorum possessionem etiam heredis: postquam missionem, ut supra dictum, incipiant res heredis pignori esse. Et quæ id genus pignorum pratorum, *L. certa, inf. ut in poss. legat.* Sed hoc nihil huic constitutioni adversatur, ubi de pignore & hypotheca agitur, quæ statim constituitur legatæ & fideicommissi nominae, & constituitur sine ulla missione in possessionem.

Sed nec de rebus testatoris omnibus actio hypothecaria legatario aut fideicommissario competit. Nam de rebus ipsis legatis nullo modo datur, propterea, quod, ut supra est effectum, hæc res sunt legatarii & fideicommissarii: nulli autem res sua pignori esse potest, *L. neque pignus, de reg. iur.* Neque hoc adversatur definitioni huius constitutionis. Et potius maxime hanc definitionem confirmat: nam res testatoris legatæ non perveniunt ad heredem, seu heres eas non consequitur: sunt enim legatarii & fideicommissarii, non heredes. Ex iisdem verbis definitionis superioris efficitur, quod iustitiani *bat l. §. ult.* constituit, nempe si plures erunt heredes testatoris, & a quibusdam relictum sit in portionem singulorum, solum teneri hypothecaria eas res, quæ sunt singulorum, non autem res coheredis; quoniam res coheredis ad alterum coheredem non pervenerunt. Nunc autem iustitiani vult solum eas res teneri, quæ ad heredem pervenerunt. Sit hoc exemplum: Duo sunt heredes instituti, ab his 100. legata sunt. Mortuo testatore singuli debent 50. Sic enim dividuntur inter heredes ea, quæ sunt in nominibus, *L. ea quæ, sup. famil. erciscund.* Dicimus, si unus ex his portionem non solvat, posse res has testatoris, quæ ad eum pervenerunt, conveniri hypothecaria actione. Res autem, quæ ad alterum pervenerunt heredem, conveyiri eo nomine non possunt, neque earum rerum possessores.

Huic loco opponitur *lex 2. inf. si unus ex pluribus hered.* ubi pro eo, quod unus ex heredibus debet, etiam res alterius coheredis pignoris nomine conveniri possunt. Sed locus is nihil ad rem pertinet. Nam illic agitur de ea specie, cum obligatio & pignus a defuncto inceperint, cum defunctis debere coepit pecuniam, & in eam pecuniam res eius sunt obligatæ. Quemadmodum enim pro minima parte debiti res omnes defuncti erant obligatæ, *L. si rem, §. omnis, de pignori. actio.* Sic & pro quacunque parte huius debi-

debiti, omnes res eius tenebuntur. Itaque pro debito unus heredis, etiam res alterius coheredis convenientur, si testatoris fuerunt; nam prius erant obligatae. Ex personis autem heredum non immutatur conditio obligationis, *L. 2. §. ex his, de verb. oblig.* Et in pignore ex persona possessorum non immutatur conditio pignoris, *d. L. 2. infra. si unus ex pluribus hered.* At hic agitur de legato & fideicommissio; huius obligatio ab heredibus incipit, & propterea ab his quoque incipit pignus & hypotheca: cui rei consequens est, non nova aut singulari ratione iuris, sed communi, ut in id quod singuli heredes debent, non possint obligatae esse, nisi res, quae sunt singulorum; quia pignus oportet esse, quod constituitur in bonis debitoris, *L. cum res, inf. si aliena res pign. dat.*

Sed nec semper in omnibus legatis & fideicommissis hypothecaria actio locum habet, etiam adversus res, quae testatoris fuerunt, & ad heredem pervenerunt; quoniam interdum non est necessaria. Id contingit in liberatione rei legati, cuius consequenda nomine nihil amplius habet debitor, quam exceptionem, si conveniatur, aut actionem in personam ex testamento, ut liberetur per acceptilationem. In rem agere non potest, quia liberatio non est rei quae sit in dominio nostro: hypothecaria etiam non potest agere, quia pignus tantum huic spectat, ut agenti cautum sit.

Liberatione autem legata suis debitori est consilium, quia propter exceptionem liberationem iam consecutus intelligitur. Id traditur in *L. 1. §. si debitori, D. ut in poss. legat.* Hypothecaria, ut dixi, in rem actio est, unde intelligitur, hanc non competere, nisi adversus eos, qui res testatoris, quae ad heredem pervenerunt, possident, aut dolo malo desierint possidere. Ceterum si possident, aut dolo desierint possidere, omnes tenebuntur, & maxime extranei, a quibus nihil est relictum, *L. si fundus, §. in vindicatione, de pign. d. L. 2. infra, si unus ex pluribus.*

- 13 Notandum est, non tantum ꝑ has actiones tres legatarum, aut fideicommissorum nomine proditas esse adversus heredem, a quo quid relictum est: sed etiam proditas esse adversus legatarios & fideicommissarios singulares, a quibus rursus alteri quid legatum, aut fideicommissum est, quod nominatim cavetur in hac *L. §. Et hac disponimus.* Exempli gratia, Testator ita scripsit: *Fundum Tusculanum Primo*
Temp. IX.

mo do, lego, ab eo peto, ut ades illas det Secundo. Dicimus Secundo adversus legatarium Primum, item de eo, quod a Primo est relictum heredibus, has actiones tres competere, in personam, in rem, & hypothecariam. Sed unde in personam actio adversus legatarium? Respondeo ex eo, quod legatum fundi agnoscendo, intelligitur tacite etiam se voluntati defuncti subiecisse, & ita quasi contraxisse cum fideicommissario Secundo, ut supra, *de hered. act.* dictum. Unde autem actio in rem huic fideicommissario Secundo? Resp. Ex eo, quod ubi Primus fundum legatum agnovit, itam aedes in fideicommissarium sunt translatæ, si etiam testatoris fuerunt, & Primo legatario simul legatae sunt; alii qui si aedes testatoris non fuissent, aut fuissent quidem, sed non Primo essent legatae, aut non potuissent a Primo restitui, Secundi fideicommissarii fieri non possent. Hypothecariam autem actionem fideicommissario Secundo competere sic intelligendum est, si a Primo legatario alia res sit relicta, quam quæ Primo legata erat, ut in specie proposita fundus Primo legatus erat, aedes Secundo: hoc casu dabitur Secundo hypothecaria adversus fundum Primo legatum. Quod si proponeremus fundum Primo legatum, & ab eo restitutum esse, ut fundum huic Secundo restitueret, non posset actio hypothecaria Secundo hoc casu competere. Non enim potest competere de aliis rebus, quam quæ testatoris fuerunt. Rursus non potest competere de fundo legato; quia hic incipit transire a Primo ad Secundum ipso iure, *L. neque pignus, de reg. iur.*

Notandum ꝑ præterea, quod in eodem *14 §. sed hac, b. r.* dicitur, a fideicommissario & legatario relictum non valere, nisi aliquid lucri legatario accesserit. Hoc falsum prima fronte videri potest. Nam certi inris est, quantum cuique testamento datum est, tantum ab eo fideicommissum posse, *Instit. de singul. reb., §. in princ.* & *§. 1. Idque adeo verum est, ut id, quod est legatum, iussus sit legatarius totum restituere, quantum ex lege Falcidia deducere non possit; quod tamen beneficium heredibus tribuitur, L. lex Falcidia §. ult. ad leg. Falcid.*

Ideo veteres quidam movi sunt hoc loco. Exillimaverunt enim his verbis huius legis emendari *L. ex Falcidia 47 §. ult.* & rem huic deduci, ut nunc etiam ex legatis & fideicommissis Falcidia detrahi possit a legatario & fideicommissario, a quibus supra dodrantem legati, aut fideicommissi est relictum. Sed hoc aut imperite
fit,

fit, aut veteratorie. Nam cum constet, quid Iulianus hoc loco senserit, aut imperitia est non intelligere, aut veteratorum contemptia sententia verba captare. Apparet vero, Iulianum hic sentire, non valere fideicommissum relictum legatario, si legatario nihil lucri accedat, & cum ab illo fideicommissum relinquitur, est præstandum. Cæterum si eo tempore ali-

quid lucri ad eum pervenit, Iulianus sensit tantundem ab eodem relinqui posse. Id enim postea apud Iulianum sequitur. Itaque, si quid in prioribus verbis ambiguum est, ex sequentibus interpretari debemus: ita manebit semper ius vetus, in legatariis & fideicommissariis legem Falcidiam locum non habere, id quod legis Falcidiæ verba discrete exprimunt.

Ad L. Omne verbum. 2.

Idem A. Iuliano Præfeto prætorio.

Omne verbum significans testatoris legitimum sensum legare, vel fideicommittere volentis, utile atque validum est, sive directis verbis, quale est, iubeo, sorte: sive precariis utatur testator, quale est, rogo, volo, mando, fideicommitto: sive iuramentum interposuerit: cum & hoc nobis audientibus ventilatum est, testatore quidem dicente *omne*, partibus autem huiusmodi verbum hoc atque illuc lacerantibus. Sit igitur (secundum quod diximus) ex omni parte verborum non inefficax voluntas, secundum verba legantis, vel fideicommittentis: & omnia quæ naturaliter insunt legatis, & fideicommissis inherere intelligantur: & contra quicquid fideicommittitur, hoc intelligatur esse legatum: & si quid tale est quod non habet naturam legatorum, hoc ei ex fideicommissis accommodetur: & sit omnibus perfectus eventus, & ex omnibus nascentur in rem actiones, ex omnibus hypothecariæ, ex omnibus personales. Ubi autem aliquid contrarium in legatis & fideicommissis eveniet, hoc fideicommissio quasi humaniori ageretur, & secundum eius dirimatur naturam. Et nemo moriens putet legitimam voluntatem reprobari, sed nostro semper utetur adiutorio, & quemadmodum viventibus providimus, ita & morientibus prospiciatur, & si specialiter legati tantum faciat testator mentionem, hoc & legatam & fideicommissum intelligatur: & si fidei heredis vel legatarii aliquid committatur, hoc & legatum esse videatur. Nos enim non verbis, sed ipsis rebus leges imponimus. Dat. X. Kal. Mart. Constantinop. post consulatum Lampadii & Orestis VV. CC.

S U M M A R I U M.

1. Constitutionis capita duo.

Huius constitutionis duo sunt capita. Primum: Quibusque verbis testamento quid relictum sit, relictum valere, dummodo intelligatur, quid senserit testator. Secundum huiusmodi, eandem naturam esse legatorum & fideicommissorum. De priore capite etiam priori-

bus constitutionibus Imperatorum cautum erat, *L. in legatis, sup. de legat. L. quoniam, supra, de testament.* quibus in locis diximus. Ex quo fit fideicommissorum & legatorum, est Iuliani propria, de quo attigimus supra *L. 1. Dixi autem plenius tit. de fideicom.*

Ad L.

Ad L. Si duobus. 3.

Idem Augustus Ioanni Præfæto prætorio.

Si duobus vel tribus hominibus, vel pluribus forte optio servi vel alterius rei fuerit relicta, vel si uni quidem legatario optio servi vel alterius rei relicta est, ipse autem moriens plures sibi reliquerit heredes dubitabatur inter veteres, si inter legatarios, vel heredes legatarii fuerit certatum, & alter alterum servum, vel alteram rem eligere vellet, quid sit statuendum. Sancimus itaque in omnibus huiusmodi casibus rei iudicem fortunam esse, & sortem inter altercantes adhibendam: ut quem fors prætulerit, is quidem habeat potestatem eligendi, ceteris autem æstimationem præstet contingentium eis parium: idest, servis quidem & ancillis maioribus decem annis, si sine arte sint, viginti solidis æstimandis; minoribus vero decem annis, non amplius quam decem solidos computandis, sin autem artifices sint: usque ad triginta solidos æstimatione eorum procedente, sive masculi, sive femine sint: exceptis Notariis, & Medicis utriusque sexus: cum Notarios quinquaginta solidis æstimari velimus, Medicos autem & obstetrices sexaginta. Eunuchis minoribus quidem decem annis, usque ad triginta solidos valentibus: maioribus vero usque ad quinquaginta, sin autem artifices sint, usque ad septuaginta.

S U M M A R I A.

1. Ubi plures, quibus optio est relicta, discordant in eligendo, forte dirimitur.
2. Incertum ubi est, cui ex pluribus aliquid detur, nulli certo dare oportet.
3. Duobus cum res legata est, inter legatarios scindetur legatum.
4. Optione secuta, perinde est, quasi si ne optione legatam esset.
5. Constitutioni huic quando locus sit.

Testator ita scripsit: *Primo & Secundo, Stichis, aut Pamphili optionem*. Item, cum Titio Stichis, aut Pamphili optio esset legata, Titius priusquam optaret, decessit pluribus heredibus relicta, ut iam incipiat optio Stichis, aut Pamphili ad duos quoque pertinere. Si ambo legatarii in unum aliquem ex his servis consentiant quem optent, is debetur, si alienus est; siue testatoris, is legatiorum proprius esse incipit, *L. apud, de optione legat.* Sin iam legatarii inter se dissentiant, atque ita se mutuo impediant, quominus hic vel ille servus eligatur; hic singulare & novum ius est constitutum. Huiusmodi tamen nempe controversiam tunc inter legatarios dirimendam esse sorte, ut cui obigerit fors, is solus electionem habeat. Hoc amplius, cum quis optaverit, rem quæ electa est, solius eius in domi-

nio esse, qui optavit; hac tamen lege, ut portionis alii collegatario debita æstimatio ei præstetur. Deinde addit, quanti servus sit æstimandus.

Novum autem non est & singulare, quod res in hac specie forti committitur. Nam per sortem unum datur optio, cum secundum regulam iuris, ubi tamen incertum est, cui ex pluribus aliquid detur, nulli certo dare oportet, *L. si fuerit legatum, de rebus dub.* Sed hoc constitutum est a Iulianiano, ne voluntas defuncti intercidat, si dissentientibus legatariis nulla sit optio. Præterea & illud præcipue singulare est, quod ei cui fors obligit, Iulianianus totam rem optatam tribuit: nam duobus hæc res legata est secundum regulam iuris, cum duobus tamen res legata est, inter legatarios scindetur legatum, *L. cui fundus, de condit. & demonstr.* Nec ad rem pertinet, quod

quod in hac specie uni tribuitur optio:
 4 Nam optioe ꝑ secuta, perinde habetur,
 quasi sine optioe legatum esset, *L. apud,
 de opt. legat.* Sine optioe autem res duo-
 bus legata ex æquo ad utrumque perti-
 nebit, ut dixi. Sed tamen non est ini-
 quum, quod hic Iulianus constituit,
 propterea quod in hac re æqualis est utri-
 usque legatarii conditio; nam fors a prin-
 cipio tam potuit uni, quam alteri contin-
 gere. Hæc æqualitas facit, ut neuter in
 hac re iniuria afficiatur, argum. *l. de fi-
 deicommissis, supr. de transactio.* Et si is,
 qui non optat, putat sibi damnosum esse,
 quod partem rei non habeat, de se queri
 debet, quia per eum factum est, ut res
 ad sortem deduceretur, cum ipse non con-
 sentiret, qui servus optaretur.

5 Notandum est autem ꝑ huic constitu-
 tioni tunc demum esse locum, cum res
 una ex duobus pluribusve legata est duo-
 bus aut pluribus, nempe ea quæ optata
 erit. Diversum est, si duobus res diversæ
 sint legatae, qui tamen mutuo consensu se
 impediunt, quod contingit in hac specie,
 cum duobus eiusdem fundi usufructus le-
 gatus est alternis annis. In hac specie pla-
 cet, si legatarii concurrerent in eundem
 annum, eos se impedire, neque res forte
 dirimitur, *L. 2. §. ult. D. quibus mo-
 dis usufructus amitt.* Hæc ratio est, quia
 in hac specie utrique legatario suus usuf-
 ructus diverforum annorum alternorum
 legatus est, non debet forte hæc contro-
 versia dirimi, quia si fors uni dederit ele-
 ctionem primi anni; tamen alteri legatari-
 o suam electionem, & suum usufruc-
 tum adimere non debet. In specie autem
 huius loci, optio uni ex legatariis per
 sortem tributa alteri legatario nihil adimit,
 ut mox dicemus.

Rursum animadvertendum est, tunc for-
 ti locum esse in hac specie, cum duobus
 optis legata est rerum legatarum. Diver-
 sum est, si optio actionum tributa est lege
 pluribus legatariis. Exempli causa, is, cui
 fundus erat legatus, priusquam confluiret
 de legato, decessit duobus heredibus
 relictis. Hi heredes duas actiones habent
 ad legatum persequendum, vindicationem
 & actionem ex testamento, sed sub ele-
 ctione, ut eam ex his, quam velint, eli-
 gant, *L. cum filius, §. variis, de legat. 2.*
 Placet in hac specie, si hi heredes con-
 sentiant, qua actione agant, eos recte ea
 actione experiri; sin autem dissentiant &
 unus velit rem vindicari, alter velit in
 personam agi adversus heredem: places
 eos se mutuo consensu impedire, nec res
 forte dirimitur, *L. huiusmodi, §. ult. de
 legat. 1.* scilicet, quia alia causa est actio-
 num plurium pluribus tributarum, & alia
 rerum legatarum. Nam cum optio rerum
 legata est, & uni ex legatariis optio ea
 tribuitur, nihil adimitur collegatario. Non
 optio, quia eam neuter prius habuit; non
 res legata, quia ea ante optionem neutri
 debetur, & neutrius est, *d. L. apud, de
 opt. leg.* At plures actiones legati nomi-
 ne competentes statim a principio sunt
 iure proprio heredum, ut etiam antequam
 eligant, actionem habeant, qua experiantur.
 Proinde nec uni electionem dabimus,
 ne ei electionem dando, alteri coheredi
 actionem ipsi quaesitam adimamus, quod
 est contra ius, contraque æquum & bonum,
L. ult. in fin. C. de pact. L. 2. de his, qui sunt sui, &c. Exemplum *L. sancimus, §. si autem in huiusmodi, infra, de donat.* ad hunc locum plane nihil
 pertinet; quia illic optio non duobus da-
 tur, sed uni.



Ad §. Sed etsi quis optionem.

Sed etsi quis optionem servi, vel alterius rei reliquerit, non ipsi legatario, sed quem Titius forte elegerit, Titius autem vel noluerit eligere, vel non potuerit, vel morte fuerit praeventus: & in hac specie dubitabatur apud veteres, quid statuendum sit: utrumne legatum exspiraret, an aliquod ei inducatur adiutorium, ut viri boni arbitratu procedat electio. Censumus itaque, si intra annale tempus illo, qui eligere iussus est, hoc facere superfederit, vel minime potuerit, vel quodocunque decesserit: ipsi legatario videri esse delatam electionem: Ita tamen, ut non optimum ex servis, vel aliis rebus quidquam eligat, sed media estimationis: ne, dum legatarium satis esse fovendum existimamus, heredes commoda defraudentur.

SUMMARIUM.

1. Optio quando & quibus casibus ad legatarium transeat.

SI optio Stichī, aut Pamphili alicui legata sit, quando non legatarius, sed Titius extraneus optarit, secundum verba, legatarii optio non est. Si Titius extraneus vel non possit, vel nolit optare, Iustinianus constituit, duobus hisce casibus optio nem ad legatarium transire: uno, si mortuus erit Titius, quia iam certum sit, illum optare non posse: altero, si vivus optare nolit, aut non possit, & unus annus praeterierit, ex quo optare debeat. Hic opponitur, *Lex 1. de legat. 2.* ubi traditur, legatum in alterius extranei arbitrium collatum, videri in arbitrium boni viri collatum, ita ut nullam conditionem, nullamque moram recipiat, secundum quam sententiam in proposito dici debuit, ut videtur, Titio non arbitrarie concessum optionem legatario dari debere, quia bonus vir ita arbitrareretur, & quia non deberet expectari longior mora.

Respond. Aliud est conferre in arbitrium extranei aliquid, aliud in optionem & electionem. Extranei arbitrium significat voluntatem eum iudicio & aequitate coniunctam, quod illis exprimitur verbis, *si arbitratu fuerit, si existimaverit, si putaverit, si ei videbitur, L. 40. §. quamquam, de legat. 3.* At electio & optio nuda & veram voluntatem eligentis con-

tinet, ut possit, qui eligit, eligere etiam deterius, prout ipsi libitum fuerit: cum in voluntatem interdum alterius aliquid confertur, ab ea voluntate non receditur, *L. si sit legatum, de legat. 1.* Proinde merito hic expectatur, donec Titius moriatur, aut intra annum non possit, aut nolit optare.

Sed ex hac solutione inelidemus in contrariam difficultatem. Nam si optio in voluntatem meram collata est, non modo aliquod tempus expectari debet, dum optet, sed etiam illo non optante, optio erit nulla, nec ad alium recurret, *L. ult. supra, de contrab. emptio. L. si quis arbitratu, de verb. oblig.*

Respondeo, secundum verba ita etiam dici debuit in proposito, sed Iustinianus defuncti spectavit sententiam: nam optionem in personam Titii consult, non Titii, sed legatarii causa. Proinde aequum, hanc legationem ad legatarium suo tempore redire. Cur igitur non statim ad col legatarium transferretur, ut sic voluntas defuncti confirmetur? Respond. Mediam viam est secutus Iustinianus in voluntate obscura, ut in rebus obscuris & perplexis fieri consuevit, *§. penult. Inst. quibus ex caus. manum. L. ult. in fin. si pars hered. pet.*

Ad §. Sed quia.

Sed quia nostra maiestas per multos casus legatariis, & fideicommissariis prospexit, actionesque tam personales, quam in rem & hypothecarias dedimus, & in rem missionis tenebrosissimus error abolitus est: & ad hanc legem pervenimus. Nemo itaque heres ea que per legatum vel pure vel sub certo die relicta sunt, vel que restitui aliis disposita sunt, vel substitutioni supposita, secundum veterem dispositionem putet in posterum alienanda, vel pignoris vel hypothecæ iurulo assignanda, vel mancipia manumittenda: Sed scias hoc quod alienum est, non ei licere, utpote sui patrimonii existens, alieno iuri applicari; quia satis absurdum est, & irrationabile, rem quam in suis bonis pure non possidet, eam ad alios posse transferre, vel hypothecæ pignorisve nomine obligare, vel manumittere, & alienam spem decipere.

SUMMARI A.

1. Actionis in rem de rebus legatis & fideicommissis constituta effectus.
2. Res pure, aut in diem legata fidei-

commisive ab herede neque alienari, neque pignori obligari, neque manumitti potest.

IN his, † que sequuntur, constituitur effectus actionis in rem de rebus legatis & fideicommissis constitutæ. Ergo si rei legatæ, aut fideicommissæ dominium in legatarium, aut fideicommissarium transsit, ex L. 1. *supr. hic*. Consequens † est, quod hic dicitur, rem pure aut in diem legatam fideicommissamve, ab herede neque alienari, neque pignori obligari, neque manumitti posse. Consequens inquam; quia si legatarius & fideicommissarius domini sunt, heres non est dominus. Porro qui non est dominus, dominium transferre non potest, L. *traditio, de acquir. rerum domin.* qui rem non habet, transferre non potest, L. *si dominium, infr. de pign.* nec potest quis manumittere servum, qui servum in sua manu & potestate non habet.

Et hæc ita dicit Iustinianus se constituit, quanvis secundum veterem dispositionem aliud observetur. Quod ideo dicit, quia fideicommissi dominium non transibat in fideicommissarium olim, sed tan-

tum dabatur fideicommissario in personam actio, eademque actio sola in legatis locum habebat, que relicta erant per damnationem, Theophil. §. 1. *Inst. de legat.* Nunc sublata & legatorum & fideicommissorum differentia, consequens fuit, ut de omnibus constitueret id, quod hic constituit. Iuris autem illius antiqui, quod dixi, licere etiam heredi res fideicommissas alienare, argumentum est certum, L. *si heres, §. 7. ad Trebell.*

Animadvertendum puto in fideicommissis hereditatis, si heres ignarus fideicommissam rem aliquam hereditariam bona fide vendiderit, dum putat expedire, & vendiderit ignoranti, hoc casu venditionem servandam esse, ut & olim, §. *ult. h. L. 2. de legat. 2.* Neque obstat constitutio; quia cum fideicommissum hereditatis relinquitur, videntur singulæ res relicte, aut pretium earum, & pretium tantum, ubi heres vendidit eas res bona fide, ignarus fideicommissas esse.

Ad §. Sin autem sub conditione.

Sin autem sub conditione, vel sub incerta die fuerit relictum legatum fideicommissum universitatis, vel speciale, vel substitutione, vel restitutione, melius quidem faciet, si & in his casibus caveat ab omni venditione, vel hypotheca, ne se gravioribus oneribus evictionis nomine supponat. Sin autem avaritia cupidine propter spem conditionis minime implende, ad venditionem vel hypothecam profuerit: sciat, quod conditione impleta ab initio causa in irritum devocetur, & sic intelligenda est: quasi nec scripta, nec penitus fuerit celebrata: ut nec usucapio, nec longi temporis prescriptio contra legatarium, vel fideicommissarium procedat. Quod similiter obtinere censemus in huiusmodi legatis, sive pure, sive sub die certo, sive sub conditione, sive sub incerta die relictis sint. Sed in his omnibus casibus legatario quidem, vel fideicommissario omnis licentia pateat rem vindicare, & sibi assignare nullo obstaculo ei a detentatoribus opponendo.

S U M M A R I A.

1. *Res sub conditione legata, aut fideicommissa, pendente conditione ipso iure est heredis: proinde eam ipsi distrabere licet.*
2. *Secus, si conditio legati, aut fideicommissi exstiterit.*
3. *In emptorem si dominium translatum sit, quomodo ab eo domino res auferri possit.*

Consequens etiam superioribus id, quod hic caveretur. Si res † sub conditione legata, aut fideicommissa sit, pendente conditione ipso iure est heredis: ac proinde interim omnia tribuantur heredi, quæ domino, *L. que post, §. 1. D. famul. hercis. L. 1. §. si filio, ad Trebell.*

Proinde heres pendente conditione rem legatam distrabere, & in emptorem transferet dominium, utpote dominus, *§. per traditionem, Institus. de rerum divis.*
 Sed † si conditio legati, aut fideicommissi exstiterit: eveniet contra, ut legatarius aut fideicommissarius rem vindicare possint, quasi prius nulla venditio præcessisset, scilicet quia conditione existente legatarius & fideicommissarius domini esse

incipiunt rei legatæ, aut fideicommissæ. Idemque in rebus legatis olim ius fuit, ne quis putet ius per omnia hic novum constitui, *L. servo legato, §. 1. de legat. 1.* Sed non omnium rerum legatarum, aut fideicommissarum dominium transibat in legatarium, aut fideicommissarium, ut supra dixi: & circa has res Iustinianus hic ius novum constituit. Sed † eum in emptorem dominium translatum sit, quomodo ab eo domino res auferri potest?

Respond. Solutio iure dantiis. solvitur ius accipientis, *L. lex vetig. D. de pignor.* Heredis ius in re sub conditione legata, solvitur impleta conditione, proinde, necesse est eadem conditione solvi ius emptoris.

Ad §. ult. *Emptor.*

Emptor autem sciens rei gravamen adversus venditorem actionem habeat tantum ad restitutionem pretii, neque duple stipulatione, neque melioratione locum habente: cum sufficiat ei saltem pro pretio, quod sciens dedit pro aliena re, sibi satisfieri. Creditori nihilominus pignoratitia contraria actione adversus debitorem competente: ut ex omni parte, omnique studio id, quod semper properamus, ad effectum perducatur, & ultima elogia defunctorum legitimum finem sortiantur, bonæ fidei proculdubio emptoribus integra iura, & nullo modo ex hac constitutione deminuta, contra venditores habentibus. Datum Kal. Septemb. Constantinop. post consulatum Lampadii & Orestis VV. CC.

SUMMARIUM.

1. *Re legata, aut fideicommissa vendita, & emptori a legatario & fideicom-*

missario evicta, quomodo consulatur emptori ob evictionem.

SI heres rem legatam, aut fideicommissam vendiderit, ea res emptori a legatario & fideicommissario evinci potest, ut supra dixi. Re † evicta quomodo consulatur emptori ob evictionem? Hic duo singularia constituuntur. Primum, si emptor nominatim sibi caverit de evictione, tunc hæc poena adversus eum constituitur, ne agere possit ex stipulatione & cautione. Rursum, quanvis nihil caverit de evictione, tamen constituitur, ut habeat re-

gressum adversus heredem venditorem saltem, usque ad pretium, quod dedit. Hoc quoque singulare & contra ius; quia ei, qui sciens rem alienam emit, actio de evictione non datur. *L. si fundum, inf. de evict.* Sed Iustinianus prius constituit recte, coercendi emptoris causa. Posterius autem constituit per consequentiam prioris; quobiam qui in una re oneratus est emptor, debuit alia parte sublevari. *L. eum, qui D. de iurciurand.*

Ad Authen. *Res, que.*

Res, que subiacent restitutioni, prohibentur alienari quidem, vel obligari. Sed si liberæ portio legitima non sufficit ad dotis, sive donationis propter nuptias obligationem: permittitur res prædictas in eam causam alienare, vel obligare pro modo honestati personarum congruo. Ea enim, que communiter omnibus profunt, his que specialiter quibusdam utilia sunt, præponimus.

SUMMARIUM.

1. *Filii, aut filia heredes instituti, rogati hereditatem restituere, ante*

omnia legitimam portionem habere debent.

SI filii, † aut filia heredes instituti, rogati sint hereditatem restituere, hi ante omnia legitimam portionem habere debent. Quod si aut dotem, aut donationem propter nuptias dederint, prius ea solvere debent de legitima sua, si legitima non sufficit, possunt deducere de bonis paternis, aut aliter consequi id, quod

ad donationem, aut dotem præstandam sufficit, usque adeo: ut in eam causam alienari possint & retineri res restitutioni subiectæ, quæ exceptio est superioris constitutionis. Hunc locum mihi videtur Accursius recte exposuisse in *Nov. de restit.* & ea, que parit. *Ge. §. quomobrem, ad verba, si non suffecerit.*

AD TITU-

A D T I T U L U M XLVIII.

COD. AD SENATUSCONSULTUM TREBELLIANUM.

S U M M A R I A.

1. *Fideicommissa hereditas quid?*
2. *Ratio inscriptionis, sive rubricæ.*
3. *Ordinis & methodi ratio late explicatur.*
4. *Differentia dua inter fideicommissum hereditatis, & fideicommissum rerum singularium.*
5. *Summa huius loci quinque questionibus proposita.*
6. *Heres an fideicommissum restituere debeat.*
7. *Fideicommissum quando recte relatum dicatur.*
8. *Si heres institutus, rogatus restituere, hereditatem adire nolit, ut ita fideicommissum intercidat: quid constitutum sit.*
9. *Fideicommissum quando restitui debeat.*
10. *Quid & quantum veniat in restitutionem fideicommissi.*
11. *Fructus rerum hereditariarum an fideicommissario restituendi sint.*
12. *Heres quando moram in restitutione facere dicatur.*
13. *Hereditas quomodo restituatur.*
14. *Quis restitutionis effectus.*

HOC titulo agitur de fideicommissis hereditatibus. Est autem fideicommissa hereditas, de qua restituenda aliquis rogatus est: nam fideicommittere, ut restituat, & rogare, ut restituat, idem valent. Sunt enim omnia verba fideicommissi *Instit. de fideicomm. hered.* Quod autem § inscribitur, *ad Senatusconsultum Trebell.* eo fit, quia hoc Senatusconsulto de restitutione fideicommissæ hereditatis cautum est. Inde inscriptio eiusdem tit. *Instit. de fideicommissis. hered. & ad Senatusconsultum Treb.* ubi & res, de qua agitur, & ius, quo de ea re cautum est, coniuncta sunt. Sed § cum fideicommissaria hereditas sit species fideicommissi, cur de hac ipsa tractatum non est supra tit. *de fideicomm. rer. singularum?* Resp. Quia fideicommissaria hereditas proprium quoddam ius est, separatim a iure fideicommissi singularium rerum. Sunt § enim duæ hic differentiae: nam si cui singulae res aut legata, aut fideicommissio relictae sunt, is cogere non potest heredem, a quo relictae sunt, ut hereditatem adeat, & legata præstet: at quisquis est, cui heres rogatus est restituere hereditatem universorum bonorum, is heredem cogere potest, ut hereditatem adeat & restituat, *L. nam quod, §. ult. & seq. D. eod.* Aliter est, quod omne legatum & fideicommissum singularium rerum ad legatarium pertinet sine ullo onere aeris alieni. Contra is, cui hereditas ex fideicommissio re-

Tom. IX.

stituitur, obligatur omnibus oneribus hereditariis ut heres, *L. ult. sup. de hered. act. L. si hereditatem, D. de hered. vel att. vend. L. 1. D. eod.* Sed cur non prius de fideicommissariis hereditatibus actum est, quam de fideicommissis rerum singularium, cum in Institutionibus id sit factum. Prior enim est titulus *de fideicomm. hereditatib.* sequitur alter *de singulis rebus per fideicommissum relictis?* Et vere præstantior est hereditas, quam singulae res, ut videatur de hereditate restituenda prius agi debuisse. Respond. Si res relictas tantum inspicereamus, prius de hereditate fideicommissaria restituenda agi oportuit: res enim maior est & præstantior rebus singulis; universitas his rebus, quæ universitate continentur. Sed sub hoc titulo non agitur tantum de fideicommissa hereditate restituenda, sed de fideicommissi imminutione, quæ constituta est Senatusconsulto Pegasiano, §. *sed quia heredes, Instit. de fideic. hered.* Hanc imminutionem nos spectamus; naturæ ordo postulat, ut priori loco de rebus testamento relictis agatur, quam de relictis minuendis. Quæ ratione factum est, ut post tractationem hereditatum testamentariorum, item agnatarum & fideicommissarum, ad extremum sit subiecta tractatio ad *L. Falcid.* qua lege de minuendis legatis cavebatur. Sed cur ob hanc causam non præponitur titulus ad *L. Falcid.* ut in *Instit.* & *D.* est factum? Respond. Uterque ordo,

X x 2

orđq,

ordo, & qui hic servatur, & qui servatur illic, rectus est, & suam rationem habet, prout diversas res spectamus. Lex Falcidia de legatis minuendis prius lata est, quam Senatusconsult. Trebellianum constitutum. Hoc amplius, quod Senatusconsult. Pegafiano cautum est, ut heres rogatus hereditatem restituere, possit retinere quartam, ad exemplum L. Falcidiae cautum est d. §. *sed quia*, *Inst. b. t.* Proinde cum & tempus spectamus, quo hæc L. constituta fuit, & similitudinem, quam legislatores hic secuti sunt, prius est, ut de L. Falcidia cognoscatur, quam de Senatusconsulto vel Trebelliano, vel Pegafiano. Prius enim est id, ex quo exemplum deducitur, quam exemplum, quod inde ducitur.

Rursum quoniam sub hoc titulo *ad Senatusconsultum Trebell.* non tantum de imminutione fideicommissi, sed etiam de hereditatis restitutione agitur, non male fit, si habita rei de qua agitur, ratione, prius de fideicommissa hereditate agitur hac lege, quam de singulis legatis & fideicommissis quæ lege Falcidia minuantur. In summa ¶ de fideicommissis hereditatibus restituendis locus his breviter continetur. Nam cum constabit aliquem heredem rogatum esse a defuncto, ut hereditatem restituat, primo querendum est, an fideicommissum restituere debeat; secundo loco, si restituere debet; quando debeat; tertio, quid & quantum veniat in eam restitutionem; quarto, quomodo hereditas restituatur; postremo, restituta hereditate, quid inde apud heredem maneat, quid in fideicommissarium transferatur, & in summa restitutionis effectus quis sit.

- 6 Prima questio ¶ est, an fideicommissum heres restituere debeat? Dicimus fideicommissum omne, quatenus fideicommissum est, iure valere; sed non continuo fideicommissario hereditas restitui debet, sed his conditionibus, si & fideicommissum recte relictum est, & is qui rogatus est, adierit, vel quo alio modo
7 acquisierit hereditatem. Recte ¶ fideicommissam hereditatem relinquit, si rite relinquatur, & ab his, a quibus oportet, & quando oportet. Rite relinquatur citra controversiam testamento, §. *in primis*. *Inst. cod.* sed & rite relinquatur codicillis. Quod enim dicitur hereditatem codicillis dari non posse, tunc locum habet, cum hereditas directo datur, quod sit herede instituto, aut substituto; non etiam cum hereditas relinquatur verbis precariis seu fideicommissariis, L. 2. *sup. de codicill.*

Quisquis autem est, ad quem hereditas nostra perventura est, recte rogatur ut eam restituat, ut sunt primo scripti a nobis, d. §. *in primis*; deinde etiam heredes legitimi; nam & ab intestato fideicommissum relinqui potest. Hoc amplius & hi omnes, quibus ex fideicommissa hereditas nostra restituta est; quoniam & hi heredum loco habentur, ut postea dicitur. Hæc in §. *præterea* vers. *sum autem*, *Inst. b. t.* Porro hic autem fideicommissa hereditas recte relinquitur: ut & pure & sub conditione, & in diem, seu ex certo die recte relinquatur, d. §. *in primis*, vers. *potest autem*, in quo proprium ius fideicommissarum hereditatum constituitur. Nam hereditas directe ex certo die & ad certum diem dari nequit: sed si dies adiectus fuerit, vitio temporis sublato, pro pura habetur, §. *heres*, *Inst. de her. inst. L. hereditas*, 34. *D. cod.* Quod, ut dixi, in fideicommissa hereditate danda contra observatur, & merito: quia ubi quis heres directe ad diem institutus est, nemo ante diem est heres, qui solvat creditoribus hereditariis, quod contra fit, cum quis heres institutus rogatus est post annum hereditatem restituere: nam interim heres institutus est heres, & idem, qui creditoribus hereditariis respondeat. Non est satis fideicommissum recte relinqui, ut is qui rogatus est, restituere debeat, nisi prius & ipse hereditatem adeundo acquisierit. Natura enim nemo restituere potest, quod non habet, nec unquam habuit: hereditas autem heredi non nisi adeundo, aut pro herede gerendo acquiritur, §. *ult. Inst. de her. qual.* Quid igitur ¶ fiet, si heres institutus rogatus restituere hereditatem, eam adire nolit, ut ita fideicommissum intercidat? Adversus hoc periculum propectum est Senatusconsulto Trebelliano & Pegafiano. Nam quoniam ita iusserat, ut nemo iuvitus hereditatem adire cogere, quoniam adirio voluntate constet, L. *nec emere*, *sup. de iur. delib.* Ideo placuit initio heredes institutos & rogatos hereditatem restituere, adeoque cæteros heredes eodem modo invitare ad hereditatem adeundam: primo, periculi additionis metu amoto; secundo, præmio etiam adeunti constituto. Metos onerum hereditariorum iustus est in herede, qui hereditatem adit: nam hereditas adita heredem obligat æri alieno, etiam si solvendo non sit, L. *more*, *de acq. her.* Nec ad rem prodest heredi, si eam hereditatem postea restituat: nam qui semel heres extitit, iure civili heres esse non desinit, L. *ait*

L. ait praetor, §. sed quod Pap. D. de minor. §. L. ei qui, D. de hered. inst. §. restituta autem hereditate, Inst. de fideic. ber. Itaque non dubium est, quin hoc metu territi heredes, qui rogati erant hereditatem restituere, non facile adire hereditatem vellent. Proinde hoc metu primum liberali sunt Senatusconsulto Trebelliano, quo effectum est, ut quæ actiones iure civili heredi & iu heredem competunt, hæc ei & in eum dentur, cui ex fideicommissio restituta est hereditas, *L. 1. b. r.* Sed restabat adhuc hoc incommodum, quod oblatat heredibus, quo minus hereditatem adirent, quam rogati erant restituere; quia nollent hereditatem adire sine ullo, aut perexiguo lucro. Quare & huic incommodo prospectum est Senatusconsulto Pegasiano quo cautum est, ut heredibus rogatis hereditatem restituere, non minus quartam partem retinere liceat, quam per *L. Falcidiam* de singulis legatis retinere conceditur, *§. sed quia heredes, Inst. b. r.* His rebus fiebat, ut invitati heredes ad audeandam hereditatem facilius adire vellent hereditatem: sed nondum tamen his rebus perficiebatur, ut hereditatem adirent. Nam fieri poterat, ut vel non necessario metu moverentur, vel consulo hereditatem adire nollent, quo nocerent fideicommissario, vel quo voluntas suprema intercederet. Ideo visum est eodem Senatusconsulto Pegasiano heredibus adire recusantibus necessitatem imponere. Placuit igitur, ut desiderante fideicommissario, cui hereditas restituenda est, & postulante suo periculo hereditatem adiri, cogatur heres per prætorem hereditatem adire & restituere, sine ulla exceptione, *L. 4. L. nam quod, §. ult. de codicill. §. sed si recusabat, Inst. b. r.* Idque usque adeo; ut quanvis heres ultro hereditatem repudiasset; nihilominus tamen desiderante fideicommissario adire cogeretur, *L. nam quod, in pr. D. eod.*

Hereditate hoc modo adita, cum & fideicommissum valeret, nihil aliud relinquitur heredi rogato, nisi ut hereditatem restituat. Sed §. quando restituere debet, statimne, an postea? quod secundo quaerebatur. Res posita est in voluntate defuncti: si sub conditione fideicommissum relictum est, tunc debebitur, cum conditio existerit; si pure, statim & presenti die debebitur. Hæc vis est & conditioni & additioni adiecta *L. 1. de cond. & demonstr. §. omnis, Inst. de verb. oblig. L. cedere diem, de verb. sig.*

Tertium sequitur, † ut videndum sit, 10 cum hereditas restitui debeat, quid & quantum restituendum sit? Et quid restitui debeat, positum est in verbis significatione: hereditatem iussus est restituere; proinde id venit in restitutionem, quod hereditate continetur, id est, quod defuncti fuit, cum moreretur, *L. in fideicom. §. quoties, D. eod. L. hereditas, de reg. iur. L. nihil aliud, de verb. sig.* Hereditatis verbo eadem continentur, quæ verbo bonorum, *L. 1. 2. 3. de bon. poss.* Bonorum autem appellatione non solum res corporales continentur, sed iura & actiones, quæ defuncto competeant, *L. bonorum, de ver. sig.* Proinde quæcumque actiones defuncti fuerint, hæc in fideicommissarium sunt transferendæ, *L. postumus, §. ult. D. eod.* Questum † est de rerum 11 hereditariarum fructibus, an & hi restituendi sint fideicommissario? Et placet, si hi post hereditatem aditam ab herede percepti sint ante restitutionem hereditatis, eos duobus tantum casibus restitui debere. Uno, si testator voluerit restituui, *L. in fideic. in pr. D. eod.* Altero, si mora facta ab herede percepti sint, *d. L. eod.* In quo ius proprium legatorum & fideicommissorum notandum est. Nam in cæteris actionibus omnibus in personam, quibus nos petimus quod antea notum fuit, fructus etiam post morem non præstantur, *L. videamus, §. actionem, de usur.* præterquam in bonæ fidei iudiciis, *L. mora, §. in bonæ fidei D. eod.* Sed placuit in hanc rem legata & fideicommissa bonæ fidei iudicio comparari, *L. 3. D. eod.* Moram † autem facit heres in restitu- 12 tione hereditatis, cum a fideicommissario interpellatus opportuno loco & tempore, non restituit, *L. mora, D. de usur.* Quod si fructus ante moram ab herede percepti sint, neque de his restituendus rogatus sit, hi in restitutionem non veniunt, *d. L. in fideic. in pr. §. quoties, D. eod.* Quia, ut ibi scriptum est, si magis rebus accepto ferendi sunt. Sensus est: quia nihil ab herede restitui debet, nisi quod est hereditarium, seu quod iure hereditario receptum est. Fructus enim ex rebus hereditariis non tam iure hereditario, seu ex hereditate percipere heres intelligitur, quam ex rebus ipsis, quæ post aditam hereditatem desierunt esse hereditariæ & ceperunt esse heredis, *L. heres in rem, de acq. hered. L. cum heredes, de acquir. possess.*

Sed diligenter notandum est, hoc dici de fructibus ab herede perceptis: proinde si usuræ & pensiones ex causa hereditaria

ria debita nondum ab herede exactæ sunt, non fiunt heredis, sed actio ad eas petendas tota in fideicommissarium transfertur, *L. postulante, §. ult. D. h. t.* Hoc amplius exigimus, ut fructus percepti sint post aditam hereditatem, ut sic fiant heredis. Nam si ante hereditatem aditam percepti erunt, hi in restitutionem venient, quemadmodum qui vivo adhuc testatore sunt percepti. *L. ita tamen, vers. 1. in fin. D. cod.* Et merito. Nam fructus vivo testatore percepti facti sunt testatoris; proinde in hereditate eius reperiuntur. Porro fructus mortuo testatore ante aditam hereditatem percepti a defuncto intelliguntur; quia hereditas iam adita defuncti sustinet personam, *L. hereditas, de acq. rer. dom.* Hæc sunt, quæ in restitutionem hereditatis veniunt; sed ita veniunt, ut debeant restitui tota, nisi quando ex SC. quarta pars apud heredem manere debet. Interest igitur, utrum heres volens adierit hereditatem, an coactus: si volens adiit, quantam retinere potest ex Senatusconsulto: quod si coactus adiit, totum restituere cogitur, quod restituere rogatus est, ita ut nullum commodum ex hereditate sentiat, *L. 4. D. cod.*

23 Quantum igitur sequitur, quomodo hereditas restituatur. Restitutio hereditatis non continetur traditione rerum, ut sit in rebus corporalibus, quæ non nisi traditione transferuntur, *L. traditionibus, sup. de pass.* Sed sola voluntate hereditas restituitur, siue verbis hanc voluntatem declararet heres, siue re aliqua & facto. Verbis, ut si aperte dicat fideicommissario, se illi hereditatem restituere. Re & facto, si vel rem unam minimam hereditariam restituit fideicommissario, ut velit hereditatem illi restitutam esse. *L. resti-*

tuta, D. cod. Ita restitutio hereditatis, quemadmodum & aditio hereditatis sola voluntate perficitur, dum tantum restituatur fideicommissario, qui restitutionem admittit, quod facere potest præsens, vel absens per nuntium, *L. epistolam, d. L. restituta, D. cod.*

Restituta igitur hereditate, extremo loco de 14 effectu restitutionis queritur. Hic comprehensus est SCto Trebelliano, quo, ut supra dixi, effectum est, ut omnia commoda hereditaria, & item incommoda in fideicommissarium transferantur, *d. L. restituta*. Quo SCto effectum est, ut fideicommissarii, quibus hereditas restituta est, heredum loco habeant omnia, *L. postulante, §. ult. D. cod.* Et hoc fit in totum, quoties tota hereditas fideicommissario restituta est. Quod si heres voluntate testatoris, aut beneficio SCti huius quantam retinuerit & dodrantem fideicommissario restituerit: evenit, ut scindantur inter eos actiones hereditariæ, item commoda & incommoda, pro portionibus unicuique competentibus, ita ut heres pro quarta parte teneatur creditoribus hereditariis ipso iure; item & legatariis & fideicommissariis: & his omnibus teneatur ulli actione ex SCto, sublato iure veterum, quo observabatur, ut fideicommissarius tantum teneretur stipulationibus interpositis inter eum & heredem, de quo videndum est, quid Iustinianus scribat in *§. restituta, §. sed quia heredes, §. sed quia stip. Inst. de fideic. her.* Utriusque divisionis exempla & confirmatio petenda sunt ex *L. 12. h. t.* Alia verba inscriptionis huius tituli, de incertis personis, non sunt ferenda. Non enim agitur hic de incertis personis.



Ad L. Si ex. 1.

Imp. Severus & Antoninus AA. Probo.

Si ex Senatusconsulto quartam partem hereditatis retinueris, & dodrantem fideicommissario restitueris: quod creditoribus hereditariis pro novem uncis præsiteris, a fideicommissario petere potes. PP. XV. Kalen. April. Laterano & Rufino Coss.

S U M M A R I A.

1. Restituta hereditate fideicommissarius tenetur creditoribus hereditariis iisdem actionibus, quibus heres.
2. Heres si quarta parte retenta ex SC. dodrantem hereditatis restituit fideicommissario, & creditoribus hereditariis quod debebatur, solvit; solum pro dodran-

te a fideicommissario repetere potest.

3. Quid si solveris nondum restituta hereditate, nec retento eo quod solvis, restituit hereditatem, an solum itidem pro dodrante repetere possit.
4. Qua actione id repetere possit.
5. Notanda hic qua sint.

Si actiones, quæ iure civili in heredem competunt, transeunt in fideicommissarium restituta hereditate, ut transeunt ex Senatusconsulto Trebelliano, l. 1. D. h. s. §. restituta, Inst. h. t. consequens est, si restituta hereditate, fideicommissarium teneri creditoribus hereditariis, iisdem actionibus, quibus heres teneretur: nam onus eris alieni heredis est, l. ult. sup. de hered. act. Si fideicommissarius tenetur creditoribus hereditariis, consequens est, quod hic dicitur, si heres si quarta parte retenta ex Senatusconsulto dodrantem hereditatis restituit fideicommissario, & is heres creditoribus hereditariis solverit quod debebatur, eum pro dodrante repetere posse a fideicommissario, quod solvit: consequens ideo, quia ea solutione fideicommissarium liberavit, quod facere potuit, etiam pro invito solvendo, l. solvendo, de neg. gest. cum liberando, negotium eius gessit: negotiorum gestorum nomine est actio negotiorum gestorum ei, qui gessit, adversus eum, cuius negotium gestum est. l. 1. s. 2. de negot. gest. l. 3. sup. de neg. gest. Et hoc expeditum est, ubi heres restituta hereditate iam solvi creditoribus: sic enim, ut dixi, solvendo, vere fideicommissarium liberavit, qui iam teneri coeperat.

At quid si heres si nondum restituta hereditate solverit creditoribus; deinde non retento eo, quod solvit, restituit hereditatem, an quod solvit, poterit itidem

repetere pro dodrante a fideicommissario? Movet dubitationem, quod heres ante restitutam hereditatem solvendo, negotium suum gerit, non fideicommissarii, seu vere se liberat, non fideicommissarium. Nam fideicommissarius nondum restituta hereditate non obligatur actionibus hereditariis, quæ tunc solum transferuntur, cum restituta est hereditas, d. l. 1. h. t. Iis solus heres actionibus hereditariis tenebatur, & quia solus tenebatur, solvendo se solum liberat, eoque & solus negotium suum gerere videtur, atque ita efficitur, ut nullam negotiorum gestorum actionem habeat adversus fideicommissarium. Hic rescriptum est, etiam hoc casu heredem, qui creditoribus solvit, repetere posse a fideicommissario, quamvis solverit non restituta hereditate.

Sed qua si actione? At Accursus, negotiorum gestorum, quod alius displicet. Rectissime Accursus. Nam nisi sit actio negotiorum gestorum adversus fideicommissarium, nulla esse poterit adversus eum actio. Et vero negotium fideicommissarii hac solutione aperte gestum est. Non obstat, quod heres ante restitutionem hereditatis se liberat, non fideicommissarium. Subtilitate enim iuris & præsepte tempore respectu fideicommissarium non liberat: at effectu liberat, quia futurum erat, ut restituta hereditate fideicommissarius teneretur: quo minus autem teneatur, consequitur hereditas solutione.

Pra-

Præterea certius dici potest, heredem, dum ante restitutam hereditatem solvit creditoribus, gerere negotium fideicommissarii, non quia eum liberat; sed quia solvendo locupletiores faciat hereditatem, sublati nimirum oneribus hereditariis. Quapropter cum eandem hereditatem fideicommissario restituit locupletiores, huius rei utilitas ad fideicommissarium pertinet; facere enim ad rem & utilitatem alterius, est negotium eius gerere, *L. 2. de neg. gest.* Notandum est tamen, quod hic dicitur, heredem, qui solvit creditoribus hereditariis, non repe-

tere a fideicommissario totum, quod solvit, sed tantum pro dodrante, idest, novem uncis. Ex quo colligitur, pro quarta parte quam heres retinuit, onus æris alieni ad heredem pertinere; unde rursus intelligitur, quod supra ad hunc titulum dictum, cum heres retenta quarta parte hereditatem restituit ex fideicommissio, inter heredem & fideicommissarium actiones hereditarias esse pro portionibus hereditariis competentibus, quod & scriptum est in *Inst. de fideicom. hered. §. si quis una, Inst. cod. & apertius comprehensum L. seq. h. t.*

Ad L. Ad eum. 2.

Imp. Philippus A. & Philippus C. Iuliano.

Ad eum, cui ex Trebelliano senatusconsulto pars hereditatis restituitur, successionis onera seu legatorum prestationem pro competentis portione spectare, indubitat iuris est. PP. XVIII. Kal. Novemb. Peregrino & Æmiliano Coss.

S U M M A R I A.

1. *Definitio, seu summa legis.*
2. *Onus hereditarium quid, & quatenus in fideicommissarium transeat.*
3. *num.*
4. *An quemadmodum fideicommissarius legata pro dodrante prestare debet; ita & heres pro quarta parte retenta eadem prestare teneatur.*
5. *Verbum partis quid significet.*
6. *Heres quarta parte retenta, dodran-*

tem solum restituens, pro quarta parte & nomine & re ipsa heres est.

7. *Quoties iubetur heres restituere hereditatem non quarta parte, sed una summa, aut re aliqua singulari deducta, toties omnes actiones in fideicommissarium transferunt, & ea pars, quæ apud heredem manet, sine alio onere remanet.*

Definitio legis hæc est: cum hereditas fideicommissario pro dodrante t restituta est, quarta parte ab herede retenta, onus æris alieni, & item legata ad fideicommissarium spectare: sed ut dixi, pro competente portione, quæ illi restituta est. Onus t hereditarium est onus æris alieni, quod debetur creditoribus defuncti. Hoc onus, ut dictum est, onus heredis est; quia hic solus ex lege 12. tabularum creditoribus hereditariis tenetur, *L. ult. supr. de her. alt.* Id t ex senatusconsulto Trebelliano transit in fideicommissarium, restituta hereditate. Sed transit, quatenus ius & fructus hereditatis ad fideicommissarium transferuntur, ut sunt verba senatusconsulti, *d. L. 1. D. hic,*

Proinde pro hac solum parte onus hoc ad fideicommissarium pertinet; pro parte autem ab herede retenta heres tenetur creditoribus, *d. §. si quis una, Inst. h. t.* Hoc ius in ære alieno nullam dubitationem habet. Queritur t de legatis, an quemadmodum fideicommissarius pro dodrante ea prestare debet, ita & heres pro quarta parte retenta ea prestare debeat? Non dubitarem, nisi Accursius & alii hunc secuti statuerent, legata solum a fideicommissario deberi, ab herede autem qui solum quartam hereditatis retinuerit, non deberi, quod statuerunt in *L. 1. §. ult. D. cod. L. ult. inst. cod.* Qua sententia nihil magis falsum est, proinde adversus eam confirmandi sumus.

Si

Sic igitur statuamus, legata testamento relicta, aut codicillis, relictura hereditate sciendi inter heredem & fideicommissarium, idem ut onus æris alieni, ut ea ab utroque præstentur, pro portionibus hereditariis, quæ illic obigerant. De fideicommissario uon dubitatur; de herede non minus ius certum est. Id probatur verbis huius legis, ubi dicitur, legata ad fideicommissarium spectare solum pro competente portione: ex quo intelligimus pro alia parte, quæ heredi competit, id onus ad heredem spectare, quemadmodum & de actionibus idem fieret. Nec cavillari verba oportet, ut facit Accursius: nam in principio huius rescripti agitur de eo, cui pars hereditatis restituta est. Accursius ait, hoc intelligi debere de eo fideicommissario, cui heres rogatus est restituere dimidiam tantum partem hereditatis; quo casu fatentur, legata dividi inter heredem & fideicommissarium pro æquis partibus. *L. 1. §. pen. D. eod.* Ex moventur eo, quia f verbum *partis* dimidiam significat, ut traditur diserte in *L. nomen, §. 1. de verb. signific.* Sed additur ibidem *partis* nomen non semper significare dimidiam, & generaliter non significare tuoc, com additum est aliquid verbum, quod aliam partem, quam dimidiam demonstrat, ut si quis dixerit, partem dimidiam, quartam, tertiam. Id hoc loco factum est: nam quæ initio huius legis dicitur pars, ea postea dicitur pars fideicommissario competens. Scimus autem partem fideicommissario competentem esse dodrantem, non autem dimidiam. Omnis huius legis verbis, ratione minime dubia efficitur heredem pro quarta parte hereditatis retentam teneri ad præstandum legata. Nam certi iuris est, onus legatorum esse onus heredis non minus, quam onus æris alieni. Id probat definitio legati. Dicitur enim legatum donatio testamentis relicta ab herede præstanda. *§. 1. Inst. de leg.* At cum f heres quarta parte retenta dodrantem solum restituit, pro quarta parte, & nomine & re ipsa heres est. Nominæ, quia heres semel factus, nunquam iure heres esse desinit, quanvis hereditatem restituit, *§. restituta, Inst. hic L. ait prætor, §. sed quod Papinian.* *D. de min.* Re quoque heres est quoniam eatenus hereditatis partem & emolumentum retinet; proinde iure eatenus onus legatorum & æris alieni ad eum pertinere debet. Idem evidenter colligitur ex Senatusconsulto: nam verbis Senatusconsulti ante restitutam hereditatem declarat, omnes actiones in heredem competere, quæ intelliguntur actio-

Tem. IX.

nes æris alieni & legatorum; neque hæ actiones ab eo discedunt, nisi in fideicommissarium transeant: at quoties restituitur hereditas pro dodrante, solum actiones pro ea parte in fideicommissarium transferuntur, ut intelligitur ex verbis eius Senatusconsulti: nam in casum est, ideo transferri actiones in fideicommissarium, quia ius & fructus ad eum transeunt: ex qua ratione intelligimus, quatenus fructus hereditatis in fideicommissarium transeunt, eatenus actiones in eum transire, quatenus vero non transeunt, eatenus nec transire actiones, quia ratione legis cessante, legi locus non est, *L. quod dictum, D. de pact.* Eodem pertinet, quod generaliter definitur in *d. §. si quis una, Inst. eodem*, quoties heres, retenta quarta parte hereditatis, dodrantem restituit, sciuntur inter heredem & fideicommissarium actiones, quibus heredes teneantur. Generaliter dictum est, *actiones*. Hæ autem non sunt tantum æris alieni, sed & legatorum, quibus pariter heres tenetur. Nihil ad rem pertinet *L. §. ult. D. eodem*. Nam in exemplo eius loci heres quartam hereditatis non retinet, sed totam hereditatem restituit fideicommissario. Quo casu solus fideicommissarius tenetur, ut æri alieno sit obligatus, quod Senatusconsulto efficitur. Id autem ut intelligatur ita esse, observandum est, in specie illius loci heredem institutum rogatum esse, restituere hereditatem, deductis centum. Scire autem oportet, quoties f iuhetur heres hereditatem restituere non deducta quarta parte hereditatis, sed una summa deducta, aut aliqua certa re singulari, toties omnes actiones in fideicommissarium transire, & eam partem, quæ apud heredem manet, sine ullo onere remanere, ut diserte in *d. §. si quis, Inst. b. t.* dictum est. Et redditur alia ratio manifesta, quia hoc casu iure singulari non heredi, sed legatario locus est; certi autem iuris est, heredes omnibus legatariis non premi *L. ult. supr. de her. action.* *L. si hereditati, D. mandati.* Idem responsum esse volumus ad *L. ult. b. t.* ubi fideicommissarius solum legatum præstitit, sed ideo, quia præponitur tota hereditas illi restituta esse. Ad extremum sciendi legata inter heredem & fideicommissarium, diserte scriptum est *L. 1. §. pen. D. eod.* Id quidem scriptum est in ea specie, cum heres iustus est dimidiam tantum hereditatis restituere. Sed quemadmodum heres dimidiam hereditatis retinet, dimidiam legatorum præstare debet: sic quartam retinens legata præstare debet pro portione.

Y y

Ad L.

Ad L. Si per. 3.

Imppr. Carus, Carin. & Numerian. AAA. Zorico & aliis.

Si per fideicommissum hereditas reipublice relicta est: ex Trebellianico senatusconsulto (quod ab intestato quoque locum habet) quarta partis & fructus eius vobis restitutio competis: Sine die & consule.

S U M M A R I A.

1. Fideicommissum hereditatis etiam ab intestato ab heredibus legitimis relinqui potest.
2. Cuicumque hereditas ex fideicommissum restituenda est, adversus eum quarta ex senatusconsulto reteneri potest.
3. Fideicommissarius, hereditate tota si-

bi restituta, heredi quartam, una cum fructibus restituere tenetur. § nam. 6.

4. Discrimen inter partem hereditatis, quam heres fideicommissarius restituere debet, & eam, quam fideicommissarius heredi restituit. Eiusdem ratio sub num. 5.

1. **H**ic tria statuuntur, (1) Fideicommissum ꝑ hereditatis, etiam ab intestato ab heredibus legitimis relinqui posse, §. *præterea*. *Instit. cod. L. eam quam,*
2. *supra, de fideicommissis.* (2) Cuicumque ꝑ hereditas ex fideicommissum restituenda est, non facere fideicommissarii ullam auctoritatem, prærogativam, aut favorem, quo minus adversus eum quarta retineri possit ex senatusconsulto, quod eodem modo constituitur, quo e converso placet quisquis est heres qui rogatus sit hereditatem restituere, nulla habita persona heredis, eum ex senatusconsulto teneri, ut hereditatem restituat, siue erit privatus, siue publicus, siue respub. *L. recusare, §. fisco, D. cod.* Hoc ideo, quia senatusconsultum, quo de restitutione hereditatis, item quartæ retentione eorum est, de re scriptum est, non de persona; ut dicendum sit, in quibuscunque causis eadem res sit, id est, restitutio hereditatis & quartæ retentio, in his idem ius statui debere ex senatusconsulto, neglecta personarum ratione, a quibus, aut quibus restituatur hereditas.
3. Hic ꝑ statuuntur, notandum præcipue, si hereditas restituta fideicommissario tota sit, eum heredi restituere oportere quartam hereditatis, una cum quartæ fructibus, ut generaliter hoc statuendum sit, sic heredem quartam hereditatis habere debere, ut eam heres habeat cum fructibus. In qua ꝑ parte notandum est discrimen inter eam partem hereditatis, quam heres restituere fideicommissario debet, puta dodrantem hereditatis, & inter eam

partem, quam fideicommissarius hereditatem possidens heredi restituere debet, nempe quartam partem hereditatis ex Senatusconsulto. Nam heres sic dodrantem hereditatis ex senatusconsulto restituere debet fideicommissario, ut in hanc restitutionem solæ res hereditariæ veniant, fructus non veniant, sed heredes fiant; cum ab illo percepti sint post aditam hereditatem, & ante restitutionem fideicommissi, nisi aut fecerit moram in restituenda hereditate, aut nominatim fructus restituere rogatus sit *L. in fideic. in pr. §. quoties. D. ad Trebell.* Contra vero fideicommissarius si quo modo caperit hereditatem totam possidere, quemadmodum ex senatusconsulto restituere debet heredi, sic debet & fructus eius quartæ, ut hic. Cur hæc tam varie? Differentiæ ꝑ ratio est, quia heres semel adita hereditate, statim efficitur dominus rerum hereditariarum, *L. heres in omne, de acq. her. L. cum heredes, in pr. D. de acq. pos.* Proinde & quartæ partis hereditatis dominus est citra controversiam, & quanvis hereditas pervenerit ad fideicommissarium, tamen heres semper dominus manet, ut fuerat. Corti autem iuris est fructus ex re nostra perceptos, nostros esse. Itaque eum fideicommissarius fructus hereditarios percipit, quanvis ex re communi, in qua ipse dodrantem habet, heres quartam partem; tamen non pro maiore parte fructus suos facere possit, quam pro qua res ad eum pertinet, *L. qui scit, L. Herennius de usuris.* At idem heres ante resti-

restitutam hereditatem non solum quartæ partis dominus est, sed etiam dodrantis, qui restitui debet, nec prius dominus esse definit, quam transulerit hereditatem in fideicommissarium; quod solum post restitutam hereditatem contingit ex senatusconsulto, L. 1. b. 2. Proinde qua ratione quartæ fructus semper sunt heredis, quia heres semper eius dominus est: eadem ratione fructus dodrantis ante restitutam hereditatem ab herede percepti, fuerunt heredis, quia pro eo toto tempore heres dominus est totius hereditatis. Dodrans quidem etiam a fideicommissario debetur, sed fructus ex re debita percepti non sunt eius, cui res debetur. Et hoc amplius, nec restitui debent, nisi percepti sunt post litem contestatam in strictis iudiciis, aut post moram in bonæ fidei iudiciis, item iuxta legatis & fideicommissis, L. 3. in princ. L. videamus, §. si actionem, de usur. L. si rem, de verb. obli. Sed videri potest falsum esse, quod dicitur, quartam partem heredi restituendam esse cum fructibus: nam hic proponitur heres restituisse fideicommissario re-

ipso. Quoties heres totam hereditatem restituit fideicommissario, quarta non retenta, non modo fructuum repetitionem sed etiam quartæ repetitionem amittit. Nam si sciens se rogatum esse restituere, & quartam retinere posse, nihilominus totam hereditatem restituit, quartam donat: si in iure errans, putavit quartam se retinere non posse, iuris error ei non prodest ad repetendam quartam, quam solvit. 1. error, proxim. titula seq. ad L. Falcid. Dicendum est, hæc ita esse, si heres totam restituat hereditatem; sed fieri potest, ut restituerit hereditatem ita, ut diceret fideicommissario, se restituere pro dodrante, qui illi competit, quartam autem ad se velle pertinere: post quam restitutionem factum sit, ut fideicommissarius nihilominus totam hereditatem occuparit, non dolo aut fraude; sed ut res communes facilius administraret, cum res adhuc essent indivisæ, & ipse pro maiore parte dominus esset rerum hereditariarum, quod eum fit, heredi quarta salva est, quam sua voluntate non remisit.

Ad L. Non instam. 4.

Imp. Diocletian. & Maximian. AA. & CC. Quintianæ.

Non instam te gerere sollicitudinem per fideicommissum relicte portionis hereditatis perspicimus, verentem, ne fructum amittas relicti fideicommissi, quoniam avia testatoris ex parte heres scripta, & tibi rogata restituere, calliditate ac fraude repudiavit, ut ad alium nepotem, eundemque coheredem devolvatur portio, a quo tibi nominatim non fuerat fideicommissum relictum, & coacta suspectam hereditatem adire, priusquam pro herede gereret, rebus sit humanis exempta: cum divo Antonino parenti nostro deberi etiam a substitutis fideicommissum contemplatione iudicii testatoris, quasi tacite ab his repetitum, iam dudum placuerit. Neque enim quartæ retentionem, quam illa, que repudiavit, hereditatem adire coacta, ut suspectam retinere non potuit, timere debes. S. VI. Id. lul. Philippo. AA. Coss.

S U M M A R I A.

1. Species huius legis.
 2. Fideicommissaria, an, cum que rogata erat restituere, decedit non adita hereditate, & vel heredem habet neminem, vel non locupletem, fideicommissum amittat.
 3. Fideicommissaria si partem ab avia sibi fideicommissum relictam a nepote & coherede avia petere potest, an totam petere possit, coherede uliro eam restituere parato.
1. **A** Via † cum essent duo nepotes, unus ex his testamento facto, aviam & fratrem suum alterum avię nepotem in-

stituit, & si non heres esset avia, fratrem suum ei substituit, præterea aviam rogavit, ut portionem hereditatis restitueret

Y y 2

Quin-

Tom. IX.

Quintianæ Felicitæ. Quintiana fideicommissum ab avia defuncti petiit. Illa adire non vult, sed repudiavit hereditatem. Id eo consilio faciebat avia, ut ea portio hereditatis ad nepotem eius, qui illi substitutus erat, ex substitutione perveniret, fraudata fideicommissaria. Nam si hereditatem adisset avia, substitutio vulgaris evanisset, neque ea pars unquam ad nepotem pervenire potuisset ex testamento. *L. post aditam, supra, de impub. & aliis substitutione.* Cum avia perseveravit in ea repudiatione, vocata est in ius ad prætorem a Quintiana fideicommissaria, ibi per prætorem coacta est hereditatem adire, ut verba sunt huius rescripti, quæ bene Accursius accepit, coactam esse verbis prætoris, ut adiret, idest, iussam esse adire; nam revera non adivit, ut postea in rescripto narratur. Ergo cum iussa esset adire, priusquam adiret, aut pro herede gereret, decessit: ita hereditas ex substitutione pervenit ad alterum coheredem nepotem eius, & quidem necessario, cum prius ex portione sua nepos heres exstiteret.

2. Hic duo quæsitæ sunt. Primo † quærit Quintiana, quid se facere oporteat, & cum fideicommissum amiserit, cum, quæ rogata erat restituere, decesserit non adita hereditate, & aut heredem habeat neminem, aut habeat heredem non locupletem. Hic respondent Imperatores, non debere Quintianam sollicitam esse de fideicommissio, quali non possit ea adire, quæ defuncta sit: nam omnia avia & nepotibus eius, posse Quintianam ab altero nepote aviæ, eodemque coherede aviæ repetere: quia ita ius constitutum sit, ut legata & fideicommissa ab herede defuncti relicta, etiam a substituto debeantur; cum portio instituti ad substitutum cum suo onere pertinere debeat *L. licet de leg. 1.* Idem dicendum esset, etiam si nepos coheres aviæ substitutus non esset: nam portio aviæ deficientis accresceret nepoti coheredi eius, qui suam partem adiisset, & quidem invito, *L. testamento, de impub. substit.* *L. qui ex duobus, §. ult. de acq. her.* Accresceret autem cum onere fideicommissi ex eadem constitutione, aut quia coheres coniunctus in deficienti portione coheredis quodammodo substitutus est, & iam etiam olim Iulianus hoc probavit adversus Iuliani sententiam, ut exstat relatum in *L. si Titio & Mevio, §. 1. de legat. 2.* Quæ sententia confirmata est lege Iulianiani, *L. unica, §. his ita, inf. de cad. toll.* Cum Iuliano consensisse videtur Celsus: huius sententia refertur alias

L. Celsus 29. de legat. 2. ubi hæc sunt verba; si uni ex heredibus nominatim fideicommissum sit, videri potest fideicommissum non deberi, si is heres non exstiterit. Sed non ideo hæc lex pugnat cum *d. L. si Titio & Mevio, §. 1. de legat. 2.* Nam verum est, videri id posse, quod Celsus dicebat, sed subiciendum est, quod Ulpian. in *d. L. si Titio & Mevio* subicit, nempe videri id posse: sed post decretum Imperatorum exstimatori debere, accrescentem portionem debere accrescere cum suo onere, quasi coheres, cui accrescit portio, sit substitutus. Et ita est, ut fideicommissum ab avia relictum peti possit ab herede & coherede eius, cui portio aviæ accrevit.

Quæritur, cur in proposito Quintiana fideicommissaria adeo laboraverit, ut avia hereditatem adire cogeretur, cum ea repudiante nihilominus fideicommissaria saluum fideicommissum haberet? Respondeo: Non potest dici Quintianæ hic quicquam interesse, si nepos coheres portionem suam adierit. Nec simile est exemplum, quod affertur ab Accursio ex *L. recensare, §. Titius, D. cod.* Nam ibi substitutus in totum non erat institutus. Sed ut Quintiana ita laboraret, multæ sunt causæ. Primo ignorabat hoc ius, de quo hic rescribitur; nam si etiam mortua avia id ignoravit, multo magis ignorabat, dum avia adhuc viveret: unde hæc sollicitudo ex ignorantia huius iuris est nata. Deinde etiam Quintiana hoc ius tenuisset, tamen eius intererat aviam cogi adire, quia non erat certa nepotem coheredem partem suam adituram. Postremo etiam is quoque suam partem adiret, tamen intererat fideicommissariæ potius rem habere cum avia, quam cum nepote coherede, vel quod nepos litigiosus homo erat, vel quod nimiam posset, vel quod inimicus esset.

Sequens † quæstio est, si fideicommissaria partem ab avia sibi fideicommissio relictam potest petere a nepote & coherede aviæ, an possit totam petere, si nepos uliro paratus sit eam restituere? Movet quæstionem Senatusconsultum, quo permittum est heredi rogato restituere hereditatem, retinere quartam, si volens hereditatem adeat, ut initio huius tituli dictum est. Respondent Imperatores. Ne hæc quidem in parte Quintianam sollicitam esse debere de fideicommissio, quia non solum fideicommissum petere possit a nepote, sed etiam totam possit petere, hæc ratione, quia metui non debet, ne avia, quæ coacta est hereditatem adire, possit quartam retinere *L. deducit a parte*
quar-

quarta, D. eod. §. sed si recusabat, Inst. eodem. Sed videtur hæc sententia falsa esse, & oratio minime coherens. Nam certi iuris est, heredem rogatum restituere hereditatem, si volens hereditatem adierit, quartam retinere posse, §. *sed quia, Institut. eodem.* At nepos in proposito volens adierat hereditatem, ratio autem adiecta est aliena. Nam de nepote queritur, an fideicommissum totum restituere debeat? Imperatores rationem reddunt de avia, quæ ratio ad rem nihil pertinet. Nam avia coacta est, sed nepos non est coactus. Respondeo, nihil rectius dici potest, neque magis ex sententia Senatusconsulti, quam quod hic rescriptum est. Verum enim est, nepotem hic volentem adiisse, sed fideicommissum ab eo non petitur ex persona eius, sed ex persona aviæ, & in eo restituendo ex persona aviæ iudicandum est: nam portio aviæ deficiens accrevit huic nepoti cum suo onere, ut supra dixi ex *L. unica, §. his ita, de cad. tollend. & L. si Titio & Maevio, §. 1. inf. de legat. 2.* At onus aviæ fuit non solum, ut fideicom-

missum restitueret, sed etiam, ut totum, quia coacta erat adire; proinde & hoc onus ad nepotem coheredem transiit: unde intelligitur Imp. recte reddidisse rationem ex persona aviæ, cum ex eius persona de hoc fideicommissio iudicaretur.

Huic §. adversari videtur *L. ille, a quo §. 1. in ff. D. eod.* ubi significatur, si rogatus heres restituere, decedat, antequam coactus sit hereditatem adire, fideicommissum non deberi, & in eo fraudari fideicommissarium. Resp. Quod dicitur illic de herede coacto adire, intelligitur ex illius legis interpretatione de eo, qui iussus est a prætoribus adire, & ita verbis prætoris coactus. Estque hic sensus, Si heres rogatus hereditatem restituere, neque hereditatem adiisset, nec verbis iussus est a prætoribus hereditatem adire, & interim decessit, sine dubio fideicommissum non deberi. Sed si heres iussus sit a prætoribus hereditatem adire, statim heres fideicommissarin obligatur, & fideicommissum peti poterit, ad quemcumque heredem pervenerit ex hac lege.

Ad L. Et sine. 5.

Idem AA. & CC. Verrissimo.

Et sine scriptura per fideicommissum hereditas recte relinquitur. Igitur si uxor tua te & privignum suum in discrimine mortis constituta designavit velle successionem obtinere usque ad dodrantem: eius voluntatem ratam servari convenit: cum ab intestato ei succedentes, de restituendo fideicommissio conventos ultra quartam, ære alieno deducto, quantum penes eos sententia senatusconsulti relinqui præcepit, tantum obtinere posse præstiteris. S. V. Kal. Maii. Sirmii. Cæs. Coss.

S U M M A R I A.

1. Quatuor in hoc rescripto notanda, & num. 2. 3. 4.
5. Interpunctio falsa huius loci emendatur.
6. Heredes legitimi rogati restituere hereditatem, etiam quartam retinere

possunt, non ex verbis senatusconsulti, sed ex sententia.

7. Legitimi heredes retinent quartam & restituant dodrantem ære alieno ultra quartam deducto: declaratur num. 8.

¹ IN hoc † rescripto hæc notanda sunt, quæ totidem constituuntur: fideicommissum & sine scriptura relinqui potest. Hoc apertius in *L. & in epistola, sup. de fideicommissis.*

² Item † fideicommissum non tantum testamento ab heredibus, sed etiam intesta-

to ab heredibus quibuslibet relinqui potest, codicillis, vel scripto, vel sine scripto, testatur *lex. 5. Codic. h. t. §. præterea, Inst. eod.* Item † ut fideicommissum ab intestato ab heredibus legitimis debeatur, non est necesse heredes legitimis nominatim rogare, ut restituant: satis est, si te-

si testator indefinite ita dicat, se velle hereditatem ad illos, vel ad illas pertinere
 4 *L. eam quam, sup. de fideic.* Postremo ¶ cum heredes legitimi rogati sunt hereditatem totam restituere, non minus & ipsi, quam scripti heredes quartam retinere possunt, ex sententia senatusconsulti, ita ut reliquum restituant deducto ære alieno, quod est ultra quartam. Hæc est sententia postremorum verborum.

- 5 Quin loco ¶ diligenter animadvertendum est, locum vulgo vitiose interpunctum esse, & proinde ne interpunctio falsas sententias efficiat, interpungendum ita esse: post verbum, *obtinere* debet interponi comma; post verba, *conventos*, esse debet virgula. Est autem hæc sententia huius loci: proponitur uxor quæ voluit hereditatem obtineri a suo marito & privigno. Respondent Impp. Et si heredes legitimi rogati sint hereditatem totam restituere, tamen voluntas eius servari non debet, nisi ad dodrantem usque; & rationem reddunt, cur ultra servari non debeat, quia inquit, constitit heredes legitimos de fideicommissio restituendo conventos tantum obtinere debere, quantum apud eos relinquit sententia senatusconsulti, præcipue autem relinquere quartam: proinde quartam legitimi retinere possunt, idque perfacile ære alieno ultra quartam deducto. Vulgaris interpunctio facit, ut proponatur, defunctum voluisse hereditatem a fideicommissariis suis retineri usque ad dodrantem, quæ sententia evidenter falsa est. Nam hoc casu quarta non retineretur ex sententia senatusconsulti, sed ex lege 12. tabularum, nempe ex aperto iudicio testatoris. Deinde eadem interpunctio vulgaris facit, ut dicantur heredes legitimi conventi esse ultra quartam, quod & ipsum falsum est. Nam si dicuntur ultra quartam conveniri, hi conveniuntur de quarta & amplius. Nunc autem Impp. volunt eos conveniri tantum posse usque ad dodrantem. Interim ex his verbis notanda sunt duo ex hac posteriore sententia 1. heredes ¶ legitimos rogatos restituere hereditatem, etiam quartam retinere posse, non ex verbis senatusconsulti, sed ex sententia. Cur ex sententia duntaxat? Quia senatusconsultum scriptum est de heredibus institutis, non etiam de legitimis; sed placuit propter eandem rationem etiam ius idem transferri ad legitimos. *L. recusare, §. 1. D. eod.*
- 6

Alterum est, legitimos heredes ¶ restituere quartam & restituere dodrantem, ære alieno ultra quartam deducto. Hoc si ita accipimus, ut cum dicitur in lege Falcidia, exquiri quantitatem patrimonii deducto prius ære alieno, ut est in *L. in imponenda, infra, proxim. seq. titul.* Infit. de leg. Falcidia sententia aperte falsa est, & minime recipienda. Nam cum dicimus in lege Falcidia ponenda, ex quo legata præstantur, ante deducti æs alienum, hoc significatur, heredem ante omnia deducere tantum, quantum sufficiat ad æs alienum creditoribus, & præterea id ita deducere, ut ipse retineat, quia heres solus est is, qui obligatur creditoribus. At cum de hereditate ex fideicommissio restituenda agitur, nihil tale facere heres potest, duobus de causis: nam heres, qui legata præstat, etiam legatis dissolutis, solus est heres, ut merito æs alienum suo iure deductum habeat, & præterea solus tenetur creditoribus hereditariis *L. ult. Cod. de hered. act.* Ut sit æquissimum eum retinere de hereditate, unde solvat creditoribus ne cogatur dependere de suo, atque ita fraudetur quarta parte hereditatis. At cum agitur de hereditate ex fideicommissio restituenda, ideo heres retinere æs alienum non potest, quia non est solus heres, sed fideicommissarius usque ad dodrantem heredis loco habetur *L. possulante, vers. nam & quodammodo, D. h. t.* Deinde esset iniquissimum, heredem rogatum restituere hereditatem, deducere & retinere totum æs alienum, cum ipse æri alieno non obligetur. Nam in fideicommissarium actiones omnes transeunt ex senatusconsulto. *L. 1. D. h. t.* Denique ideo heres rogatus restituere hereditatem, æs alienum non deducit, quia sciudi debet æs alienum inter heredem & fideicommissarium. Hoc nos dici intelligimus, cum dicuntur inter eos sciudi actiones. *§. si quis una h. t.* Quod ¶ igitur hic dicitur, heredes legitimos conventos retinere quartam, ære alieno ultra quartam deducto, sic intelligere debemus: eos retinere quartam ære alieno deducto, idest, non retento, sed deducto de quarta, quam retinent, quoniam hoc æs alienum, quod ultra quartam est, transit in fideicommissarium, & æris alieni actiones.

Ad L. Iubemus. 6.

Imp. Zeno A. Diocorō Præfeto prætorio.

Iubemus, quotiens pater vel mater filio seu filia, filiis vel filiabus, ex æquis vel in æquis partibus heredibus institutis, invicem seu simpliciter quosdam ex his, aut quendam rogaverit, qui prior sine liberis decesserit, portionem hereditatis suæ superstiti, seu superstitibus restituere: ut omnibus modis retenta quarta pro auctoritate Trebelliani senatusconsulti, non per imputationem reddituum (licet hoc testator rogaverit, vel iusserit) sed de ipsis rebus hereditariis dodrām restituatur. Idemque in reinenda legis Falcidiae portione obtinere iubemus, & si pater, vel mater filio, seu filia institutis (sicut supra dictum est) heredibus, rogaverit eos easque nepotibus vel neptibus, pronepotibus vel proneptibus suis, ac deinceps restituere hereditatem.

S U M M A R I A.

1. Species huius legis.
2. In quartam Falcidiam imputantur omnia, quæ iure fideicommissario capiuntur.
3. Fructus pendente conditione fideicom-

missi percepti, item percepti ante diem fideicommissi cedentem iure fideicommissario percipiuntur.

4. Fructus hi an in Falcidiam imputentur.

HIC ins constituitur de certa specie heredum rogatorum, & fideicommissorum, & in hac specie singularia duo hic constituantur circa fideicommissarias hereditates, ex quibus prius constituitur in pr. alterum in §. 1. Caterum ad pleniorē interpretationem iuris propositi, pertinet species, de qua hic ius constituitur, quæ hæc est. Cum ꝑ pater, aut mater filium, vel filiam heredem instituunt, & rogat, ut si sine liberis decesserit filius, restituat hereditatem fratri suo superstiti, aut restituat filio suo, eidemque nepoti testatoris, & aliis deinceps liberis. Hæc species proponitur iōitō. Iō hæc, ut dixi duo singularia constituantur, prius pertinet ad quartæ retentionem, deque eo ita constituitur in principio, filium rogatum eodem modo restituere hereditatem, vel potius heredem filii mortui restituere hereditatem, ita ut quartam retinere possit: hoc commune cum cæteris heredibus rogatis hereditatem restituere: præterea fructus a vivo filio perceptos apud heredem filii manere, nec venire in fideicommissi restitutionem. Hoc quoque ius cum cæteris commune, quoniam hi fructus, qui pendente conditione fideicommissi, aut ante fideicommissi diem ab herede

perceptantur, iudicio testatoris percipiuntur, idest, ideo, quia testator voluit eos heredis esse, *L. mulier, §. si heres, D. h. t.* Sed quod sequitur, singulare est & novum: nam heres filii rogati ita hoc fructus a filio vivo perceptos retinet, ut etiam præcipuos sibi habeat, idest, in quartam non imputet, sed ex iis bonis, quæ fuerunt mortui testatoris, quartam amplius retinere potest; id vero est, quod hic constituitur, ius, ut dixi, novum & singulare.

Nam hoc ius commune est & exploratum, in ꝑ quartam Falcidiam multoque magis in quartam hereditatis, quæ ex senatusconsulto retinetur, imputari omnia, quæ iure fideicommissario capiuntur; ita ut si ea tantum efficiant, quanta est quarta, quæ retineri debet, nihil amplius deducatur, *L. in quartam, ad L. Fulcid.* Fructus ꝑ edim ꝑ pendente conditione fideicommissi percepti, item percepti ante diem fideicommissi cedentem, iure fideicommissario percipiuntur *d. L. mulier, §. si heres.* Unde generaliter traditur in *L. Pupius §. unde si quis, de inoff. testum.* huiusmodi ꝑ fructus sine exceptione in Falcidiam imputari. Ob hanc causam huic loco opponitur *d. L. Pupius. §. unde si quis.* Nam non

non tantum in hoc loco superior definitio generaliter traditur, sed traditur in persona filiorum & heredum institutorum & rogatorum hereditatem post certum tempus restituere, quæ species est contra *L. iubemus*. Nam in *d. §. unde si quis*, agitur de his heredibus rogatis, qui de inofficioso potuerunt queri, hi enim sunt liberi, quibus quarta non relinquitur testamento. Si hæc *lex iubemus*, esset iustiniani una ex 50. eius decisionibus, sine hæsitacione diceremus, hac constitutione iustiniani dictam *L. Papiniani* emendari; Nunc autem hæc *lex Zenonis* non iustiniani est, & in his Legibus quæ sunt in Digest. & Codic. iustinianus vetat quicquam sic accipi, ut sit contrarium *L. 2. §. contraria, Cod. de vet. iur. evocand.* hinc difficultas nata ab interpretibus. Ad hanc quæstionem dissolvendam dicendum est, ius generale & commune esse, fructus pendente conditione perceptos ab herede rogato restituere hereditatem imputari in quartam, quam ex senatusconsulto retinere debet: sed ex hoc iure speciem hic propositam, cum filius institutus est & rogatus restituere fratri, vel liberis suis. Neque ideo est contraria *L. Papiniani. §. unde si quis, de inoffic. testam.* alioqui etiam contrarium dicere oporteret, *L. in quartam, D. ad L. Falcid. d. L. mulier, §. si heres, D. eod.* Non sunt vero hi loci contrarii, quia generaliter scripti sunt de his fructibus in quartam imputandis, sine exceptione heredis & fideicommissi, quibus hereditas restitui debet. Sic ius est, priores leges ad posteriores trahi debere, *L. non est novum, & L. sequens. D. de legis.* Sensus est, quod in prioribus legibus generaliter scriptum est, si quid in posterioribus excipitur in aliqua specie, quæque eius generis sit; priores accipiebantur, quasi de cæteris tantum speciebus sentirent, non de ea specie, quæ postea est excepta, quasi posteriores lese ad priores retulissent, & hoc est, quod aliis verbis dicitur; in toto iure generi per speciem derogatur, *L. in toto, de reg. iur.* Quod ait *lex*, si pater rogatus sit restituere hereditatem filio suo post mortem suam retinere quartam ex *Lege Falcidia*, videri possit contrarium. *L. cum filiusfam. vers. denique de legat.*

1. ubi dicitur, pater si rogatus sit post mortem restituere hereditatem filio suo, hereditatem restituet totam, nec quartam ex *Lege Falcidia* retinebit. Sed dissimiles species utroque loco proponuntur: nam illic filiusfamilias institutus erat heres; & quia per filiumfamilias hereditas patri eius quærebatur iure veteri, ideo rogatus est pater eam hereditatem restituere filio, cum pater moreretur. In hac autem *lege* pater ipse heres institutus est, & rogatus restituere hereditatem filio.

Differentiæ ratio inter has species hæc est, quia cum pater ipse heres est institutus, quartam retinet ex persona sua, quod facere potest ex senatusconsulto. At in specie *d. L. cum filiusfam.* ubi pater institutus non est, quartam retinet ex persona filii, qui heres institutus erat. Non potest autem idem filius & hereditatem ex fideicommissis consequi, & quartam retinere, proinde nec pater, aut patris heres, quia quarta ex persona filii retinetur.

Notandum est in *pr. Leg. portionem L. Falcidiam*, quæ in extremo dicitur, eandem esse portionem, quam appellaverat quartam, quæ retinetur ex auctoritate Trebelliani: ut intelligamus, cum heres rogatus est restituere hereditatem, quartam quæ ab eo ex hereditate fideicommissaria retinetur, dici retineri ex senatusconsulto, & nihilominus recte ex *Lege Falcidia*. Et ita est usus iuris auctorum, ut hanc ipsam quartam, quæ vulgo Trebellianica vocatur, vocent quartam *Legis Falcidiam*, sive quæ ex *Lege Falcidia* retinetur. Id liquet ex *S. ult. huius L.* idem tum ex aliis locis innumeris, tum ex his præcipue, dicta *L. mulier, §. si heres, L. ita tamen, §. Trebell. D. eod. L. Titia D. ad L. Falcid. L. coheredi, §. cum filia, D. de vulg.* Utriusque appellationis hæc ratio est. Dicitur hæc quarta retineri ex senatusconsulto; quia hæc senatusconsulto primum introducta est in hereditatibus fideicommissariis, & tamen nihilominus else dicitur ex *Lege Falcidia*, quia hæc ex senatusconsulto ita introducta est, ut sit nominatim introducta ex sententia eius legis, ut est in *S. Quia heredes.*

Ad §. In supradictis.

In supradictis autem casibus, fideicommissorum servandorum satisfationem cessare iubemus, si non specialiter eandem satisfationem testator exigi disposuerit, & cum pater, vel mater secundis existimant nuptus non abstinendum. In his enim duobus casibus, idest, cum testator specialiter satisfdari voluerit, vel cum secundis se pater, vel mater matrimonium iunxerit, necesse est, ut eadem satisfatio pro legum ordine prebeatur.

S U M M A R I A.

1. Satisfdare quid.
2. Satisfatio an ab herede legatorum

& fideicommissorum nomine exigatur.

Hic alterum singulare & novum constituitur in specie superscripta, circa satisfationem fideicommissi: nam in ea specie, quæ initio est posita, vetatur fideicommissarius, sive si sit frater, filii instituti, sive sint liberi heredis instituti, exigere satisfationem ab herede instituto & rogato instituere hereditatem. Singulare, inquam, hoc ius est: nam ius commune id est, ut heres legatorum & fideicommissorum nomine satisfdet legatariis & fideicommissariis postulantibus satisfdari, idest, stipulantibus legatariis & fideicommissariis promittere, se quibus diebus legata, aut fideicommissa relicta sunt, iisdem diebus legata & fideicommissa restitutum, & in hereditate tuenda a se dolum abfuturum malum, cui cautioni etiam heres fideiussores adiacere debuit. Id enim satisfdare † significat cavere stipulanti fideiussores datis, *L. 1. qui satisfdar. cog.* De hac enim satisfatione scriptum est *L. 1. D. ut legator.* Huic cautioni locus etiam fuit in fideicommissis hereditatibus, neque his tantum, quæ pure essent relictae, sed his etiam, quæ in diem, aut sub conditione relictae essent, *L. hæc stipulatio, D. ut legator.*

3. Quomodo † ergo id ius non potest huic legi videri contrarium, cum hic constituitur in specie proposita eiusmodi satisfationem ab herede non exigi? Respondeo, quod supra dixi a principio, ideo ius commune huic parti contrarium non videri debere; quia generaliter scriptum est de satisfatione exigenda. Hoc enim loco species non ex genere excipitur; quæ exceptione fit, ut quod in lege generaliter est scriptum, videatur cum hac ipsa exceptione esse scriptum: quia priores leges ad

Tom. IX.

posteriores ita sint trahendæ. Sed excipiuntur hoc loco duo casus, quibus fideicommissarius satisfationem ab herede filio instituto possit exigere in specie proposita: si videlicet testator nominatim iusserit, ut filius nominatus satisfdaret; item si filius rogatus secundas nuptias contraxerit: ergo his casibus & frater a fratre rogato, & liberi a patre instituto, satisfationem huius fideicommissi nomine exigere possunt: quæ sententia in totum videri falsa potest, hac ratione: quia nemo audendus sit, qui sollicitus est de hereditate viventis, quod is facit, qui de ea hereditate sibi cavere postulat, *L. 2. §. interdum, de vulg.* Respondeo fideicommissarium, cum de ea hereditate, quæ ei restitui debet ex fideicommissio, sibi postulat cavere ab herede, qui rogatus est restituere, non sollicitum esse de hereditate viventis, sed de mortui testatoris hereditate agere, quam hereditatem heres rogatus est restituere.

Rursum si minus falsa hæc sententia est in aliis fideicommissariis, at saltem falsa est in liberis filii heredis instituti, quibus filius rogatus est restituere hereditatem. Nam si hi liberi sunt in potestate patris rogati, frustra postulant a patre stipulationem, cum inter patrem & filium, qui in potestate est, obligatio nulla possit subsistere; §. *hi, qui in parentum Institut. de obligat. qua ex delict.* Unde in hac ipsa questione de satisfatione fideicommissaria exigenda, diserte scriptum *L. Imperator, D. ad Trebell.* huiusmodi cautionem frustra postulari a patre, manente patria potestate. Facilis & expedita res esset, si hæc constitutio lata esset post constitutionem Iustiniani, nempe post *L.*

L. 2

cum

cum oportet. & L. ult. infr. de bon. que lib. quibus LL. proprietates adventitiorum bonorum filiisfamilias attributa est, post quas constitutiones inter patrem & filium obligatio & actio consistere potest de proprietate adventitiorum, quemadmodum olim poterat consistere de bonis castrensis, *L. is nulla, D. de iudic.* Sed ad eas constitutiones confugere non possumus, quia hæc constitutio Zenonis eo tempore est lata, quo etiam adventitia patri in totum acquirebantur, præterquam & certis quibuscumque casibus, & paucis, ut apparet ex legibus, quæ sunt usque ad

L. cum oportet, infra, de bon. que lib. Itaque etiam obiectio adhuc manet. Respondendo, secundum constitutiones Iulianiani novas rem esse expeditam, ut filius a patre satisfactionem recte exigat de adventitiis, cum ea filio acquirantur. Quod vero ad tempora Zenonis attinet, dicendum est, hanc conditionem hic debuisse accipi ut nepos a patre rogato satisfactionem possit exigere, quo casu sui iuris esset; nam si esset in eius potestate, iure communi uti debuit ex *d. L. Impp. ad Trebell.*

Ad §. Sin autem,

Sin autem is, qui fideicommissaria restitutione gravatus est, uno filio supervivente, vel nepote ex filio, seu filia nato, vel pronepote, vel postumo relicto decesserit: non videtur extitisse conditio: & ideo deficit fideicommissi petitio.

S U M M A R I A.

1. *Quis videatur liberis relictis decessisse secundum conditionem.*
2. *An videatur liberis relictis decessisse*

se, qui decessit non uno filio supervivente, sed nepote, qui natus sit ex filia.

Cum in proposita specie filius rogatus sit restituere hereditatem, si sine liberis decesserit; consequens est, si sine liberis non decederet, deficere restitutionem: proinde & fideicommissum intercidere, quod & eveniret, etiam si de liberis nihil dictum esset, sed simpliciter iussus esset restituere post mortem suam; quia placet semper eandem conditionem intelligi, si sine liberis decesserit, *L. cum apertiss. supr. de fideicom. L. cum unus, de cond. & demonstr.* Hinc queritur, † quis videatur liberis relictis decessisse secundum conditionem. Et primum an videatur decessisse liberis relictis, qui decessit uno filio relicto? Et placet videri hoc loco. Idque est, quod dicitur in *L. non est sine liberis, de verb. sig.* non esse sine liberis, cui unus filius, aut una filia est. Obicitur pluralis numerus, cum dicitur, *liberis*, qui numerus cum minimum duos exigit. *l. ubi de testib.* Respond. hoc ita est, nisi aliud usus lingue observet. Nam uti lingue cuiusque est usus, ita testator sensu intelligitur, *L. si servus, §. ult. de*

legat. 1. Nunc autem Latini *liberos* plurali numero dicunt, non ut plures significarent, sed quia necesse habent plurali numero uti, eum singulari careant. Idem fieri videmus in his verbis; *pugillares & codicilli*, in quibus pugillares dicimus, etiam si sit unus libellus; codicillos, etiam si sit unicum exemplum scripturæ, idque est, quod significatur, in *d. L. non est, de verb. signif.*

Deinde questum est, an videatur † decessisse liberis relictis, qui decessit non uno filio supervivente, sed nepote, qui natus sit ex filia? Cuius dubii causa est; quia qui ex filiabus nascuntur, non sunt in potestate avorum, sed in alienam familiam transeunt. Et placet liberorum appellatione omnes contineri, qui descendunt ex nobis, sive ex masculini sexus personis, seu ex feminiis, *L. liberorum, L. cognoscere, §. ult. de verb. sig.* Hinc est, quod hic dicitur & aliis locis, non videtur decessisse sine liberis, qui etiam nepotem, quavis ex filia natum, habeat. Idem in *L. 2.* est conit. Iust.

Ad §.

Ad §. ult.

Illud etiam admonemus, ea, quæ de Falcidia portione non per reditus, sed per ipsas res hereditarias retinenda & de satisfactione fideicommissorum (sicut supra dictum est) concedenda diximus, non ulterius, quam in his personis & casibus, quorum superius mentio facta est, oportere produci. PP. Kalend. Septemb. Constantinop. Probino & Eusebio Coss.

S U M M A R I U M.

1. An a nepote satisfactio fideicommissi nomine exigi possit, & inserim fru-

ctus ab eodem percepti in quartam imputari debeant?

Quod de fructibus pendente conditione ab herede perceptis in quartam non imputandis: item quod de satisfactione ab herede rogato non exigenda, supra constitutum est, Zeno hoc loco nolle se locum habere dicit in aliis personis heredum, aut fideicommissariorum, item in aliis casibus, seu conditionibus locum habere, quam in superscriptis. Quod ideo caver, ne quod de una dicitur persona, aut in uno genere conditionis, ad alias personas, aliasve conditiones transferamus, in quibus eadem sit ratio, quod secundum regulam iuris alioqui fieri oportebat. *L. non possunt, & L. seq. de legib. L. illud, ad L. Aquil.* Hinc colligimus, si testator, quavis alium ex liberis heredem instituat, quam filium, puta si avus nepotem instituat heredem, quavis roget nepotem, hereditatem fratri suo restituere, aut alicui ex liberis suis; tamen † & a nepote satisfactionem fideicommissi nomine exigi posse, & interim fructus ab eodem perceptos in quartam debere computari, uti ius fuit antiquum.

Huic loco de fructuum imputatione opponitur, *L. quod bonis, §. avus, D. ad L. Falcid.* ubi nepos ab avo institutus & rogatus post mortem suam restituere hereditatem, non imputat in quartam fructus medio tempore perceptos. Respond. Id fit in ea specie qua nepos fructus alios

imputabat in debitum, quod ei ab avo debebatur, ut ibi nominatim scriptum est. Non potest eisdem fructus in duas res diversas simul imputare. Nam cum in unam prius imputabit, deinde habetor, quasi fructus non percepisset. Idem dicemus, si filius heres institutus rogatus sit, si sine liberis decederet, restituere hereditatem aliis, quam liberis, aut fratribus suis. Quin imo et si filius heres institutus rogatus sit restituere hereditatem fratri suo, vel liberis suis, sub alia quavis conditione, quam si sine liberis decederet: dicemus ex hoc loco, & satisfactionem ab eo exigi posse, & fructus ab eo perceptos in quartam imputatum iri. Quo loco opponetur vobis superior regula, de qua dixi, nempe in quibus causis eadem est ratio, ibidem idem ius statui debere. Responsio facilis est, hoc enim ita intelligendum est, nisi legislatori aliud placuisse nominatim constet: nam in voluntate certa non est opus coniecturis. Et quanvis nihil hic nominatim a Zenone cautum sit, nec ius ab eo constitutum ad alias causas, aut conditiones transferatur; tamen intelligere debemus, id non transferri debere, quanvis eadem sit ratio; quia quod supra constitutum est, ius est singulare, & contra regulam iuris: quod ius eiusmodi est, ad consequentias deduci non debet. *L. quod vero, & L. seq. de legib.*

Ad Auth. Nisi rogati.

Nisi rogati restituere datum dotis causa vel propter nuptias donationis, vel relictum sub conditione nuptiarum vel liberorum, monasterium vel alium locum venerabilem ingrediantur: sive restitutio aut substitutio fiat sub predictis conditionibus, sive in redemptionem capitulorum, seu in egentium alimenta.

S U M M A R I A.

1. *Quidquid rogatus quis est restituere sub conditione, non suscepturum, non contrahendum, toties licet rogato contempta conditione monasterium ingredi, & datum sine fraude secum retinere.*

2. *Datio dotis causa conditionem habet, si nuptiae sequantur.*

3. *Conditiones in testamentis, quae contra bonos mores sunt, pro non adiectis habeantur.*

Supra constitutum est in initio *L. iubemus*, si filius rogatus sit hereditatem restituere, si sine liberis decederat, existente conditione fideicommissum deberi, sic tamen, ut quarta retineri possit: hic in hoc fragmento adicitur exceptio; nisi is, qui sub ea conditione restituere rogatus est, monasterium, aut cœnobium ingrediat, & ibi cœlibem vitam agat, & § generaliter constituitur quicquid rogatus, aut iussus est quis restituere sub conditione, supple, non suscepturum, vel sub conditione, rursus supple, non contrahendum, toties licet rogato, contempta conditione monasterium ingredi, idque si fecerit, posse datum & relictum sine fraude secum retinere. Intelligitur enim quis rogatus esse sub hac conditione, alias aperte, alias tacite: quomodo aperte, ex verbis notum est: id enim continetur in specie, de qua quaeritur in *L. iubemus supra*. Tacite autem id agi intelligitur, cum quid datur dotis causa.

2. Nam hæc § datio conditionem habet, si nuptiae sequantur, *L. plerumque, §. si autem, L. stipulat. D. de iur. dot.* Idque ideo, quia dos sua natura sine matrimonio esse non potest. *L. 1. 2. 3. de iur. dot.* Proinde cum eiusmodi datum datur ob causam, ut nuptiae sequantur: consequens est, causa non secuta, conditionem non competere ob causam dati, *sic. D. de cond. causa data, causa non secuta*. Eiusdem generis est, quod donatur propter nuptias: nam & hoc eandem conditionem habet, si nuptiae sequantur, *§. est & aliud, Inst. de donat.* Idcirco & id ob causam datum intelligitur, qua non secuta, eadem conditio est, ut datum restituatur, si videlicet nuptiae non sequantur,

Sed huic constitutioni opponitur voluntas testatoris: nam ex verbis manifestum est, testatorem voluisse restitui hereditatem, si heres rogatus sine liberis decederet. Hac conditione existente omnia iura clamant voluntatem testatoris esse servandam. Sic in *L. 12. tabul. L. verbis legis, de verb. sig.* Confirmatur nominatim ab eodem Iustiniano, in *Novel. de nupt. §. dispensat.* ubi his verbis utitur, *statuat testator, & erit lex.* Huius enim iuris ratio & æquitas ostenditur supra in *L. 1. de sacrosanct. eccles.* Ad hoc diluendum Accursius & plerique alii hac usi sunt exceptione, quod dicerent, heredem rogatum, qui monasterium ingressus est, videri filium genuisse, nempe monasterium, ut sic iure dici possit conditionem fideicommissi defecisse, quod bene a Bartolo notatum est, & est absurdum. Nemo enim dicitur gignere enim locum, in quo est, & in quo alitur, sed potius ab eo gigni, quomodo patriam nostram, parentem omnium nostrum dicimus. Ratio huius conditionis ea est, quam Iustinianus in *Novell.* unde hoc fragmentum sumptum est, reddidit. Voluit enim fideicommissum restitui non debere, quasi irrita conditio facta, ut intelligamus hoc casu reiici conditionem, *si sine liberis decesserit.*

Sed tamen amplius quaerimus hic, cur hanc conditionem reiicit contra voluntatem testatoris. Hic enim eadem dubitatio relinquitur. Respondeo: hoc ex errore illorum temporum natum est. Nam iam tum invaluerat in ecclesia hæc de Deo opinio, ut vitam monasticam cum cœlibatu coniunctam existimarent cœlestem, tanquam contemplationi soli deditam, usque

que adeo: ut fatigium pietatis in ea vita collocarent, ut intelligere possumus ex epistola Basil. Mag. ad Grego. Nazianzen. Quam recte, nostro saeculo Dei beneficio intellectum est. Et cum in eo de cultu Dei agatur, & re ad pietatem pertinente, quid ex eo sequendum sit, ex verbo Dei iudicandum est. *Constat autem nihil verbo Dei (*) tam contrarium esse, quam vitam monasticam & solam, etiam eorum, qui optimi inter monachos habitii sunt.* Ceterum hac opinione posita, quam sup. dixi, consequens fuit ut reiceretur hac conditio, si heres sine liberis, aut nuptiis decesserit, tanquam quæ esset contra bonos mores, quatenus præmio hereditatis proposito invitabatur heres ad repudiandum propositum tam sanctum vitæ monasticæ suscipiendum. Perinde est igitur, quasi ita diceretur a Iustiniano: quod iubetur restitui sub conditione, si is, qui acceperit, sine liberis, aut nuptiis decessit, sub contraria conditione ei datum intelligitur, si nuptias contraxerit, si liberos suscepit, *L. aliquando D. de cond. & demon.* Hæc enim conditio dati, si quis nuptias contraxerit, aut si liberos suscepit, est contra bonos mores in eo, qui vitam monasticam elegerit, ob eam, quam sup. dixi causam.

Placet igitur eam hoc casu reici de-
bere. Certe iuris est enim, † conditiones

in testamentis, quæ contra bonos mores sunt, pro non adiectis haberi, *L. conditiones, contra, de cond. instit.* In contrariis autem eodem numero habentur causæ impossibiles, propter quas aliquid datum est, veluti si pecunia sit data, ut nuptiæ sequamur. Si quid donatum sit propter nuptias, *L. dictam sup. de condit. ob caus. dat.* Causa enim, quæ contra bonos mores est, impossibilis est. *L. filius, de cond. inst.* Sed hic Iustinianus adiecit exceptionem. Quod enim dicitur, quod quis rogatus esset restituere hereditatem, si sine liberis decesserit, aut sine nuptiis, fideicommissum non deberi, si is, quod rogatus est, monasterium ingredietur: hoc ita esse placet, nisi rogatus sit sub ea conditione restituere, in redemptionem captivorum, aut in alimenta pauperum. Nam hæc causa, quæ pietatis causam habet, coniuncta cum voluntate defuncti, prævalet. Hæc exceptio est in *Novell. de sanctis. epif. 5. sed & hoc præsentis in fin.* Unde monendi sumus, in hac *Auth. nisi*, vitiose legi hæc verba extrema, siue in redemptionem captivorum, nam pro siue legendum est nisi. Hic enim non continetur definitio præfens, sed eius definitionis exceptio subicitur, nempe ea, quam modo diximus,

Ad Auth.

(*) Faber Donellus a D. Basilii usque temporibus eam de Monastica vita invaluisse in Catholica Ecclesia opinionem, (quæ erat utique illi debita atque honestissima: ut tale Monachorum institutum SS. Ecclesiam Patres uno ore omnes culte vivendi genus ducerent & itaque appellarent sanctitatis fatigium. Sed ipse ipsoque Calvinii erroribus addictus non dubitat dehi itaque seditque hominis rationi veteri omnium Doctorum Ecclesie, Patrumque traditioni interponere; & quod non irrisum dignum, sed lacrymis, hac in re valde sibi placet, & eo temeritatis & summi periculi, ut novam quasi lucem a Calvino Catholicæ Doctrinæ periculi vellet obortus, quæ fidei-

sinæ videlicet Christi atque Apostolorum doctrinæ, atque inde nata veterani Ecclesie patrum traditioni teneretur obducit: quis non miretur ingentem hominis confidentiam? Sed ne forte patet sibi verba dari lector, dum hæc sine ullo teste affirmamus, consulat Emin. Bellarmus. *Centur. Ora. de Munde. lib. 2. de Monach. cap. 5. et seqq.* qui Monachorum institutum ab Apostolorum tempore obtinuisse in Ecclesia, meritoque habitum fuisse ex omni Ætate sanctissimum ostendit, quod & eius antiquitatem, & sanctitatem ab omnibus Lutheri, Melancthonis, & Calvinii contumeliis atque calumniis vindicat.

Ad Auth. Contra.

Contra cum rogatus fueris quis ut sine liberis decedens, quod tunc ex hereditate superest, restituat, vel alius huiusmodi fideicommissi verbis gravatus: quartam institutionis fideicommissario restituere cogitur. Super hoc igitur & cautionem, nisi a defuncto remissa sis, exponit. Quod si contingat eam deminui: aut ex ipsius substantia suppletur, aut ea deficiente, in rem actione & hypothecaria fideicommissario uti permittitur adversus rerum acceptores. Ex causa tamen dotis, seu propter nuptias donationis, seu captivorum redemptionis, vel si non habeat, unde faciat expensas, huius quartae permittitur deminutio.

S U M M A R I A.

1. *Heres an possit ex iudicio defuncti alienare, & consumere quodlibet ex hereditate.*
2. *Quid iuris, si heres non tantum doderantem, sed etiam quartam consumat.*

3. *Quid si nihil alienaverit, nihilque consumpserit ex hereditate, nisi eo mortuo heres eius doderantem retinere, & suo arbitrio consumere possit, ut tantum quartam consumere cogatur.*

HAC authentica nihil plane corrigitur in *L. inbema*, cui hæc authentica subiecta est; sed declarat, quid intersit, utrum heres institutus rogetur simpliciter hereditatem restituere, an vero rogetur restituere, quod ex hereditate supererit, cum decederet. Et hoc est, quod significatur hoc verbo, *contra*, quod sic accipiendum est, quasi diceretur: cum heres rogatus est restituere hereditatem *si sine liberis decederit*, de hereditate suo arbitrio nihil imminuere potest, sed restituens cogitur doderantem restituere, quantum retinere potest. Contra diversum erit, cum rogatus sit restituere decedens id, quod ex hereditate supererit. De quo quid hic constituitur, ut possit intelligi, sciendum est, fuisse veterem questionem in hoc genere fideicommissi, an heres ꝑ his verbis rogatus possit ex iudicio defuncti alienare & consumere quodlibet ex hereditate, ut si quid ex ea superest, id restituat; si nihil, nihil debeatur, id quod verbis fideicommissi videtur effici, cum ita dicit: *restituat, quod ex hereditate supererit*. Hæc verba, *si quid supererit*, conditionem habent. *L. 5. de legat. 1.* Hæc autem conditio, *si quid superest, restituat* contrariam conditionem tacitam habet: *si nihil supererit, neutiquam restituat*. *L. si quis, §. 2. D. de cond. & dem. L. 1. D. de offic. eius, cui mand. est iurisdic.* Et hoc

non aliter esse, & M. Antonino & Papiniano visum est, qui tamen ut in hac fideicommissi specie bonam fidem heredis contineri, ita constituerunt heredi licere hereditatem imminuere prout libere, nisi intervendendi fideicommissi causa id probaretur factum. *L. Titius, D. eod.* Sed hoc ius incertius visum est Iustiniano contra idipsum, de quo quaerebatur, & ideo visum est illi consultum esse, hæc de re, id est de potestate imminuendi res hereditarias certi aliquid constituere, quod, fecit *Novell. de restit.* cuius summa descripta est in *Auth. contra*.

Sic vero de eo constituit: qui rogatus est restituere decedens quod ex hereditate supererit, iure suo de doderante hereditatis statuere pro arbitrio potest, ut vel alienet, vel consumat, prout volet, ut omnibus iustis dominis in re sua agere licet: quartam reliquam attingere non potest, sed integram fideicommissario servare cogitur; quamobrem etiam huius quartæ nomine satisfatio ab herede vivo exigere potest, nisi testator veterit nominatim exigere. Quid si filius heres nominatim a patre institutus, rogatus sit restituere, si sine liberis decedat, id quod ex hereditate supererit; sed restituat fratri, aut liberis suis, an etiam hoc casu, huius quartæ nomine satisfacere debebit? Verba constitutionis generalia sunt, nullas enim perso-

nas

nas heredum exceptit: ut videri possit in specie hac corrigere *L. iubemus. §. 1. sup. hic.* ubi satisfactio a filio herede instituta & rogatio restituere hereditatem fratri, per liberos exigi prohibetur. Sed dicendum est hanc Authenticam, & constitutionem Iustiniani ad eam speciem *L. iubemus*, non pertinere. Quavis enim hac constituto Iustiniani generalis sit, potius quam *L. iubemus*; tamen semper hanc regulam tenere oportet, posteriores leges ad priores trahi, nisi nominatim sint contrariæ. *L. sed & posteriores, D. de legib.* Sensus est: posteriores leges, nisi nominatim prioribus derogent, non videri prioribus derogare, sed cum exceptione priorum intelligendas esse, de qua re supra ad *L. iubemus*, dictum.

2. Quid si heres § in specie proposita non tantum dodrantem, sed etiam quartam consumat? Placet eum de suis bonis sarcire debere, si habet: si non habet, datur fideicommissario ad huius quartæ persecutionem & rei vindictam, & hypothecaria actio, quas actiones diversis de rebus dari intelligendum est. Datur vindicta de rebus hereditariis, quia conditione fideicommissi existente, & restituta hereditate fideicommissarius rerum hereditariorum dominus est effectus. At hypothecaria iisdem de rebus non competit: nam hypothecaria pignora persequitur. *§. item Serviana, Inst. de act.* Nulli autem res sua pignori teneri potest. *L. neque pignora, D. de reg. iur.* Sed datur hæc actio de rebus heredis, quæ sunt alienæ, de quo diximus sup. ad *L. 1. 2. com. de leg.* Sic tamen prohibetur hic quarta ab herede immitti, ut quatuor in eussis etiam eius immittitio concedatur. Nam primum, si heres dotem filix constituit vellet, & nihil habeat in bonis, unde dotem hanc constituere, aut restituere possit; licet quarta etiam reliqua hereditatis in hac constitutione & restitutione dotis uti. Idem ei licet facere, si donationem propter nuptias causa mortis vellet constituere filix nomine, aut cum mulier esset rogata, ut soluto matrimonio donationem propter nuptias restituere debeat; & non habeat, unde hæc præstet. Sed horum utrumque conceditur sub conditione, si heres non habeat in suis facultatibus unde dotem hanc, aut donationem propter nuptias præstet: quod si habebit, de suo præstabit, non de quarta, ut nominatim in his duobus casibus cautum est *Novel. Iustin.* Potest & hanc quartam consumere in redemptionem capivorum, quod illi facere conceditur, sine ulla exceptione, si ve ha-

beat quid in bonis, si ve non habeat, ut apparet legenti *Novel. Iustin.* Si nihil horum est, etiam permittitur heredi quartam consumere, si nihil habeat aliud, unde vivat. Ceterum his causis exceptis, non permittitur ei quartam hereditatis attingere, dodrantem autem pro arbitrio consumere conceditur. Quod si § heres bonam fidem secutus nihil alienaverit, nihil consumpserit ex hereditate, utrum eo mortuo heres eius, dodrantem retinere possit, & suo arbitrio consumere, ut tantum quartam restituere cogatur? Nos ita tenebimus, ubi de hereditate nihil est imminutum, heredem heredis rogati nihil amplius ex hereditate retinere posse præter quartam, dodrantem autem restituere cogendum esse. Idque Senatusconsulto efficitur, *§. sed quia, Inst. cod. L. iubemus, sup. h. t.* Hoc amplius ita statuimus; si heres rogatus, dum viveret, tantum ex fructibus hereditariis percepit, quantum ad quartam hereditatis sufficeret, eos fructus in quartam imputari, & ita totam hereditatem restitui debere, quarta exclusa, uti ius antiquum fuit. *L. Papius. §. unde si quis, D. h. t. L. mulier, 1. resp. §. si heres, D. cod. L. in quartam, D. ad L. Falcid.* Hæc ita sunt ex voluntate defuncti, qui hereditatem restitui volet, ut mutari non possit, nisi adversus voluntatem testatoris aperte faciamus. Nam verba fideicommissi sunt manifesta; iubet testator heredem suum restituere, quod ex hereditate supererit: omnia supersunt ex hereditate, quia nihil consumptum est, ut fingimus; necesse est igitur secundum voluntatem hanc omnia restitui. Et quoniam Senatusconsultum potestatem facit quartæ retinendæ, ideo heres rogatus, aut, eo mortuo, heres eius quartam retinere ex Senatusconsulto poterit, sed nihil amplius. Hæc ex iure veteri sunt rata; necesse est igitur eadem nunc manere etiam, nisi posterioribus constitutionibus Iustiniani vel aliorum Imperatorum mutata sint, & aperte mutata. Tenenda enim semper est hæc regula: quicquid ex iure veteri correctum non est, id veteris iuris regulis esse relinquendum. *L. præcipimus, in fin. infr. de appell.* At superiori iuri posteriores nullæ leges adversantur. In primis non obstat Iustiniani Novella de ressit. unde hæc Authentica est desumpta; quia Iustinianus lata ea Novella permittit heredi, qui ita, ut supra scriptum est, rogatus est restituere, consumere ex hereditate, quantum velit, dummodo quartam non attingat, & in ea potestatem ei facit dodrantis non restitu-

tuen-

tendi, sed ita, si dodrantem consumpserit. Nihil autem addidit, quod retinere heres deberet, aut posset, ubi nihil consumpsit. Proinde ubi nihil consumptum est, ius erit antiquum iuxta regulam superscriptam.

Non obstat hæc authentica, ubi dicitur: eum heredem, de quo agitur, vel succellorem cogi restituere quartam. Hoc enim non ita dicitur, quasi solam quartam restituere semper debeat; sed quia interdum non cogitur amplius restituere, videlicet si cætera hereditatis consumpserit: quod auctor huius authenticæ aliter sentit; quia ex Novella Iustiniani non colligitur ita: præterquam vero, quod ex verbis Iustiniani id non colligitur, etiam minime colligitur omnium ex sententia Iustiniani. Nam multis locis Iustinianus est testatus in supremis testantium voluntatibus, sibi hoc unum curæ esse, ut serventur supremæ voluntates, *L. 1. 2. in fin. supr. com. de leg. & aliis locis innume- ris*. Idem ipse in specie proposita in dicta *Novell. de restit. §. pen. in fin. §. testa- tur*, se id agere, ut in hac quoque specie voluntas testatoris servetur. At enim, si testator vetuit satisfactionem quartæ exigi, se non pati, ut ea exigatur; quin si exi- gat, non sit eius, qui conservat volun- tatem testatoris: quasi hoc absurdum pu- tet non conservare. Atqui iam dixi & manifestum est, cum nihil ex hereditate consumptum est, voluntatem testatoris esse, ut quicquid ex hereditate supererit, re- stituat. Ergo & secundum sententiam Iustiniani restitui debet, quo defuncti vo- luntas conservetur. Non obstat *L. quan- quam, infr. ad L. Falcid.* ubi scribitur, quemadmodum heres, a quo legata supra dodrantem relicta sunt, retinere quartam potest ex *L. Falcidia*. Ita etiam decesserit,

heredem eius, quanvis legitimam, eodem beneficio uti posse, ex quo Accursius per- verse colligit, sententiam hanc genera- lem: quod heredi rogato aliquid præsta- re, conceditur in eo quod rogatus est, id etiam successori eius concedi. Quæ desin- itio, neque ex eo loco colligitur, & per se aperte est falsa, ita ut nihil magis.

Nam ne longius abeamus, id liquet ex proposito exemplo. Heres institutus ro- gatus est, si sine liberis decesserit, resti- tuere hereditatem Titio. Certum est he- redem, dum vivit, retinere posse heredi- tatem. At eo mortuo heres eius statim restituere iubetur, *L. iubemus sup. h. r.* Similiter in proposito est dicendum; he- res restituere rogatus est, quicquid eo mortuo ex hereditate supererit: poterit is heres dodrantem consumere, si volet, ex constitut. Iustiniani. Sed si non con- sumpserit heres eius, restituere cogetur; quia ex hereditate defuncti id superest. Quid igitur ad speciem *d. L. quanquam*, dicimus? Respondeo, res expedita est: quicquid heredi rogato conceditur, id & successori eius concedendum est, nisi vo- luntas testatoris refragetur, & eiusmodi sit voluntas, quam leges tneantur, ut dixi in persona eius heredis, qui moriens est rogatus. Nam vivus retinere potest secun- dum voluntatem defuncti: ipso mortuo heres eius non potest: quia testatoris vo- luntas refragatur iuventis tunc restitui he- reditatem. Idem fit, cum heres rogatur restituere, quod ex hereditate supererit. Nam voluntas defuncti viventi potestatem facit consumendi pro arbitrio usque ad dodrantem, ut Iustinianus voluntatem est interpretatus: at heres eius non potest idem facere; quia voluntas testatoris iu- bet eum heredem restituere, quod ex he- reditate supererit.



Ad L. sancimus. penult.

Imp. Iustinianus A. Iuliano Praefecto praetorio.

Sancimus, licentiam esse etiam soli tutori recte fieri fideicommissi nomine universitatis restitutionem, quod pupillo relictum est, & sine onere fideiussionis: ubi tamen pupillus dari non possit, vel abesse nescitur: ne dum nimia subtilitate utimur circa res pupillares, ipsa subtilitas ad perniciem eorum revertatur. Idemque iuris esse oportet, & si furioso fideicommissaria debeatur hereditas: ut restitutio curatori eius soli nomine scilicet furiosi celebretur. Quis enim sensus, quæ vox certa furioso esse intelligitur, cum in utroque casu restituentes plenissimam consequantur ex nostra lege securitatem: hoc eodem observando, & si ipsi pupilli, vel furiosi restitutione gravati sunt.

S U M M A R I A.

1. *Pupillo & furioso quomodo recte restituatur hereditas, ut in eos actiones transferantur ex Senatusconsulto.*
2. *An soli tutori hereditas possit restitui, ut in casibus pupillo acquiratur, & an in pupillum actiones transeant.*
3. *Heres cum restituit hereditatem tutori, an ea restitutione liberetur, an vero caveri ei debeat cum fideiussoribus datis a tutore, heredem indemnem esse futurum.*
4. *Pupillus si heres institutus, & restituere hereditatem rogatus, quis & quomodo restituat.*

Rogatus est heres restituere hereditatem pupillo, rogatus est restituere t furioso: in his personis quaeritur, quomodo hic recte restituatur hereditas, ut in eos actiones transferantur ex Senatusconsulto? Movet quaestionem personarum conditio; quia non restituitur hereditas, nisi consensu fideicommissarii. *L. restituta, D. eod.* Et praeterea valde iniquum est, quenquam invitum, aut ignorantem restituere obligari. *L. qui in aliena, in pr. de acquir. hered.* Porro infans pupillus consentire non potest: furiosus nullo modo: per tutores autem & curatores solos obligari hos, nihil continetur hic. Hinc quaeritur, quid in his personis sit factu opus ad restitutionem hereditatis, & translationem actionis? De pupillo primum dicemus. Ipsi pupillo, si maior est 7. annis, recte hereditas restituitur: nam ea ætate sentire aliquid & velle existimatur, sed tutoris oportet accedat auctoritas, *L. restituta, §. 1. D. b. t.* Ratio huius rei redditur in *Institutionib. de auctor. tut.* Sed fieri potest, ut pupillus sit infans, cuius nulla voluntas: fieri potest, ut pupillos maior infante absit. Hic duo quaerita sunt, de quibus tus novum constituitur hic. 1.

Tom. IX.

Quaeritur, t an soli tutori hereditas possit restitui, ut in casibus pupillo acquiratur, & an in pupillum actiones transeant? Et placet soli tutori his casibus recte restitui, in quo intelligimus recedi a iure veteri, quo etiam continetur factum infantis, *L. servi, §. si pupillo, D. b. t.* Hoc ideo constitutum est, quia necessitas & utilitas pupillorum hoc exigit: nam severa infans consentire non potest, ut valde ineptum sit, ei tanquam consentienti adhiberi tutoris auctoritatem. Huc regula pertinet; etsi nihil facile ex solemnibus sit mutandum, id est ex solemnium communi usitato iure; tamen ubi evidens ratio postulat, subveniendum est, *L. pen. D. de integ. rest. L. est, de leg. iur.* Deinde quaeritur, quid pertineat ad liberationem heredis restituentis fideicommissum, an t is, cum restituerit hereditatem tutori, ea restitutione plene liberetur? an vero, quia non plene liberatur, debeat ei caveri cum fideiussoribus datis a tutore heredem indemnem esse futurum? Et constituitur hoc loco, restitutionem hanc sine ulla damno & periculo heredis processuram, & ob id nullam satisfactionem eo nomine a tutore exigi posse: in quo rursum sus novum

A a a

vum

vum a Iustiano est constitutum. Reces-
sit enim ab eo iure, quod prius ipse con-
stituit *L. sancimus, de restit. milit. § L. constitutionem, sup. de administ. tutor.*
Quibus constitutionibus cautum est, quod
pupillo datur, id neque tutori, neque pu-
pillo tutore auctore recte solvi, ut debitor
plene, & sine ullo metu liberetur, nisi
auctoritate iudicis id debitor fecerit, qui
passus sit se in ius vocari, & vocatur tus-
tu iudicis solius, vel tutoris vel pupilli.
Iustianus quosdam excepti casus, quibus
adiicere debemus casum loci huius, nempe
cum de restituenda pupillo fideicom-
missaria hereditate agitur. Eadem dicen-
da sunt, inquit Iustianus, in curatore
furiosi. Hoc sic est intelligendum, ut sint
eadem, quod attinet ad facultatem resti-
tuendæ hereditatis curatori, & ad libe-
rationem heredis restituentis. Cæterum
multum interest ad vim acquisitionis heredi-
tatis. Nam cum tutori pupilli restituta est
hereditas, sic hereditas acquiritur pupillo,
ut etiam eo mortuo intra pubertatem
transferatur hereditas ad heredem eius. *L. si infanti, sup. de iur. delib.* At cum he-
reditas restituitur curatori furiosi, quan-
diu furiosus vivit, retineri potest heredi-
tas; sed si is in eodem furore decesserit,
perinde erit, quasi hereditas non esset qua-
sita *L. ult. §. tali itaque, sup. de cur. furios.* Hæc dicta sunt de pupillo & fu-
rioso, quibus heres rogatus est restituere
hereditatem. Quid e converso si pupil-
lus heres institutus sit, & rogatus heredi-
tatem restituere, quis & quomodo resti-
tuet? Hic rescriptum est, & hic eadem
esse dicenda. Id habet hanc sententiam:
si pupillus & fari potest & præsens est,
ipse restituet hereditatem, sed tutore au-
ctore, *L. restituta, §. 1. D. h. t.* quod
si autem infans est & aberit, tutor solus

recte restituet, idemque in curatore furiosi
dicendum est, ut curator solus recte re-
stituat. Sed hoc ita est, nisi pupillus ro-
gatus sit hereditatem restituere ipsi tutori.
Nam hoc casu ipse sibi tutor restituere non
potest, quia non habet, quod restituat, ut
iura & actiones transeant. Nam hæc actio-
nes sunt penes pupillum heredem, non tu-
torem. Pupillus igitur eas restituet, non
tutor. Rursus pupillus restituere tutori
non potest: non enim potest quicquam a
se dimittere & alienare, sine tutoris au-
thoritate, *Inst. de auctor. tut. L. obliga-
ri, D. de auctor. tut.* Porro tutor in rem
suam auctor fieri non potest. *L. 1. de au-
ctior. tutor.* sic fit, ut eius voluntate, &
auctoritate restitui ei hereditas non possit
dicta *L. restituta, §. 1.* Et ideo aut alius
tutor querendus est, qui pupillo auctor
sit, aut iudex adeundus est, cuius aucto-
ritate restituat pupillus hereditatem, argu-
mento *L. si infanti, sup. de iur. delib.*

Sed hic occurritur. Nam constat tuto-
rem solum, si quod ei pupillus debeat,
posse sibi solvere. *L. quoties, g. §. si
quid D. de administ. tut.* Cur ergo &
non potest fideicommissarius sibi a pupillo
debitum solvere restituendo? Quia solutio,
de qua dicitur in *d. L. quoties, §. si quid,*
intelligitur naturalis solutio pecuniæ, ut
solutionis verbum significat, *L. solutam,
D. de solut.* perspicuum est autem mul-
tum interesse inter corpora pecuniæ, &
actiones incorporales. Corpora pecuniæ a
tutore corpore sumi possunt, eaque in rem
suam potest tutor convertere natura. At
actiones naturales sunt tantum in pupillo
herede, quas secundum naturam tangere,
& tractare tutor nequit: solum ex animo
constitunt, sic animo & voluntate trans-
feruntur, voluntate, inquam, eius, in quo
subsistunt actiones.



Ad §. 1.

Cum autem aliquis hereditatem restituere iussus est, & dolo malo, vel post litem contestatam, vel ante sese contumaciter celaverit: vel si suppositus fideicommissarie restitutioni, antequam restitueret hereditatem, ab hac luce subtractus est, nullo herede vel successore ei existente: vel fideicommissarius, cui restituta est ex Trebelliano Senatusconsulto hereditas, alii per fideicommissum restituere iussus fuerit res hereditarias: quemadmodum actionum translatio celebraretur in tribus istis casibus, apud veteres dubitabatur, & Domitius Ulpianus constituendum esse super his putavit. Sancimus itaque, ut si ve per contumaciam absuerit is, cui restitutio imposita est, si ve morte præventus nullo relicto successore fuerit, si ve a primo fideicommissario in secundum translatio celebrari iussa est: ipso iure utiles actiones transferantur. Dat. X. Kalend. Novemb. Constantinop. Lampadio & Oreste VV. CC. Coss.

S U M M A R I U M.

1. Hereditas fideicommissaria, quando & quomodo acquiratur fideicommissario.

HIC locus ostendit in universum, quando † & quomodo hereditas fideicommissaria acquiratur fideicommissario. De eo ita statutum est: tunc demum hereditatem acquiri fideicommissario, eum ab herede rogato restituta est. Proinde acquiri restitutione, non aliter. Id ex hoc loco intelligitur hoc modo. Nam eum hic dicitur in casibus tantum certis hereditatem fideicommissario acquiri ipso iure, hoc ipso confirmatur non acquiri extra hos casus, non acquiri, nisi tunc cum ab herede est restituta. Hæc autem sententia satis intellecta est ex Senatusconsulto L. 1. D. h. t. Nam eo Senatusconsulto eorum est, ei & in eum dari actiones, cui fideicommissum restitutum erit, si ve ut est in §. restituta, Inst. eod. cui ex fideicommissum restituta erit hereditas, his verbis: cui hereditas restituta est. Condicio hæc confirmatur, si ei fideicommissum, aut hereditas sit restituta. L. Stichum. 6. de legat. 1. Inde dictum est, si heres, priusquam adiret & restitueret hereditatem, decesserit, interciedere fideicommissum, L. ille a quo, D. eod. Nam herede mortuo neque ipse, qui non est, eam restituet, neque heres eius hereditatem eam adire potest; quia hereditas non adita non transmittitur ad successores heredis, L. unica, §. in novissimo, Inst. de ead. toll. Sed tamen iussu de causis interdum placet hereditatem fideicommissario etiam

Tom. IX.

ipso iure acquiri, & ipso iure transire in eum actiones: quo verbo hæc constitutio videtur in fine, ipso iure valet, iuris potestate sine ullo facto, aut opera fideicommissarii, id est, sine ulla restitutione, & susceptione hereditatis: quomodo hoc verbum usurpatur, cum de ius suis hereditas hereditatem ipso iure acquiri. Hoc enim significatur, suis hereditibus etiam ignorantibus & invitis acquiri, sine ulla additione hereditatis, aut pro herede gestione. §. fin. Inst. de hered. que ab intestato. Ut autem ita transferatur hereditas & actiones, trihus in casibus receptum est, de quibus hic est constitutum.

1. Casus: si heres conventus iudicio, ut hereditatem restitueret, dolo malo se celaverit, aut post litem contestatam, vel ante. Exigit constitutio, ut se celaverit contumaciter. Id ita fieri intelligitur, non si semel conventus non venerit in ius, sed si tribus denuntiationibus evocatus, aut una, quam prætor etiam dixerat pro omnibus, præsentiam sui facere contemnit, sic enim definitur contumacia in L. contumacia, D. de re iudic. Exigit constitutio, ut se dolo malo celarit: ex quo intelligimus, aut ipsi heredi coram eisdem denuntiandum, aut probandum, significatum illi fuisse a domesticis, apud quos vocatio in ius facta est. Notandum est autem non exigi, ut heres pronuntiatus sit a magistratu se celasse, sed solum ut se celi-

A a a

cel-

celaverit: ex quo colligitur, nulla sententia iudicis hac in re opus esse, ad decedendam contumaciam heredis vocati, sed satis esse probari, eum rite vocatum contempsisse. Sed quomodo id probabitur? Respond. ex actis iudicis sui tribunalis; nam in his perscribitur petitio fideicommissarii, iussus magistratus iubentis heredem vocari & adesse, vocatio apparitoris, & contemptus heredis, qui declarat ad conditum diem non venisse.

II. Casus, si heres rogatus ante restitutionem hereditatem decesserit sine ulla herede, quod sic intelligitur: si decesserit, prius adita hereditate, ita ut de ea solum restituenda ageretur. Nam aliqui, qui non adita hereditate decesserit, facit, ut intercidat fideicommissum, ut initio dixi ex *L. ille a quo, §. 1. in fin. D. eod.* Sed quomodo probabitur heres decessisse sine herede, cum possent esse innumerales heredes, qui taceant? Respondeo, hoc ipso probatur, quod nulli heredes essent, & ideo si fideicommissarius mortuo herede rogato putet, heredem sine herede decessisse, potest tuto convenire hereditarios debitores, quod dicat actiones hereditarias in se ipsum iure transisse, quia heres sine herede decesserit; nam si debitores dicent ei esse aliquem heredem, qui dicunt, probare debent, *L. 2. de probat.* si non probant, nulla probatio a fideicommissario est exigenda. Quia hæc oratio: *heredem decessisse sine ulla herede relicto*, negatio est facti. Factum autem negantis per rerum naturam nulla est probatio, ut est in *L. alter, sup. de probat.*

III. Casus, si heres rogatus sit restituere hereditatem Primo, & is Primus rogatus sit restituere eandem hereditatem Secundo. Placet hoc casu, si Primo restituta sit hereditas, statim sine ulla alia restitutione actiones transire in fideicommissarium Secundum, si ei pure restituitur hereditas: aut si restitui debeat sub conditione, tunc transire, cum conditio existerit. Huic casui similis est, ac prope idem, qui refertur in *L. 1. §. sed & quoties, D. eod.* cum videlicet heres rogatus est restituere hereditatem duobus, uni partem pure, alteri partem sub conditione, & postulate eo, cui pure relicta erat, heres hereditatem adiit, & totam ei restituit. Placet enim conditione alterius partis postea existente, statim postea actiones transire in eum fideicommissarium, cui sub conditione pars relicta erat. Sed cur id receptum est potius in persona fideicommissarii, quam in persona

heredis Instituti, id est, cur potius ab herede exigimus, ut hereditatem restituat, quam exigimus a fideicommissario Primo, ut, eam Secundo fideicommissario restituat? Respondeo, ubi heres non restituit, nemo est, qui restituat, & ubi semel fideicommissario Primo restituit, videtur sub persona eius, & Primo & Secundo restituisse, quasi Primus & sua, & fideicommissarii gratia acceperit. Hic opponitur *L. 3. §. de illo D. eod.* ubi in eadem specie dicitur Primus fideicommissarius restituendo transferre actiones in Secundum. Respondeo, restituendo transfert, si vult: si non vult, nihilominus ipso iure transeunt actiones in fideicommissarium. Quod si Ulpianus aliud sensit, in *§. de illo*, sciendum eum locum hac constitutione emendari, quæ est ex 50. decisionibus Iustiniani. Ut sunt tres hic casus hoc loco constituti, in quibus sine ulla restitutione hereditatis transeunt in fideicommissarium; ita non plures casus occurrunt, quibus actiones transeunt. Postremo obstat *L. ult. §. fin. autem, sup. commun. de legat.* ubi si heres sub conditione rogatus hereditatem restituere, pendente conditione abaliquo res hereditarias: placet conditione existente dominium rerum hereditarium ad ipsum fideicommissarium ipso iure pertinere. Hoc ita intelligendum est, si prius restituta erit fideicommissario hereditas: restituitur autem hereditas, ut dixi in initio huius tit. non si singulæ res hereditariæ restituantur, sed si dicat heres, se restituere hereditatem, etiam si nulla restituat corpora, *L. restituta, D. eod.* Regulariter igitur oportet hereditatem, de qua nunc agitur, restitui, non est necesse restitui res singulas, ut illic scriptum est.

Non obstat *L. ita tamen, §. si pater, D. h. t.* ubi filio suo herede instituto, & rogato restituere hereditatem, dicuntur, actiones transire in fideicommissarium, quanvis filius se non immiscuerit hereditati. Adicit eo loco, quod ad responsionem pertinet. Sic enim dicuntur actiones transire, si filius hereditatem restituat; restituendo igitur hereditatem, actiones transfert. Sed non est necesse, ut se immisceat hereditati, ad hoc, ut restituere possit. Optima ratio; quia sui heredes ipso iure heredes sunt, sine ulla additione & immixtione, *§. sui, Inst. de hered. que ab intest.* Hoc loco non importune queritur, quando de duobus fideicommissariis agitur, quorum prior secundo rogatus restituere hereditatem, an prior fideicommissarius itidem retinere quantam possit ex Senatusconsulto, ut potuit heres prius

prius rogatus. Dixerit aliquis eum statim posse ex sententia Senatusconsulti: nam constat ex Senatusconsulto heredem omnem rogatum hereditatem restituere, posse quartam retinere, ut ex singulis per L. Falcidiam conceditur. §. *sed quia heres*, Inst. eod. Diximus autem fideicommissarios, quibus hereditas restituitur, heredis loco esse, L. *postulante*, §. *ultim.* D. eod. Proinde quod iuris est in heredibus, idem & in fideicommissariis statuendum, ut & sic restituta hereditate tota possint quartam retinere. Sed hoc non est ita: alioqui duæ quartæ aliquando auferrentur postremo legatario, quod est contra sententiam Senatusconsulti, quod unam quartam retineri voluit. Proinde de ea re sic est statuendum.

Cum heres institutus rogatus est restituere hereditatem Primo, & restituit, Primus autem item rogatus est restituere hereditatem Secundo, & quaeritur, an Primus fideicommissarius quartam possit retinere? Dicendum est, si heres institutus prius quartam retinuit, nunquam fidei-

commissarium Primum quartam retinere posse, sed quod acceperit, totum restituere cogendum. Quia ab herede retentum est, quemadmodum Senatusconsultum voluit eum una quarta uti. Quod si heres rogatus restituere Primo fideicommissario, totam hereditatem restituit nulla quarta retenta, interit, utrum ideo non teneat quartam; quia coactus hereditatem adiit, & restituit: an vero; quia volens quartam non retinuit. Si coactus hereditatem adiit, & ideo nihil retinuit, Primus fideicommissarius suo iure quartam retinebit, L. *Marcellus*, L. *falla*, §. *si cum suspectam*, D. eod. Sin autem heres volens non retinuit quartam, perinde non habebit, quasi retinisset, & eam remisisset Secundo fideicommissario. Proinde fideicommissarius Primus eam non habebit, præterquam si heres Primi fideicommissarii gratia non retinuit, ut scilicet liberalitatem in eum exerceret; quia vellet eum quartam retinere, L. 1. §. *inde Neratius*, D. eod.

Ad L. ult. Quidam.

Idem A. Ioanni Praefecto pratorio.

Quidam testamento condito iussit heredem omnem hereditatem, quam ei dereliquit, alii restituere: speciale etiam fideicommissum alteri adscriptum, & quaerebatur, specialis fideicommissarius, id quod ei derelictum est, a quo consequi debeat: utrumne ab herede, ut post restitutionem eius alias res universitatis fideicommissarius accipiat: an una cum aliis rebus oporteat & hoc generali fideicommissario aggregari, ut ipse speciali fideicommissario hoc tradat, sive in rebus, sive in pecuniis fideicommissum relictum sit. Sancimus itaque, totam quidem substantiam secundum Senatusconsulti Trebelliani auctoritatem restitui generali fideicommissario, illum autem speciali fideicommissario, id quod ei derelictum est, dependere. Das. XV. Kalend. Novemb. Constantinop. post consulatum Lampadii & Orestis, VV. CC. anno secundo.

S U M M A R I A.

1. *Heres rogatus restituere hereditatem, si totam restituere vult, non tenetur legatariis, aut fideicommissariis, quibus quid simplici-*

ter legatum, vel fideicommissum est.

2. *An idem tribuendum sit heredi, nondum restituta ab eo hereditate.*

Heres † rogatus hereditatem restituere, si totam restituere vult, non tenetur legatariis, aut fideicommissariis, quibus quid simpliciter legatum, aut fidei-

commissum est. Hoc ius constat ex Senatusconsulto, si iam restituta hereditate legatarii, aut fideicommissarii cum herede agant. Nam ex Senatusconsulto transeunt actio.

actiones in fideicommissarium. Sed questio est; an idem tribuendum sit \dagger heredi, nondum restituta ab eo hereditate, de qua re ius constituitur. Idem nimirum tribuendum esse heredi, etiam antequam hereditatem restituat, si paratus sit totam restituere, in quo ius aliquod novum constitutum videtur. Nam ex Senatusconsulto non transeunt actiones in fideicommissarium, actiones dico æris alieni & legatorum nisi restituta hereditate. Ante restitutam autem hereditatem actiones penes heredes manent, ut his actionibus heredes teneantur. Sed Iustinianus hoc loco voluit, perinde esse, ac si heres restituisset hereditatem, quam restituere paratus est: proinde fideicommissarii legatarii convenient, non heredem.

Adicitur *b. l.* fideicommissarium a legatariis solum conveniri, & heredem totam hereditatem restituere, cui sententia

Senatusconsultum adversatur. Nam quavis heres nominatim sit rogatus hereditatem totam restituere, tamen quartam ex Senatusconsulto retinere semper potest, §. *sed quia heredes, Inst.* Ea quavis testator vetuerit quartam retinere, nihil agit, quoniam conventionibus privatorum iuri publico non potest derogari. *L. quod bonis, §. 1. ad l. Falcid.* Dicendum est, si heres in specie proposita velit quartam retinere, id ei facere licere: sed intelligendum est de eo herede agi, qui sua sponte voluntatem defuncti secutus, totam hereditatem restituit; in quo dubitari poterat, an possit a se reiciere onera hereditaria pro ea parte, quam remittit. Et hoc loco cavetur posse, quod & Senatusconsulto Trebelliano efficiebatur, sed moveri potuit dubitatio Senatusconsulto Pegasiano quod quartam retineri voluit.



A D T I T U L U M XLIX.

C O D. A D L. F A L C I D I A M.

S U M M A R I A.

1. *Brvois superiorum titularum anacephaleosis, & tripartita huius legis partitio. & num. 2.*
3. *Primum legis caput liberam legandi potestatem usque ad dodrantem concedit.*
4. *Secundum cavet, ne ultra dodrantem legare liceat:*
5. *Tertium cavet, ut legata, quatenus dodrantem excedunt, eatenus ipso iure imminuantur. Eiusdem exceptio. num. 6.*
7. *Dodrans patrimonii quomodo & in quo tempore aestimandus sit.*

1. **S**uperioribus ¶ titulis de legat. & fidei com. item commun. de leg. & aliis aliquot locis conlunctis, lus constitutum est: quæcunque legata, aut fideicommissa sint, valere, dum eo modo, quo oportet, & quibus oportet, & quas res oportet, legatum sit. Hoc totum cum hac exceptione intelligendum est, dummodo non legetur ultra dodrantem patrimonii: nam ultra legare non licet, & quod ultra est, pro legato non habetur. De qua re hic agitur. id autem L. Falcidia effectum est. Lex Falcidia plebiscitum est: lata est enim a C. Falcidio, Tribuno plebis, Augusti temporibus, Dion in Aug. Euseb. in Chron. Refertur ex Iuliano in canone quædam distinctio: eius legis complures clausulae referuntur in L. 1. D. cod. quæ totidem capita legis faciunt, si verba spectemus.

2. Quod si rem & sententiam ¶ L. spectabimus, summa eius legis tribus capitibus coninebitur.

3. Primum ¶ caput L. liberam legandi potestatem dat, utque ad dodrantem, abrogatis contrariis legibus, L. 1. statim, in pr. D. cod. Statim occurrit nobis quæstio, quid opus fuerit hac parte L. cum de ea potestate etiam abunde cautum esset L. 13. tabularum, his verbis: Uti quisque legasset, &c. L. verbis L. D. de verb. sig. Respondeo: Nihil hac lege Falcidia opus fuisse, si a lege 12. tabularum in hac re recessum non esset. Sed facultas legandi ea lege constituta, imminuta erat L. Furia & L. Voconia, quæ leges commemorantur in pr. tit. de L. Falcid in Inst. de quibus est apud Theophilum. De L. Furia est in fragmentis Ulpiani, Inst. Ergo adversus has leges hæc Lex Falcidia veterem facultatem legandi restituit. Et quoniam huic parti adversari poterant

præcedentes leges, adiectum est in hac parte, quod ad eas leges abrogandas pertineret. Nam cum L. Furia caveretur, ne liceret cuiquam donare aut legare causa mortis supra mille asses, ut Ulpianus refert: & præterea si quis amplius cepisset, eius quod amplius cepisset, quadrupli pœnam restitueret: cautum est Lege Falcidia, ut quantis pecunia cuiquam legata erit, eam pecuniam sine fraude tunc capere liceat. In his verbis: Ex quibus quid ita datum, &c. sine fraude sua, &c. sine ullo delicto: & per consequens sine ullo damno pœnave sua omni, quæ prioribus legibus constituta esset. Rursum cum Lege Voconia caveretur, ne legatarius plus haberet, quam heres, atque ita fieret, ut si cui legatum esset amplius, quam heres haberet, id, quod amplius, heres præstare non cogeretur. Huic quoque parti alia clausula Legis Falcidiæ occursum est, ad eandem potestatem legandi pertinente, qua clausula est iussus, ut heres, qui dare iussus damnatusve est, id, quod dare condemnatur, ipse habeat. Quas clausulas apparet ad abrogandas LL. priores pertinere. Ita ad hanc facultatem legandi, pertinent 3. clausulae L. Falcid. nempe 1. 3. 4. Secundum caput ¶ legis cavet, ne ultra dodrantem legare liceat, sed bastenus, ut non minus, quam quartam partem hereditatis ex testamento heredes capiant. Id effectum est secunda clausula eius legis. Et hic modus est, qui dicitur in Lego Falcidia legatis esse impositus, Inst. cod. tit. in princ. Modus, idem, moderatio ad quam usque legare liceret.

Tertium caput ¶ totum prætermisum est, L. 1. D. h. 2. Hoc autem capite si supra dodrantem patrimonii quid legatum erit, lex cavet, quid velis fieri de lega-

tis. Cavet autem, ut quatenus legata dodrantem excedunt, eatenus de singulis pro rata portione detrahatur, & ipso iure imminuantur, ut declaratur in *L. in quantitate* 73. §. ult. *D. eod.* Addita est ꝑ exceptio eodem capite. Nam Lege Falcidia non minuuntur hæc: Dos uxori legata: Item res uxoris causa emptæ, paratæ, quæ ei legatæ sunt, *L. si usufr.* *D. eod.* Præterea ꝑ eodem capite cautum est, huius patrimonii dodrantem lege hac vere accipi in ea quantitate quæ æstimatur tempore mortis. Nam res docet, aliam quantitatem esse solere patrimonii, eum testator moritur, aliam, cum heres adit, aliam cum legata præstantur. Nam res quæ defuncti fuerunt, possunt interire vel incendiis, vel bello, vel aliis casibus, contra quoque augeri multis partibus possunt, ut permagni referat, ex quo tempore æstimemus patrimonium. Ob hanc causam cautum est, ut in exquirenda quantitate patrimonii, ad hoc, ut sciatur, an supra dodrantem eius patrimonii legatum sit, mortis testatoris tempus spectetur, *d. L. in quantitate, in pr. D.*

eod. Præterea ut æstimetur patrimonium deducto ære alieno, funeris impensa, & pretiis servorum manumissorum de quo dicitur in *d. L. in quantitate*. Sic ergo dicendum est; usque ad patrimonii dodrantem legare licet, supra dodrantem non licet ex *L. Falcidia*. Si supra dodrantem legatum erit, quatenus legata dodrantem excedunt, eatenus legata ipso iure per legem minuuntur. Utrum supra dodrantem legatum sit, nec ne, ita constabit, si contributis in unum legatis, & his, quæ præterea haberi debent: deinde ex altera parte æstimato pretio harum rerum, summas inter se conferemus, ut videamus an legatorum summa dodrantem patrimonii excedat. In æstimando patrimonio observandum est, non ex quovis tempore æstimari, puta aditæ hereditatis, aut eo tempore, quo legata præstantur, sed tempore mortis testatoris. Et hanc computationem patrimonii fieri, deducto prius ære alieno defuncti, funeris impensa, & pretiis servorum testamento manumissorum.

Ad L. Scire debes. 1.

Impp. Severus & Antoninus AA. Prisco.

Scire debes, omissa Falcidia, quo pleniorē fidem restituendæ portionis exhiberes, non videri plus debito solutum esse. PP. III. Id. Maii, Laterano & Rufino Coss.

S U M M A R I A.

1. Si heres sciens supra dodrantem legatum esse, contempto *L. Falcidia* beneficio, integra legata præstet, an, quod ex eadem *L.* debebatur, repetere possit.

2. An quod ultra dodrantem solutum est, tanquam debitum, an vero tanquam indebitum datum sit.

3. Quæstionis huius ratio.

SI supra dodrantem legatum sit, quatenus legatum dodrantem excedit, tantum heres de legato retinere potest. Quid ꝑ si heres sciens supra dodrantem legatum esse, omittet Falcidiam consilio, id est contempto iure, quod habet ex lege Falcidia, integra legata præstet, voluntatem defuncti bona fide secutus: an poterit, quod ex lege Falcidia debebatur, repetere? Et certum est, eum repetere non posse, sive id, quod dodrantem excedebat, debitum fuerit ab herede, seu indebitum. Nam debitum solutum citra con-

troversiam repeti non potest. Indebitum autem ab eo, qui sciebat se non debere, datum, non intelligitur solutum, sed donatum. Donati nulla repetitio est, *L. 1. D. de condit. indeb. L. cuius per errorem, de reg. iur.* Et si hoc ita sit, tamen hic amplius queritur, an ꝑ id quod ultra dodrantem solutum est, tanquam debitum solutum, an vero tanquam indebitum datum sit? Et respondetur hoc loco quod amplius, quam per *L. Falcidia* retinere licebat, datum est, id indebitum solutum non videri: proinde repeti non pos-

posse, quia debitum solum videatur. Hic obiciuntur illi loci, in quibus diserte traditum est, cum legata dodrantem excedunt, quatenus excedunt, ipso iure minui per L. Falcidiam ut perinde habeantur, quasi nec legata sint, *L. in quantitate, §. ult. D. eod. L. 1. §. si quis ex mortis, D. quod legat.* Hic non possumus uti distinctione vulgaris, ut dicamus id, quod dodrantem excedit, naturaliter debet propter defuncti voluntatem qui legavit: iure civili autem non deberi, propter L. Falcidiam quæ ultra dodrantem legare vetat. Nam si hoc legatum totum naturaliter debetur: etiam quod dodrantem excedit, si solvatur ab herede, nunquam repeti poterit, tamen si heres per errorem facti solverit; quoniam ea, quæ naturaliter debentur, soluta repeti non possunt. At quod ultra dodrantem per errorem solum est, repeti potest, *L. error, infr. b. 1.* Proinde nec naturaliter id debebatur. Dicendum est igitur id, quod res est, cum supra dodrantem legatum est, id quod dodrantem excedit, alias in totum debetur, alias in totum non debetur. In totum non debetur ex L. Falcidia, si heres Falcidiæ beneficio uti velit; in quam sententiam accipiendi sunt superiores loci de legatis imminuendis. At in totum debetur, si heres consilio legis Falcidiæ beneficium omittat, ut hic proponitur. Tum enim legatum debetur totum naturaliter propter voluntatem defuncti. Item & civiliter ex L. 12. tab. quæ iubet, *ut quisque legat. Sc.* Neque hoc casu L. 12. tabularum impeditur lex Falcidia quia legis Falcidiæ mens est, ubi heres quartam

retinere non vult, ut in totum voluntas defuncti conservetur, quoniam L. Falcidia testatoris causa lata est, *Instit. eod. in pr.*

Sed cur frustra † querimus, utrum id, quod dodrantem excedit, sit debitum, an indebitum: cum ubi id ultro ab herede præstatur, etiam si indebitum fuerit, tamen repeti non possit, quia (ut dictum) videatur donatum? Resp. Effectus hic est, quod si debitum solum est, nunquam repeti potest: si indebitum fuit, interdum revocari potest; quia non omnes donationes inter omnes valent, qualis est donatio inter virum & uxorem. Finge hoc modo: Maritus a testatore heres institutus est, ab eo supra dodrantem patrimonii legata relicta sunt, & inter cætera legatum est ab eo relictum uxori eius. Heres sciens ultra dodrantem esse legatum, uxori suæ restituit. Queritur, an quod in hoc legato dodrantem excedit, maritus repetere possit? Questio in eo est, an debitum, an vero indebitum solverit: si debitum solvit, repetere non potest: si indebitum, donavit; & ideo repetere potest, quia debitum solum inter maritum & uxorem interdictum non est, donatio interdicta est, *L. 1. 2. 3. de donat. inter virum & uxorem.* Respondetur ex hoc loco, id, quod dodrantem excedit, repeti non posse; quia donatum non sit, sed debitum solum. Idque ex hac ratione etiam a veteribus responsum est, *L. 5. §. si quis rogatus, D. de donat. inter vir. & uxorem.* Ideoque ex veterum iureconsultorum sententiis hoc rescriptum translaticium est.



Ad L. Falcidiae rationem. 1.

Idem A. Sanctiano.

Falcidiae rationem adversus omnes pro modo legatorum & fideicommissorum locum habere, certi & explorati iuris est. PP. Kal. Iul. Laterano & Rufino Coss.

S U M M A R I A.

1. *An si legata dodrantem excedunt, heres id, quod amplius est, adversus unum legatarium, an adversus omnes retinere debeat?*
2. *Legata dodrantem excedentia interdum non minuantur, sed pro par-*

te, quae deduci debebat, aestimatio aliunde praestatur.

3. *Si res legata divisionem accipis, in ipsa re deductio fit, non in alia, & fit, quatenus legatam dodrantem excedit.*

CUM legata dodrantem excedunt, id retinere heres potest, quod amplius est. Quaritor, si utrum adversus unum legatarium retinere id totum possit, an adversus omnes id retinere debeat? Hic scriptum est, retinere debere non adversus unum, sed adversus omnes, quibus quid testamento relictum est. Sed eum id potius adversus omnes est retinendum, quam adversus unum, cum L. Falcidia id solum caveatur, ut heres quartam partem hereditatis habeat: unde autem habeat, L. Falcidia non exprimitur? Respon. L. Falcidia non de quarta tantum hereditatis heredi relinquenda cavet, sed etiam maxime de legatis praestandis intra dodrantem, qua in parte L. Falcidia legatariis ex aequo consultum voluit. Proinde usque ad dodrantem singulis legata praestabuntur. Quod dodrantem excedit, non poterit ab uno deduci quia isto modo huic uni deiraheretur, ut augetur ceterorum legata, quod est contra sententiam legis. Ut adversus omnes legatarios detrahiatur id, quod dodrantem excedit: ita consequens est, id, quod heres habere debet ultra quartam, non posse eum deducere in una aliqua re legata, quam efficiat universam eam summam, quae heredi debetur supra dodrantem: sed singulorum legata per Falcidiam minui, ut quod in singulis supra dodrantem patrimonii legatum, id de singulis pro portione detrahat, & quidem ipso iure. L. in quantitate, §. ult. D. cod. si quis ex mortis, D. quod legat. Id hanc vim habet, ut si proponas, patrimonium legatis exhaustum esse, & fundum Tusculanum legatum esse

se Titio, dicendum sit, in hoc fundo partes tres esse Titii legatarii, quarum partem esse ipso iure hereditatis, quasi nec legatam: ut intelligamus ex hoc ipso praedio quartam deduci & deduci ipso iure, quasi semper apud heredem mansisset. Hinc fit, ut heres natura quartam, quam dodrantem excedit, iure vindicare possit in eo fundo, & a legatario, & a quovis possessore, ut scriptum est L. lineam, D. cod. Quod non fieret, nisi dominium iure mansisset heredis; quia non alii comperit in rem actio, quam domino. L. in rem D. de rei vind. Interdum tamen si ipsa legata non minuantur, tamen supra dodrantem legum sit, sed pro ea parte, quae deduci ex L. debebat, praestatur aliunde heredi aestimatio. Id autem contingit ubi res legata natura divisionem non recipit. Huius generis servitus est. Si defunctus legaverit Titio ius eundi, agendi per fundum hereditarium, iter solitum praestabitur legatario, etiam si L. Falcidiae locus sit; quoniam pro parte iter praestari non potest, sed cum pars itineris praestari non possit, pro ea parte praestabitur aestimatio, ut legi Falcidiae satisfit, L. 7. D. cod. idem accidit in libertate servo a testatore relicta, si eidem servo aliquid legatum sit. Nam si legata omnia contributa dodrantem excedant, nihilominus libertas in solidum praestabitur; quia pro parte non potest, sed aestimabitur servus, cuius aestimationis pars heredi relinquitur, quatenus legatum dodrantem excedit, idque sumetur ex eo legato, quod manu-misso datum est L. plane, L. seq. D. cod.

Ceterum † si res legata divisionem recipiat, in ea ipsa re deductio fit, non in alia, & fit, quatenus legatum dodrantem excedit. Est autem ita, ut in eo legato deductio fiat pro cæteris legatis. Opponitur *L. filium quem, sup. famil. ercis.* ubi heres rogatus restituere hereditatem, quartam retinet in uno certo fundo. Respondet: Id ideo fit, quia is fundus legatus erat, & heres ex aliis rebus quartam deducere non poterat. Nam illic heres rogatus erat restituere hereditatem habens fundum, id est restituere ea lege, ut sibi fundum præiperet, & sibi haberet. Eum igitur fundum heres iure prælegati habuit, & ut habet, ita in quartam imputat, *L. in quartam, D. ad leg. Falcidiam.* Cum autem fundus sufficeret ad quartam una cum cæteris rebus, quæ heredi restitæ, aut ab eo deductæ: eo fiebat, ut de cæteris rebus Falcidiam detrudere non posset. Nos autem hic dicimus, cum de cæteris rebus Falcidia detrahi potest, nunquam heres eam portionem Falcidiæ in alia re deducere potest.

Opponitur *L. non amplius, §. 1. de legat. 1.* ubi pars honorum legata est, placet heredem pro rebus hereditariis estimationem præstare posse. Respondet: Hic locus nihil ad rem pertinet: nam illic apparet, non quando quid heres retinere possit, sed quid præstari debeat legatario. Et placet eum debere præstare aut res, aut estimationem, ut illi commodum visum fuerit. Et quanvis diceremus heredem posse ex ea estimatione, quam præstat, deducere Falcidiæ portionem; tamen non deduceret ex alia re, quam quæ legata est; nam legata parte bono-

rum, æstimatio legata intelligitur: prout heredi visum fuerit, ut dixi.

Opponitur *L. lineam, D. cod.* ubi rem, ex qua heres quartam Falcidiam detrudere poterat, cum ea esset apud legatarium; non pro parte tantum repeti, sed repeti totam proponitur.

Respondet: Cum rei legatum apud legatarium repetitur sine voluntate heredis, eam heres repetere potest interdicto, quod legatorum, &c. *L. 1. D. quod legatorum, §. 1.* Sed hæc repetitio non eo pertinet, ut totam rem legatam heres habeat, sed ut possit iudicio communi dividundo, aut privato consensu portionem, quæ ei ex *L. Falcidia* debetur, retinere. Postremo opponitur *L. si ex pluribus, D. cod.* ubi pluribus rebus uni legatis, cum locus *L. Falcidia* esset, & heres quasdam ex his rebus in solidum legatario præstisset, potest reliquas in solidum retinere, nisi portio Falcidiæ in reliquis iam solutis debita præstetur. Respondet: Nunquam portio Falcidiæ, quæ ex certis rebus debetur, aut maior peti, retineri potest, quam debetur, aut in aliis rebus retineri, quam in quibus debetur: sed eius portionis consequendæ non una ratio est. Nam interdum recta deducitur, interdum obliqua via, dum aut res legata, quæ est apud legatarium, repetitur interdicto quod legatorum, aut aliæ res legatæ nondum præstitæ per exceptionem doli mali retinentur; nisi legatarius, quod in cæteris rebus iam ei solutis, dodrantem excedit, paratus sit restituere. Quæ sunt rationes expostæ in *d. L. lineam, & d. L. si ex pluribus, D. cod.*



Ad L. Etiamfi. 3.

Imp. Alexander August. Hermagoræ.

Etiamfi tacitum fideicommissum heredem administrasse apparuerit: legata tamen, seu fideicommissa, quæ testamento relicta sunt, præstanda esse, ambigi non oportet: ad eum videlicet modum, quem lex Falcidia patitur: cum quartam, quæ auferatur heredi, qui contra legem fidem suam obtulit, legatariis proficere non placuit. PP. Id. Octobr. Alexand. A. Cass.

S U M M A R I A.

1. *Hæreditas, quæ ut indigno auferatur, ad fiscum cum suis oneribus & commodis pertinet, idemque in ea vice heredis scripti fungitur, le-*

gata præstando & Falcidiam detrahendo.

2. *Quæstio huius legis.*

QUORIES si hæreditas heredi scripto tanquam indigno auferatur, & fisco vindicatur, toties hæreditas ad fiscum cum suis oneribus & commodis pertinet, omninoque fisco in ea hereditate vice heredis scripti fungitur & ideo si quæ legata testamento relicta sunt, ea fisco præstat. Similiter si heres Falcidiam detrahere potuit, quia dodrantem legata excedunt, etiam fisco, detrahere poterit, *L. 3. §. ult. D. ad Trebell. L. cum fisci, D. de Syll. Senatusconsulto*. Idem confirmatur in hoc rescripto, in persona eius heredis, qui tacite fidem suam accommodavit testatori, ut hereditatem restitueret ei, qui capere non poterat, quia fides hic accommodatur in fraudem legis. Placuit fraudem ita vindicare, ut hæreditas tanquam indigno auferatur & vindicetur fisco, *L. in fraudem, L. heres D. de his, quib. ut indig. L. 3. L. cum tacitum. D. de iure fisci*. Hoc autem cum fit, etiam fisco in legatis eodem illo iure utitur, quod supra diximus: nam & legata præstat, & præstat intra modum legis Falcidiæ, idest, ut quartam partem hereditatis integram retineat, ut hic. Ex hoc ius tunc certum est, cum heres, qui tacite fidem suam accommodavit, fideicommissario restituit quarta retenta, *d. L. cum tacitum, de iure fisci*. Nam tunc iure heredis fisco utitur, ut videlicet quem

admodum heres quartam retinuit, sic possit & fisco retinere.

Quæritur est, si an idem dicendum sit, si heres in proposito solidum fideicommissum administravit, ut rogatus erat, ita totum restituens, quæ propria huius rescripti quæstio est. Dubitationis causa hæc est: quia toto fideicommissio restituitur hereditas auferatur fideicommissario, non heredi. Unde consequens est, fisco iure fideicommissarii uti debere, non heredis. Porro certi iuris est, nunquam legatarium, aut fideicommissarium, etiam cui iure ex fideicommissio restituta est hæreditas, *L. Falcidiæ beneficio uti posse in legatis, L. lex Falcid. §. ult. D. eod.* Proinde in proposito nec fisco, qui iure fideicommissarii utitur, poterit legis beneficio uti, & quartam hereditatis retinere. Rescriptum est, nihilominus etiam hoc casu heredem quartam hereditatis retinere posse, hac ratione: quia heres, qui tacite fidem suam in fraudem legis accommodavit, etiam quartam retinere non possit, tamen perinde habetur, ac si retinisset, & quarta ad fiscum pertinet, *L. beneficio, in fin. D. eod. d. L. cum tacitum, de iure fisci*. Et quarta sic ad fiscum pertinet ex constitutionibus, ut fisco profit, non ut profit legatariis, quæ ratio significatur in extremo hic.

Ad L.

Ad L. Et in legatis. 4.

Idem Augustus Philetiano.

Et in legatis Principi datis legem Falcidiam locum habere merito dicitur Hadriano placuit. PP. V. Kalend. Ianuar. Alexandro A. Coss.

S U M M A R I A.

1. *Cum supra dodrantem hereditatis legatum est, nullius legatarii persona vel favor, vel amplitudo,*

vel necessitas facit, quo minus Falcidia detrahi possit.

2. *Falcidia an etiam contra Principem retineri possit.*

1. **C**um supra dodrantem \dagger hereditatis legatum est, nullius legatarii persona, vel favor, vel amplitudo, vel necessitas etiam facit, quo minus de legato ei relicto portio Falcidiae detrahi possit; quoniam lex Falcidia non legatariorum causa constituta est, sed testatorum, *Inst. eod. tit. in princ.* Idque est, quod dicitur, legem Falcidiam & ad legata municipum, & legata Deo relicta pertinere, *L. 1. §. ad eos, versic. ad municipum, D. eod.* Eodem pertinet, quod de legato Principi relicto hic cavetur. Sed \dagger in Priucl-

pis persona hæc dubitatio erat, cur non videretur adversus eam Falcidia retineri posse; quia Falcidia lex est in numero legum & constitutionum. Princeps vero legibus solutus est. Sed adversus hanc objectionem etiam hæc responsio est in legibus, etsi Princeps legibus solutus sit; tamen Principem sua voluntate legibus vivere, ita ut in omnibus negotiis similibus Princeps privatorum iure utatur, *L. 3. suor. de testam. L. digna vox, supr. de legib. §. ult. Instit. quibus modis testam. infirm.*

Ad L. Si mortis. 5.

Idem Augustus Damasatz.

Si mortis causa immoedicas donationes in sororem tuam matrem contulisse probare potes: Legis Falcidiae ratione secundum constitutionem dicitur Severi tui mei uti merito potes, PP. XV. Kal. Nov. Maximo II. & Æliano Coss.

S U M M A R I A.

1. *Circa legis Falcidiae rationem qua consideranda, & quibus de causis.*

2. *Quæ res in numero legatorum haberi debeant.*

1. **C**irca \dagger rationem legis Falcidiae ponendam, semper querendum est, quid & quantum in numero legatorum haberi debeat duabus de causis. I. Est, ut sciri possit ex legatorum contributione, an legata patrimonii dodrantem excedant. Altera, ut cum constabit, quæ legata sint, possit de singulis detrahi, quod dodran-

tem excedit, ut initio diximus. Hæc questio hoc rescripto ex parte attingitur. Declaratur enim, quid in numero legatorum haberi debeat, in quo lex Falcidia locum habet. De eo ita statuendum est. Cum \dagger queritur, an supra dodrantem legatum sit, in questione legatorum non solum computari debeat, quæ vere dicuntur le-

gata,

gata, tamen si L. Falcidia de legatis tantum nominatim scripta sit, sed etiam ex sententia legis, ea omnia, quaecunque vicem legatorum obtinent, cuiusmodi est donatio causa mortis, de qua hic. Vicem autem legatorum hæc obtinent. Primum, iam olim fideicommissa, L. 1. de legat. 1. proxime donationes causa mortis, L. illud, de mortis causa donatio. Hæc autem causa est, quia ut legata non nisi morte testatoris confirmantur; sic nec donationes causa mortis: cum possint hæc donationes ex præbilitate revocari a donatore, usque ad ultimum vitæ spiritum.

L. senatus, §. donatio D. de mortis causa donationibus.

Hinc placet, hoc loco eiusmodi donationes in contributionem legatorum venire, & simul ex iis posse deduci, quod dodrantem excedit. In eodem numero habentur donationes inter virum & uxorem, ob eandem causam, L. in donationibus, infr. hoc tit. Etiam quæ donata non sunt, nec testamento, nec a vivente testatore relicta, sed quæ solum mortis causa capiuntur, si in fraudem legis a testatore impostæ, acceptæ sunt, de quo genere dicitur ad L. pen. infr.

Ad L. In imponenda 6.

Idem Augustus Secundinæ.

In imponenda ratione legis Falcidiæ omne æs alienum deducitur, etiam quod ipsi heredi mortis tempore debitum fuerit, quamvis additione hereditatis confuse sint actiones. §. 1. Omnia autem legata, quamvis in operibus publicis conscientis statusque penœnais data sint, ad contributionem dodrantis pro rata sue cuiusque quantitatatis revocantur. §. 2. Nec si quid ultra solidum heres præstiterit, aut perfecerit, legitima computationi præiudicatur. S. V. Kalend. Ianuar. Maximo II. & Eliano Coss.

S U M M A R I A.

1. Tria huius legis capita.
2. Computatio patrimonii qualis esse debeat.
3. Æs alienum defuncti quid.
4. Funeris impensa quid.
5. Pretia servorum manumissorum quare deducantur, & quomodo.
6. Pretia servorum, de quibus supplicium sumptum est, an deducantur,

& ad quod deductionis genus referenda sint.

7. Heres an in detractioe æris alieni etiam possit deducere id, quod sibi a defuncto debetur.
8. Quæ legata in contributionem legis Falcidiæ veniant.
9. Ius Falcidiæ deducendæ quale sit.

Hic tria, & capitis sunt. I. De compositione patrimonii, qualis esse debeat in ratione legis Falcidiæ ineunda, idem, cum quaeritur, an supra dodrantem patrimonii legatum sit. II. De legatis, quæ in contributione legis Falcidiæ veniant. III. De iure Falcidiæ deducendæ. 2. Computatio patrimonii hæc est: computatur patrimonium, quod fuit tempore mortis testatoris deducto ære alieno, funeris impensa & pretiis servorum manumissorum. L. in quantitate patrimonii, in pr. D. cod. Id ita fieri debere intellectum est ex L. Falcidia: quia lex exigii, ut heres legatis solutis non minus, quam quartam partem hereditatis habeat. Non

videtur heres quartam habere, si quartam præstare postea cogitur, aut eo amplius, non est nostrum, quod mansurum non est, L. aliud est capere, de verb. sig. Nec videtur ea res penes non esse, cuius pretium abest, L. Labro & Sabini D. de verb. sig. At id futurum est, si heres legata præstat superscriptis rebus prius non detractis: nam ipse æs alienum solvere debet, & impensas funeris facere & præterea servi manumissi illi obfuturi sunt: quarum rerum æstimatio interdum quadruplo maior erit quarta. Proinde ut quartam habeat ex sententia legis, & quartam cum effecto, oportet res superscriptas antea de patrimonio deduci, ut reliqui patrimonio-

trimonii quartam heres habeat sine ulla damno intactam.

3 *Æs alienum* et defuncti est id, quod defunctus debuit, *L. cedere, §. as alienum, de verb. sig.* Et generaliter id omne quod defunctus præstare necesse habuit.

4 *L. pater filium, in fin. D. cod. Funeris* et impenſa est, quæ fit sueris causa. Funeris causa intelligitur fieri, quæ fit deducendi funeris & sepeliendi mortui causa, sine qua neque duci, neque sepeliri honelle potuisset. *L. & si quis, §. funeris causa. L. funeris, de religioſ.* Ita funeris impenſa est, quæ ad necessitatem funeris facta est; non est autem necesse ad mortuum sepeliendum monumentum illi ædificare, præsertim si sit sumptuosius. Proinde si quam impenſam monumenti extruendi causa heres fecit, præterquam quod necesse sit, quanvis iustus sit a testatore extruere; tamen hanc impenſam non deducit, quia non est facta funeris causa, ut definivimus. Hinc est *L. 1.*

5 *§. ult. & L. seq. D. cod.* Pretia et servorum manumissorum ideo deducuntur, quia servi tempore mortis testatoris, cum oñdum liberi essent, in pretio defuncti computabantur; postea adita hereditate, aut etiam non adita manumissi, in patrimonio defuncti esse desinunt, ut sic in patrimonio defuncti solum eorum pretia computentur, & pretia deducantur. Id hoc fit modo, ut servi manumissi perinde habeantur, quasi in pretio defuncti non fuerint tempore mortis eius. Notandum est autem generaliter esse dictum, deduci pretia servorum manumissorum, non autem testamentum, aut aliter manumissorum. Unde intelligimus, omnium manumissorum pretia deduci, non tantum, si testamento liberi esse iussi sint a testatore, sed etiam pro pretio libertatem a testatore acceptoribus. *L. aris alieni, D. cod.*

6 Etiam et pretia servorum deducuntur, de quibus servis sumptum est supplicium. *d. L. aris, in pr.* Unde queritur, ad quod genus istarum deductionum hi referri debeant, cum neque sint manumissi, neque in sueris sint impenſa, neque videantur etiam esse in eo, quod debuit defunctus? Et placuit, eorum pretia deduci, tanquam æs alienum, ut ibidem est scriptum. Recte. Nam servi, qui delinquant, cum Rep. contrahere videntur pœna, vel vincti, quam luendo solvunt.

7 *L. 1. D. de legib.* Circa et aris alieni deductionem queritur, an heres in aris alieni deductione possit etiam detrachere, quod ei a defuncto debetur? Merito hoc questionum est. Nam subtilitas rationis facere

videbatur, ne possit detrachere: id enim debitum deduci potest, si est aliquid debitum. At hereditate ab herede adita fit, ut quod prius ei debebatur defuncti deberi; quoniam additione actiones confunduntur, confusione tolluntur, *L. debitori, supr. de pat. L. Stichum, §. a Titio, D. de solut.* Sic fit, ut quod debitum esse desit, tanquam debitum deductum non possit. Et placuit nihilominus heredem deducere posse, quod sibi debebatur, de quo nominatim hic. Non obstat, quod confusione actiones sunt sublata: quoniam in ratione *L. Falcidie*, cum de ælimatione patrimonii agitur, spectatur, quemadmodum patrimonium fuerit tempore mortis defuncti, ut dictum. Eo autem tempore nondum actiones confusæ erant; proinde ex eo tempore æs alienum, quod heredi debebatur, deducitur. Hanc objectionem hodie non debemus metuere in eo herede, qui inventarium facit. Nam hoc beneficium et tribuitur, ut nec adita ab eo hereditate actiones eius confundantur, *L. ult. §. in computatione, supr. de iur. deliber.*

De legatis, et quæ in contributionem legis Falcidie veniunt, ita est scriptum, ut veniant omnia, quæcunque testamento sunt relicta sive in dando, sive in faciendo: id est, ut non tantum æssimentur ea, quibus testator iussit dare heredem, sed etiam ea, quibus eum iussit aliquid facere, veluti opus extruere, statum alicui ponere, quod non fit suis sumptibus. Hoc amplius, additur etiam, facta in contributionem legatorum venire, quanvis heres iustus sit facere, aut operibus publicis extruendis, aut in statua publice ponenda. Quibus verbis id, quod dixi *L. 4. in pr. & traditur in L. 1. §. ad eos. verſ. ad municipium, D. cod.* continetur: nempe *L. Falcidiam* ad omnia legata etiam civitatis & Reipublicæ relicta pertinere. Forma autem loquendi, quæ est in *verſ. 1. de horum legatorum contributione* notanda est. Dicuntur enim omnia legata ad contributionem dodrantis revocari. Non videntur legata esse in dodrante patrimonii, & revera non sunt. Aliud est enim patrimonium, aliud legata, quæ ex patrimonio debentur. Est igitur hic sensus: legata omnia revocari eo, ut contribuatur usque ad dodrantem, seu usque ad dodrantis patrimonii quantitatem: quod amplius est, eatenus minuantur, pro modo & quantitate cuiusque legati. Hoc autem quomodo intelligendum sit, declaratur dilucide exemplo *§. ult. in fin. Inst. cod. & in L. in quantitate patrimonii, in fin.*

9 *in fin. D. eod.* Ius \dagger autem Falcidiae portionis detrahendae, de quo in extremo cavetur, tale est, ut heres hanc possit deducere, nec de legitima ea computatione quicquam detrahatur, quavis quaedam legata solida praestiterit: quod sic est interpretandum, siquidem ignorans L. Falcidiae locum esse, solida quaedam praestiterit. Nam non tantum de his, quae nondum praestitit, deducit, quod dodrantem

excedit, sed etiam ea, quae solvit iam, amplius repetit. *L. error, inf. b. s.* Quod si heres sciens quaedam solvit in solidum, sensus huius loci est, eam solutionem heredi in reliquis legatis non nocere; quoniam in illis Falcidia detrahitur. Nam id, quod sponte amplius solvit, & ob id donari voluit, non repetit, *d. L. error.* Sed hic locus emendatur in *auth. sed cum testator. inf.*

Ad L. In testamento. 7.

Idem August. Primo & P. Pomponio.

In testamento quidem militis ius legis Falcidiae cessat, sed si ea, quae ad vos pertinent, defunctus tenuit, bonorum eius videri minime possunt: & ideo recte rationem eorum, ut artis alieni, haberi desiderabitis, PP. Kal. Maii, Alexandro II. & Marcello Coss.

S U M M A R I A.

1. *Hereditas testamento militis instituta L. Falcidiae beneficio non utitur. Limitatur num. 3.*

2. *Miles hic quis accipitur.*

4. *Lex Falcidia quibus ex causis cessat, & locum non habeat.*

1 **H**eres \dagger testamento militis institutus, a quo supra dodrantem legata relicta sunt, legis Falcidiae beneficio non utitur, ut quartam detrahat, sed solida legata praestare cogitur, id est quod hic dicitur, in testamento militis Falcidiam locum non habere. Id sumptum est ex constitutionibus, quibus de testamento militis cavetur, ut quicquid statuerit miles de bonis, id ratum sit. *L. 1. de testam. milit. L. 1. 2. sup. eod.* Sed militem \dagger accipere debemus, qui testamentum fecit in expeditione: nam si alibi facit testamentum miles, is quidem recte testatur, etiam si sit filiusfamilias, qui de peculo castrensi testatur, aut quasi castrensi: sed iure communi testari debet, *S. 1. Instit. de testam. milit.* Proinde & in hoc testamento lex Falcidia ex iure communi locum habebit. Hoc est, quod alibi traditur, ad veterani militis testamentum. *L. Falcidiam pertinere, L. ad veterani, D. eod.* Sed \dagger quavis heres ex testamento militis solida legata praestet, & haecenus L. Falcidiae beneficio non utatur: tamen priusquam legata praestet, & alienum, & quidem quod sibi a milite debebatur, ante omnia potest deducere, ut hic est scriptum. Et genera-

liter ita placet, etiam ex militis testamento heredem legata praestare non cogi, ultra facultates patrimonii defuncti, quod patrimonium aestimatur deducto aere alieno. *L. subsignatum, §. bona, D. de verb. sig.* Idque ita definitum est in *L. 1. §. denique, D. ad Treb.* Sed constitutiones superiores obstant, latae de testamento militis, quibus sine exceptione cavetur, ut quod testator statuit, quodque voluit, id tanquam ius fervetur. Responsio additur illis constitutionibus, quod voluit de rebus suis, *L. 1. de testam. milit.* Proinde de alieno si quid miles statuerit, ratum non erit, *L. cum filiusfam. D. eod.* Testabitur autem de alieno, si heres ultra quantitatem patrimonii militis legata praestare cogetur.

Huic rescripto opponitur *L. 1. §. hoc Senatusconsultum, D. ad Treb.* ubi scribitur: hoc Senatusconsultum etiam in militis testamento locum habet. Constat autem Senatusconsulto Pegasiano, cuius auctoritas postea Trebellianum est tributa, quartam ex fideicommissio hereditatis detrahi posse, *§. sed quia heres. & §. sed quia stipulationes, D. de fid. hereditatib.* Ita superscriptis verbis haec sententia exprimitur, etiam in militis testamen-

to quartam ex Senatusconsulto retineri posse, si heres rogatus sit hereditatem restituere supra drastrandem. Nec ad rem pertinet, quod illic agitur de quarta Trebellianica quæ ex hereditate deducitur, non de singulis legatis. Nam Trebellianica nihil est aliud nisi Falcidiæ quarta, introducta ad exemplum eius quartæ, quæ de singulis legatis detrahitur per legem Falcidiam dict. §. *sed quia heredes*, *Instit. de fideicom. her.* Respond. Si L. 1. accipitur ex sententia scriptoris, ut accipi debet, nihil hisce adversatur. Nam Ulpianus cum dicit, hoc Senatusconsultum, intelligit SC. Trebellianicum quod illic interpretatur. Eo Senatusconsulto non cavebatur de quarta detrahenda, sed de actionibus hereditariis, & oneribus in fideicommissarium transferendis, ut SC. refertur in principio eius legis. Verum est, hoc SC. in omnium testamentis locum habere, quoniam ex omnium testamentis hereditas restituta nihil apud heredem remanet. Postea quarta iusta est detrahi SC. Pegasus, de quo illic Ulpianus non tractabat; sed tamen postea Pegaliani auctoritatem tribuit Trebelliano, quasi ex Trebelliano etiam iussa sit detrahi, dicto §. *sed quia stipulationes*, *Instit. de fideicom. hered.* secundum quam posteriorem legem sic placet accipi d. L. 1. §. *hoc Senatusconsulto*, ad SC. Trebell. Sed tamen ne sic quidem locus adversabitur, sed ita interpretandus erit: Hoc Senatusconsultum locum habet in militis testamento; quia locum habet in maxima parte, non in omnibus. Habet autem locum in his capitibus, ut heres cogatur hereditatem adire, aditam restituere, & ut restituta hereditate transant actiones in fideicommissarium, sed non etiam, ut quarta detrahat. Lex Falcidia de omni quarta detrahenda in militis testamento locum non habet. Interim apparet ex hoc loco interdum L. Falcidiam cessare, nec quartam ex legatis deduci. Id cum non solum in hac una specie receptum sit, sed etiam in multis aliis, de quarum aliquibus est cautum in *authent. tribus sequentibus*: non male est factum, ut Authentice hic modo subicerentur, utroque autem loco admoneretur, ut breviter proponamus, in quibus causis locum non habeat Falcidia, id est, in quibus legata non minuantur L. Falcidia, sed solida præstentur.

Lex Falcidia cessat partim ex privilegio, partim iure communi. Ex privilegio in testamentis militum, qui in expeditione sunt testati. Cessat etiam iure communi in testamentis paganorum. Cessat autem aut

Tom. IX.

ex iudicio testatoris, aut ex facto heredis, aut ex conditione rei legatæ, aut ex conditione eius, cui relinquitur. Ex iudicio testatoris, si testator non ignarus, qui sit modus patrimoniis sui, nominatim vetat Falcidiam detrahi, *Auth. sed cum testator, in princ.*

Ex facto heredis dupliciter, alias propter delictum eius, alias propter solutionem & tacitam quandam repudiationem Falcidiæ. Propter delictum, quoties inventarium non fecit, aut non fecit eo modo, qui præscribitur, de quo cautum est d. *Authent. sed cum testator, vers. pen. & ult.* Propter tacitam repudiationem, quoties ex pluribus legatis, in quibus L. Falcidiæ locus erat, quædam solida præstitit, non ignarus locum legi Falcidiæ esse. Nam hoc casu, non modo non potest repetere, quæ solvit, sed etiam reliquis se in solidum attingere intelligitur, d. *Authent. sed cum testator, vers. 2.* Ex conditione rei legatæ, multis in rebus legatis cessat Falcidia. Hæc autem res numero fere sunt sex: Dos a marito uxori prælegata. Item res uxoris causa emptæ, paratæ, quæ ei legatæ sunt. L. *si usufructus*, D. ad L. Falcid. Ratio adiecta est, quia hæc potius videantur uxoris antea fuisse, quam ei denuo legatæ. Item, libertates testamentis datæ, L. *si universæ*, supra, de legat. L. *Papinianus*, §. 4. D. de inoffic. testam. Item quicquid filio & similibus personis datur, legatur, ut in quartam iure naturæ dehitam habeant. Nam hanc quartam ius est sine ullo onere, & ulla deductione tribui his, quibus debetur. L. *quoniam*, L. *seimus*, D. de inoffic. test. Item quæcunque res sint elusmodi, in quibus quartæ deductio heredi sit inutilis: huiusmodi sunt instrumenta prædiorum a testatore legata domo prædiorum, de quo in L. *si prædiorum*, inf. Postremo res omnes hac lege legatæ, ne extra familiam legatarii alienentur, *authent. sed § in ea re infr.* Huius partis ratio deducitur ex priori Iulianiani constitutione, qua est cautum, licere testatori Falcidiam prohibere: qui rei legatæ alienationem vetat, quartæ deductionem vetare intelligitur: nam hæc deductio alienatio est.

Ex conditione eius, cui quid relinquitur, cessat Falcidia in his, quæ ad pias causas sunt relicta, *authent. similiter*, inf. Pietas est erga Deum; ergo omnino causa est pia, quoties his datur legatum, quos Deus suo loco habere voluit. Christus autem denuntiat, quicquid pauperibus & egenitis datum, id pro sibi dato habiturum.

Ccc

turam. Proinde recte dicemus, legatum esse ad pias causas, quicquid minitris ecclesiae, quicquid in alimoniam & susten-

tationem pauperum, quicquid in redemptionem, & similes causas legatur. Proinde nec de his Falcidiam detrahi posse.

Ad Auth. Sed cum testator.

Sed cum testator hoc expressim vetuit, non ignarus quis modus sit sui patrimonii, cessat Falcidia: & si heres in hoc defuncto non pareat, deseritur hereditas personis enumeratis sub titulo de legatis & fideicommissis. Item si heres quaedam legata, substantiae suae mensuram subtiliter agnoscens, praestat in solidum: neque ex his repetitio, nec ex aliis promittitur retentio: nisi inopinatum quid emergat. His cessantibus locus est Falcidiae, si fiat inventarium secundum modum tempusque statutum in additione: Hac quoque adhibita observatione, ut in praesentia omnium ipsius civitatis, in qua fiat, legatariorum, aut pro eis agentium, si personae ratio sit habenda, perficiatur: vel si quis absit ex ipsis, aut interesse noluerit, succedat praesentia trium testium iidem ipsius civitatis locupletum & bonae opinionis, absque praedjudicio tamen veritatis inquirenda per servorum questionem & heredis testiumque iusiurandum, quo non observato, solida legata praestet, etsi fines hereditarios excedant. Nulla autem questionum talium vel litium excedas annum. Anno enim culpa heredis transacto cadet a relictis.

S U M M A R I A.

1. Testator an prohibere possit, ne heres Falcidiam detrahat.
2. Unde probetur testatorem patrimonii sui quantitatem ignorasse, vel non? & num. 3.
4. Quod de quarta per legem Falcidiam ex legatis detrahenda hic constituitur, an transferri possit ad quar-

tam, quae deducitur ex Senatusconsulto Trebelliano.

5. Inventarium quibusdam legatariis praesentibus, quibusdam absentibus, nullique in eorum locum adhibitis testibus confectum, an quo ad praesentem sit nullum, & an etiam solida legata praestanda sint.

Alt licere testatori prohibere, ne heres Falcidiam detrahat. Opponitur, *L. quod bonis, §. 1. L. si debitor, D. cod.* ubi nominatim cavetur, testatorem posse inhibere deductionem *L. Falcidiae*. Respondeo: Palam est Iustinianum, veterem legem corrigere. Sed obstat ratio legis, *L. quod bonis, §. 1.* Ratio est haec. Quoniam legibus privatorum pactis non est derogandum, quam rationem Iustinianus mutare nec voluit, nec potuit, argum. *L. non dubium, sup. de legib.*

Respond. Cum Iustiniani constitutione liceat deductionem quartae prohibere, qui hanc prohibet, non derogat legibus, sed secundum leges facit. Sed an eodem modo testator ex hac *L.* possit prohibere, ne heres rogatus restituere hereditatem, retineat quartam ex Senatusconsulto, de eo dicitur *L. si ut allegas, inf.* Illud

constat, quartam iure naturae debitam a testatore prohiberi non posse, *L. quoniam, & L. scimus, sup. de inoff. testam.* Et merito. Hae enim diversae res sunt. Nam *L. Falcidia* iure civili debetur; quarta, quae filiis & similibus personis debetur, etiam natura debetur, *L. ult. de bon. damnat.* Civilia iura civilibus mutari possunt, naturalia non possunt, *§. pen. Inst. de iur. nat. gent. & civil.* Sed additur conditio, ut ita testator possit utiliter Falcidiae deductionem prohibere, si non ignarus quantitatis patrimonii sui id faciat. Queritur quomodo id constabit? Respond. Hoc ipso praesumitur testator non ignorasse modum patrimonii sui, quod contra non probatur, neque hic petenda probatio *L. quisquis, sup. de rescind. vendit.* Ex quo loco dubia & infirma probatio est: sed ratio in promptu est: nam cum

eum testator vetuerit Falcidiam detrahi, intelligebat Falcidiam iocum esse; alioqui frustra vetuisset. Non potuit autem intelligere, se supra dodrantem patrimonii legasse contra L. Falcidiam, nisi prius sciverit & quantum legaret, & quantum in patrimonio haberet.

Si auctoritas quaeritur, hæc sententia evidenter probatur *Novell. 1. §. hoc vobis*, vers. *hæc autem*, unde hoc fragmentum sumptum est.

Nam Iustinianus illie cum testatorem, qui Falcidiam deductionem non prohibet, distinguit ab eo, qui nominatim prohibet; & cum qui prohibet, iterum distinguit ab eo, qui prior videtur ignorasse quantitatem patrimonii sui. Ex quo colligitur, posteriorem a Iustiniano in eo numero haberi, quasi qui quantitatem patrimonii sui non ignoraret, eoque non ignoraret, se supra dodrantem patrimonii sui legare. Sed quomodo contra probatur, testatorem ignorasse modum patrimonii sui? Id ita fiet, si testator quasdam res pro suis habeat, quæ deinde sunt evictæ. Hic eventus declarat illum plus parasse esse patrimonii, quam vere esset.

Deinde ait: si ex pluribus legatis heres quædam solida prælerit, eum nec de reliquis Falcidiam detrahere posse, quasi unum præstando heres agnovit voluntatem defuncti, non in eo tantum, sed in cæteris omnibus legatis. Itaque corrigitur hac parte ius vetus, *L. quod bonis, §. non idcirco, L. si ex pluribus, D. cod. L. in imponenda, in fin. supr. hoc tit.* Et diligenter notandum est ius hic singulare esse, quod non est producendum ad consequentias, *L. quod vero, D. de legib. ius hoc constitutum est in legatis, quæ variant, & in portione legitima, quæ ex leg. Falcidia potest detrahi.* Proinde in hac solum causa hoc ius observabitur. Cæterum generaliter ita definiemus. Quoties plures sunt res indebitæ, si quis unam ex his solvat, non ideo sibi in cæteris nocet, *L. ult. supr. ne ux. pro mar. L. 1. 2. sup. de fideicom.*

Ait in extremo versu: *si quis inventarium non fecerit, aut non fecerit ad eum modum, qui hic præscribitur, heredem primum Falcidiam non sursum, quod & ante constitutum erat in L. ult. §. si autem, supr. de inr. deliber.* Hoc amplius etiam solida legata præstiturum ultra facultates patrimonii, in quo ius singulare & novum constituitur. Nam ita ius fuit, & est in reliquis causis omnibus: legatis supra facultates patrimonii a nullo præstati, *L. 1. §. denique, D. ad Trebellian.*

Tom. IX.

L. si univærsæ, supr. de legat. L. successores, infr. h. t. quod ius sumptum est ex lege duodecim tabularum; qua lege de facultate legandi eantum est, ita ut quisque legare possit, ut velit, dummodo leget & testetur de re sua, L. restandi, supra, de testam. L. verbis leg. D. de verb. sig.

Unde intelligimus, inventario ab herede confecto in hæc specie superiore, omnia iura & locos corrigi. Neque hoc iniquum est: constituitur enim coercendi heredis causa, qui non videri potest inventarii confessionem omisisse, nisi fraudandorum legatariorum, aut fideicommissariorum causa, quo facilius possit res hereditarias intervertere.

Hic quæsitum est, an, quod de quarta, quæ ex legatis detrahitur per legem Falcidiam, hic constitutum est, transferri debeat ad quartam, quæ deducitur ex Senatusconsulto Trebelliano: idem, an si heres institutus rogatus sit hereditatem restituere alii, & is inventarium non facit, aut non eo modo facit, ut hic præscriptum est, an solidum fideicommissum restituere debeat, nec possit quartam ex Senatusconsulto retinere? Dixeris idem: hic statuendum esse; quod quarta, quæ ex Senatusconsulto detrahitur Falcidia est, aut certe ad exemplum Falcidiæ introducitur. *Instit. de fideicom. hered.*

Deinde quia in utraque quarta non deducenda eadem ratio est, quod scilicet heres inventarium non facit. In quibus autem causis eadem est ratio, idem ius statuendum est, *L. aliud, D. ad L. Aguil.* Sed verius est, quod de Falcidia in singulis legatis hic constituitur, ad quartam Trebellian. transferri non debere; quia etsi in utraque quarta, & in factio heredis, par ratio esse videatur; tamen quod hic de quarta legatorum constituitur, aperte ius singulare est, constitutum contra rationem iuris communis. Ius singulare non est producendum ad consequentias, *L. quod vero, L. ius singulare, D. de legib.* Adde, quod poena est, quæ hic constituitur adversus heredem; in interpretatione autem legum poenæ molliendæ sunt potius, quam exasperandæ. *L. pen. de pen.*

Ait in vers. *pen.* nullum esse inventarium, nisi confectum sit, aut præsentibus legataris, aut in locum absentium adhibitis tribus testibus idoneis. Eleganter hic quaeritur. Quid si inventarium quibusdam legataris præsentibus confectum sit, quibusdam absentibus, & nullis testibus in eorum locum adhibitis: an etiam quod

Ccc 2

ad

ad praesentes legatarios atinet, inventarium nullum erit, & an iis etiam solida legata praestanda sunt? Et hac constitutione efficitur, solida praestanda esse absentibus, secundum verba constitutionis, nisi totum inventarium nullum sit: nam verba de toto inventario scripta sunt, non de parte inventarii. Sed humanior est sententia Bartoli, in persona praesentium legatorum consistere inventarium, ita ut iis solida legata praestari non debeant, sed solum absentibus, in quorum persona inventarium non consistit. Ille pro hac sententia recte utitur probatione horum lo-

corum, *L. de unoquoque, in fin. de re indic. & L. Falcidius, § sed is, qui, vers. quid si adversus, D. quibus ex causis in possess. eatur*. Sed iis etiam locis deficientibus, tamen ratio iuris suadet, eam sententiam recipiendam esse. Nam quotiescunque lex ob certam causam lata est, cessante causa, cessat & lex, *L. quod dictum, D. de pact.* Coercendi autem heredis in hac constitutione causa est; quia legatarios non adhibuit, aut eorum loco testes idoneos. Proinde si adhibuit, & quatenus adhibuit, legi locus non est.

Ad Auth. Similiter, ex Novell. 119. cap. 11.

Similiter Falcidia cessat in his, quae ad pias causas relictae sunt.

S U M M A R I U M.

1. *An, quod in legato ad pias causas supra dodrantem est, heres de suo*

praestare debeat, an vero de bonis detrabere possit?

AIT, quod ad pias causas relictum est, solum dari, nec minui lege Falcidia. Queritur, si id, quod supra dodrantem est, utrum heres de suo praestabit, an vero onerabit legatarios, id est, an de bonis detrahi debet. Idem querere oportet in omnibus iis rebus legatis, in quibus supra diximus cessare Falcidiam. Et generaliter definiendum est: Quaecunque testamento relicta solida praestantur, nec minuuntur lege Falcidia, ea heres ariis alieni loco ante omnia deducere potest: ut sic non cogatur ea de suo praestare heres, sed totum patrimonium minuat: proinde etiam dodrantem, qui legatariis praestari debet, & quartam, quam heres ex reliquis legatis retinere dicitur, ex lege Falcidia. Id primum declaratur exemplo libertatum, quae testamento relictae sunt,

Hae non minuuntur L. Falcidia *L. si uni-versae, supra, de legat. L. Papinianus, § quarta, D. de iustic. testament.* Et ob hanc causam ante omnia earum estimatio deducitur, *§ ult. Instit. eod.* Praeterea, si de aliquibus servis supplicium sumptum est, si aliqui sint a praetore manumissi; quia in solum eorum pretia de hereditate subducuntur: ideo etiam placet haec pretia ariis alieni loco deduci, *L. ariis, D. eod.* Proinde non tantum de legato ad pias causas relicto idem dicemus, sed etiam de iis, quae in legitimam naturae iure debitam legata sunt. Item de rebus legatis, quae venturae sunt alienari, & generaliter de iis omnibus, quas solidas praestandas esse diximus ad *L. in testamento, supra.*

Ad L. Irritum. 8.

Imp. Alexander A. Aurelio.

Irritum quidem propterea testamentum fratris tui esse non potest, quod ex causa fideicommissi obligatus fuit, ut, si sine liberis prior decederet, paternam tibi hereditatem redderet. Sed licet te heredem scripserit: in imponenda tamen legatorum ratione, quibus te oneratum esse suggeris, fideicommissum debitum ari alieni loca deduci oportet: insuperque in residuo legis Falcidie beneficium vindicabis. PP. Idus Septemb. Maximo II. & Paterno Cons.

S U M M A R I A.

1. Testamentum eius, qui fratri fideicommissum debet, an iure valeat.
2. Legata ex proposito testamento, an solida praestanda sint, non deducantur.

Elo fideicommissi: aut si id detrahi possit, utrum debeat in quartam compensari, & nu. 3.

4. Ex dicto fideicommissio quantum fratri debeat.

Pater duobus filiis, quos habebat, heredibus instituit, Primo, & Aurelio, a Primo petiit, ut, si sine liberis decederet, portionem suam hereditatis fratri Aurelio restitueret. Is Primus sine liberis decedens fratrem Aurelium sibi heredem instituit, & cum ei integrum fideicommissum hereditatis praeferre deberet, multis legatus cum oneravit. Eo mortuo Aurelius fratris hereditatem adiit, legatarii ab eo legata petunt, & petunt sine deductione fideicommissi, quod Aurelio debebatur a patre defuncto Aurelius indignatus, se oneratum esse legatis ab eo, a quo integrum fideicommissum accipere debebat, Primum negat legata deberi hae ratione, quia testamentum fratris sui irritum, seu nullius momenti sit. Hoc si verum est, recte colligitur, ex eo legata non deberi. Nam ex eo testamento quod iure non valet, quocunque tandem modo fiat, ut non valeat, nihil deberi potest, L. 3. *supr. de testam. §. ult. Inst. quibus mod. test. infr.*

At si quomodo dicetur hoc testamentum irritum esse? Et potuit pro hac sententia hac oratio afferri, quae ratio fecit dubitationi causam: Quia constat ex L. duodecim tabularum, neminem posse testari nisi de suis bonis, L. *testandi, supra, de testam.* In proposito autem dicitur Primus testatus de portione hereditatis paternae restituenda. Haec non fuit Primus, sed Aurelius, cui restitui debuit, Pro-

pode hactenus testamentum non valet, proinde etiam ius totum non valet.

Hic Primo respondetur, non ideo irritum fratris Primi testamentum esse, quia is fideicommissum Aurelio debuerit. Non obstat, quod testator non possit tellari de bonis alienis. Nam hic subtili iure portio hereditatis, de qua restituenda rogatus est, eius fuit; alioqui eam restituere non potuisset. Deinde etiam ea portio non fuit defuncti, atamen quarta eius portionis fuit defuncti: nam hanc ex Senatusconsulto deducere potuit. Postremo ut heres liber & sui iuris testamentum facere possit, non exigitur, ut aliquid in bonis habeat, sed hoc solum, an habere possit: nam quovis duplo plus debeat, quam habeat; tamen eo mortuo hereditas eius subesse intelligitur, de qua heredem instituere potuit & voluit. Nam heredis verbum etiam damnosam hereditatem continet, & ut sibi scribitur in eadem sententiam, hereditas etiam sine ullo corpore iuris intellectum hunc habet, id est, iure subesse intelligitur, L. *hereditatis appellatio, D. de verb. sig. L. hereditas, D. de hered. pet.* Proinde recte responsum est, testamentum, quod proponitur, non ideo esse irritum, quia testator fideicommissum debuerat.

At urgent legatarii, ut legata praestentur non deducto fideicommissio, quod Aurelio debebatur, & uruntur hac ratione. Fideicommissum tuum non est; quoniam

non est tibi restitutum, non potest etiam tuum fieri restitutione; quoniam fideicommissario successisti, ipse tibi fideicommissum restituere non potest, sed confusione obligatio fideicommissi sublata est, *L. debitori, supr. de pass.* Respondenti Imp. Sic Aurelium legata præstare debere, ut in patrimonio æstimando, ante omnia deducere possit fideicommissum sibi debitum. Nec obstat, quod fideicommissum eius non est, nec eius fieri potest restitutione; quoniam fideicommissum deducet, non ut suum, sed ut sibi debitum loco æstimationis, quod per *L. Falcidiam* conceditur, quotiescunque *L. Falcidiæ* ratio ponitur, idest, cum quaeritur, an legata dodrantem patrimonii excedant, & id patrimonium quantum sit.

Si igitur fideicommissum deduci non potest, saltem hoc postulant legatarii, ut de reliquo patrimonio Aurelius quartam non detrahat, sed fideicommissum, quod deduxit, compenset in quartam. Respondent Imperatores, id repugnare *L. Falcidiæ*, secundum quam in patrimonio æstimando antea deducitur æs alienum. In eo autem, quod reliquum est, ita ratio subducitur, ut eius reliqui quarta apud heredem manere debeat, dodrans præ-

stari legatariis. Proinde idem & in proposito hæc; §. ult. *Inst. eod.*

Sed quaeritur, quantum in fideicommissio debeatur Aurelio, ut ipse id detrahere possit æris alieni loco? Respond. Ius certum est, tantum ei deberi dodrantem eius portionis, quam frater rogatus est ei restituere, Quarta ipso iure ei non debetur, sed minuitur per *L. Falcidiam* ac proinde *Senatusconsultum*, quod ad exem-
L. Falcidiæ introductum est, *L. in quantitate, §. ult. D. eodem.*

Ex his apparet, Aurelium in hac deductione simul habiturum & fideicommissum, quod ei restitutum est, & præterea reliqui patrimonii quartam, neque fideicommissum in quartam *Falcidiam* imputari. Quod tamen sic accipiendum est: nisi frater, idemque fideicommissarius debitor iussisset, ut frater Aurelius fideicommissum cum quarta compensaret; quo casu ab initio æstimabitur patrimonium deducto fideicommissio, & totius patrimonii quartam retinebit Aurelius. Hanc quartam compensabit Aurelius cum summa fideicommissi, si quid in fideicommissio amplius est, id de reliquo dodrante detrahet. Hæc sententia Papiniani est in *L. quod bonis, §. cum fideic. D. eod. Eodem* pertinet *L. si deb. D. eod.*

Ad L. Error. 9.

Imp. Gordianus A. Mestriano,

Error facti quartæ ex causa fideicommissi non retentæ repetitionem non impedit. Is autem, qui sciens se posse retinere, universum restituit, conditionem non habet: quin etiam si ius ignoraverit, cessat repetitio. PP. XV. Kal. Novemb. Pio & Pontiano. Coss.

S U M M A R I A.

1. Si heres, quod ultra dodrantem legatum est, solverit ut debitum, an id repetere possit. Distinguen-
do respondetur, & num. 4.
2. Per errorem facti solvere quis dicatur.

3. Heres quibus ex causis ignoret, supra dodrantem esse legatum.
5. Heres sciens legata dodrantem patrimonii excedere, si in iure erret, & legata solida præstes, an per errorem solum repetere possit.

Quod supra dodrantem legatum, id ex *L. Falcidia* indebitum est, & citra controversiam retineri ab herede potest, & si id non habet, potest ab eo vindicari. Quod si heres id solverit tanquam debitum, quaesitum est, an possit repetere. Hic utilis distinctio traditur, non ad

hanc speciem tantum pertuens, sed omnem indebiti soluti repetitionem. Est autem hæc: Si heres per errorem facti solvit, semper repetit, idem in *L. fideicommissum, L. si per ignor. supr. de cond. indeb.* Sin aliter solvit, nunquam repetet, quanvis solverit indebitum. Per erro-

rum

1 rem facti solvere intelligitur, qui putat supra dodrantem non legatum esse, idest, qui putat non esse factum id, propter quod legatum erat indebitum. Nam cum supra dodrantem legatum est, eo fit, ut quod supra dodrantem legatum est, sit indebitum. Id factum autem ignorat heres factum esse, duobus de causis: vel quod legata tantum apparent testamento relicta, quæ vere dodrantem non excedebant: erant autem alia multa relicta codicillis, codicilli autem latebant, qui postea emeruerant. Idem etiam contingit hoc modo, si heres noverit, quantum legatum sit, sed multo amplius patrimonium esse putet, atque est: idest, quia ignorat æs alienum, quod postea multo plus emeruit. Si in hac ignorantie vel legatorum, vel patrimonii heres legata solvit, quod patrimonii dodrans ad ea solvenda satis esse putaretur, errore facti solvit, ideo repetet: quoniam cum tanquam debitum solverit, sub contraria conditione non solvisse intelligitur, arg. L. quibus diebus, §. 1. de condit. & demonstr. Unde conditio, actio in personam §. 1. Insist. quib. modis re cens. Quod si heres scivit supra dodrantem patrimonii vere legatum esse, & scivit L.

Falcidia uti posse, ac nihilominus solida legata solvit, non repetet: quia qui sciens se non debere, solvit, donat, L. cuius per errorem, D. de regul. iuris. Donati nulla repetitio est, L. si repetendi, supr. de condit. ob causam, L. 2. & tot. tit. de revoc. donat. infra. Quod si idem heres scivit legata dodrantem patrimonii excedere, sed in lure erravit: idest, homo imperitus iuris, & nesciens, an ulla sit lex Falcidia, aut quid contineat, putaverit se secundum voluntatem defuncti solida legata præstare debere, quaeritur, qui in hoc errore solverit, an possit repetere? Movet, quod non magis hic eo animo est, ut solvat, quam is qui in facto errat, ut si erranti in facto conditio competat ex tacita conventionione, consequens esse videatur, etiam in iure erranti dandam esse. Sed placuit erranti in iure repetitionem non dari, ut hic & L. cum quis, supra, de iur. & fact. ignor. Ratio hæc est: quia absurdum putaverunt iuris auctores, meliori conditione esse stultos, quam peritos: & stultos vocant eos, non qui lus ignorant, sed cum ignorent, peritos non consulunt, L. 4. L. regula, cir. fin. de iur. & fact. ignor.

Ad L. Quanquam. 10.

Imp. Gordianus A. Diogenio.

Quanquam pater tuus fratrem suum rogaverit ut si sine liberis diem suum jungeretur, portionem hereditatis tibi restitueret: tamen intestato eo diem suum functo, id, quod beneficio legis Falcidia habere potuisti, ad successorem intestati pertinere: ideoque non immerito sororem tuam, quæ simul tecum ab intestato ei successit, emolumentis, quod retinere potuisti, portionem sibi vindicare, manifestum est. PP. V. Idus Nov. Gordiano A. II. & Pompeiano Coss.

S U M M A R I A.

1. Species huius legis.
2. Soror an totam portionem paternam restituere fratri debeat, an non possit eius portionis, quæ ad eam pervenit, quartam retinere.

3. Frater defuncti quantum de portionem hereditatis paternæ, quam restitueri rogatus est, suo iure detrabere possit, & num. 4.

1 EX duobus filiis & a patre heredibus instituitur, unus rogatus est, ut si sine liberis decederet, portionem hereditatis paternæ fratris suo coheredi restitueret. Is, qui rogatus erat, decessit sine liberis, & ita factus est locus fideicommissio. Sed decessit intestatus: intestato duo heredes

exstiterunt, frater alter, quem coheredem esse dixi, & soror demortui, quam & ipse habebat. Certi iuris est, in successione ab intestato hereditatem intestati dividi ex æquo inter duos istos heredes legitimissimæ at in ea hereditate etiam continetur portio hereditatis paternæ, quam alteri fratri relli-

restituere debebat, nam priusquam restituta sit, manet in bonis eius, qui restituere debuit; & quia manet, consequens est, ad heredes eius pertinere. Huius igitur portionis pars ad forem iure pertinet. Sed quoniam heredes in aë alienum defuncti succedunt pro portionibus hereditariis, *L. 2. L. ut debitum, supra, de heredit. actionib.* eo fit, ut soror in proposito portionem eius portionis hereditatis paternæ, quæ ad eam pervenit, restituere debeat fratri suo, tanquam debitam a defuncto.

In hac restitutione ¶ quæritur, an soror totam eam portionem paternam restituere patri debeat, an non possit eius portionis, quæ ad eam pervenit, quartam retinere? Frater petebat totam eam hereditatis paternæ partem, & negabat forem posse inde quartam deducere. Et videtur ei ratio non deesse; quia quarta ex Senatusconsulto tribuitur heredi instituto, qui restituere rogatus est, §. *sed quia, Instit. de fideicommiss. hered.* Hæc autem soror nec est ea, quæ rogata est, sed frater eius defunctus. Porro is, dum vixit, quartam non retinuit: proinde non soror retinere debet. In hac questione hic respondetur, quemadmodum frater defunctus quartam retinere poterat, sic & eius heredes legitimos de fideicommissio eo similiter quartam retinere posse. Proinde & hanc forem pro sua portione posse quartam retinere. Hoc respondetur ex conditione & iure heredum. Nam heres eiusdem iuris est, cuius & defunctus: heres in omne ius defuncti succedit, *L. hereditas, de regul. iuris, L. heres in omne, D. de acquir. heredit.* Hinc introducit hoc loco questio, quantum frater-³ defuncti de portione hereditatis paternæ, quam restituere rogatus est, possit suo iure detrahere? Et hic Accursius scripsit: Quoties filius heres a patre institutus rogatus est portionem hereditatis alii restituere, posse filium, itemque heredes eius deducere duas portiones. I. Portionem legitimam, quæ filio in bonis paternis debetur, quæ olim erat quarta, nunc ex constitutione Novell. triens, aut semis pro numero liberorum, §. 1. *Autem, de triente & semisse.* Deinde hac portione detracta, quæ ab initio detracta intelligitur, dum filius adhuc viveret, in reliquo patrimonio ita fideicommissa, aut legata inde præstare, ut eius reliqui quartam habere debeat filius, aut heres eius. Quod reliquum est dodrantis, restitui debeat vel legatariis, vel fideicommissariis: de qua sententia paucis nobis cognoscendum est.

Si de iure civili quæritur, dubitari non dehet, quin filius rogatus restituere hereditatis paternæ portionem, debeat esse contentus portione legitima, quæ debetur filiis, quæ olim fuit quarta, *L. Papinianus §. quarta, D. de iroffic. testam.* nunc triens, ex *Novell. Instit. de triente & semisse, §. 1.* & hac deducta, quin non possit amplius habere ex Senatusconsulto quartam Trebelliani. Hæc sententia multis argumentis confirmari solet, sed magna ex parte infirmis. Hæc, quæ subitio, certa sunt, & esse debent ex omnibus. Primum, expressum est in *L. iubemus, supra ad Trebellian.* ubi filius rogatus est restituere portionem hereditatis paternæ fratribus suis; & nominatim constituitur, eum retenta quarta ex Senatusconsulti auctoritate, dodrantem illius portionis paternæ restituere cogendum. Non restitueret dodrantem, si amplius aliam quartam retineret. Sed certius est expressa eadem sententia in *Novell. 39. de restitu. & ea, quæ parit. in 12. mens. §. quomobrem,* ubi cavetur diserte, si pater velit a filio hereditatem suam restitui, filium in primis habere debere trientem hereditatis paternæ, ex qua filius est institutus; reliquum totum restituere debere, nec posse quicquam filium ex eo retinere, si triens, quem habet, sufficiat ad dorem, aut donationem propter nuptias: de eo, quod restat nihil detrahi posse. Ex quo perspicuum est, si filius aut nullam dorem, aut donationem propter nuptias habeat; aut debeat quidem, sed portio legitima ad eas res præstandas sufficit, nihil filium præter trientem retinere posse. Et in summa, si quid filius præter trientem retinere possit, id non est quarta ex Senatusconsulto, sed dos, dixi, aut donatio propter nuptias, ad quas præstandas triens non sufficit.

Sed ut hæc auctoritates certorum locorum nos deficient, hæc sententia diserte probatur, ratione sumpta ex *L. Falcidia & Senatusconsulto Trebelliano.* Certum est, heredem, qui quartam hereditatis habet vel iure hereditario vel iudicio testatoris, quartam ex Senatusconsulto retinere non posse, quia habet, *L. 1. vers. secundo cap. L. quod supra, D. ad L. Falcid.* At filius a patre heres institutus, qui trientem iure naturæ debitum retinet, is non solum quartam habet, sed amplius etiam unam unciam, proinde quartam ex Senatusconsulto amplius retinere non potest: Filium autem heredem institutum certum est eum trientem, quem retinet, habere, & iudicio defuncti, & iure hereditario. Nam non solum illi hereditas iudi-

dicto defuncti delata est, sed etiam ita delata est, ut esset heres, & cum trientem retinet, non retinet, nisi iure hereditatis, quia Senatusconsultum facit, ut non videatur filius de eo triente restituendo rogatus esse; aut saltem de quarta restituenda, quoniam legatum & fideicommissum per Legem Falcidiam ipso iure minuitur usque ad quadrantem hereditatis, *L. in quantitate patrimonii, §. ult. D. ad L. Falcid.* Veruntamen contraria sententia suos defensores & assertores habet. Non dubium est quin confirmata sit iure Pontificio; quæ sententia exstat Innocentii in *cap. Raynatus de testam.* Non defunt tamen, qui eam sententiam iure civili probari putent, in quibus est Accursius ad legem hanc. Qui duobus utitur argumentis, sed frivolis.

Accurcius sic argumentatur. Triens natura debitum filio non potest fideicommissio onerari; quia de legitima omne ius & gravamen subducitur, *L. quoniam in prioribus, L. scimus, D. de inoffic. testam.* Cum ergo filius heres institutus rogatus est hereditatem paternam restituere, perinde est, quasi de triente natura debito restituendo rogatus non esset. Ex quo colligit de reliquo patrimonio restituendo filium rogatum videri, proinde & eius patrimonii reliqui quartam retinere non posse.

Respondeo; Vitiosissime colligit: Nam & cum heres extraneus oneratus est legatis supra dodrantem. Item, cum rogatus est hereditatem restituere, videtur de quarta parte hereditatis nihil a testatore constitutum: nam hæc quarta retinetur ipso iure, quasi nec legata, aut fideicommissa esset, dicta *L. in quantitate, §. ult. D. eod.* Et tamen cum heres hanc quartam habet, de reliquo dodrante deduci nihil potest. Præterea hoc argumentum adversus auctores facit; sic enim colligi debet: cum filius rogatus est portionem hereditatis restituere, non videtur rogatus de triente restituendo. Ergo cum trientem filius solum habet: si habet, consequens est eum amplius quarta hereditatis consequi non posse, qui quartam habet, & amplius. Deinde Accursius argumentum ducit ex *L. quoties, D. eod.* ubi si quid legatum sit ei, qui capere non poterat & contributis omnibus legatis reperiatur supra dodrantem legatum esse: placet in hoc legato, quod non capienti relinquatur, sic ponit rationem L. Falcidiae, ut Primo heres portionem Falcidiae ex hoc legato detrahat, deinde ex reliquo dodrantis eius legati detrahat eam portionem, quam legatarius capere non potest. Respondeo:

Tom. IX.

Exemplum ad rem plane nihil pertinet. Nam hoc exemplo heres non retinet, nisi unam quartam, quæ ex L. Falcidia ei debetur. Quod amplius retinet ex dodrante, non sibi, sed fisco retinet. Deinde non retinet, tanquam sibi debitum, sed tanquam ei legatum.

Multæ præterea rationes ab aliis in hanc sententiam colliguntur. Sed omnes eiusmodi, quæ nullo negotio refelli possunt. Una est tamen ratio pro ea sententia, quæ magnam speciem veri, & æquitatis habet. Ea nobis erit una pro omnibus. Est autem hæc: cum heres rogatus est restituere hereditatem, sic ratio L. Falcidiae, ponitur certo & explorato iure, ut heres rogatus ante deducat, quod sibi a defuncto debebatur: quod reliquum est patrimonii, id solum patrimonium defuncti esse existimatur. In eoque id observatur, ut heres eius reliquam partem habere debeat, reliquum dodrantis præstare legatariis, aut fideicommissariis. *L. irritum, supra h. t. §. ult. Institut. ad L. Falcid.* At triens & tota ea portio legitima, quam filius, ut filius habere debet, est debitum filii, quod a patre filio debetur, & quidem iure naturali, ut probatur in *L. ult. de bon. damnat. in Novell. v. de hered. & Falcid. §. patrimonium itaque.*

Proinde, cum filius institutus rogatus erit restituere paternam hereditatem, secundum regulam supra scriptam, ante omnia deducere debet trientem sibi natura debitum; deinde in reliquo ita ponitur L. Falcidia, ut ex eo reliquo quartam retineat, & quod reliquum est dodrantis, fideicommissario restituat. Hæc ratio infirmari non potest, si statimus trientem legitimum, qui filio debetur, esse ex numero reliquorum debitorum hereditarium. Sed hic respondebitur recte ex iure civili, quod dicitur in ratione L. Falcidiae ineunda aut deduci res alienum, quod heredi debetur, id intelligendum est, si quod sit debitum, ut a defuncto, aut herede debeat. At si est aliquid, quod tribuatur iure heredi, non a persona defuncti, aut hereditatis, id ante omnia non deducitur, aut si deducitur, ex reliquo patrimonio nihil deducitur amplius. Argumento est certissimo quarta, quæ ex L. Falcidia debetur: item quæ ex Senatusconsulto debetur. Nam hæc L. quunque & Senatusconsulto debetur, itidem ut portio legitima debetur lege naturæ liberis; & tamen cum heres hanc quartam semel deducit, quæ ex legibus & Senatusconsultis debetur, in reliquo dodrante nihil amplius deducere potest.

Ddd

Ve-

Veruntamen ad hanc responſionem hoc referri poteſt, divetſam eſſe cauſam quartæ, quæ ex L. Falcidia retinetur, & portionis legitimæ, quæ filio debetur. Nam quarta Falcidiæ tantum iure civili debetur: portio debita liberis naturali ratione debetur, & legibus naturæ: ut conſequens ſit, plus in ea debitum eſſe, quam cæteris, dicta L. ult. D. de bon. damnat. Ex verſimile eſt hac ratione motum Innocentium ſuperiorem ſententiam comprobaviſſe in d. cap. Raynutius. Et certe ſi hoc conceditur, portionem legitimam, quæ debetur liberis, vere debitum eſſe patri-monii, nihil cauſæ dici poteſt, quin prius hunc trientem filius retineat, tanquam æs alienum. In reliquo autem patrimonio recte retineat ex d. L. irritum, ſupra.

Sed & eadem principio poſita argumen-ta, quæ in priorem ſententiam aſſereban-tur, facile diluuntur. Non obſtat, quod dicitur filium rogatum reſtituere portionem hereditatis paternæ, reſtituere debere do-drantem eius hereditatis, deducta ſolum quarta, L. iubemus, ſupra, ad Trebell. & ſimilibus locis. Fatebimur enim hoc ita eſſe: ſed reſpondebimus, portionem he-reditatis paternæ æſtimandam eſſe deduc-tio prius ære alieno, quod filio debetur. In eo autem ære eſſe trientem filio na-tura debitum in ſucceſſione patris. Hoc triente deducto æris alieni loco, quod ſupererit, erit hereditas paternæ, cuius detracta quarta dodrantem reſtituere co-getur.

Non obſtat etiam, quod dicitur, here-dem, qui quartam hereditatis habet, non poſſe quartam ex Senatusconſultu, ſui L. Falcidia retinere: quia habet, quod pet-it. Hoc enim ita eſt, ſi heres quartam habeat iure hereditario, aut iudicio de-functi, L. in quartam, D. eod. At portio hereditatis debita, id eſt, triens ille, de quo loquimur, non accipitur a filio iure hereditario, aut iudicio defecti, ſed tanquam debitum. Idecirco in eadem cauſa haberi debet cum reliquis, quæ filio debentur, ut ſcilicet in æſtimando patri-monio defecti patris hoc debitum ante omnia deducatur. Deinde quod ſuperſit, exiſtimetur eſſe hereditas patris. Non ac-cipi autem hunc trientem iure fideicom-miſſario, aut iudicio defecti, ſed tan-quam debitum, argumento eſt, quod fi-lius idem etiam haberet ab intellato, & multo plus. Non obſtat etiam, quod qui-dam obiciunt: Natura abſurdum eſſe, ut duæ quartæ dicantur ex eadem heredi-tate detrahi poſſe, & nihilominus his de-tractis, dicatur dodrans reſtitui.

Facilis enim hic reſponſio eſt, admiſſa ea ratione, quam ſupra poſuimus. Nam triens natura filio debitus, non ut quarta hereditatis deducitur, ſed ut æs alienum, ita ut filius deducendo trientem æris alie-ni loco, & ex reliqua ſubſtantia detrahendo quartam, intelligatur uam tantum quartam habere hereditatis paternæ, ſed quæ æſtimata ſit prius deducto ære alieno.

Quid igitur in hac varietate iuris no-bis ſequendum eſt? Reſpondeo, Mellius eſt, eam ſententiam ſequi, quæ confir-mata eſt in cap. Raynutius, de teſſam. Idque his de cauſis. Primo, quia præ-terquam, quod conſirmata eſt eius cap. auctoritate: etiam in uſu & foro ita obti-nuit, ut fere ubique ſeruetur. Quæ ex re ſit, ut ſit multo tutius non ſe vexare ina-nibus ſumptibus adverſus eam ſententiam. Deinde, quia eſt hac ſententia non eſſe ex iure civili: tamen non eo minus æqua & benigna eſt, & benignior, quam prior. Nam ea demum ſententia benigniſſima & æquiſſima putanda eſt, quæ natu-ræ rationem & legem ſequitur, L. pe-nult. D. de iuſt. & iur.

At ratio naturalis, tanquam naturæ lex tacita, ſucceſſionem parentum liberis tan-quam debitam tribuit, ut eſt in L. ult. de bon. damnat. Proinde ea ſententia æ-quiffima iudicanda eſt, quæ parentum he-reditatem quam maxime & prolixiſſime liberis retinet, qualis eſt ſententia ſupe-rior de triente non debito prius deducen-do, deinde de quarta reliquæ ſententiæ detrahenda. Poſtremo etiam ex ratione civili ea ſententia admittenda eſt. Eſt enim non ſit explorati iuris civilis ea ſen-tentia, ſed multa contra ex iure civili dici poſſint: tamen ſuperior ratio, quam pro ea ſententia adduximus, hoc ſaltem facit, ut res in dubitationem, & ambi-guitatem revocetur. In dubiis autem etiam iure civili placet benigniorem ſenten-tiam præferendam eſſe, L. ſi fuerit le-gatum, in fin. de reb. dub. L. ſemper in dubiis, de reg. iur. Ea autem ſenten-tia humanior & benignior eſt, quæ pro liberis facit.

Hac ſententia admiſſa propter eam rationem, quam ſupra adduximus, dicen-dum eſt non tantum filium, qui rogatus eſt, reſtituere portionem hereditatis pa-ternæ, poſſe ita deducere trientem, ut ſu-pra dixi, deinde reliquæ ſubſtantia qua-rtam, tunc, cum rogatus eſt hereditatem reſtituere, ſub conditione, ſi ſine liberis decellerit, ut Accuſius exiſtimavit, hoc loco: ſed etiam filio rogato idem tribuen-dum eſſe, etiam rogatus ſit pure portionem he-

hereditatis pateron restituere, contra distinctionem Accursii hoc loco. Nam semper verum erit filium rogatum posse deducere trientem, ut sibi natura debitum: quo deducto, consequens erit reliquum patrimonium ita posse restitui, ut inde filius possit deducere quartam ex Senatusconsulto, *L. irritum. sup.*

Hac sententia questum est, quantum in duabus illis deductionibus, quas filio tribuimus, filius deducere debeat, & de triente convenit inter omnes, tunc ex tota hereditate deirahi: de quarta quæ amplius ex SC. deduci debet, questio est: quidam putant præter quatuor uncias hereditatis, quas filius iam retinuit, habere eum debere eiusdem hereditatis uncias tres, ut sic totius hereditatis, ex qua institutus est, habeat 7. uncias, quinque tantum restituat. Sed hæc sententia merito displicuit, quia triens, qui primus deducitur, non ut quarta deducitur, sed ut res alienum & debitum filii; Secundum quam sententiam huius deductionis ratio ita ineunda est ex sententia *L. irritum*

sup. Filius autem quatuor uncias hereditatis deducit: id quod reliquum est, dividetur in duodecim uncias, ex quibus filius tres accipit, reliquum dodrantem restituit. Aut quod idem est, deductis quatuor unciis, ex tota hereditate, relinquuntur res hereditatis, id est, 8. uncie, ex quibus filius quartam partem tantum habebit, id est, duas, ut sic ex tota hereditate auferat 6. uncias tantum, non septem. Neque nos movere debet ratio eorum, qui 7. uncias filio tribuunt. Dicunt enim, filio tribuendam esse quartam totius portionis paternæ. Portio autem quartæ totius hereditatis paternæ non sunt duæ uncie, sed triens. Respondemus eum verum esse, filio tribuendam esse quartam totius portionis paternæ. Sed iam diximus, hanc portionem paternam non ulli dari computato adhuc triente, qui natura filio debetur, sed computari eo triente aut deducto, ut ære alieno: quod reliquum est, id totam portionem pateronam existimari debere.

Ad L. Si ut allegas. 11.

Imp. Gordianus A. Maximæ.

Si (ut allegas) pater tuus eam portionem, ex qua te facit heredem, fratribus tuis restituere iussit, certisque speciebus pro Falcidia præcepit esse contentam: auxilium legis Falcidiæ, quod imploras, apud suum inducem non probiveris flagitare. PP. VII. Kalend. Novemb. Arriano & Pappo Coss.

S U M M A R I A.

Filia heres instituta & rogata restituere portionem paternam fratribus, quartam ita retinet, ut te-

stator prohibere non possit, quam minus retineat.

2. An idem post contrariam Iustiniani constitutionem locum habeat.

Filia † a patre instituta, & rogata restituere portionem paternam fratribus, quartam ita retinere potest, ut testator prohibere non possit, quo minus eam retineat, sive in totum prohibeat, sive pro ea quarta aliquid filie attribuerit, ut hic. Non quod non debeat in quartam imputari id, quod a defuncto tribuitur, *L. in quartam, D. cod.* sed quod si id ad quartam non sufficit, possit filia, quod amplius est, ex Senatusconsulto deducere, vel petere, quod Senatusconsultum hic appellatur Falcidia, quia Senatusconsulto permittitur est, ut quarta ex fideicommissa
Tom. IX.

hereditate ita deducatur, uti per L. Falcidiam de legatis deducere concessum est, ut docuimus *ad L. iubemus, sup. ad Trebell.* Hæc sententia ex iure veteri certa est, quo iure testator contra L. Falcidiam non potuit cavere, ne quarta portio hereditatis apud heredem maneret, *L. quod bonis. S. 1. L. si debitor, D. cod.* Quid † dicemus hodie, post constitutionem Iustiniani, qua cautum est, licere testatori prohibere, ne portio ex L. Falcidia deducatur. *Autb. sed cum testator, sup. cod.* Respond. si hæc quartam intelligimus eam portionem, quæ filie na-

D d d 2

tura

tura debetur ex successione patris, hanc testator prohibere non potest. *L. quoniam in priorib. L. Scimus, sup. de inoffic. testam.* Nec constitutio nova Iustiniani ad eam portionem pertinet. Hæc enim portio, ut naturæ iure debita deducitur, non ex *L. Falcidia*. Deinde eadem *Novella, de hered. & Falcid. §. pen.* declaratur, libertum non posse testamento suo prohibere, quominus patronus quartam sibi debitam habeat. Plus autem iuris est filiis in ea portione, quæ illis in successione patris natura debetur. Quod si præter hanc portionem filia etiam deducere velit de reliquo patrimonio quartam, ex Senatusconsulto, ut facere posse eam diximus, *ex c. Reynatus, de testam.* potest patri licere ex *Novel. constitutione* hanc quartam partem prohibere.

Non obstat, quod *Novella* constitutio scripta est de *Falcidia* prohibenda, hic autem agitur de quarta *Trebell.* nempe quæ ex fideicommissa hereditate deducitur. Est enim verum est, quod in prioribus legibus nominatim correctum non

est, id posteriorum legum regulis permittendum esse. *L. precipimus, in fin. infr. de appellationib.* tamen verbo *Falcidiæ*, quo *Novella* utitur, satis continetur quarta, quæ retinetur ex Senatusconsulto. Nam & hæc *Falcidia* appellatur nominatim in hac *L. item in L. subemus, supr. ad Trebel.* de quo illic plura. Deinde ratio Iustiniani in *Novel. constit.* cur velit posse prohiberi deductionem *Falcidiæ*, est hæc, ut voluntas defuncti conservetur, *d. Novel. l. §. hinc nobis.* Hæc ratio pariter in quarta *Trebellianica* locum habet. Pnitremo maior causa est, cur testator possit deducere quartam *Trebellian.* quam quartam *Falcidiam* quæ deducitur ex singulis legatis. Nam *Falcidiam* quarta prohibita, licet heredi hereditatem non adire; *Trebelliana* etiam prohibita, non licet heredi hereditatem non adire. Quisquis enim heres rogatur restituere hereditatem, is etiam adire cogitur & restituere, ut sup. cit. dixi. Multo igitur facilis, & huius deductionis prohiberi potest a testatore.

Ad L. In donationibus. 12.

Impp. Dioclet. & Maximianus AA. Iustino.

In donationibus inter virum & uxorem factis legem Falcidiam habere locum, quando fideicommissi partibus funguntur, nonnullis iuris placitis comprehensum est. PP. XVI. Kal. Iul. ipfis AA. IV. & III. Coss.

S U M M A R I U M.

1. *Donationes, quæ inter præsentem factæ morte solum testatoris confir-*

mantur, vicem legatorum obtinent, & in iis Falcidia locum habet.

QUæcumque donationes inter præsentem factæ morte solum donatoris confirmantur, hæc vicem legatorum obtinent; quæ & ipsa solum morte confirmantur. Eadem ratione fit, ut in iis donationibus itidem, ut in legatis *Falcidia* locum habeat, idest, hæc donationes in numero legatorum componentur, cum quaeritur, quantum legatum sit, & an legatum sit supra dodrantem. Item ut ex iis, tanquam ex legatis deduci possit, quod

dodrantem patrimonii excedit, ex *L. Falcidia*. Exemplo est donatio causa mortis, de qua in *L. si mortis, infr.* item donatio inter virum & uxorem, de qua *h. t.* Huiusmodi donationes ipso iure non valent. *L. 1. 2. 3. D. de donat. inter vir. & ux.* Sed tamen nisi a donatore revocatae sint, morte elus confirmantur, *L. cum hic statim, §. 1. de donat. inter vir. & ux.* Unde & *L. Falcidiæ* locus, ut ibidem scriptum est.

Ad L.

Ad L. Si ea. 13.

Idem AA. & CC. Zetho.

Si ea, cuius filium tuum servum significas, ex iudicio defuncti, quem dicis fideicommissariam libertatem ei reliquisse, aliquid consecuta est: ad restituendam fideicommissariam libertatem non immerito obnoxia constituta debet urgeri. Nam fideicommissum ei relictum usque ad eum modum potest petere, quem deducto pretio servorum, quos fuerat rogata manumittere, relictorum substantia patitur. S. V. Kalend. Maii, Heracliae, AA. Coss.

S U M M A R I A.

1. Titia rogata, ut servos per fideicommissum sibi relictos, & amplius servum quendam proprium manumitteret, an fideicommissio agnita cogenda sit manumittere.

2. Quatenus servos sibi legatos petere possit.

3. Error interpretum huius loci notatur.

TESTATOR servos quosdam suos per fideicommissum legavit Titiae, & rogavit eam, ut servos manumitteret; hoc amplius, ut manumitteret servum quendam suum proprium, qui erat filius naturalis Seli, cuius ad consulationem hoc rescriptum relatum. Titia fideicommissum servorum agnovit, neque postea servum suum proprium manumisit, ut rogata erat manumittere: "urget pater naturalis Seius, ut manumittat.

Quæsitum est, an debeat manumittere? Non videbatur cogenda esse manumittere. Nam qui ex testamento defuncti nihil accipit, ab eo nihil relinqui potest, §. 1. *Inst. de sing. reb. per fideicommiss. rel. L. ab eod. supr. de fideicom.* Hæc autem mulier ex testamento capere nihil videtur. Proinde rogari non potest, ut quicquam præstet. Non videri autem eam quicquam capere, probatur ex definitione capiendi. Nam capere non est manu capere tantum, sed cum effectu, idest, capere, ut maneat. Capere enim, quod restituere opus habet, non est capere, *L. aliud est capere, de verb. sign.* In proposito autem mulier servos per fideicommissum relictos ita capit, ut debeat manumittere, proinde capere non videtur. Quare nec propter id fideicommissum, quicquam ab ea relinqui potest, ultra servos legatos. Hic respondetur eam manumittere cogendam servum, quæ servos per fideicommissum relictos agnovit, etiamsi eos manumittere sit rogata. Et re-

spondeatur, & secundum regulam eam, quæ obitare videbatur. Nam etiamsi servos relictos manumittere debeat; tamen non eo minus in his aliquid capere intelligitur. Nam manumissos habitura est libertos, & ita consecutura in his ius patronatus. Quod ius hæc comoda secum affert, obsequium a libertis debitum, operas item officiales, & præterea ius succedendi liberti ad eum modum, qui constitutus est legibus. De obsequio est *sub tit. de obseq. a libert.* De operis est *sub tit. Inst. de success. liber.*

Hinc colligimus: quicquid est, quod ad aliquem pervenit testamento, id eiusmodi esse, ut qui in eo voluntatem defuncti agnovit, cogendus sit, servum atque adeo servos suos manumittere, quemcumque ab eo testatore manumittere est rogatus, etiamsi servum manumittendi multo sint plures, quam id, quod accipitur, quoniam legatarius voluntatem defuncti agnovit etiam in minimo relicto, non videtur servos suos plures manumissibile, *L. sed si non servus, D. eod. L. generaliter, §. si quis alienum, L. si debitor, de fideicommiss. liber.*

Quæsitum est amplius, quatenus Titia legataria possit petere servos sibi legatos, quos manumittere rogata est? Respondetur, eam petere posse ad eum modum, quem relictorum substantia patitur, idest, potest petere fideicommissum horum servorum in solidum. Et hoc est, quod dicitur, *L. Falcidiam non minuire libertates.*

tates. *L. si univ. sup. de legat. L. Papin. §. 4. D. inoffic. testam.* Servi autem in proposito per fideicommissum relictī, sunt relictī manumissionis causa, proinde in solidum præstantur, *L. in testatoris 34. & L. seq. D. eod.* Sed additur in hoc rescripto ita præstare solidum hoc fideicommissum ut autē deducantur pretia horum servorum, quos Titius manumittere rogata est: quod fit ex verbis *L. Falcidia ex qua patrimonium æstimatur, deductis prius pretiis servorum manumissorum, §. ult. Inst. h. t.*

9 Vulgo † graviter erratur in interpretatione huius loci, quod fideicommissum

hoc, cuius hic fit mentio, interpretentur fideicommissum pecuniarium, seu pecuniam relictam Titio eo modo, ut servum suum manumitteret, & præterea ex eo pretio alios servos redimeret, quos rogata est manumittere.

Primo de servis alienis redimendis nulum hic verbum est: deinde pecuniam esse relictam in hoc, ut legatarius aliquos manumittat, Falcidia non patitur: id est, non præstatur ad eum modum, quem bonorum substantia patitur, sed quem dodrantis substantia patitur. *d. L. in testatoris, & L. seq. eo.* Quod est conveniens verbis huius rescripti.

Ad L. Licet adieris. 14.

Idem AA. & CC. Faustinae.

Licet adieris patris hereditatem, & confusione pro parte, qua eidem successeris, exstinguatur actio, quam tibi adieris competere, eo quod ex administratione tutela, multa eum debuisse contendis: pro residuo tamen partibus coheredes convenire non prohiberis: & fundum a te relictum eatenus, quoad deducta quarta residui substantia patitur, præstare necesse habes. Dat. VI. Kalend. Octob. Viminacii. AA. Coss.

S U M M A R I U M.

1. Creditore testatoris a testatore pro parte herede instituto, iussu prædium suum restituere Titio, sive

extraneo, sive coheredi, quantum debite a coherede vel ab alio creditor hic de debito consequi possit.

Creditor testatoris institutus est a testatore heres pro parte. Idem iussus est prædium suum restituere Titio, sive is extraneus est, sive coheres. Queritur † de debito huius creditoris, quantum de eo consequi possit? Respondetur primo, posse eum citra omnem controversiam partem hereditariam a coherede petere: quia pro ea parte actio vetus confusa non sit, reliquam autem partem, pro qua ipse heres testatoris existit, eum petere a coherede nullo modo posse. Quod duabus de causis recte respondetur. I. Quia hæc portio iam amplius non debetur, ut consequens sit, eam neque ab herede, neque ab ullo alio peti posse. Nam pro ea parte obligatio tollitur confusione; quoniam nemo idem creditor & debitor esse potest. *L. pen. sup. de hered. act. L. uxor. inf. de bon. act. ind. poss.* Sed quam partem hic heres a coherede accipit, eam retinere potest adversus legatarium, & hoc mo-

do salvam habere; idque est, quod significatur extremis huius rescripti verbis per adversativam. Nam in extremis dicitur, *debere eum præstare legatum a se relictum scilicet, quoad deducta quarta, quantitas patrimonii patitur.* Quibus verbis duo significantur. I. Huic heredem, a quo supra dodrantem portionis eius legatum est, deducere posse quartam suæ portionis, idque est, quod dicitur, in singulis rationibus rationem Falcidia ponendam esse, §. 1. b. s. Alterum iisdem verbis significatur, ita quartam hanc ex *L. Falcidia* deduci, ut heres prius deducat æs alienum, nisi quod ei a defuncto debeatur. *L. in imponenda, sup.* Quo fit, ut hic heres portionem debiti, quam a coherede exigere non poterat; tamen in ratione Falcidia ponenda, ponat, & deducat adversus legatarios, dein reliquam ita partiatur, ut retineat quartam, dodrantem restituat.

Ad L.

Ad L. Si prœdiorum dotis. 15.

Iidem AA. & CC. Pomponio.

*Si prœdiorum dotis apud te iure remanentis instrumenta verbis præcariis, vel testamento, vel codicillis uxor tibi dari mandavit, eius iudicium successores implere compellentur: cum instrumentis prœdiorum domino relictis, Falcidie nulla possit intervenire questio. Supposita. XVI. Kalen. Febr. Sir-
mii CC. Coss.*

S U M M A R I A.

1. *Dos quando soluto matrimonio mulieri, aut heredibus restituenda sit.*

2. *An ex legato instrumentorum Falcidia quoque detrahi possit.*

Soluto matrimonio dos mulieri, aut heredibus restituenda est, L. 2. D. *solut. matrim.* Sed hoc fit ita, nisi in dote danda convenerit, ut vel susceptis liberis, vel mortua in matrimonio uxore, dos maneat penes maritum, L. 2. C. *L. si pater, de pactis dotalib.* Cum forte eiusmodi pactio inter maritum & uxorem intervenisset, ex qua prœdia dotalia apud maritum manere deberent: uxor decedens legavit marito suo instrumenta eorum prœdiorum, id est, tabulas & literas, quibus origo emptionis & acquisitionis eorum prœdiorum continebatur. Hoc ideo recte fit ab uxore; quia nisi hæc instrumenta marito legentur, non sunt mariti, tamen si maritus prœdiorum sit dominus, L. *instrumenta, sup. de fideicommissis.* Quæsitum est, cum tantum legatum esset ab uxore, ut locus esset legi Falcidiae, an fit ex hoc quoque legato instrumentorum Falcidia detrahi possit secundum verba L. *potest, D. eod.* Nam legata sunt; & L. Falcidia omnia legata minuuntur,

si dodrantem excedant, ut supra diximus. Hic respondetur, quod horum instrumentorum nulla sit æstimatio, & proinde non sint in computationem legatorum æstimanda. Nam pretia rerum cum aliis in causis, tum præcipue circa L. Falcidiam non ex affectu cuiusquam æstimantur, veluti si dicat heres, *se nolle istiusmodi instrumentis carere pro 10. aureis b. t.* Sed æstimantur revera communi hominum æstimatione. L. *quia, D. eod.* At pretia instrumentorum, si quis aliis velit vendere, nullo pretio æstimantur, quia aliis omnibus sunt inutilia; proinde nullo modo æstimanda. Recte quoque hanc rationem Accursius reddit, cur non debeat ex his instrumentis quarta detrahi; quia ea quarta heredi sit inutilis, legatario prolit ut consequens sit, heredem non posse eam quartam retinere, nisi ut officiat legatario. Præclare autem scriptum est a Cello, malitis non esse indulgendum, L. *in fundo, de rei vindicat.*



Ad L.

Ad L. Successores. 16.

Idem AA. & CC. Diomedii.

Successores legata, vel fideicommissa, si æs alienum hereditarium defuncti substantiæ fines occupaverit, legis Falcidiæ inssio peti, item Trebelliani Senatusconsulti præceptum exigi non concedit. S. XVI. Kalend. Febr. Sirmii AA. Coss.

S U M M A R I A.

1. *Heres adita hereditate suscipit omnia onera hereditaria una cum commodis.*
2. *Onerum hereditariorum duo genera.*

3. *Quomodo æri alieno & legatis heres obstringatur.*
4. *Æs alienum si sit tantum, ut hoc dissoluto in patrimonio nihil superfit, legatorum nomine nihil debetur.*

Heres † hereditate suscepta, suscipit omnia onera hereditaria, una cum commodis *L. 1. 2. sup. de bon. poss.* Onerum † hereditariorum duo sunt genera, æs alienum defuncti & legata. His oneribus obstringitur heres, sed dissimiliter iure veteri. Nam æri † alieno obligatur in solidum: legata autem non præstantur ultra vires cuiusque patrimonii, ut hic est scriptum, & *L. 7. §. denique ad Trebell. 1. §. in quibusdam, D. si cui plus, quam per L. Falcid. lib. Cc.* Id efficitur & *L. Falcidia & Senatusconsulto Trebell.* Proinde neque ab herede legata supra vires patrimonii exigi possunt, neque possunt a fideicommissario, cui restituta est hereditas. Efficitur hoc *L. Falcidia*, quæ si non patitur legata præstari ultra dodrantem hereditatis: multo igitur minus patitur ea præstari, ultra vires eius patrimonii. Idem efficitur *Senatusconsulto*. Quod si de *Pegaziano veteri* intelligimus, quarta ex eo *Senatusconsulto* deducitur, ut deducitur, ex *L. Falcidia, §. sed quia hereditas, Inst. de fideicom. hered.* Sin intelligimus de *Senatusconsulto Trebell. veteri*, hoc

SC. non transferuntur actiones in fideicommissarium, nisi quæ, & quatenus in heredem comperebant. Legatorum autem petitio ultra dodrantem non competit.

Hinc † consequens est, quod *in princ. hic* dicitur, si tantum sit æs alienum defuncti, ut hoc dissoluto nihil in patrimonio superfit, legatorum nomine nihil deberi, idem in *L. si universe, sup. de legat.* scilicet quia in legatis præstandis ex *L. Falcidia* patrimonium æstimatur, deducto prius ære alieno, ut si quid superfit, eius quartam heres habeat, si nihil superfit, nihil præstare debeat, *§. ult. Inst. eod. tit.* Sed hæc iure veteri ita sunt: constitutionibus autem Iustiniani, quæ scriptæ sunt de inventario ab heredibus faciundo, in totum a iure hoc recessum est. Nam si heres inventarium facit, non tenetur creditoribus ultra vires patrimonii. Si non facit, aut non ita facit, ut ex illis constitutionibus oportet, non solum æri alieno in solidum obligatur, ut ante, sed etiam legatis ultra vires patrimonii, *Ausbert. sed cum testator, in fin. sup. eod. L. ult. sup. de iure delib.*

Ad L.

Ad L. A coheredibus. 17.

Idem AA. & CC. Caio.

A coheredibus relicta legata, quatenus modus Legis Falcidia præstitutus patitur, posse peti, certissimi iuris est. Suppos. V. Kalend. Novemb. Ansbiali. CC. Cass.

S U M M A R I A.

1. *Relictum heredi a coherede quatenus debeat.*

2. *An in singulis heredibus ratio legis Falcidia ponenda sit.*

Heredi a seipso legari non potest; quia non est, qui ei legatum præset. Heredi a coherede recte relinquitur legatum; quia est, qui illi legatum dare possit. *L. legatum, §. 1. de legat. 1.* Posterior pars huius definitionis hic constituitur; & hic queritur, quod a coherede heredi relictum est, quatenus debeat, exempli gratia, qui quadringenta habebat in bonis, duos instituit heredes, Primum & Secundum, ex æquis partibus, Primum iussit Secundo 200. dare. Hic duo querimus. I. An Primus 200. præstare debeat, si nulla esset L. Falcidia. Movet questionem; quia onera hereditaria dividuntur inter heredes pro portionibus hereditariis *L. 2. sup. de hered. act.* Huiusmodi onus videtur esse legatum a Primo relictum, ut proinde videatur Primus ex 200. ab eo relictis 100. debere duntaxat, ut portionem legati, ubi pro portione heres est. Hic respondetur 200. deberi, ut legata sunt a Primo: nihil ad rem pertinet, quod dicitur onera hereditaria dividi inter heredes, pro portione hereditaria. Hoc enim de ære alieno defuncti intelligendum est, ex quo prius tenebatur, *L. ea, quæ, sup. famil. erisc. L. debitorum, de pact.* diversa causa est legati. Nam quantum cuique relictum est testamentum, tantum ab eo reliqui potest, *§. 1. Inst. de sing. reb. L. 4. & 6. de legat. 3.* & hæc ita sunt, si L. Falcidia non interveniat, idest, si supra dodrantem portionem hereditariæ legata relicta non sint. Quid ergo, si supra dodran-

tem eius portionis relicta sint, ut in specie proposita contingit? Et placet heredem L. Falcidia bono sine usorum pro portione sua.

Hæc est illa vetus questio, ut an in singulis heredibus ratio L. Falcidiæ ponenda sit: quod prima ratione non videtur, ut io exemplo a nobis proposito. Nam a Secundo herede nulla legata relicta sunt: Ita sit ut amplius, quam quarta hereditatis apud unum heredem maneat; manet enim semis integer apud secundum. Videtur autem L. Falcidiæ satisfactum, si testator quartam hereditatis integram reliquit, vel apud omnes. Quod si recipitur, consequens erit, Primum heredem in specie proposita detrachere de legatis a se relictis nihil posse, quanvis ea eius portionem exhaustiant. Sed placuit, ut dixi, in singulis heredibus rationem L. Falcidiæ ponendam esse, idest, si tantum a singulis legatum sit, ut dodrans portionis hereditariæ excedatur: quantum ultra dodrantem erit, tantum de legatis singulorum decedet, *L. in singulis, D. cod. §. 1. Inst. de L. Falcid.* Quæ sententia efficitur verbis L. Falcidiæ. Nam in secundo capite non dicitur, cum ita deducitur de legatis, ne minus, quam quartam hereditatis partem unus heres habeat, sed ne minus, quam quartam partem hereditatis heredes capiant. Quibus verbis exigitor, ut quarta apud universos heredes maneat: proinde ut maneat apud singulas portiones.

Ad L. Si quis penuli.

Imp. Iustinianus. A. Ioanni Praefecto praetorio.

Si quis quadringentorum sorte solidorum habens substantiam, iusserit, heredem non aliter adire hereditatem, nisi prius trecentos octoginta solidos cuidam persolvat, vel aliam quantitatem, quae diminueret Falcidiae rationem potest: sancimus heredem, si adierit, legis Falcidiae beneficio sustentatum, replere quidem, quod ad Falcidiam deest: Et prius eo dato, vel retento, sive una datio est, quae celebrari disposita fuerit, sive in multas dividitur personas, praefatae legis immutatum habere beneficium. Si enim cum mortis causa donatio procedat, Et haec modum legis Falcidiae excedat, heres post additionem repetit eam pecuniam, quae ultra modum legis Falcidiae corporaliter quidem data est, lege autem in patrimonio testatoris permansit: quare non in praesenti casu Et viventibus, Et morientibus providemus, Et eorum ultima elegia conservantes, Et commodum hereditarium non minuentes? Dat. Kal. Novemb. Constantinop. post Consulatum Lampadii Et Orestis VV. CC.

S U M M A R I A.

1. *Conditio, quae sit conditionis implenda causa, an lege Falcidia minuat, ut legatum.*
2. *Heres institutus sub conditione, si 300. dederit, an cogatur ab initio totam eam summam praestare, ut fiat heres, postea detracturus Falcidiam;*

an vero ab initio possit detrabere 80. Et 300. praestando fiat heres.

3. *Conditionis implenda causa quae capiuntur, an imputentur in quartam.*

Cum quaeritur, an supra dodrantem legatum sit, ut L. Falcidiae locus sit, placet in his, quae relinquuntur, computanda esse, non tantum legatum, sed ea etiam, quae legatorum vicem obtinent, quae omnia in numero & computatione legatorum traduntur: & si omnia hereditatis dodrantem excedunt, singula per L. Falcidiam minuuntur, quatenus dodrantem excedunt. In his habentur donationes causa mortis, *L. si mortis*, *L. in donationibus*, *sup. h. s.* Quaeritur est hoc loco, an in eadem causa haberi debeant ea, quae conditionis causa implendae ab herede praestantur, exemplum est tale. Qui 400. habebat in bonis, non potest amplius legare, quam 300. proinde si legavit 380. de legatis 80. decedent, ut 100. apud heredem maneat. Quid si testator ita scripserit, *Lucius Titius mihi heres esto, si 400. Titio dederit*. Quaero, an huius conditionis implendae causa necesse habeat heres 400. praestare, ut fiat heres; an vero non habeat necesse praestare, nisi 300. propter L. Falcidiam, ut nihilominus recte fiat heres 300. praestitis. Quaestio est

in eo, an et haec conditio, quae sit conditionis implendae causa, Lege Falcidia minuat, ut legatum, secundum verba L. Falcidiae. Haec praestatio non potest minui; quoniam Lege Falcidia solum legata minuuntur, & quae legatorum vim habent, ut verba legis declarant, *L. 1. D. cod. & dicitur apertius in L. in quantitate partem, §. ult. D. cod.* Quod autem praestatur ab herede conditionis implendae causa, id neque legatum est, neque legati vim habet, quod dilucide testatur Tit. *si quis omnia causa testamenti*. Nam edicto, *si quis omnia causa testamenti*, cautum est, si quis omnia causa testamenti ab intestato possideat hereditatem, ut de minus legata, & quae legatorum vicem obtinent, praestet, quam si ex testamento hereditatem adiisset, & tamen si heres fuerit institutus sub conditione, *si 10. Titio dederit*, & ab intestato possideat hereditatem: placet eum 10. non debere. *d. L. si quis sub conditione, D. si quis omis. caus. testam.* Non sunt igitur ea 10. legata, nec legati vim habent, alioqui ex edicto praestanda essent. Constituit hoc lo-

co Iulianus nihilominus de præstatione, quæ fiat ab herede conditionis implendæ causâ, quartam non minus detrahi posse, quam ex legatis & donationibus causâ mortis potest. Non obstat, quod hæc prælatio non est in numero legatorum, ac eorâ, quæ vim legati habent. Non enim ideo de hac præstatione Falcidia detrahatur, quia prælatio fit contra verba Legis Falcidiæ; sed quia est in fraudem legatorum. Quando Lege quid prohibetur, non tantum prohiberi intelligitur, quod est contra verba legis, sed etiam quod est contra mentem & sententiam legis, idest, contra id, quod vult lex, etiam verbis non prohibuerit. *L. non dubium, sup. de legib.*

Huiusmodi est hæc prælatio, de qua queritur. Nam L. Falcidia vetuit ultra dodrantem legari, ne aliqui heredes nullo lucro provocati omitterent hereditatem, & ita delinqueretur indicium defuncti, ut est *Iustit. eod.* At hac prælatione heredi iniuncta, eodem res recidit, ut si heres cogatur totam eam pecuniam præstare, quam iustus est, futurum sit, ut hereditatem omittat; ergo hæc quoque prælatio est contra id, quod lex voluit; proinde irrita est, sic atque hæc prælatio esset in numero legatorum. Hinc colligimus, non solum donationes causâ mortis L. Falcidia minui, ut legata, sed etiam omnes præstationes, quæ sine donatione mortis causâ capiuntur, quæ est, quod ab herede præstandum est conditionis implendæ causâ, ut declaratur *L. mortis causâ capitur, in princ. §. sine donatione, D. de mort. causâ. donat.*

Hæc sententiæ contraria videtur *L. 1. §. item si ita, D. eod.* Proponitur exemplum eiusmodi; testator ita scripsit: *Heres meus Titio, penum dato, si non dederit, 10. ei dato.* Hoc in casu placet, si heres in præstando penum moram fecerit, statim 10. deberi, & sola deberi; amplius autem non deberi penum, nec legatum esse; sed tamen heredem, ut liberetur, posse penum præstare; si præstiterit, in Falcidiam non imputabit, idest, non computabit in numeratione legatorum; nec de penu quicquam detrahi posse ex L. Falcidia; & tamen penus in hac specie mortis causâ capitur; nam huius capiendi occasio obvenit per mortem testatoris, quæ definitio est mortis causâ capionis in *d. L. mortis causâ capitur.* Respondeo non sunt contrariæ horum locorum species, quæ sunt dissimiles. In hac lege agitur de eo, quod heres ex conditione præstare debet, quo non præ-

Tom. IX.

stito non est heres factus. Itaque id præstare cogitur, si vult, heres esse, ut merito hæc prælatio legatis comparetur. At in exemplo legis, quod supra retulimus, heres non habet necesse, penum præstare, si non vult. Nam quanvis non præstiterit, nihilominus heres erit; potest enim præstare 10. quæ sola legata intelliguntur. Hinc hæc distinctio tenenda est, quod heres præstare cogitur, si vult heres esse, de eo Falcidiam detrahet, uti de legato, ut in hac lege. Quod autem præstare necesse non habet, de eo non detrahit Falcidiam, etiam si id mortis causâ capitur; quia si id præstat, sibi imputare debet, qui id præstare necesse non habuerit.

Quæritur est circa exemplum huius legis, an si heres institutus sub conditione, si 380. dederit, cogatur ab initio totam eam summam præstare, ut fiat heres, postea detractus Falcidiam? An vero iam a principio possit detrudere 80. & 300. præstando fiat heres? Quidam putant heredem debere 380. præstare solida, ut conditionem impleat, & conditione impleta fiat heres. Movet eos; quia conditio omnis implenda est, ut vulgo loquuntur, in forma specifica, idest, secundum præscriptum verborum conditionis, ut nihil in illis omittatur, *L. qui heredi, in princ. D. de cond. & demonstr.* Sed huius sententiæ adversantur huius legis verba, quia si potestas heredi retinendæ prius Falcidiæ, illis verbis: *prius dato, vel retento.* Deinde quia in extremo dicitur, quod hæc prælatio ipso iure minuit, quemadmodum donatio causâ mortis. Non obstat, quod dicitur conditiones implendas esse ex omni parte. Hoc enim dicitur de conditionibus utilibus, non vero de conditionibus, quæ pro non scriptis habentur, qualis est hæc conditio, quatenus prælatio dodrantem hereditatis excedit: placet enim eatenus ipso iure minui præstationem. Hic introducitur hæc questio.

An si ea, quæ conditionis implendæ causâ capiuntur, imputentur in quartam ratione sumpta ex specie huius loci? Sed hæc questio hoc loco inepta est, & stolidâ. Nam hic agitur de eo, quod heres præstare debet, & de eo qui cupit Falcidiam retinere. Questio autem superior ponitur de his, quæ heredi præstentur conditionis implendæ causâ, veluti si fundus legatus sit sub conditione, si 10. heredi daret, ubi quæritur, an hæc 10. data heredi imputentur in quartam? Certi autem iuris est hæc non imputari; *L. id autem quod L. in quartam, D. eod.*

Ecc 2

Ad L.

Ad L. Cum certum. ultim.

Idem A. Ioanni Praefecto pratorio.

Cum certum sit, heredem, qui plenam fidem testatoris exhibet, in solidum legata dependentem non posse postea rationem legis Falcidiae prætendentem repetitione uti, quia videtur voluntatem testatoris sequi: lubemus hoc simili modo firmum haberi, & si cautionem super integra legatorum solutione fecerit: quod veteribus legibus in ambiguitatem deductum est. In utroque enim casu, idest, siue solverit, siue super hoc cautionem fecerit, æquitatis ratio similia suadere videtur. Dat. XV. Kal. Novemb. Constantinop. post Consulatum Lampadii & Orestis VV. CC. anno secundo.

S U M M A R I A.

1. *Quartam Falcidiam qui retinere potest, an, si ultra stipulanti promittit, idem solida legata debeat,*

nec retinere quartam possit.

2. *Dubitandi rationes adductæ.*

QUI quartam ex lege Falcidia retinere potest, si uliro solvit, non repetit, *L. error. sup. eod.* Si uliro ꝑ stipulanti promittit, quantum est, an idem solida legata debeat, nec retinere quartam possit? Constituitur hoc loco, eum, qui solida legata promittit, quartam retinere non posse contra stipulantiem. Inutilis constitutio est, nisi hac de re sit aliqua dubitatio. Et veteres de eo dubitarunt, ut hic testatur Iustinianus. Dubitatio existat in *L. si patronus, §. 2. de donat.*

2. *Quæro, ꝑ cur hic dubitetur circa legem Falcidiam de stipulatione: cum certi iuris sit, ex stipulatione omni iure civili obligationem nasci, §. de constituta, Instis. de actionib.* Respondeo, dubitatio nata est exemplo patroni: nam si patronus institutus sit a libertis, & ex debita portione; & rogatus sit quid præstare: si id stipulanti promittat, stipulatio

non valet, *d. L. si patronus, in princ. D. de donat.* Quæ exemplo videtur idem dicendum in eo herede, qui promittit se legata præstiturum ultra portionem legis Falcidiae debitam. Respondeo: dissimilia hæc sunt: nam portio debita patrono in bonis liberti debetur ob reverentiam patrono debitam. Hæc reverentia videtur violari, cum patrono hæc portio non servatur: sic fit, ut stipulatio contracta videatur esse contra bonos mores. At heredi extraneo testator non debet reverentiam: ob hanc causam si heres promittit, se solidum legatum præstiturum, nihil hic fit contra bonos mores, ac proinde stipulatio valet. An idem hic efficiat simplex pollicitatio, quæ heres promittit se solidum soluturum, quod efficit promissio stipulanti facta. Vide quæ diximus *ad L. 1. & 2. sup. de fideicommissis.*



HUGONIS DONELLI

IURISCONSULTI

COMMENTARIA

IN CODICEM

IUSTINIANI.

AD TIT. XLVII. LIB. VII. COD. DE SENTENTIIS QUÆ PRO EO
QUOD INTEREST PROFERUNTUR.

Est hæc lex sive constitutio tota forensis, ut vel ipsa inscriptio satis declarat. Iudici præcepta dat, quæ sequatur, ubi in id quod interest, condemnatio facienda est. Est igitur hic locus peropportunos visus de tota hac quæstione, non satis explicata, sed maxime controversa atque difficili, & tamen ad cognoscendum necessaria pluribus verbis differendi.

Ad L. Cum pro eo. Unic.

Imp. Iustinianus A. Ioanni. P. P.

Cum pro eo, quod interest, dubitationes antiquæ in infinitum productæ sint: melius nobis visum est, huiusmodi prolixitatem, prout possibile est, in angustum coartare. Sancimus itaque in omnibus casibus, qui certam habent quantitatem vel naturam, veluti in venditionibus, & locationibus & omnibus contractibus, hoc quod interest, dupli quantitatem minime excedere. In aliis autem casibus qui incerti esse videntur, indices qui causas dirimendas suscipiunt, per suam subtilitatem requirere, ut hoc quod revera inducitur damnum, hoc reddatur, & non ex quibusdam machinationibus, & immodicis perversionibus in circuitus inextricabiles redigatur: ne dum in infinitum computatio reducitur, pro sua impossibilitate cadat: cum sciatis esse naturæ congruum, eas tantummodo pœnas exigere, quæ vel cum competenti moderatione proferuntur, vel a legibus certò sine conclusæ statuuntur. Et hoc non solum in damno, sed etiam in lucro nostra amplectitur constitutio: quia & ex eo veteres id quod interest, statuerunt. Et sit omnibus, secundum quod dictum est, finis antiquæ prolixitatis, huius constitutionis recitatio. Das. Kal. Septemb. Constantinop. post Consul. Lampad. & Orest. Coss.

CAPUT I.

C A P U T I.

S U M M A R I A.

1. *Nomine eius quod interest sive factum sive non factum oportuit exigatur aestimatio.*



Ubius in causis aut ex eo, quod factum est, quod non oportuit, aut ex eo, quod factum non est, quod debuit, actio constituta est: in omnibus ita fere ius esse reperitur, ut eo nomine in id quod interest ageris, & petitio, & condemnatio constituta sit. Ex certe cum neque quod factum est, agendum esse possit, neque de eo, quod faciendum est, vis reo facile asserri, ut quod nolit, faciat: nihil in his generibus aliud reliquui videtur, nisi ut quemadmodum facti, ita non facti aestimatio exigatur. Quæ porro alia harum rerum aestimatio esse possit, nisi ut & illic quanti factum non esse, quod factum est: & hic, quod oportuit, quanti factum esse interit, idest (ut nunc intelligi volumus) utile sit ei, qui agit, aestimetur? Sed genera obligationum nobis ante oculos ponamus: tum id ita esse, quod posuimus, quamque hæc ratio late pateat, facilius intelligemus. Cum omnis obligatio contracta aut in dando sit, aut in faciendo: hoc primum de iis, quæ in faciendo consistunt, siue id actum sit, ut quid fiat, siue id, ut ne quid fiat, innumeris locis testatum est: in his non modo reum damnari in id quod interit, sed ipsum etiam illud, quod interit, obligatione faciendi contineri: his locis præferimus, §. *ultim. Inst. de verb. obligat. L. si penam, 68. L. quoties, quis, 81. D. de verb. obligat. L. si quis ab alio, §. ultim. D. de re iudic.* Quæ autem in dando sunt, etiam in his, si ad dandi obligationem hoc quoque accessit, ut conventionis lege certo modo quid, puta certo die, præstari deberet: placet, si per promissorem factum sit, quominus eo die præstaretur, consequi actorem, quanti sua interit, moram factam non esse: idest, factum non esse contra, quam debuit. *L. si fundum, 114. D. de ver. oblig.* Idemque placet, & si quid certo loco dari debuit, neque datum est. *L. 2. in princip. D. quod si Ephesti, de eo, quod cer. loc.* De maleficiis, si quid

2. *Quot & quibus in causis eius quod interest, versetur aestimatio.*

3. *Huius commentationis occasio & utilitas; & rerum ordo & partitio.*

cui damni datum sit iniuria, si quid cui ablatum, aut ereptum: in omnibus sic est actio proposita, ut aestimetur, quanti ea res est, de qua agitur, idest, quanti actoris interit. *L. ait lex, D. ad L. Aquil. L. inficiendo, §. 1. D. de furt. L. 1. §. non solum, D. unde vi.* Nam quomodo aliter in his quod admissum est, faciat, aut vindicetur? Quid interdicit? Nempe hæc cum aut in eo sint, ut possessio nobis restituitur; aut in eo, ut quam possessionem tenemus, ea ne inquietetur, idest in summa, in faciendo: prorsus eandem petitionem & condemnationem habent, *L. 1. §. est igitur, D. uti possid.* Omnibus enim edictis, quæ de causa interdictionum sunt, actio quanti ea res est, datur: quod nihil aliud est, quam id, quod interit. *L. 1. §. hæc verba, D. ne vis fiat ei, L. 1. §. non solum, D. unde vi, L. 3. §. ult. D. uti possid. L. 3. §. in hoc, D. de iti. act. pr.* Utrum in eo genere, cum agitur, ut quid fiat, si reus facere possit, quod ab eo exigatur, præcise cogi possit, ut faciat; an eo non faciente, nulla hæc hic quidem alia condemnatio sit, quam quanti actoris interit, de quo maxime dubitari solet, alias videbimus. Pertinet enim hoc ad naturam, & potestatem cuiusque obligationis quærere, quid in ea versetur, quid ex ea sperare & consequi liceat. De quo alius est dicendi locus. Nunc hoc constat, & in his (saltem tunc, cum reus præstare quod debet, non potest) & in cæteris, in quibus de eo, quod factum est, agitur: aut unam esse condemnationem in id quod interit, aut certe in omnibus vi & sententia legis id in aestimationem vocari. Quod cum ita sit; totidem in causis accidit, ut quærendum sit, quid sit id, quod nostra interesse dicimus, quidque eo verbo ad præstationem, & litis aestimationem contineri intelligatur. De quo cum t magnæ inter veteres quæstiones fuerunt, quas Iustinianus edicta constitutione sub Titulo, *De sententiis, quæ pro eo quod interest proferuntur* decidere conatus est: tum post constitutionem Iustiniani

nianl, de sententia ipsius constitutionis multo maximæ extiterunt: ita constitutio præcise scripta est, & ut in re per se non satis explicata, eorum perspicue. Itaque quod res esset eiusmodi, quam intelligi usque adeo in iuris nostri perfectione referebat, non plures sunt de alia questione, aut accuratioribus Interpretum nostrorum disputationes: sed eiusmodi, (si paucorum eruditorum hominum quos nostra ætas tulit, exceperis) quibus omnia ademeris citius, quam huius loci explica-

tionem concesseris. Quod cum ita esse mihi persuaderem, in aliis etiam nonnulla desiderari scirem, aggressus sum & ipse eandem questionem explicare: si quid forte non dicam melius, planius fortassis asserendo, nostrorum hac quoque parte illud iuvare possum. De re ita dicemus, ut primo simplicius, quid sit id de quo queritur, & cuiusmodi sit: tum deinde quæ sint eadem de re veterum dubitationes, quæ Iustiniani legis de his sententia, numero & ordine accuratius disseramus.

C A P. II.

S U M M A R I A.

1. *Quid valeat verbum hoc, quod interest, cum ex verbis legis tum in actionibus privatis* §. n. 2.

3. *Id quod interest in facto, non in iure consistere: hoc utrumque quid sit.*

Actio in id quod interest, proponitur, de quo nunc queritur. Id quod interest, sic intelligimus, quod nostra interest, qui agimus. *L. 1. in princ. D. de act. empt. L. 3. §. ult. uti poss.* Id ipsum est, quod nobis abest, quodque lucrari potuimus. Tot enim verbis definit Paulus in *L. si commissæ, D. rem rat. hab. Si commissæ est*, inquit, *stipulatio rem ratam dominum habiturum, in tantum competit, in quantum mea interfuit, id est, quantum mihi abest, quantumque lucrari potui.* Idem de lege Aquilia loquens scribit, in ea consequi nos, quod consequi potuimus, si damnum datum non esset, aut quia datum est, quod erogare cogimur. *L. si servum, §. ult. D. ad leg. Aquil.* ubi hoc sentit, consequi nos id quod interest: huius enim assimilatio verbis legis in actionem venit. *L. ast lex, D. ad leg. Aquil.* quam recte id ita dicatur, vis verbi & proprietates explicata declarabit. Proprietate verbi hoc continetur, ut sit quod interest, quod nobis utile est. Verbum enim ita compositum est, ut sit quasi, in re est. Quod pronomina hæc adiuncta probant, quæ cum hoc verbo constringunt, mea, tua, nostra, vestra. Dicimus enim, interest mea, quasi in re est mea, id est, quod ad rem, utilitatemque meam pertinet. Idemque in cæteris illis intelligitur, tua, nostra, vestra. Hac significatione illa dicuntur, Reipub. interesse mulieribus doctes suas conservari. *L. 1. D. sol. matr.* & stipulationes ideo inventas, ut unusquisque acquirat, quod sua interest. *L. stipulatio ista, §. alteri, D. de verb. obl.*

quorum in altero, hoc intelligimus, quod Reip. utile sit; in altero quod stipulanti cuique expediat, & in rem pecuniamque eius redigatur. Sed fortasse in actionibus privatis, in quibus id venire dicimus, quod interest, hoc quod interest aliter accipimus. Imo prorsus eodem modo, quod utile est, quod facilius ex adiuncto animadvertere poterimus. Dicimus enim, si res vendita non tradatur, in id quod emptoris interest; agi: sed adiungitur, quod interest rem habere, ut *L. 1. D. de act. empt.* non dicimus, in id quod interest, rem non esse traditam, quippe rem habere utile, ideoque id est, quod interest: rem non habere, inutile. Sic dicimus in locatione, si locator fundi non præstet conductori, ut fundo fruatur, actionem esse conductori in id, quod ipsius interest frui, non quod interest, quod non fruatur. *L. si fundus D. locati.* Sic in interdicto, unde vi, eum qui deiectus est, tantum consequi, quanti interest deiectum non fuisse. *L. 1. §. non solum D. unde vi.* quanti interest, quod sit deiectus, non dicimus: quoniam hoc inutile fuisse deiectum. Sed cur laboramus, cum constet id quod interest, utilitatem a iuribus auctoribus passim nominari? Venit omnis utilitas, omnis utilitas præstanda est. Hoc illud est, id omne quod interest, venit: id omne præstandum, quod interest. *L. 2. in princ. & §. ult. D. de eo quod cer. loc. L. si sterilis, §. cum per venditorem, D. de act. empt. L. 1. §. hac verba, D. Ne vis fiat ei. L. 1. §. non solum, D. Unde vi. L. pen. D. Si quis cautio.* Quæ autem ista utilitas est eius, quod

quod factum oportuit nisi in eo, quod re perfecta, consequi lucrarique potuimus; quod consecuti non sumus, quodque potuimus habere; quod ideo amissimus, quia factum non est, quod debuit? Recte igitur id quod interest, in actionibus privatis id ipsum esse definimus, quod idem verbo legis ad præstationem continetur. Et quidem ipsum, quod consequi & habere potuimus, non præstatur. Nam neque necesse est; modo damnum faciat, & sæpe in rerum natura esse desit, quod præstaretur: sed quanti est, æstimatur, ut deinde in tantam pecuniam reus damnetur, quæ præstanda ipsa utilitas, quæ nobis adempta est, idest, id quod caremus, præstari videtur. Hoc est nimirum, cur quæ obligationes in faciendo consistunt, in quibus si factum non fuerit, quod fieri stipulati sumus, in id quod interest agi constiat, ut initio ostendimus: ut de his alias ita tradidimus, si factum non sit, quod promissum est, pecuniam dari oportere, ut *L. stipulationes non 72. vers. Celsus, D. de verbo. oblig. L. si quis ab alio, §.*

alibi. D. de re indi. quod tantundem valeret: id enim quod abest, exigi intelligitur, cum eo nomine pecunia præstatur. Quanta autem hæc pecunia futura est? quantum erit, quod abest, quodque lucrari potuimus: id vero ꝑ ex facto, & re nata æstimandum est. Potest enim ex eodem facto pro ratione personarum, locorum, temporum, alias pluris, alias minoris interesse: interdum ne interesse quidem: ideo nulla iuris definitione id comprehendendi potest. Et hoc est, quod pro regula loris traditur, quatenus cuiusque intersit, in facto, non in iure consistere. *L. quatenus, D. reg. iur.* In facto consistunt, de quibus ex facto iudicium est: quæ prout res incidit, ita varie æstimantur: ut hoc de quo nunc loquimur. In iure ea, in quibus cum quid incidere, constet, quidam id, aut quale sit, quod incidit, queritur. Sunt enim hæc eiusmodi, ut hominum prudentia æstimari, & diiudicari possint: proinde & certa aliqua iuris definitione, & constitutione comprehendunt. Arg. *L. Mora, D. de usur.*

C A P. I I I.

S U M M A R I A.

1. *Id quod interest, dividunt Interpretes in singulare, commune, & conventum & quale sit unumquodque.*

2. *Id quod interest, esse unius generis, non triplicis ostenditur.*

3. *Contrarii in speciem iuris loci explicantur.*

4. *Rerum summa & conclusio.*

UT intelligere liceat, non unam esse vulgo huius rei æstimationem, id quod interest, sic vulgus ꝑ interpretum dividit: ut dicat esse alias, cum singulariter nostra intersit, alias cum intersit communiter, alias cum ex conventionione: quæ genera ita distinguunt, ut primum genus vocent interesse singulare, alterum commune, tertium conventum. Singulare ita definiunt: quod ex utilitate, & affectione privata & singulari æstimatur. Commune hoc modo: quod communiter, idest, ex utilitate, & æstimatione hominum communi. Conventum, pecuniam illam esse dicunt, quæ in obligationibus faciendi pro eo quod interest, promissa est, si factum non sit, quod fieri debuit. Quæ divisio nescio utrum per se magis falsa sit, vel absurda potius, an in re de qua agitur, magis stulta, & inutilis. Singulare interesse quoddam esse dicunt. Si id intelligunt singulare, quod ex utilitate, &

affectione singulari cuiusque æstimatur: nullum est singulare: quoniam nihil ita æstimatur, ut postea demonstrabimus. Sin id singulare, quod ex utilitate cuiusque actoris, recte Eguinarius Baro lib. 4. de divid. nihil interesse ait, nisi singulariter. Utilitatem enim suam quisque privatam persequitur, non alienam, aut cum aliis communem: quod sua interest, non quod aliorum. Quid si autem, quod commune quoddam esse dicunt interesse: quoddam conventum, plane non intelligo. Si commune est, quod non tantum nostrum, sed etiam aliorum est: effectum est superiore illa ratione, nullum esse interesse commune. Quisquis enim petit quod interest, is quod sua privatim interest, petit: quod sibi abest, non quod alii. *L. 1. de act. empt. L. 3. in fin. Uti possi L. quatenus, de reg. iur. L. si commissio. D. rem ra. hab.* Id quod interest denique, utilitas est. Utilitas autem propria cuiusque,

que, quam quis persequitur, non communis. At enim quod interell, communiter æstimatur. *L. si servum, ad L. Aquil.* Quasi vero hæc eadem sint, æstimatio rei, & res quæ æstimatur. Quod interell, æstimatur, quanti est. *L. ait lex in fin. ad L. Aquil.* Quare ipsa æstimatio nostra de eo quod abest, dicatur sane, ut volunt, communis, quia tanti homines communiter æstimant: ipsum quod interell, illud est, quod interell mea: ipsum quod abest mihi, non quod communiter. Et pretia patrimonii defuncti, cæterarumque rerum privatarum communiter fungi Sex. Pedius dicebat. *d. L. pretia, ad L. Falcid. d. L. si servum meum, ad L. Aquil.* Veruntamen ipsum pretium commune sit lane: patrimonium utique privatum, itidem ut res cæteræ, non commune. Conventum vero quod interell, quod tandem intelligunt? Poenam nimirum promissam, si quid factum non sit, aut contra quam cautum est, factum sit. *§. ult. Inst. de verb. obi. L. ult. de prat. stip.* Atqui poena etiam tunc petitur, cum nihil interell. *L. stipulatio ista, §. alteri, de verb. obi.* Et ut poena constituta aliquid stipulatoris interell, non ideo tamen poena exigitur, quia nostra interell, sed quia promissa est, remota omni quæstione, an interell. *d. L. stipulatio ista, §. alteri.* Ideo poena certa, quia certa quantitas & conditio stipulationis; eius quod interell, quantitas incerta esse dicitur. *§. ult. Inst. de verb. obi.* At præstatur poena pro eo quod interell. Non ideo poena est id quod interell: cum, ut dixi, illa certa; hoc semper incertum sit. Quid, si hoc etiam falsum est, prællari poenam pro eo, quod interell, cum poena etiam tunc exigitur, cum nihil interell?

Sed video, quid dicturi sint huius divisionis defensores, de verbis scilicet laborare nos, rem omittere: fieri posse, ut minus apte singulare dicatur, quod ex affectione & utilitate singulari; commune illud, quod communiter æstimatur: veruntamen hanc in æstimatione eius, quod interell, esse varietatem, ut alias singularis æstimatio sit, alias communis, alias ex conventu, ex quo hæc genera esse, & intelligi volunt. Et quidem ego etiam hæc verba insolentia, & inaudita iuris auctoribus atque etiam a re aliena esse scio: tamen cum de re querendum esse putent secus, quam loquuntur, concedam illis ibenter verbis suo arbitratu uti. Itaque de re dicam, de verbis molesto non ero. Dico igitur, quod interell, unum

Tom. IX.

esse genus, sive rem spectes, sive eius æstimationem. Re unum esse ex eo intellectum est, quod qui id, quod interest petit, non aliud petit, quam quod sua interest, quam quod abest tibi: nihil quod commune, aut promiscuum sit, cum hoc re vera non abest. Si æstimationem quarimus, & hæc una est, quam illi triplicem esse statuerunt. Quorum tandem modo? quia id quod interest, tanti ubique æstimatur (si modo æstimandum, & præstandum est) quanti re vera est, idest, quanti est communi hominum computatione & æstimatione, non privati alicuius iudicio, aut affectu. Communiter denique æstimatur, ut illi communem æstimationem intelligi volunt, non singulariter. Nam poenam promissam iam dixi eius quod interest, æstimationem esse non posse: cum si quid æstimetur, esse quoque id oporteat: fiat autem sæpe, ut ibi poena promittatur, ubi nihil abest, idest, ubi nihil interest. An vero hæc de eius, quod interest æstimatione, dubia sententia esse potest? Cum ex lege Aquilia de servo, qui occisus est, æstimando ageretur, sic Paulus de sententia veterum scripsit: *Si servum meum occidisti, non affectionem æstimandam esse puto: velus si filium tuum naturalem quis occiderit, quem tu magno emptum velles: sed quanti omnibus valet, & continenter. Sextus quoque Pedius ait, pretia rerum non ex affectione nec utilitate singularum, sed communiter fungi.* *L. si servum, ad L. Aquil. L. pretia, ad L. Falcid.* At ex lege Aquilia actio in id constituta est, quanti ea res est, idest quanti interest servum occisum non esse, damnum datum non esse. *L. ait lex, ad L. Aquil.* Si hæc in damno iniuria dato damni, & eius quod interest, æstimatio est: non est, quod in aliis casibus aliter æstimari existimemus. Maleficia enim omnia odio digna omnium minime impunita esse conveniebat. *L. ita vulneratus, ad L. Aquil.* An vero Iustinianus id parum aperte significat, cum in lege sua ita constituit, ut quod re vera inducitur damnum, hoc reddatur? Quod est, quod re vera inducitur damnum? an quod quis passus est, cum re vera ei quod abesset, cum consecutus non est, quod potuit: an cum ei nihil abesset, id etiam, quod ipse pro affectu suo tanti rem æstimat? Nempe quod re vera passus est, non quo plurius rem æstimat. Non enim ideo plurius est, quia plurius esse arbitratur. Neque vero aliam significationem habet, quod id quod interest, ita definimus, quod nobis abest.

Fff

Quod

Quod nobis adest, inquam, id perfequimur, non quanti rem ex affectu aestimamus. Eodem pertinet, quod his verbis, quanti ea res est, quanti eam rem esse paret (quae passim in legibus & edictis proponuntur) omnes litesconsulti, id quod interest actoris, contineri intelligunt; in quibus modo de privato actoris damno vindicando agitur. Nam, ut obiter hoc de his verbis explicem, incidit aliquando, cum edicto aut lege alia res vindicetur, quam privati damnum, aut iniuria: ut in ea parte edicti, qua Praetor adversus eos actionem pollicetur, qui ius dicenti non obtemperaverunt, eamque poenalem constituit. *L. 1. D. si quis ius dici non obtem.* Quod quidem ad asserendam cuiusque magistratus auctoritatem adversus contemptum litigatoris factum esse apparet. Hic sane, si praetor, quanti ea res est, iudicium pollicetur, ut fecit: nemo dixerit, his verbis id quod interest agentis, significari. *d. L. 1. in fin. si quis ius dic.* quando privati actoris damnum non sit ea res, de qua iudicium constituitur; sed contemptus eius, cum quo agitur, qui hoc iudicio coercetur. Haec autem verba, quanti ea res est, ad rem de qua agitur, referuntur: idque est quod ab Ulpiano de vi & significatione horum verborum definitum, ita legimus in *L. haec verba, quanti, D. de verb. sign. Haec verba, quanti ea res esse paret, non ad id quod ad interest, sed ad rei aestimationem referuntur.* Hoc dicit, non utique ad id quod interest, idest, non ad id solum referuntur, sed generaliter ad rei aestimationem, de qua est sermo, sive id quod interest, & damnum privati, sive alia res agatur: ut si alia agitur, quam privati utilitas, haec ipsa significetur, non alia, ut in eo edicto, quod supra dixi, ad quod superiores illud scripserunt Ulpianum ex eo colligere possumus, quod libro primo id edictum est interpretatus, ut apparet ex inscriptione, quae est ad *L. 1. Si quis ius dicenti*, ex quo ipso libro illa definitio superior sumpta est, si modo verior est aliorum codicum quam Pandectar. Florentinarum lectio, quod mihi probatius videtur. Nam quod in Floren. Pandectis inscriptio est ex *lib. 38.* eo mihi suspectum est: quod si conferantur ea capita, quae ex *cod. lib. 38.* sunt, nullum edictum, nulla veterum interpretatio reperietur, ubi illa verba occurrant; quod in edicto, de iis qui ius dicenti non obtemperant, contra esse constat. Sed ut si alia res erit, quam privati iniuria, haec continebitur: ita plane (quod supra dice-

bam) si de damno actoris vindicando agitur (ut agitur in omnibus, nisi quid aliud de consilio & ratione edicti constet: sunt enim omnia iudicia, ut Cicero scribit, ex cuiusque damno & iniuria expressa) his verbis, hoc significatur, hoc inquam litesconsulti omnes acceperunt, quod actoris interest, ut liquet ex innumeris locis, in quibus *L. 1. §. haec verba, ut vis fiat ei L. 3. in fin. Uti poss. L. ultim. De pra. stip. L. 2. §. ult. Qui satis. seg. iuncta L. ult. Si quis in ius voca. non ierit.* Hoc autem quid est, nisi hoc valet, id quod interest, ita aestimari: ut in eo aestimando ratio habeatur, non quanti quis rem esse potest, aut quanti aestimet, sed quanti sit res vera, idest, ut Paulus loquitur, quanti omnibus valet?

Sed tamen loci proferuntur † quibus id quod interest, & ex affectione spectatur. Quos ego consulto ascribam, non ut ita eile a vobis probetur (alioqui loci ipsi a nobis quod satis esset, indicari potuerunt) sed ut diutudicentur. Sunt autem hi fere quatuor. Hermogenianus *cap. 35.* De minor. *Si in emptionem penes se collocatum minor adiectione ab alio superetur, implorans in integrum restitutionem audietur, si eius interesse emptum ab eo rem fuisse approbetur: veluti quod maiorum eius fuisset.* labolenus *cap. 36. D. de bon. liber. Libertus, qui solvendo non erat, praterito patrono extraneos reliquit heredes, quero an possit petere contra tabulas bonorum possessionem.* Respondi, cum a scriptis hereditas edita est hereditas, patronus contra tabulas bonorum possessionem potest petere: quin solvendo hereditas est, quae inveniat heredem. Et sane absurdum est ius patroni, in petendo bonorum possessione contra tabulas, aliorum computatione non iudicio patroni aestimari, unferrique patrono, quod modicum vindicaturus est. Multi enim cusus intervenire possunt, quibus expediat patrono petere bonorum possessionem, quantumvis eris alieni magnitudo, quam libertus reliquit, facultates patrimonii eius excedat, veluti si praedia sunt aliquam ex bonis liberti, in quibus maiorum patroni sepulcrum sunt, & magni aestimat patronus bonorum possessionis iura pro parte ea ad se pertinere, vel aliquod municipium, quod non precio, sed affectu sit aestimandum. Clarius Papinianus in *L. cum servus extero. 54. mandat.* Cum servus, inquit, extero se mandas emendum, nullum mandatum est. Sed si in hoc mandatum intercessit, ut servus manumitteretur, nec manumiseris, & precium consequetur dominus,

mus, ut venditor, & ex affectu ratione mandati agatur. Placuit enim prudentioribus affectus rationem in bonæ fidei iudiciis habendam. Idem cap. 7. De ser. expor. *Servus ea lege venit, ne in Italia esset: quod si factum esset, convenit citra stipulationem, ut pœnam præstaret emptor. Vix est, ut eo nomine vindictæ ratione venditor agere possit, æturus uti- liter, si non servata lege in pœnam, quam alii promissit, inciderit: Huic consequens est, ut hactenus agere possit, quatenus alii præstare cogetur: quicquid enim excedit, pœna est, non rei persecutio. Quod si ne pœna cassa exportaretur, convenit: etiam affectionis ratione recte agatur: Nec videntur hæc inter se contraria esse; cum beneficio affici hominem, intersit hominis: cuius vero pœna non irrogata: indignatio, solum duritiam continet.* Tot fere in causis, & locis, affectus habendam esse rationem legimus. Sed quam ad id, quod querimus, ista pertineant, videamus.

De eo quod interit præstando agitur. Si id æstimandum est, ut recte præstetur: hoc dicimus non ex affectu privati cuiusquam esse æstimandum, sed quanti quidque pro rei conditione, pro hominum usu atque utilitate omnibus valeat. Id enim interit cuiusque, quod re vera ita se habet, non quod cuiquam privatim ex affectu ita videatur. Superioribus autem exemplis quid efficiatur? Nempe hoc in summa, fieri posse, ut propter affectionem cuiusque, sive quod rem ludicio suo, & affectu pluri æstimet, detur illi actio, quæ remota affectionis causa futura non esset, quod non negamus: non item ut quanti ex affectu sui interesse putat, id illi præstetur: nisi forte sicubi in litem iuretur, quod actor non propter affectionem suam consequatur, sed propter adversarii contumaciam. Quod si id præstandum non est, ne æstimandum quidem est, de quo nunc queritur. Ideo enim id quod interit, æstimatur, ut sit quantitas constituta, quæ postea præstetur. Ita fit, ut quod ex affectu cuiusquam privatim interit (si modo id interesse recte dicere possumus) ut nulum exigitur, ita ne æstimetur quidem. At hoc, inquam, satis est, ut probetur esse, quod singulariter pro affectu nostro interit, si huius rationem haberi aliquo modo ostenditur: quod concedimus. Neque enim si non sit, ratio eius haberi potest. Primum nihil hoc ad institutum pertinet, in quo de eo quod interit præstando, ut dixi, agitur: deinde nullo etiam modo hoc, quod volunt, ex illo efficiatur. Affectus ratio interdum in

Tom. IX.

his habetur, ut ea ratione actio detur, quæ alioqui futura non esset: non ideo datur ob id, quia nostra interit; & ideo dari dicitur, quia interit ex affectu. Vel hæc ipsa adiectio, ex affectu, sive propter affectum, indicat quod ita dicitur, dici modo, non etiam simpliciter, non re vera interesse. Hoc enim ex affectu valet ex computatione, & æstimatione, quam iudicio nostro & sensu nobis fingimus: sive ex eo, quod pro affectu nostro rem nobis abesse tanti æstimamus. Quod si quod ex affectu est, re vera interesset, non ex opinione: æstimaretur id quoque & præstaretur: quia absurdum sit esse in re, quod peiori propter rei frustrationem abesse constet, ut tamen hoc ei non præstetur. Id autem in his causis quas posuimus, non præstat.

Sed exempla ipsa breviter expendamus, quo melius id quod dico ex unoquoque separatim intelligatur. Ergo (ut ab iis, quæ postrema posui, primum ordiar) agit prior dominus affectus ratione ob servum exportatum, quem ipse hac lege venderat, ne exportaretur, ut est in *d. L. 7. de ser. exp.* Quid agit affectio? nempe, ut illi agere liceat de eo, de quo inutiliter esset acturus, nisi vel propter humanitatem & conjunctionem, quæ natura inter omnes homines constituta est, interesset hominis hominam beneficio afficere. Num ergo cum hoc nomine agatur, dominus in id agat, quanti servum exportatum non esse pro affectu æstimabit? Imo vero in hoc agat, ut Papinianus scribit, ut pœna præstetur, de qua convenit, quæ tum etiam recte exigitur, cum nostra nihil interest. *L. stipulatio ipsa, §. alteri, de verb. oblig.* Quod si pœna adiecta esset, eum agenti domino nihil eo nomine abest, nihil est omnino, quod ei queat præstari: hoc enim hominem beneficio non afficere, nullo proposito rei familiaris damno, quanti tandem æstimetur? Et cum servus extero se mandat emendum, in hoc ut manumittatur, isque emptus non manumittitur, affectus habendam esse rationem, ut in bonæ fidei iudicio idem Papinianus scribit, *d. L. cum servus, D. mandati.* Ad quid, videamus: ut ex affectus ratione venditor, idemque qui modo servi dominus fuerat, mandati agat: quæ ratione videlicet tracta agere non posset. Nam ut ibidem Papinianus ait: *cum servus extero se mandat emendum, per se mandatum nullum est.* Cuius enim gratia hoc mandatum interponitur, nisi mandantis, ut eius emptionis emolumentum ad illum redeat?

Fff 2

quod

quod quoniam nullum ad eum redire potest, propterea quod servi nullo modo iure civili agere possint, quid aliud agitur, nisi ut per ipsum servum hoc emolumentum domino, cuius tunc in potestate est, acquiratur? At hoc quoque domino inutile: quid enim attinet servum nomine domini emi, quem ipse dominus iam habet; eum ex mandato nihil aliud consecuturus sit, nisi ut eum mandato suo emptum mandati iudicio consequatur? Et sane si mandatum hoc simplex sit, id est si hoc tantum agatur, ut servus ematur, mandatum nullum sit, utpote servo, & domino servi iuxta inutile. Sed si emptio eo spectabit, ut servus emptus ab emptiore manumittatur, iam ex affectione veteris domini interesse incipiet servum emi, propter spem & fidem manumissionis: si servus filius sit venditoris, aut pater, aut frater naturalis. Ob hanc causam & mandati venditor ager, non in hoc, ut emptiore servum non manumittente, hic affectus aestimetur, & quidquam eo nomine præstetur, quod fieri non potest: sed ut servus venditori domino restituitur ab eo manumittendus: sin minus, tanti damnetur, quanti servus est, etsi forte minoris sit venditus. Nam neque ex constitutionibus liber esse potest, qui est venditus hac lege, ut manumitteretur: oec si eileri, mandati agi posset ad eum manumittendum, qui ipso iure liber foret. *L. 1. C. Si man. ita fac. alie. ut manu.* Petit Patronus bonorum possessionem contra tabulas liberii in ea hereditate, quæ non esse solvendo dicitur, & re vera non est; ille sibi expedire putat hereditatem oblinere ob res quasdam hereditarias, quæ ad iudicium eius & affectionem probabilem pertinent. Petit minor emendi potestatem sibi restitui in ea re, in cuius adiectione superatus erat, cum nulla alia eius utilitas in ea emptione versaretur, quam quod res maiorum eius esset, erga quam singulari aliquo affectu duceretur. Utique ob eum affectum audiendum esse dicimus, *d. L. 36. De bonis lib. d. L. 35. de min.* An affectionis ideo ratio habenda, ut quanti aestimet actor his rebus non care, in tantam pecuniam adversarius condemnatur? Minime, fed ut audiat tantum de his rebus experiri volens, qui nisi probabilem causam affectionis afferret, removeretur, tamquam is, cuius plane nihil interesset. Quod si res non restituitur, iam id aestimabitur solum quanti res est, siquidem culpa non restituitur: quod si dolo non restituitur, aestimabitur etiam, quanti actor sua interesse in litem ju-

raverit. *L. 2. & L. In actionibus, D. de in litem iur.* sed neque hoc ob affectionem suam consequitur, ut ante dixi; neque adeo id quod interest, dicendum est, de quo quis iurcurando in litem delato iuraverit. Illic, quanti res est veritatur: hic contumaciæ poena etiam ultra rei pretium. Ulpianus in *L. 1. de in litem iur.* Rem in iudicium deductam, inquit, non idcirco pluris esse opinamur, quia crescere poterit ex contumacia non restituentis per iuliandum in litem: non enim res pluris fit per hoc, sed contumacia aestimatur ultra rei pretium. Paulus in *L. 2. eod. tit.* Interdum quod interfert agentis, solum aestimatur: veluti cum culpa punitur non restituentis, vel non exhibentis. Cum vero dolo punitur aut contumacia non restituentis, vel non exhibentis, quanti in litem iuraverit actor. Ulp. in *L. non a iudice, 64. de iudic.* Non a iudice doli aestimatio ex eo, quod interest, fit: sed ex eo quod in litem iuratur. Ex quibus intelligitur, nihil hæc exempla, neque ad divisionem ab illis introductam, neque ad id quod quaeritur, de eo quod interest aestimando, pertinere.

Quæret fortasse aliquis, cur in his causis positissimum affectionis nostræ ad agendum ratio habeatur. Si attendemus, reperiemus in his, non quia erga res, de quibus agitur, singulariter affecti sumus, ideo de his nobis actionem dari; (nam quæ ista cum aliis agendi, eisque res suas auferendi, ubi nullum lus tuum fuerit, causâ esse potest?) sed partim rem nostram esse, de qua agitur ut in bonorum possessione, quæ a patrono petitur, & in restitutione minoris, quæ exempla primo loco posuimus: partim rem nobis iure debitam, cuius obligatio & petitio nobis conventionem aut nostram, aut servi nostri quaesita sit: nostra, ut in obligatione poenæ: servi, ut in obligatione mandati, de qua in servo, qui se emendum mandavit, diximus. Ex quo apparet non alias hic agendi causas esse, quam quæ iure aliis in rebus de persequutione rerum nostrarum sunt proditæ. Sed ideo ex affectus ratione agi dicitur, quod nullæ hæc actiones, sive inutiles futuræ essent, si plane agentis nihil interesset fieri præstare id, de quo agitur. Ergo hæc vel ob hoc solum retinentur, quod agentis secundum affectionem rem præstari interest. Nec iniuria, ut enim eleganter labolenus *d. L. 36. De bonis lib.* cum res nostra est, aut inris nostri, etiam si nihil aliud afferatur; tamen absurdum sit eam arbitrio nostro non

non committi, ut aliorum computatione potius, quam animo & iudicio nostro aestimetur. Neque quisquam hic putet, cum minor in integrum restitutionem postulat, ut rem quæ maiorum suorum fuerit, recuperet, in cuius litatione ab alio victus fuerat, neque rem ipsam ab eo peti, neque rem ei debitam. Hoc enim ipso res eius esse videtur, quod emptio pœnes eum illius rei collocata est: beneficio videlicet Prætoris. Namque si eam emisset, eius foret: nunc autem ita traditur, neminem re exclusum videri, quem prætor in integrum restitutum se pollicetur. *L. nemo, de rest. in integ.*

Quamobrem † summa sit hæc: quoniam⁴ tot in causis, quot initio ostendimus, in id quod interest actio & condemnatio est; id quod interest, sic accipi debere: quod actori ea de causa abest, quodque si factum esset, aut non esset, lucrari potuit. Quoniam id quod abest, ipsum quidem præstari non possit; æstimationem quæri, ut quanti ea res est, de qua agitur, tanta pecunia præstetur. Rem ita æstimandam, non quanti quis æstimet, sed quanti sit, quantique omnibus valeat: ita eius quod interest unum genus esse, unamque æstimationem. Neque vero de eo veterum quisquam unquam dubitationem movit, neque est etiam ullum in constitutione Iustiniani de ea re vestigium.

C A P. IV.

S U M M A R I U M.

1. *Quæ sint de eo, quod interest, veterum, & rei propriæ dubitationes, & de lege Iustiniani.*

rum, & rei propriæ dubitationes, & de lege Iustiniani.

Quæ sunt igitur dubitationes illæ, quas esse de eo quod interest, diximus, ut quid ad hæc Iustiniani constitutio attulerit, quidque in ea querendum sit, videamus? Nam dubitationes antiquas, quæ in infinitum productæ erant, Iustinianus præcidere se proficitur. Animadvertendum est, quid agatur: Lex, ut sepe iam dixi, id quod interest, siue quanti ea res est, æstimari, & tantam pecuniam dari iubet. Si quid sit in verbo eius quod interest, quidve eo contineatur, tenemus; simul id, ut quod in eo erit, totum præstandum sit: res confecta est. Id autem ipsum ex verbo præstandum esse intelligimus. Et quidem alterum, quid esset id quod interest, ante definivimus: alterum ex verbis legis expeditum esse videtur: ut cum lex absolute in id quod interest, actionem det, id quoque quantumque erit exigatur. Sed tamen de utroque hæc ambigunt. Primum id quod interest, id esse quod actori abest, dicimus. Sane si quid amisit de suo, aut cum illi deferretur, consecutus non est, id in eo quod interest numeratur, de quo inter omnes convenit. Sed si quid lucri facere ipse potuit, neque fecit, etiamne hoc in eo numero habendum est, ut non minus damni quam lucri, quod non fecit, in hac re ratio habeatur? Non enim damni par ratio esse videtur, & adventitii lucri, *L. non debet, 42. §. 1. D. de reg. iur. L. ult. §. penult. C. de cod. iam ut*

constat ex utroque id quod interest, sitque id, quod habere & lucrari potuit actor, si quod oportuit, factum esset: num quidquid id est, quod habere potuit, neque habet, sine exceptione æstimandum est? Quam multa enim non circa rem consistunt, quæ tamen si res præstita esset, habere actor potuisset? Postremo hoc constituto, quid in eo, quod interest numeremus: fieri tamen potest, ut hoc quod interest, rem quam ex obligatione præstari conveniebat, infinitis partibus excedat. Num ergo si id contingit, quantumcunque id erit, quod interest, præstandum erit? Ita tres sunt in summa de eo, quod interest, ad sententiam legis accommodatæ dubitationes: ex quibus duæ priores, quid sit in eo, quod interest, expedient: pertinent enim ad verbi definitionem: postrema est de modo. Hæc sunt quæstiones, quæ cognita verbi significatione in hanc speciem incurrant, præterea nullæ. Quod ita esse non dubitabit, qui animadvertit his explicatis exploratum fieri, quid, quantumque ex sententia legis præstandum sit in ratione eius, quod interest, de quo uno agebatur. Sed & has fuisse veterum de hoc genere dubitationes, quas Iustinianus initio constitutionis intelligat, ex reliqua constitutione non difficile possumus exillimare: tot enim ille decedit, neque amplius. Veterum autem dubitationes, quantum consequi possit, decidere se proficitur: de his igitur dicendum est.

De

De his eum dixern, simul de sententia huius constitutionis, deque omni ratione & æstimatione eius quod interest, dixisse me putabo. Sed illam, quæ est de modo, etiã naturæ ordine, ut videtur, po-

stremam, prius exsequar, quando & hæc a Iustiniano primo loco posita est, & propter obscuritatem pluribus verbis indigere videtur.

C A P. V.

S U M M A R I A.

1. *Id quod interest in casibus certis dupli quantitate excedere non debet.*
2. *Casus quid significet.*
3. *Casus certos esse qui habent certam quantitatem obligatione comprehensam.*

4. *Item eos qui habent præter quantitatem aliam rem, cuius certa natura sit. § n. 6.*
5. *Duplum in eo quod interest, quid sit, & qua ratione diiudicandum.*

DE modo & quantitate eius quod interest, sic Iustinianus constituit: In casibus certis id quod interest dupli quantitate ne excedat: in incertis tantum præstetur, quanti interest. Casus autem certos definit, qui certam habent quantitatem vel naturam. Nos videamus primum quid quantitas, & naturæ verbo intelligat, ut in omni genere obligationum ac iudiciorum, quos certos casus esse velit, quos incertos, statuamus: deinde quod sit hoc duplum, quod dicit, & unde metiendum: tum quam huius iuris ac discriminationis rationem habeat. Casus † res gestas, & facta incidentia intelligit, ex quibus obligatio oritur, agiturque in id, quod actoris interest. Certam habent quantitatem, qui † certam habent pecuniæ summam obligatione comprehensam: significat enim quantitas pecuniæ summam, ut *L. 2. §. ult. Qui satisd. cog. §. ult. Inst. de verb. oblig. L. stipulatio ista, §. alteri, D. verb. oblig. L. ult. De præstip.* Neque hanc obligatio certam habet, nisi cum obligatione ea certa comprehensa est, ut ex ipso genere obligationis quænam ea, & quanta sit, intelligatur. Quid naturam vocet, non perinde expeditum est. Et natura quidem rei proprie dicitur, quod eius rei proprium est: ut, cum dicit Pomponius, naturam servitutum hanc esse, non ut quid faciat quis, sed ut patiar, aut non faciat aliquid in *L. quoties, §. 1. D. de servit.* hoc omnes dici intelligunt, proprium servitutum hoc esse, & tale, in quo servitutis vis consistat. Et contractus certam naturam habere dicuntur, de quibus iure constitutum est, quid contineant, quibus in rebus versentur. Ut apud Iustinianum in *§. adeo, Instit. de locat.* certam dicitur naturam habere contractus emphyteuticus, quod Zeno sic ex-

preffit in *L. 1. C. de iure empb.* ut diceret eum contractum certam habere definitionem, idest, substantiam a cæteris distinctam. Sed nihil tale hinc loco convenit. Neque enim ulli sunt contractus, de quibus ut agi potest, ita constitutum non sit, quid eorum proprium sit, quidque in actionem & perfectionem veniat. Isto modo nulli non essent casus certi, id est, nulli qui non haberent certam naturam, quod constitutioni Iustiniani adversatur.

Si quæ præcedunt, quæque sequuntur, & omnino quid agatur, proprius considerare volemus: intelligemus Iustinianum naturæ verbo † significare voluisse præter quantitatem rem omnem aliam obligatione comprehensam, cuius rei certa natura esset: ut proinde res esset æstimabilis, qua in obligationem deducta hoc dici posset tantum in obligationem aut ad summum, aut ut minimum venisse: in summa eum naturam certam pro re certæ naturæ posuisse. Quod cum per se obscurum sit, ratione eruendum est. Id vero ex his facile licet existimare. Quid est enim quod eos casus esse certos dicit, qui certam habent quantitatem, nisi hoc declarat, metiri eum certitudinem casus & negotii, quo de agitur, ex certa quantitate, quæ in obligationem venit? Quod si ita est, an non est consentaneum, cum alia res, quam quantitas in obligationem deducta erit, ibi quoque certitudinem casus ex re ipsa nos metiri, ut certi sint & sit, in quibus alia res, cuius certa natura sit, versabitur?

Iam in casibus certis id quod interest, dupli quantitate excedere vetat, ad duplum usque exigere permittit: hoc verbo † dupli, cui dubium est eos casus designari, in quibus a principio simpliciter ali-quod contineatur, distinctum ab eo, quod post

postea interesse coepit, cum quo collatum id quod interest, cum his tantundem complexum fuerit, duplum dicatur? Etenim duplum ex ratione simpli dicitur, nec ubi simplum removeris, duplum intelligi potest. Est enim duplum quod eandem summam bis in se continet, sive, quod eandem summam altero tanto superat: ut nisi ante summam aliquam per se consistentem dederis, non sit alia quæ hanc duplet, id est, quæ eam quæ non est, contineat, aut superet. Inde semper duplum pro ratione simpli, aut maius, aut minus intelligitur. Duplum eius quod interest, viginti erunt, si in simplo decem esse posueris: erunt ducenta, si centum in simplo inerunt: duntaxat decem, si simpli quantitas ad quinque duntaxat fuerit: idemque de omnibus aliis summis ex ratione simpli eventurum est. Non potest autem simplum intelligi, ubi in obligatione nihil est, quod possit æstimari: scilicet ut cum id præstitum non fuerit, dici possit duplum eius quantitatis, quæ posita est, esse præstandum. Neque porro ea consilui potest, nisi ubi res deducta erit in obligationem, cuius natura, ut dixi, certa sit, ut proinde hominum iudicio atque usu certam recipiat æstimationem. Quare hoc maneat, per certam naturam rem certæ naturæ intelligere nos debere.

Quo constituto querendum est, quæ res hoc verbo complectamur. Et cum ex rebus, quæ in obligationem deducuntur, quantitatem exceperis, restant species, quæ dari debeant, & facta, arg. §. ult. *Inst. de verb. oblig.* Species omnes cum Accurcio & Bartolo certa natura constare nobis videntur. Quod sane nemo dubitat, si species una aliqua designata sit, quæ præstetur, ut ex ipsa conceptione obligationis, quæ, qualis, quantave sit, quæ promissa est, intelligatur: hoc enim certum esse omnes intelligunt. *L. Certum, D. si cert. pet. L. stipulationum quadam, de verb. oblig.* Sed fieri potest, ut species sub appellatione generis, aut sub distinctione promittatur: ut, hominem dabis? Stichum aut Pamphilum dabis? quibus in generibus stipulatio incertum continere dicitur, *L. ubi autem, §. qui illud, de verb. obligat.* est enim in potestate debitoris quid det: hoc autem quid det, incertum. Quapropter de his ambigi potest. Nobis quocunque modo, si species promissa sit, res cuius natura certa sit, promissa esse; & in qua obligatione ea res contineatur, ipsa obligatio certam habere naturam, ut quæ quidem na-

turam intelligimus, videtur. Multum enim interest, rem certam promissam dicas, an certæ naturæ, seu certæ naturæ constantem. Non est certa promissa, nisi de qua ex ipsa pronuntiatione constet, quæ promissa sit. Res certæ naturæ promissa est, si quæcunque præstabitur, talis est, etiam si nunc quænam ea futura sit, ignoretur. Huius quidem generis obligationes intelligi certam habere naturam, Iustiniani sententiæ imprimis conveniens est. Ut enim nunc nesciamus, quid sit, quod debitor præstaturus est: tamen cum præstiterit, id & quid sit, & quanti ignorari non poterit: quæcunque ea res erit, hæc ipsa esse videbitur, quæ promissa est, arg. *L. cum incertus, 13. de legat. 1.* Id autem est simplum illud, quod querimus, quod cum in aliquo genere obligationis repertum fuerit, ultra eius simpli duplum, id quod interest, vetat excurrere constitutio. Ut diligentius consideranti, quærentique cur cum Iustinianus quantitatem & rem intelligentem posset scribere, naturam dicere maluerit, quam rem: non aliud occurrit forsassis, cur id fecerit, nisi quod hoc ipsum voluit intelligi, non eos tantum casus esse certos, qui rem certam contineant, sed etiam, qui incertam, modo eam, quæ certa natura constaret: quod in rebus & generaliter, & sub distinctione promissis contingit. Certi ergo casus, quibus continetur, ut aut quantitas certa, aut res sive certa, sive incerta dari debeat. In his si forte usus veniet, ut præter rem, quæ obligatione continetur, id quod interest, præstandum sit (veniet autem usus, si non simpliciter, ut res daretur, conveniret: sed ut certo loco, ut certæ personæ; neque ita factum sit, quod a me initio indicatum est) nimirum ex constitutione ita eius ratio haberi debet, ut duplum eius quantitatis, quæ in obligationem venit, non excedat.

Quod ad facta attinet, ea in rebus certæ naturæ ita recte numeremus, si ut Petro & Bartolo recte visum est, ipsa conventionem contrahentium definita sit ita, ut iis certa æstimatio diceretur, quod in venditionibus & locationibus accidit: quorum in altero genere id agitur, ut res vendita tradatur, in altero ut re conducta frui liceat: sed genere ipso contractus alterum certo precio æstimatur alterum mercede constituta. Unde & in venditionibus & in locationibus casus certos esse nominatim dicit constitutio. Cæterum facti æstimatione remota; facta omnia incerta, id est, non ea natura, ut proposita aliquo genere facti, dici possit, quæ sit

sit quod fieri oportuit, aut non oportuit. *L. ubi autem, §. qui id quod, de verb. oblig.* Sed & hoc & superiora omnia qua-

lia sunt, melius intelligetur, si per contrarium, qui casus incerti sunt, explicatus dixerimus.

C A P. VI.

S U M M A R I A.

1. *Casus incertos esse in quibus eius quod interest, petitio itemque præstatio continetur.*
2. *In casibus incertis id quod interest, totum præstandum esse.*
3. *Quot & quæ id genus causæ, in quibus id duntaxat quod interest, sit in obligatione.*

4. *Non omnes contractus habere certam quantitatem aut naturam; adque nec in omnibus existere casus certos.*
5. *In maleficiis etiam id tantum quod interest, atque hoc totum in obligationem venire; & quæ id genus maleficia.*

ET, si vera sunt, quæ de significatione certæ naturæ supra definivimus, relinquunt eos casus incertos dicendos esse, in quibus aut incerta quantitas, aut ut quid fiat, obligatione contineatur. Hos incertos esse, qui incertam habent quantitatem, dubitari non oportet, si li certi recte definiuntur, qui certam quantitatem habent. Atque hi sunt casus, in quibus, de eo quod factum est, actio constituitur in id, quod interest: quantitas enim eius, quod interest, incerta; neque alia incerta esse potest, ut quidem designetur, nisi quæ designatur sub appellatione eius, quod interest. Quorum autem obligatio in eo est, ut quid fiat, hi hac ipsa de causa, quam modo dixi, incerti, quod in his incerta quantitas, id est, id quod interest, continentur: ut appareat casus & negotii incertitudinem, in omnibus hanc habere rationem, quia id, quod interest in obligatione vertitur. Quod si ita est, commodius ita et definitur fortassis, eos casus incertos esse, præterea nullos, in quibus obligatio sit de eo, quod interest: in quibus eius quod interest, præstatio, petitione contineatur: ut deinde queratur, qui sint huius generis. Hoc vero ut dictu brevius, ita ad explicandum probandumque facilius. Quid est enim id quod interest, nisi incertum: cuius æstimatio ex eo quod actori abest, quodque ei non accessit, pendet? Et fieri potest, ut in eodem facto alias plus illi abest, alias minus, interdu ut nihil. Sic servus meus occisus, aut intercepitus: erit, quod præter servi æstimationem interit mea servum a me possideri: si forte heres sit institutus, quo meo iussu hereditatem adeat; aut quod de eo expediebat questionem haberi ad conscios detegendos in ea re, cuius ipse conscius esset. Fieri potest, ut nihil ho-

rum intervenerit; quomobrem etiam nihil interit mea, nisi servum æstimari. *L. in interd. 6. Unde vi.* Unde id quod interest, in facto consistere dicitur, in *L. quatenus, de reg. iur.* scilicet, quia comes incerta sit, ex facti circumstantiis pendens: nulla certa definitione comprehendi possit. Inde illud consultum est, ut in obligationibus, quæ in faciendo, aut non faciendo consistunt, certam summam stipulemur, si id factum non erit, quod debuit, aut contra quam cautum est, factum erit: scilicet ne quantitas stipulationis in incerto sit. *§. ultim. Inst. de verb. obl. L. ult. de prat. stip.*

Sed faciamus id probari non posse, eius quod interest incertam esse quantitatem, in quibus obligationibus id contineatur, eos casus incertos esse; tamen quæ obligationes eiusmodi essent, in his id et quod interest, totum esse præstandum, vel ex ea definitione, quæ de casibus certis a Iustiniano posita est, intelligeremus. Quod nobis satis est: id enim nunc solum agitur, an totum præstandum sit: neque ob aliam causam, an casus incertus sit, necne, queritur, nisi ut hoc constituto incertam esse: sic deinde id quod interest, totum esse præstandum colligatur. Quid est ergo, quod obstat, quominus quod interest, totum exigi possit? Si duplum excedat: dupli enim quantitatem excedere vetat Iustinianus. Quibus ergo in obligationibus id accidere potest? An non in iis duntaxat, in quibus alia res obligatione contineatur, quam id quod interest, ut sit, quod ab eo quod interest, duplo excedatur? neque enim profecto idem esse potest, quod excedit, & quod exceditur. Quare si id quod interest, initio debebitur, idque solum continebitur obligatione, quantumcunque id erit, recte exigetur:

tor: neque metuemus, ne cum id præstabitur, duplo, aut triplo, plus præstari intelligatur, quam in obligationem venerit: cum id solum præstetur, quod in obligationem venit. Quod si id ita non est: quæro, quod in hoc genere simplum sit, cum quo collatum id quod interest, dupli quantitatem excedere dicatur? Quod si aliud nihil est: id quod interest, supra duplum præstari non posse fateamur.

3 Huius autem generis ¶ causæ, in quibus onum id quod interest obligatione contineatur, sunt ex contractibus & quasi contractibus ii omnes, quorum obligatio in eo est, ut quid fiat, aut non fiat: ex eoque quod contra factum est, quam debuit, aut factum non est, quod debuit, agitur: cuiusmodi præter faciendi stipulationes has esse obligationes constat, mandati, tutelæ, negotiorum gestorum. *d. l. si quis ab alio, §. ult. de re ind. d. l. si penam, l. quoties quis, de verb. oblig. l. si procuratorem, §. mandati, D. mand. l. 1. D. de tutel. & rat. dist. l. 2. de neg. gest.* In Interdictis omnia: ex maleficiis ea, ex quibus non certæ poenæ persecutio, sed in id quanti ea res est, de qua agitur, actio constituta est, quod fit in lege Aquilia de damno iniuria dato. *in l. ait lex, D. ad L. Aquil. in interdicto unde vi, lla rebus amissis, quæ in fundo fuerant, unde vi deieci fumus: l. 1. §. non solum, D. unde vi. in furto, d. l. qui vas, l. inficiando, §. 1. de fur.* Quapropter & omnes hæ obligationes, causæque incertæ quantitatibus: huiusmodi certe, in quibus id omne quod interest ideo præstandum sit, quia quid detrahatur, nihil est.

4 Sed de contractibus refragari videbitur constituto, in qua Iustinianus posita certorum casuum definitione, exempla adiiciens, ei definitioni contractus omnes subijcere videtur, his verbis: *Sancimus itaque, in omnibus casibus, qui certam habent quantitatem vel naturam, veluti in venditionibus, & locationibus, & omnibus contractibus, hoc quod interest, dupli quantitatem minime excedere.* Ita dicit, *veluti in venditionibus*, quasi velit venditiones & locationes, omnesque contractus eos esse casus, qui certam habent quantitatem vel naturam. Sed hoc non ¶ sic accipiendum est: verum ita, ut in his exempla posita sint eorum negotiorum, non quæ ipsa absolute & per omnia casus ii sint, qui certam naturam & quantitatem habeant; sed in quibus illi casus existant & intelligantur. In his enim generibus existunt quidem hi casus, sed non per omnia

talis est venditio, non per omnia tales contractus. Itaque est hoc, *veluti*, quasi ita scripserit, quod habere (supple certam naturam) contingit in venditionibus & locationibus, & omnibus contractibus. Hoc quidem pro certo habendum est, non intelligere Iustinianum omnes contractus certam quantitatem habere vel naturam. Illud enim perpetuo meminisse oportebit, quod supra monui, metiri eum ceteritudinem casus non ex genere & canis obligationis, sed ex re quæ in obligationem venit: cum eos dicat certos, qui certam habent quantitatem. Quod si ex genere obligationis id metiebatur, ita dicere debuit, in contractibus id quod interest dupli quantitatem ne excedat: in maleficiis, aut quæ alia genera causarum nominare liberet, id totum præstetur, quod re vera abest: quod illum non fecisse, ac ne significasse quidem perspicuum est.

De maleficiis video a quibusdam doctis, propterea quod in his res certa interdum videatur versari in obligatione, quæ præstanda sit, cuius certa sit natura, ac proinde æstimatio: ut in damno iniuria dato, si vas ruptum sit; in furto, si idem furto sublatum sit; in rapina, si idem ereptum. In quibus vasis damnum in obligationem venire putant: ideoque si quid nostra intersit, vas ruptum, aut surreptum non esse, id non ultra duplum præstari oportere. At ego ¶ didici, cum quid ruptum, aut surreptum est, non huius rei æstimationem deduci in obligationem; sed venire, quanti ea res est, id est, quanti interest damnum datum, aut quod aliud maleficium admissum non esse. *l. ait lex, D. ad L. Aquil. l. 1. §. non solum, D. unde vi, l. qui vas, & l. inficiando, §. 1. de fur.* Quod si verum est, cum id quod interest, totum petatur: non duplum, aut triplum eius, quod in obligationem venit, petetur; sed simplum id, de quo obligatio & actio constituta est: Nisi vero supra duplum ablatæ rei aliquid exigi dixerimus, quod non ita est. Non enim in his rei ablatæ, sed damni dati ratio habetur: non de re præstanda actio constituitur, sed maleficium vindicatur. Id autem tanti, quantum damnum datum est. Atque hoc totum in his recte peti, quod interest, vel ultra ablatæ rei æstimationem, imo vero vel ultra quadruplum, aut quintuplum, si tanti intererit, argumento setivi occisi non obscurè confirmatur, d. quo in *l. proinde si servum. 22. l. inde seq. D. ad L. Aquil.* sic Paulus & Ulpianus agi posse ex Lege Aquilia tradunt, ut in eo has utilitates æstimandas dicant: poenam,

Ggg

nam,

nam, si forte eum sub pœna tradendum promissi; causas corpori coherentes, si unus ex Comœdis, aut symphoniacis fuerit; hereditatem, si fuit heres institutus: item quanti est, quod eum magnas fraudes servos in meis rationibus commisit; de eo quæstionem habere non poterim, ut fraudum participes eruerentur, quæ omnia infinitis partibus servi æstimationem excedunt. Ulpianus etiam in interdicto Unde vi, sic definit, omnia quæcunque habiturus, vel affecturus erat is, qui deiectus

est, si vi deiectus non esset, restitui auctori, aut eorum licem a iudice æstimari debere, *L. 1. §. non solum, D. Unde vi.* Hac vero sententia quid æquius? contraria quid iniquius? ex qua id suscipere cogimur, ut & impune quis iniuriam patiat, ubi totum quod sibi abest alieno maleficio, consequi non potest, & maleficia contra Reipublicæ utilitatem ne coercerant? contra *L. Ita vulneratus, D. ad L. Aquil.* *L. Locat. §. quod illicite, De publican.*

C A P. VII.

S U M M A R I A.

1. *Venditio & locatio ad casus pertinent qui habent certam quantitatem vel naturam, & quatenus.*
2. *Idem contractus præter rem & pretium, & usum rei & mercedem, continent alias de dolo & de re*

ipsa præstationes, & eatenus id quod interest præstare debent.

3. *Quare is qui vendit vas aliquid, integrum præstare debeat; non item qui hominem aut tignum vendit.*

Sed quoniam facta omnia incerta esse diximus, ex quibus id totum quod interest, præstandum sit: in quibus & contractus omnes generaliter posuimus, quorum obligatio in eo esset, ut aliquid fieret, aut non fieret; id ad aliquem modum temperandum esse videtur. Sic enim illæ conventiones, in quibus id agitur, ut quid fiat, incertum continere putandæ sunt, si hoc solum in obligatione erit, ut quid fiat, neque id factum genere obligationis, aut adiectione contrahentium æstimatum fuerit. Quod si ita quid fieri debebit, ut ex eo facto res certa quæsit sit, quæ præstari deberet; ut utilitas certa eius facti, quæ inde percipi posset; atque ita in utrunque certum precium, aut certa merces dicta sit: non dubitabimus, quin obligatio rem certam, sive quantitatem contineat, postquam res in obligationem deducta certam æstimationem a contrahentibus acceperit. Talis est emptio & venditio: in qua sic agitur, ut res tradatur, quæ emptæ est, idest, ut fiat; ut tamen præcipue res ea spectetur, quam emptor in se transferri, & sibi ex emptione acquiri velit; eoque in eam rem certum precium statuitur, nec sine eo emptio est. Talis locatio & conductio, in qua sic agitur, ut in rebus locatis dominus his nos frui faciat; in aliis, ut nobis operam præbeat: ut tamen & usus rei, & operæ præbitæ certa merces dicatur, qua id quod in obligationem venit, æstimetur. Eo in casibus, qui certam habent quantitatem,

vel naturam Iustinianus primos hos numerat contractus, venditionem & locationem. Quam sententiam a Petro Bellaperticensi acceptam rectè Bartolus probavit. Ac ne dubitetur emptionem certam rem continere, & talem esse, in qua ex constitutione Iustiniani, id quod interest, dupli quantitatem excedere non debeat: etiam veteres idem in hoc genere iuris esse statuerunt, si forte res esset evicta, ut constat ex *L. cum & forte, 44. de ali. empt.* in locatione idem dicturi, si interrogarentur: quippe quæ illidem legibus & regulis iuris contineatur. *L. 2. Locat.*

Quo de emptione & venditione, itemque locatione & conductione, qui contractus similes æstimationes facili acceperunt, recepto: magna quæstio esse coepit de veterum sententia, quæ fuit circa eum, qui pecus morbosum, aut tignum, vel vas vitiosum vendidisset, quive hac eadem posteriora locavisset. Scriptis enim Iulianus, ut Ulpianus refert, & probat in *L. Iulianus, D. de action. empt. qui pecus morbosum, aut tignum vitiosum vendidit; siquidem ignorans fecit, id tantum ex empto actione præstaturum, quanto minoris esset empturus, si id ita esse scissem; si vero sciens retinuit, & emptorem decepit, omnia detrimenta, quæ ex ea emptione emptor traxerit, ei præstaturum. Non ultra duplum fortassis, dixerit quispiam. Imo addit; siue igitur ades vitio tigni corruerunt, ædium æstimationem: siue pecora contagione morboſi pecoris*

coris perierunt, quod interfuit idonee venisse, erit præstandum. At quantis tandem paribus ædium æstimatione tigni precium: cenium oves, quæ contagione perierunt, unius pecoris venditi æstimationem superant? Idem de eo, qui vas vitiosum locasset, placuit, siue sciens vitiosum esse, siue ignorans locavisset, *L. sed addes, §. 1. D. loc.* Quod cum ita sit, alterutrum fitendum esse videtur, aut non esse venditionem eiusmodi, quæ certam naturam habeat, ut supra diximus: si quidem in ea id quod interest, ultra duplum rei venditæ præstandum sit: aut si est huiusmodi, minuendam esse istam veterum opinionem, de supra scriptis causis, & ad Iulianiani moderationem revocandam: quia cum res contrarie sint, plus uno verum esse non possit. Et erat quidem ad hæc expedienda dictu proclive, ut quis ubique emptionem rem certam continere diceret, qualem esse venditionem constitutio innuere videtur: verum ipsa constitutio emendatam esse illam Iulianiani sententiam, postquam Iulianianum veterem hac de re altercationibus finem præscripsisse constaret, id quod nonnulli fecerunt. Sed quidvis admittendum potius, quam utilissima sententia de eo, qui sciens emptorem decept, mutanda: cum neque sit iniquius quidquam, quam dolo venditoris patrocinari, ne cuius damni sciens prudens causam dedit, id præstet: neque æquius, quam emptorem, non pœnam, sed quod sibi abest persequentem, id consequi. Neque vero constitutio repugnat: sed videndum est, quatenus emptionem certam habere naturam dicamus. Non enim si emptio casus est, qui certam naturam habet, ut est in constitutione Iulianiani, ideo in omnibus partibus, id est, in omnibus illis, quæ ex empto præstanda sunt, talis est. Ut certam naturam habere ideo intelligitur, quia res certa in eam deducitur, quæ præstata sit, eademque certo precio æstimetur: sic hæc talis esse iudicanda est, quatenus id agatur, ut ea res præstetur a venditore: scilicet quia si forte non præstabitur, intelligitur, quanti sit, quod præstari debeat: ut si in id quod interest, eo nomine agatur, duplum eius sumpti, quod intellectum est, excedi non debeat.

Sed præter rem, quæ tradi debet, est, & quod f. de se, & quod de re venditor recipiat: quæ sunt eius generis, ut si ea non facti, nullo modo aliter æstimentur, quam pro eo, quod facta fuisse interit. Hæc quæ sint, videamus. De se hoc recipit, nihil se dolo malo in ea re factu-

Tom. IX.

rum. Id indicio empti naturaliter continetur. *L. ea que in f. D. de contrah. empt. L. tenetur, §. penult. U. ult. de act. empt.* Hoc autem quanti tandem est, a venditore dolum abesse? Plane incertum, ut exemplo superiore tigni vitiosi venditii admonemur: in quo fieri potest, ut noo multum supra æstimationem tigni nostra interit, ut si non adiunxerimus ædibus, sed aut combusserimus, aut ad leviora onera adhibuerimus: fieri potest, ut in immensum interit, eo quod in ædes preciosas contulerimus, quæ postea tigni vitio corruerunt. Totum igitur hoc quod evenit, ut incertum præstandum. Rel quidem venditæ, quæ tradi debet, precium dicitur: & recte, quoniam potest: quanti autem sit, dolum adhibitum non esse, neque a principio statuitur, neque cum ex eventu adeo incerto pendeat, æstimari potest. Duo autem hæc inter se diversa, quæ venditor præstare debet, rem tradere, & dolum malum a se abesse. Ita natus æstimator alterius æstimationem non continet. Ac dolum quidem præstare venditorem in eo, si sciens rem vitiosam vendiderit, quidam concedunt: in eo autem, quod sciens rem alienam vendiderit, si postea evicta sit: evictionis nomine ultra duplum non putant eum damnari oportere. Ego autem non video, quid referat, quomodo abs te deceptus in fraudem inciderim, utrum quod res vitiosa esset, neque me admonueris, ut caverem: an quod cum aliena esset, idque scires, me celaris: cum & hic propter reicentiam tuam factum sit, ut rem emerem, & in eam iamquam meam sumptus facerem: quam, si abs te essem monitus, aut non emissem, aut certe non temere, ut in re aliena, quid impendissem. At enim in evictione eo nomine agitur, quod res tradita non est, quam tradi certo precio æstimatum est. Imo duplici nomine hic agitur, & quod res tradita non est, & quod emptor dolo venditoris fraudatus est: nam alinqui etsi dolo non intervenisset, ob evictionem ageretur. Quod res tradi debuit, sit sane certo precio æstimatum. Dolum autem aut hic, aut alibi usquam a venditore abesse nulla re plane potuit æstimari. Demus tamen partem hanc emptionis qua de dolo suo venditor recipit, hunc a se abesse, absurdumque esse, casum esse certum: non ideo magis hunc casum ad definitionem Iulianiani, quæ est de casibus certis, pertinere existimem. Iam primum omnem dolum publice expedit vindicari: sed tum maxime, cum iudicium bonæ fidei est,

Ggg 2

& id

& id agitur, ut emptiori suum restituatur, quod illi propter dolum venditoris abest. Quod autem ad constitutionem Iustiniani attinet, ita statuo: non in hoc solum, quæ ad moderandum minuendamque rei condemnationem facta est, sed in omnibus legibus omnino, quæ ad aliquem sublevandum pertinent, perpetuo hanc exceptionem ex mente & sententia legis inelle: præterquam si qua in re dolo tuo, ego, quem lex adiutum esse voluit, deceptos, fraudatusque sim: hoc enim quanvis non caveatur, exploratum esse debere, deceptis, non decipientibus iura opitulari. Cum in Senatusconsulto Velleiano generaliter ita scriptum esset, ne mulieres pro aliis reas fierent, & si fierent, Senatus auxilium citra exceptionem polliceretur: hac tamen exceptione ab omnibus tum iuris prudentibus, tum Principibus acceptum est: si modo illæ callide non essent versatæ. De quo hæc Ulpianus verba sunt in *L. 2. §. verba, ad Senatusc. Vell.* quippe deceptis, non decipientibus iura opitulantur. Et est egregium Severi rescriptum. *Vali de dolo tuo quanti est dolum & exceptio facili & subtili. Infirmus enim faminarum, non calliditas auxilium meruit.* Quod cum incertiæ quantitatibus rem esse ostenderit, si quis dolum a se abesse promittat: cur amplius dubitemus, quin ex mente & verbis Iustiniani, quanti interest dolum in omni re adhibuit non fuisse, præstari debeat, vel ultra duplum rei eius, quæ vendita est? Quamquam & hoc ipsum de eversione testatur Paulus, si quis sciens alienam rem vendiderit, quantamcumque in summam emptoris interest rem evictam non esse, venditorem omnino tenei. Nam cum in *L. Titius, circa suum, de alio. empt.* scriptum esset, præstari emptori quod interest eius, rem non evinci, modo ne in magnam quantitatem venditor obligetur, & additum esset in fragmento sequenti, id est, ne ultra duplum teneatur: paulo post in capite rursus sequenti, cuius iudicium est, *Idque*, in quo reliqua attestatur Pauli disputatio, ita ad extremum definit: *In omnibus tamen his casibus, si sciens quis alienam vendiderit, omnino tenei debet.* Cum & in omnibus his casibus, & omnino dicat: neque ullum casum de iis, de quibus egerat, excipit, neque ullam quantitatem.

Hoc de se venditor. De re ipsa recipit, quod de re affirmavit: hoc enim recipit ita fore, ut affirmavit. Aut igitur hoc ita præstabit, ut dixit: aut si non facit, non aliter iis adversus eum estimari

potest, quam ut quæretur, quanti emptoris interest fuisse in re, quod dictum est: huic rei neque alia æstimatio constituta ab initio est, neque constitui, ut maxime vellemus, potuit. Quod si ita est; consequens est superioribus, ut totum quod intererit, præstari debeat. Recte ergo Ulpianus in *L. Iulianus, de alio. empt.* hæc duo inter se comparat in eo, quod interest æstimando, & quod servum furem sciens quis vendidit, & quod furem cum ignoraret, asseveravit bonæ frugis, & fidum, ut caro venderet. Et sane parum hoc a dolo differt, si quis quod nescit, temere affirmet: quod eodem loco significat Ulpianus, subicit enim: *atque ignoravit: sed non debuit facile, quæ ignorabat, asseverare.* Inter hunc igitur, & eum, qui scit, interest: quoniam qui scit, præmonere debuit furem esse: hic non debuit facilis esse ad temerariam indicationem. Quæ omnia de eo qui scit vitium est, & qui id in re non esse asseveravit, ita a vobis ex Iuliano & Ulpiano dicta sunt, ut eadem cum illis ipsis negemus hæc eum præstare debere, qui ignoravit, nec quicquam affirmavit. *d. L. Iulianus.*

Quid ergo de eo dicturi sumus, qui ³ vas sive dolum vitiosum vendidit, aut locavit? Nam hunc quidem placuit, emptori conductoris præstare debere, quod eius interest, si vinum, aut aliud liquamen preciosum, infusum effluerit: quanvis ille & vitium valis ignoravit, & de integritate eius nihil prædixerit. *L. teneatur, §. sed si vas, D. de alio. empt. L. sed addes, §. 2. D. locati.* Quis autem nescit, vini generosi, aut unguenti preciosi æstimatio quot modis vilis forte vasis æstimacionem superet? Itaque non tam jam in eo laboratur, ut explicetur, cur hic quanti interest præstandum sit, de quo nunc agitur: quam quomodo priores illas species tigni, cæterarumque rerum vitiosarum cum valis vitiosi emptione conciliemus: cum in illis id quod interest præstandum esse negetur ab eo, qui vitium ignoravit. In quo dici non potest, quantopere ab omnibus sudatum sit, domi illud explicare conamur, quid vasis vitiosi emptio ab emptione vitiosi tigni differat: quod quam recte illi expediant, licet ex ipsorum scriptis cognoscere. Sed quæ res facit in vase vitioso, ut id quod interest præstandum sit: eadem intellecta & harum causarum conciliationem afferret, & cor totum id quod interest præstandum sit, doceret: simul quam tu hac specie omnia superioribus sint consentanea, declarabit. Quæ igitur causa est, cur ab eo qui vas

vitiolum vendidit, id quod interest præstetur? Quia non solum in id obligatur ex emptione, ut vas sic tradat, ut habere emptori liceat, sed etiam ut præstet integrum & nec vitiolum. Vide *L. tenetur, §. sed si vas, D. de all. empt.* Cur potius, quam qui tignum vendit, aut res cæteras? Quia recipit ita esse; vas tale esse affirmat. Qui tandem? cum de eo quæstio proponatur, qui de vase nihil plus affirmavit, quam de tigno? Vis ipsa verbi hoc facit. Qui vas se vendere dicit, hoc dicit, idoneum se, idest, nec vitiolum vendere; quoniam vas perituum vas non fit: est enim vas instrumentum ad aliquod capiendum idoneum. *L. cum aurum, §. argento. D. de auro & argenti.* Non est autem idoneum ad capiendum, quod immidius continere non potest; ne vas quidem igitur. Quod si verum est: non modo hac re non præstata erit emptori eo nomine actio in id quod interest, cum id receptum sit, quod in faciendo erat: sed etiam ad eam regulam, quam de receptis posuimus, hoc pertinebit, ut quancumque intererit emptoris vas integrum traditum fuisse, cum id fo-

lum in obligatione fuerit, tanti lis æstimetur. Nihil tale in homine aut tigno, & cæteris rebus recipitur ab ignorantie, & eo qui nihil nominatim affirmavit: quæ res facit, ut his vitiolis traditis, non modo in omne id quod emptoris interest, venditor non teneatur, sed ne in id quod interest quidem. Etenim homo vitiolus, nihilominus homo; & tignum vitiolum, nihilominus tignum est. Neque enim tigno ad ædes fulciendas consignandasve tanquam utimur, sed & ad alias res. Et ut ad ædes eo quanvis vitiolo namur, non statim inutile est: non potest totius domus onera ferre, non potest gravia? At feret aliqua, certe quidem leviora. Quid si etiam in imo locetur tignum? sive integrum sit, sive vitiolum, quidquid superstruxeris, consistet: cum terra a fundamentis sustineatur, ne fatiscat. Ex quibus intelligitur, quos in omni genere obligationum casus certos, quos incertos accipere debeamus: quorum in his quod interest, totum præstetur; in illis non ultra duplum iustitiam constitutione.

C A P. VIII.

S U M M A R I U M.

1. Dupli ratio, in hac constitutione qua

fit inveniunda.

Ubi totum præstandum est, de modo eius nulla quæstio. Ubi non supra dupli quantitatem, circa dupli rationem hæc queruntur, quid dupletur, tum an in duplo simpliciter infit, necne. Duplum, quod iam supra diximus, intelligimus simpliciter duplum. Simpliciter id, quod in obligationem deductum est, cuius æstimatio eerta sit, aut nata, aut conventionem contrahentium definita: ut si, quia id non præstatur, in id agatur, quod interest, idque longe egrediatu præcium rei, tum id ultra præcium rei non exigitur. Quid ergo si rei præcium certum dictum sit, ut in venditione, res autem quæ distracta est, pluris, aut minoris valeat, ut non idem sit quod dictum est, & quanti res valet? Utrius potius rationem habebimus in statuendo duplo? Nam pro ratione eius quantitatis quæ duplicatur, si quidem varia est, maius aut minus sit duplum, necesse est. Puto præci eius, quod dictum est, habendam rationem, ut de ultra duplum eius præcii in id quod interest, venditor damnetur, uterque res pluris sit, aut minoris. Ita fiet scilicet recte, ut in re quæ ex con-

sensu valet, non tam quid sit in re, quam quid contrahentibus placuerit, consideretur. Sic duplam ex causa evictionis cum præstandam esse dicimus, duplam æstimationem non ad id quod res valet, sed ad præcium quo res distracta est, refertur consistat ex *L. si fundo, de evict.* Id ipsum & ex eo colligitur, quod cum in *L. Titius, circa fin. D. de all. empt.* Scriptum esset, re evicta præstandum esse id omne quod interest, dummodo ne id supra modum præcium excessisse proponatur: in fragmento sequenti subiectum est, quod ad horum verborum explicationem pertineat, non ultra duplum periculum subire venditorem oportere: quo loco hoc, *ultra*, aliter accipere non possumus, quam ultra præcium rei, de quo nimirum quærebatur, quatenus id excedi possit. An in duplo simpliciter infit, an vero eo quod interesse coepit, bis præcium rei, sive quantitatem obligationis excedente, id ipsum præstetur, & nihilominus rei præcium; quæstio est, non ad hanc tantum, sed ad omnes leges pertinet: in quibus actio, condemnatio in duplum, aut

tripulum, aut quadruplum statuitur. In qua ita definiendum videtur, semper in duplo triplove simplex id quod duplatur, contineri: nisi si clare ut dupli, ita separatim

& simpli eius, quod obligationi causam dedit, actiones constitutæ sint, quod fit in furto. Id Iustinianus aperte probat in §. ult. *Instit. de oblig. quæ ex delict.*

C A P. IX.

S U M M A R I A.

1. *Quæ ratio Iustiniano fuit modum statuendi in casibus certis eius quod interest.*

2. *Quid novi balteus statuit de modo eius quod interest Iustinianus, quod fuerit veteribus ignotum.*

Quam rationem huius iuris constitutendi habuerit Iustinianus, videndum est: non abs re; cum potius contra illud existimari poterit, quod mihi abest factio tuo, id mihi abs te dependi æquum esse, meque abs te indemnem reddi: aut si quibus in casibus id æquum non est, consentaneum eandem æquitatem in omnibus servari. Et quod ille † eius quod interest, statuit modum, hanc habuit causam, ne poena iusto plus culpam excedat: cum ne illæ quidem poenæ, quæ conventionione constant, & promittuntur hac conditione, si factum non sit, quod fieri oportuit, aliter quam cum competentii moderamine proferri debeant. Id enim voluit illis verbis constitutionis; *cum sciamus*, & quæ sequuntur. Sed hoc moderamen quod sit, & num has poenas intelligat, quas dixi, mihi constitutum est ad extremum dicere. Nunc de ratione Iustiniani loquor: quæ si eo pertinet, quod dixi, ut mihi nunc concedi volo, recte colligit. Nam si id totum, de quo convenit, non semper præstari æquum est, quanto minus conveniet id præstari, de quo nihil placuit, ac ne cogitatum quidem est? Est enim genus poenæ, ne erretur, si quis quod creditor consequi potuit, præstare cogitur, ubi ex eo ad ipsum, cum quo agitur, nihil pervenit. Quod si quis poenæ modus esse debuit: iam hic iustus esse visus est, si præter id quod ex obligatione præstari debuit, ideo quia præstitum non est, altero tanto amplius a reo inferatur. At enim quod creditori abest, id illi dependi æquum est. Si de patrimonio eius quid abest, sane acquisitum, cum suum repetat. Sed si in eo quod interest, id etiam persequitur, quod sibi abest, ubi consequi tantum potuit, non debet sic huius ratio haberi, ut graviore poena a reo id exigatur. Non enim eandem placuit rationem esse repetitionis, & adventitii lucri. *L. non debet, 41. §. 1. de reg. iur.* abundeque creditori esse

debet, quod non modo in damno non moretur, sed etiam eius quod exurinfecus obtingere potuit, partem optimam consequatur.

Quid tamen quod veteribus de modo eius quod interest, idem placuit, ut idem † a Iustiniano caveri supervacuum: certe non in eius constitutione novum quod ille existimari vult, fuisse videntur? Paulus evictio homine vendito, in actionem ex empto venire ait, non precium tantum, sed etiam quod interest emptoris servum non evinci; ita tamen, ut si in tantum precium excessisse proponatur, ut non in cogitatum a venditore de tanta summa, iniquum sit cum in magnam quantitatem obligari: *veluti si ponas, inquit, agitatorems posse factum, vel pantomimum evictum esse eum, qui minimo precio venit.* hæc in *L. Titius. 43. in fin. D. de act. empt.* Deinde modus ex Africano statuitur in fragmento quod sequitur, his verbis: *cum forte idem mediocrium facultatum sit, non ultra duplum periculum subire eum oportet.* Sed neque in omni causa admittit Paulus, ut omne quod interest non præstetur: neque Africanus in proposita specie aliter, quam si venditor, qui ob evictionem convenitur, mediocrium forte sit facultatum. Iustinianus sine causarum exceptione de genere toto eius quod interest, statuit. Quod autem ille in his casibus qui certam quantitatem habent, vel naturam, hunc modum præfinivit, in aliis non item: rerum ipsarum conditio in causa est, quæ idem constitui non patitur. In casibus enim certis duplum intelligi potuit: cum in obligationem veniret a principio, quod duplari posset. In incertis aut nihil, aut totum quod interest, præstari necesse est: cum nihil aliud in obligationem venerit, neque fieri possit, ut cum id exsolutum erit, ultra duplum alterius rei, quæ in obligatione nulla est, exsolutum videatur.

C A P. X.

S U M M A R I A.

1. *Quemadmodum damni, sic lucri habendaratio est in eo quod interest.*
2. *Quidam veterum loci, qui videntur in speciem contrarii, explicantur & seq.*
3. *Lucri scilicet habenda ratio quod quis iure suo facere potuit, non eius quod sit cum alterius iniuria.*

Dixi de modo eius quod interest, quod ad intelligendam Iustiniani de ea re constitutionem satis esse videbatur. Deinceps illa videbimus, quæ duo reliqua de re quæri dixi. In quibus prius illud erat, utrum in eo t quod interest repuando, quemadmodum sit quid de nostro deminutum est, damni: ita si quid lucrari potuimus, neque fecimus, eius lucri ratio habenda sit: nisi id quod interest nostra quid fieri, id quod utile est recte interpretamur: ac fieri aliquid duabus hisce de causis utile est, tum uti de nostro nihil decedat, tum uti eo facto aliquid consequamur: constitutum hoc esse debet, utriusque rei in eo quod interest, pariter habendam esse rationem. Recte igitur hæc sententia à Iustiniano comprobata est hac constitutione: quam eandem veteribus placuisse dicit. Quod ipsum ex innumeris locis Pandectarum sciri potest: quorum in aliis hæc eadem sententia expressa est: ut in *L. 3. in fin. D. de eo quod cer. loc. L. si fundus, D. loc. L. si commissæ, D. rem rat. hab.* in aliis exempla suppeditantur earam rerum, quas consequi & lucrari potuimus: quæ omnes præstari debere dicantur, ut *L. proinde si servum. L. Iude Neratius, D. ad leg. Aquil. L. in hanc, D. de dam. inf. L. si procurator ratum, D. rem. rat. hab.* Et hinc scilicet id quod interest, initio definivimus.

Res iam supra confecta esse poterat, nisi nos loci t quidam in Pandectis impedirent, in quibus aperte lucrum removeretur ab eo quod interest. Ex quibus duo hi plane refragari videntur. Paulus *Cap. 26. D. de dam. inf. Proculus ait: cum quis iure quid id suo faceret, quanvis promississet damni infecti vicino: non tamen teneri eum a stipulatione: veluti si iuxta mea ædificia habetas ædificia, eaque iure tuo altius tollas: aut si in vicino agro tuo, cuniculo vel fossa aquam meam avoces. Quanvis enim & hic aquam mihi abducas, & illic luminibus officias: tamen ex stipulatione altio mihi adver-*

*sus es, qui damni infecti mihi caveris, non competet: scilicet quia non debeat videri is damnum facere, qui eo veluti lucro, quo adhuc utebatur, prohibetur: multumque interesse, utrum damnum quis faciat, an lucro, quod adhuc faciebat, uti prohibetur: mihi videtur vera esse Proculi sententia. Hæc Paulus de ratione damni & lucri, & quidem in damni infecti stipulatione, in quam quanti ea res est, venire constat, idest, id quod interest *L. in hanc, D. de dam. inf. labeolus in L. si is cui, 72. §. ult. D. de fur. Eius rei, inquit, quæ pro herede possidetur, furti actio ad possessorem non pertinet, quanvis usucapere quis possit: quia furti agere potest, cuius interest rem non furripi. Interesse autem eius videtur, qui damnum passurus est, non eius qui lucrum facturus est. Est & tertius Pauli locus in *L. si sterilis, 21. §. cum per venditorem, D. de ul. empt.* in quo ille lucrum æstimandum esse negat. Cum per venditorem, inquit, steteris, quo minus rem tradas, omnis utilitas emptoris in æstimationem venit, quæ modo circa rem ipsam consistit, neque enim si potuit ex vino puta negotiari, & lucrum facere, id æstimandum est. Sed ut intelligatur hoc loco Paulum non ideo lucrum excludere, quia putet damni tantum, non lucri habendam rationem: non solum id lucrum removet quod circa rem non consistit, sed etiam damnum, quod sit eiusmodi. Addit enim non magis id lucrum æstimandum esse, quam si emptor triticum emeris, & ob eam rem quod non sit truditum, familia eius fame laboraveris. Nam precium tritici, non servorum fame necatorum eum consequi: quod cur de damno huius generis dicat, paulo post videbimus: nunc hoc agitur, utne in eo quod interest ita damnum æstimandum, ut lucri, quia lucrum sit, ratio non habeatur, quod prioribus tantum duobus responsis esse videtur. Damnum enim admisisse illos, lucrum simpliciter exceptisse constat. Et quo magis Iustiniani constitutioni**

tionem adversari intelligantur, non in una aliqua re id exceptum est; sed generales sunt eorum locorum definitiones: multum interesse, utrum damnum quis faciat, an lucro quod faciat, prohibeatur: item interesse eius qui damnum passurus est, non qui lucrum facturus est. Ergo, dixerit aliquis, quia Iustiniani constitutioni contraria responsa sunt, ea abrogata esse sciamus, neque amplius laboremus. Et quidem hoc restabat, si eorum locorum auctores ab aliis Iurisconsultis dissensisse, voluisseque in universum non eandem esse rationem lucri, & damni constaret, sic ut contrariæ vereremur de hac re sententiæ fuisse proponerentur. Sed si veteres in ea re non idemque senserunt, ut qui id quod interest, ex lucro quod facere potuimus, æstimamus, tamen idem superiora responsa probent: ipsa constitutio repugnat, quo minus ea abrogata esse existimemus. Tantum enim abest, ut veterum sententiæ, si modo hæc una fuit, quidquam contrarium inducere voluerit Iustinianus, ut hanc ipsam secutum se esse ostendat; qui ideo dicat se id quod interest, ex lucro & damno amplexum esse, quia veteres idem statuerint. Quod ut non fecisset: tamen si quid recte in hoc genere & consentaneæ veteres statuissent, id ipsum & post constitutionem eius manere oporteret, quod neque illum immutasse probaretur, neque causam fuisse, eam immutaret. At ut appareat, qui ex veteribus hoc, quod Iustinianus dicit, consueverunt, eosdem illa quæ retulimus probavisse, itaque unum sensisse: Paulus est, qui illam Proculi sententiam refert, & sibi veram videri dicir: cuius ipsius illa sententia & definitio est, quam supra posuimus: id quod interest esse quod mihi abest, quodque lucrari potui. *d. l. si commissæ, rem. rat. heb.* Adde, quod confirmat Iustinianus veteres id quod interest, isto modo statuisse. Quod declarat omnium unam hanc fuisse sententiam: alioqui in re diversas sententias distracta, non minus vere dicitur, veteres id quod interest ex lucro non statuisse, quam statuisse.

Relinquitur igitur, ut querendum sit, quid hac de re veteres senserint, quod Iustinianus secutus cum sit, nunc quoque retinere debeamus: unde hæc difficultas, quam dixi, nascitur. At enim ut superiora responsa scripta sunt, quis consensus, dicat aliquis, inter illos videri potest? Somnus. Recte enim sentiunt, si modo etiam id quod sentiunt, satis explicarent, qui tamen veteres id quod

interest ex damno & lucro statuisse, sed lucrum cum dicant, iniultum exceptisse: id vero superioribus responsis indicari, ut animadvertis causis quæ proponuntur, earumque ratione intelligi poterit. Qui tandem? quia in altero proponitur is, qui queratur vicinum facere quid in suo, quo facto adimatur agenti ea commoditas, quam ex illius vicini patientia & beneficio antea percipiebat: in altero is, qui rem alienam, quam in hereditate reperit, pro hereditaria, id est, sua possidebat, ut hoc pacto proficiat ei possessio ad usufructum, & ea sublata, ideo hanc sibi abesse queratur, quod eam usufructu, & ita lucrificare potuerit. Quorum in utroque lucrum ex re aliena capitur invito domino. Hoc vero eiusmodi lucrum est, & quod antea nullo iure feceris, & quod nunc cum facere postules, iniultum ideo sit, neque probabile, quia aut invito domino queratur, quem ius gentium moderatorem esse vult & arbitrum rei suæ, *L. in re mandata, C. mand.* aut cum iniuria domini sit coniunctum. Ex quo intelligi debet, quod modo dixi, sic lucrum veteres esse interpretatos, ut iultum quod esset, id est tale, quod quis iure suo facere, quod parare sibi ex re sua aut aliena liberalitate potuerit, id reputandum esse vellent. Si quod autem nullo iure facere potueris, aut deberis, id non putarent esse æstimandum. Quod profecto eiusmodi est, ut quavis Iustinianus de veterum sententia nihil locutus præcise lucrum æstimari iussisset, in eius tamen constitutione esset intelligendum: scilicet quia lucrum lex nominat: non habetur autem lucrum, quod iure facturus non fueris. Sic ea, quæ contra ius fiunt, nec fieri potuisse: *L. filius, de condit. inst.* sic non iusti metus, non iusti erroris nullam esse æstimationem dicere solemus. *L. 6. quod met. cau. L. vani, de re. iur. L. regula ver. quod si ideo, D. de iur. & fact. ign.*

Sed hæc fortassis recte & citra controveriam potuisse dici videntur, siquidem exemplis iniusti lucri allatis, qualia in superioribus responsis proponuntur, id ipsum, uti proponebatur, in his æstimandum esse Princulus, aut Iabolenus negavissent. Sic enim intelligeremus eos, cum de certo genere responderent, de cæteris, quæ in eadem ratione non essent, non idem iudicasse: at hoc contra ab illis factum est. Non enim in iis speciebus quæ allatæ erant, constiternnt, sed ab iis discedentes, definitionis generis ipsi sunt, ut in his ideo negarent lucrum habendam rationem, quia ita definirent, non eandem causam esse eius,

eius, qui damnum passus sit, & qui lucrum non fecerit: huius etiam non interesse videri, qui lucrum facturus fuerit: quæ definitiones ad omnes species lucri pertinere videntur. Imo definitiones ad species propositas accommodatæ sunt, nec de alto lucro, quam iniuncto, quale proponi illis diximus, accipi possunt: quod an ita sit, consideremus. *Non debet*, inquit Proculus, *videri damnum facere is, qui eo veluti lucro, quo adhuc utebatur, prohibetur*. Cum de stipulatione damni infecti agat, & illud quærat, an ex opere vicini damnum vicino datum sit: sententia cogit, ut illis & damnum intelligamus, quod a vicino prædio opere facto inferatur, & lucrum quod ex eo loco fiat: ut sit sensus, non debet videri damnum a vicino prædio facere is, qui eo veluti lucro, quo adhuc ab illo utebatur, prohibetur. Sed ne sententiam scribentis spectemus, quæ ex re proposita manifesta est, verba urgeamus. Ait Proculus, *qui lucro prohibetur, quo adhuc utebatur*. Si verba sequi volumus, is lucro uti dicendus est, cuius id proprium lucrum non est, sed in eo nihil amplius est, quam usus: quod ita sit, si aliena patientia & liberalitate eo utamur: quod enim lucrum nostro iure invitis aliis facere possumus, id vere nostrum possumus appellare: unde & hoc non absolute lucrum, sed quasi lucrum Proculus nominat. Ait ergo non debere videri damnum facere, qui hoc veluti lucro prohibetur. Recte: is enim damnum facit, cui aliquid de patrimonio deminuit, sive id iam habuit, sive certo habere potuit, *L. 3. de dam. inf.* In alieno autem beneficio nihil amplius nostrum est, quam quod dominus nostrum esse voluit, & quandiu voluit: voluntate revocata nobis non datur quidem quidquam, sed nihil admittit: tandiuque quantum est nos alterius liberalitate uti, quandiu ille patitur. *L. 2. de precar.* laboriosus ita definit, interesse eius videri, qui damnum passus sit, non eius qui lucrum facturus sit. Videndum est, ubi hoc dicat: nempe enim de furti actione loquens,

antea posuerat actionem furti competere ei, quibus interest rem non surripi: hoc interpretatur, cuius interest rem non surripi: hoc enim quærebatur: & ideo quanvis ita simpliciter subiiciat, interesse autem eius videtur, tamen id sic accipiendum est, quasi allicisset: interesse autem eius videtur rem non surripi, qui damnum passus sit, non eius qui lucrum facturus sit. Unde observandum est eum non definire, quid sit hoc, interesse: sed cuius interest, quod in quæstione positum erat. Hoc vero recte, & prioribus convenienter, in actione furti interesse eius, qui damnum facturus sit, non qui lucrum: quoniam in hoc genere, aut damnum tantum agentis futurum est, aut si quis lucrum in re surrepta facere velit, non potest id, nisi iniustum lucrum videri. Etenim si res surrepta nostra est, hoc quidem aperte damnum est, nobis res nostra de patrimonio auferatur: si aliena, cuius custodiam præstare debeamus, & hic quoque damnum nobis paratum est, si hac non recepta damnum luere domino cogimur. Quod si ea non recepta nihil aliud eo nomine nobis abfuturum est, cur nostra interesse dicamus eam recipi, non alia causa a nobis reddi potest, quam quod possidendo eam quærere potuimus, & hoc possessionis lucrum facere. At hoc, ut supra ostendi, ex re aliena non honeste obtenditur. Ita sit, ut hac quoque definitione quanvis generali, tamen quia ad actionem furti tantum pertineat, nihil nisi iniustum lucrum ab eo quod interest, excludatur. Sit ergo constitutum, quod proposuimus: id quod interest, non ex damno solum, quod quis passus sit, dum quid de suo amittit, sed etiam ex eo, quod consequi & lucrari potuit, quod quidem iure facere potuerit, esse estimandum: & quod idem valet, æstimandum esse quod, si factum esset quod oportebat, is ad quem ea res pertinet, habiturus fuerit: sive quid de suo salvum habere & retinere potuit, quod alieno facto amisit: sive quid parare aliunde, & in patrimonium redigere, quod eadem iniuria non fecit: in summa, quod habere potuit, quod ei nunc abest.

C A P. XI.

S U M M A R I A.

1. *Quid sit in Constitutione damnum quod induci revera dicatur, adeoque fit ex ipsa Consl. præstandum.*
2. *Utilitas, quæ circa rem non consistit, duplex, utraque qualis sit § n. 3.*
4. *Contra qualis ea utilitas quæ circa rem consistit.*
5. *Utilitatem omnem quæ circa rem consistit, cum de eo queritur quod interest, in æstimationem venire.*
6. *An & illa utilitas æstimetur quæ*

circa rem non consistit, quæstionis occasio duplex iuris locus Pauli aliter, alter Ulpiani.

7. *Bartoli expositio reprehenditur.*
8. *Item Alezi opinio improbat.*
9. *Quæ sit auctoritas ea de re opinio, & quæ utriusque loci facta ab eo conciliatio.*
10. *Adicellio loci non tantum, sed & temporis & personæ facta solutioni, in causa est cur omne quod interest æstimetur, solutione non ita facta.*

NUM omne sine exceptione, quod quis habere potuit, æstimandum sit, & hoc quid sit, cognoscendum est: hoc enim erat alterum, quod de re, quæ verbo continetur, quæreremus: ex tribus autem propositis tertium. Et scriptum hoc a Paulo est in *l. si sterilis, §. cum per venditorem, D. de act. empt. Cum per venditorem steterit, quo minus rem tradat, omnem utilitatem in æstimationem venire: sed eam quæ modo circa rem consistit. Eam quæ non consistit, excipit, & eam quam intelligit, exemplis docet. Neque enim, inquit si potuit ex vino puta negotiari & lucrum facere, id æstimandum est, non magis quam si ideo, quia triticum datum non est, familia fame laboraverit. Quid Iustinianus? Et is hunc locum attingens in hac constitutione, & quasi decidens, si quid damni inducatur, id ut præstetur, iubet: sed addit, si quod re vera inducatur damnum: idemque se in lucro quod absit, amplecti dicit. Ex quo intelligitur esse, quod quis habere potuisse dicatur, quod tamen cum non habeat, non continuo illi re vera abesse dicendum sit. Id Iustinianus non vult esse æstimandum. Horum utrumque quid sit, magna quæstio est: quam si explicamus, operæ pretium facimus. Nihil enim ex omnibus quæ in hoc genere quæruntur, minus intellectum, aut explicatum est. Sed utrum Paulus de omnibus causis idem senserit, quod scripsit, de vini & tritici venditione; & adeo an id dicat, quod conveniat cum sententia Iustiniani, quando uterque isdem verbis de hac re non utitur, dubitationem habere potest. Illud non potest dubitari, quin Iustinianus id dicat, quod in omnes*

causas, in quibus de eo quod interest agitur, valeat, & cum valere debeat, ad id etiam sit, quod Paulus & veteres dixerunt, revocandum. Quare recte atque ordine fecerimus, si quid sit hoc re vera in Iustiniani constitutione spectabimus. Iam etiam facilius, quid sit illud, quod Paulus dicit, intelligitur. Quod re vera inducitur damnum, inquit Iustinianus, id præstetur. Id habet hanc sententiam, ut non continuo quod haberi potuit, eo præstato quod debebatur, id quasi absit, æstimetur: sed quod cum abest, dici possit re vera abesse ideo, quia datum, factum non est, quod debuit. Huius generis nobis id videtur esse, in quo hæc duo fiunt, ut & haberi certo potuerit, & potuerit ex eo solo quod præstandum erat, non aliunde: utilitas enim queritur propria eius rei, siue facti, de quo agitur: quæ tunc futura esse videtur, cum duo illa concurrent, quæ dixi. Ex quo intelligimus duas utilitates his verbis removeri.

Unum genus est, si quid ita potuerit haberi, ut potuerit etiam non evenire: quantumvis eius habendi spes obiecta fuerit, sitque tale, ut sæpe alias ex eodem facto consueverit parari, atque etiam is, qui agit, sæpe idem alias sit consecutus; non eo magis æstimabitur. Non recte enim se quis habiturum fuisse dicit, quod se ita habiturum fuisse non probat. Neque id probat quisquam, nisi ubi constat id ita fuisse futurum. Quod si quid re vera quis habiturus non fuit, ne abest quidem re vera: quoniam id abest etique, quod cum habere posset, amiserit. Id in rebus ruperis circa legem Aquiliam ab Ulpiano positum licet ad res omnes eiusdem generis transferatur. Is in *l. quemadmodum, §. idem-*

idemque Labeo, D. ad L. Aquil. scribit ad hunc modum: si culpa naotarum navis in retia piscatorum incidit, & retia frigerit, quæ alioqui ad pisces captandos erant disposita: agi ex lege Aquilia adversus nautas, ut æstimetur scilicet, quantum ea res est. Sed in lite æstimanda, retium, non piscium: qui ideo capti non sunt, fieri æstimationem: cum incertum fuerit, inquit, an caperentur. Idemque ait & in venatoribus & in aucupibus probandum. Nihil ergo magis & in negotiatoribus pecunia, aut merce quæ debeatur, non reddita, ea lucra forte æstimabuntur, quæ adhibita aliqua indulgentia obtingere poterunt, quæ quibusdam obtigisse aliquanto certum sit, in iisque quærendis rem aliis bene cessisse: sed ita, ut non sit exploratum ita futurum fuisse, & sæpe aliter res cadit. Plane si in contractu actum sit, ut incertus captus piscium æstimetur: is æstimandus est propter conventionem. Quod accidit, cum iactus piscium emptus est, & piscator venditor rete iactare noluit. Hic, inquit, Celsus, incertum eius rei æstimandum est L. si iactus D. de æst. empt. Quippe id actum in hac venditione apparet. Hic enim venditur non iactus, sed quod capietur eo iactu. Unde hoc agi intelligitur, ut id caput præstetur. Non potest præstari, cum piscator rete non iecit, quod caperet. Restat igitur, ut quod capi potuit, æstimeretur, præsteturque ea æstimatio ex conventionem. Incerti autem huius æstimatio ad id quod consuetum est capi, redigitur. arg. in L. 1. in prin. D. de usur. L. quod si §. quia, D. de ed. ed.

- 3 Alterum genus † removeri putamus, si quid est eiusmodi, ut quamvis petitor certo habere poterit, poterit tamen non minus aliunde habere, quam ex eo, quod debebatur. Non est enim ut dici possit, ex inopia rei debita magis, quam alterius rei, utilitatem aliquam nobis perisisse, si eam utilitatem ex alia re nihilominus, quam ex ea, quæ debebatur, capere potuimus. Exemplis res plana fiet. Atqui huius generis exempla esse arbitramur, quibus Paulus utitur in eo loco, quem modo retulimus. Quod si verum est: quid causæ est, quin superioribus illis verbis *utilitatis* idem Paulum, quod Iulianianus, sensisse: vel potius quod a Paulo dictum erat, idem Iulianianum exprimere voluisse, & quod Paulus in uno genere exempli gratia scripsit, id in omnibus, in quibus de eo, quod interest, agit, itidem ut in venditione, locum habere existimemus? Sed exempla Pauli

Tom. IX.

expendamus. *Non, inquit, si potuit emptor ex vino puta, negociari, & lucrum facere, id æstimandum est non magis, quam si ideo, quia triticum datum non est, familia eius fame laboraverit.* Quod vino tradito potuit emptor negociari, & lucrum facere, utilitas est ea, quam emptor re tradita consequi potuit: veium hæc, quamvis consilare haberi eam potuisse, ex re non nascitur: si quidem pluris vendere, aut permutare emptor potuit, quam res communiter valet; sed ex negotiatione, id est, ex opera & industria negociantis, qui ideo lucrum facit, non quia res tanti sit, sed quia alii indigeant, qui eam rem emptam velint: eaque occasione nunc utitur. Quod profecto nemo ex re proficisci dixerit: cum etsi in re nihil sit, possit quis hoc modo lucrum facere, puta, si quis hereditatem, quæ non sit solvendo, quia alius eam habere velit, vendat. L. 3. D. ad L. Falcid. Et ut maxime res sit, quæ veneat: non queat tamen venditor hoc lucrum ex re percipere, si quis rem quanti est, æstimare velit, non aliena indigentia, aut ignorantia emptoris abuti: quæ ut contingant, in casu tamen posita sunt, non in re. Denique aliud esse ex negotiatione nasci, aliud ex re, aperte Paulus docet in L. venditor, vot. nam si, D. de hered. vel æst. vend. his verbis: *si hominem tibi vendidero & necdum tradito eo alii quoque vendidero, preciumque accipero: mortuo eo, videamus, inquit, ne nihil tibi debeam ex empto, qui moram in tradendo non feci: & addit: precium enim hominis venditi non ex re, sed propter negotiationem percipitur.* Iam illud, quod tritico accepit, familiam alere potui, atque ita consequi, ne familia mea laboraret, quis neget utilitatem esse, quam tritico soluto percipere poterim? non tamen hæc ex eo tritico, quod mihi tradere debuisti potius, quam ex alio. Inducto erit, quod non magis ea utilitas mihi amissa est, id est, non magis familia mea fame laborabit, quia triticum a te non habui, quam quia aliud non habui: quod si aliud quodvis haberem, æque familiam salvam habere potui. Non igitur utilitas eiusmodi, cuius si fiat damnum, dici possit id vere inferri venditionis cessatione, quando id rei non solutæ assignare non possis potius, quam emptoris inopiæ. Cur ergo dependatur, cum si dicas hoc damnum accepisse te, quod tritico meo, quod debui, carueris, hoc ego æque vendiditurum sim, propter factum Titii id te accepisse, quoniam æque triticum eius non habueris? Hhh. Atque

Aque huius generis utilitates eas esse
vult Paulus, quæ circa rem non consistunt.
Quæ ergo æstimandæ? an non tunc
solum, vel ex sensu Iulianiani, quas vult
Paulus, & circa rem consistentes dicit?
Plane hæ ipse. Solæ enim esse reperien-
tur, quæ cum aberunt, re vera amissæ,
& quod Iulianiani constituto exigat, quæ
damnum re vera factum intelligatur.
Nam ut exempla Pauli missa faciamus,
verba ipsa consideremus: quam tandem
intelligere possumus utilitatem circa rem
consistere, nisi quæ rem circumstilat, ei
cohæreat, a re non divellatur? Quæ au-
tem non divellitur, nisi in qua illa duo
sunt, quæ posui, ut re quæ debebatur,
præstita, hæc utilitas rei adiuncta sequa-
tur: eadem re detracta, hæc ipsa utilitas
subducatur, nec quærat aliunde? cuius
hæc sit nota, ut si forte percepta non sit,
cum vellemus, ideo tantum factum sit,
quia re debita caruimus? huius generis
sunt, exempli gratia, servi nostri officio,
quod operas eius vivi percipere potui-
mus; quod hereditatem per eum parare,
ex qua heres institutus erat; quod de con-
scio quæstionem habere, ut veritas erue-
retur; quod eo inter Comædos habito
pluris chorus fuerit, quod occisus chorus
non sit futurus. Hæc enim omnia revera
ob hanc unam causam amissa, quod ser-
vo caremus: & ideo ob hanc unam causam
amissa, quia illa a servo duntaxat, non aliunde
sperare possumus. Merito igitur harum
rerum damnum in lege Aquila æstimand-
um esse traditur, in *L. proinde, & L. inde Neratius, seq. ad legem Aquil.* Huc
pertinet, quod eum qui damni infecti il-
tipularius est, si propter metum ruinæ ea ædi-
ficia, quorum nomine sibi cavit, sulsit: im-
pensas eius rei consequi posse Cælius scrip-
sit. Idemque iuris esse, cum propter vitium
communis parietis qui sibi cavit damni in-
fecti, onerum eorum relevandorum gra-
tia quæ in parietem communem incum-
bunt, ædificia sua sulsit. In eadem caus-
sa esse detrimentum quonque, quod pro-
pter emigrationem inquilinorum factum
est, in *L. in hacq. D. de damn. infecti.*
Omnia enim ex metu ruinæ, quæ tunc
fuisset, omnia is qui itipularius est, inte-
gra haberet. Unde vere dicitur, quia vi-
tiosæ ædes fecus habitæ sint ac oportuit,
hæc detrimenta contigisse, neque aliam
causam esse. Non exigimus ut ea utili-
tas, quam circa rem consistere dicimus,
ex corpore rei nascatur; quasi idem sit
in re, quod circa rem; & quæ extra rem
sit, circa rem non consistat: in quo nu-
meros falli scimus. Si ea utilitas per

rem acquiritur, si eius parandæ causa est
in re, quæ debetur, quantumvis extrinse-
cus veniat, ea circa rem consistit: upo-
te quam res ipsa secum fert, sibi quæ ad-
iunctam habet. Servus venditus & tradi-
tus, heres institutus est: hereditatis utili-
tas inter eas, quæ circa rem consistunt,
numerabitur, quia hanc per servum habere
potuimus. Itaque cum in empione eam
utilitatem duntaxat æstimandam dicat Pau-
lus, quæ circa rem consistit: tamen in-
ter omnes collatis servo eo quem dixi,
evicto iudicio ex empto, non modo ob
servum evictum, sed etiam ob heredita-
tem amittam agi posse. *L. venditor, de
evict.* Quid? mercedes ex operis servi,
pensiones ex rebus locatis, precium ex re,
quarum rerum utilitatem maxime circa
rem consistere convenit, nonne extra rem
veniunt aliunde? Et si vere iudicare vo-
lumus, omnem utilitatem, quæ circa rem
consistat, extra rem esse necesse est. Qua-
re in hac re non quid parceret, & unde
veniat, sed unde eius querendi cautela na-
scatur, spectandum est. Quæ si nascitur
ex una ea re quæ debetur, recte eam
utilitatem circa rem consistere dixerimus.

Quibus de verbo utilitatis cognitis, hoc
tamen manebit, posteaquam hic omnia con-
sentanea sunt Iulianiani sententiæ: & omnem
utilitatem quæ circa rem consistat, quam
eamdem propriam rei debetæ utilitatem in-
telligi volumus, in æstimationem venire,
cum de eo, quod interest, queritur; &
contra, eam quæ circa rem non consistat,
quæ eadem rei debetæ non propria utili-
tas est, nusquam venire. De priore non
dubitatur, si modo etiam mihi cum aliis
conveniret, quam circa rem consistentem
vocemus. De posteriore tamen plane non li-
quet. Ex sane magna causa est: non eni-
m generalibus verbis contrarium Ulpia-
nus scripsit in *L. 2. in fi. D. de eo quod
cer. so.* ut diceret eam utilitatem æsti-
mandam, quæ circa rem non consistit:
quid si faceret, in his verbis, *circa rem*
aliquid esse ambigui existimare possemus.
Sed ne quid ambigeretur: in iisdem exem-
plis quæ supra ex Paulo recensimus,
quod Paulus in æstimationem venire negat,
id Ulpianus æstimandum esse dicit.
Paulus ait, si mora per venditorem facta
sit, quo minus vinum traderetur, non ve-
nire in æstimationem, quod emptor forte
potuit ex vino negociari, & locrum fa-
cere. Ulpianus in actione arbitraria de
eo, quod certo loco promissum est (quo-
niam in hanc venit, quod actoris interest
pecuniam suo loco potius solvi, quam in
quo nunc petitur) æstimandam dicit præ-
ter

ter pecuniam, quod merces potuit illie comparare actor, & ex mercibus lucrum facere, nimirum negociando. Paulus aestimandum negat, quod ob triticum non traditum familia emptoris fame necata sit. Ulpianus in eadem illa arbitraria actione, qua pecunia alio loco petitur, postquam utilitatem actoris venire dixisset, addidit hanc in utilitate actoris aestimanda: quod actor forte eo loco quo pecunia illi dari promissa erat, pecuniam debuit sub poena, aut pignoribus, & quia pecuniam eo loco non acceperit, unde dissolveret, poena commissa est, aut pignora distracta. *d. L. 2. in fin. D. de eo quod cert. loc.* Et quid interest, quæso, ad genus damni, utrum ob pecuniam non solutam poena commissa, pignora distracta esse dicantur, an propter non datum triticum familia fame laborasse? Res ipsas expendamus, Si pecuniam accepisset actor Ephesi, quæ eo loco dari debebat: res alienum suum dissolvisset, quod illic erat, neque poena illi commissa, aut pignora essent distracta. Nempe hæc utilitas ex pecunia soluta esse potuit. Et triticum si habuisset emptor, quod solum expectabat a venditore, haberet unde familiam aleret: quam, quia neque hoc triticum, neque aliud habebat, amisit. Par hæc, & eadem cum superiore utilitas. Hæc tamen non aestimatur. Cur? quia, ut diximus, ut hanc amitteret emptor, non magis dici potest propterea contigisse, quod ille triticum debitum non acceperit, quam quod aliud quodvis non habuerit. At in pecunia eadem ratio est prorsus. Quod enim poena commissa est actori, quod pignora vendita, non magis accidit eo, quia pecuniam promissam non habuit, quam quod aliam quamlibet: neque enim certam pecuniam debebat, sed pecuniam generaliter. Quibus quid videtur dici posse magis repugnans?

Eorum, qui hunc locum explicare conati sunt, qui utroque illo in loco eiusdem generis utilitates referri agnoscant; (nam & qui sunt, qui id negent, ii neque mihi quid dicant, attendere videntur, & satis ex his, quæ supra diximus, refellantur) priorum ergo, quæ ad rem pertineant, duas suas sententias, quæ ideo mihi initio paucis attingendæ visæ sunt: ne in re explicata distichii, eademque ad exemplum pertinente, in qua periculose aliquid in hæc aut illam partem decerneretur, temere ab aliis dissidere putaret, & si quid forte recte diceretur a nobis, plerique aliorum velut præiudicium impedit, quod verum esset, omitterent. Una est vetus f

a Bartolo tradita recepta vulgo. Quoniam

Paulus in *d. L. si sterilis, §. cum per venditorem*, aperte dicat, eam modo utilitatem aestimandam esse, quæ circa rem consistat: neque caussa sit, cur in venditione potius id, quam in aliis causis valeat dubitari non debere, quin ea, quæ circa rem non consistit, plane non sit aestimanda. Nam quod quidam postea ex his, quæ circa rem non consistunt, quasdam propinquas esse dixerunt, quasdam remotas, quas posteriores solas excludi voluit; hi quid aliud, quam definitionem Pauli oppugnant? Sed hoc in omnibus aliis rebus quæ debentur, admittens Bartolus, unam numeratam pecuniam excipit: in qua etiam eam utilitatem, quæ non consistit circa rem, præstari vult: nimirum quod de ea Ulpianus agit in *d. L. 2. in fin. D. de eo quod cert. loc.* Cur? si quis roget, cum nihilominus hæc utilitas in cæteris rebus admittatur? hæc ratio redditur, quod numerum una sit, & certa aestimatio: *L. 3. de in lit. iur.* ut in his aut nihil eius quod interest nomine aestimandum sit; aut sit saltem ea utilitas, quæ circa rem non versatur, haberi tamen potest. At nihil aestimari, iuriosum, ita reliquum est, genus hoc utilitatem aestimari oportere. In cæteris rebus, ut vino, oleo, frumento, & speciebus cæteris, varie aestimatio commutari potest: ut sit, quod in his queat aestimari, etiam si eas utilitates, quæ circa rem non consistunt, non admiserimus. Quorum utrumque eufusmodi sit, non intelligo. In nummis, quanti plurimi sint; aestimari non potest, quia aestimatio nummorum semper una. Quid tum? ideoque his non solutis, ea utilitas, quæ propter pecuniam non solutam amissa non est, aestimanda est? Non opinor. Id enim aestimandum est, quod abest, & quidem vere. Hoc igitur querendum est, utrum ea utilitas, quam non consistere circa rem dicimus, propter non solutam pecuniam amissa sit, an non sit. Si non est amissa, sola pecunia præstetur, quæ debetur: quod præterea amissum non est propter frustrationem debitoris, ut præstetur. Quod si propter frustrationem pecuniæ utilitatem amissam esse volumus, cum in cæteris rebus eodem modo amitteretur, cur non præstetur, quid causæ dici potest? Nempe quod in cæteris utilitas alia circa aestimationem rei occurrere potest, ut rei aestimatio videlicet pro tempore varie augeatur. Ridiculum: quia non etiam minus poterit aut quasi diversis utilitatibus incurritibus non omnes aestimari debeant, quæ frustratione debitoris sunt amissæ, & quod ille una in re nocule,

non

non modo illi non nocere, sed etiam proficere debeat, ad alterius maleficii & iniuriæ deprecationem.

Merito igitur hunc Alciatus reprehendit. Cuius altera est contraria superiori sententia hæc: omnis utilitas, quam actor consequi poterit, habendam esse rationem, etiam si circa rem, ut Paulus loquitur, non consistat; nec interesse, ipeiusne debeat, an pecunia. Nam si hoc in pecunia certo loco promissa ex stipulatione probat Ulpianus, in *d. l. 2. §. ult. D. de eo quod cert. loc.* dubitandum non esse, quin in omnibus causis sit admitendum. Sed cum hoc in cæteris obligationibus omnibus locum habeat, in emptione & venditione singulare ius esse, ne ea utilitas æstimetur, quæ circa rem non consistat. De emptione autem loqui Paulum constat eo loco, ubi hoc genus excipit. Quod multo minus, quam prius illud probandum est. Nam si quo in iudicio omnis utilitas æstimanda est: ubi tandem citius æstimetur quam in eo, in quo ex fide bona agatur, qualis est emptio & venditio? quo in genere potissimum omnia æstimantur, quæ alterum alteri ex æquo & bono præstare oportet. *§. In bona, de act. §. ul. Inst. de obli. ex conf.* Quod si in hoc non æstimatur ea quæ rei propria non est, in quibus tandem aliis ea æstimentur? Neque sane huius singularis iuris dignam se rationem attulit. Quoniam, inquit, constitutum est, ut emptor, si pecuniam non daret, in usuris solum legitimis condemnaretur. *L. ult. D. de per. & com. rei vend.* Equum fuit, ut venditoris quoque mora nibilo durius puniretur. Parem enim utriusque conditionem fieri oportet, quod ita fiet si solum in eo, quod intrinsecus interest, damnetur: id enim quod extra rem versatur, legitimum usurarum modum excedit. Hæc ille prope totidem verbis; in quibus si argumentum ab emptore ducendo id ageret tantum, ut probaret nec venditorem eas utilitates, quæ circa rem non consistunt, præstare debere: nugari eum putaremus, neque enim hoc propositum erat. Neque dubitat quisquam, quis emptor, & venditor eas utilitates præstare non debeat. Quin hoc affirmamus, non modo non in hoc genere, sed nec in ullo alio hæc utilitates venire in æstimationem. Hoc quærebatur, cum ipse eas singulariter ab emptione excludi putet, sitne aliqua ratio, quæ id fieri suadeat, quod ipse ostendere nititur. Et cum rationem ab emptore ducat: nisi propriam causam esse dicit cur emptor eas non præstet, nihil agit. Restat ergo, ut

hoc cum dicere, itaque ratiocinari intelligamus: cur emptor alienam utilitatem non præstet, eo fieri, quia in usuras precii teneatur, quibus venditorem contentum esse oportuit: hoc autem recepto, consequens fuisse, ut nec venditor ultra eum modum quid præstaret, eoque nec id quod extra rem interesset, utpote cuius parem causam esse conveniret.

Quorum utrunque nobis valde reprehendendum videtur. Primum enim utrum potius eam utilitatem quæ circa rem non versatur, non præstet emptor, quia in usuras condemnatur: an quia per se ea utilitas est, quæ quia propter cessationem debitoris amissa non est, præstari non debeat? Nos quidem ideo putamus, quia propter se præstari non debeat. Quod ut falsum esset, tamen fecit ille vitiose, cum id ipsum, quod erat controversum, sumpsit ad sententiæ suæ confirmationem. Deinde ut probaret emptorem, quia usuræ precii ab eo exigi possunt, ideo eas utilitates, quæ aliunde extrinsecus percipi potuerunt, præstare non debere: tamen nihil minus, quam hoc effici nobis videtur, a venditore quoque non debere exigi. Isto modo, inquit, par fiet emptoris & venditoris conditio. Imo non modo par, sed etiam longe dissimilis. Usuras enim legitimas nemo ideo exigi dicet, quia eam utilitas circa pecuniam debitam versetur. *Usuræ*, inquit Paulus, *non propter lucrum petuntur sed propter moram non solventium insignuntur*. *L. cum quidam, §. si pupillo, D. de usuris*, ubi hoc sentit, ut locus indicabit, usuras legitimas non ideo præstari, quasi haberi acquirique potuerint. Et sane fieri potest, ut quis pecuniam sibi debitam acceperit, neque usuras ullas habeat; sive quod eam pecuniam statim expendere coactus sit; sive quod non habuerit, apud quem tuto collocaret; sive quod etiam collocare non expedierit. Quod si is fructus circa rem consisteret, si quis pecuniam certa die præstare promississet, neque præstitisset: usuræ ex mora accederent: quoniam in hanc stipulationem id quod interesset, venit; *L. si fundum certo, D. de verb. obli.* eo autem quod interesset, omnis utilitas, quæ circa rem consistit, continetur. *d. l. si sterilis, §. cum per venditorem, D. de act. empt.* At non accedunt usuræ: quas certi iuris est in strictis iudiciis nisi stipulanti promissas esse deberi. *L. 3. C. de usur. L. mora, §. in bona, D. cod.* Non igitur earum utilitas eiusmodi, quæ circa rem consistat, seu quæ re tradita eo eo quod interesset pecuniam habuisse, numerere.

meretur. Quod si ita est: nonne hoc modo similis conditio futura fuit, si & mora a venditore facta vicissim ea utilitas, quæ circa rem non consistit, præstetur: si non præstetur, plane dissimilis, si quidem exemplum emptoris in venditore sequi deberemus? At enim quod extra rem interest, legitimus usurarum modum excedit, supra autem huic modum a venditore exigere non debet. Utrouque falsum est. Prins, quia fieri potest, ut nihil amplius ab sit venditori, quam quod extrinsecus confectum potuit, quod præstatum non maiorem modum, quam usurarum efficeret. Posterius ideo, quia si supra modum usurarum venditor præstare non debet, si in triticum venditum sua die non tradiderit, & tritici creverit forte ad duplum, ut sit, æstimatio, ne hanc quidem præstabit, auctore Alciato: quia altera quasi fors, quæ accessit, non dico unius mensis, sed multorum annorum usuras superat. Quod ne ipse quidem Alciatus dicit, & aperte falsum est ex d. l. si sterilis, §. cum per venditorem. Ex quo intelligitur, emptoris præstationem usurarum ad venditorem nihil attingere. Ergo dicat aliquis, utriusque par causa esse non debet? quis negat? Sed par in eo erit, si neque uterque id præstet alteri, quod vere propter debitoris cessationem non abest: & quod vere abest, id ab utroque præstetur: interrim fructus rei omnis æstimetur: in qua usura numeratur tum, cum ex fide bona agitur. Demus tamen & quod Alciatus dicit, & quod Barolus, vera esse omnia. Nihil agitur, in eodem luto hæsitant. Summa enim hac re dicit, ut ea utilitas quæ circa rem non consistit, alibi æstimanda sit: alibi non sit æstimanda: quæ distinctio cuiuscunque modi erit, ad explicandam *Constitutionis* difficultatem iuxta est inutilis. Quæro enim hac utilitate amissa, quæ ex re non est, velintne damnum re vera inductum esse, an non re vera? Si re vera damnum sit huius utilitatis amissionem: omnibus in actionibus, omnibus in rebus ex constitutione Iustiniani utilitas præstanda est. Si re vera non sit, nullis neque in rebus neque iudicibus æstimanda. Quapropter eadem difficultas relinquatur.

9. Nostra sic ratio est: neque in emptione & venditione, neque in ullo alio iudicio, si res quæ præstari debuit, tradita non sit, eam utilitatem esse æstimandam, quæ circa rem non consistit: id est, quæ ex re non est, seu quæ satis est, ut quavis res ab sit, quæ tradi debebat. Ipsa tamen esse, & percipi eodem modo poterit aliunde; neque interesse, speciosius aliqua, ut triticum,

an pecunia debeatur quæ præstata non fuerit. Si triticum, aut pecunia mihi debeatur: nunquam hæc utilitas, exempli gratia, in æstimationem vocabitur, quod triticum acceptum pluri vendere potui, & lucrum facere; quod ex tritico familiam alere, aut pecunia recepta res alienum dissolvere potui: quibus non receptis, aut illic familia mea fame necata sit, aut hic poena mihi commissa, vel pignora a creditore dilata (nam horum utilitatem circa triticum, aut pecuniam debitam non consistere Paulus dicit) Si rationem querimus, expedita est: quippe hæc res æque salvas habere potui alio tritico, aliave pecunia, etsi maxime neque id triticum, quod debebatur, neque ea pecunia mihi redderetur. Quo fit, ut non magis ob id amissa dici possint, quia triticum id non habui, quam quia aliud non habui. Quod si verum est: non est æquum id detrimentum deponere te mora facta, quod peculiariter cessationi tuæ adscribi non potest: hæc ratio non in uno aliquo genere obligationis, aut rei in obligationem deductæ tantum valet, sed æque in omnibus. Illud etiam absurdum, huius utilitatis æstimationem in emptione repudiari a Paulo, in cæteris quæ bonæ fidei iudicis non sunt, admitti. Postremo cum hac utilitate amissa necesse sit, damnum re vera inductum esse, aut non esse: Iustiniani constitutioni aliter satisfacere non possumus, quam si absolute alterum recipiamus: ut aut in omnibus hanc æstimandam dicamus, aut nusquam. Non esse autem æstimandam & Pauli auctoritas, & multo magis ratio facit, quæ in omnibus est eadem. Enimvero hoc ita verum est, nisi appareat huius utilitatis a contrahentibus in contrahendo habitam esse rationem. Nam id si contingit, conventio nimirum servanda est: id inde constabit, si nominatim a creditore solutio pecuniæ, de qua agitur, in locum aliquem, aut personam certam, aut certum tempus collata erit: cum creditori expediret aut in eo loco, aut ei personæ, quæ adiecta est, eoque tempore solvi propter eas utilitates, quas supra dixi: hoc enim cum sit, quia frustra non adiciatur, solutionem ad eas utilitates, quæ inde percipi poterunt, relictis creditorem perspicuum est. Si factæ non sunt, æstimari eas æquum est: ut enim eas consequeretur creditor, æquum est. Itaque non arbitraria actio, *De eo quod certo loco etc.* facit, ut de pecunia certo loco promissa illius generis utilitates arbitrio iudicis committantur: sed conventionis, quæ cum pariter in omnibus con-

tractibus servanda sit, etiam si nullo certo loco pecunia promissa sit, idem valebit. Proinde neque illud requiremus, mercatores sint, necne, qui inter se agunt; neque eas utilitates propinquas esse velis, non remotas, ad rem pertinere exstimabimus. Cuiuscunque modi erunt, ad quas solutionem relaxam esse apparebit, quisquis is qui reatit, quodcunque iudicium id erit quo agitur, creditor frustratus eas recte exigit. Hoc de genere scilicet Ulpianus loquitur, qui in pecunia, quam certo loco dari promissum est, utilitates supra scriptas estimandas esse ait in *d. l. 2. §. ult. D. de eo quod cer. loc.* Sed quas? num omnes eius generis, quæ ubique capi potuerunt? Imo eas tantum, quæ in loco haberi poterunt pecunia soluta, in quo pecunia solvi debuit: ut liquido appareat, non ob aliam causam eas estimari, quam quod adiectione loci, id est, conventionione eius ipsius loci tantum utilitates questitæ sunt. Verba eius adscribam: *Iulianus Labeonis sententiam secutus, etiam actoris habuit rationem, cuius interdum potuit interesse, Ephesti recipere: itaque utilitas quoque actoris venit. Quid enim, si tractatitiam pecuniam dederit, Ephesti recepturus, ubi sub pena debebat pecuniam, vel sub pignus, & distracta pignora sunt, vel pena commissa mora tua? vel aliquid hysco debebatur, & res stipulatoris vilissimo distracta est? Reserebat stipulator pecuniam solutionem eo, ut haberet Ephesti, unde pecuniam, quam illic debebat, disolveret: neque vero parum eius intererat ibi pecuniam reperire paratam, potius quam ipsum secum ferre. Si frustratus erit, ideoque illas utilitates quas Ulpianus dicit, amiserit: quis neget has illi præstendas esse, eum ut eas consequeretur, locum, in quem sibi solvi vellet, nominatim adiecerit? Ergo quod suus interfuit pecuniam eo loco recipere, id consequetur: quia loci adiectione id actum est. Quod si eo loco nihil interfuit, quantumvis si alibi soluta esset pecunia, consecutus esset actor, ne ibi in penam incideret, aut pignora distraherentur, declarat Ulpianus nullam huius rei rationem duci oportere.*

10 Ut autem intelligatur non esse huic sententiam tantum locum in eo genere, cum pecunia certo loco promissa est, quasi arbitrarie actionis, qua in eo genere agitur, *L. 2. in pr. l. ideo, de eo quod cer. loc.* potestas id exprimit (certum est enim in arbitralis actionibus, itidem ferre ut in bonæ fidei, liberam iudici potestatem dari rem ex æquo & bono æsti-

mandi, §. *præterea, Inst. de act. d. l. ideo, D. de eo quod cer. loc.*) Quod loci adiectione efficitur, efficitur & personæ adiectione. Stipulator sum decem mihi, aut Titio utrum ego velim dari. Quis dubitet, si forte interit mea Titio potius, quam mihi solvi, quoniam penam promiseram, si illi solutum non esset: idcirco cavisse me, ut Titio solveretur, ne in eam penam incidere, ideoque id actum esse, ut ea utilitas mihi præstaretur? Ergo hæc ita præstabitur auctore Papinianus: de quo ille ita scribit in *L. liber. 118. §. ult. D. de verb. oblig. decem mihi aut Titio, utrum ego velim, dare spondes? ex eo, quod mihi dandum est, certi stipulatio est; ex eo, quod illi solvendum, incerti: quoniam penam promiseram, si Titio solutum non fuisset.* Observa hic quoque estimari quod interfuit mea, sed quod interfuit Titio pecuniam solutam esse, ne si illi solutum non foret, pena committeretur: scubi autem alias expedivit mihi pecuniam solvi, ut alii præstarem, id in estimationem non venire. Scilicet hoc non est actum: illud de Titio adversus periculum, quod ab illo metuebatur, nominatim cautum est. Temporis adiecti vis eadem. Ulpianus in *L. 4. in princip. D. de eo quod cer. loc.* Quod si Ephesti, inquit, petetur: ipsa sola summa petetur, nec amplius quid, nisi si quid stipulatus est vel si temporis utilitas intervenit. Fac bonum rationem a creditore non esse habitam, quia solutio in horum aliquid nominatim collata non sit: definitionem Pauli de genere utilitatis ad interpretationem verborum Iustiniani accommodatam in omnibus perpetuam, & veram reliqueris: ut obique ea utilitas in estimationem veniat, quæ circa rem consistit. Illa adde, in omnibus propter conventionem regulam commutari: ut quia ita actum est, hæc ipsa, quam sæpe iam dicimus circa rem non consistere, vel verius ipsa loci adiecti utilitas, & personæ, & temporis ubique æstimetur. Quo genere utilitatis ex adiectione loci semel recepto, consequens erit, ut non tantum damnum estimari debeat, quod actor frustratus fecerit: sed etiam lucrum, si quod in eo loco, quem adiecit, facere potuerit. In eo enim quod interest æstimando, parem esse damni facti & lucri amissi causam, supra effectum est. Pars ergo pecunia suo loco accepta stipulatorem merces emere potuisse: potuisse tritico accepto negociari, & lucrum facere, hoc quoque æstimabitur. Quod & ipsum ad Ulpianum eodem illo loco, quem supra retuli, clare possumus

tum est: qui post pœnæ commissionem, & pignorum distractionem, de quibus locutus erat, ita inuit: *quid si merces solebat comparare? an & lucri ratio habebatur, non solus damni? Puto, & lucri habendam rationem.* Quid ergo attulit, dixerit quisspiam, id me nunc inculcare, quod ex uno illo Ulpiani loco cerni, & ex superioribus facile intelligi potuit? Quia fuit hic, quod de lucro moneremus, quod singulari cautione indiget, positum quidem ab Ulpiano: sed obiter, ut aut tanquam ad rem non pertinens præteriri, aut eerte cuiusmodi sit, ignorari potuerit. Id vero buisimodum est: non ita dicere vos lucri quod in constituto loco pæri potuit, habendam rationem, ut hoc ipso, quod potuerit actor merces ex pecunia comparare, aut ex tritico negociari, & lucrum facere, id lucri, quod futurum esset, sit æstimandum. Prius hoc volumus, videri creditorem id ita facturum fuisse, & ad eam spem & cogitationem loci adiectionem retulisse. Nam ut ante quoque diximus, non debet videri abesse cuiquam, quod non probetur fuisse acquisiturus. Id ergo unde æstimabitur? Duabus his ex rebus, si & potuit facere lucrum, & voluit. Aut potuerit, ex loco intelligitur, si is fuit, in quo merces emi possint, & fiant. An voluerit, ex personæ conditione & consuetudine iudica-

bitur; & si nullam aliam causam videbitur habuisse, cur eo pecuniæ solutionem referret. Finge negotiatorem esse, qui merces eo loco comparare solebat: hoc est, quod Ulpianus ita querit, *quid si merces solebat comparare?* hoc enim consulto addidit, ut intelligeremus non aliter lucri habendam esse rationem, quam si ita comparare fuerit esset: non quia ad utilitatem consequendam quidquam faciant personæ ratio, aut plusquam negocianti in hære tribuatur, quam alii: sed quia pertinent hæc ad fidem faciendam eius lucri, quod actor se cogitasse, sibi que abesse queritur. De damno non idem Ulpianus scribit: non, inquam, persona, ab eo distinguitur: sed sine exceptione hæc esse æstimanda dicit, quod pecunia Ephesi non soluta pignora distracta sint, quod pœna sit commissa. Merito, quia damnum non est, nisi ubi quid de nostro amissum est: quod cum factum esse constabit, stulte argumenta querantur, an fieri potuerit. Lucrum autem non id quis petit, quod fecerit, sed quod pecunia accepta se facturum fuisse dicit: quod an ita futurum fuerit, certum non est. Ergo quid accideret potuerit, coniecturis exquirendum est. Quibus expositis de modo & æstimazione eius quod interest, simul de sententia huius legis, quæ de hisce rebus est, dictum est.

C A P. XII.

S U M M A R I A.

1. *Nullum pæne conventionali modum statui hac constitutione, sed nec ullis legibus ostenditur.*
2. *Modum tamen aliquem esse debere ex ipsa re, seu sine ipsi pæne proposito deduci probabile admodum putat auctor; & qui sit.*
3. *Pæne conventionalis modus ex eo quod nostra interest, æstimandus.*
4. *Quorsum Iustinianus ad probandum modum eius quod interest, utatur exemplo pænarum conventionalium.*

U N Nunc ad sententiam legis supereffe videtur, de quo cognoscamus, & de quo me id extremum dictum esse, cum de modo dicrem, sum pollicitus: quod præter rationem eius quod interest, de quo hoc loco agitur, argumenti loco obiter interfuerit, & ad modum pænarum conventionalium pertinet. Iustinianus enim probare volens recte se fecisse, quod modum taxationemque ei quod interest imposuisset, ita eribit: *cum sciamus esse naturæ congruum, eas tantum pœnas exigere, quæ vel um competentem moderamine proferantur, vel a legibus certo sine con-*

Tom. IX.

cluse statuuntur: cuius argumenti vis quæ esset, & illic ostendimus. Interim hoc significat, non pœnas tantum legitimas certo sine concludi: sed etiam illas, quæ a legibus non sunt, non nisi cum competentem moderamine, ut ipse loquitur, exigi. Cum enim disunctione utatur, & in altero disunctionis membro eas pœnas nominet, quæ a legibus statuuntur: necesse est, in altero alias pœnas, quam quæ sint ex legibus, intelligat. Eæ sunt autem, quas quisque sibi cavit, si quid factum non esset, aut contra quam cautum est, quid factum esset: haturum igitur & moderamen

Iti

eile

esse aliquod significat: quod quale sit, multum dubitatur, † non solum quia nihil appetit de ea re in reliquis partibus iuris cautum legitur; sed etiam quia nonnulli proferri possunt loci, qui vehementer refragentur. Scribit Ulp. in *L. stipulatio ista, §. alteri, D. de ver. obl.* si quis alteri stipulari velit, quia recta id consueque non potest, poenam stipulari convenire, ut si ita factum non sit, ut cautum est, committatur stipulatio etiam ei, cuius nihil interest. Poenam enim cum stipulator quis, non illud inspici, quid interfuerit, sed quæ sit quantitas, quæque conditio stipulationis: quod habet hanc sententiam: poena in stipulatum deducta, cum conditio poenæ extiterit, nihil amplius querendum, quam quantum deductum sit: quorsum, nisi ut præstetur? Iam ut ad certum modum conventionales poenæ proferri debeant: quem hunc esse modum dicemus? Utrumne ut supra duplum eius rei, sive summæ, quæ in obligationem deducta est, poenam frustra stipulemur, quemadmodum nec supra eam summam id, quod interest, ex hac constitutione consequi possumus? Videamus, ne sit iniquum, si pluri mea interesse potuit, me mihi privata pactioe cavere non potuisse. Quid si hoc Paulus diserte scribit, poenam nos non tantum ad triplum, sed etiam ad quadruplum stipulari posse? Is in *L. si distam, §6. D. de evict.* *Si dictum fuerit in vendendo, inquit, ut simpla promittatur, vel triplum, vel quadruplum; ex empto actione agi poterit.* Rursum placetne ad quadruplum tantum eas progredi posse exemplo poenarum legitimarum, quæ hunc modum non excedunt? At neque hoc usquam cautum est, neque magis ex hac lege effici potest, quam ut ne ad duplum præstetur, de quo constitutio loquitur: & quod ad exemplum pertinet, nihil simile habent inter se, poenæ quæ ex delicto est, & quæ ex conventionione petitur. Illa a lege iniungitur iuvitis pro delicti modo: hanc uniusquisque voluntate sua tibi imponit, dum pro commodo stipulantis quid futurum esse paciscitur. Et mihi quidem ita res se habere videtur, nullis legibus certum poenæ modum esse constitutum, quem conventionione excedere non liceret: quod, ut superiora omittantur, unde melius probari potest, quam ex hac constitutione? Distinguit enim Iustinianus eas poenæ quæ a contrahentibus proferuntur, ab iis quæ a legibus certo fine statuuntur. Non ergo illæ a legibus certo fine statuuntur. Stulte enim separantur, si omnes certum & definitum legibus modum

habent. Quod si res ratione colligenda est, cum omnis conventio edicto Prætoris servanda sit, quæ de re privata interposita, neque contra leges sit, neque contra bonos mores, *L. iurifragantium, §. Prætor, §. si paciscar, D. de pact.* quid huic poenæ conventioni deesse potest, quominus servanda sit? De re privata & familiaris esse constat. Utrum ergo legibus eam contrariam esse putamus? quibus? nam si quæ est lex, quæ huic generi præstiterit modum, constitutio est hæc Iustiniani, quæ aut id fecerit, aut certe superiorum sententiam de eadem re aperius complexa sit. At hæc de eo, quod interest, agit: longe autem aliud est id, quod interest, de cuius summa nihil nominatim dictum est, quodque totum ex incerto sine conventionione petitur: aliud poenæ, de qua nominatim cautum est. Bonis autem moribus qui dici potest hæc conventio adversari, cum nihil sit æquius, quam creditorem non decipi: quodque in eam rem sibi caverit, ideo servari, ne decipiat? Id enim ita fiet, si ubi factum non est, quod debuit, poenam exigere licebit: dum enim poenam metuet, faciet reus quod promissit: si aut nihil est quod metuat aut minus, negliget. Illud quidem nullo modo probandum esse videtur, quod quidam defendunt, poenæ modum ad taxationem huius constitutionis de eo, quod interest, idest, ad dupli quantitatem revocandum. Quid enim, si multo pluri nunc mora a te facta mea iuristis? Nimirum neque si probare velim interesse mea in magnam quantitatem, idque consequi, audiendus sum; quia eius quod interest, modum Iustinianus ad duplum præciderit: neque ex istorum sententia poenam quam petere, quia taxationem eius quod interest, sequatur. Quo quid iniquius? Ego, cum mora tua mihi multa amitti potuerint, atque etiam amissa sint, de quibus ego diligenter mihi caverim, ne quis esset litibus locus, mihi vigilando & cavendo prospicere non potuerim, & quod indignandum est magis, tu impone mihi illulensis? Nulla ratio est, quæ hanc sententiam tam iniquam possit defendere, præsertim cum illud a Scævola scriptum, & inter omnes probatum esse constet, *ius vigilantibus scriptum esse: L. pen. in fin. D. qua in fraud. cred.* & ut nihil æque grave veteres putarunt, quam fidem fallere; ita nihil magis ad exemplum & Remp. pertinere, quam iuristis, & fraudationis mei poenam. *L. t. de consil. pec. L. si unus, §. pacta, D. de pact.*

Quis

2. Quis igitur in his pœnæ relinquatur †
 modus? nam constitutio aliquid eius moderamen intelligi voluit. Si quidem in ea caussa pœna promissa est, in qua genere ipso tanti interesse potest, quantum pœnæ nomine promissum est: plane nullus hic mihi pœnæ modus quærendus videtur, idque superioribus satis effectum puto. Si genere ipso, inquam, tanti cuiusquam interesse potest. Non enim exigimus ab actore, ut probet tanti sua interesse, ut sic deinde pœnam consequatur. Satis est, si res sit eiusmodi, in qua natura rei si non huius, at alicuius quandoque tauti interesse possit, quantum in stipulatum deductum est. Alioqui frustra pœnam caverimus, quæ ideo adiici solet, ne actor, quid sua interfit, necesse habeat probare, quod probatu in primis difficile est, & plerumque ad exiguum summam deducitur. *L. ult. D. de præ. stipul.* Plus dicimus, si propter affectionem interfit agentis id fieri, quod cautum erat, puta aut librum ad affectionem pertinentem, aut fundum maiorum nobis dari reditive, aut alteri quid fieri, quo nomine pœna promissa sit, nihil amplius quærendum est. Absurdum est enim, cum de animo actoris agatur, rem eius animo non æstimari & computatione: cum autem pœnam dixit, rem tanti æstimavit. Quæ quidem in his causis accipi volumus, in quibus pœnam stipulari licet sine fraude usurarum: nam cum pecunia debetur, convenit hic pœnam stipulari non licere, ne ad duplum quidem, quoniam in fraudem constitutionum videatur adiectum, quod usuram legitimam excedit. *L. Iulianus, §. ibi, D. de act. empt.* Sed si res talis sit, ut proposita facti specie appareat uilil neque huius, neque alterius cuiusquam, qui idem stipulatus foret, neque promissum accepisset, ad eam summam interesse posse, quanta pœnæ nomine est promissa, quod ultra erit, quantum id cunq̃ue fuerit, nobis nec præstandum esse videtur: siuge rem promercalem esse promissam, aut eiusmodi, qualem quis eodem modo, eodem precio possit reperi-

re, & nisi daretur, promissam esse pœnam. In hanc sententiam me fias ipse pœnæ veluti manu deduxit: finis hic est, ut pœnæ adiectione nobis ea summa cautum sit de eo quod interest, *d. L. ult. de præ. stipul. §. ult. Inst. de verb. oblig.* ut si quo modo nostra interesse potest vel ex affectione, an interfit, necne, & quatenus interfit, non quærat. *L. stipulatio ista, §. alteri, de verb. oblig.* Fac iam neque in eam rem, de qua agitur, affectionem ullam cadere, neque fieri posse, ut ad hunc aut illum modum cuiusquam interfit, idque genere ipso rei consilare, ut si res sit ea, quam modo diximus, consicitur pœnam exigi non posse. *arg. L. quod dictum, D. de pact.* In summa pœnæ † modus iudicio nostro non 3
 ex quantitate pœnæ in stipulatum deductæ, sed ex eo quod in re, de qua agitur, interest nostra, spectandus est, ut si luere possit nostra, nihil quantitatem pœnæ moremur, sed quanta est, tantum recte petamus: si minus, ad eius quod interesse potest, pœnæ moderemur petitionem. Sed hoc sensu, quæret quispiam, quid exemplum pœnarum conventionalium, quo Iustinianus ad probandum eius, quod interest, modum utitur, ad rem pertineat, si id, quod interest, hoc ipso, quod certam quantitatem excedit, petere non liceat: in pœna autem conventionali nihil tale reperitur, ut quantitas pœnæ modum faciat: nempe intelligendum erit, argumentum hoc pœnarum legitimarum, & conventionalium non eo referri a Iustiniano, ut probet, cur id, quod interest, ultra duplum exigi vetet, sed simpliciter cur ei rei modum statuerit, ut deinde quærat, cur hunc modum: sique hic sensus: si in pœnis legitimis & conventionalibus aliquis modus est, conveniens est, ut sit & iu eo, quod interest sed non continuo efficitur eundem esse debere. Alioqui ita colligi debuit, etiam id, quod interest, ad quadruplum exigi posse, quoniam & huc usque legitimæ pœnæ excurrunt, quarum & ipsarum argumento utitur,

HUGONIS DONELLI

IURISCONSULTI

COMMENTARIA

IN CODICEM

IUSTINIANI.

AD TIT. I. LIB. VIII. COD. DE INTERDICTIS.

SUMMARIA.

1. *Seriet tractatus de interdittis.*
2. *Interdittum quid, § num. 4-5.*
3. *Interdittum unde appellatum.*
4. *Interdittum formula diffare ab actione: re nihil aliud esse, quam actionem, § num. 7.*
5. *Actiones olim proprie ita dictas, de ceteris rebus esse: interdittum, omnemque ex causa interdittorum actionem esse de possessione, § quæ sunt interdittis, et quæ sunt interdittis in utroque genere.*
6. *Interdittis omnia esse de possessione § quæ possessione sola, et si dicantur quedam proprietatis causam continere.*
7. *Cur placuerit olim de possessione agi interdittis, non actionibus, cum non minus § ageretur de possessione.*
8. *Interdittum ab edicto quid differat.*
9. *Interdittis omnia, et si in rem concepta, personalia esse, quid sit.*

IURIS § nostri persequendi causa proditæ sunt partim actiones, partim interdittis. Actionum quedam in rem sunt, quedam in personam. In rem, de rebus nostris, aut ad ius nostrum pertinentibus, quas petimus ab eo, qui possidet. In personam, de eo, quod nobis debetur. *l. actionum, D. de obl. & act. §. 1. Inst. de act.* Interdittis de possessione rei cuiusque asserenda, ut mox dicitur. De his ita ius compositum est, ut prius compositores de actionibus & iis iuribus, quæ ad actiones pertinent, dicerent: quod hucusque fecerunt. Sic deinde ordine de interdittis; quod sit hoc loco. Hunc ordinem securum esse Iustinianum in Institutionibus constat ex principio tituli *de interdittis*. Consentaneum est compositores iuris hunc eundem ordinem & in Pandectis & in Codice secutos esse. Interdittum § si formulam veterem spectes, unde interdittis sunt appellata, sic recte definitur: formula & conceptio verborum, quæ prætor inter eos, qui de possessione, aut quasi possessione

contendebant, iubeat eum, cum quo agebatur, aliquid facere, aut facere vetabat, prout id ad possessionem asserendam, de qua agebatur, convenire videbatur. Nam alias petitur, ut possessio restitatur, aut ut res exhibeatur: hic prætor restitui, aut exhiberi iubebat. Alias qui rem tenet, aut ea fruitur, petit, ne sibi tenenti, aut petenti vis fiat: hanc prætor fieri vetabat. Colligi potest hæc definitio ex initio Tit. *Inst. de interd.* de qua & mox plura dicentur.

Ex § ea intelligere possumus Interdittum dictum esse, quasi Inter, aut Interim edictum; & interdicere, quasi Inter & Interim edicere. Non dico Inter duos dictum, ut est apud Iustinianum in §. *in fin. Inst. eod. parum apte: quoniam & sententia, & arbitrium, & interlocutio inter duos dicitur: quorum tamen nihil a veteribus dicitur interdittum. Non dico interim: nam & multa interim dici & tractari solent, donec ad ius nostrum perveniamus; quæ tamen nihil minus sunt, quam interdittis, cuiusmodi sunt, quæ dicuntur a privatis litigatoribus: in magistratu autem & iudicibus interlocutiones. Ne illud quidem*

dem placet, interdicti appellationem, quæ proprie ad prohibitoria interdicta pertinet (nam interdicere proprie vetare est) ad cætera quoque per abusionem esse translata, ut quosdam putasse refert Iustinian. in d. §. 1. *Infr. de interd.* Nam ut hoc in verbo interdicti ferri possit; certe in verbo *intercedendi*, unde est interdictum, defendi non potest. Nemo enim unquam de exhibitoriis, aut restitutoriis interdictis loquens, dixit in his interdicere pro iubere, & decernere, ne abusive quidem: cum tamen in his & prætor & actor etiam proprie interdicere dicantur. Hoc dico igitur interdictum, dictum quasi *inter* & *interim* editum, & *interdicere* quasi *inter* & *interim* edicere. Quod omni interdicto plane convenit. Est enim edicere iubere aliquid. Id vero in omni interdicto prætor faciebat. Edicebat enim, & iubebat quid fieri, aut non fieri. Illud cum faciebat, dicebatur absolute iubere: proinde & hic maxime proprie edicere. Hoc posterius cum faciebat, dicebatur speciali verbo *prohibere*, & *vetare*; sic tamen, ut iuberet nihilominus, ne fieret: proinde & hic quoque ediceret: ut profecto nihil aliud sit interdictum, quam inter privatos & interim interpositum prætoris editum. Et tamen quia non simpliciter dictum est, dicitur interim editum. Et recte; edicebat enim hic prætor interim: idest vel obiter, ut omnis causa possessionis est momentanea, *L. unica, sup. si de mom. poss. fa. ap. L. momentarie, infr. unde vi.* vel interea dum de alia re principali contenditur: puta de iure & proprietate rei, per quod tempus decidi solet possessionis atque usus controversia, *L. ordinarii, sup. de rei vind. L. 3. inf. b. s. ea* que decisio olim transigebatur interdictis.

4 Ex t eadem definitione intelligimus interdictum, ut fuit vetus formula, actionem non esse. Nam actio est privati litigatoris petitio & persecutio, qua intendit sibi aliquid ab adversario dari, aut fieri oportere. §. 1. *Infr. de act.* Interdictum litigatoris petitionem & intentionem non habet; sed iustus est, & imperium prætoris adversus eum, cum quo agitur, propositum. Sed hæc ita sunt, si, ut dixi, formulam tantum in interdicto spectemus. Quod si spectabimus vim & potestatem interdicti, idest, id quod in interdicto agimus, & consequi volumus; sine dubio interdictum actio est, sicque rectissime definitur: ut sit actio, qua de possessione asserenda vel quasi possessione agitur, sive eam nunc primum adipisci, sive adepti retinere, sive ademptam & a-

missam recuperare velimus. Dixi interdictum actionem esse, recte: inde enim dicitur actionis verbo contineri. *L. actionis, D. de obl. & act.* Hinc etiam quæcunque de actionibus dicuntur, eadem dicuntur & de interdictis. Itaque & interdicto agere dicimur: & dicitur interdictum aliquibus & in aliquos competere; dicitur & condemnatio eius iudicii esse. *L. 3. §. 1. §. condemnatio, §. ult. D. de tabul. exhib.* Quæ omnia actionum propria sunt, ideo, ut dixi, tribuitur interdicto: quia etiam interdictum vetere formula petitionem litigatoris non continebat, sed iustum & imperium prætoris; vi tamen ipsa nihil aliud erat, nisi petitio & persecutio privata litigatoris. Non enim ita iubebat prætor in interdicto, aut quid vetabat, ut sententiam ferret: alioqui lentitas esset sine causæ cognitione, quod ius non recipit, *L. ex stipulatione, sup. de sent. & interloc. L. 1. sup. de execut. rei iud.* sed prætor una cum interdicto iudicem dabat, qui cognosceret, an vere intenderet petitor causam esse, cur res sibi restitueretur, exhiberetur, possessio retineretur, atque ita causam cognita reum condemnaret. Ita interdictum nihil aliud erat, nisi persecutio possessionis in iudicio; quæ actionis definitio est. *Infr. de act. in pr.* Nunc formulis veteribus interdictorum sublati, constat nihil amplius de interdictis restare, quam actionem ex causa interdictorum, §. *ult. Infr. de interd. L. ultim. infr. hoc tit.* ut iam inter actiones, quæ sunt ex causa interdictorum, & cæteras non formula intersit, sed res tantum, de quibus agitur. Nam t cæteræ actiones sunt de rebus aliis quibuslibet. Interdictum, sive actio ex causa interdicti est de possessione, vel quasi possessione obtinenda. *Infr. de interd. in pr.* De possessione in rebus privatis & corporalibus, quæ solæ possunt possideri. *L. 3. in pr. L. qui universas, §. 1. D. de acq. poss.* Si tamen & de harum vera possessione agatur, vel adipiscenda, vel retinenda, vel recuperanda: quæ pertinet omnis de possessione controversia: unde & interdictorum divisio. *L. 1. §. est igitur. D. uti poss. §. seq. Infr. de interd.* Quod ideo adiecimus, quia & de his rebus interdum agitur interdicto, ut exhibeantur, ut sit in interdicto de tabulis exhibendis: quo tamen genere interdictorum non petitur possessio, sed videri tantum & cognoscendi copia. De quasi possessione dictum, propter res sacras, religiofas, publicas, liberum hominem: quæ res cum non sint in hominum commercii,

eiis: ne possideri quidem possunt *d. L. qui universas, §. i. D. de acq. pos.* Verumtamen de earum usu interdicta sunt prodia, *Tit. ne quid in loc. sac. tis. ne quid in loc. pub. Tit. de lib. hom. exh. duend.* Hic usus quasi possessio nominatur: de quo sic agi reperimus, ut vel nobis, vel his ipsis rebus suam quodammodo asseramus possessionem, eamque ab aliorum iniuncto facto velut vindicemus. Dictum est etiam propter res privatas, sed incorporeales. Nam hæc possideri non possunt. *L. servus, §. incorporales, D. de acq. rer. dom.* De earum tamen usu interdicta sunt: ut de itinere actuque privato, de rivis, de cloacis, & similibus *Tit. De itin. act. priv. & sequentib. aliquos. D.* Hic quoque usus quasi possessio est, atque ita nominatur in *L. si quis diurno, D. si ser. vind.* Unde & interdicta huius generis veluti possessoria nominata, in *L. ult. D. de servit.* Dictum etiam propter res privatas, easque corporeales, quas nobis exhiberi petimus ex interdicto. Hic enim, ut paulo ante dixi, tantum copiam rei videndæ & cognoscendæ petimus, quæ copia revera rei possessio non est; usum tamen rei continet, ut sit hic usus quædam quasi possessio. ⁶ Atque ut sunt interdicta, & quæ eorum nomine competunt actiones, omnia de possessione, aut quasi possessione: ita de possessione, & quasi possessione sola, ut divisiones interdictorum propositæ in *L. 1. & L. 2. D. eo. facile declarabunt.* Quod enim dicuntur quædam proprietatis causam continere, *L. 2. §. quedam. D. de interd.* non eo dicuntur, quod non sint de possessione & usu rei tuendo; sed cum sint his de rebus principaliter: per consequentiam adiunctam habent proprietatis causam, dum placet eum vincere in hoc usu, qui ius, de cuius usu agitur, ad se pertinere ostenderit: quod receptum est in interdicto de itinere actuque privato reficiendo, ut declaratur in *L. 3. §. ait, §. hoc autem, D. de iti. act. priv.* Atque si hinc coniecturam licet facere, quid causæ fuerit olim prætoribus in iure dicendo ita rem instituendi, ut eum de possessione non minus ageretur iudicio, quam de cæteris rebus; tamen formulis illis interdictorum placeret illis transigi causam possessionis potius, quam actionibus, idest, quam solemnī ritu observato in actionibus & iuris nostri persecutionibus. Animadvertentibus scilicet in controversiis istis de possessione & usu rerum non tam de iure nostro agi, quam de adversarii facto, qui impediret, quo-

minus eam possessionem, atque usum obtinerent illi, quibus ea asserta esse volumus. Itaque & hic id agi, non tam ut adversarius quid nobis restitueret, præstaret, quam ut cæpto desisteret, a re discederet, nos nostra possessione frui aut rem in sua velut possessione esse pateretur. Quam ad rem obtinendam omnino interdictum utile esse visum est: dum scilicet prætor donec de iure rei plenius constitutum sit, edicit, ut adversarius faciat quid, aut non faciat, quod sit ad possessionem illam nostram interim obtinendam accommodatum. Sed quoniam hoc edictum primum ex iuris nostri persecutione prætoris nascitur, & porro ad id ius obtinendum refertur, de quo & iudicio agitur: perspicuum est & origine & fine inspecto nihil hic verari re ipsa, nisi actionem: atque adeo interdictum etiam iam olim re actionem fuisse: si quid differret ab ea, quæ proprie dicitur, actio, formulam tantum & genus agendi interfuisse. Quid interdictum si differat ab edicto absolute ita dicto, non est obscurum. De quo nihil monerem, nisi scirem veteres interpretes ignoratione partim verborum, partim veteris historiæ tradidisse *ad L. 1. D. de op. no. nunt.* Interdictum speciem esse edicti; ut recte interdictum dicatur edictum. In quo pueriliter ab illis erratum est. Edictum lex est prætoris, atque ita ius publicum, prætorum, *Instit. de iur. nat. gent. & civil.* Edictum, quia ius est, etiam ius generale est ad omnes pertinens. *L. iura, D. de legib.* Interdictum privatum est, & personale, pertinens duntaxat ad eas personas, inter quas interdicto agitur. Idque ⁹ est, quod dicitur in *L. 1. §. ult. D. de interd.* Interdicta omnia licet in rem videantur concepta, vi tamen ipsa personalia esse. Non enim significatur his verbis, Interdicta esse actiones in personam, et si ita concepta sint, quasi sint actiones in rem; sed Interdicta et si in rem, idest, generaliter & sine designatione alicuius personæ ad quam dirigantur, scripta sint; vi tamen ipsa personalia esse, idest, ad certam privatam personam referri. Et ita est: iure ad eum ligatorem pertinent, qui interdicto expellitur: conceptione verborum ad eum diriguntur, cum quo ex interdicto agitur, quem prætor aut iubet aliquid restituere, aut vim facere vetat: quod his exemplis planum fiet. Interdictum de loco sacro ita scriptum est: *In loco sacro facere, in eo cum immittere quid veto. L. 1. D. ne quid in loc. sac.* Hæc verba in rem & generaliter scripta sunt, quasi lex esset: non enim dicitur *se, aut illum veto*, sed nihil-

nihilominus perinde accipienda sunt, quasi ita scriptum esset, *te, cum quo agitur, veto*; ut vi ipsa ad personam rei hæc verba referantur. Idem licet observare in interdicto, ne quid in flumine publico, *L. 1. D. ne quid in flum. pub.* Incite autem veteres illi moti sunt, *L. prator in pr. § 1. D. de op. no. nunt. L. 1. D. de tab. exb. L. 1. D. uti possid.* & quibusdam similibus locis, ut existimarent interdictionem esse dictam, quia his locis partim interdictionum misceretur cum edicto; partim interdictioni proposito, postea nominaretur edictum a iureconsultis. Hoc enim

ideo factum est, non quod esset hæc eadem; sed quod prætor in albo eodem in loco & proponeret edictum, quo polliceretur se interdictionem de re quaque daruram, & deinde subiceret interdictionis verba, quod in eam rem redditurus esset; ut interdictionem in albo proponi solita intelligimus ex *L. 1. infr. hoc. tit.* Quæ omnia ex tractatu de interdictionibus in Pandectis facili legenti parebunt. Genera interdictionum, eorumque species si quis desiderabit, earum divisiones ostendent, quæ de his sunt tractatæ in *L. 1. & L. 2. D. eod. tit. § Infr. eod.*

Ad L. Cum proponas. 1.

Imp. Alexander A. Evocato.

Cum proponas radicibus arborum in vicina Agathangeli area positis crescentibus fundamentis domus tue periculum adferri; præses ad exemplum interdictionum, quæ in albo proposita habet prætor, si arbor in alienas ædes impendebit: Item, si in alienum agrum impendebit: quibus ostenditur, nec per arboris quidem occasionem vicina nocere oportere: ad suam æquitatem rediges. PP. VI. Kal. Apr. Iul. II. & Crisp. Coss.

S U M M A R I A.

1. De arbore aliena, quæ vicino noceat, quæ interdictionibus quibus prædicta, & quarum rerum gratia.
2. Ex lege aut edicto esse, utrum quod est ex sententia, & quid sententia legis.

3. In paribus causis ius idem statuendum.
4. Directum, & utile interdictionum quid.
5. Finem responderum alienum esse de arbore a vicino coacta, non relicto legitimo spatio.

DE arbore, quæ in alieno agro nata est, duo sunt proposita interdictiona vicini: unum de arbore quæ impendit in alienas ædes, in hoc comparatum, ut aut dominus arborem excidat, aut patiatur vicinum excidere, & ligna tollere. Alterum de arbore, quæ in alienum agrum impendit, huius rei gratia comparatum, ut arborem dominus coerceat, id est, ramos cædare usque ad altitudinem quindecim pedum, ne arbor umbra sua vicino agro noceat *L. 1. D. de arbor. eod.* Neque plura sunt interdictiones de arbore aliena, quæ vicino noceat. Hinc quaesitum est, si aliena arbor in vicini ædes, aut parietem non impendat; sed ita radices eius excreverint, ut excurrant sub parietem vicini, & intumescerent periculum ruinæ parieti adferant; an cum vicino agi possit, ut aut arborem exstirpet, aut patiatur vicinum existipare, & ligna tollere, uti de arbore, quæ impendit, iuris esse diximus. Hic placet agi posse ita, ut præses ad exemplum superiorum interdictionum rem ad

æquitatem suam redigat. Æquitas, sive æquum est quod natura ius est, *L. pen. D. de infr. § iur.*

Natura autem ius est, quod est positum in illis principiis naturæ, ius suum cuique tribuere, alterum non lædere; quæ sunt præcepta iuris. *L. iustitia. §. ult. D. de iust. § iur.* Ergo his verbis intelligimus, cum domino arboris sic agi posse, vel ut arborem totam stirps evellat, vel radices excreverint eandem. Denique id faciat, quo res eo deducatur, ne radices arboris vicino noceant, aut patiatur vicinum id facere, & ligna tollere. Hæc enim æquitas est, quæ hic appellatur, constituta ad exemplum interdictionum, quæ superscripta sunt, ut ibidem adicitur, quod hoc spectat. Obstat enim huic sententia, quod verbis superiorum interdictionum nihil huiusmodi eorum est. Huic dubitationi superioribus verbis occurritur, hoc modo. Non est hoc ius ex verbis superiorum interdictionum, sed non minus ex illis interdictionibus ius est.

Ex

* Ex \dagger lege enim esse intelligendum est, non solum quod ex verbis legis, sed etiam quod ex sententia. *L. nominis, §. 1. D. de verb. sign.* Sententiam legis appellamus propositum legis, seu finem legislatori propositum, sive rationem, propter quam ius constitutum est. At in superioribus interdictis hæc ratio fuit eorum proponendorum, ut per occasionem arboris vicino noceatur. Hæc ratio, sive sententia interdictorum, & edicti prætoris multo magis locum habet in arbore aliena, non solum quæ damni vicino occasionem præbet, ut accidit, eum in vicinum locum tantum impendit; sed etiam quæ suo corpore nocet vicino: quod fit, cum radices arboris parietis vicini periculum creant. Quare multo magis in hac specie ius idem statuendum est.

3 Itaque \dagger hac ratione, atque hoc exemplo statuitur hæc definitio iuris certi: Quoties lex de certis tantum rebus scripta est, si legis sententia & ratio manifesta est, nihilominus idem ius ad cæteras res omnes, quæ in lege appellatæ non sunt, transferendum esse, si in his aut par, aut maior ratio est: exstat in *L. non*

possumus, §. L. seq. D. de legib. Ex quo & verissime hoc vulgo dicitur, ubi eadem ratio est, ibi idem ius esse statuendum, sumptum ex *L. illud, D. ad leg. Aquil.* Non aliud simile exemplum est illi, quo utitur Cicero in Topicis ad confirmationem huius ipsius sententiæ, in argumento ex comparatione parium. Ergo \dagger in specie hoc loco proposita interdictio de arboribus eandem agatur, non directio, quia verba deficiunt; sed utilis, ex interdicti sententia. Sic enim utiles actiones appellamus, quæ deficientibus verbis legis ex sententia competunt. *§. ult. Inst. ad leg. Aquil. L. pen. D. si quadrup. pauper. sec. dic.* Hæc, \dagger quæ diximus, ita sunt, si arbor cuius radices nocent, inlita sit domino, relicto legitimum spatium, quod relinqui iubetur. *L. ult. D. fin. reg.* Nam si hoc spatium relictum non est, agi eum domino arboris potest finium regundorum, ut si arbor nocent, sive non nocent; tamen arborem tollat. *d. L. ult. fin. reg.* Quod si hoc spatium legitimum relictum erit, & nihilominus arbor ita nocebit, ut supra dictum est: hæc erunt actiones & interdicta, de quibus diximus.

Ad *L. Præfes Provincia. 2.*

Imp. Valerian. & Gallienus. AA. Messæ.

Præfes provincie in eum, qui eiusdem provincie non est, nec ex interdicto potest cognoscere. PP. VII. Kal. Maii Seculare & Donato. Coss.

S U M M A R I A.

1. *Extra territorium neminem iudicem cognoscere posse, ne ex interdicto quidem.*
2. *Cur dubitetur, & nihilominus contra statuatur in interdicto.*

3. *Iudicem omnem in eum, qui eiusdem provincie non est, cognoscere posse quatuor in causis & quibus.*
4. *Id huic loco non aduersari, & cur.*

PRÆFES provincie, eoque multo magis inferior iudex, adversus eum qui eiusdem provincie & territorii non est, cognoscere non potest: quod sic interpretandum est. Non potest iure, sive utiliter; quia quodcumque adversus eum ius dixerit, pro non dicto est: licet enim ei non parere, idque impune; quia supra iurisdictionem suam ius dixit. *L. ult. D. de iurisd. tot. tit. sup. si a non comp. iud.* Hoc ius pro explorato habetur tam in actionibus in rem, quam in actionibus in personam, tam de aliis rebus, quam de possessione competentibus.

* Quæritum \dagger est, an idem servandum esset, si apud præsidem provincie agere-

tur interdicto: veluti, si adversus eivem aliterus territorii ageretur de possessione fundi ibi constituti, vel interdicto retinendæ possessionis, *Uti possidetis*; vel interdicto recuperandæ: *Unde vi*. Placet hoc loco idem iuris esse, etsi ex interdicto agatur, ut intelligamus generaliter ita definiri: neque præsidem, neque ullum iudicem ullo in iudicio cognoscere adversus eum posse, qui eiusdem territorii non sit.

Sed \dagger eum potius dubitatur de interdicto, quam de cæteris actionibus? Quia ex interdicto de possessione agitur. Causa autem possessionis, sive victoria de possessione non magnum præiudicium adferre vide-

videtur; quia sit possessio, quæ lude obtinetur, momentaria, de quo dicitur ad *L. momentaria, inf. unde vi*. Sed nihil hoc ad rem pertinet. Nam dum a præside ius dicatur, nihil refert, quantum ea sententia noceat, & quamdiu. Ius certum esse debet, neminem supra iurisdictionem suam ius dicere posse. *d. L. ult. de iurisd.* Et merito: qui enim supra iurisdictionem suam ius dicit, tanquam privatus dicit, ut proinde non magis necesse sit ei parere, quam alii cuivis privato.

Sed † diligenter cavendum est, ne quod hic dicitur, simpliciter & absolute dictum accipiamus, alioqui multis modis falsum erit. Et certe ius ita habet, ut, non dico præses, sed quivis iudex in eum, qui eiusdem provinciæ non est, possit iure cognoscere, & quidem pro iurisdictione sua, quatuor de causis, quæ ex argumento de iurisdictione, & foro competentis sumuntur melius: nunc pro loco, quod necesse sit, tantum leviter pertraham. Primum, si is, cum quo agitur, in iudicem consenserit. *L. 1. & 2. in pr. D. de iud.* Tum si idem in eadem provincia contraxerit, quo nomine nunc ibi convenitur, *L. heres absens. §. ult. & L. seq. D. de iud.* Et ideo si in hoc loco tibi dederim rem aliquam precario: recte adversus te, quanvis exterum, in hac provincia tecum agam interdicto de pre-

cario. Præterea si quis hic agat, & vice mutua ab adversario conveniatur. *L. qui non cogitur, D. de iud. L. cum Papin. & antb. seq. sup. de sent. & interloc.* Postremo si in hoc territorio fundus litus sit, cuius controversiam pavor ab homine extero, aut cuius de possessione ab illo sum deiectus; licet mihi adversus illum hoc loco experiri de fundi possessione tam ex interdicto *Uti possidetis*, quam ex interdicto *Unde vi*. Plus dico: etiam hoc loco causa possessionis agenda est. *L. unica, sup. ubi de possess. agi oportet.*

Quid † est igitur, quod hac lege dicitur, præsidem in eum, qui alterius provinciæ est, cognoscere ex interdicto non posse? Id ex quæstione proposita interpretandum est. Agebatur ex interdicto apud præsidem provinciæ; & actor contendebat, quia interdicto ageretur, posse in hoc territorio etiam agi adversus exterum. Hic respondetur, si ob hæc tantum causas præses adversus exterum cognoscere vult, quia causa possessionis agitur ex interdicto, nullam hæc causam esse, cur possit id facere. Itaque hæc solum causa cognoscendi hoc loco removetur. Cæterum ob alias causas, si velit iudex cognoscere, potest: non dico ex interdicto, sed & ex cæteris quibuscvis actionibus, dummodo una aliqua ex illis quatuor causis afferatur, quas supra dixi.



Ad L. Incerti. 3.

Impp. Diocletian. & Maximian, AA. & CC. Pompeiano Praefecto praetor.

Incerti iuris non est, orta proprietatis & possessionis lite, prius possessionis decidi oportere quaestionem competentibus actionibus, ut ex hoc, ordine facto, de domini disceptione probationes ab eo qui de possessione victus est, exigantur. Interdicta autem licet in extraordinariis iudiciis proprie locum non habent: tamen ad exemplum eorum res agitur. Subscr. Kalend. Ian. Sirmii ip[s]is AA. Coss.

S U M M A R I A.

1. *Proprietatis & possessionis controversia, quae, & quando incidit.*
2. *Commodum possessoris, & petitoris onus controversiae de possessione causam praebere, & quid sit hoc commodum, atque onus.*
3. *Possessionis litem prius, quam proprietatis decidi oportere, idque civilem & naturalem rationem asserere: & quare.*
4. *Possessorio & petitorio iudicio simul agi nunquam posse, quocumque interdicto agatur, etiam recuperanda, aut adipiscenda possessionis.*
5. *Ius refragari.*
L. 1. C. de appel. explicatur, ibid.
6. *Petitoris & possessoris simul agi posse, absurdum.*
7. *Petitorii & possessorii naturam non admittere horum iudiciorum concursum.*
8. *De c. Pactoralis. & c. cum dilectus de caus. pos. & prop. quid sentiendum.*
9. *L. cum fundum. §. ult. D. unde vi expli-
catur.*
10. *Qui capit rem vindicare, si postea de possessione experiat, quod facere non prohibetur, non idcirco repudiari petitorum iudicium, sed pendere, donec de possessione iudicetur. & num. 12. 13.*
11. *L. naturaliter. §. nihil commune, D. de acquir. pos. sententia, ubi & vulgaris error refellitur.*
12. *Auth. qui semel. C. quo, & quan. iud. quam sententiam habeat.*
13. *De possessione quae actiones.*
14. *Interdictis hodie cessantibus eorum loco actionem esse utilem, & cur dicatur utilis.*
15. *Interdicta hodie cur locum non habeant. Extraordinaria iudicia quavis nunc esse, & fuisse etiam temporibus Iurisconsultorum, cum olim essent ordinaria, nunc extraordinaria, ibid.*

Tunc inter aliquos controversia † possessionis & proprietatis, cum ambo se eiusdem fundi, aut cuiusvis alterius rei possessores esse volunt, & ambo se dominos esse dicunt. Oriri solet haec controversia, cum is, qui se dominum fundi dicit, fundum qui ab alio detinetur, a possessore vindicat, illum suum esse & sibi restitui debere intendens: sed idem & de possessione adiicit, petens ut nihilominus in ea lite possessoris commodum fruatur, adversarius petitoris partes sustineat. Quod his de causis potest petere; vel quod dicat se eum fundum iam nunc possidere, qua in re & interdicto *uti possidetis* agat: vel quod intendat sibi possessionem ab adversario restitui debere. Quod & ipsam duplici nomine peti potest, vel quia deiectus sit de possessione ab adversario, ubi & interdicto *unde vi* experiat; vel quia dicat, se possessionem nunc primum adipisci posse, & ad eam rem utatur iis interdictis, quae sunt adipiscendae possessionis, ut, *Quorum bo-*

norum, Quod legatorum. Adversarius contra primum se dominum esse dicit; deinde quod ad possessionem attineret, etiam se possidere, contendit; & ita possidere, ut possessionem adversario restituere non debeat.

Ex quod actor, qui se dominum dicit, rei vindicatione agit, ut possessionem fundi sui recuperet, recte & consulto facit. Nam hoc iudicio possessionem rerum nostrarum recuperamus ab iustis possessoribus & quidem ita efficaciter, ut postea illi de possessione controversiam movere non possint, obstante his rei iudiciae exceptione, *L. officium, D. de rei vindic.* Sed dum hoc consequatur, nihil est, quod quaerat amplius. Quid igitur necesse fuit, dixerit aliquis, eum, qui hoc iudicio agit, etiam interdicto aliquo, aut actione de possessione controversiam movere.

Id eo † fit, & recte, quia certum est, commodum possessoris, certum onus petitoris. Petitoris onus in eo est, quod is probare debet rem suam esse, quam suam esse

esse intendit, ac nisi faciat, reus absol-
vitur. *L. qui accusa. sup. de edendo*,
L. inter D. de iud. commodum posse-
foris in eo, quod si petitor nihil probet,
reus absolvitur, quamvis ipse nihil præ-
stiterit: atque ita in suo loco manet possessio,
d. l. qui accus. §. retinenda, vers. com-
modum, Inst. de interd. Hoc commodum
sibi habere vult actor possessionem sibi
asferendo, & simul petitoris partes in ad-
versarium transferre. Recusat is, cum quo
agitur. Hinc controversia de possessione
in causa proprietatis.

3 In ꝑ hac controversia possessionis & pro-
prietatis questio est, utrum iudex possit
prius de proprietate cognoscere, & sen-
tentiam ferre, an simul de utroque; an ve-
ro prius possessionis litem decidere. Pla-
cet possessionis litem prius decidi opor-
tere: quod hic scriptum est, & in *L.*
ord. sup. de rei vin. Ex quo colligimus,
nisi prius iudex de possessione iudicave-
rit, iure ab eius sententia appellari pos-
se, quod & ipsum est in *L. 1. sup. de ap.*
Cur placeat causam possessionis prius
decidi oportere, hic ratio redditur est,
ad hanc sententiam: ut scilicet finita pos-
sessionis controversia, & hoc constituto,
uter sit possessor; tunc recte ordine,
ad petitoriam actionem procedatur: in qua
qui possessor pronuntiatus est, fruatur
commodo possessoris: contra qui de pos-
sessione victus est, petitor factus partes &
onus petitoris sustineat: quæ duo sunt in
eo, ut probationes ab eo exigantur. Ex
vero id ita fieri necesse est, causa enim
possessionis ante non decisa, petitoria
actio, id est, lis de proprietate, neque
potest institui, neque iure ordinari, neque
in eo iudex idoneam sententiam ferre.
Non potest actio institui petitoria, quia ut
hic explicatur in *§. retinenda, Inst. cod.*
sus. in petitoria actione oportet unum pe-
titiorem esse & alterum possessorem, a quo
petatur, idque & civilis & naturalis ratio
facit. Civilis: quia ius civile actionem in
rem proponit tantum adversus possiden-
tem *L. actionum, D. de obl. §. act.* Na-
turalis: quia natura non potest fieri, quin
in petitione sit unus, qui petat, & alter,
a quo petatur: is autem est, qui pro pos-
sessore habetur. Nam cum ab eo petatur,
ut rem restituat, non potest fieri, quin
rem habeat apud se, aut teneat. Quod
enim non possidet, restituere non potest.
Sed & is, qui petat, non potest possessor
esse: quoniam frustra peteret, quod ha-
bet. Ergo, ut dixi, non potest petitoria
actio live rei vindictio, live quod idem
est, lis de proprietate alteri institui, quam

Tom. IX.

si constet, uter possessor sit, uter petitor.
Hoc autem constitui non potest, nisi de-
cisa possessionis litem, ex qua intelligitur,
uter sit possessor. Prius igitur eam litem
decidi oportet, ut petitoria actio instituatur.
Eadem actio sine superiore decisione
ordinari non potest: non enim potest in-
telligi, qui commodum possessoris, quis onere
petitoris fungatur. Postremo iudex,
quam hic sententiam ferat, non habet.
Etenim si in petitoria actione petitor non
probat, aut pares sunt utrinque probatio-
nes, iuberetur iudex de dominio secundum
possessorem iudicare adversus petitorem,
d. l. qui accusare, D. de eden. L. in
pari, D. de reg. iur. Hoc vero petitori
ab eo non potest, qui uter possessor, uter
petitor sit, ignoret.

Si ꝑ de possessione prius iudicari opor-
tet, perspicuum est simul possessorio & pe-
titorio iudicio agi non posse, & quod
idem est, falsum esse, quod vulgo dicitur,
possessorium & petitorium iudicium
posse concurrere. Idque ita est, live iu-
beatur iudex iudicare de alterutro, ubi
prius de eo probatum erit, live iubeatur
de utroque id est, & de possessione &
de proprietate eodem tempore sententiam
ferre. Hoc idem & vulgo recipiunt, cum
de possessione agitur interdicto retinendæ
possessionis: ubi sane absurdum est, eum
qui se possessorem dicit ex interdicto, pe-
titorio agere, quo modo agendo adver-
sarium facit possessorem. Non idem pro-
bant, si de possessione agatur interdicto
recuperandæ & adipiscendæ possessionis,
ut si quis deiecit de fundi possessione
experiat interdicto *unde vi*, & idem se
fundi dominum dicat; aut heres inter-
dicto *quorum bonorum* de adipiscenda re-
rum hereditariarum possessione, quarum
& idem se dominum esse dicat. Hic ita-
runt utrumque iudicium posse coocur-
rere, ut quis agat & de possessione quam
sibi restitui postulet, & simul de propie-
tate, de qua iudicii petitorio experiat:
ratione, ut videtur non improbabili, quia
qui possessionem sibi restitui petit, is se
non possidere constituit, sed adversarium:
cui intentioni nihil facit repugnans, cum
& ab eo petit rem iudicio petitorio. Sed
hanc sententiam falsam esse omnibus mo-
dis convincitur, live quaeratur de iure,
quod de hac re constitutum habemus;
live quaeratur huius iuris ratio; live na-
tura ipsa spectetur, atque conditio horum
iudiciorum quæ illam sententiam ut ab-
surdam & impossibilem repudiat.

Si de iure ꝑ quaerimus, hæc generalis
sententia tradita est in hac lege, item in

Kkk 2

L. or.

L. ordinarii, supr. de rei vind. possessionis questionem prius decidi oportere: ubi observandum est dici, decidi oportere, non quia de retinenda possessione agatur, sed tantum ideo, quia de possessione sit controversia. At possessionis controversia est etiam, cum interdictis recuperandæ, & adipiscendæ possessionis agitur, ut declarat divisio interdictorum in §. *seq. Inst. eod. tit.* Prius igitur & hæc controversia ex his interdictis nata decidenda est: Quod si de specie ipsius interdicti *Vnde vi*, quod est recuperandæ possessionis, quaeritur; res decisa est in *L. 1. supr. de ap.* Illic enim scriptum est, prius de possessione iudicari oportere, & de ea possessione, in qua crimen violentiæ excutitur: quod non fit, nisi ubi interdicto *Vnde vi* agitur ab eo, qui vi de possessione deiectus erat. Non additur: prius iudicandum esse, quam de proprietate agatur. Sed hoc necessario intelligendum est. Non enim potest dici, prius iudicari de possessione ex interdicto, nisi hoc prius ad alias res relatum sic intelligamus; ut iudicetur de possessione prius, quam agatur aut de vi criminali iudicio, aut de proprietate, aut de utroque. Cum autem nihil adiiciatur: utrumque intelligere debemus, nempe prius de possessione iudicandum esse, quam & de proprietate & de vi, de qua iudicio criminali agitur. *L. si quis infr. ad L. Iul. de vi publ.*

6 Si ratio huius iuris quaeritur, sententia istorum absurda est. Nam cum agitur interdicto recuperandæ aut adipiscendæ possessionis, non constat, uter ex litigatoribus sit possessor, aut certe uter pro possessore haberi, & commodo possessionis frui debeat, priusquam de possessione ex interdicto iudicatum sit. Ergo & prius de eo iudicari oportet, quoniam hoc non constituto, petitoria actio institui non potest. Et quidem hac ratione fateantur omnes in interdicto retinendæ possessionis prius de possessione iudicari oportere, ut sic ad petitorium iudicium perveniantur.

Et si negent, diserte scriptum est in *d. §. retinendæ, Inst. eod.* Ergo & in interdictis recuperandæ & adipiscendæ possessionis eadem ista ratione fateamur, necesse est, prius ex his interdictis de possessione iudicari oportere. Nec ad rem pertinet, quod qui petit, possessionem sibi restitui, vel de qua deiectus est, vel quam nunc primum adipisci vult, is se possessorem non esse confiteatur, & adversarium possidere agnoscat, qui aliqui male ab eo peteret, ut possessionem restitueret. Hoc enim ita est, si spectetur id, quod videtur esse. Di-

versum est, si spectetur res & effectus iuris. Revera & iure is, qui deiecit, non videtur possidere, neque omnis, qui possessionem retinere non potest. *L. non videtur, de acq. pos.* Contra, qui deiectus est, & omnis omnino, qui ad recuperandam possessionem actionem habet, proinde habetur, quasi possideret. *L. si quis ut, D. de acq. pos. L. qui actionem, D. de reg. iur.* Itaque si vera possidet, bene est, si non possidet, tamen possessio & una possessionis commodum ei tribuendum est sententia iudicis. Quod si index ante omnia non facit, iure ab eo provocatur, *d. L. 1. supr. de appell.*

Postremo t ut de hac re nihil iure proditum esset, ut huius iuris rationem nullam teneremus; tamen ea est conditio istorum iudiciorum, petitorii dico & petitorii, ut iustura non patiat, ut quisquam his iudiciis simul experiat. Primum iudicia inter se sunt pugnantis, & eiusmodi, ut quod actor uno consequitur, id altero repudiet. Nam possessionis controversie finis & exitus hic est, ut qui possessorio agit, possessor iudicatus commodo possessionis fruatur. *D. exitis, D. de acq. pos. L. inter, de ind. At petitorii iudicii hæc conditio est, ut qui eo experitur, petitoris onus in se suscipiat, simul possessionis commodum repudiet. d. L. inter, de ind. d. §. retinendæ, Inst. de interd.* Nemo autem sanus ita simul agat, ut tam aperte seipsum excludat; denique pugnantis ut natura, sic iure non admittuntur. *L. ubi pugnantis, D. de reg. iur.* Verum fingamus hæc admitti a iudice: attamen res apud iudicem exitum habere non potest, ubi de possessione prius iudicatum non erit. Nam si actor in iudicio petitorio non probet se dominum esse, aut probet quidem, sed pares sint ab utraque parte probationes: iubetur, ut aucto dixi, iudex reum eundemque possessorem absolvere, adversarium damnare, *d. L. qui accus. supr. de eden. L. ult. supr. de rei vind. L. in pari, D. de reg. iur.* Hoc vero quomodo aut iure, aut natura iudex præstare potest, qui nesciat, uter ex litigatoribus sit possessor, ut petitor? Quid amplius volumus? Ut maxime hæc duo iudicia recipiantur; tamen uter natura vincat, petitoris alterutrum inutile futurum. Sive enim is possessorio vincat, sive vincitur, semper ei possessorium inutile est. Nam etsi eo vincit; tamen ipse sibi inutile reddit, cum nihilominus petitorio experitur, ubi possessoris commodum repudiatis, petitoris partes sustinet. Sin autem vincit prius petitorio, ei mul-

to magis possessorium est supervacuum. Petitio namque consequitur possessionem fundi efficacius, quam possessorio, quia priore iudicio viucenti possessio amplius advocari non potest, *L. offic. de rei vind.*

- 8 Quod si ei eodem tempore & de possessione iudicabitur & de proprietate, ita ut is qui agit, possessor pronuntietur, adversarius pronuntietur esse dominus: eveniet mirifica illa sententia, de qua est in *c. pastor. & in c. cum dilectus, de caus. prop. & pos.* nimirum, ut iudex iubeat reum possessionem restituere actori, qui possessor est: & simul eodem momento, eademque sententia iubeat eum ipsum actorem restituere possessionem reo, qui dominus est, & superior in iure proprietatis. *Que sententia non (*) tam est iniqua & absurda, quam ridicula & derisoria.* Est enim fellivus iudex, qui dicit, se actori possessionem tribuere, quam ann tribuit. Non enim videtur pervenire, quod mansurum non est; & præsertim, si statim id aufertur, quod datum erat. *L. aliud est capere, D. de verb. sig.* Itaque hic rideretur magis actor, quam ei quidquam tribuitur. Quamquam hæc sententia est absurda, cum eandem reum possessionem retinere vetat, & tamen habere iubet. Est etiam contra ius: quoniam actor dolo facit, qui petit possessionem, quam statim & momento restitutus est. *L. dolo, de dol. mal. except.* Iniquum igitur statuit iudex, qui hunc dolum sententia sua tuetur. Et tamen verbis tantum tuetur, effectum autem ridet. Summa sit hæc, cum ex interdicto recuperandæ & adipiscendæ possessionis actor possessionem, & simul possessionis commodum consequi debeat: hoc illi ante omnia sententia iudicis tribuendum esse, lite possessionis prius decisa. Id visi fiat, iure ab eo appellari posse.
- Cum sit hæc sententia adeo certa, & ut videtur, explorata, operæ pretium est cognoscere, quid fuerit Martino, & reliquis hunc secutis causæ, ut eam rediariar.

- 9 Movit eos præcipue *L. cum fundum. §. ult. D. unde vi.* Illic scriptum est cum qui fundum viadicavit, pendente adhuc iudicio vindicationis, quod petitorium iudicium, & de proprietate appellamus, hoc inquam iudicio pendente, posse interdicto unde vi experiri, nempe de possessione

eius fundi, de qua actor deiectus erat. Ex quo colligat, simul eundem utroque iudicio experiri posse, & possessorio & petitorio. Gravis sane obiectio, & digna in primis, cur a iure tam manifeste, quam supra dictum est, discederent. Atqui perspicuum est, nihil hic plane contrarium dici superiori sententiæ. Non enim dicitur eum, qui interdicto experitur, sic experiri; ut simul & interdicto, & rei vindicatione agatur. Sed nec ex eo, quod dicitur, interdicto agi posse pendente vindicatione, idcirco colligitur etiam una & rei vindicatione agi eodem tempore: cum possit actor interdicto experiri omnia vindicatione, quam instituat. Et vero ita fieri debere intelligendum est. Nam cum dicitur, pendente vindicatione interdicto agi posse, etiam dicitur agi de possessione. Quod si agitur de possessione, res certi iuris est possessionis controversiam prius decidi debere, non novo aliquo & nuper constituto iure, sed iure ordinario, ut est in *L. ordinarii, sup. de rei vind.* idest, iure solemnī veterē, & iam olim constituto, atque usurpato. At dicunt: illic non dicitur, pendente iudicio rei vindicationis, & omisso, sive intermisso. In promptu responso est: non dicitur, fateor; sed etiam non negatur. Præterea non sic dicitur: interim agi posse interdicto, ut simul rei vindicatione agatur, & de ea cognoscatur. Itaque hoc, an ita interdicto agi possit, ut coniunctum & de possessione ex interdicto & de proprietate iudicio possessorio agi possit, an vero de possessione separatim tantum: hoc, inquam, eo loco non attingitur, sed in medio relinquitur. Proinde relictum ex regulis iuris certi, quæ alibi traduntur, diiudicandum est. Sunt autem hæc, quas dixi, prius decidi oportere possessionis causam,

Quod si verum est, consequens est, 10 si prius de proprietate actum esset, petitorium iudicium interim pendere & cessare debere, donec de possessione iudicatum fuerit. Quapropter si quis in *d. L. cum fundum §. ult.* illa verba, pendente iudicio, interpretetur, suspensio iudicio rei vindicationis, & ad aliquod tempus omisso, fortasse non erraverit: quod tamen, ut verba illa non significant; alioquin ex aliis locis intelligi oportet.

Ex quo etiam intelligi potest quid respondemus ad id, quod vulgo querunt ad

(*) Calore quadam ingenii nimis atque spiritus non raro Donnellus, ut hic: ubi cumulationem possessorii & petitorii, quæ probatur a Pontifice Innocentio III. iuris consultissimum, in *Cap. pastor, & c. cum dilectus, de caus. prop.*

et posses. vocat invidiosum verbo *absurdum & ridiculum*; sed quam iniuria, offendit Eminam. Gonzales in *d. Cap. dilectus*, ubi & videtur plurimos magni nominis iurisperitos fuisse pro Innocentio, illiusque probare respondit.

ad *L. natural. §. nihil commune, D. de acq. poss.* quod tam multis paginis Bartolus & ceteri omnes expedire adhuc non poterunt. Nam cum illic diceretur, eum, qui coepit rem vindicare, posse nihilominus interdicto *uti possidetis* de possessione experiri, idque ita omnes acciperent, ut faterentur simul cum eo possessorio non posse agi petitorio, five rei vindicatione prius instituta: ideo quaerunt, quid igitur interim petitorio fiat, cum ista concurrere in hac causa non possint.

Ex respondent eum, qui interim interdicto *uti possidetis* experitur, petitorio renuntiare aut aperte, aut tacite; aut etiam intelligendum, finitum prius esse petitorium, quam possessorio ageretur. Utrumque falsissimum. Qui interdicto *uti possidetis* experitur, non magis petitorio renuntiat, quam is qui petitorio prius egerat, five rem vindicare coeperat, intelligitur renuntiare possessioni. Nihil enim commune habet proprietas cum possessione, ut illic dicitur: quo significat Ulpianus, cum harum rerum iudicia diversa fini, si quis experitur, non ideo eum alteri renuntiare. Multo minus intelligendum est in specie illius loci, finitum fuisse petitorium, vel rei vindicationem. Nam ita verba sunt, non denegari ei interdictum *uti possidetis* qui coepit rem vindicare. Qui coepit, non finivit. Coepum igitur iudicium, non finitum est. Quid ergo, inquam, petitorio iudicium fiet, cum non possit cum possessorio concurrere? Respondebimus, quod supra: nempe interim omittetur rei vindicatio, donec de possessione iudicetur. Neque probatioibus rei longe petenda est: subministratur enim aperte ex hac *L. incerti* & similibus, cum dicitur, *possessionis controversiam prius decidi oportere*. Non potest decidi prius, nisi interim iudicium petitorium conticescat, ad quod non nisi constituta possessione perveniri potest.

12. Hoc † loco obicitur *autb. qui semel, sup. quom. & quan. ind.* Illic scribitur, eum, qui semel actionem instituit, debere usque ad finem litem exercere. Quo evinci potant, vindicationem institutam omitti non posse. Sed hoc iure offendi non debemus. Qui interdicto de possessione experitur pendente rei vindicatione & interim perfectionem petitorii omittit, is non recusat litem exercere de proprietate, sed recusat in ea lite partes petitoris sustinere, ac se commodum possessoris frui vult, id quod iure postulat, cum sit possessor, nec possessionis renuntiaverit vindicando. Licet etiam hoc modo

respondere: quod dicitur in *autb. qui semel*, eum qui actionem instituit; actionem ad extremum exercere debere: sic accipiendum est, nisi sit iusta causa, cur alioquem ceptam omittat. Quae interpretatio probatur ex sequentibus verbis illius authenticæ. Subiicitur enim postea, si is, qui actionem instituerat, litem non exerceat, rem iudicandam esse, praesente adversario, auditis eius allegationibus & cognita veritate: id est, ita iudicari debere secundum praesentem, si iure id fieri oporteat, & agenti nullum ius sit. At tunc secundum praesentem adversarium iudicari non oportet, ubi non constat eum possessorem esse. Non constat autem, ubi is, qui rem vindicare coeperat, interdicto de possessione experitur. Nihil igitur prohibet neque ex vetere neque ex novo iure, quominus is, qui rem vindicare coeperat, pendente iudicio de possessione, aliquo interdicto experiat, & interim suspendatur rei vindicatio. Neque ideo actor in expensas litis condemnandus est, qui rei vindicationem institutam omittit. Is enim in expensas litis condemnandus est, qui temere litigavit. *L. eum quem temere, D. de iud.* Nihil autem temere facit actor, qui cum illi & petitorium & possessorium competant, his diversis temporibus utitur, cum vult. Hoc pertinet regula iuris, nullum videri dolo facere, qui suo iure utitur. *L. nullus, D. de reg. iur.*

Hoc iure constituto, possessionis litem prius decidi oportere, quantum est, quomodo decideretur. Aiunt Imperatores decidi oportere competentibus actionibus. Sensus est: ita decidi oportere, ut sunt interdicta, five actiones, quibus de possessione nobis alteranda agitur, five quæ de ea re nobis competunt. Quod propterea dicitur, quia non unum genus est possessionis quam nobis asserimus. Est enim possessio, quam penes nos esse dicimus, quam nobis volumus retineri. Est possessio, quæ nobis abest, sed quam vel adipisci, vel recuperare amissam volumus. *L. 1. §. 1. & 2. uti poss.*

De † innoquoque genere, suæ sunt actiones, five interdicta, quæ non eandem petendi causam habent. Hoc igitur sentiunt Imperatores, litem possessionis decidi oportere, ut erunt interdicta, five actiones, quibus aut retinendæ possessionis causa agitur, aut adipiscendæ, aut recuperandæ, §. sequens, *Inst. eod.* Etiam actiones ordinariæ interdum de possessione competunt ex quibusdam causis; ut condictio indebiti de possessione indebita alii tradita, ut condictio furtiva de re furtiva; ut conditio

atio sine causa, & triticaria de possessione fundi, de quo deieci sumus, *L. indeb. §. 1. de cond. indeb. L. 1. in fin. cum L. seg. D. de cond. trit.* Itaque his etiam cum ageretur, ex earum natura æstimandum erit, quomodo lis possessionis decidatur.

Hoc posito, occurrebat hoc loco hæc dubitatio. At isto modo non poterit lis possessionis expediri; quia nullæ sunt competentes actiones de ea re, aut certe perpaucæ. Nam de possessione interdicta competunt. Porro interdicta in extraordinariis iudiciis locum non habent. Huius dubitationi occurrunt Imperatores, in extremo, & rem expediunt hoc modo.

- 14 Interdicta, ¶ idest, formulae quibus olim concipiebantur interdicta, sane hodie locum non habent, sed res interdictorum mansit. Nam res agitur actionibus exemplo interdictorum, idest, actione petet unusquisque, ut sibi possessio defendatur, ut sibi possessio, quam non habet, restituantur ex his causis, ex quibus interdicta ipsæ de rebus competere. Et tantum consequitur actor, quantum consequeretur, si interdictis retinendæ, adipiscendæ, aut recuperandæ possessionis expertus esset. Unde actio, quæ de possessione nunc competit, nullis dicitur, *§. ult. Inst. cod.* quoniam omnibus interdictorum verbis sententiam interdicti, idest, rem & effectum retinet.

- 15 Sed ¶ cor interdicta hodie locum non habent? Quia iudicia hodie sunt extraordinaria, ut significant Imperatores his verbis; *interdicta autem licet in extraordinariis iudiciis proprie locum non habeant*; quæ nisi explicentur, locus commode intelligi non potest. Primum hoc statendum est, hodie iudicia esse extraordinaria & quidem illis temporibus quibus vixerunt Iurisperiti ac non tantum Imperatores Diocletianus & Maximianus auctores huius scripti. Extraordinaria fuerant, non unum aliquod, sed omnia, *§. ult. Inst. cod.* Extraordinaria dicta, cum olim essent ordinaria, ut est in *tit. Inst. de success. subl. in pr.* Ordinaria iudicia olim dicta sunt ex eo, quod certo tantum anni tempore, & constituto, idque certo ordine & forma exercerentur: quod tempus di-

cebatur conventus, ut Theophilus docet ad eum *tit. Inst. de success. subl. & ad §. eadem, Inst. quib. ex cau. manu. non lic.* Recte hoc modo iudicia ordinaria. Nam in usu veterum ordo dicitur forma & ratio, sive mos rei gerendæ certus & sollemnis, idemque iam olim constitutus: quod quæ certa sunt & constituta, ea certo ordine constant & administrantur. Hoc sensu dicitur ordo iudiciorum publicorum exercendorum exolevisse; *L. ordo, D. de pub. ind.* Hoc sensu ius ordinarium, idest, certum & usitatum, *L. ordinarii, sup. de rei vind.* Hoc seriè extraordinariæ solemnibus oppositæ, *L. sed etsi, §. si seriæ, D. ex quib. cau. maior.* Hoc ratione dicta executio ordinaria, cum iudicio de iure nostro agitur. Contra cum prætor vi & manu decretum suum exsequitur, dicitur extra ordinem exsequi, *L. 3. D. ne vis si. ei qui in poss. miss. est.* Nempe quia ratio usitata & sollemnis iuris nostri persequendi hæc est, ut iudicio experiamur, *L. 1. sup. de exse. rei ind.* Recte ergo iudicia ordinaria appellata, quæ certo & statuto tempore atque ordine exercentur. A quo ordine cum discessum est, quod tunc factum est, cum coeperunt quovis tempore iudicia exerceri: recte dicta sunt exerceri extra ordinem, quia præter morem veterem & usitatum. Ut autem in tempore a veteri ordine discessum est: sic discessum est ab ordine iudiciorum exercendorum, ut ambages verborum & circuitus non necessarii in iudiciis exercendis omitterentur, *tit. de suc. subl. in Inst.* Hinc conceptio formularum in iudiciis observari desit: quod & Pauli temporibus valuit, *L. ansepen. D. de neg. gest. l. deinde renovatur*, & constitutum apertius lege Constantiniana, *L. 1. sup. de for. & imp. act. sub.* In hoc genere erant interdicta, quæ constabant formulis & conceptionibus verborum, *Inst. de interd. in pr.* Ex his iam intelligimus, cur dicantur hoc loco interdicta in iudiciis, quæ nunc extraordinaria sunt, proprie locum non habere. Proprie adiectum est, quia interdictorum conceptiones locum non habent; vis ipsa, & effectus interdictorum manet.

Ad L. ult.

Impp. Arcad. & Honorius AA. Æmiliano Prefecto prætorio.

Si quis quodlibet interdictum efflagitet ruptis veteribus ambagibus, inter ipsa cognitionum auspicia, actionem exprimere, ac suas allegationes iubeatur proponere. Dat. XIII. Kal. Aug. Constantinop. Arcadio A. VI. & Probo Coss.

S U M M A R I A.

1. *Ambages interdictorum hæc formula verborum, deductiones in rem præsentem, impetratio actionis ex causa interdicti.*

2. *Ambages interdictorum hac lege ita sublata ut interdictum ne postulare quidem hodie liceat.*

1. **A**mbages † interdictorum hic nominantur, non solum, quod interdicta formulis verborum non necessariis constarent; sed etiam quod impetrato & reddito interdicto deductiones quædam in rem præsentem more fieri solent, ubi possessio restitueretur, aut declararet reus se vi abstinere, vim possidenti non facere; ut colligere licet ex oratione *Cic. pro Cacin.* Hic si interdicto prætoris paritum non esset, tunc denique impetrabatur actio adversus eum, qui non paruisset, quæ ex causa interdicti reddebatur, ut significatur in §. *ult. Inst. de interd.* quæ bene & erodite annotata sunt a Barone *ad tit. de interd. in pr.* Hos circuitus & hæc

ambages inutiles esse perspicuum est. Itaque his sublatis statim iubeitur actor actionem suam de possessione proponere. Sed cum hæc ambages iam ante observari desissent, ut declaratur lege præcedente, quid opus fuit hac constitutione?

Hæc † videtur hæc constitutio adiectisse: nam ante interdicta non observabantur, id est, non necesse erat observari: si quis tamen interdicto experiri vellet, non prohibebatur; ut res hæc videretur relinquere libera, utrum quis interdictum postulare, an non postolaret. Hac constitutione res in necessitatem iuris translata est, ut si quis interdictum postulet, non audiat.



A D T I T U L U M I I.

Q U O R U M B O N O R U M.

Ad L. Hereditatem. 1.

Impp. Severus & Antoninus AA. Iusto.

Hereditatem eius quem patrem tuum fuisse dicis petiturus, iudicibus qui super ea cognituri erunt, de fide intentionis allega. Quamvis enim bonorum possessionem ut praterius agnovisti, tamen interdicto Quorum bonorum; non aliter possessor constitui poteris, quam si te defuncti filium esse, & ad hereditatem vel bonorum possessionem admissum probaveris. PP. VIII. Kalend. Ianuar. Laterano & Rufino Coss.

Ad L. Si ex edicto. 2.

Impp. Diocletian. & Maximian. AA. & CC. Marco.

Si ex edicto sororis patruelis intestatae sine liberis defunctae, recte petita bonorum possessione quaesisti successionem, ac negotium integrum est: quae cum moreretur, eius fuerunt, secundum interdicti, Quorum bonorum, tenorem, ab his qui pro herede vel pro possessore possident, dolore malo fecerint quo magis defierint possidere, tibi rector provinciae restituui efficiet. PP. VI. Kalend. April. CC. Coss.

Ad L. Constat. 3.

Impp. Arcad. & Honor. AA. Petronio vicario Hispan.

Constat virum a bonis intestatae uxoris superstitibus consanguineis esse extraneum: cum prudentium omnia responsa, & lex ipsa naturae successores eos faciant. Ergo iubemus, ut omnibus frustrationibus amputatis, per interdictum Quorum bonorum in petitem corpore transferantur: secunda actione proprietatis non exclusa. Dat. VI. Kalend. Augusti. Mediolan. Olybrio & Probino Coss.

S U M M A R I A.

1. Pand. Florentinorum lectis in interdicto Quorum bonorum emendata. & num. 13.
2. Quorum bonorum interdictum propositum ei, cui ex edicto prateritis bonorum possessio data est: & hoc totum quid sit, quidque hodie contineat.
3. Non omnibus hereditibus quorum bonorum interdictum competere, sed solis, qui apud magistratum bonorum possessionem agaverunt.
- L. 1. C. hoc tit. exponitur, ibidem. & numer. 6.
- Tom. IX.

4. Quorum bonorum interdictum ideo necessarium esse ad rerum singularium possessionem adipiscendam, quia haec bonorum possessio data non tribuit.
5. Non sufficere ad hoc interdictum bonorum possessionem datam, sed probari oportere ex iusta & vera causa datam.
6. Hoc interdictum competere de rebus hereditariis non solum, quae nunc tales sunt, sed etiam quae a possessore usucaptae sunt, explicantur illa verba interdicti possidere, si nihil usucaptum esset.

LII

7. Pro

7. *Pro herede possidentem non aliter usurpere possi res hereditarias, quam si iustum causam habeat existimandi se heredem.*
8. *Hoc interdictum cur de re hereditaria a possessore usurpata adversus dominum, & eum, qui auctorem & exceptionem de re habent.*
9. *Hoc interdictum solum adversus corporum hereditarium possidere, non etiam adversus debitores hereditarios, aliter atque petitione hereditatis datur: & differentia ratio.*
10. *Hoc interdictum cum persequatur res singulas, quid sit, quod dicitur in L. 1. D. hoc ut. referri id ad universitatem bonorum, non ad res singulas.*
11. *Interdictum dari adversus eum solum qui pro herede prope possidere, non etiam in solo titulo possidet, & cur.*
12. *Hoc interdictum competere etiam adversus eum, qui dolo deest possidere.*
Tenor interdicti quid sit in L. 2. C. hoc tit. ibid.
13. *Hoc interdictum ad hoc competere, ut quod de hereditate possideretur, restituatur, adeo, praestetur auctori.*
14. *Petitionem hereditatis, & hoc interdictum competere de iisdem rebus, iisdem personis, & adversus eandem personas: sed interdictum ad possessionem adipiscendam una in re commodius unde & comparatum.*

Omissis his interdictis, quae sunt de rebus sacris, religionis, publicis, quae proponuntur in Pandectis, solum hic traduntur interdicta de rebus privatis: eaque sequuntur deinceps, initio facto ab iis, quae sunt relictoria, & adipiscendae possessionis, ut fert ordo divisionum interdictorum, quae traduntur in §. 1. & seq. *Inst. de interd.*

¹ Interdictum *†* quorum bonorum, quod hic primum proponitur, existit in L. 1. *D. hoc. In* quo caetera recte scripta sunt in Pandectis Florentinis, illud non recte: quod quidem *dolo malo fecisti* legendum est enim, ut in aliis exemplaribus: *quodque dolo malo fecisti*, vel *quodque item dolo malo fecisti*, ut in partibus huius interdicti explicandis loco pluribus ostendimus. Complectitur id interdictum quatuor, quae ad naturam eius pertinent; quibus expositis, simul & natura & vis interdicti, & rescripta huius tituli, quae eandem partes confirmant, intelliguntur. Sunt igitur in hoc interdicto haec quatuor; Cui datur; Quibus de rebus; Adversus quos; Cuius rei gratia, sive quid in condemnationem huius iudicii veniat.

² Primum *†* proponitur interdictum ei, cui ex edicto praetoris bonorum possessio data est. Bonorum possessionem cum dicimus, bonorum hereditatem & patrimonium defuncti intelligimus: *possessionis* verbo ius eius patrimonii retinendi, persequendique L. 3. *in pr. D. de bon. poss.* Bonorum possessionem olim dabat praetor, cum ei, cui ex edicto praetoris delata erat bonorum possessio, petenti & agnoscanti praetor dicebat se bonorum possessionem dare. Hodie ut quisque apud magistratum testatus est se hereditatem alicuius ex aliqua causa amplecti & agnoscere, bonorum possessio ei data intelligitur. Annuie enim magistratus; annuendo intelligitur admittere petentem; admitiendo possessionem dare, ut est constitutum L. ult.

supr. qui adm. ad bon. poss. poss. Dare possessionem bonorum ex edicto, est dare possessionem bonorum secundum edictum praetoris, idem, ex ea causa, ex qua praetor edictis suis pollicetur se bonorum possessionem datum: cuiusmodi causae sunt, ex testamento quidem, secundum tabulas, & contra tabulas testamenti; ab intestato autem, unde liberi, unde cognati, unde vir & uxor, §. *sunt autem, Inst. de bon. poss.*

Cum *†* hoc interdictum proponitur ei, eni bonorum possessio ita data est, ex eo intelligimus competere quidem hoc interdictum heredibus aut iis, qui vice hereditum sunt; non tamen omnes, sed iis duntaxat, qui apud magistratum bonorum possessionem agnoverunt, ut intelligatur praetor possessionem singularum rerum ei soli promittere, cui prius ex edicto hereditatis, sive bonorum possessionem dedisset. Est quidem in L. 1. *hoc tit.* hoc interdictum dari ei, qui probaverit se aut ad hereditatem, aut ad bonorum possessionem admissum esse: quae verba vulgo sic acceperunt, ut hoc interdictum non minus detur heredibus hac ipso, quod heredes existerent, quam bonorum possessoribus, agnita apud magistratum bonorum possessione; quanvis concedant heredibus solum competere utile. Sed non recte his verbis adversus superiorem sententiam moventur. Nam & is bonorum possessionem agnoscere intelligitur, qui dicitur ad hereditatem admitti. Is enim admittitur ad hereditatem, qui admittitur a magistratu, apud quem quis testatur se hereditatem amplecti. Hoc autem testari apud magistratum annuente magistratu, est possessionem bonorum agnoscere & accipere, L. ult. *sup. qui ad bon. poss. admitt. poss.* Tantum hoc interest inter eum, qui ad hereditatem admittitur, & qui admittitur solum ad bonorum possessionem, quod heres verus sic admittitur ad bonorum possessionem.

sessionem, ut etiam admittatur ad hereditatem, qui revera heres erat. Is autem, qui iure civili heres non est, admittitur duntaxat ad bonorum possessionem. Sic fit in summa, ut non alii detur hoc interdictum, quam ei, qui apud magistratum bonorum possessionem agnoverit.

4 Sed si bonorum possessio alieni data est, quid opus est hoc interdicto ad novam possessionem adipiscendam? Eo opus est, quod bonorum possessio iuris, id est, hereditatis tantum possessionem tribuit, corporum possessionem & detentionem non tribuit, *L. 3. D. de bon. pos.* Hæc igitur adhuc restat. Ea est, quæ hoc interdicto petitur, *L. ult. hoc tit.*

5 Hæcenus si verba interdicti solum hoc exigere videntur, ut data bonorum possessio sit ei, qui hoc interdicto experiri velit. Sed adiecit in *L. 1. hic*, quod sit ad interdictum interpretationis vice: ita demum scilicet hoc interdictum competere ei, cui bonorum possessio data est, si etiam cum effectu sit data: id est, si ea causa, ex qua bonorum possessio data est, vera sit, ut intelligamus eum, qui hoc interdicto experiri velit, duas res suscipere & probare debere, primum se ad bonorum possessionem admissum; deinde admissum ex ea causa, quæ ut iusta, ita sit etiam vera. Id in *d. l. 1. declaratur hoc exemplo*. Filius testamentum patris præteritus est: is bonorum possessionem contra tabulas agnovit, ut ius est, §. *sunt autem, Inst. de bon. poss.* Non poterit hoc interdicto uti, nisi se & bonorum possessionem acceperit, & filium defuncti esse probaverit; ex qua causa videlicet bonorum possessionem agnoverat. Quo exemplo idem de aliis causis cæterarum bonorum possessionum dicendum est: ut puta, qui bonorum possessionem agnovit secundum tabulas testamenti, probare debet testamentum esse, & id iustum: qui agnovit bonorum possessionem, unde agnati, probare debet se proximum agnatum esse. Idemque de similibus iudicandum est. Is probat se filium esse, qui probat se ex uxore defuncti natum, *L. filium, D. de his, qui sui, vel al. iur.* Quod si quis vulgo talis habeatur, is necessitate probationis liberatur, quia qui sit in eius iuris possessione, arguitur. *L. non nudis, supr. de prob. L. quidem, D. de prob.*

6 Cul, si detur hoc interdictum, dictum est. Sequitur, quibus de rebus competat. Id expressum est illis verbis interdicti, quod de his bonis pro herede, aut pro possessore possides possidereve, si nihil usucaptum esset, quodque dolo malo fec-

cisti, uti defunctus possidere, id illi restituas. Quorum verborum hic sentus: restituas, quod de his bonis possides pro herede, aut pro possessore. Item, & quod pro herede prove possessore non possides; possideres tamen pro herede prove possessore, si a te usucaptum non esset. Quibus in summa declaratur hoc interdictum competere de iis quidem bonis, quorum possessio data est, id est, quæ fuerunt hereditaria, eum defunctus mortuus est; sed id dupliciter. Non enim tantum competere de his rebus, quæ hereditariæ fuerunt, & etiam nunc in eadem causa manent (hæ sunt, quæ possidentur a te pro herede prove possessore) sed etiam de iis, quæ prius quidem fuerunt hereditariæ, nunc autem a te usucapæ sunt, quæ iam a te non possidentur pro herede prove possessore: eum privato titulo, id est, pro suo possideantur, *L. hereditatem supr. in quib. can. ces. long. temp. pres.* sed tamen sunt eiusmodi, quæ pro herede prove possessore a te possiderentur, si a te usucapæ non essent.

At si enim quomodo quid ex his rebus a te usucapi potest, quod ante impletam usucapionem isto titulo possidebas? Etenim qui pro herede possidet, is vero titulo non possidet. Is namque dicitur pro herede possidere in hoc interdicto, qui revera heres non est; sed putat se esse, ut postea dicemus. Ita hic titulus, ut dixi, verus non est. Nihil porro usucapi potest, nisi quod vero titulo possideatur; quam ob causam etiam receptum est, eum, qui pro herede hoc modo possidet, usucapere non posse, *L. ult. supr. pro hered.* Sed hoc sic acceptum est: nisi is, qui pro herede possidet, iustam causam habeat existimandi se heredem esse, ut & in cæteris titulis non veris receptum est; *L. non solum, §. 1. vers. hoc amplius, D. de usuc. L. quod vulgo, D. pro empt. L. ult. D. pro suo.*

Finge igitur hoc modo: cum pater filium peregre profectum haberet, certis nutitiis allatum est, illum esse mortuum. Ita cum se putaret filium non habere, extraneum heredem iustituit. Is heres eodem errore se vere heredem putans bona hereditaria possedit. Si iusto tempore possederit, usucapiet. Hic nos dicimus, quamvis heres in hoc errore res hereditarias usuceperit; tamen filium reversionem, si bonorum possessionem agnoverit contra tabulas patris, etiam de his usucaptis rebus hoc interdicto experiri posse. Sed obstat huic sententiæ duo.

8 Illud ¶ primum, quod petitio hereditatis non datur adversus eum, qui iusto titulo & privato possidet, *L. hereditatem, sup. in quib. causis, cess. long. temp. pres.* Atqui qui usufrucit, iure dominus rei effectus est. Quam ob causam maxime iusto & privato titulo possidet, *Inst. de usufruc.* Ex quo effectus videtur, neque hoc interdictum adversus eum dari debere. Alterum est, quod nulli res sua auferri debet, *L. id quod nostrum, D. de reg. iur.* ne ei quidem, qui usufrucit. Nam et si is rem usufructuam non possideret; tamen ad eam persequendam actionem haberet, *L. in rem, D. de rei vind.* Quare si rem a se usufructuam possidebit: multo magis exceptionem habebit ad eam retinendam, *L. in viuis, §. 1. D. de reg. iur.* Denique hæc ipsa definitio eius rei, quæ est in bonis nostris: ut sit ea, quam possidentes exceptionem, aut amittentes ad recuperandam eam actionem habemus, *L. rem in bonis, D. de acq. rer. dom.* Et ut vera sunt, ita admittenda essent hæc omnia, si in hoc interdicto constaret eum, eum quo agitur, rem hereditariam aliquam usufrucisse. Sed neque hoc constat, neque adeo in hoc interdicto constare potest: nam si possessor hæc exceptionem utatur; rem, quam tibi restitui vis, usufruci possidet enim pro herede, sed probabilis error meus fuit, eum putarem me heredem; hæc, inquam, exceptione si utatur: exceptio obsecutus est, & quam altiore questionem habeat. Huius generis exceptiones in preparatoriis iudiciis non admittuntur, sed differuntur in iudicium directum proprietatis, *L. 3. §. ibidem, D. ad exhib.* Multo minus recipiendæ sunt in iudicio, quod est de momentaria possessione. Sic enim vocant interdicta, *L. momentaria, inf. unde vi.* Neque hoc modo fit iniuria auctori: cui de possessione victo nihilominus causa proprietatis integra relinquitur, *L. unica, sup. si de momen. poss. fuer. appel. L. ult. in fin. hoc tit.*

9 Tertium sequitur, adversus quos datur hoc interdictum. Datur autem adversus duo hæc genera possessorum, primum adversus eum, qui pro herede, prove possessore possidet aliquid de his bonis, de quibus agitur, ut interdicto expressum est his verbis, *quod de his bonis possides.* Possidendi ¶ verbum si ad hereditatem aut bona refertur, iuris possessionem intelligemus, ut sit, eum nominatim bonorum possessio, *L. 3. in pr. D. de bon. poss.* Nunc eum refertur ad res singulas, quæ de his bonis possidentur: servata hic est

propria possidendi significatio, qua res solum corporales continentur, *L. servus, §. incorporales, D. de acq. rer. dom.* Unde plæuit solum corporum restitutionem in hoc interdictum venire; non etiam competere interdictum adversus hereditarios debitores, tamen bi quasi iuris possessores habeantur, *L. ult. infr. L. 2. D. eod.* Atqui petitio hereditatis adversus debitores hereditarios datur, *L. regulariter, L. nec ullam, §. ult. L. quod si in diem, §. Iulianus, D. de pet. her.* Cur igitur non datur & hoc interdictum, cum interdicto de re non usque adeo magni momenti agatur? Differentiæ ratio est, quod in petitione hereditatis constat eum, qui agit, heredem esse: neque enim aliter vincit, quam si se talem esse probaverit. Æquum vero est heredi solvere debitores hereditarios. At in interdicto *Quorum bonorum* is, qui agit, non plene probat se heredem, aut bonorum possessorem esse, ut mox dicetur. Proinde ne illud quidem æquum in hac incertitudine ei solvi, qui heres non sit: quia solvendo non possessio tantum pecuniæ in eum transferatur, sed etiam dominium.

Datur ¶ interdictum adversus eum, qui 10 possidet *quid de his bonis.* Ergo non tantum adversus eum, qui res omnes hereditarias possidet, sed etiam, qui unam aliquam etiam minimam, ut de petitione hereditatis placet, *L. regulariter, & L. licet, D. de pet. her.* Non est contrarium, quod scribitur in *L. 1. D. eod.* hoc interdictum referri ad universitatem bonorum, non ad res singulas. Hoc enim sic accipiendum est: si persona agentis spectetur; diversum, si spectetur is, cum quo agitur. At enim nihil distinguitur, dicit aliquis. Sed ex ratione iuris necessario id intelligendum est. Nam cum de conditione actionis agitur, eam metiri oportet ex iure eius, qui agit, non eius, eum quo agitur, ut de hoc ipso genere actionis nominatim traditum est in *L. 1. §. 1. D. si pars her. pet.*

Datur ¶ interdictum non adversus quemlibet possessorem, sed adversus eum, qui pro herede aut pro possessore possidet, id est, qui iusto titulo possidet. Nam si dicitur hoc loco pro herede possidere, qui se dicit heredem, eum non sit, sive seiat se heredem non esse, sive se esse putet. Pro possessore autem, qui nullam causam possidendi habet aliam, quam quod possidet, unde nomen datum: hæc in *L. pro herede, & L. seg. D. de pet. her. §. sequens. Inst. de interd.* Adversus eum autem, qui iusto aliquo titulo possidet, hoc inter-

interdictum non datur, non magis, quam hereditatis petitio, *L. hereditatem, sup. in quib. caus. ces. long. temp. præs.* Merito: non enim si quis heres est, & res, de qua agitur, hereditaria, continuo heres est dominus. Nam & res pignori datæ defuncto, & bona fide ab herede possessæ hereditariæ sunt, *L. item veniunt, D. de pet. her.* neque ideo heres earum dominus est. Iniquum est autem eum, qui dominus non sit, aut certe quem dominum esse non constat, rem domino auferre, aut ei, qui pro domino rem bona fide & iusto titulo possideat, *L. ult. D. de publ.* Addita est exceptio in interdicto: præterquam si quis usqueperit, quod prius pro herede possidebat: cuius exceptionis rationem supra reddidimus.

- 12 Est t̄ alterum genus eorum, adversus quos hoc interdictum datur: est autem eorum, qui dolo fecerunt, quominus pro herede prove possessor possiderent. Quod illis verbis comprehensum est, *quodque item dolo malo fecisti, uti desineres possidere*, quæ verba in interdicto ita relictæ debere initio monimus: quod non obscure declaratur in *L. 2. hoc sit.* ubi scriptum est, hoc interdictum propositum esse adversus eos qui pro herede, prove possessor possident, dolo malo fecerint, quo magis desinere possidere. Et nominatim adiecit, hunc esse tenorem interdicti, idest, hæc interdicta teneri, seu contineri. Ex vero contentaneum est omnibus regulis iuris; quibus efficitur, ut quæcunque actiones, quæcunque interdicta adversus eum dantur, qui possidet, dentur etiam adversus eum, qui dolo desit possidere, ut sit par utriusque cautela, *L. qui petitorio, D. de rei vind. L. parem, l. qui dolo, D. de regul. iur.* Illa autem verba, quæ sunt in Pandectis Florentinis: *quod quidem dolo malo fecisti*, penitus delenda sunt ex libris nostris. Habent enim aperte non tantum sententiam falsam, sed etiam absurdam. Hoc enim exprimunt, si quidem dolo fecisti, ut desineres possidere, ut sit in illis verbis conditio. At hoc certo statui debet, quiquia rem hereditariam pro herede, prove possessor possidet, eum teneri hoc interdicto sine ulla conditione. Tum autem conditio est stulta & absurda; quia naturæ adversatur. Perinde enim valet, quasi diceretur: restitui, quod possides, si modo desisti possidere.
- 13 Quod t̄ reliquum est, datur hoc interdictum huius rei gratia ut quod de bonis hereditariis possidetur, ut supra dictum est, id restituiatur petitori, idest, in pe-

titorem transferatur, ut est in *L. ult. hic.* Restituendi verbum proprie refertur ad ea, quæ a nobis prius profecta nobis restituantur. Sed interdum & de iis accipitur, quæ nunc primum nobis præstantur, *L. verbum reddendi, D. de verb. sig.* quod fit in hoc interdicto. Non enim petit heres eas res, quas aliquando possedit, sed quas nunquam. Unde interdictum est, ut restitutorio, sic adipiscendæ possessionis, *L. in fin. D. cod.*

Hic t̄ de interdicti, atque huius tituli 14 sententia cognitis, non abs re quaeritur, quid opus fuerit hoc interdicto; cum videatur ad possessionem rerum hereditarium adipiscendum sufficere petitio hereditatis, iudicium & plenius & efficacius, quam hoc interdictum. Nam petitio hereditatis datur adversus omnes, qui pro herede, prove possessor possident; neque tantum eorum possessor, sed etiam debitor hereditarius, *L. regulariter, L. nec ullam, D. de pet. hered.* Sed & possessio, quam eo iudicio obtinemus, a nobis avocari non potest ei, quem vicimus. Nec maiora onera esse videntur in petitione hereditatis, quam in hoc interdicto, nam in petitione hereditatis qui agit, probare debet se esse heredem. At idem probare debet, qui hoc interdicto expetitur, *L. 1. hoc sit.*

Quare non abs re videri possit hoc interdictum inutile esse & otiosum. Dicendum est, cætera in petitione hereditatis esse pleniora & commodiora. Vnum in hoc interdicto esse commodius, rationem probandi. Nam in petitione hereditatis, si quis se filium defuncti esse contendat, exempli gratia, eoque heredem patris: non tantum probare debet se esse filium defuncti, sed etiam si ex adverso dicatur eum ex illo non esse natum, puta aut eam, ex qua natus est, uxorem defuncti non fuisse, aut si uxor fuit, a defuncto concipi non potuisse: exceptiones sunt, de quibus in eo iudicio quaeri oportet. Est enim petitio hereditatis directum iudicium: quo in genere plena inquisitio requiritur, *L. iudices, sup. de iud.* In interdicto autem satis est, si quis se primo filium esse ostenderit in speciem, cui si contra obiciuntur exceptiones superiores, hæ in hoc iudicio non admittuntur, sed differuntur in directum iudicium petitionis hereditatis, ut supra docuimus. Quare hoc interdictum ad possessionem adipiscendam commodius in eo brevior & expeditior via ad possessionem adipiscendam,

A D T I T U L U M III.

C O D. Q U O D L E G A T O R U M.

Ad L. Heredi. 1.

Imp. Diocletian. & Maximian. AA. & CC. Latinæ.

Heredi scripto satis idonee lege Falcidia, si exhausta legatis successio probetur, per quartæ retentionem prospectum est, unde si legatarius vel fideicommissarius non consentiente patre tuo quem asseveras testatori successisse, & bonorum possessionem accepisse, relicta sibi legata vel fideicommissa detinuit: secundum sententiam interdicti quod adversus legatarios scriptis heredibus propositum est, oblata satisfactione, quam præstari oportet in possessionem te constitui, ut ita retentione competenti utaris, experiri potes. Das. XVI. Kal. Ian. AA. Coss.

S U M M A R I A.

1. Interdicti Quod legatorum summa, neminis ratio, & verba restituta, ac sigillatim confirmata.
2. Hoc interdictum esse inutile heredi, nisi aut neget rem legatam esse, aut dicat supra dextrantem esse legatam. & num. 3.
3. L. unica C. hoc tit. sententia.
4. Hoc interdicti sic res legatarum nemine occupatas recipi, ut heres, sola quarta re-

tenta, legatorum reliquam legatario restitueret: dissimiliter, si legatarius legatam subtrahat, quo casu totam amittit: & differentia ratio.

5. Legatarium rem legatam sua auctoritate, non ut occupantem non teneri in evulsionibus, quæ damno rei afficiant eum, qui res invaserunt.

ET si legatarius ꝑ rei legatæ dominus sit, & ita dominus, ut ad eam rem non indigeat heredis traditione, sed dominium rei legatæ a testatore ad legatarium recta via transeat, *L. legatum ita, D. de L. 2. L. a Titio, D. de fur.* placuit tamen eum hætenus dominum esse, ut non eo minus inbeatur legatum ab herede petere, non sua auctoritate occupare. Si contra facit, iubetur, rem legatam heredi restituere, in quam rem hoc interdictum comparatum est, quod appellatur, *Quod legatorum*, ex initio videlicet interdicti, ut & superius interdictum *Quorum bonorum*, *L. 1. D. cod.* Interdicti hæc verba fuerunt: *Quod legatorum nomine non ex voluntate eius, ad quem ea res pertinet, occupatum possides, aut dolo delisti possidere, si de eo tibi ab illo satisfactum est, aut per eum non fiat, quominus satisfactum, id illi restituas.* Illa verba, *quod legatorum nomine possides occupatum*, indicantur in *L. 1. in prin. & verbis. redigis, D. cod.* Illa autem, *aut dolo delisti possidere*, indicantur in *d. L. 1. §. quod ait prætor, aut dolo.* Nam quod illic ita verba sunt, *aut dolo delisti possidere*, in tertia persona scilicet, intelligendum est edicti verba referri, quo prætor pollicetur hoc interdictum generaliter

adversus eum qui dolo delisti possidere. Sed vel hinc maxime idem interdictum cavere intelligimus: mutata tamen persona, ut interdicti mos est, quod interdictum dirigatur ad eum, cum quo ex interdicto agitur. Sic ex edicto interdicti verba intelligimus, & vice versa. Illa verba, *non ex voluntate eius*, expressa sunt in *d. L. 1. §. quod ait prætor*, non ex voluntate. His autem verbis, *eius, ad quem ea res pertinet*, significantur heredes & bonorum possesores, & generaliter, qui in ius universum defuncto succedunt, *L. sciendum, §. ult. D. de verb. sign.* Unde intelligendum est, hoc interdictum & heredi & bonorum possessori competere. Adde, & heredibus, *L. 1. §. 1. D. cod. quod & in L. unica, hic*, confirmatur. Illa, si de eo tibi satisfactum est, indicantur in *d. L. 1. §. pen. ubi pro nisi satisfactum est*, legendum est, *si satisfactum est*, ut appareat ex interpretatione Ulpiani, quæ sequitur, qui illa sic interpretatur, *si satisfactum perseveres.* Quod si legeremus, *nisi satisfactum sit*, sic interpretari debuit, *nisi satisfactum perseveres.* Et sane hoc interdictum competit heredi non hac conditione, si non satisfactum sit, sed si satisfactum sit. Illa autem, *aut per eum non fiat*, exstant in *L. ult. D. cod. Id enim re-*

restituatur, indicantur in *d. L. 1. in prin.*
& fere tota L. 1. §. 2.

2. Sed si adversus hoc interdictum initio hoc occurrit, non videri dari debuisse heredi. Meminisse enim debemus eius, quod ante dixi, legatarium rei legatæ a se occupatæ dominum esse. Unde etiam ita propositum est interdictum, ut placeat heredem, cum hoc interdictum nactus fuerit possessionem rerum occupatarum, tamen postea nihilominus eas restituere debere legatariis, *L. 1. §. 1. D. eod.* ut mox pluribus ostendemus. Hoc posito, videtur hoc interdictum aut iniquum esse, aut inutile: certe pugnare cum regulis manifesti iuris, his de causis. Primum legatarius ad legatum petendum actionem habet, utpote dominus, *L. in rem, D. de rei vindic.* Igitur multo magis possidens ad legatum retinendum actionem habebit, ex regula iuris, *L. invictas, §. 1. D. de regul. iur.* Deinde nulla est actio, nisi ei, cuius interest, præsertim in hoc interdicto, quod tantum ei datur, ad quem res legata pertinet. Nec in eo alia condemnatio est, nisi in id, quod heredis interest, *L. ult. §. ex hoc, D. eod.* At heredis nihil interest, rem legatam recipere, si res tota legatarii est, & eam acceptam heres cogitur legatariis restituere. Postremo hoc ipso, quod rem receptam legatariis restituere cogitur, dolo facit, si eam petit. Proinde & petens doli exceptione removeri potest, ut sunt regulæ iuris, *L. doli, D. de doli mal. exc.* Et hæc ita se habere fatendum est, si heres & rem legatam esse agnoscat, & idem fateatur nihil supra dodrantem legatum esse. Nam in hanc rem cadunt ea, quæ supra obiecimur. Sed si quid horum decit, æquisimum est, heredi interdictum ad res legatas occupatas restituendas dari: neque superiora adversantur. Primum tum huic dari æquum est, cum negat res occupatas legatas esse. Sic enim fit, ut petat res non alienas, sed suas: quæ ipsi reddi ob eam causam eius interest. Et quamvis fieri possit, ut res vere legatæ sint, tamen in hac incertitudine æquum est, legatarium rem ab herede petere, non ipsum sibi ius dicere: quod iura averfantur, *L. exstat, D. quod met. caus.* Et hanc rationem huius interdicti proponendi posuit Ulpianus in *L. 1. in prin. D. eod.* Sed et si heres fateatur, rem legatam esse, de qua hoc interdictum agitur, si tamen dicat supra dodrantem hereditatis legatum esse: æquisimum est, hoc interdictum dari ad rem restituendam, ad ne hic quidem superiora obstant, quæ obiecimur. Nam quate-

nus supra dodrantem legatum est, eatenus res legata ad heredem pertinet ex lege Falcidia, *L. 1. L. lineam, D. ad leg. Falcid.* Sic fit, ut heres rem legatam repetendo, eam repetat, quæ ipsius sit ex parte, & quam ipsi reddi hac ipsa de causa eius interest. Et quamvis pars tantum eius sit, tamen eius interest rem totam legatam recipere, ut & ea recepta suo iure quartam retineat, quam ex lege Falcidia habere & retinere debet. Et si ob hanc quartæ retentionem maxime comparatum esse hoc interdictum demonstratur *L. unica, hoc. tit.* cuius est hæc sententia: *Herede instituto testator totam hereditatem legatis erogaverat.* Ita fiebat ex lege Falcidia, ut in singulis rebus legatis quarta portio ad heredem pertinere, *d. L. 1. & L. lineam, D. ad leg. Fal.* Et quoniam ad heredem pertinebat, eveniebat hoc quoque, ut pertinere ad heredem heredis, quoniam heres in ius defuncti succedit, *L. heres, D. de acquir. hered.* Itaque si res iure & ordine gereretur, ita geri oportuit, ut res legatæ permitterentur heredi, ex quibus ille quartam pariem ex lege Falcidia retineret, reliquum dodrantem legatariis restitueret. Sed legatarii sua auctoritate legata occupant: quo fiebat, ut heres quartam retinere non posset ex iis rebus, quas non possidebat. Consultit heres, non an quartam de singulis rebus legatis petere posset, & conlequit, de quo ins certum erat, sed quomodo eam quartam consequatur: fortasse enim rem vindicare volebat. Respondenti Imperatores, heredi, cum supra dodrantem legatum est, satis prospectum esse lege Falcidia per quartæ retentionem. Quibus verbis significant, non esse necesse heredi ad quartam consequendam vindicationem instituere adversus legatarios, & ita indicii & probationis molestem suscipere, cum ei per retentionem quartæ satis consilium sit. Non indiget actione, qui retentionem habet. Quod si obiciatur, heredem in proposito retentione nri non posse, cum res legatas non possideat: in promptu remedium est. Est enim paratum heredi interdictum *Quod legatarum*, quo consequatur a legatariis, ut sibi res occupatæ restituantur: quibus restitutis, sic deinde competente ratione uteretur. Hæc inquam, rescripti sententia est: qua declaratur, hoc interdictum comparatum esse, ut heres ex hoc interdicto possessione recuperata rerum legatarum, quartam ex lege Falcidia retineat. Ex quo duo colligimus notari digna. Primum, si rem legatam esse constet, quam legatarius occupavit, & fateatur heres supra dodrantem

tem hereditatis legata relicta non esse, non esse huic interdictio locum, quia appareat nihil esse, quod heres restituis rebus possit retinere. Ex certe perspicuum est hoc casu illi oblatum ea, quae supra diximus: & quod eius oibilibi interest, & quod dolo facit, qui petat, id quod constet illum statim restituere debere.

Alterum, ¶ et si legi Falcidiae locus sit, tamen sic heredem recipere legatas res ex hoc interdictio, ut solum quantum possit retinere. Quo efficitur, eum reliquum legati legatariis debere restituere. Alioquin hic diceretur, eum totius rei legatæ retentione niti, non autem competitoris partis sive quartæ. Non adversantur huic sententiae ii loci, quibus scriptum est, legatarium, sive fideicommissarium, si rem sibi legatam subtraxerit, legati petitionem amittere, *L. non est dubium, sup. de legat. L. Paulus respondit, D. ad fen. Trebell.* Multum enim interest, utrum legatarius rem legatam occupet legatorum nomine, de quo genere hic agitur, & adversus quod hoc interdictum propositum est: *L. 1. in prin. D. eod.* an vero legatarius rem legatam subtrahat. Is rem occupat legatorum nomine, qui agnoscit rem sibi legatam, & pro tali tanquam suam occupat. Is ideo legati petitionem non admittit, quia ita occupando legatum agnoscit, agnoscendo, & legatum & rei legatæ petitionem acquirit. Contra ita rem legatam subtrahit, qui furatur: hoc enim subtrahere significat, *S. interdum etiam, & S. seq. Inst. de obl. qua ex del. nasc.* ac præcipue in hac specie rei legatæ subtrahæ, subtrahendi verbum id significat, ut declaratur in *d. L. Paulus respondit, D. ad Trebell.* Porro ita rem legatam furatur, sive subtrahit, qui tanquam alienam occupat, non suam, quoniam nemo rei suæ furtum facit, *L. merito, D. pro soc.* Id si ita est, non est mirum, si is, qui rem sibi legatam subtraxit, eius rei petitionem amittere dicatur. Nam qui ita subtrahit legatum, repudiat; repudiando, onus & legatum & legati petitionem amittit. Quod ita facile probabitur. Nam uti est hereditas, sic legatum. Hereditas ad eundem sive agnoscendo onda voluntate acquiritur, repudiando amittitur, *L. fens, sup. de repud. hered.* Sic & legatum, *L. servum filii. 44. §. 1. L. si tibi homo. 86. §. cum servus, D. de legat. 1.* Hereditas repudiatur, sive recusat non tantum verbis, sed re & facto quovis voluntatem repudiantis significante, *L. recusari, D. de acquir. hered.* In quo genere facti est, si heres extraneus rem aliquam hereditariam furripit, ut significat

tor in *L. si quis extraneus, in princip. D. de acquir. hered.* ubi traditur, heredem, qui ita rem subtrahit, non videri pro herede gerere, quia admissam eius contrariam voluntatem declarat. Contraria adeundi voluntati est voluntas repudiandi. Hæc voluntas superiore admissio declarari recte dicitur. Nam qui rem furripit, hoc facto declarat, se velle rem alienam esse, & pro tali se eam habere. Non potest id velle heres, nisi hereditatem repudiet. Idem igitur & in legatario rem legatariam furripiente probandum est. Ex quo intelligimus, quod delictum in hac specie legatarium rei legatæ petitionem amittere, non esse ius ob id constitutum, ut fortum poenæ afficiatur; sed esse ius retinuatione prudentum effectum, hinc natum, quod qui rem ita furripisset, idem simul legatum repudiasset. Consilare autem hoc ius responsis & auctoritate prudentium, declaratur in *dist. L. Paulus respondit, D. ad Trebellian.* illis verbis, *in re respondetur.*

Multo ¶ minus superiori sententiae ad 5 versantur illæ constitutiones, quæ damno rei occupatæ afficiunt eos, qui res invaserunt, ut *L. ult. L. si quis in tantum, inf. unde vi. L. exstat, D. quod met. caus.* Nam *L. ult.* contraria est adversus eos, qui res alienas possessionibus vacuas invasissent. Hic legatarius rem suam occupat, non alienam. Lex si quis in tantum pertinet ad eos, qui possessionem apud alios constitutam vi invadunt. Hic legatarius rem occupat, non quidem consentiente herede, sed tantum non vi; non denique ita, ut illi extorqueat: propterea quod hic agitur de rebus occupatis, quæ prius ab herede non possidebantur. Argumentum est, quod hoc interdictum *Quod legatorum* proponitur heredi adipiscendæ possessionis causa, *L. 1. in pr. D. eod.* id est, eius acquirendam, quam prius non habuit, *§. sequens, Inst. de interd. L. exstat, D. quod met. caus.* Pertinet ad eos, qui rem sibi debitam a debitore possessionem invito debitore occupant. Hic legatarius & rem occupat ab alio non possessionem, ut iam dixi, & occupat suam, non sibi debitam. Ex his apparet, si forte heres iam ante rerum hereditariarum actus esset possessionem, quam illæ a legatariis occuparentur, hoc interdictum heredi non competere ad recuperandam possessionem. Sed & illud apparet dicere nos, legatarios, si invito herede res occupassent, res legatas eo facto amisisse, quia vi possideant. Unde res ineidat in poenam, *L. si quis in tantum, inf. unde vi & L. exstat, D. quod met. caus.*

AD TITU-

A D T I T U L U M IV.

C O D. U N D E V I.

S U M M A R I A.

1. *Interdictum subaudi ante verba hæc, Unde vi & unde appellatio nominis.*
Unde vi interdictum iustate dici: legi tamen & interdictum De vi pro eodem. ibidem.

2. *Collocatioms huius tituli ratio reddita.*
 3. *Invasiomm species quæ quibus constitutionibus hoc titulo vindicentur.*

1 **H**is verbis † *unde vi*, significatur interdictum, quod *unde vi* appellatur in *L. 1. §. ex interdicto, L. neque, L. cum fundo, §. ult. D. eod. §. recuperanda, Inst. de interd. L. 4. inf. hoc tit. ut sit titulus, quasi ita dictum esset, *de interdicto unde vi*, quomodo & superiores inscriptiones accipi debent, & inferiores. Nomina ex initio interdictorum nata, ut supra dixi. Nam iulium huius interdicti ita fuit, *unde tu illum vi deieciſti, L. 1.* In pr. *D. eod.* itaque rectius fortassis ad eundem modum legatur titulus eiusdem argumenti in Pandectis, restituaturque ita, *Unde vi, & de vi armata*: ut sit sensus, *de interdicto unde vi*, idest, vi privata, & *de interdicto de vi armata*, quæ & publica dicitur, §. *recuperanda, Inst. de interd.* Et sane interdictum *unde vi* sub eo titulo passim appellatur. Legimus tamen & interdictum *de vi* pro eodem in *L. si quis vi, D. de acq. poss.**

2 Est † hoc interdictum recuperandæ possessionis, d. §. *recuperanda*. Ideo superioribus, quæ sunt adipiscendæ possessionis, subiicitur propter coniunctionem possessionis, quæ utroque genere interdictorum petitur. Petitur enim ea possessio, quam non habemus, petiturque eo, ut quod non possidemus, nobis restituatur: sic fit, ut utrumque genus & restitutorium sit, & quodammodo eandem petitionem habeat. Hoc eo monemus, quia alius ordo serva-

tur in *Inst. sub tit. de interdictis*. Nam interdicta adipiscendæ possessionis sequuntur interdicta possessionis retinendæ. Extremo loco proponitur id, quod est recuperandæ possessionis. Habet id quidem & suam defeusionem: hoc enim ordine sequimur progressum naturalem possessionis: quippe natura prius est, ut possessionem acquiramus: proximum, ut quæsitam teneamus: tertium, ut cum coeperimus tenere, si amittamus, sic deinde de recuperanda cogitetur. Sed, ut dixi, coniunctio & similitudo possessionum & interdictorum hic spectata est, uti & in Pandectis. Est ergo hic titulus præcipue de interdicto *unde vi*, ut inscriptio indicat. Sed † monendi sumus titulum, seu translationem subiectam plus completi. Et in summa hoc titulo prohibetur omnis iniusta alienarum possessionum detentio, siue quis vi possessionem occupet, siue clam invadat, siue precario acceptam, aut ex locatione rem invito domiuo retineat. Itaque totidem sunt genera constitutionum, quæ ad unumquodque horum generum referuntur. Ad tertium genus iniustæ detentionis pertinet *L. pen.* Ad secundum *L. meminert, & L. ult.* Ad primum, reliquæ constitutiones, in quo genere de his agitur, qui vim intulerunt ad occupandas alienas possessiones, de quo dicere incipiemus ex *L. 1.*

Ad L. 1.

Impp. Dioclet. & Maximian. AA. & CC. Theodoro.

Recte possidenti ad defendendam possessionem, quam sine vitio tenebat, inculpate tutelae moderatione illam vim propulsare licet. PP. Kal. Decemb. ipss. IV. & III. AA. Coss.

SUMMARI A.

1. *Adversus vim remedia duo constituta. Vim vi propulsare licet. ibidem.*
2. *Vim concessam esse qua prepulset, quae adhibetur tuendi sui causa, non etiam ulciscendi.*
3. *Propulsationis non est expectare, dum quis pulsetur, sed ne pulsetur, prohibere.*
4. *Tuendi sui causa quicquid fiat, quia iure fit, impositum esse.*
5. *Vitiata, idest, vi, aut clam, aut precario possidenti non licere se adversus vim adversarii*

defendere: quia non licet impune: & quomodo id accidat.

6. *Tutela inculpatae moderationem requiri, & id quodnam sit.*
7. *Armis licere se defendere etiam adversus incriminem, si invadentem nos aliter prohibere non possumus, ne ad nos perveniat.*
8. *Non esse contra moderationem inculpatae tutelae, si quis se defendat adversus invadentem, cum aliqui poterint fugiendi sibi consilium.*

Si quis alicuius rei possessionem obtinere vult, is iubetur iudicio de ea re agere, vim ad rem occupandam facere prohibetur *L. exstat, D. quod met. cau.* Ideo etiam adversus vim legibus prospectum est, ne frustra vis prohibeatur.

Adversus vim duo sunt remedia iure constituta. Unum adversus vim, quae inferitur. Alterum adversus vim, quae illata est. Adversus vim, quae inferitur, hoc remedium est, cautum hac lege, ut liceat vim vi defendere, propulsare nostra auctoritate, quod ius aliis multis locis proditum est. Ut *L. ut vim, D. de iust. & iur. L. scientiam, §. qui cum aliter, D. ad leg. Aquil. L. 1. §. vim vi, D. cod. L. 1. supr. quam lic. univ. si. in. se vind.* ubi & ratio huius iuris redditur est. Sed nusquam hoc ius melius constitutum, quam hae lege, ubi non tantum permittitur vim vi propulsare, quod fit superioribus locis: sed addigitur, cui liceat, & praeter ea quem modum: quae singula nobis expendenda sunt.

1. Primum id, quod permittitur, sicut et Imperatores, *vim vi propulsare licere*. Propulsare est arcere a nobis, & prohibere, ne vis & iniuria ad nos perveniat. Quo verbo admonemur, si quis rebus integris, cum vis inferitur, neque dum illata est, hanc prohibet, hunc iure facere videri. Si quis autem vi illata & iniuria iam accepta, cum novam iniuriam non metuit, vim inferat adversario, veluti si fugientem persequatur, & ei noceat: hunc ad hanc definitionem non pertinere, quia non propulsandae iniuriae causa faciat, quae iam

accepta est, sed ulciscendae. Tutelo & propulsatio permittitur est; prohibitum, quidquid fit ulciscendi causa. *d. L. scientiam, §. qui cum aliter, D. ad leg. Aquil.*

Eodem verbo admonemur, fallum esse, quod quidam censuerunt, quorum sententia in glossa refertur, eum, qui se recte tuetur vi, expectare debere, ut prius pulsetur ab adversario, argumento sumpto ex *L. si ex plagis, §. 1. D. ad leg. Aquil.* Qui expectat, ut pulsetur, est iniuriam & vim admittit, non propulsiat. Nunc autem propulsare illi permittitur. Ergo & illud non admittitur, ut pulsetur. iam & in hac permissione expendendum est, quid valeat, quod dicitur licere propulsare: nempe ut liceat iure, & omni iure, ut dicitur in *d. L. ult. vim, D. de iust. & iur. in d. L. scientiam, §. qui cum aliter*.

Ergo et etiam hoc dicitur, quicquid fit propulsandi causa, impositum esse. Quod fit iure permitte, poenam non meretur, ut est in *L. Gracchus, inf. ad leg. Jul. adul.* Hinc intelligimus, si quis, cum invaderetur eius possessio, vim vi repulerit, neque eum vi possidere videri, neque eo nomine adversario teneri illo interdicto. Praetera si quid damni eo facto adversario dederit, atque adeo si eum occiderit, impune esse, ut neque tenetur lege Aquilia de damno dato, neque lege Cornelia de sicariis. *L. itaque & L. seq. & d. L. scientiam, §. qui cum aliter, D. ad leg. Aquil.*

Sed permittitur hoc duobus conditionibus, quae hic expressae sunt. Primum et permittitur ad defendendam possessionem

vim

vim vi propulsare: sed recte possidenti, & ut adicitur, ei, qui sine vitio possidet. Is recte possidet, qui nec vi, nec clam, nec precario ab adversario possidet. Contra non recte, sed vitiose is, qui ab adversario possidet aut vi, aut clam, aut precario. *L. in fin. & L. seq. D. uti poss.* id est, qui aut adversarium vi expulsi, aut illo ignorante possessionem recuperavit, aut qui precario, id est, precibus ab illo impetravit, ut sibi possidere liceret, & domino reposcenti rem non reddit, ut hæc verba interpretatur Iustinianus in *S. sed interdicto, Inst. de interd.* Ergo hoc dicitur, eum recte vim vi propulsare, qui aut omnino nec vi, nec clam, nec precario possidet, aut ita possidet, ut saltem non possideat ab adversario. Quod autem dicimus ei, qui ita possidet, licere vim adversarii propulsare, eo spectat, ut intelligatur, si conlitterit locum eum fecisse: fecisse & impune. Proinde & eo nomine adversario nulla actione teneri. Contra vero si quis secus possideat ab adversario: ei non licere adversarii vim propulsare, exemplo interdicti *uti possidetis*. In quo, cum prætor polliceatur se eum tuiturum in possessione, qui nec vi, nec clam, nec precario ab adversario possidet: ex eo omnes iuris auctores colligerunt, eum non defendi a prætore, qui non recte ab adversario possideat, id est, possideat aut vi, aut clam, aut precario ab adversario, *dist. L. 1. §. ult. D. uti poss.* Quod & nobis in hac constitutione intelligendum est. Ideo autem dicitur ei, qui, vi, aut clam, aut precario ab adversario possidet, non licere se adversus vim adversarii defendere, quia impune non licet. Nam si prius adversarium vi delecerat: non efficeret sua defensione posteriori, quo minus illi interdicto *unde vi* teneatur, ut prius. Si adversario ignorante possessionem occupaverat, deinde venientem vi repellat, aut certe non admittat: iam incipit vi possidere, non clam, *L. clam possidere, in fin. D. de acquir. poss.* Quo fit, ut iam incipiat adversario teneri interdicto *unde vi*, tanquam illo deiecto, hoc ipso, quod admittit non sit in suam possessionem. *L. cum fundum, D. unde vi.* Idem probandum est in eo, qui cum fundum precario accepisset ab adversario: reposcenti non reddit, seu venientem in possessionem non admittit. Sic enim eum quoque deicere intelligitur, incipitque similiter ei interdicto *unde vi* teneri. *d. L. cum fundum, D. eod.*

6 Altera t cautio est, hoc rescritto expressa, ut vis propulsetur ad moderamen
Tem. IX.

Inculpatæ tutelæ, id est, ita, ut quiquid tuendi nostri causa factum est, & vis illatæ propulsandæ, in eo tutela sit inculpatæ. Inculpatam intelligimus eandem, quæ innoxia dicitur in dicta *L. scientiam, §. qui cum aliter, D. ad leg. Aquil.* Cum autem innoxia definiatur eo loco, cum aliter tueri nos non posuimus adversus vim, aut iniuriam, quæ infereretur, quam id faciendo, quod fecimus: intelligere debemus eandem quoque definitionem esse eius tutelæ, quam hic inculpatam appellamus. Utrum quis aliter se tueri non potuerit, quam id faciendo, quod fecit, partim ex personis, partim ex loco æstimandum est. Ex personis hoc modo: nam si is puer est, aut imbecillis, qui vim infert, is autem, cui inferitur, vir & robustus: hic neque gladium stringere debuit, neque ullis armis invadentem petere, cum licuerit negligere præsentem. Ex loco ita, si quis cum pro foribus suis ilaret, potuerit adversarium minitantem & ad se pergentem arcere occulto oitho ædium suarum, maluerit autem adversario suo coram resistere. Eodem modo cum ex ædibus videret adversarium sibi minitantem, aut se provocantem ad certamen, non servavit moderamen inculpatæ tutelæ, si quid in illum misit, aut si in animum induxit descendere, & cum adversario digladiari: nam utroque modo satis sepius ædium suarum defendebatur: ut si quid præcerea fecerit, intelligatur non tuendi sui causâ fecisse, quod necesse non erat, sed ulciscendi. Quod si cum domi esset, adversarii irruptionem in ædes faciebant, aut scalis admotis murum pervadere conabantur: iure facit, si ad adversarios deturbandos & propellendos omnibus armis utitur, quibus deturbari cominus, & propelli possunt. Similiter si quis nudus in agro adversarium, aut parem viribus aut superiorem vidit ad se venientem cum minis, primum se verbis tueri debet, denuntians adversario, ne accedat, se non passurum, ut accedat. Si his verbis nihil proficit, licet adversarium submovere omnibus missilibus, quibus homines a nobis arceri possunt. Id lapide fieri posse indicatur in dicta *L. scientiam, §. qui cum aliter, D. ad leg. Aquil.* Quare & aliis telis potest, potest & ense, non ut illum impetat, sed ut eum venientem opponat.

Unde t intelligimus, id quoque falsum esse, quod in glossa positum est, ad moderationem inculpatæ tutelæ non posse nos armis uti, nisi armis Imperamur. Si sine armis adversarium invadentem prohibere

Mim 2

809

non possumus, ne ad nos perveniat, recte armis utimur, cum aliter nos tueri non possumus. Non obstat, quod dicitur, arma armis repellere licere. *L. 1. §. vim vi, L. 3. §. cum igitur, D. eod.* Non enim hoc ita dicitur, quia adversus inermem non liceat omnino nos armis defendere, si quid ad tutelam necesse sit, sed quia non semper licet. Non enim semper est necesse; ceterum adversus arma semper armis uti licet.

8 Ex ¶ his quæsitum est, si quis adversus vim, quæ inferitur, fuga sibi consulere potuit, & nihilominus restitit, an videatur moderationem inculpatæ tutelæ excessisse. Movet, quod aliter sibi consulere potuit, quam resistendo, ut sic non videatur ad superiorem definitionem perti-

nere. Sed non dubium est ex hac lege, quin iure faciat, qui non fugit. Perpicuum est enim hic permitti propulsare vim ad defendendam possessionem. Non defendit autem possessionem, qui deserti possessione fugit. Permittitur igitur possessione & loco suo consistere, & ibi vim propulsare. Nihil ad rem pertinet, quod potuit adversus vim se tueri aliter, quam resistendo, nempe fugiendo. Hoc enim vere dicitur, si de persona tantum tuenda agatur, cui fuga consulere possumus. Sed si de loco etiam tuendo agitur, hunc tueri, nisi in eo consistendo, non possumus. Nunc autem hac lege potestas fit & personæ nostræ, & loci, quem ture obtinemus, tuendi.

Ad L. Vi pulsos. 2.

Idem AA. & CC. Alexandro.

Vi pulsos restituendos esse interdicti exemplo, si nec sum utilis annus excessit, certissimi iuris est: & heredes teneri in tantum, quantum ad eos pervenit. S. AA. Coss.

Ad L. Auctoritatem. 3.

Idem AA. & CC. Ulpix & Proculinx.

Auctoritatem vobis rescriptis nostri tenende possessionis, quam vos per violentiam adeptam profitemini, accommodari nimis improbe postulatis S. VIII. Id. April. CC. Coss.

Ad L. Si de possessione. 4.

Idem AA. & CC. Hygino.

Si de possessione vi deictus es: cum & lege Iulia vis privata reum postulare, & ad instar interdicti Unde vi, convenire posses, quo reum causam omnem prestare oportet: in qua fructus etiam quos vetus possessor percipere potuit, non tantum quos prædo percepit, venire non ambigitur. S. VI. Id. April. Sirmii. CC. Coss.

Ad L. Invasor. 5.

Imp. Constantinus A. ad Tertullianum.

Invasor locorum poena teneatur legitima; si tamen vi loca eadem invasisse consiteris: nam si per errorem aut incuriam domini loca ab aliis possessa sunt, sine poena possessio restitui debet. Dat. VI. Kalend. Maii. Gallicano & Symmacho Coss.

S U M M A R I A.

1. Adversus vim illatam quæ remedia iure prædita.
2. Interdictum unde vi competere solum vi deictis, & deictis solum, qui ante vires possederit.
3. Interdictum unde vi solum intra annum atilium, non continuatur, quia annus utilis, quis continuatur.
4. Interdictum unde vi adversus quos.
5. Cuius rei gratia.
6. Prædones rebus peremptis non secus, atque evasantes interdictis unde vi teneri.
7. Dubitatum an idem sit, si res intra tempora iudicati perierit: & idem esse.
8. Condemnatum, qui ante sententiam moram fecit, etiam intra tempora iudicati moram facere perseverare.
9. Quod dicitur, nullam ibi moram fieri, ab præter exceptionem peti non potest, ad exceptionem dilatoriam iudicati non pertinere.
10. Condemnati in quadruplum, triplum, aut duplum, singulare ius esse, ut re principali intra tempus iudicati perempta, eius rei nomine liberentur.
11. Quid, si res eodem modo apud actorem peritura fuerit?
12. Interdictum unde vi penale esse, coque nec intra annum, neque in heredes dari.
13. Quomodo probari possunt rei, quæ ibi fuerant, unde quis deictus est.
14. Fractus in hoc interdictum venire, & qui.
15. Eam, qui deictus est, ex interdictis sine ulla exceptione resistendum.

ADVERSUS vim, quæ nobis facta est, qua de possessione deicti sumus, non vi agitur, ut supra, ad recuperandam possessionem, quam amisimus, sed idoneis iudiciis ad eam rem vindicandam constitutis: quod genus remedii alterum est, quod adversus vim propositum esse supra ad L. 1. diximus. Estque id remedium ordinariis iuris, quo de rebus ad nos pertineantibus licet tantum iudicio experiri. *L. negantes, sup. de obl. & act. L. 1. sup. de exec. rei indic.* De vi agitur & criminaliter, & civiliter. Criminaliter accusatione, & poenis constituta lege Julia rem de vi publica, idest, armata, quam de vi privata, idest, ea, quæ sit sine armis, ut iudicatur in L. 4. *hic*, de quibus legibus est cautum in §. *item lex Julia D. de vi publica, Inst. de publ. ind.* Item D. & C. ad L. *Int. de vi publ. & privat.* Civiliter, cum de re pecuniaria agitur, iudiciis in eam rem constitutis, partim ex edicto prætoris, partim ex constitutionibus. Ex edicto prætoris est interdictum unde vi, de quo est scriptio huius tituli. Interdictum propositur L. 1. *in pr. D. eod.* Nunc loco interdicti agitur actionibus civilibus, ut declaratur in L. 2. & d. l. 4. *hic*, qua de re diximus ad

L. pen. & ult. supr. de interd. Ex constitutionibus actio est conditio ex lege, ex L. *si quis in tantam, infr. hoc tit.* Natura interdicti unde vi, siue eius actionis, qua loco interdicti utimur, declaratur maxime his quatuor referiptis sequi quæ ob eam causam coniungi oportet. Huius interdicti natura quatuor his in locis spectatur, qui nobis in his referiptis observandi sunt: Cui detur, intra quod tempus, Adversus quos, Tum cuius rei gratia. Datur t ei, qui vi deictus est, L. 1. §. 1. *D. eod. L. 2. in prin. L. 4. in princ.* Hoc verbo, *deictus*, tacite continetur, non ad aliam pertinere hoc interdictum, quam qui ex eo loco pulsus est, quem prius possidebat vel naturaliter, id est, tanquam prædo; vel civiliter, idest, iuste. Horum enim uterque tenet rem animo dominantis. Is autem deique intelligitur, qui ita possidet, L. 1. §. *deicitur*, §. *interdictum autem, D. eod.* Proinde cum colonus, aut inquilinus non possideat, si vel ille de agro, vel hic deiciatur de ædibus, hoc interdictum non utuntur: non quod impunitum sit, si isti deiciantur; sed quia ex hac deiectione interdictum ipso dominis competit, non colonis, aut inquilinis, d. L. 1. §. *deicitur*, & L. *ult. D. eod.*

D. cod. Quippe domini per colonum, aut inquilinum possident, *§. possidere, Inst. de interd.* Ita sit, ut utris deiectis in ipsorum persona videantur domini deicti. Hoc eodem ex verbo intelligimus, non competere hoc interdictum, nisi ei, qui de rebus soli deiectus est: rebus autem mobilibus ereptis, huic interdicto locum non esse, *L. 1. §. 2. & seq. D. cod.* Non enim deicitur de loco, nisi qui in loco constitit. Non constitutus autem, nisi in re, quæ non movetur.

Non est satis, quem deiectum esse, ut sit interdicto locus: vi deiectum esse oportet. Sic enim verba sunt interdicti, unde *vi tu illum deiecisti, L. 1. in pr. & §. 2. D. cod.* Idem expresse in *L. 2. & 4. in pr. hic.* Hoc referri debet *L. invasor, infr. hoc tit.* ubi cavetur, ne invasor aliter teneatur poena legitima, quam si vi invaserit: quia scilicet olim non adversus alios poena legitima fuit constituta, sive intelligatur vindicta criminis, sive poena privata, quam persequamur interdicto unde *vi.* Hodie secus est in specie *L. ult. infr. hoc tit.* Sed id ius postea secutum est, quo *§. L. invasor*, & priora iura immutantur, ut illic dicemus.

⁹ Datur tamen interdictum intra annum, & eum utilem, *L. 1. in pr. & §. annus, D. cod. L. 2. hic.* Annus utilis opponitur continuo, *L. ult. supr. de dol.* Uterque annus dicitur, quia constat trecentis sexaginta quique diebus, ut est anni dimensio: *L. anniculus non statim, D. de verb. sign.* Hoc interest, quod continuus superioribus diebus constat continuus; utilis constat solum utilibus, intellige, ad agendum, id est, iis, quibus actor experiundi cum adversario potestatem habet, quod explicatur in *L. 1. D. de div. tem. pref.* Unde in edictis prætores hunc annum ita circumlocutione esse solebant: intra annum, quo primum experiendi potestas erit, ut patet ex his locis, *L. 1. in fin. D. ex quib. caus. mai. iuncta L. ult. supr. de temp. in integ. rest. & L. 4. D. vi bon. rap. L. 1. D. de iucen. rui. naut.* Sed intra annum tantum datur hoc interdictum de iis rebus, quæ ad invasorem non pervenerunt; de iis, quæ pervenerunt, actio perpetua, *L. 1. in pr. D. cod.* Hæc in actionibus prætoris definitio tradita in *L. in honorariis, D. de obl. & act.*

⁴ Datur tamen interdictum adversus eum, qui ipse, aut cuius familia deiecit, ut est interdicto expressum, & declaratur in *L. 1. §. ait prætor, D. cod.* Quis deiecitse intelligatur, explicatur in *d. L. 1. §. ait*

prætor, D. cod. Datur præterea & adversus heredes eius, qui vi deiecit, sed quatenus ad eos pervenit ut traditur in *L. 1. §. ult. & L. 2. ibidem.* Unde intelligimus, si quid ad heredes non pervenit, eos hoc interdicto non teneri: scilicet quia hoc interdictum poenale est, ut ex restitutione interdicti intelligitur. Ita pertinet ad eam regulam iuris, quæ efficitur, ex maleficiis poenales actiones in heredes non dari, *§. 1. Inst. de per. & tem. act.* Sed si quid ad eos pervenit ex maleficio, tenentur. Placuit enim semper iniusta lucra heredibus extorqueri, *L. 1. §. ult. L. 1. & 3. in princ. D. cod. L. in heredem, D. de calum.*

Datur tamen interdictum huius rei gratia, ut si quid amissum est, deiecto restitatur, *L. 1. §. non solum, D. cod.* Quod his verbis expressum est in *L. 4. hoc tit.* ut dicatur ei, qui deiectus est, *causam omnem præstari oportere*: id enim verbo *causæ* significatur, ut declaratur, *d. L. non solum.* Hac restitutione tria continentur. Primum res ipsa, a qua deiecti somus, ut restitatur, *§. recuperande, Inst. de inter.* Secundo loco omnia, quæ ibi fuerunt, cum deiecebamur. *Ibi, id est, in toto eo fundo, & totis aedibus, unde deiecti sumus, L. 1. in princ. & §. ibi, D. cod.* Quid tamen ergo, si ita, quæ ibi fuerunt, postea perierint? Placet enim, qui deiecit, teneri nihilominus earum rerum nomine, *L. 1. §. restitisse, D. cod.* hac ratione; quod ut sur, sic prædo ex ipso tempore debet moram facere, atque adeo pluitquam frustrator debitor esse intelligitur. *L. pen. D. cod. L. in re, §. 1. L. ult. D. de con. fur.* Est autem certi iuris constitutio, moram perpetuare obligationem, & quod idem est, si res debita post moram perierit, debitoris detrimentum esse, ut non aliter teneatur perpetuo, quam si res existeret, *L. si servum, 91. §. sequitur, L. si ex legati, 23. L. nemo, 82. §. 1. D. de verb. obl. L. quod te, D. si cert. petas.* Quid tamen si, postquam is qui deiecit, condemnatus est, res perierit intra tempora iudicati actionis, an ne sic quidem reus liberabitur? Nascentur hinc dubitatio. Quia enim perpetuo moram facit invasor, ideo consequens est superioribus eum perpetuo teneri: idque ita scriptum in *d. L. ult. D. unde vi.* Rursum videtur tradi in *L. si cum exceptione, §. quid si homo, & seq. D. quod met. caus.* reum in hac specie liberari. Quem tractatum, quia ad moræ periculum pertinet, licebit iis, quæ de mora alibi scriptimus, addicere. Sunt, qui putent, re intra tempora iudicati peremptum,

empra, quod sine dolo malo & culpa debitoris factum sit, debitorem liberari, etiam si hoc interdicto teneatur. Nam si hoc de eo dictum est, qui actione, *quod metus causa*, tenebatur, in *d. l. item si cum, §. quid si homo, D. quod met. caus.* par est idem & in hoc interdicto admitti, cum utrumque iudicium ex vi & maleficio nascatur. Sed quid hic argumentis est opus, cum ibidem in extremo ista iudicia in hac specie comparentur? Nec earet hac sententia defensione. Constat enim, si res perierit, cum debitor in mora non esset, eum liberari, *L. si ex legati, D. de verbor. obl. l. quod se, D. si cert. pet.* Nunc autem tempore iudicatis ad solvendum constituto, intra id tempus debitor moram facere non videtur. Nam sic est alia regula iuris: non videri io mora esse eum a quo propter exceptionem peti non potest. *L. lesa, ver. pen. D. si cert. pet. l. nulla, D. de regul. iur.* Ego autem puo verissime dici, eum, qui ante rem iudicatam tenebatur re perempta; multo magis condemnatum teneri oportere, quanvis res intra tempora iudicati perierit. Non enim utique qui ante sententiam tenebatur, liberatur condemnatione, sed magis teneri incipit: siquidem pro una actione duæ sunt. Nam & vetus manet & nova nascitur iudicati. Denique iuxta regulam iuris, non solet deterior fieri conditio eorum, qui litem contestati sunt, quam si non esset; sed melior. *L. non solet, l. nemo enim, seq. D. de regul. iur.* Nec ad rem pertinet, quod iudicatum tempus legitimum ad solvendum datum est. Nam hac intercepta debitori dilationem dare, non etiam lucrum adferre debet, ut est sententia Papiniani in *L. 3. i. ref. D. de usur.* Atteret autem lucrum, si eum, qui prius tenebatur, liberaret re perempta. Neque t moveri debemus, quod re ante moram perempta, debitor liberetur. Nam & hoc in hac specie admittendum est. Sed intelligendum est eum, qui ante rem iudicatam moram faciebat, condemnatum multo magis facere, quanvis intra tempora iudicati. Quisquis enim moram facere cepit, is facere non desinit, nisi purgata mora. Non purgat autem, nisi qui rem debitam offert. *L. si servum, §. sequitur, l. interdictum, §. ult. D. de verbor. obl.* neque offert, qui ideo dilatione utitur, ne offerat. Quare condemnatus moram facere, ut prius, non desinit. Sic fit, ut iuxta eandem regulam, re perempta, nihilominus teneatur.

9 Nam t quod dicitur eum moram non facere, a quo propter exceptionem peti

non potest, ad ceteras omnes exceptiones pertinet; ad exceptionem iudicati dilationis non pertinet: non enim hæc ideo reo datur, quod in præsentia non debeat, sed quod cum debeat statim, tamen hoc spatium humanitatis causa illi indulgetur, ut est in *L. si cum militi, §. ult. D. de com. beneficia humanitatis causa in alterius iniuriam concedi non solent. L. nec avus, infr. de emancipat. lib.* Ex quo est illud superius Papiniani, legitimum iudicati faciendi tempus reo dilationem dare, non lucrum adferre consuevit. Multo minus adversatur huic sententiae exemplum actionis, *Quod metus causa*, in qua diximus eondemnatum re intra tempore iudicati perempta ab eius præstatione relaxari. *d. l. item si cum, §. quid si homo, D. quod met. cau.*

10 Nam t singulari ratione in eo iudicio receptum est, ut Ulpianus dissece illuc ostendit. Id fieri nominatim ait, non quod res perierit intra tempora iudicati, sed quod propter scelus debitor tripli poena satisfacere cogatur, qua poena creditoribunde satisfactum est. Loquitur enim Ulpianus de eo, qui rem metu extortam restituere iussus, cum arbitrio non pareret, io quadruplum condemnatus est, ut est vis & potestas illius iudicii. Qua ex ratione perspicuum est recte colligi, quibus io iudiciis præter rem, quæ actori abest, non condemnatur reus in triplum, aut duplum, eum re debita perempta non liberari, ne res sua creditori pereat, cui aliunde non satisficit.

Quæritur t amplius hoc loco: quid enim 11 si res, quæ perit, eodem modo apud actorem peritura fuerit, an nihilominus reus invalor eo nomine tenebitur? Quæstio ex eo, quod duobus locis scriptum est, non quod apud actorem eodem modo res peritura esset, debitorem liberari, si sine dolo & culpa eius perierit. *L. item si cum, §. quid si homo, in fi. D. quod met. cau. l. si plures, §. ult. D. de positi.* Contra aliis locis, & si res natura perierit, veluti morte, quæ vitari non potuit, nihilominus debitorem teneri, si res post moram perierit. *L. item si verberatum, §. ult. D. de rei vind. l. cum res, §. ult. D. de L. 1.* De quo cum scripserim iam olim in commentario de mora, & pluribus ad *L. si ex legati, D. de verbor. obl.* ne actum agam, inde peti iubebo.

Illuc t redeo, eum, qui vi aliam de 12 fundo, aut alio loco deiecit, teneri eorum omnium rerum nomine, quæ ibi fuerunt, tam quæ ad eum non pervenerunt, quam quæ pervenerunt, & non exstant. Iade

Inde apparet, hoc quoque interdictum poenam continere. *arg. in L. 1. §. si plures, D. de eo per quem fact. erit.* Quam ob causam hoc interdictum neque perpetuo, neque in heredes dari, supra suis locis diximus.

- 13 Sed † cum dicamus omnia restituenda esse, quæ ibi fuerunt, unde quis deiectus est: exstitit hoc loco illa difficultas, quomodo probari possit, quæ res ibi fuerint. Non enim videtur facile posse: ubi quis scilicet repente deiectus est, neque ad cognitionem earum rerum testes adhiberi potuerunt, ut res videatur propemodum eo redire, quasi reus de iis rebus nec teneatur. Sed adversus hanc difficultatem remedium comparatum est, de quo in *L. si quando inf. hoc tit.* Tertium † continetur superiore restitutione, positum in iis rebus, quæ non fuerunt tunc, cum quis deiectus est; hi sunt fructus, de quibus in *L. 4. hic.* Percepti primum, etiam si inhoneste percepti sint. *L. ancillarum, in fin. D. de pet. her.* Deinde & qui percipi potuerunt, dummodo honeste. *L. fructus, D. de rei vin. L. generaliter, D.*
- 14

de usufr. In quo si queritur, utrum spectari oporteat, a quo fructus percipi potuit, eumne, qui deiecerit, an eum, qui deiectus est: certa regula utimur, spectari debere actorem, seu eum fructum, qui percipi ab actore potuerit, ut est in *L. 4. hic. L. si novis, §. ult. D. de rei vind.*

Atque hæc vis & potestas est interdicti *unde vi.* Sed † an, qui hoc interdicto tenetur, nulla exceptione & defensione tueri se potest, quo minus ea restituat, quæ supra diximus? Et placet nulla uti posse. *§. recuperanda, Inst. de interd.* Id esse interpretor, quod dicitur in *L. mementaria, inf. hoc tit.* interdictum *unde vi* mox audiri debere, ut illic pluribus exponemus. Quod si verum est, apparet eum, qui vi alium de possessione deiecit, sibi possessionem iure defendere non posse: cum sit adversus eum interdictum, quo rem sine exceptione restituere cogatur. Quod est æquissimum, tum ut vis prohibeatur, tum ut is, qui malo more deiectus, primo quoque tempore in integrum restituatur. *L. 1. §. 1. D. eod. hinc pendet. L. 3. hoc loco.*

Ad L. Memineris. 6.

Impp. Grat. Valentinian. & Theod. AAA. Potito P. V.

Meminerint cuncti, sive vulgato rescripto mansuetudinis nostræ sive sententia cuiuslibet iudicis utantur in causis, conveniendos dominos locorum esse: aut si forte defuerint, eorum actores ad insinuandas sententias, procuratoresque esse querendos, ne inde iniuriarum nascatur occasio, unde iura nascuntur. Quod si præcepta nostra implere neglexerint, omni negotio, de quo iurare cœperant, privabuntur.

§. Sin autem habito plerumque colluctio, curatores vel tutores minorum his rem debitam ea occasione pervadant, ut pupillis vel adultis iurgandi copia & fructus adimatur: his eatenus subvenimus, ut eosdem non atterat damno culpa temeritatis alienæ: Sed illico quidem possessio ei, a quo est ablata, reddatur: Curatores autem, vel tutores æterna deportatione punitos, bonorum quoque publicatio persequatur. Dat. IX. April. Antonino & Syagrio Coss.

S U M M A R I A.

1. Sententia huius legis.
2. Hæc lex quid adiciat decreto D. Marci, quod exstat in L. extat, D. quod met. cau.
Vulgato rescripto Principis, & sententia iudicis uti, quid sit in principio huius legis: & quid vulgatum rescriptum. ibidem.

3. Inde iniuriarum occasionem nasci non debere, unde iura nascuntur, quam sententiam habeat, & quid in hac lege ad rem pertinet hæc ratio.
4. Colluctio, collusio quid, & quam in tutoribus ac curatoribus de rebus ad minores pertinentibus coercenda.

Qui rem alienam sine vi, sua auctoritate tamen invaserunt, adversus eos duæ sunt hoc titulo constitutiones.

Una adversus eos, qui rem alienam non sibi debitam, possessoribus vacuum occuparunt: ea est *L. ult. inf.*

Alte-

Altera † adversus eos, qui rem alienam sibi debitam & a dominis possedam, ignorantibus dominis occupant: ea est hoc loco, cuius hæc est sententia. Qui rem sibi debitam sine vi, sua tamen auctoritate, non conventis & consentientibus iis, ad quos ea res pertinet, occupavit: is ius crediti amittit, etiam si in ea causa aut rescripto principis utatur, aut alicuius iudicis sententia. Si tutores, aut curatores minorum rem minoribus debitam eodem modo occupant, collusionem cum adversariis interpositam, ut eo facto minores iure suo exciderent: id factum minoribus non nocet, tantumque hi hæcenus tenebuntur, ut quod inde ad eos pervenerit, restituant. Tutores autem & curatores ita coercentur, non ut ius crediti amittant, quod nullum habuerunt, sed ut propter improbam collusionem in necem minorum instructam deportentur, & simul eorum bona publicentur. Agi hac constitutione de re, quam quis sibi debitam occupavit, intelligimus ex posteriore parte constitutionis, ubi poena constituitur adversus tutores & curatores, qui rem minoribus debitam invaserunt. Nam initium ab extremo non distinguitur rebus occupatis, sed personis occupantibus. Initio enim agitur de iis, qui sibi occupant. In extremo de iis, qui occupant nomine minorum. Pertinere constitutionem ad eos, qui rem occupant sine vi, non conventis iis, ad quos ea res pertinet, illa verba declarant, *conveniendos dominos locorum esse*, & quæ sequuntur. Hanc autem poenam constituit, ut qui ita rem occupavit, ius crediti amittat, illa verba satis aperte significant, quibus cavetur, *ut qui præceptum huius legis implere neglexerint, omni negotio, de quo iurare ceperant, priventur*. Hæc enim verba plane idem expriment.

Ergo † initio huius constitutionis confirmatur vetus illud decretum D. Marci, quo ius supra a nobis comprehensum constitutum est, existatque in *L. exstat, D. quod met. cau.* Neque ideo hæc constitutio otiosa est. Nam duo eadem hac constitutione adiciuntur: unum confirmandi illius decreti causa, alterum augendi. Primum hoc adicitur, eum qui, uti supra scriptum est, rem sibi debitam occupaverit, ius crediti amittere; etiam si in ea causa ad repetitionem & persecutionem rei suæ utatur vulgato rescripto principis, atque adeo alicuius iudicis sententia. Sensus est, nihil prodesse ei, si principem de iure suo consuluerit, & rescriptum retulerit, quo princeps respondebat, eum rem sibi debitam recepturum. Quod rescriptum hic vulgatum appellatur, quia

Tom. IX.

vulgatum & usitatum erat litigatoribus principem de iure suo consulere: ac consentientibus reddebatur huiusmodi rescripta: qualia sunt ea, quibus hic totus Codex est repleti. Adde nihil ei prodesse, si cum adversario egerit, & adversarius sit condemnatus de re debita præstantia, restituendave. Quorum tamen utrumque contra exilimari poterat. Nam is cerio iure uti videtur, qui auctoritate principis utitur, cum principis sit ius constituitur. *L. 1. D. de const. princ.* Et autem, qui iam adversarium suum condemnavit, nihil videtur deesse ad iuris sui certitudinem, atque adeo persecutionem. Utrumque hac constitutione removetur, & merito: quia princeps rescripto suo de iure respondet: relinquitur facti quæstio, cuius disceptatio & executio per iudicem transigitur. Et cum princeps rescribit, *rem tibi debitam recipies*, hoc sic accipitur, *recipies eo modo, quo oportet, sive consueto iure recipies*. Est autem usitata ratio iuris nostri tuendi, ut iudicio agatur, vis abis, *d. L. exstat, D. quod met. cau. L. negantes, sup. de ob. & all.* Et quod ad sententiam attinet, etiam post sententiam deest executio rei iudicatæ, quæ non privatis, sed iudici permittitur; ad quam obtinendam nihil amplius tribuitur litigatori, qui sententiam obtrulit, quam actio iudicati. *L. miles in fin. D. de re ind.* Hæc est illa actio, per quam in hac constitutione dominorum conveniri domini rerum, aut dominorum actores, procuratoresve. Cæterum qui litigator contempnit iudicati actione sua auctoritate aut rem, de qua agitur, occupat, aut pignora capit, aut capta diltrahit, is perinde tenetur, quasi nullam sententiam obtinisset. *d. L. miles, §. qui iudicati, D. de re ind.*

Cuius † ratio hæc reddita est hac constitutione, quod non debeat iniuriarum occasio inde nasci, unde ira nascuntur. Porro ex responsione principis, omnique sententia iudicis iura nascuntur. Sunt enim ista comparata, ut ins, quod est de re quaque, declararetur, & constitueretur, ut secundum ea ius nostrum nobis obtinere liceat. Non debet igitur ex his nasci iniuria. Est autem genus iniuriæ, id est, eius, quod contra ius fiat, vim adhibere, & sibi in sua re ius dicere, *d. L. exstat, D. quod met. caus.* Proinde hoc genus vis & iniuriæ ex superioribus rebus nasci non debet. Hoc igitur primum est, quod hac constitutione adiectum erat ad confirmationem eius decreti, de quo supra diximus.

Etiam alterum adiectum est, quod est, in poena adversus tutores & curatores constituta, qui rem minoribus debitam collu-

N n n

dio

dio habito, ut lex loquitur, occuparunt.

Collodium ꝛ collusio est. Colludere is dicitur, qui simulat se adversarium aliquo facto se oppugnare, ut sibi vel aliis consulat; reversa autem consilio inito cum adversariis id agit, ut eos oppugnet quibus consulere velle videbatur, adversariis autem maxime consulat. *L. si perusurrio, D. de appell. L. si suspecta, in pr. D. de inoff. test.* Ut in hoc facto tutorem accidit, qui res minoribus debitas invadentes, simulat se aliquid adversariis velle eripere, quod ad minores transferant, reversa autem id agunt, ut hoc delicto minores rebus suis cadant, & sic ad veteres possessores transferantur, lisque confirmetur. Hoc genus est delicti, quod hac constitutione coercetur. Est enim in eo singulare improbitatis genus. Primum, quod tutores, vel curatores minores fidei & tutelae suae commissos nefarie produnt. Deinde ad id factum adhibent collusio-

nem cum adversariis, scilicet cum maxime fraudulent, id agentes, ut boni viri videantur. Quo genere inultitiae nullam esse detestabiliorem praeclare a Cicerone scriptum est *lib. 1. Off.* Ex quo intelligere licet, tutores, aut curatores si in re minorum invadenda nullam talem collusionem adhibuerunt, poena huius constitutionis non teneri. Et recte: neque enim sola occupatio rei debita, ut minoribus consulatur, facta deporatione & publicatione bonorum digna est. Argumentum est, quod ceteri, qui rem sibi debitam occupant, illa poena non tenentur: multo minus igitur tenebuntur tutores, qui officio aliquatenus functi sunt, dum volunt minoribus consulere. In hac tamen specie puto eos licet suam facere, & quo modo tenerentur minores, si ipsi occupassent, eodem modo tutores & curatores, quasi sibi occupassent, teneri debere, *L. non est ignotum, D. de adm. tut.*

Ad L. Si quis in tantam. 7.

*Impp. Valentin. Theod. & Arcad. AAA. ad Messianum
Com. rerum privatarum.*

Si quis in tantam furoris pervenerit audaciam, ut possessionem rerum apud fiscum, vel apud homines quoslibet constitutarum ante adventum iudicialis arbitrii violenter invaserit, dominus quidem constitutus possessionem, quam abstulit, restituat possessori, & dominium eiusdem rei admitat. Si vero alienarum rerum possessionem invaserit: non solum eam possidenibus reddat, verum etiam estimationem earundem rerum restituere compellatur. Dat. XVII. Kalend. Iun. Treveris Timasio & Promoto Coss.

S U M M A R I A.

1. *Eam, qui violenter invadit possessionem rerum apud alios constitutarum ante eorum iudicialis arbitrii hac lege coerceri: Invadere quid.*
2. *Violenter quid.*
3. *Possessori qui.*
4. *Res omnes corporales hac lege contineri, etiam mobiles, incorporeales non item.*
5. *Arbitrium iudiciale hic accipiendum iussu iudicis, quo fit potestas ubilibet rem manu militari occupandi.*
6. *Qui rem suam vi invaserit, eam ex hac lege dominum non amittere ipso iure, sed solum sententia iudicis, a quo id peti oportet, ut iubeat in alteram transferri.*
7. *Dominium rei occupata hac lege amissum adlici an fisco, sed privato, cui rei erepta est, aut qui vi decessit est.*
Item penae omnes pecuniariae, quae nominatim lege non applicantur fisco, ibidem.
8. *Qui rem alienam vi invaserit, praefer dominum actionis, etiam cum estimationem subire, non possessionis abiata, sed ipsius corporis rei.*
9. *Ad dominium, aut estimationem rei petendam, itemque ad possessionem abiata recuperandam, esse ex hac constitutione conditionem ex lege, atque anisi petitum alteram consumi.*
10. *Hac lege non teneri, qui dolo carent: patrem filio, patronum liberte: magistratum iure officii rem occupantem; privatum, qui furem fugientem persecutus ei rem suam auferit.*
11. *Etiam suminus trahi hac lege.*
12. *Iuris errorum adversus hanc legem nullis prodesset.*
13. *Teneri hac lege etiam eos, quibus rerum suarum alienatio interdita est.*
14. *Exceptos filiosfamilias, qui de bonis suis adventitius quam decesserint.*

ADVERSUS vim, quae illata est, praeter interdictum Unde vi, etiam priva-

tam actionem esse, diximus ex hac constitutione. In qua expendendum est, quid coec-

coerceatur, & quæ sit delicti, de quo agitur, poena.

Delictum † eiusmodi est, Coerceatur, qui invasit. Invadere est rem ab illo non traditam auctoritate sua occupare. Itaque hoc verbo removevitur ti, qui possessionis controversiam tantum nobis faciunt, dum nos re nostra uti libere non sinunt: nihil enim isti occupant. Adversus hoc est interdictum *uti possidetis*, aut *utrubi*, §. *retinenda*, *Inst. de interd.* Removevitur & illi, qui vim adhibuerunt, sed vim, non qua ipsi rem occuparent, sed qua dominum, aut possessorem cogerent, ut sibi res traderetur. Tenentur hi actione quod metus causa, L. 1. §. *tot. tit. quod met. caus.* Vulgo appellant priorem vim turbativam, posteriorem compulsivam.

Addit constitutio, qui *invasit violentus*, † Is violentus, seu vi invadit, qui vetere possessore deiecit rem occupat. L. 1. §. *vi possidere D. unde vi*. Itaque qui ignorante domino aut possessore rem occupavit, hac constitutione non tenetur, sed pertinet ad L. *meminerint*, *sup.* aut ad L. *ult. inf. hoc. tit.* Quod sic accipendum est: nisi is, qui ab initio clam occupavit, reverteatur dominum, aut veterem possessorem non admittat. Nam hoc factum clam possidere desinit, & incipit vi possidere. L. *clam*, in fi. §. *L. seq. D. de acq. poss.* quod ad hanc constitutionem pertinet.

5 Ait, *Qui invasit possessionem*. † Is possessionem invadit, qui ipse non possidens rem quæ ab alio possidetur, occupat. Qui autem possidet, & rem, quæ corpore ab alio detinetur, occupat: is detentionem invadere dici potest, possessionem non potest: sed magis possessionem, quæ apud se fuit, retinere. Hiuc iudicari potest de eo, qui rem a se depositam, aut commodatam depositario, aut commodatario vi eripuit: item de eo locatore, qui aut inquilinum eiecit ex ædibus, aut colonum ex fundo, nempe hos omnes hac constitutione non teneri. Nam neque depositarius, neque commodatarius, neque colonus, aut inquilinus possident, sed dominus per eos, §. *possidere*, *Institut. de interd.* Hiuc quoque intelligi potest, quid iudicandum sit de proprietario, qui fructuarium expulsi ex fundo fructuario, & eum frui non patitur. Apparet hunc quoque proprietarium hac constitutione non teneri. Nam fructuarius non possidet, non magis quam superiores. Proprietarius est, qui possidet, §. *idem placet*, *Inst. per quas pers. nob. acquir. L. sciendum*. §. *cum vero D. qui satisf. cog.* Non ob-

Tam. IX.

stat, quod fructuario interdictum *unde vi* competit, si proprietarius eum frui non patiatur, L. 3. §. *unde vi*, *D. eod.* Hoc enim non ideo fit, quia fructuarius deiectus sit de possessione, quam prius habuerit: sed quia adversarius non patiatur eum uti frui. Ex ideo in d. §. *unde vi* dicitur interdictum *unde vi* necessarium fuisse fructuario, idest, necesse fuisse ei speciatim proponere hoc interdictum: quod non fuisset necesse, si fructuarius possideret, & dici posset de fundo deiectus, quia verbis interdicti satis deiectioni consulitur. Nihil etiam ad rem pertinet, quod fructuarius dicitur naturaliter possidere, L. *naturaliter*, *D. de acq. poss.* Nam hoc *naturaliter* valet corporaliter: quod significat eum proprie possidere; se tenere tantum. In re autem dubia a verbis legis recedi non oportet, L. 1. §. *licet*, *vers. in re*, *D. de exher. adl.* & præsertim cum de poena agitur. Nam poenæ legum interpretatione molliendæ potius sunt, quam exasperandæ, L. *interpretations*, *D. de pen.* Huc pertinet, quod dicitur, odia non esse interpretatione adjuvanda, L. *cum quidam*, *D. de lib. §. post.* unde regula iuris Pontificii, in c. *odia*, *extr. de reg. iur.*

Ait constitutio, *rerum apud alios constitutarum*. Rerum † dixit generaliter, non distinguens, mobiles essent, an immobiles. Ex quo intellectum est, hac constitutione teneri omnes, qui rem quamlibet invaserunt, etiam mobilem: quod possumus etiam in §. *pen. Inst. de vi bon. rap.* Hinc quaesitum est, an hac constitutione teneatur, qui possessionem iuris alieni, occupavit, puta servitutis. Ut si dominus, qui iter debet per fundum suum, prohibeat vi adversarium eo itinere uti: aut si propriarius, qui usumfructum debet, fructuarium a fundo eliciat, eumque uti frui prohibeat. Ex perspicuum est hunc non teneri: non quod non teneretur; si illarum rerum possessionem invadere posset: sed quod earum rerum nulla est possessio, quam invadat. De usufructuario iam supra dixi: De eo, qui prohibetur itinere sibi constituto uti, palam est huius iuris possessionem non invadi, quia res incorporales non possidentur, nisi abutivæ, L. *servus*, §. *incorporales*, *D. de acq. rer. dom.* Deinde dominus, qui usum huius prohibet, nihil possidere intelligitur, eoque nullius rei possessionem sibi invadere. Is enim invadit possessionem, qui occupatam sibi tenet. Postremo etiam invaderet possessionem itineris, non tamen invadit possessionem rei apud alium constitutæ. Qui enim iter per

N o n n

fun-

fundum debet, si nihilominus fundum apud se constitutum habet.

Addit constitutio: *ante adventum iudicis arbitrii*. Hic † arbitrium iudicis accipere debemus, non quamvis sententiam iudicis de re controversa, non quemvis eius iussum: sed arbitrium & iussum de re, de qua in hac constitutione agitur, idest, arbitrium, quo iudex pro potestate iudicis potestatem facit rei, de qua controversia est, vi occupanda. Pro potestate autem iudicis facere intelligitur, cum in rei vindicatione possessor rem restituere iussus, iudici non parat. Nam si reus rem possideat, licet iudici manu militari rem transferre, *L. qui restituere, D. de rei vind.* Hinc colligimus, si quis ante arbitrium & sententiam iudicis de re controversa restituenda, rem sua auctoritate occupet, citra controversiam hac constitutione teneri. Idem esse, probandum est, etiam si quis obtinuerit sententiam & arbitrium iudicis, quos adversarius iubetur rem restituere. Nam hæc sententia actori non excusat, si sua auctoritate rem, de qua agitur, occupavit, ut dixi *ad L. meminert, supra*. Sed etsi magistratus iusserit rem alienam occupari, si id fecit causa non cognita, denique non pro officio & iure magistratus: hæc sententia & arbitrium neque magistratui parocinatur, neque invadenti, qui in iusto arbitrio utitur, arg. *L. 3. D. quod met. caus. L. nec magistratibus, D. de iniur.* Idque consentaneum est verbis huius constitutionis, quæ arbitrium exigit, sed iudiciale, idest, conveniens iudici. Summa est hæc: qui rem, quæ ab alio possideatur, vel vi eripit mobilem, vel immobilem occupat, veteri possessore deiecto, si id auctoritate legitima magistratus non facit, hac constitutione tenetur.

Habemus delictum, quod coercetur, & enim, qui coercetur. Poena constitutionis hæc est. Primum qui rem invasit, sine exceptione rem restituere cogitur: quod est cum interdicto *nude vi* commune. Deinde, quod est proprium huius constitutionis, si dominus fuit: iubetur dominum amittere. Quo loco duo quæritur.

6 Primum, † an qui invasit, dominum iure suo amittat, an per iudicem duntaxat, iudice de eo sententiam ferente. Verius est, idque vulgo placet, solum per iudicem, non ea ratione, quæ illis redditur, quia constitutio ita scripta sit ut dicat, *amittat*, iu futurum: non autem amittit, ut amittit, (quod certe eius sententia non idoneum argumentum est: cum ideo con-

stitutioni necesse fuerit uti verbo futuri temporis, quia constitutio in admissum futurum concipiebatur, ut de eo etiam necesse fuerit poenam futuram constituere) sed potius hoc argumento, quod constitutio eodem loco iubet eum, qui rem invasit, simul & rem restituere, & dominum rei amittere. Hæc enim cum una oratione in unam personam coniuncta sit: quod iu altero membro intelligitur, necesse est etiam in altero intelligi. arg. in *L. 4. §. 1. D. de vulg. & pup. subst.* At cum iubemur rem restituere, intelligimus per iudicem, vis namque prohibetur. *L. exstat, D. quod met. caus.* Ergo & cum eodem contextu iubemur dominum amittere, hic quoque per iudicem intelligere debemus. Quo admissio, consequens est, nisi a iudice petium sit, ut qui rem invasit, dominum transferat, iudicem de eo statuere nihil posse. *L. ult. supra, de fideicom. lib.* proinde etiam dominum apud invasorem manere.

Illud notandum, invasorem dominum sic amittere, si dominum ad eum, cui res ablata est, transire possit. Quod si iudæo mancipium Christianum ereptum sit, ideo qui invasit, dominum non amitteret Christiani mancipii, quia ad iudæum transferri non potest. *L. 1. supra, ne iud. Chris. mancip.* Sed pro domino reus, qui eripit mancipium, ætimationem præstabit ex constitutione, quæ alicuius præstare iubet.

Quod tamen apparet ita recte dici, siquidem dominum ad eum redire debet, cui res erepta est. Hinc quæritur † secundo loco, id dominum cui adici debeat, utrum fisco, an privato, cui erepta res est, aut qui deiectus est? Dicendum est, privato: ad quod confirmandum recte adhibetur *L. ult. D. de litig. L. pen. supra, de leg.* Et generaliter definitum, cum adversus delictum poena pecuniaria infligitur, neque nominatim applicatur fisco, toties poenam privato tribui in solatium iniuriæ & damni, quod passus est, *d. L. ult. D. de litig.* Quod satis probatur argumento earum poenarum, quæ constituuntur adversus raptores, fures, & qui vim intulerunt, quæ omnes certo iure iis, qui vim & furtum passi sunt, præstentur.

Quod si is, † qui rem invasit, dominus non sit: iubetur ætimationem ipsius rei possessori præstare, vel ut fuit verba constitutionis, ætimationem ipsarum rerum. Quæ verba diligenter expendenda sunt, ut intelligamus, non sic præstari ætimationem possessionis, quæ possessori ablata est,

est: ut scilicet æstimetur, quanti intersit eius ipsum possedisse; sed æstimationem ipsum corporis, etiam si is, a quo res occupata est, nullo modo dominus fuerit, sed prædo. Hoc contra fit in interdicto *uti possidetis*, adversus eum qui alienam possessionem turbavit, *L. pen. in fin. D. uti poss.* item in actione *quod metus causa*, adversus eum qui vim fecit, ut sibi possessio fundi traderetur, *L. si mulier, §. qui possessionem, D. quod met. caus.* Sed hoc ius novum est, quod ut in maiore delicto poenam graviores constituit. Poenam supra scriptam actione consequimur.

- 9 Et ¶ cum hic nova obligatio constituitur, neque cautum sit, qua actione experiamur: constat ex lege agendum, seu in eam rem conditionem esse ex lege, *L. unica, de condit. ex leg.* Hæc possessori, cui possessio ablata est, datur his verbis, *restituatur possessori*. Datur & recuperandæ possessionis nomine, & poenæ, quam diximus, persequendæ: proinde duarum rerum diversarum causa. Ex quo intelligitur, unius rei conditione alterius conditionem non consumi, *L. si pro fure, §. 1. D. de cond. fur.* Itaque qui prius de possessione egit solum, non prohibebitur postea petere, ut domoium in se transferatur, aut sibi æstimatio rei præstetur. Quinetiam si is, cui possessio ablata est, ultro possessionem receperit sine indice: non prohibebitur tamen poenam postea persequi: quia qui delicto suo in poenam postea incidit, is ut poenitentia sua non mutat delictum, sic nec teneri definit, *L. qui ea mente, D. de furt.*

Esti autem constitutio hæc generaliter scripta sit adversus omnem, qui vi possessionem invalu: sunt tamen quatuor ordines eorum, quos putamus hac lege non teneri.

- 10 Primum ¶ non tenentur omnes qui intellectu & dolo carent, quo in numero sunt furiosus, *L. Divus, D. de off. præf.* item infans, & qui infantie proximus est, *§. in summa, Inst. de obl. qua ex del. nasc.* Secundo loco non tenentur parva filio, patronus liberto. Nam hi certo iure non tenentur libens, aut libertis ulla actione, quæ iniuriæ, aut doll, aut vis habeat mentionem, propter honorem natura his debitum, *L. parens, §. 2. seqq. D. de obseq. par. & pat. præf.* Nec ad rem pertinet, quod hæc constitutio neminem excipit: hæc enim regula nobis tenenda est in omni interpretatione legum; quoties una aliqua lex de toto genere in universum scripta est, & alia lege species aliqua ex eo genere excipitur, semper ge-

neri per speciem derogari, *L. in tota iure, D. de reg. iur.* idest, speciem generali constitutione non contineri. Hæc constitutio est de omnibus invadentibus: species iuvatorum sunt, pater, patronus. Proinde si quid de his proprii iuris constitutum est, ad generalem constitutionem non pertinet. Ne illud quidem ad rem pertinet, quod hæc constitutio generalis posterior est illo iure de parentibus & patronis constituto. Nam & hoc in iure est, posteriores leges ad priores referri, si contrariæ non sint, *L. sed & posteriores, D. de legib.* Proinde priores sic accipi debere, quasi posteriores de prioribus cogitarent, easque confirmassent, aut quali priores postea essent fecerant. Tertio loco ad hanc constitutionem non pertinent magistratus, qui iure officii, quo funguntur, possessionem a reo occupant, & io actionem transferunt. Hoc enim iure fit; & quod sit iure, poenam non meretur, *L. 3. D. quod met. caus. L. nec magistratibus, D. de iniur. L. Gracchus, infr. ad L. lul. de adul.* Eadem in causa privatos haberi oportet, qui auctoritate iudicis possessionem occupant: quod ipsum verbum huius constitutionis effici videtur. Postremo recte vulgo putant, non teneri poena huius legis eum, qui furem fugientem persecutus, ei rem suam abstulit. Argumento *L. ait prætor, §. si debitorum, D. qua in fraud. cred.* Quod & ipsum ex sententia huius legis satis colligitur, cum adventum arbitrii iudicis expectari iubet. Hinc enim intelligitur, constitutionem ad eas causas non pertinere, in quibus permittitur sine indice se defendere. Licet autem toties, quoties post vulnus acceptum non licet remedium adhibere *L. 1. supr. quan. lic. sine ind. se def.*

His exceptis, sic statuimus de omnibus, de quibus hoc loco quæsitum est: quicunque rem vi invaserint, quæ ab alio possidetur, omnes in hanc constitutionem incidere sine exceptione sexus, ætatis, conditionis, beneficii a lege tribunt. De quibusdam tamen dubitatum est. Primum ¶ de scæminis, quoniam constitutio ita scripta est, *si quis*, non *si qua*. Sed res hæc decisa est iure certo *L. hoc verbum, si quis, 1. L. præsumptio, in pr. D. de verb. sign.* nempe in omnibus legibus hoc verbum, *si quis*, tam scæminas, quam masculos continere: quod vel maxime admitendum est io hac lege ex legis sententia. Nam hic est constitutio in ordinem sexus virilis, sed ad delictum coercendum lata. Hoc delictum maius in scæmina invadente, quam in masculo; quia illa invadens

vadens, præterquam quod delinquit, quod sit illi cum aliis invaloribus commune, etiam facit contra modestiam & pudicitiam sexui congruentem. Magis igitur ex sententia legislatoris delictum in ea coerendum.

12. Deinde dubitatum est ꝑ de iis personis, quibus permittitur in iure errare, in quo genere sunt minores, foeminae, milites item rustici. *L. regula, D. de iur. & facti. ignor. L. 1. D. si quis in ius voc. non ier.* Nam hoc iureposito, licere supra scriptis personis hoc ius & cætera ignorare, effici videtur, eas, si quid adversus hanc constitutionem commiserint, non teneri: Sed sciendum est, nullorum delictis iuris errorem patrocinari, si quid in faciendo deliquerint, non negligendo, quod indicatur in dicta *L. regula, in pr. de iur. & facti. ignor.*

13. Postremo ꝑ dubitatum est de iis, quibus prohibitum est, res suas alienare, quo in numero sunt minores 25. annis, *L. 1. D. de reb. cor. L. lex, qua. supr. de adm. tut.* item prodigus, cui bonis interdictum est, *d. L. 1. de cur. fur. L. is cui bonis, D. de verb. ob.* item filiusfamilias in bonis adventitiis, *L. ult. §. filius, supr. de bon. qua. lib.* Ac de his dubitandi causa ex eo, quod hac constitutione, qui rem invasit, dominium suae rei amittit, & alienat, aut etiam aestimationem rei de suo præstat, quod isti superioribus legibus facere prohibentur. Sed recte sentiunt, qui existimant, istos omnes hac constitutione teneri, si rem invaserunt. Neque impedimur iis legibus, quæ istis personis alienationem rerum interdiciunt Interdicitur enim alienatio voluntaria, non etiam necessaria, *L. 1. D. de fun. dos. L. alienationes, D. fam. ere.* Ea autem, de qua hic agitur, necessaria

est. Primo enim liberum fuit non invadere. Postquam invaseris, hæc necessitas lege imponitur, ut alienes; sed & illud iure imponitur, ut delictum coerceatur. Non incommode etiam in istis personis respondeatur hoc modo: Plane superioribus legibus prohiberi istas personas, ne alienent. Nunc autem ex hac constitutione eas non alienare, sed legem; pro qua sententia facit, quod dicitur in *L. 1. D. de auct. tut.* in iis, quæ sunt, spectari debere, quod principaliter fit, non quod per consequentiam. Principaliter hic delinquitur: per consequentiam fit, ut res alienetur. Itaque & de prodigo hoc ius probandum est, qui minoribus curatorem habentibus comparatur. *L. si curatorem, supr. de in integ. rest. min.* Obiiciet tamen fortasse aliquis, quod est de prodigo in *L. hi, qui. §. 1. D. de tut. & cur. dat.* prodigum furioso comparari in bonorum alienatione. Sed hoc dictum est de prodigo, cum voleas alienat, non cum invitus facit. Et sane in proposito, cum prodigus rem invadit, non hoc animo est, ut rem alienet, sed ut sibi acquirat.

Recte ꝑ tamen iudicare mihi videtur 14 Bartolus, qui putat, ad hanc regulam non pertinere filiosfamilias, qui possessorem de bonis suis adventitiis deiecerunt, aut rem alicui eripuerunt: denique eos bonorum suorum adventitorum dominium non ideo amittere, hac ratione, quia quod interdicitur illis, ne alienent adventitia, non magis ipsorum, causa constituitur, quam parentum, ad quos filius mortuis peculium adventitium pleno iure redit. Neque vero delictum filii ipsius nocere, & rem eis in aliquem casum destinatum illis auferre debet, in quam sententiam ille recte uti videtur arg. *L. sed si alias, D. de bon. dam. L. Statius, §. ult. D. de iur. fise.*



Ad L. Momentarie. 8.

Impp. Arcad. & Honor. AA. Pasiphilo.

Momentarie possessionis interdictum, quod non semper ad vim publicam pertinet vel privatam, mox audiri, interdum etiam sine inscriptione meretur, Datum VI. Idib. Iul. Mediolani, Olybrio & Probrino Coss.

S U M M A R I A.

1. Momentariam possessionem recte dici omnem, quæ obtinetur ex quovis interdicto: & cur ita dicta.
2. Momentarie possessionis interdictum in hac lege non aliud dici, quam interdictum unde vi.
3. Interdictum unde vi cur per excellentiam dictum interdictum momentarie possessionis.
4. Mox restituendum, qui deictus est, id est statim, & sine exceptione.
5. Aliud interdictum fuisse olim de vi publica, quæ sit hominibus coactis & armatis: aliud de

- vi privata & quotidiana, quæ sit sine armis, differentiatione hac lege maxime sublata.
6. Interdictum unde vi non semper ad vim publicam pertinet, vel privatam, quam his significationem habeat.
7. In interdicto unde vi vim obicientem in crimen se inscribere ad penam talientis non cogi.
8. Deictio interditi esse etiam ei, qui prius adversarium deiecit, neque hic locuti habere, quod dicitur, paria delicta minus compensationem tolli.

Momentarie possessionis interdictum, quod hic appellatur, sunt, quæ interpretentur omne interdictum, non tantum recuperandæ possessionis, Unde vi; sed etiam adipiscendæ & retinendæ, ut sit sententia: Omne interdictum, siue sit adipiscendæ, siue recuperandæ, siue retinendæ possessionis, mox transigi debere.

Et certe † in omnibus interdictis de possessione momentaria agi videtur, quia omni interdicto ea possessio obtinetur, quæ apud victorem momento manet: nempe eo usque donec iudicio petitorio de proprietate agatur, quo uti non prohibetur is, qui de possessione victus est, *L. un. sup. si de mom. poss. fuer. appell.*

Sed † multa sunt, quæ hanc interpretationem repudiant. Primum rescripti verba. Dicitur enim hic *interdictum*, non *interdicta*, ut species una certa noveretur. Additur, *momentarie possessionis*, quo significatur, esse quædam interdicta non momentarie possessionis, ut si quis diceret, interdictum recuperandæ possessionis, aut actionem rei persequendæ causæ: intelligeremus ideo dici, quia esset aliquod interdictum non recuperandæ possessionis, actio aliqua non rei persequendæ causa. Denique si hic omnia interdicta intelligebantur, ita scribi oportuit: *Interdictum omne, quod non semper ad vim pertinet, mox audiri meretur*. Iam vero in ea constitutione unde hoc fragmentum sumptum est, quæ exstat in Codice Theodosiano, *Libr. 2. tit. 1. lib. 8.* interdictum momentarie possessionis intelligitur tantum

interdictum Unde vi. Consolebantur enim Imperatores a Pasiphilo, cuius erat iurisdic-tio de causis criminalibus, an de causis privatis & pecuniariis cognoscere interpellatus posset & deberet, si in his aliqua species criminis versaretur; & ob id quaerebatur, an momentarie etiam possessionis interdictum proponi apud eum posset, ita ut mox audiri mereretur. Quæ questio interdictis adipiscendæ & retinendæ possessionis convenire non potest, in quibus crimen non versatur. Postremo huius ipsius loci sententia repugnat, quo minus de interdictis adipiscendæ & retinendæ possessionis interpreteremur. Nam quod dicitur, interdictum momentarie possessionis mereri audiri, interdum etiam *sine inscriptione*, nullo modo potest hic interdictis convenire, in quibus nullum crimen est. Proinde nulla accusatio: ob eamque causam nulla inscriptio in crimen: Ille enim constitueretur id, de quo dubitari non potest, *L. Domitius, D. qui test. fac. poss.* Absurde etiam constitueretur interdum, illa audiri debere sine inscriptione, quasi aliquando cum inscriptione audiri deberet: quod falsum est. Ubi enim nulla accusatio est, illic inscriptionem locum habere non posse constat. *L. ult. infr. de accus.*

Ex his apparet momentarie possessionis interdictum hic intelligendum esse interdictum Unde vi, in quo crimen vis versatur.

Sed † cur hoc præcipue dictum momentarie possessionis, cum & ex cæteris quæcunque possessio est, ea sit momentaria,

ut qua constituta, nihilominus integra proprietatis causa fervetur, ut est in *L. unica, sup. si de mom. poss. fuer. app.* Eo fit, quia in cæteris interdictis solum tunc proprie possessio est momentaria, cum ex his tam obtinetur: quæ autem adhuc in petitione est & persecutione interdicti, non item: in interdicto autem *Unde vi*, utroque tempore recte dicitur momentaria: & quo iam recepta est, quod est cum cæteris interdictis commune; & quo de ea adhuc controversia est ex interdicto, quia momento & summam res transigitur. Nam in cæteris interdictis reo competunt suæ exceptiones adversus interdictum: ut in interdicto *Uti possidetis*, hæc exceptio est adversus eum, qui agit: nisi ille a reo vi, clam, aut precario possideat, *L. r. §. ult. D. uti poss.* In interdicto, *Quod legatorum* est hæc exceptio: nisi legatarius satisfecerit, *L. r. §. pen. D. quod leg.* Idemque in aliis interdictis similibus licet observare. In interdicto autem *Unde vi*, qui deiectus est, sine exceptione restitui debet. Hinc vere & præcipue interdictum momentaria possessionis.

- 4 De hoc interdicto duo hic constituuntur. Primum hoc interdictum *† audiri* mox debere. *Mox* valere, concessum & sine mora. Id sic interpretatur, *sine ulla exceptione*, ut scilicet qui deiecit, statim restituere debeat eum, qui deiectus est in eum locum, unde deiecit, quanvis hic prius illum vi deiecesset, aut clam ab illo, vel precario possideret. Hæc sententia iuris posita est in *§. recuperanda, Inst. de interd.* Convenit etiam verbis huius loci. Proinde quin huic loco recte a nobis apretur, dubitari non potest. Sed hic quæret aliquis, si interdictum *Unde vi*, iam olim fuit momentaria possessionis, & id ita interpretatur, fuisse eius possessionis, de qua statim & sine exceptione cognosci potuerit, quid opus fuerit hæc constitutione. Et ex iure antiquo id facile intelligi poterit.

- 5 Sciendum *†* est olim aliam fuisse causam, si quis alium deiecesset vi publica, idest, hominibus coactis & armatis; aliam, si vi privata, idest, sine armis, quæ etiam vis quotidiana dicebatur, quia & inferretur a privatis, & moribus inferri solet, recte Cicerone in *Orat. pro Cæcio*. Si quis vim publicam fecisset, hinc nulla erat exceptio adversus interdictum, quin enim, quem deiecerat, eo unde deiecerat, restitueret sine ulla exceptione. Ei autem, qui vim privatam & sine armis fecisset, competeat hæc exceptio: nisi is qui deiectus est, a reo vi aut clam, aut preca-

rio possideret, ut Cicero in eadem oratione docet: quod & ab aliis eruditissimis vi-ri- bus annotatum est, ut Duareno *lib. r. Diss. c. 20.* Equin. Barone, *ad initium huius tit. D.* Hoc ius ita valuit temporibus Ciceronis, ut pervenerit etiam ad tempora Ulpiani & Pauli, quod hæc fragmenta probant, de vi publica, *L. sed si vi armata, D. de vi & vi ar.* de vi privata & sine armis, *L. §. qui a me, & L. cum fundum, illic, non enim ab ipso. D. eod.* Postea hoc ius immutatum est, & obtinuit, ut etiam qui sine armis alium deiecesset, eum, qui deiectus est, sine exceptione restitueret, quanvis ab adversario prius deiectus esset, aut adversarius prius clam ab ipso, aut precario possideret. Hoc ius primum constitutum videtur a Constantino in *L. si quis, infr. ad L. Iul. de vi publ.* ubi hæc verba sunt: *si quis vim possidenti intulerit, ut ei quem ceciderit expulsum, amisse possessionis iura reparentur, eademque protinus restituta de crimine guaratur.* Sed tamen restabat adhuc hæc dubitatio, an ea constitutio, generaliter scripta ad vim privatam pertineret. Hæc dubitatio hac constitutione sublata est, qua cavetur interdictum *Unde vi* mox audiri debere, non tantum si ad vim publicam pertineat, sed etiam si ad privatam.

Id enim *†* significat illa verba: *interdictum, quod non semper ad vim publicam pertinet, vel privatam.* Est enim hic sensus: interdictum quod non semper ad vim armatam pertinet, aut semper ad privatam; sed interdum ad publicam, interdum ad privatam, mox audiri meretur: ut scilicet sine ulla exceptione ad utrumque vim pertineat, sive de hac, sive de alia agatur. Ex quo iam dubitari non oportet, quin quod in *§. recuperanda, Inst. de interd.* generaliter secundum verba scriptum est, eum, qui deiectus est, sine exceptione restitui debere eo, unde deiectus est: id etiam re & sententia generaliter accipi debeat ex hoc loco de vi utraque. Altera *†* adiciit hac constitutione: hoc idem interdictum etiam sine inscriptione *interdum* audiri debere. Interdum, dicunt Imperatores, quia si is, qui interdicto agit de re pecuniaria & sua, idem criminaliter agat de vi: eum ex forma usitata iuris fe in crimen inscribere oportet: de quo iure est in *L. ult. infr. de accus. L. libellorum, L. si quis crimen, D. de accus.* Quod si qui interdicto expetitur, idem criminaliter non agat de vi: quantumvis interdicto vim obiciat adversario, tamen se in id crimen inscribere ad poenam rationis

lionis subeundam non cogitur, quoniam civiliter agitur, non criminaliter, ut patet ex superscriptis.

8 Illud moneandi sumus, † quod supra dictum est, si a te sim deiectus, deinde ego te deiciam ex Intervallo, me tibi teneri interdicto *Unde vi* sine ulla exceptione, quanvis a me vi possideas: id non eo pertinere, ut tu mihi vim impune feceris. Nam & mihi interdictum *Unde vi* adversus te competit, quo possessionem mihi restituere cogeris. Unde quaesitum est, videatur ne id contrarium ei sententiae iuris, qua placet paria delicta mutua compensatione tolli: ut qui illa invicem ad-

miserunt, neuter adversus alterum eo nomine actionem habeat. *L. si duo, D. de dol. L. vero, D. sol. mat.* Respondeo, nihil hanc sententiam adversari, nec ad hoc iudicium, de quo agimus, pertinere. Tunc enim verum est paria delicta mutua compensatione tolli, cum licet utriusque ea delicta obicere, ut sic in iudicio audiantur. At interdictum *Unde vi*, tantum quaeritur de vi eius, qui deiecit, non autem de vi eius, qui deiectus est, quoniam illi vim obicere ad defensionem non licet: quo fit, ut mutua vis accusatio in hoc iudicium iudicare non possit.

Ad L. Si quando. 9.

Imp. Zeno A. Sebastiano Praefecto praetorio.

Si quando vis in iudicio fueris patefacta, deinde super rebus abreptis vel invasis, vel damno dato tempore impetus quaestio proponatur: si non potueris, qui vim sustinuis, quae perdidit, singula comprobare: taxatione a iudice facta pro personarum, atque negotii qualitate, sacramento estimationem rerum, quas perdidit, manifestet: nec liceat ei ultra taxationem a iudice factam iurare: & quod huiusmodi iurando dato fuerit declaratum, iudicem condemnare oportet. Datum Idib. Decemb. Constantinopol. post consulat. Basil. II. & Armatii V. C.

S U M M A R I A.

1. Deiecto iuranti, quas res & cuius estimationis habuerit in eo loco, unde deiectus est, fidem habere legi haberi, & huius iuris aequitas.

2. Taxare iurifurandi quantitatem iudici licere, idque faciendum pro personarum & negotii qualitate, & horum utrumque quid sit.

QUI dicit sibi res in eo loco fuisse, unde deiectus est, & sibi eas periisse, secundum regulas iuris probare debet, ac nisi probet, reus absolvendus est *L. 2. D. de prob. L. qui accusare, supr. de eden.* Porro idonea & legitima probatio ad id docendum est in testibus: non est idonea, si is, qui dicit, iuret ita esse adversario non deferente *L. 3. in pr. D. de iurjur.* Veruntamen hoc genus probationis necessitas duabus in causis admittit. Una est, cum actor probavit rem sibi debitam fuisse, eaque culpa debitoris periri. Nam tunc rei eius aestimatio, quam ab actore iam facile probari non potest, eius iurando committitur, ne debitoris mora & culpa ei fraudi sit *L. in actionibus, §. plane, D. de in lit. iur.*

1 Altera causa est, † cum quis vim fecit in aedes, aut fundum alienum, & dicuntur in eo loco res mobiles fuisse, quae perierint, de quibus is, qui deiectus est, dicat se probare non posse, quae & cuius aestimatio fuerit. De hac specie est

Tom. IX.

haec constitutio: qua cavetur, ut actori de quantitate & estimatione earum rerum iuranti fides habeatur. Quod aequissime constitutum est. Quod enim generaliter traditur, utrumque in sua causa iudicem, aut testem fieri debere, idque initium esse, *L. us. sup. ne quis in sua cau. iud. L. Iulian. ait, D. de ind. L. nullus, D. de testib.* ita verum est, nisi culpa & vitio adversarii necesse sit rem actoris iurando committi. Quod in hac specie accidit: necesse est enim id ita fieri, si volumus actorem lus suam consequi, quod adversus vim quovis modo constituit aequissimum est. Primum, quia ipsa per se maleficia impunita esse non debeant, *L. ita vulneratus, D. ad L. Aguil.* Deinde, quia ita statui tunc sit aequius, cum periculum est, ne quis impune vim, aut damnum patiarur, *L. si longius, §. 1. D. de ind.* Ergo, ut supra proposui, in his causis hoc iurandum ad probationem necessitas induxit, sine qua iniquissimum est culquam in re sua, quovis iurato, si-

O o o

dem

dem haberi. Adicitur hac lege, quod actor de aestimatione rerum iuraverit, id iudicem sequi oportere.

Sed quoniam fieri potest, ut in immentum inret, adicitur eadem lege recte facturum iudicem, si cum audierit, quid actor dicat de illis rebus, quas sibi perisisse dicat, priusquam iurandum illi deferat, taceat iurandi quantitatē, seu modum statuatur quem iurando non liceat excedere, ne in infinitum iuretur, quod ludici sequi postea necesse esset. Hæc eadem de necessitate sequendi iurandi

risurandi, & de taxatione initio adhibenda, ex iure vetere sunt, tradunturque explicatius in *L. videamus, §. iurare, §. §. seg. D. de su. lit. iur.* quorum de utroque ad eum locum scripsimus. Adicitur his, *iudicem aestimationem taxaturum pro personarum & negotii qualitate.* Quod sic interpretandum est: ut si pauper sit, & dicat, sibi fuisse auream & pretiosam ibi fuisse; vel si locus angustus sit, & dicat, plura ibi fuisse, quam iocus videbatur posse capere, non audiat.

Ad L. Non abs re. 10.

Imp. Zeno A. Sebastiano Præfesto prætorio.

Non abs re est, quemadmodum possessionis alienæ invasores, tam vetui, quam præsens sacra constitutio censuit esse puniendos: ita nec conducto-ribus, & possessionis alienæ detentoribus impune procedere, si locatoribus forte vel possessionem rerum suarum, quam apud alios precario modo esse concesserant, recuperare secundum leges volentibus, cum nulla sibi metis cognita legibus allegatio competeter, duxerint resistendum: & non protinus, id est, non expectato iudiciorum ordine, alienam possessionem recte tam recuperantibus cedere patientur. Eos namque iubemus pro tanta suæ iniquitatis impudentia, si cognitionis iudiciarie eventu fuerint condemnati: rei, cuius possessionem sponse restitueret usque ad definitivam sententiam minime passi sunt, aestimationem vi-ctrici pari una cum ipsa re præbere compelli. Datum V. Kal. April. Constant. Theodorico & Venantio Coss.

S U M M A R I A.

1. Sententia huius legis.
2. Generalem hanc constitutionem esse pertinentem non ad conductores tantum, & precario possidentes, sed ad depositarios, commodatarios, & omnes alienæ possessionis detentores.
3. Constitutio hæc solum utilis in rebus soli.
4. Rei acceptæ recusandæ interdum iustas causas esse, ex his recusantem reddere poena huius legis non teneri.

L. si quis conditionis. C. de loc. & con. expressa ibid.

5. Eam, qui rem iudicato demergatam ante sententiam resistit, ad hanc legem non pertinere.
6. Eam, qui rei suas repetens ab iniustis detentoribus, recte potero una cum re etiam rei aestimationem, & iudicem ita condemnare non posse, & debere, est aestimatio debetur sub conditione, si reus rem ante sententiam non resistuerit.

QUI rem ab alio acceptam eius nomine possident, quales sunt conductores, & qui rem precario acceperunt, hi quamvis reposcenti rem non reddant, ac propterea invito eo, a quo acceperant, detineant; non tamen dici possunt rem invasisse, quam ab initio volente domino acceperunt, & quem postea aditu ædium, aut fundi locati non prohibuerant, eo etiam in poenam *L. si quis in tantam*, non incidunt. Placuit tamen hac constitutione eos eadem poena afficiendos esse, si modo hac concurrant; ut & sine iusta causa recusent rem resti-

tuere lis, a quibus acceperunt, & præterea indicio conventi in ea recusatone perseverent usque ad sententiam definitivam, id est, eo usque, donec sententia iudicis de re restituenda condemnentur. Hanc autem improbe recusatōis poenam ferunt, ut una cum re etiam aestimationem rei reddere compellantur. Quæ plane poena est adversus invasores rei alienæ constituta in *d. L. si quis in tantam*. Unde facile intelligitur, veterem constitutionem, quæ in principio huius legis nominatur & confirmatur, esse illam ipsam *L. si quis in tantam*.

Obfer-

2. ¹Observandum est, hanc poenam constitui nominatim adversus conductores, & eos, qui precario acceperunt, ut & in *L. conductores, sup. de loc. & cond.* Quid si erit is, qui rem commodatam, aut depositam acceperit, quam eadem improbitate recolet reddere? dicemus & hunc hac constitutione teneri, & omnes omnino, qui sunt in possessione alienae rei; quam a possessore acceperunt. Est enim conductores & qui precario acceperunt, specialiter nominentur, tamen exempli causa id fit. Nam alioqui generalis constitutio est in illis verbis, quae sunt in principio, *ita nec conductoribus, & possessionis alienae detentoribus.* Sed ideo & de depositario & de commodatario nihil his constitutionibus exprimitur, quia si quis rem mobilem sibi commodatam, aut apud se depositam repositam etiam extra iudicium non reddit, eius rei furtum facit, *L. si furtum, D. deposit. L. 3. sup. deposit. §. placuit, Instit. de obl. qua ex del.* Et ita statim in duplicem poenam incidit, ut merito neque litis contestatio, neque alia sententia sit expectanda ad hanc poenam persequendam, neque minor poena desideranda, ubi maior superest.

3. Quamobrem haec constitutio solum utilis est in rebus soli: quarum contractatione furtum non committitur §. *quod autem, Instit. de usue.* Idcirco praecipue de conductoribus rerum soli, & de his, qui precario eas detinent, hic exempla posita sunt.

Poenae constitutionis habet duas has conditiones. Una est, si quis repositum reddere rem recuset sine iusta causa. Quod additum est: quia iusta & probabiles causa esse possunt recusandi, *L. colonos, in fin. D. eod. L. si quis rem, in fin. D. de reg. poss.* Cuius generis est, si is qui conduxit, aut precario accepit, dicat se eius rei dominum esse. Nam neque precarium, neque conductio rei nostrae constituit: ut proinde qui dominus est, neque precario, neque ex locato teneatur, *L. neque pignus, D. de reg. iur. L. qui rem, D. dep. L. qui rem, sup. de loc. & cond.* Non obstat, quod in *L. si quis conductiois, sup. de loc. & con.* dicitur: si quis conductiois titulo non acceperit, eum prius debere possessionem restituere, & tunc de proprietate litigare. Hoc enim ita interpretandum est: si de possessione agatur, quod fit ex interdicto, aut actione ex causa interdicti. §. *resistenda, §. possidere, Instit. de interd.* Tunc enim prius de possessione his dicenda est, deinde quarrendum de proprietate.

Tom. IX.

re. Diversum est, si ex locato agatur ad rem conductam recipiendam. Nam hac actione dominus non tenetur certo iure, *d. L. qui rem, D. dep.* Tales sunt causa conductiois, si nondum finito tempore conductiois res repetatur, dum illi mercedem solverint, *L. 3. sup. de loc. & cond.* Item, si quas illi impensas utiles in rem conductam fecerint: quo nomine non tantum retentione uti possunt, sed & ultro actionem ex conducto habent, *L. dominus, §. 1. L. penult. in prin. D. loc.* Altera si conditio adiciatur, si supra scripta persona in ea recusatone usque ad sententiam perseveraverint. Unde intelligimus, si poenitentia acta rem ante sententiam restituerint, eos, poenam huius legis non teneri. haque hic poenam non iniuriarum & contumeliarum alienae constitutionis esse, sed improbitatis & contumaciae reclamationi.

Quod si poena scriptum est *in fine legis*, conductores scilicet superscriptos una cum re etiam rei aestimationem praestare compelli, puro hanc sententiam habere ex perpetuo iudiciorum more, ut compelli debeant sententia iudicis, qui & ad rei aestimationem, & ad rei restitutionem condemnabit.

Quo loco quaeritur est, anrum eodem iudicio & eadem sententia iudicis id fieri possit, an vero condemnato conductore ad rei restitutionem, novo iudicio & nova petitione sit opus ad rei aestimationem consequendam? Quin novo iudicio aestimatio peti possit, si forte priore iudicio reus in rem condemnatus non sit, dubitare non debemus. Nam cum sit hac constitutione nova obligatio de aestimatione constituta, intelligimus etiam petitionem, nempe conditionem ex lege de ea esse constitutam, *L. unie. D. de con. en leg.* Quocirca & ea separatim uti possumus: cumque sint duarum rerum petitiones, una rei, altera aestimationis: nunquam una alteram consumit, *L. si pro fure, §. 1. de cond. fur.* Sed hoc dubitatur, quod dixi, apud quem de rei restitutione agitur, possint is eadem sententia rerum & de restituenda re condemnare, & praeterea in eius rei aestimationem. Verba huius constitutionis significant, iudicem eadem sententia id facere posse. Non enim potest conductor compelli rei aestimationem praestare una cum re, nisi eodem tempore atque eadem sententia, eodemque iudicio id fiat. Sed rursus iuxta videtur id vetare, non enim potest iudex conductorem condemnare in rei aestimationem, nisi id petiturum sit, *L. ut fundus, D. com. divid. L. ult. sup. de fidei. lib.*

O o o

bers.

bers. Iam vero hæc æstimatio ab initio in iudicium deducti non potest. Verat enim ius id peti, quod sub conditione debeat, ne iudicium sit in pendenti, *L. non quemadmodum, D. de iud.* At æstimatio rei, de qua hic agitur, debetur a conductore sub conditione: si is patiat, se de re restituenda condemnari. Quo effici videtur, eam æstimationem pendente hac conditione peti non posse. Quod si verum est: nec de ea æstimatione iudex sententiam ferre potest; quapropter & ad eam petendam novo iudicio erit opus. Nos de recepta sententia dicemus, iudicem qui de re restituenda cognoscit, eadem sententia conductorem, & ad eam rem restituendam, & ad rei æstimationem condemnaturum, si actor ab initio id petierit. Quomodo autem id recte petat,

cum iure non prohiberi. Nam quod dicitur, nihil peti posse pendente conditione: ad eam conditionem, de qua hic agitur, non pertinet. Sciendum est enim, eas condiciones pro conditionibus non esse habendas, quæ ex iure tacite infunt, etiam si non exprimantur, *L. mutuo, §. 1. D. de tutel. L. heredis, L. cum sine, §. 1. D. quan. di. leg. cod.* Multo minus etiam pro conditionibus habentur, quas certum est esse existituras, *L. si pupillar, §. qui sub conditione, D. de novat.* Talis autem ea conditio est, sub qua rei æstimatio a conductore hic debetur, si de re restituenda condemnatus erit. Hæc enim conditio inest iure, etiam si non exprimitur, & præterea talis est, ut iudice sententiam ferente de re restituenda omnino existat.

Ad L. ult.

Imp. Iustinianus A. Ioanni Præfeto prætorio.

Cum quærebatur inter Illyricanam advocacionem, quid fieri oporteret propter eos, qui vacuum possessionem absentium sine iudiciali sententia destituerunt, quia veteres leges nec Unde vi, interdictum, nec quod vi, aut clam, vel aliam quandam actionem ad recipiendam talem possessionem definiebant, violentia in ablata possessionem minime præcedente, nisi domino tantummodo in rem actionem exercere permittentes: nos non concedentes aliquem alienas res, vel possessiones per suam auctoritatem usurpare, sancimus talem possessorem, ut prædonem intelligi, & generali iurisdictione ea teneri, quæ pro restituenda possessione contra huiusmodi personas veteribus declarata sunt legibus. Ridiculum enim est dicere, vel audire, quod per ignorantiam alienam rem aliquis quasi propriam occupaverit. Omnes autem scire debent, quod suum non est, hoc ad alios modis omnibus pertinere: cum talis depositum in furti actione iamdudum veteribus legibus definita est, dicentibus: si quis alienam rem adversus domini voluntatem attigerit, furti actione teneatur: his videlicet, quæ super recipienda possessione a nobis disposita sunt, locum habentibus, si non ex die, ex quo possessio detenta est, triginta annorum excefferint curricula. Dat. XIII. Kal. Nov. Constantinop. post Consul. Lampadii & Orestis VV. CC. anno secundo.

S U M M A R I A.

1. Sententia legis sigillatim verbis legis confirmata.
2. Vacua possessio occupata quæ hic intelligitur.
3. Rem suam, quæ a nullo tenebatur, qui sine vi occupavit, eum nullo iure teneri.
4. Idem esse, si quis bona fide putet suam.
5. Teneri iurisdictione declarata legibus, præ teneri eo iure, quod ex legibus dici solet.
6. Adversus eum, qui rei alienæ vacuum possessionem sciens occupavit, panam hic statui

eandem, quæ vetus fuit ex interdictis unde vi adversus prædones.

7. Possideri veteri ex hac lege actionem esse, non dominæ, nisi sit ita possessus.
8. Panam adversus eum, qui sine vi rem alienam inemptam occupasset, nullam fuisse veteribus legibus, idcirco hanc legem fuisse necessariam, quæ panam induceretur.

Sententia est: qui † possessionem quamvis vacuum rei alienæ occupavit, quam

intelligat ad se non pertinere, is tanquam prædo tenetur eo iure, quod veteribus legi-

legibus constitutum est de restituenda possessione adversus prædones, qui rem vi invaserunt. Dixi, *qui vacuum possessionem*, verba sunt in principio constitutionis.

- 3 Vacua ꝑ possessio proprie ea dicitur, quæ omnibus aliis iustis possessoribus & detentoribus vacua est, *L. 2. §. ult. D. de act. empt.* sed nihilominus recte dicemus, hac lege teneri eum, qui rem ab iis vacuum, qui corpore rem tenerent, sine vi occupavit; tamen si a domino absente possessio eius rei animo retineretur, quod fit, cum quis exempli gratia ad nundinas profectus est, nemine domi relicto. *L. clam, §. qui ad nundinas D. de acq. poss.* Nam si quis pœna & nomine prædonis dignus est, qui rem, quæ a nullo neque teneretur, neque possideretur, occupavit: multo magis eodem iure teneri debet, qui rem occupavit, quæ ab absente possidebatur, quamvis eam nemo corpore teneret.

- 3 Dixi ꝑ possessionem rei aliena: quam lex initio vocat *possessionem absentium*. Hanc se intelligere indicat potius in illis verbis: *non nos concedentes aliquem alienas res, vel possessiones*. Item illis: *ridiculum etenim est dicere, vel adire, quod perignorantium alienam rem aliquis quasi propriam occupaverit*. Quare si quis suam vel possessionem sine vi occupavit, cum res a nullo possideretur, is nullo iure tenetur. Merito: nulli enim quidquam detrahit, neque rem, neque possessionem.

- 4 Dixi, ꝑ quam intelligit ad se non pertinere. Verba sunt ex *versic. omnia antea*. Sane enim, qui iustam causam habet, cur putet rem suam esse, tam bona fide possidet, eoque pœna dignus non est. Pœna, quam dixi, expressa est in constitutione his verbis: *Sancimus valent possessorum, ut prædones intelligi, & generali ea iurisdictione teneri, quæ pro restituenda possessione contra huiusmodi personarum veteribus declarata sit legibus*.

- 5 Teneri ꝑ ea iurisdictione dixi, pro rebus in iure, quod constitutum veteribus legibus, ex his ipsis legibus dici solet. Queritur, quodnam sit id ius, quod veteribus legibus sit constitutum adversus prædones & invasores pro restituenda possessione. Palam est, non intelligi *L. si quis in tantum, sup. eod.* cuius pœna non est pro restituenda possessione, sed de dominio amittendo, aut rei æstimatione præstanda.

- 6 Restat igitur, ut interdictum *unde vi* intelligatur, quo is, qui deiecto vetere possessoris vacuum possessionem occupavit, tenetur; siquæ hac sententia, eum, de

quo agitur, teneri ex hac lege eodem modo, quo prædo, si cum eo ex interdicto *unde vi* ageretur: ut scilicet non solum rem restituat, quam invasit, sed etiam omnia quæ ibi fuerunt, cum occuparet, quamvis ad eam non pervenerint. Et præterea ut de iis, quæ non pervenerunt, teneatur intra annum duntaxat, non etiam perpetuo, ut est ius de eo interdicto constitutum. *L. 1. in pr. §. restituere, & seq. D. eo, L. 2. sup. eod.* Non obest, quod scribitur in extremo huius legis, ea, quæ de recipienda possessione hic constituta sunt a Iustiniano, locum habere intra triginta annos. Apparet enim hoc scriptum esse de possessione, quæ pervenit ad eum, qui rem alienam occupavit, quia non recipitur, nisi quæ pervenit. De eo actio est perpetua etiam ex iure veteri *L. 1. in pr. D. unde vi*. Sed hoc ita interpretatur Iustinianus ex posterioribus constitutionibus, dum actio non excedat triginta annos, ex *L. omnes, L. sicut, sup. de præsc. 30. vel 40. an.* Quod ad eas res non pertinet, quæ ad eum, qui non occupavit, non pervenerunt. Erit ergo de his ius vetus, ut is, de quo agitur, de istis rebus intra annum duntaxat teneatur. Nam qui vere prædo est, quique vi rem invasit, de his rebus, quæ ad eum non pervenerunt, non nisi intra annum tenetur. *L. 2. sup. hoc tit.* Multo minus qui vi non deiecit, sed tantum clam occupavit, tamen si pro prædone habeatur: de quo hæc lex lata est.

Erit ꝑ autem de his rebus actio, non ꝑ domino, sed veteri possessori, quoniam veteribus legibus possessores restituuntur. *L. 1. D. eod.* Itaque si vetus possessor dominus fuit, bene est: si non fuit, satis est, si pro domino rem tenuit: quod est possessoris. Denique cum is, qui rem invasit, pro prædone habeatur, sequitur, ut eo iure, quod est de prædonicis, condemnnetur. Quo iure sit, ut res veteri possessori sine alia exceptione restituatur. Quæritur ꝑ est, quid opus fuerit hac constitutione, cum tam multe leges fuerint veteres adversus eos, quibus res alienas invaserunt. Iustinianus initio constitutionis hoc diluit, dum si in hac specie pœnam constitutam volumus, negat res ad veteres leges pertinere. Et recte: nam qui rem sine vi occupavit, certum est eum neque interdicto *unde vi* teneri, neque *L. si quis in tantum sup. h. t.* Sed est clam occupaverit, non tenetur tamen interdicto *quod vi, aut clam*. Propositum est enim id interdictum non adversus eos, qui res alienas occupant, sed qui in rebus

bus alienis aliquid vi, aut clam fecerunt, *L. 1. D. quod vi, aut clam*. Proinde ad pœnam in hac specie constituendam nova constitutione fuit opus. Hic occurritur. At saltem iure vetere in hoc genere fuit rei vindicatio adversus omnem, qui quo quomodo rem alienam quamlibet occupasset. Cui bono igitur nova actio constituta? Hoc rursus diluit Iustinianus in extrema parte huius constitutionis, indicans ideo pœnam a se constitutam, quia vindicatio non sufficeret ad delictum coercendum. Delictum autem hic versari hoc ipso, quod quis rem alienam sciens invito domino, quanvis ignorante, contrectaret, prope non minus, quam si sciente eo aut vi contrectaret: argumento esse res mobiles, quibus invito domino contrectatis, non minus furtum facere intelligitur is, qui clam domino rem contrectat, quam qui invito domino rem eripuit. Idem igitur & in rebus immobilibus fuisse statuendum. Non potuit autem in his esse furti pœna: quoniam in res soli furtum non cadit, *S. quod autem, Inst. de usuc*. Ex quo vult intelligi hac constitutione opus fuisse. Ex his apparet vere scriptum esse

in *L. invasor, sup. de re*, quom quis sine vi occupasset, pœnam nullam esse. Hoc enim verum fuit, cum lex illa scribatur. Hic pœna constituta est, sed hoc secutum postea ad veteris illius iuris emendationem, ut hic liquet. Itaque quin sit lex contraria, dubitari non debet; ut appareat stulte facere eos, qui in his conciliandis laborant, quæ Iustinianus voluit esse contraria hac lege, ut priora emendarentur. Neque offendemur dicto Iustiniani, qui in hoc Codice, ut & in Digestis negat ullum contrarium esse, si quis rem subtiliter attendat. *L. 1. §. 1. L. 2. §. contrarium, sup. de vet. iur. enuch*. Hoc enim ab eo dictum est de iis constitutionibus, quæ nondum in Codice exstabant, non de quinquaginta eius decisionibus, quæ postea emendato Codici sunt insertæ, quas ad veteris iuris emendationem consilio compositas esse constat. *L. unica, sup. de emend. Cod. Justin.* Est autem hæc constitutio una ex illis decisionibus, ut ex præfatione apparet: item ex subscriptione illa, *Post consulum Lampadii & Orestis*.



A D T I T U L U M V.

C O D. S I P E R V I M, V E L A L I O M O D O

A B S E N T I S P E R T U R B A T A S I T P O S S E S S I O.

S U M M A R I U M.

1. *Argumentum & sententia tituli.*

Occupata aliena possessione, † consultur superiore titulo maxime praesentibus: hoc titulo absentibus, quorum possessio occupata sit, sive per vim, sive alio modo turbetur. Per vim turbatur absentis possessio tunc maxime, cum deicitur: ad hanc speciem pertinet L. 1. Turbatur & tunc, cum possidenti vis fit, quominus illi re sua libere uti liceat: quæ spe-

cies ad hunc titulum non pertinet, sed ad interdictum *uti possidesis*, quo de ea re agitur. L. 3. §. *hoc interdictum*, D. *uti poss.* Alio modo, quem per vim possessio turbatur, cum clam absentis sine vi res occupantur, quod fieri prohibetur in L. *ult. hic*, ut appareat eam constitutionem ad hanc partem referri.

Ad L. Indices 1.

Imp. Constantinus A. Severo.

Indices absentium, qui cuiuslibet rei possessione privati sunt, suscipiant in iure personas, & auctoritatis suæ formidabile ministerium obiciant: atque ita tueantur absentes, ut id solum diligenter inquirent, an eius qui quolibet modo, peregrinatur possessio ablata sit, quam propinquus vel parens vel proximus vel amicus vel colonus vel libertus seu servus quolibet titulo retinebat: nec eos qui deiectioni sunt, absentium nomine possidentes, quia minime ipsis decisio causæ mandata sit, ab experiunda re secludant: nec si servi sint, eorum reiciant in iure personas, quia huiusmodi conditionis hominibus causas perorare fas non sit. Sed post elapsa quoque spatia recuperandæ possessionis legibus præstituta, litigium eis inferentibus largiri convenit: ut eos momentariæ perinde possessioni sine ulla cunctatione restituant, ac si reversus dominus fuisset. Cui tamen domino quolibet tempore reverso, actionem possessionis recuperandæ indulgemus: quia fieri potest, ut restitutio propter servos infideles, vel negligentes propinquos, vel parentes, vel proximos, vel amicos, vel colonos, vel libertos interea differatur. Absentibus enim officere non debet tempus emensum, quod recuperandæ possessioni legibus præstitutum est: sed reformato statu, qui per iniuriam sublati sunt, omnia, quæ supererunt ad disceptationem litigii, immutata permaneant: iudicio servato iustis legitimisque absentibus personis: cum valde sufficiat possessionem tenentibus absentium nomine contra presentium violentiam subveniri. Datum X. Kalend. Novembr. Constantinop. Constantio VII. A. & Constante Cesare III. Coss.

S U M.

S U M M A R I A.

1. *Absentem delicti deiectionis iis, qui ipsius nemine erant in possessione.*
2. *Iis, qui absentis nomine tenuerant, deiectionis actionem absentis nomine dari hac constitutione, non alicui.*
3. *Prioribus absentis nomine actionem dari omnimodo, nulla habita ratione mandati, satisf-*

ditionisve, status personæ, aut temporis, intra quod agitur.

4. *Et dominis revertis quædam actionem dari.*
5. *Restituta absentis ex hac lege possessio, nihilominus visio sapere proprietatis quæstionem.*
6. *Deiectionis absentis nomine actionem dari: sed de possessione, non de rei proprietate.*

HAc lege consulitur absentibus qui sua possessione privati sunt, id est, qui deiectioni sunt.

1. Hic statim subicit quærere, quomodo absens possessione sua privari possit: neque enim potest, nisi deiectioni. *L. naturaliter, D. de usurp. & usuc.* Quomodo autem absens deiectioni potest, qui in eo loco non est, unde eum deiectioni dicimus? Et id fit hoc modo, si quis domi, aut in fundo reliquerit eos, qui absentis nomine rem tenerent, ut amicos, propinquos, servum, colonum, inquilinum, & similes, & hi deiectioni. Nam ut dominus per istos possidet, *L. ult. sup. de acq. poss. §. possidere, Inst. de interd.* sic his deiectioni, non ipsi, sed dominus per eos deiectioni intelligitur. *L. ult. D. unde vi.* Ad absentes hæc constitutio perinet, ut declarant illa verba: *Posseio ablata sit, quam propinquus, vel parens, & quæ sequuntur.* Sunt autem huius constitutionis quatuor capita.

1. Primo capite fit absenti deiectioni, ut supra diximus, consulitur: ut non tantum ei reverso detur actio recuperandæ possessionis causa, sed etiam eo absente, & ignorante detur iis, qui eius nomine tenentes deiectioni sunt, illis verbis, quæ sunt ver. 2. *nec eos, qui deiectioni sunt, absentium nomine possidentes.* Quo loco quæsitum est: An aliis, qui absentis nomine non tenuerunt, agere liceat absentis nomine ad recuperandam possessionem. Et non puto alius dari, quam qui absentis nomine tenuerunt. Primum illa verba, *nec eos, qui deiectioni sunt*, ad hos tantum pertinent: quæ ideo ad alias personas porrigi non debent. Est enim hic ius singulare constitutum contra rationem iuris. Proinde eiusmodi, quod ad consequentiam produci non debeat. *L. quod vero, & L. seq. D. de legib.* Deinde si aliis actionem dabitur, fiet contra sententiam huius constitutionis, quæ absentibus consulit, ut appareat ex illis verbis, quæ sunt in principio, *atque ita tueantur absentes.* Pessime autem absenti consulitur, si possessio eius alii permittitur, quam ei, cui dominus eius curam absens demanda-

vit. Non obstat, quod in principio constitutionis inbentur iudices absentium, qui cuiuslibet rei possessione privati sunt, tunc scire in iure personas indefinite. Nam quas personas intelligat constitutio, postea declarat.

Ut si aurem intelligeremus novum hic constitui, & antea inusitatum, sic iis, qui absentis nomine possidentes deiectioni sunt, datur actio recuperandæ detentionis causa: ut detur sine ulla exceptione, omnia quæstione an illis mandatum sit a domino, nec ne; an legitimam personam standi in iudicio habeant; an non habeant; & an intra tempora interdictio unde vi constituta, agant, an secus. Primum non nocet eis, si forte a domino mandatum non habeatur. Hoc singulare, & præter rationem iuris communis. Nemo enim alieno nomine sine mandato domini agere potest: exceptis quibusdam personis, de quibus in edicto de procuratoribus comprehensum est. *L. si pupillis, §. ult. L. si autem, in pr. D. de neg. gest. L. sed & hæc, D. de procur.* Quo loco quæsitum est, an ii, qui sine mandato domini absentis agunt, saltem satisfacere debeant, dominum, cum redierit, rem ratam habiturum. Vulgo placet satisfacere debere, quia quæ personæ ex edicto sine mandato experiri possunt; ab his saltem hoc exigitur, ut caveant dominum rem ratam habiturum. *L. Pomponius, in fi. D. de procur.* Ego puto satisfacere non debere, idque satis effici his verbis constitutionis: *Iudices ita tueantur absentes, ut id solum inquirent, an possessio absentis ablata sit.* Si solum hoc inquirendum est: uti non exigitur mandatum, sic nec satisfactio. Est etiam huius rei hoc argumentum; quod si satisfactionem exigemus, faciemus manifeste contra voluntatem constitutionis, cui propositum fuit, ut statim possessio in suum statum restitueretur, & ut esset, qui absentis nomine id posset omnimodo consequi. At si ab agentibus satisfactionem exigimus, aut nolent iudicium suscipere, quia se alieno nomine obligare nolent; aut non poterunt agere, quia non facile fideiussorem reperire poterunt,

terunt, qui idem spondeat, quod ipsi. Sed & omnes ad hanc actionem admittuntur, puta etiam servi. Hoc quoque singulare. Nam iure communi servi in iudicio consistere non possunt. *L. servus, sup. de ind.* Postremo quavis qui absentis nomine possidentes deiectioni sunt, intra annum non egerint ad possessionem recuperandam, & eas res, quæ ibi fuerint, cum deiectione: nihilominus inebentur admitti. Hoc quoque singulare, & præter naturam interdicti unde vi. *L. 2. sup. tit. prox.* Sed cur illis post annum agentibus negligentia sua non nocet, cum omnibus iuris error noceat, & multo magis contemptus *L. regula, & toto tit. D. de in. & fact. ig.* Hoc eo fit, quod de re deiectionum non agitur, sed de re absentium, quibus alienam negligentiam fraudi esse non oportet. Sed huic parti obicitur *L. ult. item. L. 1. §. deiectionis. D. unde vi*, quibus in locis declaratur, cum hi, qui alieno nomine rem tenent, ut coloni, deiectioni, ipsos deiectioni non videri, sed dominos, ac proinde dominis solis interdictum competere. Cur igitur hac constitutione his actio recuperandæ possessionis causâ datur, cum ipsi deiectioni non sint? Nempe quia non suo nomine agunt, sed absentium, qui vere sunt deiectioni. Unde in constitutione iubentur iudices tueri absentes. Ex de iis, qui deiectioni sunt, sic loquitur constitutio: *Nec eos, qui deiectioni sunt, absentium nomine possidentes: ut intelligamus, hic absentium causam agi, non eorum, qui deiectioni sunt corpore.*

4 Secundum ¶ caput huius constitutionis est in verbis. *Cui tamen domino.* Hoc capite etiam domino reverso actio datur, quavis post tempus interdicti constitutum redierit, quod & in iure vetere fuit. Nam annus, intra quem hoc interdictum competit, utilis est. *L. 1. §. annus, D. unde vi.* Est autem utilis, in quo non computantur ii dies, quibus absens agere non potuit. Sed ideo de eo in hac parte cau-

tum est, ne putarem eorum, qui possidentes deiectioni sunt, negligentiam dominis absentibus nocere: si forte ipsi de recuperanda possessione agere cœpissent, & deiectionem.

Tertium ¶ caput est in illis verbis, *sed reformato statu*, huc pertineos, ut siue dominus reversus, siue ii, qui absentis nomine possidebant, in possessionem restituti sint, omnia immutata maneant, quæ superant ad litigii disceptationem. Quibus verbis significatur, sic superiores personas recuperare possessionem, ut tamen causa proprietatis integra maneat adversario: quæ sententia expressa est in *L. unica, sup. si de nom. poss. su app.* Appellat Constantinus id, quod superest ad disceptationem litis, causam proprietatis, idcirco: quia causâ possessionis & proprietatis una lis est, nempe sola proprietatis lis, cuius appendix & accessio tantum est causâ possessionis. Non enim agitur de possessione, nisi propter proprietatis controversiam, ut sciat in causâ proprietatis, uter sit petitor, uter possessor. *L. exitus, D. de acq. poss. §. retinenda Inst. de interd.* Unde utriusque causæ dicitur esse una contentio in *L. nulli, sup. de ind.* Et iubetur utriusque causæ unus iudex esse, quasi unus litis iudex, *ibidem.* Postremum caput est in his verbis: *Iudicio servato iustis legitimisque absentibus personis.*

Quod ¶ & ipsum habet temperamentum superioris sententiæ initio positæ, quo cavet Constantinus, sic se iis, qui absentium nomine possidentes deiectioni sunt, permittere actionem: ut tamen tantum agere possint de possessione, quam tenebant; iudicium autem ipsum servetur iustis & legitimis personis. Iudicium appellat *inst. de iud.*, iudicium proprietatis, quia hoc iudicium præcipuum & principale iudicium est, ut nominatur in *d. L. nulli, sup. de ind.* Legitimas personas vocat eas, ad quas ea res iure & legibus pertinet, de qua re agitur.

Ad L. ult. Nec imperiale.

Imp. Arcad. & Honor. AA. Petronio Vicario Hispaniarum.

Nec imperiale responsum, quod supplicatio litigatoris obtinuit, nec interlocutio cognitoris ex quacunque parte innovare possessionis statum, eo qui rem tenet absente, permitti, quia negotiorum merita partium adsertione panduntur. Dat. XV. Kal. Ianna. Mediolani, Cesario & Attico Coss.

S U M M A R I A.

1. Nullus non convicti & damnati possessionem occupare licere praeterea cuiusvis rescripti, aut sententiae iudicis: & hoc quid sit.

2. Negotiorum merita partium adsertione pendendi, quam sententiam habeat.

3. Rescriptum, aut sententia iudicis, cur nihil propterea ad possessionem absentis occupandam.

V Etat hoc † rescriptum absentis non convicti & damnati possessionem occupare praetextu cuiusvis rescripti, aut cuiusvis interlocutionis iudicis, quibus quis ad occupandam possessionem utatur. Finge hoc modo: aliquem consultuisse Principem, narrasse se vi deiectum ab eo, qui nunc peregrinetur; petere, ut in possessionem restitueretur; Imperatorem rescriptisse, cum consultor deiectus sit, eam possessionem fundi recepturum: vel, cum quis idem exposuisset iudici, & petisset, ut restitueretur, iudicem pronuntiasse, & quod hic dicitur, interlocutum esse, ut petitor rediret in possessionem fundi sui, ut est species in *L. index, sup. comm. epistola*. Dicemur neutrum ex his prodesse debere ad invadendam & turbendam absentis possessionem.

Ratio † redditur in hoc rescripto, quia negotiorum merita partium adsertione panduntur. Cuius hic est sensus: ideo superiora nihil prodesse adversus absentem, quoniam illa ipsa hanc vim non habeant, ut adversus absentem sine iudicio indicta causa quidquam novi statuatur, quod ius fieri vetat. *L. negantes, sup. de obl. & act.* Ita semper causae cognitione opus esse, ut cognoscatur meritum negotii, id

est, an is qui petit, mereatur obtinere id quod petit, & quia iustum sit, & quia verum. Utrum enim iusta causa sit, & meritum id obtinendi, partium, id est, litigatorum adsertione & disceptatione intelligitur. Praesentem igitur oportet esse eam, adversus quem quid statuere volumus.

Ideo † autem placet, rescriptum Principis nihil prodesse ad occupandam possessionem absentis iudicis causa: quia quidquid Princeps rescribit fieri debere, id ita rescribit, si verum sit, quod exponitur, quia de causa & iudici adhuc cognoscendum reliquit. Et quavis Princeps sine causae cognitione aliquem absentem condemnaret: tamen rescripto dari non deberet, quia est contra ius. *L. pen. de proc. Imp. off. L. ult. & prope tot. tit. sup. si cons. ius vel util. publ.* Et quod ad interlocutionem iudicis attinet, certi iuris est, nullam interlocutionem iudicis causa non cognita interpositam rei iudicis vim habere. *L. ex stipulatione, sup. de sent. & interl. d. L. index, sup. comminat. epistol.* Sententia non est assimilis ei quam exposuimus in *L. meminere, sup. hoc tit.*

A D T I T U L U M V I.

C O D. U T I P O S S I D E T I S.

S U M M A R I U M.

1. *Interdicta retinendæ possessionis duo, Uti possidetis, de rebus soli, Utrubi, de rebus mobilibus. Appellatio unde; Vim utriusque*

olim diversam, nunc eandem: ut ex priora utrumque intelligatur.

UT sunt interdicta † ad possessionem obtinendam quam non habemus, si-ve eam nunc primum adipisci volumus, si-ve recuperare quam amisimus, quæ hæcenus proposita sunt: Ita sunt interdicta ad retinendam, quam habemus, ex quibus ordine id subicitur, quod appellatur, Uti possidetis. L. 1. §. *est igitur*, D. cod. Fuerunt autem retinendæ possessionis interdicta duo: *Uti possidetis*, & *Utrubi*: prius de rebus soli; posterius de rebus mobilibus. §. *retinenda*, Inst. de interdict. Nomina ex initis interdictorum data similiter, ut & in superioribus interdictis fieri diximus, quod ex interdictis patebit, quæ exstant in L. 1. D. *uti poss.* & L. *uni-*

ca, D. *utrubi*. Ratio ista interdicta distinguendi hæc fuit. Alia enim conditione proponebatur interdictum *uti possidetis* ei, qui rem soli possideret; alia interdictum *utrubi* ei, qui possideret res mobiles. Postea obtinuit, ut eadem vis esset utriusque interdicti; atque ita in utraque res tam mobiles, quam immobiles unum interdictum sufficeret, ut declaratur in §. *sed interdicto*, Inst. de interd. Hinc factum est, ut hoc loco unum tantum proponatur, *Uti possidetis*: scilicet quia quod de hoc dixerimus, idem etiam de interdicto rerum mobilium iuris esse, intelligere debeamus.

L. unica,

Imp. Dioclet. & Maximian. AA. & CC. Cyrillo.

Uti possidetis fundum, de quo agitur, cum ab altero nec vi, nec clam, nec precario possidetis, rector provincie vim fieri prohibebit: ac satisfactionis vel transferendæ possessionis edicti perpetui forma servata, de proprietate cognoscet. Subscripta III. Id. Octob. Nicomedæ, CC. Cossf.

S U M M A R I A.

1. Interdicti uti possidetis vis & sententia, eadem & hucus L. 1.
2. Hoc interdictum possessori dari, & qui possessoris habendi.
3. Etiam inter fructuarios, itemque inter fructuarium & eum, qui sibi usum defendit, hoc interdictum locum habere, quousque possessor non fuit, & cur.
4. Competere hoc interdictum etiam ei, qui vi, aut clam, aut precario possidet, dum non ab adversario: & hoc quid sit.
5. Interdictum uti possidetis duplex esse, quia in re uterque alius sit & reus: & cur ita uterque.
6. Inter duos tantum detentores eiusdem fundi nunquam huius interdicti locum esse posse ita, ut uno tanquam eius fundi possessoris haberi & defendi possint.
7. Tribus saltem detentoribus eiusdem fundi propositis reperiri posse duos, quarum ambo pro possessoribus habeantur ex hoc interdicto: & quomodo id eveniat.
8. Duos in solidum reuera possidere non posse: non repugnare interdictum uti possidetis, quo non duo possessoris fiant, sed in re incerta pro talibus defendantur.
9. Competere hoc interdictum ei, qui possidet tempore litis contestatæ.
10. Interdictum adversus eum, qui factis possessionis controversiam: & quibus rebus possessionis controversia fieri intelligatur.
11. Teneri hoc interdicto, qui possessionis controversiam facit, etiam si non dicat contra se possidere.
12. Eum, qui deiecit est, eo qui deiecit, in hoc interdicto superiorem esse, quid sit in L. 3. in pr. D. *uti poss.*

13. *Interdictum uti possidetur cur conceptum de edictis in L. 1. D. eod. de fundo in L. 1. C. eod. cum competat de omnibus rebus soli.*
14. *Neque de rebus mobilibus, neque de servitutibus sufficit, aut urbanis interdictum uti possidetur etiam utile competere.*
15. *De iurisdictionis, deque iuris vestigii aut alius redditus percipiendi quasi possessione non competere interdictum uti possidetur, quoniam utile, sed usque ad exemplum interdicti de itinere utriusque privato.*
16. *Quarum rerum gratia datur hoc interdictum.*
17. *Interdictum uti possidetur de eo quanti ea res est, intra annum, etque et penale: Et cur.*
18. *Falde errare illud, qui putant illa verba, uti possidetur, ita possidetur, esse debere sententiam iudicis in interdicto Uti possidetur.*
19. *Qualem sententiam iudicis esse oportet in hoc interdicto ad possessionem uni possessori tuendam.*
20. *Possessori adversarium cavere non debere se cum in possum impediturum non esse, quo minus possideat.*
21. *In praetorium ab vim possessori factam condemnationem iudicis esse debere, quanti interest alteri vim ei factam non esse: Et quid ea re continetur.*
22. *Dubius possideturibus non alium iudicis sententiam esse debere in controversia possessionis,*

quoniam ut ambo in possessione tenentur, id est, declararet utrumque possidere; deinde iubent utrumque possidere utroque consentiente: invito altero vetet.

23. *Refutata, quae hic a Bartolo proponuntur in hac sententiam: quasi videlicet inter duos qui possident, tamen unus possessor fieri debet sententia iudicis.*
24. *Incommoda dilantur, quae nasci videntur ex ea sententia, quae ambo litigantes iubentur ita possidere, uti possident.*
25. *Remedium hoc lege novis praestitum, quo inter duos posseditores consueque possit iudex, ut unus pro possessore habeatur, quo perveniat ad praetorium actionem, Et id quale: Et de sententia illorum verborum: Ac satisdationis, vel transference possessionis, &c.*
26. *Satisfactionem indicium solvi recte non exigi ab eo possessore, quoniam solum talem esse constituit: ab eo namque dum pro possessoribus cavetur, recte dicitur: si quis possidet ab adversario, aut ipse offerat, ut in interdicto Uti possidetur.*
27. *Una ex litigantibus satisfacta, Et possessore constituta, non ideo ulnisi alteri commodum possessionis.*
28. *Solum satisfactionem indicium solvi hic esse intelligendam, quae ab eo exigatur, quoniam ex duobus possessoribus solum pro possessore haberi volumus: Et in eam rem arguimus.*

Verba initio observanda, † quae ita explicanda sunt: *Resque provinciae vobis de possessione retinenda contententibus vim fieri prohibebit* (supple, quo minus ita possideatis) *uti possidetur eum fundum, de quo agitur, cum alter ab altero nec vi, nec clam, nec precario possideatis.* Idem & in interdicto aliis verbis expressum est *L. 1. D. eod.* Summa en, quam posuit Ulpianus in *D. L. 1. §. est igitur*, hoc interdicto nimirum praetorem possidenti vetare vim fieri, quo minus possideat, uti possidet. Quae verba eo spectant, ut praetor vetet vim fieri non uni tantum ex litigatoribus, aut ambobus simul; sed modo uni, modo ambobus, prout scilicet hi possidebunt; uni quidem, si solus possidebit; ambobus autem, si ambo possidebunt, ut sit sententia: unum defendi, si possideat; defendi ambo, si itidem ambo possideant. Ex quo intelligimus, his hoc modo suam possessionem defendi, ac retineri. Id autem ita fieri, prohibente iudice, ne possidenti vis fiat ab altero. Unde merito hoc interdictum dicitur prohibitorium, & ad retinendam possessionem, seu retinendam possessionis, *L. 1. in pr. Et §. est igitur. D. eo.* Id quomodo obtineamus ex hoc interdicto, ita facile assequemur, si dixerimus distincte: Quibus hoc interdictum competat, Adversus quos: Quibus de rebus: Cuius rei gratia: tum quod sit

in hoc interdicto officium iudicis de hac petitione. Quae edicto breviter comprehensa sunt illa quidem, ut & hoc loco: sed brevius, & obscurius, quam ut inde facile intelligi possint, nisi explicentur: pleraque etiam in his obscura & difficilia explicatu: de quibus ideo sigillatim & attentius considerandum est.

Datur † hoc interdictum ei, qui possidet, his verbis, *Uti possidetur, quo minus ita possideatis, vim fieri veto.* Possidere est animo, seu affectu domini tenere, ut Theophilus bene definit in *V. idem placet, Inst. per quas pers. nob. acq.* quod & exemplis eius loci liquido declaratur. Tenere rem hoc modo intelligitur, qui possessionem rei semel ingressus hoc animo, ut possideret, vel corpore est adhuc in possessione, vel egressus reliquit domi, aut in fundo eos, per quos possideret, puta colonum, aut inquilinum. *§. possidere, Inst. de interd.* vel etiam qui peregre profectus est nemine domi relicto: hoc animo tamen, ut retineret possessionem. Nam etiam animo solo possessione retinetur *d. §. possidere. L. 3. §. salus, D. de acq. pos.* Animo domini is tenet, qui se pro domino esse vult, & pro domino se gerit. Soli autem possident, qui hoc animo rem tenent: qui alium dominum agnoscent, & tanquam ab eo rem habent, ut sunt coloni, amici, servi, qui

nomine domini sunt in possessione, hi tenent duntaxat, non possident. *d. §. possidere, L. certe §. is qui rogavit, D. de prec.* Ex quo intelligitur, si colonus, aut inquilinus controversiam possessionis patitur: eum hoc interdicto experiri non posse ad retinendam possessionem: idemque de similibus dicendum est. *L. 3. §. creditores. D. uti poss.*

3 Quibus t consequens erat, ut nec fructuario vim patienti hoc interdictum competere. Non enim magis possidet fructuarius, quam superiores. *d. §. idem placet, Inst. per quas pers. nob. acq. d. L. certe, §. is, qui rogavit, D. de prec.* Placuit tamen & inter fructuarios hoc interdictum reddendum: itemque inter fructuarium, & eum, qui sibi usum defendat. *L. ult. D. eod.* Excepti videlicet ex superioribus ideo, ut videtur, quod si inter se committantur, ambo pro domitis & possessoribus se gerant, idque pari iure: ut dum uni defendetur possessio fundi, aut ædium, nulla fiat iniuria adversario, qui eandem possessionem, & ex eadem causa sibi defendebat. Aliter atque si his lis sit cum iis qui se vere possidere contendunt. Neque novum est in hoc interdicto plus tribui fructuario, aut usufruario, quam aliis, qui possessores non sunt, et si rem similiter tenent. Nam & fructuario vi deicto propositum est interdictum Unde vi *L. 3. §. unde vi. D. unde vi.* quod argumentum est, eum pro possessore haberi, quamdiu perseverat usufructus: quoniam nec interdictum Unde vi datur, nisi deicto: nec putatur deicti, nisi qui possidet. *L. 1. §. deiecitur, D. unde vi.* Quo etiam argumento dici potest usufructuario adhuc retinenti hoc interdictum dari ad possessionem retinendam. Et vero id ratione collectum esse a veteribus, non autem ideo esse constitutum, quia fructuarius vere possideret, iudicio erit, quod Paulus in *d. L. ult. D. uti poss.* non dicit, pro explorato hoc interdictum fructuario reddendum, quod tamen dicendum esset, si vere fructuarius possideret: sed dicit se putare dicendum, quasi in re controversa, certe non explorata.

4 Ergo possidenti t solum hoc interdictum datur, in quo nihil interest, utrum quis iuste possideat, an iniuste. De eo, qui iuste possideat, idest, bona fide, dum possessionem nanciscitur ab eo, quem dominum putat, nulla dubitatio est. *L. 3. in pr. D. eo.* Sed hoc amplius dicimus, quod deicto expressum est: etiam ei hoc interdictum competere, qui vi aut clam aut precario possidet, idest, qui iniuste

possidet: dummodo ab adversario non ita possideat: quod si possidebit, contra esse *L. 1. in pr. §. ult. D. eo.* Vi ab aliquo possidet, qui eum vi deiecit, & ita possessionem tenet. *L. 1. §. vi possidere, D. unde vi.* Clam possidet, qui possessionem furtive ingressus est, ignorante possessore, & similis controversiam metuit. *L. clam, D. de acq. poss.* Possidet precario is, qui ab alio precibus impetravit, ut sibi rem eius possidere liceret. *L. 1. D. de prec.* quæ singula Inducantur obiter in *§. sed interdicto, Inst. de interd.* Hoc igitur dicimus, si quis patiatur controversiam possessionis ab eo, a quo possessionem habet aut vi aut clam aut precario, ut supra, eum impune vim pati, quia sit ei hoc interdictum inutile. Quod si ab alio, quanvis ita possidebit, eum recte hoc interdicto usurum. *d. L. 1. §. ult. C. L. 1. D. eod.*

Quemadmodum t autem uni, qui possidet, hoc interdictum datur: ita si ambo litigatores possidebunt, ambobus dabitur. Et quoniam fere semper ambo se possidere dicunt, ut declaratur in *§. retinenda, Inst. de interd.* eo fit, ut interdictum ita sit conceptum, ut ad ambos litigatores referatur, his verbis: *Uti possidetis, quo minus ita possideatis, vim fieri veto.* Inde dictum huc interdictum duplex esse, quia uterque & actor sit, & reus in hoc interdicto, *L. 3. §. hoc interdictum, D. eod. §. pen. Inst. de interd.* Uterque actor, quia uterque possessorem se esse intendit. Uterque reus, quia dum se possessorem dicit, simul adversarium negat possessorem, quod reorum proprium est. Et ut de uno possessore diximus, hoc interdictum ei competere, siue iure siue iniuste possidebit: ita in duobus possessoribus receptum est, ut inter eos hoc interdictum reddatur ruenda illorum possessionis causa, siue ambo iniuste possidebunt: siue unus iuste, alter iniuste, id est, vi aut clam aut precario: dummodo nec vi nec clam nec precario ab adversario possideat, ut verba edicti dilucide significant: sed apertius declaratur in *L. 3. in prin. D. eo.*

Quo t loco exstitit interpretibus magna & vetus dubitatio. Queritur enim, quomodo fieri possit, ut duo in solidum ita possideant, ut prætori necesse fuerit ita dicere: *Uti possidetis, ita possideatis.* Movet dubitationem, quod non videtur fieri posse, si unus nunc possidet, & aliter postea cæpit rem possidere, ut ambo possideant. Nam si is, qui postea possessionem nactus est, eam nactus est iuste & bona

bona fide, non potuit nancisci, nisi a prior possessore ei rem tradente, quo casu prior possessor ultra controversiam possidere desit. *L. 1. §. si vir L. quod meo, §. si furioso, D. de acquirend. possession.* Si posterior iniuste cepit possidere, non alla de causa id fit, quam quis aut priorem possessorem vi deiecit: quod cum fit, etiam tum prior possessor amittit possessionem. *L. naturaliter, D. de acquir. poss.* aut quia clam eo ingressus est possessionem, ac tum solus prior possidet. *L. clam possidere, §. ult. D. de acq. poss.* aut quia precario accepit a prior possessore; quo casu interdictum de precario redditur, non interdictum *uti possidetis*. Quid verbis opus est? loci in medio sunt, quibus diserte traditur, duos in solidum eandem rem possidere non posse, & in summa possessionis nihil interesse, iuste quis, an iniuste possideat. *L. 3. §. ex contrario, D. de acq. poss. L. si ut certo, §. ult. D. com.* Hæc illa est difficultas, quæ hanc partem interdicti dubiam reddidit, quæque in interpretatione *L. 3.* quæ est de hac parte *D. eod.* peperit apud Accursium tot sententias. Nam dum hanc difficultatem expedire conantur; alii interdictum de uno possessore interpretati sunt, quem verbo plurali prior alloqueretur, contra significationem verborum, & usum latine loquentium. Alii duos possessores sunt interpretati, quorum singuli pro parte possiderent, contra *L. 3. in pr. D. eod.* ubi Ulpianus duos proponit in solidum possidere. Alii duos querentes, qui in solidum possideant, exemplum attulerunt eius controversiæ, quæ esset inter proprietarium & fructuarium, quorum unus civiliter possidet, proprietarius; alter naturaliter, fructuarius; ambos autem prætor in sua possessione tuetur. Hoc rursum contra *d. L. 3. in princ. D. eod.* ubi Ulpianus proponit duos, quorum unus iuste, alter iniuste possidet. Constat autem fructuarium non possidere, ut supra ostendimus, aut si possidet, iuste possidere, utpote ex iusta causa, non iniuste. Sed laborandum non est. Fefellit eos, quod exemplum duorum in solidum possidentium, & ad hoc interdictum pertinentium quæsiuerunt in duobus detentoribus. At in his fieri non potest, ut, si posterior sive iuste, sive iniuste possideat, duo possideant simul; unus ex his tantum possidebit, ut ante ostendi.

7 Sed si res procedat hoc modo; si proponamus nobis tres detentores, Primum Secundum, Tertium: & Tertium possidete a Secundo, vel bona fide, vel vi aut

clam aut precario, hoc modo: Primus, qui iuste possidebat, peregre profectus est, nemine domi relicto. Eo abiente Secundus clam occupavit possessionem. Exiit deinde Tertius, qui a Secundo, quem dominum putabat, possessionem acciperet bona fide; aut qui Secundum vi deieceret; aut qui eius controversiam metuens, possessionem eo ignorante occuparet; aut qui precibus ab eo possessionem impetraret. In hac specie si proponas, Primum redire, & controversiam facere Tertio, aut a Tertio controversiam pati, ambo interdicto *Uti possidetis* recte agent, & ambos prætor tuebitur tanquam possessores. Primum, quia animo retinuit possessionem, quam ipse posset non amittit. Tertium vero, quia & is animo dominantis tenet. Nec ad rem pertinet, quod possidet iniuste, nempe vi, aut clam, aut precario. Nam ab adversario Primo ita non possidet.

Sed obliquitur † hic superior illa sententia certi iuris: duos in solidum possidere non posse. *L. 3. §. ex contrario, D. de acq. poss.* Nos de ea hoc recte respondimus, reuera & ad effectum iuris, duos in solidum possidere non posse. Exempli causa; in specie proposita, quia Primum possidet, idcirco nec Secundus, nec Tertius reuera possident, quia vacuum possessionem non tenent. Et ideo quamvis Tertius possederit decem, aut viginti annos, idque bona fide, tamen non usufructus, quia sine possessione ulucapio non contingit. *L. sine, D. de usurp. & usuc.* Nunc autem hic non possidet, tantum ideo, quia Primus possidet, & duo in solidum possidere non possunt. At in interdicto *uti possidetis* veram possessionem non querimus, quæ talis sit natura, aut iure; sed quæ pro tali habeatur, dum quis se vere possidere contendit, nec quidquam in præsentia proponitur, cur non ita esse convincatur. Intelligitur hoc satis ex eo, quod interdictum hoc solum vult spectari, an unus ab altero nec vi nec clam nec precario possideat. Et ideo in *L. 2. D. eod.* cum dixisset Paulus, ipsa an iniusta sit possessio adversus alios, nihil referre, adiecit in *hoc interdicto*. Hoc idem Eguinario Baroni visum est ad *L. 3. D. eodem*.

Est autem † animadvertendum, quod dicimus, hoc interdictum competere ei, qui possidet. Id enim valet, compete ei, qui possidet, cum hoc interdicto agitur. Et hoc est, quod scriptum est in *sed interdicto*. *Instit. de interdict.* hoc interdicto cum vincere, qui possidet tempore

poire litis contestatæ, quod ex verbis interdicti sumptum est. Nam prætor in interdicto reddendo non dicit, *uti possedistis*, vel *uti possidebitis*, ita *possideatis*, sed *uti possidetis*: nempe nunc, cum interdictum redditur inter vos litigatores. Cum autem redderetur interdictum, aut actio a prætoribus, tum apud eum lis contestabatur. Unde in usu iuris hæc duo idem significant: tempus iudicii accepti, & tempus litis contestatæ. *L. illud, D. de her. pes. L. cum fundus, D. si cert. per.*

- 10 Datur † hoc interdictum adversus eum, qui possessionis facit controversiam. *L. 3. §. hoc interdictum, & seg. D. eod.* quod & ipsum sumptum est ex interdicto. Nam cum prætor vetat vim fieri, nimirum vetat fieri ab eo litigatore, cum quo agitur. Agitur igitur adversus eum, qui vim facit, ut desinat vim facere. Porro vim facere possidenti, nihil aliud est, quam controversiam possessionis facere: quod posterius tanquam planius iuris auctores retinuerunt. Vis possidenti fit dupliciter: aut verbis, aut re. Verbis, cum in controversia proprietatis aliquis se possessorem dicit, & ita non patitur adversarium sui commodum possessionis in ea causa: propter quam controversiam proprie interdictum est comparatum. Hoc enim spectat interdictum *uti possidetis*, ut prius constitueretur, uter nostrum sit possessor; sic deinde petitoria actio instituitur, ut declaratur in §. *retinenda, Inst. de interd.* & *L. 1. §. 1. D. eod.* Re fit controversia possessionis, cum quis vos possessione uti prohibet, quomodo uti velimus: vel impediendo, ne quid in nostro faciamus: puta, ædificemus, agrum colamus, & quæ sunt generis eiusdem: vel in nostro aliquid faciendo, veluti, per fundum nostrum eundo, vel aquam ducendo, vel in nostrum aquam immittendo. *L. si cut, §. Aristo, illic, sed & interdictum, D. si ser. vend. L. vim facit, D. unde vi.* Huius definitionis exempla sunt, quæ proponuntur in *L. 3. §. 1. & segg. D. eo.*

- 11 Quo † loco notandum est, competere hoc interdictum adversus eum, qui re controversiam possessionis facit, quanvis se contra possidere non dicat. Argumento est, quod adversus eum, qui iure servitutis sibi aliquidumat in nostro, hoc interdictum competit, *d. L. 3. §. si vicinus, D. eod. d. L. siens, §. Aristo.* Certum est autem, eum, qui sibi servitutem a nobis deberi dicat, hoc sateri se rem nostram non possidere. Non tamen adversus omnem, qui possessionis controversiam facit, hoc inter-

dictum competit. Non datur adversus eum, a quo actor vi aut clam aut precario possidet; idque verba ipsa interdicti efficiunt. Itaque si qui alium vi deiecit, patitur controversiam possessionis ab eo, quem deiecit: ipse quidem possidet, & adversus alios hoc interdicto experiri potest sed adversus eum, quem deiecit, a quo vi possidet, interdictum hoc illi inutile est. Et † hoc est, quod dicitur in *L. 3. D. eod.* 12 eum, qui deiectus est, eo qui deiecit, hoc interdicto superiorem esse. Hoc enim sic interpretandum est: ideo esse superiorem, quia absolvitur, si cum eo agatur hoc interdicto. Non enim prohibebitur hoc interdicto vim facere, & ita absolvetur. Cæterum non ita superior est interdicto, ut pronuntietur possidere, atque ita possessio ab adversario ei restituitur. Nam hic, qui deiectus est, non possidet, quia possessionem amisit. *L. naturaliter, D. de usurp. & usuc.* Porro hoc interdictum possessorem tantum tuetur. *L. 1. §. pen. D. eod.* Sic fit, cum unus alterum deiecit, ut utrique agenti adversus alterum hoc interdictum sit inutile. Deiectioni quidem, quia is vi ab adversario possidet. Deiectioni autem, quia omnino non possidet. Neque obstat quod *io L. 3.* dicitur simpliciter, *deiectionem hoc interdicto superiorem esse.* Hoc enim dicitur, cum is, qui deiecit, agit hoc interdicto: non autem cum agit hoc interdicto is, qui deiectus est. Nam illo agente nullum interdictum *uti possidetis* esse potest, quia non possidet.

Datur hoc interdictum de possessione rerum soli, id est, de fundo & ædibus. *L. 1. §. 1. & §. pen. D. eod. §. sed interdictum, Inst. de interd.* Unde intelligimus, prætorum in edicto pollicitorum esse generaliter, se hoc interdictum daturum, si de possessione rerum soli controversia esset. Cur † igitur in interdicto appellatur ædes tantum in *L. 1. D. eod.* alias tantum fundus, ut in hac lege? Quia in interdicto concipiendo hoc necesse fuit facere prætori. Interdictum enim omne ad præsentem controversiam refertur. Controversia autem præsens omnis in rebus soli aut est tantum de ædibus, aut tantum de fundo.

Quæritur est, † an hoc interdictum sal- 14 tem utile competat de rebus mobilibus, aut incorporalibus. Dicendum est, nullo modo competere, ne utile quidem. De rusticis servitutibus sunt interdicta nominatim constituta, de itinere actaque privato, de aqueductu, de fonte, de rivis, de cloacis Tit. de itinere actaque privato,

vato, & segg. Eaque interdicta proposita sunt non possideant, ut hoc interdictum, sed ei, qui hoc anno usus est, vel superiore aestate, & si quæ sunt, similia. De servitutibus urbanis nulla sunt interdicta nominatim proposita; sed non ideo de earum possessione hoc interdictum vimur: quia est supervacuum, quod ita facile probabitur. Nam interdictum *uti possidetis* ideo comparatum est, quia in rebus soli controversia de possessione moratur petitori actionem, neque potest ea controversia dirimi, nisi iudicio. Dirimitur autem hoc interdicto. Cessat utrumque in controversia de servitute. Nam etiam si non constet, utrum sit, qui sibi servitutem debere dicit, sit in servitutis possessione, nec ne: tamen nulla adestur petitioni servitutis mora, quoniam servitutem petere potest, tam qui possidet, quam qui non possidet. *L. & si forte, §. 1. D. si servit. vend.* Deinde si queratur, uter sit possessor: nihil iudicio opus est ad hanc questionem dirimendam, quia natura ostendit, uter sit possessor servitutis urbanæ. Exempli gratia: Si quis dicat sibi debere servitutem tigni immittendi: is possessor servitutis habetur, si tignum sit immissum. Idemque de cæteris dicendum est, si quis factum id habeat, quod proprium est servitutis. *d. L. & si forte, §. 1. L. sicut, §. sed si queratur, D. si serv. vind.* Hoc autem an tignum immissum sit, testibus non probatur; sed oculis, modo in rem præsentem veniatur. Nihil ad rem facit in contrariam sententiam, quod scriptum est in *L. quoties, §. ult. D. de servit. possessoria* interdicta esse constituta de via & alio iure fundi. Hos enim dictum est de interdictis, quæ a prætore constituta sunt nominatim de servitutibus rusticis, de quibus supra diximus: in quo genere non est interdictum *Uti possidetis*, quod constat de rebus soli esse propositum, idest, de fundo & ædibus. Multo minus ad rem pertinet, quod in *L. sicut, §. Aristo, D. si serv. vind.* dicitur, si quis in alieno faciat aliquid iure servitutis, competere domino in eam rem interdictum *uti possidetis*. Nam hic interdictum non datur pro servitute; sed contra servitutem ad retinendum fundi nostri, aut ædium possessionem adversus eum, qui facto suo eius possessionis nobis faciat controversiam.

15 De ¶ iurisdictionis possessione, item de possessione iuris vectigal, vel alios redditus percipiendi quæritur est? Sed ne de his quidem hoc interdictum quanvis utile dabitur. Potius de illarum rerum quasi possessione ageat ad exemplum interdicti de

itinere actuque privato, ut is scilicet in huius iuris possessione vincat, qui eo iure hoc anno usus erit nec vi nec clam nec precario ab adversario. Et certe de itinere actuque privato hoc ius constitutum esse Ulpianus scribit, quia plerumque itineribus, vel via non semper vimur. *L. 1. §. 1. D. de iti. act. pri.* Sit ergo idem ius in iurisdictione, quia & ipsa perpetuo uti non possumus.

Competit ¶ hoc interdictum duarum rerum gratia. Una & præcipua hæc est, ut qui possidet ita possideat, ut sunt interdicti verba. Id est in summa, datur interdictum; ad retinendam possessionem. Unde dictum, retinendæ possessionis. *L. 1. §. 1. & §. est igitur, D. cod. §. retinende, Inst. de interd.* Altera res est in præteritum tempus ut is qui vim facit, quo minus possideamus, damnetur in id quod nostra interest, vobis vim factam non esse. *L. 1. in interdicto* his verbis, *neque pluris, D. cod.*

In ¶ quo illud animadversione dignum 17 est, quod de hac parte intentionis constituta est actio a prætore duntaxat intra annum utilem, ex quo vis fieri possidenti coepit. Unde intelligimus, hactenus penale interdictum esse: aliqui perpetuum esset, non intra annum. *L. in honorariis, D. de obl. & act.* Pœnam autem hæc pars eo videtur continere, quod datur eius quod interest nomine de eo, quod ad adversarium non pervenit: & præterea datur ei etiam qui iunctus interdum possessor est, nempe qui vi aut clam aut precario possidet, non ab adversario: ut sic actor persequatur id, quod sibi ex patrimonio non abest: in quo pœnæ prescriptionem ponimus. *d. L. in honorariis.*

Deinceps videamus, quæ sententiam iudicis de his rebus esse oporteat. In ¶ 18 quo prius de verbis sententiæ monendi sumus, iudicem non debere ita sententiam ferre, ut verba interdicti concepta sunt, puta, *uti possidetis vos litigatores, ita possideatis, adversus id vim fieri veto*. Nam valde errat, si quis illis verbis sententiam prætoris de possessionis controversia contineri exillmat. Illis verbis exprimitur interdictum prætoris, idest, formula iudiciali de possessione, quam solabant prætores olim reddere litigatoribus, quo tempore formulæ iudiciorum in usu erant, quæ postea sunt sublatæ. *Tit. de formul. & imper. act. sub. sup.* His formulis prætores de iure pronuntiabant sub conditione facti, *Si hic, aut ille possideret: Si Lucius Titius mutuum dedisset: Si Lucius Titius furtum fecisset: & remitte-*

mittebatur res ad iudicem, qui de re & facto cognosceret, deinde de iure secundum formulam pronuntiaret. Longe alia ratio sententiarum iudicis; hæc certa esse debet. *§. curare, Inst. de act.* Incerta nullius momenti est *Tit. de sent. que sine cer. quan. sup.* Denique sententia ea est demum, quæ controversiam dirimit, nec aliter iudex iudicare debet *L. 1. D. de re iud.* Iam vero in hoc iudicio controversia est, uter ex litigatoribus possideat, aut an ambo possideant. Ita hanc controversiam a iudice dirimi oportet, & certo pronuntiari aut ambo possidere, aut unum, aut neutrum, & si quis possidet, dieti, quis possideat.

19 Hæc ¶ de verbis sententiæ dicta sunt. In iure autem qualem sententiam dicat, cum queritur de hoc interdicto, etiam atque etiam considerandum est. Et multum interest, utrum unus tantum ex litigatoribus possessor sit, an ambo possessor. Si unus tantum possessor est: officium iudicis est, ut eum possidere pronuntiet, non enim possessionem ei dat iudex; sed eam quæ est, declarat, ut de domino & servitute dicitur in *L. §. ex diverso. §. 1. D. de rei vind. L. sicut, §. sed si queritur, D. si ser. vind.* Deinde hanc possessionem ita confirmabit, ut condemnat adversarium in futurum, ne vim faciat possidenti, quo minus ita possideat, ut verba interdicti indicant.

20 Sed ¶ an adversarius cavere debet possessori, se eum in posterum impediturum non esse? Et hoc plerisque placet, ut Bartolo hic, & Duareno *lib. 2. disput. cap. 21.* argumento servitutum viæ, itineris, aquæductus: in quibus si dominus fundi de earum possessione victus sit: iubetur adversario cavere se non impediturum eantem, agentem, quamve ducentem, *L. pen. D. de ag. quot. & assi.* Aliis non probatur: quorum sententia, ut mihi videtur, vera est. Nam quod hæc cautio in servitutibus nominatim exigitur a victo, vel hoc ipsum argumentum est, in controversiis rerum corporalium a victo eam exigendam non esse. Nam & eum quis in confessoria actione de servitute iudicatus est servitutem debere, cautio superior ab illo exigitur. *l. legi, L. barum, D. si ser. vind.* Et tamen inter omnes convenit, in controversiis de proprietate rerum corporalium nullam talem cautionem a possessore exigi. Non recte igitur, quod de genere servitutum dicitur in hac specie, ad res corporales transfertur. Et certe differentie ratio est in promptu, quam bene reddidit Baro ad

Tom. IX.

L. 1. in pr. hic, nempe hæc, quod nihil sit in servitute, quod dominus, qui de servitute victus est, restituat corpore: servitutus namque nulla est possessio. *L. quoties ult. D. de ser.* Et ob eam causam subsidio exigitur cautio a victo, quæ sit pro servitutis restitutione. Nihil tale in rerum corporalium possessione: quandoquidem possessio rei corporalis restitui potest, quæ restituta, inepte querimus aliud, quod restitutionis vice fungatur.

Hæc ¶ ergo de possessione & eius tuitione iudicis sententia est. In præteritum vero, prout petitum erat, ita adversarium condemnabit in id, quanti interest victoris sibi vim factam non esse. Ubi non corpus ipsum rei æstimabitur, idest, quantæ res ipsa est, de cuius possessione agitur; sed possessio ipsa, sive quanti interest possessoris possedisse sine interpellatione. In quo continentur fructus & mercedes quibus actor idcirco caruit, quia vis ei facta est, quo minus re libere uteretur: quæ sententia est *L. 3. §. ult. D. eodem.*

Hæc ¶ de uno possessore. Longe alia 22 cautela est, si ambo pronuntientur possidere. Nam hic neque unus alteri condemnabitur in id, quod alterius interest, neque prohibebitur unus vim facere alteri, quo minus possideat libere. Quod ut intelligatur, sic habendum est, naturam non pati, ut duo libere in solidum possideant. Nam libere possidere est re uti quomodo velis, ut significatur in *L. sicut, §. Aristofl.* verbi *sed & interdictum, D. si ser. vind.* Uti autem quomodo velis, idest uti solum, si velis, & ab usu rei prohibere cæteros, ut indicatur in eo *§. Aristofl.* Ita fit, ut uno viante, alter uti non possit. Quocirca duorum possessorum in solidum hæc est conditio iure, ut uterque re possessa uti possit altero consentiente: cum scilicet dividunt usum ut temporibus, aut regionibus: idest, ita, ut aut alternis utantur; aut dividunt regiones, quas singulis attribuant. Cæterum invito altero neuter uti potest: & si unus utetur, alter prohibendi ius habet. Nam si in re communi, quæ a duobus pro indiviso possideatur, neuter altero invito in ea re quidquam facere potest, sed alter prohibendi ius habet: *L. Sabina, D. com. divid.* multo magis id tum dicendum est, cum duo non pro parie licet indivisa, sed singuli in solidum possident. Hoc constituto, duo sunt consequentia, ut dixi. Primum illud, si quis alterum impenderit, quo minus libere possideat; tamen eum in id, quod adversarii interest, condemnari non debere. Iure enim impeditur

Qqq

qui

qui prohibendi ius habuit. Quod autem iure sit, poenam non meretur. *L. Gracchus, infr. de adult.* Alterum, non debere iudicem in futurum prohibere, ne alter alteri vim faciat, quo minus possideat: quoniam singuli ita possidere non possunt sine vi, quia alter simul possidere prohibetur, ut supra ostendi. Nunc autem ambo iubendi sunt ita possidere, uti possident. Restat igitur, ut in duobus possessoribus talis esse debeat sententia iudicis, ut primum declarent ambo possidere: indicat Ulpianus in *L. 3. in prin.* *D. eod. cum ita scribit in hac specie: nam & tu possides, & ego.* Deinde iubet iudex utrumque possidere altero consentiente, altero invito veteri. Quo modo intelligitur iudex secundum verba interdicti iubere, ut litigatores ita possideant, uti possident. Sic enim in solidum possident, ut dixi: ut singulis sit ius prohibendi, ne se invito alter possideat. Neque vero aliam sententiam iudex ferre potest, ubi ambo possident.

- 23 Scio ¶ multa scripta esse a Bartolo, quibus efficere conatur, ut unus tantum possessor fiat sententia iudicis, aut ut duobus possessoribus constitutis, inter eos sententia iudicis componatur: sed in his nihil idonei attulit. Non enim probandum est, quod dicit, eum solum a iudice pro possessore habendum esse, qui antiquiorem possessionem habet, quasi posterior possessor clam possideat. Nam scimus in hoc interdicto non queri, quamdiu quis, aut quam pridem possederit, sed an possideat tempore litis contestatæ: & eum, qui eo tempore possideat, vincere hinc interdicto §. *sed interdicto, Inst. de interd.* Sed nec ad rem pertinet, si posterior clam possideat; dummodo non possideat ab adversario, ut interdicti verba ostendunt, *L. 1. §. ult. D. eod.* Multo minus probandum est, quod dicit eum potius esse debere qui prohibetur cum titulo possidere: cum appareat ex interdicto prætorum eum tueri, etiam qui vi aut clam aut precario possidet; dummodo ab adversario ita non possideat. Ne illud quidem verum est, quod dicit, spectandum esse, ab utro sint plures testes, & magis idonei: ut a quo sunt is vincat, argumento *L. ob carmen, §. ult. D. de testib.* Hoc enim tunc recipiendum est, ubi ex testibus uni affirmant, quod alii negant, ut incertum sit, quibus fides habenda sit. Tum enim necesse est, rem numero, aut auctoritate ponderari. At cum testes partim de rebus diversis testimonium dicunt, etiam duo fidem facient pro eo, a

quo producantur, nisi refellantur. *L. ubi, D. de testib.* Quod in hac controversia possessionis accidit, ubi singuli probando se possidere, idest, rem affectu domini tenere: non ideo etiam negant adversarium ita tenere, unde & ambo tueretur prætor. Quod autem ille scribit, cum in pari causa duo possessores esse pronuntiantur, iudicem pronuntiare debere eos esse possessores pro parte indivisa, ut concursu partes faciant: tale est, ut non minus, quam superiora, interdicto refellatur. Nam si in solidum possident, ut in primis possident: necesse est ex interdicto iuberi eos ita possidere, ut possident: idest, in solidum, quia in solidum possident. Neque vero recte usus est in hac re exemplo plurium, quos prætor mittit in possessionem damni infecti nomine, qui dicuntur concurrere partes facere. *L. si finita, §. cum autem, D. de dam. infect.* Nam hoc recte facit prætor in iis, quos ipse possessores facit, quales sunt, quos ipse mittit in possessionem. At cum duo ante possident, & inter eos incidit controversia de possessione, sic ad prætorum & iudicem veniunt, ut possessionem suam retineant hoc interdicto: neque aliud officium iudicis est, aut prætoris, quam ut ita iubeat eos possidere. Effectum est igitur, talem sententiam iudicis esse debere, qualem dixi.

Sed ¶ video, quæ contra dici possint, 24 ne huiusmodi sententia recipiatur. Nam ex ea hæc interdicta duo. Primum, quod si litigatores de possidendo non consenserint, & ita non possideant: necesse erit rem negligi, atque ita fructus & rem ipsam utrique perire. Alterum, quod si unus altero invito possidere volet, eveniet, ut ab adversario prohibeatur; quambrem & veniet res ad rixam & arma: quæ prohibere officium est boni prætoris & iudicis, ut declaratur in *L. si cuius 13. §. sed si inter duos, D. de usufr.* Verum adversus illa incommoda hoc remedium est, ut unus fatiscat eo modo, quo paulo post dicemus; si neuter fatiscedat, hoc relinquitur, ut inter se de possessione consentiant. Si non consentiant, ipsi se concursu impediunt; ut de duobus fructuariis responsum est, quibus usufructus legatus est alternis annis, & ambo primo anno frui volunt, de quo scriptum est in *L. quoties, D. de usufruct.* In quo si quid incommodi est, de se queri debent, non de iudice, qui id pronuntiavit, quod natura iudicii ab illo exigebat. Nam quod dicitur prætorum non debere pati, ut litigatores ad rixas & arma procedant, tunc locum

locum habet, cum prætor potest litigatores iurisdictione sua componere, ut adiectum est in *d. l. si cuius, §. sed si inter*. Nunc autem in hoc iudicio res aliter componi non potest, quam ut qui in solidum possident, ita iubeantur possidere. Sed rursum ex hac re incidimus in id postremum incommodum, quod vitari non potest, si pronuntientur ambo possidere. Nam hoc interdictum comparatum est: ut pronuntietur unus possessor esse: ut scilicet eo invento possit petitoria actio institui, in qua unus possessor esse debet; alter vero possessor, sed petitor. *§. retinenda, in Instit. de interd. l.* Atqui duobus possessoribus in solidum constitutis aperte facimus contra hunc finem; neque ad petitoriam actionem, sive ad causam proprietatis pervenire possumus. Et hoc verum esse fateor, idemque & in hac re accidere intellexerunt veteres; quam etiam ob causam & huic incommodo remedium quaeritum est, de quo mox dicam. Quod sane non alio spectat, quam, ut quavis revera ambo litigatores possideant sententia iudicis, tamen unus possessor constituitur, ut sic iudex deinceps possit de proprietate cognoscere. Est autem id remedium, quod subicitur in hac *L. unica*, illis verbis: *Ac si satisfactionis, vel transferenda possessionis edicti perpetui forma servata, de proprietate cognoscat*. His verbis, inquam, traditur remedium id, quod iam dixi. Remedium tale est: Unus ex litigatoribus offeret alteri satisfactionem iudicatum solvi, qua contineatur, ut caveat se rem controversam curaturum; & si adversarius de proprietate vincet, se ei & rem & fructus & omnem causam restitutum: quoniam scilicet ita iudicabitur, idest, condemnabitur. Si recipitur hæc satisfactio ab eo cui offertur, qui ita satisfadit, solus possidebit. Si non satisfadit, transcretur ab eo possessio in adversarium eadem conditione, si & ipse vice mutua satisfadit: quo casu & ipse solus possessor habebitur. Ita plane intelligetur, uter sit possessor, uter petitor. Atque id ita fieri debere docet forma huius satisfactionis edicto perpetuo constituta. Hanc sententiam esse huius loci interpretor: quam convenientem esse huic loco, intelligi potest ex iis, quæ de satisfactionibus huius generis referuntur Titul. *Instit. de satisf. in prin.* Illic traditur, a possessore qui rei vindicatione convenitur, olim exigi solitam satisfactionem iudicatum solvi. Exigi autem solitam hanc edicto perpetuo, illic exhibere ex eo, quod & cæteræ satisfactioes, de quibus illic agitur, edicto

Tom. IX.

perpetuo iniungebantur: argumento sunt satisfactiones, quæ a procuratoribus & defensoribus illic exiguntur, de quibus edicto de procuratoribus comprehensum esse constat. Quo minus autem dubitemus eam satisfactionem hoc loco accipere, Alconius facit, qui testatur eam ipsam usurpatori solitam in lite vindiciarum, idest, in lite, quæ est de possessione, de qua ipsa nunc agitur. Sic enim ille scribit in 3. *actione in Verrem. Vindiciarum lis est, cum litigatur de ea re apud prætorem, cuius incertum est, quis debeat esse possessor. Et ideo qui eam tenet, satisfadit pro præde vindiciarum adversario suo, quo illi satisfaciatur nihil se deterius in possessione futurum, de qua iurgium est*. His verbis non aliam plane satisfactionem significat, quam illam ipsam iudicatum solvi, quæ nim exigebatur a possessore. In quo ius illud vetus superius, quod exlatre dixi in Iustitianiabus, aperte confirmat. Potest tamen videri Alconius loqui de alio genere satisfactionis: propterea quod satisfactio iudicatum solvi præcipue concepta est de re restituenda & iudicato faciendo. Alconius autem meminit eius satisfactionis, qua possessor hoc solum cavet, nihil se in re possessa deterius facturum. Sed nihilominus his verbis idem illud prius sensu: certe sentire debuit. Quo enim de re recte tuenda cavere adversario, si hæc illi restitui aliquando non debet? Quod si ei vincenti restitui debet; omnino & de re restituenda, ac iudicato faciendo ei cavendum fuit. Ita fit, ut de ea satisfactione Alconius sentiat, quæ dicitur in usu iuris *iudicatum solvi*: ea ipsa, de qua apud Iustinianum scriptum esse ante dixi, & de qua in controversia possessionis hoc loco Imperatores senserunt.

Quid, si ambo litigatores volent satisfadere, ut sit possessorem apud se retineant? Dicendum est eum in satisfadendo præferri, cui satisfactio oblata est. ab adversario, ut fit, cum ad tutelam gerendam unus ex pluribus tutoribus satisfaditionem offert aliis contutoribus suis. Nam si præferretur in satisfadendo, cui satisfactio oblata est, ut is solus tutelam administret, ut declaratur in *§. 1. Instit. de satisf. tut.* Quid, si is, cui satisfactio oblata est, non satisfadit? dicemus ab eo possessionem transferri in eum, qui obtulit. Docet id forma in omnibus edictis satisfaditionem alicuius rei causa exigentibus servata: qua placet non satisfadentis pœnam hanc esse, ut denegetur ei id, propter quod satisfactio exigebatur. *L. mutus, §. pœna, D. de proc.* Indicat & forma servata in iis causis

Q 992

15

fit in quibus a possessore exigitur satisfactio. Ut, cum heredem, a quo res fideicommissæ petebantur, cum appellasset, constitutum esse cavere debere, & id ante sententiam: si non caveat, placet ad adversarium possessionem transferri debere. *L. 5. §. 1. D. ut leg. seu fid. no. cav. Paulus lib. 1. sentent. tit. de satisfd. in pr.* Sed adiciemus hae lege transferri possessionem in adversarium, si & ipse satisfidet ei, a quo possessio transferatur. Quod quidem hic prætermisum est: sed satis intelligitur illis verbis, quibus iubetur forma edicti perpetui servari. Intelligimus enim edicti hanc formam fuisse, ut is quoque vice mutua satisfidaret, in quem possessio transferatur: quia edictum sic tenebatur possessor, si satisfidaret iudicatum solvi. Sed dubitatio sublati est d. *L. 5. §. 1. ut leg. no. cav.* ubi nominatim ita transferatur in adversarium possessio, si ipse satisfidet. Uter autem satisfidabit, hic solus pro possessore habebitur. Ita fiet, ut iam possit præfex de proprietate cognoscere, ut hic dicitur, non ante: quoniam hoc non constituto uter possessor sit, petitoria actio de proprietate, ut ante diximus, institui non potest. Ex quibus intelligitur, interpretationem superiorem & verbis convenientem esse, & formæ veteris dicti consentientem; & ad perplexitatem, quæ hic incidit, removendam quam maxime accommodatam: proinde si nihil aliud evidens contra proponatur, quam maxime retinendam.

Sed animadverto et duo obici posse: de quibus sigillatim respondebo. Primum illud ipsum ius, quod de hac satisfactioe ducimus ex Tit. *Instit. de satisfd.* Eito enim, fuerit ius illud vetus, quod dixi, ut a possessore exigetur satisfactio *iudicatum solvi*. At hoc ibidem sublatum est in *§. sed hodie*. Illic enim nunc eam non exigi scriptum est, cum quis actione in rem convenitur.

- 26 Sed sciamus, † nihil his verbis de iure superiore in hac specie, de qua agimus, immuari. Scriptum enim id est in ea specie, cum unus tantum ex litigatoribus possessor est, & de eo constat. Hic enim demum est, qui in rem actione convenitur, *§. retinende, Inst. de interd.* Ab eo vero possessore recte hodie receptum est, satisfactioem istam *iudicatum solvi* non exigi. Fit enim illi iniuria, si dum non satisfidat, possessio illi auferatur, quæ ipsius erat: & præsertim si non possit satisfidare. Sed et si possit & nolit, ramen iniuriosum est satisfactioem ab illo exigere. Numo enim aliena petitione & alie-

no facto onerati debet. *L. in causæ, in fin. princip. D. de procur.* Est etiam contra hoc interdictum, quod tueretur possessorem. *L. 1. §. penult. D. eod.* Nam si possessio ei auferatur, possessorem non tuemur: si satisfidat, & ita apud eum manet possessio, ne sic quidem eum tuemur: hoc enim est non possidentem tueri, sed satisfidentem. Bene igitur, ut dixi, ab eo, quem solum possessorem esse constat, satisfactioem *iudicatum solvi* non exigimus, de quo in dicto *§. sed hodie*, scriptum est. Sed alia causa est, cum duo sunt possesores. Hic uno satisfactioem offerente, ab altero satisfactioem exigimus, aut ab eo possessionem transferimus, quia hic necessaria est illa satisfactio, ut constitutur unus, qui solus pro possessore habeatur: quo non constituto, ut ante dixi, petitoria actio institui non potest. Neque fit alteri non satisfacti iniuria: quoniam si is de proprietate vicerit: satis ei & de re & de fructibus atque omni causa cautum est per satisfactioem. Porro in hac lege agi de his, qui ambo possident, primum declarant illa verba, *cum ab altero nec vi, nec clam, nec precario possidetis*, deinde, quod satisfactio ea de causa hic exigi videtur, ut sic præfex de proprietate possit cognoscere. At hoc tunc solum facere necesse est, cum ambo possident, ut sic per satisfactioem unus possessor constitutur: non est tunc necesse, eum constare unum tantum esse possesorem, quoniam & sine satisfactioe illa adversus eum potest rei vindicatio institui.

Alterum † etiam incommodum obstat 27 superiori sententiæ. Nam si eum, qui satisfidat, possessorem constituimus, adimimus alteri commodum possessionis, cum iubemus eum petitoris partes sustinere: quod commodum illi adimi non debuit, cum possessor fuerit. Sed facile vitatur hoc incommodum, si quis ex litigatoribus antiquiorem possessionem habeat cum titulo, quamvis nec satisfactioem offerat. Nam hic semper potior erit in causa proprietatis, siue ipse satisfidabit, siue adversario satisfactioem petitoris partibus fungetur. Cum enim duo rem aliquam a duobus non dominis acceperunt, is potior est, qui solus possidet. Si ambo tenent, is tenendus est, qui primum cepit possidere. *L. si ea res, §. ult. D. de act. em.*

Cum † hæc interpretatio convenientissima est huic loco: isem vero ut solum huic loco convenire putem, hac collectione sum confirmatus. Nam si ex duobus litigatoribus unum volumus esse possesorem, alterum rem, eumque vinci de

de possessione, & hic locum esse putamus illi satisfactioni, de qua hic agitur: necesse est eam aut a victo exigamus, aut a victore eodemque possessore. A victo nulla est, quæ exigatur, nisi hæc, ut satisfacet, se possessorem eundemque victorem non impedire, quo minus possideat. At hæc cautio in servitutibus tantum existit, quod exemplum ad res corporales transferendum non est, ut supra docuimus. Sed & in servitutibus cautio tantum existit in hac specie, non satisfactio, ut patet ex iis locis, quos de hac re citavimus: nunc autem de satisfactione hic queritur. Sed nec a reo victo existit translatio possessionis, quanvis iuste possideat. Etsi enim is possideat vi ab actore, quo nomine & ab eo victus est: tamen possessio in actorem non transferetur ex hoc interdicto; quoniam non est interdictum recuperandæ possessionis. *L. 1. §. est igitur, D. eod.* Itaque cum hanc sententiam posuisset Franciscus Duarenus *lib. 1. Disput. capit. 21.* merito videtur notatus a Barone hoc titulo: item a Cuiacio *lib. 1. recept. sentent. Pauli titul. 1. de satisfactioe*. Quanquam in posteriore reprehensio ferenda non videatur, quod cum hanc sententiam etiam cum convitio auctoris infectus esset: tamen postea eam ipsam sententiam non tantum consignavit literis, sed etiam a seipso dissidens pluribus verbis confirmare conatus est, *lib. 1. Observat. cap. 22.* sed frustra. Nam semper hoc tenebimus, hoc interdicto amissam possessionem non recuperari, eoque ab eo, qui vi possidet, possessionem hoc interdicto non transferri. Quod si a victore, eodemque possessore, qui solus possessor declaratur, satisfactionem hanc exigemus; aut erit satisfactio *indicatum solvi*, quam Accursius intellexit, aut satisfactio *de re conservanda*, qualis a possessore hereditatis existi-

tur. *L. 5. D. de pet. her.* ut sunt interpretati Baro & Cuiacius superioribus locis. At satisfactionem *indicatum solvi* intelligere non possumus: hæc enim in hac specie hodie non existit. *d. §. sed bodie, Inst. de satisfact.* Illam alteram multo minus. Primum, quia quibuscunque in locis satisfactio illa a possessore existit, ex ipsa lectione constabit existere eam a possessore hereditatis, ut *d. L. 5. de pet. her. L. de bonis, §. ult. D. de Carb. edict. L. ex libero, §. ult. D. de quest.* Cur a possessore hereditatis tam constanter, nisi ut intelligeremus a possessore rerum singularum in iudicio de proprietate eam non existit? arg. in *L. ex eo, D. de testib.* Tum autem cur a possessore hereditatis hæc satisfactio exigatur, certa ratio est. Sunt enim in hereditate res multæ, quas vendi oporteat multis de causis: in quibus distrahendis deminuit hereditatem iniquum est sine satisfactione, qua petitori caveatur: ut declaratur pluribus in *d. L. 5. D. de pet. her.* Cessat hæc ratio, cum res vindicatur: neque enim ea alienatur, neque alienari potest in fraudem eius actoris, qui se dominum contendit, ut proinde adversus id periculum, quod nullum est, supervacua sit satisfactio. Quæ si ita sunt: conficitur, quamdiu unus ex litigatoribus possessor est, & id constat, ei satisfactioni, de qua hic agitur, locum esse non posse. Atque hoc rursum si ita est: relinquatur ei tunc solum locum esse, cum ambo litigatores possident, eamque in hac perplexitate instituendæ petitionis explicanda satisfactionem esse *indicatum solvi*, quæ ab alterutro exigatur, ut constituitur scilicet inter sit possessor; atque hoc ita constituto, sic deinde de proprietate agatur, de qua agi, nisi adversus possessorem, non potest.

3 Illud ¶ visum est hoc loco pluribus explicare, quod de imperfecto testamento, quod signatum non est, queritur: an & de eo hoc interdictum locum habeat. Negat enim Africanus in *L. si quis legatum*, *D. ad L. Cor. de fal. Ulpianus* autem contra in *L. 1. §. siue autem*, *D. h. sis.* Ita scribit: *Itaque dicendum est ad omnem omnino scripturam testamenti, siue perfectam, siue imperfectam hoc interdictum pertinere.* Vera est Africani sententia: quoniam quod testamentum non est signatum, non tam inutile est testamentum, quam nullum. Interdictum autem tabulas testamenti exigit. Non aduersantur superscripta verba Ulpiani: *Imperfecte enim scriptura verbo apud illum intelligere debemus id testamentum, quod signatum est, sed alias iure non valet.* Esi enim dicat, interdictum pertinere ad omnem omnino etiam imperfectam scripturam, quibus verbis omne testamentum imperfectum comprehenditur: tamen non simpliciter dicit *ad omnem scripturam*, sed addit *testamenti*. Hoc verbo satis testamenti non signati tabulas excludit: iam enim dixi aperte non esse testamentum, quod signatum non fuit. Unde nec ex eiusmodi testamento dat prætor honorum possessionem secundum tabulas: quam tamen ex omni testamento rite signato, quanvis aliquo iure civili non constitat, pollicetur. *§. non tamen, Instit. quib. mod. test. infir. L. 1. §. pr. & ult. D. de bon. poss. sec. tab.* Videndum tamen, ne idem Ulpianus in *L. 2. §. 1. D. quem test. ap.* etiam imperfecta testamenta, quæ signa testamenti non habent, dicat abusive testamenta dici, & ad causam testamenti videri pertinere, quibus verbis hoc interdictum conceptum est: sic enim scribit: *sed abusive testamenta ea quoque appellamus, quæ falsa sunt, vel iniusta, vel irrita, vel rupta: itemque imperfecta solemus testamenta dicere.* Hinc imperfecta distinguit a prioribus: quæ si distinguimus, non possunt imperfecta alia intelligi, quam quæ signata non sunt. Priori enim vitia sunt aut ex persona testantis, aut ex præteritione liberorum, aut ex his, quibus potestas testamenti infirmantur. Quibus exceptis, solum id vitium relinquatur, quod est ex solemnibus testamenti omittis. Nec pro itemque quod legitur in Pand. Flo. recte legatur, itaque, ut in hac collectione, seu illatione intelligamus eadem testamenta, de quibus prius locutus erat: quoniam ineptissima esset hæc collectio & negatoria: ea, quæ iure non valent, appellamus testamenta: ea ergo ipsa solemus testamenta

appellare. Sed hæc sententia est Ulpiani, ut addat aliquid prioribus, & dicat non solum priora testamenta, quæ vitio aliquo interiori laborant, abusive testamenta dici, & edicto illo contineri: sed etiam illa, quæ sunt imperfecta, idest, non signata, & manifestis solemnibus destituuntur. Num ergo in his edictum illud locum habet? Habet auctore Ulpiano: sed non ideo de his interdictum de tabulis exhibendis competit. Nam edictum pertinet ad eum, qui fateretur tabulas esse apud se. *L. 2. §. ult. D. quem test. ap.* Non est iniquum, eum, qui id fateatur, compelli eas exhibere, quod sine iudicio & nullo negotio potest facere. Interdictum aduersus eum datur, qui negat penes se esse tabulas. *d. L. 2. §. ult.* Non debet facile iudicium institui, & molestia iudicii neganti intentari in iis tabulis, quas aperte non esse tabulas testamenti constat: quod sit, ubi non esse signatas inter litigatores conueniet. Nisi quis malit, de imperfecto testamento etiam quod signatum non sit, competere non solum remedium superioris edicti, sed etiam interdictum de tabulis exhibendis, propter generalitatem utriusque loci, de imperfecta scriptura testamenti deficientis, hanc quoque testamentum dici: Africanum autem sic conciliemus, ut idem asserimet. Quod quidem efficere possumus non emendatione, aut restitutione ulla verborum, sed ordine duorum verborum conuerso, ita commode, ut eadem verba retineantur, & optime contineat verborum contextus, eiusque sententia. *Ceterum, inquit, si signatum testamentum non fuerit, magis est, ut senatusconsulto locus non sit, sicuti nec interdictum de tabulis testamenti exhibendis locum habet.* Sic est lectio vulgaris. Hæc verba, *sicuti nec*, conuertamus, ut sit, *nec sic uti*, ut conuertatur ordo, & tria verba distincte efficiantur: consentientem sententiam habebimus, salva recti sermonis ratione. Erit enim hæc lectio, atque hic sensus: *magis est, ut senatusconsulto locus non sit, nec sic uti, uti interdictum de tabulis exhibendis de huiusmodi testamento locum habet:* quasi diceret, hic senatusconsulto locum non esse. Et hoc videtur melius & verius. Nam si dicamus, de imperfecto, idest, non signato testamento non competere interdictum, quia id non sit testamentum: dicendum erit nec competere id de falso: quoniam quod testamentum falsum esse contlet, id multo minus testamentum est, cum testationem defuncti omnium minime habeat: & tamen de falso testamento etiam quod tale esse contlet, interdictum competit. *Reli-*

4 *Relicta tabula* dicuntur, † quæ post testatorem, ideit, mortuo testatore relinquuntur, & exstant. Ideo ergo hoc additum est, ut intelligeremus, hoc interdictum ad vivi tabulas non pertinere. *L. 1. §. pen. D. cod. Vivus de tabulis exhibendis agit actione ad exhibendum. L. 3. §. si ipse, D. cod.*

5 Datur † hoc interdictum adversus eum, penes quem sunt tabulae, aut qui dolo fecit, quo minus penes se essent. Penes eum esse intelliguntur, qui aut corpore suo eas tenet, & habet exhibendi facultatem, aut ita apud alium posuit, ut alieno corpore possideret, veluti si tabulas apud alium deposuit. Nam per depositarium, commodarium, & similes personas possidemus. §. *possidere, Inst. de interd.* Inde recte dictum est ab Ulpiano in *L. 3. §. si tabulae, D. cod.* si quis tabulas apud aliquem deposuerit, utrumque hoc interdictio teneri, & eum, apud quem sunt depositae, quia tenet: & eum, qui deposuit, quavis sine dolo desierit tenere corpore suo. Ideo autem hic tenetur, quia tenet nihilominus per eum, apud quem deposuit, ut supra dixi. Dolo desit tenere, qui aut suppressendi animo fecit, quo minus tabulas apud se haberet, aut cum sciret legatum, vel hereditatem peti, ideo tabulas alii tradidit, ne ipse conveniretur. *L. 3. §. si quis dolo, D. cod.*

6 Esti † autem nihil amplius additum sit in hoc interdictio, quam eum teneri, penes quem tabulae sunt: tamen sciendum est, non simpliciter eum teneri, sed hac conditione dumtaxat, si aut neget penes se esse tabulas, quæ penes eum esse dicuntur; aut neget se exhibere oportere, quia forte adversarii nihil interfit, hoc Ulpiano in *L. 1. §. 1. D. cod.* Sed cum in interdictio non sit, unde hoc est ab illa sumptum? Ex natura iudicii, quo agitur. Interdictum proponitur: proinde actio, qua iudicio agitur, ut est definitio actionis. *Instit. de act. in pr.* Nulla est autem hæc actio: proinde nullum interdictum adversus eum, qui confitetur, nec ulla defensione, aut exceptione utitur. Hoc enim est, quod dicitur, in confitentibus nullas esse partes iudicandi. *L. proinde, in fin. D. ad L. Aquil.* Quid igitur, si quis fateatur, penes se esse tabulas: an non exhibere cogetur? Imo multo magis; sed id alia parte edicti efficitur, non hoc interdictio, de quo in extremo dicemus.

7 Datur † hoc interdictum illi: sic enim verba sunt interdicti: *Illi exhibeat.* Illi, sic accipie petenti, & interdictio hoc agenti. Quid ergo, an omni petenti hoc interdictum

competit? Et placet non competere, sed ei tantum, qui testamento, sive his tabulis, de quibus agitur, quid ascriptum habet. *L. 3. §. solent, D. cod.* Rursum hic quaero, cum hæc verba interdicti ad omnem petentem referantur: cur de eo, quem supra dixi, interdictum tantum interpretemur præter vim & significationem verborum? Sumptum hoc est ex vi & potestate huius interdicti, ac proinde ex sententia. Intelligendum est enim condemnationem ex hoc interdictio esse in id, quod actoris interest. *L. 3. §. condemnatio, D. cod.* Quod si ita est: inutile est hoc interdictum ei, cuius nihil interest. Porro tabulas exhiberi, eius tantum interest, qui quid testamento ascriptum habet. Quare huic solum interdictum utiliter competit. Qui testamento aliquid ascriptum habent, duo sunt: heres, & is, cui quid legatum, aut fideicommissum est. Sic fit, ut solis legatariis & heredibus hoc interdictum competeat. Utrisque competere certum est ex *d. §. condemnatio.* Veruntamen de heredibus nonnulli dubitari possent, propterea quod in *L. 3. §. si ipse, D. cod.* scriptum est, omnes, qui corpora tabularum sua esse dicunt, ad actionem ad exhibendum remittendos esse, neque hoc interdictum habere. Atqui corpus testamenti est heredis, de quo sic habendum est. Non semper corpus testamenti est heredis: fieri enim potest, ut heres nondum hereditatem adierit. Fieri potest, ut adierit, sed solus non sit heres, ut proinde nec testamentum sit eius solius. Quibus causis nemo dubitabit, quin illi interdictum de tabulis exhibendis competeat, nec quidquam obstat superior locus. Quod si solus erit heres, & hereditatem adierit, ut corpus testamenti eius est: ita sine dubio ad exhibendum agere potest de tabulis exhibendis, ut dilerte scriptum est in *L. 3. D. quem test. ap. Sed* nihilominus & de tabulis exhibendis interdictio potest experiri, ut constat ex *d. L. 3. §. condemnatio.* Neque obstat, quod supra dixi ex *d. §. si ipse*, eos, qui corpora tabularum sua esse dicunt, hoc interdictum non habere. Nam cum heres hoc interdictio agit, non agit de testamento tanquam suo, seu eo, quod suum esse contendit, sed tanquam de eo, in quo aliquid ascriptum habet, quæ huius interdicti intentio est.

Utrumque est, semper hoc manet, nisi quis legatarius sit, aut heres, ei hoc interdictum non dari. Hinc pendet † rescriptum huius tituli, cuius hæc est sententia: eos qui se pupillis a patre substitutos esse dicunt, de tabulis, quibus sub-

stitu-

stituti sunt, exhibendis posse hoc interdictum experiri adversus omnes, penes quos sunt illæ tabulæ, si modo hæc quatuor concurrant: si ii, quibus actores substituti sunt, fuerint filii testatoris, a quo substituti sunt; si impuberes; si in potestate patris fuerint; postremo si decesserint. Quæ ideo exiguntur, quia ex substitutione pupillari, qualis hic obteudebatur, substituti non sunt heredes, seu quod idem est, substitutio nullius momenti est, nisi superiora illa quatuor concurrant, ut deservitur hæc substitutio. *Inst. de sub. pupill. in pr.* Proinde cum substituti hæc quatuor dicere debeant, ut qui aliter non sint heredes defunctorum pupillorum ex substitutione: dubitari non debet, quod ab interpretibus quaeritur, quin eadem quatuor debeant probare, si ab adversario negentur, iuxta regulas iuris, quibus efficitur, & dicenti incumbere probationem: & actore non probante reum absolvi. *L. 2. D. de prob. L. qui accusare, sup. de edu.* His autem probatis, non agent tantum substituti de tabulis pupillaribus exhibendis, id est, de ea parte testamenti, in qua substituti sunt filiis impuberibus, sed agent de toto testamento patris: propterea quod non exhibentur tabulæ pupillares, nisi totum testamentum patris exhibeatur, cum sint pars & sequela testamenti paterni, ac sine eo nullæ sint, §. igitur, §. liberis. *Inst. de pupil. sub.*

- 9 Sed † hoc admissio, hoc interdictum non nisi heredibus, aut legatariis competere, & iis, qui se tales esse probent: incidit hoc interdictum in eam difficultatem, ut iam plane videatur esse inutile. Nam qui se heredem dicit institutum, aut sibi legatum relictum esse, is aut tabulas testamenti habet, aut non habet. Si habet, hoc interdictum illi non datur, cum tabulæ sint penes eum, non penes adversarium. Si non habet, non potest probare, sibi quid testamento esse relictum: sine quo hoc interdictum non vincit. Ideo autem non videtur probare posse; quia traditum est de iis controversiis, quæ ex testamento nascuntur, inquiri veritatem non posse, nisi inspectis & cognitis verbis testamenti, *L. 1. D. quem. test. ap.* Sed hic non hærebimus. Nam & sine testamento, quod penes se actor non habet, probare potest de iis, quæ testamento scripta sunt; puta, si qui forte testes testamentum prius legerint, aut si apud eos testamentum iubente testamentum sit recitatum, quibus testibus actor utetur. Nec obstat, quod dicitur, non inspectis verbis

Tom. IX.

testamenti, non posse inquiri veritatem de iis controversiis, quæ nascuntur ex testamento. Nam quæstio huius interdicti, non ex testamento est, ubi nihil ex testamento petitur, sed de testamento, id est, corpore testamenti.

Datur † hoc interdictum huius rei gratia, ut tabulæ exhibeantur, seu ut fiat vindandarum tabularum copia. *L. 3. §. hoc interdictum. D. eod.* Exhibitio tabularum huc spectat, ut confirmetur recognitis signis testium. Unde hanc exhibitionem non apud iudicem huius interdicti, si forte is iudex erit privatus, sed apud prætorem, fieri oportet; ut scilicet eius auctoritate convocentur testes testamentarii recognoscendorum signorum suorum causa: qui si vocati non adint, coercentur. Hæc in *d. L. 3. §. hoc interdictum. D. eod.* Coercentur autem testes aut pignoribus capitis, aut multa indicta, quæ sunt magistratuum remedia ad cogendos eos, qui sponte non parent, ut indicatur in *L. 1. §. ex hoc rescripto. D. de inspic. vent.* Ad hunc locum pertinet *L. 4. §. segg. D. quem. test. ap.*

Hæc † petitione constituta, ut tabulæ exhibeantur, hoc unum officium iudicis esse videri poterit in hoc interdicto, ut condemnet adversarium, ut tabulas exhibeat, quo facto iudex esse desinet, propterea quod sententiam petitioni convenientem esse oportet, *L. ult. C. de fideicom. liber.* Sed ne hic erremus, monendi sumus, ex hoc interdicto adversus eum, qui non exhibeat, condemnationem esse in id, quod actoris interest, *L. 3. §. condemnatio. D. eod.* Neque hæc inter se contraria sunt. Nam in hoc interdicto utrumque facit iudex. Primum iubet reum tabulas exhibere, ut interdicti verba declarant, *illi exhibeat*: & ad exhibitionem dat tempus pro distantia locorum. *arg. L. 2. §. pen. D. quem. test. ap.* Hæc sententia non est, sed iustus iudicis tantum, quod arbitrium a nostris auctoribus appellatur. Nam si sententia esset, statim post hanc sententiam iudex esse desineret, qui iussit exhibere, *L. iudex posteaquam. D. de re iud.* Si reus intra tempus præstitutum non exhibet, hic sequitur illa condemnatio, quam supra dixi. Hoc si interdicto olim expressum fuit, bene est. Si non fuit, tamen hoc a veteribus recte dictum est ex certa natura & potestate bulus iudicii. Sciendum est enim, omnia iudicia ad exhibendum, aut restituendum comparata esse arbitraria, ut indicatur in §. præterea quasdam, *Inst. de off. Arbitraria sunt, quia ex arbitrio iudicis*

R r r

dicis pendent, ut ibidem traditur, idest, in quibus prius arbitrat, idest, iubet iudex restituat, aut exhiberi id, de quo queritur, quod si arbitrio non pareatur, tunc sequitur, quæ hinc pendet, condemnatio iudicii propria. Condemnatio autem in id, quod actoris interest, quod adversus eum, qui dolo non restituit, attimatur, quanti in litem ab actore iuratum est: adversus eum autem, qui non restituit culpa, quanti vere res est. Hæc regula posita est in *L. qui restituere, D. de rei vind.* de vindicatione quidem potissimum, de qua illic agitur: sed tamen ita, ut definitur in extremum, hanc sententiam ad omnes actiones & omnia interdicta pertinere, quibus arbitrio iudicis quid restituitur. Si in restitutoris iudiciis hoc ius est, quia iudicis arbitrio non pareatur: hoc idem & in exhibitoris servari oportet; quoniam ambo pariter sunt arbitraria, idest, ex arbitrio iudicis pendentia pariter. *d. §. præterea, Instit. de act.* Unde & in actionibus ad exhibendum similiter in litem iuratur adversus eum, qui litem non exhibet, *L. in actionibus, D. de in lit. iur.* Hinc intelligi poterit, quomodo interpretandum sit, quod de condemnatione huius iudicii scribitur in *d. L. 3. §. condemnatio.* Cætera hac pertinentia ex eo §. recte petuntur.

- 12 His præpositis de vi & natura huius interdicti, quaesitum est, quid opus fuerit hoc interdictum, cum videatur aliis actionibus & aliis partibus iuris in hanc exhibitionem satis consultum fuisse. Nam primum actio *ad exhibendum* generalis est de omnibus rebus proposita, quas exhiberi volumus, & omnibus proposita, quorum interest rem exhiberi, *L. 3. §. sciendum, D. ad exhib.* Deinde si specialis actio desideratur de tabulis testamenti exhibendis, de ea cautum est ea parte edicti, qua edicit prætor, quemadmodum testamenta aperiantur: ubi pollicetur omnibus desiderantibus, se iussurum, ut his tabulæ exhibeantur, *L. 1. D. quem. test. ap.* Sed neutra harum actionum ad eam speciem, de qua hoc interdictum agitur, pertinet. Idcirco de ea specie aut nullam actionem esse oportuit, aut constitui novam in hoc interdictum. Nam primum actio ad exhibendum solis his datur, qui corpora sua esse dicunt, aut ad ius suum

pertinentia: puta bona fide a se possessa, sibi pignori obligata, se in his usufructum habere, aut saltem sibi ipse esse ea aliquando sua fieri posse, ut patet ex *L. 3. §. si ipse, D. hoc tit.* item ex *L. 3. §. est autem, & §. interdictum, D. ad exhib.* Porro qui ex hoc interdictum desiderat tabulas exhiberi, neque tabularum dominus est, neque dicit tabulas ad ius suum pertinere, ut exhibitas vindicet. Datur enim interdictum legatariis: datur hereditibus nondum adita hereditate, datur hereditibus ex parte institutis. Quare in hanc causam actio *ad exhibendum* esse non potuit. Quod autem attinet ad eam partem, qua cavet prætor, quemadmodum testamenta aperiantur: sane illic edicit se exhibitionem tabularum concessurum: sed longe alia conditione, & adversus alios, & longe dissimili effectu, quam in hoc interdictum. Nam illa parte cogit exhibere eum, qui non negat apud se esse tabulas. Ipse cogit tanquam magistratus, non tanquam iudex. Ideo & cogit longe aliter, quam iudex ex hoc interdictum. Nam eum, qui non negat tabulas apud se esse, omnimodo compellit exhibere, ut scribitur in *L. 2. §. ult. D. quem. test. ap.* Omnimodo sic interpretandum est, ut eum, qui non exhibet, non condemnet in id, quod actoris interest: quoniam hic iudicis officio non fungitur: sed ut vi extorqueat ab invito exhibitionem, vel tabulas illi auferendo, si habet præ manibus, vel multa indicta, quæ sunt remedia magistratus, *L. 1. §. 1. D. de in sp. ven.* Ex hoc autem interdictum tantum agitur adversus inficiantem, aut eum, qui dicit se exhibere non oportere. Iudex cogit tanquam iudex, non tanquam magistratus. Cogendi ratio est in condemnatione, ex quo discrimen utriusque remedii manifestum est. Sed cur prætor non eodem modo se gerit adversus inficiantem? quia adversus inficiantem iudicio opus est, ut convincatur. *L. negante, sup. de obl. & act.* Iudicio autem & iudice constituto, nihil relinquitur, nisi sententia iudicis, quæ sit in absolvendo est, aut in condemnando, *L. 1. D. de re iud.* Adversus confitentem nullo iudicio est opus. Idem tantum a magistratu ut magistratu, non ut iudice cogitur, *L. si debitori, D. de iud.*

A D T I T U L U M VIII.

COD. DE LIBERIS EXHIBENDIS, SEU DEDUCENDIS,
ET DE LIBERO HOMINE EXHIBENDO.

Ad L. Si. 1.

Imp. Antoninus A. Iustino.

*Si (ut proponis) cum tuæ potestatis esses, super rebus maternis obtinui-
sti: potes eos qui tibi condemnati sunt, convenire. Quod si extiterit qui se fi-
lium, & in sua potestate esse contendit: interdicto in eam rem proposito, de
fide intentionis eius quæretur. PP. VI. Id. Apr. Duobus & Aspris. Coss.*

Ad L. Ad. 2.

Imp. Diocletian. & Maximian. AA. & CC. Cyrillz.

*Adi præsidem provinciæ, ac postula filios tuos exhiberi. Subscripta V.
Id. Apr. Byzantii AA. Coss.*

Ad L. Si ad instar. 3.

Idem AA. & CC. Evodiz.

*Si ad instar interdicti de exhibenda filia Philippi cum conveniendum pu-
taveris: rector provinciæ aditus suam vobis accommodabit notionem. S. XII.
Kal. Decemb. Nicomedia AA. Coss.*

S U M M A R I A.

1. De liberis hominibus quæ interdicta. & n. 5.
2. Interdictum de libero homine exhibendo, adver-
sus quem, & quibus.
3. Si quis hoc interdictum ruffus non exhibet, con-
demnationem esse, quanti aliter iuraverit sua
interesse, vel ex affectu.
4. De liberis exhibendis interdictum cui, & ad-
versus quem datur, & quid distet ab in-
terdicto de libero homine exhibendo.
*Exhibere hominem, aut liberos esse extra sacra-
tum habere ibid.*
5. De uxore exhibenda interdictum peculiare pro-
ditum marito: & id quale.

L. ult. C. hoc tit. explicatur. ibid.

6. De liberis hominibus ducendis interdicta propo-
sita due: patri de filio, quem in potestate
habet: marito de uxore: adversus quem,
& quid sit ducere.
7. Adversus filium negantem se esse in potestate
non competere hoc interdictum, si de pote-
state solum sit controversia: sed solum no-
tionem præterit: & cur utramque.
8. Notio præterit, quid.
9. L. 1. §. 1. D. de rei vind. explicatur.
*Quid sit præiudicium, & præterio cognitio.
ibid.*

DE liberis hominibus † duo sunt ge-
nera interdictorum. Unum, ut li-
beri homines exhibeantur, qui detinen-
tur ab aliis. Alterum, ut eos ducere, sen
abducere liceat, qui ad nos nostrum, sive
potestatem pertinent, ut domi nostræ ha-
Tom. IX.

beri possint. Prioris generis duo sunt in-
terdicta. Unum de libero quovis homine
exhibendo. Alterum de liberis, idest, de
filiis nostris exhibendis. Prius † ininterdi-
ctum competit adversus eum, qui liberum
hominem retinet: sed hac conditione, si

R r r a

re-

retineat dolo malo, ut fuit verba interdicti in *L. 1. D. de liber. exhib.* Is dolo malo retinere intelligitur, qui sciens liberum hominem esse, quem retinet, invitum retinet, & sine causa: si vero autem servum puer, siue retineat volentem, siue invitum quidem, sed iustam causam habeat retinendi, hoc interdictio non tenetur. Hac definitio est, quae multis verbis explicatur ab Ulpiano in *L. 3. §. hac verba*, & deinceps usque ad *§. nisi prator, D. de liber. homin. exhib.* Datur autem omnibus liberum hominem exhiberi desiderantibus, humanitatis & libertatis alienae tuendae causa, nisi suspecta persona sit, quae desideret. Hoc idem quale sit, pluribus explicatur in *d. L. 3. §. hoc autem interdictum, de liber. homin. exhib.* Sed §. non immerito hic quaeretur, si homo liber non exhibeatur iussu iudicis: quae hic possit esse condemnatio, cum non sit condemnatio, nisi in id, quod actoris interest, quid autem actoris interesse potest, si extraneis personis hoc interdictum datur? Et erit condemnatio in id, quod actoris interest, non quod ex veritate militetur, sed iurando actoris, ut iuret quanti sua interesse putet etiam ex affectu, aut quanti iniuriam illam aestimet quasi ad se pertinentem. Sic enim lis aestimatur in actionibus *ad exhibendum*, adversus eum, qui exhibere iussus, dolo, aut contumacia non exhibet, *L. 2. §. 1. in actionibus D. de in lit. lit.*

De liberis §. exhibendis interdictum eodem pertinet, quo superius, nempe ut liberi nostri nobis exhibeantur; quo verbo in utroque interdictio significatur, ut extra secretum habeantur, *L. 3. §. nisi prator, D. eod. de liber. hom. exhib.* Sed praeterquam, quod de liberis nostris, qui in potestate nostra sunt, hoc interdictio agitur, dicitur etiam hoc interdictum a superiore duabus hisce in rebus. Primum non cuius desideranti datur, ut superius, sed patri dumtaxat, qui filium in potestate habet, *d. L. 1. D. de liber. exhib.* Idque ob hanc causam, quod interdictum hoc datur patri, ut filium exhibitum ducere liceat, *L. 3. §. 1. D. de liber. exhib.* Nulli autem ducendi ius est, nisi patri, qui filium habet in potestate. Deinde datur hoc interdictum, non ut superius, adversus eum qui dolo malo filium retinet, & nullam retinendi causam habet; sed adversus omnem qui filium apud se habet, siue causam retinendi habeat, siue nullam. Hoc potestati patris tribuitur, *L. 1. §. in hoc interdictio, D. de liber. exhib.* Sunt tamen, qui hoc interdictio non tenentur, ut ma-

ter interdum, *L. 3. §. pen. D. de liber. exhib. ut maritus conveniatur de uxore sua exhibenda. L. 1. §. ult. L. 2. D. eod.* Interdum etiam obstat pari rei iudicatae exceptio, si iudicatum sit, filium non esse in eius potestate, *d. L. 1. §. pen.* De hoc interdictio accipienda est: *L. 2. b. t.* Licet §. in hoc genere adicere tertium interdictum de uxore exhibenda, quod marito datur adversus omnem qui uxorem eius retinet, etiam adversus patrem uxoris, de quo in *L. 2. D. de liber. exhib.* Ac de hoc interdictio accipienda est, *L. ult. b. t.* in qua scriptum est, si de exhibenda filia Philippi patris agatur, etiam eum ipsum conveniri posse. Non adicitur, a quo, aut quo interdictio. Sed ex iis, quae supra dixi, facile est intellectu. Nam cum ipse pater conveniatur: periculum est hic non agi interdictio de liberis exhibendis, quo pater agit, non autem convenitur. Sed nec quemlibet actorem intelligemus, qui de hac filia exhibenda experitur interdictio de libero homine exhibendo. Nam hoc edictum adversus patrem non competit, *L. 3. §. si tamen, D. de liber. homin. exhib.* Restat igitur, ut soli marito hic interdictum deure, quo desideret uxorem suam a socero sibi exhiberi, iuxta *d. L. 2. D. de liber. exhib.*

De liberis §. hominibus ducendis duo interdicta sunt, quorum unum propositum est patri de filio ducendo, quem in potestate habet: *L. 3. in princ. D. de liber. exhib.* alterum marito de uxore ducenda, ut constat ex *d. L. 2. de quo eadem ducenda sunt mutatis personis, quae de interdictio de liberis ducendis dicemus.* Datur autem interdictum de liberis ducendis, ut filium ducere liceat, id est, secum domum abducere, ut ibi habeat, aut ibi velit, & ea mandata, quae velit, exigit pro imperio & potestate patris. Datur adversus eum, qui filium retinet quovis modo, ut illud quod est de liberis exhibendis; sed ita, si invitum apud se habeat. Nam si volentem, magis filius apud se esse intelligitur, quam apud eum, cum quo agitur, *L. ult. D. eod.* Adversus autem filium ipsum, qui negat se esse in potestate patris, interdum hoc interdictum datur: sed hac conditione solum, si is, quasi sol iuris esset, hereditatem adierit, aut quid aliud acquisierit, quod pater tanquam a filiofamilias questum suum esse dicat, filius autem neget se esse in potestate patris, *L. penultima. D. de liber. exhib.* Ad quam speciem referri debet *L. 1. b. t.*

Ceterum §. si solum de potestate erit, controversia inter patrem & filium ipsum, hoc

hoc interdictio adversus filium non agitur, sed succedit notio pratoris, ut est in *L. 3. §. hoc autem interdictum, D. de lib. exhib.* Sed cur adversus filium ipsum hoc interdictum non datur, cum is non minus suae potestatis controversiam faciat, quam extraneus quisvis? Quia in omni actione, qua de re aliqua agitur, oportet rem distinctam esse ab eo, adversus quem agitur. Est enim omnis actio de re aliqua adversus aliquem, *§. 1. Instit. de act. L. actionum D. de obl. & act.* At si adversus filium, qui controversiam suae potestatis faciat, agitur: idem erit & is, cum quo agitur, & res, de qua agitur, nempe quae petitur ad deductionem. Quapropter in hanc speciem actio non cadit.

8 Et tamen § quia filius impone controversiam suae potestatis facere non debet, in hac re imploratur officium pratoris, seu magistratus, qui ipse hac de re cognoscet & iudicabit. Huc est illa, quae hic notio pratoris appellatur. Sed cur hic magis notio pratoris dicitur, quam in interdicto, aut in actione alia? Non quod prator in aliis actionibus cognoscere non potuerit, aut iudicare: nam qui ipse alium iudicem dare potest, & ipse iudicandi ius habet, de qua re alias. Sed quia ita cognoscere potuit prator in ceteris actionibus, ut tamen non haberet necesse, sed iudicem dare posset. Ex vero ita in more positum erat Romanis, ut prator iudicem dare soletet, & iudicium. At hic, ubi notio pratoris appellatur, sic ipse cognoscere potuit: ut etiam debuerit, nec potuerit alium huius rei iudicem dare. Unde notio pratoris per excellentiam dicta, ut sit pratoris solius, non alterius cuiusquam, quem prator iudicem dederit.

Ex his iam intelligitur, de his liberis, seu filiis, qui in potestate patris non sunt, aut filii eius negantur, oecum interdicta esse, neque cognitionem pratoriam, sed de his, si quid ab his, tanquam filiis exigamus, praedictum redditur. Ex § quo rursus intelligi potest, quae sit sententia Ulpiani in *L. 1. §. 1. D. de rei vind.* ubi ita scribit: *Liberi nostri per hanc actionem non petuntur, sed petuntur aut praedictis, aut interdicitis, aut cognitione pratoria.* Praedictis petuntur, qui se filios nostros negant. Hoc enim cum sit, redditur adversus eos praedictum, id est, praedictialis actio; similis illi, quae dicitur de partu cognoscendo in *§. praedictales, Instit. de act.* Est enim actio, qua id agitur, ut filius noster esse agnoscat, sive actio, in qua quaeritur, an quis filius noster sit, necne. Quae ideo praedictum vocatur, quia cum quis filius noster esse iudicatus est, hoc iudicio una eademque opera de aliis omnibus controversiis, quae ex hac causa pendent, iudicium factum iam ante videtur. Huc autem inde pendent, ut filius noster nobis honorem exhibeat, obsequium praestet, nullam actionem, quae turpitudinis significationem habet, adversus nos instituat, nos egentes aliat, *L. 2. L. licet, & seqq. D. de obseq. paren. & par. praest. L. si quis a liberis, §. si vel parens, D. de agnosce. liber.* Petuntur liberi interdictis illi, qui sunt in potestate nostra, si ab alio retineantur. Interdictis, dicimus, quia sunt plura. Unum *de liberis exhibendis*: alterum *de liberis ducentis*, re inter se, ut apparet maxime distincta. Quod si filius se ipse in potestate nostra esse negabit, neque ab alio detinebitur: hic notio pratoris locum habet, quam in superiore loco Ulpianus cognitionem pratoriam appellat.



A D T I T U L U M IX.

COD. DE PRECARIO, ET SAL. INTERDICTO.

Ad L. 1.

Imp. Gordianus Ariftoni.

Si te non remittente pignus, debitor tuus ea quæ tibi obnoxia sunt, venundedis: integrum tibi ius est persequi, non interdicto Salviano (id enim tantummodo adversus conductorem debitoremve competit) sed Serviana actione, vel quæ ad exemplum eius instituitur, utilis adversus emptorem exercenda est. PP. VI. Idus Septembr. Pio & Pontiano Coss.

S U M M A R I A.

1. Salviani interdicti summa.
2. De rebus coloni competere interdictum Salvianum: si ad hoc coloni sunt, directum: si alienata sunt, utile.
3. Salvianam ad res obligatas alterius debitoris, quam coloni non pertinere.
4. Salvianam competere non de omnibus rebus ob-

ligatis coloni, sed de investitis & illatis in fundum.

L. 1. D. de Salvian. interd. expolita.

5. Salvianam domino competere adversus quemvis possessorem de rebus coloni investitis.

6. Latio L. 1. C. de Salvian. int. emendata.

7. Quorsum interdictum Salvianum, cum de isdem rebus competat actio Serviana in rem.

HOC rescriptum de Salviano interdicto est, † cuius interdicti hæc est summa. Propositum fuit Salvianum interdictum de rebus coloni in fundum conductum investitis & illatis, quas colonus domino fundi pignori futuras pepigit, propositum de his rebus domino fundi adversus quemvis earum rerum possessorem. Hæc partim posita sunt in §. *interdictum quoque, Instituit. de interd.* partim a Theophilo *ibidem* & suis locis alibi confirmantur, ut indicabimus. Est † hoc interdictum de rebus coloni. Proinde si ex investitis & illatis rebus quid vendiderit & alienarit colonus: de eo hoc interdictum non competit secundum verba, quia res coloni esse desierint. Hinc dubitatio huius L. 1. Et convenienter iis, quæ diximus, respondetur, de rebus ita alienatis hoc interdictum non competere. Sed de directo hoc dictum interpretandum est; cæterum utile dabitur L. 1. *in princip. D. eodem.* Neque enim colonus pignus alienando potuit conditionem creditoris facere deteriorem, L. *debitorem, infr.* de pig. Coloni dicimus, ut intelligatur † de rebus alterius debitoris, quam coloni, & conductoris hoc interdictum non dari, quantumvis creditor pignori obligatæ sint. Quapropter quod in hac L. 1. scriptum est, *hoc interdictum adversus conducto-*

*rem, debitoremve competere, oratio disiunctiva est, quæ pro coniuncta accipi debet, ut sit sensus: adversus conductorem, qui & idem debitor sit; quoniam si debitor esse desisset, pignus solum esset. Id autem facimus ex usu iuris recepto: ubi sententia ita exigente modo coniuncta pro disiunctis, modo disiuncta pro coniunctis accipimus, L. *sape, D. de verb. signis.* Est † de investitis & illatis. Quod † prætermisum apud Iustinianum recte positum est a Theophilo: & satis colligitur ex L. 1. *in princip. D. eodem.* Aut enim Iulianus, si ancilla a colono inducta sit in fundum conductum, deinde prægnans vendita apud emptorem pepererit, de hoc partu interdictum utile competere, significans non competere directum. Quod non alia ratione dici potuit, quam quod hoc interdictum sit de illatis & investitis in fundum: hic autem partus revera non fuerit in fundum investitus, aut illatus. Cur ergo utile etiam de hoc partu datur? Quia si ancilla prægnans inducta fuit, quodammodo per eam etiam inductum videri potest, quod utero eius continebatur. Et ideo bene monent, qui de hoc partu interdictum dant, si ancilla saltem apud colonum conceperit ex L. *si conveneris, §. si fundus, D. de pign. act.* Hoc † interdictum domino fundi datur, cui scilicet*

res

res pignori obligatæ sunt. Datur autem non adversus conductorem tantum, sed adversus quemvis possessorem, quod positum a Theophilo aperte probatur in *L. 1. §. 1. D. eodem*, ubi Iulianus nominatim dat hoc interdictum adversus extraneos, neque addit *interdictum utile*. Unde intelligimus illum & directum dare. Nam si utile intelligeret in hac specie, adiecisset, quemadmodum prius fecerat in ea specie, de qua proxime responderat. Tum autem, si hoc interdictum adversus conductorem tantum daretur, esset plane inutile, cum adversus conductorem abunde sufficiat pignoratitia actio contraria de quavis re pignori data, quantumvis aliena, *L. 1. in fin. L. si rem in princ. D. de pig. act.* Ex tamen in hac *L. 1.* scriptum est, hoc interdictum tantummodo adversus conductorem, debitoremve competere. Ego igitur puto recte dici posse locum esse corruptum, & ita legendum esse, *adversus conductorem rem, debitoremve competis*. Nam si adversus conductorem tantum competeret: non debuit hoc responderi de re coloni vendita, sed de re quavis coloni, quæ etiam nunc coloni esset, quæ ab extraneo possideretur. Nunc autem in hoc rescripto quæstio movebatur de re a colono alienata. Et quod dicitur, Salvianum interdictum adversus rem con-

ductoris dari, non debet inpositum videri. Nam in actionibus in rem dicuntur res conveniri, non personæ, *L. Imperatores, D. de public.* Si quis lectionem vulgarem retinere vult, licebit de sententia recepta ita dicere, ut fateamur ex hoc loco interdictum Salvianum adversus conductorem tantum dari, nempe directum: adversus cæteros dari etiam illud quidem, ut est in *L. 1. D. eodem*, sed utile, tamen si nihil illic adiciatur. Sed hoc, ut dixi, nimis durum est, ut sunt ea, quæ supra probavi.

Quæsitum est † quid de superscriptis rebus opus fuerit introducere hoc interdictum, cum sit in promptu actio Serviana in rem, idque sine ulla dubitatione, *§. item Serviana, Institut. de act. §. L. 1. in fin.* Recte hoc expedit vulgo hoc modo. Constitit in hypothecaria actione de pignore creditorem probare debere rem, quam persequitur, fuisse in bonis debitoris, cum pignori obligabatur, *L. §. quæ non dandum, §. quod dicitur, D. de pign.* Ex quo conicere possumus, in hoc interdicto, in quo de possessione tantum momentaria agitur, non necesse esse creditori idem probare, sed hoc solum, res in fundum investitas & dilatas, tanquam colopi essent.

Ad L. Ultim.

Impp. Diocletian, & Maximian, AA, & CC. Fabricio.

Habitantis precario heredes ad restituendum habitaculum teneri, contra eos interdicto proposito, manifeste declaratur. S. K. Decemb. Sirmii. AA. Coss.

S U M M A R I A.

1. Precarium quid, & quid distet a commodato.
2. Interdictum cur necessarium visum de precario.
3. Interdicto de precario solum teneri, qui accipiam habet, aut desit dolo malo habere, in eo culpam non præstari.

4. Etiam de precario esse actionem præscriptis verbis, ex contractu. Unde contractus intelligatur, & cur cum hoc esset, comparatum sit interdictum.

HOC rescriptum est de precario. Precarium † est, quod precibus roganti utendum datum est, nullo certo utendi constituto, neque fine, neque modo. Prius positum est in *L. 1. D. eod.* Posterius additum est propter commodatum. Nam & commodatum est, quod utendum datum est roganti, idque precarium cum commodato commune habet, *dist. L. 1. in fin.* Sed hoc distat alterum ab altero, quod commodatum tantum est, cum quid uten-

dum datur certo utendi fine, aut modo præstituto. Exempli gratia; dedi tibi equum meum ad certum usque locum: dedi bovem, ut ruri opus tibi faceret in duos dies: dedi tignum utendum ad fulciendam insulam. In his omnibus commodatum est, *L. in commodato, §. sicut, D. com.* Hac omnia si dedi tibi roganti utenda simpliciter, precarium est. Hac de causa commodatum, quamvis beneficii sit: tamen intempestive repetere non licet, *d. L. in*

L. in commodato, §. sicut. Contra precarium licet repetere quandocumque libet; quia scilicet nulla lex usus dicta est, *L. 1. D. eodem.*

2. Hioc ¶ necessaria visa nova actio de precario: quam ad rem propositum est hoc interdictum. Propositum autem ei, qui precarium dedit adversus eum, qui accepit, ut restitatur. Exstat in *L. 2. in pr. D. eod. tit.* Sed observandum ¶ est hoc
3. ita dari adversus eum, qui accepit, si is precarium habet apud se, aut dolo fecerit, quo minus haberet, quod interdicto expressum est. Ex quo intelligimus, cum, qui precarium accepit, si precarium amiserit, non teorei, sive casu amiserit, sive culpa sua, *L. quæsitum, §. eum quoque, D. eodem.* Quod eo magis notandum est; quia videtur contra regulas contractuum esse constitutum: quibus efficitur, ut com accipientis tantum utilitas versatur, ut in commodato, qui accipit, non tantum dolum, sed etiam omnem culpam suam præstet, *L. si ut certo. §. nunc videndum, D. com.* Sed ut aliter receptum sit in precario, ratio exposita est in *d. L. quæsitum, §. eum.* Non tantum autem hoc interdictum datur adversus eum, qui precario accepit; sed etiam adversus heredes eius, ut declaratur in *d. L. quæsitum,*

§. ult. Id vero est, quod hoc rescritto continetur. De precario commodati actio non datur; quia iam ostendimus precarium commodatum non esse. Sed ¶ nihilominus & de precario actio præscriptis verbis datur. *L. 2. §. 1. D. eod.* nempe ex contractu & conventiono. Nam præscriptis verbis actionem ex contractibus iis esse constat, quorum appellationes nullæ proditæ sunt iure civili. *L. 3. D. de præf. ver.* Talis autem conventio & contractus in precario dando ideo. Nam qui dat utendum, ita dat, ut declaret se dominium oco transferre. Itaque hac lege dat, ut cum is qui accipit, usus erit, reddat; usus autem finis sit, com dari videbitur; quia & dominus manet, & æquum est novumque tamdiu liberalitate nostra uti, quamdiu velimus: quæ ratio redditur & in *L. 1. & in L. 2. D. eod.* Cur igitur hoc interdictum datum est, cum illa actio sufficeret? Quia hæc conventio in hoc contractu oon exprimitur: ut dubitari potuerit, nam ideo, ac propterea num præscriptis verbis actio dari deberet. Ideo in hac incertitudine interdictum initio propositum est: postea cooveoit actionem præscriptis verbis esse, quasi eodem modo negotium geratur, ut in commodato, nempe hoc do tibi utendum, ut reddas.



AD TITULUM XIV.

COD. DE PIGNORIBUS ET HYPOTHECIS.

SUMMARIA.

1. *Collocatio huius tractatus.*2. *Pignus & hypotheca quid, & unde hæc dicta.*3. *Pignus quomodo constituitur.*4. *Pignoris constituti vis in cautione: cautio quibus in rebus consistat.*

QUOD de ↑ pignoribus & hypothecis hoc loco tractatum est, factum ratione non caret. Apparet enim ex sequentibus titulis in hoc libro tractatum esse de iis in universum, quæ ad obligationes omnes pertinent. Nam & de stipulatione ex professo hic actum est, & sub hac specie de obligationibus omnibus, quæ solent in stipulationem deduci: actum præterea de omnium obligationum solutionibus & liberationibus. Consentaneum erat, ut & eodem libro de iis ageretur, quæ ad confirmandam quamque obligationem pertinerent, idest, de obligationum accessionibus, quod & factum est. Nam cum obligationum omnium firmandarum causa duæ accessiones essent, fideiussores, & pignora: utriusque generis tractatio in hunc librum esse collata, agitur enim & postea de fideiussoribus. Sed prius hoc loco, & quidem ab initio de pignoribus, quoniam in his plus est cautionis. Subiiciunt enim pignora rem creditori. Plus autem cautionis in rem, quam in personam, *L. plus cautionis, D. de reg. iur.* Idcirco & de his recte actum priore loco, ut de accessione firmiore. Alia in parte in Pandectis hoc argumentum collocatum est, nempe post tractationem de contractibus in parte 4. Digestorum. Sed nihil refert, utrum post contractus & alias obligationes de pignoribus agatur; an ante, an in medio: dum hoc intelligatur, pignus omne obligationis præcedentis causa dari, ut eo nomine creditori cautum sit. *S. ult. Instis. quib. mod. re contr. obl.* Quid sit pignus, & hypotheca: quid verbo, quid re in usu iuris alterum ab altero differat, scripsimus olim in methodo huius argumenti. Nunc ne quid delideretur, summam paucis complectar.

Et ↑ definitiorem hæc aliter, cum verbi significationem ex proprietate quaerimus, quæ est ex ea notatione, unde & nomina ducta sunt: aliter, cum in his vim & effectum iuris spectamus, qui his verbis si-

Tom. IX.

gnificatur. Proprietas & notatio verborum hæc est. Pignus dictum est a pugno: ut hoc verbo significetur res quidem pro debito obligata; sed ita, si tradatur creditori, & præsertim si sit mobilis. Nam hæc potissimum pugno capitur: hoc in *L. plebs, §. pignus, D. de verb. sig. L. si rem, §. proprie, D. de pig. act. L. item Serviana, in fi. Instis. de act.* Hypotheca autem verbum Græcum est, quod Latini retinuerunt, dictum *aut ut dicitur* idest, subicere, & supponere, ut hoc verbo significetur res pignori supposita: unde rem suppositam pignori pro obligata legimus in *L. creditor, sup. de pig. act. & alibi innumeris locis.* Obligator autem res pignori nuda conventionem etiam citra traditionem, *L. 4. D. eod.* Proinde hoc nomine etiam ea res significatur, quæ sine traditione pignori obligatur. Sed cum ea, quæ traditur pignori, multo etiam magis accedente traditione obligetur, & subiiciatur obligationi: dubium non est, quia hypothecæ verbo res omnis significetur pro debito obligata, sive tradita sit creditori, sive non sit: ut appareat pignus ab hypotheca hoc differre, quod differt species a genere. Hypotheca genus est, rem omnem obligatam continens, sive quæ tradita est, sive quæ non est tradita. Pignus speciei nomen ad eam rem pertinens, quæ creditori pro debito opponitur, & traditur. Sed quod in aliis verbis generalibus accidit, idem accidit in verbo hypothecæ. Ut enim adoptionis verbum, quanvis generale, tamen docendi causa usurpatur pro ea specie adoptionis, quæ sit per magistratum, *L. 1. D. de adopt. idemque sit in verbo cognationis, L. Inrisconsultus, §. 1. D. de grad. & affu.* in verbo, *aditionis, L. pronuntiatio, §. ult. D. de verb. signific.* sic fit in verbo hypothecæ, ut cum pignori opponitur, intelligatur species altera pignori contraria, idest, res obligata, cuius possessio tradita non est creditori. Idque est, quod

S s s

de

de proprietate horum verborum in hanc sententiam dicitur in dicta *L. si rem, §. proprie, D. de pign. actio. & in dicto §. item Serviana. in fin.* Sed hæc, inquam, ita sunt, cum significationem verborum & notationem spectamus. Aliud dicemus, cum spectamus rem ipsam, id est, vim & effectum pignoris. Vis & effectus pignoris, seu hypothecæ hic est, ut res, quæ pignori opponitur, sit pignori obligata. Porro in iure ut res pignori obligetur nihil interest, utrum tradatur, an non tradatur: dummodo convenerit, ut sit pro debito obligata, dicto *§. item Serviana.* Ita huius potestatis & effectus habita ratione, inter pignus & hypothecam nihil interest. Nam si res tradita est, & proprie pignus est, & proprie hypotheca: quia semper genus dicitur de sua specie. Sin res tradita non est, hypotheca proprie dicitur, & effectus etiam dicitur pignus, quia iuris potestate pro tradita habetur: tam enim obligata est, quam si maxime esset tradita. Huc referri debet, quod de contrahendo pignore dicitur in *L. 1. in pr. D. de pign. act.* pignus contrahi non solum traditione, sed etiam nuda conventionem, et si non traditum sit. De hoc vi & effectus pignoris differat Martianus in *L. 5. §. pen. D. eod.* Est enim locus ad formulam hypothecariam, id est, ad actionem hypothecariam. Idcirco recte scriptum in eo tractatu: inter pignus & hypothecam nihil nisi nominis sonum distare. Ut sit sententia, si qua differentia est, eam esse in verbis, & verborum significatione: in re, sive in effectu rei non esse; quia ad rem obligandam pro debito nihil interest, utrum res tradatur, an non tradatur. Hoc constituto, quoniam de re querimus, non de verbis, pignus, seu hypothecam ita recte definiemus, ut sit res omnis pro debito obligata: quod colligitur ex *L. 4. & L. 5. D. eod.* Non dixi rem esse, de qua convenit, ut esset pro debito obligata, quod factum est in *§. item Serviana, Inst. de act.* Nam Iustinianus de specie pignoris id dixit, nempe de pignore conventionali: quia ad demonstrandum, quod volebat, id sufficiebat: ceterum non sola conventionem pignus constituitur.

Dum effectum sit, pignus rem esse pro debito obligatam: hoc querendum est, quomodo obligetur, ut sic intelligamus vere pignus esse, quod tanquam pignus persequi volumus,

3 Pignus ¶ omne aut iure ipso constituitur, aut alieno facto. Iure, cum in bonis

debitoris lex creditoris pignus tribuit: quod quibus in causis fiat, dicitur *seq. tit.* Alieno facto pignus constituitur, si is constituit, qui ius constituendi habet, & constituit, uti oportet. Constituerendi ius habent duo: Ex iis, qui rei domini non sunt, solus magistratus: ex dominis si omnes, quibus rerum suarum alienatio non est interdicta. A magistratu constituitur id, quod prætorium appellamus. Quod quibus in causis magistratus constituere possit, & quomodo constituitur, dicitur ad *Tit. de præf. pign. & tit. seq. infr.* De hoc autem est in *L. non est mirum, D. de pign. act.* A domino pignus constituitur nuda voluntate, ut quicque vulerit rem suam pignori esse creditori sive suo, sive alieno. Constituitur autem ista voluntate partim testamento, partim conventionem. Testamento recte constituit pignus discimus ex *d. L. non est mirum, D. de pign. act.* Conventionem autem præcipue constituitur: in qua hoc notandum est, nuda conventionem pignus contrahi citra traditionem, *L. 4. D. eod. L. 1. in pr. D. de pign. act.* Rursum conventionem contrahitur dupliciter: partim conventionem tacita, partim expressa. Tacita, ut investitis & illatis in prædium urbanum conductum: de qua specie cognoscemus proximo titulo. Expressa conventio que sit, notum est.

Pignoris ¶ constituitur hæc vis est, ut pignore pro debito cautum sit creditori, ut initio diximus. Hæc cautio tribus in rebus consistit. Primum ut rem penes se habere liceat creditori, & pignori incumbere. Quam ad rem obtinendam illi proposita est de pignore in rem actio adversus omnem pignoris possessorem, *L. pignoris, infr. b. 1.* Proximum est, ut dum rem penes se habebit, ea utatur fruarur, ut bono patrifamilias convenit. Quod non tantum pro iure suo facere potest, sed etiam facere iubetur ex fide bona, ut & res colatur, & fructus percepti exonerent debitum, atque ita utrique caveatur, & debitori, & creditori, *L. 2. & L. 1. sup. de pign. act.* quamquam hoc magis in obligatione personali quæ inter debitorem & creditorem intercedit, quam in iure pignoris numerandum est. Tertium est, ut si creditori videatur non esse expectandum diutius, sed suum consequi velit, liceat ei primo quoque tempore pignus distringere, ex cuius pretio illi satisfiat: de quo sub *Tit. de distr. pign. infr.*

Ad L. Debitor. 1.

Imp. Severus & Anton. AA. Timotheo.

Debitor, qui pignoribus profitetur se creditoribus cedere, nibilo magis liberabitur. PP. V. Kal. Mart. Severo, A. II. & Albino Coss.

S U M M A R I U M.

1. Debitorum non liberari cessione pignoris invito

creditoribus, & quare.

Debitor cessione pignoris invito creditore liberari non potest. Ductum ex regulis iuris, quæ sunt de solutione & liberatione debitorum. Unusquisque invito creditore ita liberatur, si solvat, quod debetur: quo pertinet illud, solutione eius, quod debetur, tolli omnem obligationem. *Inst. quib. mo. sol. obl. in pr.* Cæterum neque minus, quam debetur, neque aliud pro alio invito creditore solvi potest, L. 2. §. 1. D. si cert. pot. Porro certum est, cum pignus pro debito ceditur, vel minus solvi, si pignus non tanti valeat, quan-

tum debitum est: vel si tanti valet, aut pluris; tamen aliud solvi, quam debetur. Ex quo efficitur, ea cessione debitorem liberari non posse. Hoc cum in cæteris rebus, quæ solvuntur, recte dicatur: tunc vero in pignore quod ceditur, præcipue locum habet. Pugnat enim cum fine & natura pignoris, ut debitor ea cessione liberetur in necem creditoris. Iam enim dixi pignus dari, ut creditori magis caveatur: cui adversatur, ut creditori noceat.

Ad L. Quamvis. 2.

Idem AA. Lucio.

*Quamvis constet specialiter quædam & universa bona generaliter adversarium tuum pignori accepisse, & æquale ius in omnibus habere: iurisdic-
tio tamen temperanda est. Ideoque si certum est, posse eum ex his que nominatim pignori obligata sunt, universum redigere debitum: ea que postea ex iisdem bonis pignori accepisti, interim tibi non auferri præses provincia iubebit. PP. II. Kalend. Iul. Chitone & Libone Coss.*

S U M M A R I A.

1. Qui bona generaliter pignori accepit, habet prærogativam pignoris, adversus specialem posteriorem hypothecam.
2. Specialiter quibusdam rebus pignori obligatis, deinde generaliter omnibus bonis, non per-

veniri ad alia bona adversus posteriores creditores, quando specialis hypotheca iussit: & cur. & num. 4.

3. Species & sententia huius rescripti.
4. Iurisdictionem temperandam, hic quid sit.

Qui generaliter bona debitoris pignori accepit, potior est eo, cui ex his bonis nonnulla specialiter postea pignori data sunt; quamvis ex cæteris pecuniam tibi debitam redigere possit: sententia est Papiniani in L. 2. D. qui pot. in pign. hab. Propone hoc modo: Primo creditori bona debitoris generaliter obligata sunt: Secundo obligatus est fundus Tusculanus specialiter, qui fundus erat ex bonis de-

Tam. IX.

bitoris. Dicimus ius esse Primo creditori hunc ipsum fundum persequi adversus Secundum creditorem; nec illi quidquam ob stare, si in reliquis bonis, quæ Secundo non sunt obligata, satis sit, unde Primo satisfiat. Sententia vera, & regulis iuris conveniens. Nam quoties duobus eadem res pignori obligata est diversis temporibus; qui tempore prior est, potior est iure in pignore persequendo, L. 2.

S 12

& L.

§ L. 3. infr. qui pot. in pig. hab. Porro in proposito fundus Tusculanus Secundo obligatus, iam ante Primo obligatus fuit, cum generaliter omnia bona debitoris illi pignori data sunt. Nam generali oratione compendio sermonis omnes species tam continentur, quam si specialiter expressæ essent, *L. si servitus, D. de ser. urb. præd. L. Mevius, §. duorum, D. de leg. 2. L. semper specialia generalib. D. de reg. iur.* Sic fit regulæ superiori convenienter, ut Primus creditor in hoc fundo Tusculano potior sit Secundo creditore. Sed & *d. L. 2.* & hoc rescripto docemur, eam sententiam sic accipiendam esse: si omnia bona debitoris generaliter obligata sint Primo creditori sine exceptione & enumeratione cuiusquam rei, quæ sit ex illis bonis.

Placet tamen diversum esse, si Primo creditori quædam specialiter obligata sint, deinde generaliter omnia bona debitoris. Nam primum si generaliter omnia reliqua bona obligata sint, sub hac conditione, si pecunia ex rebus specialiter obligatis servari non possit; res dubitationem non habet, quin ex verbis ipsis conventionis Primus creditor prius persequi & excutere debeat res sibi specialiter obligatas; quoniam reliqua bona non sunt illi obligata, si ex rebus specialiter obligatis suam consequi possit. Quo fit, ut si possit consequi, posterior creditor in aliis rebus sibi specialiter obligatis non tam sit potior contra regulam iuris, quam solus creditor; cum priori eadem obligata non sint. Hæc est illa species, de qua Papinianus in istam sententiam respondet in *ead. L. 2. D. qui pot. in pig. hab.* Sed et si prius creditori quædam res specialiter pignori obligatæ sint, deinde generaliter reliqua omnia bona, quamvis sine ulla conditione; tamen idem placet, quod supra, Primum creditorem prius persequi & excutere debere res sibi specialiter obligatas, quam perveniat ad ea, quæ ex reliquis bonis Secundo creditori obligata sunt.

Quæ tamen species est, & exceptio huius rescripti. Pinge hoc modo: Primo sic pignus datum est; ædes illæ meæ, & generaliter omnia mea bona tibi sunt obligata pignori: Secundo creditori postea fundus Tusculanus, qui ex iis bonis reliquus erat, obligatus est. Placet Primum creditorem non posse fundum Tusculanum persequi a Secundo creditore, nisi prius consulerit eum ex ædibus sibi specialiter obligatis pecuniam sibi debitam redigere non posse. Obstat huic sententiæ regulæ superior, quæ efficit, ut in fundo duobus obligato potior sit iure, qui tempore prior est. Nam hic quidem fundus Primo creditori prius est obligatus: sunt enim illi omnia bona debitoris obligata, & ita in omnibus æquale ius habet, ut rescriptum loquitur. Respondent imperatores hoc ita esse, ubi generaliter omnia bona debitoris creditori Primo obligata sunt. Sed tamen in hac specie iurisditionem esse temperandam, id est, ius illud quod supra posuimus de generali obligatione, esse temperandum, & secundum hoc temperamentum præsidem ius dicere debere. Sed cur in hac specie temperandum ius est, quod rescriptum non exprimit? Nempe quia secundum verba Primo creditori omnia bona debitoris obligata sunt, & ideo fundus Tusculanus, de quo quæritur: sed secundum sententiam contrahentium non sunt: quæ sententia hinc colligitur: Non enim frustra Primo creditori specialiter obligatæ sunt ædes, cum satis generali hypotheca continerentur. Et satis declaratur in *L. 4. D. de usur.* cum verba plura de eadem re geminantur, sic geminari videri, ut geminatio aliquam vim habeat. Quod & hic fieri existimandum est. Nunc autem hypotheca specialiter expressæ alius usus esse non potest, nisi ut creditor prius eam persequatur, & si sufficit, sit contentus, si non sufficit, tum ad reliqua bona perveniat.



Ad L. Creditores. 3.

Idem AA. Maximo.

Creditores, qui non reddita sibi pecunia, conventionis legem ingressi possessionem exercent, vim quidem facere non videntur: attamen auctoritate praesidis possessionem adipisci debent. PP. Kal. Maii Antonino A. II. & Geta II. Coss.

S U M M A R I A.

1. Creditorem pignoris possessionem adipisci solum debere auctoritate magistratus competentibus actionibus.
2. Pignoris possessionem qui ingreditur sua auctoritate, eum ius crediti amittere.
3. Legem conventionis exerceat, quid.
4. Eum, qui quovis ex conventionis possessionem pignoris sua auctoritate & vi ingreditur, teneri legibus latis de vi.
5. Debere verbum quoniam pro se, atque hoc loco significativum habere.
6. Creditorem pignoris possessionem non aliter ingredi debere, quam auctoritate magistratus, nisi convenierit, ut possit sua auctoritate ingredi: & adversus eum, qui contra faciat, quae sit poena.
7. Praesidem, si creditori licet sua auctoritate pignoris possessionem ingredi: creditori re alienata adversus extraneum possessorem nihil prodesse.

Pignore constituto, creditori ius est pignus tenere, etque incumbere. *L. cum creditor, 55. D. de fur.* Hoc si consequitur creditor volente debitore, res caet dubitatione. Si tunc recusat debitor tradere, placet hoc loco creditorem sua auctoritate possessionem adipisci non debere, sed tantum auctoritate magistratus. Merito: nam nec mulier ipsa, quae rem suam docti dedit, facultatem habet soluto matrimonio ingrediendi possessionem rei dotalis, id est suae, sine auctoritate magistratus. *L. dotis, sup. fol. mat.* Plus autem iuris habet dominus in re sua, quam creditor in pignore. Magistratus auctoritate possessionem adipiscitur creditor, actionibus suis experiundo, ut fieri iubetur in *L. exstat, D. quod met. caus.* Est autem creditori ad pignus persequendum hypothecaria actio. Hac igitur adversus debitorem, qui pignus non tradat, experietur.

Si tunc contra creditor auctoritate sua possessionem ingreditur, poena haec est, ut vim facere existimetur, & simul crediti ius amittat ex decreto D. Marci, *d. L. exstat, D. quod met. caus.* Non adversatur huius sententiae, quod in *d. L. cum creditor, D. de fur.* dicitur, si creditor rem sibi pignoratam auferat, eum contrectare, id est, furum facere, non videri. Sane enim furum non facit, quia dolo malo non contrectat rem ad ius suum pertinentem, sed nihilominus vim facit. Itaque hac poena tenetur, ut crediti ius amittat: non teneatur poena furti, ut du-

plum praestet, aut quadruplum. Haec minorem dubitationem habent, si in pignore dando non convenierit, ut creditori sua auctoritate liceret possessionem ingredi: ius diserte cautum in *L. pen. sup. de pig. act.* ubi ita scriptum est, *creditorum contra conventionem, aut praesidis iussu non suo arbitrio pignus auferre non possit.* At illud iuste dubitari potuit, quae huius loci quaestio propria est, num idem dicendum sit, si convenierit, ut creditori liceret possessionem ingredi sua auctoritate, & is conventionis legem exerceat, sic enim rescriptum loquitur. Dicitur tunc autem creditor possessionem ingressus legem conventionis exercere: ubi convenit, ut illi liceret possessionem ingredi, & ea lege seu conventionem utitur; vel potestatem ea conventionem sibi tributam exercet, ut licet intelligere ex his locis, *L. si priusquam, inf. de distr. pig. L. 3. L. 4. §. eleganter, L. 6. in fin. D. de leg. commis.* Et de ea re ita huius rescripti sententia est: eos creditores, qui ex conventionem possessionem pignoris ingredientur, hoc differre ab istis, qui sine conventionem idem faciunt: quod priores quidem non videantur vim facere, ut posteriores faciunt: quod eo perinet, ut intelligatur eos non incidere in decretum D. Marci, & ius crediti non amittere: sed omnes in hoc convenire, quod etiam priores conventionem superiore non adjuvant, quominus praesidis auctoritate possessionem adipisci debeant. In quo continetur res sen-

sententiæ, quarum unaquæque cum sua dubitationem habeat, ideo & separatim nobis expendenda est. Prima est, creditores, qui ex conventionem possessionem pignoris ingrediuntur sua auctoritate, vim facere non videri. Hoc tunc liquido dicitur, cum creditores volentibus debitoribus possessionem occupant sine alia vi.

4 At quid, si repugnantia debitorum idem faciant, ut scilicet debitorem expellant, eoque vi expulso pignus possideant? Puto recte videri Azoni, recte Barolo, eos creditores qui id faciant, aperte vim facere, & teneri legibus lulis de vi aut publica, aut privata, prout vis armata, aut sine armis facta erit. Quod mihi plane probari videatur *L. in possessionem infr. ad L. lul. de vi ubi ita scriptum est: si creditor possessionem fundi per vim ingrediatur, cum legis lulie de vi privata reum fieri posse*. Nihil in lege distinguitur. Ex quo colligi potest nihil referre, utrum creditor rem sibi non obligatam occupet, an sibi obligatam; & utrum ex conventionem possessionem ingrediatur, an sine conventionem. Ex vero creditori nihil prodesse istam conventionem ad defensionem vis illatæ, hoc argumento certissimo efficitur. Nam etsi nominatim convenisset, ut creditori liceret pignus vi occupare, conventio non esset servanda. Est enim vis omnis in privatis contra bonos mores. *L. 3. D. quod met. cau. L. nihil consensui, D. de regul. iur.* Ut nihil aliud: certe vim facere delictum est, & quidem inter alia maxime animadvertendum; alioqui legibus publicorum iudiciorum non coerceretur. Nulla porro pactio valet, quæ sit contra bonos mores, nulla, quæ ad amovendum quid, aut aliter delinquendum invitat. *L. 5. D. de pact. dot. L. pacta, que contra, sup. de pact.* Non adverteatur hoc rescriptum: nam h. tenus dicuntur creditores hoc rescripto vim non facere, si duntaxat sua auctoritate possessionem ingrediuntur, cum id a debitore nominatim non impetraverint; non etiam si vim corpori debitoris intulerint. Non me movent rationes Ioannis, quibus ille apud Accursium in contrariam sententiam vitur: puta, quod ab initio cum debitor placuit, id & invito eo fieri posse. *S. 1. Instit. quib. al. lic. vel non. L. de accessionib. in fin. D. de diver. tem. pref.* Item dominum patti iniuriam non videri, qui semel voluit. *L. in diem. D. de acqu. & ag. plu. arc.* Nam prius recte dicitur de eo, quod iure placuit. Sane vero quod ita placuit, postea revocari non potest. At in conventionibus iniuriis hoc evenit, ut non mutatione vo-

luntatis debitorum rescindantur, sed sua sponte ab initio nullius sui moment. Quod autem dicitur, invitum iniuriam non pati, qui semel voluit: hæc tunc verum est, si proponatur res tantum gesta esse invito eo, qui voluit, ut sit in dicta *L. in diem*. Non idem dicendum est, si vis et inferatur, quam bonæ leges omnes, ut bonis moribus, & publicæ utilitati iuicicam avertantur. *L. nihil consensui, D. de regul. iur. L. extat, D. quod met. cau. L. si quis in tantam. L. pen. & ult. sup. unde vi.* Indicant & leges lulæ de vi publica & privata.

Secunda sententia est, quæ hoc rescipio non exprimitur quidem, sed per contrarium satis significatur: creditores, qui sine conventionem possessionem pignoris sua auctoritate ingrediuntur, vim facere videri. De hac sententia satis initio supra dictum est.

Tertia sententia est præcipue animadvertenda, eos creditores, qui ingrediuntur possessionem sua auctoritate, quanvis ex conventionem id faciant, tamen id solum præsidis auctoritate facere debere. Quæ sententia incidit in difficultatem ex principio rescripti: ubi caveatur creditores ex conventionem possessionem ingreßos vim facere non videri: sequitur enim, videri eos impune id facere. Quod si verum est: non debent, ut rescriptum loquitur, id est, non necesse habent, possessionem ex magistratus auctoritate ingredi. Quod ut dissolverent interpretes uoluit, varia commentum sunt. Alii sic interpretantur, debent, id est, possunt. Non enim habent necesse. Quod perinde est, ac si diceretur: debent, si volunt, id est, non debent. Ex inepti sunt, qui nobis persuadere conantur, debet, interdum idem significare, quod potest. Nam verbum debet naturalem intellectum habet etiam idiotis notum, ut is debere dicatur, qui iniurius debet, quique iuvitus facere cogitur, quod debet, ut liquet ex *L. 1. in pr. de eden. L. 1. D. quod quis iur. in al. stat. L. debitor, D. de ver. sig.* Nec quidquam per istis ad rem facit *L. observare, S. ult. D. de offic. procon.* Aut Ulpianus, proconsul ingreßus provinciam iurisdictionem suam mandare debet. Scimus esse in potestate proconsulis, utrum iurisdictionem suam mandet, an non maudet. *L. solent, S. sicut, D. illo tit.* Ex quo etiam putant in superiore sententia Ulpiani, verbum debet necessario per potestatem accipiendum esse. Sed falli eos, quod non animadvertiuit Ulpianum in superiore loco non pronuntiare de iurisdictione mandanda sim-

pli-

placiter, sed de tempore mandandæ iurisdictionis. Sine dubio proconsul non debet, idem non necesse habet iurisdictionem suam mandare, sed si vult mandare, debet tantum mandare ingressus provinciam; ante vero mandare non potest. Quod sentire Ulpianum in eo loco evidenter ratio ab illo subiecta declarat. Ait enim absurdum esse, ut proconsul mandet iurisdictionem, priusquam ipse iurisdictionem nactus sit. Non nanciscitur autem prius, quam sit ingressus provinciam. Præterea illud quod scribitur in *d. l. solent*, §. *secus*, proconsulem non debere adimere iurisdictionem legato suo, inconsulto principe, etiam necessitatem habet eam, quam diximus: ut scilicet si proconsul aliter iurisdictionem adimat, non videatur adempta. Nec obstat, quod prius illic dicitur liberum esse proconsuli adimere iurisdictionem suam legato. Nam hoc continenter temporat hac conditione, dummodo consulto principe id fiat. Alii interpretantur hoc modo, creditores debent, nempe ex urbanitate. Quod perinde est, ac si dicerent, debent, si urbani esse volunt. Id autem significat, non debent. Nam pro non dicto est, quod quis facere, nisi velit, non cogitur. *L. sub hac*, *D. de obl. & act.* Alii, ut Bartolus, rem sic explicant: si convenierit, ut creditori possessionem sua auctoritate ingredi liceret. Sane illi ingredi licebit, sed possessionem ei adipisci non licebit: quasi aliud sit ingredi possessionem, aliud adipisci. Quod aperte refellitur *L. 3. in pr. D. de acq. poss.* ubi traditur unumquemque possessionem adipisci ingreduendo fundo hac mente, ut teneat. Sed nihil his defectionibus est opus. Tenebimus tamen nullum creditorem sine auctoritate prædis, adipisci posse pignoris possessionem, si convenierit, ut ei facere liceret, si non convenierit. Neque initium huius rescripti repugnabit. Nam qui negat creditorem sua auctoritate ingressum possessionem non poena teneri, is non negat eum in illam poenam incidere. Creditores sua auctoritate possessionem ingredientes ex conventionione vim non faciunt. Et ideo hac poena non tenentur, quasi vim fecissent. Sed nihilominus prædis auctoritate possessionem adipisci debent: ut si contra faciunt, iniuste faciunt, nec sit impune, ut accidit in iis omnibus quæ contra legem fiunt *L. 1. D. de legib.* Quæremus igitur iam, quæ sit poena adversus eos creditores. Et quod traditum est de emptore, & similibus qui a domino possessionem accipere debent, & nihilominus eam sua auctoritate

adipiscuntur: id recte transferetur ad creditorem, qui sua auctoritate possessionem nanciscitur. Emptor sua auctoritate sine voluntate domini possessionem adeptus, iniuste & mala fide possidet. *L. si ex stipulatione*. *L. fundi*. *D. de acq. poss.* Idem igitur & de creditore in simili causa dicendum est. Hinc consequens est, si creditor sua auctoritate pignoris possessionem ingressus erit, posse debitorem pignoris possessionem auferre interdicto. *Ubi possidetis*. In quo vincitur creditor, qui aut vi, aut clam possidet. Consequens & illud, creditorem fructus rei pignoratæ suos non facere, non magis, quam faciunt cæteri mala fidei possessores, §. *si quis a non domino*, *Inst. de rer. divis.* Consequens præterea, creditorem pignus alienantem dominium non transferre; quia iniusta possessio apud eum fuerit, quæ pro possessione non habetur. Postremo & illud consequens erit, si creditor pignus vendat, & debitor denuntiet emptori, ne emat, emptorem mala fide possidere, *arg. in L. si fundum*, *sup. de rei vind.* Et in summa recte ita dicemus: ubi convenit, ut creditori pignoris possessionem sua auctoritate ingredi liceret, hæc conventio id præstat creditori possessionem sua auctoritate adipiscenti, ut ipse nihil amittat: non enim ius crediti amittit, quasi vim fecerit; sed non ei hoc præstat, ut quidquam acquirat sine prædis auctoritate. Non enim acquirit possessionem, nisi iniustam. Iniusta possessio pro possessione non est. *L. si quis vi*, *in pr. D. de acq. poss.* Sed video adversus hanc sententiam hoc dici posse; satis videri creditorem adipisci possessionem ex voluntate debitoris, postquam debitor id ab initio voluit. Quod si ex voluntate eius: etiam iuste, *d. l. si ex stipulatione*, *de acq. poss.* Sed ut voluntate debitoris videatur quasi possessio, non est istis, voluisse eum initio, nisi in ea voluntate perseveret. Nam in re tradenda, & possessione iuste acquirenda non præteritam voluntatem domini quærimus, sed præsentem. *L. fundi*, *D. de acq. poss.* At etiam hic nobis occurreret; nam cum debitor quid ex conventionione voluit, placet eum non posse eam voluntatem revocare. *L. vero 12. l. antepen. D. de solut.* Sed hoc in iis locum habet, quæ iusta conventionione placuerunt, quæque ideo inde iure quærita sunt creditoribus. Sane enim recte illi semel quærita debitor invito auferre non potest. *l. ult. D. de pact. d. l. vero, 12. de solut.* Ad iniustas autem conventiones, & ad eas, quæ creditoribus quæ-

quæsitâ non sunt, non pettinet. Nam & iustitiam conventio pro non interpolata est, *L. non dubium, sup. de legib.* & quod alicui quæsitum non est, id illi adimi dici non potest. Iam eum convenit, ut creditori sua auctoritate possessionem ingredi liceret: hætenus in illa est conventio, quatenus id agitur, ut ille sua auctoritate ingrediatur sine vi possessionem. Quare & hætenus ius ingrediendi illi quæritur: quod semel quæsitum nulla voluntatis debitoris mutatio illi adimet. Ut autem prohibente debitore ingrediator, id est, debitore prius vi deiecto, hætenus conventio contra ius est, & bonos mores: ex qua propterea nulla eiusmodi potestas creditori quæri potuit, nec potest videri illi adimi, quæ quæsitâ non fuit.

- 7 Quæsitum ¶ est, si suprascripta conventionione interpolata debitor pignus alienarit; an possit creditor eius pignoris possessionem sua auctoritate ingredi, ut vim face-

re non videatur, perinde ac si nunc quoque pignus a debitore possideret. Respondet non posse; nec illum adjuvari superiore conventionione; quia pacta inter alios facta aliis non nocent. *L. si unus, §. ante omnia, D. de pactis.* Nec offendemur eo, quod manus iniectione pacto recepta in mancipium venditum, placet hanc servari suis conditionibus adversus quoscunque possessores, etiam cum quibus venditor nihil contraxit. *L. pen. D. de serv. expor. L. si quis sub hoc pacto, D. de cont. empt. & vend.* Nam potestas iniiciendæ manus in rem aliquam a solo domino retinetur, & retinetur in servos, quos ipse tradit certa conditione, ut si ea conditio non servetur, sibi liceat in servum manum inicere. Et conventio ideo recepta est, ut dominis in servos sua auctoritas constaret, quæ neque in creditorem, neque in res pignori obligatas cadunt.

Ad L. Cum te. 4.

Idem AA. Bellio.

Cum te pecuniam accepisse, & agros tuos obligasse scitearis: non habes rationem, quod quereris vi te coactum pignori dare. Si igitur recipere vis rem tuam, solve creditori tuo pecuniam debitam. Dat. III. Kal. Iun. Antonino A. III. & Geta III. Coss.

S U M M A R I U M.

1. Non dici vi coactum pignori dare, qui necessitate rei familiaris coactus est pecuniam ac-

cipere, & pro eo pignus dare.

Quæritur hoc loco, cur debitor, qui dicit se pecuniam accepisse, & pignus dedisse, non iuste quærat se vi coactum pignori dare. An quod debitor impune vi cogi potest, ut det pignus? Minime vero: qualiscunque enim & cuiuscunque rei traditio, aut obligatio vi extorta rata non habetur, *L. metum, 9. §. idem, §. sed quod, D. quod met. caus.* Quid, quod de solutionem quidem rei ante debitæ vi extorquere concessum est? *L. sed & pariter, §. ult. D. quod met. caus.* Sed intelligendum est, proponi hoc loco eum debitorem, qui non simpliciter diceret se vi coactum esse; sed ideo, quia necesse habuerit dare, si vellet accipere pecuniam, quam creditor alia conditione

non daret. Et ¶ respondetur nullum illi in eo necessitatis argumentum esse: cum ipse profiteatur se pecuniam accepisse, quam non accipere ei integrum fuit, ac propterea etiam pignus non dare. Quod si pecuniam accipere voluit, debuit uti lege creditoris: cum liceat unicuique in traditione rei suæ quavis legem dicere. *L. in traditionibus, D. de pactis.* Nec multum creditori proderit, si dicat se necessitate rei familiaris coactus, ut pecuniam mutuum acciperet. Nam hæc necessitas a nemine mortalium ei inferitur; sed ut proficiatur a culpa eius, aut divitiarum voluntate: quam ipse æquo animo ferre debet, non ad alienam iniuriam transferre.

Ad L.

Ad L. Præf. 5.

Imp. Antoninus A. Domitio.

Præf. provincie vir clarissimus ius pignoris tui exsequenter te audiet; nec tibi oberit sententia adversus debitorem tuum dicta, si eum collusisse cum adversario tuo, aut (ut dicis) non causâ cognita, sed præscriptione superatum esse conspiceris. PP. Idib. Maii Romæ, Duobus & Aspris Coss.

S U M M A R I A.

1. Sententia adversus debitorem lata de pignore, quibus casibus creditori in eo pignore noceat.

2. Collusio quid, & quibus rebus arguatur.

3. Quæ præscriptio cu persona debitoris noceat creditori in pignore.

UNA res creditorem pignus persequenter sine controversia summovet, si non probet rem, quam persequitur, in bonis debitoris fuisse, cum ille pignus dabit. *L. & quæ noudum §. quod dicitur, D. eod. tit.* Multo ergo magis, si possessor ultro probet rem in bonis debitoris non fuisse. Hinc questio: quid si contra debitorem iudicatum sit, quasi res in bonis eius non esset? Finge debitorem rem, quam pignori obligavit, aliquando petiisse a possessore, & in eo iudicio, cum non probaret rem esse in bonis suis, superatum esse. Queritur, an quemadmodum ea sententia debitori eandem rem postea ab eodem possessore persequenti noceret, sic & creditori nocere debeat: ut quemadmodum exceptio auctori nocet, sic noceat & successori: quod & faciendum esse traditur in *L. 4. §. si quis autem in su. D. de dol. mal. & met. except.*

Hoc præscriptio traditur, duobus casibus eam sententiam creditori non nocere. Quod ita accipi potest, quasi in omnibus aliis casibus noceat. Quod cum aliter se habeat: ne illo modo accipiat; tum ut quod hic locus dat, intelligatur: recte fiet, si quibus in causis hæc sententia creditori in universum noceat, aut non noceat, breviter dicamus. Et in eo hæc distinctio tenenda est. Interest, utrum debitor de re victus sit, priusquam pignus daret, an vero tunc, cum iam rem pignori dedisset. Si ante: sententia adversus debitorem dicta creditori oberit; quia non potuit debitor plus iuris transferre in creditorem quam habuit. *L. si superatus, §. ult. D. eod. L. si mater, §. ult. D. de except. rei iudic.* Si pignore iam constituto; refert, utrum ignorante creditore debitor de re pignori obligata egerit, an vero sciente. Si ignorante: senten-

tia adversus debitorem dicta ignoranti creditori non nocebit. *d. L. si superatus, in pr. d. L. si mater, in fin.* Sin autem debitor egerit sciente creditore; sententia ut debitori, sic & creditori nocebit. *L. sepe, §. scientibus, D. de re iudic.* Hoc postremum quomodo accipiendum sit, doceatur hoc rescripto. Placet ergo accipiendum esse hoc modo, si debitor sciente creditore agens ideo victus sit, quia malam causam haberet; sin victus sit alia de causa, ne hic quidem sententiam creditori oberit. Id autem contingere duobus modis, qui hoc rescripto comprehensi sunt.

Unus est, si debitor per collusionem victus sit, idest, si ex pacto passus sit se vinci. Quod ita fieri probabitur, si sciens sua iura, & ea quæ ab adversario dicebantur, falsa esse non ignorans, tamen dissimulaverit: Indicat *L. si proluferio, D. de appell.* Quæ exceptio manifestam rationem habet: declarat enim aperte hæc collusio rem in bonis debitoris fuisse: alioqui collusio non esset. Alter est modus, si debitor ideo victus sit, quia sit summo- tus præscriptione, idest, exceptione aliqua extrinsecus. Nam præscriptio exceptionem significat. *L. super, sup. de long. temp. præf. L. creditor, D. diver. temp. præf.* Præscriptionem autem hic accipere debemus exceptionem ex facto debitoris nascentem, non ex iure rei: puta rei iudicatæ, aut longi temporis, aut pacti conventi. Rei iudicatæ hoc modo: Debitor rem suam percutus ignorante creditore victus est: deinde iterum eandem rem petiit sciente creditore, & summo- tus est exceptione rei ante iudicatæ. Neutra sententia creditori nocebit: non prior, quia ignorante creditore lata est; non posterior, quia erit creditori sciente res acta sit; ta-

meu debitor ob factum suum summotus est præscriptione. Temporis exceptione culpa sua vincitur debitor hoc modo, si passus sit rem, quam pignori obligaverat, usucapi a possessore: deinde cum eam rem a possessore vindicaret, summotus est præscriptione temporis. Ne hæc quidem sententia nocebit creditori, ubi negligentia ipsa debitoris, & usucapio ius pignoris non fultulit. *L. usucapio, inf. eod.* Idem dicendum est, si debitor ideo summotus sit, quia pactus erat cum possessore se ab eo non petiturum. Hæc omnia ideo creditori non nocent, quia hæc omnes exceptiones possessori uatæ sunt, non ex eo

quod debitor dominus non esset, cum pignus dabit; sed ex debitoris facto, quod postea secutum est: non debet autem factum cuiusquam alteri nocere. *L. de pupillo, §. si plurimum, D. de op. nov. nunt. L. solvendo, D. de neg. gest.* Hi casus etsi tantum duo hie proponantur; tamen in his consistere non debemus, sed generaliter detinere: si quam aliam ob causam debitor victus sit, quam quod malam causam haberet, eam sententiam creditori nocere non debere; puta, si debitor ideo victus sit, quia absens erat: argumentum in *d. L. si prolixioris, §. ult. D. de appell. & L. si ideo, D. de evict.*

Ad L. In summa 6.

Idem A. Quinto.

In summa debiti computabitur etiam id, quod propter possessiones pignori datas ad collationem viarum muniendarum, vel quodlibet aliud necessarium obsequium præstitisse creditorem constitueris. PP. III. Kal. Aug. Antonino A. IV. & Balbino Coss.

S U M M A R I U M.

1. *Impensas necessarias in rem pignori obligatam factas a creditore ei deberi, & ab eo ultro peti posse: in eas & pignoris retentionem*

esse, quousque forte soluta, at non pignoris perfectionem.

CUm sit rescriptum, in summa debiti computari impensas necessarias: cavendum, ut hic summam debiti principalis, in quam pignus obligatum est, intelligamus. Alioqui dicendum esset, etiam pro his impensis pignus esse obligatum: ut non tantum earum impensarum nomine esset pignoris retentio creditori: sed etiam ultra eius pignoris perfectionem. Quod secus est: eo enim nomine retentionem pignoris creditori dari legimus, actionem autem non aliam, quam in personam, nempe pignoratitiam contrariam. *L. si necessarias, D. de pign. act.* Et certe pignus tantum ab initio in eam summam datum est, quæ tum cum dabatur, debita fuit. Hæc autem impensæ postea deberi ceperunt: ut profecto illius debiti pars esse non possunt,

Constat autem nisi in quam rem pignus conventionione obligatum est, in eam rem pignus non teneri. *L. si non inducitur, infr. in quib. cau. pig. tac. cont. L. Aristo, D. eod.* Quapropter superioribus verbis nihil aliud dici intelligendum est, quam impensas necessarias a creditore factas ob pignoris causam, esse partem summæ eius, quæ creditori debeatur: idest, & hæc quoque non minus, quam principalem partem esse debitas. Quod & verum est: cum & etiam ultro pignoratitia contraria peti possint; hætenus tamen, ut meminerimus, quod ante dixi, in eas pignoris retentionem esse posse: perfectionem autem pignoris non esse, ubi de his pignus contractum non sit.

Ad L.

Ad L. Usucapio. 7.

Imp. Gordianus A. Martiano.

Usucapio pignoris conventionem non exstinguit. PP. Non. Septemb. Pio & Pontiano Coss.

S U M M A R I A.

1. *Pignus usucapione non exstingui, quid sit. & n. 5.*
2. *Cur non exstingatur.*
3. *Recte constituta & perfecta durare, & etsi redierint in eum casum, unde incipere non poterant: & in hoc numero esse pignus.*
4. *Usucapionem rerum etiam immobilium & fuisse olim, & nunc esse.*
5. *Usucapione nulla nec mobilium, nec immobilium rerum pignus exstinguit, eiusque rei argumenta. & nam. 6.*
6. *L. 1. L. 2. C. si adver. cred. explicata. ibid.*
7. *Re usucapta pignus manens quo iure habetur a creditoribus.*

RES pignori obligata venit in possessionem extranei ex iusta aliqua causa, a quo bona fide & per legitimum tempus possessa, tandem usucapta est: mobilis triennio; immobilis decem annis inter praesentes, viginti inter absentes, ut est ius de usucapione constitutum, *Inst. de usuc. in prin.* Usucapione possessor dominus factus est, eademque opera debitor dominus esse desit. Quaesitum est de pignore, an, ea usucapione amissum esset. Movet dubitationem, quod plus est in dominio, quam in pignore. Quod si usucapione dominium amissum est: consensaneum videtur multo magis pignus exstingui debuisse. Placuit pignus non amitti. Et res ita definita est in universum: usucapio pignoris conventionem non exstinguit: quae huius loci definitio est. Recte, *conventionem*: non enim fieri potest, eum semel convenerit, ut res pignori esset, quin semper verum sit, ita convenisse. Hoc enim ita convenire facti est. Facta nulla iuris constitutione infecta fieri possunt. *L. in bello, §. facti, D. de capt.* Atque hinc satis intelligitur de pignore. Non enim potest esse conventio, ut sit res pignori, quin pignus continuo sequatur: qui est effectus huius conventionis. *L. 1. in pr. D. de pig. act. §. item Serviana, Inst. de act.* Quare si usucapione non exstingitur conventio pignoris: necesse est & post usucapionem pignus manere, quod ex conventionem nascitur. Quod si usucapione non exstingitur pignus: consequens est etiam re pignoriata ab extraneo usucapta, nihilominus pignoris persecutionem creditori salvam manere adversus rei possessorem, eandemque dominum. Ex hoc est, quod Papinianus aliis

Tom. IX.

verbis, eadem sententia definit in *L. in se, §. non mutat, D. de usurp. & usuc. non mutat usucapio superveniens, quo minus pignoris persecutio salva sit.*

Obiectioni tamen superiori occurrit eodem in loco Papinianus hac ratione: quia inquit, pignoris persecutio nulla societate dominio coniungitur. Quod perinde valet, quasi diceret; si pignus domini pars esset, sive ita cum dominio coniungeretur, ut qui dominus esset rei, idem transferret in se ius pignoris; recte diceretur eum, qui rem usucepit, & ita dominium acquisivit, per consequentiam domini etiam ius pignoris in se transsilisse. Nunc autem pignus dominio nulla societate coniungitur: id est, non sic coniungitur cum dominio, ut qui dominus est, eum necesse sit ius pignoris habere. Imo contra, hæc natura est illarum rerum, ut qui dominus est, is ius pignoris in eadem re habere non possit, cum pignus rei nostrae non consistat *L. neque pignus, D. de regul. iur.* Quare possessor qui usucepit, quanvis dominium acquisierit; non ideo tamen nanciscitur ius pignoris: proinde nec sibi non quaesitum, alteri admittit. Denique qua ratione sit, ut per usucapionem rei debitor eius rei dominium amittat; eadem ratione in contrarium efficitur, ne creditor pignus amittat in ea re constitutum. Nam debitor ideo amittit eius rei dominium, quia possessor, qui usucepit, dominium acquisivit: duo autem eiusdem rei domini in solidum esse non possunt. *L. 5. §. ult. D. com.* Hæc ratio cessat in pignore. Nam possessor, qui rem usucepit, ea usucapione pignus non acquirit, ac nec potest, cum sit dominus. Quo sit, ut pignus alteri non adimat.

Tit 2

Sed

3 Sed omisso exemplo domini, quod ufucapione amittitur, sunt præterea, quæ huius sententiæ adversari videantur. Primum dicat aliquis, quod ab initio pignus non constituit, si pignus non sit in bonis debitoris; *L. 3. §. ult. L. & que nondum, §. quod dicitur, D. eod. tit.* satis hoc argumenti esse, si res postea in bonis debitoris esse desierit, pignus extingui. Hoc enim consequens esse ei sententiæ, quæ multis locis tradita est, quod ab initio valuit, nihilominus extingui, cum in eum casum recidit, a quo incipere non poterat, ut *L. pro parte, D. de servit. L. existimo, D. de verb. oblig. §. 1. Inst. de iur. stip.* Sed nullum hinc argumentum est. Nam quod dicitur ea extingui, quæ in eum casum redeunt, a quo incipere non poterant, de rebus promissis, & necdum impletis dicitur, seu de inchoatis & nondum perfectis, ut probant exempla superiorum locorum, quos modo indicavi. In rebus iam constitutis & perfectis verum non est: indicant exempla *L. parte, D. de his, qui sunt, sui, vel al. iur. §. præterea, Inst. quib. non est per. fac. test.* Sed & hoc in *d. §. præterea*, generaliter definitur. Hinc est, quod dicitur in *L. in ambiguis, §. 1. D. de reg. iur.* non esse novum, ut quæ semel utiliter constituta sunt, durent, licet ille casus extiterit, a quo initium capere non potuerunt. Inde & illud *L. penult. §. ult. D. de verb. obligat.* est placet extingui obligationem, si in eum casum incidit, a quo incipere non poterat, non tamen hoc in omnibus verum esse, de quo illic scripsimus. Atqui ad hanc partem posteriolem hæc species, de qua agimus, pertinet. Nam cum convenit ab initio, ut res pignori esset; non tamen ea conventionem pignus promittitur, sed statim re ipsa constituitur; nec res aliam traditionem, aut præstationem, ut in rebus promissis, desiderat. *L. 1. D. de pig. act. §. item Serviana. Inst. de act.* Unde & statim tanquam re confecta nascitur in rem actio, *d. §. item Serviana.* Quapropter non est, quod dubitemus ita statuere, pignus quidem ab initio constitui non posse ab eo, cuius in bonis res non sit: at ab initio recte constitutum, nihilominus perseverare, quanvis qui constituerat, dominus rei esse desierit.

Videntur præterea contrariæ esse definitioni superiori *L. 1. & L. 2. supr. si adver. cred. pref. op.* quibus in locis cautum est, diuturnum blentium, item præscriptionem longi temporis decem, vel viginti annorum obitare creditori pignus

suam persequenti. Quod negari videretur, cum in rebus immobilibus dicimus ufucapionem earum rerum creditori non necesse. Nam ea ufucapio non perficitur, nisi decem, aut viginti annorum possessione. *d. tit. de usuc. in pr. L. unica. supr. de usuc. transf.* Scio ad hæc concilianda vulgo dici, definitionem huius loci scriptam esse de ufucapione rerum mobilium: quia putent ufucapionis verbo hanc per usum acquisitionem significari. Ideo nihil dici contrarium, cum dicitur creditori præscriptio longi temporis obesse; quia hæc præscriptio sit ex postulatione decem, vel viginti annorum. Sed iam prope convenit inter eruditos omnes, perilem errorem esse veterum interpretum eorum, qui extillant ufucapionem dici in rebus mobilibus, præscriptionem longi temporis in immobilibus. Quasi non constet de ufucapione ita scriptum esse in *pr. tit. Inst. de usucap.* ut Iustinianus testis sit etiam hanc veteres utrique generi rerum tribuisse, & ipse eam, quam transformavit, non utrique etiam nunc pariter tribuat. Aut quasi ufucapionis definitio, quam exstat in *L. 3. D. de usurp. & usuc.* non ad utrumque genus ex æquo pertineat. Quin imo rerum soli, ut fundi, & ædificia maxime ufucapio est: ut de quibus liceat observare fere semper exempla proponi sub titulis de ufucapionibus, cum de ufucapione agitur: de quo alius locus est dicendi. De quo autem nunc agitur, in eo res sic habet. Sive res 5 mobilis triennio, sive immobilis decem, aut viginti annis postea usu acquisita sit possessori, & uno verbo ufucapra; ufucapio ad definitionem huius loci pertinet, & vere in ea cautum est, ut ea nunquam extingatur pignus, nunquam iure oblit credituri pignus persequenti. Argumenta hæc sunt. Primum hoc loco generalis definitio est de ufucapione, ut & in *L. inflo, §. non mutat, D. usurp. & usuc.* Ufucapio autem non tantum rerum mobilium est, sed etiam immobilium. Deinde ratio, qua Papinianus in *d. §. non mutat.* defendit ufucapionem supervenientem non extinguere pignus, non minus ad res immobiles pertinet, quam ad mobiles. Nam pignus rerum immobilium non magis dominio coniungitur, quam pignus rerum mobilium. Quo fit, ut definitione huius loci in ufucapione rerum mobilium admitta, quam omnes concedunt; eadem etiam in ufucapione, sive malum, in acquisitione rerum immobilium admitti oporteat *L. illud, D. ad leg. Agni. Po.* Item si debitor rem pignori obligatam alie-

alienat, est æquissimum, debitoris factum & alienationem creditori non nocere: qualescunque sit pignus, sive mobile, sive soli. *L. debitorum, inf. hoc tit.* Alienationis genus est usucapio, cum debitor negligentia sua patitur rem usucapi. *L. alienationis, D. de ver. sig.* Quare non magis ea alienatio creditori nocere debet; si immobilis res erit, quam si erit mobilis. Neque t̄ vero huic sententiæ non bene convenit cum *d. L. 1. & L. 2. sup. si adver. cred.* Nam cum dicimus usucapionem pignus non extinguere: hoc dicimus, silentium debitoris, quo passus est rem suam usucapi, creditori non nocere ad pignus illius extinguendum. Usucapio enim est illa acquisitio, qua dominium acquiritur adversus debitorem propter illius silentium. Cui non adversatur, quod dicitur in *d. L. 1. & L. 2. diuturnum silentium & præscriptionem longi temporis creditori pignus persequenti obesse.* Nam hic diuturnum silentium, & diuturnum tempus interpretari debemus, non id, quo debitor siluit, sed id, quo siluit creditor: denique silentium non debitoris, sed ereditoris. Quippe de creditore illic agitur: & præterea esset iniquissimum factum debitoris ereditori nocere. Hoc ira est: si nihil proponitur aliud, quam silentium debitoris, quo factum est, ut res usucaperetur; ereditor autem non item cessavit, per idem longum tempus: sine dubio neque usucapio illi pignus extinguet, & ipsi pignus persequenti nihil obstat: non diuturnum silentium ipsius, quia id nunc nullum est: non usucapio, qua res debitori ablata est, quia in hac silentium & factum debitoris versatur: in totum autem definiendum est factum debitoris creditori non nocere, *L. debitorum, infr. eod.* Quod si & debitor per decem, aut viginti annos siluit, & ereditor idem facit in pignore persequendo, ut sic silentium diuturnum ereditoris eum silentio diuturno debitoris concurrat: utrique præscriptio longi temporis obstat, & debitori dominum vindicanti, & creditori persequenti pignus, ut superioribus locis cautum est. Neque ideo adversari putandum est, quod dicitur usucapione pignus non extinguui. Cum enim creditor ita summovebitur, nihilominus vere dicitur non extinguui illi pignus usucapione, quippe quæ si sola esset, ei non noceret: sed extingui illi suo facto & silentio, quod silentium neque usucapio est, neque possessori parit usucapionem. Eiusque rei certissimum argumentum est, quod potest silentium diuturnum creditoris interveni-

re, ut tamen nulla sit usucapio: quid enim si creditor diu siluisset, dominus autem, idemque debitor per tempus constitutum interpellasset possessorem? Quid si silente creditore res tamen usucapi iure non posset? Finge rem pupilli pignori obligatam, quam constat usucapi non posse. *L. bona in pr. D. de acq. rer. dom.* Diceremus in his omnibus summoveui creditorem ob diuturnum silentium suum: ubi tamen apparet non posse dici usucapionem illi obflare, quia hic nulla est. Ad hæc si usucapione & diuturno silentio ereditoris concurrentibus diu posset amitti pignoris causam esse in usucapione, non in solo silentio ereditoris: dicendum esset, quoties res esset usucapta, summoveui pignus, etiam si ereditor in pignore persequendo diu non siluisset. Causa enim posita pignoris amittendi, usucapione, necesse esset etiam ubique sequi eius effectum, amissionem pignoris. Quod secus esse, non alii loci magis probant, quam superiores duo: quibus placet nihil aliud in præscriptione temporis nocere creditori pignus persequenti, quam diuturnum silentium. Propono ergo rem decem, aut viginti annos possessam usucaptam esse; sed pignori obligatam fuisse paulo ante perfectam usucapionem, puta tribus, aut quatuor annis, per quos ereditor pignus non est persequutus. Omnes concedent ex superscriptis etiam locis id silentium, quod non est diuturnum, ereditori pignus persequenti non nocere. Non ergo etiam concurreret silentium ereditoris eum rei usucapione, ideo diceremus usucapione extingui pignus: cum per se sola usucapio semper una & eadem sit; quæ tamen pignus non extinguit.

Maneat t̄ igitur, re pignori obligata a possessore usucapta, dum ne silentium ipsum ereditoris eum removeat, nihilominus pignus manere. Cuius effectus hic erit, ut eodem iure sit res apud eum, qui usucapit, quo iure futura erat, si eiusdem debitoris manisset. Ergo ereditori pignus persequenti, aut pecunia solvi debet, aut pignus restitui. *L. si fundus, §. in vindicatione, D. eod. tit.* Possessor dominus si hac actione convenitur, potest, ut cæteri possessores extranei, persecutionem impedire debitum ostendendo, quo facto possessionem rei sibi constituet. *L. si dominium, inf. hoc tit.* Cæterum nisi ipse pecuniam, quæ debetur, solvat, rem ereditori restituere cogitur. Si res apud creditorem erit, potest debitor etiam nunc a creditore repetere pignoratitia actione, dum pecuniam solvat *arg. L. rescriptum.*

§. 1. illic, & cum per iniuriam, D. de distr. pign. Quod si apud debitorem res erit, & qui ulucepit, rem petere instituat, poterit quidem ab eo vindicare; sed hac lege, ut exillimo, si paratus sit solvere debitori, quod ille creditori prius præstitit pignoris luendi causis. Et si enim debitor cum creditori solvit, ea solutione liberatus sit; tamen eadem solutione factum est, ut res usucapta novo domino pignoris nexu liberaretur. Cæterum negotiorum gestorum actione idem petere a novo domino non potest. Sic enim definiendum est: quoties eadem res ad duo-

rum utilitatem pertinet æque principaliter, eius solius negotium gestum videri, cuius contemplatione negotium gestum est. L. si pupilli, §. sed si ego, D. neg. gest. Nunc autem quod debitor creditori præstitit, fecit, ut & se liberaret, & pignus lueret: quod emolumentum ad novum dominum æque pertinet. Qua ratione dicemus e converso, si novus dominus cum ab initio conveniretur a creditore, pecuniam illi solverit pignoris sui luendi causa; ne ipsum quidem eam pecuniam a debitore negotiorum gestorum actione repetere possit, quanvis illum ea solutione liberaverit.

Ad L. Quavis. 8.

Idem A. Festo.

Quavis personali actione expertus adversus reum, vel fideiussores, seu mandatores eius feceris condemnationem: pignoris tamen adhuc habes persecutionem. PP. Id. Mart. Gordiano. A. & Aviola. Coss.

S U M M A R I A.

1. Personali actione electa, atque adeo debitore iam condemnato, non eo magis tolli persecutionem pignoris.

2. Iudicis accepti novatio quæ.

Pignore creditori constituto duæ sunt creditori actiones. Una de eo, quod debetur: altera de pignore. Prior in personam est, sive, ut hic nominatur, personalis, adversus eos qui sunt obligati creditori. L. actionum, de oblig. & action. Quo in numero sunt reus principalis, & fideiussores, idem, qui idem spondent creditori stipulanti. L. blanditus, inf. de fideiuss. item mandatores, qui rebus adhuc integris veniunt ad creditorem, & mandant ei, idem, petunt ab eo, ut velit pecuniam credere debitori futuro. Actio de pignore in rem est, non adversus certam personam, sed adversus quoscunque pignoris possessores: de qua in L. pignoris inf. His ¶ duabus actionibus constitutis quaeritur, si creditor una agere coeperit, an electione unius altera tollatur, & maxime si actione in personam egerit. Placet non tolli: non enim petitione, sed solutione debitores liberantur. L. 1. §. si apud duos, D. de pos. Quod præcipue locum habet, cum altera actio, qua creditor non egit, est hypothecaria: nam hæc actio tamdiu est, quamdiu pignus manet. Non solvitur autem pignus, nisi aut creditori solutum sit, aut satisfactum. Porro non si lis a creditore contestata est, id-

circo illi aut solvi, aut satisfieri intelligitur. Imo vero ideo agit: quia illi non satis fit. Significatur hæc ratio in L. grege, §. etiam, D. eod. tit. Quæritur est amplius, quid si creditor non egerit tantum actione in personam, sed etiam consecutus sit, ut reus sententia iudicis condemnaretur? quæ huius loci quaestio est. Et placet ne sic quidem pignoris persecutionem amitti creditori, eadem ratione, qua supra: quia quanvis debitor condemnatus sit; non ideo tamen solutum est, aut satisfactum creditori. Quod & ipsum diserte positum est in dicta L. grege, §. etiam. Huc accedit, quod si debitor ante rem iudicatam tenetur, & pignus constituit creditori; multo magis utrumque dici debet, cum erit debitor condemnatus: quia tunc illum certius debere constituit, & tum illius maior contumacia est. Cuius ergo magis dubitatum est de eo debitore, qui iam condemnatus esset?

Videatur ¶ hæc fuisse dubitandi causa, quod novatio pignus perimit, ut est, in L. solutum, in pr. D. de pig. Re autem iudicata prior obligatio novatur, ut scriptum est in L. 3. §. & ideo, supr. de usur. rei iud. Ex quo efficitur videatur, & re iudicata, ut novatio pignus perimit.

Et

Et res ita habet. Novatio pignus perimit, sed ita, si sit voluntaria, id est, si fiat partium consensu extra iudicium. Alia causa est novationis necessariae, sive iudicii accepi: hæc non modo actoris conditionem

deteriorem non facit, sed etiam facit meliorem. *L. aliam, D. de novat. non solet, D. de reg. iuris.* de quo dicitur infra suo loco *ad tit. de novationibus.*

L. Si dominium. 9.

Idem A. Attico.

Si dominium eius possessionis, quæ pignori data esset à debitrice domina, ad te translatum est: eamque postea creditor, vel eius heredes detinere cœperunt: vindica eam rem præside provincie curante, ut fructuum deducta ratione, residuoque a te oblato, si fuerit satisfactum, ea possessio tibi redatur. PP. III. Kal. Octobr. Gordiano AA. & Aviola Coss.

S U M M A R I A.

1. Debitorem pignoris dominum manere, hoc iure rem traditam in quemvis transferre posse.
2. Pignoratitiam actionem pignore alienato nunquam novo domino competere ad pignus recuperandum.

3. Pignore alienato a debitore competere novo domino vindicationem adversus creditorem, sed iisdem conditionibus, quibus debitori pignoratitia, si pecunia soluta sit, aut eo nomine satisfactum.

Debitor † pignus dando manente proprietate eius, solam possessionem transfert ad creditorem, ut est in *L. cum & fortis, §. ult. D. de pig. act.* Dominus igitur est, qui prius fuerat: quam ob causam & rem pignori obligatam vendere potest, ut prius; nec minus ex quavis causa traditam iure in accipientem transferet. *§. per traditionem, in Instit. de rer. divis.* Quod si verum est, sequitur, ut & novus possessor, in quem dominium a debitore translatum est, eam rem vindicare possit, non tantum a quovis alio possessore, sed etiam a creditore ipso, cui res pignori obligata erat, si forte res obligata in eius possessionem pervenerit. *L. in rem, L. officium, D. de rei vind.* Cum sint hæc, quæ diximus, iuris explorati: non immerito quæri potest, cur sit in hac re dubitatum, ut adiri Imperatorem oporteret. Et videri potest hæc causa fuisse dubitationis, quod debitor, qui pignus alienavit, si non alienasset, & pignus recuperare vellet, uteretur in eam rem pignoratitia actione. *§. ult. Instit. quib. mod. re cont. obligat.* Hæc †

autem actio ei, ad quem res translata est, competere non potest: nam is neque debitor est, neque debitori successit. Sed non si novo domino pignoratitia actio non est ad pignus recuperandum; eo minus id recuperare potest alia actione, si quam forte eo nomine comparatam habeat. Habet autem ad eam persequutionem vindicationem, ut dominus; id, de quo Gordianus respondet.

Sed † additur, eum pignus recuperaturum eadem lege, qua debitor reciperet; nempe si debitum solvat, vel offerat creditori. Et recte. Nam alienatio debitoris deteriore creditoris conditionem facere non potuit. *L. debitore, inf. eod. L. si debitor, inf. de dist. pign.* Certi autem iuris est, sic debitorem pignus persequi a creditore posse, si pecuniam solvat, aut eo nomine satisfaciatur creditori. *L. si rem, §. omnis, D. de pig. act.* Sed in debito solvendo imputabuntur fructus ex re obligata a creditore percepti, ut hic cavetur: hi in universum debitum extenuant. *L. 1. L. 2. sup. de pig. act. L. 1. inf. de distract. pignor.*

Ad L. Debitores. 10.

Impp. Dioclet. & Maximian. AA. & CC. Alexandro.

Debitores presentes prius denuntiationibus conveniendi sunt. Igitur si conveni debito satis non fecerint, persequenti tibi pignora, seu hypothecas, quas instrumento specialiter comprehensas esse dicis, competentibus actionibus rector provincie auctoritatis sue auxilium impartiri non dubitabit. Dat. XIV. Kal. Febr. ipsis IV. Et III. AA. Coss.

S U M M A R I A.

1. Ad pignorum possessores perveniri etiam olim non potuisse, nisi prius convectis debitoribus: quam hoc humanum: Et quid hic addiderit Novella Iustiniani.

2. Debitores prius denuntiationibus conveniendos, etiam verum sit, refutatis locis in speciem repugnantibus.

SI creditores t ab extraneis possessoribus pignora persequi velint potius, quam debitorem convenire, id illis olim facere licuisse multis rescriptis declaratur. *L. distractis, L. persequutione, inf. cod. L. ult. sup. de obl. & act.* Id ius temperatur hoc rescripto. Hæc enim lex & conditio ponitur creditoribus, ut si debitores presentes sint, prius eos conveniant denuntiationibus, id est, prius interpellent eos, ut solvant; sic deinde illis non solventibus pignora iure persequantur. Summo quidem iure licet creditoribus pignora persequi sine ulla debitoris interpellatione. Pignoris namque conventio neque diem, neque conditionem habet; ut proinde sic pura sit & præsens pignoris obligatio. Sed humanitatis ratio aliud ius postulat: ex quo est illa denuntiatio, quam hic exigi videmus. Humanitas & æquitas in eo est, quod præsentibus debitoribus sine incommodo creditoris interpellari possunt; interpellati fortasse solvent: si solverint, eadem opera & consulitur creditoribus suum consequentibus, & possessores pignorum non inquietantur. Quod factum postulant prodest, concedenti non nocet, æquum est id concedi cuivis quamvis extraneo & ignoto. *L. 2. §. quamquam, D. de ag. & ag. plu. arc. Iustinianus Novell. 4. de fideiuss. §. sed neque, alias §. enimvero, plus exigit a creditoribus.* Constituit enim, ut si debitores presentes sunt, non tantum prius denuntiationibus conveniantur, sed cum illis iudicio agatur, nec prius perveniat ad pignorum possessores, quam excussis debitoris & omnium accessionum facultatibus. Sed t quod hoc rescripto dicitur, debitores præsentibus prius denun-

tiationibus conveniendos, multis diserte scriptis locis contrariis refelli videtur. Ac primum constat, quod pure debetur, statim peti posse, *§. omnis, Inst. de verbor. obl.* Si statim, non pendet ex ulla denuntiatione præcedenti. Quod & verissimum est, ac perpetuum: sed tunc locum habet, cum agitur cum ipso debitore. Iudicio cum omnibus agi potest, qui nobis obligati sunt, quamvis prius eos non interpellaverimus, ut solverent. Hæc autem observandum est agi de eo creditore, qui pignora persequi velit ab alio possessore, quam debitore, ut sequentia indicant: quod quam æquitatem habeat, supra ostendimus. Imo, dixerit aliquis, etiam creduntur prius pignoris exsequatur: tamen hoc iure non habet necesse prius debitorem convenire. Nam in *L. distractis, L. persequutione, inf. hoc tit. L. ult. sup. de obl. & act.* traditum est, creditorem posse statim possessores pignorum convenire, neque necesse habere personali actione prius convenire debitores. Sed nihil adversus hunc locum. Non enim dicimus debitoribus prius conveniendos esse actione & iudicio, sed conveniendos denuntiationibus. Rursum hic occurrit. Nam si pignus creditor distrahit: constitutum est id cum iure facere, etiam si prius debitori non denuntiaverit, *L. 4. D. de pig. L. si cessante, inf. de distr. pign.* Sed alia causa est, cum creditor pignus distrahit; alia cum pignus ab extraneo possessore persequitur. Nam pignoris distractio nocet debitori, qui oppignoravit; persecutio pignoris extraneis possessoribus. Porro cum de debitore agitur, nullum ordinem actionis servamus, sed tantum adversus extraneos possessores, cum quibus creditor ni-

hil

hil contraxit, *auth. hoc si debitor, inf. hoc tit.* Ex his apparet, proprie & significanter hoc loco dictum esse, cum creditor pignora persequitur adversus alios, prius debitores conveniendos esse denuntiationibus; ut intelligamus necessitatem

iuris his verbis contineri, non autem conveniendos esse de urbanitate, ut vulgo interpretantur. Ex fortasse hoc ius est de conveniendis prius debitoribus, cuius mentionem facit Iustinianus *initio Nov. 4. de fideiuss.*

Ad L. Nominatori. 11.

Idem AA. & CC. Euphrosyno.

Nominatori pignori capere sine præsidis auctoritate res nominati non licet S. III. Id. Mart. AA. & Coss.

S U M M A R I A.

1. *Nominatores in honoribus & muneribus publicis, qui.*
2. *Nominator quibus, ad quid, & quo ordine tenentur.*

3. *Nominatori adversus nominatum quando, quæ, & qua de re actio competat.*

SUB persona nominatoris & nominati statuitur hic sententia, quæ generalis est ad omnes creditores pertinens: neminem res debitris sui capere posse pignori sine magistratus auctoritate: quæ sententia expressa est in *L. 3. sup.* ubi diximus. Quod ¶ ad exemplum huius inclinet, *nominatores* dicuntur in honoribus & muneribus publicis deferendis. Nam cum quis aut magistratum municipalem, aut decurionem, aut curatorem Reipublicæ offert, & tanquam idoneum ad eam rem nominat, ex re nominator appellatur, ut intelligere licet ex toto titulo, *de peric. nom. infr. lib. 11.* Eodem modo & si quis apud magistratum tutorem aliquem nominet. *L. adversus, supr. de mag. conven.*

Qui ¶ ita nominator existit, in re qui-
dem publica Reipublicæ obligatur, in ad-
ministratone autem minorum obligatur
minoribus, ut si is, qui nominatus est, in
ea administratone, quam suscepit, aliquid
contraxerit, & non sit solvendo, id de-
pendat aut Reipublicæ, aut minoribus eo
ordine, qui præscriptus est in *L. Imperator, D. ad municip. L. 2. & ult. inf. quo quis. ord. con. lib. 11. & d. L. adversus, supr. de mag. conven.* Postquam nominator ¶ nominati causa quid solvit, tum incipit nominatus nominatori suo teneri vel mandati, si mandato suo nominatus est; vel negotiorum gestorum, si mandatum non intercessit. In hac obligatione quæritur, an nominator nominati res pignori capere possit. De quo id statuitur, quod supra definivimus.

Ad L. Si uxor. 12.

Idem AA. & CC. Eusebio.

Si uxor tua pro pecunia, quam accepit mutuo, res proprias obligavit pignori, eique tu successisti: licet instrumento eius facti testimonium collatum non sit: soluto tamen debito creditorem de his tibi reddendis solemniter convenies. S. V. Kalend. April. AA. Coss.

S U M M A R I U M.

1. Pignoratitia actio qua de re, cui, adversus quem, qua conditione.

CREDITOR ꝑ pignus accipiendo a debitorē debitori obligatur, ut debito soluto id ei restituat. *S. ult. Inst. quib. mo. re const. obl.* In eamque rem constituta est debitori pignoratitia actio hac conditione, si pecunia soluta erit, aut creditori satisfactum, *L. si rem, S. omnis, D. de pig. act. L. pen. sup. cod.* Hæc actio contra controversiam & heredibus debitoris

datur, & in heredes creditoris. *S. 1. Inst. de perp. & temp. act.* Hæc ita sunt, quanvis de pignore dato nullum instrumentum interpositum sit, ut hic respondetur. In quo statuitur generalis sententia de vi instrumentorum, quæ expressa est in *L. 4. D. cod. L. 4. D. de fid. instr. & similibus locis.*

Ad L. Cum dominam. 13.

Idem AA. & CC. Matronæ.

Cum dominam non minorem vixinti quinque annis ea quæ obligaverat tibi, iure domini possidere permisisset, & in solutum dedisset, precibus significes: domine contrafactus & voluntas ad firmitatem tibi sufficiet. S. IV. Kalend. Maii. Heraclia. AA. Coss.

S U M M A R I U M.

1. Permissum debitoris, ut creditor pignus in solutum sibi habeat, ad dominium transfe-

rendum etiam secundum formam communis iuris abunde valere: & cur.

CUM ꝑ debitor permittit creditori suo, ut pignora, quæ prius acceperat, in solutum sibi habeat: queritur, an dominium pignorum ea conventionē in creditorem transferatur? Tria videntur impedire. Primum, quod nulla hic traditio rerum est; dominium autem nisi traditione non transferitur. *L. traditionibus, supra, de pactis.* Deinde quod nulla hic causa videtur intervenire nova ad dominium transferendum; at nisi iusta aliqua causa præcedente dominium non transferitur. *L. nunquam, D. de acquir. rer. dom.* Postremo de iure domini impetrando in pignore certa forma præscripta est constitutionibus, quæ ad eam impetrationem

perveniantur. *L. 1. & toto tit. inf. de iur. dom. imp.* Ea forma in hac specie nulla est. Sed nihil hæc obstant dominio transferendo. Nam quod ad traditionem attinet, hæc tunc necessaria est, cum res, quam translatam volumus, non est apud eum, ad quem volumus transferre. Quod si prius apud eum sit, vel quod commodavimus, vel quod apud eum depositum, vel quod pignori dedimus; hic nova voluntas sufficit ad domini translationem. *L. quæ ratione, S. interdum, D. de acquir. rer. dom.* Et recte: satis enim prius res tradita erat, ut iam non sit nova traditio opus. Si causa hic queritur ad dominium transferendum, est idonea;

DECI;

nea; nempe pro soluto, *L. 4. D. de Publ.* Quod autem de iure domini impetrando constitutum est in pignoribus, id adversus debitores invitos, aut ignorantes constitutum est. Cæterum si debitor, idemque dominus velit rem suam in creditorem transferre: nihil tam naturale est, quam voluntatem eius in hac re ratam haberi, ut est in *§. per traditionem, Inst. de rerum divis.* Proinde tu proposito dominium voluntate debitoris in

creditorem recte transfertur. Sed cum hac exceptione, quæ hic adiecta est, dum debitor non sit minor viginti quique annis. Nam ita ius est: neque prædia minorum, neque res mobiles, quæ servando servari possunt, sine decreto magistratus alienari posse. *L. 1. & tot. tit. D. de rebus eorum, qui sub tut. vel cur. sunt & tit. de præd. minor. supra. L. lex qua, sup. de administrat. tutor.*

Ad L. Distractis. 14.

Idem AA. & CC. Appiano.

Distractis a debitore pignoribus, creditores potestatem habere, utrumne personali obligatos sibi, an pignora possidentes in rem actione convenire velint, non est incerti iuris. S. Kal. Maii, Heraclie, AA. Coss.

Auth. Hoc ita.

Hoc ita, si debitor ei non satisfaciat ex pretio rei venditæ: quod us fiat, permittitur ei vendere.

Ad L. Debitorem. 15.

Idem AA. & CC. Basilidæ.

Debitorem neque vendentem, neque donantem, neque legantem, vel fideicommissum relinquentem posse deteriorem facere creditoris conditionem, certissimum est. Unde si tibi obligatam rem probare posse confidis, pignora persequi debes. V. Non. Maii, Heraclie, AA. Coss.

Ad L. Persecutione. 24.

Idem AA. & CC. Marco.

Persecutione pignoris omissa, debitores actione personali convenire, creditor urgeri non potest. S. XV. Kal. Ian. Nicomed. CC. Coss.

Auth. Hoc si.

Hoc si debitor possideat, alio vero possidente inhibetur hypothecaria, donec personaliter actum sit cum reo & intercessore. Et si nec ex hypothecis debitoris satisfiat, tunc demum intercessoris hypotheca, si quæ sunt, petantur; quod ius & in heredibus locum habet.

S U M M A R I A.

1. Pignora distracto a debitore, nihilominus ius pignoris creditori integrum manere.
2. Quo ordine perveniat ad pignorum possessionem, alim & nunc.
3. Auth. hoc ita. C. de pig. de quibus hypothecis interpretanda. Novellæ de litigiis, in §. ab hoc, sententia ibidem.

Debitor ꝑ pignus alienando, uti rei dominus erat, ita dominium ad accipientem transfert; *L. si dominium, sup. hoc tit.* sed hæc alienatione creditori non nocet. Manet enim salvum ius pignoris, quod ab initio recte constitutum est. *L. si debitor, inf. de distr. pig. L. distractis, L. debitorem, hic.* Adicitur ratio in *L. debitorem*; non enim potest debitor creditoris conditionem deteriore facere. *L. solvendo, D. de negot. gestis.* Sumptum ex præceptis iuris, quibus præcipitur, alterum non lædere, suum cuique tribuere. *L. iustitia, D. de inst. & iur.* Itaque pignore alienato ereditor pignora a possessoribus persequi potest. Est enim persecutio pignoris in rem, *d. L. debitorem, in fin. & L. pignoris, infr.*

Inde ꝑ quæsitum de ordine conveniendorum possessorum, utrum ereditor debitoris prius convenire debeat, sic deinde iis non solventibus pervenire ad pignorum possessores: an vero sit in arbitrio creditoris, adversus utros experiatur? Et ius vetus fuit ita, ut huius rei electio esset creditoris. *L. distractis, L. persecutione, hic L. ult. sup. de obl. & act.* præterquam in fisco pignus tacitum vindicante: de quo humanitatis causa iam olim idem placuerat, quod postea generaliter admissum est in omnibus ereditoribus, & omnibus hypothecis, etiam de quibus nominatim convenit. *L. Mosebis, D. de iur. ffe.* Ius ergo, ut dixi, in totum mutatum Iustiniani constitutione *Nov. 4. de fideius. §. sed neque* unde fragmentum in *Auth. hoc si debitor, hic*, & exemplum fisci superius admittum ad hanc sententiam, ut non aliter ad pignorum possessores perveniri possit, siquidem alii pignus possidebat, quam debitore prius convento, & excussis eius facultatibus, repertum sit cum non esse solvendo.

Sed ꝑ hoc ius postea temperatum est, ab eodem Iustiniano in *Nov. de litigiis. §. ab hoc*, unde fragmentum in *Auth. hoc ita*, ad hanc sententiam: ut si creditor adversus debitorem pignus adhuc possidentem de hypotheca agere cœperit, & controversia mota debitor pignus alienet: in hæc specie liceat creditori statim pignoris emporem eundemque possessorem convenire, & pignus persequi, si ei de pretin eius alienationis satisfactum non sit. Hoc ita interpretandum esse in constitutione Iustiniani recte visum est Iohanni veteri interpreti: cuius & sententia omnium consensu recepta est. Est enim Iustinianus in ea constitutione de litigiis, qua parte agit de hypothecis alienatis, nihil exprimat, quo tempore alienatæ sine: utrum controversia de his adversus debitorem mota, an vero non mota; tamen de his agi, quæ mota adversus debitorem controversia postea alienatæ sunt, cum ex instituto Iustiniani satis intelligitur, tum ex exceptione, quam priori disputationi Iustinianus subicit. Institutum eius est, tota ea constitutione agere de rebus litigiis. Quamobrem de hypothecis agens, etiam de iis agere intelligendus est, quatenus litigiis videri possunt. Prius autem destinerat litigiosum, de quo lis possessori mota erat. Deinde post excipit ab ea ditione hypothecas. Non potest exceptio existimari, nisi quæ verbis & signibus definitionis continetur: ut si quis ædes leger, stulte excipiat libros: quia etiam sine hac exceptione libri appellatione ædium non continerentur. Quare quod generaliter in *authent. hoc ita*, scriptum est, id ad speciem hypothecæ litigiis, de qua dixi, referri debet.

Ad L.

Iidem AA. & CC. Heroidi.

Esfi frater tuus non suam, sed ad te pertinentem pecuniam mutuam suo nomine dedit, ac pignus accepit: tamen tibi pignoris obligationem querere non potuit. Subscripta III. Id. Maii, Hadrianopoli, AA. Coss.

S U M M A R I A.

1. Qui pecuniam mutuam dedit suo nomine, quantumvis alienam, pignoris obligationem dominus pecunie querere non potest, & cur.
2. Qui pecuniam alienam mutuam dat nomine do-

mini, eum domino acquirere & conditionem pecunie, & pignoris eo nomine accepti obligationem.

Cum quis pecuniam alienam mutuam dat suo nomine, ei cuius pecunia est, conditionem non acquirit, quia non vult; sibi acquirit, si nummi ab accipiente consumpti erunt. *L. nam & si fur, D. si cer. per. in 1. et eam obligationem si pignus accepit, pignus illi obligatum est; ei, cuius pecunia erat, pignus non est constitutum, ut hic traditur, his de causis. Nam si ex eo mutuo nulla obligatio nata est, ut fit nummis adhuc exilantibus: non potest ullum pignus esse neque ei, cuius pecunia est, neque adeo ei, qui pecuniam suo nomine dedit: non est enim pignus, nisi pro debito, & obligatione precedente. *L. res hypotheca, D. eod. §. item Serviana, Inst. de act. Quod si ex ea enumeratione conditio mutuantis nata erit, quod fit nummis consumptis; tamen ei cuius pecunia est, ideo pignus acquiri non potest, quia ei nihil debetur, cui principalis obligatio non est quaesita: neque vero alii res pignori obligari potest, quam creditori; quoniam pignus accessio est**

principalis obligationis. *d. L. res hypotheca, D. eod. L. 4. §. si ex conventionne, D. de re iud. Quin et etiam, et si quis pecuniam alienam mutuam dat domini nomine, & pignus illius nomine accipiat: acquiritur quidem domino conditio. *L. certi, §. si nummos, D. si cer. per. Quasi ipse pecuniam dedisset per alium. At pignoris obligatio illi olim non acquireretur, quam placet per liberam personam quaeri non posse. *L. solum, §. per liberam, D. de pig. act. Hodie ex constitutione Iustiniani quantumvis tuam quis pecuniam dederit alieno nomine: is, ut conditionem acquirat extraneo, & acquireret olim: sic & acquirit pignoris obligationem. *L. 2. sup. per quas pers. Postquam constitutionem non erit inutile, quod adicitur hoc loco de eo, qui pecuniam alienam suo nomine dedit, ac pignus accepit. Intelligimus enim hodie ideo recte adici; quia ad eum non pertineat, qui pecuniam ad se pertinentem dedit alieno nomine, & pignus accepit.****

Ad L. Quavis. 17.

Iidem AA. & CC. Pontiz.

Quavis ea pecunia, quam a te mutuo frater tuus accepit, compaveris praedium: tamen nisi specialiter, vel generaliter hoc tibi obligaveris, tua pecunia numeratio in causam pignoris non deduxit. Sane personalis actio debiti apud praesidem petere non probaberis. S. XII. Kal. Iun. AA. Coss.

S U M M A R I U M.

1. Rem aliena pecunia emptam non esse pignori obligatam ei, cuius pecunia emptae est: excepto

pupillo, cuius pecunia res emptae sit, & cur.

Quod et dicitur pignus contrahi conventionem, eaque debitoris interposita cum creditore. *L. 1. in pr. D. de*

fig. act. L. 4. D. de pig. §. item Serviana, Institution. de act. declarat nullius debitoris rem creditori obligari inter vivos,

vivos, nisi specialiter, aut generaliter venerit, ut esset obligata, ut hic dicitur: idem in *L. Aristo, D. quæ res pig. obl. non pos.* Porro res empta eius est, qui eam emit suo nomine, & cui suo nomine tradita est, quanvis eam emerit aliena pecunia. *L. multum, L. qui aliena, sup. si quis al. vel sibi.* Quo fit, ut quæ res

hic emptoris est, non sit pignori obligata ei, cuius pecunia empta est; quia de pignore nihil conveniret: quæ sententia est huius loci. In hac re pupillum excipimus, cuius ex pecunia si quid emitur, id ei pignoris iure tenetur. *L. pen. sup. de ser. pig. dat. man.*

Ad *L. Pignoris.* 18.

Idem AA. & CC. Evodio.

Pignoris vel hypothecæ persecutio in rem est. S. Kalen. Decemb. Sirmit. AA. Coss.

S U M M A R I A.

1. *Pignoris persecutio quæ actio, cui datur, adversus quem, cuius rei gratia.*
2. *Pignoris persecutio cur dicta Serviana, quæ*

Serviana, hypothecaria, & interdum pignoratitia.

DE pignore iure prætorio nascitur actio *L. si tibi, §. de pignore, D. de pact.* Hæc actio non in personam est, sed in rem, ut hoc loco admonemur, & *L. pignoris, D. eod. item, §. item Serviana, Inst. de act.* Hinc intelligimus & cui datur hæc actio, & in quem, & cuius rei gratia, seu quis sit huius actionis exitus. Quod persecutio pignoris est, ex eo intelligimus eam creditori dari. Non enim persequitur pignus, nisi qui pignus habet. Non est autem pignus constitutum, nisi creditori. *L. etsi frater, sup.* Quod in rem esse dicitur, eo declaratur actionem esse non adversus debitorem, aut debitoris heredes; sed adversus omnem, qui pignus possidet, tenetve; quæ omnium actionum in rem conditio est. *L. si fundus, §. in vindicatione, D. eod. L. actio-num, D. de obl. & act.* Quod si adversus possessorem est: consentaneum est adversus eos etiam dari, qui non possident quidem, sed pro possessoribus habentur. Hi sunt, qui dolo desierunt possidere. *L. qui dolo, L. parem, D. de reg. iur. L. qui petitorio, in pr. D. de rei vind.* Eadem re admonemur huius iudicii exitum esse, ut possessor rem creditori restituat, nisi malit creditori solvere, quod debetur. Nam ea solutione pignus liberatur: quo liberato, nulla reliquitur creditori pigno-

ris persecutio. Quod si neque solvit possessor, neque pignus restituit, tunc lis adversus eum æstimatur, quanti ea res est, pro ea distinctione, quæ est in *d. L. si fundus, §. in vindicatione, & L. si inter, §. 1. D. eod.* Huc facit *L. qui restituit, in fin. D. de rei vind.*

Hæc ¶ actio ne nos fallat, cum in iure nominatur, nomen tenendum est. Sciendum est igitur, eam a prætore, a quo primum comparata est, *Servianam*, & quæ *Servianam* dici: a re ipsa dici *hypothecariam*, non *pignoratitiam*: §. *item Serviana, Inst. de act.* propterea quod non persequitur creditor pignus, nisi id, quod ab alio possidetur. Id autem pignus proprie hypotheca dicitur, non proprie pignus, *L. si rem, §. proprie, D. de pign. act.* Pignoratitia actio & in personam est, & debitori competit adversus creditorem, aut creditoris heredes, ut pignus pecunia soluta ei reddatur. §. *ult. Inst. quib. mod. re cont. obl.* Recte pignoratitia, quæ debitori datur de eo pignore, quod ipse creditori tradidit: quod, ut iam dixi, proprie pignus dicitur. Interdum tamen confunduntur ista, & actio hypothecaria dicitur pignoratitia, ut *L. rem alienam, D. de pign. act. L. duobus, D. de except. rei ind. l. 3. §. est autem, D. ad exhib. L. communi, §. si inter, D. com. divid.*

Ad L.

Ad L. Sicut. 19.

Idem AA. & CC. Maximo.

Sicut vim maiorem pignorum creditor prestare non habet necesse: ita dolum & culpam, sed & custodiam exhibere cogitur. Dat. XVII. Kal. Ianuarii. AA. Coss.

S U M M A R I U M.

1. Culpam etiam & custodiam creditorem prestare debere in pignore, & custodia verbo

quid continetur.

Pignoratitia actione tenetur debitori creditor, ut debito soluto pignus debitori integrum reddat, & tale, quale accepit. §. ult. Inst. quib. mod. re con. obl. Et sine dubio ita tenetur, si rem talem habet apud se, qualem accepit. Quid si aut non habet, aut deterior facta est? Distinguitur: ut siquidem casu fortuito, seu vi maiore res absit, aut deterior facta sit, non teneatur creditor. Casus fortuiti nullo iudicio prestantur ab eo, qui rem prestare debuit, L. quæ fortuitis, supr. de pig. act. L. contractus, in fin. D. de reg. iur. Sin aliter ista contigerunt, placet omnimodo creditorem teneri, siue dolo

eius factum sit, siue culpa; nec solum ea culpa, quæ in faciendo sit, sed etiam quæ in negligendo, quæ posterior custodiam exhibendæ verbo hic significatur: dum scilicet ipse rem corrupti aut amitti patitur, eam custodiam & diligentiam non adhibendo, quæ a diligente patrefamilias adhiberi potest: ut & in L. si cum venderes, §. ult. & L. seg. D. de pig. act. Hæc ideo; quia in contractu pignoris utriusque utilitas versatur, & debitoris, & creditoris, ut declaratur in d. §. ult. Inst. quib. mod. re con. obl. Id autem est ex ea distinctione, quæ pluribus explicatur in L. §. §. nunc videndum, D. comm.

Ad L. Creditor. 20.

Idem AA. & CC. Alexandro.

Creditor ad petitionem debiti urgeri iure minime potest. Quapropter eo, quod vos heredibus Evodiani debere confiditis, oblato, & si non velint accipere, consignata atque deposito: de reddendo pignore hos prædiali notatione convenire. PP. XVII. Kalend. Februar. AA. Coss.

S U M M A R I A.

1. Obligatione sola pecunia pignus liberari, & quali.

2. Oblatio sola pecunia in iudicio facta est pignus

non liberet, prodest tamen debitori ad pignus & retinendum & repetendam.

Iure constituto pignus ita liberatur, si pecunia creditori soluta erit, aut eo nomine creditori satisfactum. L. si rem, §. omnis, D. de pig. act. L. item, §. 1. D. quib. mod. pig. vel hypoth. sol. Hoc ius si ad verbum exigimus, periculose constituit adversus debitorem. Nam non solvitur pecunia creditori, nisi ille oblatam accipiat. At fieri potest, ut non accipiat, quavis iniuria. Fieri etiam potest, ut paratus sit accipere, sed dicat sibi plus de-

beri, quam offertur: & ideo priusquam quidquam accipiat, posset de ea re iudicio constitui. Quod si sit, res eodem reddit. Non enim potest iudicio constitui de eo, nisi ipse agat; porro nemo cogitur invitus agere, tit. ut nemo invitis. ag. vel accus. cog. supra. Ita sit ut nuquam invito creditore pignus liberetur, si præfracta solutionem exigimus. Id ergo ne fieret, remedium inventum est, quod pro iusta solutione cederet: ut sic & fideius-

sorea

fores, & pignora ipso iure liberarentur, quanvis invito creditore. Id ¶ remedium est non oblatio pecunie sola, sed oblatio cum obfignatione pecunie & depositione coniuncta: id est, ut recusante creditore debitor coram testibus numerariam pecuniam sacculo includat; sacculum clausum obfignet; obfignatum deponat in eum locum, de quo index idoneus constituerit. Hæc indicantur plenius in *L. acceptam, sup. de usur.* Idem hoc loco dicitur brevius. Similes loci notantur ab Accursio. Hæc autem liberatio pignoris ex eo est, quod hæc obfignatio & depositio solutionis vim habet *L. obfignatione, inf. de sol.* Ergo ¶ sola oblatio neque principalem obligationem tollit, neque pignus liberat. Interdum tamen prodest debitori: si is pu-

ta pignus possideat, & pecuniam creditori offerat in iudicio. Sic enim consequitur, ne cogatur pignus reddere, non quia pignus liberatum sit, sed quia oblet creditori agenti doli exceptio. *L. potior, §. ult. D. qui pos. in pig.* Prodest etiam debitori uliro pignoratitia actione agenti, qui item pecuniam in iudicio creditori offerat. Prodest autem eo, ut recte agat, & creditor dampnari debeat. *L. si rem, §. ult. D. de pig. act.* Quippe pignoratitia actio has conditiones habet, si pecunia soluta sit creditori, aut ei satisfactum. Quæ conditio ex regula iuris toties pro impleta habenda est, quoties per creditorem, cuius interest eam conditionem non impleri, fiat, quo minus impleatur, *L. in iure, D. de regul. iur.*

Ad L. Res obligatas 21,

Idem AA. & CC. Victo,

Res obligatas exterius debito soluto liberando datum petere, non earum dominium adipisci potest. Datum II. Kal. Novemb. Retiarie. CC. Coss.

S U M M A R I A.

1. Solvendo pro debitore extraneus quovis ut debitorem etiam invitum, ita ¶ pignus liberat.
2. Solvendo pro debitore ¶ pignus liberantem non ideo quidquam iuris in rem liberatam consequi.
3. De pecunia alterius nomine soluta esse adversus

eum actionem mandati, aut sine mandato negotiorum gestorum actionem.

4. Solvendo pro debitore ¶ pignus liberantem dominium, aut pignus acquirit ex conventionem, si aut ei res vendita, aut pignus in eum translatum sit: sine conventionem etiam pignoris retentionem.

Quivis ¶ pro debitore solvendo creditori, debitorem & ignorantem, & invitum liberat. *L. solvendo, D. de neg. gest. L. solvere, L. solutione, D. de solut.* Unde evenit, ut eadem opera & accessiones liberentur, id est, fideiussures & pignora. *L. in omnibus speciebus, D. de solution.* atque hæc in debitore vis est huius solutionis. Nam ¶ quod ad extraneum attinet, qui solvit, non propterea in rem, quam nexu pignoris liberavit, quidquam iuris nanciscitur. Non dominium, de quo hic scriptum est: non pignus, de quo scriptum est in *L. 1. in prin. D. quib. mod. pig. vel hyp. sol.* Utinamque ideo, quia ad dominium acqui- rendum, & pignus constituendum pariter domini voluntate & conventionem est opus. *L. in omnibus rebus D. de obl. & aff. L. quanvis, sup. hoc tit.*

3. Tantum ¶ is, qui solvit, hac solutione id assequitur, ut quod solvit, possit repe-

tere a debitore, quem liberavit; non tamen quia negotium utiliter ab eo gestum. Ut autem repetat, consequitur aut mandati actione, si mandato debitoris solvit, aut sine mandato actione negotiorum gestorum, quia utiliter in rem eius impendit, dum eum liberat. *L. 2. D. de neg. gest. L. 3. & L. filius, sup. eo. tit. de. neg. gest.* Sed ¶ hæc ita accipienda sunt, si extraneus ita solum solvit, ut debitorem liberaret, quod verba ipsa rescripti satis significant, quæ ad solutionem & liberationem debiti solum conferuntur. Quod si ita pecuniam creditori dedit, ut pignus emeret, dominium in eum transferret non minus, quam si a domino emisset. *L. non est novum, D. de acq. rer. dom.* Sed etsi citra emptionem ita pecuniam solverit creditori, ut idem pignus sibi obligaretur, rata erit conventio, & in ius creditoris succedet. *L. 1. inf. de bis; qui in prio. cred. loc. succ.* Neque vero aliter ullum

ius domiui, aut pignoris in re liberata sibi exterius acquirit. Sane & sine emptione, itemque superiore conventionione de pignore constitucdo, extraneus qui debitoris nomine solvit, & pignus luit, consequitur eiusdem rei retentionem in eam summam, quam solvit, d. L. 1. in pr. quib. mo. pig. vel hyp. sol. non tamen pigno-

ris iure, sed per exceptionem doli mali, quæ iis omnibus possessoribus rei alienæ conceditur, qui in eam rem sumptus fecerant, dum ab his res repetitur non solum sumptibus. L. sumptus, L. in fundo, D. de rei vind. L. plane, D. de petit. her.

Ad L. Secundus. 22.

Idem AA. & CC. Antiochiano.

Secundus creditor offerendo priori debitum, confirmat sibi pignus & a aebitore sortem, eiusque tantum usuras, quæ fuissent præstandæ, non etiam usurarum usuras accipere potest. PP. III. Id. Decemb. Nicomed. CC. Coss.

S U M M A R I U M.

1. *Posteriorem creditorem priori pecuniam solvendo pignus sibi confirmare, non tantum in sortem sibi debitam, sed & in eam summam,*

quam solvit, item & in usuras, quæ priori solvenda essent: non etiam in usuras usurarum ab ipso solutarum.

CUM duobus creditoribus diversis temporibus eadem res obligatæ sunt, sic prior creditor in pignore prior est, ut secundus adversus priorem nihil iuris habeat. Sed si posterior ꝑ priori creditori solvat, vel offerat, quod ei debetur: illo remoto posterior in pignore aut solus, aut certe primus esse incipit, atque ita sibi pignus confirmat. Sed quod præcipue animadvertendum est, confirmat sibi pignus non tantum in debitum suum, sed etiam in omnem causam, qua debitorem a prior creditore liberavit, ut est in L. in bello, §. si pignori, D. de cap. Et in summa in locum prioris creditoris succedit, ut traditur in L. 5. in prin. D. de distr. pig. Proinde confirmat sibi pignus non tantum in sortem, quam prior creditor solvit, sed etiam in eius sortis usuras, quæ præstandæ fuissent, ut hic scriptum est. Quibus verbis intelligo posteriorem sibi confirmare pignus, non tantum in eas usuras quas priori solvit: de quibus ex locis a me supra indicatis non dubitatur; sed etiam in eas usuras, quas non solvit, sed quæ creditori priori solvenda essent, si eius obligatio non esset sublata. Ut quemadmodum illi præstandæ essent, sic & posteriori creditori præstandæ sint ex mora: quoniam is, ut diximus, in locum prioris succedit, dicta L. 5. de distr. pig. Hinc quæsitum, an posterior creditor, quemadmodum sortis prioris solutæ usuras consequi potest, ita etiam pos-

sit exigere usuras earum usurarum, quas priori solvit. Finge posteriorem creditorem priori solvisse sortem mille aureorum, & eius sortis usurarum nomine centum, quæ illi creditori deberi cœperant. Quæro, an quemadmodum sortis mille aureorum usuras exigere potest posterior creditor, ita possit etiam exigere usuras earum centum, quæ nomine usurarum priori solverat. Quod quidem prima ratione quis dixerit. Nam in actione negotiorum gestorum id totum fors est, quod quis alieno nomine impendit. L. 2. D. de neg. gest. Quod si usuræ supra solutæ in ea actione pars sunt sortis: consequens est etiam eius partis usuras ex mora accedere. Nam actio negotiorum gestorum bonæ fidei est, §. actiones autem, Instit. de act. In bonæ fidei autem iudiciis usuræ ex mora veniunt. L. mora, §. in bona fidei, D. de usur. Et hoc loco respondetur, posteriorem creditorem usuras tantum sortis a se solutæ una cum sorte consequi posse, usuras autem usurarum a se solutarum consequi non posse. Superiori autem obiectioni occurritur in L. creditor, §. sciendum, D. qui pot. in pig. hab. ad hunc modum. Recte enim diceretur usuras priori creditori solutas pro sorte habendas esse, si negotiorum gestorum actione peterentur. Nunc autem de his negotiorum gestorum actio locum non habet. Nam posterior creditor dum priori solvit & sortem & usuras illi debi-

Tem. IX.

XX

tas,

tas, negotium debitoris non gerit, sed suum. Non enim solvi debitoris liberandi causa, sed pignoris, & iuris sui confirmandi gratia. Ita reliquitur, quod solu-

tum est, id partim foret esse, partim foris usuras. Certe autem iaris est usuras usurarum exigi non posse. *L. placuit, D. de usur. L. ut nullo, sup. de usuris.*

Ad L. Maior. 23.

Idem AA. & CC. Macedoniano.

Maior annis viginti quinque pignoris conventionem remissam, cum hoc solum pactum, vel iurisdiclio secundum ipsius voluntatem tueatur, persequi non potest. S. XVIII. Kal. Ian. Nicomedia, CC. Coss.

S U M M A R I A.

1. Remissione & conventionem sola pignus solvi.
2. Iurisdiclio quid.
3. Remissio directa pignoris maxime pignus solvi ipso iure.
4. Etiam tunc, cum res tradita est creditori.
5. Obliqua quoque remissione, idest, pacto inter-

pacto de pecunia non petenda, et si fortis liberatio contingat tantum per exceptionem, pignus tamen ipso iure tolli.

6. §. de pignora. L. si tibi, D. de pact. explicatus.
7. L. 2. C. de remis. pig. explicata.

Remittit pignoris conventionem creditoris, qui paciscitur, ut a pignoris conventionem, idest, a pignore discedatur, nec res amplius sit pignori. † Hoc qui pactus est, pignus amplius persequi non potest, ut hic traditur: hoc est, pignus conventionem & remissione creditoris solvitur. *L. 2. inf. de remis. pig.* Id eo fieri dicitur hoc rescripto, quia pactum, quod inest in hac remissione, tametsi solum sit, & ut iuris auctores alibi loquuntur, nudum: tamen eiusmodi est, quod iurisdiclio tueatur secundum voluntatem creditoris. Iurisdiclio, idest, prætor, & quivis magistratus ex edicto prætoris de pñtis. *L. iurisdictionum, §. aut prætor, D. de pact.* Iurisdiclio † est magistratuum auctoritas, & potestas in iure dicundo. *L. non possunt, & L. seg. D. de legib.* Queritur, an remissione creditoris pactum tollatur ipso iure, an per exceptionem tantum? Quorum alterum ex verbis huius rescripti certo colligi non potest. Nam is dicitur, non posse rem persequi, non tantum qui ipso iure non potest, sed etiam qui per exceptionem removeatur. *L. nihil interest, D. de reg. iur.* Et tamen res digna est cognitu propter locos de hac questione in speciem diligentiores. Nos † statuemus, ut consensu creditoris pignus contrahitur, hoc contrario consensu ipso iure & remitti & dissolvi. Remissio & conventio creditoris duplex est, directa, & obliqua. Directa, qua aperte & recta paciscitur, ut ab hypotheca discedatur, live ne de hypotheca am-

plius agat. Hæc conventio citra controversiam dicitur pignus solvere, in *L. solvitur, D. quib. mod. pig. vel hyp. sol.* Solvi dicitur, quod omnino solvitur, idest, ipso iure, §. item per acceptationem, *Inst. quib. mod. tol. obl.* Et vero id consentaneum est regulæ iuris, quæ dicitur, quibus quidque modis contractum, aut constitutum est, iisdem modis in contrarium actis dissolvi. *L. nihil tam naturale, L. fere, D. de reg. iur.* Constat autem pignus sola conventionem contrahi, siue creditori tradatur, siue non tradatur. *L. 1. in prin. D. de pig. act. L. 4. D. de pign.* Proinde & contraria conventionem tollitur, quæ definitio expressa est in *d. L. 2. inf. de remis. pig.*

Nec † multum ad rem faciet, si pignus propter conventionem traditum sit creditori. Nam hæc traditio non facit, ut magis pignus contrahatur, quam ante traditionem. Denique pignus quavis traditum, sola tamen conventionem constitutum est, non etiam traditione: proinde & sola conventionem, quavis traditum, tollitur. Nec obstat, quod in *L. ab emptione, D. de pact.* dicitur ab emptione & cæteris contractibus, qui consensu perficiuntur, contrario consensu dissolvi posse rebus adhuc integris, idest, nulla re ab uno alteri data, aut tradita. Nam ex eodem loco discimus, a superioribus contractibus etiam rebus non integris dissolvi posse, dummodo non paciscamur, ut nobis quid præstetur ab adversario, & nova obligatio adversus eum non constituitur, quod possit-

postremis eius legis verbis demonstratur. At in pignore, quanvis id traditum sit creditori, si pacificatur creditor, ut a pignore discedatur: non id agitur, ut ipse quidquam præstet, sed tantum ne pignus petat. Quam ob rem etiam tunc sine exceptione ea conventio valebit. Obliga-
 5 t pignoris remissio est, cum creditor non de pignore pacificatur aperte, sed de debito non petendo. Nam qui ita de debito pacificatur principaliter, etiam per consequentiam de pignore non petendo pacisci intelligitur. *L. solvitur, §. si pacificatur, D. quib. mod. pig. vel hyp. sol.* propterea quod pignus accessio est principalis debiti, ac principali causa sublata, accessioni locus esse non potest. *L. cum principalis, D. de reg. iur. L. in omnibus speciebus, D. de solut.* In hac specie, quia principalis obligatio non tollitur, nisi per exceptionem pacti conventi: *L. 5. D. de pact. §. præterea Inst. de excep.* idcirco dubitari potest, an pignus quoque non nisi per exceptionem remittatur. Dicemus etiam in hac specie pignus ipso iure tolli. Nam aperte dicitur hoc modo solvi in *d. L. solvitur*, quo verbo diximus turis solutionem & liberationem intelligi. Eiusque rei argumenta hæc sunt. Nam & aliis modis cum debitor de debito liberatus est solum per exceptionem, tamen pignus liberari dicitur. Ut, si deferente adversario iuraverit se non debere, aut si absolutus sit sententia indicis. *L. si deferente, D. quib. mod. pig. vel hyp. sol.* Ex quibus tamen causis tantum debitor per exceptionem liberatur, non ipso iure. *§. æque & §. seq. Inst. de excep.* Proinde idem dicendum est, & si debitor pacto tantum consensu de debito sit liberatus. Præterea si debitor remisit principalem obligationem debitori: pignus ipso iure liberatum est, etsi remissio iure effectum non habuerit, *L. 1. §. 1. D. quib. mod. pig. vel hyp. sol.* Multo ergo magis, si remissio valuerit saltem per exceptionem. Postremo cum creditor pacificatur, ne debitum petat, etiam de hypotheca non petenda pacificatur, ut supra dixi. Quamobrem & hoc consensu hypotheca ipso iure tollitur: quoniam iam effectum est, ut consensu pignus contrahitur, ita etiam consensu dissolvitur. Scio prima fronte non improbabilius dici, si obligatio principalis pacto per exceptionem tantum tollitur, par esse, ut etiam pignoris obligatio non nisi per exceptionem eodem pacto tollatur: quoniam pignus est accessio principalis obligationis. Sed dissimilia hæc sunt. Nam pactum ut

Tom. IX.

ad constituendam principalem obligationem, & obligationem pignoris diversam vim habet: sic & diversam habet ad utramque obligationem dissolvendam. Principalis obligatio pacto convento ipso iure non tollitur, quia pacto convento ab initio non contrahitur. At pignus contrahitur pacto; eo fit, ut & contrario pacto dissolvatur. Neque nos movere debet, quod vulgo hic obiicitur, accessorium sequi naturam principalis causæ, cui accedit, argumento *L. eos, supr. de usur.* Hoc enim recte dicitur negative. Nam si principalis obligatio non consiluit, non consiluit etiam pignoris, ut usurarium accessio. Sed non idem valet affirmative. Non enim si principalis obligatio ipso iure consiluit post pactum conventum interpositum de non petendo: idcirco dixeris ipso iure consiluisse pignus; quoniam, ut dixi, ad tollendam principalem obligationem & obligationem pignoris pactum conventum diversam vim habet.

Verum ⁶ t opponitur huc sententiæ, *L. 6 si tibi, §. de pignore, D. de pact.* ubi scriptum est, actionem de pignore tolli per exceptionem, si paciscar, ne petam. Hic nobis duplex responsio est. Nam primum duplex illic potest exceptio intelligi: aut ea quæ opponatur pignoris persecutioni: aut ea quæ opponatur principali actioni, de qua non persequenda pactum factum est. Secundum hoc recte dicitur tolli quidem actionem de pignore per exceptionem, cum creditor pactus est, ne debitum peteret; sed per exceptionem, non eam, quæ pignoris persecutioni opponatur, nam hæc persecutio ipso iure pacto sublata est: verum per exceptionem, quæ ex pacto nata est adversus principalem obligationem. Hac enim actione quanvis per exceptionem remota pignus etiam ipso iure tollitur. Et hoc est, quod Marcianus significat in *L. solvitur, in fin. 1. resp. quib. mod. pig. vel hyp. sol.* cum ait, si creditor pactus sit, ne pecuniam petat, recessum esse ab hypotheca, cum pactum exceptionem perpetuam pariat. Exceptionem perpetuam sine dubio intelligit, quæ nata est de pecunia non petenda, cum de hoc pacto ageretur iuxta *§. præterea, inst. de excep.* Licet & hoc modo respondere. Cum creditor pacificatur, ne debitum petat, actio de debito tollitur per exceptionem. Esto: sed nihilominus tollitur & ipso iure. Neque hæc contraria sunt ipso Paulo auctore, cuius est illa *L. si tibi*. Nam multorum sententia est in hac specie, cum principalis obligatio per exceptionem sublata

Xxx

est,

est, pignus iure ipso liberari. *d. L. solvitur, & L. si deferente, D. quib. mod. pig. vel hyp. sol.* Sed tamen etiam de eo dubitari potest, ut innuere videtur disputatio Marciani in *d. L. solvitur*. Et ideo tutius est exceptionem initio opponere adversus creditorem pignus contra pactum persequentem. Ergo tollitur pignus per exceptionem, quia opponere exceptionem, est tutius; tamen exceptione non opposita recte defendi possit, nullam fuisse ipso iure hypothecariam actionem. Nec abhinc Pauli sententia & ratio est in *L. qui servum, §. 1. D. de obl. & act.* Rursum *†* opponitur *L. 2. infr. de remis. pig.* Debitor scientie & consentiente creditore pignus vendidit. Si creditor pignus

postea ab emptore vindicet: illic scriptum est, cum exceptione removeri. Sed hoc sic interpretandum est; exceptione cum removeri, si emptor, idemque possessor exceptionem opponat. Quod si non opponat, non est necessaria. Nam & sine exceptione ipso iure tutus est. Idque demonstratur evidenter sequenti ratione, quæ illic subiicitur. Nam, inquit rescriptum, ut consensu contrahitur pignus, sic consensu dissolvitur. Dissolvi dicuntur ea, quæ omnino tolluntur, non autem iure ipso manent, ut supra dixi. Hæc a me eo disparata sunt fusi, ut in re accipiti, licet exigua, retineretur constantia & veritas regularum iuris de rebus eodem modo dissolvendis, quo colligæ sunt.

Ad L. Persecutione 24. Et auth. seq.

Vide L. distractis, supr.

Ad L. Servo. 25.

Idem AA. & CC. Dracontio.

Servo, qui fuerat pignori obligatus, defuncto, debiti permanet integra petitio, Dat. VI. Kalend. Ianuarii. Nicomedie, CC. Coss.

S U M M A R I U M.

1. *Pignus casu amisso nihilominus manere credi-*

tori integram debiti actionem, & cur.

SI pignore *†* casu amisso tollitur actio creditoris de pecunia debita, necesse est eo fieri, vel quia pignus detur solutionis causa, ut sic ea satisfactione debitor liberetur; vel quia damnum amissæ rei creditor præstare debeat, ut sic debitor liberetur ea compensatione. At utrum illorum est, Nam pignus datur, ut creditori pro debito cautum sit. *§. ult. Inst. quib. mod. re con. oblig.* Item pignus accedit principali obligationi, non eam perimit. *L. 4. §. si ex conventionem.*

D. de re iudic. Unde apparet, non dari solutionis, aut satisfactionis causa. Alioqui ipsum debitum statim tolleretur solutione. Sed nec casus fortuitus creditor præstat in pignore. *L. qua fortuitis, & L. pignus, supr. de pig. act.* Ex quibus efficitur, pignore casu amisso nihilominus creditori salvam esse principalem actionem de pecunia credita, ut hic traditur, & *d. L. qua fortuitis, d. L. pignus, supr. de pig. act.*

Ad L.

Ad L. Si. pen.

Idem AA. & CC. Mauricio.

Si tibi Notarium pignoris titulo debitor tuus obligavit eum, a quo mancipium abreptum proponis, apud rectorem provincie conveni. S. IV. Kalend. Ianuar. Strmii, CC. Coss.

S U M M A R I U M.

1. *Pignore surrepto, eius persequendi causa cre-*

ditori duas esse actiones, hypothecariam, & furti.

Pignore surrepto creditor furem convenire potest: Quibus actionibus? Nempe aut hypothecaria actione de pignore, aut actione furti. Actione hypothecaria tenetur fur citra controversiam, si pignus possidet. *L. pignoris, supr. hoc tit.* Sed & si non possideat, tenetur non eo minus: dolo enim desinit possidere. Ex de hac a-

ctione melius est hunc locum intelligi, ut titulo & argumento conveniat. Sed & creditor adversus furem furti actionem habet. Quo iure, & quo effecta, cognoscendum est ex suis locis. *L. creditoris, L. creditori, D. de furt. §. furtorum, Inst. de oblig. quæ ex delict.*

Ad L. ult. Super.

Imp. Iustinian. A. Mennæ Praefecto pratorio.

Super hypothecis, quas argenti distractores, vel metaxarii vel alii quarumcunque specierum negotiatores pecunias sibi credentibus dare solent, hoc specialiter super amputanda omni machinatione sancimus, ut si post huiusmodi contractum liberis suis, vel alio modo cognatis, quamcunque militiam iidem negotiatores adquisierint (eam tamen, quæ vendi, vel ad heredes sub certa definitione transmitti potest) liceat, creditoribus eorum etiam non probantibus ex pecuniis eorundem negotiatorum liberos eorum, vel cognatos militasse, (dum tamen contrarium non probetur alios ex suo patrimonio dedisse pecunias) creditum ab his, qui militaverint, exigere, vel tantum eos efflagitare, quanti vendi eadem militia possit. Quod ita obtinere sancimus, & si extraneis quibusdam iidem negotiatores de suis pecuniis huiusmodi militiam acquisisse probentur: ut quod generaliter in ipsis debitoribus militantibus talem militiam, quæ vendi, vel ad heredes transmitti potest permissum est, ut liceat creditoribus & adhuc viventium debitorum iure hypotheca vindicare militias, nisi sibi satisfiat, & post mortem eorum exigere quod pro iisdem militiis pro tenore communis militantium placiti, vel divina sanctionis tale præstantis beneficium, dari solet: hoc in negotiatorum personis, licet ipsi militantes minime debito obnoxii sint, integrum creditoribus eorum servetur. Quod scilicet in futuris militiis, non etiam in his, quas liberi, vel cognati eorundem negotiatorum, vel extranei pecuniis eorum meruerunt, tenere sancimus. *Dat. Kal. Iunii, DN. Iustiniano A. PP. II. Coss.*

S U M -

S U M M A R I A.

1. Militia in functionibus publicis, quid, & cur ita dicta.
2. Militiarum quasdam vendi & ad heredem transire posse, quasdam non posse.
3. Obligatione generali bonorum contineri militiam etiam postea quaesitam, quae quidem vendi possit.
4. Quisquis sit debitor.
5. Cur hoc dabitur de militiis.
6. Militiam contineri, etiam quam debitor pecunia sua acquisierit alii, non tantum sibi, & quomodo acquirere possit alii secundum regulas iuris.
7. Militiam alii quaesitam a debitore oportere quaesitam esse ex pecunia debitoris, ut continetur obligatione generali pignoris, & quare.
8. Militia a debitore postea alteri quaesita quomodo possit deduci in obligationem pignoris a debitore constitutam, cum militiam non sit, aut fuerit in bonis debitoris.
9. De militia hoc loco dictam, etiam ad res omnes alias a debitore ex pecunia eius alteri quaesitas pertinere, ut bonis a debitore obligatis etiam heres ex obligatione continetur.
10. Militia a debitore alteri quaesita, quibus con-

ditionibus conventionis debitoris obligetur pignori.

11. Militia pecunia debitoris empti quando praestatur, & quando a creditore probari debeat, & distinctionum ratio.
12. Militiam pignori obligatam si vivente eo, cui acquisita est, a creditore vindicari posse hypothecari, ut possessor, quomodo debitor non solvat, praestando militiam estimationem liberetur, alternatim nisi sit, militiam iure pignoris distrahi posse.
13. Mortuo eo, cui militiam pignori obligata acquisita est, nec estimationem deberi creditori, & quid illi pro ea praestari debeat a successibus, & qui successores.
14. Forma communis militiarum placiti quid, in hoc lege Militantes & statuti, qui ibidem.
15. Mortuo militante car pro militia ante pignori obligata nec debet creditori praestari estimatio, & tamen debet praestari certa summa.
16. Commoda ex causa, seu simpliciter. Ex causa qua dicantur lastimano.
17. Militium ex causa nullum esse.
18. De commodo militiae vacantibus adversas quas sit creditori actio hypothecaria.

Constitutio igitur haec est de militiae hypotheca. Militia in usu iuris dicitur functio omnis ordinaria, qua quis operam suam navat vel Principi, vel Reipublicae, vel magistratibus in rebus ad publicam administrationem pertinentibus obeundis, qualis est, exempli gratia, Notariorum: Secretariorum, Apparitorum, eorum, qui sunt a memoria, a libellis, & quales indicantur in *L. 11. infr. de prox. sac. scrip. lib. 12.* Ac pro ea praestantur salaria ex publico, aut annonis publicis: ut sic militia non sint ea commoda, quae percipiuntur ex publico; sed ipsa functio, propter quam illa commoda capiuntur, ut patet ex *L. Lucius, D. de legat. 2. L. creditor, §. inter, D. de act. empt. item L. omnimodo, §. ult. sup. de inoffic. test.* Sic dicta militia, quod qui Reipublicae operam navant, hi Reipublicae militare dicuntur: *L. advocati, sup. de advoc. divers. iud.* Ex igitur militiis quaedam sunt, quae vendi possunt, vel etiam ad heredes transire; quaedam, quae non possunt, sed ita personae cohaerent, ut eam egredi non possint. Quod & haec constitutio indicat, & *L. 3. §. si quid minori, D. de minor.* Quae vendi non possunt, haec sine dubio pignori obligari non possunt: cum ita iuris regula sit, eas res pignorationem recipere, quae & venditionem recipiunt. *L. 9. in fin. D. cod.* Quod & hic satis significatur. De earum hypotheca, quae vendi possunt, haec constitutio est.

Constitutionis tria sunt capita. Primum caput est de hypotheca militiae constituenta. Secundum de necessitate probationis, cui haec incumbat, si forte controversia erit, an militia empti sit ex pecunia debitoris, an non. Tertium de effectu huius militiae. Primo capite de hypotheca militiae statuitur ad hanc sententiam. Obligatione igitur generali pignoris, qua debitor omnia sua bona obligavit creditori, contineri etiam militiam, quae quidem vendi possit, quam debitor postea acquisivit; non tantum si acquisierit sibi, sed etiam si acquisierit alii: dummodo si alii acquisivit, eam acquisierit ex pecunia sua. Haec pars ut certius cognoscatur, in ea haec expendenda sunt. Primum de quibus debitoribus agit constitutio. Deinde de quibus rebus. Tertio loco quid de earum hypotheca constituit. Postremo quibus conditionibus.

Quod igitur ad debitores attinet, loquitur constitutio in principio de negotiatoribus. Unde videri potest ad negotiatores tantum pertinere, qui militiam postea acquisierint. Sed constitutio generaliter ad omnes debitores pertinet, live negotiatores sint, live non sint, ut declaratur illis verbis constitutionis, quae subiiciuntur, *ut quod generaliter in ipsis debitoribus militantibus, &c.* Itaque quod de negotiatoribus initio dicitur, vel exempli causa dictum est, vel ut removeretur dubitatio, quae

quæ malor erat in negotiatoribus: quasi his pro conditione vitæ liceat impune pecuniam acceptam, in quos velint usus, impendere, & de eis negotiari: Intelligiturque, si hi non possunt pecunia accepta militiam acquirere, quia ea in obligationem generalem pignoris veniat; multo magis idem de aliis debitoribus probandum esse. Inter negotiatores specialiter lullinanus nominat argenti distractores, & metaxarios. Argenti distractores nominat non hic tantum, sed & in *L. 2. in fin. sup. de con. pec.* illic autem argenti distractores interpretari videtur Theophilus argentarios in *§. in personam, Inst. de off. Et sunt hi lulliniano argentarii. Metaxarii sunt negotiatores metaxæ, id est sili, aut panni ferici. Hæc recte, ut cætera, & pluribus Brissionis in *Lexico*.*

5 Cavit autem constitutio de militia, quod secundo loco cognoscendum fuit. Cur t de militia potius dicitur, hanc pignori obligari, quam res cæteras a debitore acquisitas: cum conset obligatione generali bonorum omnes res debitoris magis contineri? *L. ult. inf. qui pot. in pig.* quia vetus fuit dubitatio de militis, an hæc quoque pignori subdici possint, ut res cætera; ut idem lullinanus docet in *§. optimum. Nov. de exhib. reis*. Id hac lege decisum est.

6 Cavit t constitutio de militia, quam debitor alii acquisierit. Quid si acquisierit sibi? multo magis hæc pignori erit, cum citra controversiam sit in bonis debitoris. Idque significat satis aperte lullinanus hac constitutione illic, ut quod generaliter in *ipsis, &c.* Sed hoc tantum exploratum prætermisit. De eo cavet, quod dubitationem habere videbatur, nempe de militia, quam debitor alii acquisivit, non sibi, ut sic non videatur in bonis eius fuisse. At quomodo potest debitor militiam alii acquirere, cum per liberam personam alii nihil acquiri possit? *L. 1. sup. per quas res. nob. acq.* Id fit hoc modo, si debitor, qui bona sua obligavit, militiam emat sibi; deinde lubeat venditorem militiam cedere ei, cui acquisitam vult, iuxta *L. 1. §. si inferim, D. de acq. poss. L. 3. in fin. & L. seg. D. de don. int. vir. & ex.* Id etiam fit hoc modo: si debitor militiam emat sibi, deinde eam accipiat nomine extranei, cui acquisitam vult. Nam possessionem alterius nomine acceptam illic acquirit, & per possessionem dominium. *L. si procurator rem, L. traditio, in fin. D. de acq. rer. do. & d. L. 1. sup. per quas res.* Hæc eo dicimus, quia si debitor militiam sibi emit, & ei suo nomine

traditur, ipse sibi acquirit, non debitor illi, quantumvis ipse eam emat ex pecunia debitoris. Quod enim mihi emo, & mihi meo nomine traditur, meum fit, etiam si emam ex pecunia aliena. *L. 1. & L. pen. sup. si quis alie. vel sibi.* Restat igitur, ut dicamus debitorem militiam alii acquirere his modis, quos indicavimus. Sed t exigitur constitutio, ut debitor 7 acquisierit militiam ex pecunia sua. Hoc eo fit: quia si ex pecunia alterius militiam empta est, & extraneo tradita, revera militia non potest dici debitoris esse, eoque nec in obligationem pignoris deduci a debitore potest. At si empta est ex pecunia debitoris, quanvis tradita sit eius voluntate extraneo; tamen etiam hoc casu non male dicatur in bonis debitoris fuisse. Id enim recte definitur nostrum, cuius commodum, aut incommodum ad nos pertinet. *L. 1. §. in propria, D. quand. ap. pel. sit.* Cum autem debitor militiam emit pecunia sua, etsi militia alii tradatur; tamen incommodum debitoris est ob pecuniam ab eo impensam. Est enim eius commodum in eo, quod ea præstatione obligat sibi extraneum, aut beneficii debitorem acquirit. Quorum nihil dici potest, ubi debitor emit militiam alii ex pecunia aliena. De t hac militia sic constituitur, 8 hæc quoque obligatione generali, quæ a debitore contracta sit, in obligationem pignoris deduci. Hoc vero inique, vel potius absurde constitui videtur. Nam hæc militia, de qua loquimur, non est debitoris, cum proponamus eam non debitori quæsitam, sed alii. Quod si ita est: secundum regulas iuris non potest hoc genus militiæ a debitore obligari, neque generaliter, neque specialiter. Non generaliter: quia obligatione pignoris debitor obligat bona sua. Hæc autem militia non est in bonis debitoris. Sed nec si debitor nominatim & specialiter obliget pignori eam militiam, quam postea alii acquirit, quicquam proficiet: quia ut pignus contrahatur, oportet rem tunc, cum conveniebat, fuisse in bonis debitoris, *L. & que nondum, §. quod dicitur, D. eod. L. cum res. inf. si alie. rer. pign. dat. sit.* Hac obiectione moti perierunt omnes interpretes exillimant, hic singulare ius constitui de militia: ut scilicet quemadmodum res empta ex pecunia pupilli pupillo obligatur; sic & militia empta ex pecunia creditoris, creditori obligetur. Quæ sententia nullo modo recipienda est. Primum: quia in hac constitutione non agitur de militia empta ex pecunia creditoris, sed empta ex pecunia debitoris, unde decum-

denique illa pecunia pervenerit ad debitorem. Deinde res ex pecunia creditoris empti ita demum creditori obligari potest pignori, si prius sit in bonis debitoris. Nunc autem de militia agitur, quæ non est in eius bonis, si vera sunt ea quæ diximus. Dicendum est, nihil hic non recte constitui, aut præter regulam cæterarum rerum debitoris, quas pignori obligari placet, secundum quas nihil obligatur creditori, nisi quod est in bonis debitoris. Nam & hoc ipsum in hac re accidit. Militia, quam debitor alii acquisivit, subtilitate iuris non est, nec fuit unquam in bonis debitoris, utpote alii quæsitæ, non debitori, ut hic proponitur; sed naturali ratione prius illi quæri videtur, cum iubet venditorem suum extraneo militiam tradere: deinde videtur ita per eum extraneo acquiri, ut res explicatur ab Ulpiano in *d. l. 3. §. ult. iuncta l. seg. D. de don. int. vir. & ux.* Et hoc est, quomobrem exigit hæc constitutio, ut militia empti sit ex pecunia debitoris. Sic enim fit, ut commodi & incommodi habita ratione, veteris debitoris fuisse intelligatur, uti iam exposuimus. Hæc tamen sententia cum in cæteris rebus omnibus corporalibus locum habeat, quas is, qui eas emit, aut cui alia ex causa dehentur, iubet debitorem suum alii tradere, ut licet intelligere ex *d. l. 3. in fi. de don. int. vir. & ux.* Neque mirum, neque novum videri debet, si idem probetur in rebus incorporalibus omnibus, quas debitor alii acquisierit, dum pecunia sua: ut iam non dubitemus non de militia solum, sed de omnibus rebus alii emptis generaliter definire: cum debitor bona sua generaliter obligavit, in eam obligationem venire res omnes, quas postea acquisivit, non tantum sibi, sed etiam alii; dummodo alii acquisierit pecunia sua. Cur ergo tantum exivit Iustinianus de militia, si ius ad res omnes æque pertinet? Non ut in his quidquam singularis iuris constitueret præter res cæteras, sed ut dubitationem tolleret, de qua supra dixi.

- 10 Cavet autem tamen constitutio, ut militia postea a debitore acquisita pignori sint his conditionibus. Primum, si vendi possint, de quo initio dixi. Deinde, si debitor eas acquirat. Præterea si militia a debitore quæsitæ sint ex pecunia eius: nihil ut interit, utrum emptæ sint ex pecunia, quæ a creditore ad debitorem profecta sit, an ab alio. Postremo, si debitor pecuniam accipiendo obligaverit omnia bona sua. Id quod intelligimus ex eo, quod Iustinianus iurisque dicit se hoc con-

stituere super hypothecis, quas negotiatores creditoribus suis dederint. Hypothecæ dicit, non hypothecam, ut intelligamus generaliter hypothecæ constitutas esse: deinde sine constitutione hypothecæ ne militias quidem a debitore quæsitæ pignori obligari.

Secundum caput huius constitutionis ex priore ita nascitur. Constituerat Iustinianus militiam, quæ a debitore quæsitæ est alii, ita demum pignori subici, si debitor eam quæserit pecunia sua. Unde intelligitur creditorem non posse eam vindicare, quin intendat eam emptam ex pecunia debitoris. Quid ergo, si tamen possessor id neget, an creditor probare debeat secundum regulam iuris *L. 2. C. de prob.* Et de eo singulare quiddam constituitur hoc capite: nimirum alias id præsumi, alias creditorem probare debere. Si quidem debitor militiam emit filius, aut cognatis, præsumitur militia pecunia eius empti, nisi contra probetur. Sin emit alius, nempe extraneis, creditor probare debet pecunia debitoris emptam. Huius distinctionis ratio hæc est, quod ex coniunctione sanguinis colligitur affectus debitoris: ex affectu beneficium, argum. *L. quod in uxorem, & L. si paterno, supr. de neg. gest.* quod non item in extraneis dici potest.

Tertio capite de effectu superioris hypothecæ ita cavetur: aliud esse, quod consequatur creditor vivente adhuc eo, cui militia acquisita est, aliud quod consequatur eo mortuo.

Vivente tamen eo, cui militia acquisita est, 12 creditor iure hypothecæ ab eo militiam vindicare potest; sed hac lege, ut placeat eum hæc actione non consequi, quod in cæteris rebus corporalibus, ut res pignori obligata ei restituatur, sed consequi militiam estimationem, id est, ut hæc constitutio loquitur, quanti militia vendi potest. Hoc ideo, quod militia personæ quodammodo coheret: unde & militia legata militiam estimationis deberi dicitur. *L. Lucius, D. de legat. 2.* Consequitur autem creditor, quanti militia vendi potest, nisi is, cum quo agitur, malit debitum solvere. Cæterum alterum facere cogitur ex hæc constitutione. Quid, si neutrum facit? longius quidem non progreditur constitutio: sed dicemus creditorem iure hypothecæ usum, id est, curaturum, ut militia distrahatur, quod ius est ereditoris in omni pignore. *L. quamdiu, L. si cessante, inf. de dist. pig. t.* Mortuo autem 13 eo, cui militia quæsitæ erat, non potest exigere ereditor quanti militia vendi potest;

- testi; sed id solum quod pro militia defuncti dari solet, vel ex tenore, id est, forma communis militantium placiti, vel ex forma constitutionum. Sic enim verba sunt huius constitutionis in §. 1. Quæ ut intelligantur, sciendum est, mortuo eo, qui militiam obtinebat, militiam vacare, nisi ex his sit, quæ ad heredes transeant. Vacantem certis & statutis personis deferri, quæ in decedentium locum succedant. Ab his personis, quæ succedunt in militiam, hoc exigit, ut pretium quidem militiæ non præstent, sed præstent aliquam summam vel hereditibus defuncti vel filiis vel uxori vel creditoribus: quæ summa cedat pro solatio militiæ amissæ. Et hæc summa in militis sacrorum scriptiorum definita est ad ducentos, & viginti aut quinquaginta aureos. Quæ omnia declarantur *L. 7. §. L. 11. inf. de prox. fac. scrip. libr. 12.* Hæc est igitur illa summa, quæ defuncto militante pro militis dari solet ab iis, qui vacantem militiam nunc obtinent. † Soler autem dari secundum formam communis militantium placiti, ubi commune placitum vocat Iustinianus communem conventionem: militantes autem vocat ordinem eorum, qui eius generis militiam exercent, ut fuit, exempli gratia, qui sunt ab epitulis, qui sunt a memoria, qui sunt a lecretis: qui omnes uno verbo appellantur statuti; quia eorum numerus certus statutus erat in unoquoque genere militiæ, ut patet ex *d. L. 7. §. L. 11. de prox. fac. scrip.* Ergo si quam summam isti militantes communi consensu constitissent, quam successor militiæ dare deberet defuncti hereditibus: hæc est illa summa, quam Iustinianus hic dicit creditores exigere posse. Remoto autem placito militantium, ea summa præstanda erit, quæ definita est in hac re legibus; ut in *d. L. 7. §. L. 11.*
- 15 Cur ergo creditor † non licet exigere æstimationem totam militiæ, & militiam a successore persequi? Quia vetus militiam, quæ ante obligata erat, iam nulla est: morte enim militantis esse desiit, & ut dicitur in *d. L. 11.* vacare coepit, utpote personæ defuncti coherens. Quapropter militiam successoris nova est; quæ ideo nec iure pignoris potest a creditore vindicari. At quod pro militia vacante præstari debet, id quodammodo prioris militiæ pars & eodemmodum est, proinde etiam ad veterem hypothecam pertinere intelligitur.
- 16 Hæc † vero summa, atque hoc commodum, quod pro militia vacante præstari debet, est id, quod Iustinianus appel-

lat res, five commoda ex casu, vel ea, quæ simpliciter appellantur ex casu in *Nov. de exhib. reis. §. optimum.* verbi propterea. Et recte ex casu. Sunt enim ista commoda & præstationes ex casu militiæ, id est, ex eo, quod militantis morte militiam caduca facta est, seu, ut loquitur *L. 11. de prox. fac. scrip.* ex eo, quod militiam vacavit militantis morte: qui casus recte dicitur, quemadmodum deficiente herede, aut legatio hereditates & legata caduca appellamus. De his autem commodis loqui Iustinianum superiori constitutione, ex eo manifestum est: quod de mortuo militante loquitur, & cavet, quomodo, & quibus tribuenda sint ea, quæ pro militia defuncti præstantur ab hereditibus vel aliis. Mortuo autem militante militia hereditibus eius non tribuitur, sed aliquid pro solatio militiæ eadum, ut supra ostendi. † Ex quo apparet errare eos, qui ex ea constitutione colligunt esse aliquas militias, quæ dicantur ex casu; verumque est, quod Cuiacius scripsit ad eam Novellam, nullam esse militiam ex casu. Et certe si ex eo loco id tantum probari volunt, res est expedita. Non enim de militia illic agitur, sed de his, quæ dantur ex casu, five propter casum militiæ: quasi dicas propter cadentem, aut caducam factam militiam id est amissam, & morte vacantem. Res etiam ipsa loquitur, non possideri militiam ex casu, nisi ideo, quia militiam casu obtineatur, nempe vel morte alterius vel emptione. Quo sensu omnes militiæ ex casu dici possint. Immo verò omnes acquisitiones, & omnia iura rerum nostrarum: quia nulla sint, quæ non vel morte, vel emptione, vel alio simili casu nobis obtingant † Sed queritur circa hunc locum, adversus quos agat creditor, ut hæc commoda, quæ pro militia defuncti dari solet, consequatur. Aget adversus successores qui militiam obtinentes eritque in eam rem hypothecata actio, qua teneatur adhuc militiam, solum ut id commodum, quod successor debuit, pro militia præstet creditor. Quid si successor iam id commodum solvit defuncti hereditibus, aut similibus personis? nihilominus adhuc tenebitur creditor; quia quod aliis solvit, indebitum solvit, cum id præstare deberet creditor. Proinde hæc tenebitur, ut conditionem tenebit, quam habet, creditori cedit: sed non longius. Quisquis enim ideo tenetur, quia actionem habet, eam actionem cedendo liberatur, *L. quod debetur, D. de pecul.*

Auth. *Quod obtinet.*

Quod obtinet, si ad hoc mutuaveris pecuniam, ut militia emeretur: alioquin filii, aut uxor defuncti omnibus præponitur. Sed & si nullus prædictorum fuerit, tunc alius creditoribus hoc damus.

S U M M A R I U M.

1. *Ad militiam viventis hominis hanc auth. non pertinere, sed tantum ad commoda, qua*

mortuo militante pro militia vacante præstari solent, & qua hic Iustiniani constitutio.

QUA parte ad superiorem constitutionem pertinet hoc fragmentum, sic intelligitur. Superiore constitutione duo constituuntur, quæ itidem ad sententiam huius fragmenti referri possunt. Prius est, militiam quæ pignori obligata est, iure creditori teneri, quamdiu militans vivit. Alteram, mortuo militante creditorem id persequi posse, quod pro militia solatii loco præstari debet. Prius de hypotheca militiæ viventis hominis non mutatur ullo modo Novellis constitutionibus Iustiniani. Sive enim debitor generaliter res suas obligaverit, sive specialiter militiam: semper militiam ab eo quæsitam obligata erit. Tantum in eo hoc effecit Iustinianus, ut mulier in ea hypotheca præferatur creditori, nisi creditor nominatim pecuniam suam crediderit in hoc, ut ea militia emeretur: effectum hoc est *Nov. de equal. dot. §. quia vero & huiusmodi*. In quo superiorem constitutionem magis confirmat de hypotheca militiam. Neque adversatur *Nov. de exhib. reis, in §. optimum*. Non tamen illic loquitur Iustinianus de militia viventis, sed defuncti. Alterum, quod pertinet ad ea commoda, quæ pro militia defuncti dari debent, mutatum est a Iustiniano in

d. Nov. de exhib. reis, §. optimum. Nam cum ex superiore constitutione creditor possit illa exigere, ubi illi obligata sunt bona debitoris: constitutum est potius a Iustiniano, non aliter hæc commoda ab uno aliquo creditore exigi posse præter cæteros, nisi nominatim pecuniam crediderit in hoc, ut ea militia defuncto emeretur. Quod si creditor non fecit: contempta priore hypotheca voluit Iustinianus hæc commoda dari primum filiis defuncti, si qui sint, deinde uxori: Idque ex beneficio principis, non iure hereditatis. Quod si neque filii sint defuncti, neque uxor: voluit hæc commoda non ad unum aliquem creditorem pertinere, sed tribui omnibus creditoribus defuncti. Ex quo apparet Iustinianum, vacante militia facta iudicasse militiam evanuisse, proinde & hypothecam: commoda autem, quæ pro ea militia præstari solent, magis principis existimari debere, quam privati. Ideo causam fuisse, cur isto ordine attribueret superscriptis personis. Ad hanc vero sententiam exprimendam recte accommodabitur hoc fragmentum auth. *quod obtinet*. Cæterum ad priorem illam partem hypothecæ viventis non pertinet.

A D T I T U L U M X V.

COD. IN QUIBUS CAUSSIS PIGNUS, VEL HYPOTHECA
TACITE CONTRAHITUR.

Vide; quæ scripti sub hoc Titulo in Methodo huius argumenti.

A D T I T U L U M X V I.

COD. SI ALIENA RES PIGNORI DATA SIT.

Huius tituli explicationem require ex sequenti; *Quæ res pignori obligari possint*, ubi de iure rei alienæ pignori datæ dillerui.

A D T I T U L U M X V I I.

COD. QUÆ RES PIGNORI OBLIGARI POSSINT, VEL NON:
ET QUALITER PIGNUS CONTRAHATUR.

Ad priorem partem huius tituli, de rebus quæ pignori obligari possint, vel non pertinent, ordine L. 3. & quinque sequentes: ad alteram, quæ est de conventionem pignoris, pertinent tres reliquæ, idell, L. 1. 2. L. ult. Priorem partem, & in hac superiora rescripta sex exposui in Methodo, partim sub eodem Titulo, partim Titulo, *An in omnibus rebus, quæ sunt in bonis, consistat pignoris obligatio*, nonnulla hic attingam. Alteram partem require ex L. ult. hic.

Ad L. Cum confites. 2.

Impp. Severus & Antoninus AA. Rogato.

*Cum confites, pignus consensu contrahi: non dubitamus, eum qui emptio-
nes agrorum suorum pignori posuit, de ipsis agris obligandis cogitasse. PP.
V. Kal. Iul. Apro & Maximo Coss.*

S U M M A R I U M.

1. *Instrumentis pignori datis res contentas pignori datas videri, & unde hæc sententia colligatur.*

Emptionibus prædiorum (id est, emptionum prædiorum instrumentis, ut in L. 1. *infr. de don.*) pignori datis, videntur Imperatores ipsa prædia obligata videri. At enim conilat, cum quid specialiter pignori datur, non aliud quidquam pignori esse; quam de quo nominatim convenit, L. 1. *D. de pig. L. 3. D. quæ res pig. ob. pos.* Et hoc fatentur Imperatores, *Tom. IX.*

ratores. Sed eum, qui emptiones, seu instrumenta emptionum prædiorum pignori dedit, respondent de ipsis agris obligandis cogitasse: proinde & consensisse: conflare autem pignus consensu contrahi. At verba refragantur, dicit aliquis: nominatim enim emptiones pignori datæ sunt, non prædia. Et hoc rescripto monemur, non verba spectanda esse, sed sententiam.

Yyy 2

Sen-

Sententia partim ex consuetudine sermonis, partim ex proposito contrahentium intelligitur. Constat usu loquendi, continens pro contento poni solere; emptio-nes prædiorum pro prædiis, quæ emptio- ne continentur. Unde illa: chirographis venditis aut legatis, non tabulas chirographorum venditas aut legatas esse; sed nomen quod chirographo continetur. *L. qui chirographum, D. de legat. 3. L. si servum filii, §. cum qui, de legat. 1.* Item emptio- nem prædiorum instrumentis do-

natis, ipsa prædia videri donata. *L. 1. infr. de don.* Consuetudo populi loquen- di, cum de mente loquentis queritur, in primis spectanda est. *L. si servus, 50. ult. D. de legat. 1.* Sed & propositum eorum, qui quid cavent; hoc esse intel- ligitur, ne frustra caveant. *L. si quando, D. de legat. 1.* Et quæ potest utilis in- strumentorum traditorum esse, si in his sola ipsorum, ac non eorum, quæ his cau- ta sunt, traditio intelligitur.

Ad L. Nomen. 4.

Imp. Alexander A. Evocato.

Nomen quoque debitoris pignori & generaliter & specialiter posse, jam pridem placuit. Quare si arbitor is satis non feceris, cui tu credidisti: ille, cuius nomen tibi pignori datum est, nisi ei cui debuit, solvit, nondum certior a te obligatione tua factus, utilibus actionibus satis tibi facere usque ad id, quod tibi deberi a creditore eius probaveris, compellitur: quatenus ta- men ipse debet. PP. pridie Kal. Martii, Fusco II. & Dextro Coss.

S U M M A R I A.

1. *Nomine pignori dato actiones datas videri, quæ danti competunt, easque transferri in credi- torem, sed utiles, easdemque in personam.*
2. *Qui nomen pignori dedit, si concurrat adver- sus debitorem cum eo, cui nomen pignori datum est, accipientem danti esse præfere- dum.*
3. *Debitorem cuius nomen pignori datum est, cre-*

ditori suo solventem, nobilemque si cui no- men datum est, teneri tribus cassibus, & quibus: extra hos solventem liberari, quan- vis non ignoret nomen suum pignori datum.

4. *Pignori pignori dato, si ei cui datum est, so- lutum sit quod debebatur, quando & qua- tenus liberetur primus creditor, qui pigno- ri dedit.*

Nomen † pignori dari potest, ut hic traditur, & *L. postquam, supra, de hered. vel act. vend.* Nomen est, id quod nobis debetur, sive id, quod est in actionibus. *L. qui chirographum, D. de legat. 3.* Vis huius pignoris est hæc, ut quemadmodum creditor qui nomen pigno- ri dedit, pecuniam a debitore suo exige- re potuisset, si vellet: sic possit & is credi- tor, cui nomen pignori datum est, cum dominus non sit illi obligatus, *L. si con- venerit, D. de pact.* Quibus ergo actioni- bus id consequitur creditor, cui nomen pignori datum est? Utilibus, ut hic scri- ptum est, & significatur in *d. L. post- quam, sup. de her. vel act. vend.* Quas vero utiles hic intelligimus, utrum hypo- thecariam actionem, quæ de pignore con- sistit est iure civili, an vero actionem in personam adversus debitorem, cuius no- men pignori datum est? Ex hypothecariam intelligere non possumus. Hæc enim pos- sessionem pignoris advocat. *L. si cum ven- ditor, 2. resp. D. de evict. L. si fundus,*

5. vindicatione, D. de pig. Nomen au- tem ius est, cuius nulla est possessio: & si esset, ea esset penes creditorem, non pe- nes debitorem. Restat igitur, ut utilem actionem hic interpretemur actionem in personam, qualem creditor debitoris ad- versus debitorem suum haberet. Exempli gratia, si quis mutuum dederit, condi- tionem certi habet ex causa mutui. Hæc vero creditor debitoris summo iure com- petere non potest adversus eum debito- rem, cum quo creditor secundus nihil contraxit: cum omnis actio in personam sit adversus eum, qui nobis obligatus est. *L. actionem D. de ob. & act.* Et ideo creditori, cui nomen pignori datum est, directa non datur. Sed dabitur utilis: quali creditor debitoris actionem, quam adver- sus eum habet, in creditorem suum trans- tulit. Ergo creditor, cui nomen pigno- ri datum est, recte pecuniam exigit a de- bitore, cuius nomen pignori datum est. ‡
Quid si debitoris creditor concurrat, & velit prius sibi solvi: Dicemus credito- rem,

rem, cui nomen pignori datum est, vero creditori præferendum, posteaquàm utiles actiones habere eum effectum est, *L. procuratore in rem suam dato, D. de procur.* † Quid, si debitor cuius nomen pignori datum est, creditori suo solverit? Nihilominus tenebitur ei creditori, cui nomen pignori datum fuit: si ab eo certior factus de pignore sibi dato, nihilominus creditori suo solverit, ut hic significatur. Ex quo intelligimus, multo magis eius debitorem teneri creditori creditoris sui, si secundus iste creditor cum debitore litem sit contestatus, aut etiam iam partem debiti ab eo acceperit, ut declaratur in *L. 3. inf. de novat.* Quod si debitor a creditore creditoris sui non admonitus creditori suo solverit, impune solverit; quia iusta ignorantia ei nocere non debet, *S. velle, Inst. de mand.* Quid, si is debitor sciverit nomen suum pignori datum esse; neque ei quidquam denuntiatum sit ab eo creditore, cui nomen pignori datum est; an impune creditori suo solvet? Impune: quia & hoc rescriptum, & *L. 3. inf. de novat.* denuntiationem exigunt eius, cui nomen pignori datum est. Nec obstat, quod in *L. 1. in fin. D. de alt. empr.* dicitur, eum certiorandum non esse, qui non ignoravit. Nam hoc tunc locum habet, cum denuntiatio & certioratio aliquis ideo solum exigitur, ut is, cui denuntiatur, sciat rem gellam esse. Sic enim eum, qui aliter novit rem gellam esse, superfluum sit amplius de ea re admoneri. Nunc autem in proposito denuntiatio creditoris exigitur, non ut debitor sciat nomen suum pignori datum esse; sed ut sciat creditorem, cui nomen pignori datum est, sibi solvi velle: quod iuste ignorat debitor, priusquam illi a creditore se-

cundo sit denuntiatus. Neque vero debitori vicio verti debet, si creditorem secundum non adiit, & rogavit, num sibi solvi vellet: non enim debuit debitor in re aliena esse curiosus, ut bene præcipitur in *L. doli, in fin. D. de donat.* Quid si debitor solvit creditori, cui nomen pignori datum erat? Solutionis hæc vis est, ut debitor liberetur non tantum a creditore, cui nomen pignori datum est; sed etiam a creditore suo, cui pecuniam non numeravit. Solutione namque eius, quod debetur, tollitur omnis obligatio. *Inst. quib. mo. sol. obl. in prin.* Soluta autem pecunia intelligitur, si debitor solverit creditori suo, live alii voluntate creditoris, quod hic factum est, *L. solutam, D. de solut.* Et hoc est, quod dicitur in *L. si convenerit, D. de pig. alt.* cum debitor, cuius nomen pignori datum est, solvit ei creditori, cui datum est, præterem eum tueri debere adversus creditorem suum.

Quod † attinet ad creditorem primum, 4 qui nomen pignori dedit, interdum is ea solutione liberatur, interdum non liberatur. Liberatur, si pecunia debebatur, quæ soluta est. Sic enim fit, ut creditor secundus eam pecuniam secum pensare debeat. Unde & is creditor, qui nomen pignori dederat, compensatione liberabitur. Idem debitor non liberatur, si species & corpus certum debebatur, quod solutum est: nam hac præstatione non solvitur creditori, cui nomen pignori datum erat: propterea quod aliud pro alio invito creditore solvi non potest. *L. 2. §. 1. D. si cer. pet.* Sed ea res erit creditori pignoris loco: hæc est sententia *L. si convenerit, D. de pig. alt. L. grege, §. 1. in fin. D. de pig.*

Ad *L. Spem. 5.*

Idem *A. Septimio.*

Spem eorum præmiorum, quæ pro coronis athletis pensanda sunt, privata passione pignori minime admittendum est, & ideo nec si generale pactum de omnibus bonis pignori obligandis intervenierit, tenes. PP. Kal. Maii. Maximo II. & Paterno Coss.

S U M M A R I A.

1. *Sacra certamina, athlete, Athletarum præmia, & præmiorum cause.*
2. *Horum præmiorum spem pignori non potuisse,*

& cur spem, dictum sit, non ipsa præmia.

3. *L. Commodis. D. de re iud. expostâ.*

† Fuisse † apud veteres Græcos certamina quædam sacra constat, in quibus

certabant, qui ab illis dicebantur athletæ. De quibus videre est apud Budæum in

annotationib. ad Pandectas. Existimabant illi, ad Rempublicam & cultum Deorum suorum pertinere, si haberent egregios athletas, qui in honorem Deorum fortiter certarent. Ex quo magis id facerent, victoribus propoliatae erant coronae, quae dicuntur sacrae in *L. commodis, D. de re ind.* pro coronis praemia & commoda, quae publice deinde his penitabantur, quae significantur in hac *L. 5. § in d. L. commodis.* † Spes eorum praemiorum hic prohibetur pignorari. Prohibendi ratio fuit, quia praemia publice constituta erant, ut excitaretur athletarum virtus. Hanc necesse erat debilitari, si pignus istorum commodorum admitteretur. Nam hoc recepto non erant laboraturi, ut vincerent, cum scirent etiam post victoriam le praemiis victoriae non fruturos: utpote quae redirent ad creditores iure pignoris, non ad ipsos. Et notandum est, prohiberi ob-

ligari spem praemiorum, non ipsa praemia, ut intelligamus, futura praemia & nondum quaesita ante victoriam pignorari non posse; praesentia & iam quaesita posse, quia in his, quae iam quaesita sunt, cesset superior ratio. † Et hoc est, quod dicitur in *d. L. commodis, D. de re ind.* ea commoda pignori capi posse, quae athleticis praestantur pro coronis sacris. Recte quae praestantur, ut intelligamus id dici de quaesitis, quae sola iam nunc praestari possunt, non de spe praemiorum futurorum. Quae de his praemiis athletarum dicuntur hic, recte transferentur ad ea stipendia, quae publice constituta sunt vel militibus, vel magistratibus, vel professoribus liberalium artium: si modo ea constituta sint, non ordini & personae tantum, sed iis, qui recte suo munere fungentur, ut certantibus scilicet proposita sint praemia.

Ad L. Qui Filios. 6.

Impp. Diocletian. & Maximian. Augusti & CC. Rufo.

Qui filios vestros, vel liberos homines pro pecunia, quam vobis credebatur, pignoris insula accepit, dissimulatione se iuris circumvenit: cum sit manifestum, obligationem pignoris non consistere, nisi in his, quae quis de bonis suis facis obnoxia. S. Kalend. Maii, Heracliae, AA. Coss.

S U M M A R I A.

1. *Liberum hominem pignori dari non posse. Si datus sit, quae accipientis poena.*

2. *Liberi hominis pignus duabus in causis receptum, & quibus.*

1. **S**olae † res pignori obligari possunt, quae sunt in bonis, ut solae possunt. *L. quae praedium, sup. prox. tit.* recte colligitur hoc scripto in libero homine pignoris obligationem consistere non posse, ne si pater quidem filium pignori dederit. Contat enim liberum hominem in bonis & commercio non esse. *L. 6. in pr. D. de contr. empr.* Sed etiam frustra detur liber homo pignori: tamen iure ita prohibetur accipi, ut si acceptus sit, quamvis inutiliter, non sit impune. Nam qui vel filiumfamilias a parente pignori acceperit, in eum poena iam olim constituta est, ut relegatur. *L. ult. D. hoc tit.* Addit postea ad hanc poenam Iustinianus, ut hoc casu etiam creditor & debito cadat, & alterum tantum libero homini, qui pignoratus est, aut parenti eius inferre cogatur. *Novell. ut nul. ind. §. quia vero & huiusmodi.*

2. Sciendum † est tamen singulari iure in liberis hominibus duabus in causis pignus

receptum esse. Primum, cum pater filium aut filiam ob extremam famem pignori obligavit. Nam in hac specie permittum est patri filium etiam vendere, hoc in *L. ult. sup. de patrib. qui §. distr.* Quod si pater in hac specie filium vendere potest; multo magis poterit pignori obligare. Plus enim est vendere, id est, quodammodo totum in alium transferre, quam pignori solum obligare. Non debet autem cui quod plus est licet, quod minus est, non licere. *L. non debet cui, D. de reg. iur.* Id quoque efficitur ea regula, qua traditur, quae emptionem & venditionem recipiunt, ea & pignorationem posse recipere. *L. §. D. de pig.* Praeterea in quovis libero homine, qui redemptus sit ab hostibus, pignus tacitum redemptori datum est in eum, qui redemptus est, donec pretium redemptionis redemptori solvatur, aut donec per quinquennium redemptus redemptori operas praestiterit. Ideo

hoc

hoc genere pignoris est in *L. 2. § in L. ult. inf. de possim. rever.* Effe autem hoc pignus in liberum hominem ex eo intelligimus, quod redemptus statim fit liber, ut superscriptis locis declaratur. Et certe ideo redimitur ab hostibus, ut ne sit amplius servus. Sed quoniam iniquum erat redemptori pretium redemptoris non præstari; & præterea etiam periculose constituebatur adversus omnes captivos, si quis non moveretur ad eos re-

dimendos: ob eam causam consultum est ita redemptori, ut redemptus donec pecuniam solvisset, maneret in potestate redemptoris: sic enim hæc potestas appellatur in *L. qui testamento. §. 1. D. qui testam. fac. poss.* Sed hæc in potestate: ut tamen non esset in dominio redemptoris, denique non esset redemptoris servus; hoc vero ius non aliter appellari potuit, quam ius pignoris.

Ad L. Executores 7.

Imp. Constant. A. ad universos provinciales.

Executores a quocunque iudice dati ad exigenda debita ea, quæ civiliter possuntur, servos, aratores, aut boves aratorios, aut instrumentum aratorum pignoris causa de possessionibus non abstrahant, ex quo tributorum illatio retardatur. Si quis igitur intercessor, aut creditor, vel præfectus pagi, vel vici, vel decuria in hac re fuerit detectus: estimando a iudice supplicio subiungatur. Dat. III. Non. Iun. Sirmii, Constantino A. & Licinio Coss.

Ad L. Pignorum. 8.

Imp. Honorius & Theodosius AA. Probo com. sac. larg.

Pignorum gratia aliquid quod ad culturam agræ pertinet, auferri non convenit. Dat. VI. Id. Iun. Constante & Constantino Coss.

Auth. Agricultores.

Agricultores circa rem rusticam occupati, dum villis insident, dum agros colunt, securi sint in quacunque parte terrarum: ita ut nullus inveniat tam audax, ut personas, boves, & agrorum instrumenta, aut si quid aliud sit quod ad agrorum operam rusticam pertineat, invadere, aut capere, aut violenter auferre presumat. Si quis autem huiusmodi statum ausu temerario violare presumpserit, in quadruplum ablata restituat; & infamiae notam ipso iure incurrat, imperiali animadversione nihilominus puniendus.

S U M M A R I A.

1. Res ad culturam agrorum necessariae quæ.
2. Eas ab agricolis pignori sponte traditas iure teneri.
3. Conventiones obligatas ita teneri, ut vendi possint, sed tantum ita, qui in eadem possessione ad agros colendos utantur.
4. Villæ cæcto, aut possessione eius vendita, obligatas eius res omnibus vendi posse.
5. Et tunc pignoris iure vendi posse omnibus res, culturae necessariae, cum agricola nullas alias in bonis habeat.
6. Casus quatuor summam comprehendit, quibus res agricole ad culturam necessariae utiliter pignori dari possint.

HIS constitutionibus tribus ob eandem utilitatem publicam constitutum est, ne res ad culturam agrorum necessariae,

quæ † indicantur in *L. executores*, pignori capiantur. In quibus constitutionibus diligenter observandum est, illarum rerum

rerum non præcise vetari pignus, sed prohiberi, ne ipsæ res abstrahantur de possessionibus, ex quo inbutorum penitatio retardetur: sic enim verba sunt *L. exsecutores*. Vetant igitur constitutiones eas res pignoris iure auferri. Unde ¶ intelligimus, si agricolæ eas res sponte sua pignori dederint, pignus consistere. Non enim auferitur, quod quis volens tradit. Id confirmatur in *Novell. nullam credentem agricolæ circ. med.* Deinde ¶ vetant constitutiones auferri istas res de possessionibus. Ex quo rursum colligimus, etiam istæ res pignori tantum obligatæ sint creditori, neque traditæ, tamen pignus non inutiliter constitui. Nam a creditore vendi possunt; dummodo his vendantur, qui in eadem villa, in eadem possessione istis rebus ad agros colendos utentur. Sic enim fiet, ne res istæ auferantur de vetere possessione, quod ad sententiam legis satis est. Sed ¶ etiam villicus eiectus sit a domino ex possessione, aut villici possessio vendita, ut iam agrum colere non possit, constitutiones hæ non sunt impedimento, quo minus res ad culturam agri necessariæ illi auferantur. Nam de possessione non auferitur, quod in possessione non fuit: neque isto facto impeditur cultura agri, cum etiam agricolæ hæ res non auferrentur; tamen agrum non coleret, ex quo expulsus est. Quid, si agricola ¶ in vetere possessione manebit, ne res ad culturam agri necessarias ibi vendi possint;

veruntamen agricolas nulla alias res in bonis habeat: an ne sic quidem hæ res pignoris iure a creditore capi poterunt? Et verba quidem harum constitutionum scripta sunt simpliciter, ne hæ res pignoris iure auferri possint: ut videantur etiam hoc casu auferri non posse. Sed æquius est dici, hoc casu eas pignori capi posse, & distrahi, ut creditori satishat, ut de stipendiis significatur in *L. stipendia, sup. de exsec. rei ind.* Huius rei argumentum hoc erit. Nam & ipse agricola, qui solvendo non est, capi potest, & in carcerem detrudi; neque aliter carcerem evitat, quam si bonis cesserit. *L. i. sup. qui bon. ced. poss.* Multo igitur magis res eius quælibet pignori capi poterunt, etiam si solvendo non esset. Probabiliter hoc dicitur, etiam si harum constitutionum verba generalia sint: sed verba æquitate, & aliis locis similibus temperanda sunt. arg. in *L. non sine, illic, quantumvis ergo, sup. de bon. qua lib.* Ex ¶ his colligimus in summa, res agricolæ ad culturam agri necessarias, quatuor casibus utiliter pignori dari. Primum, si a volente agricola tradantur creditori. Deinde si a creditore vendantur ita, ut in eadem possessione maneat ad opus rari faciendum. Præterea si agricola agrum colere desierit vetere possessione eiectus. Postremo, si nullas alias res habeat, ex quibus creditor ad ius suum pervenire possit.



Ad L. Si quis. ult.

Imp. Iustinianus August. Menzæ Præfecto prætorio.

Si quis in cuiuscunque contrahens instrumento ea verba posuerit, Fide & periculo rerum ad me pertinentium; vel, per earum exactionem satisfieri tibi promitto: sufficere ea verba ad rerum tam earum, quas in præfenti debitor habet, quam futurarum hypothecam, sancimus: nec ex prioribus sanctionibus minus habere specialis hypothecæ memoriam videri: cum sit iustum, voluntates contrahentium magis, quam verborum conceptionem inspicere. Super qua generali hypothecæ illud quoque ad conservandam contrahentium voluntatem sancimus, ut si res suas supponere debitor dixerit, non adiecto; Tam præfentes quam futuras; ius tamen generalis hypothecæ etiam ad futuras res producat. Dat. III. Id. Decemb. Constantinop. DN. Iustiniano. A. PP. II. Coss.

S U M M A R I A.

1. Obligatione bonorum seu rerum suarum generali contineri præfentia bona, & futura: & hoc quam recte.
2. L. si ita, D. de aur. & arg. leg. expedita. Res suas si quis legat aut donat, nihil amplius legatum qui donatum videri, quam res præfentes; si pignori obligat, contineri etiam futuras, & differentia ratio. ibidem.
3. Obligatione generali pignoris non contineri, quæ sunt in usu quotidiano, & res ad affectum pertinentes: & quamquam hoc sit.
4. Hoc, nisi debitor alias res nullas habuerit in bonis.
5. Obligatione generali contineri etiam cum pecuniam mutuam in quam debitor bona sua pignori obligavit.
6. Obligatione generali servos contineri, si munus mittantur, postea non contineri, & cur.
7. Obligatione generali eximi res consensu creditoris semel alienatas, quantum iterum ad debitorem redeant.

QUI † pignori obligavit res suas, vel bona sua, uno verbo intelligitur in obligationem deduxisse res suas omnes, non tantum, quas habet in præfentia, sed etiam quas postea in bonis habiturus est. Cautum hoc loco: & recte. Hæc enim vis est generalis verbi, ut quoniam in genere species omnes continentur, ideo verbo generali res omnes eo verbo comprehensione tam contineantur, quam si specialiter expressæ essent. *L. semper specialia generalibus, D. de regul. iur. L. si servitus, D. de ser. urb. præd.*

Sed † hoc, nisi quod sententia loquentis refragetur. Quo pertinet responsum Pauli in *L. si ita, 7. D. de aur. & arg. leg.* ubi ille de futuris rebus videtur dissentire. Ait enim in hoc legato, *vestem meam, argentum meum heres dato*, hac demonstratione Meum præfatos, non futurum ostendi. Sed hoc ille respondet in eo genere legati, non nique ex significatione orationis, sed ex legantis sententia. Significatio si spectatur, *Mei* appellatio non minus futuris rebus, quam præfentibus convenit. Nam usu loquendi ex æquo recte dicimus, *servum, qui meus est, & servum, qui meus erit*. Sed in hoc legato, *Vestem meam, argentum meum* lego.

Tom. IX.

go, non videtur testator de futura veste, de futuro argento sensisse. Ideo neque hæc ex mente testatoris in hoc legato ostenduntur. Et generaliter definiemus, quoties quis legat donative res suas, nihil amplius legatum, aut donatum videri, quam res præfentes. Quod si sententia loquentis non repugnabit, hoc tenebimus, eum qui res suas nominet, eo verbo omnes res suas complecti tam præfentes, quam futuras. Quod in eo accidit, qui res suas dat pignori. Quæ distinctio ab omnibus recepta est. Differentia ratio hæc est, quod cum quis res suas pignori dat, eadem causa est, cur res futuras obligatas velit, propter quam obligantur præfentes. Nam præfentes obligat pignori, ut creditori cautum sit. At cautionis æquitas quæ exigit, ut creditor omnimodo cautum sit, hoc postulat, ut ei cautum sit omnibus rebus debitoris, tam futuris, quam præfentibus. In rebus autem donandis & alienandis longe diversa causa est, cur quis præfentes datas velit, quam cur velit futuras, & nondum quæsit. Qui legat præfentes, & eas quas novit, ideo legat; quia iudicat legatarium hæcenus de se meritum esse. Hæc enim de causa quid legatur, *L. nec adiectis, D. pro soc.* Hoc vero de

222

futu-

futuris statim testator non potest. Nam qui dignus est centum aureis, non continuo dignus est mille.

At fieri potest, ut mille, aut bis mille testator postea acquirat. Quid autem, aut quantum acquisiturus sit, ignorat: Sententia igitur, ut dixi, & voluntas domini facit, ne verbo *Meam* res futurae contineantur; non autem verbi significatio. Secundum hanc vero etiam futurae continentur, a qua nunquam recedendum est, nisi ubi manifestum est aliud sensisse contrahentes. *L. non aliter, D. de legat. 3.* quod non fit in pignore.

3 Sed et etiam generalis obligationis hae vis fit, quam diximus, tamen quaedam excipiuntur. Ac primum generali obligatione placet non contineri ea omnia quae verisimile est debitorum specialiter pignori daturum non fuisse. *L. obligatione, D. de pig.* Huius generis duae species habentur. Quaedam sunt res, quae sunt debitori in usu quotidiano, & necessariae, hae non continentur; quales sunt, vestis, suppellex, artificii instrumenta artis, militi arma, studioso libri, agricolae boves, iumenta, & instrumenta aratoria. *d. L. obligatione, in fin. & L. seg.* Aliae sunt res, quae ad affectionem debitoris pertinent, neque hae continentur. In quo genere numerantur servi, filii naturales, concubinae, alumni, & similes personae. *L. denique, D. de pig. L. 1. sup. h. t.* Quaesitum est an hae obligatione pignoris non contineantur, etiam si debitor alia bona non habeat? Et si debitor, cum res suas obligavit, alias res in bonis habuit praeter superiores, hae non continentur. Nam hae a principio obligatae non sunt, ut docuimus. Quare nec ex eventu obligabuntur, quanvis debitor alias res habere desierit. Hic enim ab initio obligatio certam legem & conditionem accepit. Hae ex eventu non mutabuntur invito debitore.

4 *L. vero 12. §. 1. D. de sol.* Quod si debitor ab initio nullas alias res habuit: puto superiores istas obligatione generali contineri: alioquo obligatio esset inutilis. Quoties autem id metimus, semper id agendum est, ut videatur obligatio aliquid egisse. *L. quoties in stipulationibus, D. de ver. obl. L. quoties, D. de reb. dub.*

5 Etiam si hoc loco quaeritur est, an obligatione generali pignoris contineatur etiam pecunia, quam debitor mutuam accepit, & propter quam res suas obligavit. Plerique putant non contineri. Et moventur argumento, *L. pen. §. ult. D. de pig.* ubi scriptum est, obligatione generali contineri eam pecuniam, quam debi-

tor postea ab alio mutuam accepit. Quasi non sit obligata ea, quam acceperat ab eodem creditore. Ego autem existimo etiam hanc pecuniam pignori esse eisdem illius loci argumento. Nam Paulus inquitur quidem illic de pecunia, quam debitor ab alio mutuam accepit: sed cur hanc pecunia obligatione generali contineatur, hanc rationem reddit; quia in bonis debitoris facta sit. Ergo hae ipsa ratione & illa pecunia pignori obligabitur, quam a suo creditore accepit. Nam & hae in bonis debitoris coepit esse: siquidem rei mutuae dominium in accipientem transfertur. *Iustit. quib. mod. re contr. obl. in pr.* Pro qua sententia facit *L. idemque in fin. D. qui pos. in pig. hab.* ubi scriptum est indehinc nummos debitoris, qui generaliter bona sua obligavit, pignori esse obligatos. Neque quidquam illic distinguitur, unde nummi profecti sint. Secundo si loco obligatione generali non con-

6 tinetur servi debitoris, si ab eo manumissi sint. *L. 3. sup. de ser. pig. dat. man. arg. L. est differentia, D. in quib. cau. pig. vel hyp. tac. cont.* Hic occurreret aliquis. Nam quomodo hi generalis obligatione non contineantur? Non manumissos obligatione contineri constat. Quidni ergo contineantur & manumissi? Certi enim iuris est, debitorem in pignore non posse facere ulla alienatione sua creditoris conditionem deteriore. *L. debitorem, & L. distractis, sup. de pig.* Id fit hoc modo. Nam qui manumissus non est, ideo obligatione contineri intelligitur; quia interpretamur hanc speciem genere contineri. Manumissus non continetur; quia interpretari incipimus eum nunquam antea obligatum pignori fuisse favore libertatis. *L. libertas omnib. D. de reg. iur.* Secundum hanc interpretationem non videtur dehor conditionem creditoris deteriore facere, si eum manumiserit, qui obligatus non habebatur. Postremo si obligatione generali pignoris non continentur eae res debitoris, quae postea voluntate & consensu creditoris alienatae sunt. Non dico, si in eodem statu semper maneant. Nam hoc modo alia ratione hae res non continerentur obligatione generali: propterea quod non sunt ex bonis debitoris. Sed hoc amplius dicimus, etiam si eadem illae res postea iterum debitori quaesitae sint ex iusta causa; tamen in obligationem pignoris non redire; quasi pignus ab initio remissum sit, non tantum in praesens tempus, sed etiam in futurum. Effectum hoc est constitutio iustitiani *L. ult. inf. de remis. pig.*

AD TITU-

A D T I T U L U M XVIII.

COD. QUI POTIORES IN PIGNORE HABEANTUR.

QUI ex creditoribus in pignore potiores sint, comprehensum est regula iuris, quæ traditur in *L. 2. infr. hoc tit.* In cuius regulæ explicatione totius fere huius tituli sententia continetur. De ea illic dicemus.

Ad L. Qui pignus. 1.

Impp. Severus & Antoninus AA. Secundo.

Qui pignus secundo loco accepit, ita ius suum confirmare potest, si priori creditori debitam pecuniam solverit, aut cum obtulisset, isque accipere noluisset, eam obsignavit, & deposuit, nec in usus suos convertit. PP. Kal. Febr. Laterano & Rufino Coss.

S U M M A R I U M.

1. Creditorem posteriorem posse sibi confirmare pi-

gnus adversus priorem, & confirmandi ratio.

PEndet hic locus ex eo iure, quod de prærogativa creditorum in pignore constitutum est in *L. seq. & similibus*. Nam cum dicitur, ex creditoribus eum in pignore potiores esse, qui prior est tempore, hoc dicitur: quamdiu prior creditor, cui res pignori obligata est, rem pignoris iure retinere velit, tamdiu posteriori creditori in eo pignore locum non esse. Ita fieri, ut tamdiu pignus illi sit inutile.

Hinc † quæstio, possint aliquo modo secundus creditor sibi confirmare pignus adversus priorem creditorem. Et hic admonemur, posse. Confirmandi autem pignoris hanc esse rationem, si ipse priori creditori pecuniam solvat, aut illo non accipiente pecuniam obsignet, & legitime deponat, neque deinceps ea utatur. Idem

traditur in *L. prior, infr. in L. secundum, sup. de pig.* Hæc forma confirmandi pignoris hanc rationem habet. Nam priore creditore remoto, necesse est eum, qui posterior erat, non tam fieri priorem, quam solum iam esse. Removetur autem prior creditor solutione: quoniam solutione eius, quod debetur, tollitur omnis obligatio. *Inst. quib. mod. toll. obl. in princ.* Et obligatione principali sublata etiam liberantur accessiones, ut pignora, *L. in omnibus speciebus, D. de solus*. Quid conlequatur posterior creditor superiori confirmatione, idest, in quod debitum sibi pignus confirmet, comprehensum est, *L. secundum, supr. de pig.* ubi diximus. Quid valeat obsignatio pecuniarum, diximus ad *L. creditor, sup.*

Ad L. Si decreto. 2.

Imp. Antoninus A. Chresto & aliis.

Si decreto pratoris, qui de fideicommissio ius dixit, in possessionem fundi hereditarii fideicommissi conditionalis servandi gratia prius inducti essis, quam adversarius vester in causam iudicati eiusdem fundi pignus occupaverit: iussu eius, qui iure sententiam exsequebatur, tempore potiores essis. Nam cum de pignore utraque pars contendit, praevalet iure qui praevenit tempore. PP. V. Id. Maii. Duobus & Apriis Cass.

SUMMARI A.

1. Qui prior est tempore in pignore, potiorum esse iure, quid sit.
2. Quibus pignus datum non est, in his nunquam unum altero tempore esse potiorum.
3. Inter chirographarios creditores nullam esse praeferentiam temporis. Ibidem.
4. Creditorebus in possessionem missi rei servandae causa, nullam alio esse tempore potiorum in praeteritis pignore, nisi privilegium habeat.
5. Privilegia non ex tempore estimari, sed ex causa, quid sit.
6. Qui hypothecam habet, omnibus praefertur tam chirographariis, tam privilegiariis creditoribus.
7. Inter eos, quibus eadem res eodem tempore pignori data est, si simpliciter, pignus dividi concursu, si pro parte, dividi pro portione debiti cuiusque.
8. Secundum creditorem soli primo sedere in pignore, adversus omnes alios integrum hoc pignoris obtinere.
9. Tempore priorum, iure potiorum esse, quid sit.
10. Car potior, qui prius pignus accepit, non item contra pignus, qui prius contraxit.
11. Potiorum esse in pignore, qui prius accepit, sine discrimine prioris, aut posterioris pignoris, item favoris causae, vel personae.
12. Legatarius etiam pendente conditione legatus praefertur in pignore praetoris amantibus creditoribus, qui postea pignus, quovis praesentis debiti causa acceperint.
13. Pendente conditione duci posse deberi, & nihil deberi diversis rationibus.
14. Creditores si bona omnibus salvanda non sint, semper legatarius praefertur, quovis pignus nullum habeant.

IN hoc referipto praecipue notanda est regula iuris, quae traditur de praerogativa creditorum in pignore. Nam haec, ut dixi initio, totam fere sententiam huius tituli continet. Regula est huiusmodi: Cum de pignore duo creditores inter se contendunt, qui tempore prior est, is potior est iure. Eadem regula expressa in *L. si fundum, seq.* Haec definitio pluribus verbis sic explicatur in *L. licet, & L. diversis, inf.* Quoties duobus pluribusve eadem res diversis temporibus pignori data est, si hi de pignore inter se contendunt: is iure potior erit, qui prius hypothecam acceperit. In hac definitione nihil otiosum est. Itaque singula diligenter sunt expendenda. Ergo his definitionibus statuitur praerogativa temporis inter creditores: sed his conditionibus: Primum, si duobus eadem res pignori data erit. 2. Recte: et nam inter eos creditores, qui hypothecam eandem non habent, nunquam quisquam tempore altero potior est. Inter chirographarios creditores idem, eos, quibus nihil debetur, nisi ex chirographo,

qui neque hypothecam, neque privilegium habent; nullius temporis ordo servatur. Is in suo obtinendo potior est, cui debitor solvit, aut qui prius damnato debitor ex causa iudicati pignus accepit. Idque nondum bonis debitoris a creditoribus possessis.

Bonus est autem debitoris possessis, quod fit, cum creditores mittuntur in possessionem bonorum absentis, aut se non defendentis, rei servandae causa, omnium creditorum conditio par esse incipit. *L. qui autem, §. sciendum, L. pupillus, D. quae in fraud. cred. alie. sunt.* Sed & cum unus ex creditoribus postulat in bona debitoris se mitti, & praetor permittit omnibus creditoribus, & in rem permittum videtur. *L. cum unus, D. de reb. aut. ind. poss.* Et hoc ita, nisi aliquis sit ex creditoribus, qui privilegium habeat. Qui privilegium habeant & quibus ex causis discet ex *L. questum, §. ult. & L. seqq. D. de reb. aut. ind. poss.* Hoc cum sit, is praefertur chirographariis creditoribus, qui privilegium habet. Sed non quis tempore

pore prior sit, sed quia privilegium habet, etiam si extremus crediderit.

- 4 Hoc ¶ enim est, quod dicitur, privilegia non ex tempore æstimari, sed ex causa. *L. privilegia, D. de reb. auct. ind. poss.* Ex canila sic interpretandum est: ex ratione propter quam privilegium tribuitur. Nam non omnia privilegia rei tribuuntur, sed pleraque personarum: quale est privilegium fisci. Quod ¶ si quis ex creditoribus hypothecam habebit, is præferatur non tantum chirographariis creditoribus, sed etiam iis qui privilegium habent. *L. res, inf. hoc tit.* ubi ratio adiuncta est. Sed præferatur ideo, non quia tempore prior sit, sed quia hypothecam habeat solus, quanvis crediderit postremus. Ergo tunc solum prærogativæ temporis locus est inter creditores, cum his eadem res pignori data est.

- Non est satis, volumus eandem rem pignori datam esse diversis temporibus. Quod & satis significatur, cum in priori regula prior & posterior creditor nominatur. Non enim prior est, nisi cui priore tempore hypotheca data est. Hoc ¶ eo exigimus: quia si duobus eadem res simul, & eodem tempore pignori data erit; si quidem simpliciter, singulis in solidum data esse intelligitur, sic ut concursu partes faciant, nisi forte unus possidebit pignus. Nam is in pari causa prior est iuxta regulam iuris. *L. in pari, D. de reg. iur.* Hæc ad hanc sententiam disserit Ulpianus in *L. si debitor, D. de pig.* Quod si pignus datum erit pro parte: singuli creditores in pignore partem habebunt pro portione debiti, *L. si fundus, §. si duo, D. de pig.* Sic fit, ut si prærogativam temporis quærimus, oportet pignus diversis temporibus datum esse.

- 7 ¶ Sed ne sic quidem prior creditor solum pignus obtinebit, ut nihil relinquatur posteriori creditori; sed tunc solum, cum ambo, quibus pignus datum est, de pignore inter se contendunt. Nam si secundus creditor adversus extraneum de pignore agat: sive pignus retinere volet, dabitur ei exceptio ad retinendum; sive pignus persequatur, hypothecariam habet iure pignoris, qua pignus a quovis possessore extraneo auferat. *L. creditor, in pr. D. eo. tit.* Merito; quia est secundo loco pignus accepit, accepit tamen, ut nisi quis iure pignoris illi obiter, necesse sit, cum omnibus superiorem esse in pignore. At si ambo creditores inter se contendunt, tum erit prærogativæ locus, quæ hic statuitur, ut qui tempore prior est, is potior sit iure.

Tempore ¶ priorem hic accipimus, qui 8 prior est tempore non credendi, sed hypothecæ accipiendæ, & ut explicatur in *d. L. diversis*, qui prius hypothecam accepit. Potiorem iure intelligimus, potiorem iure pignoris: scilicet ut quemadmodum pignus vindicare posset a quovis possessore, idemque adversus quos retinere, si solus esset; ita & possit suo iure adversus secundum creditorem, *d. L. creditor, D. eod.* Hoc amplius, & si pignus distraxerit prior creditor, dominium in accipientem iure transfuit, ut isto modo nullum plane pignus superfit secundo creditori. *L. 3. D. de dist. pig.* Sed ¶ 9 cur extra hypothecam prior creditor potior non est; in hypotheca is potior est, qui prius hypothecam accepit? Quia extra hypothecam creditor personam tantum debitoris sibi obligatam habet; in bonis eius nihil iuris. Unde creditori actio, quæ dicitur in personam. *L. actionum, D. de obl. & act.* Ita fit ut in bonis debitoris non excludat posteriorem creditorem prior, cum prior in ea bona nihil plus iuris haberet: At pignus ius in rem est: quo iure licet creditori & pignus retinere, quod & possidet; & vindicare, quod amisit, aut nondum cepit tenere. Hoc ius creditori semel quæsitum debitor illi nulla alienatione adimere potest. *L. debitorum, L. distractis, sup. de pig.* proinde nec ulla nova oppigneratione.

Hoc ¶ ius de prærogativa hypothecæ 10 perpetuum est. In quo tamen de his dubitatum est. Primum, nihilne referat, quo modo prior creditor pignus habeat constitutum, ut posteriori præferatur, qui habet alio modo constitutum pignus, de quo hic significatur. Deinde, an nihil intersit in pignore conventionali, utrum priori creditori specialiter eadem res obligata sit, quæ posteriori; an vero generaliter sint obligata omnia bona, de quo in *L. si generaliter inf.* Postremo an nihil favore causæ, aut personæ secundo creditori prosit, ut priori in hypotheca præferatur, de quo significatur in *L. si fundum, inf.* Et in summa in his omnibus hæc sententia generalis retinetur, cum in pignore potiorem esse, qui prius accepit. Ex merito; ob eam causam, quam paulo ante reddidimus de iure pignoris, quod creditori quæsitum constituto pignore, deinceps ei auferri non potest.

De primo autem hæc species est hoc loco proposita. Testator legavit quibusdam fundum sub conditione, si navis ex Asia veniret. Mortuo testatore legatarii petunt ab herede, ut sibi satisfieret legati con-

conditionalis nomine ex edicto, toto Tit. *ut leg. seu fideicommi. nom. cau.* Cum non satisfaceret heres, ex eodem edicto imperarunt legatarii a magistratu, ut mitterentur in possessionem honorum defuncti: missi in possessionem venerunt. Hoc modo pignus consecui fuit, quod praetorium appellatur. *L. 3. & L. 5. sup. ut in poss. leg. esse lic. L. non est mirum, D. de pig. act.* Exstitit deinde alius creditor vel heredis, vel defuncti, qui adversus heredem iudicio egit, & vicit, & ad executionem sententiae imperavit a magistratu, cuius ea de re iurisdiclio erat, ut sibi res debitoris pignori capere liceret, quas postea distraherei, ut est forma iuris. Cepit, & ita pignus quoque illi ex causa iudicati constitutum est. *L. 1. si in cau. iud.* Quæritur est inter illos, qui ex diversa causa pignus habent, qui quibus præferatur.

- II Respondetur † ex regula superiore, legatarios esse potiores, qui in possessionem missi sunt. At hic fuit hæc dubitatio, cur non viderentur præferri debere. Primum, quod legatarii de lucro certant; creditor de damno. Deinde, quod legatarii certant de legato conditionali, ut verba ostendunt, idest, de eo legato, quod nondum debetur. *L. cedere diem, D. de verb. sig.* Creditor vero ex causa iudicati præfens debitum petit. Nam de alio iudicium esse non potuit. *L. non quemadmodum, D. de iud.* Sed hæc nihil obstant, quominus præferatur qui pignus accepit. Recte enim dicuntur in personalibus actionibus: in hypotheca locum non habent. Semper enim hoc tenendum est, quisquis prius pignus sibi comparavit, ei invito pignus adimi non posse. Quod fieret, si secundus creditor pignus postea nactus priori præferretur. Sed hic occurritur. Non enim potest legatarius prius pignus habere, quam illi aliquid debeat. *L. res hypotheca, D. de pig.*

Nunc autem legatariis in proposito legatum debetur sub conditione, ac pendente conditione nihil debetur. *d. L. cedere, de ver. sig.* Proinde nec pendente conditione illis pignus iure constitui potest. † Respondeo: quod dicitur pendente conditione nihil deberi, hanc significationem habet: nihil deberi certo, idest, quod cautum est, non ita deberi, ut certo affirmari possit esse, quod debeat. Est enim incertum, quia pendet ex eo, an conditio existat: potest autem non existere. Sed non ideo absolute verum est per id tempus nihil deberi. Si quidem defecerit conditio postea, recte dixeris etiam in præteritum nihil unquam fuisse debitum: quod si conditio exstiterit: ex eventu intelligimus retro versus iam a principio quod legatum, promissum, cautumve erat, debitum fuisse. *L. necessario, vers. idem Pomponius, D. de per. & com. rei vend.* Quo fit, ut ad id quoque tempus relata hypotheca exinde contracta intelligatur, *L. potior, D. hoc tit.* Sed quavis legatariis legatum sit pure, quavis & hi prius hypothecam acceperint, ut hodie ex constitutione Iustiniani his tacita hypotheca data est: videtur tamen adversari *L. ultim. §. etsi præfatam, sup. de iur. del.* ubi cautum est, creditores quolibet legatariis esse potiores: usque adeo, ut ea ipsa, quæ iam legatariis data erant, his auferant, ut suum consequantur. † Sed id tunc constituitur, cum bona omnibus solvendo non sunt. Quod cum accidit, prius creditoribus solvendum est, etiam si hi nullam hypothecam habeant. *L. successores, sup. ad L. Fal.* Neque id huic loco contrarium est: legatarios enim præferri intelligimus, qui vere legatarii sint, ut & iure res pro legato obligatas habeant; non debentur autem legata, nisi de eo, quod ære alieno deducto superest. *d. L. successores,*

Ad L. Cum rempublicam. 3.

Idem A. Sylvano.

Cum rempublicam Heliopolitanorum, propter emolumentum sententiae in rerum tam heredis, quam hereditiarum possessionem missam esse proponas: intelligi, quamvis pater tuus cum Sosiano contraxerit, tamen si personali actione eum habuit obligatum, praeponi rempublicam iure pignoris in his, quae auctoritate eius, qui inbere potuit, servandi iudicati causa occupavit. PP. II. Id. Decemb. Læto II. & Cereale Coss.

Species hæc est: Sosianus quidam debitor fuit, ut rescriptum ostendit. Huius Sosiani duo creditores: respublica Heliopolitanorum: & pater Sylvani eius, quem hoc rescriptum alloquitur: & is pater prior creditor. Mortuo Sosiano debitor respublica cum herede egit, & herede victo ex causa iudicati respublica in possessionem rerum omnium hereditiarum missa est, & pignus ita accepit, ut superiore rescripto diximus. Postulat Syl-

vanus heres alterius creditoris, ut reipublicæ præferatur; quoniam prius crediderit Sosiano. Rescriptum est, rempublicam potiozem esse. Merito: quia etiam si pater Sylvani pignus accepisset postea; tamen reipublica ei præferretur, ut quæ in pignore prior esset. Multo igitur magis præferretur, ubi sola pignus constitutum habet. Huc pertinet *L. eos, infra, eodem.*

Ad L. Si fundum. 4.

Idem A. Varo.

Si fundum pignori accepisti, antequam reipublicæ obligaretur. Sicut prior es tempore, ita potior es iure. PP. V. Id. Octob. Antonino A. IV. & Balbino Coss.

S U M M A R I U M.

1. Favorem persona nihil prodesse secundo credi-

tori, ut priori in pignore præferatur.

EX duobus creditoribus, quibus eadem res pignori obligata est, quamvis privato uno, & altera republica: etiam privatus, si prius pignus acceperit, reipublicæ præferretur ex regula iuris. Atqui favor reipublicæ aliud exigere videbatur. Nam in aliis causis reipublicæ & civitatis præcipuum causam esse iudicant. *L. civitatib. D. de usur. L. respublica, sup. qui §. ex caus. maio.* Sed hæc in hypotheca locum non habent, ut superiore re-

scripto diximus. Hæc enim semel quæsitæ creditori adimi non potest, neque a republica, neque ab alio quovis. Ideo placuit privatam etiam fisco præferri; cuius tamen præcipuum favorem esse constat ex *tit. sup. de privil. fisci*; huc pertinet *L. si pignus eod.* Hoc exemplo docemur, favorem personæ nihil prodesse secundo creditori, ut ei, qui prius pignus accepit, præferatur.

Ad L.

Ad L. Prior quidem. 5.

Imp. Alexander A. Septimio.

Prior quidem creditor compelli non potest tibi, qui posteriore loco pignus accepisti, debitum offerre. Sed si tu illi id omne, quod debetur, solveris: pignoris tui causa firmabitur. PP. III. Kalend. Maii Maximo IL & Paterno Coss.

Prior creditor si cum posteriore agat, hypothecam iure suo auferet, etiam si ei debitum non offerat. Pertinet hoc ad regulam iuris de praerogativa in pignore, de qua diximus *ad L. 2.* Posterior contra ex eadem regula, si cum priore agat, hypothecam auferre non potest: sed nec

adversus eum hypothecam retinere, nisi pecuniam debitam primum offerat. Sic enim pignus suum confirmat: de qua confirmatione diximus *sup. ad L. 1. hoc tit.* Idem traditur in *L. diversis, in fin. & L. cum tibi, in prin. sup. eodem.*

Ad L. Si generaliter. 6.

Imp. Valerian. & Gallien. AA. Philoxeno.

Si generaliter bona sint obligata, & postea res alii specialiter pignori dantur: quoniam ex generali obligatione potior habetur creditor, qui antea contraxit: si ab illo priore tempore tu comparasti: non oportet te ab eo, qui postea credidit, inquietari, PP. II. Id. Maii Seculare II. & Donato Coss.

S U M M A R I U M.

1. *Is cui generaliter bona omnia prius obligata sunt, praefertur secundo, cui ex his bonis*

quedam specialiter sunt obligata, & quando fecit & n. 2.

Primo † creditori debitor generaliter omnia sua bona pignori obligavit, in quibus fuit fundus Tullulanus; deinde hunc ipsum fundum secundo creditori obligavit specialiter. Placet in hoc fundo potiorum esse primum creditorem; quia idem fundus etiam ei pignori prius obligatus est. Contrinebatur enim generali obligatione pignoris non minus, quam si specialiter designatus esset: de quo diximus *ad L. ult. sup. prox. tit.* Hinc consequens est, quod hic traditur, primum creditorem suo iure hunc fundum & persequi & distrahere posse non minus, quam si in eo pignore solus esset. Haec eadem

in *L. 2. D. qui pos. in pig. hab. L. qui prior. D. eod.*

Quae sic † accipienda sunt, si primo creditori simpliciter bona omnia debitoris pignori obligata sint, ut hic factum significatur. Diversum est, si primo creditori res quaedam specialiter pignori obligentur, deinde generaliter omnia bona debitoris, in quibus sit is fundus, qui secundo creditori postea obligatus est. Nam his verbis obligationis generalis nihil obligari intelligitur, priusquam contingeret res specialiter primo creditori obligatas in debitum eius non sufficere. Hoc in *L. 2. sup. de pig.* ubi hac de re diximus.

Ad L.

Ad L. Licet. 7.

Imp. Dioclet. & Maxim. A. & CC. Iuliano.

Licet iisdem pignoribus multis creditoribus diversis temporibus datis priores habeantur potiores: tamen eum, cuius pecunia prædium comparatum probatur, quod ei pignori esse specialiter obligatum statim convenit, omnibus anteferri iuris auctoritate declaratur. Subscripta XVI. Kalend. Feb. AA. Coss.

S U M M A R I A.

1. *Posteriori præferri in pignore, qui ad rem reficiendam, conservandam, emendamve pecuniam crediderunt; quibus conditionibus, & quam recte.*
2. *Mulierem quavis posteriorem præferri anterioribus creditoribus in dotis repetitione.*
3. *Posteriorem, qui publico instrumento pignus accepit, præferri priori, qui ex chirographo tantum accepit.*
4. *Funeris impensam posteriorem esse creditoribus hypothecam habentibus: præterquam in tanta hypotheca inuictorum ab inquilino, & legatorum: & cur in his sit potior.*

Quod diximus ad L. 2. *supr.* perpetuum esse, ut qui in pignore tempore prior est, sit potior iure, sic accipiendum est: nisi magna & iusta causa suadeat ab eo lure discedi, quod interdum accidit. Ergo posterior interdum præferatur priori, vel propter causam de qua agitur, vel propter causam & personam posterioris creditoris, vel propter cautionem instrumenti in hypotheca danda adhibitam.

Propter [†] causam posterior potior est is, qui pecuniam ita credidit, ut eius pecunia efficeret, ut vel res salva esset, vel esset in bonis debitoris. Quo in numero sunt, qui ad rem reficiendam, aut conservandam, aut emendam, pecuniam mutuam dederunt, si modo & res resecta, aut empti erit ex ea pecunia, & his ea res pignori obligata sit. *L. interdum, & L. L. seq. D. eod. & b. L. Adieci*, dummodo posterioribus ea res, quæ resecta aut empti est ex eorum pecunia, sit etiam illis pignori obligata. Nam non continuo si ex pecunia alicuius res resecta, aut empti est, ideo illi tacite est pignori obligata; sed solum si pecuniam credidit ad resectionem ædificiorum. Non idem iuris est, si pecunia credita sit ad cæterarum rerum resectionem, ut colligitur ex *L. 1. D. in quibus caus. pig. vel hyp. sac. cont.* Sed et si res empti sit ex alicuius pecunia: constat non aliter ei eam rem obligatam esse, quam si convenit, ut pignori esset obligata, ut hoc rescripto declaratur, & *L. quavis, 7. supr. de pign.* nisi empti sit ex pecunia pupilli, ut illic diximus. Nec obstat, quod in *L. idemque, D. eodem tit.* generaliter dicitur, *Tom. IX.*

eos omnes esse potiores, qui ad rem aliquam reficiendam pecuniam crediderunt. Hoc enim sic accipiendum est: potiores esse, sed in pignore, id est, potiores hac conditione, si modo & illis ea res pignori obligata sit: quoniam de duobus creditoribus agitur, quibus eadem res pignori obligata est: unde prior hæc quæstio introducit, an, & quomodo res empti, aut resecta ex alicuius pecunia ei obligata sit pignori. Sed nonne iniquum est etiam in his causis posteriorem creditorem priori præferri, cum isto modo videtur fieri, ut prioribus suum pignus auferatur? Non est iniquum: imo vero nihil æquius, quam eum ex aliqua re fructum percipere, cuius beneficio factum est, ut ea res fructum ferret, dummodo id fiat sine aliorum iuluria. Nunc autem in hac specie, dum posterior præferatur, nihil priori adimitur, sed in eum confertur potius. Nam et si debito posterioribus creditoribus soluto nihil reliquatur in pignore; tamen id non tam posteriores creditores auferunt, quam casus abtulit. Etenim idem futurum erat, si nemo ad rem reficiendam pecuniam credidisset. Quod si debito posterioribus soluto aliquid superest: id vero beneficio posteriorum in priores confertur, nisi salvam fecerunt pignoris causam. Beneficio igitur afficiuntur priores, non iniuria, si potterioribus prærogativa servatur in hac causa.

Propter [†] rem & personam potior est mulier quavis posterior, in repetitione dotis, ex *L. affianus, infr.* Tribuitur hoc privilegium partim rei: quia mulier non tu omni causa præferatur anterioribus creditoribus.

Aaaa

ditori.

ditoribus, sed solum in dotis repetitione; partim persone, quia non quisquis dotem repetit, hoc privilegio utitur, sed mulier duntaxat, ut facilius possit nubere, *arg. L. 1. D. fol. marit.*

- 3 Propter ꝑ cautionem hypothecæ præfertur posterior creditor, qui publico instrumento utitur adversus priorem creditorem, qui ex chirographo tantum, vel instrumento privato hypothecam accepit. *L. scripturas, infr.* Neque plures sunt, ut mihi videtur, qui cum posteriores sint, prioribus præferantur. Accurrit tamen ad *L. diversus, inf.* numerat in hoc genere fîcum agentem ex causa primipilari, quem vult etiam mulier in dote præferri. Mihi secus videtur, sed de eo dicemus ad *L. affiduis, inf.* Numerat ꝑ etiam eum, qui credidit ad funus ex *L. pen. D. de rel. & sum. fun.* Sed male eo loco utitur ad hoc confirmandum. Nam illic scriptum est, impensam funeris præcedere omne creditum. Atqui hic sensus est: cum is, qui in funus impendit, creditum repetit, idest, personali actione agit adversus creditores ceteros, qui item creditum suum petunt, idest, personali actione petunt, eum his omnibus præferri; nempe ex privilegio, quod funerariæ actioni tributum est. Sed male ex eo colligitur eum præferri tis, qui hypothecam habent. Nam contra hi, qui hypothecam habent, siue prius eam acceperint, siue posterius, quoniam habent actionem in rem, præferuntur omnibus privilegiariis creditoribus personali tantum actione utentibus, ut est in *L. 4. sup. L. eos, inf. eo.* Plane funeris impensa duarum caularum tactas hypothecas præcedit, invectorum & illatorum ab inquilino: item legatorum; sed ideo, quia in his cum ad funus ventum est, nec hypotheca subesse intelligitur. Nam si in-

quilinus sit is, qui mortuus est, nec sit, unde funeretur: placet ex investitis & illatis eum funerandum, & si quid superfluum remanserit, hoc pro debita pensione teneri. *L. & si quis 14. §. s. D. de rel. & sum. fun.* Atqui hæc sunt tacite obligata locatori. *L. 2. L. 3. D. in quib. cau. pig. tac. cont.* Sed hæcenus hæc sunt pignori, dum id pignus non officiat rebus favore dignis. Unde placet eiusmodi pignus non officere libertati. *L. licet, D. in quib. cau. pig. vel hyp. tac. cont.* Non mirum, si in eadem caula habeatur fune- ris caula. Similiter si res legata sint a testatore, de cuius funere agitur, nec sit, unde funeretur: ad eas quoque res manum mitti oportere placuit. *d. L. est quis §. 1. de rel.* Et tamen legatariis res omnes defuncti obligatae sunt pignori. *L. 1. sup. com. de leg.* Sed fatius est, ait Ulpianus, de suo testatorem funerari, quam aliquos legata consequi, *d. L. est quis. §. s.* Aut si certius aliquid hic responderi placet, nulla est hic hypotheca, cum de funere agitur. Non est enim hypotheca legatorum nomine, nisi prius legata posueris. Atqui cum defunctus solvendo non est omnibus, tum creditoribus tum legatariis, non debentur legata, nisi deducto omni ære alieno aliquid superfit, quod legatis superfit. Et in summa creditores præferuntur legatariis. *L. successores, sup. ad leg. Falc. l. ult. §. nisi præstiam, sup. de iur. del.* Porro funeris impensa æres alienum patrimonii defuncti exstima- tur. *L. impensa enim 18. D. de rel.* Interdum tamen posterior creditor etiam ex alia caula præfertur priori creditori in hypotheca. Sed hoc non perpetuo, sed ad tempus duntaxat, quod contingit in specie, de qua constitutum est in *Authent. sequen.*

Authent. item possessor.

Item possessor pignoris negans rem eius, cuius actor eam esse adseverat: si probata ea intentione nitatur rem retinere, dicens ex hypotheca, vel alia caussa in eandem personam delata, se propinquiorem esse, quam qui movet causam: prius transferat possessionem, quam ius suum proponat.

S U M M A R I U M.

1. Causas, ubi posterior creditor potior sit priori

in pignore ad tempus.

Species facti hæc est. Posterior creditor hypothecam vindicaverat a priore creditore. Prior ut agentem removeret, hac defensione usus erat, ut diceret rem, de

qua agitur, in bonis debitoris non fuisse, eoque nec potuisse posteriori creditori obligari, ex *L. & qua nondum, §. quod distatur, D. de pig.* Posterior creditor pro-

bave-

baverat rem in bonis debitoris fuisse. Ita prior creditor victus, iustus est hypothecam restituere. Prior exclusus superiore defensione nunc ad hanc confugit, ut dicat, eam quoque rem sibi a debitore prius obligatam esse, ideo & se posteriore creditore esse potiores. In hac controversia constitutum est a Iustiniano id, quod hoc fragmento traditur, nihilominus possessionem pignoris a priore in posteriorem creditorem transferendam esse, donec prior de iure suo probaverit: ut intelligamus hanc esse mendacii poenam: quemadmodum & in rei vindicatione possessio a possessore transferitur in actorem, eum pos-

seffor prius negavit se possidere, & eonvictus possidere, cepit dicere, rem esse suam, non actoris. *L. ult. D. de rei vind.* Ex hac constitutione apparet, si prior creditor victus probaverit postea, eam rem sibi prius pignori esse obligatam, ut dicebat, eum ius suum obtinere adversus posteriorem creditorem, & ita verum esse, quod supra dixi in extremo ad *L. licet*, in hac specie † posteriorem creditorem præferri priori in possessione pignoris, sed ad tempus dominari, donec scilicet prior de iure suo probaverit: cæterum ubi de iure prioris constabit, semper eum polle-riore esse potiores.

Ad L. Diversis. 8.

Idem AA. & CC. Fabricio.

Diversis temporibus eadem re duobus iuri pignoris obligata, eum qui prior data mutua pecunia pignus accepit, potiores haberi, certi ac manifesti iuris est: nec alias secundum creditorem distrabendi potestatem huius pignoris consequi, nisi priori creditori debita fuerit soluta quantitas. S. Prid. Kalend. Maii. Heraclius. AA. Coss.

Prior pars continet eam definitionem, quæ exposita est ad *L. 2. sup.* Potiores est de iure secundi creditoris in con-

firmando pignore, de quo diximus ad *L. 1. sup.*

Ad L. Eos qui. 9.

Idem AA. & CC. Asclepiodoto.

Eos, qui acceperunt pignora, cum in rem actionem habeant, privilegii omnibus quæ personalibus actionibus competunt, præferri constat. Dat. III. Nonas Decemb. CC. Coss.

Hic locus satis expositus est partim ad *L. 2. sup. cod.* ubi, cum qui pignora acceperunt, præferantur privilegiis omnibus, ratumque explicatus reddidi partim

ad proximam *L. licet*, ubi de objectionibus quibusdam natis ex *L. pen. & L. & si quis. 14. D. de relig.* respondi in extremo.

Ad L. Cum tibi. 10.

Idem AA. & CC. Pollipeuca.

Cum tibi pro dote, quam acceperat maritus, res obligavit: eo mortuo, hi, quibus easdem pignori dederat, non offerentes debitum, nulla possunt persequi ratione. Nam chirographarios creditores nec in rem, nec in personam eos, qui debitori non probantur successisse, ulla ratione convenire posse, manifestum est. PP. Non, Decemb. CC. Coss.

S U M M A R I U M.

1. *Chirographarios creditores frustra agere de pignori sibi restituendo adversus creditores hy-*

pothecarios, quantumvis pecuniam debitam his offerant.

Maritus dote accepta mulieri quasdam res suas in eam causam pignori obligavit, & tradidit; deinde cum marito alii creditores contraxerunt. Mortuo marito cum mulier ea bona pignori sibi obligata possideret: creditores posteriores adversus mulierem agere coeperunt, ut vel sibi satisfaceret, vel restitueret bona defuncti, quae possideret. Rescripti distinctio est in hanc sententiam: si quidem ii agant, quibus eadem pignora data sint, eos frustra agere; quia sunt scilicet tempore posterioriores: sic tamen frustra, nisi offerant debitum. intellige, uti oportet; idest, aut solvant, aut priore creditore non accipiente pecuniam obligent: quo modo,

uti oportet ad liberationem, pignus sibi confirmant, ut est in *L. 1. sup. cod.* Sin-
t ii tantum sibi, qui chirographarii ap-
pellantur, idest ii, quibus cautum non est,
nisi chirographo, plane eos frustra agere,
quantumvis pecuniam offerant, quia nul-
lam adversus mulierem actionem habent,
neque in rem, neque in personam. Non
in rem: quia res illis pignori obligatae non
sunt, ut quis dicat eos actionem hypothe-
cariam habere. Non in personam: quia
actio in personam solum adversus debito-
rem competit, aut heredem eius. Mulier
autem in proposito nec debitor fuit, nec
mariti debitoris heres.

Ad L. Scripturas. 11.

Imp. Leo A. Erythrio, Praefecto Praetorio.

Scripturas quae saepe assolent a quibusdam secrete fieri, intervenientibus amicis necne, transigendi, vel paciscendi, seu saenerandi, vel societatis coeunde gratia, seu de aliis quibuscunque causis vel contrahibus conficiuntur, quae
*vix Graece appellantur: sive tota series earum manu contrahentium, vel notarii, vel alterius cuiuslibet scripta fuerit, ipsorum tamen habeant subscrip-
tiones: sive testibus adhibitis, sive non: licet conditionales sint, quos vulgo
tabularios appellant, sive non quasi publice conscriptas, si personalis actio
exerceatur, suum robur habere decernimus. Sin autem ius pignoris vel hy-
pothecae ex huiusmodi instrumentis vindicare quis sibi contenderit: eum qui
instrumentis publice confectis mittitur, praeponi (decernimus) etiam si pos-
terior is contineatur: nisi forte probata atque integrae opinionis trium vel am-
plius virorum subscriptiones eisdem idochiris contineantur, tunc enim quasi
publice confecta accipiuntur, Data Kalend. Iul. Constantinop. Martino &
Zenone Coss.*

S U M M A R I A.

1. *Instrumenti privati, quod constat a debitoris scriptum, non minus vim esse creditori ad suam personam actionem obtinendam, quam publici.*
2. *Instrumentum privatum vim suam obtinere, &*

simpliciter vim obtinere, longe diversa esse: prius verum, & quid sit: posterius falsum.

3. *Instrumento privata, etiam de cuius fide constat, præferri publicam ad hypothecam prioris loco obtinendam: & quam recte constitutum.*

SI duo sint creditores eiusdem debitoris, quorum uni cautum sit a debitoris privato cirographo, vel alio privato instrumento; alteri cautum instrumento publice confecto, id est, confecto ab iis, qui in consuecendis instrumentis publico munere funguntur: & hi contendant inter se, uter altero potior sit, quia forte bona debitoris omnibus non sufficiant: quaeritur, an sit quidquam in instrumento publico, cur is, qui eo utitur, præferri debeat ei, qui utitur instrumento tantum privato. De hac re ita ius constitutum est hoc loco: interesse, utrum hi creditores personalibus actionibus agant eodem tempore adversus debitorem; an vero agant hypothecaria de ea re, quam suis quilibet instrumentis pignori accepit a debitore.

1. Si per personalibus actionibus agant; dummodo de fide privati instrumenti probetur, nempe id a debitore scriptum esse: non minus id prodesse creditori suo, quam si publice conscriptum esset. Nam hæc vis est privati instrumenti, ut cum constat a debitore scriptum esse, id adversus debitorem fidem faciat, de quo, uti & de eo, quomodo id probetur, dicemus apud in *Auth. seq.* Hinc intelligimus in hac specie alterum ex creditoribus propositis alteri non præferri.

2. Observandum est autem constitutionem non dicere: instrumentum privatum in hac causa vim habere adversus debitorem; sed vim suam obtinere, inter quæ multum interest. Nam qui dicit instrumentum privatum quovis modo vim habere adversus debitorem, is dicit privatum instrumentum fidem facere, etiam si de eius fide non constat: quod est absurdum dictum. Quid enim, si instrumentum privatum causam adiectam non habet? Quid, si debitor negat a se scriptum esse? Quibus casibus iure instrumentum fidem non facit, ut dicemus ad *Auth. seq.* Qui autem dicit, instrumentum privatum obtinere vim suam in ea specie, de qua quaeritur, is hoc dicit: quæ alias vis est privati instrumenti adversus debitorem tunc,

cum creditor qui eo utitur, est solus: eandem vim & in hac causa futuram esse, etiam si alii creditores concurrant, qui utantur instrumentis publicis. Hoc vero est æquissimum. Quod cum non intelligatur, aut non animadvertatur vulgo ab interpretibus: non est mirum, si colluctentur in huius loci interpretatione, neque adhuc rem expedire potuerint. Atque hæc, inquam, ita sunt, si creditores illi personalibus actionibus experiantur.

Quod si agent hypothecaria actione, vindicantes eam rem, quæ ambobus pignori data est, partim privato instrumento, partim publico: placet in hac causa privatum instrumentum vim illam suam non obtinere, sed quanvis constet id scriptum esse a debitore; tamen eum, qui publice instrumento nititur de hypotheca, præferri ei, qui eandem hypothecam accepit privato instrumento: nisi privatum id instrumentum habeat trium idoneorum testium subscriptiones. Quaeritur ratio constitutionis. Cur enim placeat magis priore casu privatum instrumentum vim suam obtinere, quam posteriore? Nam utrobique eadem est fides & probatio instrumenti privati, cur non in pari causa ius idem statuitur? iuxta *L. illud, D. ad leg. Aquil.* Mihi hæc differentie ratio videtur non improbabilis: quod cum creditores illi duo agant personalibus actionibus, singuli de suo debito, id est, de rebus diversis agunt, quæ ita sunt singulorum, ut quod est unus, ad alterum non pertineat. Quam ob rem singuli in suo debito sunt soli: ut proinde aliis in eo debito non concurrentibus, non sit quaerendum, qui quibus sint potiores, sed unusquisque separatim in suo debito ius suum obtinere debeat: argumentum in *L. 2. D. eod. tit.* At cum ambo de hypotheca eadem agunt, hic de eadem re agunt; & ob id merito quaeritur, uter altero in ea re debeat esse potior. Et non inique constituitur, in ea contentione maiorem vim habere publicum instrumentum: itaque id privato præferri.

Ad Auth.

Ad Auth. Si quis vult caute.

Si quis vult cause deponere, non soli credat accipientis scripturæ, sed advocet etiam testes idoneos & fide dignos non pauciores tribus. Sed & si quis aut mutui instrumentum, aut alterius cuiuspiam contractus fecerit, & noluerit hoc specialiter in publico conscribi: non ex ipso videatur credibile, quod scribatur super mutuo documentum, nisi etiam trium testium adhibeatur præsentia fide dignorum, ut sive veniant, & subscriptionibus propriis attestentur, sive alii quidem testificentur, quia eis præsentibus confectum est documentum: fidem eandem ex utraque causa percipias. Si tamen quisquam aut deponens, aut mutuans, aut alias contrahens, contentus sit sola scriptura eius, cum quo contrahit: sciat scripturam non sufficere ad probationem.

S U M M A R I A.

1. *Instrumenti privati ad fidem vis, quæ.*

2. *Comparatio literarum ad probandum manum scripturæ quatenus admissa.*

Aptissime hæc *Auth.* superiori constitutioni subiecta est. In ea constitutione scriptum erat, cum duo creditores personalibus actionibus agunt eodem tempore, instrumentum unius privatum nihilominus robur suum obtinere. Hinc ꝑ quæstio introducitur ad explicationem eius constitutionis necessaria, quænam sit vis instrumenti privati. Ex iure vetere hæc vis fuit, si debitor fatebatur a se, vel suo mandato scriptum, & causa debiti adiecta erat: cogeatur debitor confessioni sue stare, quantumvis diceret se instrumentum scripsisse vel ioco, vel errore. *L. cum de indebito, §. ult. D. de prob.* Quod ꝑ si debitor negaret a se scriptum esse, vel mandato suo: convinci poterat id scripsisse; in eamque rem recipiebantur & testes, & comparatio literarum: dummodo hæc literæ, ex quibus comparatio literarum petebatur, ab eodem debitore publice scriptæ essent, aut trium testium subscriptiones haberent. *L. comparationes, supra, de fid. instrum.* Hanc vim intelligebat superior constitutio. Ne

quis in eo iure erraret, commonefacit nos hæc authentica, quid de eo constitutum sit a Iustiniano. Eius constitutionis hæc est summa: si debitor fateatur chirographum a se scriptum, nihil immutavit Iustinianus. Si neget scriptum a se, & testes non minus, quam tres producantur, qui interfuerint, cum debitor id instrumentum scriberet: ne hic quidem quidquam immutavit Iustinianus. Sed si tres testes adhibiti non sunt, ille in totum comparationes literarum repudiavit tanquam suspectas, nisi istrumento privato conficiendo tres testes interfuerint. Quo casu comparationem literarum admisit, si esset necessaria: nempe si testes illi, quorum mentio fit in chirographo, mortui essent, aut alioqui non existerent. Postquam constitutionem eo res redit, ut quoniam semper periculum est, ne debitores negent chirographum a se esse scriptum, dare operam creditor debeat, si caute vult contrahere, ut adhibeantur tres testes.



Ad L.

Ad L. Affiduis. Ult.

Imp. Iustinianus A. Ioanni Praefecto praetorio.

Affiduis aditionibus mulierum inquietati sumus, per quas suas dotes perditas esse lugebant, & ab anterioribus creditoribus substantias maritorum detentas. Nos itaque ad antiquas leges respeximus, in personalibus actionibus rei uxoriae actioni (quam in praesenti sustulimus) magnam prerogativam praestantes, ut contra omnes pene personales actiones habeant privilegia, & creditores alios antecedant, licet fuerint anteriores. Et hoc cum in personalibus statuerant actionibus, si hypothecam respiciebant, illico iustitiae vigorem relaxabant: & senioribus hypothecis novas mulierum hypothecas, si habebant actiones, expellebant: nec ad fragilitatem muliebrem respicientes, nec quod & corpore & substantia & omni vita sua maritus fungitur: cum pene mulieribus tota substantia in dote constituta est. Oportebat enim disponi maritos creditoribus suis ex sua substantia satisfacere, non de dote mulieris, quam ad suos victus, suasque alimonias mulier possidet, vel a semetipsa datam, vel pro ea ab alio. Ad [haec] omnia respicientes, & reminiscentes quod & alias duas constitutiones fecimus pro dotibus, mulieribus subvenientes, & haec omnia in unum colligentes sancimus ex stipulatu actionem, quam mulieribus iam pro dote instituenda dedimus, cuique etiam vacuum donavimus inesse hypothecam, potiora iura contra omnes habere mariti creditores, licet anterioris sint temporis privilegio vallati. Cum enim in personalibus actionibus (secundum quod diximus) tali privilegio utebatur res uxoria: quapropter non in hypotheca hoc mulieri etiam nunc indulgemus beneficium, quasi res dotales, vel ex his aliae comparatae non extent: sed quocunque modo vel dissipatae vel consumptae sint: si tamen reipsa fuerint parti mariti datae?

Quis enim earum non misereatur propter obsequia quae maritis praestant, propter partus periculum, & ipsam liberorum precreationem, pro quibus multa nostris legibus inventa sunt privilegia? Et ideo quod antiquitas quidem dare incepit, ad effectum autem non pertulit, nos pleno legis articulo consummavimus: & siue liberos habeat mulier, siue ab initio non habuit, siue progenitos amisit, hoc ei privilegium indulgemus. Exceptis videlicet contra novercas anterioris matrimonii filius, quibus pro dote matris suae iam quidem dedimus hypothecam contra paternas res, vel eius creditores. In praesenti autem similem prerogativam servamus, ne ius quod posteriori datum est uxori, hoc anteriori denegetur: sed sic maneat eis ius incorruptum, quasi adhuc viventem matre eorum.

Duos enim dotibus ab eadem substantia debitis, ex tempore prerogativam manere volumus. Haec autem tantum ad dotem sancimus, non ad ante nuptias donationem, quam suo temporis servire disponimus, & habere inter creditores sui temporis ordinem. Non enim pro lucro fovemus mulieres, sed ne damnum patiantur, suisque rebus defraudentur, curamus.

Quam legem ex praesenti tempore locum habere sancimus: & non retrorsum referimus. Dat. V. Kal. Decemb. Constantinop. post consulatum Lampadii & Orestis VV. CC.

Ad Auth.

Ad Auth. Quo iure.

Quo iure utatur & adversus eos qui personali privilegio muniuntur, veluti quorum pecunia res emptæ sunt, sive refectæ: nisi qui nova constitutione sunt excepti, sicut qui emendæ militiæ causâ marito in scriptis mutuantur.

Ad Auth. Si quid.

Si quid ex rebus ipsius dotis appareat, mulieri, cui & in rem actio competit, vel filius eius servetur: alioqui sive supersint ambæ mulieres, sive defecerint: sive altera dumtaxat extet: prior omnino seu quelibet soboles eius superior habeatur: quod nova constitutione factum est apertius.

S U M M A R I A.

1. Mulierem præferri omnibus creditoribus quavis anteriorem hypothecam habentibus, dum tacitam, & ex privilegio.
2. Mulierem præferri etiam fisco, quovis tempore priori, & quidem ex omnibus causis.
3. Mulierem postpositi liberis prioris matrimonii, adversus quos noverca de dote agit, item creditoribus quovis tempore posterioribus, qui marito pecuniam crediderunt ad militum emendam eo lege, at militiæ esset pignori.
4. Mulierem anterioribus creditoribus hypothecam

conventionem sua partem habentibus non præferri.

5. Priores creditores in hypotheca conventionali præferri posterioribus iure communi, non ex privilegio.
6. Mulierem hypothecis conventionalibus prioribus vero esse potiores, demonstratur rationibus Iulianiani.
7. Equitate rei.
8. A se fons constitutus principis.
9. Obiecta diluantur.

Singulare hic beneficium tribuitur in repetitione dotis duobus: mulieri; item mulieris liberis. De muliere prope tota constitutione cavetur; de liberis in *vers. exceptis videlicet*. Beneficium, quod mulieri tribuitur, hoc est: ut mulier sive agat personali actione de dote adversus alios creditores privilegiarios, sive agat hypothecaria actione, quæ illi lege concessa est *L. unica, §. & ut plenius, sup. de rei ux. act.* ea præferatur omnibus creditoribus anterioribus, licet prioris temporis privilegio sint vastati, sic enim verba sunt huius constitutionis in *§. ad hæc, & vers. seq.* Quibus verbis efficitur, mulierem præferri omnibus creditoribus quavis hypothecariis & anterioribus; si tamen hypothecam ex privilegio habeant, id est tacitam beneficium legis. Igitur si proponas maritum administrasse tutelam pupillorum, antequam uxorem duceret; item pecuniam accepisse ad insulam extruendam, aut reficiendam; quibus in causis & res mariti sunt tacite pignori obligatæ pupillo, & mædes obligatæ ei, qui ad refectorem credidit, *L. pro officio, sup. de adm. tut. L. 1. D. in quib. caus. pig. vel hypoth. facit. cons.* si is deinde uxorem duxerit, & dotem acceperit; dicimus soluto ma-

trimonio, si mulier & superiores creditores mariti concurrant, mulierem in hypotheca his omnibus, quavis anterioribus, præferri: quia etsi prius hypothecam acceperunt; tamen habent ex beneficio legis tacite, non autem ex conventionione. Huius generis creditoribus hypothecariis mulier præferatur omnibus, ut sunt verba constitutionis. Ergo & mulier præferetur fisco, quavis maritus eius ante cum fisco contraxerit. Nam quod scriptum est in *L. 2. sup. de privil. ff. filicum*, qui prius contraxerit cum marito, mulier præferri, est quidem huic constitutioni contrarium; sed sciamus hac constitutione abrogatum esse. Tamen si enim Iulianianus in *L. 1. §. contrarium, sup. de vet. iur. enu.* neget in libris iuris a se compositis ullum contrarium esse; tamen hoc in Codice ad veterem Codicem pertinet, non ad eas constitutiones, quæ novo codici sunt insertæ. Hæc autem sunt quinquaginta decisiones Iulianiani, quas constat novo Codici inferias ad veteris iuris emendationem, Tit. de novo, Codic. confir. Ex his constitutionibus est hæc una, quæ hic proponitur. Ergo & mulier præferetur fisco, quavis maritus eius ex causa primilari conveniatur, abrogato eo iure, quod est

est in *L. 4. sup. in quib. caus. pig. vel hyp.* Præferetur ergo & ei, qui pecuniam ad suos crediderit. Idque eo magis, quod hic nihil amplius habet, quam privilegium; hypothecam non habet. Nec impedimur eo, quod legitur in *L. pen. D. de relig. & sum. fun.* Impensam funeris omne creditum præcedere. Sciemus enim & hoc similiter abrogatum esse hac constitutione: non solum quia diserte Iustinianus constituit, ut mulier in actione personali præferatur omnibus privilegiariis creditoribus; sed etiam quia mulier hypothecam habet; quam, ut dixi, non habet is, qui in suos impendit. Constat autem omnes hypothecarios creditores, cum in rem actionem habeant, omnibus privilegiariis, qui personalem tantum actionem habent, præferri, *L. eos, sup. hac tit.*

Ex t̄ omnibus creditoribus, qui beneficio legis prærogativam temporis habent, excipiuntur duo, quibus placet mulierem non præferri. Primum filii prioris matrimonii, adversus quos, noverca de dote agit §. *exceptis, hac L.* quod apertius confirmatur in *auth. ult. hic.* Deinde hi creditores, qui pecuniam marito crediderunt ad militiam emendam ea lege, ut militia eis esset pignori obligata. In hac militia marito empti potiores sunt, qui crediderunt. *auth. quo iure, infr.* Idque etiam si posteriores sint. Cuius iuris duplex ratio reddi potest. Primum, quod in hac militia pecunia creditoris salvam fecit totius pignoris causam. argum. in *L. interdu, & seq. D. cod.* Deinde, quia hæc militia marito empti non tantum ad utilitatem mariti pertinet, sed etiam ad utilitatem & honestamentum mulieris. Nam eiusmodi militis maritus cohonestari constat. Matritum honos & decus etiam ad uxores pertinet. *L. famina, D. de senat. Novel. de consul. §. hac itaque.*

Sed hæc omnia dicta sunt de iis creditoribus, qui privilegio, idest, beneficio legis hypothecam habent, aut certe in hypotheca habent iuris prærogativam. Quod t̄ si qui creditores prius hypothecam acceperint conventionem, & vigilantia sua partam: nos de communi sententia interpretum putamus mulierem ex hac constitutione iis nullo modo præferri; atque adeo nullo iure præferri aut posse, aut debere. Id defenditur & verbis huius constitutionis, & in primis sententia. Verba constitutionis ad eos creditores anteriores pertinent, qui sunt muniti temporis privilegio. His verbis proprie non continentur hi, qui sibi de hypotheca caverunt. Hi enim hypothecam habent non privilegio, sed communi iure; quo iure constat pi-

gnus conventionem contrahi, *L. 4. D. de pig. L. si tibi cod. §. de pignore, D. de pall. L. 1. in pr. D. de pig. alt.*

Nec t̄ vero audiendi sunt, qui conventionem de pignore interposita fatentur pignus ex privilegio non esse; sed ut creditor prior secundo præferatur, id ex privilegio esse dicunt, non ex conventionem, quod aperte falsum est. Nam prior creditor in pignore ideo præferatur posteriori; quia habet actionem in rem adversus omnes possessores, non tantum extraneos, sed etiam posteriores creditores. Eam quidem actionem habet etiam adversus debitorem ipsum, quia pignus obligavit. Ergo multo magis adversus eos creditores, qui causam habent a debitore. Ad creditor hanc actionem habet iure pignoris. Quare prærogativa in hac actione ex iure pignoris nascitur, ac proinde ex conventionem, non item ex privilegio. Atque in hac prærogativa privilegium non esse certo argumentum est, quod dicuntur privilegia: non ex tempore æstimari, sed ex causa. *L. privilegia, D. de reb. auct. ind. poss.*

Nam prærogativa; quæ in pignore est, solum ex tempore æstimatur. Non negotiæ prærogativam hanc ab Ulpiano privilegium appellari in *L. si & iure, D. qui pot. in pig. bab.* Sed si ea prærogativa ex iure & ratione communi est, negari non potest, quin abusive privilegium appelletur. Quis est enim, qui nesciat privilegium ius esse in gratiam certæ causæ, aut persone præter rationem iuris communis constitutum? Tunc demum prærogativa temporis vere privilegium est, cum creditores, qui nullam hypothecam habent, aliis non habentibus præferuntur; in quo etiam in usu iuris solum hoc verbum proprie usurpatur. *d. L. privilegia, D. de bon. auct. ind. poss. & hac L. in vers. cum enim in personalib.*

Sententia t̄ Iustiniani spectatur ex iis rationibus quibus utitur: ex æquitate causæ, tum ex persona scriptoris. Ratio Iustiniani, qua in hac constitutione utitur, evidenter sententiam eius ostendit, & superiorem sententiam confirmat. Ait enim mulierem ideo in hypotheca præferendam esse anterioribus creditoribus, quia in personali actione tali privilegio utitur. Hoc Iustiniani argumentum est in *hac L. in vers. cum enim in personalibus.* At in personali actione constat mulierem non præferri creditoribus anterioribus, nisi privilegiariis, idest, iis, qui beneficio legis prærogativam habent, ut ceteris creditoribus præferantur. Ergo nec in hypotheca præferetur aliis creditoribus, quam qui eodem beneficio hypothecam habent.

Bbb

Nam

Nam quoties lex aliqua ob certam causam & rationem lata est, convenit cessante ratione legis, illi legi locum non esse. *L. quod dictum, D. de pact.* Idem licet intelligere de sententia Iustiniani ex ea ratione, quam reddit in §. & ideo: scribit enim se in hoc privilegio mulieri tribuendo hoc secutum esse, ut consummaret, quod veteres coeperant, neque perfece- rant. Ex quo intelligitur non aliud consummatio Iustinianum, quam quod veteres coeperant, novum autem negotium eum non instituisse. Iam vero veteres coeperant tantum mulierem præferre illis privilegia- riis creditoribus, neque id perfece- rant; non enim præferebant omnibus, neque præferebant in hypotheca, ut constat ex initio huius constitutionis. Iustinianus hoc ius imperfectum consummavit: nam mulierem prætulit creditoribus privilegiatis, sique omnibus, puta etiam ei, qui in funus crediti; & prætulit non solum in actione personalis, sed etiam in hypothe- ca. Ita ius coeptum a veteribus consum- mavit: sed ita, ut non egrediatur, id quod veteres coeperant. Coeperant autem præ- ferre mulierem privilegiatis. Quare & pri- vilegiariis præfert Iustinianus, non aliis.

7. Quod si de sententia Iustiniani & ver- borum significatione ambigeretur: tamen in diversis & accipitibus interpretum sen- tentiis ea regula uti debemus, quæ præ- scribitur in *L. non sine, sup. de bon. que lib.* nempe ut ambiguum causam & variis legum interpretationibus turbantem iuris naturalis, id est, æquitatis, moderamine temperemus. Unde in legibus, quoties ver- ba ambigua sunt, ea sententia accipitur, quæ æquior & benignior est; non alia de causa, quam quod menti auctoris est con- venientior. *L. in omnibus quidem. L. semper in dubiis. D. de reg. iur.* At æ- quitatis rationem si audimus, non solum æquum est, mulierem ei creditori non præ- ferri, qui ex conventionem prius hypothe- cam habet; sed etiam si contrarium hic constitutum esset, officium esset boni prin- cipis eam constitutionem abrogare. Pro certo enim hoc statui debet, quod est in principis iuris, ius suum cuicque tribuen- dum esse, nulli mortali ius suum de- trahendum. *L. iustitia. D. de inst. § iur. L. 2. D. de his, qui sunt sui, vel al. iur.* Id quod si recte constituitur in aliis causis: tum vero rectissime in pignore conventionali, quod quis cautione sua & vigilantia sibi paravit. Hoc, inquam, nul- li creditori adimendum est. Nam, ut est egregia sententia Scævola, ius vigilantibus scriptum est, id est illis, qui in nego- tiis gerendis adversus futura pericula sibi

vigilarent, & caverunt. *L. pupillus in fin. D. qua in fraud. cred.* Ius scriptum vigilantibus ideo, quia faver vigilantibus, & cavet, ne damno afficiantur, neve quid his auferatur in eo, in quo sibi vigilave- rint, sibi que tempelive prospexerint. *L. 3. ref. D. de separation. L. quod autem, § sciendum, D. in fraud. cred.* Et certo nihil potest cogitari iniquius, quam si, cum creditores contraxerint cum aliquo debi- tore, qui nondum uxorem duxerat, qui iidem diligenter sibi caverint, ut eius bo- na sibi essent obligata: sit in potestate de- bitoris eos, cum velit, fraudare, uxorem postea decendo, & dotem accipiendo: sic enim miseri creditores frustra sibi cave- rint, neque erit vigilantia locus. In hac tanta iniquitate non est credendum, Iusti- nianum sententiam tam iniquam consti- tuere voluisse, nisi evidentissimis verbis probari possit, id illum sensisse.

Atque si huic etiam rei tertio loco argu- mentum præbet persona eius: nam in legum conditor est: Legum conditores æquitatis fautores esse oportet, ut bene scriptum est in *L. hac lege, sup. de pact. cono. tam. sup. dot.*

Ad si obiecta quibus videntur contrarie 9 sententia defensores, breviter responde- bo. Illi urgent verba: At Iustinianus, mulierem habere potiora iura adversus omnes cred. Hic quidem nihil excipit: sed addit, licet sint anteriores temporis privilegio vallati. Quæ verba non per- tinent ad eos, qui hypothecam vigilantia sua sibi acquisiverunt, ut supra docuimus. At item Iustinianus se plene iuris articu- lo in hoc privilegio mulieris consummas- se, quod veteres coeperant. Non consum- mavit, inquiunt: nisi mulierem omnibus creditoribus anterioribus prætulit sine ex- ceptione. Recte dicens, si Iustinianus simpliciter scripsisset se consummasse ple- no iure prærogativam temporis in mulie- re. Nunc autem dicit se consummasse, quod veteres coeperant. At veteres non coeperant mulierem præponere hypothe- cariis creditoribus: sed ita, qui præroga- tivam temporis ex privilegio legis habere- rent. Hoc igitur posterius ille consum- mavit, non item prius alterum, quod ve- teres non coeperant, ut supra quoque do- cuimus. Urgent & illi rationem huius con- stitutionis, quæ sparsa est varie in hac le- ge, puta in *vers. § hoc cum in perso- nalis*, Item in *vers. quis enim*, hanc illi rationem dicunt, non minus efficere, ut mulier præferri debeat anterioribus creditoribus expressam hypothecam ha- bentibus, quam qui hypothecam benefi- cio legis habent. Hoc vero illis concedi

non

non oportet. Nam rationes sunt introductæ & sumptæ ex fragilitate mulieris, ex obsequiis quæ marito præstatur, ex periculo partus, ex procreatione liberorum, ex inopia mulieris, quæ in bonis nihil solet habere præter dotem; ex officio mariti, quo ille cogitur dotem omnimodo restituere uxori. Hæc omnes in summa nihil aliud efficiunt, nisi mulierem dignam esse privilegio, quod Iustinianus hic constituit. Nos fatemur non tantum eo privilegio dignam esse, sed etiam dignissimam. Adiciamus amplius, dotis causam semper & ubique præcipuam esse debere. *L. 1. D. fol. mat.* Sed hæc omnia accipienda sunt cum hac exceptione, dum alteri iniuria non fiat. Nam hoc utraque manu retinendum est, in omnibus beneficiis & privilegiis in iniuriam alterius beneficia alteri concedi non solere, neque debere. *L. nec avus, inf. de emanc. liber. L. 2. §. si quis a prin. D. ne quid in loc. pub.*

Adiunt his argumenta duo, prius tale est: Mulierem constat hac constitutione præferri anterioribus creditoribus, saltem qui pignus lege constitutum habent. Ergo & iis præferri debet, qui pignus conventionis, aut vigilantia sua sibi acquisiverunt. Apparet ex superioribus male ista comparari. Nam legitimum pignus contraria lege adimi potest sine iniuria; quoniam eius est beneficium adimere, cuius est dare, quod & in privatorum beneficiis receptum est. *L. 2. D. de prec.* At pignus vigilantia creditoris partum, ipsi creditori sine summa iniuria adimi non potest, ut supra probatum est. Alterum argumentum habet firmamentum illorum sententiæ: est autem tale. Mulier præferitur ei creditori, qui pecuniam creditit ad rem emendam ea lege, ut illi ea res pignori obligata esset. *§. his conseq. Novel. de equal. dos.* At qui pecuniam creditit ad rem emendam, præferitur anteriori creditori, & cui ea res pacto pignori obligata est. *L. interdum, §. segg. D. cod.* Ergo hæc ipsi quoque creditori expressam hypothecam habenti multo magis mulier præferetur. Sed & hoc male colligitur: quoniam non est eadem causa in duobus illis creditoribus, propter quam mulier postulat se his præferri. Imo vero quam ob causam mulier præferatur ei, qui pecuniam creditit ad rem emendam, hanc ipsam ob causam alii creditori priori præferri non debet. Nam ei qui pecuniam creditit ad rem emendam, præferatur, si ipsa tempore prior sit; si autem, qui creditit, posterior, ut est expressum in *d. §. his conseq.* Ergo hac ipsa ratione alii creditori non

Tom. IX.

præferetur, si mulier erit posterior; quoniam ea causa cessat, propter quam alteri præferrebat. Hic occurrit hac ratio: si vinco vincentem te, multo magis te vincere debeo *L. de accessionib. in fin. 1. resp. D. de divers. rem. præfer.* Sed hoc dictum tunc locum habet, cum in extraneo & in te eadem causa est, cur vos vincere debeam. Quod si causa vincendi in uno alia est, & alia in altero: non si alium vinco, qui te vincit, ideo te vincere debem. Sumpta est hæc regula ex comparatione maiorum: cui argumento locus non est in disparibus causis. Res per se paulo obscurior exemplo plana fiet. Propone hoc modo. Tres sunt creditores, quibus eadem res obligata est diversis temporibus, primus, secundus & tertius. Ego primus si vinco secundum, uti vinco; multo magis vincere debeo tertium, qui vincitur a secundo: scilicet quia qua ratione vinco secundum, eadem ratione & maiore vinco tertium. Vinco enim secundum, quia sum prior tempore. Ergo multo magis vincam tertium: quia si secundo prior sum, multo magis prior sum tertio. At e converso argumentum non valet hoc modo. Ego primus egi adversus tertium, qui hypothecam perfidebat, & ab eo victus sum; quia me removit exceptione pacti conventi, vel iurifurandi. Quanvis tertius me primum vicerit, & ego primus vincam secundum, tamen si tertius cum secundo agat, secundum non vincet: quia videlicet vincendi secundi dissimilis causa est. Nam tertius me vicit, non quia me prior esset tempore; sed quia actum erat inter nos, ne hypothecam ab eo peterem. Hæc ratio adversus secundum cessat, & si tertius secundum volet vincere, non poterit alia ratione, quam si sit prior. Atqui secundus prior est: ergo & in hac specie secundus vincet tertium, quanvis tertius primum vicerit, & primus potior sit secundo: nempe ideo, ut iam dixi, quia vincendi secundi dispar causa est, non autem illa, ob quam primum vicit. Confirmatur hæc sententia in hoc ipso exemplo in *L. Claudius, D. cod. tit.* Quare cum nihil relinquatur ad defensionem contrariæ sententiæ, & ea senectute, quam statuimus, aperte defendatur & verbis huius legis, & sententiæ, & manifesta equitate, & præterea communis sententiæ recepta sit: non est, quod dubitemus eam retinere, quantumvis quibusdam in præfecturis, quanvis summis, aliter iudicetur. Meminisse enim debebimus legibus iudicandum esse, non exemplis, aut præiudiciis. *L. nemo, sup. de sent. & interloc. om. iud.* Bbbb 2 AD TITU-

A D T I T U L U M X I X .

D E H I S Q U I I N P R I O R U M C R E D I T O R U M L O C U M S U C C E D U N T .

Ad L. Non omnimodo. 1.

Imp. Severus & Antoninus AA. Marcellinæ.

Non omnimodo succedunt in locum hypothecarii creditoris hi quorum pecunia ad creditorem transit. Hoc enim tunc observatur, cum is qui pecuniam postea dat, sub hoc pacto credat, ut idem pignus ei obligetur, & in locum eius succedat.

Quod cum in persona tua factum non sit (iudicatum est enim te pigora non accepisse) frustra putas tibi auxilio opus esse constitutionis nostræ ad eam rem pertinentis. PP. Idib. Iul. Pompeiano & Avito Coss.

Ad L. Si potiores. 3.

Imp. Alexander A. Valenti.

Si potiores creditores pecunia tua dimissi sunt, quibus obligata fuit possessio quam emisse te dicis, ita ut precium perveniret ad eosdem priores creditores: in ius eorum successisti: & contra eos qui inferiores illis fuerunt, ista defensione te tueri potes. PP. Kalend. Februar. Iuliano II. & Crispino Coss.

Ad L. Si prior. 4.

Imp. Dioclet. & Maximian. AA. Carphophoro.

Si prior respublica contraxit, fundusque ei est obligatus tibi secundo creditori offerenti pecuniam potestas est, ut succedas etiam in ius reipublicæ. PP. XV. Kalend. Iun. Maximo II. & Aquilino Coss.

S U M M A R I U M .

1. *Enum, qui primo creditori solvit, succedere in*

pignus duobus casibus.

EX illis, quæ de iure primi & secundi creditoris in hypotheca proxime diximus, duæ dubitationes natæ sunt, quæ explicantur his duobus titulis, qui sequuntur. Primum dictum est, secundum creditorem nihil habere iuris in pignore adversus primum, nisi primo pecuniam offerat: quod si rite offerat, tunc secundum creditorem sibi confirmare pignus *L. 1.*

sup. prox. sit. hoc amplius & in ius primi creditoris succedere. *L. secundus, sup. de pig quod & confirmatur in L. ult. hic.* Hinc quaesitum, si alius qui hypothecam non habet; aut habet, sed posterior secundo, pecuniam solvat primo creditori, ut is dimittatur: an & hic qui solvit, succedat in locum primi creditoris, de quo hoc titulo constituitur.

Pla-

Placet ^x autem eum, qui primo creditori solvit, quantumvis prius nihil iuris habuerit in pignore, tamen succedere in pignus & locum primi creditoris duobus casibus. Unus est, si creditori ipsi solverit ex pacto, ut in eius locum succederet, *L. 1. hic*. Alter est, si pignus emerit a debitore ea lege, ut pretium ad creditorem perveniret, & pervenit, *L. penul. hic*. Perinde est enim, quasi qui pecuniam dedit, ipsi creditori numerasset. Cum his modis succedat in locum primi creditoris ille, cuius pecunia primus dimissus est; consequens est, quod exprimitur in *L. 3. hoc sit*. eum, qui in pignus suc-

cessit, creditoribus omnibus aliis in eo pignore esse potiores: quemadmodum primus creditor esset potior, si pignus retinisset. Quod si is, cuius pecunia creditor primus dimissus est, de pignore seu de successione eius pignoris nihil convenit: placet eum in ius pignoris non succedere, *L. 1. hic. L. Aristo, D. quæ res pig. obl. poss.* Sumpsum ex eo, quod de contrahendo pignore superioribus titulis posuimus, ut in *L. quævis. 17. sup. de pig. & L. licet, sup. prox. tit.* nempe pignus inter vivos nisi conventionem non contrahi, ubi pignus a magistratu non detur.

A D T I T U L U M XX.

COD. SI ANTIQUIOR CREDITOR PIGNUS VENDIDERIT.

Ad L. Si vendidisset. 1.

Imp. Alexander A. Athenioni.

Si vendidisset qui ante pignus accepit: persecutio tibi hypothecaria superesse non posses. Cum autem debitor ipsi priori creditori eadem pignora in solutum dederis, vel vendideris: non magis tibi persecutio adempta est, quam si aliis easdem res debitor vendidisset: sed ita persequens res obligatas auderis, si quod eidem possessori propter precedentis contractus auctoritatem debitum est, obtuleris. PP. Id. Maii, Agricola & Clementino Coss.

Ad L. Obligata. 2.

Imp. Dioclet. & Maximian. AA. & CC. Eudemiz.

Obligata pignoris iure creditore recte distrabente, post debitor emptori precium offerens, vel creditori quod debuit, evincere non potest. S. XVI. Kalend. Ianuar. AA. Coss.

Ad L. Quo minus. 3.

Idem AA. & CC. Theophilo.

Quo minus creditor qui antea pignus accepit distrabat: non offerendo secundus priori debitum, interpellare non potest. Dat. VI. Kal. April. CC. Coss.

S U M M A R I A.

1. Primus creditor si pignus vendit, sic transfert, ut emptori advocari non possit.
2. Idem creditor si emat a debitore, dominium non ita acquirit, quomodo possit ei advocari a

secundo creditore, cui res obligata erat, si is pecuniam offerat, & cur, & n. seq.

3. Contrarius occurritur.

Quod traditur in *L. 2. sup. qui pos. in pig. hab.* primum creditorem,

qui prius hypothecam accepit, secundo esse potiores: diximus eum effectum habere,

bere, ut primus iure suo hypothecam distrahatur, quantumvis obnuntiant secundo creditore. Id ipsum confirmatur in *L. ult. hic*.

- 1 Inde ꝑ quoque consequens esse diximus, ut si primus hypothecam distraxerit: eam ab emptore avocare non possit, neque secundus creditor, neque debitor, quantumvis pretium emptori offerant, *L. 2. D. qui pot. in pig.* Et hoc idem apertius confirmatur in *L. 2. hic*. Utrumque ideo; quia ea vis esset venditi pignoris, si primus creditor in pignore solus esset, & id distraxisset. *L. non est novum, D. de acq. rer. dom. Inst. quib. alie. lic. vel non in princ.* Ex hoc posteriore nata est hæc dubitatio, an idem dicendum sit, si primus ꝑ creditor pignus non vendiderit alii, sed ipse sibi a debitore emerit, aut in solidum acceperit. De quo constituitur in *L. 1. hic*, ad hanc sententiam: ut in proposito salva sit actio hypothecaria secundo creditore, qua pignus avocare possit a primo: dummodo illi debitum offerat. Id ꝑ prima fronte videri ꝑ potest inique constitutum. Nam si primus creditor dominium pignoris in alium transferre potuit, cor sibi acquirere non potuit? Et in promptu ratio est, cur non possit. Ipse dum vendit, ideo transferre potuit, quia ius transferendi habuit, *d. L. non est novum, D. de acq. rer. dom.* Idem emendo, acquiritendove, rem accipit a debitore, qui rei alienandæ ius non habuit, nisi hæcenus, ut alienaret rem cum sua causa,

L. traditio, D. de acq. rer. dom. L. alienatio, D. de cons. emps. Porro debitor eam rem secundo creditore obligaverat. Eo fit, ut re abalienata, etiam hæc causa pignoris secundi maneat. Quod si manet, iure secundus creditor primo pecuniam offert pignoris sui confirmandi gratia, *L. 1. sup. qui pot. in pig. L. ult. sup. prox. tit.*

Sed nonne iniquum est, plus iuris in hac re tribui secundo creditore, quam primo, qui sibi cavet pignus in solum accipiendo? Esset iniquissimum, si modo plus iuris secundo tribueretur. Nunc autem ita dicimus, secundum creditorem posse pignus avocare a primo, si pecuniam illi offerat. In quo semper præcedit causa primi creditoris. Nam & pignore primi creditoris manente, tamen secundus creditor illi pecuniam offerendo pignus sibi confirmaret, ut supra diximus. Sed rursum alia parte hic occurritur. Quidni enim dicamus secundum creditorem a primo avocare posse, quanvis illi pecuniam non offerat? Non enim debet ei offerre, quod ei iam non debetur. Atqui nihil ei debetur, si ei solum sit. Solum est autem, cum aliud pro alio illi solum est volenti. *L. si quis aliam, D. de solut.* Sed pro soluto non habetur, quod solum potest evinci *d. L. si quis aliam*. Apparet autem in proposito, pignus primo creditore venditum ei evinci posse a secundo creditore. Nihil igitur in toto hoc iure *L. 1.* non recte constitutum.



A D T I T U L U M XXI.

COD. SI COMMUNIS RES PIGNORI DATA SIT.

*Ad L. Frater. 1.**Imp. Antoninus A. Venuſto.*

Frater veſter ſicut vobis invitis portionem vobis competentem obligare non potuit, ita ſuam dando, obligationem creditori quaſivit. Unde intelligiſis contraſtum eius nullum præiudicium domino veſtro ſacere potuiſſe. Accepſta III. Kalend. Decemb. Meſſala & Sabino Coſi.

S U M M A R I U M.

1. *Fiſcum rem communem totam alienare, & pignori obligare poſſe.*

Hic locus appoſidix eſt eius definitionis, qua conſtituitur, oemineſ rem alienam pignori obligare poſſe. *1. cum res, L. que prædium, ſup. ſi alie. res pignor. dat. ſi.* Quod de re tota dicitur, id & ad partem rei pertinet. *L. que de tota, D. de rei vind.* Proinde in re communi unus ex dominis partem ſocii pi-

gnori obligare non poteſt, ſuam poteſt, ut hic traditur.

Recte ¶ Accuſius excipit fiſcum, cuſus inter cætera hoc ius eſt: ut cuius rei partem is alienare poteſt iure ſuo, idem eam rem totam alienare poſſit, quo facilius res emptorem inveniat pro utilitate publica. *L. 2. ſup. de comm. rei alien.*

A D T I T U L U M XXII.

COD. DE PRÆTORIO PIGNORE, ET UT IN ACTIONIBUS
DEBITORUM MISSIO PRÆTORII PIGNORIS
PROCEDAT.

*Ad L. Si prætorium 1.**Imp. Iuſtinianus A. Mennæ Præſeſſo prætorio.*

Si prætorium pignus quicumque iudices dandum alicui perſpexerint: non ſolum ſuper mobilibus rebus, & immobilibus, & ſe moventibus ſed etiam ſuper actionibus que debitori competunt, præcipimus hoc eis licere decernere. Dat. Kal. April. Conſtantiſnop. Decio V. Coſi.

Ad L.

Ad L. Veteris. 2.

Idem A. Iuliano. P. P.

Veteris iuris dubitationem decedentes, ad duplum genus hypothecarum respeximus: unum quidem quod ex conventionibus & pactis hominum nascitur: aliud quod a iudicibus datur, & pretorium nuncupatur. Et cum invenimus in conventionalibus pignoribus vel hypothecis non solum tenentem creditorem adjuvari, sed etiam si ab ea possessione cadat, siue sua culpa, siue non, siue fortuito casu: humanius esse perspeximus, & in pretorio pignore dare recuperationem creditori, quocumque modo possessionem amittat, siue culpa sua, siue non, siue fortuito casu. Licet enim debuerat incumbere suo pignori, ne aliquam patiatur inde iacturam: tamen ne quid amarum in creditoribus consequatur, benignius causam interpretamur, & ei recuperationem donamus. Dat. Kalend. Aug. Constantinop. Lampadio & Oreste VV. CC. Cofi.

S U M M A R I A.

1. Pretorium pignus quid.
2. Pretorium pignus sine controversia ex iis causis, ex quibus quæ in possessionem missas est.
3. Pretorium item pignus ex causa iudicati, cum iussu magistratus ex ea causa pignora capta sunt, eiusque rei argumenta.
4. In pignore ex causa iudicati quam ex re sit, pretorii appellationem retineri.
5. Refutantur argumenta, quibus quidam præbere conatur pignus ex causa iudicati captum non esse pretorium.
6. Pignora in causa iudicati a magistratu capta ordine & iure communi: distrabi per appellationem extra ordinem: & hoc quid sit.
7. Pretorii pignoris appellationem contineri id quod, quod a magistratu municipalis caprum sit in causa iudicati.
8. Pretorium pignus non prius constitui, habens magistrata rem capta, quam & creditor cepit.
9. Pretorium pignus ex causa missiois, & iudicati constitui posse etiam in mobilibus rebus, itemque in incorporalibus: & quæ in his dubitationis causa.
10. Pignoris pretorii possessionis amissa, nihilominus pignus durare, & vindictionem pignoris creditori: & quæ hic dubitatio.

Diximus initio pignus, quod hominum opera constituitur, partim a domino constitui, partim a prætore, seu magistratu. De priore genere hucusque. De altero hic agitur, & titulo sequenti: Hoc enim est, quod prætorium hic appellatur. Pretorium ¶ pignus sic definitur in *L. 2. hoc sis.* quod a iudicibus datur. Recte: dum a iudicibus, intelligamus, a magistratibus. Nam temporibus Iustiniani & multo ante obtinuerat, ut magistratus appellarentur iudices, Tit. de iurisd. omni. iudic. supr. Tit. de rebus acti. iud. poss. ¶. Et certo sic res habet, ut prætorium omne pignus constituitur iussu & auctoritate magistratus. *L. 3. §. 1. D. de reb. cor. qui sub. tutel. vel cur. sunt.* Pretorii pignoris due sunt species. Una est ex causa missionis tu possessionem, altera ex causa iudicati.

1. Prior ¶ species ex hac causa nascitur. Sunt enim quædam causæ, ex quibus creditores a magistratu impetrant, ut mit-

tantur in possessionem bonorum, vel rei alicuius debitoris: de quibus in *L. 1. D. quib. ex caus. in poss. eat.* Hoc impetrato, si creditor possessionem rerum occupat, pignus illi hoc modo constituitur, quod prætorium sine controversia appellatur. *L. qui legati, sup. ut in poss. L. missio, D. pro empr.* Altera species pignoris nascitur ex hac causa. Cum quis condemnatus est, neque pecuniam solvit, impetrat creditor a magistratu, qui iudicavit, aut iudicem dedit, ut res debitoris pignori capiantur, & distrabantur, unde iudicatis satisfiat. *L. a Divo, §. in venditione, D. de re iud. L. 1. sup. de ex. rei iud.* Hic pignus constitui non dubitatur, *L. 1. & toto tit. inf. si in cau. iud.*

Sed ¶ an sit, & dici debeat prætorium, quaeritur. Nos prætorium pignus esse dicimus, neque id dubiis argumentis somptis cum ex definitione prætorii pignoris, itemque divisione pignorum, quæ exstat in *L. 2. hoc sis.* tum ex verbi prætorii significatio-

cautione, & notatione nota. In *L. 2.* definitur pignus prætorium, quod a iudicibus idest, magistratibus datur. Id quod capitur ex causa iudicati, constituitur a magistratibus. *L. infr. si in cau. iud. L. a Divo, in prin. D. de re iud.* Est igitur prætorium. Nec ad rem pertinet; si quis dicat Iustinianum hac definitione uti de eo tantum pignore, quod est ex causa iudicati in possessionem. Nam præterquam quod id verbis repugnat: etiam licet hoc modo argumentari. Cui convenit definitio, ei convenit & definitum: at pignori quod ex causa iudicati capitur, eadem definitio convenit; conveniet igitur & definitum. Divisio pignoris in *eadem L. 2.* est hæc, ut dicatur duo esse genera pignorum, conventionale, & prætorium. Licet igitur colligere hoc modo. Si, quod capitur ex causa iudicati, pignus est, aut erit conventionale, aut prætorium: non enim plura genera hic numerantur. Non est conventionale, ut constat; Restat ergo, ut sit prætorium. Dixerit aliquis, tria esse genera pignorum distincta; conventionale, prætorium, & iudiciale, id scilicet, quod in causam iudicati capitur: verum vitium esse Iustiniano in *d. L. 2.* agere tantum de duobus, non autem de eo, quod capitur in causam iudicati. Sed sententia Iustiniani, & conditionum refragatur. Nam pignus ex causa iudicati non minus occupari & possideri debet, quam id quod ex causa missionis constituitur: ut proinde non minus quam de aliis, etiam de eo querendum fuerit, an amissa eius possessione actio hypothecaria de eo danda sit creditori. Et de eo Iustinianus constituit: significatio autem & origo verbi intelligitur ex definitione prætorie stipulationis. Ea definitur esse, quæ ex mero prætoris officio proficiscitur. *L. 5. D. de verb. obi.* Prætoris, idest, magistratus officio, idest iussu & auctoritate. Si ea stipulatio, quæ iussu magistratus interponitur, recte prætoria appellatur, & ex usu veterum: consentaneum est, & id pignus, quod iussu magistratus constituitur, recte prætorium appellari; ut scilicet, quibus eandem definitionem nominis tribuimus, iidem & idem definitum nomen tribuatur.

Non tamen laborarems de verbo, si de verbo tantum esset questio. Nam dum res intelligeretur, facile pateretur unumquemque suis verbis uti. Nunc autem ut pignus ex causa iudicati captum prætorium appelletur, agitur in eo & de sententia legum, & de re ipsa, Quam ob causam hoc verbum urgemus. Retinenda est autem

Tom. IX.

hæc appellatio quatuor de causis: Primum, ut retineamus definitionem Iustinianam, quæ est in *d. L. 2.* consentientem cum usu & consuetudine loquendi veterum. Quam definitionem everti necesse est, si aliquid pignus a iudicibus datur, & tamen non est prætorium. Deinde, ut retineatur etiam eiusdem loci divisio in pignoribus constitutis: quam & ipsam vitiosam esse oportet, si erit aliquid pignus, quod neque conventionale sit, neque prætorium. Tum vero, ut verbo prætorii pignoris admodum intelligamus in re esse, quod verbum significat: nempe pignus ex causa iudicati capi, non cuiusvis iudicis auctoritate, sed solum iussu prætoris, idest magistratus, cuius sit de ea re de qua iudicium factum est, iurisdicito. *L. 1. infr. si in cau. iud.* Postremo ut intelligamus, quæ sub hoc titulo constituta sunt de prætorio pignore, item sibi, pertinere etiam ad id pignus, quod ex causa iudicati captum sit.

Nonnulli tamen aliter docent: negantque pignus, quod in causam iudicati capitur, dici prætorium, atque ita disputant. Aitunt pignus prætorium esse quod ex causa missionis constituitur, & probant ex *L. missio, D. pro empt. L. qui legati, sup. ut in posses. legator.* quibus in locis dicitur pignus ex causa missionis constitutum prætorium esse. Si hoc intelligant, pignus, quod constituitur ex causa missionis, esse prætorium, non negamus; neque de eo controversia est. Sed si hoc dicunt esse solum prætorium pignus, id male ex superscriptis locis colligunt. Non enim si hoc pignus est prætorium, ideo solum prætorium est. Nam & homo animal est: neque ideo recte colligitur eum solum esse animal: cum & brutum quoque sit animal. Deinde sic argumentantur. Pignus prætorium dicitur ex eo, quod iure prætorio, sive edicto constituitur. Pignus autem quod in causa iudicati capitur, non constituitur, neque permittitur edicto, sed constituitur extra ordinem, ut probant ex *L. si pignora, D. de evict.* Ergo hoc pignus non est prætorium. In hac argumentatione nescio quid potissimum improbum, utrumque, propositionem, an assumptionem, an magis assumptionis probationem. Primum nullo modo concedendum est, pignus prætorium dici ex eo, quod iure prætorio conceditur. Idque evidenter probatur exemplo conventionalis pignoris. Nam aliquot ita ratione dicere liceret conventionale pignus esse prætorium. Constituitur enim iure prætorio: certe de eo solum iure prætorio coq-

Cccc

coq-

constituitur actio *L. si tibi decem, §. de pig. D. de pact.* Atqui id pignus omnium confessione non est prætorium. Non ergo profecto prætorium pignus dicitur ex eo, quia constituitur solum iure prætorio. Dicent pignus conventionale edicto prætoris constitui, sed non nisi conventionem debitoris præcedente: ex qua conventionem, tanquam proxima causa, pignus conventionale appelletur. Accipio solutionem, & acceptam illis repono. Similiter enim & pignus prætorium, quod constituitur edicto, non constituitur, nisi iussu magistratus præcedente, eaque causa est proxima huius pignoris, quam deinde edictum confirmat. Ergo ut ex conventionem dicitur pignus conventionale, quamvis edicto constituitur; sic ex iussu magistratus & prætoris dicitur prætorium pignus, quamvis constituitur edicto. Quod si concederemus pignus prætorium ex eo dictum esse, quod iure prætorio & edicto constitueretur; tamen hac ipsa ratione efficeretur etiam pignus ex causa iudicati captum prætorium dici oportere. Nam & hoc non minus permittitur edicto, quam illud, quod constituitur ex causa missionis in possessionem: quod illi negant in assumptione.

6. Constat tamen de actione iudicati propositum fuisse edictum prætoris, ut condemnatus pecuniam solvere cogeretur, ut indicant fragmenta eius edicti, quæ exstant in *L. 4. §. ait prætor, & L. 3. D. de re iud.* Actio autem iudicati proponitur a prætore rei iudicatæ exsequendæ causa, id est, ut pignora in eam causam capere liceat, & distrahere, ut colligitur ex *d. L. 4. §. si ex conventionem, D. de re iud. L. 1. infr. si in cau. iud. L. 1. sup. de exse. rei iud.* Quare & hoc pignus ex edicto capitur, non minus, quam superius. Neque contrarium præbent ex *L. si pigora, D. de evict.* ubi scriptum est, pignora extra ordinem distrahi per apparetiores. Si extra ordinem, inquit, non ex edicto. Sed observare debuerunt, illuc agi de pignoribus distrahendis, non de pignoribus ex causa iudicati capiendis & constituendis. Distrahuntur pignora extra ordinem: quis quod sit iudicio & actione proposita, id ordine, id est usitate fieri dicitur. Quod autem magistratus sine iudicio exsequitur vi & manu tanquam dominus, id extra ordinem essequitur dicitur, id est, extra consuetum magistratus morem, ut colligitur ex *L. 3. D. ne vis fiat ei.* At pignora distrahuntur per apparetiores vi & manu: ideo extra ordinem distrahi dicun-

tur; cæterum ab initio capiuntur actione iudicati instituta, qua consequitur ereditur, ut nisi condemnatus pecuniam solvat, sibi liceat res eius pignori capere. Hoc vero fit ordine, non extra ordinem. Postremo sic argumentantur: Pignus ex causa missionis constitutum est prætorium: differt autem multis modis ab eo pignore, quod in causa iudicati capitur. Ergo hoc posterius non est prætorium. Accipe argumentum istius similitudinis: Homo est animal, differt autem homo multis modis a bruto; atque adeo toto genere contrarius est. Ergo brutum non est animal. Quod si diceremus, omnes nos irriderent, uti Dialecticis ne imbutos quidem. Species eidem generi subiectæ non tantum intra se differunt, sed etiam veræ sint, sunt contrariæ: ut in specie recte dicatur, unam non esse id, quod est altera. Sed quod ad summam generis attinget, utraque est idem. Homo animal est: & item brutum animal est. Sic pignus ex causa missionis non est id, quod capitur ex causa iudicati: sed nihilominus utrumque prætorium est, quia prætoris iussu constituitur.

Summa huc redit, ut intelligamus etiam iussu magistratus pignus constitui, non tantum debitoris voluntate. Hoc pignus constitui ex duobus generibus causarum: altero, cum quis a magistratu mittitur in possessionem ex his causis, ex quibus mitti solet in possessionem: altero ex causa iudicati. Quod utrumque quoniam a magistratu solo constituitur, qui per se necdochen prætor appellatur in usu inris; ideo prætorium appellamus.

Quid tamen ergo, si a magistratu municipali pignus caprum sit in causa iudicati: an hoc quoque prætorium recte dixeris? puto recte dici posse, ut intelligatur id, quale a prætore in simili re capi solet. Nam & alii magistratus, quam prætor, mittunt in possessionem bonorum, ut præfides, proconsoles, legati proconsulum; & nihilo minus pignus hic constitutum dicitur prætorium: constituitur enim pro eo officio, quod esset prætoris in urbe.


Sed tamen non est satis iussisse magistratum ex his causis rea debitoris capi, nisi etiam creditor eas res iussu prætoris occupari: idque utriusque generis commune est. *L. non est mirum, D. de pig. act. L. 3. §. 1. D. de reb. cor. L. 2. L. cum rem pub. sup. qui pot. in pig. hab.* Unde intelligimus, prætorium pignus a conventionali distare duabus rebus: constitutis persona & constituendi modo. Constituentis persona; quia conventionale con-

con-

constituitur ab eo tantum, cuius in bonis res est *L. quæ prædium, sup. de alie res.* Prætorium constituitur iussu magistratus, qui dominus non est. Constituendi modo, quia conventionale sola conventionie constituitur, quamvis res tradita non sit creditori; *L. 1. in pr. D. de pig. act.* prætorium non aliter, ut dixi quam si creditor possessionem rerum occupavit. Ex quo sunt illæ dubitationes, quæ hoc tit. deciduntur.

9. Una t. hæc, an iudicæ possint pignus prætorium ex supra scriptis causis constituere, non tantum in rebus immobilibus, sed etiam in rebus mobilibus, nec tantum in corporalibus sed etiam in actionibus. Dubitatio nascitur ex verbis eorum edictorum quibus pollicentur prætores se supra scripta pignora constituturos. Nam ex priore specie pollicentur se in possessionem missuros, sive se in possessionem ire iussuros. *L. 1. § L. 2. D. quib. ex caus. in poss. est.* Quæ verba cum significant motum ad locum, aperte ad res soli pertinent, non ad res mobiles. Ex posteriori specie fit potestas rerum pignori capiendarum *L. 1. infr. si in cau. iud.* Capiantur autem res, quæ tangi possunt, id est, corporales. Incorporales, ut non tanguntur, sic nec capi possunt. Hinc ut dixi, dubitatio: an istarum quoque rerum possessio & pignus possit tribui iussu magistratus. Iulianianus constituit posse in *L. 1. hic.* Verba quidem defuncta: sed, & in rebus mobilibus, & in actionibus eadem ratio est, quæ in corporalibus & immobilibus: proinde recte ius idem constituitur arg. in *L. ult. supr. de const. pec.* Alie-

ra t. questio est, an amissa possessione prætorii pignoris, danda sit creditori pignoris pericatio. Nascitur dubitatio ex eo, quod hoc genus pignoris ita constitui diximus, si occupetur a creditore. *L. non est mirum, D. de pig. act. L. 2. supra, qui pot. in pign.* Ex quo sic recte colligi videbatur: Ex his generibus primum tribuitur possessio, deinde per possessionem pignus; igitur possessione, ut re principali amissa, non est pignoris accessio locus. *L. 2. D. de pec. L. cum principalis, D. de reg. iur.* Item quibus quidque modis contrahitur, iidem in contrarium actis dissolvitur. *L. fere, D. de reg. iur.* Prætorium pignus possessione constituitur, ut diximus: quare & amissa possessione idem dissolvitur, d. *L. fere, D. de reg. iur.* Adversus has dubitationes constituitur in *L. ult. hic.* prætorio pignore semel constituto eandem vindicationem creditori tribui, quæ tribuitur iis, qui pignus ex conventionione habent: & recte. Non enim obstat, quod diximus in hoc genere pignorum pignus ex possessione nasci. Nascitur ex possessione, sed non sola. Constituitur etenim & animo creditoris, qui possessionem occupando, eo animo est, ut & pignori rem habeat. Proinde pignus hoc modo constitutum non amittitur amissa possessione, nisi & animus recedendi a pignore accesserit. Nec verum est pignus in his causis constitui per consequentiam ex possessione. Duo enim principaliter ex hoc genere constituntur, possessio, & pignus: Et fit, ut uno amissa, nihilominus alterum retineatur, iuxta *L. si mihi eo, D. de ser. rust. prad.*



A D T I T U L U M XXIII.

COD. SI IN CAUSSA IUDICATI PIGNUS CAPTUM SIT.

Ad L. Res. 1.

Res ob causam iudicati datas eius iussu, cui ius iubendi fuit, pignori iure teneri, ac distrahi posse, sepe rescriptum est. Nam in vicem iustae obligationis succedit ex causa contrarius auctoritas iubentis. PP. V. Kal. Aug. Roma, Antonino A. IV. & Balbino Coss.

*Ad L. Cum. 2.**Imp. Alexander A. Valeriano.*

Cum in causa iudicati aliqua res pignori capitur: per officium eius qui ita decrevit, venundari solet, non per eum qui iudicatum fieri postulavit. Et si alio emptore non existente, vel existente quidem, sed non dignum precium offerente, is cui iudicatus satis non fecit, ad licitationem secundum constituta fuerit admissus: cuiuslibet alterius vice ex officio emere debet. PP. VI. Kal. Maii, Maximo II. & Aeliano Coss.

*Ad L. In causa. 3.**Imp. Gordian. A. Antigono.*

In causa iudicati pignora ex auctoritate praesidis capta, potius distrahi, quam iure domini possideri consueverunt; si tamen per calliditatem condemnati emptor inveniri non potest, tunc auctoritate principis dominium creditori addici solet. PP. Idib. Aug. Gordiano A. & Aviola Coss.

S U M M A R I A.

1. Pignus in causa iudicati captum, cum sit praetorium, cur distinguatur a superiore litale, quod est de praetorio pignore.
2. Pignus in causa iudicati captum quid differat ab altero praetorio, item a conventionali in iure vendendi pignoris.
3. Pignora in causa iudicati cum capta distrabantur per apparitores, cur magistratus dicatur rem cautequi extra ordinem.
4. Si pignus in causa iudicati captum non repetat emptorem, quid agendum.

1. Quod § distinguitur hic titulus de pignore in causa iudicati capto a titulo superiore de praetorio pignore, non est argumentum prius illud duxerat esse praetorium. Sic enim distinguitur, ut species a genere. Superiore titulo generaliter de omni praetorio pignore actum est; proinde & de pignore ex causa iudicati capto: ad quod potissimum dubitationes & decisiones superioris tituli pertinent. Hoc

titulo agitur de specie eius pignoris, cum pignus ex causa iudicati capitur: ideo separatim, ut exponatur ius, quod est in ea specie singulare, & eius proprium. Neque novum est propositis generalibus titulis, subici titulos de specie, aut contra, ut quid sit proprium in ea specie, cognoscatur. Tin. de pactis subiicitur titulus de transactionibus. Titulo de verborum obligationibus subiicitur titulus de stipulatione

ne fervorum, & de duobus reis. Et ne longius abierimus, Titulus, *Si aliena res pignori data sit*, distinguitur a generali subiecto; *Qua res pign. obligari possint*. Et hinc generali subicitur titulus, *Si pignus pignori datum sit*; qui sequitur. Item Titulo *De pignoris* subicitur isti de pretorio pignore, &, *Si in caussa iudic.* Quid autem continetur in hac specie pignoris, sic optime intelligitur, si cognoverimus, quid habeat hæc species cum priore specie commune; tum quid proprium distinctum a superiore specie, idemque a pignore conventionali. Huius speciei & superioris communia hæc sunt: in utraque constituitur pignus iussu magistratus. In utraque ita constituitur, si creditor pignus occuparit, ut superiore titulo ostendimus. Sed & ex priore specie creditor ipse pignus occupat: occupat item & ipse ex hac posteriore, ut aperte scriptum est in *L. 2. § L. cum rempubl. supr. qui pos. in pig. hab.*

At si speciei posterioris, de qua hic agitur, hoc est propriam. Nam pignus occupatum ex his caussis, ex quibus in possessionem mitti solet, non statim distrahi potest, neque semper, ut declarabunt singulæ caussæ, ex quibus fit missio in possessionem, quæ suis titulis declarantur. Notantur tituli in glossa *L. 1. D. quib. ex caus. in pos. eat.* Pignus vero ex caussa iudicati sic capitur, ut etiam distrahi possit, ut & possunt pignora conventionem constituta. *L. 1. hic.* Sed tamen & hæc distractio differt a iure distrahendi pignoris conventionalis. Pignus conventionale unusquisque creditor sua auctoritate recte vendit, *L. si cessante, inf. de distr. pign.*

Non item pignus ex caussa iudicati captum: id enim distrahi debet a magistratu per apparitores, ut cautum est in *L. 2. hic.* Præterea quia creditor pignus conventionale vendit, necesse est alium emptorem esse, quam ipsum creditorem. Neque enim idem creditor venditor esse potest & emptor. At quia pignus ex caussa iudicati captum, a magistratu distrahitur per apparitores: eo fit, ut creditor etiam ad licitationem & emptionem eius pignoris admittatur, & rem auferat ex auctione, si vel nullus alius emptor existat, vel existat, sed creditor pluri liciteatur. Hæc in *ead. L. 2. hic.*

Atque si hinc obiter notandum est, quod dicitur magistratus in hac distractione sententiam suam exsequi extra ordinem, ut in *L. si pignora, D. de evict.* quam recte videlicet id dicatur, non una de caussa. Scripti superiore titulo eo recte dici: quia magistratus rem capiens & distrahens per apparitores sententiam illo modo exsequatur manu & vi. Quod & verum est. Sed adde ex hoc loco hanc quoque causam alteram: quod in reliquis pignoribus ordinario & consueto iure tribuitur creditoribus ius pignoris distrahendi, a quo more & ordine cum discedatur in hac specie pignoris, quod a magistratu distrahitur per apparitores: merito distrahi dicitur extra ordinem. Sed si ex caussa iudicati pignus distrahitur, si reperitur alius quis emptor. Quid igitur, si fraude debitoris nullus emptor reperitur? Creditor ius domini impetrabit a principe, ut est in *L. ult. hic.* de quo dicitur proprio titulo *infr. de iur. dom. imp.*



A D T I T U L U M XXIV.

COD. SI PIGNUS PIGNORI DATUM SIT.

Ad L. Etiam. 1.

Imp. Gordianus A. Lamponi, & aliis.

Etiam id quod pignori obligatum est, a creditore pignori obstringi posse iamdudum placuit: scilicet ut sequenti creditori utilis actio detur, tandiuque eum is qui ius repræsentat, teneatur, quandiu in causa pignoris manet eius qui dedit.

§. Sed si vos ususfructum possessionis tantummodo pignori dedistis: isque qui accepit, alii ea possessionem cuius ususfructum nexum habebat, sine vestra voluntate pignoraverit: creditor eius, id in quo pignoris vinculum non consistit, distrabens, dominio vos privare nequivit. Quod si non fuit vestro creditori ususfructus, sed ipsa possessio pignorata, & ante exolutam a domino pecuniam creditor secundus pignus acceptum vendidit: non posse venditionem post solutam pecuniam rescindi, duorum principum placuit continetur. PP. Idib. Septembr. Pio & Pontiano Coss.

Ad L. Si creditor. 2.

Imp. Diocletianus, & Maximianus AA. Gemello.

Si creditor possessionem que a parentibus tuis pignoris iuri fuerat obligata, non vendidit, sed alii creditori pignori dedit: examinata fide viri, poteris eam soluto eo quod ex hac causa creditori debetur, intercessu præfidi provincie recuperare. PP. XIII. Kal. Ian. ipsi IV. & III. AA. Coss.

S U M M A R I U M.

1. Pignus pignori datum quid iuris in secundum

creditorem transferat.

Creditor rem sibi pignori obligatam alii creditori suo recte pignori obligat, & quod hic dicitur, pignus pignori dare potest. *L. 1. hic, l. grege, §. 1. D. de pig.* Huius § posterioris pignoris quæ vis sit, hoc titulo explicatur. Vis ea est, ut quantum primus creditor iuris habuit in pignore, tantum iuris in secundum transferatur, nihil amplius. Primus creditor hypothecariam actionem habuit ad rem vindicandam *L. pignoris sup. de pig.* Habebit igitur & secundus. *L. 1. in prim. hic.* Primus creditor iure suo potuit rem distrabere, ac re distracta emptio retractari non potest, neque a debitor, neque ab ullo alio creditore. *L. pen. & L. ult. sup. si antig. cred.* Idem iuris erit, & si secundus vendiderit, quantum debitor cum eo nihil contraxerit. *L. 1. in fin. hic.* Sed tantum vindicare potest, & distrabere secundus creditor, quantum primus potuit: nihil amplius, ut de-

claratur exemplo in *l. 1. hic.* Nam si primo creditori possessio pignori data sit, id est, fundus, & is eam pignori dedit: recte eam distrahit creditor. Sin ususfructus tantum primo creditori pignori datus sit, & is integram possessionem secundo creditori pignori dedit: frustra secundus creditor possessionem alienabit: quia nec posset alienare primus creditor. Plus autem iuris ille transferre non potuit, quam habuit. Tandiu quoque pignus secundi creditoris manet, quamdiu & manet ius primi creditoris. Ea res facit, ut si debitor pecuniam primo creditori solverit, eadem opera & pignus a primo creditore liberetur, & liberetur a secundo. A primo: quia illi solum est, & pignus solutione tollitur. *L. item, D. quib. mod. pig. vel hyp. sol.* A secundo: quia ille nihil amplius iuris habuit, quam quantum fuit penes primum creditorem. Hæc sententia est *L. ult. h. tit.*

AD TITU-

A D T I T U L U M XXV.

COD. DE PARTU PIGNORIS ET OMNI CAUSSA.

*Ad L. Partus. 1.**Imp. Alexander Mestriano.*

Partus pignorate ancille in pari causa esse, qua mater est, olim placuit. PP. Idib. Maii, Agricola & Clementino Coss.

*Ad L. Cum pignoris. 2.**Imp. Dioclet. & Maximian. AA. Annofo, & Antonino.*

Cum pignoris titulo mancipia vos obligasse pro mutua quam accepistis pecunia proponatis: horum mancipiorum operis quas creditor accepit, vel quas percipere posuit in usuras computatis & post in sortem: extenuato debito, residuum offerentibus, vel si non accipias, consignatum deponentibus, mancipia vobis praefer provinciae restituere iubebo. S. V. Kal. Ianuar. AA. Coss.

S U M M A R I U M.

1. *Re aliqua pignori obligata, etiam fructus, &**quaecunque inde edita pignori esse: & cur.*

RE certa & qualibet quavis specialiter pignori data, etiam quae ex ea re nascuntur, pignori esse intelliguntur, quavis de his nihil nominatim conveniat, veluti ancillae partus. *L. 1. hic, L. Paulus, §. 1. fideius. §. ult. D. de pig.* In eadem causa sunt fructus fundi, pecorum foetus *L. si convenerit, §. si fundus, D. de pig. alt. L. greges, in pr. D. de pig.* Non obstat, quod dicitur, nullam rem pignori esse, nisi quae gene-

raliter, aut specialiter pignori obligata sit. *L. quavis, 17. sup. de pig.* Nam & re aliqua principali obligata intelliguntur una obligatae singulae eius partes. Fructus autem omnes, & quaecunque ex re postea nata sunt, aliquando rei pignorate partes fuerunt; nempe tunc, cum rei, unde nata sunt, cohaerebant. *L. fructus, D. de rei vind. Lex ultima hoc titulo explicanda est ex L. 1. & L. 2. sup. de pig. alt. & L. creditor sup. de pig.*

Ad L.

A D T I T U L U M XXVI.

COD. DE REMISSIONE PIGNORIS.

Ad L. Si te. 1.

Impp. Severus & Antoninus AA. Proculo.

Si te manumissum, & in libertatem moratum sciente ea cui pignoris nomine obligatus diceris, præsidi probaveris: ex consensu creditricis remissam pignoris obligationem apparebit: & per hoc iure te manumissum, nec ab herede creditricis in servitutem peti posse, certum est. PP. XII. Kalend. Maii, Antonino A. II. & Geta. II. Coss.

Ad L. Si probaveris. 2.

Idem AA. Matreæ.

Si probaveris te fundum mercatum, possessionemque eius tibi traditam, sciente & consentiente ea quæ sibi eum a venditore obligatum dicit: exceptione eam removebis. Nam obligatio pignoris, consensu & contrahitur & dissolvitur. PP. II. Id. Febr. Antonino A. III. & Geta. III. Coss.

Ad L. Debitum. 3.

Idem A. Asclepiadi.

Debitum cuius meministi, quod per pacti conventionem inutiliter factam remisisti: etiam nunc petere non vetaris, & usitato more pignora vindicare. PP. VI. Id. Septemb. Gordiano A. II. & Pompeiano Coss.

Ad L. Si eo tempore. 6.

Impp. Dioclet. & Maximian. AA. Argio.

Si eo tempore quo prædium distrabebatur, programme admoniti creditores, cum præsentibus essent, ius suum executi non sunt: possunt videri obligationem pignoris amisisse. PP. III. Id. Febr. Maximo II. & Aquilino Coss.

Ad L. Creditricem. 7.

Idem AA. Paulino.

Creditricem patui tui sub obligatione fundi qui per chirographum nexu pignori fuerat, iubentem eandem cautionem reddi: pignoris etiam ius remisisse videri, manifestum est. PP. V. Id. Septemb. Diocletiano III. & Maximiano AA. Coss.

Ad L.

Ad L. Si hypothecās. 8.

Idem AA. & CC. Apollonio.

Si hypothecās fisco distrabente, creditores silentio tradiderunt negotium: palam est [etiam] actionem suam amisisse eos, quam in rem habebant, nam fiscalis huius fides facile convelli non debet. PP. XIV. Kalend. Septemb. ipfis IV. & III. AA. Coss.

Ad L. Solita. Ult.

Imp. Iustinianus A. Ioanni Praefecto praetorio.

Solita providentia nitimur etiam de pignoribus vel hypothecis rerum quibusdam creditoribus supposita, postea a debitoribus venduntur, vel alio modo transferuntur, creditore suum consensum contractui praebente, & quodam legitimo postea modo res ad priorem dominum revertuntur. In hoc etenim casu diversae sententiae a legum prudentibus habitae sunt, quibusdam dicentibus ius pignoris creditori renovari propter verbum futurarum rerum, quod in generalibus hypothecis poni solitum est, aliis penitus extingui. Nobis autem visum est, eum qui semel consensit alienationi hypothecae, & hoc modo suum ius respuit: indignum esse eandem rem, utpote ab initio ei suppositam, vindicare, vel tenentem inquietare. Dat. Constantinop. post consulat. Lampadii & Orestis. VV. CC. anno secundo.

S U M M A R I A.

1. Remissione pignus tolli, & remittere quid.
2. Quocumque modo declaratur consensus de remittendo pignore, ad liberandum pignus nihil refert, & quibus modis declaratur.
3. L. debitum, C. de rem pig. exposta.
4. Consentientem alienationi pignoris pignus remisse videri, cur, & quid hic consensus debeat.
5. Consensum in alienationem apertum requiri.

6. Causae tres, in quibus hypotheca scienti creditore alienata, pignus remissum videtur.
7. Rem pignori obligatam, remissa semel eius rei pignore, non recidere in obligationem pignoris, quovis rursus acquisita sit debitori, & eius bona omnia ante remissionem fuerint pignori obligata.

L. ult. C. de remig. pig. explicata.

Pignus citra consensum & remissionem creditoris non tollitur, quantumvis debitor rem obligatam alienavit, aut postea cum alio quovis creditore contraxerit. *L. penult. & L. 3. hoc tit.* Creditore tamen pignus remittente, statim eius consensus pignus solvitur. *L. 3. & L. 4. hoc tit.* Remittere pignus est voluntate sua a pignore discedere, seu consentire, ne res amplius pignori hypothecae sit, ut significatur in d. *L. 4.* Utrum hoc consensus ac remissione pignus tollatur ipso iure, an per exceptionem, *Tom. IX.*

disimus ad *L. maior, sup. de pig.* Quocumque tamen modo hic consensus declaratur, pignus liberatur. Semper enim idem consensus est. Declaratur hic consensus ac remissio tribus modis. Primum aperta conventionione de remittendo pignore, cum scilicet paciscitur creditor, ne res pignori sit, ne de pignore amplius agat. *L. solvitur, in pr. L. licet. §. 1. D. quib. mod. pig. vel hypo. sol.* quae pars dubitationem non habet. Secundo modo declaratur hic consensus conventionione de principali debito interpolata, seu principalis debi-

debiti remissione, cum creditor aut paciscitur, ut pecuniam petat, aut alio modo declarat voluntatem suam de debito remittendo, quocunque modo id faciat, *d. l. solvitur, in pr.* Huc pertinet *L. creditricem, hoc tit.* in qua pro certo ponitur creditorem videri ius pignoris remissile, si cautionem debiti debitori reddiderit. Hoc ideo; quia creditor cautionem reddendo debitori suo, conveire intelligitur, ne ab eo petat. *L. 3. D. de pacti.* Adeo autem verum est, remissione debiti principalis per consequentiam a pignore discedi, ut quanvis debitum inutiliter remittatur, tamen pignus tollatur a remissione: si modo is, qui debitum remittebat, pignus quoque remittere potuit, & voluit. Ut si proponas uxorem debuisse marito suo decem, & marito quasdam suas res pignori dedisse: si maritus hoc debitum uxori remittat, inutiliter remittit: quia ius prohibet donationem inter virum & uxorem. Sed nihilominus pignus liberatum erit: quoniam in pignore nulla donatio est: hoc Papinianus in hac specie in *L. 1. §. 1. D. quib. mod. pig. vel hyp. sol.*

3 Videatur tamen obstat huic sententiae *L. debitum, hoc tit.* ubi debitor per pacti conventionem inutiliter factam remisso, placet non tantum principalem obligationem manere, sed etiam pignora. Dicendum est conventionem inutiliter factam in eo scripto accipi debere, quæ vere & in totum inutiliter facta sit tam, de principali debito, quam de pignoribus. Quod tunc accidit, cum is creditor debitum remittit, qui nec debitum remittere potuit, nec pignus; sive neutrum voluit. Non potest remittere pupillus, minor viginti quinque annis, furiosus, prodigus. Non vult autem remittere utrumque, qui paciscitur aut deceptus dolo, aut coactus metu. Et ideo bene Accursius id rescriptum ad has species retulit, non repugnantibus, sed maxime consentientibus verbis. Non est in hac causa maritus, qui ut remittere uxori debitum voluit, & per debitum pignus: ita & potuit remittere, si non debitum, at certe pignus.

4 Tertio modo declaratur consensus creditoris de pignore remittendo, si venditioni, alienationi, oppignoratiōi hypothecæ consentiat. *L. 2. hic, L. si consensit, L. si voluntate, D. quib. mod. pig. vel hyp.* Hæc conventio & remissio etiam in hac specie & in superiore proxima colligitur non ex verbis, sed ex consequentia præcedentis consensus necessaria. Non enim potest debitum remitti, quin tollatur accessio pignoris. *L. in e-*

mibus speciebus, D. de solut. Non potest etiam creditor utiliter consentire alienationi pignoris, nisi pignus remittatur. Nam manente eadem causa pignoris licet creditori etiam iurto debitor rem alienare. *L. debitorem, sup. de pig.* Hinc ita voluntas colligitur. Voluit creditor, quod antecedit; voluit igitur, & quod necessario consequitur. Illud in hac specie tenendum est, venditionem & alienationem eam nos hic accipere debere, non de qua solum consenserit creditor, ut sequeretur; sed quæ etiam revera secuta sit, & cum effectu ita, ut nec solveretur; & præterea secuta eo modo, in quem creditor consensit. Nam aliquis aut non est alienatio, quam hic querimus, aut non intervenit creditoris consensus. Quibus rebus pariter efficitur, ut videatur creditor pignus consensu remissile, *L. sicut. §. supervacuum, L. 4. L. voluntate, D. quib. mod. pig. vel hyp. sol.* quem locum pluribus exposui in methodo huius argumenti sub tit. *quib. mod. pig. vel hyp. sol.* Ex hoc potestremo modo remittendi pignoris questio uana est, si debitor pignus alienet sciente creditore, neque aperte consentiente alienationi, neque rursus aperte dissentiente: an videatur silentio suo alienationi consentisse, atque ita pignus remissum esse. Et placuit non videri, sed ut pignus remittatur, oportere creditorem aperte consentisse alienationi. *L. sicut, §. non videtur, D. quib. mod. pig. vel hyp. sol.* Et ita quod in *L. 2. hic*, dicitur, pignus removeri, si sciente & consentiente creditore pignus alienatum sit, hoc verbum *consentiente*, per emphasis dictum accipere debemus, ut sit, aperte & nominatim consentiente; quandoquidem scientia creditoris sola non sufficit.


Sed hoc loco tres species rerum excipiuntur, in quibus res alienata sciente creditore silentio creditoris solum pro consensu habetur, & pignus remittitur. Primum servi sciente creditore manumissi: de quo scriptum est in *L. 1. hic*. Hoc propter favorem libertatis. Deinde res omnes venditæ sciente creditore, de quibus creditor publico programme administratus est eas vendi, neque ius suum exerciturus est: de quo in *L. si eo tempore, hic tit.* Publicum programma sunt literæ publicæ & palam proscriptæ & propositæ, quibus continetur res illius debitoris vendi, & admonentur creditores, ut si qui putent eas res sibi obligatas esse, adfint, quod intelligitur ex *L. sed si pupillus, §. 1. D. de iustit. act.* In hac specie placet creditores præsentem programme ad-

moniti-

monitos videti pignori renuntiasse, ne eorum fraudulenta dissimulatio emptoribus noceat; qui si scivissent, rem aliis pignori obligatam esse, non emisissent. Postremo excipiuntur res, quæ a fisco venditæ sunt sub hâc scientibus creditoribus, ut est in *L. si hypothecas, hoc tit.* Quibus verbis intelliguntur crediores, qui sciverunt res a fisco vendi. Et hoc propter favorem fisci, ut eadem lege declaratur.

7 Remissionis † pignoris hæc vis est, ut pignore semel remisso voluntate creditoris, eadem res non recludat postea in pignoris obligationem sine nova pignoris conventionē, quanvis creditor eius rei dominium denno postea acquisierit, & quanvis res suas omnes obligaverit creditori, & quas habet, & quas postea acquiriturus est. Quod postremum effectum est constitutione Iustiniani in *L. ult. hic.* Sed videtur prima fronte inique constitutum. Nam quæ res verbis generalis obligationis continentur, eadem etiam obligatione pignoris continentur. Atqui hic res postea a debitorē quæsitæ verbis obligationis generalis continentur, est enim ex his rebus, quas debitor postea habuit: ergo & ea continentur obligatione generali pignoris. Sed verum non est, quidquid verbis obligationis generalis continetur, id etiam obligatione pignoris contineri, nisi contineatur sententia quoque contrahentium. Unde dicimus obligatione generali pignoris non contineri eas res, quas verisimile est aliquem specialiter obligaturum non fuisse. *L. obligatione, D. de pig.* Iam vero in proposito ita est res, de qua quæritur, quæ de novo acquisita est debitori, ut ver-

bis quidem generalis obligationis continetur; sed non contineatur ex sententia contrahentium. Est enim excepta postea remissione creditoris, dum is consensit, ut liceret debitori eam alienare. Sed & hic rursus nobis occurreret. Hæc res desit obligata esse, quia alienata est. Quare si redierit postea in bona debitoris, restituetur etiam pignus, quia causa cessante cessare debet effectus. *L. quod dictum, D. de pact.* Sed nec hoc verum est, hic pignus ideo extinctum esse, quia res alienata sit: imo ideo extinctum est, quia creditor rem pignoris obligatione eximi voluit. Proinde nec redibit in eam obligationem sine contraria debitoris & creditoris voluntate. Bene igitur superius illud a Iustiniano constitutum est. Sed animadvertendum est, hoc dictum esse a Iustiniano de ea re a debitorē consensu creditoris alienata, quæ ad debitorem postea reversa est legitimo modo. Ubi legitimo modo reversam intelligere debemus, quæ rediit ad debitorem sine ulla fraudis suspitione. Id enim referri debet ad id, quod placuit, ubi debitor rem recipit non sine suspitione fraudis, non videri pignus remissum, quasi nec vere alienatum fuerit, atque id tunc evenire, cum debitor rem alicui vendidit, & eandem postea ab eo recepit. Sic autem rem cedere suspitione, ut res recepta non redeat in obligationem pignoris, si proponas debitorem successisse ei, cui prius rem vendiderat, aut eam rem debitori legatam esse, quæ sententia est *L. ficut, §. supervacuum, D. quib. mod. pig. vel hyp. sol.*



A D T I T U L U M XXVII.

COD. ETIAM OB CHIROGRAPHARIAM PECUNIAM PIGNUS TENERI POSSE.

Ad L. unica Pignus.

Imp. Gordianus A. Felfo.

Pignus intercidit, si novatione facta, in alium ius obligationis transmissum, nec ut ea res pignoris nomine teneretur, tibi cautum est. Quod si pactum inter te, eumque, qui postea dominus fundi constitutus novam obligationem susceperat, intercessit, ut idem fundus tibi pignoris nomine teneretur: quamvis personali actione expertus feceris condemnationem, pignoris tamen habes persecutionem. At si in possessione fueris constitutus: nisi ea quoque pecunia tibi a debitore reddatur, vel offeratur, quæ sine pignore debetur: eam restituere propter exceptionem doli mali non cogaris. Iure enim contendis debitores eam solam pecuniam, cuius nomine ea pignora obligaverunt, offerentes, audiri non oportere, nisi pro illa etiam satisfeceris, quam mutuam simpliciter acceperunt, quod in secundo creditore locum non habet: nec enim necessitas ei imponitur chirographarium etiam debitum prioris creditori offerre. PP. Idus Martii Gordiano A. & Aviola Coss.

S U M M A R I A.

1. *Chirographaria pecunia quæ.*
2. *Novatione voluntaria pignus tolli: si tamen interposita sit hac lege, ut eadem res sit pignori: pignus cum eadem prerogativa temporis renovatum videri.*
3. *Novatione necessaria, seu litis contestatione pignus non solvi.*
4. *Etiam ob chirographariam pecuniam, quæ peti potest, retineri postea a creditore id pignus, quod ei in aliam causam obligatum erat: & quo iure.*
5. *L. solutum, §. si sortem, D. de pig. act. explicatur.*

HUius rescripti duæ sunt summæ questiones, de quibus consultus fuisse videtur Gordianus Imperator. Prior est, an novatione qualibet pignus solvatur. Altera; an pignore manente possit id pignus retineri a creditore, non tantum in eam summam, in quam nominatim obligatum est a debitore, sed etiam in chirographariam pecuniam ab eodem debitore eidem creditori debitam. Chirographariam ꝑ pecuniam titulus vocat, quæ in rescripto dicitur accepta esse sine pignore, item accepta simpliciter: in illis verbis; *At si in possessione*: ut intelligamus chirographariam dici, quæ chirographo tantum cauta est; non etiam pignore.

De ꝑ novatione sic constituitur hoc loco; interesse, utrum voluntaria sit novatio, an necessaria. Novatione voluntaria pignus intercidere; sed ita, si in novatione facienda non convenerit ut eadem res

pignori esset creditori in novam obligationem; diversum esse, si id convenerit. De novatione idem traditur in *L. solutum, in princ. D. de pig. act.* Et habet hanc rationem; quia novatione principalis obligatio tollitur. *§. præterea, Inst. quib. mod. toll. obl.* Dissoluta autem obligatione principali etiam liberantur accessiones, ut pignora, *L. in omnibus speciebus, D. de solut. L. item, D. quib. mod. pig. vel. hyp. sol.* Quod de conventionione superiore diximus, idem traditur in *d. L. solutum, D. de pig. act.*

Et adeo verum est ea conventionione renovata eandem rem pignori teneri creditori, ut etiam cæteris creditoribus in ea præferatur, uti ex priore obligatione præferretur; quia ex hac conventionione creditor in locum suum succedit. *L. creditor, §. Papinianus, D. qui pot. in pig. hab.* huc pertinet *L. 1. sup. si antiq. cred.*

De-

Declaratur hoc ins in hoc rescripto exemplo facti huiusmodi. Primus debitor censum a creditore accepit, & ei fundum Tusculanum pignori obligavit. Cum debitor huic fundum vendere vellet alii, placuit, ut qui empturus erat, ita emeret, si obligationem venditoris, eiusdemque primi debitoris in se susciperet, & ita cum liberaret, quod & factum est. Itaque creditor eam pecuniam, quæ a Primo debebatur, sibi dari ab emptore stipulatus est novandi animo: sed hæc lege, ut idem fundos etiam nunc sibi in eam obligationem pignori esset. Dicimus, quavis sine ista conventionione extinctum esset ius pignoris, tamen ea adiecta, in novatione facienda manere pignoris obligationem, & eandem prærogativam in pignore, quæ fuerat. Hæc ¶ dicta sunt de novatione voluntaria. At necessaria novatione interveniente non minus pignus perfeverat, quam ante. Necessaria novatio fit, cum creditor personali actione expeditur iudicio adversus debitorem suum de ea pecunia, in quam pignus obligatum erat, & debitor condemnatus est: ubi scilicet prior obligatio, quæ tenebatur, transfunditur in novam obligationem & actionem iudicati, *L. aliam, D. de novat.* de qua dicetur postea suo loco. Hæc condemnatione, & ut diximus, novatione non tollitur pignus, *L. solutum, in prin, D. de pig. act.* quoniam iuris concessio meliorem creditoris conditionem facere solet, non deteriorem, *d. L. aliam, de novat. L. non solet, L. nemo enim, D. de regul. iur.* Hoc est, quod illis verbis rescripti significatur: *quavis personali actione expertus feceris condemnationem, pignoris tamen habes perfectionem.* Quibus similia verba iam supra legimus, & interpretati sumus, in *L. quavis, §. de pig.* Atque hæc de novatione, de qua est prior pars huius rescripti.

¶ Quod ¶ ad posteriorem questionem attinet, ita definitur hoc rescripto: pignore manente, creditorem persecutionem pignoris habere duntaxat in eam summam, in quam nominatim id pignus obligatum est; retentionem autem pignoris non tantum in supra scriptam summam, sed etiam in omnem aliam quæ ab eodem debitore eidem creditori line pignore debeatur. Hic quaeritur, quo iure creditor rem debitoris retinere possit sibi non obligatam? Et additum est in rescripto, *creditorem id consequi exceptione doli mali debitori opposita.* Quaeritur, in quo nascatur hæc exceptio. Respondeo, in eo, quod debitor a creditore sibi restitui rem pignori

obligatam postular, & ita sibi a creditore solvi, cum ipse noit creditoriolvere, quod ei debet. Ita enim postulat in creditorem ius statui, quo ipse uti non vult, contra equitatem naturalem, & illam partem edicti, *Quod quisque iuris in aliam statuerit, ut ipse eodem iure utatur.* Titul. *quod quis, iur. D.* Sed debita chirographaria pecunia hic accipere debemus, quæ vere debita sit, ut & peti possit, qualis est mutua: talis enim exigitur illis verbis: *nisi pro illa etiam satisfecerint, quam mutuum simpliciter acceperunt.* Alioqui contra erit; & ideo si debitor, qui in fortem & viuras minores fundum obligaverat, postea maiores viuras pacto tantum promiserit sine pignore: placuit in maiores illas pignus retineri non posse, *L. per retentionem, supr. de usur.*

Utiunque ¶ tamen pecunia chirographaria debita fuerit, oblat hæc constitutio *L. solutum, §. si in fortem, D. de pig. act.* ubi traditur, si debitor fortem & viuras debeat, & in unam summam ex his pignus duntaxat obligatum sit, ea summa soluta pignus in alteram summam non teneri, sed illam competere debitori pignoratitiam actionem. Respondebimus duobus modis. Primum, illum locum sic recte interpretari nos posse, ut pignus obligatum sit in alteram summam duntaxat: nempe hoc expreßo, ut in eam summam duntaxat obligetur. Præterea & hoc modo, ut quod dicitur in hoc rescripto, pignus in unam summam obligatum, in alteram summam retineri posse, sic accipiendum sit: si altera summa postea credita sit sine pignore. Quod si cum pignus in unam summam dabatur, utraque summa iam debebatur, ut accidit, cum & fors & usure debentur; dicendum est, quod scribitur in *d. §. si in fortem:* nimirum pignus in unam summam obligatum, in alteram teneri non posse, optima ratione, quod qui in unam dedit, is alteram exceptile intelligitur, arg. in *L. si cum dote in prin. D. solut. mat. L. maritus, supr. de prec.*

Sed hæc retentio pignoris creditori comparata est duntaxat adversus debitorem rem suam repetentem; non item adversus creditores quibus postea eadem res obligata sit, ut dicitur in extremo huius rescripti. Quo exemplo recte placet in gloßa ultima, idem de omnibus extraneis postessoribus dicendum esse, ad quos ea res pervenerit. Et merito: nulla enim talis doli exceptio illis obici potest, qualem debitori obici posse diximus.

AD TITU-

A D T I T U L U M XXVIII.

COD. DE DISTRACTIONE PIGNORUM.

Questionem huius tituli propriam cognosce ex L. 4. & seqq.

Ad L. Fundum. 1.

Imp. Alexander. A. Pacatz.

Fundum pignori obligatum si creditor ex fructibus debitum consecutus est, eum ipso iure pignus ab obligatione liberatum sit, distrabere minime potest. PP. Idib. Ianuar. Maximo II. & Aeliano Coss.

S U M M A R I U M.

1. Non potest distrabere pignus creditor, qui de-

bitum ex fructibus consecutus est.

Quod creditor ex fructibus rei pignorate percipit, id in sortem imputatur & eatenus debitum exonerat, & simul compensatione eatenus liberat debitorem, L. 1. & L. 2. *sup. de pig. act. L. ult. sup. de par. pig.* Proinde si tantum ꝑ ex fructibus creditor consecutus est, quantum illi debebatur, obligatio soluta

est, & ea solutione simul pignus liberatum, L. item, D. *quib. mod. pig. vel hyp. sol. L. in omnibus speciebus. D. de solut.* Pignore hoc modo liberato efficitur id, quod iude colligitur hoc rescripto, pignus id a creditore postea frustra distrahi: non enim distrahi pignus potest, quod pignus esse desit.

Ad L. Creditor. 2.

Idem AA. Maximæ.

Creditor, qui hypothecæ seu pignori rem sibi nexam vendidit, litigiosam rem non videtur vendere, quia precario debitor possidet. PP. XII. Kal. Octob. Maximo II. & Aeliano Coss.

S U M M A R I A.

1. An creditor pignus iure distrabat, quod debitor a creditore precario possidet, & qua dubitandi ratio.

2. Litigiosa res, non de qua controversia est inter aliquos, sed de qua lis est iudicio mota.

Ius est, rem litigiosam vendi non posse, L. 1. & *res. sis. inf. de litig.* Hinc ꝑ quælitum, si forte creditor fundum sibi pignori obligatum precario possidendum reddiderit debitori: deinde debitore non reddente, aut etiam de pignore controversiam faciente, creditor eum fundum vendat; an recte vendat iure pignoris; an vero non recte, quasi videatur rem litigiosam vendere. Rescriptum est non vi-

deri hic rem litigiosam, tamen si debitor eam rem precario possideat. Adde amplius non videri litigiosam, etsi debitor neget rem pignori esse; aut interdicit creditori, ne vendat, vel emptori, ne emat, L. 1. *infra. de litig.* & recte. Non ꝑ enim est res litigiosa, uti ea, de qua lis mota est iudicio, d. L. 2. & *Auth. seq. inf. de litig.* quod in proposito non accidit.

Ad L.

Ad L. Hypothecis. 3.

Idem A. Luciano.

Hypothecis, vel pignoribus a creditoribus venundatis, in id quod deest, adversus rem, vel fideiussorem eius actio competit. PP. III. Non. Novemb. Maximo II. & Eliano Cosi.

S U M M A R I U M.

1. *Creditor districtione pignorum non amittit ius*

exigendi reliqua.

IN *L. creditor qui non, D. si cert. pet.* ita definitur: creditor, § qui non idoneum pignus accepit, non amittit exactionem eius debitæ quantitatis, in quam pignus non sufficit. Adde ex hoc rescripto, non amittere eum hanc exactionem, etsi pignora distraxerit, ex quorum pretio debitum consecutus non sit. Recte: nam si pignoribus non distractis hanc exactionem habuit: necesse est, habeat & pignoribus distractis, quam ea districtione non amissa. Non debet autem videri ista distra-

ctione quidquam amisisse: cum pignorum distractio pro creditore sit, non contra creditorem: absurdum sit autem, quod in hoc comparatum sit, ut alicui profit, id illi nocere. Sed hæc erat causa dubitationis, quasi creditor pignorum perfectionem & districtionem eligendo, videretur alii iuri suo renuntiasse. Quod non ita est, nullum enim in hoc facto renuntiationis creditoris argumentum est. De qua re vide plura ad *L. quanvis. 8. supr. de pign.*

Ad L. Creditor. 4.

Idem A. Crescenti.

Creditor hypothecas, sive pignus cum proscrit, notum debitori facere, & sibi bona fide rem gerere, & quando licet, testato dicere debet. Si quid itaque per fraudem in pignore velle venditæ commissum probare potes: ut inferatur actio, quæ ea nomine competit: adi eum, cuius de ea re notio est. PP. Kalend. Iun. Fusco & Dextro Cosi.

Ad L. Si residuum. 5.

Idem A. Sossiano.

Si residuum debiti paratus es solvere, præfes provincie dabis [tibi] arbitrium apud quem quantum sis quod superest ex debito examinabitur, & sive ad iudicem venire adversa pars cessaverit, sive oblato superfluo ad venditionem profueris, improba alienatio proprietatis tue ius non aufert. PP. XII. Kalend. August. Pompeiano & Peligno Cosi.

Ad L. Quamdiu. 6.

Imp. Gordianus. A. Rogato.

Quamdiu non est integra pecunia creditori numerata, etiamsi pro parte maiore eam consequutus sit, distrabendi rem obligatam non amittit facultatem. PP. XIII. Kal. Sept. Pio & Ponsiano Cosi.

Ad L.

Ad L. Si cessante. 7.

Idem A. Caro.

Si cessante solutione, creditor non reluctantē lege contractus, ea quæ sibi pignori nexa erant, distraxit: revocari venditionem iniquum est: cum si quid in ea re fraudulenter feceris: non emptor a te, sed creditor conveniendus sit. PP. V. Kal. Novemb. Pio & Pontiano Coss.

Ad L. Si priusquam. 8.

Idem A. Maximo.

Si priusquam distraberetur pignoriata possessio, pecuniam creditori obtulisti, eoque non accipiente, facta contestatione eam deposuisti, & hodie quoque in eadem causa permansit, pignoris distractio non valet. Quod si priusquam offerres, legem venditionis exercuisti, quod iure substituit, revocari non debet. PP. III. Nonas April. Gordiano A. & Aniola Coss.

Ad L. Quæ specialiter. 9.

Impp. Diocletian. & Maximian. AA. Cillo.

Quæ specialiter vobis obligata sunt, debitoribus deestantibus solutionem, bona fide debetis, & solemniter vendere. Ita enim apparebit, an ex precio pignoris debito satisfieri possit. Quod si quid deerit: non prohibemini cetera etiam bona iure conventionis consequi. PP. XIII. Kalend. Iun. Diocletiano III. & Maximiano AA. Coss.

S U M M A R I A.

1. Pignus distrahere licere invito debitori, & citra conventionem.
2. Licere distrahere, etsi conveneris, ne distrahere liceret, quando & quatenus: & cur nihil hoc obstat conventioni.
3. Pignus statim vendi posse cessante debitore.
4. Oblationem pecunie solam non impedire distractionem pignoris in pecuniis privatis: in vengalibus contra.
5. L. ult. C. de iur. d-m. imp. non impedire, quinimodo pecunia non soluta pignus statim distrahat.
6. Nec parte debiti soluta ideo impediri totius pignoris distractionem.
7. Bona fide & solemniter pignus vendi debere, & hoc quid sit.
8. Pignus a creditore nec bona fide, nec solemniter distracto venditionem nubilant valere, dum emptor fraudis participi non sit: sed actionem esse adversus creditorem in id, quod debitoris interest.
9. Vendito pignore dominium in emptorem transferri, & quo iure.
10. Vendito pignore venditionem revocari non posse: extra quam si venditum sit a creditore, hi debitoris oblato pretio recipere licet rem suam, quæ hinc debitori actionis ad rem recuperandam.

Horum sex rescriptorum summa ad unam sententiam refertur. Explicant enim, quodnam sit ius creditoris in pignore distrahendo. Itaque de his, quantum huic loco conveniat, coniunctim dicemus. De iure creditoris in distrahendo pignore quatuor hæc quaerenda sunt.

Primum, an possit creditor suo iure pignus distrahere etiam invito debitore. Secundo loco, si potest, quando possit, utrum statim, & cum videtur, an illi aliquod tempus expectandum sit. Tertio, quid in pignore distrahendo observare debeat. Postremo quæ sit vis huius venditionis. De †
primo

primo sic statuemus, creditori pignus distrahere licere. *L. si cessante, hic.* Et quidem licere invito debitor, quæ sententia est tituli proxime sequentis. Plus dicimus, si forte eiusdem debiti nomine plures res creditori pignori obligatæ sint, esse in arbitrio creditoris ex illis rebus, quibus velit distractis, ad eas suas pervenire. *L. creditoris, D. eod. tit.* una hac specie excepta, si cui universa bona pignori obligata sint, & quædam ex his specialiter, ubi placet temperari ita iurisdictionem, ut de his, quæ specialiter obligata sunt, prius agi debeat, quam ad reliqua veniat, de quo eorum est in *L. 2. sup. de pign.* ubi diximus. Et hoc ius distrahendi pignoris in re certo obligata dubitationem non habet, si ab initio convenierit, ut creditori distrahere liceret. Sed quid, si nihil de eo convenierit? placet eum distrahere posse, sive id convenierit, sive non convenierit; dummodo non convenierit, ne distrahere liceret, ut est in *L. 4. D. de pig. alt.* Et hoc est, quod dicitur in *d. L. si cessante, hic.* pignus recte vendi, dummodo venditum sit non relincente lege contractus. Lex enim hic conventionem significat in traditione, aut alienatione rei nostræ interpositam, *L. legem, sup. de pacti. L. ea lege, sup. de cond. ob. caus. dat.* & toto Tit. *sup. si mancip. ita fuit alien.*

Plus tamen complectitur Ulpianus in *d. L. 4. D. de pig. alt.* nempe quanvis convenierit ab initio, ne distrahere pignus liceret; tamen creditorem pignus distrahere posse, si ter denunciaverit debitori, ut solveret, neque solverit. Ter denunciare quomodo accipiendum sit, quaesitum est. Nos ex tribus existis, quæ proponuntur adversus debitores absentes ad conrumaciam coercendam, *L. contumacia, D. de re ind.* quid hic statuendum sit, intelligimus. Non dubium est enim, quin in proposito tres denuntiationes ab Ulpiano exigantur, ut intelligatur debitor post eas extrema frustratione nti. Ita finis & causa utrobique par & edictorum illorum & denuntiationum, de quibus Ulpianus agit. At inter unumquodque edictum ex illis tribus existit, ut non minus intervallum intercedat, quam decem dierum, *L. ad preemptionem, & L. L. seqq. D. de ind.* Quamobrem & in his tribus, de quibus agit, recte idem intervallum exigemus; ut sic ad extremam frustrationem debitoris conficiatur mensis unus, priusquam creditor pignus contra superiore conventionem possit vendere. Sed hic occurritur Ulpiano. Nam insinuat pacta servari, *L. in*

rit gentium, §. cum ait, D. de pacti. Quomodo igitur licet pignus vendere contra conventionem? Respondetur, non vendi hic pignus contra conventionem. Nam cum ab initio convenit, ut res pignori esset, vi ipsa convenisse intelligitur, ut distrahere liceret. Ius enim distrahendi pignoris est ius pignoris proprium, ut ab eo non possit separari, adeo, ut cum convenit, ut rem aliquam liceret distrahere, etiam si non nominatim convenierit, ut ea res pignori esset; tamen pignus constitutum intelligatur: *L. 3. §. ult. D. qui pot. in pig. hab.* nempe ut ex eo, quod proprium est solius pignoris in re aliena, ipsum quoque pignus colligatur. Ergo cum ita convenit a principio, ut rem distrahere liceret, non debemus, neque possumus posteriore conventionem sic interpretari, quasi omnino pignus distrahere non liceat; alioqui id ageretur, ut pignus non esset pignus, quod est absurdum. Quare posteriore conventionem eodem modo sic interpretamur: ut ne liceat pignus distrahere, antequam constet extremam frustrationem debitoris præcedere.

Postquam tamen creditor pignus distrahere potest, videamus, quando possit: quod secundo loco quaerebatur. Et expressum est in *L. si cessante, hic.* pignus recte vendi, si cessante solutione venditum sit. Ex quo intelligimus, pignus statim vendi a creditore posse, simulatque pecunia debitori coeperit, neque solvetur. Idque adeo verum esse declaratur aliis rescisitis: ut quanvis creditor non interpellato debitor ut solveret, pignus distraheret; tamen placeat ratam esse venditionem, si distraheret, priusquam debitor pecuniam offerret. *L. si prius, hic.* Plus tamen dicimus; etsi debitor pecuniam obtulerit, quam creditor recuset accipere: tamen nihilominus pignus recte vendi, nisi debitor ea adiecerit, quæ solutionis vim habent; puta, nisi pecuniam obligavit, & obligationem testato deposuerit, ut declaratur in *d. L. si prius, & L. 2. inf. prox. Tit. debito. vend. pig. imp. non posse.* De qua obligatione diximus ad *L. creditor, sup. de pig.* Sed hæc iuri locus est in pecuniis & quibuslibet præstationibus privatis. In publicis pensionationibus, ut vectigalibus & tributis, quorum nomine prædia obligata sunt, locum non habet. In quibus hoc servatur humanitatis causa, ne liceat ob vectigal non solum pignus vendere, nisi debitor vectigal non offerente, & iusto præsidio, tamen iusto pretio solemniter res distrahat. *L. 2. sup. si prop. pub. pens.* Unde non mirum, si in

E e e e

hoc

Tom. IX.

hoc genere legimus venditionem fundi ob vectigal resp. venditi rescissam, quia dominus professus esset paratum se solvere, & fundus minoris venisset, quam debita summa esset: hoc in *L. pen. D. de resc. vend.* Quod cum in publica pecunia rationibus responsum sit, in quibus singulari iure id observatur: satis intelligitur, superiori iuri de privati pecunias & hypothecis constituto non esse contrarium, nec debere ad eas hypothecas & pecunias transferri. Sane si creditore privato accipere pecuniam recusante, aut recusante dicere, quantum debeatur, debitor adversus eum iudicio pignoratitio agere coepisset: Inhibebitur pignoris distractio, ut est in *L. si residuum, hic.* Hoc ideo: quia pignoratitia actio nascitur debitori, cum hæc conditio existerit, ut pecuniam solveret, *L. si rem, §. omnis, D. de pig. act.* Videtur autem impleta esse conditio, cum per creditorem fiat, quominus impleatur *L. in iure, D. de reg. iur. L. iure, D. de cond. & demon.* Et ideo placet sola oblatione pecuniam in iudicio facta pignoratitiam actionem nasci, & procedere debitori. *d. L. si rem, §. ult. D. de pig. act.* Quæ omnia, ut dixi, evidenter probat creditori statim pignus vendere licere.

5 Sed ꝑ huic sententiæ opponitur *L. ult. §. 1. inf. de iur. dom. imp.* ubi scriptum est, creditorem pignus suo iure distrahere posse, si ab eius interpellatione, aut iudicis sententia biennium intercesserit. Et vulgo existimatum est, eam legem veteri iuri derogare, quod non probat. Est enim illic generaliter de omni creditore scribitur; tamen responsum ex præfatione & proposito Iustiniani Interpretandum est. At Iustinianus initio constitutionis præfatur se agere de eo creditore, qui ius domini impetrare velit: Huc recte accommodabitur, quod dicitur in *§. præsertim, Inst. de ius. stip.* responsionem quamvis simplicem & generalem, tamen ad interrogatum referri debere, ut non amplius quisquam respondisse intelligatur, quam de quo interrogatus est, ut puta stipulatus sum decem, si navis ex Asia venerit: promissor respondit, dabo, sine ulla conditione: nihilominus eadem conditione respondisse intelligitur, ut semper responsum temperetur interrogatione. Huc etiam pertinet, quod dicitur, ea quæ in præfationibus comprehensa sunt, in subsecutis stipulationibus intelligi debere. *L. Titia, §. 1. D. de verb. obl.* Eodem recte accommodabitur & illud, quod in *L. si servus plarium, §. ult. D. de legat. 1.*

scribitur de interpretatione voluntatis testatoris: nempe hanc, si cætera obscura sunt, recte colligi ex præcedentibus & sequentibus. At in constitutione Iustiniani legenti apparet, & prima & postrema esse de iure domini impetrando. Quamobrem longius constitutionem porrigere non debemus: præsertim cum pertineat ad ius vetus & illud æquissimum corrigendum, quod nunquam creditor Imperator facere voluisse, nisi nominatim exprederit. *L. si quando, sup. de inoff. test.* Et certe manifestum est, pignus constitui inutile creditori, si tandem expectare cogitur, ut ad suum perveniat. Tenebimus igitur, quemadmodum creditori ius est pignus distrahere: ita ius esse distrahere, quandocumque pecunia soluta non erit. Sed hoc exigatur, ut pecunia soluta non sit. Quod si soluta erit, aut tantum consecutus erit creditor de fructibus pignoris, quantum illi debetur: pignus distrahi non potest, ut pote liberatum obligatione pignoris, ut scribitur in *L. 1. sup.*

Hinc ꝑ quæsitum de parte soluta. Quid ergo, si debitor partem debiti solverit, partem non solverit: an quemadmodum saltem pro parte obligationalis principalis liberatio nata est, sic pro parte pignus liberabitur, & retardabitur ius pignoris distrahendi? Hic placuit, omnem pecuniam solutam esse oportere, ut inhibeatur pignoris distractio. Quod si factum non erit, quævislucumcumque deerit vel de sorte, vel de usuris, nihilominus totum pignus vendi posse, ut ante poterat, *L. quandiu, hic, L. ult. infr. prox. tit.* At enim, dicit aliquis, quæ de tota re conditæ sunt, eadem valent etiam de parte. *L. quæ de tota, D. de rei vind.* Iam tota pecunia soluta totius pignoris liberatio nascitur. Quare & parte pecuniæ soluta pro parte pignoris nascitur liberatio, inhibebiturque eius distractio. Et recte hæc dicitur in his, in quibus totum est, & pars. In pignore locum non habet. Pignus enim non recipit partis liberationem, non natura sua; nam quæ res pignori dantur, dividi possunt: sed lege conventionis. Datur enim pignus, ut liberetur sub conditione, si pecunia soluta erit: non intelligitur pecunia soluta esse, nisi quæ tota soluta est: *L. heredes, §. idem iuris, D. fam. ere.* Proinde nisi tota pecunia soluta, nihil de pignore liberatur. Et hoc est, quod dicitur, omnem pecuniam solvi debere, ut nascatur pignoratitia actio. *L. si rem, §. omnis. D. de pig. act.* Sed hic rursum occurrir: nam principali obligatione sublata non potest pignus

gnus manere, cum sit principalis obligationis accessio, *L. in omnibus speciebus, D. de sol.* Ad parte debiti soluta, nascitur pro ea parte principalis obligationis liberatio. *L. 9. §. ult. D. de solut.* Ergo & pro ea parte pignus, idest, accessionem liberari necesse est. Et totum hoc verum est, dummodo intelligatur, pignus in proposito non simpliciter dici liberari, sed cum adiuncto: liberari videlicet pro ea parte, quæ soluta est: intelligaturque ita pro ea parte pignus liberari, ut iam pro ea parte pignus nec peti possit, nec distrahi. Sed hoc ad rem non pertinet. Non enim quærimus de ea parte debiti, quæ soluta est: sed de ea quæ soluta non est. Pro ea vero parte non dicimus pignus teneri, & in solidum teneri, quantum ab initio datum est: quia non patitur lex pignoris, ut pignus solutione partis debiti liberetur, ut supra docuimus. Ergo, ut dixi, creditor pignus suo iure distrahere potest, & cum vult, potest, si cessarit vel minima partis debiti solutio.

7 Sed ¶ in ea venditione creditori quædam observanda sunt, de quo tertio loco quærebamus. Hæc autem sunt, ut bona fide vendat, & solemniter, ut est comprehensum in *L. specialiter, hic*. Bona fide vendere, est ita vendere, ut bonus paterfamilias faceret in re sua, idest, omnia observare, propter quæ res facile emptorem reperire possit, & quam optime vendi, argumen. *L. ea igitur, D. de pig. act.* vel, quod idem est, bona fide vendere, est vendere observatis iis, quæ in distrahendis pignoribus observari solent. Quod colligitur ex *L. penult. inf. si vend. pig. ag.* ubi scriptum est, pignore vendito his non observatis, videri pignus contra bonam fidem distractum. Solemniter vendere idem prope valet. Solemne enim appellamus nitatum & consuetum, seu quod in re quaque observari solet, ut indicat illa regula iuris: *Esse ex solemnibus nihil facile immutandum sit: tamen ubi evidens æquitas poscit, subveniendum est.* *L. et si, D. de reg. iur. L. pen. D. de integ. restitut.* Unde & solemnnes feriæ opponuntur extraordinariis, idest, non certis, non usitatis, sed pro tempore constitutis. *L. sed et si per prætorem, §. si feriæ, D. quib. ex caus. maior.* Est igitur solemniter vendere idipsum, quod dicitur in *d. L. pen. inf. si vend. pig. ag.* vendere observatis iis, quæ in pignoribus vendendis celebrari solent. Quænam hæc sint, comprehensum est in *L. 4. hic*. Sunt autem hæc primum, ut si res immobilis est, puta ædes, aut fundus, venditor rem

Tom. IX.

proscribat. Proscribere est literis publicis ante ædes, aut eum locum, qui venditur, propositis significare rem venalem esse. *L. sed si pupillus, §. proscribere, D. de inst. act.* Proscriptio hæc eo pertinet, ut excitentur lectores ad emendum, atque ita res emptores reperiat. Deinde exigitur, ut creditor, dum proscribit, notum id debitori faciat. Hoc ideo ex bona fide: quia admonitus debitor poterit quærere & reperire facilius emptorem, aut etiam solvendo creditori eum omni molestia distractionis liberare. Tertium exigitur, ut quoties licet, in re distrahenda testato notum debitori faciat: testato, idest, testibus adhibitis: hoc ideo, ut scire possit debitor, quanti res vendatur, & ne quærat, si creditor non percipiat tantum, quantum ipsi debetur: & sic constare possit creditori, non posse ex eo pretio satisfieri, ut significatur *d. L. quæ specialiter*. Quod si res mobilis erit, quæ a creditore distrahetur, ea proscribi non potest; sed erit ex fide bona, & ex usu, si ea vendatur sub auctione publica, si forte ea loca erunt, ubi auctiones publicæ vulgo frequentantur.

Quid, ¶ si his non observatis creditor pignus distraxerit, an nullius momenti erit venditio? Immo nihilominus valebit, dummodo is, qui emit, non sit particeps fraudis. Huius rei certissimum argumentum habemus in *L. si cessante, in fin. hic*, ubi scriptum est, etiam fraudulenter res vendita sit a creditore, idest, adversus ea, quæ supra diximus, ut indicat *L. 4. sup.* tamen non emptorem de ea re conveniri posse, sed solum creditorem. Si emptio rata non esset, etiam emptor posset conveniri a debitore: lute enim debitor rem suam vindicaret. Nunc autem convenire emptorem non potest: non sane alia de causa, quam quod dominus rei venditæ esse desit, atque ideo desit, quia valuit emptio. Hic aliquis dicet: illicte igitur superiora illa videntur observari si creditor his contemptis potest impune pignus distrahere. Non ita est. Et si his contemptis valeat emptio, non ideo impune feret creditor, qui illa contempserit: ut non omnes superiora ab illo exigantur. Hæc est poena, ut debitori sit adversus eum actio, quæ eo nomine competit: sic enim verba sunt *L. 4. in fin. hic*. Quam ergo actionem hic intelligimus, & cuius rei nomine? Nam illic nihil adicitur amplius, uti nec in *L. pen. inf. si vend. pig. ag.* ubi iubetur simpliciter debitor in causa experiri competenti actione. Et pignoratitiam directam hic accipere de-

E e e e s

beatus,

bemus, quæ debitori adversus creditorem datur de pignore restituendo, five id creditor habet, five culpa sua habere desist. Hæc enim est actio, quæ de pignore tradito inter creditorem & debitorem nascitur. §. ult. *Instit. quib. mod. re const. obl.* Quid hac actione petet debitor? Aget in id quod sua interest pignus non ita distractum fuisse, ut creditor distraxit, ut est in *L. 1. infr. si vend. pig. agat.* Quatenus interesse putamus debitoris pignus non ita distractum fuisse? Quanto videlicet pluri valuit, quam venditum est: ut quoniam venditum non est, quanti erat, tantum præstetur, quanto minoris venditum fuit, quam valuit, argument. in *L. 3. infr. si vend. pig. agat.* Ex quo colligimus, si supra scriptis rebus non observatis creditor rem tanti vendiderit, quanti valet, tum debitori nullo modo tenebitur. Sed tenebitur, isto modo, si non bona fide distraxit. Quid, si bona fide? hic vero nullo modo tenebitur, quanvis minimo res distracta sit: quia nihil sit hinc casu, quod ei possit imputari. Sane si fraudulentè creditor pignus minoris distraxit, & emptor fraudis particeps fuit, nulla erit venditio: certe non impedit, quo minus & emptor de ea re conveniri possit de qua dicitur, ad *L. 1. infr. si vend. pig. ag.*

- 9 Reliquum ¶ est, quod quarto loco proposuimus, ut videamus, eum pignus recte distractum erit, quæ sit vis, & quis effectus venditionis. Ex scriptum est in *L. si cessante, & L. si prius, in fi. hic.* venditionem iure subsistere, venditionem, quæ subsistit, revocari non posse. Quibus verbis intelligere debemus, non tantum contractum venditionis valere, ut nascatur ex eo actio emptori adversus creditorem; sed ita valere, ut pignore ex ea causa tradito emptori dominium ad emptorem transferatur. *L. non est novum, D. de acq. rer. dom.* Sed quomodo dominium transferre potest creditor, qui dominus non fuit, cum regulæ iuris non patiantur plus iuris quemquam in alium transferre, quam ipse habet? *L. nemo plus iuris, D. de reg. iur. L. traditio, D. de acquir. dom.* Nihil hic sit adversus regulas iuris, nam cum creditor pi-

gnus distrahit, & alienat, ipse debitor alienare videtur, qui dominus fuit: alienatur enim eius voluntate, qui ab initio ita dedit, ut creditori distrahere liceret. §. 1. *Instit. quib. al. lic. vel non.* Nec ad rem pertinet, si nominatim non convenit, ut creditori liceret distrahere, satis enim hoc convenisse intelligitur, cum convenit, ut res pignori esset: quoniam pignoris proprium est vendere licere, ut supra docuimus, & hoc pertinet *L. 4. D. de pig. act.* Sed adiecimus dominium pignoris in emptorem transferri, si pignus ei traditum erit a creditore. Quod si ei traditum non est, is dominus pignoris effici non potest, ut est in *L. qui prædium, infr. propterea quod ita sua est de transferendis dominis, ut dominium ex consensu non transferatur, nisi traditione. L. traditionibus sup. de pact. §. per traditionem, Instit. de rer. divis.* Caterum pignore tradito sic dominium transferretur, ut emptori postea advocari non possit, ne a debitore quidem, quanvis illi precium offerat. *L. pen. sup. si anti. cred.* Et hoc est, quod in *d. L. si cessante, hic.* dicitur, venditionem revocari non posse. Idque consequens est regulæ iuris, quæ efficitur, id, quod nostrum est, sine facto nostro a nobis recedere, & ad alium transire non posse. *L. id, quod nostrum, D. de reg. iur.*

Hoc ita, ¶ nisi cum venderet creditor 10 pignus, conveniret inter ipsum & emptorem, ut si solveret debitor pecuniam pretii emptori, liceret ei recipere rem suam: facit hæc conventio, non solum ut mandata a creditore actione ex vendito agere possit debitor adversus emptorem, & rem repetere oblato pretio, sed etiam possit rem suam vindicare, aut in factum, idest, utili actione suo nomine adversus emptorem agere. *L. si cum venderet, D. de pig. act.* Cuius iuris rationem exposui in methodo sub hoc ipso titulo. Unde & hoc, & alia pleraque ad distractionem pignorum pertinentia tractata copiosius petere licebit. Tantum hic attingere visum est ex eo genere, quantum proprie ad huius tituli Codicis explicationem & nonnullorum locorum huius partis certiorum interpretationem facere videbatur.

Ad L. Et qui sub imagine. 10.

Idem AA. & CC. Rufino.

Et qui sub imagine alterius persone, quam supposuerat, iugiter tenet: cum sibi negotium gerat, alienasse non videtur. Iura enim pignoris obligatum prædium, neque si per subiectam personam creditor comparaverit, neque si sibi addixerit, debitori affert præiudicium: sed in eadem causa permanet, in qua fuit ante huiusmodi collusionem. Sane si debitore distrabente comparaverit, consensu emptiorum perfectam (si neque dolus adversarii, neque metus causa gesta agentur) revocari, exemplo grave est. Si igitur poteris evidentibus probationibus monstrare, creditorem per suppositam imaginarii emptoris personam semper possessionem tenuisse, nec vendita bona fide prædia postea sinceriter comparasse: potes oblata pecunia cum usuris, ad restitutionem creditorem compellere. PP. III. Non Obs. 17. § III. AA. Coss.

S U M M A R I A.

1. Creditores pignus emere non possunt sine illud per se sibi addicant sive per suppositam personam, § cur, num. 2.
2. Per suppositam personam emere quis intelligatur.

3. A debitore ipso creditorem recte pignus emere.
4. Debiturum esse, probare emptorem pignoris esse imaginarium, & quomodo id probetur.

Effectum est supra, creditorem pignus vendere posse: si vendiderit, emptorem revocare non posse. Id sic accipiendum esse docemur hoc scripto, si modo vere vendiderit, id est, vendiderit ahi, non sibi. Ipse pignus a se emere non potest. Et si pignus sibi ipse addicat eo pretio, quo quisvis alius empturus esset, sive emat per suppositam personam extranei emptoris, utrobique perinde res habebitur, quasi rem non vendidisset. Merito: non est enim emptio, nisi ubi alius est emptor, alius venditor. *L. 1. D. de rer. permut.* quod non fit, ubi idem creditor & emptoris, & venditoris vice fungitur.

² Per si suppositam personam emere intelligitur, cum rogat aliquem, ut pignus emat non suo nomine, sed nomine creditoris, & cum pignus acceperit, id venditori reddat, atque hic eventus sequitur. Ideo autem in hac specie extraneus, qui pignus emit, non dicitur emere; quia is demum emere & capere intelligitur, qui id capit, quod est apud eum permanentium. *§ Aliud est capere, D. de verb. sig.* Quod autem quis ita capit, ut restituat alteri, is nec capere videtur. *L. cum ei 42. D. de leg. 2.* Eo fit, ut hic emptor magis imaginem & speciem emptoris habere intelligatur, ut hic dicitur, quam

emptor esse. Ita restat, ut creditor emisse potius intelligatur: quod cum facere non possit, quia a semetipso emit; efficitur utroque modo nullam esse venditionem pignoris, sive ipse addicat sibi, sive per suppositam personam emat. Unde etiam necesse est, pignus in sua causa manere.

Inde si quaesitum est, an propterea creditor omnino pignus emere non possit. Respondent Imperatores, posse eum emere a debitore, non a se. Recte: nam a se ideo non potest, quia non est alius qui vendat; a debitore autem recte emit, quia est alius qui vendit: debitor videlicet, idemque rei dominus: qui proinde ius transferendi habet. Quod sane non facit, ut videatur creditor a se emere, quod eum facere posse recte in universum negavimus. Relinquitur igitur, quod est in extremo scripto, ut si creditor per suppositam personam alius emptoris, de quo diximus, pignus adhuc possidere reperitur, possit debitor de suo pignore pignoratitia actione experiri. Hoc enim consequens erat circa controversiam, si creditor nunquam pignus distraxisset. Interim si necesse habet debitor in hoc iudicio intendere, personam illius emptoris, de quo diximus, per quem creditor pignus recepit, esse a creditore suppositam.

Quid,

Quid, an hoc debitor probare debet, an vero etiam extra aliam probationem debitori fides habebitur? Et hic expressum est, debitorem evidentibus probationibus id monstrare debere. Quod respondetur convenienter regulis iuris his: Et, qui dicit, incumbere probationem; *L. 2. D. de prob.* Item: Actore non probante rem obtinere, quanvis nihil ipse præstiterit, *L. qui accusare, in fin. sup. de eden.* Sed de hac probatione laboratur propter *L. sicut, §. supervacuum, D. quib. mod. pig. vel hyp. sol.* ubi in specie pari non videtur exigi probatio ab actore. Et probandum est, debitorem, ut & hic dicitur, semper probare debere, quod intendit, id enim exigunt regulæ superiores iuris. Sed id probat dupliciter, alias ex iis sermonibus, quibus res gesta est inter creditorem & illum emptorem imaginarium, alias coniecturis ex iis, quæ postea secuta

sunt, sumptis. Ex sermonibus: si probatur sellibus, creditorem illi emptori mandasse, ut sibi rem emeret. In coniecturis ea erit, de qua agitur in *d. L. sicut, §. supervacuum*, nimirum si res apud creditorem reperitur, neque unquam pecunia pretii ab illo soluta ut illi emptori imaginario. In hoc genere coniecturarum quaesitum est, an satis sit argumenti, emptorem imaginarium fuisse, si probeatur pignus venditum nunquam fuisse illi emptori traditum, sed semper apud creditorem mansisse. Plerique putant hanc probationem esse satis idoneam, ut saltem onus probationis transferatur in creditorem. Sed refragantur verba huius scripti, in quo proponitur ereditor iugiter rem possedisse, & in principio, & in extremo: & tamen in ea specie exigitur, ut debitor nihilominus probeat, personam emptoris supposititiam fuisse.

Ad L. Mulier. 11.

Idem AA. & CC. Rufina.

Mulier licet specialiter res pignori dederit pro alio, creditor eas distrabendi non habet facultatem, nisi dissimulatione, marito obligante velut proprias, creditoris ignorantiam circumscriptis. PP. V. Kal. Maii, Heraclius; AA. Cofs.

S U M M A R I U M.

1. *Mulieris res pignori pro alio a muliere ipsa obligari non possit: ab alio possit qui tanquam*

suas sciente & dissimulante muliere obliget: & cur utramque.

SI mulier rem suam pro marito, aut alio quovis debitore pignori obligavit creditori, hic traditur creditorem pignus distrabere non posse. An quod est aliqua causa, in qua ereditor ius distrabendi pignoris sui non habeat? Minime: sed quia in proposito pignus nullum fuit. Prohibet enim Senatusconsult. Velleianum, quo vetantur mulieres pro aliis intercedere, *L. 1. L. 2. D. ad Vell.* Intercedit autem mulier, non solum, quæ se pro aliis obligat vel mandando, vel constituendo, vel fideiubendo, sed etiam quæ res suas obligat pro aliis, eo fit, ut pignus non constituit. *L. quanvis, D. ad Vell. L. si sine, supr. ad Velleian.*

Interdum tamen possunt res mulieris pro alio obligari, quod tunc fit, eum debitor res mulieris tanquam suas pignori dat creditori, mulier autem præfens dissimulavit eas suas esse, id est, silet, neque refragatur: quæ species hic ponitur in extremo, idem scriptum est in *d. L. si sine*. Et hæc ratio est, non quod mulier in hac specie non intercedat, ut in superiore, eum aperte rem suam pignori obligat; sed quia hæc dissimulatione creditorem decipit, qui rem debitoris esse credidit, non mulieris: cuius si rem esse scivisset, pecuniam non etredidisset. In hac causa ideo mulieri non succurritur, quia senatusconsulto deceptis tantum succurritur, non decipientibus. *L. 2. §. pen. D. ad Vell.*

Ad L.

Ad L. si debitor. 12.

Idem AA. & CC. Zotico.

Si debitor rem tibi iure pignoris obligatam, se non consentiente distraxit: dominium cum sua causa transulit ad emptorem. S. Pridie Kal. Maii, Heraclie, AA. Coss.

SUMMARIUM.

1. *Debitor rem pignori obligatam non nisi cum sua*

causa in alium transferre potest, praterquam si creditor consensit alienationi.

NON solus creditor pignoris distrahendi ius habet; sed habet & debitor, † & ita habet, ut si rem pignori obligatam ex ea causa tradiderit, dominium in emptorem transferat, ut qui dominus fuerit. §. *per traditionem, Inst. de rer. divis.* Sed hac alienatione creditor non nocebit. *L. distractis, L. debitorem, supr. de pig.* ubi diximus. Et hoc est, quod hic dicitur, dominium transferri cum sua caus-

sa, quod significat rem transferri cum sua conditione, idest, ea conditione, quæ futura esset, si res alienata non esset. *L. traditio, D. de acquir. rer. dom. L. alienatio, D. de cons. empt. L. via, §. si fundus, D. de ser. rust. prad.* Si debitor consentiente creditore alienavit, sine vetere causa dominium in emptorem transulit; quoniam pignus consensu creditoris remittitur est. *L. 2. sup. de remis. pig.*

Ad L. Qui pradium. 13.

Idem AA. & CC. Theodotz.

Qui pradium obligatum a creditore comparavit, si in vacuum possessionem inductus non est, nullam in rem actionem habet.

SUMMARIUM.

1. *Creditorem pignus distrahentem dominium trans-*

ferre: sed ita, si vacuum possessionem tradat emptori, vacua quoque.

CReditor † rem pignori obligatam distrahendo, eius dominium transfert ad emptorem. *L. non est novum, D. de acq. rer. dom.* Hoc sic accipiendum est: si ea intervenerint, quibus dominium iure transferri solet; inter cetera si res tradita erit emptori: nam sine traditione dominium non transfertur. *L. traditionibus, supr. de pact.* Eo fit ut re emptori non tradita, is quoque actionem in rem nullam habeat: quippe quæ soli domino competat; *L. in rem, D. de rei vind.* Exigitur autem hic, ut inducatur emptor

in vacuum possessionem, ut & in *L. cum res, sup. de prob.* Vacuum possessionem hic accipere debemus, quam emptor ingreditur creditore tradente, nemine emptorem prohibente. Contra ea non est vacua, quam emptor sic ingreditur, ut alii eam rem possidenti vim faciat, & eo delecto rem occupet. Quod eo pertinet, ut intelligamus, si emptor ita possessionem occupavit, non iure eum occupasse videri, neque dominum fieri, ut diximus ad *L. 3. sup. de pig.*

Ad L.

Ad L. Si in hoc. 14.

Idem AA. & CC. Modesto.

Si in hoc, quod iure tibi debetur, satisfactum non fueris, debitoribus res obligatas tenentibus: aditus præstes provincia, tibi distrahendi facultatem iubebis fieri. PP. XVI. Kal. Decemb. Sirmii AA. Coss.

Diximus creditorem sic pignoris venditi dominium transferre, si etiam rem tradat emptori. Quid fiet, si debitor pignus possideat, quod ab eam causam creditor tradere non possit? Rescripti huius sententia est, creditorem ius habendi pignoris consecraturum; sed rationem obtinendi esse per præsidem. Quod eo dicitur, ut intelligatur creditorem sua auctoritate possessionem pignoris occupare non posse, de quo in *L. 3. sup. de pig.* ubi diximus. Sed verba rescripti expendenda sunt. Ait, *præsidem iussurum fieri creditori facultatem distrahendi*. Non recte hoc responsum dixerit aliquis, atque ideo hæc facultas creditori fieri non potest. Oportet enim id ei tribui sententia

præsidis, quod ipse prius non habuit: quod actor habet, id sententia iudicis nulli tribuitur, *L. sicut, §. sed si queritur, D. si ser. vind. L. unica, infr. de thes. lib. 10.* At constat creditorem facultatem distrahendi pignoris iure publico habere, *L. si cessante, supr. eod.* Et hæc omnia vera sunt, si facultatem distrahendi pignoris hoc loco intelligimus nudam & simplicem facultatem. Sed facultatem distrahendi hic intelligere debemus, facultatem cum effectu, ut sit sensus: præsidem iussurum rem, quæ a debitore detinetur, restitui creditori, ut cum ille acceperit, eum deinde possit vendere, & ex venditionis causa tradere, ut sic venditio ad effectum perducatur.

Ad L. obligatis. 15.

Idem AA. & CC. Avianæ.

Obligatis pignori mancipiis a creditore distrahis, ac traditis: si post debitor quondam hæc sollicitaveris, non venditori, sed emptori contra possidentem in rem competis actio. Dat. Kalend. Mart. Sirmii. CC. Coss.

S U M M A R I U M.

1. *Pignus a creditore distrahit, non ipse, sed em-*

ptor rem persequendi ius habet adversus possidentem.

Si vendito pignore & tradito emptor dominus efficitur, ut efficit supra diximus: sit eodem tempore, ut & creditor actionem hypothecariam, quam prius habuit, amittat, quia pignus solutione debiti liberatum est, & simul emptor actionem in rem vanciscatur, quæ domino competit, *L. in rem, D. de rei vind.* Id si ita est, apparet verum esse, quod hic traditur, si emptor eius rei a credi-

tores emptæ possessione exciderit, non creditori actionem in rem competere eius rei persequendæ causâ, quippe quam habere deserit; sed emptori, qui priore traditione dominus sit effectus: quod fit in specie proposita, cum creditor servos sibi pignori obligatos vendidit, & emptori tradidit, & hi postea a debitore sollicitati ad eum redierunt, vel ad alium, ut iam de iis revocandis agatur.

Ad L. Unus ex multis. 16.

Vide L. 1. inf. de luitione pign. & L. 1. inf. si unus' en plur. her. credit.

Ad L.

Ad L. Rei creditor. 17.

Idem AA. & CC. Agapæ.

Rei creditor obligatæ generali sive speciali conventionione, per creditorem alium, cui non fuerat nexa, venundatæ, non amittit perfectionem. Dat. prid. Non. April. CC. Coss.

Si debitor, idemque dominus rei, pignoratæ alienando pignus, eo facto creditori non nocet, quo minus pignoris perfectionem salvam habeat, ut prius:

multo minus nocebit eius venditio, aut alienatio, qui nec dominus fuit, nec rem pignori habuit. Vide *L. debitorem, sup. de pig.*

Ad L. Qui a creditore. 18.

Idem AA. & CC. Caiano.

Qui a creditore pignori obligatum pradium iure emit, de proprietate vinci non potest. S. VI. Kal. Maii, CC. Coss.

Si emptor pignore a creditore tradito eius rei dominus est, ut sæpe iam diximus: efficitur eum de proprietate eius rei a nullo vinci posse, sive agat, sive de ea re conveniatur. Non posse vinci si agat: quia ut dominus habet actionem in rem ad eam persequendam, cuius exitus

hie est, ut res actori restituatur, *L. officium, D. de rei vind.* Quod si conveniatur, multo magis exceptionem habebit ad rem retinendam, qui ad eam persequendam actionem habuit, iuxta regulam iuris *L. invitus, §. 1. D. de verb. sign.*

Ad L. Si maritus. 19.

Idem AA. & CC. Libiz.

Si maritus tuus mutuum (licet tuam) dedit pecuniam: eorum, qua pignoris titulo accepit, si ei non successisti, distrabendi nomine tuo nullam habes facultatem. S. VI. Idus Novem. Heracleæ, AA. Coss.

Qui pecuniam alienam mutuo dat suo nomine, & pignus in eam causam accipit, is pignus domino pecunie non acquirit, sed aut sibi, aut nulli, de quo diximus ad *L. etsi frater*: ubi ea-

dem sententia est, *sup. de pig.* Id si ita est, apparet, dominum eius pecunie pignus in eam causam constitutum vendere non posse, quia is pignus non habuit, nisi creditori successerit.

Ad L. Ult.

Idem AA. & CC. Sabino.

Secundum placiti fidem, si nihil convenit specialiter, pignoribus a creditore maiore quam ei debebatur, pretio distractis, licet ex eo fundus comparatus sit, non super hoc in rem, sed in personam, idest, pignoratitia de superfluo compensis actio. S. VI. Idus Novemb. Byzantii CC. Coss.

SUMMARIUM.

1. Pignus pluri vendito, quam debetur, rem ex

pecunia superflua a creditore emptam est creditoris, nec debitori restitui debere.

Creditor si pluri vendat pignus, quæ ei debetur, debitor ad concurrentem usque quantitatem debiti liberatur, L. rescriptum, §. 1. D. eod. de residuo potest adversus creditorem experiri, ut hic dicitur, idem in L. ult. infr. si vend. pig. agas.

Quid, † si ex ea pecunia superflua creditor rem aliquam emit? utrum de ea restituenda debitor agere potest, uti posset de ea pecunia agere, ex qua ea res emptæ est? Et significatur hoc rescripto non posse, quod & recte constituitur. Nam aut erit debitori de ea re emptæ in rem actio, aut in personam. In rem esse non potest; quoniam debitori ea res quaesita non est, sed creditori, in quem dominus rem translata voluit, §. per traditionem, Inst. de rer. divis. In personam, idest, pignoratitia non erit; quia hæc de superfluo, non de re inde emptæ competit. Imo contra, obiciet aliquis: traditur enim in L. rescriptum, §. 1. D. eod. quidquid ex occasione pignoris ad creditorem pervenit, ad debitoris utilitatem & commodum cedere debere. Dicendum est in proposito, solam pecuniam, quæ ex venditione pigno-

ris a creditore percepta est, ex occasione pignoris ad creditorem pervenisse. Rea ex ea pecunia emptæ non percipitur occasione pignoris, sed ex creditoris negotiatione, arg. in L. venditor ex hereditate, in illis verbis, pretium enim, D. de hered. vel act. vend. Obicitur etiam, quod traditur in L. quanvis, §. ult. D. de pign. act. si creditor pignus pluri vendiderit, quam debetur, debitorem non solum agere posse de superflua pecunia, sed etiam de usuris, quas ex usu eius pecuniæ creditor perceperit. Quo exemplo videtur idem quoque de cæteris rebus statuendum, quæ ex ea pecunia paratæ sunt. Sed dissimilis istarum rerum causa est: usuris dico pecuniæ, & res ex ea pecunia emptæ. Usuræ ideo cum ea pecunia restituendæ sunt debitori; quia usuræ sunt fructus pecuniæ, L. usura vicem, D. de usur. Constitit autem fructus ex re pignoratæ perceptos aut debitum extenuare, aut una cum re esse restituendos, L. 1. L. 2. supr. de pig. act. At res ex ea pecunia emptæ non sunt eius pecuniæ fructus; sed pretium industriæ & negotiationis creditris.

A D T I T U L U M XXIX.

COD. DEBITOREM VENDITIONEM PIGNORIS
IMPEDIRE NON POSSE.

Effectum est supra, creditorem iure suo pignus distrahere posse, *L. si cessauerit, supr. prox. sit.* Hoc si ita est, sequitur, quod hic dicitur, debitorem nulla obauratione sua, aut prohibitione impedire posse, quo minus creditor recte

vendat, & qui emit, emat bona fide; alioqui liceret debitori conditionem creditoris sui facere deteriore; quod nulli conceditur, *L. solvendo, D. de negot. gest. L. non debet aliter, D. de reg. iur.*

A D T I T U L U M XXX.

COD. SI VENDITO PIGNORE AGATUR.

Ad L. Præses. 1.

Imp. Alexander A. Agrippæ.

Præses provincie aditus si fueris probatum, tuum creditorem cui ius distrabendi pignora fuis, dolo malo fundum vendidisse: quanti tua interest, restituere tibi eundem creditorem iubebit. Quod si de bonis creditoris condemnati solvi pecunia non potueris, & probatum fueris emptorem mala fide emis- se: offerente te pecuniam cum usuris quanti fundus venit, restituere tibi fundum cum fructibus mala fidei emptorem iubebit. PP. Kal. Sept. Alex. A. Cass.

Ad L. Servos. 2.

Idem A. Emilio.

Servos quos nullo iure a creditore venisse dicis, pater tuus vel tu, si hereditas eius ad te pertinet, a possessoribus petere potes. Quod si usucapti sunt, petas pater tuus precium eorum a creditore, qui non iure eos vendidit. PP. III. Kalen. Ianuar. Alexander A. Cass.

Ad L. Si uxor. 3.

Idem A. Claudio.

Si uxor tua præfidi provincie probaveris, cum aureos triginta deberet, servos suos amplioris precii per gratiam aureis viginti creditorem vendidisse, eumque solvendo non fuisse: iubebit emptores recepto precio restituere servos. PP. XVI. Kalend. Octobr. Maximo II. & Eliano Cass.

Tom. IX.

F f f i

Ad L.

Ad L. Cum. 4.

Imp. Gordian. A. Eudemo:

Cum contra bonam fidem venditionem obligata possessionis a creditore factam alleges, non observatis quæ in distrabendis pignoriis celebrari consueverunt, adito præfide provincia experire actione competens non tantum adversus creditorem, verum etiam adversus possessorem, si fraudem eum participasse cum creditore docere potueris; ut revocatis quæ mala fide gesta consueverunt, & fructuum ratio, & damni quod irrogatum apparuerit, haberi possit. PP. Kal. April. Sabino II. & Venusto Coss.

Ad L. Si creditore. 5.

Imp. Dioclet. & Maximian. AA. & CC. Noniz.

Si creditore pignus priusquam ei satisficeret, distrabente non per collationem emptor comparaverit: successor eius de superfluo, non emptoris heres, qui rem possidet, conveniendus est. S. XVI. Kalend. Ian. Nicomedie CC. Coss.

S U M M A R I A.

1. Pignus iure vendito, nullam esse eius emptoris revocationem.
2. Pignore contra conventionem vendito, ius suum debitori integrum manere in re sua, & actionem in personam esse adversus creditorem.
3. Pignore vendito non bona fide, quovis ab eo creditore, qui ius vendendi habuit, ipsum creditorem teneri semper in id, quod debitoris interest: emptorem ad rem restituendum certis conditionibus: & quibus.
4. Mala fidei emptoris in pignore emendo quid, & quomodo prosequatur.

Per gratiam pignus vendere, quid, ibidem.

5. Adversus emptorem, qui mala fide emit pignus, non esse vindictiois pignoris, nisi casus prius emptor expertus sit non solvendo.
6. Sed nec huic emptorem teneri aliter vindicatione, quam si offeratur ei pretium, quanti pignus emit, cum usuris: & cur.
7. Adversus emptorem pignoris, qui mala fide emit, actionem esse suis constitutionibus, non pignoratitiam, non ex titulo de rebus in fraudem alienatis, sed in rem, beneficii restitutionis in integrum, & ex qua causa.

Quæstio est, si creditor pignus venderit, utrum debitor possit agere adversus creditorem de pretio pignoris, eo adversus emptorem rei recuperandæ causa. De quo ita statuendum est ex sententia eorum, quæ diximus ad L. 4. & seq. sup. de distr. pig. Si t. creditor ius distrahendi habuit, & bona fide distraxit, idest, observatis iis, quæ in pignoriis distrabendis observari solent: ita rata est venditio, ut debitor neque adversus creditorem agere possit de pretio, quavis rem non iusto pretio venderit, neque agere adversus emptorem, ut rem ab eo avocet. Sed non semper creditor, cui pignus datum est, ius vendendi habet, quod tunc accidit, cum convenit, ut creditori distrahere non liceret, L. 4. D.

de pig. att. Fieri etiam potest, ut qui iure suo distraxit, mala fide & fraudulentè distraxerit. In quibus causis vendito pignore debitor experiri potest, quæ summa est huius tituli. In quo de his rebus ita statuatur. Interest plurimum, utrum creditor qui pignus vendit, ius vendendi non habeat, an cum habet, mala fide vendat. Si t. ius vendendi non habet, idest, si refragante conventionem vendidit, nulla est venditio. Quo fit, ut debitor non tantum adversus emptorem, sed etiam adversus quovis possessorem actionem in rem habeat, quæ omnibus dominis competit, L. in rem, D. de rei vind. Nam hæc superiore venditione non est extincta. Et hoc, quando res a possitore usucapta non erit, Adversus creditorem autem semper actio.

actionem habet de pretio rei venditæ. Ea est autem actio pignoratitia in hoc, ut vel res pignori data restitatur, vel saltem æstimatio: hæc sententia *L. 1. b. t.* Quod si creditor ius vendendi pignoris habuit, sed vendidit dolo malo: hic semper vendito pignore adversus creditorem agi poterit, *L. 1. b. t.* Diximus autem ad *L. 4. & seqq. supr. de distr. pig.* in hanc rem competere debitori pignoratitiam actionem: idque in id, quod sua interest. Hactenus autem interesse, si res minoris vendita sit, quam valet, hæc ex *L. 1. in pr. & L. 3. b. t.* Adversus emptorem etiam hoc casu debitor agere potest: sed interdum, non semper. Non potest autem agere, nisi præter dolum creditoris hæc tria concurrant. Primum exigitur, ut & emptor ipse mala fide emerit, *L. 1. in fin. b. t.* Mala fide, idest, quod dicitur in *L. ult. per collusionem*. Utrumque autem valet id, quod dicitur in *L. pen. si emptor fraudis particeps fuerit*. Duobus autem modis probabitur emptorem fraudis participem fuisse. Uno, si per gratiam creditori vendiderit, ut est in *L. 3. b. t.* Per gratiam vendidisse intelligitur, qui sperie dixit rem pluris esse, quam venditur, sed se non pluris vendere, quam vendit, ut emptori gratificetur: perit autem, ut hinc gratiam ab emptore ineat: emptor contra sic accipit, & pollicetur se gratum fore: Alio modo id probatur, si emptor præmio creditorem corruperit, *L. qui fundum, §. procurator, D. pro empto*. Extra has species existimatur emptor bona fide emere, quantumvis rem minoris emit, quam valet: non est enim contra bonam fidem, rem quam minimo emere, dummodo sine fraude fiat, ut satis colligitur ex *d. L. qui fundum, §. procurator*.

Secundum: accedere oportet, ut creditor, qui pignus vendidit, solvendo non sit, idque vendidit ita probetur, *L. 1. in fin. L. 3. b. t. tit.* Id autem sic constabit, si debitor prius cum creditore egisset, & creditor erit condemnatus: deinde in executione sententiæ excussis facultatibus creditoris reperitur non habere, unde iudicatis satisfiat. Hinc est, quod de condemnato prius creditore dicitur in *d. L. 1. vers. quod si, hoc tit.* Non oblat huic sententiæ *L. pen.* in qua scriptum est, cum creditor pignus contra bonam fidem vendidit, emptore fraudem participante, posse debitorem competentem actione experiri vel adversus creditorem, vel adversus emptorem: neque exigitur circa emptorem, ut prius constet creditorem

solvendo non esse. Non exigitur hoc quidem, sed tamen & intervenire debere non negatur. Proinde in dubio relicto, ex aliis locis interpretandum est. Hæc autem conditio exprimitur in *L. 1. & L. 3. b. t.* Dicemus etiam commodissime hoc modo: conditionem hanc, ut creditor solvendo non sit, satis exprimi in *L. pen. b. t.* cum dicitur, adversus emptorem agi posse competentem actione. Non est actio adversus emptorem competens, nisi prius constiterit creditorem solvendo non esse, *d. L. 1. & L. 2.*

Tertium: etiam & postremum exigitur, cum debitor vendito pignore adversus emptorem agit, ut emptori pretium cum utris offerat, quanti scilicet pignus venditum est, *d. L. 1. in fin. & L. 3. b. t.* Quod merito exigitur a debitore, quanvis domino: verum est enim hoc pretium in utilitatem eius, utpote solutam creditori: quo accepto, debitor eodem tempore liberatur: compensatur enim hoc pretium cum debito, *L. ult. infr. tit. prox.* Iniquum est, debitorem ea emptione liberari, & nihilominus non oblato pretio rem suam repetere: ubi scilicet contra bonam fidem his idem exigit: quod vetat regula iuris, *L. bona fides, D. de reg. iur.* Inde placuit in proposito debitori ab emptore rem suam repetere: obstat exceptionem doli mali, nisi pretium, quo liberatus est, emptori offerat, *L. emptor, D. de rei vind.* Quod si proponemus ex ea venditione, qua res aliena vendita est, pretium in utilitatem domini couersum non esse: certi inris est, dominum a quovis possessore, etiam bonæ fidei, rem suam repetere posse, quanvis non oblato pretio, quanti possessor emit, ne alienum factum domino noceat, *L. 3. sup. de rei vind. L. 2. sup. de fur. L. 1. sup. de præscript. 30. an.*

Sed et his omnibus rescriptis, quibus vendito pignore debitori actio adversus emptorem datur supra scriptis conditionibus, non exprimitur, quæ debitori in eam rem actio competat: cum tamen permagni referat id nosse. De eo sic habendum est. Non potest in eam rem debitori esse actio pignoratia: hæc enim inter debitorem & creditorem solum nascitur ex contractu & negotio gesto, *§. ult. Inst. quib. mod. re const. obli.*

Debitur cum emptore pignoris nihil contrahit, ubi debitor pignus non vendidit. Vulgo putant esse actionem utilem ex edicto fraudatorio, id est, ex edicto, quod est de iis rebus, quæ in fraudem creditoris alienatæ sunt, sed id non probant.

hant. Quinimo verba eius edicti aperte refragantur; sed & ratio edicti. Edictum illud est de iis rebus, quas debitores ipsi alienant: hic agimus de iis, quas creditores alienant in fraudem debitorum. Rebus a debitore alienatis, necesse fuit actionem creditori proponere ad eas res revocandas, quoniam debitor dominus fuit: unde & iure suo alienavit. Creditores domini non sunt, ut possint actione in rem de illis rebus experiri. At cum creditor dolo malo pignus vendit, & emptor item emit dolo malo, non fuit necesse novam actionem debitori proponere: cum venditio iure non valuerit omni ex parte, eo-que & debitor dominus manserit, ut prius. Superest igitur, ut debitori adversus emptorem ex hac causa sit actio in rem, ea, quae dominis competit rem suam a possessore vindicantibus. Sed etiam atque etiam notandum est, hanc actionem utilem esse, & quae in integrum restitutione impetrata restituit debitori, quod probatur *L. 1. sup. de pred. min.* Nam etiam tunc, cum res minoris viginti quinque annis a creditore vendita est dolo malo emptore fraudem participante: illic scriptum est, non aliter consuli minori adversus emptorem, quam beneficio restitutionis in integrum secundum edicti formam, ubi edictum intelligitur de minoribus. Si minoribus in hac causam non aliud remedium competit, quam in integrum restitutio: multo minus aliud competet maioribus. Restitueretur igitur in hac causa debitoribus, qui maiores sunt.

Restitueretur autem ex edicto, quod est de iis causis, ex quibus maiores in integrum restituuntur, ex illa clausula edicti: *Item si qua alia mihi iusta causa videbitur, in integrum restituam.* *L. 1. in fin. L. sed et si §. ult. D. de quib. cau. maior.* Ex eo intelligimus, debitorem venditio pignore a creditore qui ius vendendi habuit, debere adversus emptorem petere in integrum restitutionem intra quatuor annos: his exactis, amplius adversus emptorem, quavis sit male fidei, agere non posse. Est enim hoc tempus integrum restitutioni praestitutum, *L. ult. sup. de temp. in integ. restit.* Haec omnia ita sunt, si creditor in pignore vendendo nihil convenit de re vendita restituenda. Quod si convenierit, ut vel sibi res restitueretur oblato pretio, vel restitueretur debitori: in utroque conventio servanda est, ut creditori quidem vel actio ex vendito competat, vel actio praescriptis verbis; debitori autem competat rei vindicatio, ut veteri domino; aut certe actio in factum, id est, actio in rem utilis, quae magis superiori conventionione confirmatur, quam summo iure ex dominio eius nascatur. Haec sententia est *L. si cum venderet, D. de pig. act.* Cuius rationem si quis requirit, quando ea sententia a regulis iuris, quae sunt de iis, qui paciscuntur aliis, & de dominis transferendis, videri potest alienior, licebit sumere ex methodo de pignoribus, Cap. *quibus modis pig. vel hyp. solvantur*, ubi hunc locum diligentius sum exsecutus.



A D T I T U L U M XXXI.

COD. DE LUITIONE PIGNORIS.

Ad L. ult.

Impp. Dioclet. & Maximian. AA. & CC. Flor.

Si reddita debita quantitate, vel rebus in solutum datis sive distractis, & compensato pretio, satis ei contra quem supplicas, factum esse adito praeiudice provinciae probaveris: vel si quod residuum debetur, obsuleris, ac si non acceperis, deposueris consignatum: restitui tibi res pacto pignoris obligatas providebis: cum etiam edito perpetuo actione proposita pecunia soluta creditoris, vel si per eum factum sit quominus solveretur: ad reddenda ea, quae pignori acceperas, iure eum satis evidenter urgeri, manifestum. S. V. l. Id. O. Tob. AA. Coss.

S U M M A R I A.

1. Luere pignus idem ac liberare, & unde ita dictum.
2. L. pignus solutio, & si quae solutionis vicem habent.
3. L. satisfactio: quid sit satisfactio, & quid inter solutionem & satisfactionem interfit ad liberationem pignoris.

4. Pignoratitium actionem nasci pignus liberato non aliter, nisi pecunia offeratur in iudicio.
5. Pars debiti soluta nulla ex parte pignus liberari neque debitori, neque debitoris habendus, qui non solverunt: & huius partis tum dubitatio, tum ratio.

Luitio pignoris pars est eius solutionis. qua pignus liberatur. Luere ↑ pignus est, pignus solutione vel satisfactione liberare: quasi dicas abstergere & delere pignus, seu nexum & obligationem pignoris: metaphora ducta a lotionem, quae maculae, quae alicui rei inhaerent, abluuntur & absterguuntur. Est enim luere lavare, verbum a Graecis ductum, illis enim est lavo: ac luere idem esse Latinis, quod lavare, compositae declarant, abluo, eluo, diluo, & similia. Quomodo luatur pignus, comprehensum est in *L. ult. hoc tit.* Est autem haec sententia.

1. Luitur ↑ pignus, seu liberatur a debitore, si omnis pecunia, quae debetur, soluta erit, aut eo nomine satisfactum creditori, *L. si rem, §. omnis, D. de pig. act. L. item, D. quib. mod. pig. vel hyp. sol.* Solverit pecunia, quae numeratur & representatur creditori, *L. solutam, D. de solut.* Solutionis vim habet compensatio, id est, cum creditor aliquid vicissim debet debitori, & debitor id vult apud creditorem esse pro solutione, *L. 4. sup. de compen.* In hoc numero est pretium, quod creditor ex distractione pignoris consecutus est, de quo in *d. L.*

ult. hic. Est & pecuniae obsequio & depositio, de qua ibidem adicitur. Nam pecuniam solum offerre creditori sine obsequio & depositione, ad solutionem debiti & liberationem debitoris omnino nihil prodest, ut iam saepe a nobis dictum est: traditur in *L. ult. sup. de vend. pig. imp. non poss. L. si prius, sup. de distr. pig. L. obsequio, inf. de solut. L. acceptam, sup. de usur.*

Satisfacere ↑ est, creditorem pro eo quod ei debetur, contentum reddere, *L. 1. D. qui satisf. cog.* Id fit, cum creditor debitore pro eo quod debetur, aliud solvete vel praestante, se ea re pro debito contentum esse ostendit, huc pertinet dicta *L. si rem, §. omnis, D. de pig. act.* dicta *L. item, D. quib. mod. pig. vel hyp. sol.* Solutio debitorem etiam invito creditore liberat. Satisfactio non nisi volente creditore, cum scilicet ille satisfactionem admittit, *d. L. item.* Nec obstat, quod dicitur satisfactionem pro solutione esse, *L. satisfactio, D. de solut.* Sic enim pro solutione est, si modo prius sit satisfactio. Non est autem satisfactio, nisi quae a volente creditore admittitur: cum definiamus satisfacere esse, credito-

rem

rem contentum reddere: non enim contentus redditur quisquam invitus, sed volens.

- 4 Pignore ita liberato, tam si demum ex edicto nascitur debitori pignoratitia actio ad pignus repetendum, ut adiectum est in *d. L. ut. hic*: idem in *d. L. si rem, §. omnis, D. de pign. act.* Sed hic notandum est, quod dicitur oblatione sola pecunie pignus non liberari, eoque nec competere pignoratitiam actionem, sic esse accipiendum: nisi in iudicio pecunia offeratur: sic enim pecunia oblata, pignoratitia actio tenebit creditorem, quali conditione impleta, sub qua actio proposita est, de quo diximus ad *L. si residuum, sup. de distr. pig.*

- 5 Illud si manebit, quæcunque hic solutio, aut oblatio ad liberationem pignoris satis futura sit, semper oportere totam pecuniam offerri, quæ debetur, vel totius eius pecunie nomine satisfieri. Quod si parte debiti soluta adhuc aliquid ex debito superest, in id quod reliquum est, quanvis minimum, totum pignus obligatum manet, ut prius: ea lege, ut creditor non tantum possit totum pignus a possessore persequi, sed etiam totum pignus vendere: pertinetque hæc sententia non tantum ad debitorem, de quo comprehensum est in *L. quanvis, sup. de distr. pig.* sed etiam ad debitores heredes, de quibus hic scriptum est in *L. 1. Idem in L. 1. sup. de distr. pig.* Sed est in persona heredum dubitatio maior. Nam cum debitor partem solvit, & adhuc aliquid reliquum est, non est mirum, si pro ea parte dicimus nihilominus totum pignus obligatum manere: sibi enim imputare debet, qui totum non solvit, cum totum deberet & præterea cum totum pignus pro minima summa obligatum teneatur, nulli alii sit iniuria, quoniam res tota est debitoris. Ad horum utrumque cessat in persona heredum. Nam si proponas debitorem centum debuisse, & obligasse in eam summam fundum Tusculanum, deinde decessisse duobus heredibus relictis pro æquis portionibus: dividitur obligatio inter heredes pro portionibus hereditariis ita, ut singuli quinquaginta solum debeant, quibus solutis pro ea parte in totum liberantur. *L. ea qua, sup. fam. ercisc. L. patto successorum, sup. de pact. L. 2. sup. de act. hered.* Quod cum ita sit: iniquum videtur exigere ab uno, ut solidum solvat, quo eius pars in pignore liberetur,

cum ipse partem solum, non solidum debuerit. Iniquum præterea totum fundum adhuc teneri in eam partem coheredis, quæ soluta non est: quia non possit is fundus in eam partem tenere, quia pars aliena pignori obligetur, idest, pars, quæ est eius coheredis, qui iam solvit: constat autem res hereditarias inter heredes dividi, & solidas ab uno ex heredibus pignori obligari non posse, *L. unica, sup. si com. res pig. dat. sit*. Hinc dubitandi causa in heredibus: valde enim consentaneum videtur, ut iis rationibus cessantibus, quæ sunt in debitore, non idem ius in heredibus eius statuamus, quod in debitore, argum. in *L. quod dictum, D. de pact.* Sed nihil hic proponitur, cur non idem ius in heredibus retinendum sit in proposito, quod in debitore fuit: cum & in his eadem causa & ratio sit totius pignoris retinendi pro ea parte, quæ soluta non est. Nam cum debitor adhuc partem ex sorte debet, non ideo totum pignus obligatum manet, quia debitor prius totum debuerit, aut quia res pignori obligata in solidum sit debitoris: sed quia ab initio in solidam summam, quæ debebatur, pignus obligavit ea lege, ut non liberaretur, nisi pecunia soluta esset. Hæc conditio pignoris etiam manet in heredibus, quamdiu non omnes solidum quod debetur, solverint. Quare & in his ius idem retinendum est: non enim ex persona heredum immutatur conditio obligationis, *L. 2. §. ex his, D. de verbor. oblig. L. 2. D. de pret. stip. L. cui fundus, D. de cond. & demen.* Nihil ad rem pertinet, si quis dicat fieri non posse, quin personali obligatione summtota in persona unius heredis qui partem suam solvit, iniquum sit, & contra naturam, ut res pro ea parte amplius pignori obligetur, *L. in omnibus speciebus, D. de selus, nam & hic idem respondebimus, quod in L. quanvis, sup. de distr. pig.* Fatebimur utrumque hoc ita esse: sed nihilominus verum est, adhuc totum pignus obligatum manere: est enim obligatum pro ea parte, quæ soluta non est, non pro ea, quæ soluta est. Sed illuc redeo, quod initio posuimus: si tota pecunia soluta erit, aut eo nomine satisfactum creditor: & generaliter, si quo modo actio principalis summtota est, pignus in totum extinguatur. Cui sententiæ cum videatur ex diametro adversari *L. 2. hic*, in eam pluribus inquirendum videtur.

Ad L. Intelligere debes. 2.

Imp. Gordianus A. Domino.

*Intelligere debes vincula pignoris durare personali actione submota. PP.
XII. Kal. Iun. Sabino, & Venuſto Coſſ.*

S U M M A R I A.

1. *Falsum*, Personali actione sumnota vincula pignoris durare, at est lictis vulgata: sed legendum non durare, multis argumentis evidenter demonstratur.
2. *Hæc verba*, intelligere debes, perspicis, intelligis, & similia usurpari solent de iis rebus, de quibus non debuit dubitari.
3. *Personali actione seu ipſo iure, seu per exce-*

ptionem perpetuam quamlibet sublata pignus extinguui, sine exceptione verum esse.

4. *Etiā per præſcriptionem triginta annorum actione personali sumnota, pignus ſolui.*
5. *Uno ex heredibus debitoris ſolvoit, eatenus tolli perſonalem actionem, ſed & pignus: & nibilominus verum eſſe in ſatū pignus manere, quia manet præ ex parte, quæ ſublata non eſt.*

Verba sunt hæc, *intelligere debes vincula pignoris durare, personali actione submota*. Non t̄ dubito, quin hic locus corruptus sit, & contra ita legendum: *vincula pignoris non durare personali actione submota*. Moveor his rebus. Primum sententia affirmativa hoc loco scripta aperte falsa est, si ve in univerſum actione personali submota pignus extinguatur, si ve extinguatur ut plurimum, interdum autem duret. Nam ad refellendam generalem aliquam orationem satis est ostendere, eam in una aliqua parte falsam esse, ut falsa in totum probetur: quod a Dialecticis sumptum Iulianus usurpavit in *L. si is, qui, §. utrum. illic, quia cum significatio, D. de reb. dub.* Multo magis si fere in omnibus partibus falsa sit, in una autem aliqua vera, qualem esse hanc sententiam necesse est omnium interpretum confessione: etiam si concesserimus interdum pignus durare personali actione submota. Nam hoc convenit inter omnes, si actio personalis ipſo iure submota sit, pignus non durare, ut mox dicemus pluribus. Sed etsi submota sit per exceptionem, certum est regulariter pignus extinguui. Quod si hoc casu duret pignus, concedunt tamen id fieri, ubi actio personalis submoveret præſcriptione triginta annorum, aut cum unus ex pluribus partem suam solvit: qui sunt duo casus ex innumerabilibus, in quibus solis omnium confessione personali actione sublata pignus non extinguitur. Ex quo intelligimus aperte falsam futuram hanc sententiam, si generaliter & sine exceptione definierimus, personali actione sublata pignus durare. Cum sententia per se talis

est, id est falsa, si affirmative legitur: tum vero neque hoc sensisse Gordianum Imperatorem, neque affirmative scripsisse facile probari potest, & ex verbis huius loci, & ex consuetudine respondendi Imperatorum, ac iura constitutendum.

Ex verbis sic colligitur: nam t̄ hæc verba, *intelligere debes*, quibus Imperatores in reſcriptis uti consueverunt, adhiberi solent ad eas res, quæ sunt iuris certi & manifesti, quæque sine exceptione recte in univerſum definiuntur. Sunt enim verba increpantium, quasi dicerent: non debuisti me hac de re consulere, cum intelligere debueris ius ita se habere, veluti cum ita respondenti: intelligere debes ex pacto actionem non nasci. *L. cum proponas, 21. sup. de pact.* Item intelligere debes donationem a marito tuo factam contraria eius voluntate revocari, *L. si maritus, sup. de don. int. vir. & uxor.* Simile est, cum respondenti, perspicis, intelligis ius ita esse, *L. si actionem, sup. de pact. L. cum proponas, 17. sup. de transact. L. cum dotem, sup. de iur. do.* At personali actione submota si debitor consulit, utrum pignus extinctum sit, an duret, & putet non extinctum: non debuit increpari, neque debuit ei dici, intelligere debes pignus durare, cum regula iuris communis sit in contrariam sententiam.

Præterea usus respondendi Imperatorum lectionem affirmativam repudiat: nam iura non constituuntur ex iis, quæ forte uno aliquo casu accidunt. *L. 4. & seq. D. de legib.* At secundum sententiam eorum, qui putant adhuc pignus durare, uno aliquo casu accedit, ut pignus duret personali actione submota. Non debemus igitur

Tom. IX.

Gggg

tur

1 tur exillimare sub hoc generaliter de eo casu esse constitutum. Huc accedit, quod cum aliquid simpliciter verum non est, sed tantum sub conditione, si illud, aut illud factum sit: nunquam Imperatores respondere generaliter solent, sed sub conditione, quam præmittunt, ut patet ex *L. ut responsum, supr. de transact. l. precibus, supr. de impub. & aliis subss. Quare & in hac constitutione, cum omnium consensu non sit verum, actione personali submota pignus durare, nisi sub distinctione: intelligi debet de eo Imperatorem non sensisse, qui sine distinctione respondit. Quapropter cum neque hæc sententia affirmativa vera sit, quocunque modo eam cum aliis interpretabimur, neque verbis Imperatoris conveniat, neque sit ex consuetudine loquendi Imperatorum: dubitare non debemus quin ita Gordianus non scripserit, sed scripserit hoc modo, *Intelligere debes vincula pignoris non durare personali actione submota*. Et recte: nam hoc ita generaliter rectissime definitur secundum omnium sententias, & est certi iuris definitio: ut merito de eo dubitanti dici debuisset: intelligere debuisti id, quod est manifesti iuris, actione personali submota pignus non durare.*

3 Sed si ne quis scrupulus nobis restet, doceo sine exceptione verum esse, personali actione submota pignus semper extinguí, neque durare. Quod si verum est: de sententia, quam posuimus, dubitari nullo modo potest. Id autem primum hoc argumentum colligitur.

Personalis actio submovetur aut iure ipso, aut per exceptionem. *L. 5. supr. de pact.*

Iure ipso, iis modis, quibus obligatio iure tollitur, de quibus modis agitur titulus. *Inst. quibus mod. toll. obligat.*

Per exceptionem, cum id factum intervenit, quo iure civili non tollitur obligatio, sed tamen eo interveniente non est æquum debitorem teneri: veluti si creditor cum debitore pactus sit, ne ab eo petat; si debitor sententia iudicis absolutus sit, cum pecunia ab eo petatur; si deserente creditore inveniat se non debere: ex quibus factis nascuntur debitori adversus creditorem exceptiones pacti conventi, rei iudicatæ, iurifurandi: de quibus & similibus agitur tit. *Inst. de except.* At quocunque modo ex his actio personalis submota sit, pignus tollitur. Si submota sit ipso iure: omnes concedunt pignus extinguí. *L. item, D. quib. mod. pig. vel hyp. sol. l. in omnib. speciebus, D. de solat.* Sed etsi submoveatur per exceptio-

nem pacti, iurifurandi, rei iudicatæ, etiam pignus extinguí constat, *L. solvitur, in prin. & fin. l. antepen. D. quib. mod. pig. vel hyp. sol.* Quinimo si actione personali ipso iure submota pignus perimitur, recte colligitur hoc ipso etiam perimi, etsi actio personalis per exceptionem submota erit: quoniam nihil interest, utrum quis actionem ipso iure non habeat, an etiam habeat, quæ per exceptionem infirmetur, *L. nihil interest, D. de reg. iur.* Neque plures sunt modi, quibus actio personalis sumoveatur. Quare quocunque modo ea submota erit, pignus non durabit. Et vero nec potest, id quod rursum ex natura pignoris certo efficitur. Nam pignus est res pro debito obligata, *§. item Serviana, Inst. de aff. l. res hypotheca, D. de pig.* Proinde ubi nullum debitum est, ibi nec pignus potest intelligi. Iam vero nullum debitum est, ne tunc quidem, cum actio personalis per exceptionem perpetuam removetur. Ergo ne tunc quidem pignus consistit. Nullum debitum esse, ubi actio personalis per exceptionem perpetuam submovetur, hæc liquido probant. Debitor is intelligitur, a quo invito pecunia exigí potest *L. debitor, D. de verb. sign.* Non potest autem ab invito exigi, cum exceptione perpetua tuus est. Quapropter hac exceptione tutus nihil debere intelligitur. Idem declarat definitio creditoris in *L. creditores, l. creditor autem, D. de verb. sign.* In quibus non alius dicitur esse creditor, id est is, cui aliquid debetur, quam qui exceptionem perpetuam non metuit. Item qui exceptionem perpetuam habet, si per errorem solvit, repetit *L. qui exceptionem, D. de cond. indeb.* Item qui exceptionem perpetuam habet, si id constituit, de quo exceptionem habet, non tenetur ea constituto: nempe quia non debitum constituit, *L. 3. §. 1. D. de const. pec.* Relinquitur igitur illud, ut actione personali submota, quavis per exceptionem pignus durare non possit, quia non possit dici res esse pro debito obligata, ubi nullum debitum esse constituit. Hinc dictum est, pignus esse accessionem principalis obligationis, *L. in omnibus, D. de solut.* Porro certi iuris est, cum principalis causa non consistit, nec accessionibus locum esse, *L. cum principalis, D. de reg. iur.* quam definitionem etiam ad pignus pertinere scimus ex *d. l. in omnibus*. Non infirmat hanc sententiam ea, quæ ab interpretibus adferri solent, ut probent, in his saltem actione personali submota pignus durare. Vulgo 4 receptum est id accidere, cum actio per-

sona-

sonalis submota est præscriptione triginta annorum. Nam in hac specie constitutum est, nihilominus hypothecariam actionem durare post triginta annos usque ad annos quadraginta, si cum debitore, aut heredibus eius agitur. Non potest autem post triginta annos agi hypothecaria de pignore, nisi post triginta annos pignus duret. Durat igitur & post triginta annos pignus: proinde & post exceptionem debitori quæsitam. Sed exemplum ad rem nihil pertinet. Intelligere enim debemus post triginta annos sic durare hypothecariam & pignus, ut simul etiam duret actio personalis: quod sit, ubi prius ea actum est, aut interposita saltem per executores conventio, aut debitor secunda cautione debitum agnovit: quibus modis interruptitur præscriptio temporis, & fit actio personalis exinde perpetua ad annos atque quadraginta, *L. sicut, illic, nec sufficiat, L. cum notissimi, §. sed etsi quis, L. ult. supr. de præf. 30. vel 40. ann.* Idque ex eo intelligimus, quod quoties aliquid concedi non potest, nisi prius aliud concedatur, posteriore concedo etiam prius constitui & concedi placet, *L. 2. D. de inr. dist.* Non potest autem hypothecaria

actio durare post triginta annos, nisi etiam actio personalis post illud tempus maneat: ut sit videlicet debitum pro quo de pignore agitur. Quare etiam hoc casu ut hypothecaria agi possit, hoc constitui intelligendum est, ut ne personalis actio submota sit, sed ante facta sit perpetua. Alii malunt hanc sententiam aptari ad duos heredes debitoris, qui sub pignore debuit. Nam si unus ex his heredibus partem solverit, in totum pro ea parte submovetur actio personalis. Atqui nihilominus pignus durat, *L. 1. supr. hoc tit.* Sed hoc exemplum multo minus convenit. Nam pro parte quidem eius, qui non solvit, pignus manet: sed pro ea etiam parte actio submota non est. Pro ea autem parte, quæ soluta est, verum est, actionem personalem submotam esse. Sed nihilominus & hoc verum est, pignus pro ea parte extinctum esse, ut supra docuimus. Ex quo apparet, in hoc exemplo quatenus actio personalis submota est, eatenus etiam pignus non teneri: quatenus autem pignus durat, eatenus durare, quatenus pars soluta non est. Quo exemplo magis sententia a nobis posita confirmatur.



A D T I T U L U M XXXII.

COD. SI UNUS EX PLURIBUS HEREDIBUS CREDITORIS,
VEL DEBITORIS PARTEM SUAM DEBITI
SOLVERIT, VEL ACCEPERIT.

Ad L. Manifesti. 1.

Imp. Valerianus & Gallienus AA. Tauro.

Manifesti & indubitati iuris est, defuncto creditore multis relictis heredibus actionem quidem personalem inter eos ex lege 12. tabularum dividui: pignus vero in solidum unicuique teneri. Dat. XII. Kal. Maii, ip[s]is AA. II. & IV. Coff.

Ad L. Actio. 2.

Imp. Diocletianus & Maximianus AA. & CC. Claudie.

Actio quidem personalis inter heredes pro singulis portionibus quaesita, scinditur: pignoris autem iure multis obligatis rebus, quas diversi possident: cum eius vindicatio non personam obliget, sed rem sequatur: qui possident, tenentes non pro modo singularum rerum substantiae conveniuntur, sed in solidum: ut vel totum debitum reddant, vel eo quod detinent, cedant. Subscrip. V. Non. Antiochie.

S U M M A R I A.

1. Singulis heredibus creditoris partem solum deberi: pignus autem pro ea parte in solidum teneri, & vendi posse.

2. Singulis heredes debitoris partem debere: hypothecaria autem non teneri, si non possideant: si possideant, teneri in solidum.

Quod dictum est in *L. 1. superiore tit.* unum ex pluribus heredibus debitoris pro parte hereditaria solvendo nulla ex parte liberare pignus, quaestionem attulit, quæ hoc titulo explicatur, Quatenus in universum heredes tam creditoris, tam debitoris in pignus succedant, seu quatenus singuli agant, aut conveniantur. Exemplum personalis actionis facere videbatur, ut hypothecaria actio inter plures heredes scindatur pro portionibus hereditariis. Nam hoc modo inter plures heredes dividitur actio personalis de eo quod debetur; idque tam inter heredes creditoris, de quibus ius statuitur in *L. 1. hic*, & *L. heredes, §. an ea, D. fam. ercif.* quam inter plures here-

des debitoris, de quibus in *L. ult. hic, L. pacto successorum, supr. de pact. L. 2. sup. de hered. act. L. 1. inf. de except.* Sed placuit aliam conditionem esse hypothecariae actionis de qua his rescriptis duobus statuitur. Ac ꝑ de heredibus debitoris hæc sententia est *L. 1. personalem actionem inter heredes creditoris ita dividi pro portionibus hereditariis, ut & singulis pars tantum hereditaria debeatur, & singuli pro ea tantum parte agant*; ut pignus singulis in solidum teneri pro ea parte, quæ singulis debetur: ut intelligamus & singulos actione hypothecaria in solidum agere posse, & singulos distrahendi pignoris ius habere. Cur hæc tam dissimiliter, cum constet, quæcunque res here-

hereditariae sunt a defuncto relictae, non ultra heredes in eas succedere, quam quatuor heredes sum? Id conditio eorum obligationum facit, ex quibus nascuntur hæc actiones. Quod enim dicitur, actionem inter heredes dividi pro portionibus hereditariis ex lege duodecim tabularum, sic accipiendum est, si & possit dividi. Quod si non potest: ut creditori, sic & singulis heredibus creditoris solida petitio est, *d. l. hered. §. an ea sam. etc.* Quapropter inter eos personalis actio dividitur, quia ea actio est de pecunia debita, de fundo, & similibus rebus, quæ natura sua partis præstationem recipiant, *L. 2. §. 1. l. stipulationis non dividuntur*, vers. *Celsus*, *D. de verb. oblig.* Hypothecaria actio inter heredes non dividitur, quia non potest: obstante non natura rei pignoriata, quæ non minus dividi potest, sed lege & conditione obligationis: nam pignus sic obligatur, ut tantum teneatur, donec omnis pecunia soluta erit, *L. si rem, §. omnis, D. de pig. actio*. Unde etsi debitor maximam debiti partem solverit, tamen in id, quod adhuc residuum est, solidum pignus tenetur creditori, *L. quando, sup. de distr. pign.* Proinde & singulis heredibus solidum tenetur, quantumcunque id erit, quod ex obligatione principali his debetur. Non enim ex persona heredum immutatur conditio obligationis, *L. 2. §. ex his, D. de verb. oblig.* De heredibus & debitoris hæc sententia est, *L. ult. hic*, dividi inter eos personalem obligationem, ut singuli actione personali hereditaria pro portionibus hereditariis tantum teneantur: sic tamen, ut semper teneantur. Diversam esse causam hypothecariæ actionis: hac actione neque eos semper teneri, neque in solidum, sed quatenus possideant res pignori obligatas: nam & defunctus, cui successerunt, illo modo teneretur. Hanc dissimilitudinem iuris facit natura & conditio actionis hypothecariæ. Hæc in rem

est, *L. pignoris, sup. de pign.* & ut explicatur in *L. ult. rem pignoratam sequitur* & propter rem eius rei possiderem, idest, adversus eos solum competit, qui possideat, aut dolo malo defuerint possidere. *L. si fundus, §. in vindicatione, D. de pign.* quæ conditio est omnium actionum in rem, *L. actionum, D. de obl. & act.* Hinc fit, ut si heres debitoris nullam rem pignori obligatam possidet, neque dolo malo delitit possidere, nullo modo teneatur hæc actione. Contra autem, si quid possidebit, eatenus in solidum teneatur, non pro parte hereditaria, quia solidum pignus possidet, non partem. Quid ergo si unus ex heredibus, qui pignus totum possidet, offerat partem hereditariam eius, quod debet? Nullo modo pignus liberat, *L. 1. sup. tit. prox. L. unus, sup. de distr. pig.* Quod fit, ut solidum pignus restituere debeat, nisi solidum, quod debetur, paratus sit solvere, ut in *L. ult.* dicitur. Neque quicquam dicat iniquum esse, cogi unum ex heredibus solidum solvere, cum partem tantum debuerit. Non cogitur id facere, si velit, est enim in eius potestate pignus restituere, sed si pignus retinere vult, alterum facere cogitur, *d. L. si fundus, §. in vindicatione, D. de pign.* Quid, si heres velit creditori tantum solvere, quanti pignus valet? traditur in *d. L. ult.* ne sic quidem audendum eum esse: hoc enim est, quod dicitur, teneri eum non pro modo singularum rerum substantiæ: quo significatur non teneri, quanti singulae res substantia sua valent. Exempli gratia, centum debentur creditori, fundus in eam summam obligatus est. Defuncto debitor, unus ex heredibus possidet eum fundum, qui valet tantum sexaginta, dicimus nihil agere heredem, si ad retinendum hunc fundum illa sexaginta offerat. Nempe huc res redit, aut solidum quod debetur, solvere debet, aut fundo cedere, *L. si inter, §. ult. D. de pign.*

A D T I T U L U M XXXIII.

COD. SI PIGNORIS CONVENTIONEM NUMERATIO
PECUNIÆ SECUTA NON FUERIT.*Ad L. Si pecuniam. 1.**Imp. Severus & Antoninus AA. Illaro.*

*Si pecuniam tibi non esse numeratam, atque ideo frustra cautionem emis-
sam adferis, & pignus datum probaturus es, in rem experiri potes. Nam
intentio dati pignoris, neque reddita pecuniæ, non aliter tenebit, quam si
de fide debiti constiteris. Eademque ratione veritas servetur, si se possidente
pignus, adversarius tuus agere cœperis. PP. Kal. Sept. Laterano & Rus-
no Coss.*

*Ad L. Si 2.**Imp. Alexander A. Peregrino.*

*Si (ut nunc adseveras) nihil, creditor numeravit uxori suæ quæ pignus
dedit, sed inanem extorsit cautionem: mendaci scriptura contra fidem veri-
tatis obligari eius res non potest. Sine die & consule.*

S U M M A R I A.

1. Occasione tituli, & sententia.
2. Chirographum appellatur cautio, & quare.
3. Debitoris videlicet domino ad repetitionem pi-
gnoris duplicem actionem esse, in rem, &
pignoratitiam, neque priore posteriore im-
pediri.
4. Condere rem suam neminem posse, præterquam
a fure, quomodo accipiendam.

5. In actione in rem quarum rerum intentio &
probatio ab aliere exigatur, & quomodo
hæ probentur a debitore pignus a se datam
repente hac actione.

6. Intentio dati pignoris & pecuniæ non red-
ditæ non aliter tenet, quam si de fide
debiti constiterit, hoc quid sit in L. 1.

NON † male subiicitur hic titulus pro-
ximis superioribus. Diximus sub ti-
tulo de *lutione pignoris*, pignus liberari,
si debitor id luat: nempe id, quod de-
bitum est, solvendo. Huius tituli hæc sen-
tentia est, non esse tunc necesse pecuniam
solvere & pignus luere, cum reus pecu-
niam non accepit: ideo si spe futurae nu-
merationis debitor cautionem emisit, et
qua fateatur sibi decem milia numerata
esse, & pignus in eam summam dederit,
si postea pecuniam non accepit, non im-
pediri eum mendaci scriptura, quominus
rem a se pignori datam sine alia solutio-
ne pecuniæ repetat. Cautio † hic appel-
latur chirographum, ut alibi sæpe: quia
chirographo adversus periculum inopiæ
probationis creditori cavetur. *L. qui ta-*

bulas, D. de fur. L. emptor. §. ultim.
D. de pact. L. 3. L. adversus, & pene
toto Tit. sup. de non num. pec. Signifi-
catur hæc sententia in *L. ult. hic*. Qua
posita, hæc quæstio fuit. Primum, qua
actione possit debitor pignus a se datum
repetere.

Hic † scriptum est in *L. 1.* posse eum
in rem experiri, id est, aut rem iure ci-
vili vindicare tanquam suam, aut vindicare
prætorio iure Publiciana actione tan-
quam rem a se bona fide possessam, *L. in*
rem, D. de re vind. §. namque, Inst. de
act. Non est contrarium, quod legimus in
L. solutum, §. 1. D. de pign. act. in hanc
rem competere debitori pignoratitiam ac-
tionem. Nam utraque actio debitori in
eam rem competit, licetque ei, utra ve-
lit,

lit, experiri: neque impeditur regula iuris, † qua traditur neminem condicere rem suam posse, præterquam a fure, idest, neminem de re sua in personam agere posse, præterquam cum fure, §. sic itaque, *Inst. de act.* Hoc enim sic accipiendum est, si quis rem suam tanquam suam condicat; alioqui tanquam a se pignoratam, tanquam depositam, tanquam commodatam nemo prohibetur condicere: quia qui his modis condicit, non condicit tanquam suam, condiceret enim eo modo, etsi res aliena ab eo pignorata, commodata, deposita esset. Deinde quæsitum est, quid debitor in rem agendo intendere, & probare debeat. Hinc in *L. 1. duo exiguntur dumtaxat*: ut debitor dicat sibi pecuniam numeratam non esse, quam sibi numeratam scriptam, & præterea se pignus dedisse, sed de hoc posteriore solum probatio exigitur, & recte. Prius ideo non probat, quia negat, & factum negantis per rerum naturam nulla probatio est. *L. asseveratio, sup. de non num. pecun. L. actor, sup. de probat.* Posterius probat, quia dicit & intendit; & quod quisque dicit, probare debet, *L. 2. l. in exceptionibus, D. de probat.*

5 Sed videamus, † ne huic responso adversetur natura actionis in rem. Nam hæc actio hic non competit, nisi domino, aut bonæ fidei possessori: quo fit, ut qui hac actione agit, alterum non intendere debeat, aut se dominum esse, aut se bona fide emisit, vel ex alia iusta causa accepisse. Eandem actio non datur, nisi adversus eum, qui possidet aut dolo desit possidere, ut hoc quunque non tantum intendere oportet, sed etiam probare, ut is, cum quo agitur hac actione teneatur, *L. qui petitori, D. de rei vind.* Quæ si ita sunt: verum non videtur, nihil amplius exigendum a debitore, qui de pignore in rem agit, quam ut probet pignus a se datum: quod tamen hoc rescripto significatur. Sed & priora vera, & verum nihilominus hoc etiam posterius. Debet in proposito intendere debitor superiora omnia, quæ natura vindicationis exigit: oempe & rem esse in bonis, & eum, cum quo agit, possidere, aut dolo malo possidere desinere; & quia intendit, etiam probare illum oportet. Sed ad ea probanda hoc unum sufficit, si probet pignus a se datum: ut merito unus huius rei exigitur hoc rescripto probatio, quæ superiora omnia coarctet. Nam quod attinet ad ius petitoris, quo rem suam, aut in bonis suis esse dicit, satis probatur adversarii confessione, qui rem sibi pignoris titulo defendit,

Qui enim pignus sibi datum intendit, ut ipsa hoc dicit, rem fuisse in bonis debitoris; quia alioqui pignus non esset, *L. quæ prædium, supr. alien. res, l. 3. quæ nondum, §. quod dicitur, D. de pig.* Quod attinet ad possessionem, hæc satis probatur hoc ipso, quod probatur pignus sine causa illi datum esse. Nam si adhuc possidet, expellendum est: si non possidet, desit possidere dolo. Cum enim sciret rem sine causa a se teneri; statim restitueret debuit, quod si non fecit, dolo fecit. Alterum autem satis est, ut quis rei vindicatione teneatur, si vel possidet, vel dolo desit possidere: dolo pro possessore est, *L. parem, L. qui dolo, D. de regul. iur.* Recte igitur statuunt Imperatores in proposito sic debitorem actione in rem experiri posse, ut nihil amplius probare debeat, quam pignus a se datum, ubi intendat pecuniam sibi numeratam non esse. Sed quæritur, an non agenti obilet exceptio & defensio creditoris, qua sibi pignus datum esse intendit, & pecuniam, quæ ipsi in chirographum deducta est, sibi redditam non esse. Videtur vero iusta hæc esse defensio ad removendum petito-rem. Nam si creditor pignus non possideret, ultro haberet actionem ad id persequendum, *L. pignoris, sup. de pig. l. item Serviana, Inst. de act.* Ergo si possidebit pignus, multo magis exceptionem habebit ad id retinendum, iuxta regulam iuris, *L. invitus, §. 1. D. de reg. hoc.* † occupant Imperatores in dicta *L. 1. & addunt ad depulsionem huius obiectionis, hanc intentionem dati pignoris & pecunie non redditæ non tenere, nisi prius de fide debiti constiterit.* Intentionem vocant, ut recte Accursius interpretatur, exceptionem, qua creditor utitur ad pignus retinendum. Nam ut reus in exceptione actor est, sic eius exceptio intentio est. *L. in exceptionibus, D. de prob.* Dicunt intentionem non tenere: ut sit sententia, non tenere debitorem agentem. Dicitur autem actio & intentio tenere adversarium, quæ adversarium contrahit, & cogit ei intentioni stare. *L. quæsitum, in pr. D. de pecul.* Quod dicunt hanc intentionem non tenere, nisi prius de fide debiti constiterit, occupatio est illa, quam dixi, quæ hanc sententiam habet, quasi ita scriptum esset: Potest quidem creditor illa intentione, seu defensione uti, quam diximus, quæ hanc significationem habet: qui pignus vindicare potuit, multo magis potest possessum retinere. Sed hoc ita est, si vere sit pignus. Non autem in proposito pignus constitit: nam sine principali

cipali obligatione pignus nullum esse potest, *L. res hypotheca, D. de pign.* Hic autem nulla est obligatio principalis, ubi pecunia, quam debitor scripsit numeratam esse, non est numerata. Certe non constat numeratam, nisi prius de fide numerationis constiterit probatione creditoris. Quare priusquam ille hoc probaverit, exceptio pignoris agentis non obstat, ubi pignus nullum est. Hoc loco occurritur Imperatoribus: Eilto enim, probatio debiti exigatur a creditore; at hoc modo res illi expedita est, nam debitum satis probat chirographo debitoris, quo is proficitur sibi decem mutui esse numerata. Ita enim est, ut qui quid scripsit, confessioni suae stare debeat. *L. cum de indebito, in fin. D. de prob. L. generaliter, supr. de non numer. pec.* Sed hoc ius in pecunia mutui locum non habet: in qua confessio

pecuniae numeratae fidem non facit, ut proinde cogatur creditor hoc amplius probare, pecuniam a se numeratam, *L. 3. sup. de non num. pec.* quam ad rem prodita est reo in hac specie exceptio non numeratae pecuniae, *L. adversus, sup. de non num. pec.* Hæc vero est illa probatio debiti, quæ hoc loco a creditore exigitur. Si tunc, cum creditor pignus possidet, quod a debitore repetitur, agenti debitori cautio eius, seu chirographum mendax non nocet, sed nihilominus creditor pecuniam a se numeratam probare debet: multo magis id probare debet, si pignus a debitore possessum vindicabit. Est enim maius onus petitoris, quam rei, *L. favorabiliores. D. de regul. iur.* Ita si creditori reo hoc onus imponitur: multo magis imponetur pignus persequenti: quæ sententia est. *L. sit. hic.*

A D T I T U L U M XXXIV.

COD. DE IURE DOMINII IMPETRANDO.

Ad L. Dominii. 1.

Imp. Alexand. A. Nicolæ.

Dominii iure pignora possidere desiderans, nomina debitorum, quos in solutione cessare dicis, exprimere, & an solemnia peregristi, significare debuisti: dummodo scias omnia bona debitoris, quæ pignori dedisti, ut universa dominio tuo generaliter addicantur impetrare te non posse. PP. XIV. Kal. Decemb. Alexandro. A. III. & Dione Coss.

1

Ad L. Si creditor. 2.

Imp. Gordianus A. Iustæ.

Si creditor pignus iure dominii a nostra serenitate possidere petiit, & post formam rescripti alio anno usuras a vobis accepit, a beneficio impetrato recessisse videtur. PP. Prid. Non. Decembr. Pio & Pontiano Coss.

Ad L. Vetustissimam. 3.

Imp. Iustinianus A. Demostheni Prasæcto prætorio.

Vetustissimam observationem, quæ nullatenus in ipsis rerum claruit documentis penitus esse duximus amputandam, immo magis clarioribus remediis corrigendam. Igitur in pignoribus quæ iure dominii possidere aliquis cupiebat, proscriptio publica, & annus lutionis antiquius introducti sunt: pignus autem publice proscriptum neque vidimus, neque (nisi tantummodo ex librorum recitatione) audivimus. Sancimus itaque, si quis rem creditori suo pigne-

pigneraverit, si quidem in pactione cautum est quemadmodum debet pignus distrabi, sive in tempore, sive in aliis conventionibus, ea observari, de quibus inter creditorem & debitorem conventum est. Sin autem nulla pactio intercesserit, licentia dabitur fœneratori ex denunciatione vel ex sententia iudiciali post biennium ex quo attestatio missa, vel sententia prolata est, numerandum, eam vendere. Si vero nemo est qui comparare eam maluerit, & necessarium fiat creditori saltem sibi eam iure domini possidere: ipse huiusmodi casibus hanc causam esse observandam censemus, ut sive præsens sit debitor, denunciatio ei scilicet post biennium mittatur: sive absuerit, provinciale tribunal creditor petat, & iudicem certiorare festinet, quatenus ille eum requisierit, certo tempore super hoc ab eo statuendo: ut fiat debitori manifestum per apparitionem iudicis, quod a creditore petatum est: & certum tempus statuatur: intra quod si fuerit inventus debitor, debet is qui pecunias creditas accepit, debitum offerre, & pignus recuperare. Sin autem nullatenus fuerit inventus, iudex certum tempus designat, intra quod ei licentia dabitur sese manifestare, & offerre pecuniam, & pignus a pignoratione liberare. Sin autem tempore statuto vel minime fuerit inventus, vel creditam pecuniam totam offerre noluerit: tunc creditor adeat culmen principale, & precibus porrectis, iure domini a nostra serenitate habere eandem rem expetat, habeatque ex divino oraculo eam in suo dominio. Et postquam hoc fuerit subsecutum, pietatis intuitu habeat debitor intra biennii tempus in suam rem humanum regressum, ex die sacri oraculi numerandum: & liceat ei creditori qui iam dominus factus est, offerre debitum cum usuris & damnis vitio eius creditori illatis: quorum quantitatem creditor debet suo iuramento manifestare, & suum pignus recuperare. Sin autem biennium fuerit elapsum, plenissime habeat rem creditor idemque dominus iam irrevocabilem factam. Sed si quidem minus in pignore, plus in debito inveniatur: in hoc quod noscitur abundare, sit creditori omnis ratio integra. Sin autem ex utraque parte quantitas aequa inveniatur: sine omni dubitatione totam rem antea pignoratam retineat. Sin autem minus quidem in debito, amplius autem in pignore fiat: tunc in hoc quod debitum excedit, omnia debitori iura integra lege nostra servabuntur: creditoribus quidem fœneratoris non suppositum, aliis autem debitoris creditoribus vel ipsi debitori servatum. Et ne ex communione fiat aliqua difficultas, licentia dabitur creditori seu domino estimationem superflui debitori vel creditori debitoris cum competenti cautela in eum exponenda offerre. Sin vero creditor postquam iure domini hoc possideat, vendere hoc maluerit: liceat quidem ei hoc facere: si quid autem superfluum sit, debitori servare. Sin autem dubitatio exorta fuerit pro venditione, utpote viliori precio facta, sacramenti religionem creditor præstare compellatur quod nulla machinatione vel circumscriptione usus est, sed tanti vendiderit rem, quanti potuerit venire: & hoc tantummodo reddi debitori, quod ex iuramento superfluum fuerit visum. Sin autem ex iureiurando etiam minus habuisse creditor inveniat: in residuum habeat integram actionem. Estimationem autem pignoris, donec apud creditorem eundemque dominum permaneat sive amplioris sive minoris quantum ad debitum quantitas est, iudicialis esse volumus disceptionis: ut quod iudex super hoc statuerit, hoc in estimationem pignoris obtineat. Dat. XV. Kal. April. Constantinop. Lampadio & Oreste PP. CC. Coss.

S U M M A R I A.

1. *Ius creditoris in pignore hoc esse, ut aut distringat, aut nemini ad emptorem accedente ius domini a principe impetret.*
2. *Impetrationem domini qua precedere debeat.*
3. *Forma in dominio impetrando observanda.*
4. *Impetrati domini effectus.*
5. *L. ultim. C. de iur. dom. imp. ius vetus distrabendi pignoris non mutari.*

Pertinet hic § titulus ad ius creditoris in pignore. Id ius summum esse diximus, ut distrabere liceret, *L. si cessante, supr. de distr. pignor.* Neque vero quidquam amplius creditori conceditur in dominio pignoris. Itaque pignus sibi frustra addicit: frustra per interpositam personam emit, *L. Et qui sub, supr. de distr. pign.* Si tamen pignus expositum emptorem non reperiat: consultum est creditori, ut rem domini iure ei possidere liceat. Id ius impetratur a principe ad eum modum, qui hic praescriptus est in *L. ult. hoc tituli.* Quam ita commodissime intelligemus, si in hac impetratione hanc ordinem spectentur, primum ea, quae hanc interpretationem praecedunt, deinde ipsa interpretatio, postremo, quae hanc sequuntur. Quae praecedere § debeant, haec sunt.

Primum, ut creditor deunviet debitori, ut solvat; alioqui fore, ut ius pignoris exsequatur. Et hoc, si debitor non negabit se debere: quod si negabit, creditor iudicio adversus eum experiri debet, & efficere, ut condemnetur. Secundum est, ut post hanc denuntiationem, aut sententiam acceptam totum biennium cesserit debitor. Tertium, ut biennio exacto creditor pignus venum exponat. Quartum, ut exposito pignore emptorem non reperiat, cum qua parte congruit *L. debitor, D. ad Treb.* Quintum, ut ad extremum creditor iterum praesenti debitori denuntiet, ut solvat; sin aberit, euret, ut magistratum adeat, qui absenti per apparitionem tempus praestituit, intra quod adsit, & pecuniam offerat.

His § peractis rebus, recte perveniet creditor ad domini impetrationem. In quo impetrando haec forma observatur, ut creditor precibus principi oblatis petat sibi pignus domini iure possidere licere; quo facto, rescripto principi id impetrat. Quod de precibus hic dicitur, monendi sumus haec esse, quae his precibus creditor complecti debeat: nempe & nomina debitorum, & declarare se solemnia peregrisse, de quibus diximus; sumptum ex *L. i. b. i.* Ex eadem lege intelligimus creditorem non debere generaliter petere, ut sibi universa bona debitoris addiscantur, sed nominatim res certas, ut de

his venum expositis constare possit, deque earum estimatione, ne plus consequatur creditor, quam ei debetur.

Impetrationem § sequitur huius rei effectus: est autem hic in §. *sin autem tempore*; ut post impetrationem debitori nihilominus aliquid iuris relinquatur in eam rem. Ac primum intra biennium ex quo ius domini impetratum est, sit potestas debitori rei suae recuperandae, si modo debitum offerat cum usuris, & omni damno, quod ex eius frustratione creditor passus est. Hoc ius singulare a se notandum est: nam postquam creditor dominus esse coepit, postulabat ius domini ut res ei invito avocari non posset, quantumlibet ei debitum offerretur, *L. non est, supr. de resc. vend. l. id quod nostrum, D. de reg. iur. l. penult. supr. si anteq. cred.* Et ideo bene hic dictum est, hoc ius humanitatis causa debitori tributum. Usurae, de quibus hic dicitur, haec erunt, quae frequentantur in regione, ubi res agitur: dummodo non excedant modum constitutum, *L. i. D. de usur. l. eos, §. i. supr. de usur.* De damno quo diximus, si erit controversia, de eo iuram creditori fides habebitur, *d. §. sin autem tempore, in fin.* Biennio post impetrationem domini peracto ius domini creditori omni ex parte confirmatur. Sed tamen etiam tunc hoc relinquatur, de quo & agat ipse, & item debitor, ut si ex ea re creditor minus consecutus sit, quam ei debetur, siue plus, id quo minus consecutus est, repetere possit vetere actione a debitore, §. *sed siquidem*; quod est amplius, id cogatur debitori reddere, §. *sin autem minus.* At qua actione? Nam debitor dominus rei esse desinit, & Iustinianus hoc casu omnia debitori iura integra hac ipsa lege servari ibidem iubet: ut intelligere quis possit hoc casu etiam in rem actionem debitori competere, ut prius. Sed idem Iustinianus ibidem etiam post hanc quactionem emergentem vocat creditorem dominum. Melius est igitur, ne hic pignus inducatur, sic locum accipere: ut omnia iura debitori integra serventur, non in rem, cuius dominum iam confirmatum est creditori; sed ad hoc, ut quod amplius in pignore est, quam de-

bult, id a creditore consequatur: verum tamen propriis actionibus. Qua actione igitur? non rei vindicatione, quæ ei non competit, qui dominus esse desit; sed conditione ex lege, quæ hac lege ova constituta in eam rem intelligitur, L. 1. D. de condit. ex leg. Cavet tamen Iustinianus, ut in eam summam, quæ excedit debitum, res; cuius dominium impetratum est, pignori sit vel ipsi debitori, vel eius creditoribus, quibus ipse prius eam rem obligaverat. Quod si sit contraria, quanti valeat pignus ultra quam creditori debetur; ut hoc ab eo reddatur: de eo sic constituit, ut intersit, utrum eam rem apud se retineat creditor, an vendat.

Si sibi retinet, tantum res æstimatur, quanti revera est. Quod si de eo dubitetur, iudicis erit cognitio & æstimatio, *vers. ult.* Sin creditor eam rem vendat, non plus consequi intelligitur, quam quanti vendit: & si forte minoris vendiderit, quam quanti valet, non erit ei fraudis: dummodo inret nihil dolo malo a se factum esse, ut minoris solito venderetur, §. *sin autem dubitatio*. Hactenus constituto. Sed si meminimus huic locum esse, cum dominus impetrare vult creditor in pignore, ad ius autem distrahendi pignoris non pertinet, de quo dixi ad L. 4. & *segg. sup. de distr. pig.*

A D T I T U L U M XXXV.

COD. DE PACTIS PIGNORUM, ET LEGE COMMISSORIA IN PIGNORIBUS RESCINDENDA.

Ad L. Qui pactus est: 1.

Imp. Alexand. A. Victorino.

Qui pactus est, nisi intra certum tempus pecuniam quam mutuum accepit, solveret, cessurum se creditoribus hypothecæ venditionem, non contraxit: sed id comprehendit, quod iure suo creditor in adipiscendo pignore habiturus erat. Communi itaque iure creditor hypothecam vendere debet. PP. Id. Octob. Alexandro A. Coss.

Creditor pactus est, si intra certum tempus pecuniam non solveret, se creditoribus cessurum hypothecæ venditionem. Quæsitum est, an pecunia sua die non soluta intelligatur pignus creditori venditum esse ex superscripta conventionione. Respondet Alexander non eam vim esse superius conventionis. Pactus est enim debitor se cessurum hypothecæ venditionem, id est, potestatem & ius hypothecæ vendendi: proinde nihil amplius ex conventionione habiturum creditorem, quam ut iure communi hypothecam vendat. Potest & rescriptum sic accipi, quasi quæsitum sit, an etsi tantum potestas tribuatur creditori ex superiore conventionione hypothecam vendendi, tamen conventio servari debeat. Movet, quod lex commissoria in pignoribus repudiata est.

Videri autem potest hæc conventio legi commissoriae similis. Etenim lex commissoria in pignoribus est, ut res sit vendita creditori poenæ causa, si sua die pecunia soluta non erit. Hæc vero conventio efficitur, ut res vendatur, si minus cre-

TITULUS IX.

ditor, at certe alii. Respondet Alexander, conventionem hanc valere: neque enim esse legi commissoriae similem, quoniam ex lege commissoria venditio contrahatur cum creditore pro ea pecunia, quæ debetur: hac autem conventionione debitor venditionem non contrahit, neque cum creditore, neque cum ullo alio; sed tantum id tribuit creditori, quod ipse etiam sine conventionione esset habiturus, nempe vendendi potestatem. Ex quo recte colligitur, eum iure communi recte pignus vendere posse. Potest etiam locus sic accipi verbis non repugnantibus: quasi dicat Imperator, conventionem hanc qua debitor paciscitur, se pecuniam non soluta cessurum hypothecæ vendendam potestatem, esse inutilem, quia sit supervacua: nam etiam sine conventionione ius idem creditur esset habiturus. Quod verum esse docuimus ad L. 4. & *segg. sup. de distr. pig.* Hæc postrema sententia exprimitur illud, quod indicatur in L. *Cornelius, D. de hered. inst.* adiectionem omnem supervacuum esse eius rei, quæ etiam adiecta non esset, intelligeretur tamen. Hhhh2 Ad L.

*Ad L. Si fundi nomine. 2.**Imp. Dioclet. & Maximian. AA. & CC. Dionysio.*

Si fundi nomine quem venderas, emptori ab alio meta proprietatis quaestione alterum fundum pro eius evictione pignoris hypothecae titulo emptoris instrumentis ea lege dedisti, ut quem secundo tradideras, si is quem venderas, evictus non fuerit, obtineas: de hoc contra eum, qui moverat quaestionem lata sententia: emptori parata securitate circa eum, quem obligaveras, restituendum: conventionis fidem impleri (si negotium integrum est) praes. iubebit. S. Kalend. Decembr. Sirmii, Act. Coss.

Sententia haec est, cum pignus sub conditione datum est, deficiente conditione pignus nec datum videri, eoque & de pignore competere pignoratitiam actionem, quod pene totidem verbis comprehensum est in *L. solatium, §. 1. D. de pign. actio.* Rescriptum id hoc loco excepto in hac specie, cum fundus creditori obligatus esset hac conditione, si alius

fundus venditus evictus esset, & constitit eum fundum evictum non esse. Ergo quod quaesitum est hoc loco, erit in hanc rem de pignore recipiendo pignoratitia actio. Quae actio, quia certa est & vulgaris, ideo praescriptis verbis actioni in proposito locus non est, si ius verius sequamur. *L. 1. §. 3. de praes. verb.*

*Ad L. Ult.**Imp. Constantinus A. ad populum.*

Quoniam inter alias captiones praecipue commissoriae pignorum legis cre-scit asperitas, placet infirmari eam, & in posterum omnem eius memoriam aboleri. Si quis igitur tali contractu laborat, hac sanctione respiciat, quae cum praeteritis praesentia quoque repellit, & futura prohibet. Creditores animi re amissa iubemus recuperare quod dederunt. Data II. Kal. Febr. Serdicae, Constantino A. VII. & Constantio Cesare Coss.

S U M M A R I A.

1. *Lex in conventionibus, quid.*
2. *Commissoria, quid.*
3. *Lex commissoria in emptione; quae.*
4. *Lex commissoria in pignoribus, quae: & cur improbat.*

5. *Legem commissariam in emptione ne nunc quidem improbari, aut improbatam antea: & cur aliter in pignoribus.*
6. *Legem commissariam in pignore nusquam alibi admittam praeponi, & de locis in speciem contrariis responsum.*

Cetera pacta in pignore dando recipiuntur. Improbatum id solum, quod hic dicitur lex commissoria in pignore, de qua dicemus hoc ordine: quid sit lex commissoria, & unde dicatur: quid sit causae, cur lex commissoria in pignore improbetur, non in emptione: quibus conditionibus improbetur, & qui loci in iure hanc legem admittere videantur. Lex in conventionibus 1 dicitur conventio non quaeris, sed conventio traditioni rei vo-

luntate adiecta; aut conventio, qua in re nostra tradenda convenit, ut qui acceperit, aliquid faceret, aut non faceret: quasi dicas traditionis rei nostrae temperamentum quoddam, *L. Legem, sup. de pact. L. ea lege, sup. de condict. ob. cau. dat. L. 1. L. 3. L. servus ea lege, D. de ser. exper.* quam vim huic verbo subesse, & unde sit ducta, ostendit ad *d. L. legem, sup. de pact.*

Commisoria ꝑ dicitur a committendo.
 2 Dicitur autem res quæque committi alicui, cum domino rei sue dominio excludens dominium alteri acquiritur, ut sic res dicatur alteri commissa, quasi dicatur ea ei traditam, ut incipiat in eius iure & potestate esse: denique sic commissam alteri, ut is pro suo arbitratu de ea re possit statuere. Id intelligere possumus in iis mercibus, quæ ob delictum fraudati vestigialis dicuntur in commissum cadere, id est, in poenam committi. *L. interdum, D. de publ.* Nam hic in commissum merces cadere dicuntur, quæ committuntur fisco, & dicuntur fisco committi, quæ veteribus dominis ademptæ fisco vindicantur, quasi dicatur, fisco traduntur, ut sint iam in eius potestate. *L. commissæ, D. de Publician.* quam verbi significationem & originem confirmavi pluribus ad *L. 4. §. Cato, D. de verb. obl.*
 3 Hinc ꝑ dicta est lex commissoria in emptione. Est enim hæc lex, cum in conventionione ita convenit, ut pretium certa die solveretur, & nisi solutum esset, res esset incepta, idest, emptor dominio eius rei excluderet, res ad venditorem veterem dominum reverteretur, *L. 2. D. de leg. rom.* Quia conventionione apparet, rem emptori ademptam venditori committi, idest, quasi tradi & addici, ut is de ea pro suo iure statuat. Hoc exemplo ꝑ dicta est hoc loco lex commissoria in pignore, cum creditor pecuniam credit ea lege, idest, eo pacto & conditione, ut pecunia certa die tibi reddatur, si ea die soluta non erit: ut pignus, quod eo nomine obligatum est, luum fiat pro pecunia credita, & quod iam sæpe diximus, ei committatur pignus pœnæ causa ob id, quia pecunia sua die soluta non sit. Hæc est lex, seu conventio traditioni pecuniæ & pignoris adiecta, quæ hac lege improbat. Non recte improbat, dixerit aliquis, quoniam si non læditur hac conventionione debitor, nulla causa est eius improbandæ. Sed etiam lædator, tamen ideo conventio servanda est, quia licet unicuique de re sua pacisci: licet etiam unicuique paciscendo deteriorem conditionem suam facere. *L. iurigentium, §. si paciscar, L. pactum, D. de pact. L. pen. sup. de pact.* Et improbandi ratio est, quod non omnia pacta de re privata valent; sed ea, quæ neque dolo malo facta sint, neque contra bonos mores; cætera contra, *L. iurigentium, §. ait, D. de pact. L. pact. que contra, sup. de pact.* Hæc autem lex, de qua agitur, ex hoc genere est, est enim contra bonos mores. Et proba-

bile est, non hac constitutione Constantini primum hanc legem improbatam esse, sed etiam difficile veteribus: tantum pœna aucta est, & ius apertius constitutum hac constitutione, cum aut veteres in eo variant sententia, aut ab his ita conventio acciperetur, ut reciperetur per convenientiam. Est autem contra bonos mores, quia invitat creditorem ad delinquendum & fraudandum eos, qui non consentiant, quod genus totum improbari constat. *L. 5. D. de pact. det. levissimum* ad fraudandum huiusmodi est: nam si impune licebit creditoribus hoc pacisci, semper hanc legem in pecunia credenda adicient creditores, & res ad se quam minimo transferent: debitores autem necessitate pecuniam accipiente restricti & hanc legem & aliam quamvis facile suscipiant, ut sibi pecunia potiri liceat. Hæc lex nominatim improbat in pignore. Unde ꝑ intelligimus legem commissoriam in emptione etiam non manere: id enim manere necesse est, quod sublatum non probatur, *L. præcipimus, in fin. sup. de appell.* Et merito lex commissoria in emptione non item improbat, ut in pignore. Altera enim iniusta est, altera iusta. Lex commissoria in pignore dominium veteri domino aufert. Lex commissoria in emptione dominium veteri domino conservat, nempe venditori. Lex commissoria in pignore pignus addicit creditori pro minima pecunia interdum, quæ credita est. Lex commissoria in emptione rem venditori suo addicit iusto pretio, certe eo, quod ab emptore prius profectum erat, de quo ille queri non debet. Postremo lex commissoria in pignore addicit non consentiente debitore, qui necesse habet propter inopiam pecuniam accipere. Lex autem commissoria in emptione nulla necessitate addicitur, quia nemo cogitur emere. Non est igitur mirandum, si in emptione recepta, in pignore improbat. Neque vero credibile est unquam constitutione Constantini in emptione legem commissoriam repudiatam fuisse. Est enim hæc constitutio in Codice Theodosiano indefinite legatur scripta de lege commissoria: tamen ex adiunctis constitutionis apparet Constantinum sensisse de lege commissoria in pignoribus. Primum, quia nominat acerbitatem huius legis commissoriæ, quæ acerbitas huius legis nulla est in emptione. Deinde iubet creditores accipere, quod dederunt, quæ verba ad venditorem non pertinent, sed ad eum, qui mutuum pecuniam credidit. Utrumque est, semper illud

illud constat legem superiorem improbari saltem in pignore hac constitutione.

- 6 Sed videndum est, si ne qui loci huius constitutioni adversentur. Ex quo genere plerique esse videri possunt. Primum recipitur hac venditio, si debitor pecunia accepta, & dato pignore, simpliciter postea pignus det creditori in solutum. *L. cum dominam, sup. de pig. L. Titius, D. de pign. act.* Quidni igitur & ab initio in pignore dando pignoris quoque venditio recte contrahatur sub conditione, si pecunia soluta non erit? Sed longe dissimilia hæc sunt. Nam hæc venditio ab initio interposita fraudatur debitor, qui necesse habuit eam interponere, cum creditor alia lege pecuniam non daret. Postea autem si debitor rem vendit pro pecunia vendita, volens rem vendit, non coactus. *L. nec emere, supr. de iur. delib.* Nemo autem videtur fraudare eos, qui sciunt & consentiunt, *L. nemo videtur, D. de reg. iur.* Immo, dicit aliquis, etsi venditio pignoris contracta erit ab initio sub hac conditione, si pecunia soluta non erit, venditio recte contrahetur. Sic enim recte contrahi placet, ut pecunia sua die non

soluta, res creditori empta sit iusto pretio tunc mittenda. *L. si fundus, §. ult. D. de pig.* Sed nulum interest, utrum convenierit, ut res creditori empta esset pro pecunia credita, an vero empta esset iusto pretio. Nam hoc casu posteriore nulla iniuria fit debitori, si tultum pretium accipit. Postremo obicitur *L. ult. D. de contr. empr.* ubi ipsissima lex commissoria, de qua diximus, admitti videtur. Recipitor enim hæc conventio: fideiussor, qui creditori debitoris datos est, habeat pignus creditori datum sibi emprum, si pecuniam nomine debitoris creditori solverit, & habeat tantum pro pecunia creditori soluta, idest, debitori credita. Respondeo: Lex commissoria in pignoribus improbat, quæ rem addicit ipsi creditori, non etiam quæ rem addicit vel fideiussori, vel alii, qui pecuniam non credidit. Differentie ratio est, quod creditori adicere hanc legem cogitur debitor, qui aliter pecuniam non acciperet a creditore: alii adicere non cogitur, quoniam ab eo pecuniam non accipit. Iam autem dixi neminem fraudari, qui sciat & consentiat non coactus.

A D T I T U L U M XXXVI.

COD. DE EXCEPTIONIBUS, SEU PRÆSCRIPTIONIBUS.

S U M M A R I A.

1. *Liberationum summa divisio. Ipse iure liberari, quid: & quid per exceptionem, ibid.*
2. *Exceptionem liberationis causa initio opponi debere: & illud Pauli quid sit, in stipulationibus ius, in pactis factum versari. L. si unus, §. pactus, D. de pact. & num. 10.*
3. *Exceptio quid?*
4. *Exceptionis vis ad liberandum, & huius vis ratio, & num. 6.*
5. *Nullam esse exceptionem, nisi quæ alieni prius iure summo constituta opponatur.*
6. *Insuper petitio, & iniqua apud Iustinianum quid distent.*
7. *Exceptiones facti, quæ vulgo dicuntur, exceptiones non esse.*
8. *Intendere, intentio, quid, & unde translata appellatio.*
9. *In condemnationem quid deducere, quid sit in L. 2. D. de excep.*
Numera condemnationes, minuire condemnationem, de quibus exceptionibus distat. ibid.
10. *Exceptionis usus, ut in lite contestanda opponatur alicui: hinc illa verba, opponere, obicere exceptionem, exceptione alicui occurrere.*
11. *Exceptio unde sic distat, & cur distat condita.*
12. *Exceptiones temporales, aut perpetuas esse, & quid horum utrumque.*
13. *Temporalium exceptionum genera, & causæ.*
14. *Perpetuarum exceptionum species & causæ.*
15. *Præscriptionem nihil aliud esse, quam exceptionem, & unde huius appellationis origo.*
16. *Præscribere alicui idem esse, quod præscripi, seu exceptionem uti adversus aliquem: & errare eos, qui præscribere putant idem esse, quod tempore acquirere, præscriptionem longi temporis esse acquisitionem, quæ longo tempore contingat.*

CUM propositum sit deinceps de liberationum generibus agere, & de stipulatione, sine qua non fit recte novatio & acceptilatio: non inepte factum videtur, ut coniungeretur hic tractatus de ex-

ceptionibus. Est enim exceptio species liberationis. Et quoniam minus hoc modo debitores liberantur, quam cum liberantur ipso iure: inde etiam factum videri potest, ut hic tractatus præmitteretur iis causis.

caussis, quibus ipso iure obligatio tollitur. Id quale sit, intelligitur ex divisione liberationis.

Ergo liberantur debitores iure omnia obligationum communi, partim ipso iure, partim per exceptionem, *L. qui servum, §. 1. D. de obl. & act. L. cum quis, 38. §. 1. L. qui decem, 72. D. de sol.* Ipso iure, cum ipso solum iure, puta verbis ipsius legis sine alio suo facto quis liberatur: quod quibus modis fiat, dicitur opportunius, *infra*, ad tit. de *novat.* Per exceptionem, cum subtilitate iuris, id est, verbis ipsis manente obligatione, reus acquitate aliqua defensionis se tueretur, quam defensio actioni opposita, dicitur exceptio. *Inst. de excep. in pr. & deinceps, L. si quis cum, 36. de verb. obl.* Valet interdum ipso iure idem, quod iure civili, non prætorio: de qua significatione horum verborum in usu iuris scripti pluribus ad §. *actiones autem, Inst. de act.* Hic ipsum ius exceptioni oppositum idem valet, quod ius solum. Estque omnino superioris distinctionis hæc sententia. Tollitur obligatio & actio ipso iure, id est, solo ita, ut ad omnem defensionem in lite contestanda sufficiat reo negare se debere. Perimitur per exceptionem, cum necesse est, ut fateatur se adhuc iure civili debere; sed adversus intentionem iure civili comparatam opponere debet defensionem, qua actionem excludat; quæ, ut dixi, defensio exceptio appellatur *Inst. de excep. in pr. & deinceps.* Ita fit, ut defensio exceptionis sit in facto rei posita ad eius liberationem. Hoc est, quod Paulus scribit in *L. si unus, §. pacti, D. de pacti.* in stipulationibus ad liberandum reum ius, in pactis autem factum versari. Non significat, ut vulgo ea sententia accipitur, pacta iure non valere ad liberationem, sed tantum factum nudum habere. Nam revera pactum prodest ad liberationem non minus, quam stipulatio Aquiliana. *L. §. sup. de pacti.* Sed inter utrumque hoc interesse significat Paulus, quod stipulationes & liberationes iuris civilis ius continent, id est, iure ipso debitorem liberant & actionem perimunt; pacta autem factum debitoris continent ad liberationem, id est, ita debitorem liberant, si ipse in iudicio exceptionem opponat, & eo facto se tueatur adversus intentionem, de quo scripti plura ad *L. §. sup. de pacti.*

Hæc divisione constituta, res eo redit, ut si noverimus, quid sit exceptio, & quibus ex causis exceptiones de se quæ nascantur, sive quæ genera sint ex-

ceptionum: eadem opera quibus modis, quisque per exceptionem liberetur, intelligamus: quæ nunc breviter subiciamus. Exceptio est definitur ab Ulpiano in *L. 2. de excep.* quasi quedam exclusio, quæ actioni cuiusque rei opponi solet, ad excludendum id quod in intentionem condemnationis deducitur. Aliis verbis, sed prope eadem sententia sic definitur a Paulo in *L. exceptio. 22. D. eod.* ut sit, conditio quæ modo eximit reum damnatione, modo minuit damnationem. Definitiones sumptæ, illa ab effectu, exceptionis, & utendi modo; hæc etiam a conceptione.

Effectus est hic est. Exceptio exclusio est actionis. Hinc intelligimus, tamen debitorem qui exceptionem, habet iure comparatam, actionem veteri iure civili teneatur, tamen opposita exceptione id eum consequi, ut non magis teneatur, quam si adversus eum nulla esset actio: ad quod demonstrandum pertinent exempla tit. *Inst. de excep.* Atque hinc nata regula iuris: nihil interesse, utrum quis actionem non habeat, an ea, per exceptionem infirmetur, *L. nihil interest, D. de reg. iur.* Ex eadem vi nata verba rei convenientia, repellere, removere, subvertere, excludi, infirmari actionem exceptione, seu ope exceptionis, quæ legemur passim in hoc argumenta occurrunt. Non est exceptio quavis exclusio, sed exclusio actionis: ex quo intelligimus nulli competere exceptionem, nisi sub sit actio iure civili constituta, qua is teneatur: ut persecutio quidem iusta sit, sed iniqua adversus eum, cum quo agitur, ut loquitur Iulianus *Inst. de excep. in pr. & deinceps.* Iustam vocat, quæ iure nititur & consistit; iniquam, ex qua non sit æquum debitorem condemnari, postulante id legis sententia. Ex vero hac de causa recte constituitur, ne actio legitima noceat, quæ iure tantum summo nocet. Neque enim ius summum dicendum ius est, nisi abusive. Unde ius debitoris ars, non summi iuris & verborum, sed æqui & boni, *L. 1. D. de inst. & iur.* Quod si ita est, apparet errare vulgo interpretes, qui cuderunt nobis eas exceptiones, quas appellant facti, id est, eas allegationes, quibus ostenditur actionem ipso iure sublatam esse, veluti cum debitor solutionem allegat. Atqui non est exceptio, quæ actionem præcedentem non excludit. Solutionis autem allegatio non potest actionem præcedentem excludere, cum actio post solutionem nulla esse ceperit. Explicat autem Ulpianus qualis sit hæc exclusio, quæ obicitur, *Ad excluden-*

- dandum inquit, id, quod in intentionem condemnationem deducit. Idem. In intentionem, idest, in petitionem. Intendere ¶ est contendere aliquid ab aliquo, ut nobis præstet; vel affirmare aliquid, quo ab alio quid petamus, §. 1. Inst. de act. Hinc intentio omnis affirmatio, qua aliquid ab aliquo petimus. L. si quis intentione, D. de iud. L. vindicantem, D. de evict. L. in exceptionibus, D. de prob. Significatio translata a sagittariis, qui arcum intendunt in rem aliquam, ut eam petant: quod facit omnis, qui iudicio experitur, dum adversus eum intendit actionem. Unde & actor, cum agit, dicitur dirigere actionem adversus eum. L. 2. h. tit. §. 1. sup. de excep. rei iud.*
- 9 In condemnationem, ¶ accipere possumus, & in condemnationem futuram, & in condemnationem præteritam: ut significetur exceptionem excludere id, quod in intentionem deductum est in huc, ut reus postea condemnetur in id, quod petitur, vel ut excludatur id, in quod iam reus condemnatus est: quam ad rem comparatæ sunt exceptiones iis, qui in id, quantum facere possunt, conveniuntur ex condemnatione, de quibus in §. pen. Inst. de act. Ex hoc sensu illud dictum accipi potest, quod est in definitione Pauli, cum dicitur exceptio esse, qua modo reus eximitur condemnatione, modo minuitur condemnatio. Eximitur condemnatione, cum petitio penitus excluditur; minuitur condemnatio, cum in id solum, quod facere potest, condemnatur; aut in solidum condemnatus convenitur tantum in id, quod facere potest, propter exceptionem.
- 10 Atque ¶ hic effectus est exceptionis. Sed quomodo exceptione utitur reus ad defensionem? Id indicatur verbis illis definitionis, quæ cuiusque rei actioni opponi solet: quibus significatur ita exceptione excludi actionem, si exceptio actioni opponatur. Hinc illa rursum nata ex re, obicere, opponere exceptionem, petenti actori exceptione occurrere, quod postremum est in L. 4. D. de servit. Opponitur autem in lite contestanda. L. siquidem, L. prescriptionem, infr. hoc tit. Atque hæc oppositio ita exceptionis propria, ut si sit prætermissa, nihil prosit postea reo exceptio ad liberationem. Unde merito diximus defensionem omnem exceptionis in facto rei esse positam. Sic ergo exceptione utitur ad excludendam actionem.
- 11 Est ¶ præterea & exceptionis sua conceptio & formula verborum, a qua exceptio conditio appellatur in d. L. excep-

ptio, D. de excep. Si cognoverimus, quamobrem defensio ad excludendam actionem comparata dicitur exceptio: simul quamobrem dicatur conditio, intelligimus. Nonnulli putant exceptionem dictam esse, quia exceptione sic excipitur actio intentata a debitore, ut pila in nos emissa a nobis excipitur, quam in alium retorquemus. Non male fortasse, si vis verborum spectetur. Sed verendum est, ne non satis sit ex usu actum. Nam exceptione dicitur actio repelli. Contraria sunt, emissum accipere, & repellere. Res sic habet: defensio omnis actioni opposita ad eam excludendam eodem modo dicitur exceptio, quo usitate exceptiones dicuntur orationes, quibus aliquid de regula excipimus. Id enim facit omnis defensio, si cum intentione adversarii contestatur. Nam intentio actoris generalis est, qua exempli gratia, decem mutua petens id agit, ut reus in ea decem condemnatur: quia intendat omnem qui mutuum accepit, mutuum reddere debere. Exceptio a reo opponitur, qua accipit pactum, iusiurandum, rem iudicatam, & similes causas, ex quibus exceptiones nascuntur: ut dicat videlicet: quod intendis, actor, generaliter omnem qui mutuum accepit, mutuum reddere, sic accipiendum est: nisi pactum inter nos intervenit, ne a me peteret; nisi ego iuraverim te deferente me reddere non debere; & si quæ sunt similes causas, quæ totidem sunt superioris definitionis exceptiones. Iam vero omnis exceptio, qua quid excipitur de regula, conditio est: certe concipitur sub conditione. Sic enim subiicitur: huc ita est, si non; nisi illud, aut illud factum erit, & si quæ particulæ eandem vim habent. Hinc factum, ut exceptio conditio appellatur. Quam ob causam animadvertere possumus fere omnem exceptionem concipi sub conditione. Ex innumeris locis liceat duos citare, L. 2. L. si a te, D. de excep. rei iud. de quo more iudiciorum veterum ita quis plura desideret, reperiet diligenter expositum a Duareno ad L. iurisdictionem, §. 1. D. de pact. in illis verbis, actionem a patore dandum.

Nunc ¶ quæ sint exceptiones, seu qui modi, quibus per exceptionem in re quæque quis libereur, videmus. Exceptionum duo sunt genera. Quædam sunt temporales & dilatorie; quædam perpetuæ & peremptorie. Temporales & dilatorie sunt, quæ ad tempus nocent, & in id tempus actionem differunt. Aliter temporales præscriptiones dicuntur sub titulo de divers. tempor. prescription. Illic enim
EXCE-

exceptiones temporales dicuntur, etiam quæ sunt perpetuæ: sed temporales ideo, quia ex usu longi temporis nascuntur. Perpetuæ & peremptoriæ sunt, quæ perpetuo agentibus obstant, eoque modo rem, id est, causam, de qua agitur, perimunt: hæc in *L. 3. D. de except. & §. appellantur, Instit. eod.* Dilatoriæ sunt & temporales exceptionum tria genera sunt. Quædam sunt iudicii recusandi & transferendi causa, nata ex eo, quod quis non recte iudicium ordinat: puta quia is agit, cui actio non competit, aut eo loco agitur, vel apud eum magistratum, ubi & apud quem conveniri quis non potest: quo in genere est exceptio, quæ dicitur procuratoria, & eæ, quæ dicuntur ubi tate fori præscriptionibus. *§. penult. Instit. eod. L. ult. hoc tit.* Quædam sunt de re ipsa, quæ ex pacto nascuntur, cum ita convenit, ne intra certum tempus ageretur. *§. appellantur, Instit. eod.* Quædam minuendæ condemnationis gratia, quæ non tam ex re, quam ex conditione personæ debitoris nascuntur, eique humanitatis causis tribuuntur. Huius generis est exceptio omnis, quæ datur debitori in id, quod facere potest. Quæ quibus personis, & quibus ex causis tribuuntur, exponitur in *§. pen. Inst. de ali. L. sunt qui, & seqq. D. de re. ind.* Huius generis exceptiones recte dilatoriæ & temporales esse dicimus: nam tamdiu nocent creditori, quandiu debitor facere non potest: quod si debitor facultatibus auctus sit, & facere posse incipiat, iam amplius non utitur hac exceptione. *L. unica, §. cum autem, supr. de rei ux. al.*

- 24 Perpetuæ & peremptoriæ exceptiones causis itidem distinguuntur: quæ sunt variæ. Licet autem hanc generum distinctionem in his observare. igitur quædam a principio in re contrahenda statim nascuntur, quædam existunt postea. Nascuntur ab initio exceptiones perpetuo partim ex re, & eo, quod factum est: partim ex persona aut rei, aut debitoris. Ex re nascuntur, si quis quid metu promiserit, si promiserit inductus dolo; si promiserit errore lapsus, dum putat se debere, quod non debet; si eaverit pecuniam tanquam acceptam, quæ ei numerata non sit. Hinc illæ exceptiones: *Quod metus causa*, de qua in *Instit. eod. in princ.* Exceptio doli specialis, de qua in *Instit. ibid. & Titulo D. de doli mali & metus except.* Nam & generalis doli exceptio est, quæ ex omnibus aliis exceptionibus oritur: quoniam dolo facit, quicunque id, quod quaque exceptione elidi potest, petit. *L. 2. §.*

Tom. IX.

& generaliter, D. de doli & metus exception. Exceptio in factum, de qua eodem loco *Instit. & L. si quis cum aliter, D. de verb. obl.* Item exceptio non numeratæ pecuniæ, de qua in *§. 2. Instit. eod. L. adversus, & tot. tit. sup. de non num. pec.* Hæc exceptiones iam ab initio nasci apparent, quia iam ab initio easus, ex quibus nascuntur, constitutas habent. Ex persona nascuntur ab initio duæ: exceptio SC. Macedoniani, & exceptio SC. Velleiani. Prior filiisfamilias comparata est de pecuniâ ipsis hereditate comparata non ipsorum favore, sed odio seneratorum. Posterior tributa mulieribus, quæ pro aliis intercesserunt, ipsarum scilicet gratia, dum earum infirmitati consulitur: de his est in *L. 7. §. 1. D. eod. L. qui exceptionem. D. de cond. ind.* Adde titulos, qui sunt de his causis, *D. & C. de senatusconsulti. Macedon. & ad senatusconsulti. Velleian.* Existunt post rem contractam exceptiones ex his pene causis. Primum ex voluntate actoris, si voluit debitorem, aut eum, eum quo agitur, non teneri. Tum ex inrelando debitoris, si iuraverit debitor actore deferente, se non debere. Præterea si debitor iudicio absolutus erit. Postremo ex tempore. Voluntas actoris debitorem: exceptione liberat, quocunque modo nuda voluntate constituerit, ne debitor teneretur. Hinc exceptio pacti conventi, si convenit inter debitorem & creditorem, ne creditor peteret: de qua in *§. præterea, Instit. eod.* Hæc editio de pactis comparata est, *L. inrigentium, §. sed cum nulla, & §. ait. D. de pacti. L. in bona fidei, sup. de pacti.* Hinc & exceptio in factum, vel doli mali adversus heredes, si testator voluit debitorem aliquo modo liberari: de qua specie est in *L. 1. hoc tit.* Ex eodem fonte est exceptio rei venditæ & traditæ, proposita ei, cui res vendita tradita est ex voluntate veaditoris, aut eius, qui postea venditori heres extiterit *L. 1. & toto tit. D. de excep. rei vend.* Ex lureiurando est exceptio iurissurandi, de qua in *§. æque, Instit. eod.* Hæc proposita est edito de inireiurando: de qua in *L. ait. & L. nam posteaquam. D. de inrejur.* Ex sententia, qua absolutus est debitor, est exceptio rei iudicatæ: de qua in *§. item. si Instit. eod. & tot. tit. D. de except. rei iud. & L. 2. hoc tit.* Ex tempore nascitur exceptio ex constitutionibus, cum intra tempora constitutionibus constituta creditor non agit: *L. sicut, & pene tot. tit. sup. de præscript. vel quad. anno. & si qui sunt similes*

lit

les

tes loci, quibus ad agendum certa tempora præstituta sunt. Hæc sere exceptiones, & exceptionum causæ sunt: quod si quæ aliæ reperientur, sunt eiusmodi, ut ad has nullo negotio referri possint. Unde titulus Dig. *quarum rerum actio non datur*. Quæ si de exceptionibus diximus, eadem dicta intelligenda sunt de præscriptionibus, quæ pars est altera huius inscriptionis. Nam præscriptio nihil aliud omnino, quam exceptio. Unde inscriptio huius tituli non sic concipitur, *de exceptionibus & præscriptionibus*, quasi de rebus diversis, sed *de exceptionibus*, seu *præscriptionibus*, particula, seu, interposita, quæ eandem res proponi declarat: ut in illis inscriptionibus liquet, *L. latus*, seu *de amicitia*: *Cato maior*, seu *de senectute*. Præscriptionem autem idem declarare, quod exceptio, hinc facile intelligitur, quod quæ exceptiones usitate dicuntur, eadem dicuntur præscriptiones: & contra quæ usitate dicuntur præscriptiones, hæc dicuntur etiam exceptiones. Ut puta, defensio, quæ nascitur debitori ex re iudicata, usitate appellatur exceptio rei iudicatæ, toto Tit. *de except. rei iud.* At hæc dicitur præscriptio rei iudicatæ, in *L. iudicata*, *D. de except. rei iudic.* Sic & doli exceptio usitate exceptio dicitur: in quæ verba est titulus de hæc specie. *D. de doli mali*, & *metus exceptio*. sed & hæc dicitur doli præscriptio in *L. si debitor*, 91. *D. de sel. E.* converso defensio, quæ nascitur debitori ex eo, quod quis in suo foro non convenitur, aut non convenitur ab eo, qui sit procurator, dicitur frequentius præscriptio fori, & procuratoria *L. penult.* & *alt. hoc tit.* Ad hæc eadem dicitur exceptio procuratoria in *S. penult. Instit. cod.* Item defensiones, quæ nascuntur ex possessione longa, usitate dicuntur præscriptiones longi temporis. Tit. *de præscription. long. tempor. supr.* Atqui hæc præ-

scriptio nihil aliud est, quam exceptio temporis; idque ita interpretantur *L. creditor*, *D. de divers. tempor. præscript.* *L. super, supr. de præscript. long. tempor.* Significatio inde ducta est: nam inter cætera præscribere est dictare, & ostendere alicui, quo modo se gerat, & quid facto sit opus. Id autem facere intelligitur omnis reus, qui exceptione utitur. Nam creditor, cum exempli gratia contra pactum de pecunia non petenda, pecuniam a se crediam petit, & intendit reum ex causa mutui dare oportere, generaliter intentionem concipit: reus exceptione pacti utendo hoc dicit, illum male generaliter agere, & debuisse addere hanc exceptionem: nisi pactum intervenierit, ne peteret. Hoc autem dicere, & docere actorem, nihil est, quam ei præscribere, quomodo intentionem suam concipiat, & postulare, ut ad eam normam in iudicio exceptio pacti adiciatur. Inde factum est, ut hæc exclusio, & quasi præformatio eius, quod actor in concipienda intentione facere debeat, præscriptio rei dicatur.

Id autem si esse præscribere declarat *16* in *L. Titia*, *S. Caius*, *D. de legat. 2.* ubi dicitur heres præscribere coheredibus suis, pro eo, quod est contra heredes suos exceptione uti. Ex quibus apparet, quid iudicandum sit iis, qui vulgo putant, præscribere esse longa possessione acquirere, & eam acquisitionem ita distinguunt, ut res quidem mobiles dicant usufructu, res autem immobiles præscribi, quod longe secus est. Nam qui acquirit, acquirit sibi, non adversario: at qui præscribit, is adversario præscribit, non sibi. *d. L. Titia*, *S. Caius*. Non est idem igitur præscribere & acquirere. Denique apparet ex iis, quæ posuimus, præscriptionem in usu iuris, nihil aliud esse, quam exceptionem, & præscriptionem temporis, seu longæ possessionis, de quo plura alias.

Ad L. Debitores. 1.

Imp. Antoninus August. Claudio.

Debitores quidem hereditarii unicuique heredum pro portione hereditaria, antiqua lege obligati sunt. Sed si eis heredibus omnem pecuniam exsolvisi, quibus nomen patris sui testator in divisione adscripserat, doli mali exceptione adversus alios agentes tueri se potes. PP. Kalend. August. Duobus. & Afprii Coss.

S U M M A R I U M.

1. Testatorem creditorem uni ex heredibus suis in-
herentem totum solvi, non item facere, quo-
minus & ceteris summo iure pars heredita-

ria debeatur. Hinc debitorem legatario sol-
ventem non liberari summo iure: ut liberari
per exceptionem.

EI, cui centum a Titio ꝑ debebantur, plures heredes exsisterunt. Lege duodecim tabularum actio huius summae nomine inter heredes divisa est pro portionibus hereditariis, ut hic traditur in *L. 1. sup. si unus ex plur. L. licet, supr. fam. ercisc.* Ita fit, ut singulis heredibus non tota centum debeantur, sed portio hereditaria. Quod si verum est, non potest debitor consequi summo iure, ut liberetur a singulis aliter, quam si singulis solverit portionem hereditariam, quae eis debetur, aut solverit alii voluntate singulorum. Ita ius est, ut quoniam nemo alterius inviti, aut ignorantis conditionem deteriorem facere potest, *L. solvendo, D. de neg. gest.* idcirco nec quicumque invito, aut ignorante creditore alii solvendo liberetur, ubi scilicet hoc facto creditori actionem suam adimat. *L. invito, infr. de solut.* Quapropter hoc constabit, si debitor uni heredum totum solverit cæteris non consentientibus, solventem ea solutione ab aliis non liberari. Quid tamen, si testator quibusdam ex heredibus nomen hoc totum Titii adscripserit, ut hic factum proponitur, idem, legaverit: de quo genere est in *L. ex legato, sup. de legat.* debitor autem cognita testatoris voluntate his totum solverit, quibus nomen adscriptum est? Respondetur hoc loco, si a cæteris conveniatur, posse eum se tueri doli exceptione. Quo maxime confirmatur id ipsum, quod dixi, debitorem a cæteris quibus non solvit, summo iure non esse liberatum, sed his superelle adhuc veterem actionem, adversus quam hæc sit exceptio: quandoquidem non potest exceptio esse, nisi adversus actionem iure ipso constitutam, ut docuimus supra in definitione exceptionis. Ea recte hic quoque hoc idem constituitur, & convenienter superioribus regulis iuris. Nam et si testa-

Tom. IX.

tor voluerit hoc debitum uni ex heredibus solvi: tamen non eo minus ipsi testatori debetur totum, ut prius. Quod si debetur, ius facit, ut eo mortuo id pertineat ad singulos heredes pro portionibus hereditariis, quia heres succedit in omne ius defuncti. *L. heres in omne, D. de acq. her.* Nec quicumque putet, cum debitor voluntate testatoris uni ex heredibus totum solvit, ideo cum liberari, quia voluntate creditoris solvat: nam testator defunctus creditor esse desinit, & ceperunt creditores esse heredes, qui et successerunt. Ita fit, ut quia debitor uni totum solverit, non ex voluntate aliorum coheredum, qui etiam creditores sunt: ipse ea solutione adversus cæteros ipso iure non liberetur. Sed quia est in potestate creditoris vetare, ne quidam ex heredibus id debitum petant, hæc voluntate defenditur debitor, si petant illi, quos testator vetuit petere. Intelligendum est autem, cum testator voluit uni ex heredibus totum debitum attribui, eadem opera voluisse, ne cæteri a debitore peterent. Dixit aliquis eum, cui nomen legatum est, actiones utiles habere, atque ita creditorem esse. *d. L. ex legato, sup. de legat.* proinde & ei recte solvi. Quod & verum est: neque de eo nunc queritur, an recte ei solvatur invitis cæteris: sed pecunia ei soluta quomodo debitor liberetur. Liberari eum facimus: sed negamus id fieri ipso iure. Merito: nam & is, cui nomen legatum est, summo iure non est eritor. Observandum est enim eum actiones tantum utiles habere, dicta *L. ex legato, supr. de legat.* quo declaratur, eum non habere verbis legis, idem, summo iure: proinde nec solum creditorem esse, sed & cæteros quoque coheredes. Quæ res facit, ut si debitor his quoque non solvat, eodem ipso summo iure non liberetur.

lilii 2

Ad L.

Ad L. Pro portione. 2.

Cognosce sententiam huius loci ex L. *sepe, D. de re iud. toto Titul. supr. res*
supr. quibus res iud. non noc. L. inter alios iud. L. 1. & L. 3. D. de ex-
cept. rei iud.

Ad L. Adversus. 3.

Idem A. Vitali.

Adversus fratrem suum quondam tutorem legitimum tutela iudicio si ex-
pertus non est, proposita actione confisse, nec timueris exceptionem pacti, si
in ea fraudem dolumque admissum probare potes: nam replicatio doli oppo-
sita, bonæ fidei iudicium facit, & commentum fraudis repellit.

S U M M A R I A.

1. Replicationis exemplum, & quid sit replicatio.
2. Lætio corrupta emendatur.

- Replicatio bonæ fidei iudicium non facit. ibid.
3. Replicatione fraudis commentum repellit, quid sit.

Si paciscatur creditor, ne a debitore suo petat, habet debitor exceptionem pacti, qua creditorem petentem summo-veat. §. *preterea, Instit. de titul.* Sed hoc ita est, nisi pactum dolo malo debitoris factum sit: nam quæ pacta dolo malo facta sunt, ea edicto pratoris non fervantur. L. *inirrigensium, §. prator ait, D. de pact.*

Ut si autem hoc pactum, seu eius pacti exceptio creditori non noceat, consequitur id doli mali replicatione opposita, qua pacti exceptio eliditur, ut hic declaratur. Non enim pactum ipso iure tollitur. L. *si unus, §. pactus, D. de pact.* In proposito autem sic evenit, ut pactum dolo malo debitoris factum sit: si proponas eum, qui olim tutor fuisse, affirmasse ei, cui tutelæ nomine obligatus erat, multo minus esse in bonis, quam erat: de reliquo, se tantum in id impendisse, quantum ex reliquatione debere potuit. Itaque facile impetrasse, ut pupillus creditor pacifecere, ne amplius tutelæ nomine cum eo ageret. Sententia notanda est de replicatione. Quemadmodum si actio iniqua est, defenditur reus adversus actionem exceptione vel pacti, vel alia qualibet: ita si iniqua est exceptio, ut interdum accidit, veluti in specie hoc loco proposita, creditor adversus exceptionem alia exceptione contraria defenditur, quæ exceptio in persona creditoris dicitur replicatio. De quo genere est sub Titul. *Instit. de replicat.*

Est si autem lætio postremorum verborum in hoc rescripto animadvertenda. Recepta ab omnibus lætio hæc est: *nam replicatio doli opposita bonæ fidei iudicium facit, & commentum fraudis repellit.* Hæc scriptura defendi non potest. Non enim ullo modo recipiendum est, ut dicatur replicatio doli opposita facere iudicium bonæ fidei. Si replicatio opponitur a creditore, qui ex stipulatu agit, id est, iudicio stricto, replicatio non facit, ut iudicium, quod sua natura strictum est, efficiatur bonæ fidei. Quod si opponitur replicatio in iudicio bonæ fidei, ut in iudicio tutelæ, de quo hoc loco agitur, est quidem iudicium tutelæ bonæ fidei, §. *actiones autem, Instit. de act.* sed ideo bonæ fidei est, quia est de tutela, non autem quia replicatio in id iudicium deducitur. Nam & sine replicatione, aut exceptione ulla bonæ fidei iudicium esset. Et in summa, quia bonæ fidei iudicium est, idcirco dolum eo iudicio excluditur: non autem quia dolum in eo excluditur, ideo est bonæ fidei iudicium: excluderetur enim dolum replicatione & in strictis iudiciis. Si quis in re nota exemplum desideret, habet in L. *tres fratres, D. de pact.* ubi in actione furti, aut conditione furtiva exceptio pacti, quæ actioni opponebatur, replicatione doli eliditur. Locus igitur aperte corruptus est, sic autem emendandus, ut pro, *& repellit*, legamus ut *repellat*, hoc modo: *nam replicatio doli opposita bonæ fidei iudicium facit,*

facit, ut commentum fraudis repellat. Ut si sit sensus: bonæ fidei iudicium, nempe tutelæ de quo hic agitur, facit, ut replicatio doli, quæ ab actore qui tutelæ agit, opposita est, commentum fraudis, quæ fraus in pacto fuit, repellat: idest, in hoc iudicio maxime exceptio pacti replicatione doli infirmabitur. Sed cur dicit Imperator id effici iudicio bonæ fidei, cum replicatio doli in iudicio stricto op-

posita idem efficeret? Nempe hoc sentit, præcipue & maxime bonæ fidei iudicium id facere. Nam iudicium bonæ fidei ubique bonam fidem exigit: nihil autem tam bonæ fidei contrarium est, quam dolus, L. 3. in fi. D. pro soc. proinde in hoc iudicio bona fides iudicii propria præcipue excludit fraudis commentum, idest, machinationem doli in pacto exprimendo adhibitam.

Ad L. Cum nondum. 4.

Imp. Alexander A. Iuliano & aliis.

Cum nondum finitam sententia causam, sed dilatam allegeris: non est dubium omnes integras defensiones vobis esse. PP. Non. Oct. Maximo II. & Eliano Coss.

SI reus causam agere diu distulerit, & defensiones suas probare, existimari potest, ob eam dilacionem iuri suo diffidere, eoque defensionibus sola renuntiare: ut postea si velit, eas exequi non possit. Hic monemur non ita esse. Defensiones re iudicata excluduntur: cæterum re nondum iudicata reus quovis tem-

pore his uti potest. L. prescriptionem, inf. hoc tit. idque quantumvis canis actionem distulerit, quæ pars hic traditur. Defensiones sunt exceptiones, quæ reis competunt, quoniam omnis exceptio defendendorum reorum causa comparata est. L. defensiones; L. siquidem, infr. hic. Inst. eo. in pr.

Ad L. Licet. 5.

Imp. Dioclet. & Maximian. AA. & CC. Basilio.

Licet unde vi interdictum intra annum locum habeat, tamen exceptione perpetua succurri ei, qui per vim expulsus post reinviit possessionem, auctoritate iuris manifestatur, S. Kal. Maiis, Trallis AA. Coss.

S U M M A R I U M.

1. Exceptio nem peremptoria esse perpetuam, et

iampi competas ex ea causa, ex qua est si annalis; U. quare.

BASILIIUS quidam possessorem de fundo deiecerat, & eum fundum per vim occupatum possidebat. Adversus eam vim habuit vetus possessor interdictum Unde vi ad recuperandam possessionem, si eo uti vellet: sed habuit intra annum distaxat. L. 1. in pr. D. unde vi. L. 2. sup. unde vi, intra quem cum forte interdicto usus non esset: nempe eo interdicto excederat. Sed idem postea Basilio peregre profecto possessionem eius fundi clam Basilio occupavit. Revertio Basilio controversiam ei possessionis facit: sic tamen, ut eam inquireret, non ut eum deiciat. Basilio adversus veterem possessorem ex-

peritur interdicto, *Uti possidetis*, retinendam possessionis causa: & recte: quavis enim is vi possidet: vere tamen possidet, quia ad summam possessionis nihil interest, utrum iuste quis, an iniuste possideat, L. 3. §. in contrario, D. de acq. poss. Sed vetus possessor hac exceptione utitur: non licet tibi hoc interdicto mecum experiri, neque debes in possessione me vincere, quia possides quidem, sed vi a me. Huc exceptione actor in interdicto, *Uti possidetis*, removetur. L. 1. §. ult. D. uti poss. L. anira, sup. uti poss. ubi exposuimus. Si vetus possessor hac exceptione uteretur intra annum, ex quo deie-

deictus fuit, nulla esset dubitatio: sed Basilus cœpit experiri interdictio, *Uti possidetis*, forte post duos tresve annos, aut amplius: unde & vetus possessor exceptione de vi diu post annum utitur. Hic ergo quaeritur, si an hæc exceptio etiam post annum ei competat. Movet, quod ei post annum interdictum adversus vim non competit, ut dici possit, par esse nec competere exceptionem. Hic rescriptum est, diversam esse interdicti *Unde vi* & exceptionis *Unde vi* causam. Interdictum non competere, nisi intra annum; exceptionem de vi esse perpetuam. Differentiæ ratio a Paulo exposta in *L. pare, §. ult. D. de doli mali except.* ad hæc

sententiam: merito interdictum *Unde vi* anno finiri, quia nisi actor intra annum eo sit usus, ipse culpa sit, cui non est succurrendum: potuit enim intra annum experiri, & noluit. At exceptionem de vi perpetuam esse oportere, quia hæc uti non potest reus, nisi actor voluerit, id est, egerit, ut actio exceptione excluderetur: non est autem in potestate rei, quando actor experiat: proinde nec in eius potestate, quando utatur ea exceptione: ut si ea usus non est, nihil sit, quod debeat ei imputari. Nihil est enim, ut idem alibi scribit, quod possit imputari ei, qui quid facere, etiam si vellet, non potuit. *L. cum quidam, §. si pupillo, D. de usufr.*

Ad *L. Si pactum. 6.*

Idem AA. & CC. Helenz.

Si pactum intercessit, in exceptione sine temporis præfinitione de dolo replicare potes. S. Kal. Sept. Viminacii. AA. Coss.

S U M M A R I U M.

1. *Replicationem omnem ut exceptionem perpetuam esse, quamvis ex ea caussa, ex qua actio*

nata esset temporalis: & cur: quod & exemplo declaratur.

Sententia est: si pactum creditoris intercessit, quo ille pactus est, ne a debitore peteret, & is. adversus eius pacti exceptionem replicationem doli habuit, ea replicatione uti poterit sine præfinitione temporis, id est, perpetuo; idque in exceptione, id est, in questione de potestate exceptionis, seu in questione, in qua quaeritur, an exceptio pacti illi nocere debeat, an non.

Quod si hanc significationem habet in summa: ut quemadmodum exceptio perpetua est, quamvis actio ex eadem caussa nata tempore finiat, quod superiore rescripto traditur, ubi & rationem reddidimus: ita & adversus exceptionem replicatio sit perpetua, quamvis sit replicatio doli, cuius nomine actio prodita non nisi intra annum utilem, ut olim: ut hodie, intra biennium continuum competit. *L. ult. supr. de dol.* Quod & ipsum eandem rationem habet. Ut enim non est in potestate rei quando cum eo agatur, & actioni exceptionem opponat: sic non est in

potestate ereditoris, quando reus exceptione utatur, ut adversus eam creditor se defendat replicatione: Finge hoc modo: creditor debentur centum mutua, aut ex stipulatu. Cum is heres esset, & ignoraret, quantum revera deberetur: debitor persuasit ei tantum quinquaginta se debere: quibus solutis impetravit a creditore, eodemque herede veri creditoris, ut pacisceretur, se nihil amplius a debitore petiturum. Dicemus, si creditor errore suo comperio reliqua quinquaginta petat, quamvis post decem aut viginti annos id faciat, nihilominus recte petiturum: & si summoveatur pacti superioris exceptione, eum opposita doli replicatione exceptionem infirmaturum: nec illi obfuturum, quod post tam multos annos replicatione utatur, quia et si actio de dolo temporalis sit; tamen exceptio doli sit perpetua. Quod si exceptio, etiam replicatio; quia replicationes nihil aliud sunt, quam exceptiones. *L. 2. D. eod.*

Ad L.

Ad L. Si ex maiore. 7.

Creditor deceptus, aut errore suo inductus si paciscatur se a debitore suo nihil petiurum, quasi iam ab eo nihil deberetur, cum deberet: non prohibetur veteri actione experiri, quæ pacto non est

remissa. Cui si obicietur pacti exceptio, replicatione doli recte se tuebitur, & exceptionem elidet. *Infir. de repl.* Quam ad rem licet uti ea specie, quam in superiore rescripto modo rescriimus.

Ad L. Prescriptionem. 8.

Idem AA. & CC. Aurelio.

Prescriptionem peremptoriam, quam ante contestari sufficit, omisam, priusquam sententia feratur, obicere quandoque licet, S. XV. Kalend. Novembr. CC. Coss.

Ad L. Siquidem. 9.

Idem AA. & CC. Mutiano.

Siquidem intentionem actoris probatione deficere confidis, nulla tibi defensio necessaria est. Si vero de hac confitendo, exceptione te munitum asseveras, de hac tantum agi convenis. Nam si etiam de intentione dubitas: habita exceptionis contestatione, tum demum, cum intentionem suam secundum asseverationem suam petitor probaveris, huic esse locum monstrari convenit. S. III. Non. Nov. Bursadisi, CC. Coss.

S U M M A R I A.

1. *Exceptionem non esse necessariam, ubi licet tanto intentionem actoris negare.*
2. *Exceptionem initio esse contestandam.*
3. *Licet reo & intentionem negare, & simul opponere exceptionem, si de intentione dubitet.*
4. *Exceptionem tunc solum esse probandam, cum actor intentionem suam probaverit, si quidem & eam negaverit reus.*
5. *Auth. ut qui semel, ad exceptionem in iudicium deductum non pertineat.*
6. *Exceptionem sic contestandam esse initio, ut non contestatam non liceat reo postea opponere.*
7. *L. peremptoria, C. test. relic. non pot. explicatur.*
8. *Dilatariæ exceptiones ante litteram contestatam poni & decidi: & ad L. pen. & ult. hoc tit.*
9. *L. exceptionem, C. de prob. sue integritati restituta, & explicata.*
10. *Exceptiones initio esse contestandas, dictum de fidei iudiciis: ad bona fidei iudicia non pertinere: & hoc, quid sit.*

DE exceptione constituimus initio, eam esse defensionem, quæ actioni opponi debeat. *L. 2. D. de excep.* In ea hæ sunt partes rei qui exceptione utitur; ut exceptiunem, velut intentionem probet. *L. in exceptionibus, D. de prob.* Circa hanc oppositionem & probationem quatuor quæstiones sunt, quæ his duobus rescriptis decidentur. Primum queritur, an semper consultum sit reo exceptione uti, seu exceptionem opponere. Mopemur tunc hic in *L. si quidem in pr.* non semper

esse consultum; non enim necesse esset tunc, cum falsa est intentio actoris, & scit reus eam ab actore probari non posse: quo casu sufficit reo ad omnem defensionem negare; ut, si actor dicat, se decem mutua dedisse, quod probare non possit; sufficit reo negare se accepisse, idque, ut dixi, ad omnem defensionem rei est satis. Nam actore non probante reus absolvitur, etsi nihil ipse præstiterit, idem, etsi neque exceptionem allegarit, neque allegatam probaverit, *L. qui accusare, sup.*

de eden. Quod si actor aut intentionem probare potest, aut dubitat reus, an possit: hic decem consultum est exceptione se tueri.

2. Secundo loco quaeritur, si exceptio opponenda est ad defensionem rei, quando opponi debeat. Et placet his rescriptis, initio esse opponendam, denique exceptionem contestandam esse, ut si initio exceptionis contestatio habita non sit, sed reus tantum negaverit se debere: non possit postea eandem exceptionem in iudicio opponere: quod quam verum sit, quia paulo obscurius est, quibus in iudiciis valeat, amplius postea foris dicemus.

3. Tertio loco quaeritur, quomodo exceptio opponenda sit: an ita, ut reus de intentione adversarii confessus exceptione utatur: an ut simul & negare possit intentionem adversarii, & exceptionem opponere. Et placet, eum alterutrum facere posse, prout sibi expedire existimabit. Id autem sic expediet, ut si sciet veram esse intentionem adversarii, ultro de ea confiteatur, & recta exceptione utatur: sin ignorabit, aut de eo ambiget, tum & neget intentionem, & ne forte vera posita probetur, exceptionem opponat: ut puta, si ei decem mutua data sint, de quibus actor probare possit, & ea ab eo petantur: recte ita dicit, fateor me decem mutuo a te accepisse, sed postea ita inter nos transactum est, ne amplius ita peteres. Quod si de intentione actoris dubitabit, hic recte faciet, si primo neget, pecuniam mutuo datam esse: deinde exceptionem subiciat, ut dicat hoc modo: etsi decem mutuo dederis, tamen de ea re inter nos postea transactum est.

4. Postremo quaeritur, si exceptionem oppositam quando reus probare debeat: an statim ab initio, quemadmodum ab initio exceptio opponenda est, an autem postea. De ha re distinguitur in *L. siquidem, hic*: ut si reus de intentione actoris confessus exceptionem pacti opposuit, de exceptione statim quaeri & probari oportet. Non enim debet reus probationem intentionis exigere, de qua ultro confitetur. Confessi in iure, in eo, quod confitentur, pro iudicatis habentur. *L. unica, supr. de confes.* Quod si reus negaverit primo intentionem, & praeterea exceptionem obiecerit: hic probationis ordo est, ut actor prius intentionem suam probare debeat, nec ante reus debeat probare exceptionem, quam actor de intentione probavit: quo fit, ut interim exceptio opposita omitti possit, idest, differri: quae interim ab initio omissa postea opponi ad

disceptionem possit quandoque ante sententiam. Hoc in extremo *L. siquidem*, & ea pars est potissimum, quae est expressa *L. praescriptionem, hic*. Huic ⁵ parti opponitur *auth. at qui semel, supr. de prob.* ubi cautum est, si reus cognoverit intentionem, & in intentione probationem adversarii, eum amplius testes producere non posse, ne postea aliquid falsi in iudicio molatur. Cui constitutioni consequens est, ut cognitis & publicatis testimoniis adversarii, non possit reus exceptione uti, quia exceptio sit ei inutilis, nisi in eam testes producat: quod illud facere constituto prohibet. Sed animadvertendum est hanc in illa *auth.* recte dici de ea exceptione, quae in iudicium deducta non sit. Quod si qua exceptio in iudicium deducta sit litis contestatione, hanc ad constitutionem iustitiani non pertinet: non enim metumus in ea periculum subornationis, cum iam ab initio iudicii reus testatus sit se hac exceptione uti velle.

Illud ⁶ in his praecipua animadversione indiget, quod supra posui, exceptionem initio in lite contestanda opponendam esse, & ut his rescriptis dicitur, *exceptionis contestationem esse habendam*. Hoc enim eam vim habet, ut si exceptio contestata non sit a reo, qui prius iniciatus sit se debere, si eam postea in eo iudicio opponere non possit. Atqui ea sententia vniugo veterum interpretum non significatur. Quare ut de ea dubitetur, recte fecerimus, si eam paucis adstruamus. Probatur vero non obscure tribus his rescriptis, quae sub iudicio. Primum *L. siquidem, hic*, ubi dicitur, *habita exceptionis contestatione*, deinde suo tempore monstrandum huic exceptioni locum esse. Hic verba, *habita exceptionis contestatione*, hoc exprimunt, si exceptionis contestatio habita sit.

Verum est enim, quod vulgo dicitur, ablativos absolutos in conditionem resolvendi. Ut, heres acceptis centum nummis hereditatem Titio restituas, perinde valet, ac si dictum esset, restituas, si centum nummos acceperis. *L. a testatore, D. de cond. & dem.* Probatur praeterea *L. praescriptionem, hic*. & *L. emptor. 9. supr. de praescript. long. temp.* quorum locorum in utroque scriptum est, *exceptionum peremptoriarum contestationem haberi sufficere*. Hinc verba, *contestationem exceptionis haberi sufficere*, duo continent: primum exceptionis contestationem factam haberi oportere: alterum, si exceptio contestata sit, nihil amplius requiri, idest, non

non requiri statim exceptionis probationem: nam hæc, ut declaratur in hac *L. præscriptionem*, & *L. siquidem*, contestata omitti potest, donec actor probaverit. Eile autem istam significationem superiorum verborum, argumento hæc sunt: In *L. i. §. ult. D. de pec. const.* ita scriptum est: *debitum autem ad constituendam obligationem vel natura sufficit*. His verbis hoc declaratur, si quid debeatur etiam natura, id recte constituit: sed tamen saltem natura debitum esse oportere. Item in *L. nam sufficit, D. de dolo*, cum dicitur: *nam sufficit perituri poena*: hoc dici intelligunt omnes, poenam quidem perituri statutum esse adversus eum, qui perituro suo adversarium decepit: sed cum hæc poena præstita erit, nihil amplius statui debere adversus eum, qui peccavit. Præter hæc confirmatur hæc sententia evidenti ratione iuris & veteris & novi. Ius vetus ita est, ut extra id, quod in iudicium deductum est, excedere potestas iudicis non possit. *L. ut fundus, D. comm. dividu.* Nihil autem deditur in iudicium, nisi quod litis contestatione deducitur. *L. unica, supr. de liti contestat.* Quare de nulla exceptione iudex cognoscere potest, nisi quæ litis contestatione in iudicium deducta fuerit. Unde & quædam iudicia stricta sunt appellata. *§. actio-nem autem, Iustit. de act.* Ideo enim stricta, quia iudex adstrictus sit formulæ iudicii, idest, his rebus, de quibus lis contestata est, & quæ per eam contestationem iudicio liti subiectæ, ut viri eruditi omnes consentiunt: quod primus diligenter & erudite dilexerit Franciscus Duarenus in commentario *de in litem iurando*. Sed & ius novum ex Novell. Iustiniani idem efficere videtur, nempe *authent. ut qui semel, supr. de prob.* ubi ut supra dixi, Iustinianus vocat cognitis testimoniis actoris, ne reus testes producat in eam causam, ne scilicet aliquid falsi molliatur. Perspicuum est huic suspicioni finem tantum esse eum, qui cum ab initio negasset se debere, & postea convictus esset probatione actoris tandem confugit ad falsam exceptionem, ad quam probandam facile testes laborare possunt: hanc autem suspicionem non cadere in eum, qui iam ab initio exceptione opposita, ea se uti velle ostenderit.

7 Sed si huic sententiæ opposita *L. peremptorias, supr. sentent. resci. non poss.* ubi diserte scriptum est, exceptiones peremptorias ab initio omittas postea quandoque ante sententiam opponi posse. Respondet: Initio omittas exceptiones illas

Tom. IX.

accipiendas esse, non quæ initio prætermittæ sint, idest, quarum nulla mentio facta sit a reo: sed quæ contestatæ, postea omittæ, idest, dilatae sunt ad probationem & disceptionem. De quo ne dubitemus, id ita interpretantur, & *L. præscriptionem*, & *L. siquidem*, in quibus nunc verſamur: præcipue *L. præscriptionem*, in qua cum dicitur, *exceptionem peremptoriam contestari debere*, & *nihilominus initio omitti posse*: plusquam manifestum est omitti eam dici, culus probatio & disceptatio omittitur, idest, differtur. Differtur autem in id tempus, donec actor intentionem suam probaverit: quod posterius rursus diserte comprehensum est in *L. siquidem*. In locis autem ambiguis & obscuris interpretandis hæc lex nobis posita esse debet, ut unus locus per tres; obscuri per dilucide scriptos interpretationem accipere debeant: quod præposere sit ab interpretibus, qui tres illos locos, & illas rationes, quas adduxi, evertere conantur uno loco, & eo ambigue scripto. Postremo eidem sententiæ opponitur exemplum dilatoriarum exceptionum.

Nam si hæc nominatim iubentur opponi 8 initio, ac prætermittæ negantur postea opponi posse in *L. pen. L. ult. hic*. Cur hoc de dilatoriis dicitur, si non est earum proprium? An non inepte, si æque ad omnes etiam peremptorias pertinet? Sane vero proprie de exceptionibus dilatoriis dictum esse concedo, quod utraque illa lege dicitur. Sed non eo minus verum est exceptiones peremptorias initio esse contestandas: Observandum est enim in superioribus legibus non dici, exceptiones dilatorias initio in lite contestanda esse opponendas, sed inter exordia, item initio litis: quod sic intelligendum est: cum lis esse cæpit in iudicio de re aliqua; veruntamen ante litem contestatam. Sic enim omnium exceptionum huius generis conditio est, ut ante litem contestatam opponi & decidi debeant, ut declaratur exemplis in his locis, *L. ita, supr. de procur. L. Pomponius, §. ult. D. de procur. L. sed est suscept, in princ. D. de iud.* Unde & dilatoriæ dictæ, quod iudicium differant. *§. appellantur, Inst. eod.* Nihil horum nunc dicimus in exceptionibus peremptoriis: Hæc initio opponendæ sunt, sed in lite contestanda, ac per litis contestationem in iudicium deducendæ. Sed & deductæ non statim decidendæ sunt, sed omitti possunt, neque necesse est probare autem, quam actor intentionem suam probaverit. *L. siquidem, hic*. Sed nihil agitur, dicat aliquis, his

Kkkk

defen-

defensionibus. His tamen omnibus obicitur. *L. exceptionem, sup. de probat.* ubi dicitur de exceptione non quavis, sed nominatim dilatoria hoc exigitur, ut opponatur quidem ab initio: probari autem, postquam actor probaverit quod asseverat, oporteat. Vult ergo lex eam opponi in lite contestanda, & litis contestationem in iudicium deduci: cum eius probationem in iudicium ipsum, quo reus de intentione sua probaverit, differat. Id quod, si huius exceptionis proprium est, sciendum est, diversum ius esse in exceptione peremptoria: & in eo diversum, ut possit quidem hæc exceptio initio in lite contestanda opponi, ut postea probetur, sed non sit necesse. Quod sane ita se habet, si recte legitur is locus de exceptione dilatoria. Mihi autem certum est eum locum corruptum esse, & pro *exceptionem dilatoriam*, legendum, *exceptionem peremptoriam*, ut sit eadem sententia, quæ *L. præscriptionem, hic*. Non posse autem superiorem definitionem de exceptione dilatoria constare, sic evidenter potest demonstrari. Primum omnium interpretum consensu exceptiones omnes dilatoriae, quæ sunt aut ex persona actoris, aut ex persona iudicis, aut de iurisdictione & foro competenti: hæc, inquam, omnes nemine refragante ante litis contestationem proponi & probari debent. dicta *L. Pompeius, §. ult. D. de proc. l. sed et si suscepit, in princ. D. de iud.* Solum agnoscunt omnes definitioni *L. exceptionem*, locum esse in exceptione dilatoria solutionis, cum creditor pactus est se in quinquennium non petiturum. Sed frustra: nam hæc quoque initio opponenda & decidenda est. Dicitur enim iudicium differre in *§. appellantur, Inst. eod.*

Quod si differt, non potest in eo iudicio probari tunc, cum actor intentionem suam probaverit: non enim differtur iudicium, quod susceptum & constitutum est. Præterea si in stipulatione ab initio dies adiectus sit, ut si promissus sit fundus post tres annos, siquidem creditor fundum ante petat, debitor dicat diem stipulationi adiectum esse, actor autem probet non esse adiectum prolato instrumento stipulationis: apparet eodem tempore hæc exceptionem opponi, & de ea discipari. Quod si ab initio quid pure promissum sit, deinde creditor pactus, ne ante diem certum peteret, si hanc exceptionem opponit reus confessus ante de intentione actoris, constat eum statim exceptionem probare debere, dicta *L. si quidem*. Quamobrem cum nulla sit exco-

ptio dilatoria, quæ probari debeat tunc, cum actor intentionem suam probaverit: omnimodo falsum est, exceptionem dilatoriam illam sententiam admittere. Postremo repugnat aperte definitio exceptionis dilatoris. Dilatoria dicitur, quæ iudicium differi: dicto *§. appellantur, Inst. eod.* Non differtur autem iudicium, si lis cum actore contestatur, & post eam contestationem actor intentionem suam probare cogitur.

Non est ergo dilatoria exceptio, quia opposita actor intentionem suam isto modo ante probare cogitur. Quod si verum est, non dubitabimus affirmare, quod supra dixi, *L. exceptionem, sup. de prob.* de exceptione peremptoria scriptum esse: de ea illuc eandem sententiam comprehensam, quæ in *L. præscriptionem, hic*, sed definitione aliis verbis paulo dilucidius explicante id, quod erat obscurius in *L. præscriptionem*. Hoc tamen iure constituto de peremptoriis exceptionibus initio opponendis & contestandis: reliquum est, ut moneamus, quibus in iudiciis id locum habeat. Esti igitur hæc rescripta duo, & similia superiora generaliter scripta sunt, & exceptionum peremptoriarum contestationem sine ullo discrimine iudiciorum exigant: sciendum tamen pro natura iudiciorum id ita accipi debere, nisi si pro natura iudicii non sit necesse exceptionem initio contestari: quia alioqui ex ipsis verbis iudiciis satis intelligatur eam iudicii constitutioni inesse, ut accidit in iudiciis bonæ fidei. Et hoc est in summa: quod superioribus rescriptis exceptionis contestatio exigitur, in strictis iudiciis tantum valet, in quibus potestas iudicis constitutioni iudicii, id est, litis contestationi adstricta est: ad bonæ fidei iudicia non pertinet: de quibus ita a veteribus traditum est, exceptiones bonæ fidei iudiciis inesse, bonæ fidei iudiciis contineri. *L. 3. D. de rescin. ven. l. huiusmodi, §. qui servum, D. de legat. 1. l. sed et si, D. sol. mat.* dum hoc intelligi volunt: quanvis initio, litis contestatione aperte in iudicium deductæ non sint, non eo minus tacite iudicio contineri, ut convicto postea reo liceat ei quandoque eas iudicio opponere: idque ex iudiciorum natura, quæ cum in bonam fidem concepta sint: his ipsis verbis admittunt omnem defensionem, propter quam non sit æquum reum condemnari. Quod iorum ius quale esset, exposui copiosius, ut in loco, ad *§. allianes autem, num. 27. & 32. Inst. de act.* Inde peti velim, si quis hic amplius desiderabit.

Ad L.

Ad L. Non exceptionibus. 10.

Quid sit, quod hic traditur, reis exceptionem, actoribus replicationem tribui, qua illi defensionem, hi intentionem suam muniant, docetur *Inst. tit. de repli. L. 2. D. de exc.*

Ad L. Defensiones. 11.

Hunc locum interpretatur *L. exceptiones 7. D. eod.*

Ad L. pen. & ult.

Vide, quæ diximus ad *L. prescriptionem, & L. siquidem, seq. in fin. supra.*

AD TITULUM XXXVIII.

COD. DE CONTRAHENDA ET COMMITTENDA STIPULATIONE.

Locus de contrahenda stipulatione est is, in quo quaeritur, quomodo contrahatur, seu quibus rebus constet, & perficiatur stipulatio. Locus de committenda stipulatione est is, in quo quaeritur de vi & effectu stipulationis contractæ. Dicitur enim stipulatio tunc committi, cum in ea causa esse incipit, ut ex ea agi possit §. *sub conditione, Inst. de ver. obl. cuius verbi vim exposui ad L. 4. §. Cato, D. de verb. obl.* Effectus autem

stipulationis positus est in obligatione verborum, quæ inde nascitur, & in actione eius obligationis propria. In quo hæc insunt: quid hinc peti possit, quantum, quando, & ubi; quæ inde actio, cui hæc detur, & adversus quos, tum quatenus. De quibus omnibus scripsi accurate, ut quisque locus se dedit, in commentariis ad titulum *de verb. obl. D.* Inde sumere licebit, quæ ad utriusque partis, & huius tituli explicationem pertinent.

AD TITULUM XXXIX.

COD. DE INUTILIBUS STIPULATIONIBUS.

Qui norit, quas res desideret, ut perficiatur stipulatio, idem eadem opera, quæ sint utiles quæque inutiles stipulationes, noverit. Ea enim est utilis, quæ iure perfecta est, concurrentibus videlicet iis rebus, quæ ad vim stipulatio-

nis ius desiderat. In qua autem aliquid earum rerum deest, ea est inutilis. Ex hunc locum totum simul & in eo omnium rescriptorum huius tituli argumentum & sententiam tractavi diligenter suis quæque locis ad titulum *de verb. obl. D.*

A D T I T U L U M XL.

COD. DE DUOBUS REIS STIPULANDI, ET PROMITTENDI.)

C A P. I.

Cur inventi duo rei stipulandi, & promittendi. Reus quis.

S U M M A R I A.

1. *Duo rees tam stipulandi, quam promittendi ad cautionem creditorum esse inventos: Et in quo sit haec cautio.*
2. *Plures eisdem rei stipulatores cur rei debiti: Et quid hoc verbo continetur.*

Quæstionem de duobus reis stipulandi & promittendi cum argumento commo-
 uoi de stipulatione, ac verborum obligationibus coniunctam, omissam tamen a me in Pandectis, visum est hoc loco, ubi se occasio dat, exsequi; sed plenius propter utilitatem & difficultatem: ut sit tractatio, quæ totam huius quæstionis, itemque utriusque tituli de duobus reis, ram quæ in Pandectis est, quam qui hoc loco, explicationem complectatur. Quam ad rem cum methode esset opus, tantum adhibui, quantum huius cognitioni convenire videbatur. Duos \dagger reos stipulandi & promittendi peperit ereditorum utilitas, id ageutium, ut in eo quod debetur, rutilius sibi cautum sit. Est enim in his constituendis ea cautio sita quam dicimus. Ea autem cautio est huiusmodi. Exenim siue stipulator, idemque verus creditor alium adhibet, qui idem stipuletur, hic ita sunt eiusdem rei duo ereditores, ut his constitutis multo facilius verus ereditor ad suum perveniat, quia siue unus ex stipulatoribus absit, vel ei non liceat rem persequi, est alter, qui persequatur: siue unus est ereditor tantum, & is uno promissore non contentus alium adiungendum curat, qui principaliter idem promittat: hoc modo id consequitur, ut pro uno habeat duos debitorum, quorum ab uno si quid facile

consequi non possit vel propter eius inopiam, vel propter poteutiam, vel propter ingenium contentionum amarus, id ab altero possit obtinere. Qui plures eandem rem stipulantur, stipulandi rei; qui plures eandem rem principaliter promittunt, rei promittendi appellatur. *L. 1. D. hoc tit.* Nam \dagger quod reos usitato more loquendi intellegimus tantum eos, qui debent, & cum quibus iudicio agitur, ut cum dietmus, favorabiliores esse reos, quam actores. *L. favorabiliores, D. de reg. iur.* item, æquum esse eum, qui acturus, est, edere actionem, ut proinde seiat reus, utrum cedere, an contendere debeat. *L. 1. D. de eden.* usu obtinuit propter excellentiam: quia qui in crimen, aut aliud quodvis iudicium vocantur, eorum res præcipue in iudicio agitur: ut quibus solis imminet periculum condemnationis. Sed tamen & is, qui agit, non minus recte dicatur reus, si verbi originem & proprietatem spectemus. Dictus est enim reus a re, ut sit is, cuius de re agitur: sicque reos veteribus dictos omnes, quorum de re disceptatur, auctor est Cicero *lib. 2. de Orat.* Ex adiuncto discernitur significatio: ut cum dicimus reum stipulandi, aut promittendi. Neque enim aut illic promissorem, aut hic stipulatorem intelligere possumus.

C A P. I I.

Cur de duobus reis stipulandi & promittendi agatur seorsim a reliquis stipulatoribus & promissoribus.

S U M M A R I U M.

1. *Partitio huius tractatus, & summa.*

IN his reis si sequeremur regulam iuris de iis, qui quid stipulati sunt, aut promiserunt, non erat, cur ageretur de his separatim. Nunc autem est in his aliquid proprium, quod a iure reliquorum stipulatorum & promissorum longe distinet. Eo quidnam id sit, separatim exquiritur. Et quidem secundum communes regulas iuris hoc ius in hac specie futurum erat, ut cum duo stipulati essent, uterque etiam exigendi ius haberet, nec quod uni solum esset, id noceret alteri, cum utrique deberetur. Vice versa, & si quid duo promississent, ita uterque promissum exsolve-

ret, quia non aliter liberatur quisque, quam si debita pecunia soluta sit, aut eo nomine satisfactum. *L. si rem, §. omnis, D. de pig. act.* Nunc autem una hic obligatio est, una res, quæ debeatur. Ex quo quid consequatur, videndum est. Primum igitur, qui sint duo rei tum stipulandi, tum promittendi, dicatur. Deinde quomodo constituantur. Tum quid sit illud, quod horum proprium dicimus. Postremo an ut rei duo pluresve stipulandi, aut promittendi fieri possint, ita possintne & ex aliis causis plures constitui rei credendi, debendive.

C A P. I I I.

Duo rei stipulandi qui, & quomodo constituantur.

S U M M A R I A.

1. *Duo rei stipulandi, qui.*
 2. *Duorum rerum stipulandi ita ius esse, ut rem eandem stipulentur, non diversas.*
 3. *L. si id quod, D. de duob. reis explicatur.*
 4. *Ut stipulentur rem unam ab uno promissore, non a diversis.*

5. *Ut stipulentur singuli rem in solidum, non eandem rei pariter.*
 6. *Ut stipulentur singuli solidum ita, ut tamen res una tantum in obligatione versetur, & unde id actum intelligatur.*

1. **E**T duo rei stipulandi recte definiuntur hoc modo, qui eandem rem ab eodem in solidum stipulati sunt ea mente, ut quanvis solida singulis, una tamen omnibus debeatur: ita extra stipulationem, quæ omnium stipulationum communis est, quatuor sunt, quæ proprie duos reis stipulandi constituunt: si eandem rem stipulentur omnes, si ab eodem, si solidam singuli, si ita solidam, ut tamen una res versetur in utriusque obligatione. Hoc igitur ergo primum in obligatione duorum rerum stipulandi, ut ambo rem eandem stipulati sunt, quo scilicet debeatur singulis una & eadem, *§. pen. Inst. cod. ut loquitur Papinianus*, ut ab utroque par eandem rei, non impar rerum diversarum suscepta sit obligatio. *L. eandem, §. penult. D. cod.* Quocumque ergo modo res di-

versæ a duobus in stipulationem deductæ erunt, siue verbis aperte, siue tacite & vi ipsa, etiam si maxime convenerit, ut duo rei essent, tamen duo rei non erunt, quos convenit duos eisdem rei reos intelligi. Et de eo quidem nemo dubitat, quin duo rei stipulandi non sint, si unus stipulatus sit a Seio Stichum, alter ab eodem Seio Stichum æstimationem, quanvis placuerit inseri contrahentes, ut duo rei essent. Ipsa enim conceptio stipulationis, diversas res in obligationem deductas facit ostendit. Sed plus dicimus: etiam proponat duos verbis stipulationis eandem rem stipulatos, si tamen quod stipulati sunt, re ipsa in singulis personis proprium intelligitur, ut loquitur Caius, idest, tale erit, ut in singulis aliud, atque aliud intelligatur, duo rei non erunt. Hoc t Ca-

ius in *L. si id, quod, D. eod.* Quod in his exemplis accidere docet, si stipulati sint duo ab eodem fundi Tusculani usufructum, stipulati eadem conceptione decem dotis nomine: negat cum Iuliano in his duos reos stipulandi constitui posse, etsi verbis eiusdem rei usufructus, & eadem summa continetur. Merito; Verbis enim hæc eadem sunt; re autem ipsa pro persona cuiusque reorum distinguuntur: ut in singulis alius atque alius usufructus, alia atque alia dos eliciatur. Usufructus enim in utrius persona constituitur, personæ illius proprius futurus est, ut nec ad alium possit transire, quin alius esse incipiat. Indicio est, quod cum vita eius durat, & morte eius, ut alienatione extinguatur. *S. finitur, Inst. de usufr.* Quod si voluntate domini ad alium transferas, iam hic alius erit usufructus, qui rursus cum persona eius aut duret, aut extinguatur. Et quis nescit non eandem personam esse utriusque, sed alium alio citius mori posse, aut diutius vivere? Eadem ratio dotis: quæ cum constituitur pro matrimonio cuiusque, utpote quæ sine matrimonio nec dos sit, *L. 3. D. de iur. dot.* non potest, quin ut in utriusque stipulantia persona aliud, atque aliud matrimonium est; alius, atque alius maritus: ita etiam alia, atque alia dos in singulorum persona intelligatur. Sic & cum Titius & Seius decem, aut Stichum, qui Titii sit, stipulati sunt, negant iidem videri eos duos reos stipulandi: hac ratione, quod Titio decem tantum; Seio Stichum, aut decem debeantur, idest aliud, dicta *L. si id, D. hoc tit.* Ex quibus hoc eveniet, ut cum promissor in prima specie uni ex stipulatoribus usufructum dederit: in secunda autem uni dederit decem dotis nomine; nihilominus alteri dare debeat: nec quod contingerit in unius persona, id alteri proficiat, aut noceat. Quod ad tertiam speciem attinet, de ea ita scribit Celsus in *d. L. si id, ut fateatur Titium & Seium in Stichum qui Titii sit, reos stipulandi non esse; ut si solvatur Seio, nihilominus Titio decem debeantur: sed putet reos esse in decem, idque eo pertinere, ut si promissor alterutri decem solverit, ab altero liberetur.*

- 4 Volumus ¶ præterea, ut duo rei stipulandi fiant, ita duos stipulari eandem rem, ut stipulentur ab eodem. *Inst. eod. in pr. Si*

stipulentur a diversis, puta Primus a Seio Stichum; Secundus eundem Stichum, sed a Sempronio, duo rei stipulandi intelligi non possunt: sive quod singuli velint in solidum & coniunctim eandem rem sibi dari; in quo continentur res duæ, Stichus, & eius Stichus æstimatio: sive quod etiam actum sit, ut alterutro promissorum stipulatori suo solvente, alter quoque a suo liberetur: tamen personæ stipulatorum & promissorum diversæ diversas quoque & proprias obligationes inter stipulatores & promissores efficiunt. Nunc autem in duobus reis stipulandi unam obligationem esse oportet, *S. pen. Inst. eod.*

Sed & duo ¶ rei stipulandi eandem rem a promissore ita stipulari debent, ut stipulentur singuli solidum, non eius rei partes, quo & singulis solidum debeat: quod est proprium duorum reorum, *S. pen. Inst. eod. L. 2. D. eod.* Qua ratione placet, si duo coniunctim eandem rem, aut eandem summam stipulentur, duos reos stipulandi non esse, quia divisæ pro numero personarum stipulatione videantur singuli partem virilem esse stipulati: nisi adiectum sit, ut duo rei stipulandi essent, ut hoc modo velint videri singuli solidum stipulati esse, *L. reos, §. 1. D. eod.*

Postremo, ¶ ita volumus singulos stipulari ab eodem rem unam & in solidum, ut tamen debeat una omnibus, quæ sola versetur in utriusque obligatione, *d. §. pen. Inst. eod.* De quo si aperte convenit, questio sublata est. Ita enim fient duo rei stipulandi, ut nihil quæramus, utrum stipulantibus duobus eandem rem promissor simul ambohus responderit, ut proponitur exemplum *Inst. eod. in princ.* an vero singulis separatim interrogantibus separatim & ipse responderit. In re enim certa ineptum est voluntatis & facti coniecturas: quærere, *L. continuus, §. cum ita, in fin. D. de verb. obligat.* Quod si de eo nihil dictum sit, intelligemus id tum agi videri: proinde & hac parte duos reos stipulandi fieri ita, ut describitur *Inst. eod. tit. in princ.* cum post omnium interrogationem promissor non separatim, sed semel stipulantibus responderet hoc modo: *utrique vestrum dare spondeo.* Nam si, inquit Iulianus, prius Titio spondederit, deinde alii interroganti spondeat: alia, atque alia erit obligatio, nempe ut in diversis & distinctis stipulationibus.

C A P. IV.

Duo rei promittendi qui, & quomodo fiant.

S U M M A R I A.

1. *Duo rei promittendi, qui.*
2. *Duos reos promittendi non esse, siue unus aliam rem promittat, siue promittat eandem, sed aliquid in re aut minus, aut amplius.*
3. *Diverſitatem obligationis, quæ in re promissa non fit, duorum reorum promittendi constitutivæ non obſtare.*
4. *Duorum reorum promittendi ius esse, ut aut stipulanti idem promittant, non ſinguli ſingulis.*
5. *Ut promittant ſinguli ſolidam, & quando id ſociſſe intelligantur, & num. 6.*
6. *Ut promittant ita, ut una res in obligatione verſetur, & quando id agi videatur.*
7. *Duos ſeparatim reſpondentes alius ita duos reos fieri, ſi ſtatim reſpondeant, interdum eſſe ex intervallo, & quando horum utramque, & quomobrem.*
8. *L. 3. in prin. D. de duob. reis, expoſita.*
9. *Duos reos promittendi non aliter fieri, quam ſi ambo idem & in ſolidam promittentes, etiam promittant principaliter.*

DUO rei promittendi ſunt, † quorum ſinguli eandem rem eidem ſtipulanti in ſolidum & principaliter promiſerunt eadem mente, qua ſuperiores: ut quanvis ſolidum ſinguli, unam tamen omnes debeant, *d. L. 2. L. 3. §. ult. D. eod. §. pen. Inſt. eod.* Itaque cætera in re promiſſa cum duobus reis ſtipulandi communia, ut eandem rem omnes uni promittant, ut ſolidam, ut ea mente, quo una res tantum verſetur in utriuſque obligatione. Illud amplius hic exigimus, ut qui ita promittunt, promittant principaliter. Primum † a ſingulis rem per omnia eandem promitti oportet, ut neque aliam unus promittat, neque ita eandem, ut promittat amplius. Quocunque modo impar in re obligatio a duobus ſuſcepta erit, placet duos reos non eſſe: veluti, ſi duo Stichum promittant, ſed nominatim caveatur ab uno, ut negligentiam quoque in ea re, aut caſum præſtat: quæ duo ab altero promiſſore iure non præſtantur. *L. ſi ſervum, in pr. D. de verb. obl.* Hoc Papinianus in depoſito ita confirmat in *L. eandem, §. 1. D. eod. Si quis, inquit, in deponendo penes duos paſciſſetur, ut ab altero culpa quoque præſtetur (quæ aliqui in depoſito non præſtatur ſine conventionē. L. 1. §. ſi convenis, §. ſepe. D. depoſ.) verius eſt, non eſſe duos reos, a quibus impar ſuſcepta eſt obligatio. Sed hoc ita, ſi initio ita convenit, unde ſubicit: Non idem probandum eſt, cum duo quoque culpam promiſſent, ſi alteri poſtea paſſo culpa remiſſa ſit, qua poſterior conventio, qua in alterius perſona interceſſit, ſtatim & naturam obligationis, quæ duos initio reos facit, mutare non poteſt. Hæc ille,*

non exemplo in aliis contractibus omnibus idem confirmans. Ex hac re eſt, quod ſi duo fabri eandem inſulam fieri promittant: placet non aliter duos reos promittendi fieri, quam ſi fabri eiſdem peritiæ fuerint. *L. 5. D. eod.* Tum enim ſcilicet eaſdem operas promittere intelligatur: alioqui diverſas, cum inter artiſices longa ſit diſſenſentia, *L. inter, D. de ſol.* Sed in re, inquam, promiſſa parem duorum reorum promittendi obligationem eſſe volumus. Quæ ſi erit: † aliis in rebus; diverſitas obligationis duorum reorum conſtitutioni non obſtat: puta in vi obligationis, itemque in circumſtantiis dandi. Et ideo quanvis a Titio & a pupillo ſine tutoris auctoritate ſtipulatus fuero eandem decem, vel a Titio, & a ſervo, ubi neque pupillus, neque ſervus obligantur, niſi naturaliter: placet tamen quali duos reos conſtitui, *L. ſi ex duobus, §. ult. D. eod.* Similiter & ex duobus reis promittendi alium in diem, vel ſub conditione, alium pure recte accipi placuit, *L. ex duobus, 7. D. eod. §. ult. Inſt. eod.* Quippe cum dies venerit, eadem per omnia obligatio futura eſt. Quo recepto, etiam illud Papiniani conſequens fuit: ut ſi, cum duos reos promittendi facerem, ex diverſis locis Capuæ pecuniam dari ſtipulatus ſim, & duo rei ſint, & ex perſona cuiusque ratio proprii temporis habeatur: hoc ille in *L. eandem, §. ult. eod.* Quod hanc ſignificationem habet, ex non ante uterque Capuæ conveniri poſſit, aut arbitraria actione albi, quem tantum temporis præterierit, intra quod ex eo loco, ex quo uterque ſe daturum promiſit, Capuam pervenire poſſet. Id, ut dixi, ſuperiori conſequens eſt: quia loca tempo-

ris dilationem adferunt, intra quod eo possit perveniri: ut ex remotioribus locis longiore die, ex minus remotis citiorie debet intelligatur. *L. interdum, D. de verb. obligat. §. loca, Inst. de verb. obl.* Non idem probaremus, si duo non ex diversis locis, sed diversis locis se daturos promississent, pura unus Capuæ, alter Ephesi. Nam cum in utriusque obligationem veniat utilitas loci, *L. 2. D. de es, quod cer. loc.* eaque ipsa non sit eadem: *L. 3. D. eod.* perspicuum est, diversis locis in utriusque persona ad dandum constitutis parem ab utroque non suscipi obligationem.

- 4 Uni si stipulanti duos promittere debere, ut duo rei promittendi fiant, iam effectum est: cum si ex duobus promissoribus singuli singulis stipulantibus promittant, pro numero stipulantium & promittentium, aliæ, atque aliæ stipulationes & obligationes fiant; in duobus autem reis promittendi versatur una tantum obligatio. *L. 3. §. ult. D. eod.*

- 5 Sed si & singuli promittendi rei ita eandem rem promittere debent, ut promittant singuli in solidum. *L. 2. l. 3. §. ult. D. eod.* Unde etsi duo de decem interrogati coniunctim respondeant: placet ideo duos reos non esse, quia pro numero personarum divisa obligatione videantur singuli non decem tota, sed partes viriles spondisse, *d. l. reos, §. 1. D. eod. L. cui fundus; D. de cond. & dem. L. 1. supr. si plu. una sent. su. cond.*

- 6 Est si etiam similiter, ut in duobus reis stipulandi, hoc proprium duorum reorum promittendi, ut dum eandem rem in solidum singuli promittunt, id agatur, ut nihilominus rem unam omnes debeant, quo hac quoque parte dici possit in utraque obligatione rem unam versari. *§. penult. Inst. eod.* Quod & ipsum agi unde intelligatur, cognoscendum est. Quod apud Iosinianum sub eodem titulo explicatur, cum ex forma conceptionis verborum docet, quomodo duo rei promittendi fiant, ut & in duobus reis stipulandi prius fecerat. Indicat igitur, duos reos promittendi fieri hoc modo, cum separatim interrogati de eadem re tota danda, respondent singuli separatim, *spondeo*. Et quidem separatim interrogari oportet ob eam causam, quam supra reddimus. Quod si stipulator coniunctim ita roget, centum dare spondetis? partes viriles a singulis stipulatus videtur, *d. l. reos, §. 1. D. eod.* Plane si aperte hoc agatur, ut sine duo rei promittendi, nihil nocebit & coniunctim interrogatos esse: cum, ut dixi, sem-

per etiam in stipulationibus si quid obscuri est, id sequamur, quod auctum est. *L. semper in stipulationibus, D. de regul. iur.* In quam sententiam accipi debet, quod dicitur in *L. 4. D. eod.* duos reos promittendi recte obliari, non tantum si separatim interrogati, *spondeo?* respondissent? *spondemus?* sed etiam si ita interrogati, *spondetis?* respondeant singuli, *spondeo*. Recte, inquam, cum duos reos promittendi fieri volumus, & hoc queritur, an duos reos facere volentibus nihil noceat forma interrogandi superior. Ceterum simul interrogati, si nihil aliud proponitur de sententia contrahentium, de partibus singuli interrogati videntur: & interrogati dum simpliciter respondent, in eandem sententiam respondisse existimantur. *§. praterea, Inst. de iustit. stipul.* Sed utrum separatim interrogati, *spondeant* & ipsi separatim, ut dicant singuli, *spondeo*, ut proponitur exemplum. *Inst. eod. tit. §. 1.* an vero coniunctim; ut dicant, *spondemus*, nihil interest. *L. 3. D. eod.* Merito: nam cum uni stipulanti duo spondent, quocunque modo id faciant, semper videntur in eandem conceptionem respondisse, dicto *§. praterea*. Solidum autem a singulis stipulator stipulatus est. Quare simpliciter respondentes etiam singuli in solidum respondisse videntur. Non idem fit, cum duobus reis stipulandi separatim interrogantibus promissor separatim singulis responderet: ubi ante negavimus, duos reos stipulandi constitui. Hoc ideo, quod responsum simplex ex Interrogantis persona aestimatur: quæ res facit, ut cum duobus separatim stipulantibus promissor separatim responderet, pro singulorum stipulantium persona alia, atque alia stipulatio intelligatur.

Quamquam si autem illud præcipue constet, duos reos promittendi ita fieri, si separatim interrogati, respondeant etiam singuli separatim, *spondeo*: tamen adiciendum est, hoc ita esse, dum respondeant ambo non ex intervallo: sed statim ita, ut inter utriusque responsum neque unus dies intercedat, neque in eodem die is actus, qui sit obligationi contrarius, ut præcipitur in *L. duos, §. 6. §. ult. L. si ex duobus 12. in pr. D. eod.* Non facit quia intervallum hoc quidquam ad reos ipsos inter se iungendos pertineat: sed quia cum uno statim respondente alter pollero die, aut contrario actu interveniente responderet, intercedit hoc ipsum intervallum inter interrogationem stipulantis & illius promittentis responsum: quod cum sit, stipulatio non valet, eoque nec

nec posterior iste obligatur, *d. L. si ex duobus.*

8 Plane si sic ex intervallo duo rei accipi possunt, si ambobus primo interrogatis unus statim respondeat; posterior autem ex intervallo accipitur; atque hoc ipsum agatur, ut posteriore accepto duo rei fiant: quæ verba sunt *L. 3. in pr. D. cod. At quomodo, quæret aliquis, posterior ex intervallo respondens reus fieri potest, cum si inter interrogationem stipulantis & responsum promittentis unus dies intercedat, non consistat stipulatio? L. 1. §. 1. L. continuus, in princ. D. de verb. oblig.* Et sciendum est cum, qui ex intervallo respondeat, non obligari, eoque nec reum promittendi fieri posse, quantumvis convenit initio, aut postea, ut reus fieret: hæc enim conventio lus mutare non potest, atque hoc efficere, ut ubi stipulatio nulla est, ibi aliqua verborum obligatio intelligatur fuisse. Sed neque hoc negatur superioribus verbis. Non enim dicitur, posteriore reo post priorem respondente duos reos ex conventionem fieri posse, si posterior ex intervallo respondeat, sed si posterior ex intervallo accipitur. Sic posterior ex intervallo accipitur, si iure & cum effectu accipitur. Accipitur autem illo modo, si ex intervallo post priorem reum respondens iterum interrogetur a stipulatore, an eandem rem det, de qua prius interrogatus erat, & statim interroganti respondeat. Sic enim intervallum illud inter utriusque rei responsum intercedet, non inter interrogationem stipulantis & promittentis responsum. Inter quæ multum interest. Nam posterius invidiam stipulationem facit; nec potest quisquam unus esse ex reis, qui ex stipulatione ne reus quidem est. Prius duorum reorum constitutionem non impedit: ubi consister utrumque recte eandem rem promississe, & stipulatione esse obligatum atque

id actum, ut quavis diversis temporibus accepti sint, tamen duo rei essent. Nisi quis ex iure vetere hic novationem mutaret, ubi posterior id promittit, quod prior debebat, quasi nova persona interveniens novationem faceret. Sed non debet ibi timeri novatio, inquit Ulpianus in *d. L. 3. cod.* ubi id agitur, ut posterior non pro novatore, sed pro altero promittendi reo accipitur: in quo aperte id agi intelligitur, ne ulla novatio fiat.

9 Ut si concurrant superiora omnia, id est, ut duo uni stipulanti promittant, & eandem rem, & in solidum, & unam: nondum tamen satis ad duorum reorum promittendi constitutionem. Addendum est, si modo & hanc ipsam eandem rem promittant principaliter, ut fiant principales debendi rei. Nam & reus principalis & fideiussor, duo sunt, qui eandem obligationem & eiusdem rei, idque in solidum in se suscipiunt. Suscipiunt in commune & duo fideiussores. *§. si plures, Inst. de fid.* Neque tamen aut illi, aut hi sunt duo promittendi rei, cum fideiussores a reis promittendi, & appellationibus & iure multum dissent, ut postea dicitur pluribus, cum quæremus, an duo rei vice nostra pro fideiussoribus habendi sint. Id autem & verbo ipso, & natura huius obligationis satis admonemur. Nam reus in promissoribus dicitur, is, qui principaliter quid promittit. *L. mora. 88. D. de verb. oblig. L. hi qui 34. L. cum bis qui 36. & passim, D. de fid.* Unde intelligi debet & duos reos esse, qui principaliter simul quid promittunt. Sed & duorum reorum promittendi sic constitutio est, ut tanquam in principali duorum debitorum obligatione, ita de eorum obligatione indicetur, *§. pen. Inst. cod. tit.* fideiussor autem omnis accessio est principalis obligationis, eamque sequitur, *§. si fideiussor, Inst. de fid.*

C A P. V.

Duorum reorum stipulandi ius quale, & quibus in rebus positum sit.

S U M M A R I A.

1. *Reis stipulandi, singulis solidi petitionem esse.*
2. *Reis stipulandi singulis ius esse debitorem liberandi, ut debitor ab uno liberatus vel ipso iure, vel per exceptionem quamlibet, simul ab altero quoque liberetur.*
3. *Unum ex duobus reis stipulandi in obligatione communi posse alterius correi conditionem facere deterioram, debitorem liberando: neque id pugnare cum aequitate naturali, quæ alteri detrabi vetat.*
4. *Uno ex duobus reis promittendi exceptione liberato, non item liberari alterum, & differentia ratio.*
5. *Unus ex stipulandi reis petitione, idest, litis contestatione totam tolli obligationem, & hoc quam sententiam & rationem habeat.*
6. *Unum ex duobus reis stipulandi facies solutam recte accipere ad debitorem plenam liberationem: aliter autem debitorem liberando alteri facies non nocere: cur, & quam aliis locis convenienter.*

DUOBUS reis stipulandi promittendive constitutis, deinceps quid sit horum proprium, propter quod nunc de his separatim agitur, cognoscamus. Et duorum reorum stipulandi meminerimus summum hoc ius esse, quod comprehensum est in §. *pen. Instit. eod.* ut solidum debeatur singulis, sic tamen, ut in utraque obligatione res una versetur. Id singulis duas res tribuit, exigendi solidi potestatem, & promissorem in solidum liberandi. Primum ¶ ex hac causa singulis solidi petitionem esse constat, *L. 2. D. eod. L. si rem, §. 1. D. de novat.* Nam qui quid debetur, et etiam eo nomine actio est, idest, ius id quod debetur Iudicio persequendi, *Instit. de act. in pr.* Singulis autem solidum deberi posuimus. Sed ¶ nec minus ex eadem causa singulis promissorem liberandi ius est, quibuscunque modis creditor cui aliquid debetur, debitorem suum liberare potest. Nam & hic singuli creditores sunt, & singulis solum debetur. Ergo uni recte solvetur, ut promissor ab altero quoque liberetur ea obligatione. §. *pen. Instit. eod.* Sed & citra solutionem quicunque modi sunt, quibus actio iure tolli, aut per exceptionem remitti potest, si quo ex his unus promissorem liberaverit, non a se tantum liberabit, sed a cæteris quoque omnibus etiam invitis, & totam tollit obligationem: puta, si accepto ferat promissori, quod debetur: si novandi animo alium reum ab eo accipiat, *L. 2. D. eod. L. si rem, §. 1. D. de novat.* atque adeo si pacificatur tantum, ne a promissore petat. *L. si unus, in pr. D. de pact.* Quæ ratione & ab uno ex duobus reis stipulandi delatum iusurandum etiam alteri nocere placet. *L. in duobus, in pr. D. de iur.* In quibus si exceptio pacti & iuris

iurandi adversus unum ex reis stipulandi sit promissori quaesita: eum adversus alterum quoque stipulandi reum liberat, dum ei eadem nocet exceptio. Dubitandum non est, quin & rei iudicæ exceptio promissori adversus unum ex reis stipulandi quaesita, dum unus agens iudicio victus est, etiam promissori adversus alterum reum prosit, eumque similiter liberet. Quare & uno pecuniam offerente, si stipulator accipere sine iusta causa recusavit, etque postea perierit, ut offerenti competat dñi mali exceptio: *l. qui decem, D. de sol. sic & alteri reo eadem exceptio dabitur.* Quippe hæc omnia ita fierent, si unus esset tantum creditor, & una obligatio, *Instit. quibus modis toll. obligat. in pr. L. postum, D. de pact.* Nunc autem in duobus reis stipulandi hæc obligatio accipitur, quasi in singulis obligatio esset una, cum in utriusque obligatione una res versetur. Idque est, quod Venuleius definit in dicta *L. si rem, §. 1. D. de novat.* unumquemque ex reis stipulandi perinde sibi adquisisse, ac si solus stipulatus esset: exceptio eo, quod etiam facto eius cum quo commune stipulandi ius est, amittere debitorem potest. Ex quo ¶ apparet, unumquemque reorum stipulandi promissorem liberando posse alterius rei conditionem deteriorare facere & ignorantis & inviti. Neque tamen hoc pugnare cum regula iuris, quæ vetat alterius conditionem facere deteriorem, *L. salvando, D. de neg. gest.* Hæc enim ad eos perinet, qui de alieno statuendo recta id faciunt, quod aliis vocat, quod non licet. Hic de eo agitur, qui promissorem liberando de suo statuit: quod cuique facere concessum est. Nocet deinde id aliis correi, sed per consequentiam: quod

quod ideo hic non spectamus; ne per consequentiam & appendicem impediatur id, quod principaliter ture fieri potuit. arg. tu *L. 1. D. de auct. iur.*

4 Non ꝑ idem servatur e converso, ut ex duobus reis uni exceptio quæta, etiam proliit alteri promittendi reo, eumque liberet, ut postea dicetur. Hoc ideo, quod unus promissor sibi soli exceptionem recte acquirere potest: qua quæstia adversus omnes eiusdem pecuniæ stipulandi reos recte ut sua utitur. At non item qui sibi exceptionem querere potuit, etiam potuit alteri, quanvis eiusdem pecuniæ reo: quia ius vetat quidquam querere alteri.

5 His consequens est, ꝑ quod traditur in *L. 2. D. eod.* etiam unus ex reis stipulandi petitione totam tolli obligationem, idest, tunc, cum unus iudicio egerit eum promissore, & litem cum eo fuerit contestatus; quomodo petitionis verbum accipitur *L. amplius, D. rem rat. hab.* quod aliis verbis sic explicatur in *L. si rem, §. 1. D. de novat. unum indicio petentem totam rem in litem deducere*: sed apertius in *L. fideicommissa, §. plerumque D. de legat. 3.* cum dicitur, *unum ex pluribus reis stipulandi agendo occupare, & totam consequi.* Qui ergo hoc superioribus consequens? non quod reus stipulandi iudicio agendo promissorem statim liberet. In totum, priusquam pecuniam acceperit: sed quod pro commodo suo liberet eum a priore obligatione. Iudicio enim cum promissore contrahit, *L. 3. §. idem scribit. D. de pecul.* In quo & novatio quædam fit, ubi vetus actio transferatur tota in actionem iudicati, quatenus petitori commodum est, *L. a-*

liam, D. de novat. de quo postea ad titulum *de novat.* Eademque opera tollitur cæteris vetus actio ex stipulatu: iudicati autem obligatio sic petitoris propria efficitur, ut promissor postea condemnatus hanc mutare non queat; si velit, nisi petitori solvendo: Hinc illud dictum est, ex duobus reis stipulandi si semel unus egerit, alteri promissorem postea offerendo pecuniam, nihil agere. *L. ex duobus, 16. D. eod.* Quippe offert ei, cui post illam iudicii accepti novationem debere desinit invito petitori. Et hæc quidem sine exceptione ita iradita sunt in dicta *l. 2. D. eod.* & dicta *L. si rem, §. 1. D. de novat.* Et sane prioribus illis petitis sunt consequentia. Paulus ꝑ tamen in *L. finium, 6. in pr. D. de pacti*; hæc ita vera esse scribit, si rei stipulandi socii non sint: quod si sint socii, uni quidem solvi posses: unum autem aut novando, aut pacificeando alteri nocere non posse. Vere Paulus, & superioribus admodum convenienter. Quod enim diximus, unus rei stipulandi acceptionem & factam alteri nocere ad liberationem, de iis dictum est, quorum uterque in solidum obligationis ius sibi quæsit, & quorum utroque solidum debeatur, ut declaratur utroque illo loco superiore, idest, *L. 2. D. eod. & L. si rem, §. 1. de novatione* Hoc vero ita fit, si rei stipulandi socii non sint: quod si ex ea causa stipulenter, aut promittantur in qua socii sunt: scriptum est in *L. in lege. 6. D. ad leg. Falc.* perinde inter eos dividi debere obligationem, atque si singuli partem pecuniæ stipulati essent, vel promississent. In his igitur omnibus hoc ipsum temperamentum tenendum est.

C A P. VI.

Duorum reorum promittendi obligatio qualis, & quid contineat, & de solidi exactione, qua singuli in solidum tenentur.

S U M M A R I A.

1. Ab uno ex duobus reis promittendi solidum peti posse, etsi reus sumptus sit, qui fideiussor esse poterat, & deberat.

Duorum reorum promittendi hæc item summa obligatio est, quæ iisdem illis locis describitur, idest, *L. 2. D. eod. & §. pen. Inst. eod.* ut singuli solidum debeant; non latius tamen, quam ut ab his res una debeatur. Cuius iuris vis hæc est. Quod singuli solidum debent, facit, ut possit peti ab alterutro solidum; sic ta-

Tom. IX.

2. Idem, etsi sint rei promittendi socii.

3. Idem, etsi pecunia credita ad unum pervenerit.

men, ut non sit ea res impedimento, quo minus partes a singulis peti possint; hoc enim totum pro commodo stipulatoris accipiendum est. *L. 3. §. 1. L. reos, in pr. D. eod.* Quod autem ita in solidum obligati sunt singuli, ut una res tantum in obligatione versetur, id eam vim habet, ut uno ex reis promittendi liberato, una

LIII 2

quo-

quoque cæteri, etiam eum quibus nihil actum est, liberentur. *L. 3. in fin. D. cod. dicto §. pen. Inst. cod.* non etiam ut unus factum alteri noceat, etique novam obligationem inducat, quam non conflet inter eos intervenire. Ita fit, ut duorum reorum obligatio duas hasce res contineat in summa: in excipienda actione onus solidæ actionis, quod singulis imponitur: in solvenda autem obligatione communis liberationis beneficium, quod singulorum liberationi tribuitur. Quodvis autem factum unus ad aliam obligationem alteri inducendum horum obligationis conditio non admittit, de quibus capitibus tribus dicam ordine, iam §. primum duo rei promittendi ita solidum debent, ut possit vel ab uno eorum solidum peti, idque eorum proprium est, nisi malit creditor actionem inter eos dividere, *d. L. 3. §. ult. L. reos, in pr. D. cod. d. §. pen. Inst. cod.* Nihil hic excipiunt veteres. Neque vera sunt ea, quæ de obligatione inter reos quandoque dividenda scribit Bartolus in *auth. hoc ita, hic, num. 68. & deinceps*. At dividi actionem inter duos reos, si eum acceperentur pro aliena obligatione, color sit questus, & tanquam rei principales accepti sint. arg. *L. item si, §. 1. D. de Mac.* Sed nec colorem esse dixerimus, eum creditor vult sibi ita caveri, ut qui accipiuntur, rei principales promittendi fiant. Tunc color est, cum ius vetat fideiussorem accipi, ut teneatur; & ne videatur fideiussor, tanquam reus principalis accipitur, ut est species *d. L. item si, §. 1. de Mac.* Ubi autem non prohibetur quis reum accipere, quem fideiussorem accipere poterat: si ut reum acceperit, conditio duorum reorum ex conventionione servanda est. Quid, §. si duo rei sint socii? Idem ait & pro parte eos

conveniri debere, quia dicatur in lege Falcidia inter eos dividi obligatio. *L. in lege 62. D. ad leg. Falcid.* Sed & hoc conditioni duorum reorum & conventioni adversatur. Ideo enim duo rei accepti sunt, ut stipulanti solidum deberent, eamque conditionem accepit stipulatio. Hanc invito stipulatore rei mutare non possunt. *L. vero, D. de sol. L. Herennius, D. de evict.* Non obstat, quod dicitur in *d. L. 62. ad leg. Falc.* inter duos reos socios circa legem Falcidiam perinde dividi obligationem, quasi singuli partem pecuniæ stipulati essent, vel promississent. Hoc enim recte dicitur circa legem Falcidiam, cum queritur, quantum singuli in bonis habeant, ut sit in quantitate patrimonii inquirenda ex lege Falcidia. Sed hoc creditor nocere non debet, nec debitorum pactio creditoris ius mutat, *L. debitorum, sup. de pact. L. 3. in pr. D. de transfat.*

Quid §. plura? Adeo verum est, singulos posse in solidum conveniri, ut quanvis pecunia eredita ad unum ex reis pervenerit; tamen nihilominus alter recte in solidum conveniatur, quia hæc in duobus reis accipiendis obligationis lex & conventio est, *L. propter, hoc tit. L. si non, sup. si certum petatur*. Sed hic obicitur exemplum duorum fideiussorum, inter quos dividi obligationem constat. Ne qui autem exemplum repudiet, duo rei dicuntur vice mutua pro fideiussoribus accipi. *L. reos, in pr. D. cod.* Sed cum hæc obiectio ad alias quoque partes huius obligationis pertineat, de ea dicam in commune ad extremum. Illud in hac parte monendi sumus, quæ de solidi actione adversus singulos ex duobus reis promittendi dicta sunt, ex iure vetere dicta esse. Ius immutatum constitutione Novella Iulianæ, de quo dicam ad *auth. hoc ita, infr.*

C A P. VII.

Quibus modis uno ex reis promittendi liberato liberetur alter.

S U M M A R I A.

1. Uno ex reis promittendi liberato, quocunque modo accidat, ne in eius persona iusta & perfecta sit rei liberatio, nec alterum liberari: & quibus modis id accidat.
2. Uno ex reis promittendi non ipso iure, sed per exceptionem liberato, non ideo alterum liberari: & cur.
3. Excepta tres causæ, & quæ.
4. Uni ex reis promittendi exceptione pacti parta, alterum non liberari: exceptio iurisiurandi uni questu, contra esse: differentia ratio.
5. Unius ex reis promittendi meram alteri non nocere, idest, non efficere, quominus re postea perempta & teneatur, qui meram fecit, & liberetur, qui non fecit, preinde nec huius liberatione liberari eum, qui meram fecit.

DE liberatione unius, quid cæteris adferat, videamus. Quod pluribus ver-

bis indiget. Non enim usquequaque verum est, uno ex reis liberato alterum quo-

quoque liberari. Habet id has cautiones. Nam & ad veram ac iustam liberationem tantum pertinet, & in vera etiam liberatione interdum locum non habet. Sunt etiam quædam causæ, de quibus dubites, an pro iusta liberatione habendæ sint, de quibus ordine dicendum est.

1 Principio igitur non quævis liberatio rei promittendi alterum quoque liberat, sed tantum vera & iusta liberatio. Ea est autem, qua tollitur ipsa obligatio, & tollitur ipso iure, non per exceptionem, nisi ex causâ. Ante omnia obligationem iure solvi, seu reum obligatione sublata liberari volumus, *L. 1. L. 3. in fin. D. hoc rit.* Ita quocunque modo fiet, ne sit iusta liberatio, & solutio obligationis, quodcumque id factum erit, nunquam id alteri reo proderit ad liberationem. Tribus autem modis accidit, ne sit vera liberatio. Uno, si liberatio ipsa, puta acceptilatio, iure non constitit in persona eius, quem creditor acceptilatione liberare voluit; finge maritum, cum duos reos haberet Titium & mulierem, mulieri acceptio tulisse, donationis causa. Ipsam quidem mulierem non esse liberatam constat, quia donatio & quidquid sit donationis causa, inter virum & uxorem inhibetur. Quid Titius, in cuius persona consistere donatio potuit, an non liberabitur? Placet neutrum liberari, quia acceptilatio in persona mulieris non valuit: est autem absurdum eam que in huius persona non valuit, ab ea ad alium transire, *L. 5. §. 1. D. de don. int. vir. & ux.* Altero modo fit, ne sit vera liberatio quæ profit alteri reo, si iure quidem ipso ab initio constitit, sed postea rescissa est, & restituta ætío creditori. Quod accidit, cum mulier pro uno reo ita intercessit, ut eum novatione liberaret. Nam Senatusconsulto Velleiano ita iuvatur mulier exceptione, ut simul restituatur actio creditori adversus eundem reum, atque hoc modo eventu destinat esse liberatio, quæ esse videbatur. Quamobrem tanquam in ea liberatione, quæ vere non est, placet nec liberari alterum reum, sed adversus utrumque pariter restituatur actionem, *L. si pro uno, D. ad Velleian.* Tertio modo idem fit, cum unus ex reis definit quidem vere teneri; sed ita, ut persona solum obligatione eximatur, manente nihilominus obligatione: quod cum fit, sola persona eximitur: obligatio, quæ manet, alterum reum tenebit, *L. ult. D. eod.* Sic autem reum, sive obligationem solvi intelligimus, si manente persona, quæ possit debere, destinat reus quovis modo iure teneri. Per-

sonam autem eximil manente obligatione, cum reus ideo debere definit, quia iam non sit, qui debeat. Quod contingit duobus modis. Uno, cum bona reo damnatione, puta deportatione, adiunguntur, *d. L. ult. D. eod.* Altero, cum stipulator uni ex duobus reis stipulandi heres exstitit, *L. Gravius, 71. D. de fid.*

Non est satis, si aliquem vere esse liberatum. Etiam obligationem in unius persona ipso iure tolli volumus, quo liberetur alter, non autem solum per exceptionem. Ex hoc iure placet, si creditor cum uno ex reis promittendi, qui socii non sint, pactus sit, ne petatur: pactum, quod paciscenti prodest ad totius rei exceptionem, quævis in rem conceptum sit, tamen alteri reo non prodest. Hoc ideo: quia alteri exceptionem dari nihil interest eius, qui pactus est, *L. & heredi, §. ult. L. fideiusforis, §. 1. L. idem, D. de pact.* Sic autem regula iuris est, per liberam personam quæ iuri nostro subiecta non sit, excepta possessione nobis nihil acquiri posse, *L. 1. sup. per quas person. nob. acquir. §. ex his, Instit. eod.* In eadem causa est rei iudicatæ exceptio. Finge ex pluribus eiusdem pecuniæ promittendi reus unum iudicio electum. Diserte scriptum est in *L. amissi, §. ult. D. de fid. absol.* solutione quoque huius secuta, eoque & quæ sita ei exceptione rei iudicatæ, ceteros non liberari: quod tamen negat Bartolus ad *auth. hoc ita, num. 43. hic*, & probat scilicet ex *d. L. amissi, §. ult.* quo loco maxime refellitur. Sed tamen ³ & hæc ita sunt, nisi iusta causa sit, quæ suadeat etiam alteri reo exceptionem dari. Iustæ causæ tres. Una, si rei promittendi sint socii. In his pactum cum uno factum placet alteri proficere, *L. eandem, §. penult. D. hoc rit. L. sed si 24. §. L. idem seq. D. de pact.* nempe commutata superiore ratione: quia scilicet tunc paciscentis interest, ab altero non peti propter societatem, qua fit, ut dum a socio meo petitor, ego inquietor, ut est in *L. 3. §. nunc de effect. D. de lib. leg.* Ita fit etiam hoc modo, ut qui verbis pactus est alteri, re ipsa videatur eodem modo pactus sibi, quod per regulam iuris facere concessum est. Altera causa est in his, qui socii non sunt, si nous pactus sit nominatim, ne a se, neve ab altero reo petatur. Tum enim placet hoc pactum habere alteri prodesse, ut si ei pacti exceptio non datur, quod regula iuris prohibet, saltem profit ei docti exceptio, *d. L. idem, in fin. iuncta L. videlicet, seq. de pact.* Tertia est in his etiam ipsa reis non sociis,

elis, si causa, ex qua exceptio nascitur, eiusmodi sit, quæ habeatur pro solutione. Hoc, inquam, cum sit, non ex reis promittendi per exceptionem tantum liberato, eadem exceptio alteri dabitur.

- 4 Talis igitur causa est iusiurandum, quo reus iuravit se non debere. Id inter alios effectus etiam hunc habet, ut pro solutione cedat, *L. iusiurandum etiam*, 27. *D. de iur.* Qua ratione etiam placuit, quamvis a fideiussore exactum iusiurandum proficere etiam reo: multoque magis ex duobus reis promittendi si alter iuravit, alteri quoque prodesse debere, *L. in duobus*, §. 1. & §. *ex duobus*, *D. de iur.* Eamque rationem non dubium est a veteribus redditam esse, ut intelligeretur, cur non idem placeat in pacto cum uno ex reis interposito. Non enim ut iusiurandum, ita & pactum solutionis loco est. Quippe in pacto nihil præstat creditor debitor, sed ab eo accipit. In iureiurando autem ut creditor paciscitur, ne post iusiurandum petat, ita & pro eo debitor præstat iusiurandum, atque ex præstatione tanquam aliud pro alio solvendo satisfacit creditori. Satisfactio pro solutione est, *L. satisfactio*, *D. de solus.* Comparatur quidem pactum solutioni *L. si unus*, §. *si cum decem*, vers. *sed si stipulatus*, *D. de pact.* Sed tunc, cum unus est promissor: quod recte fit. Nam de exceptione soli ei acquirenda agitur. Porro soli ei iure acquiri posse constat. Cui autem semel exceptio competit, huic non magis nocet actio, quam si sublata esset ipso iure, *L. nihil interest*, *D. de reg. iur.* Non idem dici potest, cum duo sunt promittendi rei, quorum unus paciscitur, ne petatur. Hic enim laboratur de exceptione alteri acquirenda. Hanc autem illi per alterum, cuius nihil interest, acquiri ius non concedit.

- 5 Interdum igitur et si vera sit & iusta liberatio, qua liberetur debitor etiam ipso iure: tamen eiusmodi est, qua uno reo promittendi liberato nihilominus aliter teneatur. Id in una hac specie receptum est: cum species debita, puta Sticbus promissus,

neutro ex reis causam interitus præbente, post unius tantum moram perit. Nam qui moram non fecit, hunc ius certum liberat, quo efficitur, debitorem re debita perempta, quod quidem sine eius culpa factum sit liberari, *L. si ex legati*, *D. de verb. obl.* Moratorem autem alia constituto in obligatione retinet, qua placet culpam perpetuare ei obligationem, *L. si servum*, §. *sequitur*, *ead. tit.* Et hoc est, quod dicitur, si duo rei promittendi sint, alterius moram alteri non nocere *L. mora*, §. *ult.* *D. de usur.* Ideo enim non nocet: quia qui moram fecit tenetur; neque tamen tenetur aliter si extra culpam est, sed iure ipso liberatur. Ex quo rursum vice versa intelligitur huius liberatione illum alterum non liberari. Sed hoc propria ratione efficitur. Nam qui liberatur in hac specie, ideo id consequitur: quia vere res perit, nec ulla causa est, cur adversus eum res adhuc existere existimetur. Contraria de causa necesse est, non liberari alterum, quia et si vere res perit, tamen culpa eius quæ impunita esse non debet, facit, ut videatur res adhuc existere, *L. nemo*, 82. §. 1. *L. si servum*, §. *sequitur*, *D. de verb. obl.* Ex est æquissimum: ne aut illius factum alteri noceat, aut cuiquam profit frustratio sua: utrumque adversus certas regulas iuris, & naturæ æquitatem, *L. factum cuique*, *L. in condemnatione*, §. *penult.* *D. de reg. iur.* *L. hominem*, *D. mand.* Et tamen ne hoc quidem ius in quasvis culpa unius ex reis promittendi receptum est, sed tantum in mora. Uno, inquam, moram faciente, huius mora non facit, quominus iuxta regulam communem iuris, quæ est de interitu rei debita, liberetur alter: neque etiam huius liberatio alterum qui deliquit, liberat. At de facto unius contraria definitio est in *L. penult.* *D. eod.* In hæc verba: *ex duobus reis eiusdem Sticchi promittendi factis, alterius factum alteri quoque nocet.* Sed de eo mox plura, cum dicam in commune, ubi unius factum nocere possit, aut non nocere.

C A P. VIII.

Nec compensationem ab uno ex reis promittendi ex alterius persona
opponi posse, nec lite cum uno contestata, ea petitione
alterum liberari.

S U M M A R I A.

1. *Unam ex promittendi reis compensationem eius, quod alteri reo debetur, obicere non posse, & cur.*
2. *Si cum uno ex duobus reis iudicio actum sit, ea petitione alterum non liberari, nec novo, nec vltiore iure.*

3. *Unus ex reis stipulandi agens, cur ea petitio pro novatione cedat, ut debitor ab altera liberaretur; unus autem ex duobus reis promittendi convento, non fiat ea petitione novatio, qua alter liberatur.*

Atque ut in his liberationibus locum non habet beneficium liberationis, quod ab uno ex reis promittendi ad alterum transferri volumus: ita, ut proposui, dobitur de quibusdam causis, an in unius persona pro liberatione haberi debeant, ut sic profint alteri ad liberationem. Ambigitur autem de duobus: de facultate obiciendae compensationis ex alterius persona, & de petitione solidi, qua unus ex reis conventus fuit.

De iure † obiciendae compensationis haec dubitatio fuit, an si stipulator uni ex reis promittendi pecuniam debeat, quo nomine is reus compensatione adversus stipulatorem uti possit: possint etiam alter conventus ex illius persona compensationem obicere; atque hoc modo contendere se liberatum. Movet, quod compensatio pro solutione habetur, & quidem ipso iure, *L. 4. sup. de comp.* Quod si unus ex reis liberatus esset solutione, nemo dubitaret, quin tota soluta esset obligatio, §. *pen. Inst. b. tit. L. 2. D. eod.* Et de eo ita scriptum est in *L. si duo, 10. D. eod.* si duo rei promittendi socii non sint, ei, cui nihil debetur, non prodesse, quod stipulator alteri reo pecuniam debeat: quod nihil aliud est, quam eum, cui nihil debetur, compensationem ex persona alterius, cui debetur, obicere non posse, quanvis ille conventus obicere possit. Ita etiam hoc dicitur ius obiciendae compensationis, quod unus ex reis ex persona sua habuit, si cum eo non agatur, pro solutione & liberatione habendum non esse. Et recte: non enim ius compensandi pro solutione est, sed ipsa compensatio, ut est in *d. L. 4. sup. de comp.* Tunc autem compensatio est, cum is debitor, cui vicissim pecunia debetur, conventus compensationem obicit, seu declarat se paratum compensare; aut cum

posset compensatio ab eo convento obici, per errorem est omisa, *L. 2. L. si ambo, §. 1. D. de comp. L. ult. C. eo.* Faciamus ergo, cum eo cui pecunia debetur, nondum actum esse, ut nec compensatione uti posset, si vellet; consequens erit nullam esse compensationem. Non potest autem compensatio alteri prodesse, quae in eius persona, unde incipere debuit, nulla est. Sed meminerimus de duobus reis, qui socii non sint, hoc dictum esse *d. L. si duo, 10. D. eo.* Quod si socii erunt, quae pecunia uni debetur, perinde est, quasi deberetur alteri, cum quo iure societatis communicari debet: quo sit, ut & alter conveniatur, eadem compensatione pro eo, quod ipsi debetur, uti possit.

De † petitione, qua conventus est iudicio unus ex reis promittendi a stipulatore, vetus dubitatio est, an ea petitione liberetur alter ex reis ita, ut cum eo amplius agi non possit. Et fuisse quorundam veterum sententiam, quasi inter duos reos promittendi esset hoc genus liberationis, significatur non obscure in *L. decem, 116. illic, non enim sunt duo rei, D. de verb. obl.* Indicat & constitutio Iustiniani *L. ult. inf. de fid.* qua in duobus reis promittendi nominatim cavet, ne uno ex reis convento, & lite cum eo contestata, ea re noceatur creditor, quominus adversus ceteros actiones integras sint. Quae constitutio fuit supervacua, nisi aut antea oblineret, aut certe ius esset controversum. Exsi autem ea constitutione quaelibet subacta sit; tamen quia quaedam etiam nunc oblici possunt, operae pretium est, eandem sententiam hoc loco certius confirmare. Haec autem fere sunt, quae solent oblici. Nam si unus ex duobus reis stipulandi cum promissore egerit, diximus ea petitione novationem fieri, qua alio trans-

transferatur in actorem solum, promissor autem ab altero reo stipulandi liberetur. Quidni ergo in duobus reis promittendi idem probemus, ut si stipulator cum uno egerit, eadem petitione fiat novatio, qua interveniente etiam aliter ex reis liberetur? Exstat præterea definitio de duobus reis tum stipulandi, tum promittendi concepta in *L. 2. D. eod. tit.* qua ita definitur, ipso iure & singulis solidum deberi, & singulos debere. Ideoque petitione acceptilationeque unius totam solvi obligationem. Sed de hac re etiam ex vetere iure sic habendum est: etsi forte hoc iure quibuscum visum est, uno ex reis promittendi conventio, alterum ea electione liberari; tamen contrarium obtinuisse plurimum sententiarum. Testata est enim hac sententia pluribus responsis diliger scriptis, adversus unumquemque ex duobus reis debendi agi posse, nec liberari alterum, si cum altero agatur. *L. 1. §. si apud, D. dep. L. si ut certo, §. ult. D. com. L. 8. §. 1. D. de leg. 1. L. creditor, 60. D. mand.* Et cur ea petitione liberetur alter, cum ne ipse quidem, cum quo actum est, hac ipsa petitione liberetur? Non enim, aiunt veteres, petitione, sed solutione & perceptione debitor liberatur, *d. L. 1. §. si apud, depof. L. 4. D. de his, qui deiecit, vel effudit.* Nisi quis dicat, quod creditor unum elegerit, quicum iudicio ageret, hoc factum illi nocere debere, quod longe secus est. Nemo enim agendo & litem contestando deteriore conditionem suam facit, sed meliorem, *L. non solet, L. nemo enim, D. de reg. iur.* Et certe esset absurdum, diligentiam suam cuiquam fraudi esse: præsertim cum ius vigilantibus scriptum sit, ut Scaevola scripsit. *L. penult. in fin. D. que in fraud. cred.* Quamobrem & hæc sententia merito Iustiniani constitutione confirmata est *d. L. ult. infr. de fid.* Neque tamen vero movere nos debet, quod uno ex reis stipulandi agente, hanc petitionem pro novatione cedere placet, ut novata prior actione & translata in novam iudicati, promissor ab altero ex reis stipulandi liberetur. Hactenus enim hac petitio pro novatione est, quatenus hanc fieri petitionem expedit, alioqui contra, *L. aliam, D. de novat. de quo plura infra ad tit. de novat.* At tunc expedit ita fieri, cum ex pluribus reis stipulandi unus agit cum promissore. Sic enim fit, ut reo adversus alterum ex stipulandi reis novatione li-

berato, solida actio efficiatur propria eius, qui agit, ut iam neque alteri solvi possit, neque aliter exigere, ut promissor liberetur: quæ plane mens est & consilium eius, qui primus agit, unde novatio. Contraria plane utilitas & mens actoris contrariam sententiam inducit, cum unus est stipulator, duo rei promittendi, & adversus unum agitur. Faciamus enim cum uno agendo alterum liberari. Manifestum statim incommmodum actoris, qui cum prius duos haberet eiusdem rei debitores in solidum, agendo incipit unum tantum habere. Et vero agendo hæc mens eius nequaquam fuit, ut vel cum, cum quo agit, vel alium quempiam eo facto liberaret. Nam qui sibi consultum voluit ea petitione, obesse certe sibi eam petitionem noluit. Neque porro secus, quam agentis expedit, & ab illo actum est, litis contestatio unquam prioris obligationis novationem, aut liberationem induxerit. Nam nec extra iudicium novatio unquam admittitur, nisi cum probaretur id actum esse, ut nova obligatione inducta, prioris novatio fieret, *L. 4. §. si ex convention. D. de re ind.*

De definitione *L. 2. D. hoc tit.* post constitutionem Iustiniani laborare admodum non oportet. Erit enim in illa oratione; *petitione acceptilationeque unius tota solvitur obligatio*, concederemus hæc verba, *petitione unius*, etiam referri ad petitionem, qua unus ex reis promittendi convenitur: tamen hic acceptus locus nihil oberit superiori sententiæ: quia in promptu erit dicere Iustiniani constitutione emendari *d. L. ult. infr. de fideiuss.* Sed ne necesse sit ad hanc responsionem confugere, recte defendemus petitionis verbum in ea definitione active tantum accipi posse, non passive: ut intelligamus scilicet totam solvi obligationem unius petitione, non qua cum uno ex pluribus agatur, sed qua agit unus ex pluribus. Id quidem proprietatis sermonis solum admittit. Petitio enim eius solius esse intelligitur, qui petit. Quod si eius est, cum quo agitur, non eius, sed ab eo petitionem esse dicere solemus, *L. via, D. de servit.* Cum autem ad significationem verbi etiam auctoritas & certitudo sententiæ, quæ inde efficitur, accedat: non est, quod eam sententiam in illis verbis accipere dubitemus: quæ etiam in ambigua voce legis, cum vitio careat, ultro esset amplectenda. *L. in ambigua, D. de legis.*

C A P. IX.

Nec moram, nec factum unius ex promittendi reis alteri nocere:
sed nec interdum prodesse.

S U M M A R I A.

1. Unius ex reis promittendi factum, quo se obstringit, alteri res non nocere.
2. Unius rei factum alteri quoque res nocere, quomodo interpretandum in L. pen. D. de duob. reis.
3. Uno ex reis promittendi moram faciente si res intereat, nihilominus liberari alterum: at si unus animal promissum occiderit, non item, & quæ differentia ratio.

Liberationem habemus unius rei promittendi, quæ & ipsa liberatur alter: proinde factum unius in obligatione communi, quod factum profit alteri. An etiam unius rei factum nocere possit alteri, sitque id proprium huius obligationis, tertium fuit a me propositum, quod in conditione illius obligationis quaeremus. Et quatuor fere facta sunt cuiusque rei debendi, quæ illi noceant ad eum obstringendum, ubi alioqui non teneretur: delatum ab eo iusiurandum, quod adversarius iuravit sibi debere: eius confessio, quæ fatetur se debere: damnum rei debitæ ab eo datum: mora ab eo solutioni facta. Au ergo hæc item alteri res noceant, & an his uti possit creditor ad alterum his nominibus conveniendum, quaeritur. Et si quidem factum unius rei promittendi eiusmodi est, ut se eo obstringat, etsi prius non teneretur: generaliter probandum est, id factum alteri correo non nocere, tantumque abesse, ut id nocere alteri sit proprium obligationis duorum reorum, ut nihil sit magis contrarium. Rei enim sunt unius eiusdemque obligationis, L. 3. §. ult. D. hoc tit. §. pen. Inst. eod. Proinde extra eam obligationem non sunt rei, nec quidquam inter se habet commune. Quæ res facit, ut hic ad communem iuris constitutionem pertineant, quæ placet res inter alios actas aliis non nocere, toto Tit. sup. res inter al. act. Hac de causa delatum ab uno iusiurandum placet adversus alterum stipulatori nihil prodesse, L. nam posteaquam, in §. & L. quia, seq. D. de iureiur. nempe ideo, quod alter ex causa eius iusiurandi conventus si neget se debere, negat se, ut reum teneri ea obligatione, quæ iusiurando inducta est. Idem ergo dicemus, etsi unus ex reis, quanvis in iure, confessus fuerit se debere, eadem de causa. Quod si factum unius rei tale erit, quo non inducatur nova obligatio, *Item. IX.*

sed perpetuetur verus, quam constat duorum reorum fuisse: hic interesse dicemus, moram unius rei id acciderit, an factum; idest, culpam, quæ in non faciendo sit, an ea, quæ sit in faciendo, veluti, eum reus animal promissum occidit: De mora exstat definitio in L. mora, §. ult. D. de usur. in hæc verba: Si duo rei promittendi sint, alterius moram alteri non nocere. Quæ significatur, si post unius rei promittendi moram res promissa perierit, perpetuari adversus eum obligationem: sed eam rem alteri, qui moram non fecit, non nocere quinminus in eo utatur suo proprio iure, & eo interitu liberetur, atque ita simul utrumque accidere, ut neque illius mora alteri noceat ad eum in obligatione retinendum, neque huius liberatio moratori profit ad eum liberandum, de quo iure dixi paulo ante.

De factum autem unius rei promittendi exstat contraria Pomponii definitio in L. pen. D. hoc tit. his verbis: ex duobus reis eiusdem Stichi promittendi factum, alterius factum alteri quoque nocet. Factum vocat Pomponius, quod proprie ita dicitur, idest, id admissum, quod vere in faciendo est, quale est, cum unus reus animal promissum occidit: non autem id admissum, quod est in cessando, aut negligendo, quo in genere est mora, cessatio nempe posita in non solvendo: sicque mora a facto distinguitur in l. si servum, §. sequitur, D. de verb. obl. Id eo pertinet, ut cum dicitur alibi moram unius rei alteri non nocere, sciamus non esse contrarium illi, eum dicitur, factum unius alteri nocere: quoniam mora non est factum, quod quidem proprie ita vocetur, ut dixi. Sed & cum dicitur factum unius alteri quoque nocere, aperte de eo facto dicitur, quod ipsi facienti noceat vel ad inducendum adversus eum obligationem, de qua prius dubitari posset, *Mmmmm* vel

vel ad eam, quæ certo constituta erat, perpetuandam. Sed cum adieitur, factum unius ex duobus reis promittendi, satis declaratur agi de his, qui vere rei sint. Proinde & id factum notari, non quo inducatur obligatio, sed quo ea, quæ duorum reorum erat, perpetuetur, cum abique eo facto foret, esset luteritura. Id autem factum est, ut dixi, cum unus reus promittendi aliquid fecit, quo res promissa vel exstare, vel integra esse delineret: puta, cum animal promissum occidit, aut debilitavit. Ita fit, ut sit hæc sententia definitionis, si quod tale factum unius ex reis promittendi acciderit, id factum primum ei nocere, ne eo interitu iuxta regulam communem iuris liberetur: quod certi iuris est, *L. si ex legati, L. si servum, in princ. §. sequitur, D. de verb. obli.* Sed hinc amplius & conreo nocere, ne & ipse liberetur, quanvis ille nihil in eo neque dolo, neque culpa, aut per dissimulationem fecerit. De quo dubitari merito poterat: est enim contra regulam iuris, quæ eum debitorem, sine cuius culpa res perit, liberat. *d. L. si ex legati.*

- 3 Quod cum ita sit, † & præterea in mora diversum observari dixerimus: haud abs re erit videre, cur id in hac specie tam varie constituitur. Ex recte generaliter definimus, iniquum esse, unius ex reis factum alteri reo nocere: ne incipiat dici licere cuiquam alterius conditionem deteriorem facere, contra regulam naturæ, *L. solvendo, D. de neg. gest.* Sed & illud etiam esse æquissimum, unius factum non prodesse vel ipsi, vel alteri ad eum liberandum in necem creditoris. Nam a quo iusta solutio, aut satisfactio proficisci debuit, valde iniquum est, atque adeo absurdum ab eo nasci iniuriam liberationis

invito creditori. Sequitur igitur, ut re post moram unius ex reis perempta, quanvis qui moram fecit, teneatur adhuc, tamen liberetur alter, qui moram non fecit: quia si etiam ob id factum alter teneatur, aperte mora prioris illi alteri noceat: cum sine cuiusquam mora futurum esset, ut rei interitu liberaretur. Negamus autem ullum factum, aut culpam cuiusquam debere alteri nocere. Contraria de causa dicendum est, cum unus ex reis animal promissum occidit, aut aliter fecit, quominus res promissa exstaret, sicut teneatur qui occidit: Ita alterum quoque reum teneri debere: quia si eo interitu liberatur alter, periculum est occidentis factum illi prodesse ad liberationem, cum siue eo uterque adhuc teneatur, ut prius. Iam vero & hoc factum alteri prodesse debere negavimus. At eum factum unius ex reis promittendi dicitur nocere alteri, in dicta *L. penult. D. eod.* & nocere ibidem admittitur. Sed idem factum in hac re dicitur modo simpliciter non prodesse, modo etiam aperte nocere diversis rationibus. Si liberationem tantum spectamus, ut certe de hac sola nunc quærimus: occidentis factum alteri non prodest, quia eo facto alter non liberatur. Si spectamus regulam iuris, quæ ex interitu rei debitæ liberationem reo tribuit: dicitur factum alteri qui non occidit, nocere: quia factum id quodammodo obstat, ne alter reus ea regula utatur. Sed tamen semper faciendum est, hoc posterius abusive dici, non proprie. Revera enim non factum occidentis obstat, quominus aliter liberetur, cum potius factum spectet ad alterum re perempta liberandum: sed in causa est ius, quod non patitur in interitu rei frangere unius ex reis alteri prodesse.

C A P. X.

Interruptionem præscriptionis temporis ab uno ex reis adhibitam alteri reo & prodesse, & nocere, & ad *L. ult. hic.*

S U M M A R I A.

1. *L. ult. C. de duobus reis, explicatur.*
2. *Facta cetera unius ex reis alteri nec nocere, nec prodesse: interruptionem autem præscri-*

ptionis ab uno ex reis promittendi, aut adversus unum ex reis stipulandi adhibitam alteri reo & prodesse & nocere: & huius rei æquitas.

IN his tamen factis unius ex reis promittendi, quæ facta ad perpetuandam obligationem valent, qualis est eius mora, & rei debitæ interruptio, exceptis iustinianus interruptionem præscriptionis, quam

In unius persona admissam voluit etiam alteri reo & prodesse, & nocere. Quod dico, huiusmodi est. Diximus, si quod factum sit, quo unus ex reis promittendi perpetuavit adversus se obligationem, id factum

factum neque alteri reo nocere ad eum in obligatione retinendum, ubi ex sua persona liberari per se potuit, qualis est unus ex reis promittendi mora: neque prodesse ad eam liberandum, quanvis alioqui si esset solus, potuisset alieno eodem facto liberari: quale est, si res ab nno sit perempta. Hic, *¶* inquam, exceptit Iulianus interruptionem prescriptionis, exstatque de ea re eius constitutio, in *L. ult. inf. hoc tit.* Constituit enim, quæ eius legis sententia est, quocumque facto in unius ex reis persona interrupta sit præscriptio temporis, quæ adversus actionem crederet, siue hanc interruptionem pallus sit nno ex reis promittendi, siue unus ex reis stipulandi intulit, eam & alteri reo promittendi nocere, & alteri reo stipulandi prodesse. Nocere, ut adversus alterum quoque reum præscriptio sit interrupta, quo adversus eum etiam finito tempore præstito utiliter agi possit. Prodesse, ut alter quoque reus stipulandi videatur interruptis, quo & ipse perpetuo possit agere. Interrumpitur autem præscriptio, si reus aut debitum agnoscat apud creditorem, aut a creditore iudicio pulsatur. Siue ergo unus ex reis promittendi debitum agnovit vel iudicio conventus est, perpetuatam eo facto adversus eum actionem, placet etiam adversus alterum reum perpetuatam videri, quasi & ipse agnovisset idem, aut iudicio conventus esset. Siue apud unum ex duobus reis stipulandi agnitus est debitum, aut ab nno promissor iudicio conventus: perpetuatam huic actionem placet etiam alteri reo quasi communi quodam facto effici perpetuam.

¶ Ergo *¶* unius ex reis interpellati partim mora, partim agnitio alteri quoque reo nocet ad interrompendam præscriptionem: quod supra de mora & facto generaliter negavimus: & unius ex reis stipulandi interpellatio alteri quoque prodest ad eandem interruptionem, quanvis ipse ad eam rem nihil contulerit: quod & ipsum in pacto unius rei stipulandi, itemque in re cum nno ex his indicata, & similibus factis ante negavimus. Sed meminerimus constituta hæc præter cæteras causas in interruptione prescriptionis temporis, utrumque non sine certa ratione. Odiosa enim res est præscriptio temporis, utpote constituta etiam ei, quem contare possit prius debuisset, & constituta ob id solum, quod debitor per tempus constitutum cessaverit. Favorabilis igitur, & digna quovis auxilio eius præscriptionis interruptio: idque eo magis, quod quandocumque &

quocumque ex facto concessa fuerit, semper interruptio sine debitoris cum quo nihil actum est, damno coniungit: cum, ut dixi, & ipse prius debuisset, nec molestie ferre debeat, se probabili quavis ratione a præscriptione temporis excludi, quem potius conveniebat ex cessatione sua incrum non sentire. Unde & Iulianus in *dicit. L. ult. in pr. hic*, testatur se eos modos interruptionis, quos ab aliis positos invenerat, etiam ampliasse: nempe quia bene regula iuris Pontificii comprehensum est, odia restringi, favores ampliari convenire. *c. odia, de reg. iur. in 6. sumptum ex L. cum quidam, in fin. D. de lib. & possib.* Cur autem hæc interruptio in persona unius ex reis stipulandi, vel promittendi nndecumque semel admitta etiam ad alios reos omnes pertineat, hæc non improbabilis ratio est, quod sit interruptio de tota obligatione. Iam vero hæc obligatio in omnium reorum obligatione non diversa, sed una & eadem est. Et hanc Iulianus secutus est, ut declarat ipse in *d. L. ult. in extremo*. Ratio infirma per se, sed accedente illa ratione, atque æquitate præscriptionis impediendæ, quam supra dixi, utraque eam interpretationem abunde in hac specie suadet. Nec aliorum factorum exempla adversantur. Poterat quidem eadem ratione defendi, nno ex reis re post eius moram perempta obligato, eam obligationem etiam in altero reo retineri. Sed idem non placuit: quia æquitas prohibet rem, quæ non est in rerum natura, aut in hominum commerciis, deberi ab eo, qui ipse nec rem sustulerit, nec in ea solvenda moram fecerit. Eadem quoque ratione poterat defendi, exceptionem ab uno ex reis pacto, vel re indicata quesitam ad alterum quoque reum pertinere: quia liberationem ab obligatione contineri, hæc autem obligatio etiam alterius rei est. Sed vetat regula iuris, per liberam personam alii vel actionem, vel exceptionem acquiri, *L. 1. sup. per quas pers.* Cum autem actione ab uno ex reis stipulandi interrupta placet interruptionem alteri quoque reo ad perpetuandam obligationem prodesse: nulla hic actio, aut exceptio acquiritur, sed ea obligatio, quæ eius erat, retinetur. Acquirere alii non licet; retinere, quod eius sit, etiam in aliis causis denegatum non est. *L. si quis solutioni, §. ult. D. de usur. L. si cum venderet, in pr. D. de pign. act. L. 3. in princ. D. quod vi, aut clam.*

C A P. XI.

Duos reos promittendi vice mutua nec fideiussores esse omnino, nec pro fideiussoribus haberi invito stipulatore.

S U M M A R I A.

1. Inter reos promittendi, & plures fideiussores differentia.

2. Reos promittendi vice mutua fideiussores non

inutiliter accipi, quid sit in L. reos, D. de duobus reis.

3. Rei promittendi quando habendi pro fideiussoribus.

Sunt ergo hæc duorum reorum promittendi propria, sive de dividenda inter eos actione, sive de eorum liberatione, sive de facto quod his noceat, agatur. Sed quoniam in his, quæ diximus, necesse est pleraque immutari, si duo rei promittendi vice mutua fideiussores sunt, & tamen tales accipi convenire, scriptum est a Papiniano in L. reos, in pr. D. h. sit. superest, ut videmus hoc etiam, quam vere id dicatur, vel potius quomodo accipiendum sit, ut conveniat cum superioribus. Ex non dubium est, quin duo rei promittendi fideiussores non sint. Duo enim rei promittendi sunt, qui principaliter idem promittunt: non enim ita, ut quod unus prius principaliter spondit, ei postea alter accedat, ut dicat nominatim se promittere, quod ab illo, aut illo debetur, quod est proprium accellionis. Idque ex constitutione duorum reorum supra intellectum est. Nullus autem fideiussor principaliter & per se quid promittit, sed omnis fideiussor principalis alicuius obligationis accessio est, §. fideiussores, Inst. de fid. Non ergo duo rei promittendi invicem sunt fideiussores. Hinc duo rei promittendi ubique a fideiussoribus distinguuntur, L. sed si, 24. iuncta L. idem, seq. D. de pact. L. ult. infr. de fid. Hinc & tituli distincti, De duobus reis, & De fideiussoribus. Nec vero parum interit id ita recte statui: aliqui, ut dixi, pleraque falsa erunt ex his, quæ supra posuimus.

Est autem ¶ inter reos debendi, & fideiussores harum rerum differentia. Inter fideiussores, qui solvendo sunt, dividitur actio etiam inter veterem, singuli rei solidum debent, & a singulis solidum peti potest, L. 2. L. 3. §. ult. D. eod. Fideiussor, quod reo debetur, compenlare potest, si conveniatur, L. 5. D. de compens. reus promittendi quod alteri reo debetur, non potest I. si duo, 10. D. hoc sit. Item fideiussori exceptio pacti competit, quæ

competeret reo, etiam si pactum in personam rei duntaxat collatum sit, L. & heredi, §. ult. L. quod dictum, D. de pact. Unius autem ex reis promittendi conventio quanvis in rem collata alteri reo, qui socius non sit, non proficit. d. L. & heredi, §. ult. L. sed si, 24. L. idem, seq. D. de pact. Quid ¶ ergo est, quod ita scribitur in d. L. reos, D. eod. Reos promittendi vice mutua fideiussores non inutiliter accipi convenit. Vel hoc ipsum maxime significat reos promittendi fideiussores non esse. Hæc enim oratio, reos promittendi fideiussores recte accipi, nihil aliud significat, quam reos pro fideiussoribus recte accipi, seu esse loco fideiussorum: quo maxime significatur eos non esse fideiussores. Id ex simili hac oratione licet intelligere, cum dicimus creditores accipiendos esse omnes, quibus ex quacunque causa debetur, etiam ex quali contractu, aut maleficio, traditum in L. creditores accipiendus, D. de verb. sig. ubi sane constat hoc dici non omnes illos ereditores esse, non sunt enim: cum credere sit ex contractu alterius fidem lequi: L. 1. D. si cert. pet. sed esse loco ereditorum, seu pro ereditoribus haberi, idque ita explicatur in ead. L. creditores, eum ita subicitur paulo post: Quod si natura debeatur, non sunt loco ereditorum. Non ergo rei promittendi sunt vice mutua fideiussores, etsi quis concedat pro fideiussoribus habendos. Sed quid refert, dicit aliqui, si fateor effectum pro fideiussoribus esse habendos? Sane nihil referret, si Papinianus generaliter definiret, reos promittendi ita esse habendos. Nunc autem hæc sententia est Papiniani: convenire inter omnes, seu, ut alibi loquitur, vulgo receptum esse, reos promittendi pro fideiussoribus accipi non inutiliter. Non tamen semper, sed vice mutua, id est, cum ita accipiuntur ambo, ut simul habeantur pro fideiussoribus vice mutua,

oon

non etiam ita, ut unus eodem tempore fungatur persona rei principalis, alter habeatur pro huius fideiussore: quo illius iure, puta compensatione eadem, aut eadem exceptione utatur. Quinetiam § hoc ipsum, quod dicit Papinianus, reos promittendi non inutiliter simul pro fideiussoribus vice mutua accipi: non generaliter definit, sed ita, ut intelligat id aliquando fieri utiliter, et non semper. Declarat enim paulo post id fieri tantum tunc, cum

reus stipulandi pro talibus eos haberi vult, non etiam ita, ut eos pro talibus admittere cogatur. Et ideo, inquit, ut reus stipulandi innes fideiussores dividere possit actionem: sic inter reos, tanquam vice mutua fideiussores sint, pro arbitrio eius dividere poterit, non secus, ac si duos promittendi reos divisit actionibus conveniret. Sed hoc, inquam, si velit: ceterum, inquit ille, dividere agendus non est.

C A P. XII.

Non tantum duos reos stipulandi & promittendi fieri posse, sed & plures: nec tantum verbis stipulationis, sed & ex ceteris contrahibus: itemque testamento fieri posse duos reos debendi, credendive.

S U M M A R I A.

1. Ex contrahibus aliis, quam stipulatione duos reos debendi fieri posse, & quomodo fiant.
2. Etiam ex mutuo duos reos debendi eiusdem pecunie credita fieri posse, & quomodo, ac quam recte hic fieri dicantur.
3. Et testamento duos reos debendi fieri posse, & quomodo fiant.

4. Ex aliis causis obligationis, quam contrahibus, aut testamento, duos reos debendi non constanti.
5. Etiam duos reos credendi ex aliis contrahibus fieri posse, & quomodo fiant.
6. Ex mutuo quomodo duo rei credendi.
7. Ex testamento quoque duos credendi reos posse fieri, & quomodo fiant.

QUAE de duobus reis stipulandi & promittendi hactenus dicta sunt, exempli causa dicta sunt: quia & ita reos fieri utilitatis est, & hic titulus de his conceptus est cum hoc loco, tum in Pandectis. Ceterum & in pluribus reis, quam duobus idem iuris est, *Inst. cod. tit. & ad alios quoque reos credendi, debendive ius pertinet*; si tamen ex aliis quoque causis, quam ex stipulatione, duo pluresve rei credendi & debendi constitui possunt. De quo sequitur ordine, ut breviter cognoscamus. Ex constat § ex aliis quoque causis duos debendi reos voluntate fieri posse, partim ex contractu, partim ex testamento. De quo ita scriptum est a Papiniano in *L. eandem, in princ. D. eodem. Eandem rem apud duos pariter deposui, utriusque fidem in solidum secutus: vel eandem rem duobus similiter commodavi, sunt duo rei promittendi: quia non tantum verbis stipulationis, sed & ceteris contrahibus fiant, veluti emptione, venditione, locatione, condictione, deposito, commodato, testamento. Hæc Papinianus. Quomodo ergo fiant ex his causis duo debendi rei? Indicat superiore definitio Papinianus. In contrahibus, cum sit in eo, quod apud duos*

deposui, duos reos fieri, cum utriusque eorum fidem in solidum sum secutus. Significat ergo ex contractu duos reos debendi constitui, cum in eandem obligationem sic duo consenserunt, ut vellent ei cum quo contrahitur, in eam causam in solidum obligari, quod sit aperto consensu: puta, si in emptione duo constituant se eiusdem rei emptores, in venditione duo se eiusdem rei venditores; vel utrique utrique, illi venditori, hi emptori in solidum obligari. Quod quidem in his contrahibus & similibus recte fit etiam sine stipulatione, quia in his obligatio contrahitur solo consensu. Sed non minus & in iis, qui re fiunt, ut deposito, & commodato, duos reos debendi recte constitui supra diximus, sique eadem illa conventionione, cum re apud duos deposita nominatim id agitur, ut uterque eo nomine in solidum obligetur: quam & fidem utriusque is, qui deposuit, sequitur, ut est in *d. L. eandem, D. eod.* Quod si apud duos res deposita sit simpliciter, aut duobus simpliciter commodata: duo quidem quodammodo rei habebuntur, quia ut in re indivisa dolum & culpam, & diligentiam, & custodiam in totum præstare debent: revera duo rei non erunt, quod eo pertinet,

tinet, ut in eo duorum beneficio per omnia non utantur, sed solum unius solutio liberet alterum: indicatur hoc in *L. 5. §. ult. in fin. D. com.* Quod si in huius receptum est, receptum est & in mutuo, ut eiusdem pecuniæ mutuo datæ plures rei fieri possint, quanvis non tantum pecunia numerata sit, & quidem ita, ut rei fieri possint non tantum, si propter pecuniam mutuam uni datam omnes rei promittendi fiant, quod quia stipulatione fit, iure optimo fieri posse collat, eaque species est *L. propter, infr. b. sis.* sed etiam si pecunia uni numerata, constituent se omnes eius pecuniæ debitores, velintque singuli in solidum, quasi pecunia in solidum a se accepta, obligari: quod & sine stipulatione fieri posse declaratur in *L. si non singuli, supr. si cert. pet.* De quo tamen non parva dubitatio est. Nam quomodo ex mutui causa rei fiant, qui mutuum pecuniam non acceperunt: cum mutuum non contrahitur consensu, sed re, dum & pecunia proficitur in accipientem? *L. 2. §. creditum, D. si cert. pet. Infl. quib. mod. re cont. ob. in pr.* Dicendum est, cum uni pecunia traditur aliorum voluntate, satis omnibus traditam videri: illi quidem per se, cui vere traditur; cæteris autem per huius personam; quoniam nihil interest, utrum alicui tradatur quid, an alii voluntate eius. *L. restituta, D. ad Treb.* Sed nondum ad mutui causam satis, his omnibus pecuniam traditam videri. Etiam omnium pecuniam fieri oportet, si hos ex mutui causa reos fieri, id est obligari volumus. Sic enim mutuum est, si ita dentur nomini, ut fiant accipientis. *Infl. quib. mod. re cont. obl.* At quomodo eadem pecunia fieri illorum omnium potest tanquam mutua, cum plures eiusdem rei in solidum domini esse non possint? *L. 5. §. ult. D. com.* Dicens plures istos eodem tempore dominos eiusdem pecuniæ fieri non posse: diversis temporibus posse. Quod in hac constitutione plurium reorum fiet hoc modo. Nam si, quibus pecunia naturaliter numerata non est, videtur numerata, ut dixi, per interpositam personam eius, cui numerata est. Sic deinde ab his velut accepta, videtur ab his ipsis ad eum profecta, cui numerata est: ut sic ad singulos pecunia perveniat diversis temporibus, tanquam huiusmanni, occultatis non necessariis traditionibus, ut in causis similibus factum accipiendum esse doceatur in *L. 3. §. ult. D. de don. inter vir. & uxor. L. singularia, D. si cert. pet.* Testamento si fieri duos reos docet Papinianus in *d. L.*

eandem, *D. cod. Si pluribus,* inquit, heredibus institutis testator dixit, Titius & Mævius Sempronio decem dato. Quod ex initio eius loci sic intelligendum est: si modo id fenserit testator, ut singuli titi appellati heredes solida decem deberent, & non loquitor Papinianus, si, ut in deposito, sic in legato testator ita a duobus heredibus legaverit, ut vellet legatarium utriusque fidem & personam in solidum sequi, quomodo Accurcius locum hunc accepit. Sic autem videbitur testator id fensisse, si expresserit. Alloqui eadem forma pluribus coniunctim adscripta, si nihil aliud actum probetur, pro numero personarum divisa intelligitur, ut singuli partem dumtaxat debeant: in quam sententiam omnes veteres consentiunt. *L. reos, in pr. L. five, D. cod. L. cum qui, 56. in pr. D. de verb. obl. L. cui fundus, D. de cond. & dem.* Diverfum est, si testator distinctim eandem summam leget a duobus hoc modo: Lucius Titius heres meus, aut Mævius heres meus decem Scio dato. Apparet enim hic solida decem legata esse a singulis: sic tamen, ut velit testator una decem in obligatione versari, ut ab utro fuerit solum, alter liberetur. Ideo & hic placet ita duos reos esse, quasi essent duo rei promittendi, ut est in *L. si ex toto, 8. §. 1. D. de leg. 1.*

Ex si cæteris causis obligationis duo rei debendi non constituuntur, etsi maxime proponas duos pluresque eandem rem debere. Aut enim ex eadem causa non debent, aut non id agitur inter eos & creditorem, ut una sit omnium obligatio, & res una in obligatione versetur: ut puta, plures tutores obligantur ex tutelæ causa in solidum, sed singuli ex suo facto, & sua culpa: in quo res sunt diversæ. Ideo non sunt plures rei debendi, neque per omnia eodem iure utuntur, etsi ut in obligatione communi pleraque habent similia, ut declaratur in *L. 1. §. nunc trademus, D. de tut. & rat. dist. L. si pupillis, D. de adm. tut.* Plures ex eodem delicto, quod in commune admisimus est, tenentur in solidum, sed aperte non sunt duo rei: quia diversæ sunt facta, & delicta singulorum, & unusquisque proprii delicti pœnam patitur, quæ ideo in diversis delictis non potest esse una. *L. si quis, §. ult. & L. sequen. D. de iurisd. L. 1. sup. de cond. fur.* Cumque in quasi maleficio plurium similiter suum cuiusque peccatum sit, quod pœna coerceretur: non dubium, quin & hic plures quanvis eius admitti nomine teneantur in solidum, tamen duo rei debendi non sint: etiam hoc simile habent,

habent, quod uno solveat, quod auctori debetur, alter liberatur, *L. 1. §. ult. & L. seq. D. de his, qui deiec. vel effud.*

5 Ut autem et ex contractibus aliis, quam stipulatione duo rei debendi fieri possunt: ita & duo rei credendi etiam in illis, qui re conficiuntur, puta deposito, commodato, mutuo: fientque hoc modo, si nominatim hoc agatur, ut tanquam duo deposuissent, aut commodassent eandem rem, vel eandem decem mutuo dedissent singuli in solidum: ita horum singulis, qui accipit in solidum obligetur. Quod in deposito indicat Ulp. in *L. 1. §. sed si duo, D. de pos.* his verbis: *Si duo deposuerunt, & ambo agant, siquidem sic deposuerunt, ut vel unus tollat totum, poterit in solidum agere.* Vult ergo singulis solidum depositum deberi, singulis eo nomine rebus agere in solidum, eandem rem in obligatione versari, id autem conventionem effici. Atqui hæc plane duorum reorum stipulandi descriptio est in *L. 2. §. 3. §. 1. D. eod. §. pen. Inst. eod.* Quidni vero ita duo quoque credendi rei in deposito recte constituantur, cum fatesmur duos debendi reos ex eadem causa fieri posse? facilius enim duobus acquiratur eiusdem rei nomine actio, quam duo eiusdem rei nomine obligentur: cum sequisio faciat conditionem acquirentis meliorem, quod licet; obligatio autem faciat obligati conditionem deterioiorem, quod non perinde concessum est, *L. solvendo, D. de neg. gest.* Sed duo deponere & commodare eandem rem possunt: ut nihil prohibeat

ex his contractibus duos reos credendi ita fieri, tanquam quorum singuli vere rem totam deposuissent, aut totam commodassent. At et quomodo possunt duo 6 eandem rem mutuo dare, ut quasi solidum dedissent, ita fiant duo eiusdem pecunie credendi rei? Possunt videri dedisse eandem illa fisione, quæ in pecunia credita est: ut scilicet unus dando suo nomine, velit quoque datam nomine alterius, ac debitor sic accipiat. Sic enim fiet, ut perinde habetur, quasi debitor pecuniam acceptam illi alteri dedisset, sic deinde ab eo ad eundem debitorem redisset. Quæ brevis manus traditio in mutuo constituto præcipue admittitur. *L. singularia, L. certi, L. pen. D. si cert. pet.* Ex et testamento sic duo rei credendi 7 in re legata fieri possunt, si testator duobus legat eandem rem, eandemve summam distinctim, hoc modo: *heres meus Titio, vel Maevio decem dato.* Nam sic cum hæc a duobus titlo modo legata sunt, sunt duo rei debendi: quia a singulis solida decem, una tamen summa legata sunt; *L. §. 1. D. de legat. 1.* Fient & tunc duo rei credendi, cum hæc summa eodem modo legata erit duobus: quia legata sit solida singulis; sic tamen, ut una summa in obligatione versetur. Quod si coniunctim eadem summa legata erit duobus, puta Titio & Maevio decem; ita his decem communiter legata sunt, ut singulis intelligantur solum quinque data, nisi aliud testator aperte caverit. *L. cum qui ita, §6. in pr. D. de verb. obl.*



C A P. XIII.

Quid ex iure vetere de duobus reis constitutio Novella Iustiniani
de duobus reis immutavit. Et ad auct. hoc ita.

S U M M A R I A.

1. In duobus reis stipulandi, credendū nīl Novella Iustiniani de iure vetere immutari, in duobus reis promittendi vix paucā etiam omnium consensu, & quā.
2. Novellam Iustiniani, quā inscribitur de duobus reis, perperam acceptam vulgo esse de duobus reis simpliciter acceptis, eoquē nīl eam de vetere iure duorum reorum immutari.
3. Neque de duobus reis inscriptionem esse de duobus reis, quī vice mutua accepti sunt, ut Haloander recte est interpretatus: & quomodo plures tales constituantur, quidve a duobus reis differant.
4. Novella de duobus reis sententiam ad fideiussores vice mutua acceptos solum, non ad duos reos promittendi pertinere: & quid ea lege constituitur.
5. Duos reos vice mutua fideiussores acceptos, si nīl aliud aperte convenit, singulos pro parte teneri, non in solidum: & hoc quā recte constituitur.
6. Duos reos vice mutua fideiussores acceptos, quan-

vis convenierit, ut tenerentur in solidum, non tamen conveniri posse nisi pro parte, si ambo praesentes sint, & sint solvendo, & hoc quā recte.

7. Ex duobus reis vice mutua fideiussoribus acceptis praesentem conventum in solidum, petere posse spatium, intra quod absentem creditori exhibeat.
8. Non solvendo quis, & a quo, & quomodo probetur, si de eo sit controversia.
9. Non praesens, seu absens in proposito quis: & a quo probari debeat in re dubia, ac qualis sit eius rei probatio.
10. Pro absente habendum etiam praesentem, quisquis praesens conveniri non potest, & quibus de causis accidat, ne possit quis conveniri.
11. Qui factis creditoris conveniri non potest, pro praesente & idoneo semper habendus, quē aliter pro parte solum conveniatur.
12. Duos reos promittendi etiam, quī vice mutua fideiussores accepti sunt, singulos in solidum etiam novo iure conveniri posse quatuor casibus, & quibus.

HAecenus ius vetus de duobus pluribusve reis non solum stipulandi, & promittendi, sed & in universum credendi, debendive. Quoniam ei inri derogasse putatur constitutio Novella Iustiniani 99. quā vulgo, *De duobus reis promittendi*, inscribitur: superest, ut nūm quid illa hic immutavit, & quidnam id sit, breviter cognoscamus. Atque hic maxime cognoscendi locus est, ubi proponitur fragmentum tanquam ex illa constitutione expressum, quo ab eo iure, quod est in lege praecedente de duobus reis promittendi, aperte disceditur. Et t ne quis nos in his, quā de duobus reis ante ex iure vetere differimus, nihil aut parum egisse existimet, quasi superior constitutio aliter nobis duos reos informet, quam supra admisimus, aut de his aliud ius nobis praescribat: sciamus aut nīl esse, aut certe esse perexiguū, quod de iure superiore ea constitutio immutavit: ut necesse sit cetera, quā constitutio non attigit, omnia integra manere. *L. praecipimus, in fin. sup. de app.* Quorum maxima pars est etiam ex omnium aliorum consensu. Nam enim omnis tractatio de duobus reis sit aut de eorum constitutione, aut de iure, quod in his consuetis servatur: primum animad-

vertendum est, Iustinianum constitutione sua nīl de duorum reorum tum credendi, tum debendi constitutione attigisse. Quod ad ius constituitur obligationis attinet, ne hic quidem quidquam de eo iure in persona duorum reorum stipulandi, credendive omnino immutavit. Ut enim plurimum ei constitutioni tribuamus, certe verba ostendunt constitutione caveri tantum de duobus reis promittendi. Quid? in his ipsis promittendi reis ius innovavit per omnia? Ne id quidem. Nam Iustiniani constitutio de solidi exactione adversus singulos reos promittendi olim constituta tantum cavens, haud dubie partem illam quā est de potestate totius obligationis tollendae, singulis tributa: item & illam quā est de facto unius, quod alteri nocere: utramque, inquam, hanc partem ut intactam, ita salvam & integram reliquit. Restat sola exactio, quam ius vetus, ut dixi, solidam adversus singulos reos promittendi statuit, & de qua cavet superior constitutio. Atqui illa ne hanc quidem detraxit creditori per omnia: sed quod ex verbis apparet, duobus casibus etiam nunc reliquit. Uno, si unus reus non sit solvendo, altero, si absit. Ut iam si quid est, quod constitutio immutavit, rediga-

tur

tur in admodum angustum hunc locum, cum ambo rei promittendi & solvendo sunt, & sunt presentes: de quibus & ipsis, ut video, inter omnes, certe inter saniores, convenit. Quid ergo hoc casu fiet? Et manifestum est, quid constitutio in his, de quibus cavet, velit fieri. lubet enim singulos pro parte agnoscere onus, & pro ea parte conveniri, in solidum veiat: ut si de duobus reis id constitutum est, haecenus saltem recessum sit ab eo iure, quod supra exposuimus, recteque *auth. hoc ita*, subiecta sit praecedenti legi ad temperamentum & exceptionem, cum ea lege creditori solidi exactio adversus utrum ex eis vellet, tribueretur.

- 2 Sed ¶ videndum hic etiam atque etiam puto, an id cautum sit de duobus reis promittendi, id est, iis qui simpliciter & principaliter eandem rem solidam promiserunt. Vulgo pro certo habent: quod & apparet sensibile auctorem huius fragmenti, qui id ita concepit, ut in eo negaret, quod in lege praecedente de duobus reis ex iure vetere scriptum erat. A quibus valde dissentio, omninoque ita constitutionem Iustiniani esse puro, ut non sit de duobus reis simpliciter acceptis, quales supra descripsimus: proinde nec quidquam de vetere iure duorum reorum promittendi ne in exactioe quidem immutari. Id quidem & verbis ipsis constitutionis, & sententia non uno modo perspicue efficitur. Primum ¶ ita conceptus est titulus constitutionis: *ut duobus reis, quod si ad verbum exprimas: valet, de mutuis fideiussoribus. Id autem est, de duobus pluribusve, qui vice mutua inter se fideiussores accepti sunt. Quod Haloander recte intelligeos vertit, non simpliciter de duobus reis, ut vulgaris interpres non bonus; sed periphrasi exprimere volens, quod erat in verbo, 'De duobus reis promittendi, qui vice mutua accepti sunt. Neque hoc Haloander tantum; sed & vetus ille interpres in constitutione ipsa vertenda agnovit. Illa enim verba quae sunt, in §. 1. in prin. si quis in duobus reis locutione solus vis, vertit, si quis alterna fideiussione obligatus sumat aliquos. Tamen idem paulo post illa, duobus reis tantum, vertit, quod sub alterna promissione creditum est; cum vertere deberet, quod sub alterna, aut mutua fideiussione. Loquitur ergo constitutio non de duobus reis, sed de duobus pluribusve fideiussoribus mutuo inter se acceptis: aut si reos appellare libet, de reis quidem, sed qui aperte ita accepil sint, ut vice mutua alii aliorum essent fideiussores. Quod ita fit in duobus, cum*

Tom. IX.

unus primo & principaliter promittens aperte fideiussorem dat: sed & fideiussor rursus sic accipitur, ut reus, qui prius promiserat, pro eo fideiubeat. Atqui non sunt in hac causa duo rei promittendi simpliciter accepti. Hi, ut supra ostendi, nec fideiussores sunt omnino, nec pro fideiussoribus habendi longius, quam stipulator haberi velit. Et quæso, cum singuli in solidum idem promittant, & fideiussoris mutuae in ea obligatione suscipienda nullam mentionem faciant, quomodo ius stipulatori quæsitum adversus singulos invito adimatur, contra omnem iuris, & æquitatis rationem? *L. 2. D. de his, qui sunt sui, vel al. iur. L. ult. D. de pass. L. habere, D. de evict.* Quid enim ad rem pertinet, quid inter se egerint, dum cavent, ut unus sit reus principalis, alter pro eo fideiubeat, qui pactione sua creditoris sui ius mutare non potuerit? *L. debitorum, sup. de pass.* Atque ¶ hæc de verbis constitutionis. Quid sententia? Etiam apertius arguit sentire Iustinianum de duobus fideiussoribus mutuo acceptis; de fideiussoribus, inquam talibus, quales proprie nominantur, & quales nominaverat in constitutione sua de fideiussoribus. Etenim initio constitutionis præstat ut prius tulle legem illam utilem, de fideiussoribus conveniendis; sed cui puerit aliquam explicationem & appendicem non ignobilem desile: eam autem in præsentia se adiacere hae constitutioni. Ex quo apparet & hanc constitutionem esse de iisdem fideiussoribus, de quibus illic caverat. Agit ergo & hic de iis, qui vere fideiussores sint: minime autem de duobus reis principalibus, de quibus in priore constitutione non egerat. Sed & id, quod nunc constituitur, quale sit, spectemus. Tam facile intelligemus totam constitutionem ad veros fideiussores pertinere, & ad temperandam, explicandamque priorem illam de fideiussoribus omnino referri. Prius constitutur, si ex iis, qui idem debent, unus sit reus debendi, alter fideiussor a reo datus, prius conveniendum esse eum principalem, quam perveniat ad fideiussorem, etiam hoc iure vetere contra erat. Iustinianus posteriore hac constitutione, de qua loquimur, id ita accipi vult, si aperte unus sit reus debendi tantum, alter tantum fideiussor. Quod si ambo vice mutua fideiussores accepti sint, ut pro fideiussore, qui aperte talis intervenerat, etiam invicem fideiubeat, qui prius promisit: erit quidem uterque debendi reus, utpote pro quo alter fideiussulit: ut secundum constitutionem illam priorem videatur uterque a stipulatore,

N n n

toire,

tore, quem is vult, in solidum conveniri posse, quia uterque eil reus. Sed quia rursum idem quoque eil fideiussor, sit eadem illa constitutione, ut iam neuter possit prior in solidum conveniri. Hinc illa difficultas in specie duorum reorum, qui invicem fideiussores accepti sunt, nata ex constitutione superiore. Ea vero difficultas explicatur hac posteriore constitutione: eaque omnino explanatio est & appendix illius prioris constitutionis, quam Iustinianus initio huius posterioris palliceitur. Cavet igitur utrumque in proposita specie eodem tempore conveniri posse, quia uterque reus est debendi. Sed rursum quia eil fideiussor, vult utrumque ex parte frui beneficio fideiussorum prioris constitutione tributo, ne conveniatur saltem in solidum. Restat igitur, ut conveniantur pro parte, ut fieret inter plures fideiussores. Quod & Iustinianus constituit in §. 1. & quidem sine exceptione, si non convenerit, ut quique eorum in solidum teneretur. Quod si convenerit: tamen vult hic quoque singulos teneri pro parte; sed hac conditione, dum hoc contingat sine damno creditoris. Quod ita fiet, si conveniatur uterque pro parte, cum uterque & idoneus, & præsens est. Quid si alter solvendo non erit, aut aberit: æquum est creditorem non periclitari: quod & ille constituit. Ideo iubet præsentem, qui solvendo est, ut vere debendi reum periculum snbare, & satisfacere creditori. Hinc facile agnoscimus explanationem difficultatis eius, quam dixi, natam ex superiore constitutione, tantum ideo: quod in duobus reis, qui vice mutua fideiussores accepti sunt, proponitur ea species, in qua quidem unus sit reus, & alter fideiussor, sed tamen ita, ut uterque vice mutua sit talis: ut non sit causa, cur unum potius velis priore loco conveniri debere, quam alterum; neque unum in solidum potius, quam alteram. Cui sane difficultati locus non est in duobus reis promittendi simpliciter & in solidum acceptis sine ulla mutue fideiussionis commemoratione: ubi uterque ita reus est principalis, ut neuter alterius sit fideiussor: certe neuter pro alterius fideiussore accipiat. Quam ob causam nec iure placet pro fideiussoribus vice mutua accipiendos, nisi creditore volente inter eos actionem suam dividere. *d. l. reos, in pr. D. eod.* Hæc est, opinor, germana sententia constitutionis Iustiniani, de duobus reis promittendi, ut vulgo inscribitur. In qua non solum interpretatio verbis, & consilio constitutionis congruit;

sed & sententia ipsa certa ratione iuris & æquitatis defenditur. Cur enim in vetereture non maneat, quod posterioribus legibus specialiter mutatum non docetur? *d. l. precipimus, in fin. supr. de app.* & præsertim si iure veteret de re alicui quæsitæ & non detrahenda agatur, quam quidem non tam æquum est nulli detrahi, quam cuiquam detrahi summe iniquum. *L. 2. D. de his, qui sunt sui, vel al. iur.* Quod si ita est: non recte vulgo interpretes constitutionem Iustiniani acceperunt de duobus reis promittendi simpliciter acceptis, quales nunc quærimus. Non recte, ne auctor quidem huius fragmenti eam de iisdem interpretatus est, & ad exceptionem emendationemque iuris veteretis de duobus reis retulit.

Sane in duobus reis promittendi constitutioni Iustiniani locum esse admittimus: sed dum hoc adiciatur, si modo ii sint rei, qui iisdem & fideiussores vice mutua accepti sint, ut constitutio loquitur. Qua specie proposita, quid hic de duobus istis sive reis, sive fideiussoribus Iustinianus constituat, diligenter videndum est. Pleraque enim hic singularia, & quorum ratio merito requiratur, ab eo constituta esse reperiemus. Illud ¶ primum, quod si non convenit nominatim, ut duo isti rei vice mutua fideiussores accepti, singuli in solidum teneantur, vult singulos solum teneri pro parte, quasi divisa inter eos in partes ab initio obligatio, idque sine exceptione: ut proinde nihil referat, utrum uterque solvendo, & præsens sit, an non: sed quanvis unus solvendo non sit, aut non sit præsens, tamen alter non teneatur, nisi pro parte: hoc in *Nouvel de duob. reis, §. 1. in pr. & hac auth. hoc ita, vers. fin. autem.* Hoc vero statim a principio merito est animadvertendum. Nam cum hic duo rei accepti sint, quorum uterque pro altero fideiussisset: nihil aliud proponi videbatur, quam ut illi aut tanquam rei ambo, aut ambo tanquam fideiussores, aut certe unus tanquam reus, alter ut fideiussor acciperetur. Potuit quidem Iustinianus pro potestate iuris constituendi, qua præditus erat, dubitationis tollendæ causam unum ex his eligere, atque id lege sancire. At illud certe secundum naturam & ordinem rei gestæ fieri posse non videbatur, quin unum saltem sequeretur. Nunc autem divisione ista obligationis, quam posuimus, inter istos constituta nihil illorum sequitur. Non habet istos pro duobus reis, qui vult eos teneri tantam pro parte. Nihil enim æque pugnat cum obligatione duorum reorum promitt-

mittendi, quam dividi ab initio inter aliquos pro parte obligationem. *L. reos, §. 1. D. rod.* Non habet etiam pro duobus fideiussoribus, qui vult eos omnimodo teneri pro parte, etiam si unus solvendo non sit: cum non aliter dividatur actio inter plures fideiussores, quam si tempore litis contestatæ omnes sint solvendo. *§. plures, Inst. de fid. L. inter eos, §. 1. in pr. D. de fid.* Multo minus habet unum pro reo, & alterum pro fideiussore in ista divisione; cum semper reus principalis omni iure in solidum teneatur: idque tanto magis, quod fideiussorem dedit, idque accessit ad confirmationem obligationi. *L. 4. §. si ex conventionibus, D. de re iud.* Sed & fideiussor quoque teneatur in solidum, saltem tunc etiam ex Novella Iustiniani, de fideiussoribus, cum reus principalis abest, aut non est solvendo. *Nov. 4. de fid. §. 1.* Quid ergo est? Dicendum est non putasse Iustinianum duos reos promittendi esse, seu solidum videri promississe, qui quavis verbis promiserint; tamen sic accepti sunt, ut vice mutua unus pro altero fideiuberet. Hæc enim mutua fideiussio declarat rem, pro qua illi se obligant, in commune ad utrumque pertinuisse, eosque se in ea ut in re communi obligasse: proinde & pro parte. Ubi autem pro eadem re, aut summa duo in commune accipiuntur, dividitur in viriles partes inter eos obligatio, eoque nec duo rei fiunt. *d. L. reos, in fin. D. rod.*

- 6 Quod si convenierit, ut ex duobus istis vice mutua acceptis fideiussoribus singuli in solidum tenerentur: non minus & hic novum & singulare ins agnoscas. Nam si ambo præsentis sint & idonei, etiam in superiore conventionem non vult Iustinianus eos ultra teneri, quam pro parte. *Nov. de duob. reis, §. 1. & hac auth. in fin.* Quod si unus solvendo non sit, aut non sit præsens, ius quidem mutat: sed ita, ut cum unus non est solvendo, non iubeat alterum continuo in solidum conveniri, sed solum quanto minus prior facere potest: cum autem unus præsens non est, tunc demum velit alterum in solidum teneri. Et hæc, inquam, non minus animadvertenda. Nam cum duo isti eandem rem promiserint, idque ipsum nominatim actum sit, ut solidum singuli deberent: nemo dubitat, quin tunc duo rei promittendi, ex definitione. *L. eandem. L. reos, in fin. D. rod.* Cur non igitur non dico, ut duo rei, sed ut qui aperte solidum promiserint, etiam in solidum teneantur, etiam si omnes & præsentis sint, & sint solvendo? Sed iam dixi, ita duos

Tom. IX.

reos esse, ut simul sint vice mutua fideiussores: ut hac parte non male putaverit Iustinianus æquum esse, eos frui beneficio constitutionis suæ, qua ante caverat de fideiussoribus post reum principalem ordine conveniendis. Quod sine dubio secutus est, cum uno ex his reis absente, aut non idoneo constituto vult alterum in solidum conveniri. Nam & hoc idem constituit adversus fideiussores, cum reus principalis abest, aut non est solvendo. *Novel. 4. de fid.* Sed esto, hac parte congruat illa constitutio. At certe, ea parte videtur eadem illa refragari, quod illic reum principalem, cum præsens est, & idoneus, iubet Iustinianus prius in solidum conveniri: & quidem ita, ut simul vetet tantisper conveniri fideiussorem vel in totum, vel pro parte. Hic autem contra vult utrumque istum reum simul conveniri, & neutrum in solidum, sed utrumque pro parte. Si sunt duo rei, cur non conveniantur iure in solidum; si unus reus, & aliter fideiussor, cur non superiore constitutione hic uimur, ut uterque tanquam reus principalis pro arbitrio creditoris prius in solidum conveniatur, omisso altero, qui habeatur pro fideiussore? Et recte hoc quaereretur, si aut duo rei tantum essent, aut unus certus tantum reus, alter tantum fideiussor. Nunc autem sic unus reus est, ut sit etiam alter: & sic unus fideiussor, ut sit & alter eodem tempore fideiussor. Hæc conditio personarum eo rem deducit, ut neque singuli tanquam rei principales in solidum conveniri possint, quia sunt & fideiussores, si modo his fideiussorum beneficium tribuere volumus: neque unus tanquam reus prius, quam alter quasi fideiussor, quia & alter reus est. Cui consequens est, ut si unus ut reus potest conveniri, possit conveniri & alter, qui etiam reus est. Et quoniam non possunt conveniri ita, ut singuli solidum præsent, cum res una in obligatione versetur: restat, ut conveniantur pro parte, quoad eius fieri sine incommodo creditoris potest: quod tunc accidit, cum ambo & solvendo sunt, ut possint partem, quam debent, præstare; & sunt præsent, ut possint præstare in præsentia. Illud iniquum esse fortasse quis dixerit, cum conveniret, ut singuli in solidum tenerentur, hanc passionem creditori non servari. Occurrit objectioni Iustinianus in *d. Novel. de duob. reis. illic, sic enim & illis: & innuit, ideo non esse iniquum, quia fideiussoribus istis consulari hac divisione, & nullo damno ex ea re creditor afficiatur. Hoc sentit: quod alii profer, tibi non noccat,*

N n n n

noccat,

noceat, humanum esse, id cuique concedi, etiam si summo iure in ea re deficiamus: sententia Pauli in *L. 2. §. quamquam, ff. de ag. plu. arc.* Ita in summa duo illi rei, iidemque vice mutua accepti fideiussores a duobus, quorum unus sit reus, alter fideiussor, una hac re differunt: quod dum ambo solvendo sunt, & præsentes, conveiantur ambo: & conveniantur singuli pro parte, quia necessitas cogit ita eos conveniri: quod secus sit in reo & fideiussore. At si unus ex duobus istis reis, de quibus agimus, pro parte solvendo non sit, aut non sit præsens: hic plane sequimur constitutionem Iustiniani de fideiussoribus, ut tanquam si ille in parte quam debet, esset principalis; sic possit alter tanquam huius fideiussor pro ea quoque parte conveniri: quod illius constitutionis ius est, cum de fideiussore conveniendo agitur.

Quid tamen, si dum unus ex istis reis absit, præsens conventus spatium petat, inira quod absentem evocet, & creditori exhibeat? an impetrare debet? Nam hoc impetrat fideiussor, cum pro absente reo convenitur. *Nov. de fid. §. 1.* Et putem in proposito hunc quoque reum absentis nominie in solidum conventum idem impetrare debere, quia & hic fideiussor est; & cum absens partem debuerit: apparet præsentem eius partis nomine conventum tanquam fideiussorem conveniri. Et cur ad præsentem reum venit iisdem conditionibus, quibus ex priorie constitutione Iustiniani, de fideiussoribus venit ad fideiussorem, nisi quia & hic reus habetur in hac re pro fideiussore, ut & vere fideiussor vice mutua acceptus est? Quod si & hoc tribuit fideiussori, quia non magnum damnum est in mora modici temporis; *L. si debitori, D. de iud. cur nou tribuamus & hinc reo, cui Iustinianus in divisione tamdiu consultum esse vult, dum nullum damnum patitur actor? d. Nov. de duob. reis. vers. sic enim & illis.* Neque vero refragatur constitutio, quasi quæ præcisè velit, si unus absit, alterum conveniri. Non enim simpliciter dicitur superiore conditione alterum conveniri: sed teneri in id, quod creditor ab alio accipere non potuit. At non prius certum est, cum non potuisse id ab alio consequi, quam consiliter absentem evocatum esse, neque venisse.

Hoc iure posito, utrumque ex duobus istis reis conveniri posse in solidum, si alter solvendo non est, aut non est præsens: quarendum fuit de his conditionibus quando videantur extitisse, ut sit solidi exactioni locus.

Et si solvendo non esse, seu non esse idoneum intelligimus eum a quo creditor suum consequi non potest, idque constitutio significat. *Novel. de duob. reis. vers. si vero minus.* Quid ergo, si de eo inter actorem, & eum, qui in solidum convenitur, sit controversia, quia conventus dicat alterum esse solvendo, actor neget? Et Iustinianus huius rei probationem vult esse actoris: cuius facultatem commodam illi suggerit, & sine ullo ipsius incommodo. Vult enim ambos reos simul de universa summa conveniri, cum degunt in eodem territorio, rem communiter discipulari, utrumque in commune condemnari. Sic deinde in executione sententiae difficultat singulorum facultates pro ea parte, in quam vult eos teneri. dicta *Novel. de duob. reis. vers. Sin autem iisdem*, & hæc *Authen. hoc ita.* Hæc vero difficultas declarabit, quid quisque habeat in bonis, & an hæc ad cuiusque partem dissolvendam sufficiant. Si sufficient, habemus eos, qui sunt solvendo, nec iam amplius creditor quam partem ex singulorum bonis capiet. Si unus non sufficient, quantum deerit ad præstationem partis, tanto minus erit solvendo, & eatenus alterum onerabit: quod & actione iudicati actor ab altero consequetur.

Eum si qui præsens non est, seu absentem varie in usu iuris dicti constat: quos modos collegit Accursius in *Novel. de fid. §. 1. ad verbum, præsentes.* Nec difficultas est animadversio, proposita unaquaque lege, in qua absens nominatur. Ut enim est locus, de quo in lege agitur, ita necesse est absentem varie accipi eum, qui ab eo loco absit, cum præsens & absens personæ ad eum locum referatur. Quæ res regula, si quaeratur, quem hic præsentem, aut absentem intelligere debeamus: recte dicemus cum Accursio in eo loco, quem supra indicavi, præsentem in illa constitutione de fideiussoribus (quod & in simili re ac iure ad hanc constitutionem pertinet) accipiendum eum, qui est in territorio, in quo cum altero præsente agitur: etiam si forte uo sit in iure, aut in ipsa urbe atque adeo in locis continentiis. Absentem contra, eum qui non sit in eo territorio, etiam si sit forte in eadem provincia. Hoc ideo: quia in utraque constitutione notatur is locus, in quo cum uno præsente in solidum agitur: placeat, si uterque sit in eo loco, dividi debere actionem; si unus absit, alterum, cum quo agitur, in solidum teneri. Id non obscure declarat dicta *Novell. de fid. §. 1. vers. si vero interces-*

ser,

for, cum absurdum esse dicit creditorem alio mittere, quam ubi cum fideiussore agit, & potest ab eo pecuniam exigere. Is porro fideiussor est is, cum quo agitur in solidum omnino reo principali, qui dicebatur abesse. Nec alia est huius constitutionis hypothesi, aut ratio in praesente reo conveniendo, cum alter abesse dicitur. Quid, si & hic de eo qui abest, sit controversia: dum scilicet creditor tanquam unus abest, agit cum altero praesente in solidum; qui autem convenitur, dicit alterum praesentem esse, aut se nescire, an abest, & prius id explorari, & absentem esse sibi probari postulat? Utri probationem imponimus: actoripe, ut probet eum, de quo contenditur, non esse in eo territorio, in quo cum praesente agitur, nec ante procedat eius intentio: an vero reo convento, ut probet alterum esse praesentem, ne secum agatur, atque hoc non probato actionem creditoris omnino excipere debeat? Et cum oio detor hac constitutione actio adversus oium in solidum, nisi hac conditione, si alter praesens non sit: est hic quoque actoris ante omnia docere solum alterum abesse, atque hoc modo extitisse actionis conditionem. Nisi eodem conditio extiterit, nulla esse potest actio. *L. cedere, D. de verb. sig.* Nec satis est dicere extitisse, nisi probes. *L. 2, D. de prob.* Neque hoc probare difficile est creditori. Id consequatur hoc modo, si domum eius mittat apparitorem, per quem in ius vocetur, & neque ibi repariatur, neque quisquam existat eius nominis defensor, iuxta formam praescriptam in *L. 4. §. praetor, D. de dam. infest.*

10 Sed ¶ cum hic duae tantum sint conditiones ad alterum in solidum conveniendum, si alter solvendo non sit, aut si abest: quid fiet, si unus & idoneus, & praesens erit, sed praesens conveniri non possit? quod multis de causis accidit. Quid enim, si ex duobus reis, qui vice mutua fideiussores accepti sunt, unus sit pupillus, aut servus, qui obligetur tantum naturaliter? ut in specie *L. si ex duobus, §. 1. D. de fid.* Quid si sit, qui obligetur civiliter, sed reitutus sit in integrum beneficio aetatis? ut in specie *L. si Titius, D. de fid.* Quid, si unus acceptus in diem, aut sub conditione, & ante quam dies venerit, cum altero in solidum agatur? ut in specie *L. si plures, D. de fid.* Finge etiam pupillum praesenti die recte obligatum tutore auctore sine spe in integrum restitutionis: sed abesse tutorem, sine cuius auctoritate pupillus conveniri non potest. *L. 1. §. 1. D. de adm. tut.* Quid,

inquam, fiet in his omnibus causis? An qui conveniri non potest, habebitur pro absente, ut sic ex conditione legis alter possit in solidum conveniri? an vero quia idem & solvendo est, & praesens est, alter convenietur tantum pro parte, quia conditio legis, quae actionem tribuit in solidum, deficit? Dicemus quia haberi pro absente in proposito, qui iure conveniri non potest, aut non potest in praesentia: eoque, quanvis idem solvendo sit, & praesens corpore; tamen tanquam absente eo nihilominus alterum in solidum conveniri posse. Idque mens & sententia legis exigit. Cur enim uno absente placet Iustiniano alterum in solidum teneri? Explicat Iustinianus in *Novell. de duob. reis*, versic. *si vero minus*, & quanvis non exprimeret, tamen est in promptu: quia videlicet absens conveniri non potuit in eodem territorio, nec potuit ibi creditor ab eo partem quae debetur, accipere. Atqui multo minus conveniri ibi potuit, qui omnino iure non potuit, neque illic, neque alibi: multoque minus potuit creditor ab eo suum consequi. Quare & multo magis hoc casu adversus alterum in solidum actionem dari voluit, atque hoc modo creditori consuli: omninoque ita ius est, quibus in causis ratio legis versatur, in his idem aestimari debere, quia ea sit sententia & voluntas legis. *L. illud, D. ad leg. Aquil. L. non possunt, L. non ut, D. de legib.* Neque hic distinguemus, utrum creditor ignorat unum ex reis in ea causa esse, ut possit non conveniri; an vero sciverit, quasi si sciverit, ei nocere debeat. Hac enim distinctio in duobus reis recipienda non est, de quibus nominatim convenierit, ut singuli in solidum tenerentur: ac de his nunc agimus: cum ideo creditor sibi caverit ab altero solidum: quia sciebat se ab altero invito partem non posse consequi. Plane ¶ si 12 proponas per creditorem factum esse, ne unus teneretur: non nocet ea res alteri, quominus & is pro parte semper teneatur. Vetant regulae iuris, quae distant; neminem alterius conditionem facere posse deteriorem: item, alteri per alterum iniquam conditionem inferri non posse: item, factum cuique suum, non adversario nocere debere. *L. solvendo, D. de neg. gest. L. non debet alteri, L. factum cuique, D. de reg. iur.* Finge unum patre creditoris liberatum; aut creditorem vel non petendo intra tempora constituta, vel male agendo ab uno cecidisse; aut unum dolo malo inductum, ut promitteret: quibus in causis factum creditoris alteri

teri confideiussori, aut comutatori ad eum in solidum obligandum non nocere responsum est, *L. si pupillus, D. de adm. tut. L. si Titius, in fin. D. de fid. congruit L. Strichum, §. pen. D. de sol.*

12. Sunt et igitur hæcenus constitutæ conditiones hæ tres, quarum unaquaque existente placeat quemque ex duobus reis, etiam qui vice mutua fideiussores accepti sunt, in solidum teneri: si alter scilicet non sit solvendo; si præseus non sit; si præ-

seus conveniri non possit, idque factum, aut culpa creditoris non acciderit postea. Addemus ex iure communi quartam conditionem, quæ & vulgo recte recepta est: si ita convenerit de singulis in solidum conveniendis, ut beneficio divisionis hac constitutione sibi tributo renuntiarent. Sic enim ius perpetuum est, licere unicuique iuri pro se introducto renuntiare, *L. pen. sup. de pact. L. pactum, D. eod. L. si iudem, D. de min.*

A D T I T U L U M X L I .

COD. DE FIDEIUSSORIBUS, ET MANDATORIBUS.

S U M M A R I A .

1. Cautionum genera duo, & quæ.
2. De fideiussoribus cur hoc loco, non conueniunt cum pignoriis.
3. Interveniunt pro aliis species.
4. Fideiussores, qui.
5. Expromissor quis, & quid a fideiussore differat.

6. Fideiussorum obligatio.
7. Fideiussores unde dicti.
8. Mandatores qui, & quæ eorum obligatio.
9. Constituta pecunie rei, qui, & quid intersit inter horum & fideiussorum obligationem.

Fideiussoribus tunc locus est, cum id agitur, ut creditori magis cautum sit. *1. Inst. eod. tit. in prin.* Cautionum et duo genera. Nam aut pignoriis cavetur, aut reis, idest, iis, qui pro alio rei fiant. *L. 1. §. iubet, D. de collat. bon. L. 4. §. addici, D. de fid. liber.* De pignoriis supra diximus. His adiungitur alterum cautionis genus, quod est positum in personis pro aliis intervenientium: De et quo tamen genere potius hoc loco separatim traditum est: quia fideiussores, qui sunt horum reorum numero, verbis constituuntur: ut proinde placuerit transactionem de verborum obligationibus præmitti. Reorum, et qui pro alio, qui idem principaliter debirurus sit, interveniunt, tres sunt species: fideiussores, mandatores & qui constituunt, *Novel. 4. de fideiuss. §. pen.*

4. Fideiussores sunt, et qui pro alio obligato una idem promittunt verbis. *L. 5. §. satis acceptio, D. de verb. obl.* Itaque desiderat fideiussio res duas ad obligationem: in forma contrahendi, verba seu stipulationem; in causa, alienæ obligationis susceptionem. Sine stipulatione non constituuntur fideiussores. *L. blanditus, inf. hic. d. L. 5. §. satis acceptio, de verb. obl.* Nisi autem fideiussor alienam obligationem in se, non dico, transferat, sed suscipiat, ut distinguuntur ista in *L. 1. sup. ad Vellei.* ut sic ad alienam obligationem

fideiussor accedat: non obligatur, ac ne fideiussor quidem est *§. fideiussores, Inst. eod.* Inde fideiussores adpromissores dicti: quia scilicet ad id, quod alius debuit, accedentes idem promittunt. *d. L. 5. §. satis acceptio.* Inde etiam dicti accessiones principalis obligationis, sine qua nec consistunt *d. §. fideiussores. Inst. eod.* Ex quo illa: nisi quid debeatur, & principalis obligatio aliqua præcedat, fideiussores obligari non posse. *L. 1. is cui bonis, D. de verb. obl.* Item, fideiussorem in maiorem quantitatem aut deteriorem causam obligari non posse, *d. §. fideiussores ita.* Possremo, principali reo liberato & fideiussores liberari: quoniam principali causa non subsistente, non possit esse accessioni locus. *L. in omnibus speciebus, D. de solut. L. cum principalis, D. de reg. iur.* Sed ut obligationem præcedentem requiramus, cui fideiussor accedat, quo is obligetur: ita qualiscunque obligatio præcedat, nihil interest, utrum civilis, an naturalis; & civilis, utrum verbis contracta, an re, an literis, an consensu solo. *§. 1. Inst. eod.*

Sane et fieri potest, ut quis obligationem alienam in se suscipiat liberato priore reo, aut eo nomine non obligato; cum tamen obligari deberet: qui in usu iuris dicitur expromissor, *L. & eleganter, §. servus passionis, D. de dolo. L. qui liber-*

heredus, in fin. D. de oper. liber. Sed hic fideiussor non est, neque adpromissor; quis non idem cum alio promittit, unde & a fideiussore ubique distinguitur. *L. ut res, D. de contr. empt. §. vendita, Inst. de rer. divis.* Quamobrem & ad hunc tractatum nihil perinet. Cum tamen dicamus fideiussores verbis constitui: ex eo apparet, quam teneantur, & quo iure. Quisquis stipulanti quid promittit, iure civili obligatur. *§. de constituta, Inst. de act. Inst. de verb. obl. in pr.* Proinde hæc ipsa fideiussorum obligatio est. Dicuntur tamen fideiussores, ex formula veteri in fideiussoribus constituendis recepta. Interrogabantur enim adpromissores futuri, an id quod ab alio debetur, fide sua esse iubeant, idest, velint id constitutum esse fide sua, & an in eam rem fidem suam obstringerent: respondebant illi se iubere esse fide sua, ut indicatur in *§. pen. Inst. cod.* Alioqui omnes debitores etiam principales fidem suam obstringunt. *L. 1. D. si cert. pec.*

8 Mandatores tamen in iis qui pro aliis intercedunt, dicuntur, qui ad creditorem futurum veniunt, & eum rogant, ut pecuniam credat debitori futuro. Nam cum his creditor ita pecuniam credit, duo ex ea causa obligantur: primum is, cui ea pecunia credita est, qui obligatur ex causa mutui, qui idem reus est principalis, ut cuius causa mutuum comparatum sit. Alter is, qui mandavit, qui ex mandati causa tenetur creditori contrario iudicio man-

dati, ut illi præstet, quod is rogatus credidit. Nascentur hæc obligatio ex consensu, ut & obligatio mandati omnino. *Inst. de obl. ex cons.* Sed nihilominus eadem vis est obligationis huius, quæ & stipulationis, quæ fideiussores constituuntur. Quid dissentiant mandatores a fideiussoribus, ex his definitionibus manifestum est.

Qui tamen pecuniam ab alio debitam vel pro se vel pro aliis constituunt se solutores, hi non minus quam superiores ex constituto obligantur: quavis neque verbis, & stipulatione fidem suam adstringant, neque quidquam mandent creditori, sed potius his mandetur, ut constituant, *§. de constituta, Inst. de act. L. 1. & toto Tit. D. de consil. pec.* Roget igitur aliquis: cum omnis, qui pecuniam constituit, nudo pacto pro aliis obligetur, quid adeo opus sit stipulatione ad fideiussores constituendos. Nempe ideo opus est: quia utrum fideiussores verbis constituantur, an quis pecuniam solo pacto constituat, multum interest. Fideiussores statim & sine ulla conditione tenentur, siquidem pure accepti sint. Qui autem pecuniam constituit, non tenetur, nisi certis conditionibus edicto prætoris de hac causa comprehensis. Nam si per actorem steterit, quo minus fieret, quod constitutum est: qui constituit, non tenetur, *L. si duo, 16. §. 1. D. de consil. pec.* Sed nec tenetur ante, quam dies saltem decem præterierint, *L. promissor Stichus, D. de consil. pec.*

Ad L. 1.

Imp. Severus & Antoninus AA. Lyſiæ.

Si Lyſias adempta parte bonorum exſulare inſuſus eſt: non niſi pro parte, quam reſtuit, creditoribus obligatus eſt. Verum qui pro eo fidem ſuam adſtrinxerunt, iure priſtino conveniri poſſunt, PP. laib. Oſobr. Severo A. III. & Viſtorino Coſſ.

S U M M A R I A.

1. Publicitis extranei debitoris bonis, aut parte bonorum, ita damnatum liberari, ut ſiſcus nationis damnato ſuccedat cum ſuo opere.
2. Publicitis bonis fideiuffores damnati quavis liberati nihilominus teneri: & quam recte.
3. Extra quam ſi damnatus, ex alia cauſa libe-

ratus ſit, quam damnatione, & L. 4. in pr. D. ſi quis caut. ſententia.

4. Damnato debitori ſuo ſi ſiſcus ſuccedat, & poſtius tolli obligationem, & liberari fideiuffores.

L. in fraudem, §. ſi principalis, D. de iur. ſiſc. explicatur, ibid.

¶ Quoties tamen quis ita damnatur, ut ex damnatione eius bona publicentur ſive univerſa, ſive pro parte (quod

poſterius in quibuſdam iudiciis accidit, ut lege Iulia de vi privata, §. item Lege Iulia de vi, *Inst. de pub. ind.*) toties dama-

mnatus, si quid prius debuit, pro ea parte liberatur, pro qua bona publicata sunt. Neque ideo consilium est, ut damnatio prodelet debitori, quod esset iniquissimum; sed quia bonis publicatis sic tanquam mortuo fideiussor eatenus damnatus succedit, & succedit cum suo onere: ut tam pro damnato fideiussor tanquam successor iucipiat teneri, *L. 2. infr. ad L. 1ul. de vi. L. cum tabulis, in fin. D. de his qua ut indig. anf. L. fideiussor, in princ. D. de iur. fidei.*

2. Ea res facit, quod hic traditur, ut si damnatus fideiussor dederit, nihilominus publicatis bonis fideiussor in solidum, ut prius, teneatur. Et si enim principalis reus liberatus videatur; tamen eius persona sublati supererit fideiussor, qui in eam obligationem succedit, & ita succedit, ut nihilominus eadem persona cum defuncto esse videatur: hæc enim conditio est personæ heredum, *Novel. de iureiur. a morien. prest. L. quadam, §. 1. D. de eden.* Quapropter nihil hanc sententiam offendit regula iuris, quæ effectus liberato reo etiam liberari fideiussoribus. *L. in omnibus speciebus, D. de solut.* Hinc enim effectum est non liberari principalem reum, qui successorem habet, ut qui in persona heredis debere adhuc intelligatur.

3. Sane si si damnatus reus ita liberetur ex aliqua causa, ut nec heres eius ex eadem causa teneatur: probandum est principali causa ita sublata, etiam fideiussorem liberari. Id accidit in ea causa, cum is qui promiserat se iudicio siturum certa die, & in eam rem fideiussorem dederat, ideo non fletit: quia iudicio capitali damnatus erat, vel morte, vel exilio. In qua specie scriptum est in *L. 4. in pr. D. si quis caut.* promissorem quidem ex ea stipulatione certo non teneri, quia exceptionem habet; sed adiicitur, nec teneri si fideiussor. Atqui in ea specie bona damnati publicata sunt, & in eius locum fideiussor successit, ut est in specie huius loci. Ita est: sed longe dissimilis est liberationis causa atque in loco. Nam cum quis ideo non venit in iudicium, quia damnatus est: nempe ideo non venit, quia non potest venire sententia prohibita: quod cum accidit, toties adversus actionem ex ea stipulatione comparatur datur promissori exceptio, *L. 2. D. si quis caut.* Unde rursum venit, ut non magis teneatur promissoris heredes, quam ipse promissor, quoniam impossibile nulla obligatio est, *L. impossibile, D. de regul. iur.* proinde nec fideiussor post damnationem tenetur. Quod si ita est, consequens est

regula iuris nec fideiussorem ex ea causa teneri, *d. L. in omnibus speciebus, D. de solut. L. cum principalis, D. de reg. iur.* Verum si huic rescritto, atque illi damnationi opponitur generalis definitio *L. in fraudem, §. si principalis, D. de iur. fidei.* ubi hæc Pauli verba sunt: *si principalis rei bona ad fideiussorem devoluta sunt, fideiussor liberatur.* Sed de alio, atque alio debitore hæc dicta sunt. Agitur hoc rescritto de debitore extraneo; cui cum fideiussor succedit, non ideo successione obligatio tollitur, sed confirmatur: hæc manente etiam fideiussorem obligatos teneri necesse est. Pauli autem definitio superior de principali reo qui fisco debeatur, intelligenda est: cuius postea bona ad fideiussorem devoluta sunt, id est, cui fideiussor successerit. Nihil certius, quam in universum hoc casu fideiussoribus liberari. Hic enim creditur debitori succedit, quod cum sit, obligatio confusione tollitur, *L. Stichum, §. aditio, D. de solut. L. debitori, supra de pass.* Obligatione principali hoc modo sublata fieri non potest, quin & fideiussoribus liberentur, *d. L. in omnibus speciebus, L. 4. hic.* Et ut sequentia verba illius definitionis Pauli obiter explicemus, sufficit Paulus, ut edicto Pandectarum Florentinarum; *visi forte minus idonei sunt, & in reliquum non exsoluta quantitatis acceperint.* Quorum verborum hæc est sententia: Fideiussoribus superiore confusione liberantur, nisi sint fideiussores rei principalis minus idonei, id est, rei, qui non sit solvendo: ut fideiussoribus in eam quantitatem, in quam reus principalis solvendo non fuit, sese obligaverint, ut in specie *L. de rem, D. de verb. obl.* Itaque hæc exceptio hæc declarat: etiam tunc, cum fideiussor debitori suo succedit, nihilominus fideiussor debitoris teneri, si principalis debitor partem solvere non possit, & nominatim fideiussoribus in eam partem intervenierint. Alia lectio fuit tempore Accursii, quam ille commemorat ad eum locum, in hæc verba: *et si minus idonei sunt, & in reliquum non exsoluta quantitatis acceperint, et si pro nisi.* Lectio superiori contraria. Nam prior illa de definitione proposita excipit eos fideiussoribus, qui pro reo minus idoneo intervenierint. Posterior etiam in hoc casu retinet definitionem, ad hanc sententiam: ut cum ad fideiussorem bona rei principalis pervenerint, fideiussoribus omnino liberentur; nec ad rem pertineat, an reus principalis solvendo fuerit, & fideiussoribus in eam quantitatem, quæ exsoluta non est, intervenierint. Nunc cum ut

in eam quidem quantitatem fideiussores amplius teneantur: hæc lectio & sententia uobis retinenda est, priore repudiata. Est enim iuris certum, cum fideus debitori suo succedit, obligationem rei tolli confusione, etiam si reus principalis solvendo non fuerit. Nam si obligatio rei principalis tunc tollitur, & fideus amittitur, cum reus solvendo fuit: multo magis tollitur tunc, cum reus solvendo non fuit: denique si reus solvendo est, siue non est,

semper debitor pariter obligatur. Atqui hæc obligatio omnis confusione tollitur, quoties creditor succedit debitori, *d. L. debitori, supr. de pass. L. Stichum, §. adtio D. de solut.* Obligatione principali sublata, necesse est etiam fideiussores liberari sine exceptione: quia ut iam aliquoties diximus, fieri non possit, ut sublata causa principali accellionis sui locus. *d. L. in omnibus speciebus, & §. fideiussores, Inst. de fid.*

Ad L. Creditori. 2.

Idem AA. Plotio.

Creditori qui pro eodem debito & pignora & fideiussorem accepit, licet, si malis, fideiussorem convenire in eam pecuniam in qua se obligaveris: quod cum facis, debet ius pignorum in eum transferre. Sed cum in alia quoque causa eadem pignora vel hypothecas habet obligatas, non prius compellendus est transferre pignora, quam omne debitum exsolvatur. Dat. V. Kal. Febr. Apro II. & Maximo Coss.

S U M M A R I A.

1. *Fideiussorem non prius conveniri posse, quam aut abesse probetur reus, aut non esse solvendo.*
2. *Fideiussorem quavis recte conventum non prius cogi solvere, quam cessis sibi a creditore in*

debitorem actionibus & pignoribus, & quo iure, quamque recte id tributum fideiussori.

3. *Pignora in aliam quoque summam obligata, quam in quam fideiussor tenebatur, fideiussori cessi necesse non esse.*

Hic locus est de vi & effectu obligationis fideiussoriæ. Cum fideiussor stipulatione obligetur: si hic stipulationis & obligationis eius, quæ inde nascitur, regulas sequeremur: consentaneum erat, ut fideiussores a creditore, eodemque stipulatore statim conveniri possent, & ita conveniri, ut fideiussores conventi necesse haberent solvere, etiam si creditor vicissim eis nihil præstaret. Sic enim ius est de stipulatione, omni que obligatione pura, ut quod pure promissum est, id statim a promissore peti possit, *§. omnis, Inst. de verb. oblig.* Et si creditor vicissim nihil promittit, nihil habet debitor, quod iure suo possit ab eo exigere. Conditionem enim stipulationis ab initio constitutam mutare non potest neque creditor, neque debitor, *L. vero, D. de solut. L. habere, D. de iur. i.* Sed de his singulare constitutum est in persona fideiussorum. Ac si primum ita quidem ex superscripta regula ius vetus erat, ut liberum esset creditori statim fideiussorem convenire omisso principali reo, quod ius traditur in princ. huius *L. 2. item L. 3. Tom. IX.*

& L. 5. eod. tit. Hodie contra ex constitutione Iustiniani, qua id ius mutatum est, *Nov. 4. de fideiuss.* cuius summa expressa est in *auth. præsentis, inf. hoc tit.* de qua ibi dicitur. Præterea si hoc proprium fideiussoriæ obligationis, ut non prius fideiussores cogantur creditori solvere, quam ille actiones suas adversus reum & pignora ab eo accepta cesserit, ut declaratur hac *L. 2. item L. cum is, 36. D. eod.* Sed unde hoc ius petitum, cum repugnet naturæ obligationis? Non sane ex communi iure, & potestate obligationis, sed ex æquo & bono. In eamque rem datur fideiussori doli mali exceptio qua excludatur creditor, qui non oblata actione & pignoribus ius suum persequatur. Exceptionis ratio & æquitas hæc est. Scimus exceptionem doli mali competere adversus eum, qui subtilitate iuris fretus aliquid contra naturalem æquitatem petit, *L. 1. D. de doli ma. & met. exc.* At æquum est, creditorem cum illi pecunia solvitur a fideiussore, actiones suas fideiussori cedere. Id enim fideiussori prodest, & cedenti nihil nocet; & præterea

O o o o

etiam

etiam in eam rem creditor pecuniam accipit. Quod præstitum accipienti prodest, nobis nihil nocet, id secundum naturæ æquitatem est cuius præstari etiam ignotum, *L. 1. §. quamquam, D. de aq. & ag. plu.* Ita hanc cessionem fideiussori denegare hoc prætextu, quia de eo nihil convenit, est contra naturæ æquitatem facere per subtilitatem & occasionem iuris summi. Quare & adversus eam denegationem doli exceptioni locus est. Quod
 3 tamen dictum est, creditorem pignora a debitore accepta fideiussori cedere debere, recte manemus hoc rescripto sic

temperandum esse, si pignora tantum in eam summam, quam a fideiussore solvitur, obligata sint: quo casu cessio creditori nihil nocitura est. Diversum esse, si ea pignora præterea a debitore in aliam summam sint obligata. Nam tunc creditor pignora fideiussori cedere non potest, quia in illam summam amittit pignorum persequutionem. Sic cessio a creditore exigenda est, ut illi noceat. Quapropter recte placet non aliter impetrare debere fideiussorem, ut sibi cedatur pignora, quam si paratus sit omnem pecuniam, quæ debetur exsolvere.

Ad L. Non recte. 3.

Idem AA. Maximo.

Non recte procuratores nostri, si allegationi suæ fides adesset, audire se noluerunt ex bonis fideiussoris, quæ ad fiscum pervenerunt, pecuniam repetentem, sed reum principalem convenire iusserunt, cum electionis potestas permittatur creditori. Sed cum duos fideiussores accepisse se proponas: si alter idoneus est, intelligis se divisa quantitate partem competentem a Procuratore nostro petere debere, & adversus alium fideiussorem eius experiri. Nam licet significes adiectum esse in obligatione, ut singuli in solidum tenerentur: tamen nihil hæc res mutat conditionem iuris & constitutionem. Nam & cum hoc non adicitur, singuli tamen in solidum tenentur: sed ubi sunt omnes idonei, in portionem obligatio dividitur. PP. XVII. Kalend. Septembr. Antonino A. III. & Geta III. Coss.

S U M M A R I A.

1. Fideiussores plures, singulas iure non tantum tenere, sed & uno in solidum teneri, quantum ceteri solvendo non sint.
2. Inter plures fideiussores si omnes solvendo sint, dividi obligationem ex epistola D. Hadriani, sed per exceptionem dantur, non ipso iure, & quis effectus.
3. Beneficium tributum solum pluribus fideiussoribus unius debitoris, non plurium debitorum, et si unius summa fideiussores sint.
4. Beneficium denegatum pluribus fideiussoribus tutorum, & cur.
5. Fideiussores plures an omnes solvendo sint ad beneficium divisionis, spectandum temporis litis contestata: & hoc quomodo vim habeat.
6. Beneficium divisionis inter fideiussores infensuribus denegatum.
7. In pluribus fideiussoribus accipiendis si convenit, ut singuli in solidum teneantur, nihilominus eos beneficio divisionis uti posse, & cur non repugnet conventio.
8. Beneficium divisionis non usum fideiussorem, si solidum solverit, nullum eo nomine adversus confideiussores actionem habere.

DUÆ sunt partes huius rescripti. Prior id ius traditur, de quo supra in *L. 1.* diximus, licere creditori omisso reo principali fideiussorem convenire: idem in *L. 5. hic.* Hoc ipsi immutatur *auth. præsentis*, quæ sequitur, & ad huius iuris exceptionem id fragmentum pertinet. Altera pars est, quæ de obligatione plurium fideiussorum comprehenditur, in qua queritur, quatenus fideiussores teneantur: de quo ita statuendum est.

Plures tamen fideiussores eiusdem rei, seu pecuniæ, quæ debetur, singuli in solidum tenentur, siue id nominatim convenierit, siue non convenierit: & siue omnes solvendo sint, siue non sint, ut in extremo huius rescripti declaratur. Neque hoc ius mutatum esse putandum est constitutione Novella Iustiniani de duobus reis, unde *auth. hoc ita, sup. de duobus reis*, sumpta. Ea quidem constitutio effectum est, duos reos promittendi non teneri in soli-

solidum, sed pro parte, etiam si singuli solvendo non sint; nisi nominatim convenierit, ut in solidum obligarentur. Et potest existimari ea constitutio ad fideiussores transferri debere, ut nec fideiussores plures tanquam rei eiusdem summæ tenerentur in solidum, nisi nominatim convenierit. Sed recte recepta est vulgo hæc sententia, eam constitutionem, quæ de duobus reis est, ad fideiussores non pertinere. Differentiæ ratio non est obscura. Nam plures rei promittendi eodem tempore eiusdem pecuniæ nomine accipiuntur. Unde existimari potest pro numero personarum dividi obligationem inter eos, ut illis respondentibus de centum, intelligantur singuli promississe quinquaginta, *L. reos, D. de duobus reis, L. cui fundus, D. de cond. & demon.* Potest quidem accipi & illud cunctura voluntatis: quasi singuli ut verbis solidum responderunt, ita & re videantur solidum promississe. Sed cum id incertum esset, voluit Iustinianus non aliter id accipi, quam si nominatim convenisset, ut singuli vel in solidum tenerentur. In quo sustulit dubitationis causam, quemadmodum prius fecerat in novatione, *L. ult. infr. de novat.* At plurium fideiussorum obligatio dubitationem non habet, quin ex eorum promissione singuli in solidum obligentur. Nam singuli promittunt id, quod reus debet, & quantum debet: debet autem solidum. Quamobrem & singuli fideiussores promittunt solidum, ut ad eam rem explicatione alia aperte non sit opus. Tenentur ergo plures fideiussores in solidum, idque sine controversia, si ceteri idonei non sunt. Quod si omnes sint solvendo, hic beneficium fideiussoribus tributum est epistola quadam Hadriani Imperatoris, ut obligatio inter fideiussores dividatur, *S. si plures, Institut. eod. L. si plures, D. eod. S. hac l. in fin.* In qua divisione hoc primum notandum est, dividi obligationem inter plures fideiussores per exceptionem duntaxat, non ipso iure. Huius differentiæ quis sit effectus, sumendum ex *L. inter, 26. D. eod.*

Sed si non tribuitur hoc beneficium omnibus, nec sine exceptione. Non omnibus fideiussoribus hoc beneficium datum; sed itis, qui non solum eiusdem summæ, sed etiam eiusdem debitoris fideiussores sunt. Cæterum inter plures diversorum debitorum fideiussores actio non dividitur. Ulpianus, stipulatus sum decem ab aliquo, & fideiussorem ab eo accepi. Eadem decem ab alio sum stipulatus, & ab eo quoque accepi fideiussorem: ut appa-

Tom. IX.

reat duos eiusdem summæ fideiussores esse. Nihilominus singuli in solidum conveniuntur: non enim sunt unus debitoris fideiussores, sed plurium debitorum, & in negotio debitoris principalis sunt singuli, non plures, *L. si a Titio, D. eod.* Similiter si a debitore fideiussorem accepi, & a fideiussore alium fideiussorem eius nomine: duo quidem sunt hic fideiussores eiusdem summæ, sed non idcirco inter eos actio dividitur: *L. si plures, S. ultim. D. eod.* quoniam scilicet sunt plurium debitorum fideiussores; prior debitoris, posterior fideiussor fideiussoris. Sed si & in persona plurium fideiussorum unus debitoris, placuit hoc beneficium fideiussoribus tutorum non dari; sed fideiussoribus tantum eorum creditorum, qui ipsi fideiussores sua conventionem acceperunt: hoc in *L. ult. D. rem pup. sol. fore.* ubi & differentiæ ratio a Papiniano explicatur ad hanc sententiam: nam qui cum fideiussoribus contrahunt, possunt ab initio convenire, ut singuli fideiussores in solidum conveniantur. Quod si non fecerunt, de se queri debent. Pupillo nihil tale imputari potest in fideiussoribus tutorum: quoniam ipse cum tutore non contrahit, eoque nec cum eius fideiussoribus, sed in eos incidit.

Datur si autem hoc beneficium duobus conditionibus. Una est, si omnes fideiussores idonei sint, ut hic dicitur, idest, si sint solvendo omnes, idque spectatur tempore litis contestatæ, *S. si plures, Institut. eod. L. inter, 51. S. 1. D. eod.* Quod dicimus tempus litis contestatæ in hac re spectari, id eam vim habet, ut nihil prosit fideiussoribus, qui solvendo sunt, si ceteri fideiussores aliquando solvendo fuerint ante litem contestatam, & ante solvendo esse delierint; sed qui eo tempore solvendo non est, hoc cæteros onerat, *d. S. si plures, Institut. eod.* E converso si omnes proponantur tempore litis contestatæ solvendo fuisse, & postea aliqui minus idonei esse coeperint etiam ante sententiam: ea res ad onus eius, qui solvendo est, non pertinet. Addit Papinianus, nec auxilio defendi ætatis actorem: non enim deceptum videri, qui iure communi sit usus, hinc in *L. inter eos, S. pen. D. eod.* Et generaliter quoties constituitur, ut inter aliquos dividatur actio, si certo tempore idonei sint, toties solvendo esse delisse aliis non nocet, si post tempus id contigit, *L. 1. supr. de divid. tut.*

Altera si conditio est, si fideiussores non negent se fideiussores esse. Incipiuntibus

Quoq;

auxi-

auxilium divisionis non tribuitur, *L. si dubites, §. 2. D. cod.*

7 Quid, § si in fideiusoribus accipiendis conveniri inter creditorem & fideiussores, ut fideiussores singuli in solidum teneantur: an ex hac conventionem singuli in solidum conveniri possunt? Hic rescriptum est, non eo minus fideiussores beneficio iuris uti posse, ut non nisi pro parte conveniantur: Additor ratio: quia iure hoc fit, ut inter fideiussores dividatur actio: hæc autem conventio, quæ proponitur, iuris conditionem & constitutionem non mutat. Sed huic rationi universi iuris de pactis ratio atque æquitas reclamare videtur: etsi eorum hic beneficium divisionis tribuatur fideiussores iure: tamen beneficium est de re privata & familiari, idemque pro fideiussores constitutum. Atqui ius certum est licere cuivis pacisci, & paciscendo determinatam conditionem suam facere, *L. invigilantium, §. si paciscar, L. pactum, D. de pact.* & in universum licere iuri pro se introducto renuntiare sine exceptione, *L. pen. sup. de pact.* Proinde etiam ex hoc iure hæc conventio servanda est, ac servatam plerumque manifestum est mutare superioris iuris conditionem. De quo ita recte constituitur; negari non posse, nec debere, quin hic quoque, ut in cæteris causis, inter privatos conventio sit servanda; sed non ideo ita esse servandam, ut singuli fideiussores conveniri possint in solidum contra iuris superioris rationem, non quia ius superius impediatur; sed quia non id agitur conventionem, ut id ius mutetur. Sic enim fuit conventio, ut singuli fideiussores in solidum tenerentur; at hoc ipsum & iure constitutum est, ut in solidum teneantur. Hactenus ergo conventio iuris constitutionem non mutat, sed confirmat. At enim ius constitutum est, ut fideiussores pro parte tantum conveniri possint, si omnes sint idonei. Ne hoc quidem mutat superior conventio. Non enim convenit, ut fideiussores in solidum conveniantur, sed ut teneantur: teneantur autem in solidum semper etiam tum, cum conveniuntur pro parte. Humanitatis enim causa ita conveniuntur, ut conventio sit ipsis quam minimum damosa; non autem ideo, quia non teneantur. Argumento est, quod si non omnes solvendo sint; hi qui solvendo sunt, teneantur, & conveniantur in solidum. Hoc loco varie nobis occurrit. Nam primum hoc ipso, quod convenit, ut in solidum tenerentur fideiussores, convenisse intelligitur, ut in solidum conveniantur, etiam si omnes essent idonei:

quoniam verba cum effectu accipienda sunt, *L. pen. §. docere, D. ne quis cum qui in ius voc. off.* Effectus autem non intelligitur teneri, qui remitti non potest: quoniam dicimus creditores non esse eos, qui exceptione perpetua conveniri possunt, *L. creditores, D. de verb. sign.* Respondeo: etiam si interpretemur fideiussores in solidum teneri, qui conveniri tantum possint pro parte; nihilominus tamen verbum tenendi cum effectu a nobis accipi. Nam is, qui solvendo est, si cæteri non sunt solvendo, ut in solidum teneatur; ita & convenitur in solidum: si omnes solvendo sunt, etiam effectus creditor consequitur suum a cæteris: a quibus autem consequatur, nihil eius interit, dummodo consequatur. Rursum alia ratione effici dixeris, superiorem conventionem de singulis fideiussores in solidum conveniendis accipi debere. Etenim si ita interpretamur, ut fideiussores singuli in solidum non possint conveniri, etiam tunc, cum omnes idonei sunt: conventio est inutilis. Nam & sine conventionem idem iure efficiebatur, ut hoc rescripto traditur. At in interpretatione orationis omnis hæc regula præscribitur, orationem sic accipi debere, ut omnino aliquid egisse videatur, *L. si quando, in prin. D. de legat. 1. L. 1. in fin. D. ad municip.* Quare hanc quoque conventionem sic interpretari debemus, ut fideiussores idonei singuli in solidum conveniri possint, ne sit conventio inutilis. Huc facit *L. quoties in stipulationibus, D. de ver. obli. 1. ubi, L. quoties in alienationibus, D. de reb. dub.* Sed quod dicitur, conventionem sic interpretandam esse, ne sit inutilis, sic intelligendum est: si modo etiam ea sententia, quam accipi volumus, verbis contineatur. Nunc autem convenit, ut omnes fideiussores teneantur in solidum: his verbis non continetur, ut omnes in solidum conveniantur, cum possint teneri in solidum iure, ut certe teneantur; & tamen humanitatis causa non conveniantur in solidum, nisi quatenus necesse sit, id est, quatenus non sunt solvendo. Bene igitur & prudenter responsum est, superiore conventionem non adimi beneficium divisionis fideiussores. Sed § quodcumque hic beneficium est divisionis, sciamus id tribui fideiussores pro parte se conveniri desiderantibus. Qui neglecto si solidum solverint, sciunt eo nomine actionem se tantum habere adversus debitorem, non etiam adversus cæteros fideiussores, *L. cum alter, inf. hoc tit. §. si plures, Inst. eod.*

Ad Auth.

Ad Auth. præsente.

Præsente tamen utroque non permittitur intercessorem conveniri, priusquam reus inventus est minus idoneus, sive in totum, sive in partem. Absente autem reo, præsens intercessor iure quidem convenitur: ipso tamen desiderante iudex definit tempus, intra quod deducat reum primo conveniendum, ipso in subsidium reservando. Nam transacto tempore compellitur intercessor satisfacere, cessis sibi a creditore actionibus, absque distinctione contractus sive intercessionis.

S U M M A R I U M.

1. *Ad fideiussorem non prius perveniri posse, quam reus principalis aut absit, aut non sit sol-*

vendo: & quam recte id præter conditionem obligationis constitutum.

Olim liberam fuit creditori omisso principali reo fideiussorem convenire: quod ius positum est in *L. 2. L. 3. sup. L. 5. inf. eod.* Id nitebatur optima ratione, si quis sequeretur conditionem obligationis. Nam fideiussores se obligarunt, non sub conditione, si reus principalis prius conveniretur: non in diem, cum aliquod spatium intervenisset, intra quod reus principalis posset evocari. Pure igitur: quo in genere regulæ iuris ethierunt, ut qui eo modo se obligavit, statim possit conveniri sine exceptione, §. *omnis, Instit. de verb. obl. L. cum, qui Kalendis, §. 1. D. de verb. obl. Iustinianus* hoc mutavit. *Novell. 4. de fideiuss. in pr.* unde hoc fragmentum; vetuitque, ne ad fideiussores perveniretur, nisi aut reus principalis absens esset, ut non esset eius conveniendi copia, aut ita præseus esset, ut conlaretur cum excussis eius facultatibus non esse solvendo. Hoc etiam addidit, ut quanvis reus absens, fideiussori desideranti spatium a magistrato daretur, intra quod posset reum evocare, & dare creditori conveniendum. Sed quo iure, quæve ratione æquitatis potuit Iustinianus actionem creditori semel quesitam ei auferre: cum sit certi iuris, & convenientissimam rationi naturali, nullius suum detrahi, nulli actionem quesitam auferri invito? *L. 2. D. de his, qui*

sunt sui, vel alie. iur. L. habere, D. de evict. Item cum constet conditionem, quam stipulatio ab initio accepit, non posse mutari invito aut creditore, aut debitore *L. vero, §. 1. D. de solut.* Nempe summi iuris ratio id postulabat, ne fieret: sed constitui humanum visum est, & conveniens æquitati naturæ. Ratio humanitatis & æquitatis hæc est, quod fideiussores ad fidelubendum ex liberalitate & beneficio accedunt. Est æquissimum nulli officium suum damnosum esse, quoad eius sine iniuria creditoris consequi liceat, *L. si servus, §. quod vero, in fin. D. de furt. L. sed si quis, D. quem test. aper.* At sit sine iniuria creditoris, si prius cogitur debitorem convenire. Nam si ab eo consequitur, quod vult, malitiose amplius requirit. Si non consequitur, habet fideiussorem, ad quem regrediatur. In eo etiam nonnullum intervallum sit temporis, tamen non est magnum damnus in mora modici temporis, ut scriptum est in *L. si debitori, D. de indic.* In his si queritur, quem ream absentem accipere debeamus, quomodo idem absens doceatur, quis sit non solvendo, & quomodo de eo recte cogitare possit; cum num quid sit hoc dissimile a duobus reis, & quid sit: petendum ex iis, quæ ut in simili argumento scripsimus supra *cap. 13. seu ad auth. hoc ita, de duob. reis.*

Ad L. Novatione. 4.

Imp. Antoninus A. Rufz.

Novatione legitime perfecta debiti in alium translati, prioris contractus fideiussores vel mandatores liberatos esse non ambigitur: si modo in sequenti se non obligaverunt. PP. XV. Kal. Octob. Antonino A. IV. & Balbino Coss.

Quocunque modo principalis obligatio tollitur, liberantur & accessiones, ut fideiussores, & mandatores, ot initio huius tituli diximus, L. in omnibus, D. de sol. Liberationis autem spe-

cies est novatio. §. praterea, Instit. quib. mod toll. obl. Proinde & novatione fideiussores liberari necesse est. Vide L. 1. sup. etiam ob cboro, pec. pig. sen. poss.

Ad L. Iure. 5.

Hic locus expositus est ad auth. presente, sup.

Ad L. Si pater. 6.

Idem A. Pollz.

Si pater tuus pro Cornelio, cum pecuniam mutuam acciperet, se non obligavit: frustra ex eo, quod tabulas obligationis ut testis signavit, conveni- ris. PP. II. Kalend. Iul. Messala & Sabino Coss.

S U M M A R I U M.

1. Subscribendo testamento neminem ideo videri in

eandem causam se obligasse; & cur.

Nemo t Instrumento de alieno negotio confecto subscribens, ideo a creditore conveniri potest debitoris nomine: quoniam creditori non ideo se obligat: idque sic recte colligitur. Si is, qui ita subscripsit, obligatur, necesse est, aut tanquam fideiussor obligetur, aut tanquam mandator, aut tanquam qui pecuniam constituit: quod intelligitur ex ea partitione, quam ab initio posuimus: existat in L. ult. sup. de const. pec. Nihil fideiubet, qui nihil est stipulatus, L. blanditus, infr. hic. Non mandat, qui creditorem non rogavit, ut pecuniam crederet. Non constituit, nisi qui pacto & consensu constituit se pecuniam debitam soluturum. Ex subscriptione

porro hic consensus non arguitur. Nihil enim prohibet, quo minus quis videat, quid geratur, & rebus gestis subscrihat, & tamen non probet, quæ geruntur, aut quo minus probet quidem, sed tamen fidem suam nomine alieno non interponat. Ita cum subscriptio sine consensu esse possit: ex subscriptione, ut dixi, non recte consensus colligitur, quod & scriptum est in L. neque natales, sup. de prob. Sed pater est, qui subscripsit obligationi cum filio contractæ. Nihil hoc facit ad obligandum patrem: quandoquidem ut filius pro patre conveniri non potest; sic nec pater pro filio emancipato L. 1. L. 1. sup. ne filius pro patre.

Ad L.

Ad L. Si creditor. 7.

Idem A. Eroti.

Si creditor conditioni mandato adscriptæ, cum pecuniam mutuum daret in accipiendis bipostecis, non paruit: frustra se iudicio mandati convenit, quando non aliter se obligasse intelligaris, quam si pignori contraheretur obligatio. PP. Kalend. Iul. Læto II. & Cereale Coss.

SUMMARIUM.

1. Pecunia non per omnia ita creditur, ut manda-

tum est, mandatorum creditorum non teneri.

Mandatores non minus, quam fideiussores diximus initio huius tituli a creditore conveniri posse, idque iudicio mandati. Hoc tamen ita est, nisi is, qui mandavit pecuniam credi, certa lege & conditione mandaverit, & ei legi creditor non paruerit. Diligenter enim fines mandati custodiendi sunt: atque his non servatis non intelligitur quisquam implevisse mandatum, *L. diligenter, D. mand.* Hinc est, quod hic dicitur, cum quis mandavit creditori futuro, ut pecuniam Titio crederet pignori ab illo acceptis, si rogatus credidit, neque pignora accepit, actionem eum mandati adversus mandatorem non habere: scilicet quia, ut dixi,

mandatum non implevit. Dices, non debere nocere creditori, quod pignora a debitore non acceperit, quoniam pignora illius causa accipiuntur: licet aptum ei, quod pro se est, contemnere, *L. si index, D. de min.* Sed non eius tantum causa pignora accipiuntur, verum & mandatoris. Interest enim mandatoris, cum pecuniam solvit creditori, cedi sibi actiones & pignora, quæ creditor habuit, ac nisi his cessis non cogiturolvere, *L. 2. sup.* Quare cum creditor in proposito non habeat pignora, quæ mandatori cedat: recte mandator actionem adversus se recusabit: præsertim cum creditoris culpa factum sit, quo minus pignora illi cederet.

Ad L. Filiusfamilias. 8.

Imp. Alexander A. Longo.

Filiusfamilias qui pro patre, quavis in venditione fundi, fideiussit, tenetur. PP. II. Idus Octobris, Maximo II. & Aelianus Coss.

SUMMARIUM.

1. Filiusfamilias quavis pro patre vendente fi-

deiubentem obligari, & quæ in eo dabitur causa.

Filiusfamilias ex omnibus causis obligatur non secus, ac quivis paterfamilias, *L. tam ex contrahibus, D. de indic. L. filiusfamilias, D. de obl. & act.* Ergo & si fideiussit, obligabitur: id, quod constat, si pro quovis extraneo fideiussit, *L. 3. §. si filiusfamilias, §. sed si filius, D. de pecul.*

1. Quid, si fideiussit pro patre? placet eum nihilominus teneri, ut hic scriptum est: in quam sententiam & loci complures notantur ab Accursio. Sed cur in patre dubitamus potius? quia vetus est cir-

cæ fideiussoribus dubitatio, an iis fideiussoribus succurrendum sit adversus creditorem, qui cum solverint, actionem nullam habeant adversus eos, pro quibus fideiusservunt: quod indicat *L. Marcellus, D. eod.* Ex hoc autem numero est filiusfamilias, qui pro patre fideiubet: quoniam inter patrem & filium, qui in eius potestate est, nulla nascitur actio, *§. si qui, Instit. de obl. quæ ex del. nasc.* Sed non placuit hanc idoneam esse causam, cur fideiussoribus succurratur: quæ sententia est d. *L. Marcellus, D. eod.* Eadem sententia

tentia & ad filiumfamilias pertinebit pro patre fideiubentem. Et merito ob hanc causam fideiussori subveniri non potest. Nam si fideiussor saluum habere non potest, quod solvit creditori, ipsius damnum est. Non debet damnum suum ad alterius iniuriam referre, & creditorem decipere, argum. in *L. 3. in princ. D. de transact.* Sed cur additum est in hoc rescripto, *quantvis in venditione fundi filius fideiussoris?* Videri potest additum huius dubitationis removendæ causâ. Nam filius vivo patre quodammodo existimatur domini bonorum patris, *L. in suis, D.*

de lib. & poss. Quæ res facit, ut in venditione patris ipse filius quodammodo venditor esse intelligatur, eoque & debitor. Non potest autem idem & debitor esse principalis, & fideiussor. Quid ergo est? Negabimus scilicet filium domium esse bonorum paternorum, quod & verum est: unde & dicitur existimari domium, non esse, *d. L. in suis*. Existimatur autem quodammodo dominus propter spem futuræ successionis, quæ ita addicitur liberis, ut nec iudicio parentis siue meritis causis ab ea summoventi possint. *L. ult. in pr. D. de bon. dam.*

Ad L. Etiam. 9.

Idem A. Aristocrati.

Etiam si de iure obligationis pignorum actum fuerit, fideiussoribus liberatio non contingit. PP. Kal. Decemb. Maximo II. & Eliano Coss.

S U M M A R I A.

1. *Una persecutio iuris sui electa, non ideo alteram repudiata videri.*

2. *Ex pluribus actionibus diversarum rerum una remissa, hoc ipse alteram manere.*

Creditor, cui fideiussores dati erant & pignora eiusdem obligationis nomine, si omisiss fideiussoribus egerit cum possessoribus pignorum, non ideo fideiussores liberantur. Hoc t̄ ideo rescriptum hoc loco, quod potuerit in proposito dubitari, an creditor una via ad iuris sui persecutionem electa, videatur aliam repudiasset. Nam & alias accidit, ut una actione electa creditor ad aliam, quæ eiusdem rei nomine competat, redire non possit; ut in actione de peculio, & tributoria, *L. quod in herede, §. eligere, D. de tribus*. Sed hoc in his actionibus ideo receptum est, non solum quia sunt eiusdem rei nomine; sed etiam quia hæc conditione proposita fuit editio a prætoribus, ut una duntaxat experiri liceat. Cæterum ubi id nominatim constitutum non est, nunquam una actione electa, non dico re-

missa, ab altera recessum intelligitur. Solutione enim debitor, non electione actionis liberatur, *L. 1. §. sed si duo, D. de pos.* huc pertinet *L. qui servum, §. 1. D. de obl. & act.* Atque hæc dicta sunt de pluribus actionibus eiusdem rei nomine competentibus.

Quod t̄ si plura iura erunt, pluresve actiones diversarum rerum, citra exceptionem illud teneandum est, nunquam uno iure remisso, alterum repudiatum videri: quanto minus uno electo ad iuris nostri persecutionem? *L. si domus, D. de ser. urb. præd. L. si mihi, D. de ser. rust. præd.* Quinimo cum ex duobus unum remittitur, hoc ipso quod remittitur unum tantum, certum argumentum est, alterum non remitti: aliqui licebat utrumque remittere.

Ad L.

Ad L. Fideiussor. 10.

Idem A. Vitali.

Fideiussor seu mandator si in usuras quoque obligatus est, iustam causam recusandi eas solvere non habet. §. Ut autem is, qui cum altero fideiussit, non solus conveniatur, sed dividatur actio inter eos qui solvendo sunt: ante condemnationem ex ordine postulari solet. PP.

S U M M A R I A.

1. Fideiussorem in sortem acceptum, in usuras sortis quovis ex mora rei accedentes non teneri.
2. Dividenda actionis beneficium tribui fideiussori ex ordine postulanti: & hoc ex ordine, quid sit.
3. Divisionem actionis a fideiussoribus quandoque rebus postulari ante condemnationem, quovis non contestata huius rei exceptionem.
4. Divisionem actionis inter fideiussores frustra obici post condemnationem ab eo, qui in solidum sit condemnatus.

C Oninet hoc rescriptum duo capita. Unum est de usuris sortis a fideiussore præstandis: alterum pertinet ad divisionem actionis inter fideiussores. De usuris hæc sententia est: fideiussorem usuras sortis recusare non posse, si in eas sit obligatus. Qua conditione admonemur, nisi sit fideiussor in eas obligatus, fuisse illum eas recusaturum, quantumvis reus principalis debuerit. Quorum utrumque certum est. Nam si actio in personam semper adversus eum est, qui nobis obligatus est, *L. actionum, D. de obl. & act.* sit, ut qui est obligatus, teneatur ea actione; & qui obligatus non est, eatenus non teneatur. Illud modo quaeritur, quomodo & quando fideiussor in usuras a reo sorti debitas obligetur. Dicendum est, sic eum obligari, si nominatim in eas fidem suam obstrinxerit; non aliter: quantumvis ea sit obligatio principalis, in qua ex mora rei usurarum officio iudicis accedunt, ut sit in bonæ fidei iudiciis, puta in conductione, *L. quero, in prin. D. loc.* qua in specie placet, fideiussorem conductionis, qui se in sortem tantum ex ea causa debitam obligavit, in usuras a reo contractas non teneri, *L. fideiussores magistratum, 68. §. s. D. de fideiuss.* nec quia usurarum debeantur ex mora rei, eo magis in eas fideiussorem teneri debere; quia & illud placeat mora rei non augeri obligationem fideiussoris, *L. centum, D. de eo, quod cer. loc.* Non obstat, quod scriptum est in dicta *L. quero, D. locat;* fideiussorem locationis nomine acceptum, in usuras etiam pensionum tardius illatarum teneri hoc ipso, quod in omnem causam locationis se obligavit. Nam is se obligare in omnem causam locationis in-

Tom. IX.

telligitur, qui promittit, & fide sua esse iubet, quidquid conductorem in causa locationis ex bona fide dare, facere oportebit, ut ibidem explicatur. His autem verbis continentur usurarum pensionum; quia locatio bonæ fidei iudicium est: quo in genere iudiciorum usurarum ex mora debentur officio iudicis, *d. L. quero, loc. L. mora, §. 1. D. de usur.* De quo differui fufius ad *L. centum, D. de eo, quod cer. loc.* De divisione actionis inter fideiussores hoc loco appendix est, pertinet ad ea, quæ diximus de hac specie in *l. 3. sup.* Diximus inter alia, si omnes fideiussores idonei sunt tempore litis contestatæ, dividi actionem debere inter fideiussores, etsi iure civili singuli in solidum teneantur. Hic est comprehensum est, cui fideiussori hoc beneficium tribuatur, & quando id desiderare liceat. Verbis igitur huius rescripti tribuitur postulanti fideiussori. Quaeritur, quando postulari possit. Additum est, id ante condemnationem ex ordine postulari solere. Ex ordine fieri & postulari quid dicitur, cum plura sunt, quæ fieri debent, aut possunt iure; sed ita, ut quædam priora sint, quædam posteriora. Nam cum prioribus transactis veniunt ad posteriora, tum posteriora ex ordine fieri, & postulari dicuntur. Id ita accidit in fideiussionibus, cum de hoc beneficio divisionis agitur. Nam fideiussori in solidum convento plures defensiones esse possunt. Prima illa, ut dicat, se non teneri: idque varie accidit; vel quia reus principalis liberatus sit aut ipso iure, aut per exceptionem: quæ exceptio fideiussoribus uti licet; *L. 7. D. de exceptis.* vel quia ipse fideiussor etiam utatur ex sua persona exceptione vel pacti, vel iuristurandi.

Pppp

randi.

randi, vel rei indicatur. Quod si his defensionibus fideiusor exclusum se sentiat, sive quod revera nulla sint, sive quod eas probare non possit, ut iam non possit effugere, quin teneatur: tamen extremum illi subsidium relinquatur desiderandi, ut saltem pro parte conveniatur; pro reliquis partibus conveniantur reliqui fideiussores. Ad quod si pervenerit, recte dicitur id ex ordine postulare: ut sit, ex ordine seu servato ordine earum defensionum, quæ fideiussores competere solent. Itaque ex ordine hic valet idem, quod dicitur servato ordine, in *L. 1. sup. de exst. rei ind.* Hoc autem fideiusor postulare potest ante condemnationem. His verbis duo continentur: quæ qualia sint, videamus. Primum ¶ hoc declarant, quandoque ante condemnationem id postulare licere, etiam in initio litis huius beneficii exceptionem fideiusor non sit contestatus. Atqui scriptum est in *L. si quidem, & L. prescriptionem, sup. de exc.* exceptiones contestari initio oportere. Sed sciamus hoc dictum esse de exceptionibus facti, quibus aliquid factum esse intendimus, & ob id probare debemus, ut intelligitur ex *L. in exceptionibus, D. de probat.* Et merito hæc contestandæ sunt. Nam cum questionem habeant facti, non intelligantur in iudicium deducti, nisi facti contestatione. Diversa causa est exceptionum iuris, seu earum, quæ cuiquam conditione ipsa personæ iure ipso tribuuntur: qualis est ea defensio, de qua nunc agitur; quæ scilicet fideiusor hoc ipso, quod fideiusor est, iure postulat, ut actio inter fideiussores dividatur. Hoc genus contestari necesse non est; ante condemnationem quandoque allegari sufficit, his de causis. Primum, quia dum creditor cum fideiussore tanquam cum fideiussore agit, satis auxilium divisionis sub appellatione & persona fideiussoris in iudicium deduci intelligitur: eum id fideiussori iure tribuatur hoc ipso, quod fideiusor est. Deinde, quia quæ sunt iuris, ea ad iudicium & cognitionem iudicis pertinent; & quidem etiam si non sint a partibus nominatim petita. *L. unica, sup. ut qua def. adv. par. ind. sup.* Multo igitur magis si petita erunt, ut hoc beneficium postulari debere dicimus. Alterum ¶ ex contrario istdem verbis efficitur, si fideiusor in solidum conventus, antequam condemnaretur, non postulaverit, ut actio inter se & reliquos fideiussores divideretur, & ita in solidum passus sit se condemnari frustra eum postea, ut actio dividatur, postularum. Et recte: nam qui

in solidum condemnatus; coepit iudicari actione in solidum teneri, hauc actionem semel creditori quamvis, invito postea adimere non potest, partem dumtaxat offerendo. arg. in *L. ult. D. de pact. L. habere, in fin. D. de evict.* Nec metuemus, ne hic nobis adversentur ea, quæ Accursius in superiore sententia basiliensi coegerunt. Nam primum nihil adversus eam sententiam est in *L. fideiussores, §. ult. D. eod.* Illic scribitur mandatiorem in solidum condemnatum recte postulare a creditore, ut sibi pro parte cedantur actiones adversus ceteros mandatores. Ac constat, quod de mandatore dicitur, ad fideiussores pertinere. Sunt enim omnes isti principalis obligationis intercessores. *L. ult. sup. de const. pec.* Sed multum interest, utrum fideiusor condemnatus postulet adhuc actionem dividi cum reliquis fideiussoribus; an postulet actionem adversus eos sibi cedi. Immo vero hæc sunt contraria. Nam qui divisionem postulat, is postulat, ne solidum solvat; qui cessionem desiderat, is declarat se paratum esse solidum solvere, dum sibi adversus confideiussores consulatur. Nihil etiam contrarium habet illud Papianum ex *L. inter eos, §. ult. D. eod.* bonis damnati fideiussoris fisco vindicatis, inter fideiussores postea actio si dividi ceperit: ut heredis, ita & fisci rationem haberi oportet. Apparet enim in hac definitione damnatum fideiussorem intelligendum esse, non eum, qui damnatus est fideiussionis nomine, sed qui damnatus sit capitis ita, ut propter eam damnationem bona eius fisco vindicarentur. Nam de bonis fisco vindicatis perspicue definitio scripta est. Est autem hic sensus: si unus ex quatuor fideiussoribus capitali supplicio damnatus sit, & ob eam damnationem bona eius publicata, & vindicata fisco: potest postea creditor adversus fideiussores ius suum exsequi, qui recte postulabunt, ut inter omnes, qui solvendo sunt, actio dividatur: in quo numero etiam fisco, qui damno succedit, habebitur. Ut scilicet si sint tres fideiussores privati, & fisco; qui damno successit: non tres tantum partes fiant in hac divisione actionis, sed fiant partes quatuor, ex quibus fisco quartam agnoscere cogetur. Nam si unus ex his fideiussoribus decessisset, eius heres in quartam partem vocaretur. Proinde & fisco vocabitur: nam & fisco heredis loco est in his bonis, quæ ex damnatione ad eum pervenerunt, ut diximus ad *L. 1. sup. hoc sit.* Hoc vero quæ nihil huic loco adversetur, perspicuum est.

Ad L.

Ad L. Cum alter. 11.

Idem A. Salustio.

Cum alter ex fideiussoribus in solidum debito satisfaciatur, actio ei adversus eum, qui una fideiussit, non competit. Potuisti sane, cum fisco solveres, desiderare, ut ius pignoris, quod fiscus habuit, in te transferretur: & si hoc ita factum est, cessis actionibus uti poteris. Quod & in privatis debitis observandum est. PP. VII. Kal. Novemb. Alexandro A. III. & Dione Coss.

S U M M A R I A.

1. Unum ex fideiussoribus solidum sua sponte solventem non cessis sibi a creditore adversus confideiussores eo nomine actionibus actionem non habere nec mandati, nec negotiorum gestorum, neque nullam habere, & num. 3. in fin.
2. Negotiorum gestorum actionem non competere adversus eos, ad quos negotii utilitas per consecrationem tantum pertinet.
3. Unum ex pluribus tutoribus solidum solventem adversus reliquos tutores pro ipsorum parte utilem actionem habere: & ear hoc diversum in fideiussoribus.
4. Fideiussori solidum solventi nullam ideo actionem esse adversus pignorum creditorum obligatorum possessores.
5. Fideiussorem consequi posse a creditore, ut sibi cedantur actiones adversus debitorem, con-

fideiussores, & pignorum possessores: sed cum solvit, non ante, aut postea: nisi ea lege solverit, ut sibi cederentur actiones.

6. Mandatorem etiam pecunia soluta sine ulla conventionem agere posse adversus creditorem, ut sibi cedat actiones actiones rerum principalem, & alios eius obligationis res.
7. Soluta a fideiussore pecunia superasse nihilominus actionem creditori, quam is possit solventi adversus debitorem aut confideiussores cedere: non item si pecunia ab uno ex tutoribus soluta sit: ubi L. cum is, qui, 36. D. de fid. L. Modestinus. D. de sol. explicatur.
8. Nullam pecuniam solute conditionem esse adversus creditorem, qui pecunia simpliciter soluta a fideiussore non cedat ei actiones adversus eam, aut confideiussores.

UNUS ex pluribus fideiussoribus omisso beneheio divisionis, quod fideiussoribus tribuitur ex epistola D. Hadriani, solidum solvit creditori. Quaritur ad cautionem fideiussoris, cum quibus agere possit eo nomine, & pecuniam, quam solvit, repetere? Et posse cum a debitore repetere consilat, de quo dicitur in L. mandati, in prin. inf. An possit etiam experiri adversus confideiussores suos: prater ea possit pignora persequi, quae creditori eiusdem obligationis nomine obligata erant, quaesitum est. De utroque in hoc referri respondetur. Ac primum quod ad confideiussores attinet, hoc statuitur: unum ex fideiussoribus solidum sua sponte solventem, adversus reliquos confideiussores suos eo nomine actionem non habere. Recte: nam si quidem adversus eos habeat, necesse est aut mandati esse, aut negotiorum gestorum actionem. Mandati non habet, eum confideiussores nihil mandarunt, ut fideiuberet. Negotiorum gestorum actionem habere videri potest, quod ea solutione fideiussor debi-

Tom. IX.

torem suum liberavit saltem per exceptionem. L. Papinianus, D. mand. ac proinde etiam per consequentiam debitoris fideiussores. L. in omnibus speciebus, D. de sol. L. 7. D. de except. Liberando, negotium confideiussorum utiliter gessisse intelligitur. Ex qua causa est negotiorum gestorum actio. L. 2. D. de neg. gest. Sed prout ita ius habet, ut quoties negotium, seu utilitas alicuius negotii ad duos pertinet: ad unum principaliter, ad alium per consequentiam: si negotium gestum sit contemplatione eius, ad quem principaliter pertinebat, huius solus negotium videatur gestum: proinde adversus hunc solum sit actio; adversus eum, ad quem per consequentiam res pertinet, nulla sit. L. si pupilli, §. 1. D. de neg. gest. Id autem accidit, cum unus ex fideiussoribus solidum solvit. Sane enim is dum genera personarum liberat, debitorem, & eius fideiussores: Inst. qui mod. toll. obli. in prin. sed debitorem principaliter, ut eius nomine solvit; fideiussores tantum per consequentiam, de quibus non laborat,

Pppp 2

dum-

dummodo debitor, & ipse cum debitore sit liberatus: aut si solvit suo nomine, se ipsum liberavit principaliter; per consequentiam debitorem, ac per debitorem fideiussores. Proinde semper hic aut debitoris, aut solventis solum negotium gestum est, non confideiussorum. Nec ad rem pertinet, quod utilitas eius liberationis etiam redit ad fideiussorem. Hoc enim per consequentiam contingit. Nunc autem id spectamus, quod sit principaliter, non quod per consequentiam. *L. 1. D. de auct. tut.* Verum ꝑ hic obliquitur exemplum tutorum: ex quibus si unus solverit, nihilominus adversus contutores utilem actionem pro eorum parte habet, ut est in *L. 1. §. nunc tractemus, D. de tut. & rat. dist.* Sed apparet ex eo loco, constitutum hoc ius esse proprie & singulariter in tutoribus. Ideo non est producendum ad consequentiam. *L. quod vero, L. in his, D. de legib.* Nec obscura ratio est, cur solventi tutori utilis actio deat adversus contutores potius, quam fideiussori adversus confideiussores. Datur utilis actio tutori adversus contutorem pupilli causa. Sic enim citius tutor solvet solidum pupillo, eum sciet fore, ut hoc quod solvit, a contutoribus repetere possit. Sed & postquam solvit, minus molestus erit pupillo, si malit adversus tutores experiri. Favor igitur pupilli hanc actionem utilem introduxit. Nullus eiusmodi favor est in creditoribus aliis. Proinde non mirum, si idem non tribuitur eorum fideiussoribus. Sane fideiussor, qui solidum solvit, si a creditore cessi sint ei actiones adversus confideiussores, nulla dubitatio est, quin adversus eos experiri possit cessis actionibus. *L. cum is, 36. D. cod.* Sed hoc nihil huic loco adversatur. Quod enim hic dicitur, fideiussori adversus confideiussorem nullam actionem competere, ita dictum est: ut intelligeremus, nullam esse ex eo tantum, quod fideiussor solidum solvit, sive nullam esse ex fideiussoris persona & facto, quod & verum est.

Hoc ꝑ de aliis fideiussoribus, adversus quos desideret experiri fideiussor is, qui solidum solvit. Sed an non saltem is actionem habebit adversus possessores pignorum, quæ creditoribus obligata erant? Multo minus, nisi ei actio hypothecaria a creditore cessa sit, ut hic significatur, & traditur diserte in *L. mandati, infr. hoc tit.* Merito: nam reliqui confideiussores saltem eodem nomine obligati erant; qui tamen non tenentur ei fideiussori, qui solvit. Pignorum autem possessores non fuerunt obligati.

Sed ꝑ cessis actionibus a creditore poterit fideiussor pignorum possessores convenire. Quid si creditor non cedat actiones? Iure fideiussor ab eo desiderabit, ut cedat. *L. 2. sup.* Quando id desiderare potest? Hic scriptum est, desiderare eum posse, cum solvit. Consulto hoc additum: quia fideiussor desiderare id non potest ab invito, priusquam solvit: sed nec potest, nisi in solvendo convenierit nominatim, ut cederentur actiones. Nam fideiussor adversus creditorem neque mandati actionem habet, utpote cui non mandaverit, ut pecuniam crederet: neque negotiorum gestorum, quia ei solvendo negotium suum gerit, dum se liberat; non creditoris, qui suum recipit. Quomodo igitur fideiussor hanc cessionem consequitur, dum solvit? non agendo, sed, ut dixi ad *L. 1. sup.* opposita agenti creditori exceptione doli mali. Plane si fideiussor solvit ea lege, ut sibi cederentur a creditore actiones, etiam post pecuniam solutam recte agat, ut sibi cedantur. Nam fideiussor ita solvendo fecit, ut vicissim creditor faceret. Ex quo genere conventionum constat nasci civilem actionem præscriptis verbis. *L. iurisdictionem, in pr. D. de pact. L. legem, sup. cod.* Ceterum nullo eiusmodi pacto interposito, frustra fideiussor pecunia soluta desiderabit a creditore, ut sibi cedantur actiones ab eo, quem ad eam rem nulla ex causa obligatum habuit. Quod de pignore & hypothecaria actione cedenda dicimus, idem & de actione personali adversus debitorem, aut confideiussorem cedenda dictum intelligendum est, de quo in *d. L. 2. sup.* Summa igitur est: desiderare posse fideiussorem, qui solidum solvit, ut sibi actiones cedantur adversus debitorem, aut confideiussores, & pignorum possessores: sed tunc cum solvit. Semel autem pecunia soluta, si in solvendo de cedendis actionibus nihil convenerit, agere eum non posse. Sed ꝑ sciamus hoc in fideiussore recte dici. Alia causa est mandatoris, quem & dum solvit, & postea quam solvit, placet agere posse adversus creditorem, ut sibi cedat actiones adversus principalem reum, & ceteros eiusdem obligationis reos. *L. Papinianus, D. mand.* Recte, quia mandator mandati actionem habet adversus creditorem; fideiussor non habet, ut qui creditori non mandaverit, ut pecuniam crederet.

Atque ꝑ hæc de eo fideiussore dicta sunt, qui desiderat actionem sibi cedi ab invito creditore. Quod si de volente creditore quaeritur, sententia Pauli est in *L.*

cum is, 36. D. eod. etiam pecunia creditor ab uno ex fideiussoribus soluta, posse eum, si velit, desiderant fideiussori actiones suas cedere. Sed eiusmodi sententia, quæ hanc dubitationem animadvertendam habuerit, Nam pecunia creditori a fideiussore soluta, ea solutione debitor liberari videtur. Debitore autem liberato, consequens est, etiam tolli actionem adversus omnes accessiones. *L. in omnibus, D. de sol.* Quæ si subita est, quomodo eam cedere creditor potuit, quam non habet? Sed & hæc obiectio illic diluitur ad hanc sententiam. Si pecunia a fideiussore daretur creditori, ut solveretur & tolleretur obligatio, recte diceremus nullam actionem ei superesse. Nunc autem magis fideiussor pecuniam dare intelligitur emendi nominis & creditor pecuniam accipere eius vendendi causa. Et certe verum est, quod Papinianus scribit in *d. L. Papinianus, D. mand.* non debere exilitari debitorem liberatum esse solutione mandatoris; eum mandator ob suam obligationem solvat, & solvat suo nomine, non debitoris. Ac fideiussoris eadem causa est, traditurque idem in *L. filiusfamilias, D. de in rem verso.* Hoc loco obicitur *L. Modestinus, D. de sol.* ubi de uno ex pluribus tutoribus solvente Modestini responsum est, si is nullo pacto interposito de cediendis sibi actionibus pecuniam solverit pupillo ex administratione tutelæ debitam, actiones ei postea a pupillo cedi non posse: nominatim addita hac ratione, *cum nulla alio superferis.* Sed hoc in uno ex pluribus tutoribus solvente recte placuit; in fideiussoribus locum non habet. Nam, ut recte Bartolus animadvertit ad dictam *L. Modestinus*, in tutoribus etiam plures debitores sunt; una tamen obligatio est omnium: debent enim idem, & ex eadem causa, idem, ex administratione. Itaque unus solvendo solidum, cæteros liberat: non quia non solvat suo nomine tantum; sed quia pro se solvendo totam solvat obligationem: quippe quæ in omnium persona una sit, ut accidit in pluribus reis promittendi, *Iustit. de dua. reis stip.* At cum plures fideiussores dati sunt, etiam si quis concedat omnium fideiussorum omnem obligationem esse; tamen nihilominus in hac causa duæ sunt obligationes longe distinctæ: una debitoris, quæ est principalis; altera fideiussorum, quæ est accessoria. Hic unus ex fideiussoribus solidum solvendo, dum solvit suo nomine, debitorem ipso iure non liberat, sive, quod idem est,

principalem obligationem non tollit. Dicitur quidem simpliciter debitorem liberare acceptatione, in *L. & per. 13. §. si fideiussori, D. de acceptis.* quod multo magis de solutione eius dixeris. Sed liberat tantum per exceptionem, non ipso iure, ut declaratur in dicta *L. Papinianus, D. mand.* Quæ res facit, ut reliqui confideiussores etiam adhuc teneantur: ut qui nisi liberato debitore principali non liberentur. Atque hinc etiam fit, ut creditor, quanvis pecunia ab uno ex fideiussoribus accepta, salva habeat veteres actiones cum adversus debitorem, tum adversus reliquos fideiussores, qui nihil solverunt. Et quia habet, etiam potest cedere ei fideiussori, qui solvit. Sed potest, ut dixi, cedere, si velit: si nolit, nulla est actio fideiussori ad eum cogendum, ubi fideiussor non solveat hac lege, ut sibi cederentur actiones.

Sed si esto, nulla sit actio, quæ ea cessio petatur. Quid, pecunia a fideiussore soluta, an non recte creditori condici potest, nisi actiones cesserit? Et hoc quidem putant. Sed nulla hic conditio esse potest fideiussori ad eam rem. Non enim potest condicere pecuniam tanquam debitam, cum ut debitam solverit, & ea solutione sit liberatus. *L. si non fortem, §. si decem, D. de cond. indeb.* Non tanquam ob causam datam re non secuta. Nam cum simpliciter pecuniam solvit suo nomine, solvit ob hanc causam, ut liberaretur. Atque hæc causa secuta est: quod cum sit, non potest locus esse conditioni ob causam dati causa non secuta. *L. 1. D. de cond. cau. dat.* Neque verum est, quod isti volunt, cum fideiussor solvit, videri solvere ideo, ut sibi cedantur actiones. Nam primum verba solventis id non significant. Deinde multis locis diserite scriptum est, cum, qui solvit creditori, non succedere in pignora prioris creditoris, nisi nominatim solverit ea lege, ut in pignora succederet, sive ut in se actiones hypothecarum transferrentur. *L. solvitur, §. si convenit, D. quib. mod. pig. vel hypoth. sol. L. 1. supra, de his, qui in prior. cred. loc. succed.* Et ideo quod scriptum est in *L. cum is qui, in fin. D. eod.* cum unus ex fideiussoribus solidum solvit, ideo creditorum habere actiones, quia tenetur, ut eas præstet, sic accipiendum videtur ex præcedentibus; ut eas habeat, cum aperte nomen vendidit fideiussori, neque pecuniam ab eo in solutum accepit. Nam si accepit in solutum, fideiussor sibi omnem actionem præcedit.

Ad L.

Ad L. Blanditus. 12.

Idem A. Theodoto.

Blanditus tibi est, qui non teneri te persuasit, quod cum pro alio intervenires, tui & illius mutuo. dixisti: cum & his verbis obligationem verborum posse contrahi pridem receptum est. PP. VI. Kalend. Sept. Agricola & Clemente Coss.

S U M M A R I A.

1. Fideiussorem nisi stipulatione non obligari.

2. Lectio recta huius loci.

Fideiussor interrogatus, an fide sua esse luberet, sive græce, sive latine, responderat. *αὐτὸς αἶο, ἢ ἄρα, vel potius et αὐτὸς, quid ni?* Is persuasus erat his verbis se non teneri hac ratione: quia non obligaretur fideiussor, nisi stipulatione: hic autem non videatur stipulatio esse contracta, in qua his verbis, *quid ni*, ad interrogatum convenienter non esset responsum: idest, non iisdem verbis, quibus interrogatus erat, ut diceret, fideiussor. Rescriptum est hoc loco, errare fideiussorem. Nam stipulationem his verbis utiliter contractam, idque pridem receptum esse. Ergo ↑ hoc dicit Antoninus, fideiussorem ideo obligari in proposito, quia stipulatio utiliter sit interposita. Ex quo recte colligitur vult, fideiussorem nisi stipulatione non obligari: quod confirmatur in L. 5. §. *satis acceptio, D. de verb. oblig.* De ↑ lectione huius loci monendi breviter sumus, vulgarem lectionem esse hanc in verbis græcis *αὐτὸς αἶο, ἢ ἄρα, quodcumque vis faciam.* Hæc lectio recte notata est ab Alciato lib.

1. *Parerg. cap. 3.* Nam revera in his non fuit id, quod ab Imperatore scriptum est. Proponuntur enim verba, ex quibus hæsitatur, an stipulatio recte sit contracta, ut ex responso apparet. Nemo autem unquam dubitavit, quin recte responderet & convenienter, qui spondit id, quod stipulator vult. Ille igitur pro his verbis reposuit *αὐτὸς*, aut *αὐτὸς* ex sententia L. *Græce, in pr. D. eod. & §. pen. Instit. eod.* Sed multi testes sunt se in veteribus exemplaribus legisse hoc loco *et αὐτὸς*; quid ni? quod si verum est, nihil est hac lectione melius, neque huic loco convenientius. Scimus enim ex L. 1. §. *si quis ita. D. de verb. oblig.* veterem fuisse dubitationem, an his verbis recte contraheretur obligatio, cum quis interrogatus, *dabis?* respondit, *quidni?* & placuit nililem videri. Id autem est, quod verbis huius rescripti significatur, cum dicitur, his verbis obligationem verborum contrahi, pridem receptum esse.

Ad L. Si Barsatoram. 13.

Pars ex epistola Gordiani A. ad Auxium.

Si Barsatoram latronem Lyfianis decurio inventurum se spondisset: aut exhibere compellendus est, aut transmittendus ad præfectum prætoris, vel ad præsidem Provincia.

S U M M A R I A.

1. Inventurum se latronem, qui alicui promissus, videri deprehensum exhibendum promississe.

2. Latronem non invenisse, non exhibuisse, aut non indicasse inventum, extra crimen, & impunitum esse.

Decurio alicuius urbis, cum latronem prehendere posset, missum fecit. Cum foris is, qui spoliatus erat, expostularet cum eo ob dimissum latronem; decurio,

ut se liberaret omni crimine, spondit stipulanti spoliato, se illum latronem inventurum. Quæritur est, quid his verbis contineatur, ut sciamus, quid decurionem

pas-

præstare oporteat: ut nisi præstiterit, possit ex stipulatu conveniri in id, quod spoliati, eiusdemque stipulatoris interest. Hic duo respondentur: prius, de quo rescriptum clare scriptum est: posterius, de quo dubitari potest propter incertitudinem scripturæ.

x Prius est, † decurionem compellendum esse exhibere hunc latronem, ut sit sensus: non esse satis, si reperiat, ubi sit ille latro, & eum locum indicet; sed hoc amplius, decurionem debere latronem prehendere, prehensum exhibere spoliato, ut sit eius conveniendi eopia. Sed videndum, ne hoc non recte exigatur a decurione. Constat enim non debere eum ultra præstare, quam promisit. *L. quidquid, D. de verb. obl.* Non promisit autem se latronem prehensurum, sed inventurum: multoque minus promisit etiam se prehensum exhibiturum. Imo promisit hæc omnia, quæ & partim verbis, partim sententia contrahentium continentur. Verbis: quia invenire aliquid, aut aliquem, non est reperire locum, ubi sit: sed est rem animadversam prehendere, & occupare. Quod enim dicitur in *§. item lapilli, Insulæ, de rer. divis.* lapillos & gemmas in littore inventas fieri inventoris, hanc sententiam habet: fieri eius, qui animadversas occupavit, sive earum apprehenderit possessionem: nam aliter non fieri vultas, scriptum est in *L. 1. in princ. D. de acq. poss.* Atque ut verbis non promississet decurio se prehensum latronem exhibiturum; tamen id satis intelligitur ex eo, quod actum est, quæ est sententia contrahentium. Nam stipulator id agebat, ut sibi caveret, & acquireret, quod sua interest. Denique id agebat, ut latronis conveniendi esset potestas: quod declarant & ea, quæ præcesserunt stipulationem, & finis omnis stipulationis, qui est, ut quisque acquirat quod sua interest. *L. stipulatio ista, §. alteri, D. de verb. oblig.* Quia actum est, etiam pro cauto habendum; eoque etiam ex stipulatione præstandum est, *L. 3. D. si cert. pot. L. semper in, D. de regul. iur.*

Posterius adiectum est hoc rescripto: aut decurionem compellendum esse exhibere, aut transmittendum esse ad præfectum prætorio, vel ad præsidem provincie. Hæc verba si naturalem & rectam structuram orationis sequimur, sic interpretanda sunt: decurionem debere latronem prehensum exhibere: nisi exhibeat, transmittendum esse (intelligit decurionem, de quo instituta est oratio) ad præfectum prætorio, ut puniatur videlicet ob latronem non inventum, non exhibitum. Sed hæc † sententia defendi non potest. Nam decurio, qui latronem non invenit, nihil deliquit: eoque nec ad præsidem transmitti debet, ut puniatur. Etenim si questum a se diligenter reperire non potuit, nulla est eius culpa, si non reperit. Nulla autem poena esse debet, ubi nullum delictum est. *L. aliud est fraus, D. de verb. sig.* Quod si invenire potuit, & neglexit: tamen ne hic quidem delictum ullum contrahitur, quod coerceri oporteat. Fecit enim decurio iure permitte: cum ita ius sit, ut nemo tavitus agere, vel accusare cogatur. *tit. sup. ut nem. invit. ag. vel ac. cog.* Quod si accusare nemo cogitur: multo minus cogitur poentem querere, & inventum prehendere. Restat ergo, ut verba rescripti sic interpretemur: aut exhibere compellendus est decurio, de quo institutus est sermo; aut transmittendus, nempe latro, ut sit hæc sententia: decurionem alterutrum præstare debere ex superscripta stipulatione, aut ut inventum latronem exhibeat stipulatori, ut ille adversus latronem de iure suo statuat, uti existimaverit; aut si decurio exhibere velit, saltem latronem transmittat ad magistratum, qui in illum inquirat: quo facto etiam obligationi satisfaciatur. Erit enim stipulatori apud magistratum invenendi, & conveniendi latronis copia. Fatendum quidem est hoc sensu perturbari orationem personis; sed non est agra hæc perturbatio, quæ plerumque etiam doctissimis excidit. Similem animadvertere licet in *d. L. 1. §. si quis ita, D. de ver. oblig.* si modo illic vera est Pandectar. Florentin. lectio.

Ad L. Mandati. 14.

Idem A. Salivo.

Mandati actio personalis est, quæ si nomine fideiussoris vel adversus debitorem seu heredes eius competit: præses Provinciae, quæ deberi compererit, reddi iubebit. Pignora etenim, quæ reo stipulandi nexa fuerunt, ita demum ad vos transeunt, si facta nominis redemptione solutio celebrata est, vobisque mandatae sunt actiones. Quod si factum est: ea quoque vobis persequentibus, adversus pignorum possessores, extraordinariam iurisdictionem idem vir clarissimus impertietur. PP. III. Nonas Iulii, Gordiano, A. & Aviola Coss.

S U M M A R I A.

1. Fideiussor si debitum solvas, habet adversus debitorem & eius heredes mandati actionem; pignora non potest persequi, nisi creditor ei cedat actionem.

2. Iurisdictionio extraordinaria usurpatur, pro actione extraordinaria, id est utili, danda: & cur.

3. Fideiussori, qui pro debitore intercessit & solvit, quando & quæ actio competat.

Fideiussor qui debitum solvit, & non accepit a creditore adversus debitorem actiones, non eo minus recuperandi eius causa ex sua persona agere adversus debitorem potest, eiusque heredes, idque mandati actione: si modo hæc illi competit, ut hic initio traditur: de qua actione, & an ulla fideiussori competat, dicam paulo post. Nunc hoc ante statuatur, quod est proprium huius rescripti, non cessis fideiussori a creditore actionibus, sic illum habere & ex sua persona mandati actionem, aut similem, ut sit hæc omnis actio adversus debitorem tantum, eiusque heredes. Cæterum res debitoris creditori pignori obligatas hac actione persequi adversus pignorum possessores non potest: propterea quod mandati actio cum sit ex contractu, est in personam: ideo adversus eum tantum, qui est eo nomine obligatus, non adversus res obligati, aut earum rerum possessores. *L. actionum, D. de obl. & act. §. 1. Instit. de act.* Si igitur fideiussor hæc pignora persequi vult, nihil aliud ei relinquatur, quam quod hic comprehensum est, ut consequatur a creditore, ut sibi recte cedatur pignora, eorumque actiones: quod quando recte desideretur, ut cogatur creditor facere, traditur io *L. cum alter, sup. hoc tit.* Cessis actionibus, tum est ius persequendi adversus pignorum possessores. dict. *L. cum alter.* Sed adicitur in hoc rescripto, cessis pignoribus posse fideiussorem sic agere adversus pignorum possessores, ut præses extraordinariam iurisdictionem ei præ-

beat. His verbis ea sententia continetur, quæ de nomine, aut pignore tradito multis locis expressa est: quoties nomen aut venditum, aut in solum traditum est, aut legatum, tortes eum, in quem nomen translatum est, posse aut ex persona cedentis uti directis actionibus, aut ex persona sua expertis actionibus *L. postquam, sup. de her. vel. act. vend. L. ex legato; sup. de lega. id.* & significat iurisdictionio extraordinaria hoc loco: Dicitur enim iurisdictionio extraordinaria perinde eadem figura, quæ pallidam mortem vocamus, quæ pallidos facit, rem tristem, quæ nos tristes reddit, ut sit ea iurisdictionio, quæ dat actionem extraordinariam ad pignora persequenda. Est autem extraordinaria actio, quæ est utilis, quod ex coniunctione duorum locorum intelligitur. *L. si longius, §. ult. D. de iud. & L. cum filiusfam. D. si cert. pet.* Illud expendendum, quod de actione personali mandati initio rescripti dicitur, dari hanc quidem fideiussori adversus debitorem & eius heredes, sed hac conditione, si modo hæc actio illi competat. Quid ergo, habet actionem ille non semper habet? quod si non semper, quando igitur? Et reversa non semper habet. Quando? autem & hanc habet eo nomine, aut aliam, aut nullam, de eo ita ius est. Si fideiussor aut repugnante debitore fideiussit, aut donandi animo, nullam omnino actionem habet, *L. si remunerandi, §. si passus, L. si pro te, D. mand.* Priore quidem causa, quia debitor invitatus obligari non potuit; posteriore autem,

tem, quia fideiussor debitorem sibi obligare noluit. Quod si pro non repugnante quis fideiussit, neque id actum est, ut donaret: habet ille quidem actionem in personam; sed alias mandat, alias negotiorum gestorum. Si pro absente fideiussit, non potest esse mandat actio, quæ non nascitur, nisi ex contractu, proinde & consensu, *Inst. de obl. ex consen.* Nullus est autem consensus absentium & ignorantium. Itaque hic negotiorum gestorum actio est, non mandati, *L. ex mandato, §. ult. D. mand.* Quod si pro præsentem

quis fideiussit, nec repugnante debitore, nec donandi animo; hic demum mandat actio est, non negotiorum gestorum. Nec interest, utrum præseus nominatim mandet suo nomine fideiuberi, an taceat. Illic quidem mandat actioem esse constat quia aperte præcessit mandatum. *L. ex mandato, §. 1. L. si præcedente, D. mand.* Sed nihilominus & hic eadem actio est, quia qui patitur pro se fideiuberi, aut mandari ab alio, ut sibi credatur, mandare intelligitur, *L. qui patitur, D. mand.*

Ad L. Si indebitam. 15.

Idem A. Claudiano.

Si indebitam pecuniam quasi ex causa fideiussionis obstrictus in cautionem per errorem deduxisti, tam doli mali exceptione uti, quam condicere, ut obligatio tibi accepto feratur, potes. Non est autem dubium, fideiussorem rei promittendi, bonus ad fiscum devolutis, si idem fiscus ob debitum restituendum fuerit conventus, & solverit, liberari. PP. V. Kal. Dec. Gordiano Aug. & Aviola Coss.

S U M M A R I U M.

1. Species huius scripti duplex exponitur.

Proponitur hoc loco quis pro debitore se obligasse creditori per errorem, dum falso putat fideiussionis alienæ nomine se obstrictum esse. Finge heredem esse defuncti eius, qui dicebatur pro debitore fideiussisse: ac verbis creditoris perfructum, iterum ex persona sua se obligasse nomine eiusdem debitoris, ut evitaret creditoris persecutionem, & rerum suarum distractionem. Hoc amplius proponitur, debitorem, pro quo ita fideiussit, damnatum fuisse, & bona eius vlu-dicata fisco: hac de causa fisco tanquam successorem conventum esse, & soluisse. Cum rebus ita gestis hic fideiussor conveniretur a creditore, cui se obligaverat, negabat se teneri ex sua fideiussione: aut teatur, quæsitum est. Rescriptum est, eum duplici de causa securum esse. Primum, quod is promiserit indebitum per errorem. Deinde, quod debitor principalis pecuniam solverit. Si quis promittit in-

debitum per errorem, is ultro agere potest conditione indebiti, ut hic dicitur; & multo magis, ut cautio exposita seu chirographum suum sibi reddatur. Proinde etiam ex ea promissione conveniri coperit, multo magis adversus petitionem habebit exceptionem doli mali. Cui enim damus actionem, ei multo magis exceptionem competere dicendum est. Hoc ita explicatur in hac ipsa specie in *L. 3. sup. de cond. ind. ex regula iuris, L. invitus, §. 1. D. de reg. iur.* Sed etiam fideiussor per errorem non promississet; tamen ubi debitor principalis solvit, & solutione eo modo liberatus est, extra omnem controversiam etiam, & fideiussores liberari. *L. in omnibus speciebus, D. de sol. id autem contingit, cum fisco publicatis debitoris bonis ipse solvit creditori: sic enim fisco successisse damnato cum suo onere intelligitur, ut diximus ad L. 1. sup.*

Ad L. Liberum, 16.

Sic huius legis sententia conclusa est cum *L. res, inf.* ut nisi illa expo-

sita, huius sententia intelligi facile non possit. Itaque de utriusque sententia eo loco dicitur.

Tom. IX.

Q999

Ad L.

Ad L. Omiffis. 17.

Idem A. Brasidæ.

Omiffis quoque pignoribus fideiufforem a creditoribus utiliter conveniri: nisi in id tantum, quod ex his refici non poteris, acceptus sis: explorati iuris est, PP. VI. Idus Mart. Antico & Prætextato Coss.

S U M M A R I U M.

1. *Fideiufforem acceptum in id, quod ex pignoribus*

refici non poterit, non nisi post pignorum possessiones etiam iure conveniri posse.

UBI creditori debitor pignora dedit, & fideiufforem, non tantum omiffis pignorum possessoribus fideiuffor conveniri potest, ut hic dicitur: sed etiam hodie ex constitutione Iustiniani prius conveniri debet. *Nov. 4. de fideiuf. §. sed neque ad res.* Sed † hoc ita, nisi fideiuffor acceptus sit in id, quod ex pignoribus refici non poterit, ut hic scriptum est: quæ conventio etiam nunc post superiorum constitutionem Iustiniani servanda est. Non obstat, quod ea constitutione sine exceptione cavetur, ut prius conveniantur fideiuffores, quam pignorum posses-

res. Nam fideiuffor ea conventionem acceptus, quam diximus, fideiuffor non est ante, quam pignora distracta sint: ut dicendum sit, si pignora prius conveniantur, non conveniri ante fideiufforem, qui nullus est. Nam ex supra scripta conventionem fideiuffor promittit sub conditione, si pignora distracta sint, & distracta non sufficiant ad debitam quantitatem. Quare priusquam id factum sit, non promittit, eoque & fideiuffor non est. Qui debet sub conditione, antequam conditio existeret, nihil debet. *L. cedere D. de ver. sign.*

Ad L. Si ut proponis. 18.

Imp. Philippus Augustus Smyrnæ.

Si (ut proponis) fundum ob debitum obligatum non iusto pretio vendisti: residuum quantitatem, quam ex pretio eiusdem servare potuisses, refundi tibi a fideiuffore non iure poscis. PP. V. Kalend. Augusti, Peregrinus & Emiliano. Coss.

S U M M A R I U M.

1. *Fideiuffor non tenetur creditori de residuo de-*

biti quod creditor ex distractione pignoris consequi potuit.

CREDITOR pignus sibi datum, quod valebat centum, vendidit † tantum octoginta, cum posset centum vendere. Vingt, quæ superant, a fideiuffore petit. Negat Imperator eum recte petere. Hoc ideo, quia ea viginti nec debitor principalis debuit. Nam & debitor de illis viginti ultro actionem habuit adversus creditorem. *L. 1. in princ. supr. si vend. pign. ag.* Idque ex lege & obligatione pignoris. Nam creditor in pignore omnem diligentiam, & fidem præstare debet, & ea omnia facere, quæ in re sua faceret

bonus paterfamilias, *L. si eum venderet, §. ult. & L. seq. D. de pig. alt.* Quod cum in hac venditione contra fecerit creditor: ad summam eorum viginti, de quibus agitur, necesse est eum eo nomine debitori teneri. Quod si tenetur & eadem summa adhuc debetur, tunc fit compensatio utriusque debiti, & crediti, quomodo debitor ipso iure liberatur. *L. 4. supr. de compens.* Liberato reo, recte dicitur fideiufforem eatenus non teneri. *d. L. in omnibus speciebus, D. de solut.*

Ad L.

Ad L. Si alienam. 19.

EAdem sententia est, quæ traditur in L. 3. in princ. & L. 5. sup. hoc tit. de potestate nimirum prius fideiussoris &

omnis intercessoris, quam rei principalis conveniendi. Ius immutatum in auth. præfente sup. hoc tit.

Ad L. Sententia. 20.

EAdem sententia, quæ L. 1. sup. nisi quod de parte bonorum adempta illic species proponitur, hic de omnibus

ademptis bonis. Sed utrobique ius idem proportionem L. quæ de sola, D. de revind.

Ad L. Sicut eligendi. 21.

Prior pars rescripti de potestate prius conveniendi fideiussore exposita est ad L. 3. sup. Altera de necessitate cedendorum pignorum, quæ imponitur cre-

ditori, cum pecuniam petit a fideiussore, eadem est, quæ est exposita ad L. 2. & ad L. cum alter, & ad L. mandati, sup. hoc tit.

Ad L. Si ultra. 22.

Idem Augusti & Cæsares Hermiano.

Si ultra hoc, quod accepit ea, pro qua te mandatario nomine intercessisse commemoras, daturum te scripsisti: præses provincia ex hoc, quod ultra mandatum tuum numeratum est, a te nihil exigi patietur. S. XII. Kal. Maii. CC. Coss.

S U M M A R I A.

1. *Letitio emendata.*
2. *Ultra, quam datum est, nihil deberi posse,*

quævis promissum patte, neque a debitore ipso, & multo minus a mandatore, aut fideiussore, & quare.

Proponuntur hic tres personæ mandator, creditor, & debetrix, quæ a creditore alterius mandato pecuniam creditam accepit. Res ita gesta est. Mandator mandat creditori futuro, ut decem mutuo det debitori cuidam futuræ, & in instrumento, quod de eo mandato intercessit, mandator promissit, si creditor ea decem mutuo dedisset debitori, se duodecim creditori daturum. Creditor decem debitori dedit: duodecim a mandatore ex pacto petit. Queritur, an a mandatore duodecim debeantur? Rescriptum est ab illo nihil deberi præter decem, quæ debitori ex mandato eius numerata sunt: idque hac ratione maxime, quod ultra mandatum mandatoris debitori numeratum non est. Vult tamen in omnibus exemplaribus legitur, *quod ultra mandatum tuum numeratum est*. Sed refragantur verba rescripti, quæ sunt in principio, qui-

Tom. IX.

bus proponitur debetrix non accepisse ultra mandatum mandatoris, id est, ultra decem. Ex quo vel cæco apparet, ultra mandatum mandatoris illi numeratum nihil esse. Nam ipsam accipere aliquid, & ei aliquid numerari, idem valent. Accipit enim, quod sibi numeratur: & numeratur ei, quod ipsa accepit. Non debemus igitur dubitare, quin ita legi debeat: *vel ex hoc, quod ultra mandatum tuum numeratum non est, nihil a te præses provincia exigi patietur*. Inest autem in his verbis ratio huiusmodi. Si creditor in proposito ultra mandatum tuum numerasset: tamen ultra mandatum tuum exigere nihil posset. L. diligenter, D. mand. Nunc autem ultra mandatum tuum numeratum non est debitori. Quare vel hac ratione maxime nihil a te potest amplius exigi, quam debitori datum est.

Qqqq

Quæ

3. Quæ ratio sic recte defenditur. Aut enim creditor superfluum peter mandati actione, aut ager ex pacto. Mandati agere non potest: quia mandator neque mandavit creditori, ut præter decem aliquid crederet: neque si mandasset; tamen ultra decem quidquam numeratum est. Non potest agere ex pacto: est enim ex pacto agi possit, ubi non est nuda conventio, ut non est nuda hæc, quæ proponitur, cum creditor decem mutua dedit debitori, ut duodecim a mandatore acciperet; *L. legem, supr. de pact. L. solent, D. de verb. obl.* tamen sic ex omni pacto agi potest, nisi sit pactum contra leges, aut bonos mores. *L. inirrigentium, §. ait, D. de pact. L. pacta que contra, supra de pact.* At tale est hoc pactum, quod id agitur, ut mandator amplius præstet creditori, quam creditor numeraverit. Nam aut creditor id superfluum esse vult tanquam sortem, aut tanquam usuras pecunie credere. Si tanquam sortem: ideo iniustum pactum, quia est contra legem & rationem nature, ut sit quicquam in

forte, quod numeratum non est. Et hoc est, quod dicitur in *L. si tibi decem, D. de pact.* ultra quam datum est, obligationem re contrahi non posse. Si itaque usuras: primum recte negabitur hic usum pactum esse, ut id superfluum pro usuris cederet. Deinde ut id conveniret; tamen etiam hoc pactum iure inutile est: quoniam usuræ stipulatione tantum, non etiam pacto deberi possunt. *L. 3. supr. de usur.* Postremo est usus pactum a reo principali deberi posset; tamen a mandatore in proposito deberi non possunt, ubi constat debitorum principalem eas non debere. Nam neque fideiussor, neque mandator, neque eorum quisquam, qui alieno nomine intercedunt, in duriorem causam obligari possunt. *L. Grace, §. illud, D. eod.* Bene igitur rescriptum hanc rationem reddidit, cur ultra id, quod numeratum est, nihil a mandatore exigi possit: quia quod ultra petitur, numeratum non est: idque secundum mandatum mandatoris, qui decem tantum mandavit credi.

Ad *L. Reos. 23.*

Idem AA. & CC. Antipatro.

Reos principales, vel mandatores simpliciter acceptos eligere, vel pro parte convenire, vel satis non faciente, contra quem egeras primo, post illud ad alium reverti (cum nullus de his electione liberetur) licet. S. Non. Decemb. Nicomedia, CC. Coss.

S U M M A R I A.

1. Uno ex pluribus reis debendi, aut fideiussoribus convento, nibilo magis liberari ceteros quia ut ante conveniri possint; & cur.
2. *L. 1. D. de duobus reis, exposita.*
3. Sententiam Labenit relata in *L. si per imprudentiam, §. ult. D. de evict. non probari.*
4. Unum ex pluribus fideiussoribus, aut pluribus debendi reis pro parte conventam aon ideo in reliquam partem liberari; ac ne tunc quidem, cum partem, pro qua conventus erat, solvit.
5. Unum ex duobus reis debendi parte simpliciter soluta, nihilominus in reliquam partem statim conveniri posse, nisi ceteri solvendo sint; in fideiussoribus contra.
6. Unum ex pluribus reis debendi partem pro sua persona, vel suo nomine solventem in reliquam partem liberari, fideiussorem contra; & differentia ratio.
7. Inter plures fideiussores divisio per litis contestationem actione, non posse deinceps pro aon, etiam qui solvendo non sit, ceteros conveniri; & divisio actio inter eos quando intelligatur.
8. Divisa actione inter fideiussores, non iam amplius teneri singulos, quam pro parte etiam si qui fideiussores tempore ipsa litis commissa solvendo non fuerint.
9. Id effici non creditur conventioni, sed sententia epistola *D. Hadriani.*

Cum plures fideiussores dati sunt, constat ita in solidum iure teneri omnes, ut & singuli in solidum conveniri possint a creditore, si ceteri minus sint idonei. *L. 3. in fin. L. liberam, in pr. sup. hoc*

sic. Sed & pro parte unumquemque conveniri posse multo minus dubitatur. Ultraque res dubitationes has peperit. Quid, si creditor unum ex pluribus conveniret in solidum, dum ceteros non putat idoneos?

reos? an ea res nocet creditori adversus ceteros: id est, an ceteri ea conventionione liberantur; an vero eo, qui convenus est, non satisfaciendo, etiam ceteri in solidum conveniri possunt? Quid item, si creditor pro parte cum uno egerit? an etiam hæc conventio proderit convento, ut in reliquam partem non possit amplius conveniri, si forte alter ex fideiussoribus solvendo non sit? De his ius constitutum est partim hac lege, & *L. ult. infr. partim L. liberum, supr. hoc tit.* De singulis dicam ordine.

- 1 Sit igitur prima hæc questio, uno ex pluribus fideiussoribus, aut etiam debendi reis convento, an ceteri liberentur. Dicemus non liberari, nec prohiberi creditorem, si is, cum quo primo egerat, non satisfaciat, quominus possit cum ceteris in solidum agere, si sunt plures debendi rei; aut si sunt plures fideiussores, & is qui primo conventus est, non sit solvendo. Sed etsi solvendo erit, ne sic quidem prohiberi creditorem, quominus conveniat pro parte nondum soluta ceteros, ut ius ei facere concedit. *S. si plures, Inst. cod.* Hæc sententia est huius *L. reos, & L. ult. h. tit.* Habet autem hanc rationem iuris certi, quod cum semel deberi quid coeperit, solutione quisque eius rei, non conventione, aut litis contestatione liberatur. *L. 4. D. de his, qui deiecit, vel effu. L. 1. §. si apud duos, D. dep. L. semper, §. si in sepulchro, in fin. D. quod vi, aut clam.* Ratio autem sumpta est ex constitutione notissima iuris. Nam quamvis res debita eodem statu maneat, & manent personæ debitoris & creditoris, nunquam debitor liberatur, nisi aut solvendo, aut creditori satisfaciendo. *L. si rem, §. omnis, D. de pign. act. L. item, D. quib. mod. pig. vel hyp. sol.* At cum unus ex pluribus fideiussoribus aut reis conventor, non ideo solvunt ceteri, aut satisfaciunt creditori. Proinde hæc conventio non magis liberat, quam si creditor cum uno non egerit. Huius parti duo loci opponuntur. Primum
- 2 *L. 2. D. de duob. reis*, ubi definitione de duobus reis promittendi & stipulandi simul concepta, ut diceretur, ipso iure & singulis in solidum deberi, & singulos debere: subiicitur, quod videatur necesse esse incommune ad utroque reos, de quibus propositum erat, pertinere: id est, *ad eam petitionem, acceptilationemque unius sola solvitur obligatio.* Quæ verba si, ut dixi, ad utroque pertinent, nempe illa, *petitione unius*, sic erunt accipienda, ut sit sensus: sive unus ex reis stipulandi pe-

tat, sive ab uno ex reis promittendi petatur. Hoc autem potterius contrarium huic loco. Sed sciamus petitionem unius, quæ in superiore definitione nominatur, non posse referri, nisi ad petitionem unius ex reis stipulandi. Petitio creditoris est, nullo modo debitoris. Eius enim petitio esse dicitur, qui petit, atque is est creditor. A quo autem petitur, qui idem debitor est, non dicitur eius petitio esse, sed ab eo esse petitio: quia scilicet alius ab eo petit. *L. via, D. de servit.* Sic ergo dicitur unius ex duobus reis petitione totam solvi obligationem: ut intelligatur, uno ex duobus reis stipulandi petente debitorem huic uni incipere debere, simul ab altero liberari, quod & verum est, *L. ex duobus. 16. D. de duob. reis*: quasi scilicet unus agendo, atque ita iudicio contrahendo, novam in se obligationem transulerit iudicati. *L. 3. §. idem scribit, D. de pecul.* Quod certe non contra idem valet, cum ab uno ex duobus reis promittendi petitur. Neque enim litis contestatio deteriore agentis conditionem facit, sed meliorem. *L. non solum, L. neminem, D. de reg. iur.* Faceret autem hic deteriore, si uno convento desinere alter teneri auctori, cui prius tenebatur. Ex vero uno ex duobus reis debendi convento alterum non liberari, diserte scriptum est in *d. L. 1. §. si apud, D. dep.* Sed de hac re scripti plura supra, Tit. de duobus reis stip. & prom. c. vii. Obstat præterea huic parti *L. si per imprudenciam, §. ult. D. de evict.* ubi hæc verba sunt: *Si plures mihi in solidum pro evictione teneantur* (qui plures sunt ex hac causa debendi rei) *deinde post evictionem cum uno fuero expertus, si agam cum ceteris, exceptio me esse repellendum, Labeo ait.* Dicendum igitur est re-ferri illic Labeonis sententiam, sed non probari: idque intelligi ex *L. 3. & L. seq. D. de his, qui deiecit, vel effu.* Nam cum in *L. 3.* ex Ulpiano scriptum esset, unum ex duobus reis debendi conveniri in solidum posse, & eo convento ceteros liberari: subiecta est correctio ex Paulo his verbis: *perceptione, non litis contestatione.* Idem ergo & sententiæ Labeonis superiori subiiciendum est. Idque eo magis facere debemus, quod Iustinianus nova constitutione hoc temperamentum confirmavit in *L. ult. inf. h. tit.*

Altera igitur questio est, si creditor cum uno ex fideiussoribus, aut pluribus debendi reis pro parte tantum egerit, an ea res profit convento, ut in reliquam partem liberetur; an etiam pro reliqua parte conveniri

veniri possit, ut ante petitionem. Et generaliter probandum est, quemadmodum uno convento ea conventio non prodest cæteris ad liberationem: sic nec prodesse ipsi convento, ut in eam partem, quæ ab eo petita non est, liberetur: idque efficitur eadem illa ratione, qua supra ostendimus. Nam is, qui convenitur pro parte, solidum debuit. *L. 3. sup. hoc tit.* Non potuit igitur liberari ea obligatione, nisi aut creditori solvendo, aut satisfaciendo. Qui pro parte tantum conventus est, is non ideo reliquam partem solvit, aut eo nomine satisfacit creditori. Non est igitur in eam partem liberatus, non magis, quam ante. Hæc sententia de uno ex duobus reis pro parte convento posita est in *L. si ex toto, §. 1. D. de legat. 1.* De uno autem ex pluribus fideiusoribus convento colligitur ex *L. inter eos, §. 1. D. eod.* Id adeo verum est, ut quavis creditor ab uno partem petierit, & partem etiam sit consecutus, nihilominus ab eodem possit reliquam petere eadem conditione, ut ante potuit, ut superioribus duobus locis discrete comprehensum est. Sed in hac parte aliquid inter plures debendi reos, & plures fideiussores interest. Nam cum unus ex pluribus reis partem solvit, interdum gravior tenetur, quam unus ex fideiusoribus, qui itidem partem solvit; interdum tenetur levius. Gravior tamen in eo, quod cum is partem creditori simpliciter solvit, nihilominus creditor alteram partem ab eo statim potest petere: neque distinguitur, utrum alter ex conreis solvendo sit, an non sit, quoniam singuli in solidum tenentur: neque dividitur actio inter eos, nisi si id actum est, *d. L. si ex toto, §. 1. D. de legat. 1.* At si fideiussor, qui partem solvit simpliciter: ita demum in reliquam partem conveniri potest, si cæteri fideiussores solvendo non sunt. Nam cum alter solvendo est, dividitur actio inter eos, qui solvendo sunt ex epistola D. Hadriani, hoc in *d. L. inter eos, §. 1. D. eod.* E tamen converso est, ubi unus ex pluribus debendi reis teneatur levius. Nam si partem creditori solvit non simpliciter, sed nominatim pro sua persona, vel suo nomine, & creditor ita solutionem admittit: deinceps ex alterius rei persona in reliquam partem conveniri non potest idque est, quod comprehensum est in *L. si creditores, sup. de pact.* Fideiussor contra quantumvis suo nomine se dicat partem solvere, & creditor ita accipiat: nihilominus in reliquam partem conveniri potest, si alter ex fideiusoribus solvendo non sit, ut est in *d. L. inter eos, §. 1.*

D. eod. De duobus autem reis debendi, non de duobus fideiusoribus agi in *L. si creditores, sup. de pact.* intelligitur ex verbo *admissæ*, quo rescriptum utitur. Proponuntur creditores *admissæ* unum pro sua persona solvendo. Non addiunt, unum ex reis, aut fideiusoribus: sed nihilominus reos intelligimus, non fideiussores: quia eum solum solvendo admittitur dicimur, quem volentes admittimus, & a quo partem oblatam si vellemus, accipere non cogebamur: quod tunc solum fit, cum sunt plures debendi rei. Nam ab uno ex fideiusoribus partem accipere creditor cogitur, si omnes sint solvendo. *§. si plures, Inst. eod.* Quæritur differentie ratio. Est in promptu: nam cum unus ex pluribus debendi reis dicit se pro sua persona solvere, hoc dicit: se nolle amplius personam suam teneri soluta parte. Quem ita solvendo cum creditor admittit, nempe consentit, ut is amplius non teneatur. Hic consensus pactum habet de reliqua parte non petenda. Hoc pacto debitor, qui partem solvit, liberatur. Cum autem fideiussor partem solvit pro sua persona, tamen idem dicere intelligitur, quod supra, nimirum velle se suam personam obligatione eximi: tamen creditor ut eam partem tantum ab eo accipiat, non consentit: quippe quam ideo accipit, quia accipere cogebatur; non quia vellet quidquam remissum. Nam quando quis facere necesse habet, non intelligitur in eo voluisse esse liberalis. *L. rem legatam, D. de adim. leg.* In quam sententiam totam differui pluribus, ut in loco, ad *d. L. si creditores*.

Interim tamen hoc hæc tenetur reorum & fideiussorum plurium manet commune, ut si creditor ab uno partem petierit tantum, non profit ea res convento, quo minus idem ipse in reliquam partem conveniri possit, uti ante petitionem partis poterat. Veruntamen hoc si accipiendum erit: si creditor cum uno tantum ex fideiusoribus egerit pro parte. Diversum est, si cum omnibus fideiusoribus simul egerit, cum singulis autem pro parte, atque ita inter fideiussores actionem suam dividerit. Hoc enim cum fecit, amplius post litis contestationem unum ultra partem quam ab eo semel petuit, conveniri non potest, etiam si reliqui solvendo non sint: hæc sententia est *L. liberum, sup. hoc tit.* Illic enim ita rescriptum est: *post litis contestationem diversam actionem inflaurari iuris ratio non patitur*. Dividitur actio creditoris, cum adversus omnes fideiussores pro parte agitur, & ita actio tota in iudicium deducitur.

deducitur divisum, ut colligere licet ex *L. inter eos*, §. 1. & §. pen. *L. amissi*, §. 1. *D. eod. & L. fideiussor*, *supr.* Instaurari actio dicitur, cum ab eo, qui pro parte conventus erat, solidum petitur ex persona eorum, qui solvendo non sunt. Hoc fieri ius vetat, ut est in dicta *L. liberum*. Proinde hoc vetare intelligitur, ne quisquam eorum, qui pro parte iocito conventi sunt, ultra eam partem postea conveniatur. Hæc sententia dubitationem non habet, cum fideiussores, inter quos actio divisa est, tempore litis contestatæ fuerunt solvendo. Nam ex epistola D. Hadriani inter eos, qui tempore litis contestatæ solvendo sunt, actio & obligatio dividitur. *L. 3. in fin. supr. hoc tit.* dicto §. *si plures*, *Infir. eodem*. Beneficium iuris hoc modo fideiussoribus singulis questum, nullo eventu his auferri potest. Idcirco si inter fideiussores, qui solvendo erant, divisa actione quidam postea solvendo esse desinant: ea res ad onus eorum, qui solvendo sunt, non pertinet, ut est Papiniani responsum in dicta *L. inter eos*, §. pen. *Id. eod.* Sed res non caret dubitatione iusta, si creditor dividerit actionem inter eos fideiussores, qui tempore litis contestatæ solvendo non fuerunt. Nam inter eos ex epistola D. Hadriani actio non dividitur, ut videtur: cum iubeatur inter eos tantum dividi, qui solvendo sunt. Rursum ereditor partem petendo a singulis, non ideo pacifici intelligitur, ne a singulis reliquam partem petat: quo fit, ut non videatur prohiberi partem reliquam a singulis petere, etiam post litem cum singulis pro parte contestatam.

Sed si nihilominus & hoc verum est, divisa inter fideiussores actione, id est, omnibus conventis, & singulis pro parte, sic totæ eorum actionem dividi: ut non magis ab uno reliqua pars peti possit, quam peti possit, si omnes solvendo fuissent tempore litis contestatæ. Id non obscure colligitur ex *L. amissi*, §. 1. *D. eod.* Illi ita Papiniani responsum est: si ex persona pupilli tutoribus auctoribus eam pluribus fideiussoribus, qui pupillo obligati erant, actum sit iudicio, & divisa inter eos actio, cum quidam ex illis solvendo non esset tempore litis contestatæ: posse minorem in integrum restitui adversus eum, qui solvendo erit, ut in eam partem conveniatur, in quam reliqui solvendo non sunt. Cum Papinianus dicit, pupillum in integrum restitui posse, satis significat eum iure communi adversus eum, qui solvendo est, agere non potuisse. Quoties enim minor iure communi, & auxilio ordinario

munitus est, cessat in integrum restitutio, *L. in causse*, 2. *D. de minor.* Ergo maior creditor si idem fecisset, nullum remedium iure haberet adversus eum, qui esset solvendo. Id etiam satis aperte colligitur ex dicta *L. liberum*. Nam questio illuc initio posita est de pluribus fideiussoribus, quorum quidam minus idonei fuerunt tempore litis contestatæ, & ante. Et rescriptum est, unum ex his conveniri posse in solidum ab initio; sed semel actione inter eos divisa, non licere post litis contestationem actionem instaurare. Refertur hoc igitur ad eos, de quibus questio posita erat, id est, ad eos, qui tempore litis contestatæ solvendo non fuerunt: quibus dictum superiorem divisionem prodelle.

Sed adversus hanc sententiam multa disputari possunt, quæ breviter diluamus. Ac primum in eam rem hoc argumentum est. Si unus ex pluribus fideiussoribus pro parte conventus in reliquam partem liberatur, ut deinceps de ea conveniri non possit: necesse est aut iure liberetur, aut ereditoris conventionem. Neutrum esse reperietur. Non liberatur iure civili: nam singuli hoc iure solidum debent. *L. 3. supr. eod.* Non ex epistola D. Hadriani: nam ex hæc epistola dividitur actio tantum inter eos, qui solvendo sunt. *d. L. 3. supr. §. si plures*, *Infir. eod.* Nos autem agimus de his, quorum quidam solvendo non fuerunt tempore litis contestatæ. Rursum non liberatur fideiussor pro parte tantum conventus creditoris conventionem. Non enim si ereditor partem petiit a singulis, ideo cum singulis pacifici intelligitur, ne reliquam petat, ut iam dixi: argumento est, quod si ereditor ab uno solo petierit partem, non ideo is in reliquam partem liberatus intelligitur, ut supra docuimus. Quapropter ne tunc quidem liberabitur, cum creditor non eum uno tantum egit, sed egit pro parte cum omnibus.

Respondeo: si cum ereditor partem petiit eodem tempore a singulis fideiussoribus, scilicet, singulos consensu ereditoris in alteras partes non liberari, certe de eo consensu nihil probare. Sed liberatur ex epistola D. Hadriani, quoties creditor inter fideiussores divisi actionem: non quidem verbis epistolæ, sed sententia. Nam epistolæ verba cogunt solum dividi actionem, eum fideiussores solvendo sunt; non autem cum solvendo non sunt. Sed si nihilominus ereditor sua sponte actionem inter eos dividerit: sententia epistolæ est, ut omnes pro parte tantum deinceps tepeantur, quavis ab initio non omnes sol-

ven-

vendo fuerint : quia creditor actionem inter fideiussores dividendo solidi petitionem renuntiavit. Colligitur hæc sententia hoc argumento. Nam si creditor coactus divideret actionem inter eos, qui solvendo erant: non potest postea ex epistola unum ex his in solidum convenire, quanvis alter desinat eile solvendo. Ergo multo minus poterit unum convenire in solidum, ubi sua sponte non coactus divisit actionem inter eos, qui iam tum solvendo non erant. Nec in eo fit creditori iniuria, atque adeo nullum damnum eius esse videtur, si sua culpa damnum sentit, ut est regula iuris. *L. quod quis ex culpa, D. de regulis iuris*. Nunc autem certa culpa eius id accidit. Nam si scibat aliquos solvendo non esse, cur non convenit in solidum eum, qui solvendo erat? si ignorabat aliquos solvendo non esse; tamen fuit in potestate eius unum quemlibet in solidum convenire: nec cogitur cæteros convenire pro parte, nisi si fideiussor, qui in solidum convenitur, id postulet, ut fiat periculo suo. *L. si dubites, 10. in pr. D. eod.* Id si non fecit creditor, de se queri debet. Confirmatur hæc sententia verbis *L. liberum, supra*. Nam cum illic diceretur divisam actionem instaurari non posse, ratio hæc addita est: non quia creditor consenserit; sed quia iuris ratio id non patitur.

Secundum argumentum adversus superiorem sententiam hoc est: Cum sunt duo fideiussores, puta, Primus & Secundus, ac Secundus solvendo non est, si creditor cum utroque pro parte agat: & volumus Primum non posse conveniri ex persona Secundi, qui solvendo non est: necesse est Primum pro ea parte liberari, aut ex persona sua, quia ipse pro parte conventus sit; aut ex persona Secundi, quia Secundus pro parte fuerit conventus. Atqui non liberatur Primus, quia sit tantum conventus pro parte. Nam si solus conventus esset pro parte, non ideo in reliquam partem liberaretur, ut supra docuimus ex *L. inter eos, §. 1. D. eod.*

Non debet etiam liberari pro altera parte, quia Secundus pro ea parte conventus sit: quippe electione Secundi Primus non liberatur, & generaliter unius electione non liberantur cæteri, si is qui electus est, non satisfaciat, ut in hac *L. res, diserte constitutum est*. Quare Primus in proposito nullo modo pro reliqua parte Secundi liberatur. Respondeo, sic res habet: neque Primus ideo liberatur, quia cum ipso pro parte actum sit; neque ideo, quia Secundus in reliquam partem sit electus: denique neque consensu creditoris liberatur, neque Secundi fideiussoris electione. Sed liberatur propter divisam a creditore actionem: quia hanc divisionem ius ratam habet, quasi actione divisa solidi petitionem ille remisit, ut dixi.

Tertium & postremum in eandem sententiam argumentum hoc est: creditor antequam litem cum omnibus fideiussoribus contestaretur pro parte, potuit unumquemlibet ex his in solidum convenire si cæteri idonci non essent, *L. liberum in pr. sup.* Ergo & post litem contestatam poterit, quanvis inter eos divideret actionem, litem contestando; quoniam nemo litem contestando deteriorem suam conditionem facit, sed meliorem. *L. non solet, L. nemo enim, D. de reg. iur.* Respondeo: quod creditor post divisam inter fideiussores actionem non potest amplius unum in solidum convenire: non fit propter litis contestationem, quæ revera nunquam nocere solet; sed fit, ut iam dixi, propter divisionem actionis, quæ tamen dividi non potest, nisi litem cum singulis creditoribus pro parte contestando. Ita rata erit hæc sententia: divisa inter plures fideiussores actione, idest, omnibus pro parte virili conventis, non posse deinceps unum ex fideiussoribus in solidum conveniri ex persona eorum, qui solvendo non sunt, siue tempore litis contestatæ omnes solvendo fuerint, siue iam tum quidam ex ius solvendo non fuerint.

*Ad L. Fideiussoris. 24.**Idem AA. & CC. Pergamio.*

Fideiussoris quidem heres exemplo rei principalis tenetur. Sed si idem utrisque succedat, intercessionis obligatione finita, velut principalis tantum debitoris heres conveniri potest. S. XI. Kal. Ian. CC. Cass.

S U M M A R I U M.

1. *Cam fideiussor debitoris, aut debitor fideiussori, aut unus & idem utrique succedat, toties*

unam tolli obligationem, & eam fideiussoriam, non principalem: & cur ita utrumque.

Fideiussore mortuo etiam heres ex causa fideiussionis obligatur. §. *fideiussor non tantum, Inst. eod.* Hoc ita est: nisi hic heres sit heres debitoris eius, qui fideiussori suo prius succederat. Nam & hic heres ut debitori, ita per interpositam personam debitoris fideiussori quoque heres est. *L. 2. L. 3. D. de her. 1. pet. L. ult. sup. de Instis.* Nunc ¶ autem quoties aut fideiussor debitori principali, aut debitor fideiussori; aut quod idem valet, unus idemque fideiussori & debitori succedit; toties altera obligatio tollitur: quoniam necesse est natura di-

versos esse, eum qui fideiubet pro aliquo, & eum pro quo fideiubetur. *L. heres, §. seruo, D. h. s.* Utra igitur obligatio tollitur, fideiussoria, an principalis? Placet fideiussoriam obligationem perimi, principalem manere. *d. L. heres, §. seruo, L. Stichum, §. quod vulgo, D. de sol. & hoc loco.* Est recte: nam si principalem perimi vellemus, eadem opera accideret, ut tolleretur & accessoria. *L. in omnib: speciebus, D. de solut.* Itaque utraque perimeretur cum summa iniuria creditoris: nos autem unam saltem manere volumus.

*Ad L. Pignoriibus. 25.**Idem AA. & CC. Philippo.*

Pignoriibus datis a reo principali distractis, nec post longi temporis intervallum residuum a fideiussore creditor petere prohibetur. S. VI. Kal. Ian. CC. Cass.

Creditor parte debiti soluta, res quas pignori obligaverat, vendidit, non consentiente debitore. Deinde res ab emptoribus possessa longo tempore adversus creditorem usucapae sunt, iuxta *L. 1. & L. 2. sup. si adver. cred. prae. oppon.*

Pignore liberato queritur, an liberentur quoque fideiussores pro eo, quod reliquum debetur. Rescriptum est, uno genere cautionis soluto, non ideo fideiussores liberari, de qua re diximus ad *L. etiam si, sup. haec sit.*

Ad L. Sancimus. 16.

Imp. Iustinianus A. Iuliano *Præfeto pratorio*.

Sancimus, si quis pro alio sponderit, quatenus eum intra certum tempus tradat, vel certam quantitatem pecuniarum pro eo inferat, & tempore statuto iam effluente non poterit eum representare, non statim pecunias pro eo stipulatas inferre, sed competere quidem post temporis lapsum omnimodo, pœnalem actionem: non autem statim summam, pro qua fideiussor admissus est, proligari. Sed siquidem usque ad sex mensium spatium tempus statutum sit, aliud tantum ei indulgeri [sancimus,] intra quod si possit personam exhibere, & eam tradere, pœna sit liberatus. Sin autem amplius quam sex mensium tempus ab initio constitutum est: tunc quantacunque temporis curricula data sunt, tamen post lapsum eorum semestres tantum habere eum inducias intra quas sit ei licentia personam & non pecunias reddere. Sin autem & secunda adiectio temporis excedat: tunc omnimodo pœnam pecuniariam persolvat. Sed si quidem post statutum ab initio tempus completum maluerit reum pro quo convenitur, defendere: licere ei hoc facere, nisi pacti tenor ad hoc reclamaverit, si forsitan sine defensione facienda pro eo fideiussit. Sed si defensionem subierit, eam usque ad finem implere: nulla ei licentia concedenda in medio personam tradere, & pecuniarum dationem effugere. Sin autem & secundum tempus effluxerit, nullo modo ei licentia concedatur nec ad defensionis venire præsidium: sed omnimodo pœnam conferas, nisi intra primum tempus quod statutum est, reus principalis ab hac luce fuerit subtractus, tunc enim penitus ab exactione pœne liberum eum custodiri oportet. Quod si secundo tempore instante mortuus fuerit, nihilominus pœna iam commissa a fideiussore exigatur: omnibus quæ in fideiussores, quando tali pœna fuerint illigati, statuimus, & in heredes pro utilitate eorum obinentibus. Dat. VI. Kalen. April. Constantinop. Lampadio & Oreste VV. CC. Coss.

S U M M A R I A.

1. Summa constitutionis.

Promisit † aliquis se altum iudicio statum intra certum tempus; & nisi lituisset, promisit pœnam, ut est species L. *quoties quis*, §. 1. D. de ver. obl. Intra tempus stipulatione constitutum pœnam peti non posse semper constituit, siue is de quo agitur, sit adhuc possit, siue non possit, & quidem culpa promissoris. L. *si eum*, §. 1. D. si quis caut. Tempore constituto transacto, an pœna statim peti possit, quæsitum est. Olim potuit, nisi quod liberari potuit promissor, si post tres pluresve dies liseret iudicio eum, quem oportebat, & non fecisset actoris ius deterius. L. *et si post tres*, D. si quis caut.

2. Singularia constituta hac lege, & constitutendi ratio.

Hic constitutum est, non statim pœnam peti posse. Etque totius constitutionis hæc definitio. Nam si is, de quo titulendo agitur, vivit, Iustinianus post tempus conventionis comprehensum, etiam aliud adiecit legitimum, intra quod adhuc promissori hominem sistere & exhibere liceret. Id tempus est sex mensium, si stipulatione sex item menses dati erant, aut longius tempus, quam sex mensium. Quod si infra sex menses tempus conventionis constitutum sit: Iustinianus nihil expressit, quod tempus hic insuper vellet adici. Sed bene Accursius colligit ex sententia legis tempus duplicari. Præterea intra hoc legi-

legitimum tempus, quod a Iuliano adici-
ci diximus, non solum si promissori ad li-
berationem hominem siltere, seu exhibe-
re concessit; sed etiam fecit ei potesta-
tem eius nomine defensionem suscipiendi:
ut siue eum exhiberet, siue eum defende-
ret, poenam non deberet: dummodo non
convenisset nominatim ab initio, ut nec
eam, de quo agitur, defendere liceret.
In hac defensione hoc adiecit: ut si pro-
missor absentis defensionem suscipit, sciat
sibi postea liberum non esse eum hominem
exhibere, sed dehere ipsum in ea defen-
sione ad extremum perseverare. Hæc, ut
dixi, si is qui silti debuit, adhuc vivit.
Quod si mortuus est, siquidem intra tem-
pus stipulatione constitutum: promissor li-
beratur; sin post id tempus, statim poena
committitur, & statim a promissore exigi
a potest. Hæc † summa constitutionis, in
qua duo singularia notanda sunt. Primum
illud quod Iustinianus novum spatium pro-
missori dedit ad hominem exhibendum,
& poenam evitandam. Nam ante ubicun-
que intra certum tempus quid fieri pro-
mittitur, & nisi factum sit, promittitur
poena, sic ius fuit perpetuum: ut si fa-
ctum non esset, quod debet, ita poena
committeretur, ut eam postea purgare non
liceret ad poenam evitandam. *L. traie-
ctis, D. de oblig. & act. L. magnam,
supr. de cent. stip.* contra quam Iustinia-
nus in hac specie constituit. Constitutio-
nis ratio & æquitas hæc videri potest:
quod difficile sit homines siltere, & mul-
tæ causæ incident, propter quas silti non
possint; etiam cum maxime promissor vo-
luerit, & dederit operam, ut silteret. Ita-
que hanc difficultatem leniit Iustinianus
longiore tempore ad exhibendum consti-
tuto. Alterum illud singulare, quod intra

tempus legitimum a se constitutum fecit
potestatem promissori suscipiendæ defen-
sionis absentis. Nam alioqui ita ius est, ut
qui promittit se aliquem silturum, eum si-
tendo, idest, faciendo, quod promittit,
liberetur: aliud autem faciendo, & gene-
raliter aliud pro alio solvendo promissor
invito creditore liberari non possit. *L. 2.
§. 1. D. si cer. pec.* Cur ergo Iustinianus
hic contra constituit adversus creditorem?
quia hoc constituto, non ideo videtur cre-
ditori fieri iniuria, sed potius id præstari,
quod promissum est: si spectamus id, quod
actum fuit, idest, mentem, & propositum
contrahentium. Nam ideo promittitur quis
silti, ut sit creditori eius conveniendi, &
cum eo indicio agendi copia; satis autem
conveniri videtur, qui aut per se defen-
ditur, aut per alium qui condemnatus iu-
dicatum facit. *L. 2. D. quib. ex caus.
in poss. eat.*

Quod Iustinianus constituit, ut homine,
de quo agitur, intra tempus conventio-
nale defuncto liberetur promissor; & hoc
item ius vetus est. *L. si decesserit, D.
qui satis. cog.* cuius ratio redditur in *L.
si homo, D. de verb. obl.* Quod consti-
tuit, ut homine post id tempus defuncto
statim poena peti possit, habere potest du-
bitationem ex præcedentibus partibus ho-
ius constitutionis. Quæritur enim, quare
& in hac causa Iustinianus non condu-
plicaverit tempus, ut fecit, cum is homo,
de quo agitur, adhuc vivit. Sed ratio non
est obscura. Quippe nequidquam in hac
specie tempus novum daretur. Nam prius
dabatur tempus novum eius hominis exhi-
bendi, aut defendendi gratia. Inpre dæ-
retur hoc tempus eo homine iam mortuo:
cum mortuus neque exhiberi, neque defen-
di possit.



*Ad L. Si fideiussor. pen.**Idem August. Ioanni Praefecto praetorio.*

Si fideiussor nullam quidem cautionem faciat, ostendens se fideiussorem exiisse, presentibus autem tabulariis hoc confessus est, quod in fide sua eum suscepit: dubitabatur a Palastina advocatione, utrumne post duos menses liberetur, quasi sine scriptis fideiussione facta secundum generalia edita sublimissime praetoriana sedis: an, utpote scriptura interveniente, teneatur. Et divisio alia introducebatur, si idem iuris esse debeat tam in publicis causis, quam in privatis. Sancimus itaque, nisi confessio literis exposita fuerit a fideiussoribus ex representatione personarum, licet attestatio super hoc processerit, attamen adhuc sine scriptis esse fideiussionem, videlicet in causis privatis existimari: & duobus mensibus effluentibus, ab huiusmodi nexu fideiussores liberari: nisi in tempus certum data est fideiussio. Tunc enim in tantum eam extendi in quantum etiam attestatio fuerit expressa. Sin autem in publica causa (necessitas interveniat) tunc omnimodo attestationem pro scriptura haberi. Multi enim privilegii propter publicas necessitates publico iuri praestiti, non ab re est & nos huiusmodi prerogativam ei constimare. Dat. XII. Kalend. Mart. Constantinopol. post consulatum Lampadii, & Orestii VV. CC.

IN praefectura Joannis praefecti Praetorio haec lex servabatur: ut si fideiussor promississet aliquem indicio fisci, siquidem & scriptis intervenientibus, perpetuo teneretur; sine scripto autem liberaretur post duos menses. Hoc iure posito, ex facto quaesitum est. Fideiussor promissit alium indicio fisci sine scriptis. Postea apud tabellarium confessus est se id promississe, & eius confessionis instrumentum factum est. Quaestio, an hic videatur in scriptis promississe, an sine scriptis? ut sic intelligamus, an is ad legem superscriptam pertineat, an non pertineat. De ea re hic ita constitutum est: siquidem de causa elvili agatur: videri fideiussionem sine scripto factam, ut scilicet initium spectemus: ideo fideiussorem secundum legem superscriptam post duos menses non teneri. Sin

In causa criminali idem factum sit: videri contra fideiussionem in scriptis factam, ut sic fideiussor perpetuo teneatur: quia res pendendi debeat ex constellatione sequente, non ex eo, quod ab initio factum sit. Cur haec tam varie, cum utrobique factum sit idem? Ait Iustinianus, id se propter utilitatem publicam in causa criminali constituere. Quenam ergo illa est necessitas, & utilitas publica, quam intelligit? Ea est, quam dicimus in persecutione delictorum versari. Reipublice enim interit delicta non manere impunita. Pertinet id ad vigorem disciplinae publicae, propter quam utilitatem multa iure civili contra regulas communes iuris recepta esse constat. *L. ita vulneratus, vers. quod si quis, D. ad L. Aquil. locatio, S. quod illicito, D. de public.*

Ad L.

Ad L. Generaliter. ult.

Hæc lex exposta est ad L. reos, supr. hoc tit.

LIBERATIONUM DIVISIO, HARUM GENERA,

Et sequentium duorum titulorum argumentum, ac sedem in hoc genere indicans.

S U M M A R I A.

- | | |
|--|--|
| <ol style="list-style-type: none"> 1. Ipso iure tolli obligationem quid. 2. Liberationum, quæ ipso iure contingunt, genera. 3. Solutio. 4. Compensatio. 5. Oblignatio. 6. Nuda consensu quæ tollantur obligationes. 7. Novatio. 8. Acceptilatio. | <ol style="list-style-type: none"> 9. Mutatione prioris status obligationis quibus modis tollatur obligatio. 10. Confusio. 11. Interitus rei debite. 12. Duarum causarum lucrationum concursus. 13. Tempore quæ, & quomodo finiantur obligationes. 14. Pacto obligationem ad tempus constitui non posse ipso iure. |
|--|--|

Diximus ad titulum de exceptionibus, supra, liberationum genera summa esse duo: aut enim ipso iure liberari debitor, aut per exceptionem. Quibus modis liberetur quis per exceptionem, illic iudicavimus. Sequuntur liberationes eæ, quæ ipso iure contingunt, quo ex genere sunt hæc, de quibus proximis tribus titulis agitur, sed pauca ex innumeris. Plures Iustinianus in *Instit. Tit. quib. mod. sol. obl.* hoc argumentum ex professo tractans complexus est. Non plures tamen, quam quæ ex voluntate reorum contingunt: ac ne eas quidem omnes. Quas ut esset complexus; non tamen haberemus omnes species huius generis, sunt enim non pauca, quæ & sine voluntate reorum eveniunt. Quare cum de liberationibus sint hi tituli, qui sequuntur: ne quis iam ab initio eo numero deceptus in his generibus versari omnes liberationes existimet; simul ut monitus longe plura genera esse, hæc ipsa, quæ sunt, iam ante animo perpicere possit, & videre, illæ quæ sequuntur, ad quod ex his genus referri debeant; recte fecerimus, si initio liberationum omnium istarum, quæ iure ipso obligationem tollunt, genera, eorumque generum species breviter complectamur. Id ita commodissime consequi posse videtur.

1. Ipso iure liberatio est, cum qua obligatione prius tenebatur debitor, ea ita tollitur verbis ipsius legis, ut nulla amplius superfit. Tollitur i hoc modo iure communi omnis obligatio dupliciter. Aut enim

solvitur eorum facto, ad quos ea res pertinet: aut his etiam invitis sua sponte extinguitur. Prioris generis sunt eæ liberationes, quæ sequentibus titulis exponuntur. Posterioris genus, ut dixi, totum & hoc loco, & in Institutionibus in hoc argumento prætermisum est. Facto reorum obligatio partim solutione tollitur, partim dissolvitur consensu.

Solutio i est præstatio rei debite. *L. 3. solutam, D. de solut.* Hæc præstatione maxime naturaliter tollitur omnis obligatio. *Instit. quib. mod. toll. obl. in princ.* Nam obligatio omnis huc spectat, ut aliquid præstetur, ut declarat obligationis definitio, *Instit. de obl. in pr.* Ita hoc præstito obligationi satisfactum est. Solutionem cum dicimus, etiam eas species volumus intelligi, quæ solutionis vicem habent. Hæc duæ sunt: Compensatio, & Oblignatio pecuniæ debitor. Compensatio i est crediti & debiti invicem contributio. *L. 1. D. de compens.* Hæc ita fit, cum ex duobus, quorum uterque & debitor esset & creditor, unus debitum cum credito contribuit. Hoc modo iure ipso tollitur obligatio: non alia de causa, quam quod compensatio pro solutione habetur, ut est in *L. 4. supr. de compensation.* Et recte habetur: sic enim debitor compensare intelligitur, cum quod a creditore suo sibi debitum exigere poterat, id apud eum esse vult pro soluto, quod perinde est, ac si id a creditore exegisset, & acceptum illi solvisset. Hic ordo naturalis futurus erat: sed celeritate actionum coniun-

iungendarum hic circuitus vitatur, iuxta
L. 3. §. ult. D. de don. int. vir. & ux.

- 5 De § obligatione est in L. *obligatio-
ne, inf. de sol.* ubi dicitur. Siue solu-
tione consensu dissolvitur obligatio, cum
id agitur, ut ab obligatione discendatur:
sive ut qui tenebatur, amplius non te-
neatur. Id contingit alias nudo consensu;
alias cum legitimis aliquis actus ad con-
sensum acceterit. Nudo § seu solo con-
sensu obligationes dissolvuntur, quæ con-
sensu contractæ erant, cum id agitur re-
bus adhuc integris, ut ab obligatione re-
cedatur. Huiusmodi contractus sunt, em-
ptio venditio, locatio, conductio, socie-
tas, mandatum. De hoc genere est in §.
ult. *Inst. quib. mod. tol. obl. L. ab em-
ptione. D. de pact.* Hoc modo cæteræ
obligationes non tolluntur. Velat regula
iuris, quæ dicitur, secundum naturam esse
unumquodque dissolvi eo modo, quo col-
ligatum est L. *nihil tam naturale, L. fere
quibuscumque, D. de reg. iur.* Sed tol-
luntur tamen & cæteræ obligationes con-
sensu, cum ad consensum idoneum ali-
quid, quod valeat ad liberationem acce-
serit. Quam ad rem recepta sunt genera
dun, Novatio & Acceptilatio: in quibus
præter consensum licet observare hæc,
quæ confirmant liberationem, partim ob-
ligationem novam, partim verba, partim
litis contestationem, de quibus postea suis
locis.

- 7 Novatio § est prioris obligationis in
aliam transfusio. L. 1. *De novat.* Vel hinc
intelligitur sic novatione nasci novam ob-
igationem, ut simul tollatur prior trans-
lata in posteriorem, d. L. 1. L. 2. *D.
de novat.* De hoc genere est in §. *præ-
terea, Inst. quib. mod. tol. obl.* De eo
dicemus amplius ad titulum proximum
- 8 *De novat.* Acceptilatio est § verborum
conceptio, quibus creditor a debitore in-
terrogatus, an quod sibi debetur, acce-
ptum habeat, acceptum ferat, respondet
se acceptum habere, acceptum ferre. Hoc
modo non omnes obligationes tolluntur,
sed quæ verbis, idest, stipulatione con-
tractæ erant: idque efficit eadem illa re-
gula iuris, quam ante dixi d. l. *nihil
tam naturale, D. de reg. iur.* De hoc
genere est in §. *item per acceptilationem,
Inst. quib. mod. tol. obl.* Et de eo non-
nihil amplius attingemus ad tit. *De ac-
cept. infr.*

Non solum consensu tollitur obligatio,
quod fit superioribus modis; sed etiam
invis & ignorantibus iis, ad quos ea res
pertinet: quod erat alterum genus iustæ
liberationis. Hoc modo extinguitur ob-

ligatio dupliciter. Nam aut mutatione
prioris status intercidit, aut finitur tem-
pore. Licet enim nobis hoc loco brevi-
tatis causa amissionem rei, quæ salvo cor-
pore contingit, ad mutationem prioris sta-
tus referre, ut interitu rei contineatur:
etli in iure quoque harum rerum non-
nihil interlit. Neque enim nunc omnia
genera liberationum exacte persequimur:
sed tantum genera summa leviter indica-
mus, plentis alias de his & subtilius suo
loco per opportunitatem dicturi. Muta-
tione § prioris status intercidit, quoties
res redit in eum casum, a quo incipere
non potest, quæ perpetua iuris definitio
est in obligatione ex contractu. L. *pro
parte, D. de servit. L. existimo, D. de
verb. obl.* Nulla ab initio contrahi obli-
gatio, aut consistere potest sine personis
debitoris & creditoris, inter quas con-
trahatur: nulla sine re, quæ deducatur in
obligationem: nulla sine eo, ut quid inde
creditori acquiratur. Proinde siue per-
sonæ illæ postea esse definiant; siue de-
stant eise res, quæ possit deberi: siue iam inde
creditori nihil acquiri possit, obligatio sua
sponte ex eventu intercidit, rediens in
eum casum, a quo incipere non poterat.
Hinc hæc genera liberationum nata, ut
extinguatur obligatio: a personis, con-
fusione; a rebus, interitu rei debitiæ, a
potestate acquirendi, dominio rei debitiæ
creditori quæsitio.

Confusio § est: cum creditor debitori, 10
aut debitor creditori suo succedit. L. *de-
bitori, sup. de pact. L. Stichum, §. ad-
tio, D. de solut.* Hic confundi obligatio
dicitur, quia concurrunt in unam perso-
nam obligatio & actio, in qua persona &
hæc confunduntur: cum scilicet idem cre-
ditor esse incipit, & simul debitor, quod
natura non patitur. Ex quo evenit, ut
obligatio hoc modo extinguitur.

Interitu § rei debitiæ, qui sine culpa 11
& mora debitoris contigerit, omnis de-
bitor liberatur. L. *ex legati, D. de verb.
obl. L. quod te, D. si cert. pet.* Hoc ex
eo, quod sine re ab initio consistere non
potuit obligatio: quo fit, ut ea re sublata
res redeat in eum casum, a quo incipere
non poterat, ac proinde tollatur §. *item
contra, Inst. de inutil. stipulat.* Si culpa
debitoris res pereat, vel quia rem debi-
tam occidit, vel quia mora eo facta est,
quomodo cum recte daret: perinde tenetur
quasi res exstaret, d. L. *si ex legati,
& L. seg. L. nemo, §. 1. D. de verb.
obl.* Interitum rei cum dico, non tantum
intelligi naturalem interitum; sed & ci-
vilem, cum res debita ex hominum com-
mer-

meritis eximitur. *d. §. item contra, Inst. de iust. stip. l. inter, §. sacram, D. de verb. oblig.*

- 12 Dominio rei debitæ creditori quanto eadem de causâ obligatio extinguitur: quia ab initio res nostra nobis deberi non potest. *Inst. de iust. stip. in pr.* Sed hoc ita temperatum est a veteribus, ut ita demum dominio rei debitæ creditori, quanto debitor liberetur, si res debetur ex lucrativa causâ, eademque ad eum pervenerit ex alia causâ lucrativa. Ut, si res aliena ei legata sit testamento alienius, deinde sit donata a domino: heres is a quo legata erat, ipso iure liberatur. *L. omnes debitores, D. de obl. & act. §. si res aliena, Inst. de legat.* Quod si res ex causâ lucrativa debita, pervenerit ad creditorem ex alia causâ onerosâ; puta quia prius legatam, aut donationis causâ promissam ab eo, qui dominus non erat, postea vel ex permutationis causâ, aut in dotem a domino accepit: debitor prior non liberatur. *L. ex promissione, D. de obl. & act.* Idemque e converso dicendum est, si res creditori emptâ sit; deinde ad eum pervenerit ex causâ lucrativa. Verum hic occurritur veteribus: nam quocunque modo res debita facta sit creditori, semper verum est, rem illi amplius dari non posse, atque ita rem rediisse in eum casum, a quo incipere non poterat. Cui consequens erat, etiam hoc modo tolli obligationem, secundum constitutionem illam iuris supra a nobis positam, & ab his ipsis veteribus receptam: quod illi in hoc temperamento mutant. Imo illi hic omnia secum admodum consentienter. Cum enim res ex causâ onerosâ pervenit ad creditorem, perinde habetur, quasi non pervenisset: propterea quod creditori pro ea re aut pretium abest, aut alia res pro pretio. Sic

autem definerunt iidem illi veteres, & recte: ei rem abesse videri, cui pro re tantundem abest. *L. Labeo & Sabius, D. de verb. sig.* Tempore rei finitur obligatio ipso iure, cum lege obligatio & actio ad certum tempus constituta est: exemplo est redditoria, & actio, quanto minoris res valuit, quam emptâ est: quorum illa intra sex menses; hæc intra annum dator edicto edilium. *L. sciendum, §. ult. D. de ad. ed.* nempe prior post sex menses nulla erit, posterior post annum. Idem accedit in omnibus honorariis actionibus ex maleficio, quæ intra annum constitutæ anno finiuntur. *L. in honorariis, D. de obl. & act.* Si ab initio simpliciter actio constituitur lege; deinde aliis legibus caveatur, ut actio duret tantum ad triginta, aut quadraginta annos: sic hæc derogatio accepta est, ut posteriore lege non tollatur obligatio ipso iure post triginta, aut quadraginta annos; sed tantum per exceptionem, quæ dicitur præscriptio temporis. *L. omnes, L. sicut, supr. de præsc. trig. vel quadr. ann.* Scilicet quia ab initio sine præscriptione temporis obligatio constituta erat, quæ cum sit una ex legibus prioribus, non recte videatur leges priores in ea obligatione pro parte temporis luberi manere, & pro parte abrogari. Ita manent in omne tempus ipso iure; sed post tempus posterioribus legibus constitutum exceptione opposita oblique abrogantur. Illud rei monendi sumus, solum hoc lege efficit posse, ut constitutur obligatio ad tempus ita, ut transacto eo tempore finiatur. Ceterum pactio ad tempus obligatio constituit non potest, quia post tempus iure civili obligatio maneat. Sed post tempus perenti obstat pactio, seu doli exceptio. *L. obligationum fere, D. de obl. & act.*



A D T I T U L U M XLII.

DE NOVATIONIBUS ET DELEGATIONIBUS.

S U M M A R I A.

1. *Novatio quid.*
2. *Novatio fit solum per stipulationem, & litis contestationem, non nudo consensu.*
3. *Naturalem pupilli obligationem posteriorem verbis iudiciali ad novationem sufficere, servi non item: & cur.*
4. *Novationem nullam esse sine animo novandi, & eo verbis nuncupato.*
5. *Novatio voluntaria & necessaria.*
6. *Voluntaria que; & quomodo fiat tum cum debitor, tum cum extraneo.*
7. *Delegatio, quid.*
8. *Voluntaria novationis effectus.*
9. *Necessariam novationem fieri lite cum vere debitor contestata.*
10. *Litis contestationem novationem habere, & hoc quam verum sit, & quatenus.*
11. *Novatio necessaria per litis contestationem quibus in rebus spectetur pro commodo creditoris.*

NOVATIO, ut supra attigimus, est prioris debiti in aliam obligationem, vel civilem, vel naturalem transfusio, atque translatio, sic Ulpianus in *L. 1. D. cod.* Fit hæc translatio duobus his rebus intervenientibus: nova eiusdem debiti obligatione contractus; & interposita novandi voluntate. *d. L. 1. D. eo. & L. 3. in fin. inf. hic.* Nova est obligatio ad eam rem utilis contrahitur aut stipulatione, aut iudicio de eadem re suscepto, seu per litis contestationem. Unde & totidem modis dicitur veli delegatio, species novationis in *L. delegare, D. cod.* Quippe ex stipulatione nascitur actio de iure civili. *S. de constituta, Inst. de act. iudicio* autem recepto contrahitur, sicut stipulatione. *L. 3. S. idem scribis, D. de pec.* Solus consensus, seu nudum pactum ad novationem nihil prodest, quanvis animus novandi accesserit: non tam ideo, quod ex pacto non nascitur actio (quid enim, si quis hinc naturalem nasci obiciat, quæ ad novationem sufficit?) quam quod pactio non tollit obligationem civilem nudo consensu ann contracta. *L. si unus, S. palus, D. de pact.* Novatione autem priorum obligationem tolli volumus. At potest obligatio prior tolli verbis, idest, stipulatione: quia in stipulationibus lus versatur, ut est in *d. L. si unus, S. palus.* Potest & iudicio propter rerum iudiciorum auctoritatem, quam servari publice interesse putatur. *L. servo, S. cum prætor, D. ad Trebell.* Unde hæc inter se comparantur in *d. L. 3. S. idem scribis, de pecul.* Hinc extra iudicium ubique ad novationem verba & verborum obligationem exigere, ac per hæc novationem fieri dici videmus, ut *L. 1. L. 2. D. eo. L. 3. in fin. infr. cod.*

Sed est notandum, dum superiorum alterutrum intervenerit, stipulationem dico, aut iudicium: nihil referre ad novationem, quæ obligatio nova inde contracta sit; civilis, an naturalis. Etiam naturalis ad eam rem sufficit: ut, si pupillus sine tutoris auctoritate novandi animo promiserit, fiet novatio. *L. 1. D. cod.* atque hoc modo res amittitur videlicet: ubi & liberabitur prior debitor novatione, & posterior obligatio, quæ tantum est naturalis, nulla futura est, ut hoc explicatur in *S. præterea, Inst. quib. mod. toll. obl.* Additur tamen ibidem non idem iuris esse, si a servo quis fuerit stipulatus novandi causa: nam tunc priorem perinde obligatum manere, et si postea nullus stipulatus fuisset. Et tamen obligantur servi naturaliter. *L. servi, D. de obl. & act.* Sed hoc ita est in cæteris causis. Exceptæ sunt cæteræ: quare adeo servus capax non est, ut in his nihil putetur agere, eoque nec ex his obliget dominum etiam de peculio. Hæc causæ sunt, iudicium, compromissum, iusjurandum, intercessio. *L. 3. S. si filiusfamilias, S. si servus, D. de pec.* Est autem species intercessionis pro alio obligationem in se suscipere novandi animo, *L. 2. S. ult. D. ad Vell. L. 2. C. cod.* Nihil est agit ad novationem nova obligatio de eadem re suscepta, ne civilis quidem, nisi animus novandi accesserit. Sine hoc nulla fit novatio; sed posteriore obligatione secuta pro una duæ constituuntur obligationes, vetus, & nova. *L. 3. in fin. infr. hoc tit. L. 2. D. eo.* Hunc animum magna ex parte placebat veteribus satis probari coniectura voluntatis, si in posteriore stipulatione, aut nova persona intercederet, aut aliquid rei novæ: puta si dies, aut conditio

tio obligationi adiceretur. Deique hunc animum coniecturis inquirebant: ex quo magnæ controversiæ nascebantur. Quæ res præhuit occasionem constitutioni Iustiniani, quæ est *L. ult. inf. hic.* quæ omnem anam superioribus controversiis præcedere cavit, ne aliter posteriore obligatione Interposita novatio fieri intelligeretur, quam si nominatim dictum esset ideo adhiberi, ut novatio fieret: qui locus explicator pluribus in *§. præterea, Inf. quib. mod. tol. obl.*

Sed neque hæc istius animi probatio ad omnem novationem pertinet, neque omnis novatio ad tollendam obligationem eandem vim habet. Genera hic nobis distinguenda sunt: ex quibus quid sit proprium singularum intelligitur. Novatio 1. omnis aut voluntaria est, aut necessaria. Voluntariam quandam esse, & hanc potissimum dici novationem, inter omnes convenit: an ulla sit necessaria, ambigitur. Ego esse puto, & indicari genus utrumque in *L. aliam, D. eod. de quo dicam amplius suo ordine.* Voluntaria 1. est, quæ fit libera voluntate & consensu eorum, inter quos res agitur, non ulla iudicii necessitate. Hæc aut cum debitore ipso vetere interponitur, aut cum alio debitoris obligationem in se suscipiente. Cum debitore ita, ut creditor a debitore suo idem, quod prius debuit, aut aliud pro eo stipuletur novandi animo. Iudicio cum eo suscepto nulla fit eiusmodi novatio: quoniam debitor a creditore suo conventus necesse habet iudicium suscipere, utpote illi iure obligatus, & propter obligationem obstrictus actione, idque est, quod dicitur iudicium reddi in iuriam, *L. inter, §. 1. D. de verb. obl.* Cum alio interponitur novatio, cum debitoris obligationem extraneus in se suscipit novationis causa. Id vero facere quisvis extraneus potest superioribus illis duobus modis, quibus novationem fieri posse dixi: stipulatione, & iudicio, seu litis contestatione. Stipulatione: cum stipulanti creditori promittit novandi animo idem, quod reus debuit, aut aliud pro eo, *d. §. præterea, Inf. quib. mo. toll. obl.* Iudicio, seu per litis contestationem: cum pro debitore se offert liti, & pro eo iudicium suscipit eodem animo novandi. Hoc modo cum obligari, qui iudicium suscipit, iam dixi: cum iudicio contrahatur, *d. L. 3. §. idem scribis, D. de pecul.* Sed & debitorem eo facto etiam iurium & igitur autem liberari certi iuris est. *L. solutione, 23. D. de sol.* Quo iure? Non dubium, quia novatione, cum ex præcedente causa ita con-

Tom. IX.

stituitur nova obligatio, ut prior perimatur: quod est novationis. *L. 1. D. eod.* Et si quidem hic extraneus non mandante debitore altro obligationem ita in se suscipit, nihil amplius in eo existere dicitur, quam novatio. Quod si iubente, & hunc reum creditori dante debitore, is suscipit debitoris obligationem, fit ea species novationis, quæ proprie dicitur delegatio. Est enim delegare vice sua alium reum dare creditori, *L. delegare, D. eod. dare loquam, com effectū, ut & qui datur, volens reus fiat, & creditor volens volentem admittit.* Nam neque delegatur quisquam invitus, nec nisi consentiente, & stipulanti promittente, aut agenti respondeute debitore, de quo dicitur *ad L. 1. inf.* Novationis 1. huius voluntariæ vis prope iam intellecta est. Nempe obligationem novam constituit, & tollit priorem. *L. 1. D. eod. Novæ, si civilis est, vis ea, quæ foret sine novatione; ut sit nimirum actio nova creditori adversus eum, qui novavit, sive is debitor est, sive extraneus; si naturalis, totum amittitur creditori.* Velus autem & prior actio ita tollitur, ut nulla supersit adversus veterem debitorem, qui ita liberatur, ut si forte delegatio facta sit, nec solvendo sit debitor delegatus, nihilominus liberetur debitor, qui delegavit, ut hic quoque pereat res creditori, bonum enim nomen fecit creditor, qui admisit debitorem delegatum, hoc in *L. inter, §. abesse, D. mand.*

Necessaria 1. novatio est, quæ fit per litis contestationem tunc, cum iudicio agitur cum ipso debitore. Novationem hic fieri dicimus ex definitione: siquidem hic omnia congrunt, quæ conveniunt novationi. In novatione novam obligationem querimus, in quam deducatur prior. Et hæc nova iudicio contrahitur de ea ipsa re, quæ prius debebatur, quæ & ipsa deducitur in iudicium. *L. 3. §. idem scribis, D. de pecul.* Novatione sic nova constituitur obligatio, ut prior perimatur. Hoc & in litis contestatione cum debitore interposita accidit. Fit autem & hoc a creditore animo novandi, ut paulo post utrumque ostendemus. Nihil igitur hic deest ad novationem. Quod si hic novatio est, non potest, quin sit necessaria: quoniam, ut ante dixi, iudicium cum vero debitore institutum tale est, quod reddatur in iurium: proinde tale, quod debitor invitus suscipere necesse habeat. *L. inter, §. 1. D. de verb. obl.* Recte igitur necessaria novatio dicta, quæ ex ea necessitate iudicii suscipienda nascitur. Sed

§ § §

& vo-

& voluntariæ quæ recte opponatur, nulla est, nisi necessaria. *L. alienationes, D. 10 fam. ere.* Sed si prius est, ut constet, illa litis contestatione, seu iudicio accepto fieri novationem: de quo inter omnes non convenit. Et vero magna causa est, cur hic negetur ulla inesse, quod & probat Accursius ad *L. ult. in pr. sup. de us. rei ind.* Nam in *L. aliam, D. eod.* unde hæc divisio potissimum somitur, de necessaria illa novatione nihil exprimitur. Sic enim tantum verba sunt: *aliam causam esse novationis voluntaria, aliam iudicii accepti, multa exempla ostendunt*: nec deinceps iudicium acceptum, seu litis contestatio dicitur esse, aut nominatur novatio. Quod si de re quaritur, deque veterum hac de re responsis, omnia videntur hic novationem repudiare. Agitur hic de litis contestatione cum debitore Interposita. Constat neminem ita iudicio agere cum debitore, ut quidquam amittat, sed ut ius suum reiineat potius, & si fieri potest, augeat. Absurdum igitur dici litis contestatione priorem obligationem tolli creditori, quod tamen futurum est, si hic ullam novationem intelligimus: cum nulla sit novatio, nisi nova obligatione contraria simul etiam prior tollatur. Idque ipsum regulæ iuris aperte confirmant, quibus declaratur, neminem persequendo, & litem contestando deteriorem conditionem suam facere, sed plerumque meliorem. *L. non solet, l. nemo enim, D. de reg. iur.* dicta *L. aliam, D. de novat.* Congruunt responsa veterum, qui cum faterentur novatione pignus tolli, iidem tamen iidem in locis scribunt lite cum debitore de debito contestata non item hac contestatione pignus tolli, sed nihilominus, ut prius obligatum manere, ut *L. solutum, in pr. D. de pig. act. l. grege §. etiam, D. de pig.* Sed verius est inesse quoque & in litis contestatione suam novationem, eamque necessariam: non sane semper, sed quibus in rebus commodum actoris id exigere videbitur. Primum ex verbis *d. L. aliam*, satis hæc novatio colligitur. Nominatur enim novatio quædam voluntaria. Ex quo intelligitur aliquam esse non voluntariam. Nam si nulla est, nisi voluntaria, sufficiebat ita dicere, aliam esse causam novationis, aliam iudicii accepti. Deinde iudicium acceptum opponitur novationi voluntariæ: quorsum, nisi ut intelligamus in iudicio inesse novationem necessariam, cui soli voluntaria recte opponitur? Sed & ibidem aliqua in re tantum distinguitur novatio voluntaria a iudicio accepto. Ex quo rursus colligitur

igitur istas res aliquæ in re esse similes: in eo autem similes, quod utraque novationem habet, de qua illic dixeris Paulus; verum effectu dissimili, quem effectum eo loco, idem Paulus ostendit. Sed & sublati est dubitatio ex *L. ult. §. & ideo, sup. de us. rei ind.* ubi Iustiniani sententia est in hæc verba: *actione iudicati priorem contrariam novari.* Actione iudicati, ille dixit, non litis contestatione: quia etsi dicamus per litis contestationem, seu iudicio accepto novationem fieri; hæc tamen intelligimus, ut sit sub conditione, si secundum actorem indicatum erit, & ideo effectum non sit novatio, nisi post rem iudicatam. Ne illa nos hic impediatur, quæ supra obieciabamus. Non enim dicimus litis contestatione passim fieri novationem, dum ita inducitur nova obligatio, ut tollatur prior: sed tantum pro commodo creditoris, & ut eius persecutio id exigere videbitur. Itaque quod dicitur litis contestatione non fieri deteriorem conditionem actoris, admittimus, neque volumus hic novationem inesse, nisi quæ profit. Quæ ratione, & illud concedimus, lite contestata, de forte nihilominus pignus manere: quia isto modo noceret novatio actori, non prodesset, quod non recipimus. Sed est, cum expediat actori sic induci iudicio accepto novam obligationem, ut prior in hanc transferatur. Quatenus id sit, sciamus & hæctenus novationem fieri pro commodo creditoris. Quam & ipsam veteres hic receperunt. Nam de animo novandi cur tum dubitetur in actore, nihil est: qui agendo nihil aliud spectat, quam ut sibi quam optime consulat. In eo autem consensum exigere eius, cum quo agitur, absurdum sit: cum adversus eum invitum iudicium reddatur. Licet tamen autem hanc novationem pro commodo creditoris in his tribus agnosceret; in petitione unius ex reis credendi; in usuris rei iudicatæ; in poenalibus actionibus iudicio inclosis. Unus ex reis stipulandi, si cum promissore agat: traditur in *L. 2. D. de duo. reis*, ea petitione totam solvi obligationem. An iudicati? sed hæc potius petitione & litis contestatione constituitur, *d. L. 3. §. idem scribit, D. de pec.* Tollitur ergo prior. Quo iure? non potest aliud hic intelligi, quam novationis: dum ita constituitur nova iudicati obligatio, ut in hanc deducatur prior, deducta perimatur. Atque hinc novatio, quod unus ex reis stipulandi agendo hoc animo est, ut totam actionem propriam suam efficiat, quod non aliter fit, quam si alteri stipulandi reo actio adimatur. Et

vero

vero ei admittitur. Unde placet amplius ei promissionem solvere non posse. *L. si ex duobus, 16. D. de duob. reis.* In quo licet manifestus hanc novationem animadvertere: quæ quia agenti expedit, ideo pro commodo eius æstimatur. Eandem istam novationem in domino & procuratore litis atque duobus eiusdem pecunie creditæ reis evidenter agnoscat. Nam cum dominus procuratorem ad agendum dedit, incipiunt duo eiusdem rei nomine directam actionem habere: dominus propriam, procurator mandatam. Quod si procurator iudicio agere cøperit: ipse agendo sic priorem actionem transfert in actionem iudicati, ut hanc sibi acquirere simul & veterem perimat, atque hoc modo auferat priori domino, ut in uno ex duobus reis stipulandi agente fieri modo diximus. Unde procurator post litem a se contestatam dominus litis fieri dicitur: prior autem, qui dominus fuerat, dominus esse desinere, ita, ut nec suo nomine litem possit persequi. *L. procuratoribus, sup. de procur.* Quod certe non alia de causa fit, quam quod lite a procuratore contestata priori domino actio sublata est, translata in procuratorem; neque est sublata, nisi ista, quam dicimus, litis contestationis novatione. In usuris rei iudicatæ eandem novationem prioris actionis necessariam esse creditori visum est, quo eas centesimas consequatur, ut explicatur in *d. L. nls. in princ. sup. de usur. rei ind.* In pœnalibus actionibus adversus heredes transmittendis hanc ipsam novationem agnoscat. Lite contestata pœnæ persecutio transit adversus heredes, *L. constitutionibus, L. sciendum, D. de obl. & act.* An ita, ut vetus actio transferatur; an nova tantum iudicati, quæ litis contestatione contracta est? Nova omnino, non vetus, quæ morte delinquentis extincta est. Ius certum est heredes pœ-

na non teneri, heredes in pœnam non succedere: *L. pen. D. de op. no. nunt. d. L. constitutionibus, de obl. & act.* Quod si ita est, novationem prioris factam oportuit litis contestatione, dum priore sublata constituitur nova, quæ in heredes transferatur. Et tamen quia prior deducta est in posteriorem, quasi adhuc intus in posteriore, ideo dicitur prior per litis contestationem transmitti, & eadem perpetuari. *L. omnes, D. de obl. & act. L. ult. in fin. D. de fid. ius.* Ex quibus iam intelligi potest, quid dilectæ hæ novationes inter se, voluntaria & necessaria: sive easus & rationem utriusque inducentiam spectemus, sive vim & potestatem. Sed Iustiniani simul, quæ est de novatione, *L. ult. inf. hoc tit.* exigit ad novationem, ut nominatim dictum sit, secundam obligationem interponi novationis causa. An ergo & post cam constitutionem etiam isti novationi necessaria locus erit: ut scilicet sola litis contestatione superiora commoda actori tribuantur? Ex cum sint illa commoda, atque illa novatio ex iure vetere certo, etiam nunc manere oportet, si non sunt sublata. Neque vero abrogantur Iustiniani constitutiones: quæ de voluntaria novatione scriptæ, sine dubio ad necessariam non petriunt. Exigit enim constitutio, ut contraheentes de animo novandi exprimat; loquitur præterea de iis, quæ in secunda obligatione adiciuntur ex consensu, quod apertius declaratur in §. præterea, *Inst. quibus mod. sol. obl.* Omnia eorum tantum propria, qui ex consensu ad secundam obligationem veniunt. Nihil ad iudicium, quod redditur in invitum debitorem, & nullam petitionem admittit, nisi eius, quod ante debebatur, & uti debebatur. Et certe in qua novatione non exigimus consensum a reo; multo minus, ut aperte consentiat, ab eo exigere debemus.

Ad L. Delegatio. 1.

Imp. Alexand. A. Timotheo.

Delegatio debiti, nisi consensiente & stipulanti promittente debitore, iure perferri non potest. Nominis autem venditio & ignorante, vel invito eo, adversus quem actiones mandantur, contrahi solet. PP. V. Id. Febr. Max. II. & Ælian. Coss.

Ad L. Si delegatio. 3.

Idem A. Mutiano,

Si delegatio non est interposita debitoris sui, ac propterea actiones apud se remanserunt; quamvis creditori suo adversus eum solutionis causa mandaverit actiones, tamen antequam hic contestetur, vel aliquid ex debito accipiat, vel debitori suo denuntiaverit, exigere a debitore suo debitam quantitatem non vetaris, & eo modo tui creditoris exactionem contra eum subire. Quod si delegatione facta, iure novationis tu liberatus es, frustra preteris, ne eo, quod quasi a cliente tuo non facias exactionem, ad te periculum redundes, cum per verborum obligationem voluntate novationis interposita a debito liberatus sis, PP. V. Id. lun. Gordiano A. & Anulo Coss.

S U M M A R I A.

1. Neminem posse quemquam invitum delegare creditori suo, ne debitorem quidem suum.
2. Neminem posse debitorem debitoris sui convenire personali actione, non prius translatis actionibus, & cur.
3. Creditorem actiones suas adversus debitorem etiam invitum utitur in alium transferre posse, & quibus modis transferantur.
4. Mandatis translatis actionibus semper directas retineri ab eo, qui mandavit & cur.
5. Mandare actiones, quid.
6. Mandatis cessante actionibus semper utiles actiones sue nomine habere eum, cui cessat.
7. Mandatis directas actiones exerceri ex persona mandantis: utiles ex persona eius, cui cessat sunt: & quid intersit, utrum fiat.
8. Cessat actionis effectus.

9. Concurrente eo qui cessat actiones, & eo cui cessat sunt, bene profecti.
10. Mandatum actionem revocari non possit, & quare.
11. Denuntiatione eius cui cessat sunt actiones, inhiberi debitorem quamvis creditori qui cessat, possit subire: & qualem hic denuntiationem esse oporteat.
12. Debitorem scientem mandatis esse adversus se actiones sine alia denuntiatione creditori mandanti solvendo non liberari.
13. Mandatis utilitatibus, quando directas utiliter exercere possit, qui mandavit.
14. Litem ab eo qui actiones mandavit, contestatus, debitorem novationis quodam iure liberari utilibus actionibus, quas habet in, cui mandata erant.

Circa † delegationem, de qua supra diximus, incidit ex re ipsa quæstio huiusmodi. Diximus neminem posse alium vice sua rem dare invitum; & quod idem est, neminem posse invitum quemquam delegare quod & traditur in L. 1. hic. Inde hæc quæstio fuit: Quid si creditor creditori suo delegat debitorem suum; an non hunc saltem potest invitum delegare. Et placet ne hoc quidem eum posse, L. nec creditoris, infr. eod. Recte: non est enim delegatio, nisi delegato promittente; nemo autem promittit per stipulationem invitum. Sed † an non etiam sine ulla delegatione, & aliena opera potest creditor debitoris sui debitorem convenire? Hoc vero multo minus potest. L. penult. hic. Et generaliter ita tus constitutum est, neminem creditorem posse actione personali debitorem debitoris sui convenire, non translatis prius actionibus a debitore in creditorem L. ult. & tot. tit. supr. si fiscus, vel priv. Hoc efficiunt regulæ iuris: non enim est actio in personam, nisi

adversus eum, qui nobis obligatus est. L. actionis, D. de obl. & act. Debitores autem debitoris mei non sunt mihi obligati: quoniam nihil mecum gesserunt eorum ex quibus obligatio nascitur.

Quid † ergo, an nullo modo sine delegatione creditor adversus debitorem debitoris sui invitum experiri potest? Imo potest, si ex iusta causa debitor in creditorem actiones transulerit: quod facere potest etiam invito debitore suo. Ex hac est sententia L. 1. hic. Quomodo autem debitor actiones, quas habet adversus debitorem suum, in creditorem suum transferre potest? His modis omnibus, quibus ceteræ res transferri solent: puta vendendo actiones, de quo modo in hæc L. 1. hic L. postquam. L. emptor, supr. de hered. vel act. vend. Item legando, L. ex legato, supr. de legat. item in solutionem dando, & similibus. L. ult. supr. si fiscus vel priv.

Hoc potius quæsitum deinde est, quis sit huius venditionis, & translationis effectus:

fectus: de quo est in *L. 3. her. sit.* Qui locus ut commodè explicetur, sciendum est hic duo queri. Primum, an debitor venditis creditoris suo actionibus, aut ex alia causa translatis, desinat veteres actiones habere, quas exercere possit. Alterum, quid ex ea translatione assignis in creditorem transferatur. De quibus sic breviter habendum est. Qui actionem vendidit, legavit, aut in solutum dedit, etiam si creditor sui mandet actiones suas, nihilominus iure omnes veteres actiones retinet: quia eas non transfert, neque adeo ius pariter transferri, ut traditur in *L. 3. hic. L. 3. in prin. D. pro soc.* Sed cur actio non potest transferri, cum possint res omnes ceterae? Id natura actionis facit. Sic enim lego omnis actio in persona constituta est: ut non sit, nisi adversus eum, cum quo contraximus, aut quasi contraximus, aut qui nobis nocuit. *L. actionum, D. de obli. & act. §. 1. Inst. de act.* Nemo autem actiones suas nobis cedendo, efficere potest, ut cum eis debitor contraxerimus, aut ab eo nobis nocitum sit, ubi revera neque contraximus, neque ab eo nocitum est. Necesse est igitur, ut apud veterem creditorem actio maneat, quae non est translata. Nihil ne igitur venditis, aut ex alia causa datis actionibus, in emptorem, & eum cui dantur, transferretur? Imo transferri. Nam is, qui actiones vendidit, cogitur emptori, in quem actiones translatis voluit, actiones suas mandare: quo verbo utitur *L. 3. & est in hac re ultimum.*

Est et autem mandare alicui actiones, committere ei actiones suas exercendas: quod fit, cum procuratorem in rem suam faciendo, ut hoc verbum explicatur in *L. ex nominis, supra, de hered. vel act. vend.* Quid si creditor qui actiones vendidit, aut ex alia causa datus voluit, actiones suas oon mander emptori? Nihilominus et emptor, & quisquis est, cui actiones ex alia causa datae sunt, utiles actiones habet suo nomine. *L. postquam, supra, de her. vel act. vend. L. ex legato, supra, de legat. L. ult. supra, si fise. vel privat.* Si hoc ita est: quid opus est creditori, qui actiones creduntur, expectare, ut sibi mandentur actiones a venditore actionum: cum ipse utilibus actionibus experiundo, quas habet non minus idem consecuturus sit quam directis? nam utramque actionem eiusdem potestatis esse, eundemque habere effectum, scriptum est in *L. actio, antep. D. de neg. gest.* Et sane si utraque idem perat, eandem vim habet ad id obtinendum. Sed non semper utraque idem persequitur.

Idque et ex ea re accidit, quod emptor mandatas actiones exercet ex persona creditoris mandantis, dum procuratorio nomine experitur: utiles autem vii suo nomine habet, ita & exercet suo nomine, ut est in *d. l. ult. si fise. vel privat.* Utum autem fiat, multum refert. Nam qui mandatis actionibus experitur, quia experitur ex persona mandantis, etiam eius vice uti potest, & debet. *L. emptor, supra, de her. vel act. vend.* Et ideo privilegio etiam ex persona mandantis uti potest: ut, si singas pupillum debitorem meum mandasse mihi creditori suo actiones ad, versus debitorem suum: in his actionibus exercendis utar privilegio pupilli, quo in bonis eius debitoris ego praefera omnibus aliis creditoribus chirographariis: scilicet quia ex persona eius superior, tanquam eius procurator. Diversum est, si non mandatis ab illo actionibus tantum experiar utilibus adversus eius debitorem. Hoc tamen ita, si cessio sit voluntaria. In necessaria cessioe nihil amplius transferri placeat, quam quod fuit proprium actionis, etiam si quis ipis directis mandatis actionibus experiat: qualis cessio est pupilli uni ex tutoribus mandantes actiones suas adversus alios conquiret. In qua specie responsum est illud, quod modo dixi, tutorem in his actionibus adversus conquiret. Privilegio pupilli non usurum *L. ex pluribus, D. de adm. tut. & hoc optima ratione: quia nemo in necessitatibus liberalis esse solet, h. rem legatam, D. de adm. legat.*

Haec et actiones in emptorem, eundemque creditorem creditoris translatae, id efficiunt, ut is qui mandatas, aut utiles actiones habet, possit & ab invito exigere, quod is debet, adversus quem actiones cessae sunt, *d. l. ult. supra, si fise. vel priv. L. 3. supra, de her. act. vend. & volens volentem a veteris creditore quovis modo liberare: puta solum a debitore accipiendo, de quo in hac *L. 3.* aut cum eo transigendo, paciscendove, ne ab eo peratur. *L. si cum emptore, D. de pact. At* et quid, si creditor, qui actionem mandavit, aut alter cessit, inibeat petitionem? Puta, si is eodem tempore petat a debitore suo, & simul is, cui mandatae sunt actiones, atque ita ambo concurrant: uter alteri praefereatur? nam ambos actionem adversus debitorem habere diximus. Placet cum veteri creditori praeferi, qui suo nomine actiones habet. *L. procuratore in rem suam dato, D. de procurat.* Arqui constat mandatum revocari posse, quandocumque mandator velit. *§. recte,**

10 *refle, Infit. mand.* Sed † mandatum rei nostræ revocare possumus, cum libet: rei alienæ non possumus. Actiones autem mandatæ subtilitate iuris sunt adhuc mandatis; revera autem sunt mandatarij, idest, eius, cui mandatæ sunt. Is enim factus est quidem procurator, sed in rem suam, ut supra diximus. Tum autem utiles actiones in eum translatæ sunt: quæ ideo vere illius sunt, quasque exercet suo nomine.

11 Adeo † autem verum est, eum cui mandatæ sunt actiones, aut qui actionibus venditis utiles habet, veteri creditori præferri: ut si tantum denunciaverit ei debitori, adversus quem cessæ sunt actiones, ut sibi solveret: postea debitor soli ei tenetur, & si creditori suo solvat, frustra solvat, id quod hac *L. 3. in pr.* comprehensum est. Illic enim traditur veterem creditorem posse actionem inhibere, quam mandavit, si experietur adversus debitorem suum, priusquam is, cui actiones mandatæ sunt, denunciaverit debitori, ut sibi solveret. Postquam ergo denuntiatum ei erit, si veteri creditori solvat, non inhibentur cessæ actiones. Denuntiatio tamen accipere debemus, cum effectu: ut scilicet ita denuncietur debitori, ne veteri creditori solvat, ut certior fiat denuntiant mandatas esse actiones, & hanc illi causam esse ad inhibendam solutionem. *L. nomen, supr. qua res pig. obi.* Fiet autem certior exhibitio instrumento cessionis, aut ultro consentiente creditore, qui mandavit. Idque ita bene accepit Bartolus ad *L. 1. in pr. num. 20. D. de op. no. nunt.*

12 Ego † puto, etsi ei denuntiatio non sit ab eo, cui cessæ sunt actiones, sed aliter seiverit actiones ei esse mandatas, non magis eum veteri creditori solvendo liberari, denique ut liberetur ei solvendo postea, solum ignorantia defendi, ut indicatur in *L. ult. D. de transact.* Nam quomodo actione utili, qua teneri coepit, facto suo liberetur? *L. si servum, §. nunc videan-*

mus, D. de verb. obi. Ergo † dixerit aliquis: directæ actiones, quæ apud veterem creditorem manserunt, erunt illi inutiles; & ita frustra apud eum mansisse dixerimus. Ex declarator in *eod. L. 3.* non esse inutiles; sed tamen tunc solum utiles fore, cum vetus creditor adversus debitorem suum cessionis ignorantia iudicio expertus, nec ulla exceptione a debitore sum-motus litem cum eo contestatus fuerit: quod eum pro veteris actionis iure facere posse constat: certe si veteres actiones apud eum manserunt, recte eas exercet.

14 Quid † tamen, si licet a veteri creditore contestata, existat is, cui mandatæ sunt actiones & suo nomine adversus eundem debitorem experiri velit rei mandatæ actionibus, vel utilibus? Hic satis significatur eum audiendum non esse: cum ita dicatur creditorem veterem adversus debitorem agendo inhibere actionem mandatam. At hoc quam recte, cum dixerimus eum, cui mandatæ sunt actiones, habere actiones utiles suo nomine, & earum actionum eam vim esse, ut in illis debeat veteri creditori præferri? Efficitur id novæ obligationis iure, non veteris. Nam vetus creditor iudicio agendo eum debitore suo novam obligationem contraxit indicati. *L. 3. §. idem scribit, D. pec. hanc nemo alius illi invito potest adimere. L. ult. D. de pass.* haque eadem hic novatio animadverti potest prioris obligationis, quam in duobus reis stipulandi: nec in initio diximus, cum unus iudicio agendo cum promissore, consequitur tanquam veteri actione subiecta, ne possit iam solvi alteri, neve is possit amplius petere. *L. ex duobus, 16. D. de du. reis.* hic certe mandatæ actionibus incipiunt fieri duo rei credendi eiusdem pecuniæ: qui mandavit, dum is directas actiones adhuc retinet: & cui mandatæ sunt actiones, qui utiles habet suo nomine.

A D T I T U L U M XLIII.

COD. DE SOLUTIONIBUS ET LIBERATIONIBUS.

S U M M A R I A.

1. *Solvere quid.*
2. *Solutionis verbum omnem liberationem continere, quo sensu dictum.*
3. *Satisfactio quid, & quid distet a solutione.*
4. *Creditoribus cur dicantur accipi, quibus etiam sine consensu quid debetur.*
5. *Solutionis verbo contineri solum pecunie numerationem, non ceteras liberationes, ubi solutionis & satisfactionis verba coniunguntur, ut in edito de pignoratitia actione: & quare, & eum. §. in fin.*
6. *Sententia L. solutam, D. de solut. ubi & satisfactoris, pro satisfactionis legendum esse probatur.*
7. *Inscriptionis de solutionibus & liberationibus sententia.*
8. *Solutio quid, & cur dicta naturalis prestatio, Etiam facti prestationem solutionem esse.*
10. *De solutionibus duas esse questiones, in singulis quae spectanda: tituli argumentum & summa.*

Solvere est aliquid cum dicimus, proprie intelligimus id praestare, quod solvi dicimus. Ex li apertius dicendum est, soluta res seu pecunia ex significatione verbi non alia intelligitur, nisi quae naturaliter soluta est, id est, numerata reuera & praestita creditori: ut etiam ex significatione verbi id rectissime dictum sit a Marciano in *L. solutam, D. de sol.* Id declarat regula inris: *Solutione eius, quod debetur, tollitur omnis obligatio*: ubi solutionis verbum non potest accipi, nisi pro pecuniae praestatione. Nam acceptatione, novatione, contrario consensu, quibus modis etiam tolluntur obligationes, non omnis obligatio tollitur, sed certae dumtaxat. Id etiam declarat edito de pignoratitia actione, in quo haec verba sunt: *Si pecunia soluta eris, vel eo nomine satisfactum*: quibus verbis aperte satisfactio, id est, omnis alius modus debitoris liberandi ex voluntate & consensu creditoris, distinguitur a pecuniae solutione, id est, praestatione, *L. si rem, §. omnis, D. de pig. act.*

Et tamen definitur in *L. solutionis, D. hoc tit.* solutionis verbum omnem liberationem continere, magisque ad substantiam obligationis referri, quam ad pecuniae praestationem. Sensus est, magis solutionis verbo contineri eos modos, quibus substantia obligationis, id est, obligatio ipsa tollitur, quam pecuniae naturalem numerationem, vel cuiuscunque alterius rei praestationem. Recte hoc quoque scriptum est: verum non ex significatione verbi, de qua supra diximus, sed ex legis sententia: ubi lex pecuniae solutionem exigit, neque quidquam addit amplius. Ut, exempli gratia edito de re ludicata, ita exigebat praetor, ut condemnatus pecuniam solveret. *L. 4. ait praet. sup. de re iud.* His verbis si proprietatem verbi

sequimur, nihil aliud exigitur omnino, nisi ut debitor pecuniam numeret, in quam condemnatus est. Sed ex editi sententia contineri intelligemus omnem liberationem; id est, intelligemus debitorem hanc edito satisfecisse, non tantum, si ipse pecuniam numeraverit, sed etiam si acceptatione liberatus erit, sur novatione, aut alio quo modo, quo obligatio tollitur: non ex significatione verbi, inquam; sed ex sententia editi: quia ceterae liberationes eandem vim habeant, quam solutio pecuniae. Effectus igitur hic spectatur, non verbi proprietas: ut solutionis verbo contineri intelligatur, non tantum, quae vere solutiones sunt, sed etiam quae solutionis vim habent. Et hoc est, quod alia regula dicitur, satisfactionem pro solutione esse, *L. satisfactio, D. de solut.*

Satisfacere est creditorem pro eo, quod ei debetur, contentum reddere, ut sic ille discedat ab obligatione, vel acceptum ferendo, vel novando, vel paciscendo, ne petat. *L. 1. D. qui satisf. cog. dicta L. si rem, §. omnes, D. de pig. act.* Utrum creditori pecunia numerata sit, ut sic reuera ei satisfaceret; an vero voluntate eius discensum sit ab omni obligatione, dum ei quovis alio modo satisfiat: ad voluntatem eius & debitaria liberationem nihil interest. Ita recte dicitur, hanc satisfactionem pro solutione esse. Hoc autem pro solutione esse, valet, effectus satisfactionem solutionem esse; & quod supra diximus, omnem liberationem aliam solutionis verbo contineri.

Quod tamen in solutionis verbo, consimiliter dictum est, uti in verbo *creditorum*, cum dicimus creditores accipiendos esse omnes quibus ex quacunque causa debetur: id est, quibus non tantum ex contractu debetur, sed etiam ex quasi contractu, aut ex maleficio. *L. creditorum, D. de verb. sig.*

fig. Atqui scimus creditores dictos esse a credendo: tunc autem solum dici unumquemque credere, eam contrahit cum alio: quoniam tum fidem ab illo accepit, & eam fidem sequitur: ut solum proprie creditores sint, quibus ex contractu debetur. *L. 1. D. si eert. per.* Sed & hoc ita est, cum verbi significationem spectamus. Ex sententia autem legis etiam creditores dicuntur, quibus debetur ex alia causa: quoniam & hi omnes creditorum loco habentur. Unde alibi dicuntur non creditores esse, sed creditorum loco haberi. *L. creditorum, D. de verb. fig.* Hoc autem ideo ex legis sententia ita dicitur: quia in quibus eadem ratio est, in his idem ius statui oportet. *L. illud, D. ad L. Aquil.* Porro tam iis debetur, quibus ex maleficio debetur aut ex aliis causis, quam quibus debetur ex contractu. Hoc ipsum ergo fieri dicimus in verbo solutionis.

5 Sed ¶ videtur Marcianus *L. solutam, D. de solut.* non tantum dicere solutam pecuniam intelligi, quæ numerata est; sed etiam negare, si debitor sit alio modo liberatus, pecuniam solutam videri, aut eam liberationem solutionis verbo contineri. Illic enim scriptum est in extremo, his verbis: *Si debitori accepto latum sit, solutionis quidem verbum non proficiet; sed satisfactio sufficit.* Dicendum est recte id dici a Marciano, sed in eo loco quem interpretatur. Observandum est enim Marcianum scripsisse ad formulam, id est, actionem hypothecariam, ut inscriptio capitis indicat. Illic interpretabatur eam partem edicti, qua cautum est, ut pignus, vel hypotheca solvatur, seu quod idem est, ut pignoratitia agi possit: pecuniam solutam esse debere, vel eo nomine satisfactum: ut constat hæc verba edicti fuisse ex *L. si rem, §. omnis, D. de pig. act. L. item, D. quib. mo. pig. vel hyp. sol.* His verbis, quibus distinguitur nominatim satisfactio a solutione, non est obscurum solutionis verbo cæteras omnes liberationes non contineri, sed solum pecuniæ naturalem numerationem: propterea quod cæteræ liberationes a prætore comprehensæ sunt verbo proprio satisfactiois.

6 Hoc ¶ est legitur, quod Marcianus dicit: si debitori accepto latum sit, non liberatur in hypotheca ex edicto, quasi solverit: quoniam revera ex verbis & sententia edicti non solvit, sed liberatur ex eodem edicto verbo satisfactiois: quia is satisfecit, cui accepto latum est. Illud animadvertendum est, corrupte legi in Paudeis Florentinis in *d. L. solutam* in extremo, sed *satisfactiois sufficit*: satisfactiois legendum, ut & alias suo tempore

legi Accursius monet. Nam verbum satisfactionis non fuit in edicto de pignoribus aut de pignoratitia actione, sed verbum satisfaciendi: *d. L. si rem, §. omnis, D. de pig. act. dicta L. item, D. quib. mod. pig. vel hyp. sol.* Deinde aperte falsum est acceptationem contineri verbo satisfactionis. Acceptatio recte dicitur solutio: obligatio est obligatio, qua quis quid promittit fideiussoribus datis. *L. 1. D. qui satisf. cog.* Ut ad rem redeam, cum coniunguntur ista in lege aliqua, aut edicto, solutio & satisfactio: recte dicitur solutionis verbo non contineri eas liberationes, quæ satisfactionem habent: ubi apparet tam aperte satisfactionem a solutione separari. Quod si verbum solvendi solum in lege positum erit, tenendum est, quod supra diximus, ex sententia legis *solutiois* verbo omnem liberationem contineri; id est, quocunque modo præter naturalem numerationem liberatus erit debitor, legi satisfactum esse.

Illud semper tenendum erit, ex sententia legis hoc dici: cæterum proprie *solutiois* verbo significari tantum naturalem præstationem. Ex quo sensu regula illa concepta est, ut dixi: *solutio solvit omnis obligatio*. Sic ¶ hoc titulo verbum *solutiois* accipiendum est. Liqueat enim ex proximis titulis solutionem hic positam esse pro specie liberationis, quæ sit distincta a novationibus, & acceptationibus. Ita inscriptionis erit hæc sententia: *De solutionibus*: id est, de rei debite præstationibus, & liberationibus, quæ inde nascuntur: ut solutio sit causa, liberatio effectus solutionis, ut patet ex tot tit. *Inst. quib. mo. sol. obl.*

Ex ¶ hoc sensu sic solutio definitur: ¶ ut sit naturalis rei debite præstatio. Naturalis dicitur in *L. solutam, D. cod.* id est, vera, positum, ut distinguatur solutio ab acceptatione, quæ & ipsa solutio dicitur, sed imaginaria, ubi quis dicit se accepisse, quod non accepit. *§. item per acceptationem, Inst. quib. mo. sol. obl.* Præstationem dixi, non numerationem, etsi numeratio nominetur in *d. L. solutam, D. cod.* ut completeretur omnes species rerum debitarum. Nam in obligatione aut res sunt, aut facta, ut est in *§. ult. Inst. de obl. id est*, omnis obligatio aut in eo est, ut quid detur, aut in eo, ut quid fiat. *L. 2. in pr. D. de verb. obl.* Sed sive ¶ fiat, quod fieri debet, sive ¶ detur, quod dari oportuit, quia præstatum id quod debetur: solvitur. Nam & qui facit, quod promissit, solvit. *L. qui res 98. §. mibi, in fin. D. de sol. certe a præstatione liberatur, L. inter, D. cod.* pro-

proinde solutione: si non aliter, quam solutione invito creditore tollitur omnis obligatio. Qui autem rem quam dare debuit, præstat, idem solvit; si præstat, ut debetur: idest, si dat, quod valet: si dominium transfert. *§. sic itaque, Instit. de ad.* Unde tories legitim non liberari debitorem, qui ita rem præstat, ut non faciat omnimodo accipientis, quia nec solvat. *L. cum qui, §. 1. & §. qui hominem, D. eod.*

- 10 De † solutionibus duæ sunt quæstiones, quibus hic titulus continetur. Prior est, quæ sit iusta solutio, qua obligatio aliqua tollatur, cum dicimus solutione omnem obligationem tolli. Altera, cum iustam solutionem esse constabit, quæ obligatio ea solutione tollatur. Huic quæstioni tunc locus est, cum quis ex pluribus causis di-

versas summas debet, & unum debitum solvit, ita, ut dubium relinquatur, in quam causam solutum esse debeat. An sit iusta solutio, spectatur ex his rebus: ex solvendi modo; ex solvendi fine. In personis quæritur, ut si solvat, qui potest: de quo dicitur in *L. §. inf.* & ut ei solvatur, cui solvi potest: de quo in *L. §. 4. & L. invito, inf.* In re est, ut solvatur ea quam oportuit: de quo in *L. manifesti inf.* In solvendi modo, ut opportuno loco, & tempore solvatur: de quo in *L. obfignatione.* Fuis solvendi est, quem definitione supra complexi sumus: ut creditor consequatur præstationem, quod debetur, idest, ut si quid fieri promissum est, fiat; si quid dari debet, detur: idest, eius rei dominium perfecte transferatur. Posterior quæstio explicatur in *L. 1.*

Ad L. In potestate. 1.

Imp. Antoninus A. Aristeneto.

In potestate eius est, qui ex pluribus contractibus pecuniam debet, tempore solutionis exprimere, in quam causam reddat. Quod si debitor id non fecit, convertitur electio ad eum, qui accepit. Si neuter voluntatem suam expreßit: prius in usuras id, quod solvitur: deinde in sortem accepto seretur, PP. II. Non. Novemb. Duobus & Aspris Coss.

S U M M A R I A.

1. Debitore in solvendo constituto, in quam causam solutum velit, in eam causam, quod solvitur, solutum haberi; & hoc quam conveniat cum *L. 1. D. de fol.*
2. Liberum creditori in eam causam non accipere, quomodo intelligendum in *L. 2. D. de fol.* & quatenus verum sit.
3. Debitore in certam causam nominatim non solvendo, posse creditorem constituere in re præstita, in quam causam acceptum ferat, etiam levitorem; & hoc rursum, quam conveniat cum *L. 2. D. de fol.*
4. Lestio *L. 1. D. de fol. emendata.*
5. Creditore constituto, posse debitorem in re gerenda obsequere, ne in eam causam habeatur, id eum consequi non dando.
6. Quod ex pluribus causis principalibus debitum simpliciter solutum est, non posse id postea creditorem constituere solutum, nisi in duriorem & graviores debitoris causam.
7. Causa debitori gravior, quæ, & quæ progressa deprehendatur.
8. Causam non gravem debitori esse, ex qua debitum cuius non potest, aut nondum in hanc solutum, non imputari: & quæ sit huius generis.
9. In illis verbis, *L. 1. D. de fol.* aut illud, in quod, aut pro non accipiendum.
10. In quibus causis dilatio periculum, aut molestiam allatura est, causam famensam esse gravissimam; proximam periculam; tertio ordine eam, quæ sub pignore contracta est; quarto eam, ex qua quid debetur sortidate.
11. Extra periculum dilatois graviores esse causam propriam, quam fiducialem: & cur.
12. Si superiora desint, graviores esse causam, quæ est antiquior; & cur.
13. *L. in liberto. 77. D. de fol. excepta.*
14. Ampliore summa soluta, quam quæ in anam causam graviores debeatur, superfluum reliquis causis suis cuque ordine tribandum.
15. In pari diurno & contractuum causis, ex omnibus causis pro portione solutum videri.
16. Cum ex pluribus causis principalibus debetur, ear simpliciter solutum imputatur in causam debitori onerosiorem: cum autem debetur forte & usura: solutum imputatur prius in usuras, idest, in causam debitori leviores.
17. Creditorem quavis convenientem se, quod solvitur, accipere in sortem & usuras; non tamen cogi solutum acceptum ferre, nisi prius in usuras; deinde si quid superest, in sortem: & cur hoc præter ordinem verborum.
18. Solutum an possit prius imputari in usuras potius tantam debeat, quando, & quatenus.

CUM † debitor ex pluribus causis debet diversas summas, & unum de-

bitum solvit, definit Antoninus esse in potestate debitoris tempore solutionis expri-

T t t

mere

mere, in quam causam solvat: ut intelligamus in eam causam solum futurum, quam dixit: idem in *L. 1. in pr. D. cod.* Cui contraria videri potest *L. 2. D. cod.* ubi scriptum est liberum esse creditori, pecuniam, quæ ita solvitur, non accipere, si alio nomine solvitur velit. Recte, ut videtur, hæc contraria dixeris, cum si liceat creditori repudiare hanc solutionem, non sit in potestate debitoris ita solvere. Et essent contraria omnino, si quod dicitur, id quod solum est, in eam causam solum videri, quam initio debitor dixit, simpliciter diceretur. Sed ita intelligendum est, si creditor accipiat: tantum enim illi tribuitur hoc, ut possit non accipere in dicta *L. 2.* Ex quo intelligitur, si acceperit, in eam tantum causam solum haberi debere, quam debitor expressit. Quid, si creditor pecuniam accipiat, & protestetur se in aliam causam accipere, quam in quam debitor solvit? nihil agit, si pecuniam retinet in *d. L. 1.* non tribuitur ei, ut possit protestari in aliam causam, sed ut possit non accipere in eam causam, in quam solvitur.

Rursum ꝑ hic dicit aliquis, isto modo falsum videri, quod dicitur in *d. L. 2.* liberum esse creditori pecuniam, quæ in certam causam a debitore solvitur, non accipere. Nam ut intelligatur non esse creditori liberum hoc facere, potest debitor pecuniam obsequare, & ea obsequatione liberabitur, *L. obsequatione, infra.* Præterea cum creditor sine iusta causa recusat accipere, moram facit: & si ea pecunia postea pereat debitoris sine culpa eius, detrimentum erit creditoris. *L. qui decem, in prin. D. cod.* Sed quod dicitur in *d. L. 2.* liberum esse creditori pecuniam non accipere, si alio nomine exsolutum vellet, ex quaestione proposita intelligendum est: nempe hætenus, ut ea pecunia intelligatur non esse soluta, quam creditor non accipit. Et revera soluta non est. Sed hoc non facit, quin creditor non iure eam pecuniam recuset. Quamobrem & pecunia illi obsequari potest, & quavis non sit obsequata; tamen moram facit & periculo eius pecunie alligatur. Interim si neque ea pecunia perierit, neque obsequata erit: semper verum est, eam non esse solutam, quam ipse non accipit. Et semper hoc modo in eius potestate est non accipere. Subiicit Antoninus: *Quod si debitor id non fecit, convertitur electio ad eum, qui accepit.* Id est, si debitor initio non dixerit, in quam causam solum vellet: convertitur electio ad creditorem, qui accepit; ut sit in eius potestate, tum

eum pecunia solvitur, constituere, in quam causam acceptam ferat: & in eam causam pro soluta habeat.

Et diligenter verba huius loci expendenda sunt: dicitur enim electio hoc casu esse creditoris: quo verbo aperte significatur licere creditori constituere pro suo arbitratu, in quam causam pecuniam acceptam velit, etiam leviozem, ac non tantum graviorem, id est, etiam in eam causam, quæ sit illi commodior, et si levior sit debitori. Nam si cogereatur constituere tantum in graviorem causam, nulla hic eius electio esset. Nihil enim tam pugnat cum electione, quam necessitas alicuius causæ suscipiendæ. Sed & contrarium scriptum videtur in *d. L. 1. vers. quoties, D. cod.* Verba hæc sunt: *quoties vero non dicimus, id quod solum sit, in arbitrio esse accipientis, cui potius debito acceptum ferat: dummodo in id constituat solum, in quod ipse si deberet, esse soluturus.* Quæ verba significant, dummodo constituat in graviorem & duriorem causam, ut & explicatur in *L. 3. D. cod.* Male vero vulgo hæc Ulpiani verba accepta sunt de eo creditore, qui in re præsentī, id est, tempore solutionis, diceret, in quam causam acceptum ferret, quod solvitur. Loquitur Ulpianus de eo, qui post perfectam solutionem id constituit. Quod colligitur aperte & ex verbis superioribus, & ex verbis postremis eius *L. 2.* Sed omnium evidentissime ex *L. 3.* quæ est eiusdem auctoris Ulpiani. *cod. tit. D. de solutione.* Ex verbis superioribus ideo, quod Ulpianus non dicit: *quoties vero debitor non dicit; sed, quoties vero non dicimus:* quod valet: quoties ambo, id est, debitor & ego creditor, non dicimus. Sed & in extremis verbis dicitur *L. 1.* Ulpianus nominatim & distincte de eo creditore loquitur, qui in re præsentī constituit, quid velit. Ex quo intelligitur Ulpianum de eo prius locutum non esse. Alioquin stulta & inepta esset inculcatio; præsertim eius rei, quam prius diligentissime exposuisset. Sed omnem dubitationem tollit *d. L. 3. cod.* Ibi enim subiicit Ulpianus: post perfectam solutionem non permitti creditori constituere, in quam causam acceptum ferat, nisi in graviorem, & duriorem. Quo aperte declaratur ante ei licere, in quam velit causam, etiam leviozem constituere, dum in re præsentī id faciat. Et ꝑ obiter hoc loco animadvertenda est lectio, *d. L. 1. in fin.* quæ manifeste vitiosa est. In Pand. Florentinis, & fere in omnibus aliis exemplaribus ita legitur: *permittitur ergo creditori constituere,*

fituere, in quod velis solutum; dammodo sic constituat, ut in re sua constitueret, hæcenus recte; aliud vitiose, quod sequitur: subiciitur enim continenter: sed constituere in re presenti, hoc est, statim, atque solutum est, neque quidquam additur præterea. Sed verbum deesse perspicuum est. Itaque veteres quidam addiderunt, debet; non recte. Nam creditor constituere potest, in quam causam acceptum ferat; sed potest, si velit: non cogitur. Non est difficile intelligere, pro illis verbis, hoc legendum esse, potest, applicatione in p. mutata, & e u r quorum litterarum tantam affinitatem esse constat, ut sæpius quam frequenter aliae in alias mutantur. Verbo autem, potest, restituito optime constat sententia. Summa hæc erit: ubi debitor in re presenti non dixit, in quam causam solveret; est in arbitrio creditoris in re presenti constituere, in quam causam acceptum ferat, etiam leviores.

5 Quod tamen rursum sic accipiendum est ex L. 2. D. eod. si debitor aut non contradicat, aut contradicens pecuniam apud creditorem manere patiar. Cæterum si alio nomine pecuniam ei solutam velit, est in eius potestate id consequi; sed pecuniam non dando, non præstando.

Ait deinde Antoninus: Si neuter voluntatem suam expressit, prius in usuras id, quod solvitur: deinde in sortem accepto feretur. His verbis multa desunt ad questionem propositam. Quid enim, si de pluribus diversis contractibus agatur? denique si de pluribus summis principalibus; de quibus propositio huius rescripti concepta est? Deinde etiam hæc sententia de usuris omissis locis de hac imputatione scriptis advertari videtur. Nam in L. 3. §. L. 5. D. eod. constanter definitur, creditorem post perfectam solutionem non posse id quod solvitur, acceptum ferre, nisi in graviores causas: quod contra fit, si pecuniam solutam acceptam ferat prius in usuras, deinde in sortem. Nam aperte gravior est debitori debitum fortis, quam usurarum, de quo postea. Quare ut hic locus pateat, de re tota semel dicendum videtur: quæ ita partes inter se coniunctas habet, ut una sine altera intelligi non possit. Ergo cum neuter ex reis voluntatem expressit (intellige tempore solutionis, quæ verba initio posita, ad reliquas partes distinctionis propositæ referenda sunt) cum ergo neuter ex reis voluntatem expressit tempore solutionis, & quaeritur, in quam causam id, quod ex multis debitis solutum est, acceptum ferre

Tom. IX.

possit. creditor: multum refert, utrum de pluribus summis principalibus agatur, an vero de sorte & usuris. Si t. de pluribus summis principalibus, sive de pluribus fortibus: hæc definitio certi iuris tenenda est, non posse creditorem postea constituere, in quam summam acceptum ferat, quod solutum est, nisi in duriorum & graviorum. d. L. 3. §. L. 5. D. eod. Graviorem intelligere debemus, quæ debitori gravior est, id est, quæ magis eum onerat, ac proinde quæ veritissime est eum ante omnia se exoneraturum fuisse, ut aperte colligitur ex L. illic quæque debito; D. eodem.

Hinc t. quantum, quantum ellet causa debitoris gravior. In quo hic rectus est & naturalis progressus, ut ante omnia constituamus causam aliquam, quæ sit gravis; sic deinde gravi inventa queramus, inter plures graves quæ sit gravior; & ut quæque erit gravissima, ita primo loco amoveatur debitori: quem & progressum reperiemus veteres ipsa servasse magis, quam verbis expressisse. Illud ergo primum in hac re, ut constitutum in his causis pluribus quantum sit gravis causa, quæ non gravis. Et t. recte definimus eam debitori causam & obligationem gravem esse, ex qua cogi potest ad solvendum, quod debet: illam autem non gravem, ex qua quod debetur, exigi non potest. Propemodum enim pro non debito est, quod dare nisi velis, cogi non possis. L. sub hoc, D. de obl. & act. Hinc nata illa definitio Iuliani, quæ ex hoc progressu primum locum obtinet: cum ex pluribus causis debitor pecuniam solvit, ex ea causa cum solville videtur debere, ex qua tunc cum solvebat, compelli poterat ad solvendum. L. cum ex pluribus, D. eod. nempe quia hæc sola gravis debitori, quam nunc quaerimus; cæteræ autem non graves. Causæ, ex quibus debitor cogi ad solvendum non potest, sunt tres: obligatio naturalis, obligatio civilis, sed in diem aut sub conditione obligatio civilis puta, sed quæ sit in controversia. Ex obligatione naturali in totum nulla petitio est, eoque nulla necessitas præstandi. L. naturales, D. de obl. & act. Quod in diem, aut sub conditione debetur, interim peti non potest. L. cedere, D. de verb. sig. Sed & quod controversum est, non prius constat ex eo petitionem esse quam reus eo nomine iudicio victus & condemnatus fuerit. Hinc totidem causæ superiore definitione exclusæ, ne in has solutionem acceptum feratur: quod & de singulis alibi nominatim traditum legimus a veteribus. Et si quid naturaliter debetur, ut usura, pacto,

T t t t

pacto,

pactō, exstat etiam de his constitutio Antonini, ne quod solutum est, in eam causam acceptum feratur: ut quavis usura ex pacti conventionione nominatim solutæ retineri a creditore possint; tamen proprio titulo non numeratæ, pro solutis ex arbitrio percipientis non habeantur: id est, quod simpliciter solutum est, non possit retineri a creditore in eas usuras, tanquam in eas pro estimatione percipientis solutum esset: exstat in *L. 5. §. Imper. in fin. D. eod.* Similiter & si quid in diem, aut sub conditione debetur, diserte scribit Ulpianus in *L. 3. eod.* id videri solum, cuius dies venit. At enim ex eodem Ulpiano prius scriptum legimus in *L. 1. D. eod.* in hæc verba: *creditorem in id constituere posse solum, in quod ipse si deberet, esset soluturus*; id est, in id debitum, quod non est in controversia, aut in illud, in quod pro alio quis fideiussit, aut cuius dies nondum venerat: quod sane aperte contrarium est, si prius illud, aut, pro, vel, accipimus. Erit enim hæc sententia, creditorem id, quod solvitur, constituere posse solum in id debitum, quod non est in controversia, vel in illud, in quod pro alio fideiussit, vel in id cuius dies nondum venerat; quorum posterius Ulpianus idem diserte negat in dicta *L. 3.* prius autem diserte Pomponius in *L. 4. eod.*

- 9 Et t vero ex ea definitione, quam supra posuimus, prior illa sententia aperte falsa est: ut dubitandum non sit, quin aut superior locus *L. 1. s. mendosus sit*, & pro priore particula, aut, legendum sit *haud*, quod valet, non; aut eadem particula recte interpretandum aut pro non. Prius alicubi se legisse significat Accursius in glossa ad eam particulam, cum in extremo ita scribit: *vel dic, haud pro non.* Idem & se legisse in uno vetere exemplari testatur Ruffardus. Sed & posterioe & vulgari scriptura retenta, tamen nihil prohibet, quominus hoc idem, aut, pro haud, id est, non positum accipiamus. Non enim novum est in Pandectis Florentinis omitti aspirationem, ubi ex usu communi addi solet: ut in *L. illud, circa fin. D. de per. & com. rei ven. legitur occasu*, pro hoc casu: & in *L. 5. §. ult. D. de res. vend. legitur omo pereat*, pro homo pereat: item in *L. 4. in si. princip. D. de in diem, add. anc speciem*, pro hanc speciem. Et quod ad litteram, t, postremam attinet, ne ea nos moretur: nam plerique non inintæ notæ Grammatici auctores sunt haud pro non scribendum per t, non per d, ut sit haud, non haud.

Quod cum ita sit, postquam accedis certi iuris ratio ex aliis locis cognita, quæ sententiam negativam exigat: non habebimus in hac re, quin alternitro modo ex his locum aut emendemus, aut interpretemur. In eadem causa cum superioribus est ea, quæ est in controversia, ut ante ostendi. In quam idcirco ex superiore interpretatione *L. 1. s. placet creditorem solum acceptum ferre non posse.*

Hoc intellecto, quæ sit gravis debitori causa, in quam primo loco solum constitui oporteat: proximum est, ut si quæ plures huius generis occurrant, ex quibus debitor diversas summas debeat: quaeratur, quæ sit ex duabus gravior; ex multis, quæ gravissima, quæ hæc pro commo creditoris primo loco subducatur. In quo animadverto ires a veteribus observatos esse summos & principales gradus, & in his servatum hunc ordinem, ut a gravissimis causis progressus fieret ad minus graves.

Primus t ergo gradus est in eo, si qua sit causa eiusmodi, in qua dilatio damnum aliquod, aut periculum adferat vel famæ, vel pecuniæ, vel molestiæ a pluribus creditoribus subeunda. Periculum famæ versatur in iis actionibus, ex quibus damnatus ex edicto sit infamis, ut furti, vi bonorum raptorum, iniuriarum, pro socio, tutelæ, mandati, depositi, *l. 1. s. D. de his, qui not. inf.* Periculum pecuniæ est in iis, quæ si quid non præstetur, aut pecuniam, vel pecuniæ usuram continent, aut intictione crescut, aut hypothecam adiunctam habent: ubi scilicet pecunia non soluta debitor pignoris distractionem patitur, in qua saepe magnum debitoris damnum est. Atque hoc ex genere maxime est actio iudiciali, ex qua bona debitoris capiuntur pignori, & distrahuntur, unde iudicatis satisfiat. Accedunt etiam usure cænesimæ, quibus ex causa iudiciali subicitur condemnatus iustiniani constitutione. *L. ult. C. de usur. rei iud.*

Periculum molestiæ a pluribus creditoribus imminet, cum debitor aliquid debet satisfato, id est, fideiussoribus datis. *L. 1. s. D. qui sat. cog.* Hic enim habet duorum generum creditores: creditorem principalem, & fideiussoribus, qui non tenent debitori molesti esse, donec solvat. Placet igitur, ut quæque harum causarum primo occurrerit, ita in eam causam accepto ferendum, quod solum est. Et quoniam in his periculis alia aliis tunc graviora, ideo etiam in hoc genere hic ordo servatus est a veteribus, ut primo loco

loco potior habeatur ea causa, quam famosa est, ut in qua de estimatione agatur, re omnium gravissima, *L. cum ex pluribus. 97. L. si quis. 7. D. eod.* Secundo loco ea, quae poenam continet: qualis est, quae habet stipulationem poenae, aut usurarum adiunctam; qualis, quae crescit per infictionem; qualis obligatio & actio iudiciali. *d. L. cum ex pluribus. 97. L. 4. L. 7. D. eod.* Tertio ea causa, quae sub hypotheca, vel pignore contracta est, propter periculum distractionis pignorum, *d. L. cum ex pluribus. 97.* Porremo ea ex qua quid debetur satisdato *d. L. 4. eod.*

11 Si igitur in causis, ex quibus debitor ad solvendum compelli potest, nullum tale periculum mensuratur ex dilatione, quale ante diximus: proximus gravitatis gradus est in eo, si qua sit causa propria debitoris, non aliena: seu si quid is suo, non pro alio fideiussorio nomine debeat. Ideo & post superiore ordinem placet potiorum haberi causam propriam, quam fideiussoriam, dicta *L. cum ex pluribus. 97. L. 4. eod.* Quae sententia apud veteres iustam dubitationem habere potuit: cum iure vetere tam tenetur quis ex causa fideiussoria, quam ex sua: nam eo iure potestas fuit creditori relicto reo eligendi fideiussores. *L. 5. sup. de fid.* Unde & Papinianus in *d. L. cum ex pluribus. 97.* huius sententiae rationem reddere studuit praeter ceteras; & ait id veteres ideo definiisse, quod verisimile videretur, diligentem debitorem admonitum ita negotium suum gesturum fuisse. Ratio sumpta ex more & ingenio hominum: qui quia se sibi proximos ducunt, ideo non tantum ad utilitatem, sed etiam officium suum pertinere putant, sua potius curare, quam aliena: ex quo & illud tritum sermone proverbium apud Terentium in Andria: *Proximis sum egomet mihi.* Sed hodie res expedita est, neque omnino superiore ratione indiget. Nam hodie beneficio Iulianiani fideiussor propemodum in diem debet, vel potius sub conditione, si debitor principalis abiit, aut praesens non sit solvendo, *antb. praesente, sup. de fid.*

12 Si igitur nihil eorum interveniat, sed omnia nomina erunt & in commodo, & proprietate similia: etiam hic tertius gravitatis gradus admittitur est a veniens, ut ex omnibus habeatur causa gravior, quam antiquior. Ideo placet, cum caetera concurrent, quod iudicantem solvitur, in antiquiorem & veritatem causam solutum videri, *d. L. cum ex pluribus. 97. L. 5. in pr. L. ubi. 24. L. creditor. 92. §. F. d.*

lerius. D. eod. Quod tamen prima fronte videtur a veteribus contra statui debuisse. Nam quo quaque causa recentior est, eo est & debitori gravior: ut quo longius distans a praescriptione Ingui temporis tolleratur difficultas, eoque & magis debitorem oneret. Illa contra levior debitori, quae est antiquior propter hanc ipsam praescriptionem temporis, a qua quo minus distat obligatio, eo propior est liberationi, eoque & minus debitorem onerat. Et ita res habet, si utilitatem spectamus debitoris, levior illa causa est, quae est antiquior: in qua non solvenda citius perveniat ad longi temporis praescriptionem. Sed hanc exspectare, atque ideo non solvere non est honestum. Turpe est diu debere aliquid, & in eo frustratorem videri. Turpius exceptionem temporis querere, ut creditori fraudes. Inde quaestum interdu, quis sit antiquior contractus.

Ut igitur in liberto de contractu operarum 13 dubitatum indicat definitio ad id explicandum comparata in *L. in liberto. 77. D. eod.* Finge libertum debere patrono operas: eundem post manumissionem pleraque contraxisse cum patrono, aut ex alia causis ei debere coepisse ita, ut extra causam temporis nulla ex his causis alia esset gravior: deinde summam aliquam patrono solvere sine designatione eius summae, in quam solutum vellet. Quia hoc casu dicimus id, quod solvitur, in antiquiorem causam cedere: quaestum est, an operarum contractus caeteris esset antiquior, an caeteri hoc contractu. Quid enim, si proponas libertum ante caeteros contractus nihil operarum nomine debuisse patrono, sed tantum postea debere coepisse, quia cum postea operam indicat essent, eas non praestitisset? Ex re definita est in dicta *L. in liberto, eod.* his verbis: *in liberto antiquior contractus operarum esse non potest, sine quo libertas ei data non esset.* Si haec ratio addita non esset, intellexeremus ex verbis prius hoc dici, in liberto contractum operarum non posse esse antiquiorem caeteris, quos libertus cum patrono constitutus habet; & ideo caeteros esse antiquiores. Nunc haec ratio ostendit contrariam sententiam accipi debere: esse autem hanc: contractum nullum antiquiorem esse non posse operarum contractui, ut hic verbum *contractum* repetamus ex proximo, significeturque cum nullus alius contractus liberti possit esse antiquior, restare, ut sit antiquior caeteris contractus operarum. Id autem dicitur ratio subiecta efficere: quod cum dicitur, sine contractu operarum futurum fuit.

fuisse, ut nec libertas data esset: significatur hunc contractum iam a principio libertatis datam cum patrono esse interpositum, quod & verum est: non enim debentur operæ patrono, nisi tempore manumissionis impositæ. *L. 1. sup. de oper. lib. L. ult. D. de statul.* Quod si ita est, perspicuum est hoc colligi, quicunque contractus post hanc manumissionem secuti sunt, esse posteriores operarum contractus: eoque & hunc contractum cæteris esse antiquiorem. Hoc & Accursius recte intelligens eodem modo locum accepit: nisi quod ante verbum *operarum* putat subaudiendum, *quam*, quasi ita scriptum esset; in *liberto antiquior contractus, quam operarum esse non potest*. Hoc quidem ad contextum orationis parum tolerabile, cum nusquam prius sit hoc, *quam*, unde in reliqua oratione id repetitur, sed tamen ad sententiam idem efficit.

- 14 Sunt ¶ ergo hæc causæ ordine, in quas quod solum est, ante alias acceptum ferri debeat. Quod tunc nullam dubitationem habet, cum nihil amplius solum est, quam quod in eam aliquam queat imputari. Quid fiet, si maior pecunia numerata sit, quam ratio singulorum exposcit? quod amplius est, reliquis causis suo cuique ordine tribuetur: quod his verbis expressit Papinianus in *d. L. cum ex plurib. 97. D. cod. nihilominus primo contractu*, inquit, *soluta, qui potior erit, superfluum ordinis secundo vel in totum, vel pro parte minuendo videbitur datum*.

- 15 Quod ¶ si par dierum, & contractuum causa sit dierum, ut nulla causa alia aliis sit antiquior; contractuum, ut alii aliis non sint debitori onerosiores; hic Pomponii recepta definitio est, *ex omnibus summis pro portione videri solum, L. illud, 8. D. cod.* Recte, *ex omnibus*, non ex una aliqua præter cæteras, cum omnes causæ pares sint. Recte, *pro portione*, non æqualiter: ut in paribus causis tantum uni tribuatur, quantum alii pro portione, quod proportio arithmetica exigit.

- 16 Hæc ¶ dicta sunt de pluribus summis principalibus ex quibus itidem diversæ summæ debentur. In quibus de solutæ unius summæ hoc placere in somma animadvertimus: quod sine demonstratæ debitoris creditorive initio solum est, in graviores debitori causam solum videri: proinde in eam, quam tolli debitori expedit. Diversa causa est, ut præposui, cum agitur de forte & usuris, ex quibus fortis obligatio principalis est: usuratum

accessoria. Hic si quid solum sit, quod ad utramque causam non sufficiat, auctro voluntatem suam exprimentem: servatur id, quod scriptum est in hac *L. 1.* ut prius in usuras id quod solvitur: deinde in fortem acceptum feratur. Ergo in eam causam, in quam accepto ferri creditori expedit, non debitori. Est enim, ut initio dixi, creditori utilius ante acceptum ferri in usuras, quam in fortem: contra debitori prius acceptum ferri in fortem, quam in usuras. Nam sublata obligatione usurarum præteritarum, nihilominus manet fortis obligatio integra creditori, & simul obligatio futurarum usurarum: cum si fors prius solvatur, una cum forte etiam tollatur obligatio usurarum accessoria *L. eos, in prin. sup. de usur.* quod creditori incommodum est; utilis debitori. Cur ergo non hic quoque sequimur id, quod debitori utilis commodique est, uti & in pluribus causis principalibus? Quia in principalibus id fieri licet sine creditoris damno & iniuria: in forte & usuris non licet. Nam cum in principalibus causis, quod solvitur, acceptum fertur in causam debitori graviorem pro commodo eius, quamcunque eam causam esse placeat, semper ea una obligatio creditori tollitur; cæteræ ut æque principales integre ei manent. Est æquissimum, quod debitori prodest, & creditori non nocet, id debitori tribui, quod nec extraneo cuivis in rebus aliis denegaretur. *L. 2. §. quamquam, D. de ag. pla. arc.* Et hæcenus verum est, quod Ulpianus ait in hac specie in *L. 1. D. cod. æquissimum visum esse creditorem ita rem agere debitoris, ut suam ageret*: nempe in his causis principalibus, in quibus id conditur solum, quod debitori expedit: quia nihil propterea ea in cæteris causis deccedit. Id contra fit in forte & usuris, si creditor solum cogatur prius acceptum ferre in fortem. Sic enim eveniet, quod iam dixi, ut una cum forte soluta tollatur etiam obligatio usurarum, que tanquam accessoria sequitur obligationem principalem fortis. Hoc vero non sine damno & iniuria creditoris: ideo recte placuit non esse admittendum.

Quod dicitur, in proposito id quod solvitur, prius in usuras accepto ferri, sic accipiendum est: si creditor ita constituit. Potest enim in usuras acceptum ferre, si velit; potest & si velit, in fortem. Sed hoc posterius facere non cogitur. Totum enim hoc pro commodo eius constitutum est. Quid ¶ tamen, si creditor dum pecuniam accipit, ita caverit debitori, ut

diceret se in sortem & usuras accipere? An prius in sortem acceptum ferre debet, deinde quod superest in usuras, ut est ordo verborum prioris cautionis; an quia coniunctim dictum est, in sortem & usuras, debet quod solutum est, simul sorti & usuris decedere pro rata? Nam superior ratio utramque interpretationem recipit. Et placuit neutrum admittendum, sed ius superius in hac quoque cautione servandum, ut solum prius acceptum feratur in usuras; tum deinde si quid superest, in sortem cedat, hoc in *L. 5. §. ult. D. eod.* At enim in re dubia a verbis cautionis discedendum non est. *L. non aliter, D. de legat. 3. L. 1. §. licet, vers. in re igitur dubia, D. de exerc. act.* Quid autem aliud significatur superioribus verbis, quam alterutrum eorum, quæ dixi? Immo illis verbis intelligi potest & istud tertium, ut quod solutum est, imputetur prius in usuras, tum si quid superest, in sortem. Nam & eum summa accipitur isto ordine, semper vnum est accipi in sortem & usuras; etsi verborum ordine ista convertuntur. Eodem, continetur superioribus verbis & hoc tertium. At certe semper constabit contineri etiam superiora. Cur ergo hoc tertium potius sumitur? Et huius obiectionis occupandæ causam ratio redditur in *L. 5. §. ult. & L. 6. seq. D. eod.* Nec enim, inquit Paulus, *ordo scripturae spectatur, sed potius ex iure sumitur id, quod agi videtur.* Recte Paulus: significat enim, ut sunt superiores sententiæ, quas cautio proposita recipit, cautionem esse ambignam. In ambigua oratione ex perpetuis præceptis iuris sequendum esse id, quod actum est. *L. ubi, D. de reb. dub. L. semper in stipulationibus, D. de reg. iur.* Id quod si in hac cautione queritur, recte id sumi ex constituto iure. Verisimile est enim contrahentes id, quod agunt, attemperare velle ad id, quod in more est, & iure publico, & id sequi: nisi quid appareat aliter eos sibi cavisse.

18 Usuras † hic quas accipere debeamus, videndum est. Nam quædam per stipulationem civiliter deberi possunt: quædam pacto tantum naturaliter. De his quæ debentur civiliter, quas eandem debitor co-

gitur exsolvere, nulla dubitatio, quin aut ad nullas, aut ad eas superior constitutio maxime pertineat. Sed an pertineat etiam ad indebitas, quæ pacto naturaliter tantum debeantur, ut possit creditor, quod solutum est, etiam in eas solutum pro arbitrio constitutere: id vero est, quod in hac parte dubitationem recipit. Nam & hæ usuræ sunt, eademque creditori debentur. Rursum iure civili ita indebitæ, ut ab invito exigí non possint. Et quod alia constitutione effectum est, placuit ad eas usuras constitutionem superiorem non pertinere, nec licere creditori in eas quidquam retinere, quod non aperte in eas datum solutumve sit. *d. L. 5. §. pen.* Ille quod generaliter, *eod.* Plane si in eas quoque pignus datum erit, quemadmodum per retentionem pignoris usuræ servari possunt: *L. per retentionem, L. pignoris, sup. de usur.* ita pignore distracto multo magis licere debet creditori pretium acceptum referre in eandem quantitatem, etsi natura tantum debeatur. *L. Paulus, 101. D. eod.*

Nam quod manentibus adhuc pignoribus tribuitur creditori ad pecuniam debitam servandam: multo magis pignoribus pro commodo eius distractis illi tribui debet in ea pecunia, quæ inde redacta est. Quod tamen sic servari placuit, si usuræ debeantur solum naturaliter, ut pacto. Quod si quædam earum ex stipulatione, quædam ex pacto naturaliter debeantur: constitutum hic est, cum creditor pignore distracto pecuniam redigit, non posse eum, quod solvitur, in usuras, id est, quod sic accipit, ut imputet in usuras: non posse, inquam, eum id retinere pro arbitrio in eas usuras, quæ naturaliter debeantur, sed ad utramque causam usurarum, tam civiliter quam naturaliter debitarum pertinere; & quidem æqualiter, etsi summa utrarumque non sit eadem: *d. L. 5. §. penult. D. eod.* ut si proponas usuras civiliter debitas esse ad quinquaginta, natura tantum debitas esse ad viginti, & viginti a debitore soluta, detrahantur de singulis usuris decem ex æquo, non autem pro rata cuiusque usurarum portione, *d. L. 5. §. penult.*

Ad L. Liberari. 2.

Imp. Alexander. A. Bassæ.

Liberari fideiussores, quoties fiscus tam debitori, quam creditori (licet diversis rationibus) succedit, ius certum est. Quod & in tua persona procuratores mei custodient. PP. Kal. Iul. Lupo & Maximo Cess.

S U M M A R I A.

1. Confusio liberari fideiussores, etiam cum fiscus debitori simul & creditori succedit, licet non una, sed diversis rationibus.
 2. Una ratione aut diversis fiscum succedere debitori & creditori, quid sit.
 3. Utrum modo ex his fiscus succedat, fideiussorem liberari: & cur.
 4. Diversis rationibus hic legendum, ut vulgo, non diversis rationibus: & cur hoc posterius convenire non possit.
 5. De confusione cur sui titule de solutionibus.
- Q**UOTIES ꝑ creditor debitori suo succedit, vel contra, toties confusio tollitur obligatio. *L. debitori, supr. de pact.* Obligatione subita hoc evenit, ut & fideiussores liberentur. *L. in omnib. speciebus, D. eod.* Hoc ius in privatis certum est. Idem in persona fisci, qui debitori simul & creditori successerit, servandum esse hoc rescripto declaratur. Sed additur, quod nonnullam difficultatem habet; nempe evenire hic quoque, ut fisci fideiussores liberentur, licet debitori & creditori successerit fiscus, non una ratione, sed diversa. His verbis quid significetur, ambiguitur.
- 1.** Et ꝑ dicitur fiscus succedere ambobus una ratione, cum succedit ex una causa ambobus. Diversis autem rationibus tunc, cum ambobus succedit ex diversis causis, ut hic ratio significet causam. Utrumque autem contingit hoc modo. Fiscus ambobus succedit una ratione, cum creditor privatus prius heres institutus a debitoris suo, ei heres existit; vel tanquam proximus agnatus intestato successit; ac deinde creditore damnato ex publico crimine, bona eius ea damnatione ad fiscum pervenerunt. Hoc modo primum fiscus creditori damnato succedere intelligitur. His enim fiscus successor est, quorum ille bona occupat. *L. cum tabulis, in fin. D. de his quib. ut ind. L. 2. infr. ad L. Iul. de vi.* Post deinde idem fiscus per hunc creditorem heres fit etiam debitori, cui creditor prius heres existerat. *L. 3. D. de pet. her. L. ult. sup. de her. inst.* Sic autem dicitur fiscus succedere utrique una tantum ratione, quis succedit ex una tantum causa, nempe ex uno delicto creditoris. Contra fiscus utriusque succedit diversis rationibus, cum primum damnato
- debitore fiscus eius bona ex ea damnatione occupat, deinde etiam damnatur creditor ex alio crimine: sic enim fit, ut ambobus succedat separatim, & ex diversis causis, idest, diversis criminalibus, & diversis damnationibus.
- Ergo ꝑ cum fiscus priore modo succedit utrique & creditori & debitori ex solius creditoris damnatione, pro confesso hic sumitur fideiussores liberatos fisco non teneri. Et recte: nam vivo adhuc creditore suo liberati erant, cum is debitori successisset: Semel liberati non revocantur amplius in obligationem: in perpetuum enim extincta obligatio non rescuitur, *L. qui res, D. eod.* Huc accedit, quod fiscus creditoris successor est. Quoties autem fiscus privato succedit, toties iure privati utitur pro anterioribus sue successioneis debitis & creditis. *L. fisci. 6. D. de iur. fisci.* At cum fiscus succedit utrique diversis rationibus, puta debitori damnato primum, post deinde & creditori ex alio crimine: iusta dubitatio est, num fideiussores liberentur. Et vero non liberari quis dixit. Cum enim primum fiscus succedit debitori, manet adhuc obligatio principalis, qua tenetur fiscus creditori, cui ob id & fideiussores adhuc obligantur. *L. supr. de fideiuss.* Ita cum postea idem fiscus creditori huic succedit, nempe ei succedit, cui fideiussores adhuc tenebantur: ut consentaneum videri possit, fiscum, qui in eius locum succedit, eodem iure uti posse adversus fideiussores. Huc accedit privilegium, & favor fisci, de quo tot. *Tit. sup. de privileg. fisci. & d. L. 6. D. de iur. fisci.* Et ad minuendam hanc dubitationem hoc rescriptum relatum est: quo declaratur etiam hoc casu, cum fiscus succedit creditori, cui fideiussor-

res tenebantur, nihilominus fideiussores liberari, si prius idem fiscus debitori successisset, quamvis separatim & diversa ratione. Hoc ideo, quia hic quoque confunditur obligatio non minus, quam priore casu. Nihil ad rem pertinet privilegium, & favor fisci. Utrumque enim in fisco servatur, quoad potest. Nunc autem natura non patitur, ut idem creditor sit & debitor. Eademque natura efficit, ut principali obligatione sublata, non sit accessio locus *L. cum principalis, D. de regul. iuris. L. in omnibus speciebus. D. de sol.* Fideiussores porro accessio sunt principali obligationis. *S. fideiussores, Inst. de fideiuss.*

4 Accurcius § legit, *diversis stationibus* quam lectionem etiam quidam retinendam putant, interpretanturque *stationes*, officinas, seu tabernas & mensas varias fisci: ut sit sensus, aliquem accepisse pecuniam ex una taberna a fisco, eundem in alia taberna pecuniam fisco credidisse, & ita eundem esse debitorem & creditorem fisci ex diversis stationibus, idest, officinis & tabernis. Quod nullo modo huic loco convenire potest. Primum sententiae orationis adversatur. Hæc enim oratio, *licet diversis sive stationibus, sive rationibus*, quocunque modo ex his legitimis, adversativa est: posita augendæ dubitationis causa, quam tamen removet. At si legimus, *diversis stationibus*, ut efficiatur ea sententia, quam dixi: nullam habet ea ratio probabilem causam dubitationis, cur fideiussores tunc non liberentur, cum fiscus idem creditori & debitori suo succedit, sique idem debitor & creditor.

Immo vero tantum abest, ut faciat ad augendam dubitationem, ut magis dubitationem tollat. Nam hoc modo bis confunditur obligatio in persona fisci. Tum autem verbis convenire non potest ullo modo. Ex hac enim interpretatione fingitur fiscus esse debitor primus, & creditor. Nunc autem hic agitur de fisco, qui tam debitori, quam creditori succedit. Deinde ex hæc interpretatione verba hæc, *licet diversis stationibus*, necesse erit referri ad verba, *debitoris & creditoris*, ut intelligamus eum, qui sit debitor & creditor ex diversis stationibus, quod contextus non patitur: in quo illa adiectio non potest referri, nisi ad verbum, *succedit*, quod solum est in universa facti propositione. Est enim adiectio motum eiusque progressum a causis obligationis indicans. Moys. autem tantum cadit in nomen, quod neque actionem, neque passionem significat. Unde necesse erit hunc sensum esse: ut dicatur fiscus succedere debitori, & creditori ex diversis officinis, quod apparet non tantum falso, sed etiam ineptissime dici. Ut enim debitor ex una officina debere coeperit, creditor ex alia officina crediderit fisco; non potest tamen fiscus his succedens diei succedere ex his officinis: succedit enim ex crimine & damnatione, non ex loco, aut causis contrarium præcedentium. Non igitur omnino autem abs re est, quod hic locus de confusione in hunc titulum relatus est. Nam consuetudo interdum pro solutione est, *L. Stichum, S. additio, D. eod.*

Ad L. Si cum. 3.

Imp. Gordianus A. Apollonio.

Si cum servus liberam peculii administrationem haberet, mutuum ab eo accepisti pecuniam, eiusque ante ademptum peculium, vel priusquam ademptum cognosceres, eam exsoluisti: ea solutione liberatus es. PP. S. Kal. Octob. Pio & Pontiano Coss.

Ad L. Nihil. 4.

Idem A. Rufinæ.

Nihil interest, utrum creditori mutuum pecuniam solveris, an ex eius voluntate servo numeraveris. Nec enim ex eo quod creditor concessit in factum prius quam instrumenta redderet, evacuatæ obligationis vires reparari queunt. PP. II. Id. Octob. Pio & Pontiano Coss.

Tom. IX.

VVVV

Ad L.

Ad L. Cum maritum 11.

Idem AA. & CC. Capitolinz.

Cum maritum tuum a debitoribus tuis minoris vigintiquinque annis constituta, velut ex causa tibi debiti aliquas accepisse quantitates, nec tamen te consensum accommodasse significes: nullum tibi praeiudicium potuit fieri, nisi factam solutionem post maiorem aetatem ratam feceris. S. V. Kal. Maii. Heraclia. AA. Coss.

Ad L. Invito. 12.

Idem AA. & CC. Eutychio.

Invito vel ignorante creditore qui solvit alii, se non liberat obligatione. Quod si hoc vel mandante, vel ratum habente eo fecerit: non minus liberationem consequitur, quam si eidem creditori solvisset. S. III. Idus Maii. AA. & CC. Coss.

S U M M A R I A.

1. Creditori maiori & sane mentis recte solvi.
2. Alii, quam creditori recte solvi voluntate creditoris.
3. Voluntate creditoris solvi, siue mandat, siue ratum habeat.
4. Precuratori recte solvi.

5. Servo, qui peculium habet, recte solvi, quando.
6. Mandato revocate non recte solvi procuratori: & peculio adempto non recte solvi servo, si debitor hoc facta sciat: diversum, si ignoret.
7. Minus recte solvi.

HIS rescriptis quatuor et exponitur ille locus, cui recte solvatur ad liberationem debitoris. De eo ita statuendum. Alia in eo causa est creditoris minoris, & eius, qui auxilio tutoris, aut curatoris regitur; alia maioris vigintiquinque annis, qui curatorem non habet. Creditori et ipsi, dum maiori & sane mentis, ultra controversiam recte solvitur. *L. 4. in pr. L. invito, in fin. hic.* Est enim is, cui debetur, id est, is cui ex obligatione prestandum est: ut dum ei solvitur, plane eo modo satisfacta obligationi. Unde & liberationem existere necesse est.

Contraria et de causa alii frustra solvitur invito, aut ignorante creditore, *d. L. invito, in pr.* Quippe hoc modo non fit, quod debuit ex obligatione. Sed hoc, inquam, ita, si invito, aut ignorante creditore solvitur. Voluntate eius qui alii solvit, non minus liberatur, quam si ipsi creditori solvisset. dicta *L. invito, dict. L. hic.* Voluntate et creditoris alii solvi intelligitur, siue mandat creditor debitori, ut alii solvat; siue cum ignorante eo solutam esset, postea ratum habeat. dicta *L. invito.* Idem est etiam debitori creditor ni-

hil mandaverit; sed mandavit alii, ut pecuniam a debitore acciperet. *L. 3. hic.* De mandante creditore nulla dubitatio est. De eo, qui ratam habet, desinit dubitari, postquam obtinuit, ratihabitionem mandato comparari. *L. vero, in fi. D. eod.* Quod autem diximus idem esse, etiam creditor non debitori, sed alii mandavit, ut pecuniam vel exigeret, vel oblatam acciperet: declaratur ea re maxime, quod etiam tacitum mandatum creditoris intervenient de pecunia exigenda, recipiendave; tamen ei, cui ita mandatum sit, placet recte solvi. Argumento sunt procurator universorum bonorum, & servus, cui dominus liberam peculii administrationem dedit. Vero et procuratori recte solvi placet, non tantum si ei mandatum est specialiter, ut pecuniam exigeret, vel acciperet oblatam; sed etiam si ei omnium negotiorum administratio mandata sit. *L. vero, in pr. D. eod.* Nempe quia administrationis verbo tacite etiam exactio huius pecuniae concessa est. et Hac de causa & ei servo recte solvitur, qui liberam peculii administrationem habet, si ei solvatur, priusquam debitor ademptum ei peculium cognosceret,

ret, ut est in *L. 3. hic*. Imo adeo si servo dominus peculium habere permittit: hoc ipso & cum peculiares nummos recte mutuo dare, & cum dederit recte ei solvi placuit. *L. 2. §. ult. D. si ser. pec. L. si servus. L. quod servus. D. eod.* Non alia de causa, quam quod peculium est, quod servus habet permittit domini separatim a rationibus dominicis. *L. quum Tuberonis. D. de pec.* Hoc autem permittere, est permittere, ut id omne servus habeat tanquam proprium patrimonium: sic enim *peculium* definitur, quasi possum patrimonium servorum filiorumque familias. *§. actiones autem, Inst. de ad.* Hactenus ergo servo saltem hoc concessum, ut peculium tanquam patrimonium suum exercere, si non per omnia ut domus, at saltem ut tanquam bonus paterfamilias possit; peculiares nummos recte collocare, & cum deberi coeperit, recte accipere, ne nummi apud eum vacent, ut scripti *ad L. 2. ult. si ser. pec.* Quid est igitur, quod hic in *L. 3.* additur, liberari debitorem, si pecuniam mutuum a servo, qui liberam peculii administrationem habet, acceperit; eique ante ademptum peculium, vel priusquam ademptum cognosceret, eam solverit? Non sane, quia pecunia a servo, qui peculium habet, mutuo dari non possit, aut ab eo data non possit ei solvi, nisi liberam peculii administrationem habeat; sed ut significetur, quanvis libera ista administratio ei concessa sit; tamen ne sic quidem ei recte solvi, si solvatur post ademptum peculium, quod debitor ademptum non ignoraret: atque hoc modo declaratur, quod servo recte solvitur, totum id neque ex peculii iure, neque ex liberæ administrationis concessione, sed ex voluntate domini eiusdemque creditoris pendere.

7 Mandante † & volente creditore pecunia alicui solvi intelligitur, si mandatum & voluntas perseveret. Ceterum manda-

tum revocatum, mandatum esse desinit. Quo fit, ut revocato mandato si debitor, quanvis illi ipsi, cui prius mandatum erat, solvat, non liberetur; si tamen sciat revocatum mandatum. Si ignoret, utilitatis causa receptum est, ut nihilominus liberetur. *L. vero. D. eod. §. recte, Inst. de mand.* Inde & peculio finito, & libera peculii administratione revocata, potestatem servo solvendi finiri placet, *d. L. 3. hic*. Sed hic monendi sumus tunc solum creditorem posse voluntatem suam de pecunia alii solvenda revocare, cum potestas alii solvendi ex stipulatione, aut conventionem debitori tributa non est.

Diversam est, si debitor ab initio in re contrahenda hanc potestatem acceperit voluntate creditoris: ut puta, promissi quia centum tibi, aut Titio. Huic Titio recte solvet quandocumque volet, etiam invito & prohibente creditore: quia stipulatio ab initio certam conditionem accepit, quam debitori invito creditor asserere non potest. *d. L. vero. D. eod.*

Hæc de maioribus creditoribus dicta sunt. In minoribus autem contra evenit, ut his solvi non possit sine tutorum, aut curatorum auctoritate. *L. cum maritum, hic §. at ex contrario, Inst. quib. al. lic. vel non. L. pupillo. D. eod.* Ex horum autem auctoritate minoribus recte solvitur, *d. §. at ex contrario*. Quinimo & tutoribus & curatoribus, *L. quod si forte. §. 1. D. eod.* quia scilicet tutores & curatores dominorum loco sunt, cum tutelam administrant, *L. tutor, qui tutelam. D. de admin. tut.* Sed quam non sit tuta hæc liberatio in omnibus causis, & quid ad plenam cautionem debitoria in ea solutione requiratur: alibi admonemur, petendum ex constitutione Iustiniani, quæ de hac re scripta est, *L. sancimus. C. de adm. tut.* & refertur in *d. §. at ex contrario*.



Ad L. Nulla. 5.

Idem A. Celso,

Nulla tibi adversus creditorem alienum actio superest, eo quod ei debitam quantitatem offerens, ius obligationis in te transferri desideras; cum ab eo te nomen comparasse non suggeras; licet solutione ab alio facta nomine debitoris, evanescere soleat obligatio, PP. V. Kalend. Novemb. Pio & Pontiano Coss.

S U M M A R I A.

1. Extraneum solutionem offerentem frustra petere ab invito creditore, ut sibi cedat ultimus adversus debitorem, & hoc quam recte.
2. Solvendo quemque pro debitore cum invito & ignorantem liberare; & quam recte hic liberatio invito acquiritur.

3. Solvere quemque posse non solum pro debitore invito, sed etiam invito creditore, ut nisi pecuniam accipias, liceat oblatam resignare, & ea obligationem debitorem liberare.

Quia ita ius erat, ut liceret unicuique pro debitore solvere, de quo paulo post; quærebatur, an extraneus, qui pro debitore solvere paratus esset, posset etiam iure petere a creditore, ut sibi cederet adversus debitorem actiones suas; quasi hoc priori iuri consequens foret. Movet exemplum fideiussoris, qui cum pro debitore solvit, potest desiderare a debitore, ut sibi cedat actiones adversus debitorem, itemque actiones hypothecarias. *L. 2. L. cum alter, l. mandati, sup. de fideiuss. L. Modestinus, D. eod.* Huc accedit, quod ea res solventi prodest, creditore nihil nocet, ut videatur non iniquum id a creditore petere, argum. in *L. 2. §. quamquam, D. de ag. & ag. plu. arc.*

1. Rescriptum ¶ est hoc loco, frustra extraneum id ab invito creditore petere, quanvis solutionem pro debitore offerat; hac ratione, quod nulla ei ad eam rem superest actio. Compositum pro simplici positum. Nulla superest actio, pro nulla est actio. Nam nec ante ulla tibi soluturo competeat. Nihil ad rem pertinet exemplum fideiussoris. Nam hic solvit creditore suo, non alieno: & de alieno hic agitur. Mandator, itemque fideiussor adversus creditorem actionem habere possunt, *d. L. Modestinus*. Atque ut nullam actionem haberent: tamen exceptionem habent, qua se adversus creditorem tueantur, nisi paratus sit actiones cedere, ut docuimus ad *L. 2. sup. de fideiuss.* Nihil horum est in solutore extraneo, qui creditore alieno solvit. Nam nulla potest exceptio ei esse adversus creditorem, qui nihil

petit toto Tit. de excep. Nullam ei actionem esse constat; quia cum alieno creditore non contraxit. Et quod dicitur hanc cessionem non nocere creditore, vere dicitur. Sed & illud verum est, eam solutori nihil prodesse, quia is solvere non cogitur; & melius est, eum ab initio non solvere, quam pecunia soluta ad eam repetendam remedium quærere.

Quod ¶ reliquum est, statuitur hoc loco ad extremum generalis sententia illa, unde superior questio nascebatur, solutione ab alio facta nomine debitoris, evanescere obligationem. Quod sic interpretandum est: ut liceat cuivis extraneo pro debitore solvere, non solum ita, ut ea solutione debitorem volentem liberet; sed etiam ut liberet ignorantem & invitum. *L. solutio, L. si pro me, L. solvere, D. eod. Inst. quis. mod. sol. obi. in pr.* Ne quem moveant ea, quæ contra diserti solent. Pro invito creditore pecuniam alii exigere non licet, ut debitor eo facto liberetur. *L. invito, infr.* Cur igitur magis pro invito debitore liceat solvere? In promptu ratio est, quæ compluribus locis est tradita. Pro creditore quis exigens creditore nocet, si debitorem liberat. At pro invito si solvit, debitori prodest simul & creditore. Est autem secundum naturam & omnis iuris regulam, licere unicuique alterius conditionem meliorem facere, non licere autem facere deterioorem, hoc in *L. solvendo, D. de neg. gest. & L. solvere, D. eod.* Et præterea regula iuris, invito beneficium non dari, seu non acquiriti. *L. invito, D. de reg. iur. L. hoc iure, §. non potest, D. de donat.* An non igitur

igitur eadem opera negatur invito aequi-
ri liberationem, in qua est beneficium?
Non negatur: Illud enim, *invito bene-
ficiam non adquiri*, sic accipiendum est:
ut invito principaliter & recta nunquam
acquiratur; per consequentiam autem quo-
minus possit acquiri, nihil prohibet, si
prius acquisitio in re aliqua aut in aliqua
persona constituitur, ex qua re aut per-
sona necessario beneficium ad nos deriva-
tur, ut in specie proposita accidit. Nam
cum extraneus solvit creditori quod de-
betur, facti, ut non sit res amplius qua
debeatur. Re debita sublata, constitit in
ea re obligationis solutio. Nam sine re
quae debetur, nulla obligatio esse potest.
Unde etiam debitores omnes interitu rei
debitae liberantur. *L. si ex legati, D.
de verb. obl.* Porro obligatione rei quo-
vis modo sublata, necessaria consequentia
efficitur, ut debitor qui prius fuerat, li-
beretur, qui sine obligatione teneri non
potest. Idem dicendum est de personis
aliis, in quibus prius acquisitio constitit,
a quibus deinde ad nos necessaria conse-
quentia iuris ea acquisitio transferitur: ut,
cum li qui sunt in potestate nostra, aut
aliquid acquirunt, aut in aliqua libe-

rantur. Quia enim acquisitio primam in
eorum persona constitit, & iuris ratio fa-
cit, ut quidquid per eos acquiritur, illa-
tum nobis aequitatur. *L. placet, D. de
acq. her. §. item nobis, Inst. per quas
pers. nob. acq.* fit hic quoque per con-
sequentiam, ut beneficium ad nos tran-
seat, quod prius in aliis constitit, quam
in nobis. Huc pertinet *L. servus vetan-
te, D. de verb. obl.*

Non tamen tantum cuius extraneo
licet solvere pro invito debitore, sed etiam
licet solvere invito creditori; iam tunc
hoc loco nihil aliud dicatur, quam solu-
tione facta, idest, a creditore admitta,
debitorem liberari: ut scilicet quemadmo-
dum debitor ipse, si pecuniam offerat ere-
ditori, & illo recepta pecuniam obligati-
onem solemniter deponat, se omni obliga-
tione liberat: *L. oblatione, infr. ita*
& quivis, qui creditori nihil debeat, eam-
dem oblatione debitori idem praestet.
*L. Paulus, §. 1. D. quib. mod. pign.
vel hy. sol. L. 1. supr. qui pot. in pign.
hab.* Merito: nihil enim interest ad libe-
rationem debitoris, utrum ipse solvat, an
vero alius pro eo, *Inst. quib. mod. sol.
obl. in princ.*

Ad L. Si inter. 6.

Idem A. Alexandro.

*Si inter patrem tuum, eosque quos debitores esse dicebas, non de dubia
lue transactio facta est, sed parte tantummodo recuperata, universum se re-
cepisse cavit, nec de superfluo eos, quos verbis obligavit, per acceptilatio-
nem liberavit: nec donationis causa id factum est: exsuperantis debiti inte-
gra ei repetitio competit. PP. Idus Febr. Gordiano A. & Aviola Coss.*

S U M M A R I U M.

1. *Falsa confessio debiti accepti quatenus non no-*

ceat creditori.

Falsa confessio & professio omnis, ut
substantiam rei non mutat, ita veri-
tati non nocet. *L. Imperatores, D. de
prob. L. non nudis. supr. de prob. L. 2.
sup. de non num. pec.* Proinde si quis in
instrumento confessus sit, se pecuniam a
debitore accepisse, quam non accepit, non
nocebit confessio creditori, quo minus illi
integra maneat actio: nisi de eo, quod
non accepit, debitorem liberarit, aut per
acceptilationem, aut pacto transactionis,
donationisve causa interposito, ut hic tra-
ditur, & *L. interest, L. si literarum,
infr. eod.* Sed diligenter animadverten-

dam est, his rescriptis hoc solum con-
stanter dici, post hanc confessionem in-
tegram actionem manere. Non dicitur sim-
pliciter, hanc confessionem non nocere
creditori, & recte. Revera enim nocet
in re dubia, in qua oportet nunquam-
que confessioni sum stare, quamvis nihil
contra probetur. *L. generaliter, supr.
de non num. pec. L. cum de indebito, in
fin. D. de prob.*

Sed si creditor, qui confessus est, pa-
ratus sit probare, se confesum esse acce-
pisse, quod non accepisset: veritati, ut
dixi, locus supererit, & recte debitum re-
petet,

peret, ut hic dicitur. Id autem ita probare potest confessus, si doceat, se confessum esse, deceptum errore falsæ causæ præteritæ, aut futuræ, quæ secuta non est. Præteritæ: ut si tibi persuaserit eam pecuniam, de qua confitebatur, recte solutam esse, cum debitor diceret, se eam

solvisse eius instituti, aut procuratori, aut filio peregre agenti. Errore falsæ causæ futuræ: si quis spe futuræ numerationis confessus sit in præsentia se accepisse. *d. L. interest, & L. si literarum, inf. cod.*

Ad L. Eius. 7.

Imp. Philippus A. & Philippus C. Antiocho.

Eius quantitatem, cuius petitionem ratio compensationis excludit, usuras non posse repeti manifestum est. PP. V. Kal. Aug. Peregrino & Æmiliano Coss.

S U M M A R I U M.

1. *Compensationem pro solutione esse, eandemque*

vim habere.

Compensatio pro solutione est. *L. si constat, sup. de comp.* Proinde & eisdem habet effectus: Inter quos est liberatio usurarum. Ut pecunia soluta, aut ereditore non accipiente obsignata & deposita, debitor periculo omni usurarum & aliarum rerum liberatur. *L. acceptam, sup. de usur.* ita admitta compensatione,

cuius ratio ipso iure habetur, non ex eo tempore quo debitor iudicio conveniri coepit, & exceptione compensationis usus est, liberatur; sed ex quo a debitore & ereditore eadem summa utique deberi coepit: quod eleganter comprehensum est in *d. L. si constat, & L. seq. sup. de compens.* idem hoc loco.

Ad L. Usuras. 8.

Idem A. & C. Rufino.

Usuras, quæ quotannis in urbe numerandæ sunt, promittere alio loco dependi, nisi ex iusta causa, exempli ratio minime fuit. PP. V. Idus Maii. Philippo A. & Titiano Coss.

S U M M A R I A.

1. *Permittere & dependi hic legendum, & loci sententiam eandem esse, quæ expressa est in L. pen. D. de eo quod cer. loco.*

2. *Exempli rationem non sinit, hoc loco quid sit.*

3. *Certe loco promissum alio loco etiam invito creditori solvi potest ex causa: & quæ hic causa.*

Lectio huius loci variat, a qua quoniam pendet sententia huius rescripti ideo initio nobis animadvertenda est. In quibusdam exemplaribus legitur, *promittere alio loco*: in aliis, *permittere alio loco*: quam varietatem Accursius agnovit, & eum eo vulgo interpretes utramque lectionem retineat, parum intelligenter.

Aperte tamen enim legendum est, *permittere*, non, *promittere*. Nam quod certo loco dari promissum est, licet debitori alio

quovis loco promittere: quoniam non promittit nisi volenti, non enim perhibetur stipulatio, nisi ex duorum consensu, *L. inter, §. 1. L. continuus, §. D. de verb. obl.* Licet autem cuivis citra controversiam volenti alio loco promittere, quemadmodum & volenti solvere licet, arg. *L. pen. D. de eo, quod cer. loc.* Permittere autem alio loco solvi, quam quo loco ex stipulatione dari debuit, hoc est, quod iuris ratio non sinit: idem, quod hoc rescripto *permitti* prohibetur. Itaque rescripti

pti ea sententia est, quæ expressa est in *L. pen. D. de eo quod cer. loc.* id, quod quis certo loco promissit, alio loco invito creditore solvi non posse. Quo eodem ex loco intelligimus, in hoc rescripto non deferri legendum esse, sed *dependi*, ut est in veteribus exemplaribus. Dependere præstare est, & solvere. *L. 3. §. 1. D. de usur.* Adicitur hoc loco causa, cur id non permittatur.

3 Ratio ¶ exempli, aiunt Imperatores, id non finit: idest, quia id, nempe permittere alio loco solvi pecuniam, si non per se iniquum est; at iniquum est propter exemplum, & ut alibi dicitur, exemplo perniciosum est. *L. exemplo, supr. de prob.* Id hanc sententiam habet: fieri potest, ut in ea causa, quæ nunc proponitur, debitor sic alio loco pecuniam offerat creditori suo, ut revera nullum sit incommodum creditori ea loco accipere, eoque in ea causa non sit iniquum per se eum cogere. Sed si in hac causa admisimus, in omnibus aliis causis & debitoribus admittendum erit propter exemplum: iura enim non in singulas personas, sed generaliter constituuntur *L. iura, D. de legib.* Hoc autem exemplum admittere,

re, iniuriosum, & ut supra diximus, perniciosum, idest, tale, quod aliis in re pari perniciem publice adferat, multis enim modis accidere potest, ut non expediat creditori pecuniam accipere.

Adicitur ¶ hoc rescripto exceptio, nisi 3 ex causa iusta, quam exceptionem intelligimus adiciendam esse. *d. L. pen. D. de eo quod cer. loc.* Duplex autem iusta causa est, cur alio loco pecunia offerri possit: vel quod solvi pecunia constituto loco non possit, pnta sublato loco chafmate, aut occupato a mari, vel ab hostibus, aut itineribus vi externa interclusus. Vel quod alio loco solvere evidenter expediat & creditori & debitori. Veluti, si creditor eo loco pecuniam debeat alii, quam & necesse habeat solvere, debitor autem eam pecuniam offerat pro creditore, ubi is aliam non habeat. Hic manifestum est, si creditor hanc solutionem recusset, non ob aliam causam recusare, quam ut molestiam exhibeat debitori suo, nullum aliud commodum inde latorus: malitius non est indulgendum. *L. in fundo, D. de rei vind. L. si cui simplici, D. de servis.* de quo plura scripti ad *L. pen. D. de eo, quod cer. loco.*

Ad L. Obligatione. 9.

Imp. Dioclet. & Maximianus AA. Cæssio.

Obligatione totius debita pecunia solemniter facta, liberationem contingere manifestum est. Sed ista demum obligatio debiti liberationem parit, si eo loco, quo debetur, solutio fuerit celebrata, PP. V. Id. Maii. Maximo. II. & Aquilino Coss.

S U M M A R I A.

1. Obligationis pecunie debitorum liberari: ¶ quali.
2. Obligationis solemnitas, quæ.
3. Oblatio pecunie ad obligationem solemnem, qualis esse debeat.
4. Testatio in obligatione quid, ¶ cur adhibenda.
5. Obligare quid.
6. Obligationis finis.
7. Depositum pecunie ad solemnem obligationem qualis, ¶ cur requiratur.
8. Totam pecuniam offerri debere: partem obligationis iuste creditorem recusare, sive debitor totam se debere fateatur, sive partem tantum.
9. Opportunus locus dandi ¶ offerendi quis.
10. Opportunum solvendi ¶ offerendi tempus.
11. Obligationis effectus ad liberationem.

12. Debitorem, si pecuniam obligatam ad se receperit, incipere utili actione ex veteri causa teneri.
13. L. debitor, D. de usuris, explicatur.
14. Oblatio sola neminem a principio liberari vel per exceptionem, nisi ex causa publicorum penitus non.
15. Oblationis effectus quatuor.
16. Oblata pecunia amissa sine culpa debitoris liberari debitorum, in strictis iudiciis per exceptionem, in bonæ fidei iustis iure, cur, ¶ quid intersit.
17. Pecunia ad solutionem destinata amissa non liberari debitorum, nisi prius pecunia oblata: specie debita amissa sine culpa debitoris continuo nasci liberationem, ¶ differentia ratione.

1 Obligatione pecuniæ ¶ debitor liberatur: sed his conditionibus, quæ hoc rescripto præstipulantur: si solemniter ob-

signatio fiat; & si iusta sit obligatio. Solemnis ¶ obligatio est, in qua hæc tria 2 ordine concurrunt, obligatio pecuniæ debi-

lit consequi. Prius enim responsum erat, creditorem eam partem, quam debitor fateatur, iudicio consequi non posse. Unde subtiliter intelligendum est, siquidem eam consequi velit, cogi eum accipere extra iudicium. Sed hac conditione, inquam, si velit partem oblatam consequi. Quod si eam oblatam accipere neque in iudicio, neque extra iudicium volet, ita accipere utique non cogitur. Optima ratione, quam & vulgo redditur: quia non est cogendus creditor eam solutionem accipere, ex qua aliquod damnum metuat. *L. debitorem, 99. D. eod.* Partium autem solutio non minima incommoda habet. *L. 3. D. fam. eris.* Sed de hac questione scripti pluribus & ex professo ad *d. L. quidam*.

- 9 Altera ¶ conditio est, ut pecunia idoneo loco offeratur: quæ hic traditur, & *L. qui Rome, in pr. D. de ver. obl.* Proinde quod non offeritur opportuno loco, iuste a creditore recusat. Quod sine loci adiectione dari promissum est, siquidem species certa: ibi recte offertur, ubi est: nisi inde, ubi erat tempore contractus obligationis, alio translati sit a debitore dolo malo. Si genus, puta decem: ibi dari debet, ubi & recte petitur. Exilat hæc distinctio in *L. quod legatur, D. de ind. de re legata* quidem, quæ ut debita petitur: sed quæ ob eam causam ad res alias debitas transferenda est. Duobus autem locis pecunia debita peti potest: vel ubi reus domicilium habet, vel ubi obligatio contracta est. Quare & totidem locis agentis actori dari debet: totidem & recte offertur: alibi oblatam recte creditor recusabit. Sane in pecunia mutuo data, quoniam id agitur, ut redditor sine incommodo creditoris, *L. 3. D. si cert. pet. L. creditorem, 99. D. de sol.* id quoque agi videtur, ut reddatur ibi, ubi accepta est: quia sine incommodo creditoris aliter non fit. Ideo placuit desiderante creditore etiam ibi pecuniam reddi debere, quanvis alibi de pecunia actum sit, & reus ibi condemnatus. *L. argentarium, §. 1. D. de ind. Unde intelligimus nec invito creditore eam pecuniam alibi solvi, aut recte offerri posse.* Quod si quid aperte certo loco dari promissum est, id demum certo constat alio loco dari, aut offerri non posse, utpote aperte non opportuno. *L. usuras, supr. eo. L. pen. D. de eo, quod cer. loc.*

- 10 Tertia ¶ conditio est superiori proxima, ut offeratur pecunia opportuno tempore. *L. si soluturus, D. eod.* Opportunum solvendi tempus debitori regulariter est omne tempus, si quid pure, aut in

diem debeat. Nam & quod in diem debeat, ante diem recte solvi potest. *L. quod certa, D. eod. L. cum qui Calend. §. ult. D. de verb. obl.* Sed hoc regulariter, inquam, ut propius, non enim est perpetuum. Tunc ante diem pecunia invito offerri non potest, cum apparet diem creditoris causa adfectum esse. *L. 3. §. pen. D. de usur.* Sed & in iis, quæ præsentī die debentur, dici potest non esse idoneum solvendi tempus, si quis offerat ei, qui uxorem ducet, eive, quæ nobis, aut ei, qui funus familiare ducit; quoniam in his occupationes sunt iustissimæ & ad officium cuiusque propemodum necessarium pertinentes. arg. in *L. 2. in fin. §. L. 3. D. de in ius voc.* Hæc strictim, ac velut obiter de hac parte, quam ideo non persequor hoc loco pluribus quia a me copiose tractata est alibi ad *L. cum qui Calend. §. ultim. D. de verb. obl.* unde licet petere certiores eius cum cognitionem, tum confirmationem. His in oblatione ¶ & obligatione pecuniæ constitutis, vis hæc est obligationis, ut debitor liberetur, ut hic scriptum est. Hoc modo debitorem liberari cum dicimus, intelligimus id, quod verbum significat, liberari ipso iure, ac non per exceptionem tantum. Id autem magis intelligitur ex eo, quod dicitur debitor post obligationem solemnem omni actione etiam utili liberari. *L. acceptam, in fin. sup. de usur. L. 1. §. si pecunia, in fin. D. de pos.* Hinc huius obligationis eadem effecta, quæ & cæterarum liberationum in quibus hæc sunt: periculi omnis amoris, interpellatio usurarum, & accellionum liberatio, comprehensa & ipsa simul omnia in *d. L. acceptam, sup. de usur.* Et hoc est: obli-gnata & deposita rite pecunia, debitor omni periculo amissa postea pecunia deinceps liberatur, ut est in *d. L. acceptam.* Idem ex eo tempore præstare usuras non debet. *L. si creditrici, supr. de usur. L. tutor, §. 1. D. de usur. L. tutor pro pupillo, §. ult. C. de adm. tut.* Exinde & liberantur pignora, quæ sola oblatione non liberantur. *L. creditor, supra, de pig. L. ult. supra, de bit. vend. pig. imp. non poss. L. ult. supra, de iust. pig.* Nam quod dicitur in *L. item, §. 1. D. quib. mod. pig. vel hyp. sol.* eum pignus liberare, qui solvere paratus est, sic accipiendum est: qui solvere paratus est cum effectū, id est, ita solvere, ut creditor accipiat, aut creditore recusante pecuniam obliget, & deponat. Sic enim obli-gnatio pro solutione erit, non oblatio sola. Quod de pignoribus dicitur, idem intel-

Xxxx

ligen-

Tom. IX.

(

ligendum est de fideiussoribus, ut & bi post obligationem pecuniæ liberentur.
L. in omnibus speciebus, D. rod.

- Sed quod dicimus obligationem pecuniæ debitorem ad titum modum ipso iure liberari, hic duo loci adversari videntur. Primum eadem ipsa *L. acceptam, in fin. supr. de usur.* ubi traditur post obligationem pecuniæ, si debitor pecuniam ad se receperit, eum utili actione creditori teneri. Quo effici videtur, eum prius liberatum non fuisse: qui si esset liberatus, nunquam posset teneri postea: semel enim extincta actio, postea revocari non potest. *L. Marius, §. duorum, D. de legat. 1. L. qui res, §. aream, D. de solut.* Dicendum est f. debitorem, qui pecuniam obligavit, statim ipso iure omni actione vetere esse liberatum & directæ & utili, Idque ius perpetuum esse, quandiu pecuniam ad se non recipit. Quod si obligatam ad se recipere comperit, ne sic quidem restituetur vetus actio, quæ semel extincta suscitari non potest. Sed hoc de directâ, quæ prius fuit, accipiendum est: cæterum restituetur utilis ex ea causâ ipsâ, ex qua prius reus tenebatur. Hæc enim liberationis superioris causâ fuit, quod reus pecuniam recte obligatam a se removisset: qua causâ factio eius sublatâ, ratio non patitur, ut locus sit liberationi. arg. in *L. in omnibus causis id, D. de reg. iur.* At pecunia a debitore recepta, eo res reddit, ut nec videatur obligata, atque hoc modo deficit causâ liberationis. Æquum igitur debitorem tum eadem actione, qua prius, teneri. Non potest teneri, directâ, quia ius superius prohibet. Restat ut teneatur utili: quæ tamen priorem illam obligationis liberationem non tollit, quam dicimus. Obstat f. præterea *L. debitor, D. de usur.* ubi scriptum est, si post obligationem rite factam debitor conventus moram faciat, nummos ex eo tempore steriles non futuros, idem, debitorem ex eo usuras debiturum. Non potuit debitor moram facere, nisi pecuniam obligatam debuit. Nulla est enim mora adversus eum, a quo peti non potest. *L. nulla, D. de reg. iur.* Sed nec usuræ deberi possunt, nisi eius sortis, quam quis debeat, *L. eius, supra hoc tit.* Quæ omnia aperte evincunt etiam post obligationem pecuniæ, debitorem pecuniam obligatam debere posse. Quod & ipsum verum est, & fatemur. Sed queritur, quando, qua ex causâ, quæ actione debere possit. Et cum de eo comprehensum sit in *d. L. acceptam, supra de usur.* inde sumendum est, quod hic sequamur. Qui ergo debitam a se pe-

cuniam obligavit, eandem & post obligationem debere potest: sed tum repariatur eam ad se recepisse, atque hoc modo pro obligata & deposita habere desisse. Non quidem ut teneatur vetere actione directâ: sed ut teneatur tamen: nempe utili. Post quod tempus ut eandem pecuniam cepit debere, qui prius debebat: ita & moram eum facere posse verum est; & faciet tum, cum exinde interpellatus non solverit.

Hæc f. de obligatione dicta sunt, quæ eum non frustra exigitur ad liberationem debitoris: ex eo intelligimus id, quod de oblatione sola questum est, nunquam oblationem rei debitor debitorum liberare vel ipso iure, vel per exceptionem: præterquam in una specie, de qua postea. De quo ne dubitetur, argumenta hæc sunt. Primum, quod creditor post oblationem rei debitor adhuc eandem rem suo iure a debitore petere, & quidem ita, ut si debitor non præstet moram faciat: quæ illi nocet non aliter, quam si prius rem nunquam obtulisset. *L. illud, D. de per. & com. rei vend. L. sed si postea, 24. D. de rec. arb.* Deinde quod post eandem obligationem placet non eo minus usuras deberi. *d. L. acceptam, supr. de usur. L. tutor pro pupillo, §. ult. D. de administ. tut.* Hoc amplius nec pignora liberari sola oblatione. *L. ult. supr. deb. vend. pig. imp. non posse, L. creditor, supr. de pig.* Et quod dicitur in *L. item, §. 1. D. quib. mod. pig. vel hyp. sol.* eum pignus videri liberasse, qui paratus est solvere: quomodo accipiendum sit, paulo ante ostendi. Nec debium est, quin idem probandum sit in fideiussoribus, qui & ipsi accessio sunt principis obligationis, vel & pignora. *L. in omnib. speciebus, D. rod.* Una tamen in specie constitutum est, ut sola oblatio pecuniæ pro solutione cedat: cum scilicet pecunia tributorum & publicarum penititationum nomine debita susceptoribus oblata est, quam illi accipere recusant. *L. 1. infr. de suscep. lib. 10.*

Sed quanvis sola oblatio pecuniæ f. debitorum non liberet; non tamen per omnia debitoris est inutilis. Habet autem hæc fere commoda quatuor. Oblatio custodiæ periculo liberat debitorem, cum prius ex potestate obligationis custodiam rei præstare deberet. *L. illud, D. de peric. & com. rei vend.* Oblatio facit, ne adversus debitorem usura, aut pœne stipulatio committatur: cum utrumque deberetur in conditione, si pecunia soluta non esset: & ea pecunia non soluta quidem, sed tamen a debitore creditori oblata est. *L. si pro*

te, *supr. de usur. L. Celsus, §. 1. D. de recep.* ha obligatio debitorem quidem obligatione contracta non liberat, at ne in obligationem incidat, facit. Differentiæ ratio est, quod obligationes contractæ certis tantum modis solvuntur, inter quos non est oblatio sola; sub conditione vero contractæ non prius vere contrahuntur, quam conditio impleta sit. Talis est autem omnis usurarum, aut poenæ promissio: quorum utrumque promittitur sub conditione, si fors soluta non sit. Unde hoc quoque sub contraria conditione dici intelligitur: ne quid horum debeatur, si fors soluta erit. *L. quibus, §. 7. D. de cond. & dem.* Hæc autem conditio existere intelligitur, pecunia oblata. Est enim oblata, non ideo soluta: tamen quia per creditorem fiat, quo minus solvatur, atque ita quominus impleatur conditio, iure pecunia pro soluta, & conditio pro impleta habetur. *L. iure, D. de cond. & dem.* Demus hanc conditionem, si pecunia soluta sit, existit: consequens est contrariam defecisse, si pecunia soluta non sit. Qua conditione non impleta, apparet poenæ & usurarum stipulationem non posse committi. Eadem oblatio facit, ut si creditor postea fructus percipiat ex rebus sibi pignori obligatis, eos fructus non possit imputare in usuras, quæ ipsi debeatur, sed cogatur imputare in sortem: quæ sententia est. *L. ex præditi, supr. de usur.* Quæ res ut carens debitorem a sorte, sic a præstatione usurarum futurarum in posterum liberat.

Sed si quæ usuræ antea debebantur, non desinent deberi, & præterea ea summa sortis, in quam fructus non sufficiunt, ita debetur, ut simul eiusdem summæ usuræ currant. Ita non minus verum erit quod supra diximus, nunquam contracta & manente sortis obligatione oblationem solam liberare debitorem a præstatione usurarum vel præteritarum, vel futurarum.

16 Postremo si oblatio debitorem non liberat, quando summa oblata salva est. At ea amissa si sine culpa debitoris amissa sit, debitor liberatur, ne frustratio creditoris debitori noceat: hoc in *L. qui decem, in pr. D. de solut.* Videtur tamen is locus contraria de hac specie constituere. Nam initio responsi dicitur debitor in hac specie liberari per exceptionem, in extremo liberari ipso iure. Sed nihil hic contrarium. Observandum est enim in fine eius responsi agi de marito, qui pecuniam ex causa dotis deberet, quam uxori, aut hereditibus obtulit. Hoc iudicium bonæ fidei est, *§. actiones autem, Inst. de act.*

Tom. IX.

Unde sub hac specie generaliter hoc dici intelligitur: enim, qui ex iudicio bonæ fidei pecuniam debet, si obtulit eam creditori, ea deinde amissa ipso iure liberari. Quod ergo dicitur in principio, debitorem pecunia oblata ac postea amissa liberari per exceptionem, de eo debitore dictum intelligendum est, qui ex alio genere actionum, idest, stricti iuris, pecuniam debeat, veluti ex stipulato, aut ex testamento. *L. alias, D. de in lit. iur.* Ex his causis, inquam, si debitor pecuniam debitam obtulerit creditori, quæ deinde illo recusante sine culpa debitoris perierit: recte dicitur debitor liberari, sed per exceptionem. Hoc ideo dissimiliter in his iudiciis, quod cum ex oblatione pecuniæ quæ postea amissa est, nascatur pariter in omnibus iudiciis exceptio debitori: tamen inter ista iudicia in exceptione usurpanda hoc interest, ut pluribus supra suis locis ostendimus, & maxime ad *§. actionum, Inst. de act.* quod in strictis iudiciis exceptio initio contestanda, atque ita in iudicium deducenda est. *L. præscriptionem, L. si quidem, supr. de excep.* bonæ fidei autem iudiciis exceptiones quanvis non contestatæ ipso iure insunt, ut possint sine ulla contestatione quandoque ante sententiam allegari. *L. 3. D. de refe. vend. L. huiusmodi, §. qui servum, D. de legat. 1.*

17 Illud tamen monendi sumus, quod de debitore post obtinendam per exceptionem, aut ipso iure liberando dictum est, consulto dictum esse de eo, qui pecuniam debuit, & obtulit. Nam si species debeatur, & ea sine culpa debitoris perierit: debitor statim, & sine ulla eius speciei oblatione liberatur. *L. si ex legati, D. de verb. oblig.* Utrumque recte, & ei regulæ, quæ est de interitu rei debite convenienter. Placet enim, si prius quam per debitorem factum sit, quominus daret, perierit, quod debebatur, eo interitu debitum liberari. *d. L. si ex legati, de verb. obl. L. quod te, D. si cer. pet.* Iam vero speciem certa in obligationem deducta, si ea perierit, verum est perisse, quod debebatur: itaque & hic interitus ad regulam pertinet. Non idem dici potest, si quis pecuniam debuit in genere, deinde certam offerat. Ut enim maxime hæc oblata postea pereat: tamen semper constabit non perisse eam, quæ debebatur: quoniam debitor neque illam quam obtulit, neque ullam aliam certam debuit. *L. in ratione, §. incerta, D. ad L. Fal. Ita sit eadem illa constitutio iuris, ut summo iure debitor liberari non possit: cum*

Xxxxx

sem.

semper pecunia maneat in rerum natura, quam is possit praelare. Sed nihilominus eum liberari æquum est. Non enim æquum est teneri eum pecunia oblata amissa, qui non teneretur, si creditor accipere vo-

lisset: ratio Marcelli, atque hinc doli exceptio in *d. L. qui decem, D. cod.* quæ exceptio est, qua in proposito debitorem liberari, supra diximus.

Ad L. Successores. 10.

Idem AA. & CC, Ambrosio.

Successores eius, qui maior viginti quinque annis in solutum pro debito iure mancipia dedit, hæc revocare non posse constat. S. V. Id. April. Bizantii, AA. Coll.

S U M M A R I A.

1. Aliud volenti solutum parere liberationem, nec posse revocari ab eo qui solvit, si maior est, aut ab eius heredibus.
2. Minoribus aliud pro alio solvendi, quantum

tutorum curatorumve auctoritate, aut decreto magistratus, paratum esse in integrum restitutionem ad repetendum solutum, si lesi sint, inde & eius heredibus.

PRO ꝑ pecunia, quæ debetur, volenti creditori recte aliud solvitur, ut fundus, mancipia, & res cæteræ. *L. maniffessi, infr.* Semel recte solutum debitor revocare non potest. Quippe datum est creditori ob causam, ut debitor liberaretur. Hæc causa post solutionem secuta est: quo fit, ut cesset repetitio. *L. 1. D. de con. cau. dat. cau. no. fer.* Quod debitor ipse revocare non potuit, si viveret; multo minus revocare poterunt eius heredes, de quo hoc rescritto cautum est. Hi enim succedunt in ius defuncti & per omnia eodem iure tenentur. *L. qui in ius, D. de reg. iur. §. ult. Inst. de locat.* Adeoque id verum est: ut quanvis debitor solvisset rem heredis sui; tamen heres factum decessoris sui infirmare non

posset. *L. si a matre, sup. de rei vind. L. venditrici, sup. de reb. al. non al.* Sed hæc ad eos pertinent, qui sunt maiores viginti quinque annis, & ad eorum successores, quod est temperamentum huius rescritti. Quod ꝑ si debitor minor aliud pro debito solverit, aut nihil alienat, si res immobilis soluta est: toto Tit. *D. de reb. cor. qui sub. tut. vel cur. sunt.* aut si quid ex decreto magistratus, vel auctoritate tutorum curatorumve solvit, nihilominus si læsus est, potest consequi in integrum restitutionem beneficio ætatis. *L. non omnia, D. de min. & quæ restitutio ipsi debitori vivo competeret, eadem competit eius heredibus. L. non solum, D. de in int. rest. L. minor autem. 18. ult. D. de minor.*

Ad L. Cum Maritum. 11.

Exemplum hic est legis sequentis.

Ad L. Iunio. 12.

Expoui hunc locum ad *L. 3. & L. 4. supra.*

Ad L. Si obligatum. 13.

SPecies prope eadem, certe eadem plane sententia, quæ *L. si inter, supra* hic tit. In verbis mendose legitur, *post acceptilationem liberaſſi*: legendum, *post acceptilationem liberaſſi*. Agitur enim hic

de eo, qui falso scriptis se accepiſſe, quod non accepit: neque debitorem novatione interpoſita, neque poſt novationem interpoſita acceptilatione liberaſſi.

Ad L.

Ad L. Pecunie. 14.

Idem AA. & CC. Cohortæ.

Pecunia soluta professio collata instrumento, maiorem rei gesta probationem continet, quam si chirographum acceptæ pecunie mutua fuisset redditum. S. V. Id. Iul. AA. Coss.

Ad L. Quod debitori. 15.

Idem AA. & CC. Quartino.

Quod debitori tuo chirographum redditum contra voluntatem tuam adseveras, nihil de iure tuo deminutum est. Quibuscunque itaque argumentis iure proditis hanc obligationem tibi probanti, eum pro huiusmodi facto liberationem minime consecutum, index ad solutionem debiti iure compellet. S. V. Kal. Sept. AA. Coss.

S U M M A R I A.

1. Chirographum quovis debitori non redditum fieri soluta pecunia inane, ut iam nec creditori profit, nec debitori noceat.
2. Chirographum quovis tamen soluta pecunia recipere, car utile, & quæ in eam rem actio.
3. Quæ solutionis probationes. Apecta quid.
4. Confessum creditorem sibi pecuniam esse solutam

quovis sine scripto, confessioni sue stare debere.

5. Sed post triginta dies ea constitutione lassi niant.
6. Chirographum debitori redditum liberationis fidem facit, si modo redditum sit a creditore, non aliter: debitoris in eo esse probationem.

HÆC regula certi iuris initio huius tituli posita est, solutione eius quod debetur, tolli obligationem. *Inst. quib. mod. sol. obl. in pr.* Et si quidem de solutione constat, tollitur controversia. Ad eoque ↑ verum est debitorem liberari: ut liberetur, etiam si chirographum suum a creditore non receperit, planeque id chirographum sit inane, ut amplius nec creditori profit, nec debitori noceat. *L. 4. supra hoc tit. L. si auctore, infr. cod. L. qui tabulas, D. de fur.* Recte inane: quandoquidem chirographum nihil amplius continebat, quam obligationem debitoris. Hanc autem constat sublatam esse solutione. Quoniam fit, ut obligatione sublata, nihil relinquatur in chirographo proprium chirographi. Quod si chirographum, quovis apud creditorem integrum manens, debitori qui solvit, nihil nocet; multo minus nocebit, si erit inductum. Unde recte dicitur in *L. inductum, infr. cod.* debitoribus solutionem probantibus nihil eorum interesse, utrum chirographum inductum fuerit, an non fuerit.

2. Quia ↑ tamen utile est chirographum a

debitore recipi, ne posses aut ipse, aut heredes eius ignari ex eo chirographo conveniri possint: consultum est, ut debitor chirographum repetat: in quam rem est conditio sine causa. *L. 2. supra de cond. ex lege. L. ult. infra, cod.* Hæc, ut dixi, si constat de solutione. Quod si de eo ipso sit controversia, an debitor solverit, quia debitor dicat se solvisse, ereditor negat: hic de probatione quaeritur. Ac primum utri incumbat probatio, debitorine, ut probet se solvisse; an creditoris, ut probet sibi solum non esse. Et placet debitorem, qui se solvisse dicit, solutionem probare debere. *L. ult. hic, L. 1. supra, de probat.* Quod regulis iuris de onere probandi convenit: quibus efficitur & ei, qui dicit, incumbere probationem, non ei, qui negat. *L. 2. D. de probat.* & factum negantis per rerum naturam nullam esse probationem. *L. auctor, supra de prob.* Hoc posito quaeritur, quomodo recte & facile debitor solutionem probet: de quo sunt hæc rescripta duo.

Et ↑ extra testes, quibus maxime res probari solent, *L. ult. supra de prob.*
duo

duo pecuniæ solutæ probationem continent: professio acceptæ pecuniæ instrumento collata, quæ uno verbo a nostris auctoribus dicitur apocha, *L. qui tabulas, §. ult. supra de furt.* & præterea chirographum a creditore debitori redditum. Professio creditoris adversus ipsum probationem habet, quia æquissimum putatur unumquemque confessioni suæ stare, & quod idem est, fidem unicuique adversus se haberi debere. *L. generaliter, supra de non num. pec. L. de ætate. §. 1. D. de interro. in iur. fac.*

4 Sed ↑ cur additur hoc loco, *collata instrumento*? Non sane quia creditori sine scripto extra iudicium profitenti sibi pecuniam solutam esse, ea confessio adversus eum fidem non faciat. Nam si debitor extra iudicium se debere verbis professus, confessioni suæ stare cogitur. *L. generaliter, in fin. sup. de non num. pec. aut. rogati, supr. de testib.* ubi tamen confessio spectat ad eum obligandum: quanto magis creditor extra iudicium sibi solum esse verbis professus, confessioni suæ stare cogendus est, ubi professio confertur ad eum liberandum? Scimus enim prioriores nos esse debere ad liberandum, quam ad obligandum. *L. Arrianus, D. de obl. & act. L. favorabiliores, D. de reg. iur.* Cur additum igitur de instrumento? Non ad excludendam professionem verbis tantum testatam; sed ad discrimen indicandum, quod esset inter apocham creditoris debitori datam, & chirographum ipsius debitoris illi redditum: de quo discrimine debetrix laborabat. Constabat debitorem liberari tacito pacto, si creditor et chirographum suum reddidisset,

L. 2. D. de pass. Forte id non fecerat creditor, sed instrumento liberationis, idest apocha, professus erat sibi pecuniam esse solutam. Huic instrumento non satis fidens debetrix laborabat, ut etiam chirographum suum sibi redderetur: quærebaturque, num satis superiore instrumento esset sibi cautum ad liberationem. Ex rescriptum est, non modo id eandem probationem habere, atque chirographum redditum, sed etiam maiorem: ut hoc instrumento accepto de probatione liberationis suæ laborare non debeat. Hactenus ↑ tamen professio pecuniæ solutæ quovis instrumento testata fidem facit ex constitutione Iustiniani, dum triginta dies excesserint. Alioqui intra eos dies datur creditori exceptio non numeratæ pecuniæ. *L. in contrahibus, §. super, supra, de non num. pec.* Quod ↑ attinet ad chirographum a debitore receptum id eandem fidem liberationis facit: sed hac conditione, si a creditore sit redditum d. *L. 2. D. de pass.* Quod si ab alio redditum erit, aut aliter receptum, quam voluntate creditoris: nihil possessio chirographi prodest debitori ad liberationem, aut saltem probationem, ut significatur in *L. quod debitori, sequen.* Sed uter probare debet? Intelligimus ex eodem rescripto, debitorem probare debere chirographum sibi a creditore redditum. Alioqui satis esse creditori ad vincendum, si dicat sua voluntate redditum non esse; quoniam illic scribitur creditorem vincere debere, si obligationem probaverit: & præterea debitorem pro huiusmodi facto (intellige redditu chirographi) liberationem minime consecutum.

Ad L. Eum a quo. 16.

Idem AA. & CC. Charidemo.

Eum, a quo mutuam sumpsisti pecuniam, in solum nolentem suscipere nomen debitoris tui compelli iuris ratio non permittit.

Ad Auth. Hoc nisi.

Hoc, nisi debitor in pecunia, vel alia re mobili solvere nequeat: tunc enim res immobilis, quam debitor habet meliorem, solvi potest, facta per iudicem subtili eius causæ estimatione: ut rem prædictam & debitori solvere, & creditori liceat petere, præstanda creditori cautela de eversione, que debitori possibilis sit: quod est in omni actione. At si creditor paratus sit emptorem rei præstare, oportet debitorem cautela iudicis arbitrio creditori præstare, rem tunc distrabere, ut satisfiat creditori.

Ad L.

Ad L. Manifesti. 17.

Iidem AA. & CC. Cassio.

Manifesti iuris est, tam alio pro debitore solvente, quam rebus pro numerata pecunia consentiente creditore datis, solli paratam obligationem.. S. Kalend. Dec. Sirmii. AA. Cofi.

S U M M A R I A.

1. *Aliud volenti solum ita debitorem liberare, ut creditor nec quod accepit, possit reddere, nec si plus debeatur, quod amplius est, possit petere.*
2. *Aliud pro alio semel solutam, amplius revocari non posse.*
3. *Lucrum ex ea re factum multo minus creditori avocari.*
4. *Aliud pro alio invito creditore solvi posse, si quod debetur, solvi a debitore non potest, & quibus in causis non posse existimatur.*
5. *Aliud pro alio solvi posse, si debitor huius rei potestatem, unde oportet, acceperit, & unde hoc potestas.*
6. *A lege potestas, quando.*
7. *A testatore, quando.*
8. *A conventionem, quando.*

His locis explicatur locus ille, quid solvendo debitor liberetur. Statuuntur autem hic sententiæ duæ. † Una est; aliud pro alio volente creditore recte solvi. *L. manifesti, hic.* Cui hæc sunt consequentia. Primum illud: liberari debitorem non secus, quam si id, quod debetur, solutum esset. *L. si quis aliam, D. eod.* Quæ res facit, ut quanvis postea creditorem poeniteat, quanvis res pereat; aut exilet quidem, sed minor sit, quam debeatur: tamen nec si quid amplius est, a debitore possit petere. Id enim fieret, si debitor nihil debuisset: cepit autem nihil debere, posteaquam liberatus est.

2. Deinde † & hoc consequens in creditore, sic ea solutione dominium rei solutæ in eum transferri, ut nunquam possit debitor postea ex poenitentia eam rem avocare: *L. successores, sup. hoc tit.* scilicet quia quod nostrum esse cepit, id nobis invitis ad alium transferri non potest. *L. id quod nostrum, D. de reg. iur.*
3. Edicitur † & illud, si creditor rem multo meliorem fecerit, sive etiam venderit multo plaris, quam illi debebatur, hanc indultriam, atque hunc eventum ipsi prodesse debere, non debitori *L. pen. hic.* Optima ratio: quia si res soluta periret, creditori eademque domino suo periret. *L. pignus, sup. de pig. act.* Hoc autem secundum naturam est, commodum cuiusque rei eum sequi, quem sequuntur incommoda. *L. secundum, D. de reg. iur.*

Altera sententia est superiori contraria, aliud pro alio invito creditore solvi non posse, *L. eum a quo, hic.* Sententia dif-
ferta expressa in *L. 2. §. 1. D. si cert,*

per. Sed hæc duas has exceptiones habet summas: unam, nisi id quod debetur, in ea causa sit, ut a debitore præstari non possit; alteram, nisi debitor potestatem aliud solvendi aliunde acceperit, de quibus videamus.

Si † quod debetur, solvi non potest, 4 necessitas eo rem deducit, ut aliud solvi debeat, si creditori satisfactum volumus. Sed an non possit debitor præstare, variæ æstimant: variæ enim causæ sunt, cur præstare non possit, ex quibus omnibus placet eum audiendum esse, si aliud offerat. Interdum res debita perit. Hic nulla dubitatio est, quin aut nihil a debitore præstari debeat, aut si quid debet, debeat æstimationem. Id vero ita fieri traditur in *L. in re furtiva, D. de cond. fur.* & *L. qui restitueret, D. de rei vind.* Interdum res debita per veram naturam præstari potest, sed non potest debitor præstare propter inopiam, quis solvendo non est. Hic permixtum est inopi debitori speciem unam aliquam ex rebus suis creditori pro debito offerre, dummodo offerat optimam: hoc in *autb. hoc nisi, quo sequitur.* Interdum res a debitore præstari potest, quoniam & existat & est in potestate debitoris; sed eam debitor honeste præstare non potest, ut accidit, si ab herede legatus sit eius pater, aut mater, aut filii naturales. Hos heres si in potestate habet, potius pro officio manumittere debeat; si non manumittat, aut etiam det in alterius potestatem, non tam inhumane, quam contra officium pietatis faciat: proinde nec facere id posse existimandum est. *L. si filius, D. de cond. inst.* Merito igitur

tur placuit in hac specie audiendum esse heredem debitorem, si pro his æstimationem legatario offerat. *L. si dominus, §. qui constituitur, D. de legat. 1.* Interdum etiam honeste res a debitore potest præstari, sed non sine magno eius incommodo: veluti si res aliena debeat, quam dominus aut non vendat, aut magno vendat. Hic quoque visum est iustam esse causam, eum audiat debitor æstimationem offerendo: quasi nec possit præstare quod sine magno incommodo & iniuria sua non potest, ubi ex ea re nihil commodi ad creditorem redeat. Et hoc quoque scriptum est in *d. L. si domus, §. qui constituitur*. Quod si res erit in potestate debitoris, quam & ipse præstare possit non inhoneste, nunquam audiendus est, si aliud pro alio, quod debet, offerat. Sed † & hic altera exceptio est, nisi huius rei potestatem inde accipiat, unde ei potestas hæc tribui potest. Tribuitur autem potestas aliud solvendi interdum a testatore in re legata, nonnunquam etiam contrahentium conventionione.

6 A lege † hæc potestas tribuitur in noxali actione, quæ adversus dominos competit ex maleficio servorum. Nam ex hac causa nihil amplius a dominis debetur, quam damni & malefici æstimatio; & tamen dominus servum noxæ dedendo, si velit, libetatur. *L. si servus, 7. D. de nox. act. Inst. cod. tit.* Sed ideo: quia hæc potestas a lege accipitur, ut scriptum est in *L. miles, §. 1. D. de re ind.* Quod eo pertinet: ut intelligatur definitionem superiorem iuris nihil obesse, eum diei minus aliud pro alio solvi non posse invito 7 creditore. A † testatore hæc eadem potestas accipitur in huiusmodi iugatis. Heres meus penum dato; si penum non dederit, decem dato. Placet in hac specie, simul atque heres penum dare potuit, neque dedit, sola decem incipere deberi, non penum; & tamen in eadem specie placet, quanvis heres penum non debeat, penum in solutione esse, idest, heredem si penum offerat, liberari. *L. 1. D. de pen. leg. L. 1. §. item si ita, D. ad L. Falcid. L. cum sine, D. quand. di.*

legat. ced. Ex quo apparet hic pro eo, quod debetur, recte aliud solvi, quod non debebatur, idque etiam invito creditore. Sed hoc eo fit: quia hæc potestatem heres a testatore accepit. Cum enim penus ab initio legata est, simul potestas data est heredi penum dandi: hæc potestas semel data heredi ante item contestatam non adimitur, quanvis penum debere definat.

Idem † existimandum est fieri contra- 8 hentium conventionione, eum similiter penus promissa est, & nisi promissor penum daret, promissit decem ita, ut hæc sola deberentur *L. stipulator, in fin. D. de ver. obl.* Idem etiam probandum est in faciendi obligationibus: veluti, si quis promissit se insulam ædificaturum, ubi receptum est, posteaquam transferit tempus, intra quod insula ædificari potuit, non iam factum deberi, sed pecuniam, idest, quanti stipulatoris interest, insulam suo tempore ædificatam esse. *L. stipulationes non dividuntur, ver. Celsus, D. de verbor. obligat.* Et tamen in hoc genere placet promissorem ante item contestatam insulam ædificantem liberari. *L. si insulam, D. de verbor. obligat.* Ergo liberari placet præstantem aliud quam debebat, pecuniam enim debere exeperat. Quomodo igitur, quæret aliquis, liberatur aliud pro alio invito creditore solvens, contra aut certe præter superiorem regulam iuris? Intelligemus hanc esse causam, quod promissor insulam ædificanda: potestatem ab initio ex conditione stipulationis accepit: licet enim ei ab initio insulam ædificare. Hanc potestatem nolla celsatione sua amittit. Simile est, quod dicitur, alii quam creditore invito creditore solvi non posse. *L. invito, supra.* Nam & hoc nihilominus sic accipimus, nisi debitor potestatem alii solvendi ex conditione stipulationis ab initio accepit: ut sit, eum promissit se stipulatori aut Titio daturum. Nam Titio revera nihil debetur, & tamen Titio invito stipulatore recte solvit, nimirum ex conditione stipulationis, *L. vero, D. hoc tit.*

Ad L. Inquisitio. 18.

Idem AA. & CC. Domitio.

Inquisitio veritatis tolli non potuit, quod chirographa, quæ fecerat procurator tuus, recepta, tibi quæ restituta ab ipsius herede proponas cum subscriptione procuratoris significante, quod nihil creditoribus debeatur: cum nihil prohibeat, & creditoribus satisfactum esse, & non vestra pecunia, sed ipsius, cui negotium gerendum mandaveras, processisse solutionem. S. Idus Febr. CC. Coss.

S U M M A R I A.

1. *Chirographum a creditore redditum procuratori, & rursus a procuratore debitori, nihil aliud arguit, quam liberatam debitorem a creditore, non a procuratore.*
2. *Subscriptum a procuratore chirographo reddito, creditoribus nihil deberi, ad procuratorem*

ipsum non pertinere, si solvitis de sua, & ita creditor debitoris, pro quo solvitis, esse cuperis, & cur.

3. *Falsum esse vulgare illud, oratione generali instrumenti non contineri eum, qui scribit.*

Hoc dicit: cum procurator debitoris solvit creditoribus, & ab his postquam chirographa recepit, receptis subscripsit, creditoribus nihil deberi: deinde aut ipse, aut heres eius ea debitori restituit: non idcirco hæc argumentum sunt, satisfactum esse creditori de pecunia procuratoris. Quapropter si heres procuratoris pecuniam a debitore repetit, tanquam a procuratore eodemque decellere suo solutam, non ideo tollitur veritatis Inquisitio, ut hic scriptum est. Quæ verba hanc significationem habent: in re dubia non statim fides habebitur heredi procuratoris dicenti procuratorem de sua pecunia solvisse creditori. Sed tamen si paratus sit id probare: audiendus est, & veritati locus supererit. Duo hic faciebant, cur videretur a debitore hæc pecunia repeti non posse, unde controversia. Primum quod illic chirographa reddita essent, chirographum autem a creditore redditum debitori probationem continet debitoris liberati. *L. pecunia, supr. L. 2. D. de pact.* Deinde quod procurator ipse de liberato debitore ultro professus esset. Quibus moveri non oportet. Chirographum debitori redditum debitorem liberatum arguere verum est; sed liberatum a creditore, cui pecuniam chirographo comprehensam debuit, non item a procuratore, qui chirographum reddidit. Videndum est enim, qua mente isti chirographum reddant: quorum propositum liberationem distinguit. Creditor reddit, ut declarat debitorem a se liberatum, alioqui inutiliter redditoris. Procurator a creditore acceptum reddit

Tom. IX.

debitori hac ipsa de causa, ut declaret a creditore liberatum, non etiam a se; cum eo chirographo nihil tanquam procuratori debitum caveretur, quod chirographi redditione remitti ab illo oporteret. Quare nihil inde contra procuratorem colligi potest, quasi eo facto debitorem a se ulla ex causa privata liberarit: cum nihil prohibeat eum reddere hoc chirographum, ut debitori consultum sit adversus creditorem, & nihilominus suas adiones proprias manere velle. *L. neque, supra de prob.* Neque vero factum cuiusquam, præterquam quod ei propositum fuit, debet alio produci, & ut vulgo dicitur, actus agentium non debent ultra eorum intentionem operari. *L. non omnis, D. si cers. pet.*

Quod si autem procurator chirographo subscripsit nihil creditoribus deberi, probabilis dici potest, hanc subscriptionem procuratori nocere debere. Nam aut inter creditores debitoris hic procurator erat, aut non erat. Si non erat, nihil est, quod a debitore repetat. Sin erat, verba confessionis eius eum excludunt. Professus est enim creditoribus nihil deberi, & ipse creditor est: ac ius facit, ut quique confessioni suæ stare debeat. *L. generaliter, supr. de non num. pec.* Sed negandum est his verbis, *creditoribus nihil deberi*, contineri procuratorem. Illo enim, generalis sit hæc oratio, *creditoribus nihil deberi*: nunquam tamen generalis oratio intelligitur ad alia pertinere, quam ad ea, de quibus prius specialiter actum est. *L. si de certa, supra, de transact.* In chirographis autem, in quibus erat hæc sub-

Yyyy

scri-

scriptio, non agebatur de procuratore, sed de his creditoribus, ad quos chirographa pertinebant. Proinde & cum creditores illic nominantur, eius loci creditores intelligendi sunt. Est tamen ineptum, quod ad explicandam huius loci difficultatem vulgo hic affertur, in quam sententiam

etiam vulgo hic locus allegari solet: nempe oratione generali non contineri eum, qui scribit. Cur quæso, si verbis orationis scriptor continetur, & nihil aliunde adfertur de scribentis sententia? Ex certe contra probatur in *L. fideiussor*, §. 1. *D. de pig.*

Ad L. Si Actore. 19.

Eadem sententia, quæ *L. 4. supra*.

Ad L. Si operas. 20.

Idem AA. & CC. Eucrati.

Si operas certi servi pro pecunia sumpta sibi in debitum compensare placuit creditori: his secundum conventionis fidem præstis de mancipio restituendo pacti tenor servari debet. S. V. Kal. Nov. Hadrianop. CC. Coss.

Debitor pro eo, quod debebat, creditori servum dedit, ut eius operis uteretur, quosd tantum perceperit operarum, quantum sufficeret ad id efficiendum, quod debebatur: convenitque, ut eo percepto servus restitueretur. Placet, ubi tantum perceperit creditor, quantum debebatur, primum liberatum esse debitorem, iuxta *L. manifesti*, *supr.* deinde

servum ex pacto repeti posse. Nam id pactum esse servandum, *L. legem*, *sup. de pact.* Est autem in eam rem actio in factum, seu præscriptis verbis: quoniam pactio nuda non est, sed debitor fecit, ut creditor faceret; dedit servum fruendum, ut cum creditor fructum perceperit certi temporis, servum redderet. *d. L. legem*, *L. solens*, *D. de præf. ver.*

Ad L. Interest. 21.

Vide, quæ diximus ad *L. si inter. 6. supr.*

Ad L. Inductum. 22.

Vide *L. pecunia. 14. supra.*

Ad L. Si literarum. 23.

Ex his locis expositus est ad *L. si inter. 6. supr.*

Ad L. Pennule. & Uli.

Hi loci expositi sunt ad *L. sum. 16. supr.*

A D T I T U L U M XLIV.

COD. DE ACCEPTILATIONIBUS.

S U M M A R I A.

1. *Acceptilatio quid.*2. *Acceptilatione tolli obligationes ipso iure, sed solum verbis contractas.*3. *Aquiliana stipulatio quid, & eius usus ad acceptilationem.*4. *Acceptilationem inutilem pactum habere, nisi aliud actum probeatur.*

1. **A** Acceptilatio est verborum conceptio, quibus creditor a debitore interrogatus, an quod promissum est, acceptum habeat, acceptum ferat: respondet, se habere acceptum, acceptum ferre: hæc illa sunt solemnia verba, quæ nominantur in *L. 1. hic*. Definitio declaratur in §. *item per acceptilationem*, *Instit. quib. mod.*

2. *toll. oblig.* Acceptilatione est liberator debitor, & quidem ipso iure, ita ut nulla amplius agendi via superest creditori, ut declaratur *L. pen. ult. hic*. Sed hoc modo tolluntur duntaxat obligationes verbis contractæ; cæteræ nullo modo. *d. §. item, vers. quod genus*. Quod conveniens est regulæ iuris, qua efficitur quibus quidquid modis contractum est, illud in contrarium actis dissolvi. *L. nihil tam, & L. fere, D. de reg. iur.*

3. Enimvero quod recte non possumus in cæteris obligationibus, id obliqua via consequimur. Nam inventa est stipulatio, in quam deducantur veteres obligationes & actiones cæteræ, tam in rem, quam in personam: quæ stipulatio dicitur ab auctore Aquiliana. Exstat formula in *d. §. item*. Hæc autem stipulatio interponitur novandi animo: ut scilicet novatione priores obligationes tollantur, & sola maneat nova obligatio stipulatione Aquiliana contracta, quæ deinde acceptilatione secuta perimatur. Hinc est, quod novationis sit

mentio in hac stipulatione interponenda in *L. 2. hic*. Hinc etiam, quod cum de acceptilatione agitur, tam multis locis coniunguntur hæc, Aquiliana stipulatio, & acceptilatio secuta. *L. ult. hic, L. ut responsum, L. ubi sup. de transact. L. 2. L. cum Aquiliana, D. de transact.*

Ex his apparet duas res acceptilationem obstat, si desint: solemnitas verborum, & obligationem præcedentem, si ea aliter contracta sit, quam verbis, ad quam dissolvendam subiecta sit acceptilatio. Sed quæcumque acceptilatio ex his causis 4 iure summo est inutilis, eam hæcenus utilem esse placet, ut debitor pacto liberetur, quia inutilis stipulatio pactum habet. *L. si unus, §. ult. D. de pact. L. an inutilis, D. hoc tit*. Sed & hoc ita, nisi aperte constet non fuisse creditorem hoc animo, ut pacisceretur, ut est in *d. L. an inutilis*. Utrum debitor acceptilationem liberetur, an pacto, hoc interest, quod acceptilationem vetus obligatio & actio peritus tollitur: pacto non tollitur, sed infirmatur per acceptilationem. §. *præterea, Inst. de excep.* Quem id effectum habeat, & quam conveniat ista distingui, refragante, ut videtur, regulæ iuris, *L. nihil interest, D. de reg. iur.* require ex *L. creditori, §. sup. de pact.* ubi pluribus qualis hoc ius esset, exposui.

* *Ad L. iam. 1.*

Imp. Antoninus A. Apronio.

Iam tibi scripsi, posse apud iudicem queri, an solemnibus verbis tutoris auctoritate interveniente, soror tua acceptilatione debitorem suum liberaverit. Quare si in repetenda pecunia, quam exsolvit, diversa pars perseveraverit: utris defensionibus competentibus PP. III. Id. Feb. Duob. & Aspris Coss.

Pupilla a debitore suo pecuniam accepit ea lege, ut debitorem per acceptilationem liberaret: quem deinde liberavit, auctoritate tutoris interposita. Ea

Yyyy 2 decess-

Tom. IX.

decessit fratre herede relicto, qui nunc consulit Imperatorem. Ab eo fratre debitor pecuniam a se solutam repetebat tanquam ob causam datam causa non secuta, quod diceret se dedisse, ut liberaretur per acceptilationem: se autem liberatum non esse, cum minor possit in integrum restitui: nemo autem videatur veteri actione exclusus, quem prator in integrum restitutum se pollicetur. *L. nemo, D. de in integ. restitut.* Consulens Antoninus rescripsit, debitorem pecuniam repetere non posse, si modo sit liberatus

solemnibus verbis, & accesserit auctoritas tutoris. Et recte: hæc enim sufficiunt ad debitorem liberandum. Nec debet in propositio metuere debitor restitutionem: quia, ut minor, aut heres, eius restituitur, non est satis minorem esse, sed etiam læsum esse oportet. Hic autem minor læsa non est, quæ pecuniam debitam accepit. Atque hæc sunt defensiones competentes, quæ hic commemorantur, & quibus dicitur fratrem pupille heredem usum esse.

Ad L. 2. & L. ult.

Exposui initio huius tituli.

A D T I T U L U M XLV.

C O D. D E E V I C T I O N I B U S.

S U M M A R I A.

1. *Fenditorem ob evictionem rei vendite teneri iudicio empti.*
2. *Evincere quid.*
Non evinci rem, quæ emptori non auferatur, quavis constet aliam, aut pignori obligatam. ibidem.

3. *Non evinci rem, nisi quæ auferatur iudicio.*
4. *Non evinci rem, quæ auferatur iudicio emptoris culpa, aut iniuria iudicis.*
5. *Evictio in summa quibus rebus continetur.*
6. *Evictionis nomina quæ actio, cui, in quem, cuius rei gratia.*

1. **Q**uæstio de evictionibus hinc nascitur. Sic fit ius est de obligatione venditoris, venditorem rem venditam tradere debere, & insuper evictionis nomine obligari: idest, si res vendita evicta erit, teneri eum emptori, ut evictionem, idest, evictionis periculum & damnum præstet. Hoc ius traditur in *L. ex empto, in pr. D. de act. empt.* item, in *L. 6. inf. hic.* Ut vel hinc liquido appareat, hanc obligationem partem esse obligationis empti & venditi, & ad eam partem iuris debere referri. Hoc iure posito quæritur de evictione, ac primum quando res evicta intelligatur. Quæstio in eo est, quid sit evincere, & quibus rebus evictio continetur.

2. Evincere fit rem iure iudicioque possessori auferre. Est, *auferre*, ut intelligamus, quantumvis res vendita aliena sit, aut pignori obligata, idque constet: tamen emptorem adversus venditorem regressum non habere rel venditæ nomine, quandiu res illi ablata non erit, seu quandiu illi rem venditam habere licebit sine cuiusquam interpellatione; scilicet quis

non est evicta, quæ ablata non est. *L. habere, D. cod. L. 3. hic.* Hoc autem indicat particula *e*, in verbo *evincere*. Hæc enim particula motum significat, ut sit evincere, ita vincere, ut ea victoria aliquid a victo in adversarium transferatur. Est fit *auferre iudicio*, ut intelligamus, si quoquomodo res perierit emptori, aut etiam ablata sit aliter, quam iudicio, evictam non videri: ac proinde eius rei periculum a venditore non præstari. *L. si servus, 21. in princ. illic, quavis, D. cod. L. atqui, §. omne, D. de neg. gest.* Hæc quoque sententia verbo vincendi efficitur. Nam victoria certamen præcedens significat. Duplex autem certatio est inter aliquos, una quæ fit vi; altera quæ iudicio. Prior omni iure prohibita: posterior lassa & legitima. *L. exstat, D. quod met. caus.* Iure autem vincere cum dicimus, verbo foris legitimam certationem & legitimam victoriam intelligimus. Est fit *auferre iudicio & iure*: quod & ipsum vincendi verbum significat. Is enim vincit, qui ratione vincit. Hoc eo pertinet, ut intelligatur re vendita iudicio evicta,

ta, sic evictionem præstari a venditore: si ob id res evicta sit, quia esset actoris, aut esset ei pignori obligata: exterum si res aut culpa emptoris evicta sit, aut evicta iniuria iudicis: his rebus effici, ut venditor evictionis nomine non teneatur. De culpa emptoris est in *L. emptor, infr.* de iniuria iudicis est in *L. si non iniuria, infr.*
 § *d. L. emptor, in fin. eod.* Quæ si sit ita sunt, apparet evictionem tribus his rebus contineri. Primum, ut res vendita emptori ablata sit. Tum, ut iudicio ab-

lata, & controversia mota. Postremo ut ablata neque culpa emptoris, neque iudicis iniuria, sed tantum ob id, quod res esset petitoris aut illi pignori obligata. Quorum aliquid si deest, emptor adversus venditorem de evictione regressum non habet, omnibus his concurrentibus habet. Quo t. constituto, quæritur deinceps, quæ in eam rem sit emptori actio, cui deitur, in quem, & cuius rei gratia, de quo multis rescriptis hoc titulo agitur: sed summa indicatur in *L. si tibi, 26. infr.*

Ad L. Emptor. 1.

Impp. Severus & Antoninus AA. Munitio.

Emptor hereditatis rem a possessoribus sumptu ac periculo suo persequi debet. Evictio quoque non præstatur in singulis rebus, cum hereditatem iure venisse constet, nisi aliud nominatim inter contrahentes convenit. PP. VI. Kal. Martii. Severo A. III. & Victorino Coss.

S U M M A R I A.

1. Venditorem hereditatis res hereditarias, quæ ab aliis possidentur, nec persequi debere, & multo minus suo sumptu, & cur.
2. Solum in hoc teneri, ut cedat actiones suas periculo emptoris.
3. Rebus hereditariis singulis evictis venditorem ob evictionem non teneri, & cur.
4. Probandum idem, et si res omnes hereditariae sint evictæ.
5. Universalitate qualibet vendita, ut grege, armento, peculato, idem ius esse rebus singulis ex ea universalitate evictis.
6. Qui affirmavit res aliquas esse hereditarias, cum de evictione eorum rerum teneri, quasi ita convenisset.

VEnditor hereditatis t. res hereditarias, quæ ab aliis possessoribus tenentur, suo sumptu persequi non debet, siue eas pondum tradiderit, siue tradiderit, & exciderit emptor earum possessione, & quidem sine culpa sua. Quod hic satis aperte significatur initio, dum statuitur, emptorem hereditatis id ipsum sumptu & periculo suo facere debere. Hic statim occurritur ex eo iure, quod de rebus venditis constitutum est: quo efficitur venditorem rem venditam tradere debere, ac nisi tradat, in id quod interest emptoris, teneri. *L. 1. in pr. L. ex empto. in pr. D. de act. empt.* Dicendum est, vendita hereditate id ius ad res hereditarias non pertinere.

Nam res hereditariae non sunt hereditas. *Inst. de reb. corp. & incorp.* idque est, quod pro ratione subiicitur in rescripto, cum hereditatem iure venisse constet. Hereditatem, dictum, ut ex conditione rei incorporalis intelligeremus, hereditatem venditam esse, non res singulas, ut dixi: proinde & hereditatem præstari necesse esse, non etiam oportere res singu-

las. Imo & res singulas hereditarias tradere venditorem debere, diserto scriptum est in *L. qui filisfam. D. de her. vel act. vend.* Quod si debet, etiam debet persequi suo sumptu. Nam nisi prius eas consecutus erit: tradere emptori non potest. Sed quod illic dicitur, sic interpretandum est: si modo venditor res hereditarias habeat in sua potestate, aut dolo fecerit, quominus haberet. Nam is locus, & similes referri debent ad eam definitionem, quæ est in *L. 2. §. non tantum, D. de her. vel act. vend.* ex qua etiam pendet huius rescripti ratio: nempe venditorem hereditatis emptori præstare debere id, quod ad ipsum pervenit ex hereditate, aut dolo fecit, quo minus perveniret. Cui congruit, ut si ipse habeat res hereditarias, eas & tradere debeat.

Sin t. neque habeat, neque habere potuerit, nihil amplius debeat præstare emptori, quam actiones suas, ut significatur in *d. L. qui filisfamilias, in pr. de her. vel act. vend.* Quod si verum est, venditor actionibus suis emptori cessis libera-

tur: sic enim præstat, quod debuit, *L. 51. D. de pec.* Et quia liberatur, ideo res amplius persequi non debet, quod si non debet simpliciter persequi, multo minus debet suo sumptu. Ita fit, quod hic dicitur initio, ut emptor hereditatis res singulas a possessoribus sumptu suo persequi debeat, siquidem velit eas habere. Additur eum persequi debere, & periculo suo. Quod hanc significationem habet: quanvis eas res non consequatur a possessoribus, tamen eo nomine adversus venditorem hereditatis actionem non habet, neque de pretio eorum rerum, neque de sumptibus in litem factis. Ut ¶ autem venditor hereditatis res singulas hereditarias emptori tradere non debet: ita non dissimili ratione efficitur, quod subicitur, ut evictio quoque non præstetur ab eo in rebus singulis: id est, ut rebus emptori traditis, quæ erant, aut putabantur hereditariæ, si hæ emptori evincantur, venditor evictionis periculum non præstet. Sic enim ius esse diximus de evictione, ut venditor teneatur ob evictionem, sed his conditionibus: si evicta sit res vendita, & evicta non iniuria iudicis. Atqui res singulæ hereditariæ non sunt venditæ, sed hereditas, quæ ratio hoc quoque loco in hanc partem redditur: cum constet, ait rescriptum, hereditatem iure venisse. Sed sine venisse res singulas. Tamen illud constabit non venisse, nisi hereditarias. Atque hac ratione nunquam præstabit venditor evictionem rei evictæ. Vis enim non esse hereditariam? non debetur eius evictio: quia non est vendita. Vis hereditariam esse? tamen ideo non debetur: quia necesse est hoc modo evictam esse iniuria iudicis, quo casu negamus evictionem præstari. Hic autem emptorem iniuriam a iudice passum esse sic facile intelligitur. Nam si hereditaria fuit, heres eius rei dominus factus est. *L. cum he-*

redes, D. de acq. poss. Si dominus: re emptori tradita, simul in cum dominum transtulit. §. *per traditionem, Infl. de rer. divis.* Emptori domino res sine iniuria avocari non potest. *L. id quod nostrum, D. de reg. iur.* Adeoque verum ¶ est, evictionem rerum singularum a venditore hereditatis non præstari: ut probandum sit, quod Ioannes vetus interpres putavit, ne sic quidem ab eo præstari debere, quanvis res omnes hereditariæ, aut quæ hereditariæ putabantur, sint evictæ. Nam & singulis rebus hereditariis omnibus evictis, nihilominus manet hereditas, quæ & vendita est, & præstatur: hereditas enim sine ullo corpore iuris intellectum habet. *L. hereditas, D. de petis. her.* id est, intelligitur ius esse etiam sine ullo corpore. Porro hereditas solum vendita est, non res singulæ. Hæc ¶ sententia generalis est, 5 pertinet ad omnes universitates venditas: veluti, si peculium venditum sit, si grex, si armentum, & quid ex rebus singulis, quæ eius universitatis esse putabantur, evictum fuerit, quod declaratur exemplo peculii in *L. 5. D. eod. tit.*

In his semper conventio excipienda est, ut hic fit. Si convenit, ut venditor rerum singularum evictionem præstaret, conventio præstanda est: idque vel maxime ex iudicii empti & venditi natura, quod cum sit bonæ fidei, maxime conventorum veritatem desiderat. *L. ex empto, D. de act. empt.* Conventionis ¶ species est, si 6 venditor de substantia hereditatis affirmavit: *L. nisi, D. hered. vel act. vend.* id est, si venditor dixit nominatim has & illas res esse hereditarias. Quare si postea hæ res evincantur, evictionem præstabit: quia ita affirmavit, ut præstaret: quippe propter eam affirmationem pluri vendidit. *L. sciendum §. 1. D. de edil. ed. L. ea que, in princ. D. de cons. empt. & vend.*



Ad L. Quoniam, 2.

Iidem AA. Quartæ.

Quoniam avus tuus, cum prædia tibi donaret, de evictione eorum cavui, potes adversus coheredes tuos ex causa stipulationis consistere ob evictionem prædiorum, pro portione scilicet hereditaria. Nudo autem pacto interveniente, minime donatorem hac actione teneri certum est. PP. II. Kalend. Mart. Antonino A. 2. & Geta, II. Cof.

S U M M A R I A.

1. Donata re evicta donatorem evictionis nomine non teneri, & generaliter, quæ de præstationibus empti & venditi constituta sunt, ad res donatas non pertinere, & hoc quam recte.
2. Donatorem, qui sciens rem alienam donavit, re evicta teneri de dolo, sed tamen de sumptibus damnatur, quos donatarius in eam rem fecerit.
3. Actio de dolo, quæ adversus donatorem fraudulentum competit, quantum distet ab actione, quæ competit ob eius rei evictionem.
4. Donatorem evictionem rei donata præstare, si stipulatione caverit, si præstiturum, non si nudo pacto tantum convenerit.
5. Cum sine stipulatione paciscitur donator, si evictionem præstiturum, quamvis in donando id fecerit, nihilominus nudum pactum esse, quo non tenetur.
6. Non mutari hanc sententiam in L. si quis argentum, §. penult. inf. de donat. quia nec simile pactum fit de re pacto donata tradenda, vel si simile esset, lex ius vetus commendans producenda sit ad consequentias.

Constituto iuris certi est si diserte confirmata hoc loco: re donata donatario evicta, quod aliena donata esset, donatorem si extra conventionem evictionis nomine non teneri. Ex quo intelligimus, quod de evictione præstanda constitutum est in venditione, id ad res donatas non pertinere: uti placet, nec cætera, quæ a venditore exiguntur. *L. ad res donatas, D. de ad. ed.* Ius æquissime constitutum. Nam aut donatarius rei evictæ pretium repetere volet a donatore, aut sumptus a se in eam rem factos, quos facturus non esset, si scivisset rem esse alienam. Pretium repetere non potest: quandoquidem hoc ei non abest, qui propter rem nihil in donatore contulit: quod secus est in emptore, qui pro re vendita dedit pretium. Sumptus a se factos iustus videbatur repetere posse, quia alia causa est damni, alia adventitii lucri. *L. non debet actori, §. 1. D. de reg. iur.* Sed & hoc a donatore, qui nihil dolo fecit, repeti ihiqum est. Neque enim donator liberalitatis suæ poenam pati debet, ut est in *d. L. ad res donatas*, ductum ex hac æquitate naturæ, quæ placet nulli officium suum debere esse damnosum. *L. sed si quis, D. testam. quem ap. L. si servus, §. quod vero, in fin. D. de iur.* Nihil tale dici potest de venditore, qui in re vendita præstanda non confert beneficium in emptorem, sed id præstat, quod iure obligationis præstare necesse habuit.

Sane si quis sciens rem alienam esse, ignoranti donaverit, & sic res evincatur: habet deceptus de dolo actionem adversus donatorem, si quos sumptus in eam rem fecerit. *L. Aristo, §. ult. D. de donat.* Sed ne sic quidem efficitur, ut vel hoc casu donatario præstetur evictio. Quia enim de dolo actio est, non potest ei competere, nisi quatenus deceptus est a donatore. At non est deceptus in pretio & æstimatione rei donatæ. Non enim propter dolum æstimationem rei amisit; sed ideo, quia res aliena erat: idem passurus, etsi donator ignorans rem alienam donasset. Quare ne hoc quidem casu re evicta donatarius de æstimatione rei recte agat, cui in eam rem ne actio quidem de dolo competit. In eo fraudatur donatarius, si quos sumptus fecit in rem donatam: quos si rem alienam esse scivisset, non esset facturus. Et hæc tunc erit ei de dolo actio, ut hos sumptus, & quidquid eo nomine illi abest, a donatore recuperet. dicta *L. Aristo, §. ult. D. de don.*

Sed si hic vide, quantum distet hæc actio ad sumptus recipiendos ab ea actione, quæ ob evictionem competit in id, quod actoris interest. Quia hic de dolo actio est, hinc intelligimus, si donatarius dum res ab eo vindicatur, eos sumptus a petitorio retinere possit doli mali exceptione opposita, de his postea adversus donatorem agere non posse. Potest autem

tem eos sumptus, si utiles fuerint & si rem possidebat, fervare a petitore, *L. sumptus, D. de rei vind.* Id si non fecit, doli actionem adversus donatorem non habebit.

Quisquis enim rem salvam habere potest ullo alio remedio, quam actione de dolo, placet eum actionem de dolo non habere, quanvis ad servandam exceptionem tantum habuerit, *L. 1. §. ait praesor, D. de dol.* Nec interest, utrum donatarius exceptionem adhuc habeat ad sumptus servandos, quos fecit, an vero eam amiserit sua culpa, ut hic contigit, *d. L. 1. §. pen. D. de dol.*

- 4 Una est ergo ꝑ conventio, quam donatario re donata evicta actionem ob evictionem possit praestare. Sed hoc praestat non omnis: qua in re est distinctio huius rescriti: ut si quidem donator de evictione cavet donatario, teneatur eo nomine: si tantum convenit, ut praestaret, idque nudo pacto, non teneatur. Si cavet, sic interpretandum est ex significatione verbi usitata: si per stipulationem cavet, sive si stipulanti promittit se evictionem praestitutum. *L. sancimus, sup. de verb. sign.* Distinctio ex iure certo sumpta. Nam ex stipulatione iure civili actio nascitur, *§. de constituta, Inst. de act.* Ex pacto autem nudo non nascitur, *L. iurifigentium, §. sed cum nulla, §. quinimo, L. drufionis, D. de pact. L. legem, sup. de pact.* Tale est autem pactum, cum circa stipulationem donatarius pactus est sibi a donatore evictionem praestari. Id enim pactum non nudum dicitur, cum quis dedit, aut fecit quid ea lege & pacto interposito, ut vicissim sibi quid daretur, aut fieret. Contra ubi pactus est sibi quid dari, aut fieri, neque prius quidquam dedit, aut fecit ea lege, ut illud, de quo pactus est, sibi praestaretur, id pactum nudum dicitur, *d. L. legem, sup. de pact.* nudum, idest, solum: quod nihil habet ad obligationem contrahendam praeter conventionem. Huiusmodi, ꝑ inquam, pactum est, cum donatarius paciscitur sibi evictionem praestari, quanvis id paciscitur tunc, cum res ei donatur. Nam is nihil prius donavit, aut fecit donatori ea lege, ut sibi ea evictio praestaretur, sed contra a donatore accepit. Pactum igitur nudum est ex superiore definitione: ex quo genere iure civili non nascitur actio.

- 6 Hoc loco ꝑ quaeritur est, num hoc ius mutatum sit constitutione Iustiniani, *L. si quis argentum, §. pen. inf. de don.* quoniam illic constitutum est noviter a Iustiniano, ut ex solo pacto de donando obli-

getur donator in hoc ut rem tradat, quam se donare dixit, idque ad exemplum venditionis. Vulgo placet ea constitutio ab hoc rescritto recessum esse, & ex pacto solo vel de donando, vel de evictione rei donatae praestanda donatorem neque teneri, atque si stipulatione cavisset. Mihi falsum videtur. Et constat huius sententiae ratio. Necesse est enim, quod hic constitutum est, ex iure publico manere, nisi aperte & specialiter sublatum sit. *L. praecipimus, in f. sup. de appell.* Non mutatur autem hoc ius superiore constitutione Iustiniani. Nam sic ille vult ex pacto de donando obligari donatorem: ut ubique nominatim adiciat se velle ad hoc, ut donator rem tradat, quemadmodum in venditione venditorem tradere oporteret. Ex quo colligitur, si donator rem, de qua donanda pactus est, tradiderit donatario, legi Iustiniani satisfactum esse, eoque & donatorem liberari. Cui rursus consequens est, si postea res tradita evincatur, evictionem a donatore non debere praestari, quia nihil de eo cautum sit lege Iustiniani; & quia prius donator liberatus sit tradendo, ut diximus. Sed & hoc evidenter efficitur ex sententia eius constitutionis. Apparet enim Iustinianum voluisse, eum, qui pactus est de donando, ex hoc pacto teneri, ut ita rem tradat, ubi traderet, si uliro donasset. Denique non vult ex hoc pacto donatorem amplius teneri, quam ut faciat, quod faceret, si sua sponte rem tradidisset. At omnibus interpretibus consentientibus si donator uliro tunc pacto rem donaverit, & tradiderit, ea evicta non tenetur. Quare nec tunc tenebitur, cum ex pacto tradiderit. Nihil ad rem pertinet, quod Iustinianus voluit hoc pactum actionem parere, atque hoc modo pactum stipulationi comparari. Sane enim hic comparat: sed videndum est, quatenus: ne ultra, quam voluit, eius constitutionem producamus ad ius vetus emendandum. Dedit ex hoc pacto actionem tantum, ut res traderetur, non etiam ut ea re evicta praestaretur evictio. Quapropter & intra hos fines consistere debemus; nec de re evicta ex pacto actionem dabimus, de quo ille nihil cavet. At enim utrumque pactum alteri simile est; est enim utrumque de re donata: prius de tradenda; posterius de retinenda, & perpetuo habenda. Proinde & in hoc polleat, dicit aliquis, ius idem fluendum, *L. illud, D. ad leg. Aquil.* Sed non est in utroque par ratio eius tuendi. Ut rem tradat donator ex pacto, nulla eius iniuria est, certe nulla poena, sive res eius est,

est, siue est aliena, cum tradere possit, quam apud se habet. At re aliena forte donata si evicta sit, id agi pacto, ut id periculum donator præstet: hic vero eius damnum & poena versatur: & iniquum est eo casu quemquam liberalitatis suæ poenam pati. Hoc Modestinus de huiusmodi præstatione scribit in dicta *L. ad res donatas*, *D. de ad. ed.* Sed demos & pacti de re donata tradenda, & pacti de eius evictione præstanda eandem rationem & æquitatem esse. Non tamen istis concedendum est, quod de priore constitutum

est ut valeat, idem quoque admitteendum in posteriore. Prius enim admissum est a Iuliano contra iuris communis de pactis rationem. Proinde certo iure utimur, ut non sit producendum ad consequentias; etiam in quibus videatur eadem ratio, *L. quod vero*, *D. de legib.* Postremo illud tenendum est, quod supra dixi, cum quid immutatur ex priore iure, si quid specialiter immutatum non sit, id veterum legum constitutionum regulis relinqui oportere, ut discrete cautum est in *d. L. præcipimus*, in *fin. supr. de app.*

Ad L. qui rem. 3.

Idem AA. Aureliano.

Qui rem emit, & post possidet: quamdiu evicta non est, auctorem suum propterea, quod aliena, vel obligata dicatur, convenire non potest. PP. VIII. Kal. Aug. Faustino & Rufino Coss.

S U M M A R I A.

1. *Quando res vendita tradita emptori evicta non est, tandem cum venditore nullam actionem esse, quavis esset res alienata, aut pignori obligata esse, idque esse perpetuum.*
2. *Quam varie causasse possit emptor adversus venditorem, etiam re nondum evicta: sed*

quam hoc nihil superiori sententia, quæ huius loci est, adversatur.

3. *Venditorem rem venditam tradendo quavis alienam liberari: ceteros debitores, qui rem debebant, nullo modo, & differentia ratio.*

Certi iura est, re vendita ꝛ emptori evicta emptorem adversus venditorem evictionis nomine actionem habere, *L. 5. infr.* Quid si res nondum evicta sit; consilet tamen aut alienam esse, aut pignori obligatam, aut hominem, qui venditus est, liberum esse, & in libertatem proclamare posse: denique rem venditam in ea causa esse, ut emptori advocari possit? An emptor venditorem suum possit eo nomine convenire vel id id, quod sua interest rem perfecte suam factam esse, vel ut sibi pretium restituatur, queritur. Constituitur hoc loco, non posse; idque est, quod in *L. ex empto, in prin. D. de actio. empt.* traditur, venditorem rem solum tradere debere: si tradiderit, quavis alienam, ita liberari, ut tantum evictionis nomine obligetur. Nihil est hac sententia verius, neque rotundius. Multa colligit Accursius in glossa, quæ ipse pro contrariis citat: ad quæ explicanda hac ratione ulitur, ut dicat ea certam rationem diversitatis habere. Non recte: non quod emptor adversus venditorem suum non possit multis de causis consistere, etiam re nondum evicta; sed quod nihil ex causis adversetur huic loco, utpote quæ omnes verbis huius resccripti satis removeantur. Nam in eo nihil otiose scriptum

Tom. IX.

est. Id ut intelligatur, sic habendum est.

Emptor ꝛ venditorem suum etiam re nondum evicta convenire potest, sed ob alias causas, quam quod res aliena, aut pignori obligata sit. Rursum ob hanc ipsam causam, quod res aliena est, aut pignori obligata, potest emptor consistere adversus venditorem suum: sed non ut petat sibi ab illo aliquid dari, vel restitui, sed ne ipse cogatur postea quid dare ei, aut ab eo accipere: quod excipiendo consequitur, non conveniendo. Convenire debitorem suum potest, sed re non tradita, ut sibi tradatur, *L. 1. in pr. D. de actio. empt.* Quod si venditor alienam offerat, aut pignori obligatam, est in potestate emptoris non accipere: quod sit recusando non venditorem conveniendo. *L. 5. L. si post perfectam, infr. eod.* Nunc autem hoc rescscriptum vetat, ne emptor conveniat venditorem. Item re tradita potest emptor petere a venditore, ut repromittat sibi rem habere licere. *L. ex empto, in pr. & §. venditorem etiam, D. de actio. empt.* Hoc amplius potest petere, ut venditor eo nomine duplam, aut simplicem repromittat pro ea distinctione, quæ legitur in *L. emptori, D. de evictio.* Sed nihil hæc ad hunc locum. Non enim petitur hæc repromissio, quod res aliena sit,

Zzzz

fit, sed quod sine his non videatur tradita. Nam et si res esset venditoris, tamen promittere eogeretur. Præterea si venditor sciens rem alienam ignoranti emptori vendidit & tradidit, placet statim emptorem agere posse adversus venditorem in id, quod sua interest. *L. 4. in pr. L. servus quem, §. ult. D. de act. empt.* Sed hoc non eo fit tantum, quia res aliena vendita est; sed quia emptor deceptus est: non actorus alioquin, si deceptus non esset, quantumvis res aliena esset vendita. Nihil est igitur verius, quam quod hic dicitur, re vendita tradita emptorem non posse agere adversus venditorem suum, non simpliciter; sed ob eam causam, quod res aliena est, aut pignori obligata. In quo cum lex inhibeat tantum actionem adversus venditorem & eam ex superiore causa: apparet, si emptori licet consistere adversus venditorem alio modo, quam agendo, & ob aliam causam, quam supra scriptam: nihil his contrarium dici in hoc rescripto. Sane si convenerit inter emptorem & venditorem, & simulque controversia mota erit de re vendita, licet emptori adversus venditorem eo nomine agere: conventio servanda est, *L. siue in libertatem, 12. hic.* Sed ne hoc quidem huic loco adferatur, in quo respondetur de his, quæ secundum naturam empti & venditi præstanda sunt, aut non sunt. Ea autem natura conventionem mutari potest: nam contractus ex conventionem legem accipiunt, *L. 1. §. si conventus, D. de pos. L. contractus, D. de reg. iur.*

³ Illud tamen animadvertendum est, quod placet, re quamvis aliena aut pignori obligata

tradita, non eo magis venditorem ab emptore conveniri posse, in venditore recte dici: ad ceteros debitores, qui rem aliquam præstare debeant, non peritior. Liberetur venditor, quoniam rem alienam dando, propter quod in hoc solum obligator emptori, ut ei rem tradat, & ei habere licere præstet quod fieri intelligitur, quandiu res vere emptori evicta non sit. dicta *L. ex empto in prin. & L. servus quem, 30. §. ult. D. de actio. empt.* Cæteri debitores, qui rem aliquam debuerunt, id est, qui debuerunt dare emptori suo vel ex stipulatu vel ex legati causa, vel dotis, & similibus, in ea causa sunt, ut si rem alienam aut pignori obligatam creditori suo solverint, denique eam quæ perfecte non fiat accipientis: placeat nullo modo eos liberari, sed creditori priusnam actionem mittere, quæ statim agere possit, ut sibi ex res, quæ debebatur, præstetur: *L. cum quis, §. qui hominem, D. de solut.* nimirum quia & hoc conditio obligationis facit. Nam data est dominium transferre. *§. si itaque, Instit. de act.* Unde qui promittit se fundum daturum, dicitur in id obligari, ut omni modo rem faciat accipientis, *L. ubi autem, §. ult. D. de verb. oblig.* Non dat autem rem, aut dominium eius transfert, qui eam rem dat, quæ iure potest creditori avocari. Proinde debitor ita dando non præstat, quod debuit: ex quo etiam efficitur, ut non liberetur: quoniam tollitur quidem solutio obligatio, sed solutio eius, quod debetur, *Instit. quib. mod. sol. obl. in prin.*

Ad L. Si prædium. 4.

Imp. Antoninus A. Georgio.

Si prædium tibi pro soluto datum est, quod aliis creditoribus fueras obligatum, causa pignoris mutata non est. Igitur si hoc iure fueris evictum, utilis tibi actio contra debitorem competis. Nam huiusmodi contractus vicem venditionis obinet. PP. II. Kal. August. Duobus & Aspris Coss.

S U M M A R I A.

1. Extra emptionem, aut si qui sunt contractus emptionis similes, actionem ob evictionem non esse.
2. Pignore in solutum dato cur non videatur contrahi emptio.
3. Re in solutum data emptionem contrahi videri, & hinc ea re evicta creditori esse actionem utilem ex empto ob evictionem.

4. Emptor ab eo, qui in solutum accepit, cur distinguatur.
5. Re in solutum data evicta utrum actionem creditori maneat: sed nihilominus ei actionem utilem ex empto competere: & quid intersit, hoc, an illo creditor exporciatur.

QUI centum debebat, prædium volenti creditori in solutum dedit. Id prædium cum aliis creditoribus obliga-

tum esset: ab his postea ei creditori, cui datum erat, iudicio evictum est. Questum est, an is creditor prædio evicto actionem

nam habeat adversus debitorem ob evictionem in id, quod sua interest? Sed hanc questionem præcedit illa necessario: an cum debitor prædium creditori in solutum dedit, sublatum sit eo prædio pignus aliorum ereditorum, an vero manserit?

Nam si mansit, iure ab illis evinci potest, & ita locus fieri actioni ob evictionem. Quod si sublatum est pignus ex alienatione, non poterunt creditores, quibus obligatum erat, id prædium iure evincere. Quo fiet, ut si evocant, id contingat iniuria iudicis, non actorum iure. Iniuriæ autem iudicis actor non præstat ei, cui rem tradidit, etiam si tradiderit ex causa emptionis. *L. si per imprudentiam, D. eod. L. emptor, infr. hic.* Quamobrem & de eo responderit hic primo loco, ut sic deinde recto ordine perveniat ad questionem de evictione. Placet ergo prædio in solutum dato, nihilominus causam pignoris aliis creditoribus constituti integram manere: quod rescriptum est ex iure certo, quod est in *L. debitorum, L. distractis, supr. de pig. L. si debitor, supr. de distract. pign.* Ex quo intelligitur, si creditores postea prædium evincant, iure ab illis evictum videri: ac proinde nihil esse in alienatione debitoris, quod impediat actionem de evictione. Hoc posito, tamen adhuc dubitabitur, an creditor, cui prædium evictum est, possit agere non cum evictionem adversus debitorem: nec abs re dubitatur. Nam si in proposito emptio contracta non est, creditor nullam actionem habet evictionis nomine. Primum, quia de eo nihil convenit inter debitorem & creditorem, cum prædium in solutum daretur. Deinde, quia etsi convenisset: tamen creditor ex ea conventionem actionem non haberet. Est enim pactum nudum: quia nihil dedit, aut fecit creditor ea lege, ut sibi id prædium præstaretur, aut eius prædii evictio, ex pacto autem nudo actio non nascitur, *L. legem, supr. de pact.* Nihil enim dedisse debitori certum est. Nam debitor rem, quam debebat, prius ut suam habuit: neque aliam a creditori accepit: aut si accepit, accepit sine ullo pacto & constitutione.

Quibus tamen de causis generaliter probatum est, extra emptionem, & si qui sunt contractus emptiois similes, actionem ob evictionem non esse, ut hoc rescripto satis declaratur, & *L. 2. iuncta L. 2. supr. de rer. permut.* quibus in locis de re in solutum dato, aut permutata datur ob evictionem actio, solum hac ratione, quod hic negotia gerantur, quæ vicem emptio-

nis obtinent. Atqui tamen pignore in solutum dato creditori, de qua specie nunc agitur, non videtur dici posse emptionem esse contractam. Non modo enim nihil dictum est de emptione, sed etiam aperte prædium in solutum datum est. Sed etsi rem & mentem contrahentium spectemus, idem dicemus. Nam qui dat in solutum credituri suo, id agit, ut negotium & obligationem præcedentem distringat: contraria sunt autem, velle negotium distringere, & velle contrahere. Quare qui in solutum dedit, non intelligitur contrahere voluisse, ac proinde non contraxit: collectio est *S. is quoque in fin. Inst. quib. mod. re const. obli.* Hæc dubitatio est, quæ movet estimationem huius loci.

Et responderet, tamen nihilominus ereditori utilem actionem adversus debitorem competere: Sed non adiciatur, quæ actio, neque ad quid competat. Et actionem utilem intelligere debemus ex empto, quæ in hoc genere solet competere, cum res in solutum data evicta est, ut diserte traditur in *L. eleganter, in pr. D. de pig. act.* Sed & hoc ex ratione huius rescripti satis colligitur, quæ ad aliam sententiam confirmandam referri non potest. Est enim hæc: nam huiusmodi contractus vicem venditionis obinet. Primum Alexander contractum nominat, deinde ait, *eum vicem venditionis obtinere*, ut hic quasi venditionem contractam intelligamus, unde fit illa actio utilis, quam nominat. Sed quomodo hic potest esse emptio, ubi & verba repugnant, & finis solventis, ut diximus? Emptio esse intelligitur ex iis rebus, quæ interveniunt. Nam quoties pecunia pro re datur, toties emptio contrahi intelligitur, *L. naturalis, in princ. illic, & si quidem, D. de pref. verb.* Id autem fit in proposito. Non obstat, quod aperte pretium hic non dicitur: de quo tamen in emptione contrahenda convenire oportet *S. pretium, Inst. de contr. empt.* Satis enim pretium dicitur rei solvere, cum ea datur pro pecunia, quæ debetur. Apparet namque rem tanti aestimari, quanta est summa, quæ debetur: Sed tamen qua verbis aperte non contrahitur emptio, eo fit, ut non proprie emptio esse existimetur. Unde non datur directa actio ex empto, sed tantum utilis: quia scilicet contrahatur id negotium, quod debetur vicem emptionis, utpote omnia habens, quæ sunt emptionis propria. Nam quod supra diximus, debitorem prædium in solutum dando non id agere, ut contrahat, sed ut distringat potius, utrunque verum est: debitorem prædium hoc in solutum dare &

contrahendæ emptionis causâ, & nihilo-
minus præcedentis obligationis dissolven-
dæ. Præcipua quidem eius finis est, ut
liberetur obligatio: nam nisi solummodo vo-
luisset, non vendidisset prædium. Sed ut
ad hunc finem perveniat, prius hoc ei pro-
positum est, ut vendat: cum enim pecu-
niam non haberet, unde solveret: idcirco
vendidit prædium creditori, ut pretium
inde debitum cederet in eam pecuniam,
quam debet, atque ita compensatione li-
beraretur. Recte ergo dicimus evictio eo
prædio empti actionem utilem creditori
competere ob eam evictionem. Quid igitur
4 *est* igitur, quod in *L. libera, in fin. supr. de sent. & inter.* aperte distinguitur em-
ptor ab eo, qui in solummodo accepit? Nemp-
e hoc significat, hunc posteriorem non
esse emptorem, ut est is, qui aperte emit:
Quod & nos fatemur. Ideo enim non em-
ptorem, sed quasi emptorem esse dicimus.
5 *Et* igitur quod illic dicitur, *cum ancilla in so-
lutum data est, posse ea evicta debitum
repeti*, sane hoc significat: & verum est,
evicta re in solummodo data, veterem actio-
nem de debito manere. Sed ea res non
facit, quominus etiam creditori competat
utilis empti actio, ut est in *d. L. eleganter,
D. de pign. act.* Utique hanc cre-
ditori competere, non est otiosum. Re

evicta expedit ei empti actionem potius
habere. Est enim hæc multo, quam illa,
plenior: quippe quæ deur in id, quod
creditoris interest, prædium evictum non
fuisse, *L. si tibi, infr. hic.* Quod sæpe
pretium excedit, ut est in *L. 1. in pr. D. de act. empt.* In eo enim continetur,
& quanto plurius res valuit: & præterea,
quæ in rem emptam, ut melius fieret, ero-
gata sunt, *L. si contraversa, g. L. cum
successores, 23. infr. eod.* Rursum re non-
dum evicta, utile est actionem de eo,
quod debebatur, adhuc salvam habere.
Nam tum actio ex empto creditori nulla
est, quæ tunc solum competit, cum res
quæ tradita erat, evicta fuerat, non ante:
quavis constet rem alii pignori obligatam
esse, ut superiore rescripto diximus. Actio-
ne autem veteri integra manente, cum
res aliena aut pignori obligata in solummodo
data est, ut certe manet, *L. cum quis,
§. qui hominem, D. de sol. eventus*, ut
ea agi possit etiam antequam res evincatur,
si modo constet rem alienam, aut pi-
gnori obligatam datam esse. Et certe,
etiam tum manere veterem actionem ne-
cesse est, si novatione non est sublata.
Nullam enim hic solutionem esse conven-
nit. Atqui nec novationem hic interven-
nisse ullam apparet.

Ad L. Ex his. §.

Idem A. Petronix.

*Ex his prædiis quæ mercata es, si aliqua a venditore obligata, &
necdum tibi tradita sunt: ex emptio actione consequeris ut ea a creditore li-
berentur. Idem etiam fiet, si adversus venditorem ex vendito actione pretium
petentem, doli exceptionem opposueris. PP. XV. Kalend. Octob. Duobus &
Aspris Coss.*

S U M M A R I A.

1. *Re pignori obligata vendita posse emptorem ad-
versus venditorem agere, ut pignus liberet
re nondum tradita, semel autem ea tradita
non posse: & cur hæc dissimiletur.*

2. *Re obligata marito ultimata data in dotem,
posse maritum etiam re tradita agere, ut qui
dedit, pignus luat aliter, atque in ceteris
emptionibus: & differentia ratio.*

1. **C**um res pignori obligata igitur vendita est,
potest emptor adversus venditorem
ex empto agere, ut pignus luat, sed hoc
re vendita nondum tradita, ut hic nomi-
natum adiectum est. Et recte: nam re tra-
dita si deceptus emptor non esset, nullam
adversus venditorem actionem eo nomine
haberet: quoniam satis est emptori præ-
stari rem habere licere. *L. servus quem,
§. ult. D. de act. empt.* Nec est, quod
quisquam putet, ideo deteriorem condi-

tionem emptoris fieri re tradita, quam
nondum tradita. Nam re nondum tradita
ideo agit: quia res ex empto ei tradi de-
buit, neque tradita est, *L. 1. in pr. &
L. ex empto, D. de act. empt.* Re au-
tem semel tradita habet, quod ex empto
illi debebatur. Solum enim hoc, ut dixi,
præstari debuit, ut ei habere liceret. Ad-
de, quod re emptori tradita non potest
emptor consequi a venditore, ut pignus
liberet, nisi agendo. At re nondum tra-
dita,

data, id consequitur a venditore rem recusando: agit namque in hoc, ut sibi res tradatur: quod potest, quia hæc erat obligatio empti. Quod si res liberata a pignore ei traditur, bene est. Sin obligata adhuc traditur, licet ei impune dicere, non accipiam, priusquam liberes, & ad hoc obtinendum defenditur doli mali exceptione.

2. Sed et in hac re controversiam facit. *L. creditor, §. prædium, D. de aff. empt.* ubi re vendita tradita nihilominus datur emptori actio adversus venditorem, ut pignus luat. Propuntur eo loco pater filie nomine prædium æstimatum marito eius dedisse in dotem. In quo est videtur datio in dotem esse, non emptio, de qua nunc agimus; tamen revera emptio est: quotiescunque enim res alicui æstimata datur, æstimatio emptionem facit; & qui rem accipit, emptor est, qui tradit, venditor, ut qui pro re pretium rei tradit accipiat. *L. plerumque, §. pen. D. de iur. dot.* Et tamen in ea specie respondetur, si prædium æstimatum deprehendatur obligatum esse: posse maritum statim adversus heredem patris, qui prædium dederat, agere, ut pignus luat, idest, haberet, contra quam significatur hoc loco, & rescriptum est in *d. L. 3. sup. eod.*

Hic respondendum est, quod est in *L. quoties, D. de iur. dot.* non simplicem

hic emptionem esse, sed dotis causa. Ea res facit, ut quantum mulieri soluto matrimonio pretium prædii in dotem dati restituendum est, maritus statim agere possit, ut a pignore liberum prædium habeat. Non enim æquum est, eum soluto matrimonio pretium restituere, nisi prædium interim habeat pro pretio. At nisi iam nunc agat, ut pignus luat: futurum, est, ut prædium non habeat, & tamen pretium debeat restituere. Sed si adversus eum, qui prædium dedit, aut heredem eius non licet agere, fieri potest, ut ia destinatus esse solvendo. Quod si sit, prædium quandoque evicto prædium illi perierit, quia eius æstimationem consequi non possit: non ab eo, qui dedit, cuius inopia inanem fecit actionem, *L. 6. D. de dolo*: non a muliere, quæ prædium non dedit. Et tamen nihilominus pretium soluto matrimonio restituere debeat. Dote enim ab extraneo data, aut promissa, si qua marito adversus eum de dote servanda fuit actio, & hic forte defectus in facultatibus: imputatur marito, cur eum non convenerit, *L. si extraneus, D. de iur. dot.* Et in superiore *L. creditor*, adversus extraneum agitur. Pater enim, a quo dos erat, iam decesserat, & filia hereditate patris se abstinuerat dote contenta. Cætera rescripti exposita sunt ad *L. 3. sup.*

Ad L. Non dubitatur. 6.

Imp. Alexander A. Octavio.

Non dubitatur, & si specialiter venditor evictionem non promiserit, re evicta ex empto competere actionem, PP. VIII. Id. Martii. Alexandro A. Cofi.

S U M M A R I A.

1. Evicta re venditorem præstare debere evictionem emptori, quoties de ea nihil aperte convenitur.
2. Sciens rem alienam, aut pignori obligatam vendi, evictionem non præstari.
3. De evictione præstanda si convenit, hanc emptori etiam scienti conditionem rei præstari.
4. Venditorem scientem de evictione non præstanda non teneri, si ignorans conditionem rei

vendiderit: si sciens, conventionem nihil ei prodesse.

5. Est ignorans quis rem alienam vendidit, & convenit, ut evictionem præstaret, habentis tamen eam re evicta teneri, ut saltem pretium restituat, dammodo & ignorans vendiderit, & cur non obset conventio.

L. ex empto, §. ult. D. de act. empt. explicatur ibid.

DE evictione præstanda hic las constituitur. De quo in universum ita puto: recte statuatur, si dixerimus, primum quid de ea iuris sit, cum de ea nihil omnino convenit: deinde quid, cum aliquid convenit in alteram partem, vel ut præstetur, vel ut ne præstetur, de qui-

bus ita dicam breviter ordine. Si et de evictione nihil aperte convenit, placet nihilominus re evicta venditorem hanc præstare debere emptori, ut hic definitum est, & *L. ex empto, D. de aff. empt.* Sed et cum hac exceptione, alii emptor sciens rem alienam, aut pignori obligatam emer-

rit. Scienti evictio non præstatur: usque adeo: ut ne pretium quidem venditor restituere debeat hoc casu, *L. si fundum, infr. hic*. Et recte. Nam hoc convenit inter omnes, si venditor monet rem alienam a se vendi, & pro tali vendat, cum teneri ob evictionem non debere: quia appareat nihil eum amplius vendere, quam quod habet. Et hinc est, cur placeat creditorem, pignore ab eo vendito, evictionis nomine non teneri, si res tanquam aliena evicta sit, dummodo tanquam pignus, sive iure creditoris vendiderit, & revera fuerit res illi pignori obligata, *L. ex empto, §. sententiam, D. de act. empt.* Quod si verum est: par est, etsi nihil tale dixerit venditor, si tamen emptor id ita esse non ignorarit, non magis ei præstari debere evictionem. Non enim debuit certiorari, qui non ignoravit, *L. 1. in fin. D. de act. empt.*

- 3 Quod si de evictione aliquid convenit, quæri solet, utrum, & quatenus conventio servanda sit. Et multum interest, convernerint, ut evictio præstaretur emptori, an ne præstaretur. Si ut præstaretur: conventio omnimodo servanda est, quæ quidem in re gerenda interposita fuerit: & servanda etiam emptori conditionem rei non ignorant. Nam cum in *L. si fundum, infr. eod.* dicatur ei, qui fundum scieus alienum, vel obligatum comparavit, evictionem non præstari hac conditione, si de evictione non convenit: vi ipsa satis hoc dici intelligitur, si convernerit in re vendenda, ut huic ipsi scienti evictio præstaretur, ei esse præstandam. Idque per se satis efficitur generali edicto de pactis, quo prætor pollicetur se pacta servaturum, quæ neque dolo malo facta sint, neque contra leges *L. surisgentium, §. ait, D. de pact.* Nihil hic dolo malo facit emptor, qui sibi cavet: nec decipitur & consentit, *L. nemo videtur, D. de reg. iur.* Non est contra leges id pactum, quod est de re familiari & privata: in qua licet unicoque pacto deteriorem suam conditionem facere. *d. L. iurisgentium, §. si paciscar, L. pactum, D. de pact.*

- 4 Non eadem causa est contrariæ conventionis, si forte convernerit, ne venditor re evicta evictionis nomine teneretur. Nam neque semper prodest venditori, neque in totum: & in summa tunc solum propter hanc conventionem tutus est venditor, ut quid re evicta præstet emptori, cum ille ignoravit rem alienam esse, hic scivit alienam. Hoc quidem casu non teneri venditorem constat. Nam si emptori

scienti non præstatur evictio, quanvis de ea nihil convernerit: *d. L. si fundum, infr.* multo minus ei præstandam esse dixerimus, si nominatim convenit, ne præstaretur. Sed hoc ita est, inquam, si venditor rem alienam ignorans vendiderit scienti. Quod si sciens vendidit ignoranti, nihil ei profuerit conventio, quominus re evicta ex empto teneatur, *L. ex empto, in §. D. de act. empt.* Quippe venditor celando emptorem decipit. Sic enim silentio suo consecutus est, ut is facilius remitteret evictionem, dum existimat venditorem agere bona fide. Hunc dolum unique iudicio empti præstat venditor. *L. 1. §. 1. L. ex empto, §. sententiam, & §. ult. in fin. D. de act. empt. L. ea, quæ, D. de cont. empt. §. vend.* In quo nihil iuvat eum, sed oppugnat potius edictum prætoris, de pactis: quoniam ea non servat prætor quæ dolo malo facta sunt. Sed et est venditor & emptor ignoraverint rem alienam esse, tamen hactenus solum proderit supra scripta conventio venditori, ne re evicta teneatur in id, quod emptoria interest: quominus autem pretium saltem restituere debeat, non proderit: quæ sententia est Iuliani in *d. L. ex empto, §. ult. D. de act. empt.* quam & Ulpianus confirmat eo loco repudiatis exemplum earum specierum, in quibus alea emitur: veluti cum emitur iactus rebus, aut captus avium, vel mililium: quo in genere quanvis nihil captum sit, aut quod captum erat, sit evictum, nulla tamen eo nomine ex empto obligatio contrahitur, *L. nec emptio, D. de cont. empt.* Et recte exemplum repudiat. Hic enim nihil certi venditur, sed tantum quod capletur casu: quamobrem & hoc agi intelligitur, ut quanvis nihil inciderit, tamen sit emptio, & pretium apud venditorem maneat, quia spei emptio est, ut est in *d. L. nec emptio, de cont. empt.* Longe diversum est, ubi res certa, & quæ in rerum natura est, venditur: de qua hoc agi constat, ut ipsa sit emptio, ac sine ea nulla sit emptio. Sed hic obicitur edictum de pactis, quo efficitur, ut pacta de re privata servanda sint, etiam si sint cum incommodo emptoris paciscentis coniuncta, *d. L. pactum, D. de pact.* Nihil id huic sententiæ adversatur. Fate-mur enim conventionem hanc servandam ita, ut nec venditor pretium restituere debeat re evicta, si nominatim id convenisset. Nunc autem cum ita convenit, ne quid venditor evictionis nomine præstet, conventionem sic interpretamur: ne præstet id, quod proprium est evictionis. Est autem

antem hoc proprium, ut præstetur id, quod interest, *L. si tibi, inf. hic*. Id vero venditor propter conventionem superiorem non præstabit. Sed non ideo efficiet conventio, ne venditor pretium reddat: quia hæc interpretatio neque verbis satis convenit, neque nullo modo congruit bonæ fidei iudicii naturæ, & præsertim naturæ emptionis: in qua negotium geritur mutuum, ubi venditor pretium accipit, sed vicissim rem tradit pro pretio. Et ideo quod bene dictum est a Iuliano, ut Ulpianus ibi-

dem refert, bonæ fidei iudicium non pati hanc conventionem, ut emptor rem amitteret, venditor pretium lucraretur: hoc sic accipere debemus, in re dubia. Nam si aperte convenisset, ne venditor etiam pretium restitueret: dubitari non debet, quin conventio servanda sit ex edicto, de pactis. Argumento erit ereditor, qui pignus iure pignoris vendidit: quem places re evicta non teneri, ne ad pretium quidem. *d. L. ex empto, §. sententiam, D. de act. empt.*

Ad L. Auctore. 7.

Idem A. Hilario.

Auctore laudato, si evicta res est, fideiussorem (etiamsi agi causam ignoraverit) conveniri evictionis nomine posse non ambigitur PP. III. Non. April. Alexandro A. Coss.

Venditor evictionis nomine fideiussorem emptori dedit, non quia cogebatur, sed quia ita placuit, *L. emptori, D. eod.* Si emptori controversia de re vendita moveri cœperit: satis est emptorem id denuntiare venditori, fideiussori denuntiare non est necesse. Itaque post denuntiationem venditori factam re evicta, emptor actionem ob evictionem habebit, non tantum adversus venditionem heredesque eius, sed etiam adversus fideiussorem, ut hic constitutum est. At enim venditori denuntiandum est, qui evictionis nomine tenetur. Cur non videatur etiam denuntiandum esse fideiussori, qui & ipse evictionis nomine obligatur? Sed hæc paria non sunt. Nam in obligatione fideiussoria nihil est proprium fideiussoris,

sed totum pendet ex obligatione principalis rei. Est enim fideiussio accessio principalis obligationis, *§. fideiussores, Inst. de fideiuss.* Itaque venditore liberato, una etiam liberantur fideiussores sine ullo suo facto, *L. in omnib. speciebus, D. de solut.* E converso quoque si venditor evictionis nomine tenebitur, ut hic teneri constat, cum ei denuntiatum est: necesse est & fideiussorem in eam causam teneri, quia in hanc ipsam causam conventionem se obligavit: huc facit *L. mora, 88. D. de verb. obl.* Hoc autem denuntiare venditori, ut ad agendum causam emptori adsit, hoc loco dicitur, auctorem laudare, quod quia ad questionem sequentis scripti pertinet, ibi dicetur.



Ad L.

Ad L. Emptor. 8.

Idem A. Clementino.

Emptor fundi, nisi auctori, aut heredi eius denuntiaverit, evicto prædico, neque ex stipulatu, neque ex dupla, neque ex empto actionem contra venditorem, vel fideiussorem eius habet. Sed & si iudicio emptor non adfuit, aut præsens per iniuriam iudicis victus est absente auctore, vel fideiussore: regressum adversus eum non habet. PP. VIII. Id. Decemb. Alex. A. Coff.

S U M M A R I A.

1. Iure rem eviciri oportere; & hoc quid sit.
2. Evicta re vel culpa emptoris, vel iniuria iudicis, venditorem ob evictionem non teneri.
3. Si de possessore petitor factus ob id victus est.
4. Si cum posset faciliorem iudiciorum persequi, maluit difficiliorem experiri, exempla.
5. Si emptor aliqua exceptione ex persona sua remota sit.
6. Si causam non defendit, ut debuit, dum aut non adfuit causa agenda, aut exceptiones aliquas prætermisit.
7. Si venditori non denuntiavit in tempore litæ sibi moveri; & cur.
8. Denuntiandum venditori, heredi eius, non autem necesse esse denuntiari fideiussori.
9. Denuntiatiorem omniam emptori non nocere, siue venditor adfit: siue seceat, ne sibi denuntiaretur: siue iuste ignoret emptor ubi sit.
10. Denuntiandum populo venditoris heredi, quando ius tunc adfit.
11. Denuntiandum venditori, quandovis litæ moveri emptori non ignoret.
12. Quæ tempore denuntiandum sit, ut ad agendam causam adfit: quo tempore heredi, si re aliena solutu moveatur de ea re controversa legatario.
13. Auctor propria venditor ab agendo; & cur.
14. Auctor per metaphoram omnis, qui alicuius rei habenda alteri causam præbet; unde translata.
15. Laedere autem non quid.
16. Venditor causam agens emptorem nihilominus causam agere debere: hoc de se ipso si vincit, alicuius de evictione non habere.
17. Iniuria iudicis victo emptori evictionem non præstari.
18. Fideiussorem iniuria iudicis victum nihilominus actionem habere adversus rem, pro quo solvit; & cur dissimulat in emptore iniuria iudicis victo, cum agitur adversus venditorem.
19. Emptorem a venditore de proprietate rei victum, licet culpa emptoris sit, qui agens exceptionem non removit, aut iniuria iudicis, nihilominus actionem habere ob evictionem; & cur.

HOC rescriptum continet de evictione eam sententiam, quam initio huius tituli posuimus: non esse tamen fati videlicet ad evictionem, rem venditam emptori iudicio ablatam esse, sed & iure oportere esse evictam, quod verbum positum est in L. 4. *supr.* Eo verbo continetur, ut non aliter evictionis nomine teneatur venditor, quam si condemnatus sit, cum malam causam haberet: puta quia res in causa esset, ut iure ei evinci posset, vel tanquam aliena vel tanquam pignori obligata. Quapropter tamen duabus de causis efficitur, ut quandovis res evincatur iudicio: tamen venditor ob eam evictionem non teneatur. Una causa est si res evicta sit culpa emptoris: altera, si evicta sit iniuria iudicis. Prior causa hic uno & altero exemplo declaratur: posterior etiam expressa est, utraque diserte comprehensa in L. 1. *supr.*

de rer. perm. de utraque cognoscendum est. Culpa emptoris est, cum ea prætermisit, quæ ad retentionem, aut defensionem rei pertinebant, & ob id victus est. Id autem quinque modis accidit. Primus est, tamen emptor sua culpa possessionem rei venditæ amisit, quæ ex re de possessore petitor factus victus est, non quia possessor probaret se dominum esse; sed quia emptor se dominum esse probare non potuit, unde & possessor absolutus est, iuxta L. qui accusare, *supr. de edend.* Species posita in L. si rem, §. 1. D. eod. Hoc factum negari non potest, quin emptor victus sit sua culpa: cum si possessionem retinisset, adversarius eius rem non evicisset. Etenim si egisset adversus emptorem, neque de iure suo probare posuisset, ut nunc probare non potuit, emptor idemque possessor esset absolutus, & in suo loco

co

co mansisset possessio, *d. L. qui accusa-*
re, §. retinenda, verfi. commodum, Inst.
de interd. Secundus ¶ modus est, cum
 4 emptor quanvis casu & sine culpa possessione amissa, cum faciliore iudicio & expeditiore rem persequi possit: maluit difficiliore experiri. Veluit, si cum posset Publiciana agere, aut actione, quæ competit de agro vectigali: rei vindicatione uui maluerit, cum esset a venditore admonitus, *L. si cum venditor, D. eod.* Publiciana actione is vincit, qui probat solum se ex iusta causa ab aliquo accepisse: quod facile probatu est. Actione de agro vectigali is vincit, qui actorem suum non dominum, sed vectigalis prædii possessorem solum fuisse probat. At in rei vindicatione non est satis probare se rem ex iusta causa accepisse: sed probandum est etiam, cum a quo acceperis, dominum fuisse: quod est probatu difficillimum. Intelliguntur hæc ex §. namque, *Instit. de act. L. in rem, D. de rei vind. §. l. 1. D. si ager. vectig. vel empb. per.* Tertius modus est, ¶ cum idoneo & expedito iudicio usus emptor aliqua exceptione remotus est, quæ ei obiecta sit a possessore ex persona eius, *L. hoc iure, §. seq. D. eod.* Veluit, si cum excidisset emptor possessione rei, & mota controversia inter eum & possessorem pactus esset, se fundum illum amplius non petiturum; aut iuturandum possessori detulisset, & ille iuramentum suum fundum esse: post deinde ipse iudicio de ea re instituto summotis sit a possessore exceptione pacti superioris, aut exceptione iurifurandi, quarum utraque ex persona & facto emptoris adversus illum nata est. Quartus ¶ modus est, cum emptor possessionem rei adhuc retinet: sed dum res ab eo vindicatur, causam non defendit, ut oportet, & debuit, quod dupliciter contingit. Uno modo, si non adfuit: quæ causa hoc rescripto addita est in illis verbis, *sed & iudicio, & claris*
 6 posita est in *L. si ideo, in prin. D. eod.* Alio modo, si emptor cum exceptione aliquas haberet: eas prætermisit exemplo fideiussoris, qui idem fecit, de quo in *L. idemque, §. generaliter, D. mandat.* Postremo ¶ hoc in præcipua culpa emptoris numeratur, cur vincatur, si venditori suo non denunciet litteris sibi moveri de rei vendita. Nam venditor ut auctor & rei dominus, scire potuit: lus suum, & quibus rebus id instrueretur. Itaque & ipse causam proprietatis & emptoris instruere potuit admonitus: quod si non fecit, quia denuntiatur ei non est, perspicuum est ideo emptorem victum esse, quia cul-

Tom. IX.

pa sua instructus non fuerit ad causæ defensionem, *L. si fundo, §. ult. D. eod.* Hac de causa etiam emptor in causa agenda & deferenda præstet officia omnia, tamen hoc inprimis ab eo exigitur, ut lite sita mota id denunciet venditori: ut is, si videtur, ad causam agendam adsit, ut hoc rescripto cautum est, & *L. seq. item L. si parentes, in fin. L. cum successores, infr. eod. d. L. si fundo, §. ult. D. eod.*
 8 In hac denuntiatione hæc cognoscenda sunt: cui hoc denuntiandum sit licet moveri emptorij an semper denuntiandum; postremo quo tempore denuntiandum. Et auctori, id est, venditori denuntiandum est, aut eo mortuo heredi eius, ut hoc rescripto comprehensum est, & *seq. Fideiussori denuntiari non est necesse, si superioribus denuntiatur fuerit: tamen si verum sit, non minus teneri fideiussorem evictionis nomine, quam venditorem: L. auctore, supr. ubi ratio expolita est. Neque ¶*
 9 tamen his semper denuntiari necesse est. Sunt in eo hæc conditiones: ut venditori denuntiandum sit, si præsens sit, & sui copiam faciat. Absente venditore omnia denuntiatio nihil nocet. *L. si ideo, §. ult. D. eod.* Absens, qui definitur in *L. absentem, D. de ver. sig.* Sed & si venditor præsens sit: si tamen aus dolo fecerit, ne sibi denuntiaretur, aut nesciat emptor, ubi sit: Impone denuntiatio omittitur. *L. si dictum, §. si præsentem, D. eod.*

Quod ¶ si hæc concurrent, ut & præ-
 10 sens sit venditor, & sui copiam faciat, omnimodo ei denuntiandum est: adeo ut placeat etiam pupillo, qui parri venditori successerit, denuntiandum esse, quanvis eius tutor absit. *d. L. si dictum, §. ult. D. eod.* Non obstat quod tutoris auctoritas in hac denuntiatione non intervenit, alinqui ceteris in rebus ad pupillum obligandum necessaria. *Instit. de auct. tut.* Nam etsi neque pupillus, neque tutor præsentem essent, tamen impone & sine utriusque voluntate omittitur denuntiatio, ut in omnium venditorum absentiam personatus esse supra diximus: Quamvis est hoc loco, ¶ an venditori præsentem denuntiandum sit, si is licet emptori suo moveri non ignoret. Moveri dubitationem, quod dictor non esse certiorandus eos, qui non ignorant *L. 1. in fin. D. de all. empt.* Et recte placuit nihilominus venditori denuntiandum, ut ad agendum adsit. Nam ea rescripta quæ hac denuntiatione citavimus, puta hoc, & *L. seq. L. si parentes, L. cum successores, infr.* denuntiationem præcite exigunt. Ubi autem lex denuntiationem exigit, hanc semper inter-

Aaaaa

venia

venire oportet, etiam si is, cui denuntiandum ex lege est, non ignoraverit id, de quo agitur. *L. denuntiaste, in pr. D. ad L. Isti de adult.* At enim recte dicitur non esse certiorandos eos, qui non ignorant. Rectissime dum de eo agitur, quod non ignorant. Sed id hoc non pertinet. Etenim licet emptori mota de duabus rebus agitur, quarum unam scit venditor, alteram ignorat. Lis emptori movetur: hoc scit venditor; de ea re admoneri non debuit. Sed agitur præterea de voluntate emptoris, quaeriturque, utrum sibi velit adesse venditorem, an vero causam periculo suo agere. Hanc voluntatem cognoscere venditor non potest, nisi emptor ei deconvit, quid fieri velit. Recte igitur ad hanc declarationem voluntatis denuntiationem emptoris exigimus.

11. Quo tempore emptor venditori denuntiet, ut ad agendum adsit, nihil refert, ut traditur in *L. si rem, 29. §. ult. D. cod.* Sed additur, dummodo ne prope ipsam condemnationem id fiat. Quibus verbis hoc dici intelligere debemus, posse quidem emptorem ante condemnationem denunciare venditori suo quovis tempore, dum tamen tunc denuntiet, cum adhuc integrum erit venditori causam instruere, ne emptor vincatur. Nam si ad rem satis temporis non erit, dolo emptoris id factum est: quam ob causam venditor ei non tenebitur re evicta, *L. si fundo, §. ult. D. cod.* Hic opponitur *L. qui concubinam, §. penult. D. de legat. 3.* ubi in persona heredis, qui homine generaliter legato certum hominem legatario dedit, scriptum est: si de eo homine controversia fiat legatario, legatarium debere ante licent contestatam denunciare heredi, ut homine evicto actionem adversus heredem habeat. Dicendum est, quod & Bartolo videtur, aliam causam esse emptoris & venditoris; aliam heredis & legatarii. Nam in emptione re tradita, incipit res & causa emptoris esse propria. Incipit enim exinde commodum & incommodum omne rei ad eum pertinere. *§. cum autem, Instit. de empt. & vend.* Et ea dicitur propria causa cuiusque, ad quem commodum & incommodum suo nomine pertinet. *L. 1. §. in propria, D. quand. appellat. sit.* Quocirca si in hac causa sit emptori controversia proprietatis, iure suo is facit, si causam defendit & persequitur suo arbitratu: dummodo defensionem integram venditori relinquat ante sententiam. Diversa causa est legatarii. Nam re legata evicta, nullum in eo periculum agitur legatarii; ubi si heres

evictionem praestat, solum incommodum est heredis. Si non praestat, tamen nullum est incommodum legatarii, cui pro re legata nihil aebet. Quare recte visum est in ea re, cuius periculum ad heredem pertinet, totam causam heredis arbitrio permitti debere, ut ipse de ea statuat, ut vult, aut sibi commodum existimat. Atque hoc ius est de hac denuntiatione.

De verbis iuris ad hanc denuntiationem significandam usitatis monendi sumus totum hoc, denuntiare venditori ut ad agendum adsit, veteres non verbo dixisse laudare auctorem suum, ut in *L. auctore, sup. L. Herennius, §. 1. D. cod.* Quorum verborum hæc significatio & ratio est. Auctor venditori proprie significat, quod cum ex innumeris aliis locis intelligitur, tum maxime ex hoc rescripto, & *L. si controversia, seg. Ita dictus venditor ab augendo.* An quod, ut quidam volunt, venditor auctorem emptorem re vendita? Non satis convenienter rei hoc dicitur. Ista enim ratione etiam emptor, & is quidem maxime dici debuit auctor, quia præcipue is aucter venditorem pretio, cuius dominium in venditorem transferre debet, cum venditor non amplius debeat, quam rem tradere. *L. ex empto, in pr. D. de act. em.* Nunc autem scimus nunquam emptorem auctorem dici, sed semper auctorem ab emptore distingui. *L. hoc iure, & L. seg. D. cod. & hac L. emptor, & L. seg.* Sed dicitur auctor ab augendo pretio, quia venditoria demum est, qui cum effectu emptoris pretium aucter: ut puta, emptor offert viginti; venditor dicit, non esse satis, & postulat aliquid addi. Emptor addit quinque; venditor negat adhuc esse satis. Emptor addit alia quonque, ut sint triginta. Et hoc venditori placet. Hic perspicuum est, hæc omnia aucta esse emptori a venditore: unde merito auctor dictus, quoniam aucter. Idem venditor dominus est rei: certe rei habendæ & possidendæ ius habet: quod & ius in emptorem transfert venditoris iure. Inde factum, ut omnes, qui alicuius rei habendæ & obtinendæ initium ac causam alii præstarent, hi dicerentur auctores ei rei, *L. 4. §. auctor, D. de del. & met. excep.*

Laudare autem veteribus est nominare, & appellare, ut Agellius docet lib. 2. cap. 6. Macrobi. lib. 6. cap. 7.

Ex his apparet, si controversia mota de proprietate rei venditæ emptor sibi consilium velit, recte eum facturum, si statim id denuntiet auctori suo. Si is causæ defensionem suscipit, liberatur emptor omni

omni molestia iudicii; & nihilominus re evicta actionem habebit de evictione. Quod si venditor defensionem negliget, sciat emptor non ideo fore liberari, sed ut in causa sua agere debere, & causam defendere quibuscunque modis potest. Quod nisi faciat, quia sua culpa vincitur: evictio ei non præstat, ut hic traditum est.

17 Sed si etiam omnia faciat emptor, quæ ad defensionem rei pertinent, tamen etiam altera causa est, quæ inhibeat actionem ob evictionem: si iniuria iudicis res evicta sit, ut hoc rescripto item comprehensum est. Neque hic quidquam interest, utrum emptor sordibus iudicis & corruptione victus sit, an imperitia, ut est in *L. per imprudentiam, D. eod.* Quod ideo dictum est, quia si iudex pecunia corruptus sententiam adversus emptorem tulit, sententia nullius momenti est. *L. venales, sup. quas. provoc. non est nec.* ut hoc casu cum emptori sententia nihil noceat, frustra ei datur actio adversus venditorem evictionis nomine. Sed non idem iuris est, si iudex per imperitiam iudicavit: valet enim sententia nihilominus, nisi provocatum sit. *L. cum prolatis, D. de re iud.* Undo dubitatio, quæ eximitur in *d. L. si per imprudentiam*, cum adicitur, etsi per imprudentiam iudicaverit iudex, tamen emptorem adversus venditorem regressum non habere, addita hac ratione; quia iniuria emptori facta venditori nocere non debeat. Sed opponitur si exemplum fideiussoris. Nam quemadmodum emptor si conveniatur de proprietate rei, causam recte tueri debet, ut actionem ob evictionem habeat: ita & fideiussor conventus si aliquas exceptiones habeat ex persona rei principalis, iudicio contendere, & his exceptionibus uti debet, ut mandati actionem adversus rem nanciscatur, si postea victus fuerit. *L. idemque, §. generaliter, D. mand.* Et tamen si fideiussor nulla sua culpa, sed iniuria iudicis victus sit, nihilominus mandati actionem habet, *L. exceptione 67. D. de fideiuss.* Cur non igitur & in emptore iniuria iudicis victo idem dixerimus? Sed in promptu est differentia ratio. Nam emptione contracta omne periculum rei ad emptorem pertinet. *L. necessarius, D. de per. & com. rei vend. §. cum autem, Institut. de empt. §. vend.* In periculo autem & casu fortuito est omnis iniuria ab alio illata, quia nulla diligentia inu-riam alienam vitare possumus. *L. ad eos, D. com. L. sed de damno, D. loc.* Quare & hoc periculum iniuriæ ad emptorem pertinebit. Diversa causa est fideiussoris;

18 huius negotium in fideiussione uan geritur, sed rei principalis: quam ob causam & ipse, & quisvis negotium alienum gerendum suscepit vel ex mandato, vel sine mandato, culpam tantum & diligentiam ut in re aliena, non etiam casum fortuitum præstare debet, *L. contractus, D. de reg. iur.*

Aique si hæc causæ sunt duæ in summa, 19 propter quas emptor re evicta actionem ob evictionem adversus venditorem non habet: emptoris culpa, & iniuria iudicis. Sed ex hoc iure excipiuntur emptores victi ab iis, qui evictionem præstare debeant: puta victi aut a venditore, aut ab heredibus eius, aut a fideiussore evictionis. Proponere hoc modo: venditor fundum alienum vendidit, & tradidit emptori. Idem domino fundi exstitit postea heres, atque dominus fundi successione factus est. Quo iure usus coepit eum fundum tanquam suum ab emptore vindicare. Hic duo sunt emptori remedia adversus venditorem. Nam primum, si videtur, potest vindicantem exceptione doli summovere. *L. vindicantem, D. eod. L. exceptione, inf. eod.* Quod si hoc non placeat, liberum est ei pati venditoriorem agere, & se vinci, ea lege: ut si eo iudicio res illi a venditore evicta sit, nihilominus actionem habeat adversus venditorem ob evictionem, dicta *L. vindicantem, & seq. D. eod.* Atqui si ius superius sequimur, emptor in hac causa actionem ob evictionem habere non potest. Nam exceptionem doli mali, quæ submovere emptorem poterat, si non opposuit, culpa eius est. Si opposuit & tamen victus est, iniuria illi manifesta facta est a iudice. Ita alterutra de causa necesse est, eum actionem non habere, si in iure superiore constitimus. Sed hoc in hac causa non placuit, ut dixi, cum aut venditor evincit, aut cæteri, qui evictionis nomine obligantur. Merito: Eito enim, obici hic possit aliqua culpa emptori. At hæc maiore venditoris culpa, atque adeo manifesto dolo in ea causa vincitur. Quæcumque enim hic condemnatio fuit, huic causam dedit improbitas venditoris, qui hoc iudicium movit, & quem in ea venditione tueri debebat, cum iudicio illo oppugnavit. Quare si agentem de evictione emptorem summovēbit exceptione, quasi culpa sua victum: merito replicatione doli mali exceptio elidetur: eritque in eam rem actio ex stipulato, intellige simplici, vel ex dupla, id est, ex stipulatione duplæ, vel ex emptio, ut hoc rescripto expressum est: quæ verba quid valeant, exponetur commodius ad *L. si tibi, infr.*

AAAAA

Ad L.

Tom. IX.

Ad L. Si controversia. 9.

Quod de denuntiatione hic dicitur, pertinet ad referiptum superius, ubi dixi. Quod reliquum est, re evicta hic datur actio emptori adversus vendito-

rem, successorumve eius in id, quod emptoris interest, qui locus recte reicietur ad L. si tibi, *infra*.

Ad L. Si fines. 10.

Idem A. Largo.

Si fines agri venditor demonstravit, & legem dixit, intra eos neminem ingressurum: si quid inde evincatur, periculo fit auctoris. Quod si finibus suis, quos demonstravit, agrum vendidit: lis finalis ad venditorem non pertinet. PP. VII. Kalend. Decembr. Maximo II. & Aeliano Cesi.

S U M M A R I U M.

1. Finibus fundi certis demonstratis, si quid ex illis

evincatur, an, & quando praestanda sit evictio.

Venditor fundum Tusculanum, † qui constabat centum iugeribus, emptori vendidit, & in finibus demonstrandis dixit, fundum continere centum quinquaginta iugera. Ex hoc numero quinquaginta evicta sunt, ut reuera aliena erant, non fundi Tusculani. Quæritur est, an venditor ob evictionem eorum iugerum tenetur. Distinguitur: Si venditor fines demonstravit, & legem dixit, id est, demonstravit, nominatim adiecta hac lege & conventionione, ne quis in eos ingrederetur: evictionem præstabit, quod hic scriptum est in principio. Plus dicimus, etsi venditor tantum fines demonstravit, neque quidquam adiecit nominatim de his finibus præstandis, nihilominus tamen eorum evictionem eum præstare debere: hoc in L. qui fundum, D. eod. Et recte: nam quæcumque dicuntur ita, ut præstentur emptori, præstanda sunt. L. sciendum, §. 1. D. de edil. ed. Sunt autem in hac causa, quæcumque ita dicuntur, ut propter hæc res plures vendatur, L. ea quæ, D. de cont. emptio. Nemo porro dubitat, quin quo ampliores fines fundi erant, eo plures fundus sit, atque ideo plures veniat. Quod si venditor fines quidem demonstravit, sed ita, ut nihilominus diceret se fundum vendere suis finibus: quidquid ultra veros fines eius fundi evictum erit, venditor non præstabit: quæ altera pars est distinctionis tradita hoc scripto. Hoc ideo, quia idipsum actum est. Nam qui vendit fundum suis finibus, sive intra suos fines, aperte hoc dicere intelligitur, se

fundum vendere tantum, quantus est, non ultra.

Nemo autem venditor rei a se non venditæ evictionem præstat, ut diximus ad L. 1. *supr.* Et quod demonstratio ampliorum finium vel præcessit, vel secuta est hanc conventionem: ideo factum est, ut admoneretur sui iuris emptor, non autem ut venditor ultra veros fines quidquam præstaret, ut conventio declaravit. Quod tamen de eo venditore accipiendum est, qui puravit eos fundi fines esse, quos demonstravit. Nam qui scivit minores fines esse, & ampliores dixit: præstabit, nec defendetur conventionione, quæ dolo malo facta est. Hoc enim ipso decepti emptorem, quod cum sciret minores fines esse, non solum celavit emptorem, sed etiam mentitus est esse ampliores. L. 1. §. 1. D. de ast. empt. Remoto dolo si quis fundum vendiderit suis finibus, quoscunque prius dixerit sibi videri: verum est, quod hic setibitur, item finalem ad eum non pertinere. Ideo autem non pertinet, non quia fines illi evincantur finium regundorum iudicio, & perperam in glossa scriptum est: cum nihil interlit, quo iudicio res vendita emptori evincatur, L. si mancipium, §. 1. D. eod. sed quia qui postea evincantur fines, hi fines fundi non fuerunt. Nunc autem proponitur venditor fundum vendidisse finibus suis: quæ adiectio conventionem habet apertam, siios fines, quæ qui veri fines sunt, præstari non debere.

Ad L.

Ad L. Exceptione. 11.

Idem A. Clementi.

Exceptione doli recte eum submovebis, quem ab auctore tuo fideiussorem accepisti, si eius nomine controversiam refert, quasi per uxorem suam, antequam tu emeret, comparaverit: qui venditioni adeo consensum dedit, ut se etiam pro evictione obligaverit. PP. Non. Feb. Pompeiano & Peligno Cass.

S U M M A R I A.

1. Qui re evicta tenetur ab evictionem, eum de re vendita controversiam emptori movere non posse: agentem exceptione doli mali summoveri, quisquis est, sive venditor, heredes eius, sive fideiussor, heredes eius.

2. De herede fideiussoris vindicante: ubi & L. ult. hoc tit. explicatur.

3. Supra scripti iuris ratio.

HIC illa definitio in universum statuenda est, quae declaratur cum hoc rescripto, tum apertius. *L. si ob causam, & L. si re possessio, seq. inf. eod. tit.* Quisquis re evicta ab alio, ob evictionem obligatur emptori, eum de re vendita controversiam movere non posse: quod istorum obligatorum genera declarabant. Evictionis nomine obligantur hi quatuor: venditor, itemque venditoris heres, *L. si controversia, sup. fideiuss.* qui idem secundus actor, id est, venditor appellatur, *L. 4. D. eod.* & item heres fideiussoris, *L. ult. inf. hic.* Hos omnes dicimus, si rem vendicent ab emptore, etiam si ex nova causa, quae evictionem secuta sit: tamen frustra controversiam movere, quia exceptione doli mali ab emptore summoveri possint. De venditore vindicante traditur in *L. vindicantem, D. eod. & in L. si ob causam, inf.* De fideiussore hic scriptum est. De herede fideiussoris dicitur potest propter *L. ult. inf. hic* ubi scriptum est, heredem fideiussoris posse rem suam ab emptore vindicare, si non iure hereditario, sed ex persona sua dominium vindicet: id est, si non ideo rem vindicet, quia res fuerit fideiussoris, eiusdemque decessoris eius, in cuius dominium postea heres successit, sed ideo, quia res eius fuerit propria, perveneritque ad eum ex alia causa, quam hereditaria. Sed hoc priorem sententiam non mutat. Ita enim verum est, heredem fideiussoris, qui rem ex persona sua ita vindicet, iure vindicare, ut certe verum est;

L. in rem, D. de rei vindic. ut nihilominus vindicans exceptione doli mali possit summoveri. Nam & de herede venditoris idem scriptum est in *L. Seia, D. eod.* quod de herede fideiussoris in *d. L. ult. inf.* Et tamen nihilominus addicitur in *d. L. Seia*, heredem iure alioqui vindicantem exceptione summoveri posse: idque etiam satis defenditur eadem *L. ult. inf.* Nam illic etsi tribuatur heredi fideiussoris, ut iure rem vindicare possit: tamen hoc additur, eum re evicta ob evictionem teneri: certo id scilicet argumenta, si rebus integris controversiam facit emptori, posse eum exceptione summoveri. Hoc ex prioribus colligitur & in *L. si ob causam* & in *L. si re possessio, inf. hoc tit.*

Et recte hoc ita constituitur, ut quisquis ob evictionem rei obligatur, in de ea re controversiam movere non possit, duobus de causis. Primum, quia quod de evictione obligatur, iudicio est, eum emptorem in re vendita defendere debere. Qui defendere emptorem debet, periculum est ei emptorem oppugnare non licere: sunt enim hae contrariae. Deinde pro certo definitur, omnem dolo facere, qui petit id, quod restitutus est: ex quo etiam adversus eum, qui ita petit, comparata est doli mali exceptio *L. dolo, D. de doli mali & metus exceptis.* At qui tenetur ob evictionem rei venditae, si de ea re restituenda tenetur, aut quod tantumdem valet, tenetur in id, quod emptoris interest, eam rem praestari. Quare si eam rem petat, ad superiorem definitionem pertinet.

Ad L.

Ad L. Sive. 12.

Imp. Gordianus Augustus Philino.

Sive in libertatem evictus est servus, quem mercatus es, sive cum comparares, convenis, ut si questio nomine eius relata esset, & si necdum evictus esset, in pretium recuperares: praesens provinciae, quod tibi praestandum animadvertit, restitui iubebit. PP. VII. Idib. Mart. Gordiano A. & Aviola Coss.

S U M M A R I U M.

1. *Evictio quibus ex causis praestanda.*

EVictione ↑ rei venditae iure secuta, constat venditorem ob evictionem teneri. *L. 6. supra.* In eo nihil interest, quae de causa iure res evincatur, & auferatur emptori: utrum ideo, quia aliena, aut pignori obligata erat; *L. 3. supra.* an vero quia tanquam servus, aut ancilla

venditi qui liberi erant, & in libertatem evicti sunt, de quo hoc loco. Nondum re evicta venditorem emptori non teneri scriptum est in dicta *L. 3. supra.* Haec exceptio est, extra quam si contra convenerit: quae conventio dicitur hoc loco servanda esse.

Ad L. Si ob causam. 13.

Idem A. Zoilo.

Si ob causam iudicati pignora capta sunt ex eius auctoritate, cui precipiendi ius fuit, eaque, de quibus complecteris, tu mercatus es: frustra ab ea, quae condemnata est, vel quae in eius locum successit, eorum refertur questio: quandoquidem & si evictio eorum ab alio subsequuta fuisset, adversus eos debuisse dari actionem, a quibus pretii solutio proficit, rectissime respondit PP. XVI. Kalend. Iun. Gordiano A. & Aviola Coss.

S U M M A R I A.

1. *Pignoribus ex causa iudicati distractis evictis, debitorem tanquam venditorem de evictione teneri, non apparitorum, non apparitorum, non creditorem.*

2. *Actionem ex hac causa esse non in id, quod emptoris interest, sed dominat de pretio,*

Pignoribus debitoris in causam iudicati captis, & auctoritate magistratus, cui de ea causa iurisdiclio fuit, per apparitores distractis, tam res in emptores transferuntur, quam si a debitore ipso, eodemque possessore venditae essent. *L. 1. L. 2. supra. si in cau. iud. pig. cap. sit.*

Hic ↑ quaeritur ad cautionem emptorum adversus futuros casus evictionis, quis in hac venditione venditor haberi debeat, ut cum eo agi possit de evictione: utrum magistratus qui iussit vendi, an apparitores qui vendiderunt, an creditor cuius opera factum est ut pignora venderentur,

an debitor entis res fuerunt. Et placuit in hac specie, cum vere venditorem videri, proinde & adversus eum dari debere actionem re evicta, cui pretii solutio proficit, seu qui pretio liberatus est, ut hic traditur in fin. & *L. si plus, antep. in pr. D. eod.* Is autem est debitor, cuius pignora capta distracta sunt. Superiores, ut magistratus, apparitores, item creditor, videri possunt in hac specie vendidisse, quia de re & pretio convenerunt cum emptoribus: apparitores aperte; magistratus & creditor, quia res vendi mandarunt. Vendit autem, quisquis per alium ven-

ven-

vendit. Sed revera nemo horum venditor est. Quicquid enim hi agunt, non suo nomine agunt, sed debitoris, cuius res est; neque id agitur, ut pretium ad eos redeat. Solus est debitor, ad quem emolumentum huius venditionis pertinet: quam ob causam & merito excluditur vendidisse. Hinc scilicet illa consequentia, de quibus hoc rescripto comprehensum est, ut & is re evicta teneatur evictionis nomine, idque actione ex empto, ut est in dicta *L. antepenult. D. eod.* & præterea debitor, qui ob evictionem ita obligatur,

controversiam de re vendita emptori movere non possit, qui præcipuus scopus est huius rescripti, de quo in *L. exceptione, sup.*

Hactenus tamen debitorem evictionis huius nominis teneri placet, ut sit actio adversus eum, non quanti interest emptorum, sed de pretio dumtaxat, cuiusque usuris, habita ratione fructuum, ut est in dicta *L. antep. D. eod.* Nec abs re: quod enim illo invito & ab alio gestum est, non proprie ab illo venditori dixeris: ut ultra, quam ad eum pervenit, non sit ex bona fide eum teneri.

Ad *L. Sive possessio. l. 4.*

Idem A. Secundino.

Sive possessio venditoris fuit, filius eiusdemque patris heres frustra questionem movet: sive non patris, sed filii eius possessio fuit, de qua iure hereditario auctor laudari potest: controversiam movere non potest. PP. XIV. Kalend. Augusti. Gordiano A. & Aviola Coss.

S U M M A R I U M.

1. *Herodem venditoris de re a defuncto vendita,*

quavis sua, controversiam alteri movere non posse: id quæ.

Heres venditoris † si rem venditam vindicet ab emptore: negat hoc rescriptum id eam iure facere posse, quocunque iure & cuiuscunque ex persona id faciat, quod divisione ostendit. Aut enim heres vindicabit ut hereditariam, quæ olim defuncti fuerit, aut ut suam & proprio iure. Si ut hereditariam, id est, ob id quod venditoris fuerit, & ipse venditor successerit, frustra vindicat: sic enim vindicet alienam. Nam si venditor dominus fuit, rem tradendo dominum transiit, ad emptorem, eoque & dominus esse desit, *§. per traditionem, Instit. de rer. divis.*

Quæ defuncti non fuit, ea nec successione fiet heredis, cum hereditas non sit, nisi successio in id quod fuit defuncti. *L. hereditas, D. de regul. iur.* Sic fit, ut heres rem defuncto venditam nullo iure vindicet ut hereditariam: cum in rem actio solum domino competat. *L. in rem, D. de rei vind.* Quod si res fuit heredis, quæ olim defunctus vendidit ignorante herede, quam ideo & ut suam & ex persona sua vindicet; plura ea res habeat dubitationis, numquam hanc saltem possit vindicare: ac videatur etiam non prohiberi id facere, neque ex persona defuncti, neque ex sua. Non ex persona defuncti, quia in rem alienam tradendo eius dominum transferre non potuit, *L. traditio, D. de*

acquir. rer. do: L. nemo plus iuris, D. de reg. iur. Non ex persona sua, quia heres neque rem vendidit, neque venditioni consensit: quæ in quo domino sunt, ei venditio aliena non nocet. *L. quidam, D. eodem.* Et omnino ita res habet, ut si tas summum spectemus, is heres iure eam rem ab emptore vindicet. *L. Seia, D. eodem.* Sed nihilominus exceptione summovi potest, ut ita effectum frustra vindicet, dicta *L. Seia, in fin.* Ad quem effectum referri debet, quod absolute dicitur hoc rescriptum, heredem de re sua a defuncto vendita emptori controversiam movere non posse. Non potest propter exceptionem: cum nihil interit, utrum quis actionem non habeat, an ea per exceptionem infirmetur. *L. nihil interest, D. de reg. iur.* Exceptio adversus heredem ex eo, quod etiam venditor non transiit dominium rei venditæ, qui dominus non fuit; tamen vendendo evictionis nomine se obligavit. *L. ex empto, D. de off. empt.* In hanc obligationem heres succedit. *L. qui in iur, D. de regul. iuris, §. ult. Instit. de loc.* Quare ut vindicet heres, patietur & ipse eandem exceptionem, pertinetque omnino ad eam definitionem iuris, quæ & hic comprehensa est, & in *L. si ob causam, supra,* de qua diximus ad *L. exceptione.*

Ad L.

Ad L. Si non iniuria, 15.

Imp. Philippus A. & Philippus Cæsar. Menandro.

Si non iniuria indicantis, sed iuris ratione superatus es, pignus ob evictionem acceptum solemniter persequi potes. PP. Kalend. Augusti.

Superato iuris ratione emptore, ut hic scriptum est, idest, evictione secuta neque culpa emptoris, neque iniuria iudicis (nam horum utrumque nisi interveniat, non videtur emptor superatus, quia ius eum deficeret, de quibus diximus ad *L. emptor, supr.*) quemadmodum de evi-

ctione actio est adversus venditorem, heredemve eius *d. L. emptor, & L. seq. ita & incipit teneti ex ea causa venditionis accessiones, idest, fideiussores, & pignora: de fideiussoribus est in *L. si statutus, infr. eod.* de pignoribus hoc rescripto traditur.*

Ad L. Super, 16.

Imp. Dioclet. & Maximian. AA. Alexandro & Diogeni.

Super empti agri questione disceptabis præses provincia: & si portionem diversæ partis esse cognoverit, impensas quas ad meliorandam rem vos erogasse consideris, habita fructuum ratione restitui vobis iubebis. Nam super precio evictæ portionis non eum qui dominium evicerit, sed auaricem conveniri consequens est. PP. X. Kal. Iul. ipsi IV. & III. AA. Coss.

S U M M A R I A.

1. Bone fidei emptorem sumptus utiles in rem possessam factis a domino rem vindicante consequi posse non actione, sed per retentionem rei, opposita doli mali exceptione.
2. Dominum rem suam recte vindicare, & auferre etiam non oblato pretio.

3. Evicta re emptori actionem esse ob evictionem de pretio, non de sumptibus ab eo in eam rem factis, si rem possidens his non receptis rem restituit.

4. Uxorem militis rem suam per absentiam mariti & suam uscaptam recepto posse, sed non nisi oblato pretio: & cur.

Empor t rem alienam emit, in eaque excolenda & meliore reddenda sumptus fecit. Si existat dominus, qui rem suam vindicet ab emptore, & emptor a domino servare velit ea, que eius rei nomine sibi abstulit, ut sumptus in eam rem factos, & præterea rei pretium: constituitur hoc loco, quid de his consequi ab illo possit. Et de sumptibus scriptum hic est, iudicem, qui de proprietate cognoscit, iussurum hunc emptori restitui, quos quidem ad meliorandam rem erogatos esse constitlerit. Nempe ideo, quia eos consequi emptor a domino rem suam vindicare debet. At quo iure, cum ei hi sumptus non debeantur? nihil enim eum domino contraxit, neque in his sumptibus faciendis negotium domini gessit. *L. si in area, D. de cond. iuu.* Et certum est, hos non debere ne emptori quidem

bonæ fidei: quamobrem & re restituta nulla illi de his competit actio. Sed rem adhuc possidens eos servat per retentionem rei, opposita doli mali exceptione. *L. sumptus, D. de rei vind. L. si quis sciens, supr. de rei vind.* Doli exceptio ex eo est, quod dominus, qui petit sibi rem restitui non refusus sumptibus, quibus rem suam meliorem consecutus est, petit, ut locupletior fiat cum iactura emptoris. Hoc autem natura iurium. *L. nam hoc natura, D. de cond. iud.* Iam vero facit dolo, eoque & exceptione doli mali remouetur, quisquis subtilitate iuris oixus contra equitatem naturalem aliquid petit, *L. 1. de dol. mal. & met. exc.*

Quod ad t pretium rei emptæ attinet, non tantum de eo conveniri non potest actione is, qui rem evincit, quod hic scriptum est: sed nec adversus eum id servi-

ri ulla exceptione. Nam ſumptuum de quibus dixi, utilitas ad dominum redit: pretium autem ad eum non pervenit: ut ſit iniquum dominum id dependere, quod non accepit, & cuius nomine multo minus ſe obligavit. Ideo recte generaliter deſinitum eſt, unumquemque dominum rem ſuam recte vindicare etiam a bonæ fidei poſſeſſore, quanvis non oblato ei pretio. *L. mater, in princ. L. ſi mancipium, ſupr. de rei vindicat. L. 2. ſupr. de fur.* Neque hoc aliter ſit unquam, quandiu iſ, qui inre dominus eſt, rem ſuam vindicat ab eo, a quo pretium non accepit. Sane ſi pretium in rem domini verſum ſit: hic eadem exceptio domino obſtat rem ſuam non oblato pretio vindicanti: ut ſit, cum emptor emit a domino, ſed pretium ſolutum eſt creditoribus iis, quibus id prædium a domino obligatum erat: *L. emptor, D. de rei vind.* aut cum emptor emit a vero domino, qui alienandæ rei poſſeſſionem non habuit, puta prædium a minore, & pretium in rem minoris verſum eſt, ac deinde minor rem ſuam vindicat. *L. utere, ſupr. de præd. min.*

³ Sed ꝑ quod pretium rei eviſtæ emptor a domino ſervare non poteſt, id conſequi poteſt a venditore ita, ut de eo etiam ultro actionem habeat, qua ille recte conveniatur, quod hic poſitum eſt in extremo. De pretio rei eviſtæ hoc tantum dictum eſt hoc loco, poſſe ſcilicet auctorem de eo conveniri. Conſulto: de pretio enim rei eviſtæ conveniri poteſt, non etiam de ſumptibus ab emptore in eam rem factis. *L. idque, §. 1. D. de act. em.* Idque efficitur ex iis principiis, quæ poſuimus in *L. emptor, ſup. hoc tit.* Nam ſi emptor non conſequitur ſumptus a ſe factos oppoſita doli mali exceptione, nec eſſe aut culpa eius evenire, aut iniuria iudicis: culpa, ſi exceptionem doli non

oppoſuit; iniuria iudicis, ſi oppoſuit, & iudex non habuit eius exceptionis rationem, quod eum facere oportebat. *d. L. ſumptus, D. de rei vind.* Utrum autem horum acciderit, venditor emptori non tenetur. *L. emptor, ſup.* Sed recte moneamur in *d. L. idque, §. 1.* hoc tantum pertinere ad eum emptorem, qui poſſidebat, eoque per retentionem rei oppoſita exceptione ſumptus ſervare a domino poterat; non pertinere ad eum, qui non poſſidebat: puta ad eum, qui cum non poſſideret, rem vindicavit, & eo iudicio victus eſt. Quippe hoc caſu nihil eſt, quod impuſetur emptori, ſi ſumptus in rem venditam factos conſequi a poſſeſſore non potuit. Ut enim ſupra diximus, nullam habuit actionem emptor de his ſumptibus: retentionem vero multo minus, ut qui rem non teneret. Secundum quam ſententiam recte vulgo accipitur *L. controverſia, ſup. eod.*

Quod ꝑ ſupra dixi, quemvis dominum rem ſuam recte vindicare, etiam non oblato pretio, dummodo vere dominus ſit, id eo adlectum eſt: quia in uxoribus militum, quæ diu abſuerunt cum maritis, cum militia operam dant, ius conſtitutum eſt: ut ſi per eam abſentiam uxores militum aliquid de rebus ſuis amiſerint, dum res uſucapiuntur, non minus reſtituantur in integrum ad res uſucaptas vindicandas, quam reſtituerentur iſi milites, ſi quid per eandem abſentiam de rebus ſuis amiſſent. *L. 1. ſupr. de uxor. mil.* Sed hac lege, dum pretium reſundant, *L. ult. ſup. de uxor. mil.* Non mirum, quoniam & hic ius ſingulare tributum eſt ei quæ vere domina non fuit iure, adverſus eum, qui dominus eſſe creperat per uſucapionem: quam ob cauſam viſum eſt & beneficium ita temperari, ut ſine damno poſſeſſoris eiſdemque novi domini contingeret.

Ad L. Si cum quaſtio. 17.

Idem AA. Mutiano.

Si cum quaſtio tibi ſuper eo quem comparaveras, movetur, auctorem tuum certum ſeciſti, nec citra iudicis diſceputationem eum quem emerat, tradidiſti: præſes provincia in damnis, quæ ſe toleraſſe memiſiſti, medelam iuris adhibebis. PP. V. Id. Novembr. iſtis IV. & III. AA. Coſs.

S U M M A R I U M.

1. *Eviſtio quibus conditionibus præſtetur emptori.*

¹ **R**E ꝑ vendita emptori ablata venditor eo nomine illi tenetur his conditionibus. *Tom. IX.*

nibus: ſi controverſia mox emptor venditori denunciaverit, ut ad agendam cauſam

nam adesset, si videretur; & præterea si non sponte rem restituerit petenti, sed iudicio & sententiæ iudicis victus, ut sit ea, quæ

dicitur evictio: de quibus diximus initio huius tituli; & summa ad istam sententiam hic comprehensa est.

Ad L. Si status, 18.

Idem AA. & CC. Eutychio.

*Si status tibi super homine venundato mota questio est: solemnibus qua-
turis admittis ratio, interpositis: si secundum libertatem fuerit lata sententia,
poteris de evictione eius quem comparaveras, si nesciens eius conditionem com-
parasti, sine aliqua dubitatione auctorem vel eius fideiussorem, heredemve eor-
um convenire. Quod si fuisse servum sententia declaraveris, intelligis ad ven-
ditorem se reveris non posse.*

S U M M A R I A.

1. In lite evictionis re secundum emptorem iudi-
cata, ac proinde re non evicta, nullam actio-

nem esse emptori adversus venditorem, ne de
sumptibus quidem in ea lite factis.

2. Bartolus in eo reprehenditur.

HOC rescriptum quatuor continet. Pri-
mum, homine vendito in libertatem
evicto non minus teneri venditorem em-
ptori ob evictionem, quam si evictus
esset ob id, quod alienus esset, aut pi-
gnori obligatus: idem scriptum est in *L. si
re in libertatem, sup.* Secundum, lis
demum emptorem actionem ob evictio-
nem habere, si nesciens, qualis res esset,
comparaverit. Selenti evictio non præsta-
tur. *L. si fundum, inf. de quo ad L. 6.
sup. eod.* Tertium, ob evictionem obliga-
ri quatuor: venditorem, venditoris heredes,
fideiussorem, item & heredes fideiuf-
soris, de quibus diximus ad *L. exceptio-
ne, sup.* Quartum ¶ singulare est, & præci-
pue notandum, quod est in extremis
verbis rescripti: si in controversia, quæ
de re vendita mota est, secundum em-
ptorem iudicatum sit, vel dum dominus
pronuntiatur, vel dum absolvitur ideo,
quod petitor de suo iure probare non po-
tuit, toties emptorem adversus vendito-
rem reverti non posse: non dico ob evic-
tionem, quod stupidissimum esset hic mo-
nere, cum certum sit hinc ex se rem non
vinci; sed ob omne aliud damnum, quod
emptor propter litem motam passus est;
ut puta, non potest de sumptibus in ea
lite factis venditor conveniri, quod recte
Accursius ex his verbis censuit. Sed eius
sententia reprehenditur a Bartolo in *L. 1.
supr.* cuius reprehensionis ille quasdam
rationes adfert, de quibus postea.

Nos autem itaquam nihil esse verius,
quam re emptori non evicta emptorem

nullam adversus venditorem actionem ha-
bere, ne de sumptibus quidem litis, quod
evidentibus locis & certissimis rationibus
confirmatur. Locis in hanc sententiam hi
sunt. Primum hic, ubi apparet non de actio-
ne ob evictionem responsum esse, siqui dem
constabat nullam esse evictionem; sed de
actione aliorum damnum nomine, quæ
emptori ob litem motam contigissent. Præ-
terea *L. ex empto in pr. & L. servus
quem, §. ult. D. de act. empt.* quibus
in locis clare scriptum est, venditorem
emptori re vendita tradita non teneri, nisi
ob evictionem duxerit vel quod idem
est, non teneri, si emptori habere liceat.
Licet autem emptori habere, quandiu res
non est evicta. *L. habere, D. de evict.*
Rationes autem in hanc sententiam mul-
to certiores sunt hæc. Primum iniuria
emptori facta venditore contingere non de-
bet. *L. si per imprudentem, in pr. D.
eod.* Quod autem controversia facta est ab
eo, contra quem sententia lata est, aperte
in eo facta est iniuria emptori, ut scientia
declaravit. Proinde hæc iniuria vendi-
torem non attingit, id est, si quod ex
ea iniuria emptori damnum est, id ven-
ditor præstare non debet. Deinde emptio-
ne non contracta certum ius est, omne
periculum in re vendita ad emptorem per-
tinere. *L. necessario, D. de per. & com.
rei ven. §. cum autem, inf. de empt. &
vend.* In hoc autem periculo & incom-
modo rei, sive in calibus fortuitis, quæ
circa rem contingunt, est vis aut iniuria,
quæ emptori ab aliis inferatur. *L. ad eos,
D. comm.*

D. comm. Quare & huius iniuriæ periculum atque incommodum ad emptorem pertinere debet. Postremo casus futurus post emptionem contingentes certum est ad venditorem non pertinere. *L. Lucius, D. eod.* Iam vero hæc controversia, quæ incidit adversus emptorem post emptionem contractam, non incidit ex causa præcedente, quam constitit petitorum nullam habuisse. Non igitur hunc casum, & si quid ex eo damni est, præstat venditor. Non me movent, quæ contra asseruntur.

2. Bartolus ꝑ ita argumentatur: venditor præstare debet emptori ut rem venditam illi habere liceat, quod & verum est. *L. ex empto, §. venditorem, D. de ali. em.* At, inquit, qui promissit emptori habere licere, la tenetur emptori ob sumptus in rem factos, si controversia emptori mora fuerit. Hoc vero negamus: & aperte falsum est, ut quæ ante disseruimus, convincunt. Nam indignum est relatu, quod ille adfert ad probationem: dum id scriptum

esse ait in *L. stipulatio ista, in pr. in gloss. magna, de verb. obl.* Nos æque accuratius in eo falsum esse dicimus, ut & Bartolus hoc loco. Plus probabilitatis habet altera ratio, quæ illic utitur. At, controversia emptori mora venditorem debere emptorem defendere. Admittimus ex *L. si plus, anteq. §. mora, D. eod.* de quo constat ex his, quæ diximus ad *L. emptor, supr.* At qui defendere debet, nisi defendat, tenetur in id, quod emptoris interest. Ex hoc verum est. Ergo, inquit, venditor ob sumptus in rem ab emptore factos tenetur. Non recte colligit. Venditor enim defendere quidem debet: sed non suis sumptibus, verum emptoris; nec difficile est intelligere ex eo, quod constat, re vendita omne commodum & incommodum rei ad emptorem transire. Retinebimus igitur definitionem huius loci, quæ dilucide non de evictione, sed de sumptibus in rem factis scripta est.

Ad L. Si obligata. 19.

Iidem AA. & CC. Theodoro.

Si obligata prædix venundedisti, & longi temporis præscriptione soluta emptores se tueri possunt: evictione periculum timere non potes. S. II. Kal. Maii, AA. Coss.

S U M M A R I U M.

1. *Emptori exceptione temporis postea quaesita ven-*

ditorem omni periculo evictionis deinceps liberari.

PRÆDIA, quæ pignori obligata erant, vendita sunt. Ea emptor possedit decem annos inter præsentis, aut viginti inter absentis sine ulla interpellatione eorum creditorum, quibus erant prædicia obligata. Ea possessione emptor sibi præscriptionem longi temporis paravit, qua tutus removere possit creditores postea pignus persequentes *L. 1. L. 2. supr. si adv. cred. præscr. opp.* Ita factum est, ut emptori, qui hac exceptione defenditur, iure rem habere liceat, eoque nec possit res ei iure evinci. Hoc posito quaesitum est, si nihilominus post longum tempus creditores adversus emptorem hypothecaria actione agant, & emptor denuntiet venditori, ut ad agendam causam adsit: utrum venditor defendere debeat emptorem, & nisi defendat, utrum re a creditoribus evicta teneatur ei ob evictionem.

1. Hic ꝑ rescriptum est, superiore præscriptione emptori semel quaesita venditorem

periculum evictionis timere non posse. Quo significatur neque venditorem cogi adesse ad defendendum emptorem, neque eum re evicta emptori teneri. Hoc consequens est his, quæ de causis evictionis non præstantibus diximus ad *L. emptor, supr. hoc tit.* Nam si emptor præscriptionem longi temporis creditoribus opposuit, & iudex habita ratione præscriptionis emptorem absolvit: palam est eum ob evictionem actionem habere non posse, cum res non sit evicta. *L. si statim, supr.* Quid si emptor præscriptionem longi temporis usus non est, aut cum usus esset, nihilominus iudex præscriptionis rationem non habuit, eumque condemnavit: idcirco necesse est eum actionem ob evictionem non habere, quia culpa eius est, si præscriptionem non opposuit: iniuria iudicis, si is præscriptionis oppositæ rationem non habuit. Utrouvis autem factum sit, venditor emptori non tenetur.

Tom. IX.

Bbbbb 2

Ad L.

Ad L. Si parentes. 20.

Idem Augusti & CC. Solidio & aliis.

Si parentes vestri mancipia venundederunt, & questio dominii mota est: emptoribus adesse, ac defendere causam non prohibemur. Quod si eis hæc etiam evicta sunt, instauratio litis ex persona vestra, si appellationem non interposuistis, contra ius desideratur. Empti sane iudicio pro evictione si conveniri coeperitis, nec vobis negotium, ut defendatis, denuntiatur probetur: intelligimus quatenus vosmetipsos tueri debeatis. VI. Kalendar. Iul. AA. Coss.

S U M M A R I A.

1. Venditorem non appellatum ab emptore, ut ad agendam causam adit, non cogi adesse: sed nihilominus posse adesse, ac defendere vel invito emptore.
2. Defendente venditore si res evicta sit, emptorem de eadem se agere non posse, nec ex

persona venditoris, nisi ab eo appellatio sit interposita.

3. Venditorem, cui denuntiatur non est, ut ad agendam causam adit, quavis defensionem ultro suscipiet, re posita evicta, non eo magis ob evictionem teneri.

EX *L. emptor*, & similibus locis superioribus intelligimus, si venditori denuntiatur non sit, ut emptori ad agendam causam adit, venditorem non cogi emptorem defendere, neque re evicta ob evictionem teneri. Hinc tria quaerita sunt, de quibus ius constituitur ordine hoc rescripto.

1. Primum, † an quavis non cogatur venditor adesse, & causam defendere; tamen possit, si velit, ultro id facere. Et placet eum non prohiberi. Quod sic accipiendum est: ut possit venditor causam defendere & absente emptore sine mandato, & praesente eo quavis invito. Absente emptore potest, quoniam omnibus licet iure publico absentem, sine ullo mandato defendere. *L. servum, §. publice, D. de procur.* Etiam praesente & invito potest duabus de causis. Primum, quia licet cuivis alterius conditionem etiam invitum meliorem facere. *L. solvendo, D. de neg. gest.* Deinde, quia causa de proprietate rei venditæ quodammodo ad venditorem pertinet: ut videatur interesse eius, eam causam instruere & defendere. Pertinet enim ad eius existimationem intelligi ab omnibus ipsum in ea venditione bona fide verlatum esse. Ea res facit, ut quavis emptor nolit admitti defensionem venditoris, tamen iudicis officium sit eam admittere: & nisi admiserit, iusta sit causa ab eo provocandi, quia reiecerit in causa, quod ex iure recte in causa fieri potuit.

2. Sequens † quaestio est, si defendente ultro venditore nihilominus res evicta sit;

utrum emptor possit iterum de eadem re agere: ex persona venditoris. Movet dubitationem, quod sententia adversus emptorem lata est: res autem inter alias acta, aut iudicata aliis non nocet, puta venditori, eivus heredibus. *L. scpe, D. de re iud. res inter alios actas, supra.* Et placet, si venditor appellavit, adhuc agi posse ex appellatione. Potest autem appellare venditor, sive in causa adfuerit, ut defunderet; sive non adfuerit, quoniam eius interest, *L. ab exsecutore, §. 1. D. de appell.* Cæterum non interposita appellatione, ex persona venditoris eadem lis instaurari non potest, ut hic cautum est: non quod venditori noceat sententia adversus emptorem; dicta, sed quod venditor nihil iuris in re habeat, ut proinde ex persona & iure eius agi non possit. Nam si ante venditionem nihil habuit iuris in re vendita, ne nunc quidem habeat ex antecedente causa. Quod si habuit: id rem emptori tradendo in emptorem transtulit, transferendo amisit. *§. per traditionem, Inst. de rer. divis.* Tertium † quaeritur, si emptor eandem rem instaurare non possit: possitne saltem agere ob evictionem adversus venditorem, qui in lite defensionem susceperat, quasi videatur eo facto etiam evictionis periculum suscepisse? Est significatur in extremo, venditorem propter defensionem ultro susceptam non teneri ob evictionem, si ei ab emptore denuntiatur non sit, ut adesset: adeo verum est, quod dicitur in *L. emptor, §. L. seq. sup.* venditorem, cui denuntiatur non est, ut ad agendam causam ad-

lit,

fit, ob evictionem non teneri. Et recte: non enim debet ei nocere, quod ultra accessit ad defensionem causæ, quanvis non interpellatus: nam in eo officium præstitit emptori utile, sibi minime necessa-

rium, posteaquam illi denuntiatio non erat. Nulli porro debet officium suum esse damnosum. *L. si servus, §. quod vero, D. de far.*

Ad L. Empti. 21.

Idem AA. & CC. Heliodoro.

Empti actio longi temporis præscriptione non submovetur, licet post multa spatia rem evictam emptori fuerit comprobatum. Si itaque is, quem te comparasse commemoras, nunc in libertatem proclamat: interpellare venditorem, sive successorem eius debes, ut tibi assistant, cassamque instruant. Quem si liberum esse, vel servum non esse, fuerit pronuntiatum: nec te conventionem remisisse periculum evictionis fuerit comprobatum: præses provinciae, si res integra est, quanti tua interest, restitui tibi providebit. S. XI. Kal. Aug. Serdica. AA. Coss.

S U M M A R I A.

1. *Actioem ab evictione non ante cedere, quam res evicta sit, ideo nulla præscriptio præcedens temporis, quanvis longissimi, excludi.*

2. *Emptorem non diu possidendo rem emptam, sed possessione præscriptione acquirendo actionem de evictione amittere.*

Homo liber pro servo venditus est, & triginta annos possessus ab emptore, tandem cum de suo statu cognovisset, proclamavit in libertatem, & iudicio liber pronuntiatus est. Emptor servo evicto cum omnia fecisset in lite, quæ emptores facere convenit, & evictionis periculum non remisisset: agit adversus venditorem ob evictionem actione ex empto, quæ in hanc rem competit. *L. si tibi, infr.* Venditor se tuetur præscriptione longi temporis triginta annorum, quod dicat post triginta annos, quam venditio perfecta est, secum agi non posse. Defendi videtur in hac re iis constitutionibus, quibus cautum est, ne actio in personam excedat triginta annos, *L. sicut, supr. de præst. trig. vel quad. an. L. 1. §. ad hæc, supr. de ann. excep.* Est autem empti actio in personam. Questio, an empti actio ob evictionem ad superiores constitutiones pertineat, ac propterea summoveatur præscriptione longissimi temporis. Rescriptum est hoc loco non summoveri. Et recte: nam si superiores constitutiones locum habent in iis actionibus, quæ semel nate sunt: ut scilicet ex quo tempore competere cœperunt, exinde etiam cedere incipiat præscriptio. Sic enim verba sunt dictæ *L. 1. §. ad hæc, supra, de ann. excep.* At non est in hoc numero actio ex empto, ob evi-

ctionem. Cum enim non competat, nisi sub conditione, si res evicta sit: *L. 1. L. evicta, D. eod.* priusquam hæc conditio existerit, neque venit, neque cessit huius actionis dies: denique nulla fuit actio. *L. cedere, D. de verbor. signific.* Ex quo intelligitur hanc actionem ante evictionem superioribus constitutionibus non contineri. Quapropter recte respondetur in proposita specie: quanvis post triginta aut quadraginta annos servus in libertatem evincatur, tamen cum actio de ea evictione nunc primum nasci cœperit: emptorem præscriptione temporis non impediri, quo minus ob evictionem ex empto recte agat. Sed videtur obitare huius sententiae *L. si obligata, supr.* ubi emptor cum proponatur prædium pignori obligatum diu possedisse: idem eodem tempore dicitur amittere actionem evictionis nomine.

Sed si non si in ea specie post longam possessionem emptor actionem ob evictionem amittit, ideo id contingit propter longam possessionem. Contingit ideo, quia emptor diu possidendo præscriptionem acquirit adversus creditores, quæ præscriptione tutus consequitur id, quod habere debet, nempe ut sibi habere rem liceat. At hic ubi proponimus hominem liberum venditum esse, et si is homo diu pos-

possessus sit ab emptore, tamen non ideo emptor ullam prescriptionem acquisivit adversus eum, ut eius libertatem usucaperet: quoniam adversus libertatem nulla prescriptio quamvis longissimi temporis valet. *L. ult. supra, de long. temp. pres. que pro liber.* In summa emptor ob solam longam possessionem rei emptæ actionem ob evictionem non amittit, ut hic declaratur: quod secus sit acquisita em-

ptori prescriptione ad tuendam rei traditæ possessionem, ut in specie *L. si obli-gata, sup.* Quod in hoc rescripto additur de denuntiatione, id ipsum est, de quo dictum est ad *L. emptor § L. si contra-versa, sup.* Quod dicitur de remissione periculi evictionis, a nobis expositum est ad *L. 6. sup.* Quod dicitur evictionis nomine actionem esse in id, quod interest, exponetur ad *L. si tibi infra.*

Ad L. Cum tibi. 22.

Idem AA. & CC. Iulio.

Cum tibi liberam venundatum fundum ab auctore proponas: si ex antecedente obligatione, quod debebatur, iure solvisi: stipulationem, quam subiectam emptioni de indemnitate proponis, ipsius conceptio commissam manifeste declarat. S. VII. Kal. Sept. Viminacii AA. Coss.

Fundus venditus est liber ab omni nexu pignoris. Sive aperte dictum est, sive de eo nihil dictum est, semper hac lege fundus vendi intelligitur, ut declarat *L. ex his pradiis, supra.* Emptor casus fortuitos metuens stipulatus est a venditore, si appareret postea rem alienam aut pignori obligatam esse, & aliquid ob eam rem amitteret, se indemnem præstari: venditor stipulanti promissit. Tandem existerunt creditores venditoris, quibus fundus pignori obligatus erat, qui fundum ab emptore eodemque possessore peterent actione hypothecaria. Emptor iudicii eventum metuens illis solvit, quod debebatur, ut sic fundum retineret. Eam summam nunc a venditore repetit. Quæritur, an venditor eo nomine possit conveniri. Movet quæstionem, quod emptor non expectata sententia iudicis ultro solvit creditoribus. Supra autem effectum est, emptorem evictionem, atque adeo ullo modo actionem ex emptio adversus venditorem non habere, si rem non expectata iu-

dicis sententia restituerit. *L. si cum quaestio, supra. L. utique, D. de rei vind.* de quo etiam initio tituli diximus. Et placet hoc loco emptorem de ea summa a se soluta cum venditore agere posse: non ex empto, ne quis superiora nobis obiciat; sed ex stipulatione, quam supra interpolitam proposuimus. Hæc enim, inquit Imperatores, commissa est, ideò, eius conditio existit ita, ut iam ex ea agi possit. *sub §. conditione, Instit. de verb. oblig.* Id declarat huius stipulationis conceptio, quæ venditor promissit se emptorem indemnem præstaturum, si quid emptor amisset propterea, quod res pignori obligata esset. Hæc autem pecunia, quæ soluta est ob eam causam, illi amissa est ob id, quod fundus fuit creditoribus obligatus. Nam creditores hypothecaria agentes alterutrum a possessione consequi debent: aut quod sibi deberetur, aut ut pignus restitueretur. *L. si fundus, §. in vindicatione, D. de pig.* Recte igitur ex hac stipulatione etiam ante evictionem agitur.

Ad L.

Ad L. Cum successores. 23.

Idem AA. & CC. Eustochiz.

Cum successores etiam venditoris pro evictione teneri possint: si velus obligata sibi respublica Thessalonicensium pignoris instituat iure persequi, quæ comparasti: auctoris heredibus quocunque gradu constitutis adstipere negotio denunciat. Quod siue presentibus his fundus, quem emisisti, fueris evictus, siue absentibus: postea, quanti tua interest rem evictam non esse, teneri, non quantum pretii nomine dedisti, si aliud non placuit, publice notum est. S. II. Kal. Ian. Sirmii AA. Coss.

S U M M A R I U M.

1. *Evicta re venditorum ob evictionem teneri, quan-*

viz in re defendenda omnia fecerit, quæ ad infamæ damnationem pertinebant.

CUM res emptori iure evicta est, & venditori recte denuntiatum, ut ad agendam causam adesset, venditorum ob evictionem teneri constat: traditum in L. 6. *sup.* Hic adiicitur, quod notandum est, venditorum hoc casu teneri, siue ipso absente res evicta sit, siue presente. Si eo absente res evincatur: nulla dubitatio, quin teneri debeat, quia manifestella eius culpa est, quod rem non defendit.

At si cum ipse causam agendæ adfuit, & omnia fecit, quæ ad defensionem pertinebant, ubi apparet eum extra omnem culpam esse: merito dubitari potest, num hic etiam de evictione teneri debeat, cum

nihil debeat iure præstare præter culpam. L. 3. L. si vendita, D. de per. & com. rei vend. Et placuit nihilominus eum teneri: optima ratione, quia præter diligentiam, quæ in re servanda ab eo exigitur, etiam rem ipsam debet. Quæ res tacit, ut cum hic omnia adhibuerit, quæ illum a culpa vindicent, tamen necesse sit ideo cum in proposito teneri, quia id non præstet, quod debuit. Nam debuit rem idonee tradere, & præstare emptori rem habere licere. L. ex empto, D. de action. emptio. Non est autem tradita, quoniam non perseverat tradita esse, nec licet habere eam, quæ evincitur.

Ad L. Si post perfectam. 24.

Idem AA. & CC. Eutychio.

Si post perfectam venditionem ante pretium numeratum rei venundata mota fueris questio, vel mancipia vendita proclamant in libertatem: cum in ipso limine contractus imminet evictio: emptorem, si satis ei non offeratur, ad totius vel residui pretii solutionem non compelli, iuris auctoritate monstratur. Unde cum parte pretii numerata domus quam emisisti, tibi velus pignoris iure obligata, ne ad emptionem accederes, denuntiatum ab aliquo proponas: index tibi, quæ ex emptione veniunt præstari providebit. S. VI. Kal. Feb. Sirmii, CC. Coss.

S U M M A R I A.

1. *Ante pretium solutum mota proprietatis questione, non cogi emptorem pretium solvere, nisi ei satis offeratur a venditore.*
2. *In limine contractus imminet evictionem, quid sit.*
3. *Evictione imminente nondum ullam actionem esse emptori adversus venditorem non fraudulen-*

sum: sed emptorem tamen exceptione doli tutum esse, ut quid etiam venditori præstat.

4. *Satis offerre quid sit.*
5. *Venditorem de evictione non cogi satisfacere, verum & perpetuum, etsi interdum non cogitur pretium solvere sine hac satisfactione.*

TRaditur in L. Iulianus, §. ex vendito, D. de all. em. ex vendito ad-

versus emptorem sgl posse, ut pretium solvat, idque eum post rem traditam præstare

stare debere. Id cum ea exceptione accipiendum est, quæ hoc loco traditur: nisi ante pretium solutum lis mota sit de proprietate emptori, aut nisi sit saltem ei controversia facta. Nam alterutrum falsi est, ut constat ex principio huius rescritti, & sine.

1 Ante pretium solutum si controversia emptori de re vendita fiat, non cogitur pretium solvere, nisi ei a venditore satis offeratur evictionis nomine, ut hic cautum est, & *L. pen. §. 1. D. de per. & com. rei vend.* Sed hoc, inquam, si ante pretium solutum dominii questio mota sit, ut est in *d.*

2 *L. pen. vel.* ut hoc loco: modo in limine contractus imminet evictio, id est, periculum evictionis. Limen contractus accipere debemus, ingressum contractus. Ingressum autem totum illud tempus, quo nondum emptio ex utraque parte impleta est, id est, nondum res a venditore tradita, & pretium ab emptore numeratum. Proinde etsi post quinque pluresve annos ante pretium solutum lis moveatur emptori de re vendita, non cogetur venditori pretium solvere: quasi & hæc evictio imminet in ipso limine, id est, eo tempore, quo nondum omni ex parte venditio perfecta est, atque ita, quo coepit tantum. Hoc autem, ne emptor pretium solvat hoc casu, consequitur exceptioe doli mali opposita. *d. L. §. sup. hoc tit. L. pater. §. ex quadrante, D. de dol. mal. & met. exc.* Dolus venditoris in eo est, quod petat ab emptore pretium, cum ipse quod debuit, recte non præstaret: quæ pollutio est contra æquitatem naturæ, qua fit, ut quod quisque in alterius persona, æquom statuit, ipse in sua quoque persona valere patiator. *L. 1. D. quod quisq. iur.*

3 Cum ut dicimus emptorem hoc confectui exceptione, qua venditorem petentem summovet, apparet nihil nos contrarium dicere: *L. 3. sup. hoc tit.* ubi placet, quanvis res vendita aliena sit, aut pignori obligata, non ideo tamen eam, qui emit, convenire posse auctorem suum, quamdiu res non sit evicta. Sane enim emptor venditorem convenire non potest eo nomine. Sed si quid a se petatur, non cogitur præstare, ut hic constituitur.

Sed addita est exceptio hoc loco, nisi emptori satis a venditore offeratur. Quod si fit, emptor pretium solvere cogitur. Sa-

tis ut offerre est, offerre satisfactionem. Satisfacere est, emptori promittere, quod e-lus interest, si res evincatur, & amplius eo nomine fideiussores dare. Et in somma satisfacere est cavere de re aliqua fideiussoribus datis. *L. 1. D. qui satisfd. cog.* Itaque in hac re promissum venditoris fideiussores exiguntur supra scriptis verbis, ut apertius res definitur in dicta *L. pen. §. 1. de per. & com. rei vend.* Quod dicitur, venditorem non consequi pretium, nisi satisfd evictionis nomine, non est contrarium ei, quod traditur in *L. emptori. D. cod.* venditorem ita duplicem repromittere debere evictionis nomine, ut satisfacere non cogatur. Verissimum quoque hoc, & perpetuum, venditorem, a quo cautio de evictione postulat, non cogi satisfacere, quantumvis cogatur re-promittere, neque id negamus hoc loco. Nam emptor, a quo pretium petitur, non petit a venditore, ut satisfd: sed petit, ne ille pretium petat. Et vero si satisfdationem postulet emptor evictionis nomine, est in venditoris potestate non præstare, pretium non petendo. Petitione enim pretil remota, non est locus exceptioni, qua petitionem istam in hac causa summo-veri dicimus. Porro emptor solam hic exceptionem habet ad eam satisfdationem obtinendam, si venditor pergat pretium petere: actionem ad eam rem nullam. Quæ si ita sunt, apparet, quanvis imminente periculo evictionis, non posse tamen emptorem aliud a venditore consequi, quam ut ne pretium solvere cogatur. Proinde si venditor pretium ab emptore non petat: non posse emptorem consequi a venditore, quod sua interest, id quod ex emptione præstari solet. *L. 1. in princ. D. de ag. empt.* Videtur tamen hoc negari in extremo huius rescritti, ubi ita verba sunt: *Si ab aliquo denuntiatur sit emptori, ne ad emptionem accederet, iudicem provisorium ei præstari, qua ex emptione veniunt.* Sed hæc adiectio, qua ex emptione veniunt, rem expedit. Non enim venit præstatio eius, quod emptoris interest, re non-dum evicta. *L. 3. sup. cod.* sed nec satisfdatio evictionis nomine, nisi imminente periculo evictionis venditor pretium petat, ut hic tantum est, & *d. L. pen. §. 1. de per. & com. rei vend.*

Ad L. Si tibi. 23.

Iidem AA. & CC. Saturninæ.

Si tibi liberam Saturninus conditionem eius ignorans distraxit, ac nunc eam defendit in libertatem: hac libera pronuntiata, venditorem vel ex stipulatione duplæ, quantum in hanc deductum est, vel empti actione, quanti tua interest, convenire potes. S. Idib. Febr. AA. Cofi.

S U M M A R I A.

1. Venditori liberum hominem a se venditum in libertatem afferere licere, si ignorans vendiderit, hoc sciens: hoc favore libertatis.
2. Evictionis nemine duas esse actiones, ex empto, & ex stipulatione duplæ.
3. Ex empto actio ob evictionem cui, adversus quem & quom ob rem.
4. Id quod interest in actione ex empto quid constituat.
5. Sumptus in rem emptam factus emptorem a venditore ita consequi posse, si a domino eis servare non potuerit, & rem meliorem fecerit.
6. Quanti emptoris interest rem non evictam, spectandum eo tempore, quo res evincitur, non quo vendita est: & quid referat illud potius, quam hoc spectari.
7. Dupla stipulatio, quæ sit, & quid dupla.
8. Ex stipulatione dupla quid dupleatur: tum quando duplari pretium, quanti res vendita est, quando æstimatio pro bonitate rei, quæ evicta est.
9. Bonitas partis evictæ cum æstimatur, eam bonitatem spectandam esse, quæ fuit, cum res vendita est, aut cum aliquid accessit fundo.
10. Simple quoque stipulationem esse, ut dupla: quæ sit, & quibus in rebus venditis locum habeat.
11. Dupla & simple stipulationis quis usus, cum competat actio ex empto in id quod emptoris interest, quod interdum multo plus continet.
12. Duplam emptori a venditore promitti debere: in eam rem esse emptori actionem ex empto, & quæ exiit.
13. Duplam promitti debere in rebus pretiosioribus: & quæ sint huius generis.
14. Duplam non exigi in illis locis, in quibus mori non est tum exigi.
15. Dupla & simple nodam repromissionem esse, non satisfactionem.
16. Dupla aut simple stipulatione interposita, licere emptori re evicta ultra velit actionem persequi, ex stipulatu, aut ex empto, prout sibi commodum esse statuet.
17. Ex stipulatione dupla aut simple, quæ actio, cui, adversus quem, & ad quid.

HOc rescriptum tria complectitur. Primum huiusmodi: Evictionis nomine venditorem teneri, si sciens rem alienam aut pignori obligatam, aut liberam vendiderit, si ignorans. *L. ex empto, L. si servus quem, §. ult. D. de act. empt.*

Alterum est, † Libero homine vendito licere venditori adversus emptorem cum hominem a se venditum in libertatem defendere. Singulare ius propter libertatem: cum alioqui placeat venditorem vindicantem eam rem, quam vendidit, exceptione doli summoveri posse, *L. vindicantem, D. eod. tit.* Hic significatur venditorem id facere posse, si ignorans mulierem liberam vendidit. Dicimus idem eum facere posse, etsi sciens vendiderit. Nam qui ignorans vendidit, non minus dolo facit vindicando rem quam vendidit, quam si sciens vendidisset. Unde semper exceptione doli summoveretur, *d. L. vindicantem*. Sed hoc in libero tantum homine vendito receptum est: primum favore libertatis, quæ omnibus rebus favora-

bilior esse dicitur in *L. libertas omnibus, D. de regul. iur.* deinde, quia cum libera defenditur in libertatem, magis ipsa agere videtur, quam venditor, qui tantum defensoris officio fungitur, non vindicantis: vindicat enim non sibi, sed liberæ.

Tertium pertinet ad eas actiones, quæ evictionis nomine competunt: de quibus breviter dicemus. Quando re evicta actio sit emptori adversus venditorem, initio huius tituli diximus. Hoc † constituto actionem emptori eo nomine esse, quæritur, quæ sit actio. Hæc duæ sunt rescripto hoc comprehensæ: actio ex empto, & actio ex stipulatu de dupla, si ex stipulatione dupla: adde etiam ex stipulatione simple. Actio † ex empto re evicta semper competit ob evictionem. *L. 6. sup. hic. L. ex empto, D. de act. empt.* Hæc actio emptori datur, ut hic significatur, *d. L. ex empto, D. de act. empt.* Datur adversus venditorem maxime: sed & adversus omnes, qui evictionis nomine obli-

Ccccc

gantur

Tom. IX.

gantur, in quo numero ſunt fideiuſſores, & heredes tum venditoris, tum fideiuſſoris. *L. emptor, l. ſi controuerſia, l. ſi ſtatim, ſup. eod.* Unde circa venditorem illa quæſtio: pignoriſ auctoritate magiſtratus ex cauſa iudicati diſtractis quis ſit venditor, ut iis rebus euiſtis ob euiſtionem conueniri poſſit: de quo *ad l. ſi ob cauſam, ſup.* Competit hæc actio in id, quod emptoris intereſt, ut hic expreſſum eſt. Addere oportet, in id, quod emptoris intereſt rem euiſtam non eſſe, ut eſt in *L. cum ſucceſſores, ſup.* item ⁴ in *L. euiſta, 70. D. eod.* Id ꝑ quod intereſt ita definitur Paulo: quod nobis abeſt, quodque lucrari potuiſmus. *L. ſi ſummifa, D. rem. rat. hab.* Unde intelligimus venditorem emptori teneri ob euiſtionem actione ex empto in id quod abeſt emptori ob eam cauſam, quod res euiſta eſt, & quod lucrari potuiſſet, ſi res euiſta ei non eſſet. His verbis hæc conſtituentur: non pretium rei duraxat, ut eſt in *d. l. cum ſucceſſores, ſup.* & *d. l. euiſta, D. eod.* ſed æſtimatio rei vendita, quæ interdum longe pretium excedit. *L. 1. in princ. D. de æſt. empt. acceſſiones rei, & quæcunque per occaſionem rei vendita obtingere potuerunt:* quibus ideo caret emptor quia rem habere ei non licet: cuiusmodi ſunt fructus agrorum, animalium fructus, ancillarum partus, quæ alluvione fluminis acceſſerunt, uſus fructus qui ad proprietarium emptorem rediit, item ſi qua hereditas per ſervum venditum obtingere potuit, qui heres erat inſtitutus. *L. venditor, D. eod.* Adde damna impenſarum, quas fecit ipſe de ſuo in rem emptam, ut melior fieret, quæ ideo illi perierunt, quia res euiſta eſt: de quibus in *L. ſi cum quæſtio, l. ſi controuerſia, ſup. eodem.*

⁵ Sed ꝑ in his ſumptibus duo præcipienda ſunt: primum non aliter eos conſequi emptorem, quam ſi a domino, qui rem evincit, eos ſervare non potuerit, ut diximus *ad l. ſuper, ſup. hoc tit.* Hoc amplius non aliter cum conſequi, quam ſi, non dico, fecerit eo conſilio, ut res eſſet melior: ſed re ipſa rem meliorem fecerit. Meminiſſe enim ſemper oportebit, nihil amplius conſequi poſſe emptorem, quam quod ſua intereſt rem euiſtam non eſſe: proinde nihil niſi quod ei abeſt, ob id quod res ſit euiſta, tam vero ſi ſumptibus ab emptore factis res melior facta non eſt, non abſoluti ei hi ſumptus propter eviſtionem: cum & ſine eviſtione tam ei perſiſtent.

Ut autem actio ex empto competit in id, quod emptoris intereſt: ita ſemper hoc addendum eſt, competere ius id, quod eius intereſt rem euiſtam non eſſe. *d. l. cum ſucceſſores, ſup.* Quod ꝑ hæc 6 ſententiam habet: ut in æſtimandis damnis emptoris, & æſtimando eo quod ei abeſt, denique in æſtimatione rei emptæ facienda tempus ſpectandum ſit non illud, quo res vendita eſt, ut æſtimemus, quantum res fuit; ſed illud, quo res euiſta eſt, ut tantum præſtetur, quantum fuit. Ex quo duo ſunt conſequentia. Primum, ut ſi poſt venditionem perfectam valde crevit rei vendita æſtimatio, vel quia excuſta eſt ab emptore vel quia acceſſionibus naturalibus aucta eſt, vel quia aliquid accrevit per alluvionem, & ea fuerant tunc, cum res euiſta eſt: ſciamus horum omnium æſtimationem emptori præſtari debere, quia eſt id, quod habere poſſet, quod nunc ideo non habet, quod res euiſta eſt, dicta *L. euiſta, 70. D. eod.* Alterum, ut ſi res poſt venditionem non culpa venditoria multis partibus immiſcra eſt, debilitata, fracta; rupta, ut multo plaris fuerit, cum vendita eſt, quam nunc eſt, cum evincitur: nihil amplius præſtare debeat venditor emptori, quam quod nunc eſt, *d. l. euiſta, 70.* Et hoc poſtremo ideo, quia quæ ita perierunt, caſu perierunt: caſus fortuiti periculum emptione contracta ad emptorem, non ad venditorem pertinent. *§. cum autem, Inſtitut. de empt. & vendit.* Deinde perierunt illa, ſed euiſta non ſunt: venditor tantum ob eviſtionem tenetur. Hæc de actione ex empto.

Eſt præterea, ut diximus, eviſtionis nomine actio ex ſtipulatione duplex adverſus venditorem. Sed prior actio ſemper competit: actio ex ſtipulatione tunc ſolum, cum ſtipulatio interpoſita eſt. Videndum, quid ſit ſtipulatio duplex: tum, quæ ſit neceſſitas huius ſtipulationis interponendæ, ne fruſtra de ea hoc loco agatur. Stipulatio ꝑ dupli in emptione eſt, qua venditor emptori ſtipulanti promittit rem emptori habere licere, & niſi habere liceat, duplam. *L. habere, l. euiſta, 16. §. 1. D. eodem.* Dupla hic idem valet quod duplum. Dupla ſtipulatio eſt dupli ſtipulatio, indicat *L. penult. infr.* ubi emptor dicitur duplum ſtipulari, pro duplam: item *L. vindicantem, D. eod.* ubi dicitur emptor ex ſtipulatione duplex duplam conſequi. Non conſequitur autem, niſi quod in ſtipulationem deductum eſt. Erat igitur duplum deductum in ſtipulationem. Idem ſignificatur, cum dicitur: niſi venditor duplam promittat emptori, condemnari eum ⁷ dupli,

dupli, in *L. 2. D. eod.* Non condemnatur, nisi eius rei nomine, quam præstare debuit *L. ult. supr. de fid. lib.* Itaque apparet duplam a veteribus ita dictam esse, ut intelligeretur eo verbo quantitas, sive æstimatio eius rei, quæ vendita est. Duplum nullum est natura, nisi ad rationem simpli: & quantum simplex est, tantum duplum esse oportet pro portione.

8. Quæritur † igitur, quid hic dupletur, ut intelligamus, quantam duplam esse hic velimus. Et interdum duplatur pretium rei, quanto res distracta est; interdum æstimatio pro bonitate eius rei, quæ est evicta. Pretium duplatur, quoties aut res tota evicta est, aut pars quidem, sed in quam certum pretium dictum est. *L. si fundo, D. eod.* Idem est, & si pars pro indiviso evicta sit. *L. 1. L. ex mille, D. eod.* Ex bonitate autem rei evictæ simplex æstimandum est, cum de dupla quæritur, quoties pars certa evincitur, de cuius bonitate constare potest, & in eam partem pretium separatim non est constitutum. *d. L. 1. D. eod.* Differentiæ ratio est: quod cum pretium certum constitutum est in rei evictam, tum promittitur dupla æstimationis eius, quæ constituta est rei venditæ: ea autem est pretium. *d. L. si fundo, D. eod.* Sed est constare non possit, utrum pars quæ evicta est, pretiosior sit cæteris quæ evictæ non sunt: ibi quoniam de bonitate partis evictæ quæri non potest, res eo deducitur, ut necesse sit, aut nihil, aut tantum pretium ab initio constitutum spectari pro portione: quod contingit tunc, cum pars pro indiviso evicta est. Nam pars pro indiviso non apparet, intelligitur tantum, quippe quæ per totum fundum fusa est. At cum pars certa evincitur, in quam nullum pretium separatim constitutum est, non possumus in ea æstimanda id pretium sequi, quod dictum non est. Ita relinquitur, ut æstimetur pars ex sua bonitate.

9. Bonitatem † autem hic partis evictæ longe ex alio tempore æstimamus quam cum æstimatur bonitas actione ex empto, cum agitur ob evictionem in id, quod interest. Nam id, quod interest rem evictam non esse, æstimatur ex eo tempore, quo res evincitur: ideo & illius temporis bonitas & æstimatio spectatur: quæ si nulla nova esse cepit post contractam emptionem, aut si magna ex parte imminuta est, eatenus non æstimatur. *L. evicta, 70. D. eodem.* At in stipulatione duplæ cum de bonitate partis evictæ æstimanda agitur, eam bonitatem spectamus, quæ fuit, cum res vendita est, aut cum aliquid

accessit fundo vendito: non autem quæ est eo tempore, quo res evincitur. *L. bonitatis, § L. L. 2. segg. D. eod.* Differentiæ ratio ex his rebus, de quibus hæ actiones constitutæ sunt, non difficile intelligitur. Actio ex empto ob evictionem competit de eo, quod evictum est: nec aliud persequitur, quam id, quod interest rem non evinci: ut necesse sit in eo id tempus ipsum intelligi, quo res evicta est. At actio ex stipulatione duplæ id petit, quod in stipulationem deductum est, ut in hac *L. si tibi*, dicitur. Deducta est autem dupla eius temporis, idest, eius, quo stipulatio interponebatur. Proinde in ea æstimanda id tempus spectandum est.

Sciendum † est autem, non tantum ob 10 evictionem duplam promitti, sed etiam simplicem, ut in rebus venditis non pretiosis. *L. emptori, 37. §. 1. D. eod.* Hinc duplæ & simplæ stipulatio interdum legitur, & hinc illa verba *L. emptor*, sup. hoc tit. *neque ex stipulatu, neque ex simpla neque ex empto allionem contra venditorem habet.* Quid est illic actio ex stipulatu? aut cur tres actiones illic numerantur, cum in hac *L. si tibi*, numerentur tantum duæ? Nempe actio ex stipulatu illic intelligenda est actio ex stipulatu simplici, quæ collata cum actione ex stipulatu de dupla, nihil aliud est simpliciter, quam actio ex stipulatu. Iam autem dixi interdum interponi duplæ stipulationem, interdum simplæ tantum. Simplem intelligimus simplicem quantitatem, seu æstimationem, quemadmodum & cum duplam nominamus. Hoc 11 loco existit quæstio: cum emptori re evicta constet semper actionem esse ex empto adversus venditorem in id, quod sua interest, quod interdum non simplicem tantum, sed etiam duplam longe excedat: cui bono duplam, aut etiam simplicem duntaxat a venditore stipulari, ubi emptori liceat actione ex empto multo plus & facilius consequi. Et duas ad res conducit, vel potius necessaria est, non dico duplæ stipulatio, sed etiam stipulatio solius simplæ. Primum hoc efficit, ut liceat emptori re evicta consequi æstimationem quæ fuit, cum res vendita est, aut certe pretium illius temporis, ut supra diximus ex *L. bonitatis, § segg. D. eod.* Quod interdum emptori utile est: quid enim, si post venditionem res multis partibus sit imminuta? actione ex empto æstimationem præteriti temporis consequi non potest, ut ante dixi. Valet ad hoc præterea simplæ aut duplæ stipulatio, ut re etiam ab extraneis evicta, tamen venditor teneatur ex stipulatione, rem emptori habere.

Cccccc

re

Tm. IX.

re licere. Sciendum est enim, quemadmodum venditur præstare debet emptori, ut ei rem habere liceat: ita teneri cum ex empto, ut id emptori promittat. *L. ex empto, in prin. & §. venditorem, D. de act. empt.* In hac stipulatione si venditor nihil amplius promittat, quam emptori rem habere licere, non tenetur venditor, nisi re ab ipso, aut heredibus eius evicta: extranei si evincant, non tenetur: quia aut factum extraneorum non promissum, aut si quid, promissum inutiliter, *L. stipulatio ista, in pr. §. 1. D. de verb. oblig. L. ex empto, §. qui autem, D. de act. empt.* Sed hæc ita sunt, nisi pænæ stipulatio subiecta sit. Hæc ubi promissa est, re a quovis evicta, uiliter pænâ petiitur. *d. L. stipulatio ista, §. 1. de verb. oblig.* Et pænâ est, simplæ & duplæ stipulatio. Nam hæc stipulationes nihil aliud continent, quam certam quantitatem, alias simplam, alias duplam, quam promittit venditor emptori, si rem emptori habere non licebit, idest, si ei evincatur.

Ergo, ut crepi dicere, re evicta non tantum est emptori actio ex empto, sed etiam actio ex duplæ, aut simplæ stipulatione ob evictionem: sed ex stipulatione ita, si stipulatio sit interposita. Hinc de necessitate huius stipulationis interponendæ querendum est. Frustra enim de ea agitur, nisi necesse habeat venditor hanc interponere: cum pro non dicto sit, quod ipse præstare, nisi velit, non cogatur. *L. sub hac, D. de obl. & act.* Ne tamen igitur putemus frustra susceptam disputationem de hoc genere stipulationis, hoc constituendum est: venditoris emptori obligari, ut duplam promittat, saltem ut promittat semper simplam, *L. emptori, 37. in prin. & §. 1. D. eod.* Videndum, qua actione id emptor consequatur, tum an semper dupla promitti debeat: postremo quomodo debeat. Et quod ad actionem attinet, competet actori in eam rem ex empto actio. *L. quod si nolit, §. quia assidua, D. de ad. ed. L. ex empto, §. venditorem, D. de act. empt.* Huius iudicii exitus hic est, ut si conventus venditor duplam non repromittat, dupli condemnatur: nempe tantum quantum petebatur. *L. 2. D. eod.* Duplam promitti oportet: verum neque in rebus omnibus, neque omnibus locis.

In tamen tantum rebus moris fuit Romanis duplam exigere, quæ pretiosiores sunt. *d. L. emptori, 37 §. 1. D. eod.* In hoc genere rerum habentur, primum citra controversiam res omnes soli: proximo loco mancipia. *d. L. quod si nolit, §. quia assidua, de ad. ed.* Ex cæteris rebus non male videtur definiti posse, res esse pretiosiores, quæ duos aureos excedunt: argumentum uti licet *L. si quis affirmavit, in §. iuncta L. seq. D. de dol.* ubi ea summa dicitur esse non modica, quæ excedit duos aureos. Porro non male dici posse videtur, eam rem pretiosorem habendam esse, cuius non modica æstimatio est.

Sed tamen nec in his locis dupla exigi potest, ubi moris est eam non promitti, sed simplicem duntaxat. Hic enim morem & consuetudinem regionis sequimur. *L. 6. D. eod.* Et certe duplæ stipulatio ideo tantum exigi dicitur, quia moris & consuetudinis est eam præstari. *d. L. quod si nolit, §. quia assidua.* Promittitur tamen autem dupla, aut simpla nuda repromissione tantum, non satisfacto: idest, venditor duplam, aut simplam stipulanti emptori promittere cogitur, sed fiduciosiores eam rem dare non cogitur. *L. 4. in pr. d. L. emptori, in prin. D. eod.*

Hæc tamen stipulatione interposita sive duplæ, sive simplæ, evenit, quod in hac lege scriptum est, ut emptori re evicta duæ sint ob evictionem actiones emptori adversus venditorem: ex empto, & ex stipulatione vel duplæ, vel simplæ: quarum alterutra emptor uti poterit, prout sibi expedire existimabit. *L. sed & 6, 18. & L. seq. D. eod.* Actione ex empto tunc, cum res plurimi erit, cum evincitur: actione ex stipulatione, cum res pluris fuit, cum distracta est, quam nunc cum evincitur, secundum supra traditam a nobis distinctionem.

Stipulatione tamen constituta, queritur de actione, quæ ex ea stipulatione nascitur. Hæc vere est conditio certi ad pænâ certam in stipulatum deductam. *Inst. de ver. obl. in pr.* Hæc ut ex reliquis stipulationibus stipulanti competit adversus promittentem, & competit in tantum, quantum in stipulatum deductum est, ut scriptum est in hac lege.

Ad L. Si quis tibi. 26.

Idem AA. & CC. Nconi.

Si quis tibi servum vendiderit, postquam is rebus humanis exemptus est, cum evictionis periculum finitum sit, a te conveniri non potest: S. II. Kal. April. Sirmii. CC. Coss.

S U M M A R I A.

1. *Re vendita casu exstincta venditorem emptori non teneri, quarevis consiliter postea rem alienam, aut pignori obligatam fuisse.*
2. *Hoc casu emptorem rem amittere, & nihilominus venditorem pretium lucrari: aliter, atque si res evictione amissa esset.*

3. *Re vendita post litem cum emptore contestatam exstincta, sententiam ferri de proprietate rei, quasi res exstaret: hinc emptori regressum esse adversus venditorem tanquam re evicta.*

Sⁱ venditor re vendita tradita, solum ob evictionem tenetur emptori, ut solum obligatur: *L. ex empto, in prin. D. de act. empt.* si non tenetur, quamdiu res evicta non est, ut non teneri scriptum est in *L. 3. supra: sequens est, quod hoc loco constituitur, re vendita casu exstincta venditorem eo nomine emptori non teneri, quantumvis rem, quæ exstincta est, alienam fuisse, aut pignori obligatam postea constituitur. Quippe res casu amissa evicta non est. Nam evincere est, rem iudicio auferre. *L. non tamen, L. habere, D. eod.* non auferitur autem iudicio, quæ amittitur casu. Et hæc est ratio, quæ Ulpianus in hac specie utitur in *L. si servus, D. eod.* ideo hoc casu venditorem emptori non teneri, quia nemo rem evicerit, sed fatum humanæ sortis. Atque tunc hiuc etiam eventus, ut hoc casu emptor rem amittat, & nihilominus venditor pretium lucratur. Quod prima facie iniquum videri potest, præsertim cum scriptum sit *L. ex empto, §. qui autem, D. de act. empt.* bonæ fidei iudicium non pati hanc conventionem, ut emptor rem amittat, & venditor habeat pretium. Sed nihil est æquius. Nam emptione contracta, pro emptore hoc constitutum est, ut commoda omnia rei venditæ ad eum pertineant. Cui consequens fuit, ut & incommoda eum sequi oporteret. *§. cum autem, Instit. de empt. & vend. L. necessarie, D. de peric. & com. rei vend.* Consequens dixi, quia ut est secundum naturam commoda cuiusque rei eum sequi, quem sequuntur incommoda, *L. secundum, D. de regul. iur.* ita contra, quem commoda cuiusque rei sequuntur, eum quoque sequi incommoda, *L. unica, §. pro secundo, in fi.**

C. de cad. toll. Est autem in incommodis rei venditæ casus omnis fortuitus, vel potius casus omnis, qui sine culpa & facto venditoris contingit. Et quod dicitur in *L. ex empto, §. qui autem, de act. empt.* bonæ fidei iudicium non pati hanc conventionem, ut emptor rem amittat, & venditor pretium lucratur, nominatim dictum est de eo emptore, qui rem amittit propter evictionem. Est vero iniquum propter evictionem pretium ei perire, quanvis convenerit, ne ob evictionem ageret. Nam evictio ex facto venditoris nata est, qui rem alienam vendidit, & ita evictioni causam dedit.

Hæc tunc simpliciter ita dicuntur in hoc rescripto, item in dicta *L. si servus, D. de evict.* tamen bene monet Accursius hoc idem sic accipiendum esse, si res vendita interierit ante litem cum emptore contestatam. Nam si postea perierit: postulante emptore sententia fertur de proprietate rei; & si res aliena pronuntiata sit: is adversus venditorem regressum habebit non tantum actione ex empto in id, quod sua interest rem alienam non fuisse; sed etiam actione ex stipulatione duplæ, aut simplæ in tantum, quantum in stipulationem deductum est, quasi re emptori vero evicta. *L. utique, D. de rei vind. L. ult. sup. de assert. toll. L. cum servus, D. ind. sol.* Sed huic parti videntur refragari ea principia, quæ posuimus de evictione in principio huius tituli, & ad *L. 3. & L. 6. sup.* Sunt autem hæc: venditorem quamdiu res evicta non sit, non teneri: *L. 3. sup.* item, venditorem non teneri, nisi quis rem evincat, vel nisi res amissa sit ob evictionem. Iam vero licet res vendita post litem cum emptore contestatam perierit,

erit, non tamen res evincitur, atque adeo nec evinci potest. Nam, ut supra dixi, evincere est, rem auferre: non potest autem sententia iudicis auferri ea res quæ non est. Et hæc omnia vera sunt, si fateamur rem, quæ post litem contestatam interit, non exstare, quod secus est. Non exstat illa quidem natura, sed iure exstare fingitur: ut sententia de proprietate eius rei lata perinde habeatur, quasi ea exstaret, & esset ablata. Nam si emptorem moram fecisse proponas iudicium accipiendo:

mora perpetuum facit actionem: id est, facit, ut perpetuo teneatur, quasi res exstaret, *L. item si verberatum, in fin. D. de rei vind. L. nemo, §. 1. D. de verb. obl.* Quod si emptor moram non fecit, is quidem non tenetur ob rem petitam neque in æstimationem eius rei: sed nihilominus adversus venditorem res adhuc exstare intelligitur, ut emptori a venditore eam consequi liceat. *d. L. utique, de rei vind.* Ita & hæc pars quoque posterior recte constituitur, neque priori adversatur.

Ad L. Si fundum 27.

Idem AA. & CC. Theophilo.

Si fundum sciens alienum, vel obligatum comparavit Athenocles, neque quidquam de evizione convenit: quod eo nomine dedit, contra iuris poscit rationem. Nam si ignorans: desiderio tuo iuris forma negantis hoc reddi refragatur. S. XV. Kal. O. C. C. Cof.

S U M M A R I A.

1. *Ei, qui sciens rem alienam emit, evizione non præstari: nisi si quis de evizione nominatum sibi caverit.*
2. *Causa, ubi & scienti præstetur evictio, & pa-*

tescenti nihil amplius, quam rei pretium.
L. ult. §. pen. §. ut. C. com. de legat. sententia & ratio expofita. ibid.

QUI rem emit conditionis rei non ignarus, talem videtur emisit, qualis est. Proinde re ob eam conditionem evicta venditor non tenetur, extra quam si convenerit, ut ei evictio præstaretur. Semper enim hoc tenendum est ex generali edicto de pactis, omnem pactiōnem servandam esse, quæ non sit dolo malo interposita, si modo & de re privata est. *L. inrisigentium, §. ait, §. si paciscar, D. de pact.* Et maxime si est contractus bonæ fidei, in quo interposita est conventio: qualis est emptio & venditio, de qua hic agitur, *L. ex empto, D. de act. empt.* De hoc infra diximus ad *L. 6. sup.*

Utraque tamen in parte superioris iuris sua quædam exceptio est in ea specie, de qua constitutum est a Iustiniano in *L. ult. sup. §. pen. & ult. sup. com. de legat.* Species ea est: cum rem hereditariam sub conditione legatam heres pendente conditione vendit et emptori, qui ita legatam non ignorat: deinde impleta conditione rei legatæ legatarius, qui ex eventu conditionis dominus esse cepit rei legatæ, eam rem ab emptore eodemque possessore vendicat, & iure suo evincit. in hac specie duo illic singularia consti-

tuta sunt de evizione rei. Primum, ut emptor quanvis non ignoraverit conditionem rei emptæ, tamen pretium ab herede eodemque auctore suo possit repetere, contra quam hic constitutum est. Alterum, ut nihil possit amplius repetere, quam pretium, etiam si emptor nominatim sibi duplam caverit, id est, convenerit, ut re evicta sibi dupla præstaretur. Utriusque huius partis ratio fuit Iustiniano id ipsum, quod prius ibidem constituit: ut existente conditione rei legatæ venditio, quæ præcesserat, perinde irrita fiat, ac si nulla intervenisset. Hoc iureposito, reliqua duo sunt consequentia, quæ supra diximus. Nam si emptio pro nulla habetur: causa quæ prius fuerat, finita est, nempe emptio. Ita incipit pretium quod datum est, repeti posse conditione sine causa. *L. 1. in fin. D. de cond. sine caus.* Deinde si venditio nulla est: consequens est nihil ex his peti posse, quæ per causam emptionis promittuntur: Proinde nec dupla ex conventionem præstabitur emptori quoniam dupla ex causa emptionis & rei venditæ evictæ promittitur. Quod autem Iustinianus in supra scripta specie constituit, ut existente conditione legatæ emptio habeatur pro nulla: id fecit, ut coher-

ceret

cet avaritiam heredis, qui tam corpiter contra voluntatem defuncti rem vendidit restitutioni obnoxiam, ut ibidem ipse idem significat. Sane emptor, qui scivit rem alienam aut pignori obligatam a se emi, interdum pretium a se numeratum servare potest: sed hoc solum a domino, qui rem

ab eo vindicat, & tunc cum pretium in rem domini versum est. *L. 1. sup. si vend. pig. ag. L. emptor, D. de rei vind. de quo diximus ad L. super, sup. hoc tit.* Nec posse eum hoc pretium consequi a venditore propter evictionem hoc loco negamus.

Ad L. Emptori. 18.

Idem AA. & CC. Maximiano & aliis.

Emptori etiam venditoris iura prodesse non ambigitur: Si igitur vobis propter rei proprietatem mota fuerit questio: tam propriis, quam venditoris defensionibus uti poteritis. S. III. Non. Ob. Scuppis, CC. Cass.

S U M M A R I A,

1. Emptorem in lite proprietatis sibi mota & suis propriis & venditoris defensionibus uti posse: & haec quae sint.

2. Pacti cum venditore interpositi, item rei cum venditore indicatae exceptio, quo iure ad emptorem transferatur.

Lite de proprietate rei venditae emptori mota, si venditore causam non solum necesse habet ex hinc causam agere, & iuriis iis omnibus defensionibus utendo, quae ad rem pertinent, & quibus potest: de quo diximus ad *L. emptor*; *sup.* Quare, quae defensiones emptori in ea causa competant. Hic tamen constituitur emptorem in ea re non tantum propriis, sed etiam venditoris defensionibus, & iure uti posse. Defensiones vocamus exceptiones: *L. 4. L. defensiones, sup. de except.* quoniam exceptiones defendendorum rerum causa comparatae sunt. *Infl. de excep. in princip.* Propriae exceptiones emptoris sunt: exceptio pacti cum ipso emptore interpositi, rei cum emptore indicatae, iurisiurandi emptori dilati. His omnibus emptorem uti posse constat. Hic adiciamus, etiam si venditor ipse pactus sit, aut iudicio absolutus, aut deferente adversario iuraverit rem suam esse, posse emptorem uti istis exceptionibus. Proponere hoc modo: emptor fundi controversiam de proprietate passus est a Lucio Titio, deinde lis inter eos composita, & Titius pactus, ne fundum ab emptore amplius peteret: hinc pacti exceptio emptori quaesita, quae emptoris propria est *§. praeterea, Infl. de excep.* Vel iudicium inter illos processit, & tandem emptor absolutus est: hinc propria exceptio nata emptori, exceptio rei indicatae. *§. item si, Infl. de exc.* His exceptionibus ita emptori quaesitis dicimus, si Titius eundem fundum ab eodem emptore, aut eius he-

redibus postea petat: summoveri eum posse: illos quidem exceptione pacti; hunc autem exceptione rei indicatae, aut iurisiurandi, quae sunt propriae emptoris exceptiones. Dicimus idem iuris esse, si eadem Titio cum venditore intercellerint, hoc modo. Venditor fundi priusquam fundum venderet, ab eodem Lucio Titio controversiam passus est, & tandem Titius pactus est, se a venditore non amplius petiturum eum fundum; aut venditor ea iudicio absolutus est; aut deferente Titio iuravit fundum suum esse, unde illi eadem exceptiones comparatae sunt, quae supra. Deinde fundum vendidit, & Titius idem hunc fundum ab emptore vindicat: Dicimus, inquam, in hac controversia emptorem posse eum summovere exceptione pacti cum venditore interpositi; exceptione rei cum venditore indicatae; exceptione iurisiurandi a venditore praestiti: nam haec sunt defensiones venditoris, de quibus hic dicitur. Et de exceptione pacti conventi hoc ius traditum est diserte in *L. si tibi, §. pactum, D. de pact.* Sed tamen quomodo pactum cum venditore interpositum, in alia persona, puta emptoris, potest nocere Titio: cum sit certi iuris regula, pacta de una re, aut cum una persona facta, non posse in alia re aut in alia persona nocere? *L. si unus, §. pacta, in fin. D. de pact.* Dicendum est, cum emptor exceptione pacti cum venditore facti utitur, pactum non tam prodesse emptori, quam venditori ipsi qui pactus est: & quod idem est, pactum non tam nocere in persona

sona emptoris, quam in persona venditoris. Interest enim venditoris emptorem eo pacto uti: propterea quod nisi utatur emptor ea exceptione, habiturus sit regressum adversus venditorem ob evictionem. Et hoc est, quod alia regula iuris traditur, pacta cum aliis personis facta omnibus prodesse, quos non teneri paciscentis interest. *L. § heredi, §. ult. L. fideiussoris, §. ult. D. de pact.* Adde, quod venditor rem vendendo & tradendo emptori omnes actiones suas ad emptorem transferre intelligitur, *l. postquam, L. ex nominis, sup. de hered. vel alt. vend.* Multo igitur magis existimandus est transferre exceptiones, quibus ad emptorem

defendendum opus est, *L. inuitus, §. 1. D. de reg. iur.*

Eadem dicere licet de exceptione rei eum venditore iudicatae. Constitutum est, res inter alias iudicatas, quemadmodum alii non nocent, ita prodesse non posse. *L. 2. sup. quib. res, ind. non noc.* Quo effici videbatur rem iudicatam inter Titulum & venditorem fundi non debere emptori prodesse, tanquam alii personae. Sed dicemus idem, quod supra, cum emptor hac exceptione utitur ex persona venditoris, rem iudicatam non tam ipsi prodesse, quam venditori, cum quo res iudicata est. Idem de ceteris exceptionibus licet intelligere.

Ad L. Si permutationis. 29.

Idem AA. & CC. Rheto.

Si permutationis gratia praedia curatoribus quondam fratris sui mater sua dedit: his que in eorum vicem accepit, posteaquam ad defensionem fuerit denunciatum, vel cum eorum non haberet facultatem, evictis, quanti interest, eos conveniri posse, rationis est. S. Idib. Decemb. Nicomedia, CC. Coll.

S U M M A R I A.

1. *Ex permutationis quoque causa actionem esse ob evictionem ei, cui res evicta est: dum omnia fecerit in lite proposita, quibus factis emptori eadem actio competit.*

2. *Re aliena in permutationem deducta, ei qui accepit, etiam modum re evicta condictionem esse ob causam dati causa non secuta: aliter in emptione.*

Quod de evictione constitutum est, re videlicet alicui tradita evicta ei actionem adversus eum esse, qui tradidit, ob evictionem: de emptione solum constitutum est, ut videre est in *L. ex empto, in prin. D. de alt. empt.* Sed hoc sic acceptum est ex sententia eius iuris: ut placeret ius pertinere ad omnes contractus, qui emptionis & venditionis vicem obtinent. Cuius generis est, si quid in solum datum sit, de qua specie dictum est in *L. 4. sup.* Eiusdem generis est permutatio, de qua hic agitur. Hae quoque dicitur vicem emptionis obtinere in *L. 2. supra, de rer. perm.* Unde in permutatione uterque ex contrahentibus dicitur emptoris & venditoris loco esse, *L. sciendum, §. penult. D. de ad. ed. venditoris*: quia mercem dat; emptoris quia pro merce aliud accipit. Hinc est, quod hic constituitur, si res ex causa permutationis uni ex permutantibus evicta sit: eum ob evictionem actionem adversus alterum habere in id, quod sua interest; uti fieret, si res ei esset vendita: proinde & eadem lege, qua ob evictionem rei venditae actio competit: idest, si is cui

res permutata evicta est, in controversia evictionis omnia fecerit, quae emptorem facere oportet, ut actionem ob evictionem habeat: puta denuntiavit alteri reo, & praeterea causam defenderit, ut potest. De denuntiatione hic tantum dicitur: sed ita, ut hic alterum quoque sicut in emptione, ad cuius legem revocatur permutatio, intelligi oporteat, quoties ob evictionem agitur. Sed quoniam de evictione tantum hic dicitur, traditurque eum, qui ex causa permutationis rem accipit, actionem habere in id, quod sua interest, si ea res evicta sit: quaeremus, an priusquam res evicta sit, nullam actionem habeat adversus eum, qui dedit, quantumvis constet rem esse alienam. Nam si res illi vendita esset, quantumvis esset aliena aut pignori obligata; tamen nullam actionem haberet adversus venditorem, priusquam res esset evicta *L. 3. sup.* Num ergo in permutatione, quam emptioni simile esse volumus, idem probandum est? Respondeo, non idem. Illud emptioni per omnia simile, quod is, cui ex causa permutationis res aliena data est non potest agere in id, quod sua interest, priusquam res

res evincatur, ut conditio hoc rescripto addita satis indicat. Hoc interest, quod qui rem alienam accepit, potest id, quod dedit alteri, repetere tanquam ob causam datum, causa non secuta. *L. naturalis, §. 1. D. de pref. ver.* Quod non licet facere in emptione & venditione. In qua quanvis constet rem venditam esse alienam; tamen emptor pretium a se nu-

meratum condicere non potest, argum. in *L. si non donationis, sup. de cont. emps.* Hoc ideo, quod in contractibus, qui suum nomen habent, sic obligatio contrahitur inter contrahentes: ut ex praesentia mutare factum non liceat. *L. ab emptione, D. de pact.* quod contra facere licet in contractibus innominatis, *L. §. D. de cond. cau. dat. cau. non sec.*

Ad L. Non ex eo, pen.

Idem AA. & CC. Haestio.

Non ex eo, quod duplum is, qui a matre sua mancipium comparavit, evictionis nomine stipulatus est, alienae rei scientia convincitur: nec opinio eius ex hoc laeditur, ut male fidei emptor existimatur. Aliis itaque hoc indicium, si vis, probare debes. S. Id. Decemb. AA. Coss.

S U M M A R I A.

1. Venditorem emptori obliantem rei alienae venditae scientiam, hanc probare debet & cur.

2. Non ideo probari emptorem scivisse rem alienam vendi, quia de evictione sibi cavet.

Quaestio huius loci nascitur ex eo, quod traditum est in *L. si fundum, sup.* eum emptorem, qui sciens rem alienam emit, re evicta iure ob evictionem agere non posse: tinge enim eum emptorem agere ob evictionem nihilominus, & venditorem ut hac defensione: ut dicat, emptorem scivisse rem alienam vendi & talem, qualis evicta est; ac de eo esse controversiam an emptor sciverit, necne. In hac controversia introducitur quaestio de probatione, de qua hoc rescripto. In eo duo quaeruntur.

Primum ¶ utri incumbat probatio, emptorine, ut probet se ignorasse rem fuisse alienam; an vero venditori, ut probet emptorem scivisse. Et de eo significatur hoc rescripto in extremo, venditoris probationem esse. Quod recte ita constituitur: nam cum venditor dicit emptorem scivisse, in eo exceptione doli mali nititur, qua emptorem summovet. *L. apud, §. item Labeo, D. de dol. mal. & met. exc.* In omni autem exceptione reus actor est, & exceptionem tanquam intentionem probare debet *L. in exceptionibus, D. de prob.* Hoc ¶ posito, alterum quaeritur, an venditor idonee hoc probet, si dicat, emptorem duplam a venditore stipulatum esse, de quo hic praecipue quaerebatur. Et rescriptum est, non ideo argui emptorem scivisse rem esse alienam, quia sibi duplam cavet. Recte: hoc enim facere so-

lent boni emptores, non tantum qui sciunt rem alienam esse, sed etiam qui ignorant; nam et si ignorant revera; tamen sciunt fieri posse, ut aliena sit, & postea evincatur: quapropter & adversus futuros casus sibi prospiciunt, ne cum illi inciderint, tum cogantur oratione stultorum uti, ut dicant, *non putaram.* Fieri potest, ut quis duplam stipuletur ideo, quia scit rem alienam sibi vendi. Sed hoc non semper accidit: ideo ex stipulatione duplae non recte colligitur, iuxta vulgare dictum, *Non probari hoc esse, quod ab hoc contingit, ut ab sit.* *L. neque natales sup. de prob.* Sed videri potest haec quaestio esse supervacua in specie proposita. Proponitur enim emptor sibi nominatim duplam stipulatus esse evictionis nomine. Quod qui fecit, is actionem ob evictionem habet, si ve sciverit rem alienam esse, si ve ignoraverit: *L. si fundum sup. eod.* ut proinde etiam de scientia emptoris probare aequo venditori sit inutile. Et sciendum est, in actione ex stipulatione duplae quaestionem venditori esse inutilem. Sed qui duplam stipulatus est, potest idem re evicta & ex empto agere: *L. si tibi, sup. eod.* verum hac conditione, si non sciens alienam rem vel obligatam emerit, *d. L. si fundum, sup. eod.* Atque hic demum superiori quaestioni locus est, ubi & superior probatio venditoris admititur.

Ad L. Ult.

V¹te I. exceptione, sup. hoc tit.
Tom. IX.

Dddd

AD TITU-

A D T I T U L U M. XLVI.

COD. CREDITOREM EVICTIONEM PIGNORIS NON DEBERE.

*Ad L. Cum iure. 1.**Imp. Alexander A. Publicio.*

Cum iure creditoris propter fisci debita prædium obligatum procurator meus venundedit, evictio non debetur: quia & privatus creditor eodem iure utitur: nisi nominatim hoc repromissum a privato fuerit creditore. Si tamen fiscus in ius alterius creditoris successit, emptori non iusta nomine fisci movetur controversia: siue quid potior fuerat quando vendebat: siue quia infirmior: quoniam hoc utique præstare debet, qui pignoris iure vendit, potiorum se cæteris esse creditoribus. PP. XV. Kalendas Novembr. Maximo II. & Æliano Coss.

*Ad L. Si a creditrice. 2.**Imp. Gordianus A. Sabinæ.*

Si a creditrice iure pignoris fundos obligatos pater tuus comparaveras: evictis prædiis ita demum petitionem adversus creditricem habere iure potes, si vel cum vendidit, de evictione rei promisit, vel etiam dolo malo, cum sciens prudensque esset rem sine vicio non esse, eam patri tuo cui successisti, venundedit. Nam sicuti genus huiusmodi contractus inscium creditorem vinculo evictionis non adstringit: ita eum qui fraudem admisit, vel decepit, non excusas. PP. VII. Id Apr. Sabino II. & Venuſto Coss.

S U M M A R I A.

1. Creditorem re evicta, quam iure creditoris, seu iure pignoris vendideras, si ut aliena evicta sit, emptori eo nomine non teneri, neque in id, quod interest, neque ad pretium restituendum.
2. Extra quæ, si quid contra convenerit, aut creditor sciverit esse alienam, emptor ignoravit.
3. Creditorem pignore quod vendidit, evictæ, hactenus teneri emptori, ut cedat ei actiones suas.
4. Pignore vendite evictæ, & sine cessione utilem esse actionem pignoratitiam emptori adver-

sus debitorum, quatenus debitor locupletior factus est.

5. Creditorem re, quam iure pignoris vendidit, evictæ, si in bonis debitoris suis, animode ob evictionem teneri: & cur.
6. Creditorem in vendite pignore præstare debere emptori, rem sibi obligatam esse, se in pignore omnibus aliis potiorum esse, & se ius vendendi habere.
7. Creditorem nulla ex causa quamvis dominii postea sibi questis de pignore a se distracto emptori contrarium movere posse.

Constanter traditum est, si creditor iure creditoris, vel quod idem est, iure pignoris rem sibi obligatam vendat, eum re evicta ob eam evictionem emptori non teneri, ne ad pretium quidem restituendum. Traditur hoc in *L. ex empto, §. sententiam, D. de act. empt. L. etsi, D. de*

dist. pig. Traditur hoc idem in his duobus rescriptis, quæ sequuntur. Sed habet hæc sententia multas cautiones, multis enim modis accidit, ut creditor teneatur ob evictionem. Quare, ut id quale sit, plane intelligatur, de re tota sic habendum est. Cum quaeritur, an creditor, qui iure creditoris pignus

gnus vendidit, ob evictionem pignoris teneatur: multum interest, quam ob causam res evicta sit emptori: utrum ob id, quod res aliena esset, non debitoris; an vero ob id, quod non esset creditori obligata, sive quod creditor in ea re ius creditoris, seu ius pignoris constitutum non haberet. Si tamen ob id evincitur, quia in bonis debitoris non fuit: hæc demum evictio est, quam non præstat creditor: ad eoque hanc non præstat, ut nec pretium ex hac causa restituere debeat. Id intelligitur ex superscriptis quatuor locis, in quibus indistincte scriptum est, creditorem non teneri. Nusquam autem alibi hic casus exceptus est, cum res in bonis debitoris non fuit. Non adversatur huic sententiae, quod generaliter traditur in *L. non dubitatur, sup. de evict. et si, specialiter venditor evictionem non promiserit, re evicta ex empto competere actionem*. Hoc enim cum hac exceptione semper accipiendum est: nisi aperte aliud actum sit, ut ibi docuimus. Nunc autem cum creditor vendit rem iure creditoris, hoc agi intelligitur, ut præstat venditori creditoris ius: extra hoc ius ne teneatur. Quid est enim iure creditoris, nisi pro eo iure, quod creditor in pignore constitutum habet? Iure pignoris, idem valet, ut indicatur in extremo *L. 1. hic, lege pignoris vendere. L. et si is, D. de distr. pig.* Hoc enim significatur vendere hoc pacto & conventionem interposita, ut dicatur creditor rem tanquam pignus vendere. Sed tamen hic duæ res exceptæ sunt: conventio creditoris, & dolum. Primum, ut maxime creditor iure creditoris rem vendat; tamen evictionem præstabit, si hanc emptori repromiserit, ut est in *L. 2. hic*. Cum omnis pactio non fraudulenta in bonæ fidei contractu interposita servanda est, & actionem parit: *L. ex empto, in pr. D. de act. empt. L. in bonæ, sup. de pass.* tum maxime eius rei interposita stipulatio, quæ etiam per se valet iure civili. *§. de constituta, Instit. de act.* Sed & extra conventionem si creditor scivit rem alienam esse, non debitoris: æque tenebitur ob evictionem rei, quoniam decepti emptorem. Sine exceptione definiendum est, semper emptorem venditori, & venditorem emptori dolum suum præstare debere, estque hæc exceptio in *L. ult. in fine, hic*: eadem in dicta *L. ex empto, §. sententiam, D. de act. em.* His remotis recte diximus, creditorem ob evictionem venditi pignoris, quod quidem vere ei datum sit, non tenei, dum tamen hoc ita temperetur, uti

Tom. IX.

proposuimus: ut ne scilicet teneatur aut in id, quod interest emptoris aut ad pretium restituendum, dicta *L. empto, §. sententiam*; cæterum tamen placet eum re evicta saltem ad hoc teneri ex empto, ut quam habet actionem adversus debitorem suum, qui rem alienam pignori dedit, eam præstet, id est, contrariam pignoratitiam actionem: æquissimum enim videri id saltem consequi emptorem, quod sine dispendio creditoris furum est. Hoc in *L. creditore, D. de evictio*. Ita qui rem adversus creditorem servare non potest, potest hac actione cessā servare adversus debitorem. Quinimo tamen & nulla cessā actione placet emptori ultro utilem actionem dandam ex empto adversus debitorem ipsam, quatenus pretio illius rei locupletior factus est. *L. rescriptum, §. 1. D. de distr. pig.* Atque hæc ita sunt, si res evicta sit ob id, quod non esset in bonis debitoris.

Quod tamen si res in bonis debitoris fuit, & nihilominus iure evicta est, generaliter probandum est, omnem eam evictionem sine exceptione creditorem præstaturum: quoniam ideo evinci rem necesse est, quia defuit ei ius creditoris, sive ius pignoris; quo tamen iure rem vendidit: semper autem in venditione id præstare venditor debet, quod dixit, ubi propter id rem pluris vendidit *L. ea, quæ, D. de cont. empt. & vend.* Idque aperte declaratur exemplo hereditatis venditæ: quam cum heres vendit iure heredis, semper hoc præstare debet, se heredem esse, & eam hereditatem, quam vendit, esse eam, ex qua heres exstiterit. *L. quod si nulla, D. de her. vel act. vend.* Ut autem certius statuamus id ita esse in pignore vendito, facient ea, quæ plura in hac venditione a creditore exigi legimus, quæ ex illo principio ducta, id verissimum esse confirmant.

Hinc tamen ergo est, quod placuit, cum ereditor iure creditoris pignus vendit, ante omnia illum præstare debere emptori, rem sibi obligatam esse pignori. Id declaratur in principio *L. 1. & L. 2. hoc tit.* Quod enim dicitur utroque in loco, creditorem evictionem non debere, adiecta hæc conditio, si vendidit fundum obligatum: satis significat, si creditor res pignori obligata non sit, eum ob evictionem teneri. Cur ergo teneatur hoc nomine, nisi quia dixit se creditorem esse, & pignus se vendere, quod dictum in omni venditione præstandum est? Placet præterea creditorem emptori in hac venditione præstare debere non tantum sibi rem pignori obli-

Dddd 2

glatam

gratam esse; sed etiam se in eo pignore omnibus aliis creditoribus esse potiorum *L. 1. in fr. hic*. Quod quidem non alia de causa exigitur, quam quod qui posterior creditor est ex pluribus, is ius vendendi pignoris non habet; atque ita simpliciter ius plenum pignoris non habet, ut priori creditori noceat. *L. creditor, 12. D. qui pot. in pign. hab. L. 2. & ult. sup. si antiq. creditor*. Porro creditor, qui se dicit vendere iure creditoris, hoc dicit se ius pignoris habere: proinde & ius habere vendendi pignoris. Nam proprium ius pignoris est, vendere licere. *L. si cessante, sup. de dist. pig. L. 4. D. de pig. act.* Cui consequens esse recte quis dixerit, si creditor fuit quidem primus,

atque adeo solus; si tamen propter conventionem nominatim interpositam eum debitore non habuit ius vendendi pignoris, atque ideo venditum ab illo pignus evictum est: evictionis nomine hic quoque eum teneri: quippe multo minus hoc casu ius habuit vendendi pignoris, quam posterior creditor.

Ad extremum notandum est, ubiennique evictionem ereditori in pignore non nocere placet, ibi evictionem alienam intelligi debere. Ut autem evincat ipse, quod vendidit, eiusque rei ex alia causa quanvis postea sibi nata questionem movent, neque ius, neque actionem pati. *L. et si, D. de dist. pig. L. 1. illie; si tamen, hoc tit.*

A D T I T U L U M LVI.

AD LEG. SI UNQUAM LIB. VIII. C.

Idem AA. ad Orphitum præfectum Prætorio.

Si unquam libertis patronus filios non habens bona omnia, vel partem aliquam facultatum fuerit donatione largitus, & postea susceperit liberos: totum quidquid largitus fuerat, revertatur in eundem donatoris arbitrio ac ditione mansurum. Dat. V. Kal. Apr. Arbitrione & Lelliano Cofi.

S U M M A R I A.

1. Revocanda donationis causa.
2. In beneficio *L. si unquam*, quæ spectanda.
3. Patrono soli beneficium hic tributum, non aliis donatoribus.
4. Qui liberis habet, cum donat, ad eum ea pertinere beneficium huius legis: & cur.
5. Ne sic quidem, quovis idem alius liberos postea susceperit: & quare.
6. Insuperfusa donationis revocationem esse dissimilem, & cur.
7. Donanti tribui beneficium huius legis, non autem aliter contrahenti: differentia ratio.
8. Ad quasvis res donatas, etiam singulas, revocationem huius donationis pertinere.
9. Libertis postea susceptis revocationi donationis ex hac lege locum esse; nec convalescere donationem, quanvis ii liberi postea decesserint vivo donatore, & ee, qui vivos non repetierat donata.
10. Testamentum agnatis postea liberis raptum convalescere, si liberi vivo adhuc testatore decedant: aliter atque in donatione informata ex hac causa: & differentia ratio.
11. Libertis post donationem susceptis, quanvis decedat postea vivo donatore, non ideo tamen cessare causam revocatae prius donationis.
12. Libertis postea susceptis donatori ipsi tribui revocationem donationis, non libertis: at neque liberorum consensus ut tam rem sit necessarius, nec liberorum factum patri nocere.
13. Totam donationem revocari ex beneficio huius legis.
14. Ipso iure donationem revocari ex causa huius legis, & num. seq.
15. Revertendi verbo quid significetur.
16. Revocanda donationis causa ex beneficio huius legis donatori competere, & actionem in rem, & conditionem.
17. Conditionem in proposito esse nunquam ex causam dati causa non secuta, aut soluta: eandem ex obligatione, obligationem ex contrahitu.
18. Beneficium revocanda donationis ex hac lege ad alios donatores, quam ad patronum non pertinere, & quæ in eam rem argumenta.
19. Demonstratur liquida ex verbis ipsius *L. si unquam*.
20. Demonstratur ex aliis partibus legis.
21. Demonstratur ex sententia Augustini translata in ius Pontificiam.
22. Demonstratur ex sententia & ratione *L. si unquam*: & quam dissent reliqui donatores a patrono in beneficio eius legis.
23. Singulare hic beneficium tributum patrono: ut quanvis in aliis donatoribus eadem ratio esset, tamen non debeat beneficium ad eos produci.
24. Insuperfusa donationis propter liberos revocationem multum distare a revocatione huius legis: distare in causa revocationis.

25. *Diffare genere ipso revocationis: quippe cum illa, & aliis detur, & alio tempore, & de alia quantitate, & non ipso iure.*
 26. *Inter revocationem inefficacie donationis, & eam, quæ ex hac lege est, differentia ratio: cum videatur utraq; concedi propter liberos.*
 27. *Natis post testamentum liberis non ideo legata prius dato revocari: multo minus donationem inter vivos ab extraneo donatore ante perfectam.*
 28. *Legatum ita datum filio, ut id restituat post*

mortem suam Titio, liberis ab eo restituti revocatum intelligi.

29. *Idem probandum in donatione inter vivos, si pater filio emancipato quid donaverit ea lege, ut id post mortem suam restitueret Titio.*
 30. *Iure poli restitui debere donat, quid sit Augustinus.*
 31. *Natis donatori post donationem liberis, non cogi ut iure quidem divino donatarium, ut donata reddat, excepta ecclesia Augustinus: & cur patemus hanc in hac re excipi debere.*

Revocandæ ꝑ simplicis donationis causæ summx duæ sunt: ingratitudo donatarii, & liberi a donatore postea suscepti. De prioris genere, idest, causis ingratitudinis, propter quas donationem revocare liceat, comprehensum est maxime in *L. ult. hoc tit.* De genere posteriore ius totum proprium est in *L. si unquam, C. de revoc. don.* quæ de hac revocatione & causâ cautum est, nec usquam alibi in iure civili nostro. Itaque eius legis explicatio, quale sit hoc genus revocationis, ostendit. Verba legis hæc sunt: *Si unquam libertis patronus filius non habens bona omnia vel partem aliquam facultatum fuerit donatione largitus, & postea susceperit liberos: totum quicquid largitus fuerat, revertatur in eisdem donatoris arbitrio ac ditione mansurum.* Tribuit ergo hæc constitutio, ut appareat, beneficium novum donatori ad revocandam donationem iure ante perfectam.

² In ꝑ eo duo spectanda, quibus beneficium hoc continetur: primum causâ beneficii, tum beneficium ipsum, illius causæ effectus. In causâ beneficii est illa omnis conditio, quæ hoc beneficium tribuitur lege superiore. Beneficium est ipsa illa revocatio donationis: in qua videntum est, qualem eam esse velimus ex verbis legis: eamne, quæ iure ipso donationem infirmet, & res donatas ad donatorem statim transferat; an vero quæ nihil amplius tribuat, quam rerum donatarum conditionem. Causâ & conditio beneficii initio legis comprehensa, si observamus, quinque continet: personam certam donatoris, ad quam beneficium referitur; tempus donandi, seu statum donatoris, quo ille donat; causam dati; res datas; & agnationem liberorum. Quæ singula quid valeant, quia non perinde omnibus liquet, diligenter consideremus: ne aut minus faciamus beneficium, quam est, aut producamus longius, quam quo ex lege pertinet.

³ Primum ꝑ constitutio personam certam donatoris exprimit, cui revocationem tribuit, nimirum patroni: Sic enim scribit,

si libertis patronus donaverit. Proinde si quis non patronus donaverit extraneo, ad beneficium legis non pertinet: ut quanvis liberos non habens donaverit, ac postea suscipiat liberos: nihilo magis infirmetur donatio ex hac lege. Hæc enim conditio est, si patronus libertis donaverit. Certe iuris est, hanc vim esse conditionis omnis, ut quod sub conditione cessante adimi intelligitur, & contra ea exstante datum intelligatur; *L. quibus §. 2. L. aliquando, D. de cond. & dem. valetque hæc sententia & interpretatio non tantum in contrahibus & supremis voluntatibus, sed etiam in legibus sub conditione conceptis; & quidem in his maxime: exempla in L. 1. vers. huius rei, D. de off. eius, cui mand. est iurisd. L. si procuratorem, §. si ignorantes, in si. cum §. seg. D. mand.* Sed dissentit prope omnes ad unum interpretes, exceptis admodum paucis, ut ex veteribus Azone; ex doctis viris nostræ ætatis, Connano: vicitque hæc opinio, ut existimant, ac velut pro explorato statuunt, quisquis liberos non habens cuicumque donaverit, liberis postea ei susceptis, donata ad eum redire. Itaque maiorem discepsationem res desiderat: quam ideo in extremum relegimus, ut separatim discutiatur. Nunc tantum sumemus id, quod dant verba constitutionis, eoque & orationem ad patronum conferemus.

Tribuitur igitur beneficium huius legis patrono donatori primum, sed neque id simpliciter. Secundum ꝑ existit in conditione huius legis, ut donet, filios non habens. Ex quo intelligitur, si patronus ipse liberos habens donet libertis, donationem non infirmari propter liberos. Efficiuntque verbis eadem ratione, quæ supra. Hæc enim oratio, *filios non habens*, resolvitur in hanc, *cum filios non haberet.* Hæc autem, *cum filios non haberet*, conditionem habet, *si filios non habeat, L. si Titio, D. quan. d. L. ced. t. quodcumque, §. pen. D. de ver. obl.* Quo fit, ut liberos habens si donet, tanquam cessante conditione legis, cesset etiam donationis revocatio. Quod tamen videri possit.

sit contritui absurde, contraque regulas juris & naturæ. Et si enim posuimus, & qui postea nascetur, idem tribuitur, quod liberis iam natis: nunquam tamen tantum, ut sint meliore conditione, quam nati. Quinimo id in beneficio juris ponitur, quod qui in utero sunt, habeantur pro iam natis, cum de commodis eorum agitur. *L. qui in utero, L. pen. D. de statu, hom.* Quapropter videbatur convenire, quod propter liberos postea natos tribuitur donatori, idem illi tribui propter liberos iam natos, quos habuit, cum donavit: quod contra statuitur, absurde constituit, ut hoc loco. Et esset ita, si beneficium revocationis in hac lege tribueretur patrono propter liberos postea susceptos. Nunc autem tribuitur ei propter voluntatem & tacitam conventionem eius, qua id egit, ut donatio propter liberos ad se rediret. Hæc voluntas existimatur esse in eo, qui liberos non habens donavit; non item in eo qui habuit, cum donaret: atque hinc differentiæ ratio. Nam qui liberos non habet, si donat: videtur idecirco donare, quia liberos non habet, non donaturus utique, ut credibile est, si haberet. Nemo enim in re dubia creditur alienas successiones propriis, extraneis suis libere velle antepone. *L. cum acutissimi, sup. de fideicom.* Hæc autem cogitatio facit, ut qui hoc statu donat, intelligatur donare hac lege, ut donatio maneat, si liberi postea ei non nascantur: ex contrario autem, ut si nascantur, redeat. In eo, qui liberos habens donat, apparet nullam eiusmodi mentem & cogitationem esse de revocanda donatione propter liberos eos, quos iam habet. Qui enim liberos se habere sciens donat, hoc ipso aperte declarat, se non prohiberi liberis, quominus donet, nec velle propter eos revocare donationem, quam illis iam natis maxime confirmat.

Et si hæc de iam natis ante donationem liberis facilius quis admiserit, quia lex nominatim exigit, ut donator liberos postea suscipiat. Quid ergo, si patronus liberos quidem habens donet, sed postea susceperit alios liberos? An non saltem propter eos, qui postea nati sunt, revocationem donatori dabimus? Verba ostendunt nihilominus hoc casu revocationi locum esse: lex enim revocationem tribuit liberis quidem postea susceptis, sed hac conditione: si patronus donaverit, cum filios non haberet. Quare si tum habuit, manifestum est legi locum non esse, ut de vi conditionis ante diximus. Dixerit aliquis, verba legis etiam hoc casu revoca-

tionem donationis admittere. Sic enim dat revocationem patrono, si donaverit filios non habens, deinde postea susceperit liberos. Quid quidem in proposito videtur contigisse: donavit enim patronus, cum hos liberos non haberet, ac deinde eos postea susceperit. Sed conditio legis non est hæc, si patronus non habens liberos, hos aut illos, aut qui postea suscepti erunt, donaverit; sed simpliciter, si liberos non habens donaverit: ut dicendum sit, si quos tum habuit, non esse revocationem ex conditione huius legis. Id facit eadem illa ratio, qua ante uli sumus. Nam qui liberos habens donat, aperte ostendit se non esse hæc mente, ut propter liberos velit donationem infirmari: quam, ut dixi, non impediunt libris nisi homines constanter confirmat. Quod si hac mente est adversus liberos iam natos, ut nolit propter eos revocari donationem: par est existimari, illam eadem mente esse erga eos, qui postea nascuntur. Repugnat enim charitas & sensus communis natura, quominus existimetur pater velle plus tribui liberis futuris, quos non novit, quam iam natis & presentibus, nec male meritis, quos novit. Itaque si quis in hac specie illud obicit, in quibus cum causis, tum personis eadem ratio est, in his idem ius statui debere: *L. illud, D. ad L. Ayns.* liberos autem postea natos semper in eadem causa esse, sive pater, cum donavit, liberos alios habuerit, sive non habuerit. Proinde utroque casu donationem pariter revocari, quanvis pater alios liberos habens donaverit: hoc modo, inquam, si quis argumentetur: in promptu est responsio ex iis, quæ modo posuimus: recte igitur ita colligi, siquidem revocatio huius donationis tantum propter liberos postea susceptos tribueretur. Sic enim cum in omnibus liberis postea natis eadem causa esset, nec mutaretur propter eos, qui ante nati essent: recte diceretur etiam in omnibus idem ius esse oportere. Iam autem diximus, idque ex hac conditione, *filios non habens*, satis apparet, revocationis eius, quæ hic tribuitur, causam nasci ex tacita voluntate donantis id agentis, ut propter liberos donatio revocetur, cuius voluntatis coniectura non cadit in eam, qui liberos habere se scivit, & donavit tamen. Sed si utrique huic parti de liberis iam natis, & de iis qui post illos postea nati sunt, opponitur totus Titulus de *inoffic. don. sup.* Omnia enim rescripta eius tituli consentiunt in hanc sententiam: si patrens omnia bona sua donaverit, ut sic immoderata & inofficiosa sit donatio: placere revo-

revocari donationem usque ad debitum bonorum subiduum, idest, usque ad legitimam portionem iure naturæ liberis debitam, olim quartam eius portionis, quam futura esset ab intestato succedentibus: *L. Papinianus. §. quoniam, D. de inoffic. test.* hodie trientem, aut semissem pro numero. *auth. novissima, sup. de inoff. test.* Idque indistincte propter liberos quoslibet non tantum post donationem, sed etiam iam ante natos. Et omnino ita ius est de inofficiosa donatione: sed adiecti debuit, tribui istam revocationem inofficiosa donationis non parenti, sed liberis fraudatis donatione, propolita his inofficiosa donationis querela, idque mortuo parente ad exemplum querelæ inofficiosi testamenti. *L. 2. L. pen. L. ult. sup. de inoff. don.* Et quod dicitur in *L. si totas, sup. eod.* donationem inofficiosa, quatenus inofficiosa est, ad patrimonium patris donantis reverti, sic intelligendum est: ut redeat mortuo tantum patri, & ita, si liberi id possint, adicitur enim ibidem, *reverti donatum ad patrimonium patris, sed battenus, ut liberi debitum bonorum subsidium consequantur*: cui subsidio locus non est vivo patre, uti nec querelæ inofficiosi testamenti, cui per omnia similis est inofficiosa donationis querela d. *L. ult. sup. de inoffic. don.* Nihil hoc ius huic constitutioni adversatur, qua tributis revocatio donationis propter liberos, non liberis, sed donatori ipsi vivo, & statim. Hæc vero revocatio, siue omnium bonorum donatio fuit, siue partis tantum: nulli tribuitur, nisi ei qui donavit liberos non habens; ei qui tunc habuit: nunquam, neque propter liberos iam natos, neque propter postea susceptos.

7 Tertium ¶ exigit conditio huius legis, ut patronus donaverit, idest, ut dandi causa sit donatio. Quod eo pertinet: ut si quid vendiderit patronus liberto, si quid cum eo permutarit, si quid denique negotii cum illo extra causam donationis gesserit liberos non habens: sciamus hic nihilomagi infirmari, quod gestum est, quanvis patronus postea liberos suscepit. Atqui donatio in liberum collata non magis confirmatur ab initio voluntate patroni, quam venditio, permutatio, aut negotium quodvis aliud cum liberto interpositum. Cur igitur minus revocentur cætera negotia, si interit patroni, quam donatio? si proponatur patronus ea fecisse, quæ facturus non esset, si liberos haberet? veluti si latifundia quædam paterna vendiderit, quæ si liberos haberet, his

servasset, ut dignitati & nomini familiæ conveniebat. Differentiæ ratio est, quod in cæteris negotiis, ex quibus quid liberto abest, revocari gestum non potest sine damno liberti, cui aut non reddetur, quantum abest, aut si reddetur, eogetur recipere, quod iam ei non expedit. At donatio sine damno donatarii revocatur: hæc enim revocata dici quidem potest donatarius lucrum non facere, seu lucrum, quod prius ex donatione fecerat, non retinere; damnum autem facere dici non potest, quia hic nihil ei abest de suo: est autem damnum patrimonii nostri diminutio. *L. 3. D. de dam. infest.* Porro ut in re, sic & in iure multum interest, amittat quis debita, an sua; an lucra non capiat, ut est in *L. ult. vers. pen. sup. de codic.*

Quartum ¶ est in hac conditione, ut patronus donet omnia bona, vel partem aliquam facultatum, quod ad res universim donatas pertinet. Quid ergo, si donet res aliquas singulas, ut neque donet omnia sua, neque dicat se donare partem certam bonorum, puta dimidium, tertiam, quartam? Nihilominus idem iuris erit, ut susceptis videlicet postea liberis res donationis revocentur: quia & hæc superioribus verbis continentur. Sunt enim & ipsæ pars bonorum, utpote & ipsæ ex honis, & eæ, quibus bona constant. *L. si quis cum tutum, in princip. & §. ultim. D. de except. rei ind.* Unde & illud responsum est, inter legatum partis bonorum, & legatum rerum singularum nihil interesse, nisi quod in legato partis bonorum electio datur heredi, utrum det res singulas, an rerum æstimationem. Sed utrumvis fecerit, semper verum est res singulas, ut bonorum partes, legato contineri. *L. non amplius, §. ult. D. de legat. 1.* Loquitur quidem hæc constitutio de parte non bonorum, sed facultatum. Sed facultates cuiusque & bona idem valent, *L. nam quod, §. ult. iuncta L. cogi, in princ. D. ad Trebell.*

Quintum, ¶ & postremum exigit conditio huius legis, idque vel præcipue: ut patronus qui donavit, liberos non habens, postea liberos suscepit. Ita liberis postea susceptis, si cætera concurrant, donationis revocatio est ex hac lege. Quid ergo, si qui nati erant, iidem deinde vivo donatore decederint, & eo quidem donatore, qui donatione aperte non revocata obierit: an nihilominus manebit revocatio; an vero donatio, quæ agnatione liberorum infirmata erat, sublati postea liberts convalescet? Plerique putant

tant convalescere, cum ob alias causas, tum ob hanc maxime, quod causa huius revocationis cessare videtur sublatis postea liberis: sic autem ius est, ut cessante causa beneficii, cesset & beneficium. Sed verius est, quod & Bartolus recte sentit adversus illud differens in *L. Titia, §. Imperator, D. de legat. 2.* liberis semel post donationem susceptis ab eo donatore, qui liberos non habens donavit, ita donatas res redire ad donatorem ex beneficio huius legis: ut quamvis postea liberi vel statim decesserint, nihilominus convalescat donatio, restituantur in pristinam causam, sed donatum maneat perpetuo penes donatorem. Si verba legis spectamus, propmodum id exprimitur. Volunt enim donatum ita redire, ut in dominio donatoris deinceps maneat. Vetant ergo id ullo casu auferri. Ablatum enim quovis casu, non maneret. Si rationes iuris querimus, hæc sunt complures, quæ rem minime dubiam efficiunt. Primum inest in beneficio huius legis, ut dominium rerum donatarum statim ad donatorem redeat susceptis liberis, ut postea dicitur. Certe iuris est, quod cuiusque factum est, id ab invito domino ad alium non transire. *L. id quod, D. de reg. iur. L. si procurator meus, D. de acqu. rer. dom.* Tum autem ut nihil aliud ex hac lege acquireretur donatori, quam conditio rei donatæ, atque ita post susceptos liberos res maneret donatarii, ut ante; tamen vel hæc ipsa causa satis est, ne confirmetur donatio quovis casu invito donatore. Nam & hoc iuris certi est, actionem alicui semel quaesitam invito eo resolvi, eique auferri non posse. *L. habere, in §. D. de evict.* Positremo eodem beneficio legis efficiunt, ut quemadmodum res redit ad donatorem: sic prius a donatario recedat, unaque & actio omnis, quæ illi eo nomine competierat, exlinguatur. Non minus autem & hæc iuris certi sententia est, actionem semel extinctam eventu non revocari. *L. Mevius, §. duorum, D. de legat. 2. L. qui res, §. arcem, D. de sol. Disputari tamen contra solet: in eoque tria asseruntur, quæ opponuntur superiori sententia, de quibus breviter respondebo.*

10 Primum quod opponitur exemplum testamenti rupti, unde hæc ratio ducitur. Paria sunt, ut videatur, per omnia testamentum agnatione liberorum ruptum, & donatio agnatione liberorum irrita facta. Utrobique enim proponuntur res similiter irritæ factæ: & ambæ irritæ ex eadem causa, puta ob liberos postea natos; illi testatori, hic donatori. At testamentum na-

tis postea liberis rupto, si fidem liberi vivo testatore deinde decesserint, quod prius subtilitate iuris nullum erat, iure prætorio tanquam subdito impedimento, quod prius obstitabat, convalescit. *L. postumus, D. de inoff. rup.* Par est igitur, ut donatio, quæ ex hac lege irrita facta erat ob natos postea liberos, iisdem postea vivo donatore decedentibus convalescat. Sed etiam hæc prima fronte similia videri possunt: multa tamen in his sunt longe dissimilia, quæ & ius illarum rerum in eo, de quo queritur, merito distinguunt. Testamentum, in quo postumus præteritus est, agnatione postumi rumpitur iure civili. Et hoc iure quamvis mortuo postea postumo testamentum non restituitur: quia eo iure nullum est, quod & ipsum in donatione agnatione liberorum revocata servari dicimus. Sed confirmatur testamentum iure prætorio, si mortuus erit deinde, qui natus erat. Merito: quia & potest, & æquum est confirmari his de causis, quarum nulla cernitur in donatione semel revocata. Testamentum nato postumo, qui præteritus erat, rumpitur, sed subtilitate iuris civilis; cæterum re ipsa & natura nihilominus manet. Superest enim semper scriptura eadem testamenti, eadem subscriptiones, atque eadem signa testium; sed & voluntas testatoris. Quare si moriente deinde statim eodem postumo confirmetur a prætore testamentum, mirum videri non debet: est enim quod confirmetur, quod agnatione postumi tolli non poterat. Atque hinc prætoris confirmatio, ut declaratur in *§. non tamen, Inst. quib. mod. test. infr.*

At donatio semel irrita facta ob liberos postea susceptos, in totum ita tollitur ex hac lege, ut nihil inde superest. In totum enim recedit dominium a donatario, & eadem opera ad donatorem redit. Quo fit, ut mortuis postea iisdem liberis, non confirmetur donatio, quia nec potest, quæ nulla est. Præter rem, quæ subest in testamento, est etiam magna causa, cur sublato deinde postumo ipsum confirmetur. Manet enim eadem voluntas testatoris, quæ prius fuerat, & hæc etiam publice interest exitum habere. *L. vel negare, D. quem testam. ap.* In donatione, quæ irrita facta est, omnia contra. Sic enim res ad donatorem redeunt, ut non modo dici non possit interesse, voluntatem donatoris de confirmanda eadem donatione ratam haberi, quod certe dici non potest, etiam si hæc ulla voluntas esset; sed ne hic quidem quidquam proponatur de eius voluntate, cur vellet eas res iterum a se dis-

see-

scedere, & donationem revocari. Invito autem eo donatio confirmari non potest. Nulli enim debet ius suum auferri. *L. 2. D. de his, qui sunt sui, vel al. iur.* Huc accedit, quod cum testamentum sub lato postumo confirmatur, uti fit hoc testatoris voluntate; ita fit & sine cuiusquam iniuria. Cum enim vivo testatore nascitur postumus, simul & moritur, si scriptis testamento heredibus tribuitur hereditas, ea prius nullis admittitur, ut postumo quidem, aut eius heredibus; quia prius nulli quæritur erat, viventis enim nullus est hereditas. *L. 1. D. de her. vel al. vend.*

At donationem semel revocatam ob liberos postea natos, iisdem statim mortuis confirmare sine manifesta iniuria donatoris non possumus. Huic enim per infirmationem donationis res quæsitæ erant, aut conditio: quas res illi adimimus, si donationem confirmamus. Hoc vero neque ius, neque æquitas patitur. Nihil igitur simile in testamento rupto convalescente, cur huius exemplo similiter & donatio in proposito convalescere debeat mortuis iis liberis, quorum agnitione lutercleratur. Obicitur etiam exemplum *L. femina, in fi. sup. de sec. nupt.* Ubi feminae liberos habenti, si transierit ad secundas nuptias, admittit potestas omnis alienandi res a marito priore professas. At lidem liberi si decesserint, reddit alienandi potestas. Dicamus igitur, inquit, hoc idem in donatione, ut si auferatur propter liberos, iisdem postea de medio sublatis restituatur. At quam nihil est in hoc exemplo simile? Non enim feminæ superiori admittit illarum rerum alienatio sub conditione, si liberos habere coeperit, aut si liberos quandoque habuerit; sed ad tempus, quamdiu habebit liberos. Proinde iisdem verbis legis illi conceditur, si liberos habere desierit. Non sic revocatur in proposito donatio; sed hac conditione, si liberos postea susceperit. Quæ conditio impleta sine ulla præfinitione temporis & in perpetuum revocat donationem. Sed præcipue moventur quidam illa ratione, quam supra attigimus, causa beneficii cessante, cessare & beneficium, sicuti & natura in omnibus rebus accidit, ut sine causa non sit effectus. *L. in omnibus causis id observatur, D. de reg. iur.* Hoc enim positum ita assumunt: at donatio in proposito revocatur propter liberos postea susceptos, atque his postea mortuis cessat causa revocationis. Quo efficiatur & his mortuis deficere beneficium legis, eoque & convalescere donatio.

Tom. IX.

tionem, quæ prius agnitione liberorum irrita facta erat. Et puto nil verius dici in universum, quam causa cessante cessare effectum. Sed si falsum est in proposito causam beneficii huius legis cessare, si liberi, qui postea suscepti erant, decedat deinde vivo donatore. Causa enim revocationis hæc est inter cætera: quia liberi postea suscepti sunt. Hæc causa semel impleta cessare, aut deficere non potest. Quotumvis enim vel millies, si fieri posset, liberi postea decesserint: tamen semper verum erit liberos a donatore fuisse susceptos; nec quominus ita suscepti sint, ullo eventu potest fieri, facta enim infecta fieri non possunt. *L. in iure, §. facti, D. de capr.* Desinere quidem possunt esse liberi; ut susceptos eos esse, quæ huius revocationis causa est, nunquam verum esse desinet. Stet igitur hæc sententia: Si patronus liberos non habens aliquid de bonis suis libero donaverit, & is postea susceperit liberos, sic donationem infirmari, & donata ad donatorem redire, ut cum redierint, perpetuo maneat, quisquis erit liberorum eventus. Causam beneficii huius legis habemus beneficium quale sit, videamus. Id continetur his verbis: *totum quidquid largitus fuerat, revocatur in eiusdem donatoris arbitrio ad ditionem mansurum.* Quo indicantur hæc tria: cui tribuitur hæc revocatio; quantum revocatur, & quo iure, quoque effectu.

Tribuitur ergo revocatio donatori, ad quem donata redeunt, non item liberis postea susceptis: ut intelligamus, etsi liberi postea suscepti huic revocationi causam præbeant, nihil tamen illorum causa constituit: certe nihil his tribui, sed tantum patri donatori, qui hac lege donavit, ut datum redderetur, si liberos postea susceperet, quæ conditio existit liberis susceptis, de quo mox plura. Sequitur igitur, ut si liberi ratam habeant donationem, siue non habeant, & siue vivant, siue moriantur, nihilominus donatori revocatio statim competat, & semper: quorum utrumque diversum est in revocatione inofficiosa donationis, quippe quæ liberorum causa constituta est, non donatoris.

Edemque si ista de causa est beneficium huius legis ob susceptos postea liberos, totum revocatur, quod donatum est: non ut in inofficiosa donatione, tantum, usque ad debitum liberis bonorum subdium. Sed de hac dissimilitudine dicam paulo post plenius, ubi locus incidet istas species distinguendi, ne ius de una constitutum videatur alterius iuri adversari.

Eccce

Nunc

Nunc tantum indicare satis est, ne frustra videamur monere, donatori hic consuli, & simul eodem beneficio totum revocari.

- 74 Revocatur ꝑ autem hic donatio ipso iure, idest, ita ut sine facto donatarii, itemque donatoris dominium donatario recedat, & ad donatorem legis huius beneficio transeat. Id enim dicimus existeret. Ipso iure, quod exstitit iure solo, sine opera cuiusquam. §. *sui. Inst. de hered. quæ ab int. def.* Duo priora verbis huius legis expressa sunt, ut non egent probatione. Tertium non est expressum, sed tantum significatur illis verbis; *donatum reuertatur in donatoris arbitrio ac ditione mansurum.*

- 85 At ꝑ dubitari potest de verbo *revertendi*: nam quæ a donatario redduntur donatori, non male, opinor, dicantur reverti: uti & quæ traduntur alii a domino; dicantur transire. *L. id, quod nostrum. D. de reg. iur.* Cui ergo ex his verbis dicamus donata redire ad donatorem statim & ipso iure: ex eorum verborum significatione amplius cognoscendum est. Ex vero reverti proprie id significat. Ut enim ipse dicitur proprie, qui per se it: qui autem alieno facto, magis dicitur aut agi, aut ducti, aut ferri, vel portari: *L. 1. D. de ser. rust. prad. L. ferri. D. de verb. sig.* ita redire & reverti dicantur, quæ per se redeunt; quæ autem aliena traditione, magis transferri, aut reitari, reddere. §. *per traditionem. Inst. de rer. divis.* Atque hic fere huius verbi usus est in iure: ut cum dicimus bona a patre in filium familias profecta ad patrem reverti: ubi significatur, hæc bona ita reverti ad patrem, ut etiam maneat in dominio eius ipso iure. §. 1. *Inst. per quas pers. nob. acq.* Item cum dicimus, aditio sublatum, quod in litore positum erat, locum in pristinam causam reverti: *L. in tantum, in pr. D. de rer. divis.* ut intelligamus locum fieri publicum ut ante, sua sponte, sine cuiusquam facto. Quare ex hac significatione & hoc caveri in hac lege intelligendum est, ut totum quod donatum est, donatarii esse desinens, statim ad donatorem transeat iure ipso sine ulla donatarii restitutione, aut donatoris possessione. Didicimus enim a proprietate verborum recedendum non esse, nisi manifestum sit aliud sensisse scriptorem. *L. non aliter, in pr. D. de legat. 3.* Id amplius verba sequentia confirmant in *L. si unquam*: addit enim lex, *revertatur in arbitrio donatoris ac ditione mansurum.* Et dicuntur esse arbitrii & ditionis nostri, quorum arbitrii & mo-

deratores sumus, æque autem sunt res nostre, seu quæ sunt domini nostri. *L. in re mandata, sup. de mand. Vult* ergo lex sic donata ad donatorem reverti, ut sine in dominio viventis, & maneat: neque enim manere possunt, nisi quæ prius pervenerint. Vult igitur statim redire, nec donatarii factum, aut restitutionem desiderari. Nam si hanc expectamus, sæpe eveniet, ne res donatæ post susceptos a donatore liberos, subleantur dominio donatoris, nedum in eius dominio maneat, Multis enim modis accidere potest, ne ei viro restituantur, vel quod ante mortuum sit, quam reperiret, vel quod ante mortuum, quam reperiret redderetur. Et ita *revertendi* verbum, & beneficium huius legis vulgo recte acceperunt. In quo ius singulare: revocationis notandum est. Nam quæ ita donantur inter vivos, ut sint accipientis, si revocata donatione restitui debent: ita revocatur donatio, ut non aliter rursus fiat donatoris, quam si ei reddita sint, & tradita a donatario: iuxta regulas iuris, quæ ad transferendum dominium ad eum, qui dominus non erat, & voluntatem prioris domini exigunt, & traditionem, quæ res in possessionem novi domini veniat. *L. id, quod nostrum. D. de reg. iur. L. traditionibus. C. de pass.* Beneficium est igitur, & quidem singulare, contra rationem iuris communis donatori in hac specie tributum. Cui locum fecit persona donatoris. Observandum est enim id tribui patrono adversus libertum, quod non item tribueretur in simili revocations aliis donatoribus. Hoc si iure patito, consequens est id, quod 16 Accursus sine probatione quidem, vere tamen scripsit ad hanc legem *in fine*, donatori patrono post liberos susceptos & actionem in rem competere, & conditionem: illam, quæ vindicet res donatas a possessoribus; hæc, quæ condicet rerum donatarum possessionem a donatario, eiusque heredibus. Vindicationem esse certum est, hæc enim omnibus dominis competit, *L. in rem. D. de rei vind.* Posuimus autem donatorem iam inde a liberis susceptis retro dominum factum esse ipso iure. De conditione patet dubitari, propterea quod ita traditur, neminem rem suam condicere præterquam a fure. *L. ult. D. usus, quem cau. §. sic itaque. Inst. de off.* Et sane res ipsas donator, idemque dominus condicere non potest, ut sunt eas, quæ iam satis eius sunt. Sed potest condicere rerum possessionem quæ eius non est, quippe quæ ad eum, nisi naturali apprehensione pervenire non potuit. *L. 1.*

L. 1. L. 3. in pr. & cum heredes, in pr. D. de acq. pos. Deque ea re ita ius est: quoties dedi tibi, quod necesse habes iure mihi reddere, si dominium in te translatum non est, puta quia rem alienam dedi; aut translatum quidem dominium, sed quod apud te esse desiit, ut in propofin: toties mihi conditio competit, saltem ut possessio reddatur: ut de re indebita soluta, quæ aliena erat, responsum est in *L. indebiti, §. 1. D. de cond. ind.*

17 Est tamen & hic illa dubitatio. Est enim conditio actio in personam. *L. actionum, D. de obl. & act. §. sic itaque Inst. de act.* Quod si in personam, etiam ex obligatione: cum non sit in personam actio, nisi adversus eum, qui nobis obligatus est. Dicta *L. actionum, §. 1. Inst. de act.* Quod si qua hic donatarii obligatio est ad possessionem rerum reddendam, necesse est ex una aliqua earum causarum nasci quas ius agnoscit, contractus, quasi contractus, maleficio, aut quasi maleficio. Ex qua igitur volumus? Constat hic nullum esse maleficiam, aut quasi maleficiam donatarii. Nec quasi contractus quidem intelligi potest in ea re, quæ communi consensu gesta est inter aliquos, unde & obligatio oritur: qualis est donatio, quæ proponitur. Relinquebatur igitur ad conditionem in proposito contractus. At nullus contractus sine consensu de ea re, de qua agitur, *L. 1. §. 1. D. de pass.* ubi autem ille consensus de re susceptis postea liberis restituenda? ubi res simpliciter & sine ulla conditione restituendi data est? Sed ne dubitemus obligationem hic esse ex contractu & negotio gesto: idque ideo, quia ex conventionione & consensu. Est enim hic conventio inter donantem patronum, & libertum accipientem interposita: tacita illa quidem, attamen conventio, quam hæc lex admittit. Id ita esse sic intelligere possumus. Aut enim obligatio ad reddendam possessionem constituta est hac lege propter liberos ipsos; aut si quid est causæ extra liberos, necesse est causam esse in voluntate donatoris, qui hac mente & lege dederit, ut si liberos postea susciperet, sibi donata restituerentur. Propter liberos solos non esse constitutam hanc revocationem, non difficile est intelligi ex constitutione: alioqui enim aut tribueretur revocatio liberis, non donatori; aut si donatori propter liberos tribueretur, non tantum propter liberos post donationem natos, sed etiam propter eos, qui tempore donationis nati essent, quorum utrum-

Tom. IX.

que lex non vult. Restat igitur, ut intelligamus causam revocationis esse in tacita mente & cogitatione patris ideo donantis, quia liberos non haberet, ac si haberet vel tum, vel postea, donatum noller. Ex quo intelligitur ita donasse, ut donatum maneret, velut ob causam, si liberos non susciperet: quod si susciperet postea, velut causa non secuta, vellet donatum ad se reverti. Estque hæc coniectura voluntatis maxime probabilis, eademque recepta iure in persona patris, ut exillimeur in liberali erogatione bonorum suorum nolle extraneis liberis suis antepone. *L. cum acutissimi, in fin. sup. de fideicom.* Nondum satis ad conventionem, donatorem hac mente fuisse, ut sibi donatum reddi vellet, nisi & donatarius eadem lege acciperet. Est enim conventio non unius voluntas, sed donum plurimave consensus. *L. 1. D. de pass.* Sed etiam convenisset tantum, ut res redderetur, non tamen efficeret hæc conventio, ut causa non secuta dominium ipso iure rediret ad donatorem; sed ut obligaretur tantum donatarius ad reddendum. Hic ergo constitit beneficium huius legis, duo patrono donatori tribuens. Primum, ut eius mens & voluntas de infirmam donatione si susceperit liberos, rata sit: perinde quasi eam legem dixerit donationi, liberos autem eandem legem accepit: nam hoc nisi sit, nulla est donatoris revocatio, *L. si rependi, C. de cond. ob caus.* Alteram, ut videatur patronus ita legem dixisse, ut susceptis postea liberis non redderet donatum, sed pro non donato haberetur, atque hoc modo ad donatorem rediret: liberos autem in hanc ipsam legem consensisse. Utrumque recte præsumptum ex conditione personæ eius, qui accepit, liberti. Est enim, cur estimetur liberos pro officio idem consensisse, & concessisse patrono, propter honorem & affectum, quem debet cum patrono, tum liberis eius. Tacita igitur hic conventio inter donantem & accipientem lege confirmata. Unde & obligatio huius generis ex contractu, quia ex consensu. Non enim quia conventio tacita est, comminus valet, quam expressa. *L. 4. D. de pass.* Et quoniam donatarius obligator hic ad reddendum: apparet com re obligari, qui ideo obligator, quia prius rem acceperat. *§. 1. Inst. quib. mo. re cont. obl.* Ex quo conditio donati quam hic quærimus, nunquam dat ob causam causam non secuta.

Cognita sententia legis de beneficio revocationis, quod hic propter liberos po-

Eeeee 2

stia susceptos tribuitur donatori patrono, superest, discutiamus diligentius, utrum ex hac lege, aut nullo alio iure idem tribuatur, aut tribuendum putemus donatori extraneo. Vulgo, ut dixi, invaluit hæc sententia vetus, legem hanc ad omnes donatores etiam extraneos pertinere: ut quisquis liberos non habet, si donet, & postea susceperit liberos, eodem iure donata ad eam revertantur. Et quidem ita accepta est hæc sententia iam olim etiam a Bartolo, ut ne in eam quidem ille inquirendum putaverit: obique videlicet eam pro explorata fumens, & ad eam reliquas quaestiones & responsiones suas accommodans, maxime ad *L. Titia, §. Imperat. D. de legat. 2.* De qua prius, quam dico, pauca præfator: si alicubi translata sit hæc opinio in mores, aut legem scriptam, non esse ius iniquum, & ut reliqua iura servandum esse. *L. 2. L. de quibus, D. de legib.* Sed & si sint aliquæ præfecturæ, aut aliqui magistratus, qui contrariam sententiam omnino non audiant: suadendum est, non esse temere suscipiendam defensionem eius rei, quæ obtineri non potest: præsertim ubi amissa causa sequatur periculum famæ cum damno litis coniunctum. Sed † si nobis res sit apud eos magistratus, qui patiantur se regi iura communi, & vincti rationibus, & queritur, quid hic statuendum sit ex iure civili, & Pontificio: sine hesitatione contendo nihil minus verum esse, quam donationem perfectam ab eo, qui liberos non habuit, revocari liberis ab eo postea susceptis: excepto solo patrono donatore, de quo ius singulare hic constitutum est. Id ut certius liqueat, paulo pluribus demonstrabo, omnia, in quibus sit aliqua auctoritas iuris, reclamare. Primum ipsam hanc *L. si unquam*, maxime: tantum abest, ut ex ea poruerit, aut debuerit colligi illa sententia. Secundo loco ius commune in universum, cuiusque regulas. Tercio optimam sententiam Augustini de hac specie diserte contra scriptam, quæ & ipsa pro iure accepta translata sit in ius Canonicum, & quoddam in eo fuerit etiam ius civile, dilucide ostendit. Omnia tamen hac lege: ut si forte apud aliquos hanc sententiam non obtinebimus, non idem his supervacua sint ea, quæ supra de reliqua sententia legis differimus: sed pariter eos adiuvent, ut quæ ad omnem donatorem, cui ex hac lege revocandæ donationis potestas est, ex æquo pertineant. Volunt autem illi ad omnes donatores sententiam huius legis porrigi: quod nunc negamus. Iam ergo ad id refellendum,

ut institui, quia minore cum damno id futurum est, libentius accedo.

In primis, ut proposui, refragantur † manifeste verba & ratio huius legis, quominus exilimetur hoc beneficium pertinere ad donatores extraneos. Primum, ut nihil sit aliud, lex de patrono donatore, & liberto donatario tantum loquitur. Non enim ita scripta est: *si quis cui donaverit*, sed nominatim, *si patronus libertis donaverit*. Hæc interpretatio in huiusmodi legibus apud omnes iuris auctores pro certa recepta est: Quoties lex de certis personis tantum loquitur, quibus aliquid beneficii tribuere voluit, legem ad alias personas non pertinere. *L. si vero, §. pen. D. sol. mat. quem dos pet. L. quod constitutum D. de test. mil.* Quare quod patrono tantum nominatim hic tribuitur, non potest ex hac sententia noo videri denegatum cæteris donatoribus. Quæ ut interpretatio a nullis veterum constituta esset; tamen manifesta ratio suadet legem ita accipi oportere. Est enim hæc in primis præceptis legum omnium, semper legem ita accipiendam, ne sit supervacua, aut inepta. *L. 5. in fi. D. de captiv.* quia scilicet aliter prædientia legislatorum non convenit. At si *L. si unquam* sic accipimus, ut pertineat beneficium legis ad omnes donatores: non tantum supervacua, sed etiam inepte refertur constitutio ad certam personam patroni. Cor enim nominatim de patrono tantum dicitur, quod æque ad omnes pertinet? præsertim cum ut verius, sic & facilius dici poterit hoc modo: *si quis cui donaverit*, quam *si patronus libertis donaverit*: Sed quo magis ex his verbis id dicamus, hoc accedit, quod lex de patrono tantum non simpliciter loquitur, ei superius beneficium tribuens; sed ita, ut tribuat ei beneficium nominatim sub conditione, si unquam patronus libertis donaverit. Nihil est certius, quam quod supra posui: in omnibus legibus, in omnibus scriptis atque conventionibus, quod sub conditione datur, sub contraria conditione adimi, & contra quod admittit sub conditione, sub contraria conditione dari. *L. quibus §. 2. D. de cond. & dem. L. 1. ver. huius, D. de off. eius. L. si procuratorem. §. si ignorantes, in fin. iuncto §. sequent. D. mandati, L. precuniam, D. si cer. prs.*

Quare hac conditione tributa revocatio, si patronus donaverit, non potest ex his verbis, quin sub contraria conditione denegari intelligatur, si patronus liberto non donaverit, idque etiam, ab istis, qui dissentiant, admitti necesse est, vel ipsis aucto-

auctoribus, si modo sibi consent. Cur enim vulgo volunt non infirmari donationem, si donator liberos habens donaverit? nempe quia hac lege infirmatur sub conditione, si liberos non habens donaverit. Ex quo intelligitur sub contraria conditione donationem statui. Item cur volunt donationem, permutationem a patrono itam cum liberis non revocari ob liberos postea susceptos, quia revocatio huius legis est sub conditione, si patronus donaverit. Unde intelligatur sub contraria conditione cætera excludi. Postremo cur volunt non liberis ante donationem natis, at liberis postea susceptis donationem revocari: cum potius convenire videretur, ut quod tribuitur oatis postea liberis, idem tribuatur citius iam natis & superfuturis? non ob aliam causam, quam quod cooditio hac erat, si patronus postea suscepit liberos: qua conditione deficiente occellit est revocationem denegari: quod nihil aliud est, quam denegari sub contraria conditione. Concedant igitur oportet ex eadem hac sententia sua, beneficium huius legis non tribui extraneis donatoribus quia hac quoque conditionis legis pars sit, si donaverit patronus liberis: ipsi autem in reliquis partibus conditionis consentiunt, quod sub conditione constitutum est, sub contraria denegari. Si ratio legis queritur, non minus & hac adversatur sententiæ superiori: neque enim eadem est conditio extranei donatoris & donarii: patroni donatoris & liberti. Sed de hac ratione dicitur opportunius infra in iis, quæ pro ista sententia afferri solent.

30 Venio t ad alias partes iuris, de quibus pariter constabit, non minus eas in niversum eidem sententiæ refragari: in quibus hæc sunt. Quæ ab soltio recte gesta perfectæque sunt, eventu non infirmantur, quanvis in eum casum incidere, a quo incipere non poterant: multoque minus, si incident in eum, a quo poterant incipere. *L. in ambiguis, §. 1. De de reg. iur. §. furiosi, Inst. quib. non est per. fac. test.* Donatio quæ proponitur, inre perfecta est, nulla nominatim conditione addita repetendi. Quocirca nullo eventu liberorum postea susceptorum infirmari potest: præsertim cum liberis susceptis extiterit ille casus, a quo donatio incipere ita poterat, ut non metueret donatarius revocationem: nam si donator liberos habens donasset, effectum est donationem revocari non posse. Item, quæ consensu donorum plurimumve geruntur, ad ea gerenda liberam est cuique

Tom. IX.

accedere, aut non accedere. Re autem confesso semel contracta & perfecta, nulli contrahentium licet ab ea recedere invito adversario. *L. sent, sup. de obl. & act.* Merito: est enim regula naturæ, quæ dicat, nulli ius suum detrahendum. *L. 2. D. de his qui suis sui, vel alien. iur.* qua eadem efficitur, actionem alicui semel quesitam ad res acceptas persequendas, aut exceptionem quesitam ad res retineandas nulli auferri posse. *L. habere, in fi. D. de evict. L. ult. D. de pass.* Proinde nec poterit auferri donatori in proposito, postquam res donatæ simpliciter in eum translate sunt. Hinc superior regula cum in aliis negotiis omnibus tum maxime in donationibus obtinet: de qua hæc nota est, & crebro usurpata inris certis sententia, semel perfectam donationem, cui lex ab initio dicta non sit, revocari non posse. *L. cum ancillam, L. si repetendi, Cod. de cond. ob caus. L. 3. L. 6. sup. de revoc. don.* Una exceptio est in donatione, ois sit in illa aliqua causa donationis revocandæ. Hanc enim ob ingratitudinem donarii revocari posse constat. *L. ult. & tot. tit. hic.* non alia ex re, quam quod hæc revocationis iusta causa habita est, ingrati donatarii. Sed tamen revocandi iustam causam semper subesse oportet. At ubi extraneus donator liberos suscepit postea, nulla huiusmodi causa est ad donationem revocandam. Erit enim hæc causa aut in donatario, aut in donatore aut in liberis postea susceptis. Nihil horum est. Non est ulla omnis in donatario, quia nihil admittit, quamobrem donatum amitteret, ut sit, cum donatarius se ingratum præbuit. Non est in donatore, qui simpliciter donans nihil ostendit, cur vellet aliquo casu donata ad se reverti. *L. r. D. de don.* Et ut forte apud se fuisset hoc animo, ut vellet aliquid sequi, quo non secuto nollet donatum manere: tamen nihil hoc ei prodest ad revocationem, nisi nominatim eam causam & conditionem adiecerit donationi: placetque non propterea donationem revocari posse, ut diserte traditum est in *d. l. si repetendi, sup. de cond. ob caus.*

Non est etiam causa ad revocandum in liberis postea susceptis. Nam si nati sunt factio donatoris, utpote ab eo pro creati, oemo factio suo actionem exceptionemve alteri quesitam potest ei auferre, aut mutare: *L. debitorum, sup. de pig. & generaliter nemo alterius conditionem potest deteriore facere. L. solvendo, D. de reg. gest. L. non debet alteri, D. de regulis iuris.* Sed & propter liberos so-

Eccc 3

tum

lum non revocari donationem ex hac lege, hinc facile intelligi potest, quod lex revocationem solum dat ob liberos postea susceptos: & ei, qui tunc cum donabat, liberos non habuit. Quod sane futurum non erat, si lex in eo habuisset rationem liberorum. Nam aliqui idem tribuisset & natis iam ante, quibus ut filiis non minus consuli oportuit. Fortasse etiam magis propter prærogativam nascendi. Adde his ex iure communi exemplum legatorum, quod superioriorem sententiam perspicue refutat. Constat facilius revocari legatum voluntate testatoris, quam donationem voluntate donatoris. Nam legata pendente ex antea testatoris voluntate, eaque ambulatoria usque ad ultimum vitæ spiritum: quamobrem & sola voluntate testatoris etiam tacita revocantur, *L. 3. in f. l. 4. D. de ad leg. Donatio* quoniam duorum consensu constat, non potest donatoris voluntate revocari invito donatario, *d. l. scilicet, sup. de obl. & all.* Atqui legatum ipsum propter liberos postea a testatore susceptos non revocatur: finge aliquid relictum codicillis ab eo, qui liberos non habebat, deinde postulum natum: placet nihilominus legata deheri ab intestato: *L. ab intestato, D. de cod. sine testamentum factum præterito postumo, aut liberis iam natis*, quos puabat pater mortuus. Placet ad eos liberos, qui postea existent, sic hereditatem pertinere infirmato testamento: ut nihilominus legata eo testamento relicta debeantur: *auth. ex causa, sup. de lib. prat. vel exh. l. ult. D. de her. inst.* quo fit, ut nihil eorum propter susceptos postea liberos revocetur. Multo ergo minus liberis post donationem donatori natis propter eos revocabitur donatio. Sive enim queritur facultas revocandi in eo, qui legavit donavit: hæc plena est & libera est in testatore legante: sive revocandi voluntas: multo plus tribuitur supremæ voluntati, quam viventium. *L. 1. sup. de fac. ecc. l. vel negare, D. quem test. ap.* Quare si is, qui cum vult legatum revocare, potest, non intelligitur tamen revocare, si ei postea liberi nati sint, qui & sint heredes: multo minus existimandus est revocare donationem ob liberos postea susceptos, qui etiam si velit, id facere solus non potest.

- 11 Tertio loco existat de hac ipsa specie, quam tractamus, sententia Augustini, quam si audimus, omnis questio tollitur. Existat autem in *c. ult. 17. q. 4.* ibi inter alia hæc verba sunt: *Quam laudabile factum fuisse Aurelii Carthaginensis Episcopi.*

Quidam enim cum filios non haberet, nec speraret: res suas omnes retento sibi usufructu donavit ecclesie: nati sunt ei filii nec opinanti. Agnosceamus per omnia ipsissimam speciem, de qua nunc queritur. De iure ita subiicit: *reddidit episcopus ea, quæ ille donaverat. In potestate habebat episcopus non reddere, sed iure fore, non iure poli.* Hactenus ille, quod ad hunc locum pertineat. At igitur in specie proposita susceptis postea a donatore liberis, non eo magis donatarium cogi reddere, eoque nec ad donatorem reverti, id, quod volumus. At quo iure? iure fori, inquit, idest, eo iure, quo in foro utuntur, idest, iure publico, legibus, constitutionibus, moribus: hæc enim sunt iura, quæ inheret quivis iudex in foro observare. *Instit. de off. iud. in princ.* Si queritur, an hæc sententia pro iure habenda sit: non potest dubium esse apud eos, qui iuri pontificio iuris publici auctoritatem tribuunt, quod faciunt si fere, qui sententiam illam vulgarem defendunt. Nam sententia Augustini superior in ius canonicum relata est. Sed tamen dicent aliter iure civili casum, nec posse in hæc re ius Pontificium iuri civili derogare: idem de iure civili hic querendum esse. Agnosco vere dici, ac volo etiam sententiam Augustini in hac re esse accepi, ut sit tantum privati hominis sententia, quæ ipsa per se pro iure non valeat. At certo illud tenebimus, saltem haberi eam dehere pro idoneo & vero testimonio, quo ille testatur iure civili, & publico non revocari donationem donatori extraneo ob liberos ab eo postea susceptos, quanvis tunc, cum donabat, nullos habuerit, nec sperarit. Nam Augustinus etiam iuris doctrina eruditus fuit, ut multa eius scripta indicant. Sed eo non moveor. Eilo, non fuerit ille iuriconsultus: at quod inter omnes ductos & pios convenit, vir fuit præter eximiam doctrinam, summa tunc pietate, tum prudentia præditus: fecit pietas, ut nollet mentiri: prudentia, ut nollet temere affirmare, quod uesciret, quod esset summæ utilitatis. Hinc intelligi volumus, Augustinum, cum superius illud scripsit, aut ipsum per se cognovisse, ita ius esse: aut si ius non didicerat: iuriconsultos sui temporis eruditos consuluisse, a quibus intelligeret, quid de ea re in foro servaretur, atque id ius pro certo accepisse. Quæ res declarat fuisse hanc illius temporis iuriconsultorum receptam sententiam. Ex qua etiam intelligimus statuisse eos donationem propter liberos postea susceptos non tantum non revocari iure

alio quovis communis; sed nec *L. si unquam*, de qua præcipue quaeritur: siquidem ea iam multo ante edita tum in usu erat. Est enim lex Constantii. Augustinus autem vixit temporibus Theodoli prioris & posterioris, qui longo post tempore secuti sunt Constantium. Quæ cum ita sint: res, mihi dubitationem habere non videtur, quin in donatore extraneo, qui liberos non habens donavit, non revocetur donatio propter liberos postea susceptos: præterquam sit inofficiosa donatio, de qua postea nonnihil dicemus.

Reliquum est, ut quæ contra asseruntur ad defensionem vulgaris illius sententiae, cognoscamus: de quibus iam dicam, & sigillatim respondebo. Et primum ac præcipuum firmamentum eius sententiae illis positum est in hac *L. si unquam*, quæ & id ipsum statui volunt. Atqui iam ante satis ostendimus non modo id ex verbis non colligi, sed etiam verba aperte reclamare. Et tamen de verbis non negant id verbis non exprimi, quod & ipsum negari non potest. Est enim lex nominatim scripta de patrono donatore, & libertis donatariis. Sed dicunt effici legis sententia. Sententiam enim intelligi ex ratione legis: hanc autem eandem esse in extraneis donatoribus & donatariis, quæ in patrono donatore & donatariis libertis. Porro in quibus causis eadem ratio est, in his etiam ius idem statui debere: quia lex id senserit, *L. illud*, *D. ad L. Aquil.* De hac vero ratione & collectione duo respondemus: primum verum non esse eodem esse rationem legis in extraneis donatoribus & donatariis, quæ in patrono & libertis: deinde ut esset eadem, tamen valde errari, cum quod patrono singulari iure hic tribuitur, transferretur & producat ad alios casus, quovis similes. Primum hoc faciemus, communia hæc esse patrono cum extraneo donatore in specie proposita, quod tam extranei donatores, quam patronus donare possunt liberos non habentes, & postea suscipere liberos. Sed hoc dissimile est, quod in donatione patroni donator est patronus, donatarius libertus; in donatione extranei, uterque extraneus, & qui donat, & qui accipit. Non est vera eadem conditio istarum personarum; ne ratio quidem in his eadem, sed longe diversa: non dico aliis in rebus, sed in ea ipsa, de qua agitur.

Extraneus quidem donator liberos non habens si donet, existimari potest hoc animo esse, ut libris susceptis, si forte fuscipiat, redeat donatum, non minus, quam patronus donator; quia ambo sunt

patres: proinde paterno, idest, eodem affectu erga liberos. Sed inter donatarios hoc interest, quod libertus a patrono accipiens, videtur eadem lege accipere, quæ patronus pro affectu donare intelligebatur: nimirum ut natis postea patrono libris reddat donata: quod de extraneo donatario dici non potest, atque hic constitit differentiam ratio manifesta. Ut libertus donatarius videatur eadem mente esse, quæ patronus in donatis reddendis, facit conditio personæ duabus de causis. Primum libertus propter beneficium manumissionis omnem honorem debet patrono; nec tantum patrono, sed eius libris. *L. si quis a lib. §. utrum D. de agn. lib.* Hoc honori convenit, ut patrono desideranti velit libertus præstare omnia, quæ potest sine damno suo, alioqui ingratus futurus. arg. in *L. ingratus, D. de iur. pat.* At desiderante patrono donata ad se redire, potest libertus ea reddere sine damno suo: nihil enim hic de patrimonio suo deminuit, qui accepta reddit. Tum autem præter honorem etiam bona ipsa sua propria debet libertus patrono, cum lex exigit. Nam patronum egentem alere debet de suo: debet & liberos patroni egentis. *d. L. si quis a libris, §. solent, & §. utrum, de agn. lib.* Item & moriens libertus bona sua relinquere debet patrono certis conditionibus. Etiam intestati bona ad patronum, eiusque liberos certis item conditionibus redeunt. *§. sed nostra, Inst. de suc. lib.* Qui sua propria patrono largiri debet, cum opus est, non mirum, si reddere debet ea, quæ sunt profecta a patrono, cum res postulat, & voluntas patroni: quod fit, cum patronus liberos non habens donavit, & postea liberos suscipit. Nihil simile in donatariis extraneis, qui neque honorem donatori extraneo debent, qualem liberti patrono; & multo minus illi debent bona, quem neque egentem alere necesse habent, neque morientes heredem facere. Perspicuum est igitur non esse in his eodem rationem, quæ ut in libertis foveat eos donata reddere debere donatori extraneo, quovis libris postea a donatore susceptis.

Sed tamen concedimus eandem rationem esse in omnibus qui donant liberos non habentes, & qui ab his accipiunt; jamen ratio iuris prohibet, quominus quod hic patrono tribuitur, transferatur ad alios, etiam in quibus par videri possit causa. Certi iuris regula est, quod contra iuris rationem receptum est, non esse producendum ad consequentias. *L. quod vero, D. de*

D. de legib. L. quod contra, D. de reg. iur. c. quæ a iure, ext. de reg. iur. Cuius hæc sententia est, quæ constituta a iure communi recedunt (sic enim explicatur in *d. c. quæ a iure*), ea non sic esse producenda ad alios casus: ut dicamus, quia proponuntur ii casus, in quibus forte eadem ratio sit, ideo consequens esse, ut in his idem admittatur. At beneficium, quod hic tribitur patrono, est huius generis, atque adeo bis singulare ius habet, constitutum adversus manifestam rationem & formam iuris communis. Illud primum, quod conceditur revocatio donationis saltem ob id, quod donator postea liberos suscepit: constitutum adversus certas iuris sententias, quibus efficitur, quæ recte ab initio gestæ sunt, & præsertim quæ duorum consensu constant, non infirmari ullo eventu invito adversario, quemcumque in casum reciderint, ut supra ostendimus. Ex maxime id receptum est in donatione, cum donationi nulla conditio repetendi adiecta est. *L. si repetendi, sup. de cond. ob caus.* Præterea & illud singulare in hoc beneficio, quod placet donatum redire ad donatorem ipso iure: quo continetur, ut & recedat dominium rerum donatarum ab invito donatario sine facto eius, & transeat ad donatorem sine traditione. Utrumque adversus regulas certi iuris: prius adversus *L. id quod nostrum, D. de reg. iur.* postea adversus *L. traditionibus, supra, de pact.* Quæ cum ita se habeant cum in verbis, tum in ratione ac sententia *L. si unquam*: erepra est, ut fallor, omnibus facultas superiorem sententiam ex ea lege defendendi.

Sequitur alterum argumentum eius sententiæ sumptum ex *L. si totis, sup. de inoff. don.* ubi proponitur pater omnia bona sua contulisse in filios emancipatos, quos iam tum habebat: cumque illi postea nati essent alii filii, vel nepotes: placet donationem revocari, ut qui postea nati sunt, debitum bonorum subsidium, idest, legitimam consequantur. Sed hoc dictum est de inofficiosa donatione quod ad revocationem *L. si unquam*, nihil pertinet. Et ideo illic revocatur donatio, quavis is, qui donabat, liberos tum habuerit, & revocatur usque ad legitimam domtaxat. Quorum utrumque in beneficio *L. si unquam* contra sit: nam & hic cessat revocatio, si quis liberos habens donavit; & cum revocationi locus est, revocatur totum, quod donatum est, non pars tantum. Quod eo pertinet: ut si donatio erit inofficiosa, semper revocetur ex

ea causa ad legitimam liberorum. Est autem inofficiosa, quæ nec legitimam patrimonii relinquii liberis: quod fit, cum olim excedebat dodrantem debite ab intestato portionis, nunc hæsem, aut semilem pro numero liberorum. Hunc modum, inquam, cum donatio excedit, quatenus excedit, revocari potest a liberis: quisquis erit, qui acceperit, sive liberis, sive extraneis: nec intererit liberos habuerit donator, cum donabat, an non habuerit: ac ne illud quidem, quoniam sint liberi, an qui tempore donationis iam nati erant, an qui sunt nati postea. Quod si donatio consistet inira eum modum, eoque inofficiosa non erit, ut iam una sit revocandi causa in liberis; non revocabitur ex *L. si unquam*, ne propter liberos quidem postea susceptos, si donator erit extraneus, sive is iam ante habuerit liberos, sive tum non habens postea suscepit.

Non sunt hæc contraria. Nam † inter revocationem ex hac lege, & revocationem inofficiosa donationis multum interest in omnes partes, sive causa revocationis spectetur, sive ipsius revocationis ius & conditio. Causa revocationis longe dissimilis, eaque dupliciter. Nam ex *L. si unquam*, quavis non sit inofficiosa donatio: revocatur tamen ob liberos postea susceptos, dum is qui donavit, non habuerit liberos, cum donabat: nec refert, quantam partem bonorum suorum donaverit, magnamne, an minimam. Ex causa inofficiosa donationis revocatio nulla est, ut apparet, nisi prius inofficiosa posueris. Item ex *L. si unquam*, ita est revocatio donati ob liberos postea susceptos, si donator tum, cum donabat, liberos non habuerit: quod si habuit, neque propter iam natos revocatur, neque propter eos, qui postea nati sunt. Inofficiosa autem donatio patris ut liberos omnes ostendit, eorumque causa constituta est: ita revocatur propter omnes liberos sive qui iam tum, cum donabatur, nati erant, sive qui postea nati fuerint.

Revocationes † autem ipsæ ex his causis, multo pluribus rebus inter se dissident. Ex *L. si unquam*, donator ipse revocat donationem: inofficiosa donationem patris tolli liberis. Ex *L. si unquam*, si donator revocet: nempe revocatur donatio eo vivo, non enim revocat quisquam, nisi vivus. Inofficiosa donationem revocant liberi mortuo tantum patre donatore ad exemplum querelæ inofficiosa testamenti, cui per omnia similis est querela inofficiosa donationis. *L. ult. sup. de inoff. don.* Ex *L. si unquam*, totum

aufertur, quod donatum est. Inofficiosa donatum eatenus, quatenus inofficiosa donatio collata sit, in filiumve donatoris, aut extraneum. Nam nec adversus extraneum revocatur latius, sed in hac re liberi & extranei donatarii comparantur in *L. 1. supra, cod.* Postremo ex *L. si unquam*, revocatur donatio ipso iure: idest, ita, ut statim post liberos susceptos donata redeat ad donatorem. Inofficiosa donatio non item donata adiicit liberis: sed duntaxat proposita querela ad exemplum querelæ inofficiosa *L. 2. L. cum donationibus. L. pen. & ult. sup. de inoffic. donat.* Huic autem renuntiare possunt: possunt & decedere ante, quam querelam moveant: quibus casibus non transmittitur querela ad heredes, eoque nec revocatio donationis, de quibus dicendum est alias pluribus. Quæ cum tam multa, tamque dissimilia insint in his revocationibus, & quidem ex iure certo: si qui sunt, qui eas comparent, ut quod de uia dicitur, transferant ad alteram, hi comparent iuxta se res dissimilimas, & manifesti iuris impetita labuntur.

26 Queret igitur aliquis, unde sit dissimilitudo istarum rerum, quæ unam causam communem habere videntur, nempe donatoris liberos. Differentiæ ratio hæc est, quod qui donat liberos non habens, hac mente est, ut sibi consulat, idest, ut sibi donatum reddatur, si postea liberos susceperit. Hanc cogitationem si lex confirmat, ut fit in patre donatore, consulit lex donatori, non liberis: nisi quatenus per patrem donatorem etiam ad ipsos eandem res redituræ sint. Ideo solum hic quod utile sit, & conveniat donatoris voluntati, considerandum fuit. Aliud autem in primis exigendum, ut tunc donaverit, cum liberos non haberet: quo scilicet intelligatur, si haberet, datum non fuisset: eoque & hi suscepti donatum nolle. Inofficiosa autem donatio quæ sciente patre fraudat liberos legitime portionem, sit & maius etiam secundum voluntatem patris, ac soli liberi hic iniuria afficiuntur. Quocirca non fuit hic revocatio donatori danda, qui sibi consultum voluit, sed fuit consulendum liberis fraudatis, & consulendum, quatenus fuit fraudati, nec dissimiliter, quam si testamento illa quarta relicta non esset.

Tertium argumentum vulgaris sententiæ, & quo maxime ductus videtur Accursius ad *L. si unquam* (nam hanc rationem solum reddit, ut eandem revocationem tribueret extraneo donatori, quæ illic tribuitur patrono) est illa ratio, quæ usus est Iustinianus in testatore, in *L. cum*

acutissimi, in fin. sup. de fideic. non videri scilicet testatorem alienas successiones propriis anteponeere. Ex ea enim colligitur id, quod responsum est a Papiniano in *L. cum avus, D. de cond. & dem.* & confirmatum ac productum longius in *d. L. cum acutissimi*, si testator filio suo herede instituto, rogaverit eum, ut post mortem suam reliqueret hereditatem extraneo: videri fideicommissum relictum sub conditione, si filius sine liberis decesserit, ac liberis postea natis deficere fideicommissum. Huic effici volunt, & si quis quid inter vivos donaverit extraneo, eadem ista ratione videri eum velle donatum manere hac conditione, si liberos non susceperit: proinde his natis postea donationem revocari. Sed vitiose admodum id colligitur. Primum, quia superior ratio & sententia pertinet ad successionem & hereditatem defuncti; ad legatæ ab eo relicta revocanda non pertinet. Tum autem, ut pertineret etiam ad legatæ, & supremas omnes voluntates; tamen ad donationes transferri non debet, nec potest. Ad successionem & hereditatem a defuncto ipso relictam fateor pertinere, siquæ hoc modo. Nam si testator liberos non habens instituat extraneum heredem postremo præterito, deinde liberis postea natis decedat: testamento, quod ad successionem attinet, evanescens liberi sunt heredes scripti herede excluso. *auth. in causa, supra, de lib. præs. vel exb. dem.* que est, si testator existans filium mortuum, quem habebat, extraneum heredem instituerit, deinde existat filius, qui vindicat hereditatem, *d. L. ult. D. de her. instis.*

At igitur hoc non item pertinet ad legatæ a testatore relicta. Nam si testator liberos non habens, legatæ aut fideicommissa reliquerit vel testamento, vel codicillis, quavis postea nati sint illi liberi: non eo tamen magis legatæ revocantur, sed debentur ab heredibus legitimis, etiam relicto propter liberos testamento, *d. auth. in causa, d. L. ult. de her. inst. L. ab intestato. D. de iur. cod.* Neque offendentur superiore illa sententia, non videri testatorem alienas successiones suis anteponeere. Non enim hic in successionem defuncti anteponuntur extranei & alieni liberi, sed liberi omnibus: cum & hic defuncti patris sint successores, exclusis scriptis, iisque alienis heredibus. Quod si ob liberos a testatore susceptos non revocantur legatæ ante ab eo relicta, nec quominus id dicamus, superiore ratione impeditur: multo minus ob eandem istam rationem re-

VOCA-

vocabitur donatio liberis a donatore postea inceptis: cum ut ante dixi, legata sola voluntate testatoris consent; donatio duorum consensu: & ut non nisi horum consensu perfici potest, sic nec nisi utriusque consensu resolvi. *L. sicut, sup. de obl. & act.* Sed amplius dicimus, etiam maxime ex superiore ratione & hereditatis & legata a testatore relicta revocarentur liberis postea natis testatori: tamen non recte transferitur hoc ius ad donationes inter vivos factas. Quamquam enim qui donat inter vivos, eodem animo est, quo testator: ut scilicet velit, si sibi nascentur liberi postea, donatum ad se redire; non est hoc tamen satis ad revocationem: exigitur amplius & in testatore, & in donatore, ut quod voluit, etiam potuisset iure: id est, ut in eo quod voluit, rata sit iure eius voluntas. Atqui hoc testatori concessum est; donatori nequaquam: uti quisque legaliter rei suae, ita ius esse iubetur legibus. *L. verbis, D. de verb. sig.* unde ut legata valent sola voluntate testatoris; ita & sola eius voluntate licet tacita revocantur. *L. 3. §. ult. L. 4. D. de adm. leg.* Non eadem potestas est donatoris in revocandis donationibus. Non perficitur quidem donatio ab initio, nisi voluntate eius. At semel perfecta non potest ab eo ex poenitentia revocari, ut ante ostendimus: *L. cum ancillam, L. si repetendi, sup. de cond. ob caus. L. 5. L. 6. sup. de revoc. don.* quippe quae ut modo dixi, perfecta sit duorum consensu: quo sit, ut non possit, nisi utriusque consensu ab ea recedi, *d. L. sicut, sup. de obl. & act. L. ab emptione, D. de p. t.* Una exceptio communis hac est; nisi quis donaverit ob causam, & causa secuta non sit. Sed hanc nominatim adici oportet, quam si quis apud se cogitat, & sequi vult, neque aperte in donando adici: placet nihil ei prodicere; & quanvis nihil eiusmodi secutum fuerit, quale sperabat: nihilominus manere integram donationem, ut iam diximus discrete scriptum esse in *L. si repetendi, sup. de cond. ob caus.* Nihil igitur superior illa ratio *L. cum acutissimi*, ad rem pertinet, si de legatis a testatore relictis propter liberos postea et natos revocandis agitur: multoque minus, si agitur de donationibus propter liberos a testatore susceptos revocandis. Ex vero nec de institutione ipsa testatoris, qua heredem sibi instituit, quaque revocetur liberis postea illi natis, species illic proponitur: ut nihil relinquatur ex eo loco, quod pertinet ad donationem ab eo, qui donavit, revocandam propter liberos ab ipso postea susceptos.

Plane sic potest revocational & legatorum & donationis locus esse, si in his ea concurrant, de quibus in fideicommissio restituenda hereditatis comprehensum est in dicta *L. cum acutissimi, de fideicom. & L. cum avus, D. de cond. & dem.*

In § legatis quidem hoc mole: si proponas testatorum quid legasse filio, & rogasse eum, ut post mortem illi restitueret Titio. Tum enim recte dixerimus in fideicommissio, quod hic datur Titio, inesse conditionem tacitam, si filius, qui rogatus est restituere, decesserit sine liberis: itaque nullis liberis relictis deberi fideicommissum: his relictis fideicommissum nec datum videri, sed transire ad filii liberos. Coniectura voluntatis non obscura ex eo, quod filium rogando ut tantum post mortem suam legatum restitueret, perspicuum sit, voluisse eum legatum non aliter a filio recedere, & transire ad extraneum, quam si filius esse desisteret. Atqui is in filiis perpetuo vivere intelligitur, & certum est eos filios, qui testatori sunt nepotes, non minus imo magis avo dilectos & ehros fuisse, *L. liberorum, D. de verb. sig.*

Quare qui voluit legatum perpetuo apud filium manere, is utique voluit manere & apud filios eius suos nepotes, ut sic videatur semper mansisse apud filium in eius liberis; & maxime, si res in contentione veniat cum extraneo, ut querendum sit, qui in legato avi praferendi sint, nepotese defuncti, an extraneus. In qua contentione semper vincit ratio, non videtur avum alienos successores suis liberis praetulisse, iuxta rationem *d. L. acutissimi*. Extraneo si leget testator, & roget eum post mortem suam restituere Titio: nihil causae dici potest, cui post mortem legatarii fideicommissum non debeatur, etiam si ille decesserit relictis liberis: quia non minus hi liberi testatori extranei sunt, quam Titius: ut nihil sit in his, cur propter eos velit testator legatum ademptum Titio, & ad istos potius transire. Sed et si filio legans pater, roget eum legatum restituere Titio statim, aut post certum tempus: quanvis liberis suscipiat postea, & habeat die fideicommissi cedente: respiciant & Iustiniani sententia est, eum agi omni modo restituere, qui de eo filio tantum loquuntur, qui iussu est post mortem suam restituere hereditatem. *d. L. cum avus, de cond. & dem. d. L. cum acutissimi, sup. de fideicom.* Idque ratione ipsa Iustiniani efficitur: non enim dicendus est pater in ea restitutione videri alienum suo successori anteposuisse, cum filium in eo

sive legato, sive hereditate perpetuo successorem esse noluit, translata ad alium hereditate, aut legato per fideicommissum. Quod si filio concurrent, ut & filio legatum sit datum, & idem rogatus restituere post mortem suam: tum recte defendemus idem probandum esse, quod ante diximus, id ipsum quod iuris esse dicitur in supra scriptis locis, cum filius heres institutus est, & rogatus post mortem suam restituere hereditatem. Quo tamen exemplo idem ius & in donatione inter vivos admittere possumus, ut si pater inter vivos filio emancipato quid donaverit ea lege, ut id post mortem suam restitueret Titio: tum nullo decedente sine liberis, sit Titio utilis actio ad petendum donatum, ut esse in hac specie placet in *L. quoties, sup. de don. qua sub mod. si decedat filius relicto liberis*, nihil debeatur Titio, sed donatum apud liberos filii donatarii maneat: eadem illa ratione videlicet, ut qui filium suum id donatum perpetuo habere, dum vixit, voluit, velit etiam eum habere in filiis suis, si quos post se relinquet, in quorum persona, & ipse vivere intelligitur, praesentem eum & hi filii sint donatorii liberi: charitas autem avi in nepotes suadeat ita existimare, avum magis consuevit voluisse nepotibus suis, quam extraneo: confirmaturque coniectura ex eo, quod prius eodem isto animo fuit in filium in hac ipsa donatione, neque vero plus dilexit filium, quam nepotes. Sed recte haec dicuntur in donatione futura, & pendente, quae filio mortuo donatum adimens collata est in extraneum, qualis est ea, quam modo proposuimus. Haec quia non dum perfecta est, sed pendet, donec filius vivit, voluntate donatoris impediri potest, ne impleatur, & ad hoc solius eius voluntas sufficit, neque consensum Titii exigimus. Quae enim duorum consensus gerantur, non perficiantur, nisi consensus utriusque concurrat. *L. in omnibus, D. de obl. & act.* At ubi donator ipse vivus donavit, & perfecti donationem, quae species est, de qua agimus: sciamus nihil potuisse donatori cogitationem & voluntatem de revocanda donatione, si liberos postea suscepit. Nisi hanc conditionem adiecerit, donatio perfecta est: perfecta non potest revocari invito adversario. *Id L. si repetendi, sup. de cond. ob caus.* Haecenus ergo constat nihil adferri ex iure civili, quod vulgaris superior sententia, vel tenuiter defendi possit. Sed tamen huius iuris, defensione erepta, moveri possunt praesentes solum sententia illa superiore Augustini, de qua etiam quarto loco non-

nihil dicendum est. Scribit ille, ut supra retulimus, liberis in specie proposita postea uatis donatarium non cogi reddere donata iure fori, id est, iure publico & legibus, at cogi reddere iure poli. Opinor, solum dici id, quod scriptura sacra vocat regnum coelorum, quo verbo intelligitur nonnunquam aut Ecclesia, in qua Deus regnat, aut doctrina celestis, per quam Deus regnat in Ecclesia, sic accipitur aliquoties *Matth. 13.* Itaque haec sententia erit Augustini: re donata ab eo, qui liberos non habebat, si is postea suscepit liberos, cogi donatarium iure divino & mandato Dei donata reddere. Omnes autem mandato Dei parere debent. Et quod Augustinus dicit, haec in proposito non necesse esse reddi iure publico, recte dicit: idque inde nobis liquet, quia probatur manifestis sententis iuris civilis, & in primis *L. si unquam*: quae beneficium singulare patrono tribuens ceteros donatores excludit. Quod autem dicit iure divino cogi donatarium reddere, recte fecisset, si addidisset probationem ex verbo Dei.

Sed tamen defendi potest. Augustinus enim etiam in hac re recte dicere, sed in persona Ecclesiae, de qua loquitur, ut constat ex toto illo *c. ult. 17. quaest. 4.* ubi refertur illius sententia: & magis ex *sermone 52. ad populum Hippensem*, unde illud fragmentum transumptum est. Longe alia est persona Ecclesiae, quae donatum accipit, alia privatorum. Licet privatis etiam ex verbo Dei sua tueri, & quod recte acceptum sit, ubi nulla sit conditio reddendi iure cognita, id retinere. Non idem licet Ecclesiae in rebus ab eo acceptis, qui liberos non habens donavit, ac postea liberos suscepit. Nam ecclesia est mater omnium nostrum; quae etiam de iure debet egentem alere, ut est officium parentum. Multo magis igitur si quid donatum acceperit Ecclesia ab eo, qui liberos non habebat, cui nati sunt postea liberi: id debet reddere, ut inde filii alantur; sed & eo magis, quod parentum bona quodammodo sunt filiorum. *L. ult. D. de bon. dam. quibus proinde ea reddi aequum & honestum videtur.* Loquitur igitur Augustinus de iure proprio Ecclesiae, quod ad privatos donatores non pertinet. Idque cum ex aliis periculis eius sententis, intelligi potest, quae sunt in eo sermone, quem dixi; tum maxime ex his duabus. Primum, si pater filio suo, tullis de causis exheredato, instituerit extraneum heredem: nemo, opinor, non fatebitur licere hunc privato, etiam ex verbo Dei.

Dei.

Dei retinere eam hereditatem, quæ meritis de causis indigno filio ablata est. At si idem exheredato filio fecerit heredem Ecclesiam, negat eo loco Augustinus Ecclesiam suscipere debere hereditatem, ut & refertur in *dist. c. ul. 17. q. 4.* Idem in eodem sermone scribit ad hanc sententiam: si qui compilarint navem, aut in causa fuerint, ut periret navis, & naufragium faceret: eos magister navis fluctibus eiecitis traderet magistratui, ut de submersione navis quaereretur, & torquerentur a iudice, qui essent de fluctibus liberati. *Sed non eos daremus, inquit: nulla enim pacto hoc facere deceret Ecclesiam.* Apparet igitur loqui Augustinum de eo,

quod decet, valetque ad bonam famam, decet tamen Ecclesiam, non etiam convenit personæ cuiusque privati. Quibus ita constitutis tam quæ ad confirmationem veræ sententiæ valent, quam quæ pertinent ad confutationem contrariæ; non dubitabimus statueri in summa id, quod supra disseruimus pluribus; nullo iure civili, aut Pontificio donationem inter vivos nulla addita causa donandi recte perfectam, revocari ideo, quod donator, eum liberos non habens donasset, liberos postea suscepit: præterquam in patrono donatore, cuius hoc proprium beneficium est, illis conditionibus, quas dixi, ex *L. si unquam, de revoc. don.*

F I N I S.

005646262

